

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二四九冊



責任編輯：孫言誠 賀 偉

ISBN 7-5333-0615-5



9 787533 306151 >

EB48101

四庫全書存目叢書·集部二四九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二四九冊目次

集部·別集類

深秀亭詩集二十一卷

〔清〕潘鍾麟撰
上海圖書館藏清康熙深秀亭刻本

..... 一

遂初堂詩集十六卷文集二十卷別集四卷（一）

〔清〕潘耒撰
吉林省圖書館藏清康熙刻增修本

..... 四八七

深秀亭詩集二十一卷

〔清〕潘鍾麟撰

上海圖書館藏清康熙深秀亭刻本

附《四庫全書總目·深秀亭近

草五卷》提要

評

過江名士雲間代不乏人
層峰高突天表近來之秀
耳聞熟乙亥夏層峰謁選
始寓定慈仁東隱房余適
朝散踏花市亟訪之浮慕
者聞見異以余不泛交也
及澄秋堂詩出王公卿貳
騷雅聲氣無不折節之袁
杜少李公凱龐雪崖孔東

主評一

塘輩尤晨夕密觴咏余門
如水層峰則落落過從今
春

皇上憫畿輔兩深水阻

特命舊河臣潼川宗公督

王評二

清河役層峰隨堂總理事
竣叙功將不次而層峰以
慈幃恙拍鞍急過別開尊
酒半斂手請置四卷近著
就余目閱至夕余無一言

層峰去燒燭細竟高會擊
鉢精鉉星日固所長晉陽
薊北漳河往返賢勞王事
其忠愛悱惻淚濕蒼生風
塵歲序靡不立言有體純

王評三

響唐調嗟乎文章千古事
得失寸心知層峰以余爲
海若的余亦以層峰湧江
水源層峰姑忍之必有真
好龍者其聽之千百年後

當不以余言為河漢層峰
傳矣余且畏其逼復何言
哉層峰勉之勿與時流爭
口吻沈著痛快掉臂自如
吾道南矣

王評四

康熙三十七年戊寅嘉平
月濟南王士禎評於青
桐黃石之邸舍



潘層峰先生詩集序

上海圖書館藏

士君子蘊其所有不得施於世
遑遑託於詩發之古所最著者
在唐有孟東野在宋有梅聖俞
觀之昌黎願為雲龍廬陵嘆其
不薦二子雖未獲榮遇於其躬
而藝苑流傳與日月爭光聲名

序一

又豈不偉欤予少嗜聲律壯游
四方凡所值騷人詞客罔不推
衿送抱拈韻闡題共相砥礪以
為歡向聞雲間有潘層峰先生
者敏才豐學著述等身且豪宕
慨慷延攬英俊名卿鉅公爭為
倒屣雅而致之幕府然以因緣

未合正恐交臂而失焉及乎一行作吏承乏衝疆黃華絡繹疲於戴星匪徒筆墨荒廢而冠蓋應酬束帶折肱追思昔日友朋山水之樂事更渺不可得乃不虞層峰先生之惠然肯來也握手拜起彼此道企慕之情冰雪

序二

聯吟瀛臺弔古急詢先生曰珠璣滿篋許俗吏一開茅塞否先生躍然曰實獲我心也因檢十年藏稿出以授予曰古人之詩集莫妙於編年蓋其經歷興會歡愁窮達山川人物悉於詩焉寓之讀其詩可以論其世論其

世可以知其人公真知我者我何敢自匿遂於退食之餘逐年展卷次第而讀之大哉洋洋乎巍巍乎如山之瞻泰華如水之觀滄海竊嘗論之古今之以詩名者體頗不能全備曹劉沈謝無近體王楊盧駱多駢偶他如

序三

岑孟之五言溫李之七律類皆各就資性所近以自成一家求其蒼萃衆美變化出奇者何可多觀先生之詩閎中肆外造之極深而出之極顯無體不備無妙不臻周鼎商彝象其古也時花美女象其麗也金戈鐵馬象

其雄垂紳搢笏象其雍容而莊也嗟以如此之才而需次一命經綸未展豈非東野聖俞之遭歟方今

聖天子睿藻奎章昭耀今古日旁求於詩賦才人以供奉禁廷必有以先生之名為

序四

上薦者鑪烟台對珥華鳳池先生當盡吐胸中之奇作為雅頌以宣揚聖化鼓吹休明將見昌黎起八代之衰廬陵傳制誥之集又豈僅以東野聖俞為比擬哉先生行矣即以此言書之簡端為先生券

省

康熙歲次壬午仲冬月同學弟
皖江任奕鑒疎齋氏題於
瀛海署中



潘層峰先生詩序

賈胡持寶母而照於海之神悚懼璚
琳琅珎明珠夜光燦然畢出悉其
所取以似我層峰先生識者達之
層峰生於雲間雲間固才藪自
平原二陸之後名人輩出然求其

序一

天才縱橫無俟慘澹經營而洋
洋溢之下筆數千言立就者未
有若層峰層峰徒步入長安一
時王公鉅卿無不折節交層峰
乞詩文者屢滿戶外層峰吐
立應未有不滿其願而去如昔劉

毅口答手裁目觀耳聽五官並用
無纖毫舛錯以視尋章摘句吟五
字而撚鬚數髭者為何如耶余乙亥
與層峰共客金臺風雨晦明之
下無夕不聚無聚不談無談不酒
無酒不詩無詩不累之數十首

序二

不止層峰空得句先成跋履叩門
狂呼余即披衣急讀比隣有目
我兩人為狂層峰則夷然不顧其
風流拓落如此余與層峰周旋久矣
知層峰獨深先是層峰澄秋書堂
稿已刻者若干首別後不踰年又

積成若干首今層峰不遠二千里
郵寄屏余論定余苟固辭不幾
背車笠之盟而處山川之曠
於薄書之暇亦嘗妄論夫詩三百
篇固為朝廷郊廟之樂而國風亦
出於衢謠巷議之詞要皆為詩之高

序三

魯也嗣是而漢魏六朝世殊風轉以
渾噩而流為澆漓以風雅而流為鄙
俚以素尚深遠而流為思致淺促其
弊不可殫述夫以詩論詩者所謂
名家者有所謂大家者名家之詩
構意擅其刻勵措詞擅其錙鍊

立局極其整齊拘於矩矱繩墨
之中如唐時高岑王孟自成一家
非不章之擅塲旗鼓相當垂法
不朽然而猶未大也若夫大家之
詩天機爛熳不克端倪縱筆所
如長江大河一瀉千里青蓮斗

序四

酒百篇不經思索索鬼神運風雨
驟至少陵縱橫變化瑕瑜工拙
層見疊出所以稱為詩史言事
其富也合而言之名家得其一大
家得其全耳層峰能以大家
之一貫而兼以名家之各出其

謂賈胡持寶母而照海無所不
有者哉今其詩具在其淳厚敦
龐若鋼之百鍊而初度於硯也其
瀟灑跌宕若秋水滄海而曲折百
赴也其姿致橫出若花散春林
而條條續絲也其蒼古峭拔若
序五

奇松怪柏而抱秀磊落也其
浩瀟磅礴若大鵬游龍而揮
斥霄漢也其欹歎盛哉才若層
峰與之頽頽者鮮矣余豈阿
所好乎他日層峰身遊花縣
得為民牧以作詩之才為治俗

之具其必恢之乎游又有餘三月
政成直易之耳又豈僅以經生家
目我層峰乎我就詩論詩層峰
先生名家乎大家乎其兼而有
之乎噫誰謂古今人不相若哉恨
古人不見層峰耳今人有不知
序六

層峰者則不必論也

康熙歲次丁丑毘陵年家眷

同學弟錢二白拜題於中州

之伊署



深秀亭詩集卷之一目

通波塘晚泊

婁江雨泊

雨中過玉峰

葑門城樓晚眺

薄暮登虎丘

山塘別諸子

瓜步待月

邵伯驛

高郵道中

清江浦

謝別馮府公分府

陸羽白餉櫻桃

萬年岡坐雨

少昊陵

費邑卽事美惠明府沛蒼

送徐果亭先生應 召入朝

放雀

荒村

泗水道中

東魯道中

深秀亭詩集卷之一目

劍川烈

謝別曲阜孔緘三世尹

自濟寧陸行入都雜咏

早抵巨梁

與寅谷雲岡

送林桐叔郡丞歸石嶽

新秋雨巾集方寓

盧墓泣

侍講徐果亭先生招飲邸宅

題博問亭東阜圖

喜遇樊潛菴大令

韓慕廬先生 特簡閣學

抵寓

七夕賈梅菴招集

徐桐軒招集

少司馬張曼園先生招飲

司業張寄亭先生招集

飲後步月慈仁寺

分咏岸堂紅蓼

題蕭靜君鳴秋集

秋來

送 紅蘭主人奉 使出關

花前

燈下

簾影

石子

酒債

聞歌

遊魚

秋蛩

分咏岸堂金錢花

賦得王孫今又歸

送程天石食憲督驛分陝

和少司空李木菴假山韻

儀部徐伴梅招飲

懷林桐叔

爲曉巖題黃石

偶買菊花送岸堂

送田淇園郡丞

陳健夫西峰草堂

曹伊人蕭靜君集寓齋

社集慈源寺

金魚池

九日登慈仁寺閣

深秀亭詩集卷之一目

二

次陸鄴書白櫻桃韻

送梁子直歸載寧

曹伊人寓齋沈飲

喜晤袁中江

慈仁寺比廬閣登高

安肅萊

訪崔五原不遇

喜魏山公病起

王孝西樞部貽樽

將移永光寺寓留別

留題慈仁寺東隱壁

初寓永光寺

沈麟文明經見訪

孔東塘博士席上

盧舜徒郡丞見訪

月下李蒼臣以鐫酒見貽

酬錢東臯進士韻

奉和 安郡王四靜詩

春午

夏曙

秋夜

冬暮

紅蘭主人塞外歸	題畫牡丹
並驢行同李萬資作	咏史
屈鳳山孝廉邀集	送姚竹友之楚
建安武功同飲酒肆	雪夜
懶起	惠銘西總戎集寓齋
遣家書	冬閨
飲東臯寓齋	長安雜咏
賦得愛妾換馬	得家信
送柯南陔	聽陸曉亭琴
燈屏歌爲李武功作	酬吳亮有原韻
同東塘中江	無題和東臯
深秀亭詩集卷之一目	三
分咏古鼎	蓬門十二憶
堤柳	溪潮
石磴	曲廊
叢桂	新梧
山徑	花坡
幽禽	書幌
藥欄	菜圃
李敬菴法曹招飲賦謝	歲暮感懷
酬張龍占孝廉	泉林
白龍泉	仲子廟
再過泉林寺	謁聖廟

贈顧明會	天寧寺
料絲燈	得楊紫翰近信
家太史雪石新移寓齋	後山寓齋瓶荷
半舫次韻	水部歐陽雪屏招飲
西峰草堂歌	飲雪石齋
送賀振功孝廉之葭州任	張毓成以寫生詩扇兄貽
侍講陸澹成先生招飲	賓至
薄醉	袁杜少先生屬題畫石
送項霜田歸錢塘	碧山堂與張惕存泥飲
送王巖峙樞部南歸	送顧後山正字南歸
官允袁杜少先生招集	家太史雪岫兄邀集
深秀亭詩集卷之一目	四
除夕	

深秀亭詩集卷之一

雲間潘鍾麟

康熙三十四年乙亥選二百二十一首

通波塘晚泊

出門不數里水宿乍黃昏醉態全無緒離愁似有痕乾坤身世感

君父歲時思欹枕聽蛙鼓風烟抹遠村

婁江雨泊

憶作瑯琊客重來十七年孤燈今夜雨舊夢綠楊天囊篋空雙劍江山寄一船劇憐鬚髮影意外冷侵烟

雨中過玉峰

游詩集卷之一

一年經幾度山翠掠行舟此口廉纖雨孤篷清淺流綠烟鶯燕夢盡開管絃愁已是魂銷盡離人不可留

詩門城樓晚眺

舉目窮吳會登臨悵闔閭晚炊熏落照客况快輕裾雲樹樓臺外烟花風雨餘五茸猶接壤未見雁行書

薄暮登虎丘

名巒如夙契不厭晚相投斜照青林紫晴烟空翠浮茶香消片石燈火上重樓裙屐歸舟盡誰知浪似鷗

山塘小飲別諸子

斗酒相爲別依依送遠情山雲晴晚照堤柳漾虛明身世飄蓬久江鄉去路輕無勞戀絲竹慷慨作邊聲

瓜步待月

鐵甕戢刁斗金山冷肅情窓虛孤影薄江白晚潮生楊柳低何密魚龍睡不驚客懷尊酒在欲向夜珠明

邵伯驛

水驛鳴殘夢風帆快遠天居人堤萬戶估客浪千船入市魚蝦早眠沙鷗鷺穿近知平糶賤淮海有豐田

高郵道中

雨歇輕帆穩孤城水氣侵漁舟喧過客酒市出斜林麥秀重陰路天低寄遠心江鄉千里外未覺倦行吟

清江浦遇周子正邀飲

笑我長爲客逢君却飲醇淮流一夜雨鄉夢百年身入洛嗟溪秀亭詩集卷之一

何晚依劉計亦貧萍踪輕聚散去住總波臣

謝別馮膺公防河分府

握手歡逾舊論心誼若何馮唐年未老賈讓策應多名久楓宸注功思瓠子歌布帆無恙路念爾正恬波

陸羽白見餉櫻桃

客路遲初夏櫻桃過眼新味經梅雨熟色訝火珠勻勅賜徵唐苑鶯啼憶絳唇莫言消渴易陸賈正風塵

萬年閣坐雨

急水長隄下孤篷細雨中鎖流嚴峻阪掩室憫荒松古廟牛竿入穹碑苔蘚蒙十年經兩度客典未嘗雄

少昊陵

一井荒丘白遙思上古風穹碑餘鳥跡斷鈕出龍宮凡草經
春綠單柯拱日紅晨趨肅下馬散牧怪羣童

費邑卽事美惠明府沛蒼

雨後青青草木長空山遠近散牛羊牧童高指蒼苔石曾是
神君省麥場

送宮允徐果亭先生應召入朝

雁行叫斷正悲秋金馬重宣感舊遊恩到山丘勤側席名垂
天壤重清流徐陵彩筆珊瑚架庾亮風徽明月樓顧問等身
新註疏端知內相耿先憂

放雀

脫手乘空去毋須返近林衝烟天與翻解網我何心幾墮兒
深秀亭詩集卷之一

羣策猶憐屋角音唧環非所望躍喜或花陰

荒村

飢鳥殘點噪荒村八蜡祠前石閉門落照天低陰橡栗驚沙
風怒捲雞豚空山口外雲迷路斷碣苔枯雨長痕老婦汲歸
遲廢井晚炊瓦釜未能溫

泗水道中坐雨

雨勢吞山天乍低孤城咫尺白雲迷茅簷羈客昏如夢野樹
殘鴉冷不啼與僕僕漫容酣午睡風烟未遠亞遼西故人尚隔
絃歌地想到清衙亦繞谿

東魯道中四絕

清曉穿林撲杏黃微風過盡裏花香行人莫恨茅簷遠自有

濃陰夾道長

土崗石鼎受黃塵山木祠撐貓虎神落日牛羊高下集牧童
吹號喚歸屯

禮樂名邦俗未輕漢家還重魯諸生聖賢陶淑流風遠何事
絃歌獨武城

曉巖高下種山田小麥初黃夏至天健婦腰鎌隨手割磨旁
留客待炊烟

謝別曲阜孔絨三世尹

走馬風塵過聖門多君握手急開尊琴堂絲竹驚千囀簾閣
花香月一痕氣沐詩書溫似玉醉慚鬢髮劣於髡桑麻深覺
涖流潤不獨交情古道敦

深秀亭詩集卷之一

劍川烈

吁嗟寡婦茹藥荷活稱未亡不如頸血塗魚腸少年結髮不
得白孤鴻叫影慘殺嗣君不見陳家淑女二十餘早歸于生
好讀書于生暴病委逆旅扶輿吞聲便死許阿母苦口嬌兒
啼勉見就傳依兄棲青鋒一掣紅顏畢情義精魂動天日劍
川有客述其詳四座眉低明月光酒酣忽憶長樂老鬚髮何
如巾幗好

早抵巨梁

宿霧濃纖雨雲山屬夢中危津鳴遠瀑短棹信微風入市雞
豚亂環祠草木叢聞香訝隣舫瞥見曉粧紅
自濟寧陸行入都途中雜咏十六首

晨興整稅駕橫揖謝心知風塵未慣歷努力揚鞭絲故人憐
我遠珍重酒一卮牽衣語不休相顧立路岐昔我辭故鄉任
城在天涯今我辭任城故鄉在南池

秣馬慰康莊日昃過汶上兼程三十里沙河倏在望僕夫告
孔痒茅店指土炕驟雨壓山來亂石衝濁浪側身夢展轉膠
膠遠雞唱泥途怯早行丈夫懷旅况蕭蕭琴劍囊士氣不得
壯

確山好兄弟閉戶相師友觀其著作雄才氣餘八斗送我一
往情南池開尊酒酒酣日未斜惆悵折堤柳同座五六人皆
諸南北走上馬挽強弓下馬書在手自顧何所長風塵呈老
醜

深秀亭詩集卷之一

五

人生憐臭味况乃骨肉親沛上兄與弟眷愛情彌真念我囊
橐貧慰我良苦辛贈我平肩輿酒食時具陳重來在何時但
指鴻雁賓

日午倦行役老馬嘶道周黃沙撲面起滾滾高城樓城荒古
戍遠云是高唐州三人蹀躞來見客彈筇篴得錢卽呼酒懷
慨發長誦編駒彼何人遺俗傳千秋

入齊慕田文食客不厭雜焚券市義歸雞狗皆契合脫身虎
狼秦俄頃相報答吁嗟戰國雄意氣紛結納何爲貪鄙夫閉
門塵滿榻

黃河審故道在山治始平假非神禹德民社何由生烟村勿
言淺桑麻毋怠耕一方寄司牧萬口藉長城誰云彈丸地不

在絃歌聲

漫河無蓄水乾風捲黃沙土人半居阜赤岸種黃麻遊冶從
何來雙手滾箏琶趙聲慷慨以慨豈足徵田家村女豔誰枚頭
插蜀葵花

遠繞交河西直穿獻縣北驚風忽揚塵雙眼高不得攬轡思
古人澄清弘願力刺刺賤餅師遮道請就食詎知日尚高逸
駛安肯息

陸行已八日旅食嗟無魚任丘忽近水十錢徑尺餘從人乍
喜躍醉眠咸遽遽此輩果口腹未嘗思菰蘆夢醒笑主人挑
燈猶把書

道逢南歸者馬首出雄縣驚呼來何遲那得驅貧賤長裾京
深秀亭詩集卷之一

六

華客飛筆走雷電車載兼斗量顏狀無一善以茲眷柴桑風
翻久勞倦我聞默無裁但拭黃塵面卿旋我且行士固各有
見

晨炊望景州刈麥遍晴野腰鎌捷健婦簇簇喜盈把麥熟豈
肥家急公免官打塙頭驅雞豚伐鼓賽里社大兒滌犂尊小
兒饋魚鮮擊壤席康衢解衣柳陰下笑指道路人紛紛戀車
馬

旅舍察鄉音喜逢樵李客客從京華來傳聞皆異昔挑燈或
不言相勸滿浮白急歸無成名淹留苦落魄馬槽忽驚嘶窓
月射枕席一緘平安書載拜託便翻書中何所言未忍悔行

役恐貽嬌親憂勉設快心策

山左苦太旱畿輔喜新雨一入趙北口軋軋見柔艸堤柳蘸
濃烟碧荷浸南浦漁婦望客塵笑打鷺魚鼓拜官忽紛來氣
桀爭龍虎退避亦何難所媿不足數寄言馬上人雄豈在儒
伍簡書之謂何當知小民苦

沈郎日乘輿坐久瘦腰硬乃復策蹇驢折柳揮短柄康莊小
驅馳龍馬終非性遊神或推敵得毋傾跌病一笑幾絕纓詩
人儼王孟顧影照鬚眉易水明于鏡

雨後琉璃河泥途沒馬肝前車呼助予駭聞濕流汗周行豈
不康失足憐命賤須臾日華高西山翠擁面蔡心戀 闕廷
咫尺五雲見

送林同叔郡丞歸石嶽

深秀亭詩集卷之一

七

我不知石嶽其高有何許更不知石嶽其深在何所山川孕
太奇天地乃見汝少負絕倫姿英敏而霞舉萬卷既習羅一
劍震軍旅勲名竹帛書交薦上官予攝篆既有效桑麻浥朝
滑蒼梧叅五馬澤滿鰥魚淑以君文武才肩骨正任鉅神龍
忽藏尾軒冕等腐鼠險吟偏硬語好作生棘語擊筑燕市中
翳豈高陽侶嚴親計痛聞嘔血山心杵麻衣歸故園遂欲暫
墓處忠臣必孝子動止固合矩淚眼看君去杯茗不及煮遙
望石嶽雲蓬蓬起白紵羅浮香雪中魂夢香相與

飲後與寅谷雲崗復索醉司業張寄亭先生令弟凌秋
亦在座

醉後猶餘力能尋國子翁九齡風度美二客酒兵雄不怕金

吾禁深耽玉宇空獨憐虬鬚老貧賤尚江東

廬墓泣爲孝子陳肅庵作

有臣不忠同于逆有子不孝不如賊可憐我父棄兒年欲生
不生死不得穎川學博鼻同酸獨能廬墓延殘息力貧負土
虎爲遷松楸夜暗天無色諸生廢盡我篇孺慕終身恩罔
極使我孤髯血淚枯黃昏燈下愁如織

新秋雨中集方寓安鶴洲新寓分五微

幾尺書床簾影圓嫩涼生處怯單衣花經手植香初著竹透
墻陰綠乍肥百里那堪淹驥足同心轉覺冷漁磯酒闌擊鉢
何妨速不悔衝泥秉燭歸

題博問亭輔國將軍東臯漁父圖次原韻

深秀亭詩集卷之一

八

何似寰瀛一葉舟烟波人已澹封留堤邊紅樹秋霜老鏡裏
青天瀉影浮甕酒坐消淩月窟蒲帆隨意過書樓蛟龍夢去
常聞釣高唱滄浪狎海鷗

侍講徐果亭先生招飲邸宅

憶從八月送仙舟一度京華又早秋眼底流光何似水尊前
賓客舊登樓繁華密雨搖銀燭靜院重簾壓玉鈞誰道詞臣
能燕樂農傷深切故鄉愁

韓慕廬先生 特簡閣學適際嵩辰二首

熙朝台鼎重儒臣 詔起恩榮氣象新燕許久推通 帝座
夔龍今復近 楓宸南金天下名無二豐玉人間貴是貧晉
秩可如知遇切感深夙夜在精純

平傳 天語大溫褒如水臣心益自韜黃閣樞宸宣秘笈青
霄霞采映熏袍十年絲竹消難老百鍛鋒鋼價轉高拜 命
恰逢嵩祝日鵲橋佳節亦風騷

喜遇樊潛庵大令

廿年踪跡愁難近數卷詩文把忽奇塵海京華爭馬首香臺
風影澹花枝清尊轉憶秋江月互眼驚添青鬢絲欲去還留
身總客雙鳬何日是飛期

七夕山右賈梅菴招同曲阜孔東塘金壇于臣虎肝貽

李蒼臣興化李松嵐通州王顯士宛平陳健夫吳鏡庵

賈鼎文雅集卽送羅以獻歸漢陽

瓜菜方陳客裏歡離情何事忽征鞍人歸漢水天疑闕筑壘

深秀亭詩集卷之一

九

燕臺酒易乾斜月風林侵燭影繁香雲氣護雕欄驪壇已是
魂銷甚不向中宵牛女看

抵寓陸羽白已在座復與明會伊人森若暢飲竹肉並

作卽送羽白之偃師

客中送客奈愁何况是深情帶淺酡伶仃秋風寒石榻天街
秋影澹銀河吹簫人與鶯喉滑亂竹聲敲桐井多別後士龍
當有賦鄢溪舊夢我曾過

少司馬張曼園先生招飲賦謝

宣猷碩輔幸承平花底壺觴愛客傾座挹簾紋秋水碧床連
書卷古香生風塵未厭江鄉話廊廟偏深丘壑情別去馬蹄
空自惜瓊瑤一路月華明

徐桐軒招同王濟公崔五原彭東旭張孟南曹伊人飲
碧山堂次桐軒韻

驚才電掃利干將醉裏偏豪潑墨香花豈欲愁秋雨細天應
故縱酒星狂當場顧曲人何媚逼曙傳更鼓亦忙每荷慰
消客况卽厨精腴費吳嫵

飲後步月慈仁寺

香壇晴沐夜光寒一片瓊瑤踏未殘靜後天街空似水望中
銀漢闊無瀾閒身欲舉凌風翮疎影何曾礙竹冠紙帳香消
眠不得環廊倚遍碧闌干

司業張寄亭先生招同閩學子大小司馬曼園兩先生

庶常陳濂村進士陳北溟劉和少樊茂先家編修雲岫

深秀亭詩集卷之一

十

兄觀演新劇

銀漢高輝碧玉粧湘簾齊捲藕花香人從朝散來東壁聲滑
鶯啼過女牆舉世那尋真面目當杯敢昧舊肝腸風雲忽變
愁歸路自笑無光一劍囊

題蕭靜君鳴秋集

忠魂未白廿年餘碧血難消痛父書巢覆鳳雛卑枳棘人傳
墨海富瓊瑤烽烟歸路愁何在涕淚關天恨不舒蕭瑟鳴秋
詩一卷挑燈看徹夜窓虛

分咏岸堂紅蓼

拂拂堦前幾穗紅嫩涼生處一絲風居人翻似眠鷗靜日在
烟波秋思中

送 紅蘭主人奉 使出關四首

聖世深柔遠宗支奉 簡書龍駒騰紫塞瓊幄繞穹廡弓月
秋霜白金風響鎬虛承平方頌德毋用駕檀車

麗日旌旗盡鳴鞭虎豹雄玉門銜 命出鐵嶺見秋空劍氣
霜稜夜書香囊夾風從來周召業即在馬蹄中

愧負柳枚席溫傳壘鉢期 九重忽有詔六轡且觀師沙草
黃塵漲金貂白雪馳邊疆原版籍問俗順清時

無計攀行殿離情一往深敢當留別語如此下交心客况寒
裘敝京華積雨陰祇祈歸信早忻賞感知音

秋來

秋來常聽雨旋覺客意寒院影葡萄綠風聲楊柳殘魂消絲
深秀亭詩集卷之一 士

花前

花前翻易惱醉蝶互雙飛夕照熏香國秋風動客衣柔情終
欲死紅淚不堪揮把盞頽唐坐無人解此幾

燈下

燈下思千里騰騰坐醉餘有香還熱火無語只攤書月射禪
房外鐘殘客夢虛不知絲髮影何事獨添渠

簾影

簾影碧陰陰空齋坐夜深溪紋如欲動月色覺微沈靜捲欄
前葉虛籠壁上琴獨無窺問者憐絕客秋心

石子

一掬澄文緒紛然雲態奇難參造化巧豈是補天遺明在模
梭骨飢空早晚炊米顛應未見雙袖益堪攜

酒債

酒債同詩興無端輒易多空囊須醉解孤館奈愁何客到樽
惟綠香開饌蛋醅隔牆賒取慣不厭撥烟蘿

聞歌

一派香風簇花陰隔女牆聲如新月滿情覺小蠻長酒醒思
方渴身輕客欲狂鶯啼楊柳嫩回首憶江鄉

遊魚

出沒曾何意絲絲荇藻明斜陽微動影新雨潏潏泓未得龍
門躍聊深濠上情落紅隨尾轉緩棹不須驚

深秀亭詩集卷之一

士

秋蛩

兩歇聲無數淒淒蔓草根讀書方靜夜孤館最銷魂燈火昏
微綠香烟斷不溫醉鄉愁逼枕難著夢江村

分咏岸堂金錢花

絕怪王夷甫何須口不言秋光方有價九府豈無源暮夜空
盈砌紅霞映小軒莫嫌貧客况花事儘能繁

賦得王孫今又歸次狄向濤庶常韻

玉露寒清夜雕闌濕草陰已添無數響若伴有情吟歲月愁
遲吹沙場笑古今客意秋易老獨坐抱囊琴

送程天石僉憲督驛分陝

雄區百二古秦雍此去旌旄千騎從壯氣已揚高落雁皇華

能整卽如龍邊風鼓角秋聲靜驛路雲霞最影重若向咸陽
橋上望 帝城回首正恩濃

和少司空李木庵先生寓齊假山成四首卽次原韻

奇將一畝凍雲收纔嶺微同爲鶴謬簾閣始開青嶂闌冠裳
早帶赤松遊龍原門峻非凡境水似臣心戀御溝退食恍疑
衡岳坐琴尊雅許伴詩流

藤蘿冉冉濕烟深襟帶空香翠影侵窗理筆雄蒼斧削溪聲
兩繞臥龍吟亭懸樹杪千章曲簾捲蝦鬚一片陰不是五丁
成小築幾拚囊底俸餘金

誰道黃塵十丈地雲霞忽起一重臺金輝雙闕 朝階近日
擁西山翠黛開節喜成林須看竹功儲調鼎待栽梅當前自
深秀亭詩集卷之一

足名盤谷選勝人多休沐來

閒情鄉夢憶南江八尺蒲颿信淺纓何似此閒聽夜雨冷然
相對醉春缸雲稜瘦轉鈎仙窟樹影穿空縐綺窓獨在垂紳
勤吐握龍收上客得無雙

儀部徐伴梅招飲限韻

一見何嫌風月談開尊清味憶江南官因未熟交真澹書到
能傳讀始貪尺幅乍施如被玉花陰不散愛停驂珊瑚架側
時客坐遠望西山似蔚藍

懷林桐叔

一帶秋林黃葉齊羅浮山下白雲低居人只在雲深處想到
書窓路轉迷

爲張曉巖題黃石

勿謂一拳小砵礪峰巒起天表勿謂一拳突赤松遊去餘山
骨此塊飄然幻作人封留原不等風塵穀城何忽到邗上米
顛若拜當呼丈物各有主鬼神監奇跡回應歸曉巖

偶買菊花送岸堂爲繞魚缸栽之同人社集卽用爲題

秋光可惜消不得秋菊初開有佳色禪房獨客愛繁華雙眼
忽耀衆香國或傾黃蘗瓜子金或成一片紫羅織或端凝笑
口未舒或戴我巾矜寶飾高人詩意想榮桑素心最契岸堂
北乃攜數本作饋問共試餐英生羽翼主人解事却善處不
向籬下同凡植錦鱗盆水悠然見位置疎密準畫則高陽詞
伯閒便集醉中往往寫奇特綠蘿紅蓼相映發時費吟壇一
深秀亭詩集卷之一

寸墨呼嗟物何足重興殊清我輩何襟無抑塞隱逸之好都
如此傲態衣冠氣尚直提壺擊筑莽未休十丈黃塵聊假息
送田淇園郡丞補任之章昌

躍馬西陲輟朔風祁連雲繞古湟中

君恩遠處天逾闊宦味清時酒獨雄五載澤深江國頌一腔
別思菊花叢田文好客交原滿分手難消秉燭紅

陳健夫西峰草堂看黃葉同孔東塘朱贊皇施孝虔願

爾立李萬資永祺吳青霞徐芝仙侯茂來得霜字

萬樹凌秋乍飽霜草堂人對菊時黃文章自老春華外車馬
偏來愚谷旁烘日啼鴉明晚景亂雲荒園帶殘香樓臺更接
西山遠望裏高參鳳闕光

曹伊人蕭靜君集寓齋

旅食人依菊開尊酒似蘭不妨書卷氣深剪燭花殘靜夜低
霜雁空林響石欄苔徒非落魄天地醉中寬

程四如光祿移樽寓齋

秋菊金初綻春風客忽來一尊能顧我雙屐好登臺雲物重
陽候松扉傍晚晚開高情澄若水化境想蓬萊

社集慈源寺

策馬投林奔莊嚴浴佛輝笙歌開夢境松翠落僧衣但覺黃
塵遠何關喻法微山門誰解帶歸興晚雲飛

金魚池

忽照鬚眉影涼風生碧池躍魚金五尺疎柳翠千絲佛力涵
深秀亭詩集卷之一

慈度恩波閱歲時不須江海闊變化老龍姿

九日同人登慈仁寺閣博問亭將軍從東臯馳詩索和

次原韻

蓮座登詩伯天應恕酒星黃花留衣白紅樹老山青眼闊方
奇畫書來忽幾篇遙知舒嘯處同上最高亭

次陸鄰書白櫻桃韻

不是朱唇一點膏牟尼捧出露華妝纖纖憐絕人如玉采采
攜同月滿筐流液豈團崖广乳彈丸應啄雪衣娘寢團扇後
全無色惟許詞臣賜湯漿

送梁子直歸載寧

躍馬歸龍首因君溯渭河秦西關塞險我輩別離多被酒驚

新雁初衣且染蘿燕臺擊筑處望眼幾時過

曹伊人寓齋與欽臣稼樸書能泥飲

絕愧虬髯氣難當繡虎才閒身雄酒國久客老燕臺菊影同
僧淡簾風爲月開不知香燼熱却許待誰來

喜晤袁中江

憶別秦淮畔烏衣氣尚雄謂樸庵寧知十載後徒感萬言工燕
市高秋筑旗亭叫斷鴻相逢皆可數莫使酒杯空

慈仁寺毘盧閣登高

客興託望遠空懷暢晴秋傲居久香刹身與閒雲浮巍巍雙
鳳闕渺渺碧天頭西峰清可數蒼翠橫前樓樓下踏車馬黃
塵何其稠

深秀亭詩集卷之一

共

安肅菜

秋雨一夜碧菜莖肥二尺我從京華來此味爲熟客豈敢厭
梁肉士氣固有脉其闊逾象齒其潤鮮玉白鵝黃鴨綠間軟
口自流液不知青門侯瓜圃何不獲獨憐小民色培養無上
策

訪崔五原不遇留題菊前

古寺斜陽白霜花一徑圓到來香乍冷坐久客忘歸茶甌眠
童熟風簾動影微主人何浪出空惜掩雙扉

喜魏山公病起

一病憐三月閒愁幸去家禪房消白髮客眼對黃花藥石深
良友樽香泛碧霞知君絲竹興漸喜逼窓紗

王孝西樞部貽樽適客至共飲花下

且撥王弘酒同消逆旅愁何嫌貧作主難得好清秋傲菊高
空影蒼松輟梵樓不知燕市呼價可重吳鉤

將移永光寺寓留別慈仁同寓大名魏山公始興戴鷺

序嘉善曹伊人單父盧晉侯宣化劉尉公虹縣王濟公

鄆城李方山長安馮伯霖大埔楊沛若安邑張孟南尉

氏賈完真西華于魯侯南昌陳元昭休寧吳英南雲陽

張蜚英

京華閒冷獨神房薪積何堪歲月長萍轉秋風終是客人如

霜菊若爲香吾徒詩酒留鬚髮天下英雄惜劍鋌別後無妨

仍咫尺馬蹄豈憚遠康莊

深秀亭詩集卷之一

七

留題慈仁寺東隱壁

來去曾何意飛鴻偶一過閒僧緣偶合客子興偏多載菊還

萍轉看山任酒醺籠紗豈敢望鎮帶亦難那

初寓永光寺東北平恩銘西陵川曹殿恭武進錢東臯

周文在天中屈鳳山烏程屠階陞吳臨一廬州湯省齋

武林詹文開允諸唐魯瞻陸靜含長洲陸既藩徐載裳

吳江費瞻威璧宮弟

佛國偏宜作客年天容我等結萍緣無詩不肯閒過日有酒

何妨醉拂絃宦味未嘗猶似夢名心已淡若通禪芝蘭骨肉

皆情性貧坐京華且互憐

沈麟文明經見訪

記得相逢夜青燈句曲中兩絲鄉語密劍氣客囊雄別路年
何久詩懷老益工只憐飄泊况薪積得無同

孔東塘博士席上飲杏酪遙和少司農王阮亭先生榆

肉詩

誰謂藜藿食書生必儉腹春華自有漿枯樹更餘肉乘酒入

詩脾妙咀在奇特北海滿客座烏衣真名宿花實與贅瘤辦

此皆分祿我曹供一吸物力似過福賞菊幸霜清適口張電

目

盧舜徒郡丞見訪四過始值小飲卽事二首

不謂禪林客能邀司馬庭金臺偏失路絲髮愧虛聲好我何

飢渴逢人問姓名感深肝膽露一片月華明

深秀亭詩集卷之一

大

意欲牽衣住其如東一官霜鐘催落月風葉打征鞍去路衝

寒况關情重古歡何時同拂硯十日振吟壇

月下李蒼臣以鐫酒見貽

霜樹空庭老紋窓亂影虛客情搖落後詩境未眠餘琥珀誰

擔甕衡山有短書百篇何敢及醉罷更思魚

酬錢東阜進士次見贈韻二首

風流曾睹紫羅囊誤煞如椽翰墨場蕭寺逢君成敵手深宮

誰薦賦長楊月籠霜下花千影香透簾前酒一觴底事肝腸

何不露青蓮仙契四明狂

曲折禪房愛小蹊牙籤錦軸與楹齊閒敲白日丁丁子厭聽

黃塵得得蹄筆海墨花奇有色雲峰雁字獨高題披襟讀罷

逾懷壁敢道鴻溝屬漢西

奉和 安郡王四靜詩次原韻

春午

曲曲雕闌鸚鵡前
蝦鬚半捲散花烟
鳴琴人坐攤書閣
晒蝶風和乳燕天
魂倦海棠春不主
腰眠楊柳夢能牽
日長遲影磚初直
但聽樵青松火燃

夏曙

夢轉池塘荷氣清
綠紗窗外報黃鸝
山光乍泮雲霞骨
鎖鑰方開江海城
人語早涼水簾細
衣香猶染月痕輕
薰風最愛蕉陰大
露展抽心又接楹

秋夜

深秀亭詩集卷之一

元

銀河光瀉月波痕
玉砌聲沉霜草魂
被酒客歸餘瘦影
讀書門掩正黃昏
小山花發梧桐老
淺水蘆乾鴻雁屯
僻寺晚鐘風乍近
天涯幾處憶王孫

冬暮

寒林城噪噪歸鴉
雪意難開凍蠟花
翠幙柔香閣綺席
貂裘織手撥琵琶
樓臺倒影斜陽白
鼓角防風晚吹賒
獵火遠騰圖畫外
朔風捲盡半天霞

紅蘭主人塞外歸

龍種騰雲逐電飛
遶庭銜命振天威
歸來十月黃花老
歷盡千山白雪圍
劍匣駭添搜險句
貂裘輕撲遠征衣
淮南門下多高隱
載酒於今更莫違

題畫牡丹

雲影衣光膩酒波
風情其奈殿春何
彩毫爛吮沉香色
記得楊家姊妹多

並驢行同李萬資賦

長安黃塵吹不絕
長安車馬遮道熱
有客尋詩策蹇行
稍涉奔馳似不屑
步趨尺寸緊相隨
古巷墻陰經百折
李侯爲我言雙轡
何如結揮之不忍
前却之復難製
彼物何心苦戀羣
天街滑石驚蹄鐵
潘郎控縱任識途
聲鞭笑答頗有說
驪駒神駿逐風影
得路從來爭汗血
驚駘下賤慚伏櫪
骨柴尾帚嘶難嚙
健材鈍格本懸殊
同類莫肯轉一瞥
我曹氣味久芝蘭
洞見肝腸逾白雪
旗亭未偶輒攜手
物亦惓惓親並列
車

深秀亭詩集卷之一

辛

咏史二首

萬里長城築始皇
一時倖計抑陳湯
從來邊境防烽燧
止握中樞坐廟堂
宛馬路肥秋苜蓿
羊火繞夜機槍功
成衛霍非容易
無定魂傷古戰場
紅顏難築避風門
青塚孤留出塞恩
異類豈敦秦晉約
溫柔銷盡粉香痕
樓前珠陸花心血
帳下春還茜草魂
地老天荒情不死
美人終古夢王孫

屈鳳山孝廉邀同詹文開允諧錢東臯陸靜含雅集寓

齋

賢主風流舊楚驢交情客况醉醺醺寒霜白盡禪林月活火
濃煎綠雨濤勝憶湖山遊棹路憐深香粉美人膏不知門外
爭蹄黑與會橫生任我曹

送姚竹友之楚

雪花慘慘燕市白馬毛凍鼠森如戟虬髯曉起思酒徒不怕
酸風吹落魄詎知我友忽收裝又向沅湘作遠客沅湘之水
洞庭波五溪仙窟烟霞宅綠蘿峰頂翠陰濃龍門洞口包茅
碧楚南山水有如此蠟屐征帆杳不惜邀君且過空齋酌松
針菊影非蕭索我曹膠漆略形骸道義肝腸流血脉臨歧惆
悵益怡神鎖鑰因動銛千尺衣裳代嫁亦老醜苟可依劉卽
深秀亭詩集卷之一 主

建安武功同飲酒肆

曉風颯颯雪花打行人蜩縮仰屋瓦酒懷忽洞不可遏急過
旗亭騎滑馬銀瓶索指那論錢眼中詎有旁觀者移時耳熱
語漸雄籌邊輒看芙蓉把市兒竊聽竟莫解但凜威光立廊
下傾吞橫揖紛然散意氣昂藏大山野

雪夜

客散風簾外黃昏白轉多落梅如夢積醒酒奈愁何官闕遙
銀岳江山遍玉珂爲憐裴散者擁卷獨高歌

懶起

夢斷鄉思香晨鐘到枕清孤眠殊有味懶起却無營啼鳥松
枝換餘香書幌生自憐腰骨硬不作拊髀聲

惠銘西總戎詹文開允諧文學錢東臯進士屈鳳山孝
廉陸靜含明經集寓齋

客况何堪對雪花江湖人半老京華香凝書幌風全細路近
旗亭酒易賒才力止憑觴政肅禪機不礙口頭差疎鐘鳴雁
飄然遠話到同心燭影斜

遣家書

家書輒數紙欲語却多忘止苦貧爲骨何愁遠去鄉慈帷遊
子夢病婦歲寒裝想到開緘夜燈花剔漏長

深秀亭詩集卷之一

主

冬間四首同東臯作

試問冰花可女紅釣簾幾度怯酸風鸚鵡嬌語偏多事又道
狸奴過檻東

生憎侍女立寒酸新釀平分說夜闌忽見燭花紅似豆京華
便欲慶彈冠

底事無端惱侍兒寒衣刀尺夜聲遲近來腰帶憐何許爾我
關心總未知

粧鏡光昭翡翠屏晴山空對畫眉青分明記得前宵夢身傍
天邊遠客星

飲東臯寓齋

不見俄三日新詩又數章金樽呼客夜銀燭照禪房軟語依

香人輕裘護體長莫嫌霜月冷相對髮俱蒼

長安雜咏十七首

天街車馬密如毛以我徒行敢憚勞名在旗亭甘位置香當
花陣亦風騷頭顱可惜將成雪筵脚何時信駕濤過盡朱門
還冷寺青鋒欲賣呂虔刀

燭花何事夜長紅兩月情懸盼遠鴻慈母絮詳遊子夢穉兒
門索阿家翁書堂梧竹山交翠丙舍松楸淚暗叢繁到寸心
皆不了酒闌厭聽鈴聲

客中送客抱酸辛况涉修途病後身鬚髮白同霜雪冷公卿
不解布衣親千金欲贈詩書契兩字終甘廉恥貧作惡情懷
經數日人間何得絕風塵

深秀亭詩集卷之一

五

欲憑詹尹問升沉又向東皇託遠心二老調憐千古合連床
情是一江深談棋密坐消紅燭關茗清香撫斷琴幽趣未堪
朝貴覺夜深僧侶漫相尋

紙窓燈火坐空亭誰按笙簧隔翠屏鶯語滑流新柳岸香魂
搖動護花鈴東山終未忘遊屐北海何緣作客星一夜無眠
情不眠惱人襟袖更餘馨

寺樓鐘斷月痕低伏櫪悲聞老馬嘶孤客感深空冀北將軍
名在舊征西疆場未吐乾坤氣肯荷還思邊塞堤爲戀主人
千里畜鐵蹄敢憚立汙泥

天邊金穴幾曾開流落翻多乞食來臣朔常飢無割肉陶潛
有興止銜杯荆棧輒訝窺雲翮田畜難教立馬臺爲語故人

毋眼熟局中勝敗賣嫌猜

偶向歌筵散五更路逢明燦萬千行我冠自合朝丹闕躍馬
爭先耀請纓與隸那知寒骨賤公卿不過老書生日華頃刻
高雲表金碧齊輝五鳳城

雪日僧寮寂遠山無端馬跡更斑斑酒人偏鼓衝寒氣詩客
常耽一味閒野史舌爭殊不解朝衫身外又何關呼門忽遞
猩紅刺來告衙齋水俸艱

玉璫金疊厭畢羅舊密年號值宜和盆梅未綻烘煤火紗櫺
虛籠漏眼波小摺買傳朝政密短書私寄雁行多垂紳搢笏
原無事幸際雍熙渾晚酌

斜暉不返魯陽戈宣武門前擁駱駝鼓角一聲風景暮樓臺
深秀亭詩集卷之一

三

百尺火光多搖鞭醉尉擎鴈肉禿額歌兒踏錦靴爭道各尋
新第宅冷歸無那選人何

西山晴雪骨棱棱馬上看山愧不勝豈少林泉娛謝傳遠將
識度負孫登貧來做帶無人問沐後彈冠輒口稱可惜禪房
成火宅得租皆飽醉癡僧

脫底烟雲紙上山畫師原在酒徒間禿裘雪後閒尋我活火
樽前共閉關草野敢稱卿相客松杉已老歲寒顏別來定滿
荒唐句一見還容快斧刪

走犬調鷹罵座旁短衣蹴踘少年場烏號自信穿楊技瑣甲
能披上馬郎一鼓命擒沙漠外九天排出羽林長書生豈
可搏鋒鏑拱手封侯遜此強

擁絮呼童帶曉眠陰晴未定凍雲天排門怒馬驚誰到振壁
驅車又遠填折柬漫邀奉大字平肩難措篋中錢冠裳頗肯
聯縫掖只是水曹俸久懸

一緘雁足自南來欲急翻疑未敢開奉母茅容身久出禿花
江令筆無才山川老我烟霞骨絲竹愁人鸚鵡杯底事速歸
歸不得夏秋延遞雪皚皚

凍雪何如碧玉霞盤餐味美止黃芽客來身傍蓮花座鵲散
庭空棟樹極畫壁雲濤風欲走書帷窓火影孤斜無聊最苦
停樽後難得華胥易到家

賦得愛妾換馬

十斛買婢婦千金收駿骨溫柔香太濃汗血走勃勃琵琶响
深秀亭詩集卷之一

蛾眉五花爭突兀豈不互憐恤事變起倉卒沙塵一夜烽烟
高男兒乘月披征袍軍中婦人氣不壯鐵蹄還藉獅子毛紅
顏呼出不足戀拔刀據鞍疾雷電回頭已隔萬重山那顧垂
痕淚如線

得家信四首

鵲聲忽躍寺門松家問傳來印密封甘旨健撐霜鬢髮糟糠
初罷藥從零逸情已達三千里喜氣新添十二重滿把玉缸
斟再讀不妨流落且書備
蘇季原空負郭田夏秋靈雨况滔天牛眠堪恐培膏土虎吏
苛還慘血鞭家政無人三尺小宦情虛夢一絲牽不如歸著
漁蓑穩大海垂鈎換酒錢

蠅頭爲報七香車雁序曾邀看菊花陶令如何翻作客少君
常累苦持家停尊憶我燕山月顧影憐他墮馬鴉女伴漫扶
歸路緩數行燈火隔窓紗

門庭如水雀堪羅一飯常難故舊多剝啄且來非意想典資
括盡猛催科梅花綻到寒窓白松影荒交矮屋過一夜歸心
因數紙孤燈蕭寺憶江河

送柯南陔南歸

一秋送歸人如滴梧桐雨酸冷不可言餘情散縷縷數日輒
相忘流雲沒過羽獨君分手期使我茫無主欲留未敢留欲
別咽難語君來一長揖感慨顧儔侶匣藏旣以收秣馬鞭且
舉朔風打黃沙凍雪深尺許燕臺路乍迷擊筑將誰與久客
深秀亭詩集卷之一

厭殘冬旅况傷苦咀不如出鴻都織錦更機杼停尊勿復陳
虎氣縮畏鼠征途可奈何遊子善自處春明杏蕊紅雙眼更
盼汝

聽陸曉亭琴

燈光爛爛月華清金尊初罷雀舌烹海南一線繁簾幙四座
悄然寂無聲陸子整襟含靜穆手揮七絃嘈嘈鳴始如孤鴻
叫秋水瀟湘竹影騰空明一往萬里瀉米雪魚龍潛起波潯
驚忽更柔懦慙輕絮綺窓小語低嚶嚶落花重苔春不淺曲
折闌干無限情主人因是張博物客亦長酣阮步兵青眼劍
氣互相賞今夕何夕恬平生吁嗟大雅不作久無調孫登壁
立徒長嘯繁音汚耳不堪聞高山流水難憑弔琴川得爾豈

虛名冷在烟霞生峻峭

燈屏歌爲李武功作

洛陽三月多春花丹楓十里紛流霞眼中繁豔類如此筆端
欲寫意常賒季子精技絕神怪研硃滴粉籠輕紗香風搖動
青黎色玻璃濕翠全難遮鈎輦啄食將欲下晴雲漠漠烟嵐
斜酒人恍惚遊夢寐吁嗟富貴茫無涯笙歌乍沸霓裳出何
人廊下獨鼓搗樓頭十斛嬌未寢虛空七盞驚雷茶壯心不
已撚細髮月痕低越梧桐極羅浮隱隱美人跡柔聲香香撥
琵琶鬢眉共照不可滅我儕賞鑒何曾差水晶還漏魚龍國
天邊有路徒乘槎不如圍爐簇寒夜虛堂爛錦騰光華季子
李子點染豈染俗文章變化皆奇葩只恐廣寒垂匹練嫦娥
深秀亭詩集卷之一

毛

煉石思女媧牽衣且止留塵世爲汝題詩手八叉

酬吳亮有原韻

落木聲傳雁字雙知君楓冷好吳江十年未達金華夢孤影
時窺玉女窓客舍光清流夜月騷壇香攤見塵幢慚余禿盡
生花筆青鬢徒憐照酒缸

同東塘中江芝仙偶飲萬資寓齋分韻

淺酌妙無意閒尋若有期閉門餘積雪撥火檢殘棋人境依
山寂花香耐客遲居然陶謝席醉墨濕新詩

無題和東臯八首

珠簾樓角散蜂衙二月春深百結花香到難消柔暖玉風如
欲動媚流霞游絲不綰鶯啼夢細雨斜分燕尾父記得畫橋

垂柳畔輕紅低越翠痕遮

花影晴移射雀屏春山何得似眉青闌干曲印憑來袖蝴蝶
魂香去後亭雅意欲愁江水綠開期只算海棠靈侍兒又惹
鸚鵡罵吐繡襦前近莫經

冰簟驚回倦阿嬌綠窓一半掩芭蕉流蘇偏裊風絲細蘭氣
微蒸香汗潮有語且含新粉簾柔情深解聽鸞簫離梁忽盼
爭花片清畫嫌他靜亦靜

鴛鴦睡醒藕橫塘茉莉香開珠夜光團扇月輪輕在手淡羅
雪影薄爲裳鬢鴉小戢無人見鏡水虛明顧眼涼坐對薜蘿
風葉打牽愁一線正微茫

針樓高坐嫩涼天暗憶雙星今又圓十斛豈償憐惜價百年
深秀亭詩集卷之一

美

長恨別離緣芙蓉粉冷雲霞面鴻雁秋空蘆花烟紅淚可能
支不染芳魂怯盡夢山川

偶檢釵頭小鳳皇纖纖約髮麗秋粧湘簾密路通花氣錦幄
何時不玉香多到蓮心珠淚蓄瘦堪菊影杏衫黃荒唐厭說
巫山夢鄭重羅敷自有郎

一派聲寒落木風銀缸刀尺小窓中玉兒琥珀擎來暖繡閣
花枝別樣紅軟坐漫籌方寸繞黃昏低押短吟工今生未老
他生願愛撥調絃響古桐

黃梅烘透膽瓶肥珠翠粧臺護日暉謝女才華能咏絮小蠻
弱質不勝衣喁喁怕數天涯遠脉脉頻思畫錦歸熏盡龍涎
騰綺殺藍橋轉覺入塵非

分咏古鼎

禹功昔日鑄洪荒漢之分兮水湯湯神物世出詎尋常象其
形者亦台光摩挲年號遠難量烟霞斑駁土花蒼螭頭鼓腹
盤雲章一絲清晝海南香牙籤錦幃蝦蟇旁氤氲細結爲嘉
祥文房博玩雖琳瑯哀然靜鎮誰敢當百千劫火經精鏘山
鬼駭走疑堅鋼何時煉就丹砂黃不願輕作列仙行但願同
調安廟廊書生自愛長流芳

蓬門十二憶

堤柳

手植流鶯座春光洩嫩條遊踪貪滑路書舫維新潮月下歸
常晚風前舞太嬌別來將隔歲高節婉稱陶

溪潮

卷之一

无

門是通波外潮從北郭生漁舟看上下樓月映分明響逼書
床枕寒侵燈岸蘅蕩懷多渴疾夢想動移情

石磴

矮置垂陰下時耽醒酒眠眼前呈斗白身外水雲連小史歌
紅豆隣翁拍響絃平量差十笏此座最儵然

曲廊

幾折蕉陰綠微通竹徑斜聞蟬終莫見落月却無遮小立志
揮羽閒行到味茶熱塵曾不染可惜遠離家

叢桂

玉露黃金屑香風八月天魂銷華屋畔身坐小山前賓侶聽

新雁壺觴送晚筵今秋虛夢寐辜負是何緣

新梧

欲作彈琴座先栽棲鳳枝幾行能直上三徑已參差斜月牙
梳小高樓玉管遲酷思被酒夜瑟瑟滿堦墀

山徑

自有泉林意都從畫理營不嫌塵壤逼頗覺草堂清屐齒尊
前滿花斑風後平料無憑谷主深雨徧蒼生

花坡

一派堆雲筆常新到眼花小紅嬌未吐黃石老紛拏蝶板晴
敲粉蜂鬚香放衙久消容易福今始遠興嗟

幽禽

溪秀亭詩集卷之一

三

獨坐空庭香頻啼一兩聲不須能辨語已覺爲移情小啄驚
拋藥斜飛上短檣書床應亂跡任爾羽毛輕

書幌

誤我無如此平生讀未完青箱徒故物白壁更誰看雪夜寒
燈永梅窓瘦影殘牙籤殊冷却浪出恨無端

藥欄

只有當歸好其如遠志何草花偏耐苦藥物亦真多我意憐
初病香風倚醉過卽今蕭寺裏夢寐聽笙歌

菜圃

此味居然勝家常不可無雨中時小摘客到佐清醑土氣青
肥候棋枰疏密圖園丁今亦老長念遠征夫

李敬庵法曹招飲賦謝

客上龍門座尊開雪夜時蒙期千里足敢圖百篇詩
詩幃流燈影花香恨疊絲法曹休沐暇爲話 聖恩慈

歲暮感懷次彭基士明經韻六首

三千客路悵孤踪趙日何人可向冬酒盞易殘風後雪僧床
時打夜深鐘閒披書卷情如舊銷盡衣香夢不濃欲索梅花
春信香騎驢側帽興全儲

圍爐下箸辨勞薪話到同鄉意忽親絲髮自憐客漸改江花
終賤筆無神愁深歲月惟耽飲事覺酸辛豈但貧眼底衣冠
誰舊德臣之才本不如人

入洛當年悔陸機柴門誰遣扣黃扉雲峰只合藏林表鷗鳥
深秀亭詩集卷之一 三

寧堪逐風飛木榻半間空壁立尺書萬里故人稀瓊瑤臺榭
餘殘雪猶覺光華照客衣

凍雲積雪互重陰空谷誰來喜足音畫裏美人詩可喚夢中
芳草跡難尋羣情不類常爭雀神術終無是點金借問墻鈴
風歇後禪床何處見安心

燭花閃閃夜光開寒月偏深照影來王粲賦仍悲作客長卿
貧却怨多才一時危競爭巫峽千古高風憶釣臺寄語歸鴻
田畔好黃金未必重龍媒

韓范名堪賊膽寒書生佩鐔亦頻看雲霞孰肯推車轉涕淚
寧關捉鼻酸高臥那能干日酒流光不駐九華丹長安棋局
從來變旅食猶空首藉盤

酬張龍占孝廉卽次贈別韻

半月逢窓語離愁轉憶君詞鋒驚射斗氣岸直高雲道路交
偏切江山夢不分燕臺將市駿冀北定空羣

泉林

源頭潑潑故津津虎豹爭噴珠玉新山勢羣趨開百道客情
清喜到芳晨何中何物非流鏡身外浮名笑撲塵自護龍碑
培聖脉朝宗東魯益靈神

白龍泉

仄徑探林谷蒼崖走碧流渴塵消遠客赤日照常秋坐見鬚
眉冷羣思猿鶴遊夜深風雨疾鱗甲響難收

仲子廟

深秀亭詩集卷之一 三

大道升堂勇聖門供親負米感雞豚威稜廟貌凝山岳生長
枌榆古下村禮樂干城崇俎豆詩書闕里耿精魂停驂肅拜
穹碑下幾派青峰氣遠吞

再過泉林寺

老樹籠烟鬱不開如斯亭下客重來鬚眉影入流泉冷鐘磬
聲傳宿鳥迴身在空明新月夜花深幽豔古香臺相如消盡
風塵渴滿賢僧房綠雨杯

謁聖廟

束髮端趨向青箱肄墨莊我道有宗旨誦服仰素王羽毛棲
短翮遠志不得揚斑駁始奮走萬仞循宮墻屏息叩階下一
瓣肅心香泰山其巖巖泗水其洋洋杏壇踐舊迹春雨化何

長壽木存故國廟貌猶周鼎鼎彝博雲象琴瑟韻空張俎豆
間典器兩楹凜冠裳所陋歷紀石游夏贊殊荒

天子昨躬幸詔修聿輝煌徘徊不忍去崇禮邁漢唐

宸藻振金玉聖德齊穹蒼載拜難爲言萬世師表光

贈顧明曾國博次寶珉杜相國韻

江湖血淚痛前人一綫遺孤白髮新世到覆巢憐鳳子家徒
春壤種龍鱗腰間躍鐵思雷電頭上儒冠賤土塵黃閣尚能
殷念舊天涯何地不情親

天寧寺

浮屠高插五雲平鐙鐙遙傳護帝城老樹到門龍影綠西
山放眼日華明天開淨域冠裳夢路隔紅塵車馬聲送客每
深秀亭詩集卷之一

妻分手意誰云古佛獨無情

料絲燈次學士史耕巖先生韻四首

火齊簾幕罩烏絲空際全騰射影奇吳下漫懸新剪綵夜深
偏照好花枝金尊銀燭裏爲麗絳袖朱顏映轉宜何必月華
開五色濃香簾底有人窺

星橋三五闌江東燒燭紋何似水空無定光搖鉦鼓夜若爲

情透玉屏風梁間吳采雲成蓋座上才人氣吐虹直得金吾

弛禁鑰青黎高炫碧瞳中

烟光冉冉隔紅塵煖氣長融墨錦茵金谷晚開花有魄玉堂

明到酒生鱗風前緊護排團鳳雪後清嬌逞舞身十二闌干

都現態銅壺滴盡豔平津

誰參雲母覺羞稱物態繁華感忽興豈有虛中真氣象最能
明處却模稜一心丹抱燃孤照四壁風移影數層賦就欲飛
班馬筆交輝不羨洛陽鉞

得楊紫翰近信

楊子談經客魂銷別久情一官憐百粵短簿未專城傳到渥
谿信吟殘鸚鵡聲馬蹄銅柱近憶爾毳衣輕

家太史雪石新移寓齋二首

臣心如木月華清空翠庭陰冉冉再生退食衣冠簾影綠微吟
珠玉燭花明牙籤錦軸神仙字蘭氣春風湖海情始識驚還
幽境好碧紗籠處卽蓬瀛

棗花開徧漸桃黃清晝紋窓靜亦香人自朝回堪擲菓月

深秀亭詩集卷之一

披天近每飛鷺玉堂鶴俸支蔬圃銀管龍文擅墨莊絕愧連

枝霄壤隔牆東咫尺傍餘光

後山寓齋瓶荷

含露初分太乙池琴書高擁傍樓枝不嫌紅粉真君子直漾
清漣照畫師把盞對憐香國豔開簾忽透好風吹朝衫何用
熏龍腦鳳閣偏深鷗夢思

半舫次廷尉錢霞浦先生韻四首

望外雲濤樹影橫座中李郭似登瀛風來水穀簾衣動篆篆
溪烟水簾清塵夢自憐堪野泊

君恩未許看山行尊鱸深憶東南味倚檻身常一葉輕

若刺雲灣花徑橫好風何日不逢瀛朝衫染處爐香白墨彩

飛時案牘清月下烟光宜帶濕尊前星斗欲流行更深誰唱
滄江曲鳳翽頻思鴈泛輕

面擁西山翠黛橫臥遊彷彿畫簾深依窗正香何郁入鑑
鬚眉影亦清風月可娛三獨坐襟期時作五湖行天邊只恐
星辰近雲路將看曳履輕

風波不涉渡江橫 帝里恩光沐八瀛小住好牽藤影綠彌
空滿泛月華清十年宦海涯方達萬里雲程意自行作梅爲
霖原在戶何須高挂布帆輕

水部歐陽雪屏招飲同錢東皐進士

宦味京華似水澄文章聲價重廬陵留賓却有花三徑顧影
何嫌月一梭關切事常酸隔局交深情每惜檐簪歸欲作
深秀亭詩集卷之一

嘉魚頌旅食從來得未曾

西峰草堂歌爲陳健夫

京華官闕連雲起車塵馬浮撲冠履人情袞袞夢未清西峰
那得冷於水草堂作者却爲誰穎川高士乃絕美少年裘馬
躍平津才氣縱橫千萬里壯而遊學益遠志一官落拓等敝
屣龍媒脫勒始乘空野翺翔林輒自喜樓頭百尺踞何崇但
識英雄無餘子結交每洽湖海深酒酣耳熱輕生死食魚時
滿孟嘗門擊節悲歌响燕市稜稜瘦骨鐵錐堅未肯逢人干
面恥邇來力倦歸峰頭峰雲冉冉相夷猶誅茆築室作晤對
大書揭示傲王侯我從六月訪君去積雨泥滑怕田疇君方
課童導流漲園林綠透鳴斑鳩短衣長揖草堂上堂開開方

無十丈珠璣光耀翻四壁錯錯落落悉奇賞敢窺遙望峰翠

滴恨不登峰歷幾繡松杉影裏鬚眉君圖史叢中薜蘿長山
厨儘飽菜根香世味潛移蒼狗調吁嗟健夫何福雅能消筆
花飛處皆瓊瑤炙手之地忽異逕得毋襟帶凌空飄賢者咍
鑿隱聖世君豈有意樂漁樵不然請君上馬急束縛腰橫霜
雪芙蓉鏐邊疆取印懸如斗別却西峰亦不惡更不爾經營
大建憑虛閣老於此間日細酌步虛朗前金石聲恍接星河
雜天樂

飲家太史雪石齋同霖蒼賦

京華門第儼山阿風影冠裳滿薜蘿客况每消蓮燭晚秋情
轉覺雁行多同張肝膽明霜月爲傍圖書泛酒波絲髮瘦腰
深秀亭詩集卷之一

愁總抹醉牽歸馬已難駄

送賀振功孝廉之葭州任

葭蘆水繞古貞鄉賀監初膺牧綬黃分刺敢嫌邊塞遠長征
輕撲孝廉裝雲開古驛三秦出花放新衙九月香獨恨相逢
偏易別秋風蕭瑟客情荒

張毓成以寫生詩扇見貽即次原韻酬之

廿年湖海愧虛名豈有詞華問長卿客况憐君同抱璞貧交
舉目奈空城花枝秋露開雙葉家學金聲歷二京懷袖敢輕
鄭重意墨痕深處暗香生

侍讀陸澹成先生招飲分韻

一簾新月洗清香湖海人來總故鄉豈有詞章還敢出止看

精腆細能管編離偏作村中畫按板微聞屏後妝誰說京華
無洞府風流內相樂義皇

賓至

賓至殊荒率非關遠市難囊空羞久客薪積冷無官酒債多
方韻詩情老獨完時能相慰勞夜夜月堪看

薄醉

忽覺塵緣淺微通霄漢遊孤燈聊坐夜新雨不禁秋湖海空
飄泊鬚眉與未休竹林同此意客夢付閒鷗

袁杜少先生屬題畫石

鐵柱峰前瘦影奇玲瓏日月互穿時何緣墨采連雲凍冷入

袁安臥雪時

深秀亭詩集卷之一

三

送項霜田歸錢塘

雁行聲裏菊初黃歸去湖山秋正香未肯逢人容便說何妨
對酒若爲狂燕臺裘馬金能飾江岸風帆詩有鉉轉憶頻年
遊夢繞雷峰幸負好斜陽

碧山堂與張惕存宋性存二比部張爾載進士崔五原

大令泥飲

明月圓霜夜南州集旅人酒星天所恕鴈政我偏神叢菊金
當眼蒼松龍作鱗醉中收劍氣不肯露風塵

送王巖峙樞部南歸

烏衣人望蘭亭筆天半朱霞忽入山豈有黃花能瘦客獨甘
青鬢退崇班秋風好逐鴻音去霜月先清客夢閒到日定知

看竹徧勞勞輦轂笑塵顏

送碩後山正字南歸

南星連日歛秋鉞歸興何堪又辟疆轉覺客中無酒德徒高
官去似花香一船書畫人何韻九月風霜菊正黃輪爾持螯
江海濶獨憐裘馬做難強

官允袁杜少先生招集卽事

十月霜花冷客裾一簾清影護牀書交情久今如醇酒道義
何曾爲食魚話笑神仙官未達悔添鬢鬢學全虛萍踪幸接
高風近來往從今問字徐

家太史雲岫兄邀同司訓璧官弟集蘭友齋

雪後金尊泛碧醪重惟不怕朔風高論詩共長池塘草比翻

深秀亭詩集卷之一

三

殊勝霄漢毛月照書檠香粉屋身依畫壁影松濤分甘梨棗
皆珍味溯到江鄉滑一篙

除夕

紅爐高擁燭花團蕭寺禁看歲月殘客路三千慈母念名心
多半敝裘寒鬚眉轉轉憐霜雪霄漢終難刷羽翰醉把金尊
還拂硯豪情天賦未嘗酸

深秀亭詩集卷之二目

曉亭建安集寓齋

琉璃廠踏月

早春

奉送 安郡王出鎮

送劉靜伯之塞上

張西木徐武功集寓

祖家莊

文開允諧鳳山小集

龍泉寺

刺梅園古松

徐桐軒招飲紫藤花下

曹伊人招集

兩孝子詩

詹文開雨中集

午日席散復集

竹林寺

飲張龍章寓齋

信安鄭孝安投詩

送李敬菴僉憲巡河大梁

聖弘上人過訪

深秀亭詩集卷之二目

慈隆寺

楊毓延邀飲

慈仁寺松下逢許不棄

小疾

送陳北溟大令西安

醉中冒雨

雨中獨酌

孔東塘民部听堂消夏

郭賈鞋

雨中與非幻對奕

雨宿慈隆寺

永光寺雨後

弔景成五先生

七夕惠銘西總戎邀飲

雨勢

同武功克廣

儀廷自楚

得詹山弟來信

同人索酒爲賒大麥

和十二齡童子詩

打虎行

哀病馬

飲司業張寄亭邸宅

奇硯

暮雨

秋雨雜咏

秋夜長

猿兒酒

夜坐

題馬扶義畫卷

杏花

柳枝

桃花

梨花

芍藥

榴花

秋葵

秋海棠

芙蓉

楊妃山茶

蠟梅

水仙

彭念羣州收惠酒

九日

深秀亭詩集卷之二目

寓齋培菊二首

落花次韻

賈鼎玉出示詩畫冊

細雨

遠析

敝裘

疎鐘

酸風

空囊

小春九日邀集同寓

次雪村韻

次震問韻

裴循卓招飲

送于靜菴

分賦長安一片月

送楊耐菴歸楚

初聞樂信

得沈霖蒼福州來札

村舍十九憶

泗涇

茅菴

竹塢

楓林	柳堤	紫藤棚	桐徑	屏花	秋菓	魚脰	蟹齠	歸犢	眠犬	鴉陣	蜂房	稻場	糝米	老隣	荒丘	題萬湘誦書	贈吳山崙孝廉以借籍被黜	寓齋瑣咏	瓶花	盆樹	爐篆	深秀亭詩集卷之二目	茶具	詩牋	蠲牀	書架	禪椅	遠札	佛火	清梵	風驛	鼠跡	寓齋雜興	從軍人還
----	----	-----	----	----	----	----	----	----	----	----	----	----	----	----	----	-------	-------------	------	----	----	----	-----------	----	----	----	----	----	----	----	----	----	----	------	------

和孫松坪太史	小至日	長至日	寒夜	老	貧	醉	耐	冷	拙	破	怕	閒	悔	誤	安	凝	怪	尋白于西閣左臣不遇	歲暮雜咏	汪公上許益梅詩以促之	鑿冰行	深秀亭詩集卷之二目	四	陸載雲招集	翁康貽主政招集	客中除夕懷故鄉同學	張漢度茂才	張硯銘孝廉	許鶴沙觀察	董閭石進士	陸敬峰侍御	吳屏山二尹	沈貴岡高士	陳山農州幕	李昂若文學	宋楚鴻明經	嚴漢樞廣文	顧後山正字	宋南陔進士	徐心在文學	高槎客上舍	袁子彝山人
--------	-----	-----	----	---	---	---	---	---	---	---	---	---	---	---	---	---	---	-----------	------	------------	-----	-----------	---	-------	---------	-----------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

深秀亭詩集卷之二

雲間潘鍾麟層峰

康熙三十五年丙子選二百三十三首

曉亭建安武功慧文小集寓齋

獨客愁虛夕留賓一倒樽月華新半壁燈火動千門石影高
撐骨花香若有魂最憐分手後遙夢憶江村

琉璃廠踏月四絕

車馬黃塵夜未闌燈花紅影月中看行人莫漫爭前導一色
貂裘擁達官

紛紛百戲總傳訛只有秧歌唱最多三尺妖童朱粉面酷摹
金鼓風陽婆

深秀亭詩集卷之二

一陣衣香暗裏聞肩摩燈下忽如雲逢人不用佯羞却小膽
能張娘子軍

酒市門前喚餅師笙歌影伴步遲遲相逢半是江湖客踏碎
天街蟾魄時

早春過陳健夫西峰草堂

侵晨策蹇足言訪高士廬望望不可卽老樹亂堦除叩門出
童子充棟兒床書宿醒且宴臥夢蝶繞華胥既醒道歎曲大
索急烹魚西山雲氣爽梅柳將全舒輕裘颺春風笑指欲憑
虛

奉送安郡王出鎮歸化城二首

廟算周無外王師出有名旌旗揚大漠烽火照邊城春雪圍

貂夜天潢細柳營羣情真懾服威德在東平

聞道驚沙磧流雲陣陣黃受降思舊烈終古似洪荒部落屯
千帳牛羊列萬行日斜喧鼓角勝氣滿清商

送劉靜伯之塞上

斑駁躍躍黃金勒神鈞閃閃青霜拭酒酣耳熱語未休壯氣
衝天不可卽順昌旗幟本驚人豈作臨岐兒女色龍堆沙磧
何時平長城萬里春風黑期君善計贊凌烟莫易封侯輕耀
德

張西木徐武功李萬資周秉節過寓小飲

正憶高陽伴能騎滑馬來空林新雨綠佛火好香煨敢悔風
塵惡深憐鬢髮催陶然聊共對莫負碧桃開

深秀亭詩集卷之二

祖家庄同葉丹陸沈霖若小飲四首
遠踏看花路披雲入翠叢京華賒在野客思已凌風魚鳥輕

衣外鬚眉碧澗中車塵曾不染一望竟長空
漸覺喧蜂密藤陰坐軟香紫雲深護客白衿任登床一線風

微逗三人話較長誰知春暖處幽賞却清涼

靜極渾禪定溪烟淡濕雲鷗庄都可數蛙鼓遠微聞意若江
南去遊從漁父羣荷田青到眼蘆笋刺紛紛

少婦當爐畔低呼絕可人何妨頻說餅不厭久停輪直得金
貂換難消香粉親自憐還易醒終愧葛天民

文開允諧鳳山霖若小集

膏雨絲絲竹放鞭青梅初綻養蠶天江南歸夢開樽後塞北

軍容逐馬前我輩共憐閒作客人情誰識醉迷禪三問問卜
皆無賴瘦沈柔腸亦可憐

龍泉寺

晴靄碧陰陰空天鬱翠深苔門餘鳥跡樹杪散鐘音客况芒
鞋破茶香舌本尋一泓清似鑑風動冷披襟

刺梅園古松

天地撐盤錯蒼然一臥龍風濤驚野走苔蘚剝雲封坐席徒
澆酒禪林隔打鐘誰將興廢事能問舊支筇

徐桐軒招飲紫藤花下

爛熳花光對酒狂風流主客豈尋常卿雲舞袖嬌垂力綠野
蜂衙鬬軟香坐戀石家新步障愁添絲髮老歡場明朝更有

深秀亭詩集卷之二

三

東華約敢負天容游展忙

曹伊人招同叢祇公中翰孫凱似太史程四如光祿李
蒼臣明經雅集時有善歌者四人

客典全憑酒力澆看花那肯不魂銷百年我輩還無半一派
鶯聲亦太嬌夢想可憐多異地別情翻恨是今朝墻頭樹影
昏黃月故作依人襯舞腰

兩孝子詩

有序

襄城劉氏田家二子長宗洙次恩廣甲申亂父爲閭賊
所俘賊將殺其父二子跪丐願以身代賊亦義之割去
二子耳鼻釋歸終養父死廬墓三年靈芝產其墓中州
熊石洲孝廉爲之徵詩

倉卒少忠臣宛轉哀孝子我聞襄城農爭死不得死亂賊心
未蒙揮割止鼻耳豈愧當時士有面皆鮮恥捉者既酸辛聽
者徒比比去此聊示刑放歸終田里松楸霜露濕夢我淚莫
止芝草乃類應造物非無以

詹文開允諧屈鳳山周沛符黃公衡沈霖蒼雨中小集

天意淹游展禪房聚酒星縹緗縈篆字芍藥燦雲屏乳燕風
前掠空山雨後青誰言調月夜轉憶到湘靈

午日席散晚刻與文開允諧鳳山沛符公衡既濟靜舍

霖蒼重集

雨意催更酌空林綠晚烟客星全屬酒墨彩欲飛仙艾虎懸
絲弱荷錢出水圓絕憐競渡節身阻到江邊

深秀亭詩集卷之二

四

竹林寺

緩步尋幽跡香臺古徑深薰風吹客袂斜日淡花陰苔蝕蛟
龍碣鐘馴鳥雀林不知門外騎若箇見初心

飲張龍章寓齋同龍爾斌沈學棹張椒屏青玉

渴疾方難愈招尋又酒兵斜陽翻作雨細語豔調箏棋局當
場變花香隔院清燕臺無駿骨容易識豐城

信安鄭孝安明經以詩見投賦謝

綠透槐陰靜掩關忽披新咏見江山思從雨後泉流活名在
風高玉笋班客况坐憐燈火晚花時忍負酒杯閒爛柯樵采
猶奇士會振鵬程霄漢間

送李敬庵僉憲巡河大梁

精廬曾共慰征鞍古道深盟歷歲寒活火夜燒噴獸炭青尊
春剪雨疏盤壘書忽卷微勞吏砥柱奇才策莫安此去河流
清攬轡月明楊柳畫圖看

聖弘上人過訪

十載芒鞋跡雲山踏萬重何期閉坐雨又忽對聽松瘦杖思
眉雪空廊說畫龍撲塵車馬外難得冷相逢

慈隆寺尋僧不遇

古徑無人跡雙扉扇薜蘿天空雲影合風定鳥聲多到此幽
閑極其如枯寂何不知題壁處鞍馬爲誰過

楊毓延邀飲卽事同趙奇玉康人龍

坐隱招提畫掩門看花又促闌青尊英雄恨灑蒼生淚歌舞
深秀亭詩集卷之二

五

香銷久客魂塵土至今家趙壁天涯何事誤王孫醉餘強踏
斜陽路不耐城闌車馬屯

慈仁寺松下逢許不棄

古院閒斜日空香不可尋何期滄海客忽踏老虬陰相視疑
方定無言交已深十年勞夢寐把臂始從今

小疾

小疾欺貧入連朝倦莫支餘酸因送客枯索強吟詩自語孤
踪味何須百草滋家郵方數道惟恐老親知

送陳北溟大令西安

高臥誰當百尺樓偏師嘗汝氣吞牛交方針芥愁輕別宦到
山川信遠遊斜日放衙看滴翠新詩拂硯利吳鉤經秋只想

遺懷橘可許賓鴻足帛投

醉中冒雨

薄醉逢新雨天街滑馬蹄晚涼風轉急久客路偏迷簑笠歸
漁棹樓臺障柳堤江鄉多好景何事涉汙泥

雨中獨酌

雨勢急倒峽空林寂深山殘客無一至懶僕習閉關把書了
不釋劍氣何顏頰慨然命進酒獨酌率醅顏陶謝既以逸身
世亦等閒火榴昨照眼落紅今日斑不如青草肥濕烟生溪
海

孔東塘民部岸堂消夏同蔣玉淵顧天石李丹崖聽樊

梅二生筇筵分韻

深秀亭詩集卷之二

六

連陰閉蕭寺客久乏馬僕薄日始開寺互把奇書讀主人謂
客來妙在都不速朝衫急典醇曲廊羅絲竹初如乳燕嬌哺
哺繞華屋秋風忽悲涼星斗搖落木關山鉦鼓雄鐵騎奔馳
逐炎氣爲之除四座欽靜穆疎簾屈花影但覺清標沐羽扇
却莫揮科頭不厭禿得捐一日忙抵消半生福請看門外者
軟塵染幾斛

郭賣鞋

西湖詹子方夜讀隔林隱隱聞痛哭殘葉風打霜月寒長庚
將曉聲漸蹙起視隣北小柴門賣鞋郭郎慘澹縮急呼問故
始不言撻俾低首顧杆軸軸上髮妻語十年一朝勢逼歸華
屋朱提半百苦難償須臾與馬紛豪僕詹子貧亦剩青衫義

憤髯戟張電目同時席硯四五人互搜質物傾藏篋得金如
數等救焚勇於爲善妙神速豪傑斜視都偷冠微笑柔條直
修竹何爲強解戶外事銷銖過較道傍築簷子奮臂猛一擊
村農齊拜鼠輩伏書生劍俠氣衝天搜金舍婦乃馳逐郭郎
驚定還賣鞋老守荆布施膏沐

雨中與非幻上人對奕索贈

驟雨飄墜白鷺同三峽來客心清乍洗禪喜靜無猜得失楸
枰悟幽芳進座開廣陵鄉路近軟語獨徘徊

雨宿慈隆寺

朱門厭嵒塵香臺高淨域客中偶解鞍託與何不得時雨壓
山來飄動江河色禪床如停舟俯檻寒烟逼松針瀉珠泉竹

深秀亭詩集卷之二

七

影沉窓墨楸枰坐老僧楚漢悟敵國更深燈火微鐘響杳無
極就枕繞蘭芬沙鷗聞唧唧茗椀有餘思道味恬胃臆

永光寺雨後院中大水東同寓諸子

積雨何堪久浹旬詩翁宛在作伊人當堦只少閒鷗浴拂座
平添密莢新八尺蒲帆思釣艇半床龍劍近延津開尊幸對
瓶花在憑檻盈盈賦洛神

弔景成五先生

志士不苟生烈士不苟死其生惜草莽其死報天子血性了
大義不在讀書史有明當叔世宰執如文雉急難但藏頭飽
啄天庾美虎狼盜賊來視以羽毛耳燕領猿臂者貧賤無所
使國體瘡痍羸山陵頓銷燬痛聞景陽鐘撞碎誰赴旨養士

三百年秉鈞乃至此中州有奇男偉幹雄鄉里鎮鄧開電鉉
早耽雕蟲鄙一朝烽火狂守土避流水景公拜北辰濕淚堅
壁壘山河慘破裂犄角熾獨起殺賊望大軍共雪社稷恥何
意勤王人半委賊塵矣賊勢乘飢饉披猖遂莫抵束縛上馬
出幾擒生闕李夜戰苦不明師潰恨突豕先生甘橫屍罵賊
憤不止英靈肅風雷俠骨香蘭芷修史果褒忠此事豈可已

中翰

七夕惠銘西總鎮自塞外來邀飲永光精舍同曹殿恭
鐵騎初騰瀚海歸天星佳夕正雙輝客中瓜菓陳邊略塞上
風雲讎帝威樽酒佛燈清夜香尺書江鯉望南稀無端又
過新涼節銷盡荀香卷葛衣

深秀亭詩集卷之二

八

雨勢

雨勢忽晝晦空林走海潮客愁淹把卷隣伴咽吹簫懶縱蒼
頭習寒思半臂遙餘香星火在獨坐暗魂銷

同武功克廣霖蒼董國訪錢岳樓沈鳴臯讀書處小飲

卽事三首岳樓索補書冊

策馬循阡陌晴香撲菜花短籬開草竇古樹建蜂衙身到衣
先綠門敲徑尚賒黃鶯無數起驚踏柳風斜
芍藥霞千疊茶蘼雪一羣花光蒸日影香氣逼簾紋坐久樽
壘集歌清樵牧分已忘車馬跡身外卽浮雲
只恨藏醅淺旗亭路更遙酒人還帶渴詩壘不曾澆落日街
山翠歸鞭度野橋再來當好月秋夜踏瓊瑤

儀廷自楚數文自鄭來寓同板屏爾賦小飲月下

一帆低越洞庭風鞭影輕颺濛濛中客路憐君衝伏火焦音
老我抱孤桐月明且對襟懷白夜靜空餘佛火紅慚愧盤餐
無俊味鄉思尊餉話江東

得肩山弟來信

百二秦關道經年信始來他鄉皆作客鈍格總凡貽悔別青
山老秋過白芻開停杯深憶汝叫雁掠燕壘

同人索酒爲賒大甕

士以貧爲厄貧難更客中消愁惟麴蘖能醉卽英雄幸喜旗
亭近何妨玉瓊空不須徵世事坐對落花紅

和十二齡童子詩贈蔣駉鹿一絕

深秀亭詩集卷之二

九

除將花甲是甘羅恨繁滄桑過眼多願作蒙童忘世事鹿蕉
夢裏卸干戈

一派天機醉後手赤心端與海鷗盟耆英座上居然少八載
方堪冠禮成

打虎行

有客寧鄉來爲言寧鄉子大勇本血性暴虎以孝死我聞豁
心胃請究其根柢客時張虬髯喇喇壯不已寧鄉多山田田
父立耕趾黃雲日乍低侵神霧流矢腥風負老農視之直羊
豕農子偶擔柴路經阡陌裏不見把鋤翁絕駭前荆枳撼撼
爪牙聲橫日猛疾視父坐虎鬐下虎齒將甘矣一杖擊虎眉
俯首竟莫起嗟哉豈人力收親有天理我存打虎行立論非

無以

哀病馬

沙場不建封侯績風塵誰辨驂騑蹄背瘡蝨蝨血痕斑盡是
將軍鞭撻擊晦言師老利鋒摧翻棄悲鳴耽伏檻嗚呼生不
逢辰類如此豪傑古來都恨死不見雕鞍裝飾繁五陵騎出
輕肥子

飲司業張寄亭郎宅同陳堯可太史韓霍岳羅化庵張

漢儒三民部錢堯工宋楚鴻李寅谷垂文王筠崗許堯

衡施蒼珮暨儀廷叔屏

華堂列藕花衙鉤開雪酒客來如江湖雪夢吞八九簾衣捲

微風香氣時時走主人選大戶淳于渺一斗歡呼幾不解命

深秀亭詩集卷之二

十

駕復被肘沉湎意何爲仰天輒拊缶我特喜雕盤桃實啖滿
口效耆莫之同咋舌但搖手

奇硯

扶桑之日高瞳瞳海濤雪擁桃花紅鯨鯢潛伏不敢動精氣
閃爍凌霄空乾坤磨蕩歲月久珍玩怪變無不有珊瑚根下
龍宮碎一拳忽得漁人手漁人市酒能幾何識者有心深摩
挲天然赤道繫霞表金鷄喔喔鳴金波島嶼削立森林黑流
鴉點點松梢墨斜帆影外亂烟濃依稀縹緲孫國誰其巧
斷文房英山河筆底孕太平西陵銅雀黯無色端溪鴟鴞眼
莫爭飾以瑤璵紫相盛濯錦十襲羅光明挾走四方耳目驚
直視千金鴻毛輕嗚呼君苗欲焚鐵硯誤世人那得知其故

好收囊篋毋耽奇恐致風雲雷電怒

暮雨

空林暮雨來客况耽茶局挑燈照虛窓
影染槐綠嚶嚶鳴草蟲洞簫起童僕
豈敢縱歌呼樽酒難拘束更深人語闌
鐘斷更續就枕納新涼餘香偶然觸夢
魂將何遊蓮花踏雙足

秋雨雜咏十九首

人生宇宙間踪跡類飛鳥一行辭故巢
變化便不了或登萬里程閭閻閱霞表
羽儀輝當代鸞鳳爭矯矯或爲飲啄驅
糴弋徒擾擾高舉無長風啼昏不得曉
物命詎有殊榮悴判壽夭我欲究其源
天道一何杳

深秀亭詩集卷之二

十一

客從沛上來貽我尺素書把書再三讀
故人何遽遽責我既輕出不如早迴車
秋霜酣丹楓秋潮生鱸魚山光碧新雨
好鳥鳴堦除飽餐雲子飯濯足臨清泉
那有冠上塵終日騎疲驢

江海不憂早幽薊不畏雨山來南北間
風景異寰宇家郵報火雲赤地艱滴乳
五月未栽秧桑蠶已無繅燕臺苦泥塗
馬滑莫能主郭中輒低垂傷哉多貧窶
出門無一可閉門深戢羽青苔滿床頭
屋草高小樹皇天意若何顛倒厄題柱
每懷稼穡愁使我雙眉豎

昨朝送歸人今午赴離席黯然不可言
總是江南客我獨何難行搖搖蕩魂魄
葛衣卷秋風塵土破蠟屐馬嘶厭隣槽
蟲

語繞四壁燈昏暮雨沉但聽歌童拍愁
思莽無涯醉態髣如載

孤踪苦寂寥萍遇得良友聯床風雨中
楸枰時對手當關割鴻溝蛇食衍絲藕
得失分劉項變化能定否夜聞剪燭頻
更熱蘭陵酒

朝出宣武門暮歸琉璃廠馬蹄識塵途
燈炬互晃晃或遵尚書期或應鑿坑響
貴賤各有管誰能離世網臨岐默無言
何處關痛癢

處關痛癢

亭午無客來讀倦不可支落花當風前
香氣有餘思一枕入槐安黃梁熟未遲
可恨驚櫪馬悲嘶欲何之整鞍尋風契
垂手揚鞭絲涕上何水部西安鄭當時
二子我所懷聊往索新

深秀亭詩集卷之二

十二

詩
李陵千古冤史遷不得白田文忠難中
鷄狗稱上客遇合貴及幾相去非丈尺
徒薪與焦頭世眼固格格朝問掃門人
暮納屈產璧焉知國士心葵花向日赤

遲眠畏酒醒早眠不得著客愁既如病
孤枕復爲虛絲杼日以增腰帶日以削
殘書味中古人多寂寞反遜居沽兒一時
快大嚼子房匿下邳陸機悔入洛窮達
會有時赤松叫元鶴

虛堂無餘聲夜半鼠行錯嚼紙如裂帛
大肆跳簾箔爾曹是陰長欺世少罕搜
金睛止眠花竊食工鮮鰐豈獨忘凶讐
良亦深負託

積雨減塵事客來喜淹留青史互搜討議論瀉洪流忠孝激
義憤其氣可食牛叩壁嘗膽日止急梨園謀秉鈞矜詞華按
諸墳筌篋不知長城下降幡已石頭至今秦淮水檀板足清
謳痛飲勿具陳木葉聲颼颼眼光射四座颯然天地秋
唧唧草蛩清撼撼庭樹驚展轉獨客夜細雨鳴秋城城高角
吹遠樞馬伏大宛隔牆有老將萬里適乍返呼起共金尊沙
場說淚痕剔燈看露刃刀白吞燈伴歸床不復臥披衣益堅
坐自顧鬚眉雄一生何挫折

孤芳當門蘭不如羣生草朝榮既有花亦不悔夕槁世眼貴
一時天地悞材老賈誼貶長沙召還已莫保鄧禹封侯年未
嘗嫌其早何能鬱鬱心風塵歷煩惱及鋒而閉匣試法任顛
深秀亭詩集卷之二

三

倒

雨久歷天低夜長苦燭短濁酒徒自澆秦爭何用緩魑魅現
人形美玉夾石卵風波或停聲牢腸非坦坦君子戒懼心無
時政苟滿

鸚鵡籠能言象身焚以助李陵固當族腐遷却奚罪千古有
奇冤下流其奔漚昨日血鮮枝今午顏色褪人生天地間塞
何殊磊磊不如一杯酒劉伶死無悔

楚雨積五曰秋冷不可禁孤客三千里悠悠怯遠心寒蛩入
床前亂葉撲風林出門盈尺水涉馬且畏深懶僕久蜩縮苦
括囊無金何以謀斗酒料理潤長吟

男兒向懸弧此兆亦未善小小具爭心射名遂不倦兄急以

功利世味爲之燭楊惲逞雄鋒張華目流電殺身而敗德何
嘗非太綯

一月斷家書經宵少熟睡慈幃念嬌親恐爲遊子累慎疾珍
七尺不敢過狂醉交道任謙光但未肯諂媚寧甘客囊貧勿
染冠裳僞冷眼矚西山蒼鬱生空翠

夜夢膝前兒繞我索梨棗牽手雙持鬚誦詩聲草草牽衣指
高座清眸秀顏好三尺及書案自怪大不早却走忽觸省夜
雨驚峽倒蕭寺臥繩床孤踪愁客老

秋夜長

秋夜長秋風涼空林瑟瑟蕭蕭荒客情兩載懷故鄉酒闌香
熱愁茫茫霜鐘息霜鴻過燈花頽落書帷側塔蛩微咽悲無
深秀亭詩集卷之二

古

力元龍意氣何鬱抑

猴兒酒

客言蜀中酒盛誇猴兒異是物祖儀狄亦嗜沈酒意洪流絕
壁上乃設糟床位百菓之精華采從萬木墜覆以藤蘿葉釀
作頗奇秘甘露滋其陰赤日烘其燄醇味足天漿取水巧接
臂飛瀉逆危峰千尺特易易土人伺密箬隱然察而記猴性
豈耐馴攀條偶他奇人却懸絕來罄取射厚利美實別麴生
一杯十日醉猴歸面愁胡亂跳羣漫置更徒向深崖似乎爲
秦避

夜坐

露下月華清窓前蟋蟀鳴心空披一卷人靜坐三更茶味通

禪悅花香老客情誰憐殘醉醒脉脉對孤檠

題馬扶義畫卷十二種

杏花

二月韶華嫩樓頭花近人濃情開未足開粉點朱唇

柳枝

青海初垂線黃鶯囀尚綿風流搖楚楚張緒想當年

桃花

一引漁人路霞光便不凡隔溪開處好忙剪亂呢喃

梨花

記得山窻白春寒細雨天滿林閒寂寞愁重禁烟前

芍藥

溪秀亭詩集卷之二

五

恨作花王次繡堦豔舞衣誰歌輕薄調漆消露華肥

榴花

五月鮮於火紅裙妬滿枝隔牆偏照眼豔煞夕陽時

秋葵

姿態亦何殊黃衫差不賤君看赤心傾日華滿庭院

秋海棠

湛露凝幽砌紅妝淡粉痕枝枝腸斷意不是困柔春

芙蓉

落日秋江上丹霞映碧天美人何處去留得粉香研

楊妃山茶

腸斷馬嵬驛名留雪裏妝粉痕兼血暈淺淡絳衣裳

蠟梅

別夢羅浮派檀心學道妝書窓烘凍日歷歷勁枝黃

水仙

月下凌波態南窓白玉亭亭仙女佩幽絕歲寒思

彭念羣州牧惠酒示近著柬客

雨後初輝秋月晴客厨堪笑似水清壺觴忽報王弘使肝膈

殊憐囊下聲入座蓮香消半吐移窓松影過三更挑燈細咏

登臨集山骨雲濤字字驚

九日朱雪村張椒屏集寓齋憶故園諸弟

門外車塵滾滾來鄉心久客怕登臺青尊黑髮經秋健白社

黃花幾朵開落帽龍山風竟古題糕江令筆無才長空寒雁

溪秀亭詩集卷之二

六

鳴燕市轉憶池塘遍草萊

寓齋培菊二首

好趁燈窓影扶疎看畫枝重簾闌士氣淨几讀陶詩聲斷敲

鐘後香清燬茗時澹然客傲岸幽趣亞東籬

晨起滋新汲呼童課轉忙閒情塵外遠幽賞意中強何必王

弘酒能禁栗里霜小春閒未艾伴我老清狂

落花次馬枚先韻四絕

夕照熏殘恨翠烟池塘低繞草綿芊星星印作珊瑚片腸斷

吹從小風鉤

幾扇窓紗映落暉莫愁湖畔蝶魂稀頻年怪煞離亭夢半逐

晴芳半雨飛

雲霞忽散變荒村寂寂黃昏乍掩門玉璫豈酬紅粉淚真孃
愁繞虎丘魂

莫訴殘吳敗浣紗流脂飄盡叫寒鴉扶風深得風人意細爲
招魂在筆花

賈鼎玉出平生交海內名人詩畫冊見示

十年不讀治安策漢室何從請前席我曹燕市徒鬚眉日走
紅塵飛數尺馬頭忽見一人來晉陽傑出長沙才執手話舊
不可已乃約花下華堂開華堂所列惟圖史圖史紛披溢蘭
芷矜貴或同王者香幽鑑清於江之汜長歌錯落滾珠盤短
幅吉光亦翠翰就中風雨隔會面又有死別增悲酸我聞賈
生歷戎馬建樹豈止工騷雅秦淮久戀鍾山色吳江近復買
深秀亭詩集卷之二

細雨

細雨空庭濕幽然獨夜時
鈴風乍轉菊影座常移客况
秋醒詩情入酒奇不妨遲秉燭我意戀書帷

遠折

酒醒微微覺風高夜夜清
嚴城防釐殺久客怕秋聲思入吳
江冷香從薄絮生誰憐孤聽遠欹枕到平明

傲裴

絕笑還能典何妨三十年
朔風強更入薄酒軟堪眠故舊誰

憐此輕肥殊不然客星聊自貴披釣欲臨川

疎鐘

忽覺繩床逼悠然客夢餘
松風天半落窓紙月中虛何事蒲
團破孤懷蓮藥舒一聲清不已醉裏識真如

酸風

獨客無衣夕何堪帶雨聽燈前
寒影白門外遠山青酒味儒
生薄文章鬼語靈朝紳全未覺貧賤已忘形

空囊

臣朔飢方甚床頭况旅中
食魚無上客索米典焦桐貧到奇
難定吟成笑獨工瓶花何太賤爲我一秋紅

小春九日邀同寓張中麓屈鳳山張椒屏朱雪村陸既

深秀亭詩集卷之二

六

潘錢書紳高震問徐載裳馬枚先陸靜含菊前分韻

客情何久尚依依霜葉紅時菊漸稀
斗酒敢勞終夕醉香風不散半窓閑
狂如我輩天應恕傲避公卿世却非
試看輕肥譚笑處誰將冷澹透禪機

次雪村韻

黃花忍負一庭秋大索持觥破杖頭
有酒儘澆胃壘白無衣多恐瓦霜浮
燈窓鬢髮吟增密魂夢關山客雁愁
小史笙璫何處發海南香氣壓簾鉤

次震問韻

黑髮難消白社中才名絕愧老江東
投軒不復分賓主揮塵常新辯異同
燈火夜深花影瘦襟期天許酒杯雄
鄉思好似

源流永無術能驅方朔窮

裴循卓招飲同會誕先歸衆六

黃花紅葉紫盤肥人半湖山客未歸星聚每憐雄擊筑樽開
不惜典征衣龍精古俠懸奇鏐鳳翻新雅學早飛滿院瓊瑤
霜月白襟期相對濯清輝

送于靜庵游粵東兼寄魯謙庵副憲

廿年魂夢想羅浮妬煞琴書此一遊梅藥白時雲作絮木綿
紅處展登樓海潮夜月含珠窟雀尾金屏擁翠裘爲訪魯恭
高攬轡知君投轄是清流

分賦長安一片月得陽字

開元風景憶咸陽今日燕京是帝鄉萬戶明於雙鳳闕孤
深秀亭詩集卷之二 元

懷白盡一秋霜空聞落葉排窓影寒逼輕裘帶菊香路破瓊
瑤憐醉客笙歌何處舞霓裳

送楊耐庵歸楚

三年浪跡滯神京先澤從於清白名客况高同霜葉冷歸裝
空比暮雲輕孤帆夏口題黃鶴細雨寒溪擁杜蘅驪雅卽今
還在楚垂簾抱膝足平生

初聞寒信用朱雪村韻

柝聲一夜急邊城雁字風前動客情白髮難消支冷席黃花
易老逼孤檠官如無意空遊夢酒却何緣暑步兵撲被禿裘
還走馬冰霜歷盡見平生

得沈霖蒼福州來札

書發重陽日人登九曲山封題知對雁離別憶前環客夢滄
江碧征衣蕉葉斑可能垂橐滿倚閭慰慈顏

村舍十九憶

酒涇

九折盤龍水千頭放鴨船蘆花秋帶雪菰米港成田烟逼
簷冷風清陽鷺眠晚潮常拍岸問渡待林前

茅庵

社主我宗老清齋繡佛前閉門誰禮足活火自烹泉倚杖看
雲岫拈花落硯田頭頗明似雪念我獨塵緣

竹塢

野老何曾俗修篁百萬多造門高節見罨雨晚陰拖燒笋盤
深秀亭詩集卷之二 三

縹月鳴鳩鳳尾窩此時應更密窓影綠南坡

楓林

獨不傷搖落秋思膩酒溫晴霜酣十月紅樹繞孤村牧笛吹
闌盡漁舟刺夕昏短衣高豁日步幃暗消魂

柳堤

手植俄如此桓溫易恰神嘗啼新設座風打舊遊人箸勸閒
垂釣書窓映逼隣別時愁惹折梅不守江濱

紫藤棚

曲蔓長廊影晴光三月春紫絲懸步幃嬌粉舞柔人掠燕斜
窺蝶飛花惜委塵客中腸欲結翻不爲秋尊

桐徑

記我移栽日梧桐始及肩兩年高幾尺疎雨滿荒田石座琴
誰按霜風葉易捐鳳凰何不至小鳥集翩翩

屏花

耀日烘雲錦韶華亦太繁舞衣金谷隊輕蝶粉香魂村女妝
無數柴門豔絕溫盛他三四月曾倒萬千尊

秋菓

幾樹垂垂實晴霜老漸黃窻前沈墨影皮裏飽秋香幸不被
裴冷能留碩果強兩年愁薊北屋角聽誰嘗

魚骨

雨後秋潮足骨床接豈棚魚鰕挑月出蘋蓼拂簑輕不著竿
裴客忘機濠濮情開尊初得網厨婦解鮮烹

深秀亭詩集卷之二

三

解齋

一夜霜風急江湖無數行雙螯雄就剪滿甕響收兵野火支
昏月籬籬插小城漁家都住此澤國老浮生

歸嶺

斜日崇岡外寒烟古渡邊無羣原有路穩步不須鞭挂角書
何在騎兒衣罕全任他肥草嚼那羨錦鞍鮮

眠犬

赤日稀人跡柴門清晝長綠陰濃漬徑黃耳臥當場無事憐
搖尾驚聞吠大荒頗知勤戀主渡口識漁郎

鴉陣

萬樹寒林黑啞啞鼓朔風驚棲渾奪席忽散豈傷弓亂路眠

牛背低翔入港蓬橋頭有古廟最開夕陽紅

蜂房

斗大侯封宅羣飛競日忙茅簷喧點綴花氣煖芬芳股力微
微重鬚牙細細黃割時留未盡小物護屯糧

稻場

一片晴光地如塲積困黃西成歡比屋抵稅有餘糧父老謀
春酒衣裳補織孃幽風聊可誦何假午橋莊

礪米

處處寒風剪家家新釀多人安耕鑿力村滿太平歌屋角鷄
豚柵床頭糞菜窩夜溪呼醉罷踏月過前坡

老隣

深秀亭詩集卷之二
三
矮屋遮叢樹臨流住老隣薄田能守墓古貌拙爲民雞黍留
清夜詩書話遠賓板橋斜對岸城齒往來頻

荒丘

苦負新埋土悲孤十五年松楸寒露滴墳前白絲懸掃葉親
香瓣全家拜紙錢遠遶真冒罪愧恨薄名牽

題萬湘誦畫

雲霞一片夕陽紅峭壁高懸駭浪中似有啼猿搏野雀山僧
鐘磬落長空

贈吳山崙孝廉以借籍被黜

粉飾從來尚太平憐君獨不保成名焦桐已拭還投火躍冶
誰知又按兵蘇季旋家非隱痛劉黃下第聽公評松筠且耐

冰霜色 思出神明有變更

寓齋瑣咏二十三首

瓶花

影逼虛堂畫香侵古硯池有情深注水得意一駢枝濕露憐輕折當風避弱吹經秋供客眼賴此案頭姿

盆樹

其奈千霄質場師束縛多虬枝撐小角拳石聳微坡積翠生烏几柔絲厭女蘿略存修幹意不在影婆娑

爐篆

一縷翔雲細經年活火紅高閒常御座清妙忽迴風茶味添空外詩情恰箇中伯牙何不遇消受響焦桐

深秀亭詩集卷之二

衣香

不覺魂銷甚還從何處沾御爐身莫近培菊意常怙豈敢驕荀座空思賦寶奩軟塵愁易染酒氣獨宜添

茶具

竟日空廊沸壺來戰綠肥偶然過七碗無事掩雙扉泉水清難得鄉心渴未歸最嫌親失檢香味便全非

酒甕

白日空欲去青州那可無能賒留對客易倒恨貪奴開便隣墻覺酣終遠夢枯步兵如得著誰爲薦狂夫

詩箋

投贈紛然集如登多寶山黃初誰向古島瘦我全刪日月看

新異情文在老閒不知千載後位置却何關

畫片

不著登山屐何妨臥勝遊一枝憐欲折百疊望堪投象外幽然意空中無限秋獨愁江海濶魂斷最高樓

繩床

不慣煨人炕軒然臥大床鐘聲遙入枕客夢漫歸鄉七尺心雄萬微官意絕荒夜來繩忽斷堅坐待天光

棕拂

自覺修髯冷空齋儼道家驅蠅聊復爾揮塵却還差悔不芒鞋走無端霄漢賒故交常共捉瑟瑟響如麻

書架

深秀亭詩集卷之二
恨不焚時盡窓前却又攤借抄存鄴架耽悞爲儒冠拽響驚防鼠空翻似有瀾平生精力在熟識楮毛殘

劍匣

未得延津去奇鋒且漫藏燈前疑出電月下閉添霜老我邊疆外懸他琴硯旁風塵終日滿不易拭干將

禪椅

鎮日聊枯坐何嘗異老僧花前聽法雨客去對孤燈盤膝高腰折馴獅勝馬騰不嫌門閉後屏息靜於冰

古鏡

一鑒猶然在江心霜月清鬚眉增老愧魑魅幸潛驚背後虬龍伏窻前畫影生絕無脂粉照劍氣獨分明

遠札

敢忽傳鴻意天涯金石交心情全注此夢寐不能拋裁復松烟懶看深漏鼓敲積成經幾尺人半遯初爻

老槐

綠蔭濃全合秋蟬冷一吟門閉空白社花吐亦黃金遠接長松黛斜烘落日陰僧雛皆仰事爲護百年心

佛火

永夜沉沉白空林淡淡青客心銷一點僧侶對殘經萬事燃灰冷浮生花雨零比來常不寐方寸識惺惺

洞簫

月白霜清夜其如此客何爐香還未斷鳳羽儘堪過字字留深秀亭詩集卷之二

五

嗚咽聲聲入咏歌樓頭有少婦弄玉恐情多

清梵

萬象虛無夜空山刺此聲寒灰爐反熱久客夢如醒雪影銀蟾白庭柯烏鵲驚不知身世外何處著浮名

樞馬

久伏殊非意何關棧豆歸畜蹄當有待嚼鐵忽長悲霜月秋高甚關山路每岐漢家方得此汗血敢遲遲

風鐸

不似秋聲暴慈祥密復疎山僧閒倚杖墨客冷攤書此意何時破空天得自如可憐塵染地充耳幾曾虛

鴉聲

禿樹移斜日虛堂捲朔風飢呼爭幾點忽散亂長空客况清於水南音斷去鴻晚來棲不定多半拾鈴東

鼠跡

最厭燈昏後宵行不畏人書污空案墨梅點五花塵索米無餘耗窺梁恐及晨敢念何莫去偏擾客囊貧

從軍人還貽塞外石葉分得屋字

霜天早掀簾朔氣騰書屋有客據鞍來橫劍束戎服抵掌述邊形聚米如在目急出小革囊碎石盈一掬其利或犀金其紋綴綺縠黑風捲黃雲磊磊飛寒濤客言盤龍堆此類積萬斛鐵蹄不能前響踏沒馬腹堅冰七月中雪花打空谷偶然照斜陽耀我滿山讀聊檢裏征衫爲子石交啻吁嗟遠人心深秀亭詩集卷之二

五

歷盡塵沙麓酒盛白玉盆寵以清泉澆五色既紛現几上補天族獨憐貧士多煮食不得熟

寓齋雜興二十四首

張緒依然楊柳廣平賦就梅花我意深憐一線君情定發寒能

枕畔朝郎呼棍牆邊樵馬嘶風文事當知武備書生終讓英雄

雄

嶽嶽天邊山立津津雨後溪新百里種花何地九重折檻誰人

機

青草湖邊漁父黃陵廟後湘妃血淚至今垂濕棹歌久矣忘機

冰雪可無星火樽罍綽有風雲坐客甘師元度虛聲笑鄙田
 文
 謝傳登山聊遣卻超入幕全非識量能包江海才華可惜星
 輝
 殘菊寒如陶令蒼松挺作張綱何必柴桑便爾可知殿陛當
 強
 忽展柔情萬縷難忘遠夢三湘花落鳥啼未歇燈紅酒潑如
 狂
 士氣無如酒德山僧可解松風醉後乾坤落落空中水月濕
 融
 牆角朝排影墀床頭夜聽霜鐘客况老於寒木文心幻作神
 深秀亭詩集卷之二
 毛
 落葉聲聲未了歸鴻字字成雙客路魂銷楚雨孤蓬夢繞吳
 江
 閒去尋僧踏月愁來借酒譚兵牆上籠紗未碧城頭擊柝常
 驚
 朝貴未離寒素書生不合時宜入座何能食客稱功欲碎豐
 碑
 竹影虛窓沉墨松梢冷雨懸針有客漫揮風塵無絃欲響床
 琴
 一夜江湖潮湧空山風雪天低好趁橋帆直北誰憐鞍馬征
 西

遠信蜀山明月高懷天半朱霞茶熟詩僧忽到簾開紋篆閒
 斜
 國士老終投閣人奴早博封侯汗血熱騰怒馬江湖寒打清
 流
 入海井蛙難躍聽鐘隔虎常馴黃霸何須作相侯生不愧爲
 賓
 犬吠月明花影鴉棲風定枝頭坐看幾行燈火聲傳何處鐘
 樓
 窓紙溫明冬日簾衣重壓微風擁被尚飢高枕隔牆聞踏青
 驄
 夢破月虛窓影心空舌轉茶香樓角風噎凍雀爐烟門掩禪
 深秀亭詩集卷之二
 天
 房
 雪日梁園作賦燭花楚館徵歌才子不堪愁重美人翻惱情
 多
 問字嫌無載酒看山何處停驂歌板夜敲樓角香魂夢繞江
 南
 江上數峰不見樽前萬事都非鬚髮慣憐客夢米霜憐打征
 衣
 和孫松坪太史移居卽事次原韻三首
 輪蹄何處避黃塵十笏空齋七尺身東樹陰成垂北牖梅花
 賦就問東隣閒情已任莊周蝶客况還呼中聖人錯落珠璣
 渾滿腹君才江海不曾貧

雪老湖海酒杯深此外憑誰問焦桐忽有音

老

奉母方長日何當以老稱鬚眉荒草筆墨走騰騰劍剖空中雪人如定後僧不知湖海客可識最高層

貧

貧以豪爲達空囊莫問天孟嘗焚券後蘇季敝裘前客到難供酒詩成只品泉賣文殊不識冠蓋絕堪憐

醉

酒力依然猛寒宵索醉多蒼生憐不盡萬事奈如何松舍昏黃影銀燈宛轉歌大都同夢寐嵇阮且蹉跎

耐

深秀亭詩集

卷之二

三

二載甘霜雪京華老積薪還家徒有夢彈缺已無賓滴淚增酸楚焚書快暴秦莫嫌卜式賤聖世重垂紳

冷

世態何堪熱青山冷最高閉門松竹影放眼海雲濤老僕支星火枯僧借縑袍虛磨晴雪落片片似鴻毛

拙

用拙非無意天常恕拙民寒花聊伴雪老樹不矜春棋局機全昧朝官夢未親偶臨乞米帖猶恐笑東隣

破

已覺晨鐘響空窓月影虛客貧殊落落夢醒轉遽遽裴散禁衝雪身閒好著書浮雲經去眼何事不與如

怕

怕聽沙場語青烽繞白狼夢魂人雜鬼鋒鏑血侵霜天子親征壘要荒負夜郎一時崇衛霍書牕竟無長

閒

鎮日看雲態青天亦太浮閒情僧易忽幽趣我偏求香抱花鬚演溫宜酒盞偷司閒無一東詩卷獨常投

悔

悔不輪邊早蒼髯始效蠶溫柔香作夢慷慨恨長貧底事關生死無端戀苦辛不如歸去路誓墓守遺民

誤

一誤何堪再皇天鑒此心山川羞謝傅老大負焦琴醉罷常

深秀亭詩集

卷之二

三

如失情深不可吟當筵偏顧曲忘却夜寒侵

安

初地安心竟鬚眉似可髡百年終易老萬事且當昏造物冰霜白詩書君相尊呼僮調野鶴爲閉小柴門

癡

絕笑王家叔無如看竹癡柴桑方是節龍鳳已非時淚向樽前滴人從夢後思不知千里外今夜可曾知

怪

怪煞虬髯老三更醉未眠霜鋒團浴月燈火亂飛箋鬼哭人何在天高地不圓我徒爲卜式駿馬似牛牽

尋白于西閣左臣不遇

三子連衡近招尋輒莫逢殘香寒剝菊古榻靜眠桐酒甕開
難得書籤壓甚工徘徊簾影畔可惜夕陽紅

歲暮雜咏十首

連日無車馬霜風且宴眠人情請久客塵事厭訛傳貧豈官
爲累愁應醉入禪大都張世網老聽小兒權

凍日難烘背殘香欲破衣雀落乾老樹僧夢掩斜扉豪興愁
停飲離情怯送歸不知今落晚絲絳更雄飛

餘雪明斜日寒鴉噪晚鐘寺門殘客散蒲簟老僧慵酒具呼
童滌詩篇剪燭供蒼髯忽有影坐近爲盆松

枯樹寒撐月禪燈淡照人佛因狂客恕天許滿杯頻舊愁
香夢奇詩殺鬼神擁爐長不寐鐘磬及凌晨

深秀亭詩集卷之二

三

雪意風吹鐵水漸水結皮閒交僧具酒暗開僕爭棋立馬循
牆直啼鳥檢樹移晚鐘敲又過小坐客常歛

中酒不可出催詩書復來隱水尋硯眼炙火綻梅胎熏麝衣
誰疊封茶手自開黃金鑿底盡休說古藤臺

人力徒爭夢天施不測思儒臣未可殺邊將忽殊尊報豈捐
骸易親承笑語溫爲傳王謝老何以重乾坤

惜別連宵酒關情一輩人鐵蹄風雪遠蘭譜筆花新入宦愁
前路催科忍瘡民近聞諸大吏守法亦甘貧

難得家書到挑燈醒酒看高堂傳健語禪子慕儒冠戶外清
如水閨中小結壇止因風雨暴修築費無端

點點名心薄荒荒客思愁貧交憐哭母割贈恨無舟抱膝松

簞影看山風雪頭熱腸殊冷盡挂壁厭吳鉤

汪公上許益梅詩以促之

客舍清難遣昏黃恨月孤感君期雅惠瘦鐵供狂夫香到烘
時郁詩添醉後扶不知珠藥綻能早撥來無

鑿氷行限韻

朔風猛戰吼不歇御河流水皆生骨鐵蹄可渡白日陰堅精
一片琉璃滑收藏有令急乘臘堤邊伐斧千丁掘我適披裘

被酒來見之凜凜豎毫髮方於圭璧堆巉巖玲瓏打破水晶
闕涸魚凍盡潛蛟咽殘澌結重老夫被黃塵不敢更輕揚埋

入深深三丈窟熱官門內那曾知日擁銅爐燒楮袖明年揮
扇踞華堂却倚氷山過六月

深秀亭詩集卷之二

三

陸載雲招同許不棄王用儀雅集

連朝風雪客情酸古道敦惟獨歲寒湖海未嫌書卷課乾坤
贏得酒杯寬疎鐘隔院聞空谷凍藥當軒亞曲欄入洛機雲

才自捷不因裘馬博微官

翁康貽主政招飲同福州許不棄杭州章豈績金華徐

君待嘉興于靜涵

殘臘無多日開尊有異香相逢皆客子促坐滿華堂松竹悠
然夜鬚眉幾許長不知今後會可憶老潘郎

客中除夕守歲燭長懷故鄉者舊同學十六人

張漢度茂才

安然耕鑿守東吳特立文峰起大巫半世曾經全盛日少微

不愧老狂夫鬚眉霜雪高松柏襟帶雲霞入畫圖料得椒觴
酣咏夜衡門一點俗塵無

張硯銘孝廉

劉伶酒頌果誰知公也風流古所師接席每欽剛似鐵談詩
獨許味抽絲亭臺松柏奇偏盡湖海襟期老更持此夜燒燈
應不寐驛蘭熏處賭圍棋

許鶴沙觀察

扶病情偏送別多感深勗句念江河看雲老著東山屐採藥
應除健鶴坡洛社乾坤公等在京華夢想我儕訛霜天雁翻
南歸少歲安相思滿辟蘿

董聞石進士

深秀亭詩集卷之二

雷

三策全辜廷獻才杏林不悔變蒿萊日將門開城隅影老去
香銷花下杯別語惺惺愁客夜黃塵滾滾逐燕臺尺書把讀
逾瓊玖想到吟壇試早梅

陸敬峰侍御

春明夢破酒爲民老是庵中託此身樵牧可歌皆入座烟霞
無跡不離塵東臯路雪探梅展南浦橫舟理釣綸叱犢信知
驄馬滑別情愁我記酸辛

吳屏山二尹

風騷那肯辱卑官拂袖還歸賦考槃墨汁能揮銅斗大楸枰
愛賭燭花殘酒懷眼白常狂視香蕩魂銷絕老酸可挂輕帆
尋舊席生徒問字滿江干

沈貢園高士

廿里晴雲白雪長梅源獨覺歲寒香高吟抱膝懷虞夏遠夢
清流弔沅湘筆陣止憑醇酒助心期誰共素琴張山家雞犬
鳴麟鳳夜靜疎星帶草堂

陳山農州幕

陳琳草檄舊長才漫向楓橋賣藥來客裏雨聽雙樂共貧時
花對一尊開衣冠徒老江河夢筆墨深酣雪樹堆下宅近聞
仍故里翻嫌身久出亭臺

李昂若文學

力田孝弟亘乾坤夙夜無慚我道尊士氣老如松柏翠春風
轉覺雪霜溫懷人短棹輕千里覆屋孤雲白一村羨爾庭翁
深秀亭詩集卷之二

三

能斗酒梅清鶴健是天恩

宋楚鴻明經

扁舟歸路挂秋風別夢長縈午夜中矢志何愁閒聽鶴知音
難遇老枯桐酒酣天趣山山碧簾落花生字字工一去江湖
無人鱗雪霜應閉舊牆東

嚴漢懋廣文

讀書豈足老柴荆奉母茅容不世情貧現有田終是瘠寒江
無雪亦成瑩羊裘漁父人皆識龍劍星文夜欲鳴出處升沈
都未卜那堪遙憶歲寒盟

顧後山正字

辟疆歸興近如何座上圖書酒盞多紅日儘荒閑夢青山

不負紫芝歌爐閣錦幄彈箏夜雪滿松陰待鶴坡可憶相期
朝散後每過花市看烟蘿

宋南陔進士

青山高對老松筠海鶴同閒七尺身騷雅豈嫌悲宋玉功名
何必上平津諸郎緇虎才俱健舉世浮雲道獨真文酒幾人
還不減城南展齒往來頻

徐心在文學

庭前梅萼舒清影夜半青聲散遠空高士羽儀常越俗王孫
風度已成翁搜囊贈客情如海說劍開尊氣吐虹欲報尚憐
無寸進挑燈默撫懷焦桐

高棧客上舍

深秀亭詩集卷之二
雲霞風落自超凡廊廟何如戀石巖小阮狂能高白眼諸王
舊不在青衫親喪苦滴松楸淚家散空餘蛸蛸雨感念別情
江海濶可知片板未張帆

袁子彝山人

一生情性一床琴流水高山託素心大道儘優支短褐長貧
豈厭老荒林書窓積雪詩初就馬背飛塵夢不侵安得盤鷄
充事母酒香梅白閉牆陰

深秀亭詩集卷之三目

元旦

飲曹伊人寓

再飲陸靜舍寓

安郡王古香齋設席

微雪分韵

穀日集李若華寓齋

早過御河橋

馬上

白塢

清虛閣

拜斗壇

裘循卓招飲

立春日飲伊人齋

元夕張司業寄亭招集

諭德楊芝田先生招集

李寅谷招集

送袁靜公選鈞

送周確齋明經

同宋稗恭飲

雪夜飲寓齋

深秀亭詩集卷之三目

與劉大山薄里修飲

憶江南梅花

上巳日集

徐敬齋太史招集

送殷彥來之山左學使幕

送陶奉長明經歸長沙

送汪公上大令武陵

賈四王州牧納姬

閏三月望夕

送張儀廷之江南范制府幕

尚樸山孝廉邀看牡丹

再次慕廬韵

尚樸山招集

早出西便門外

裕親王目耕園

送景冬陽進士大令高要

王說霖侍御招飲限韵

陸載雲招集

鄭方南給諫招飲

豐臺看芍藥

孔東塘民部招集

王用儀招集

曹殿恭中翰集寓	從張咸臨州牧借缸養魚
杜金章以瀚海石子見貽	李月堂州判官廨落成招集
錢省齋主政招飲	水月庵與陸震則明經夜話
陳新南招集	潞河舟行
七夕趙天羽先生招集	送吳凱仁中翰
送閻蘊仁大令新鄉	送朱魯濱大令之吳江任
送沈霖蒼南行	早秋次櫟山韻
伊陽大令	次東臯來韻
送陸靜圃	庭竹
盆榴	紅夢
藍菊	送沈青城之三水任
深秀亭詩集卷之三目	土
獨夜坐雨	補裘
答臨州姪	八月十四夜
中秋集司業張寄亭邸宅	詩成月忽明
十六夜	送張治安大令衡陽
袁宮允杜少同集岸堂	送施蒼珮之滇藩幕寮任
東李仙李掇狀元	徐道積館選
徐桐軒招集	留別家贊善雪石
留別少司成張寄亭	留別張龍章
留別徐桐軒同學	留別少司農新城王先生
留別 安郡王	留別孔東塘主政
留別宮坊袁杜少先生	樂毅故里

涿州道上	張飛故里
高碑店早行	安肅道中
清苑道中	靈雨寺
慶都夜宿	清風店
虹橋古渡	真定城外
渡漳沱河	晚次獲鹿
井陘道上	九日平定州山行
晚次旅舍	早出平定州
晚次壽陽	穴居
土埂	山田
野醉	老栢
深秀亭詩集卷之三目	三
晚次什貼鎮	鄭村月夜
策蹇	野步
東溝	客久
風夜	西溝
南坪	臂鷹
許丹溝	有訪
閒	幽
聞歌	索酒
村童以生兒來獻	夢圓
曉望	酒醒
客思	客踪

深秀亭詩集卷之三

雲間潘鍾麟肩峰

康熙三十六年丁丑選二百二十六首

元旦二首

九天開闔曉鐘開燎火喧傳列上台擁被獨高松影外捲簾
新透日華來慈闈兒女思團拜客舍衣冠整舊裁爲謝程紅
拳大字毋勞踪跡叩香臺
策馬天街信履端輕肥相慶只彈冠梅梢鐵綻青山冷雲氣
風調紫禁盤幾簇貢臣欽遠入一丸邊報領平安屠蘇便向
心期飲不愧文章傲鳳鸞

飲曹伊人寓齋

深秀亭詩集卷之三

隔院尋詞客停車近竹林韶華新歲首酒力赴同心戲賭藏
闕密高譚清漏深紅燈多佛火佳氣碧沈沈

再飲陸靜舍寓齋同黎立池鄒去塵

客興酣方勇交情久益深湖山思故國踪跡共禪林風鐸遙
遙聽爐烟細細侵天涯何不可對酒便開襟

安郡王古香齋設席同張崧高陳健夫徐芝仙

香霧融融接錦茵燈光初爛月華新聲傳玉漏長清夜名愧
梁園舊上賓香透禪機剛醒酒風來闔闔不生塵探梅更有
西山約未厭陪遊屐齒頻

微雪健夫芝仙過飲分韻

白社沈清曉青天似落梅停驂來遠客撥火共銜杯品味山

僧薄吟情風鐸催不妨澆熱血消受此寒灰

穀日集李若華寓齋

客裏同鄉話倍親燈花香影歲華新英雄剩技多鵬政名姓
誰憐半席珍事到熱腸甘任力寒方撥火未交春歸途緩踏
豐登兆晴月弦張照紫宸

早過御河橋

緩踏霜清白鼻騮恩波初動泮冰花樓臺天半宮雲束金碧
林端峰影遮樵牧唱容聯大道衣冠朝罷散紛麻春深柳線
周堤綠聞說宸遊愛繫樵

馬上

馬上看山色行雲遠忽開晴烟烘樹出空翠撲衣來宮闕輝
深秀亭詩集卷之三

金碧燈花豔草萊太平端有象何術正三台

白堊

百尺巍然峙風烟近紫宸握衣心已肅拜石眼常新象教
何年設鐘聲絕頂神憑欄聊遠眺不敢坐來頻

清虛閣

今日清虛閣何山路馬來環峰蹲列座老樹鎖荒苔半畝金
華刺中天雲氣迴最嫌逢野叟還說棟樑材

拜斗壇

九五朝真處蒼涼大內基皈心誠北極何意兆登降流水環
廊白曉巖壓樹欹至今星月下恍惚肅威儀

裴循卓招飲

咫尺笙歌地花香卜晝時心期端易醉觸政不嫌遲采藥思
雲窟彈冠笑鬢絲看君好虎子七歲早能詩

立春日飲伊人齋

久客惟耽飲交春故作寒盆梅香始發燈火夜將闌耕鑿懷
田野文章飾鳳鸞陋他與隸習名姓說朝官

元夕張司業寄亭招同吳元明錢鶴山錢亮工蔣揚孫
查德尹殷彥來凌秋翼九集邸宅

講學堂開不夜天京華晴月又初圓人皆老客園鄉語春似
恩波到酒泉擊鉢闌題誰背後傳柑催鼓暗憑權燈花明透
狼烟息收拾鉦鐃播管絃

論德楊芝田先生招同張長髯徐桐軒蔡綺洲李寅谷
深秀亭詩集卷之三 三

劉正凝李若華葉來青王瀛洲錢彙采莊丹吉集邸宅
華屋明燈琴研座清宵晴月錦香叢心恬花影彈棋後氣挾
江湖瀉酒中萬事且隨娛客眼一年今始荷春風笙歌緩踏
歸途晚裙屐何如裘馬雄

李寅谷招同霽其相丁啓祥蔡綺洲張椒屏陳石城馮
楚岑王瀛洲錢彙采施子憲君珮及令弟若華集宛平
相國園亭卽事二首

何必通名姓昂然竟到門低雲眠駭石老樹直留兒鶴立仙
風靜龍飛 御墨尊闌干千百曲幽路始藤根
傑閣長林出西山畫卷橫酒酣揮落照腸熱念蒼生宮闕雲
常近燈花彩互明紛紛絲竹處還隔幾雕甍

送袁靜公選鈞告養歸里二首

清流何冷冷垂柳何青青賢者結遐想高致何亭亭不見簪
纓客管營繁列星要津陟通顯齒頰動神靈誰肯寄漢上浩
然刷脩翎浮榮不足戀色養全獨醒

庭前薜蘿長庭後蜜萱黃湖山當絕勝水雲貼江鄉君子遂
初服歸夢多清芳借問囊何有殘卷滿青箱疲驢出國門銓
曹殊荒涼二疏爲前導史冊增輝煌

送周確齋明經歸金陵卽次留別原韻八首

何必紛紛羅錦衣雲山高與世相違香當鍾愛思蓮浦夢到
清涼繞竹扉躍鐵空天尋舊冶焦桐明月操將歸不知籠絡
調鸚鵡可及凌風白鶴飛

深秀亭詩集卷之三

四

落落風塵厭貴遊甘心何處識荊州空將倦客千場醉消盡
他鄉萬斛愁電影誰曾憐驥足人才老去號龍頭功成衛霍
偏奴隸李廣從來竟不侯

客情不止別魂銷獨有攀條柳色饒投筆也知工御馬開弦
豈敢便思鶚鍾陵草木空荒殿南國江山恨六朝收拾奚囊
歸路好風前惟指酒旗搖

葆真自古不雄成得失全忘寵辱驚未到公卿渾是夢偶因
絲竹最移情浮生肯負穿山屐名士都填焚硯阮棋局長安
今更變何須黑白苦求贏

車壁空拋朱雀航燕歸何似早收糧漁習夜浸秦淮月海濤
春深王謝堂恨未百年輕老大事傳千古獨文章杯中有物

堪遺世只恐當墟債莫償

黃金易盡士無顏那得丹爐藥九還霄漢冠裳疑縶縛烟波
風月儘鷗閒峰巒自向空天籟枝葉何如一筆刪莫道白頭
歸興晚燕臺猶近玉門關

莫愁湖繞石城西雙槳曾貪過小溪粉壁舊痕標醉墨杏花
新雨印香泥聽來絕調蛾眉細望去遙青鳥背低今日因君
情一往不禁仙境盡圖迷

既不從軍免執戈豈堪負弩辱先驅歸田袖拂陶徵士祖帳
心儀漢大夫積雪幽燕晴沒馬斜陽城闕晚啼烏楓宸剛下
求言詔未必人情敢薄儒

同宋釋恭張紫綺曾符飲椒屏寓齋

深秀亭詩集卷之三

五

旅况貧無敵春懷醉獨閒微陰堅積雪俠語壯聞雷賦就梅
花白風高楊柳來何慚名下士聲價重燕臺

雪夜張儀亭椒屏殷彥來小飲寓齋

我意方謀飲嘉賓與恰齊虛窓高秉燭薄雪恨沾泥客况貧
全定禪機醉不迷蕭蕭松竹影漸白玲鈴西

憶江南梅花次徐鶴修韻四首

晴雪低覆碧闌干鄧尉山頭春尚寒蠟屐幾番清夢裏香臺
一片白毫端僧廊調鶴騰空出竹杖逢人入畫看好景儘閒
幽思遠笛聲吹罷闌龍園

楊州水部舊詩名東閣寒香官獨清畫舫乍停春雨綠江烟
初泮曉風輕一尊裙屐尋芳徑十里笙歌趁早鶯記得板橋

歸路窄玉兒扶袖解新醺

白雲迴合一峰青靈谷曾探古塢鈴佛座飄來高積粉雀聲
街出滿空庭殘書有客攤春晝落月無痕映紙牖不似烘葩
奇矮尺珠光難煞吐星星

一篙綠水滑芳晨捲畫溪邊作旅人幾樹醉思林處士沿山
低放玉龍鱗風前瘦鐵撐斜格雪後參寥壓半湮消受黃昏
蟾魄影湘簾微動和烟皺

與劉大山游聿修鄭基生孫振公張退庵李道豐集徐
桐軒齋次退庵韻二絕

林泉氣味獨葆真大異門庭畏客頻我亦萍飄薪積久居然
豪飲若無人

深秀亭詩集卷之三

六

鳥語琴調響絕幽風塵誰解與天遊南州榻上多名士張緒
依然尚黑頭

徐敬齋太史招同馬惠我孝廉沈秩庭中翰徐少庵進

士雅集分韻

聲撲湘簾壓玉鈎花磚乍可午風幽香傳琥珀濃鸚鵡書展
江山刺葉舟舊夢消思尋菜味雄關高說雁門秋白肩腰瘦
都文采我特何長荷獻酬

上巳日曲阜孔東塘任丘雁雪崖遼海陳健夫盧龍劉
靜伯江寧蔡鉉升建德孔竹巢無錫顧天石吳江顧爾

立寧鄉陶奉長貴州唐御九虞山徐芝仙宛平李丹崖
同集谷寧上人丁香院分韻

西山晴翠插天高，選勝閒情屬我曹。
花藥細憐含粉籀，鐘聲遙聽隔松濤。
衣冠今日開青眼，瓶拂餘香傍濁醪。
試較永和王謝跡，止嫌春水不成篙。

送陶奉長明經歸長沙

送君三月出燕臺，柳眼春寒倦未開。
囊橐空垂收劍鐔，風塵誰辨失龍媒。
黃陵廟後湘妃淚，青草湖邊濁酒杯。
飽挂歸帆斜日外，鷓鴣啼老客心灰。

送殷彥來之山左學使幕二絕

一月連床把玉卮，飄歌忍去惜花時。
禪林此後清如水，祇覺魂銷楊柳絲。

滿載詩書未是貧，風塵那得不因人。
知君雙眼高明鏡，魯國深秀亭詩集卷之三

諸生品始真

賈鼎玉州牧納姬六絕

三月春光似海深，妬君書屋作黃金。
朝來客坐湘簾外，便覺濃香護隔林。

客中那得好花紅，磊落襟期迥不同。
十斛居然囊橐有，溫柔鄉裏亦英雄。

二八猶聞小一年，盈盈初嫁劇堪憐。
丁香細結同心藥，暗喜紗幮玉鏡前。

一線風吹一捻腰，郎君可識紫龍綃。
兒家芳姓非凡族，漢相梁孫頗歷朝。

知子偏多戀酒卮，高燒紅燭且遲遲。
何人爲誦催妝句，隔幔

微聽善解詩

客散天街鼓一撾，閒仙方共飯胡麻。
平明未必驅車出，要看金釵貼鬢花。

送汪公上大令武陵

曾從圖畫識漁郎，仙境風烟抱水鄉。
玉笋池清高夜月，丹砂井綠覆條桑。
蒼生近賴調琴靜，治行無如撫字良。
卽此敢爲知己勗，三年報最看文章。

送張儀廷之江南范制府幕

人生不久客，那知客情深。
客中遠送客，那得不頻斟。
憶君楚南來，路出武岡岑。
鷓鴣啼斑竹，青草滿湖陰。
洞庭八百里，布帆濶披衿。
蛟龍若可起，奮翮直千尋。
六月走燕市，馬蹄復駸駸。
深秀亭詩集卷之三

八

駸竹扉冷扣我，古槐綠禪林。
道故與佛火，和歌響囊琴。
肝膽白於月，氣骨硬於金。
連床聽秋雨，望彼早捷音。
抱璞不見剖，淚痕與酒侵。
傷哉未嫁女，歛手和神鍼。
爲人工刀尺，有語亦如瘖。
一朝發雙鯉，素書下江潯。
大范天下才，草微徵陳琳。
詎乏臂指使，恩信而輩任。
公侯特慎重，求舊推腹心。
願褰周召績，毋愧虛左臨。
奚止冰玉操，夙夜凜清箴。

閏三月望夕宋稗恭賈鼎臣陸載雲錢岳樓施蒼佩陳渭水集寓齋卽事二首

難得春三月，流光閏一時。
士林多老客，瓶甕惜殘枝。
意作團圓夢，風歌大曆詩。
秦階方正夜，漏鼓不嫌遲。

腸政翻朝局，偏容貧賤驕。
娛親真戀戀，入幕故超超。
剪燭全

無待呼童却有條莫言今夕酒不及下江湖

再次韓慕廬先生韻贈賈鼎玉納姬五絕

兒如漢苑柳春色嫩三眠試問洛陽墳鬚眉長幾年
郎從江上來夾岸映芙蓉可及青鸞鏡晨妝面對鏡
春山不用畫纖錦願無詩自愛丁香下新填雙燕詞
只怕秦淮渡桃根處上流釵行知第幾暗結一星愁
幽閒微顧影不愧號蕭娘羨煞長沙客魂銷福敢當

尚樸山孝廉邀看牡丹以微雨改期樸山有詩爲次原韻二首

薄雨何妨洗老晴養花天似解初醒香憐客路重三月人坐
書床傲百城肯負詞壇飛將約慣遲燈火晚窓明苔痕影碧
深秀亭詩集卷之三 九

釣簾外好夢依稀託寫生
隔日新嘗馬上茶良辰又報看名花客中身老遊偏捷醉後
天青興未差十里軟座宵雨綠萬行低柳漲溪斜端知可抵
江南樂不獨開襟擁彩霞

早出西便門外

信馬循吹柳看山揭曉雲行人初未雜活水遠先聞幸解冠
裳縛青從田野分到來皆入畫魚鳥可同羣

尚樸山孝廉招同三韓余應侯鄭鳳來高及超從化張
兼來順德劉倬之番禺鄧聖涵新會陳直普呂峻明東
莞鄧際聖王君冕錢塘王亦杼嵇彌上海鹽查德尹楊
次也錫山顧倚平太倉吳元朗王溉之長洲徐孝常昭

略李秋水集南枝草堂看牡丹花開千本種備五色
卽席限韻二首

客裏韶華恨易埋詩芳今始暢高懷霓裳盡現三千褶金粉
行增十二排坐盡臺陰香漠漠啄來簾影鳥啾啾不知腸味
消何福好似環溪入大淮

賓從如雲興未殘夕陽無那過雕闌綠珠樓上生金谷青女
天邊下彩鸞可惜懽場非久駐最牽幽夢是頻看風塵幾許
飄零客爲問誰參富貴端

送景冬陽進士大令高要

鈴羊峽口綠生烟雨後蒼梧水拍天書影簾開晴月上花香
琴散晚衙前已知彩筆飛仙吏能使淳風熟野田三載鋒車
深秀亭詩集卷之三 十

輕報最端溪不收石如拳

裕親王目耕園四首

野趣饒新綠風光帶遠青垂堤千萬柳噴水兩三亭路轉桑
麻合風高魚鳥靈何曾矜帝胃雅重客爲星

蕉葉開書卷藤蘿覆屋毛清陰閒入畫濕翠暗生青已覺田
啼樂翻憐塵夢勞落花紅似雨空外漲雲濤

拍水鷗鷺出沾風蒲荇長竹欄通略約金粉上浮航雨過櫻
桃熟帘斜雪酒香幾迴巡岸曲幽絕客衣涼

與僕頑樵牧恣行藉草眠呼歸渾不應倚醉若爲賢落照張
魚網輕烟秀麥田迴眸凝眺處佳興鬱無邊

陸載雲招同沈融谷宋輝恭張西木椒屏裴循卓劉靜

伯賈鼎玉王用儀序輪集疑圖

清晝陰濃薜荔牆蕭風初遞聚花香雲霞自合交金舊鬢髮
何高坐半蒼嬌肆黃鸝疑隔客猛拚綠蟻誤爲郎比來漸怕
冠裳束卽此閒情不易嘗

王說霖侍御招飲限韻

酒力猶能吐白虹花時何必避青驄巡邊剛滌恨烟息退食
微聞廷議雄櫻笋江鄉登四月冠裳帝里昧三公推心竊感
盟金石甘向僧彌拜下風

豐臺看芍藥

客情忽高暢良辰發清遊孤行謝塵侶浪出學輕鷗芳郊新
雨濕遠洗碧山頭籃輿走樹影十里風颭颭沈鬱顧綠野宛
深秀亭詩集卷之三

土

轉足淹留元老起臺榭別業儼蓬丘隔牆聞花氣蝶粉撲簾
鈎縱覽不及徧五色耀雙眸園丁前致語異本購中州國恩
培兩世光華沐餘休經月或一至賓從輒紛投開落不復剪
盛極良自由我因貪看久與花結綢繆對酒却忘飲醉恐花
神羞霓裳者何豔雲霞兮何稠黃金無多屋紅粉賤徘徊宿
露開始滴薄日烘旋收惜哉未假館秉燭同風流

鄭方南給諫招飲話舊

掖垣特起力回天別緒驚心老十年報國正調新愈疾看山
那得遂閒緣松濤白社秋霜月楓葉橫塘烟水船此意至今
深夢寐故交酸楚憶樽前

王用儀招同沈融谷宋穉恭張椒屏許不棄裘循卓賈

鼎玉毛德隣陸載雲雅集

百年塵夢悔衣冠四月芳筵競藥欄醇酒意交耽舊德熟梅
風味故辛酸憶前林葉披襟綠屏上烟光過雨寒江左聲華
王謝在君家阿大老詞壇

謂東

孔東塘民部招集岸堂藤下同麗雪崖吳鏡庵顧天石
方一峰陳健夫費厚蕃張玉山分韻二首

最席濃陰合侵衣落影虛雨餘新夕照官靜若幽居書讀神
仙窟碑墓秦漢書到來皆素侶不爲孟嘗魚

僕僕車塵內高懷得幾人詩情閒入化道味老諧貧節物舒
榴火香風約酒鱗客窓歸不遠聲通晚鐘神

曹殿恭中翰張中麓李仙李兩孝廉趙安臣顧雪濤兩
深秀亭詩集卷之三

土

進士集寓齋

客中小集如依鳥每到斜陽任所投有酒便堪催擊鉢無家
何況更登樓冠裳夢境如春霧湖海烟波羨浪鷗鄴下龍門
端趙壁虎頭張緒共風流

從張威臨州牧借缸養魚

燕臺軟塵飛十丈尺水那得平空潑我曹不啻老蛟怒淩梁
却動觀魚想一月隔雨燒火雲心中底事殊快快太液恩波
未可通錦鱗三寸憑誰長忽從君飲見塔前有物能假足幽
賞君領我意叱長鬚速爲轉運易反掌咲花伏藻且悠然雙
眼青白照盆盎吁嗟知己之感在變化魚乎龍乎何日驚雷
躍江海萬里風濤挾奇響

杜金章以瀚海石子見貽

幕府才名事遠征，鐵蹄瀚海逐飛旌。
歸裝滿載雲根細，贈客遙知沙漠情。
煮愧貧家難粒食，投深弱水有金聲。
他山不用能攻玉，文采憑君澈底清。

李月堂判官廨落成招集

清衙那易此經營，聖粉新堅映月明。
窓紙涼秋葉響，瓶花香染客衣輕。
才名雅重龍門峻，鬚髮雄資酒酸生。
誰道官閒如水靜，我曹信宿守長庚。

錢省齋主政招飲通州公署

一水悠然隔軟塵，司空異作神人城。
臨百萬軍橋上地，控邦畿咫尺親。
大會獨教淹小戶，清秋新喜對如銀。
不知此後深秀亭詩集卷之三

水月庵與陸震則明經夜話

京華對月全無水，此地烟波喜共明。
大事千秋君史筆，震則時修去酣歌一夕我閒情。
花垂露濯香茵濕，僧斷鐘敲夢思清。
不讓機雲名入洛，綠知俠氣老荆卿。

陳新南李月堂杜金章招集文昌閣

登臨一望柳堤長，城郭風烟近水鄉。
天下輓輸投彼岸，秋來浮動見輕航。
雲霄絲竹調鸞語，冰雪襟懷滌酒香。
夜靜憑欄呼帝座，遙空奎壁散文章。

路河舟行同沈霖蒼二首

帖水蘭橈滑牽風，荇帶明三年鄉夢遠。
一日客懷清竹樹，團

雲路樓臺望 帝城置身圖畫裏，不是五湖行。

有客同虛泛，憑欄納晚涼。
恩波新雨綠，細草打蘋香。
驚鷺拳方掣，遊魚尾欲翔。
側身看馬上，何事汗如漿。

詩

七夕趙天羽先生招輦下名流雅集寄園限韻集字成
又度雙星節，身依宿翠濃。
不眠消倦展，把酌潤芳容。
洞壑殊勾勝，漁樵聽過從。
邊楓初帶冷，閨夢惜難逢。
寂愛元亭爽，昏遮一岫封。
瓊筵猶可戀，隔檻就排松。

送吳凱仁中翰歸宛陵兼寄施孝虔上舍

滴翠濃烟濕敬亭，羨君門傍好山青。
彈冠何似歸鄉國，襆被輕於健鶴翎。
十畝松杉容醉臥，一年絲竹任閒聽。
故交倘問深秀亭詩集卷之三

京華夢臺上黃金已不靈

送閻蘊仁大令新鄉二首

以爾膺民社，深知我道行。
堂開懸鏡曉，花發繞琴鳴。
無字春臺活，詩懷秋水清。
何難名召杜，親切在輿情。

舊尹循聲著，期君握手親。
大都田野靜，便是雪霜純。
綠柳黃河岸，青尊白舫身。
何時來問俗，相對語津津。

送朱魯濱大令之吳江任

丹楓秋老太湖清，天下徵輪第一城。
杭稻正香田野實，旌旄初蒞布帆輕。
迎來碑口傳朱季望，去風徽重長卿百里隣。
封贈化切冠裳相慶為蒼生。

送沈霖蒼南行

三年兩度出京華惆悵離尊對日斜塵夢可能消野馬囊金
何得聚泥沙且耽香稻尊羹路好趁盟鷗秋水槎燈火漁磯
楓葉下早緘詩興報歸家

早秋次尚樸山孝廉韻三首

新涼風物頗思家浴罷心清廟後茶蘆荻漁舟迴岸柳芙蓉
人面隔窗紗排空山雨疑常壓噪晚林蟬漸不遮遙望雙星
佳節近曲廊閒倚碧欄斜

僧床客老久無家誰進龍團活火茶白髮乍驚羞把鏡青衫
未必是籠紗桐蓀滴雨朝朝綠竹葉侵蕉處處遮坐到翻經
揮塵後一簾銷盡篆紋斜

花枝何處覓盧家白社樵青澹煮茶客散風清來几簾蛩吟
深秀亭詩集卷之三 五

新雨過燈紗三年夢繞尊醺渴一徑陰低薜荔遮臥看移情
圖畫濕溪烟欲上釣絲斜

伊陽大令錢東臯惠問遠來詩以酬之

思君忽下朵雲開珠玉紛同水俸來豈有塵埃埋劍鏑感將
電掣囑凡貽封題歲月愁官舍點綴山城長藥材慚愧客囊
無一報秋風叉手立蒼苔

次東臯來韻二首

重尋別路轉茫茫古佛喬林冰雪香宦近中原何不可客如
我輩始荒唐花前澆酒人旋散燈下揮毫影獨忙銷盡黃金
歸未得幾曾夢想到臺郎

千古文章何所據使君孤耳特英雄蒼生欲訴遲前席強項

誰甘拜下風鐘鼎夢嫌秦相篆雲霞花發漢秋官多君流澤
伊川繞雅化絃歌吾道東

送陸靜圃南歸兼寄陳廷徵

逢君六月踏黃塵去日秋風送遠津逐電何如歸棹穩彈冠
且共舞衣新清時綠野人懷璧晚節疎籬菊把金寄語騷壇
呼酒伴元方席硯近東隣

庭竹

雨後新移竹秋來更發孫綠如蕉乍展影散月微昏種得清
修地能消惡俗根造門誰肯看願與共琴尊

盆榴

纍纍朱房圻垂垂拳石頑貪何多結子妬已謝紅顏客眼微
深秀亭詩集卷之三 六

秋實霜皮沁血斑三年歸未得碩果老禪關

紅蓼

舊夢漁磯上新栽石檻前可憐秋水隔還與客星牽細雨斜
風度黃花綠酒妍傍人輕打處花葉總垂鞭

藍菊

最愛斜陽後天光此蔚藍秋花開特雅客眼看須貪把卷無
人到筆傳信筆酣隔簾新雨濕幽趣故相參

送沈青城之三水任兼寄高要景冬陽四會屈鳳山二

首

並馬金臺客輸君先著鞭一天新雨露百粵古山川烟靜崑
都堠人耕萊荊田潮鷄鳴浪白花氣早衙前

近問同官地端溪石燕山絃歌聞化久案牘可清刪夢想雲霞外詩才鮑謝間到時論古道應念客禪關

獨夜坐雨二首

白社青燈晚嚴城漏鼓沈蕭然舊卷氣愁絕雁行音竹葉添蕉打山門隔水深餘香還肯熱抱膝一微吟

特有蒼生淚飄零非不歸君恩留歲月鄉夢遠漁磯粉壁沿苔綠繩床護佛輝僕人低偶語無計綻寒衣

補裘

一夜邊風急三年客思侵敝裘如落羽賣賦久無金士氣何由壯冬溫不可尋且嫌刀尺貴剪燭補重陰

答臨州姪卽次原韻八首

深秀亭詩集卷之三

七

頻年分馬走不記別江城何意求毛檄同來賦帝京貧徒落拓虛左愧將迎賴汝窺簾入常通逆旅情

死柳千門上宮雲五鳳傍班誰尊鐵而世已賤貴郎召杜非科目水霜在激揚不知請大吏何術任封疆

客久愁家問風塵厭苦辛青箱思驥子白髮懼嫗親甘盡輸邊力羞稱獻璞人祇緣無羽翼難向九重陳

折東邀休沐開尊有數公不嫌裙屐繞只是海天空香暖魂銷席歌殘花信風猶存方朔技未肯爰途窮

隔板連僧舍隣牆認酒家賣文支結客帶雨急移花天意排雲月人情吞象巴不如歸棹穩秋水誦南華

况有傷心事驚魂夢久遶紅顏竟死清淚老難揮衡玠江

千疊桓溫柳十圍不須裘敝盡早已怕寒威

詔出嚴冠履君王惡假師名山徵舊德宿草痛連枝

謂子有兄

衰鳳將何託羣孤只用疑悔遲珠桂地轉耗草堂黃

雨後閒尋我蕭齋風不禁冷看三尺鐵雄說一生心事待山公啓才高梁父吟何時還卜夜竹塢坐燈深

八月十四夜同翼九宿司業齋聽雨

落葉石床平昏烟窻紙生空齋留二客急雨過三更夢斷江湖隔香銷書幌清不知來夜月可放廣寒明

中秋集司業張寄亭邸宅

冷雨驚連夕中秋竟不明釐堂開酒國桂樹憶江城燈影林烟濕簾紋水殺清霓裳何處舞箏溜作金聲

深秀亭詩集卷之三

六

詩成月忽明

雨意飄然去流光洗更清酒人禁百罰香燭結三更鳳闕啼烏散水壺澈帝京獨憐搖落客不寐剔書檠

十六夜仍飲司業秋海棠花前

小院紋窻白紅妝弱影低堦蛩蛩攪客語燈火動林棲腸斷人應惜魂銷酒欲迷水輪嫌太滿風露濕淒淒

送張治安大令衡陽

聞道衡陽去楚西龍鬚草掩鷓鴣啼岫巉碑護雲光盡迴雁峰高天影低晚市漁簑噴水綠秋風香稻熟田齊絃歌莫避催科拙政出張堪快割犀

哀宮允杜少隴民部雪崖傾天石陳健夫吳鏡庵金素

庵李耐庵同集孔東塘主政岸堂分韻賦得燕知社日

辭巢去

秋風何處不蒼涼忍復徘徊王謝堂
涼尾憶沾鮮杏雨穿花
愁見壓離霜雕梁細語憑誰訴
碧海青天歸路長豈敢雙棲
忘舊德烏衣遐舉惜成行

送施蒼珮之滇藩幕寮任

六詔三吳隔幾程一官萬里此孤行
王孫裘馬何輕出方伯
堂簾可舊情玉案雲天開積翠滇池風雨動長鯨
清衙吏散團花竹酒醺詩筒且細評

柬李仙李叔鼎元

天語溫傳第一流長庚光始耀雙眸
龍門直上瀛洲步虎觀
深秀亭詩集卷之三

九

新吹藜火投度量汪洋千頃濶
經綸剴切萬言收特慚吟瘦
栽花客不敢同登舊日舟

徐道積館選次閣學韓慕廬先生韻

科名相業繼韋賢五色雲邊天語傳
虎子自應驚鳳翮玉堂
又見撤金蓮從來郢雪非凡調
若照燃藜是舊緣愧我飄零
無定在力田辛苦不逢年

徐桐軒招同閣部韓慕廬官坊徐果亭少司成張寄亭

三先生徐道積庶常韓霍岳比部張凌秋明經集桂花
前坐月限韻

撲鼻香生金萬叢京華已近廣寒宮
秋思豈獨淮王賞客興
高張燈火紅松竹一時殊掩色
冠裳前輩總嘲風醉餘軟路

瓊瑤地自覺離奇迥不同

留別家贊善雪石

連枝何但愧天淵援手輪邊感百千
此意祇應存管鮑他鄉
可惜老幽燕依人遠去冰霜裂策馬將騰涕淚懸
不是池塘無夢草積薪莫展負先鞭

留別少司成張寄亭

三載瞻依傍斗山鱣堂燈火每酣顏
人知劍氣豐城出我愧
江才夢筆還別路老看霜菊傲寄書
愁度塞鴻艱冠裳草野皆貧累那得心恬似水閒

留別張龍章大令

老氣清霜舌尚存一官閒去總天恩
京華我輩成孤翮天下
深秀亭詩集卷之三

十

何人重醉光有子哦松無不可空囊
拭劍向誰論尺書此後
應難定握手秋風出國門

留別張椒屏同學

水乳君真是弟兄羈愁醉態極關情
看花閒踏慈仁寺並馬
忙過紫禁城五悉親年驚客鬢悔逃
捷徑遠柴荆帆驅又下臨岐淚聒耳
霜風囊鐵鳴

留別徐桐軒同學

閒情高上碧山堂翰墨風清松菊香
何日無人來鬪酒看花
擊鉢每連床龍身虎氣鬚眉勁相業
家聲琴研荒別後倘思吟嘯處一鞭
客路在羊腸

留別少司農新城王先生

乾坤何事足千秋心折先生第一流黑髮未嫌虬髯老黃扉
高賦菊花秋朝綱正色師王相骨性憐才說馬周惆悵離情
斜日遠晉陽城外逐汾流

留別 安郡王

梁園授簡愧鄒枚設醴殷然感百迴龍馬鞭風曾許借蕉窓
聽雨憶追陪攤書爲善清於水出塞揚威動若雷可惜飄零
容易別赤心熱血未嘗灰

留別孔東塘主政

特立騷壇表岸堂頻年踪跡忽清狂論詩花滿琴樽座拭劍
天開牛斗銑事必千秋名世大品端末俗聖門強升沈去就
何妨異止惜鬚眉各漸蒼

深秀亭詩集 卷之三

三

留別宮坊袁杜少先生

感說歸田當有期誰知客去却先時高秋松菊真難負貧兒
天涯不可支海岳路寬行始達鹿蕉夢破樂非遲春明爲有
探幽處姑射峰頭讀爾詩

樂毅故里

故里名猶在何心忍去齊君恩難直報國士恨卑棲落日荒
堤柳秋風響鐵蹄邊庭方議守客路息征犂

涿州道上

映水垂楊密環城夕照紅客行林影上秋老畫圖中三載重
經地孤身類轉蓬蚺尤銷鎬後幾旬表淳風

張飛故里

村落依然古蹟繁何處新一生當百壘千古第三人老樹屯
鴉陣穹碑立草茵精魂應戀蜀雷電逐征塵

高碑店早行

密樹明微火荒祠逗遠鐘霜華寒馬跡門巷響村春夢筆驚
初擲征裘怯未重漸看紅日映無數碧雲峰

安肅道中

一望鬱沈沈人家點舊林晴烟開野圃秋水碧城陰畿輔膏
腴地風塵感慨心調琴堂上更可悉道旁吟

清苑道中

地接邯山脉林開秋日晴萬行呈五色一覽惜孤征酒市喧
村豔雲崗度騎鳴故人留不住厚意屬荆卿

深秀亭詩集 卷之三

三

靈雨寺

結宇依城曲橫橋踏水陰僧徒存古德風日動秋林客到空
中地天開悟後心隔簾花落處清磬有餘音

慶都夜宿

舊俗傳堯母陶唐此故封居人工擊壤村樹怪撐龍古殿黃
冠揖新帘白酒釀斐然燈火夜誰識醉吳儂

清風店

不知村畔路何自號清風土物饒瓊褐茅簷半老翁帶標徐
釀餅盆倩女花紅便足勾留處停驂望遠空

虹橋古渡

激水搖殘岸危橋立晚鴉天荒沙草白風急酒旗斜雲影三

千嶂人烟一兩家何從知趙後客路去方賒

真定城外

畿甸嚴程潤城濠蓄水清藕花香夢遠菰米晚秋生鞍馬忘
勞倦風烟荷太平惜無樽酒座幽賞足閒情

渡漳沱河

落萍橫流急絲絲秋雨殘危船征馬踏孤客禿裘攢麥飯思
倉卒津亭畏暮寒龍泉空在篋不及釣漁竿

晚次獲鹿

山邑深藏塢林開始見城斜陽疲馬昏暗火矮窻繁惡草憐
荒驛貧兒幸厭兵神京猶未遠守土寄匪輕

井陘道上

深秀亭詩集卷之三

三

並馬崎嶇窄盤山草木秋遙思全趙勝始信左車謀鷹眼窺
行客僧床結小樓夕陽偏易下樵婦叱歸牛

九日平定州山行二首

今日登臨處看山入晉疆馬蹄行削鐵楓葉飽嚴霜天許閒
身健秋高客鬢蒼未嫌無濟勝十里竟昂昂

百折迴峰路憑空走澗聲山田多帶骨野鳥欲呼兵樵牧穿
雲氣荆榛雜藥名故園諸弟隔誰悉此孤征

晚次旅舍卽事

入座青山近扶樽紅袖多重陽臨館驛孤客擁笙歌事到忘
機定香從靜夜過鳴鷄何太促星月淡如何

早出平定州山行

晴日峰巒曉嚴城鎖鑰開層田如擁浪亂石被蒿萊小隊牛
羊散長征與僕顏晨炊多穴處烟氣作雲堆

晚次壽陽

落日山城晚危樓霜月高紅裙遮馬到青眼向燈挑道路憑
誰識風流屬我曹靜支清漏滴不厭獨蕭騷

穴居

野處安耕鑿居然太古時雞豚行屋角烟火折松枝酸楚繁
啼穉寒威少挂絲寄言司牧者何術撫荒疲

土埂

土埂高千尺行踪倦日斜兩旁開夾岸終古斷無家腐草連
霜白楂梨一樹叉揚鞭何處客對面各天涯

深秀亭詩集卷之三

三

山田

何處分疆理高低任土宜不嫌碁布密只畏雨暘遲餉婦穿
林際耕犁飲澗時苟全無吏虎終歲守崔嵬

野醉

痛哭蒼生苦山頽奈若何失風迎刃割从徑險驢馱霜草漫
漫路與僂踣踣歌乾坤留我輩可惜任蹉跎

老柏

古廟空山上蒼皮積翠重鬼神憑骨力歲月長苔封豈敢巢
凡鳥喬然怪臥龍馬頭驚一見凜凜蘊奇峰

晚次什貼鎮

土嶺開雄鎮花封榆次鄉雲霞明晚市絲竹鬧歡場燈下紅

顏立窓前白月涼解囊高索醉誰曉客星狂

鄭村月夜

客舍安初歇香醪愛晚酣月明秋樹杪門傍牧羊坡野菜供
圖叟胡琴拽塞歌素心期尚遠叫雁去空多

策蹇

策蹇尋幽勝空山黃葉村寒花滋土壁小鳥亂柴門澗靜有
生髮烟消石有根閒身寧易得草野亦君恩

野步

野步忘阡陌村烟晚乍生牧人穿樹遠歸鳥掠雲輕客向塵
中老山如卷上明何勞縈五斗不若早躬耕

東溝

深秀亭詩集卷之三

圭

仄徑緣崖入盤阿落葉深土風安古穴林谷響秋砧鷄犬烟
雲氣擾勸歲月心笑譚耕鑿久歸路香難尋

客久

客久諳風土村荒噪暮鴉穴居山是屋禿樹薛生花豆粥澆
鹽菜煤爐沸餅茶昏燈支矮壁社鼓聽巫拋

風夜

繞屋殘秋樹空山一夜風如何都遍枕頓使欲成翁香氣餘
孤夢村妝憶小紅不堪從僕醒欸欸話江東

西溝

西溝較東瘠風景未嘗殊崖谷居人少荆榛夾路紆鴈啼秋
日午驢占老農癭試看逃秦洞荒涼刺此區

南坪

陽坡晴可數高下樹蒼蒼巖際紅杖出風前古樂張頽垣陰
橋并落葉閉僧床斜日歸蹤晚牛羊各有行

臂鷹

可笑鷹奴拙初調學臂擎摩天何不得飽肉已無爭側眼窺
旁翮當風作厲聲那知五陵俠走馬受降城

許單溝

百折迴巒下名溝自許單土花乾繡壁霜葉壓重關白日疑
昏月頑農老怕官一時驚退後洞口又頻看

有訪

信步由單騎含情認遠峰夕陽交影合紅樹小窓濃却有人
深秀亭詩集卷之三

美

如玉能憐客是龍不妨歸路黑清趣隔林鐘

閉

久坐渾無賴聊行却又回低窓何所見小菊未曾開樽酒人
誰共風塵心欲灰攤書空自省簷雀暮飛來

幽

幽極無人到沉烟剩一絲空齋簾影直獨樹烏聲遲客况同
僧潔花香上卷吹偶然思小飲披誦得陶詩

聞歌

剛被微醺酒何當宛轉歌魂銷花莫主香繞夢如何書卷疑
仙籍紗窓漏眼波朝來看檀板細數指痕多

索酒

落日門全閉荒村索酒難不言風太儉翻笑客無端到手承
甘露挑燈脫敝冠聯床未可臥花影在闌干

村童以生兔來獻

狡物何難脫兒童赤手搏窟多岐路錯草盡老秋乾欲放防
孤笑將烹思網寬誰言還拜月惴惴向人看

夢回

夢回殊不憚小閣憶芳魂倚檻凝花幕更衣坐月昏隣渠全
未病顧我若無恩恍惚神傷甚男兒墮淚痕

曉望

曉望村烟白居人有幾家空田嘶牧馬亂樹拍棲鴉孤客催
車鐸雙鬟汲井花晨炊過未起微燄過頻加

深秀亭詩集卷之三

酒醒

酒醒不可索濃霜逼五更秋寒生枕角客夢落雞聲何事浮
名誤甘心遠道輕爲繁家問隔未曉晉陽城

客思

客愁繁不破被酒便思家酸滴遮昏雨寒侵入夢化百年空
易負一語恨全差不謂投林翻救殘墮馬鴉

客踪

客踪遙莫定琴硯怕秋荒索米空燕市依人望晉疆山程懸
佩響茅店夕陽黃誰咽伊涼調箏琶滾土床

客店

日薄征蹄急村荒過客稀投鞭先索水襖被不更衣土炕當

軒坐柴門傍嶺園低言毋賣酒怕見獵旗歸

客况

最戀初溫被頻催撇五更昏燈喧林馬落月候開城不放鬚
眉氣時占草木聲日高紛隊伍鷹犬擁荒縣

客夢

客夢荒荒白終宵走百端不知香霧隔又見鏡花丹比翼棲
芳沼新弦上曲闌醒來蒼蠅墮却暗紫微城

客囊

計日囊旋減留賓僕喜侵客貧徒賤賦醉薄已多金字訣慳
難守床頭愧益深那充梨棗價空繫買山心

客衣

深秀亭詩集卷之三
九月晴霜暖無聊換客衣臨風撐骨健拭淚忍花飛欲破裝
綿薄頻牽密線稀止因遊子賤書錦未能歸

客燈

古驛昏黃逼孤燈細雨殘欲眠支未滅頻剔向誰看蒼鼠空
梁落鳴蛩隔戶攢廿年湖海氣靜照悔無端

客愁

客愁一萬丈一寸一絲懸江海魚龍夜雲山風雪天蒼生何
處哭孤枕不成眠脉脉思歸路慈親夢屢愁

飲榆次大令王右山槐月堂

未見槐陰月先知堂上清青箱存舊德溫壁似冬晴貧以衝
途果酸因撫字明壺觴勞卜書急欲度山城

獨步

小住羈懷結閒愁獨步遲夕陽山乍壓歸翼樹先支越陌同
誰讓低頭有所期插花村女見笑指又吟詩

一柳

一柳低牆角開門見綠陰春風晴自舞秋雨夜難禁漫繫王
孫馬幽棲百囀禽可憐撚線處露盡瑣念心

雪朝

客夢清新後推窓靜雪朝寒山雲是骨枯樹粉生苗歷馬嘶
荒驛沙鷄啄土窰披裘期過嶺未忍踏瓊瑤

寒雞

寒雞聲一破落月動荒村客夢初消酒花香若有魂百年身
深秀亭詩集卷之三 完

易老半夜世還昏起舞曾何用高眠荷國恩

久客

久客神逾靜吟殘只味閒霞光紅映水烟氣晚吞山枯廟寒
鴉集空村落葉斑馬蹄誰數過東粵獨開關

至日二首

把卷耽奇僻開樽索小吟客愁添一線夕照滿疎林方寄懷
人札誰翻出塞音登臺有直北佳氣正雲深
苦憶松筠閣燒燈肅曉妝慈幃瞻亞歲遊子隔他鄉天地水
霜白風塵裘馬黃那知歸計拙寂寂倦空囊

光萬寺

斜日明蒼翠高風散遠空到門馴野雀掛客健山翁石立香

臺古簾虛佛火紅不知裘敝者何事急花驄

黃陵

斷碣已難問居人簇小村牛羊屯土窟榆柳壓柴門白日山
光墮黃沙客眼昏兒童迎八蜡社鼓正喧奔

中溝

幾折崇崗路幽棲八九家厨烟噴縛犢意紙映啼鴉土窟溫
晴晝鋤頭老歲華團圓呼婦子幸昧聽邊笳

護法寺古槐

初地安千載高風撼百朝南柯應有郡老幹已無苗巢鶴遙
排頂樓僧近挂瓢不須看綠蔭霜雪蔽參寥

韓蕤元移樽話別

深秀亭詩集卷之三

兩月孤村客殘冬積雪天停驂遲遠駕把餞荷耆年事豈憐
空去恩多說未然臨岐牽亞旅繾綣索詩篇

中溝踏雪

偶動探梅興沿村過遠坡雪深淹蠟屐樹老挂漁簑矮屋雲
千疊空山玉一窩馬蹄來便俗酒市那能多

韋左瞻州牧過旅舍兼餉野味

別酒思燕市停車到鄭村邊情君已洽客况我孤吞微願供
厨壯燭租拜歲恩山城能解網豈止息啼痕

再過東溝

雪霽寒崖谷臨行更一來人烟烘土穴林藥結冰胎小犬街
鈴臥青帘隔岸開老農勤問客還指上崇臺

再過西溝

樹樹撐霜出家家掃雪晴兒羣喧凍雀客思繞彈箏問織勤
機杼防兵剩土營不知迴顧後誰復識留名

鳴謙驛

殘雪餘孤白寒烟散午晴迴鞭遵舊路古驛愛佳名入市筐
篚出呼鐻與僕盈隔林樓角畔曾記撥銀箏

再次什貼鎮

林鳥懸崖黑人家夾岸斜夕陽明雪影欹段立冰花濁酒當
壚沸繁音急鼓搥披裘還獨坐心曲暗如麻

簡子舊都

國廢經千變名猶趙氏存宗支推世族古里到黃昏客有春
深秀亭詩集卷之三

秋論天荒霜雪痕至今懷保障誰及晉陽恩

再次壽陽

舉目蒼涼感謀充雞黍難天時災儉歲民命恤無官鳩鵲流
離盡荆榛遠近寒空傷行客淚酸滴上雕鞍

樂平道中

一帶炊烟白山城朝旭紅寒鴉紛啞雪征馬冷嘶風地瘠天
難問農傷室屢空幸懸蠲賦詔撫字莫如壘

平定道中

峻嶺盤雲上重關駭馬遲朔風穿鐵甲亂石裂冰漸古道孤
腥氣歸心歲暮時同行皆雪鬚相顧默如癡

平定州早發

立馬看殘月銜杯撲徹裘曉烟蒸市井晴日上山樓豈逐鷹
鷂志曾無梁稻謀城門循守卒已善典方州

忽見

忽見山腰曲黃封蠟酒香烟林涵紫氣雪地潑紅妝鷄犬疑
仙物琴書指客囊淹留惜未久惆悵去斜陽

固關

三晉標雄障環山鎖插城風烟吹盡角沙磧凜屯兵事去興
亡恨愁來邊塞情單車征日暮囊鐵燭龍精

宿桃園鎮

燈火樓臺遍迴崗聚百家生資惟菓餌歲計少桑麻夜半風
呼鬼空中夢作花起看題壁上盡是遠乘槎

深秀亭詩集卷之三

淮陰談兵處

赤幟消何處嗟哦尚勒名登壇尊國士奪壁下天兵草木冰
霜氣風沙矢石聲左車何不用功讓釣徒成

獲鹿早發

雪意濃陰霧興僊叱著鞭山城驚暗度村舍寂高眠野火懸
鐘廟空林廢墓田應知行路客不愧鬼神前

真定道中

城郭雄畿輔山川飽雪霜人家烟火雜車馬鐸聲長俊鶻搏
孤翮寒林剪萬行淖沱堅可渡麥飯買漁郎

淖沱河積雪

一片凝陰雪平將河伯封驚濤成玉石怒馬踏魚龍魂夢傷

千里雲山隔 九重披裘無可釣呼擁酒杯濃

伏城驛

齊雪開山骨衝泥過驛亭供厨澆菜滑候卒捧尊青斷碣啼
烏亂荒祠古木靈黃昏紛擊柝突騎是偷形

新樂道中

沃壤融晴雪喬林護曉城風烟雙眼直樓閣萬家明攬轡逢
司憲浮橋役戍兵未知名樂土可否得民情

明月店逢使臣

想見水輪白垂楊圖畫中我來當日午雪後惜林空倚馬傳
杯酌循牆挂女紅揀貂高坐客何竟識髯公

定州道中

深秀亭詩集卷之三

三

宿烏衝烟出孤城背斜奚奴牽塞馬市餅熟胡麻伐鼓傳
村廟穿林近酒家冰霜塵不起未厭客程賒

留謝于子繩大叅

三月馳燕晉風霜却爲誰途窮思一飯事恨棘雙肩敢驟驪
駟格深承玉竹吹澄清原祖德棠蔭至今垂

望恒嶽

萬丈恒山驚嵯峨亘北隅荒原天作陪晴雪石初癰采藥何
時去揚鞭折路迂此中應笑我僕僕徵征孺

安肅食菜

此味平生熟黃芽特美餐珍羞徒俗品清白飽儒冠霜潤甘
而滑天真淡始完歲寒思老圃晴日亦挑殘

水船

解纜還行陸乘槎不泛波見羣爭海馬客路上銀河硬壓潛
蛟去空憐寒玉多馮夷方閉闕無礙水濱過

定興霧行

宿霧埋塵世茫茫去路迷山川空外遠雲樹夢中低呵凍驚
人骨臨岐信馬蹄扶桑真宰出鬚鬢我方齊

再入都門柬諸先達併同學

三月風塵路二千囊金散盡又空懸看山勒馬衝冰雪燒燭
圍爐關管絃太息晉陽虛保障重來燕市却纏綿諸公黃閣
雪霄近可念枯魚望百川

柯亭板屏寶南共舉歲寒酌得寒字

深秀亭詩集卷之三

三

淹留無計笑彈冠松柏冰霜歷歲寒耳熱天街呼月魄詩成
午夜沸江瀾百年能聚譚何易一路歡歌福亦難握手可憐
皆是客相逢惟有祝加餐

深秀亭詩集卷之四目

元旦

元日飲張椒屏大令寓

飲沈秩庭中翰邸宅

安郡王設宴

邱雄飛主政招集

朱柯亭郡丞飲寓齋

題陳石樵孝廉齋頭盆樹

飲張龍章大令寓齋

人日

再赴少司馬張曼園先生席

穀日

陳石樵

臨州姪留榻共話

水部健六兄招集

張山人崧高画石

題許月溪歲寒書屋圖

和顧爾立韵

張咸臨州牧病中邀飲

醉後再赴柯亭席

雪石邀飲

深秀亭詩集卷之四目

醉後慈仁寺松下聽梵音

元夕

再赴司業席

雪朝

雪後復飲椒屏寓齋

再送李天木

奉題 古香画

奉題 紅蘭画

奉題 雪齋画

徐碧山招集

題陳裴山雨中春樹圖

雨窗獨韵

飲椒屏寓

閱夏狷臣別駕近集

佛手柑次韵

木瓜次韵

橄欖次韵

朱橘次韵

賦得林下輕風待落梅

寄譚書雨令靈寶

寄許虞廷出守臨洮

寄李坦夫太守泉州

踏泥行

早春行西便門外

題朱信侯画

與家長元明經索家醪

東學士李公凱先生

酬吳立庵通州牧

柯亭寶雨叔屏偶集

給諫鄭方南先生招集

酬天津解肇公明經

題何左車卷子

花朝

復集雪石齋

題曹渭符供奉小照

次蔣靜山韵

次雪壓樹枝韵

州牧仲嘉弟惠酒

春日維感用二十四韵

命理清河

中秋日

再赴司業席

再赴徐章仲水部席

歸寓

深秀亭詩集卷之四目

送張椒屏

賦贈王尊古

金臺驛

謁楊椒山先生祠

一覺庵

田村早發

扁鵲宅

顧頤高陽城

深澤縣

祁州夜飲

麥飯亭

光武廟

晚投王口村

東鹿道中

王制府酌突園

四芝蘭寺

飲袁仙根大令寧晉署

大陸澤

鉅鹿月夜

與許郡丞醉談往事

鐵佛寺

經鉅鹿

再至成安	說法臺
銅雀臺	疑塚
豐樂鎮	王表村小憩
酬彰德湯素公太守	月夜三宿成安
肥鄉遠望	寄館陶大令白子美
再過曲周	禿樹
雨意	野老
威縣道中	次南宮兼酬半重季大令
酬磁州牧蔣試可	冀州
沙丘	衡水遇余鴻客
衡水橋晚眺	武邑道中
深秀亭詩集	三
卷之四目	
阜城道中	交河道中
滄州夜行	青縣道中
晚次景和鎮	晚次河間
茶亭	同茹懷堂
雪中送制府	雪後
積雪	河間
定興早發	歸興口號
晚次良鄉	夜愁
飲張石宗署	飲許翼思署
飲陳仁庵署	五節祠
過河間獻王墓	景州道上

德州道上	恩縣道上
過高唐州	晚次往平
過東阿	東阿感舊
三歸臺	得學使陸曾庵先生近信
栢陰	懶起
山行曉望	過東平州
古平陸城	晚次汶上
至日	閑子騫辭召處
舞雩遺跡	鄒縣謁孟夫子廟
望岱	滕文公行井田處
晚次沙河店	遠山
深秀亭詩集	四
卷之四目	
刺水	一騎
沙溝店	旅店見周鷹垂題筆
酒帘	牧人
高樓	韓庄閘口
晚次泥溝驛	欹枕
山路	雙雉
山店	旅店遇孫太學舊歌姬
矮道人	寒山
一鶴	渡河
徐州道上	宿徐州黃河岸口
山僧	題項王廟

范增廟

山鳥

立石

歸櫓

孤松

空山

漁磯

宿褚莊鋪

閔子祠

樵唱

野燒

曲樹

過宿州

疲驢

凍雲

荒莊夜宿

陰陵井虞姬葬身處

美人草

題鍾進士像

倦客

鳳陽道上

臨淮關上

深秀亭詩集

卷之四目

五

黃泥鋪夜坐

臥柳庵

雪後過磨盤山

大柳驛風雨夜

滁州道中

六合道中

儀真道中

除夕

深秀亭詩集卷之四

雲間潘鍾麟層峰

康熙三十七年戊寅選二百五十九首

元旦

閭闔光昭庭燎紅金鐘初報未央官書生名姓非班秩客舍
衣冠懶寓公洗硯試臨爭座帖隔窓微動養花風屠蘇漫信
奚奴勸不向天街踏玉驄

元日飲張椒屏大令寓齋

板巷陽回泥軟塵履端心喜素交親醅香舊撥濃花露盤錯
鮮烹美玉鱗射覆句搜圖史籍傳呼門聽市朝人鄉思同欠
高堂拜旅食京華又早春

深秀亭詩集

卷之四

一

飲沈秩庭中翰邸宅

丹青輝翬紫微郎愛客重開舊德堂握手便擎桑落酒論詩
先熱水沉香窻明樹影添屏畫風揭書帷耀錦囊獻歲春華
纔二日傳催入直賦長楊

安郡王古香齋設宴時查編修聲山周庶常策銘陳比部

子文先到看墨妙限韻

香爐茗枕坐仙班潑墨驚開面面山興到忽成飛勝賞恩深
猶感說生還前贈說傳客死花枝風顛烘銀燭梁苑春先透
玉關慚負鄒枚荒彩筆癡耽餘習未能刪

印雄飛主政招同李仙李修撰楊公達吳采臣王亦史

三大令李桐軒文學雅集卽事限韻

莫說垂楊繫紫騮可人端向意中求年華流水過三日客興
春雲擁十洲紙上空談劉毅壯尊前滿把葛天遊更深投轄
紛難出我却頽然似贅瘤

朱柯亭郡丞張椒屏大令朱雪村二尹許卓爾同集寓
齋

盤餐何敢浪圖新五日春觴恰五人南國最思梅信白西山
常欠客遊貧香生觀縷侵蓬壁暖覺重裘卸錦茵舉目可憐
簾外月玉痕初似半梳勻

題陳石樵孝廉齋頭盆樹

梅珠肥透冷松針鐵幹虬髯曲曲陰畫理自然生洞壑客情

於此託山林藥囊書卷風俱韻酒盞詩筒日費尋獨笑柴門

深秀亭詩集卷之四

二

霞外路參天百尺去何心

飲張龍章大令寓齋

張翰何曾老一官年年客裏關春盤交情海國推金石祖德
銀臺舊鳳鸞囊劍夜冲懸斗柄盆花香護曲闌干乘酣更上
天街望燈火歡場已百端

人日集孔東塘主政岸堂分韻

簇簇晴雲覆遠林清衙開徑挹同心乾坤此席今誰主湖海
浮名却浪尋簾月夜新燈火白窓花影入畫圖深年來客久
添絲髮獨愧成人少散金

再赴少司馬張曼園先生席同張長髯徐元賓文子桐
軒張凌秋李寅谷金瀛洲

晴日烟花燦錦幃華堂燈火近雲霄尊開舊聚三江客座上
溫生七葉貂好句穩裁無彩筆酣情賭勝似春潮承平夜撤
金吾禁况息樞機未早朝

穀日華亭李天木大令張椒屏朱寶南同學集寓齋即
用東李

海國頻年積賦難催科那得似倪寬神君此去星爲福弊蠹
潛消膽已寒耕社春生歌樂土編氓客阻奈長安晴光預卜
登三兆約指鋒車入鳳鸞

陳石樵孝廉張椒屏大令家仲嘉州牧子乾臨州二尹

集寓齋

嘉會無如是客中金壘聊對燭花紅江鄉我輩還同調道路
深秀亭詩集卷之四

三

時趨亦太工寒萼夜深開近席繁音元古讓焦桐書生氣岸
何曾足雅覺新非舊阿蒙

臨州姪留錫共話

豈敢窮途傲竹林逢人未肯碎胡琴燈花一夜開龍眼翰墨
千秋賦鐵心風揭簾衣聲撼撼月斜窓紙影沈沈高樓簫管
誰招鳳挑得鄉思入夢尋

水部健六兄招集同張仲慶別駕王山右明經

一枝聊託近清衙敢說當前易八叉池草春回濡酒力庭花
香暖苗蘭芽風流張緒將斑鬚圭璧王褒詎有瑕道義交深
同骨肉燈時多感客京華

張山人松高以畫石見貽長歌志謝

平生未滿烟霞癖特號層峰工品石王宰不見米顛死那得
奇觀動魂魄張翁望八山陰來雪肩鶴骨登金臺貴遊爭致
莫肯去日坐寒林撥火灰示我華嶽詩一卷嶽嶽歷落斑苔
薛此老賀襟蘊古胎乾坤造化神能轉焉然含笑領余言石
根削削黃河源吮毫十日寫三尺墨池幾被蛟龍翻穿靈洞
竅四十一隱隱嵐氣青空出睜目狂叫高自許五丁力壯鼠
鬚筆紋窻影重白日遮鰲如蹲虎不可擊魑魅悚息將軍射
穀城師表遺女媧嗟峨石耶翁之象光芒靜飲大偏強使我
朝夕勤下拜雷雨欲壓晴屋上

題許月溪歲寒書屋圖

先生不是山中人猿眉那得無風塵先生的是畫圖人衣冠
深秀亭詩集卷之四 四

那肯謁平津長安二載歷霜雪交遊湖海熱心血尺書梁月
時往還雙龍難合延平鐵乃出奇想開空堂周郎意氣筆墨
揚拚樽秉燭七晝夜位置萬狀生文章良若青山動不得活
如驚濤奔不息雲霞近日在霄漢巖際皓首高羽翼松耶柏
耶勢穿天竹林修節陰田田谷蘭幽苗紫芝秀梅花明月籠
溪烟灞橋驢輞川屋戴笠漁映雪讀就中詩思屬阿誰呼之
欲出常相期道義肝腸潔冰玉風流蘊藉多古師抑有虬枝
撐落葉鋒芒閃爍稱劍俠牆頭禿樹啼夜烏雷電乍卷鬼神
攝周竹崗許月溪兩雄角技勝鼓整歲寒知已能有幾拍肩
謂我當標題

和顧爾立再畫所寓梅花屋韻二首

辟疆何地少南枝重寫寒窓透客思一折一夢皆有意春風
那得不相知
前年鐵幹撐東閭今年覆雪照畫厨我來浮白仰其下誇殺
此景無天衢

張咸臨州牧病中邀飲

晨興方滌硯宿酒猶未屏長鬚叩門板招我又張星整衣遂
赴約城隅旋馬廳主人高擁被急呼雙玉餅羅列極嘉旨下
箸不容停席半忽起坐謂客何其靈勿藥既有喜開窻見遙
青

醉後再赴柯亭席

頗牧未嘗異能戰特不懼被酒猛衝鋒鏖歌響鼓吹朱雲折
深秀亭詩集卷之四 五

檻才備員猶下位我曹更下之氣榮羞同類醅酌發狂言欲
割英雄淚

家太史雪石遣使守寓復至其席已不勝杯酌攜潞酒
而返

君如天上雲我如燈下影雲深天轉高影薄乃自省河鼠不
滿腹山頽難脫穎憶從晉陽歸頗知酒有等潞州通玉泉香
味最醇馨挾以沁詩腸永夕娛萍梗

元夕吳采臣席上送陸紫函之唐邑同周文邑張椒屏

吳煥臣分韻

十年曾作聊城客今日尊前感送君天下有誰同海岳文章
終古說機雲紅燈白月依然夜傲骨雄心迥不羣特惜臨岐

叉手處柳條猶嫩未堪分

醉後慈仁寺松下聽梵音

米汁何妨彌勒親香臺法鼓正三巡虬龍月下松疑活鬚鬚
燈前客總神聽到無聲方入定禪如有字更非真幡幢靜展
黃昏候可惜風塵悞此身

再赴司業張寄亭先生席卽事

已趁紅燈萬隊來鮑堂尤喜大樽開諸生帳下誰稱傑舉座
花前我不才牆角管絃聲百轉天衢星月影三台金吾莫敢
拘賢聖逐盡江妃錦襪埃

雪朝司業張寄亭先生席同凌秋椒屏陪李天木邑侯

雪花未肯殘春風不能寒虬髯被卯酒兩頰顰楓丹豈敢越
深秀亭詩集卷之四

六

觴政而求食猪肝盆梅吐獸炭活水煎龍團珍錯既在案騷
雅多登壇結交如松柏願言敦古惟

雪後復飲椒屏寓齋

寒驢欺醉客畏雪幾奪魄十步九垂頭軟塵高土春我乃舍
之行未嘗非良策爰尋張廣武林前刻大白劍氣射清齋素
心照莫逆

再送李天木使君之華亭任

使君洞神明泰鏡不足比使君謂春風何嘗設棘壘一見既
以親三醉肅端委自分華亭來無此心如水重賦甲江南桑
麻並桃李戀戀父母前丹衷豈得已

奉題 古香主人卽席畫山水惠教

五日一水十日石古人有墨亦太惜古香主人尊天潢筆下
高峰忽數尺寒枝禿勁雪霜林枯廟特起龍沙香燭花閃閃
酒淋漓觀者目眩驚辟易卷懷拜手寶歸囊挂出空齋對晨
夕

奉題 紅蘭主人卽席畫茶梅惠教

春風一夜墨池發春花紙上生勃勃山茶被酒帶晨妝綠萼
含芳吐晴月一清一豔嬌絕神下士豈有餐霞骨乃知忘分
投契深叢柱淮南香未歇

奉題 雪齋主人卽席畫慶雲紅牡丹惠教

燭花剪剪吹春風筆花冉冉潑輕紅一枝承露一傾面欲動
不動雕闌中機豔乃爾已解語頃刻能事奪天工太平卽此
深秀亭詩集卷之四

七

大有象貌出花王迥不同

徐碧山招同安陽袁仙根孫振公阜甫遇隆大名張中
麓平湖陸又韋如臯沙元調泥飲限韻

客懷積磊磊沈酣久不悔入座便囑雷鵲政設軍壘豈肯因
賤貧熱血少主宰孫登傲袁紹潘江遜陸海張緒絕風流皇
甫饒文采朱樓高百尺青松起千載嘉會既如斯狂態有何
罪不見錢冠者束縛徒傀儡

題陳裴山雨中春樹圖

雨勢沈沈山欲壓密樹葉葉生鱗甲墨池翻動怒潮來此是
米家神畫法陳生閒態若海鷗燕臺冰雪無重裘胷中邪得
猛如許落紙濕透寒烟浮門前溪漲繞白屋岩頭風卷高飛

瀑重陰廣覆作太古有人圭寶披巾讀使我對之滌靜心冠
裳塵氣沐泉林篆紋一縷消未得思者逢寇歸路深

雨窓獨酌二首

細雨濕無聲虛窓掩不明牀書淹半卷盆萼挺孤生展齒何
人到爐烟幾縷清奚童知命酒便早喚調笙

今古關何事擎杯愁莫澆山川空墮淚風雨暗生潮誼到雲
霄隔思憑翰墨驕杜門安暇日不是困無聊

飲椒屏寓齋

泥深馬滑行不得言念膠漆常惻惻衝泥掉臂忽然來豈謂
折東已相逼烹魚炊黍傾藏甕振刷觴政注全力雙瞳爛爛
鬚毛星雨意未判紙意黑祖生著鞭亦天命燕雀安知鴻鵠
深秀亭詩集卷之四 八

翼舉杯猛看燭花開此是客中好消息

閱夏狷臣別駕近集有贈

大雅不復作天地久蕭索君誠楚騷遺下筆妙斟酌咏史服
古人賦物帶諸譴至性出忠孝遊履耽丘壑品格傲虬龍氣
象撼臺閣是豈蓬蒿者恨老閉蓮幕晚交不可舍黃初願同
學

佛手柑次韻

特現如來訣秋香滿握中不嫌多屈指止覺散高風色與黃
冠並禪應老衲通林端垂象教若爲幻玲瓏

木瓜次韻

造物敦完樸秋芳獨不酸光華國靈珎鄭重抵金丸良友投

雙簾清齋愛一盤瓊琚未可報留久爲難餐

橄欖次韻

諫菜猶如此人何熟食多全從耐酸澁大有味同和苦同
夏藥清宵醒白波原非供俗物沁我倦吟哦

朱橘次韻

鶴頂丹砂大偏於皮相宜霜酣楓染後囊飽蜜鮮時不信藏
甚叟何曾種園醫欲懷歸未得剖食遠家愁

賦得林下輕風待落梅次查聲山編修韻

一番晴雪漾橫枝忍驟寒芳初破時苔面玉鱗將繞砌書帷
銀管惜題辭飄零終若神仙夢逸韻全非蜂蝶知始信月昏
浮動久能禁五兩著吹遲

深秀亭詩集卷之四 九

寄譚書兩令靈寶

冰壺肝膈誼春溫世澤人知王謝尊仙令却能新雨露中原
猶護舊關門雞鳴農事喧晴陌琴靜花光接遠村可憶鬚眉
愁老客馬蹄踏碎厭名根

寄許虞廷出守臨洮

摩雲嶺外長城黑候馬亭邊河水黃荒微吏應神劍俠威稜
風早攝臺郎狼烟久息羌田熟衙鼓清聽海鶴翔隔歲尺書
猶未達逢人常問許旌陽

寄李坦夫太守泉州

五馬堂開俯大流風恬青海見琉球簾前林葉家家摘橋外
魚龍夜夜浮金粟仙遺尋紫帽玉蓉方貢響紋楸神叨久著

驚衙鼓琴鶴閒調坐獻詩

踏泥行

長安雨深沒馬腹絲雨塵土卽汚青閉門枯坐少客來垂簾
硬把離騷讀國子先生忽致詞邀請鮑堂飽肉欲辭不可
與儻貴掉臂不如我行速展齒既壯整冠纓結束羽毛蔽裘
禿一呼氣岸直千尋觴政井井憑拭目歸來街火暗殘星隔
牆難醒黑甜僕隣翁却肯起相迎笑問今宵吸幾斛

早春行西便門外二絕

帝城空處見西山誰肯驅車到此間一望柳堤春有眼三年
裝劍客無顏

紅袖胡琴那復搓風流魂夢隔盤渦年前曾記征夫宅繫馬
深秀亭詩集卷之四

門樓醉客多

題朱信侯畫四絕

一片雲霞隔亂山浪花魚沫拍柴關平空若借風帆力疑到
江村第幾灣

夾岸青林染客袍平湖春漲滑漁篙船頭苦力牽泥重農事
江南三月勞

筆底春光好著緋一枝輕透嫩藍薇竹屏石砌分明見旭日
初臨滴露稀

飽受清霜吐豔金東籬品格傲儒林陶公把後無真賞只有
詩情畫理深

與家長元明經索家釀

積雨滌塵累春寒耐客知讀騷偏下酒索麴肯題詩何必兵
厨去聊憑隱德癡十年能不醒豈悔得官遲

柬學士李公凱先生

不覺龍門峻招呼僅隔牆喬松容小草黃閣重文章夜靜書
聲逼春寒酒力償屢邀弘獎價端擬問津梁

酬吳立庵通州牧

風雨聲中一日馳多君寄語重離思山川又逐飢寒累裘馬
爭非少壯時治行吳公天下最殊恩當字意中知潞河桃柳
嬌圖畫短棹尋春定不辭

柯亭賣南椒屏偶集

斗酒藏初撥心期感數來客閒支卷厚花暖通窓開座豈香
深秀亭詩集卷之四

爲國天留榜不材高樓歇管出霄漢屬三台

給諫鄭方南先生招集時方外轉

萬事茫茫且一尊東西南北總

君恩春光好趁驛驛去詩卷驚翻雲夢吞話到寮肅先有淚
冷於瘦鐵却留髡盆花若枕皆情性消得長貧是義根

酬天津解肇公明經

黃花座上矜豐玉紅杏尊前剖尺書別緒不禁愁半載文名
特起富三餘魚龍路向津門濶冠蓋人交輦轂虛每欲相尋
琴硯趣勞君下榻掃精廬

題何左車大令千巖萬壑草堂卷子出王安節手筆

天下之山三大幹南幹脉走岷山畔天下之水三大源江湖

雪滾河海亂奇秀清麗會于越千巖萬壑烟霞寫道行如鏡
且神仙根蒂况從長胎髮蘭清花鑑湖月日鑄茶雲門厥宛
委書藏玉有光若耶歌斷香難歇雷雨驚抽筍簪鮮蓬窻細
數蓴絲滑誰能舍此客他鄉徒深魂夢歸茫茫秦淮空處鍾
陵禿倚偏闌千百結腸一官落拓不可待殘書翻盡硯田荒
力謀小築擬位置畜願心癢終莫償忽然結想屬圖畫鳥衣
人本輞川派橫披十丈掃毫尖層巒險仄波瀾快草堂罨在
綠陰下松柏虬龍絕壁挂開門却放素心來墻角漁罾亭午
曬樹頭生翠濕尚蒙圭竇高踞鹿皮翁石橋衝瀑響金鐵逆
鱗還向怒濤攻翔鶴既縱啼鶯坐簾衣微揭露蕉桐先生此
樂將何極那得芻襟不開塞一杯一讀一搜題鬚眉已冷蒼
深秀亭詩集卷之四 主

何事風塵又薊北

花朝夏徇臣許不棄周竹岡集寓齋限韻

客裏晴光天與燭壺觴把祝爲花朝風塵我輩身何託涕淚
蒼生鬢欲焦萬事雲霞消野馬十年江海怕波濤酣歌特喜
來三傑樓角誰家響鳳簫

復同賈青南北部王苾遠內翰集家太史雪石邸宅時

雪石初度卽事

客散何妨更入筵笙歌一派燭初然鋒交楚漢分王霸事倒
冠裳恨鐵綿沈醉儘教天地黑紛華應悔夢魂牽虬髯鶴骨
皆仙質誰說風塵不百年

題曹涇符供奉小照二絕

每向詞塲服建安忽從圖畫識儒冠秋風黃菊同誰把賜第
青霄絕不寒

天子寬容親筆硯書生能作老波瀾頰毫添處悠然得一帶
南山仔細看

次蔣靜山明經月映樹影韻二首

重疊空中似可樵夜深偏覺畫圖饒嫦娥有意明金谷林下
何人見翠翹特幻潛蚪撈鐵勁數驚寒鵲踏風搖窻前愛亂
庭柯冷不用高張蠟炬燒

清陰只合助蕭齋幽趣何須與俗諧數點烏棲濃亂墨三更
人靜忽橫階松枝有角非凡骨竹葉微風似墜釵消得茗香
深秀亭詩集卷之四 主

酒醒後看來物我兩忘懷

次雪壓樹枝韻二首

一帶寒林百萬叉竹風瑟瑟更欹斜天留瑞色餘豐玉月浸
拖陰類浣紗細欽松針圍鶴羽總肥梅榦結冰花山家要作
無痕畫啼煞空庭最後鴉
稜稜鐵榦忽囊封那許人間號墨農霜氣自清天一變月痕
不見影千重寒窻易碎無瑕玉強項難低有節松便跨白龍
雲際去夜深應詔列仙從

州牧仲嘉弟惠酒

二月飛春雪空庭費大觥連枝能向我一斗忽添兵冷趣皆
成熱鬧情若有營最狂燒燭後奇句鬼神驚

春日雜感用二十四韻

墨瀋全憑酒力濃，畫禪多半出儒宗。波濤險峻雷崩石，松柏蒼鱗雨化龍。矮屋繞堤歸小艇，斷橋殘雪趁孤筇。江東自有桑麻地，何故風塵不事農？

輕風一線漾蓬窓，想煞歸心溯大江。幕府山頭雲濯濯，烏衣巷口燕雙雙。魂銷舊夢開金鎖，香亂柔腸膩玉缸。借問庭花迷蝶處，石城幾徧舉幃降？

庶事良宵罷玉卮，離魂香斷夢回時。海棠著雨傷紅淚，楊柳多風恨綠絲。萬事心虛龍象界，三年客耗草堂賢。留賓說劍全無賴，只博書牀就枕遲。

李廣徒張射虎威，封侯那得遂雄飛。邊庭烽蓋雲霞息，書記深秀亭詩集卷之四

古

人從裘馬稀饒有新恩，開邸宅誰憐清夢落漁磯。投戈自古崇文治，特厭光華說少微。

柳白峰青繞敝廬，半年不見一行書。慈幃每訝歸裝誤，病婦常憐強繡餘。愁到催科門有虎，貧知旅况客無魚。連陰更擁孤裘，飛雪春寒怕未除。

可惜晴光入畫圖，搖鞭一片拍塵蕪。青衫客半荒書，儒白社僧多混酒徒。禿額彎弓惟漫射，輕靴窄袖不須扶。蟹奴魚婢全登市，聞導津門要抵都。

結伴看山趁馬蹄，夕陽影照亂雲低。臺前遊女吹香殺，牆外飛花啄燕泥。似可金尊消白髮，誰從天路覓丹梯。松楸忽露新華表，埋却將軍守閭黎。

一夜殘紅痛雨埋，隔年腸斷折金釵。飄零客淚情何在，迢遞香魂夢不諧。事判死生無可解，遇當貧賤萬端乖。總仙環珮無開我，知向瓊宮那舊排？

金魚池上古香臺，歌舞離場偶一來。卿相好名留解帶，松筠無徑不銜杯。雲飄幡影微微動，風簇波鱗細細裁。鐘鼓日斜喧送客，老僧扶得玉山頽。

揚鑣得意自津津，何必千金購美人？

君父豈酬恩似海，妻孥那薄賤於塵。山桃紅奪胭脂色，宮柳晴拖上苑春。驕說夕陽無限好，只嫌鬢髮白如銀。

莫耀詩書主壁文，策勲聲震武安君。揮戈直効搏風技，獵犬先驅怒馬羣。肉食手腥當座割，毛衣身裏等威分。呼嵩瞻深秀亭詩集卷之四

五

關來重譯金帛恩，堆賀慶雲書生空假百城尊。國士難酬一飯恩，白日乍酣衝雪嶺清宵。

曾夢上天門，盆花風散香魂影。囊鐵塵封血淚痕，挑盡殘燈擊拆近滿腔心事，默孤吞。

接席連宵見達官，攢眉先切苦飢寒。不知士氣何由壯，却讓詩豪特未酸。出守黃堂思臥理，入叅溫樹許平看。詞臣願赴蒼生望，幾隊飛鳧降鳳鸞。

終日凝眸盡裏山，樓臺何處似鄉關。雲霞影濕漁歌換，梅竹陰清鶴夢閒。蘭麝薰爐消幾几，牙籤青史問紅顏。遙情久隔疑天際，那得輕身撲被還。

春明門外屢垂鞭，送客心情轉自憐。折去柳條初綰線，放開

榆莢又生錢香車蛺蝶翻風近繡帶鴛鴦傍鈕懸笑指南音
羞白面勞勞塵夢爲誰牽

擬向君平卜邂逅初衣頗返賤貧交寇前鳳竹藏鳩婦嶺上
虬松架鶴巢翻得青箱家未破歌殘紅豆板能敲茅容奉母
存鷄黍敢浪田將負郭拋

骨月無人惜羽毛荒村只可長蓬蒿淵源祖德何能述星斗
文名豈浪高燒燭殘更來問字濁醪細雨讀離騷一緘最歎
淮南客虛左殊慚鞍馬勞

宿衛周星貼御牀白登黑月射黃羊安邊親決提神策伏莽
根除縛夜郎功在行間高世爵恩褒身後亦流芳毛錐細帙
原無用竭力征途困糗糧

深秀亭詩集卷之四

七

賈使駸駸達禁城朝鮮眞臘最文明義冠尚正唐人格短鐵
長懸躍冶精却賤羽毛搜逸史擅吹簾策鬪秦箏張筵味出
天厨美柔遠從來重客卿

雨後西山路更青紫騮嘶偏護花鈴人家低映清溪面宮闕
遙於晚翠屏杖底芒鞋高士潤石端雲影背樵經冠裳惡說
林泉勝但看題詩便目停

崢嶸患在不模稜聰達如何只聽冰天下幾人工畫虎客中
惟我類孤僧啼殘鶯燕聲千變望蔽雲霄霧一層危卵却安
磐石破箇中誰照九華燈

眼底何曾見解驂感眞知遇重淮南常邀設醴憐徒步猶恐
終宵倦叢談染出殷春疑帶露戲描黃面靜同龜股勤絡繹

來清問樂善偏教韋布叅

昂藏贏得長掀髯但悔奇鋒筆太夫紅雨村前揮玉璫紫雲
座上沉香奩書帷冷攝青山靜心境空涵春水恬鵲噪隔林
驚客散簾衣輕卷漏銀蟾

酬對無端代百函就中嗜好別酸鹹風塵厭撲迴金勒江海
何難挂布帆三徑粉香人半醉一簾花影燕雙監愁腸只向
衡門繞不是途窮哭阮咸

命理清河午日隨制府潼川先生過王凡堤題壁

緊拍征鞍燦五絲王凡堤上可中時書生敢憚馳驅力國計
惟愁保障遲村女乍新榴火鬢蒲觴空舉客筵詩六龍聞說
津門出特爲祈年戲兩師

深秀亭詩集卷之四

七

中秋日同李丹書庶常集水部健六兄邸宅
何必中宵待擎杯起日斜香絲侵客袂墨瀋滴秋花路到雲
霄近思從江海賒雁行聲乍協莫惜遠離家

再赴司業張寄亭先生席

劍氣終須拭忙尋廣武來華堂先得月佳客滿衙杯滿卮周
遭綠秋花無數開隔隣還有約不許玉山頽

再赴徐章仲水部席

醉踏天街月狂吟水部詩開軒方靜白入座不嫌遲香透簾
紋出花低窻影支誰家新賜沐歌管散風吹

歸寓朱寶南林寓園已醉臥獨坐月下

二客翻爲主高眠據我牀不看秋夜月但話水雲鄉舊雨思

巴蜀孤鴻急稻梁那知空院白獨坐最清涼

賦得天下何曾有山水贈王尊古

天下何曾有山水輞川落筆妙無比一丘一壑臻靈境翠雲
濕黛動盈几憶昨南州高士座邀我把玩醉不已北苑董營
丘李瀉河源出石髓君能變化縱神奇海虞那得尚數彼

送張叔屏同學省親涪川時偶小劇

具慶輪君已萬壽中原歸路出神州採芝人好參苓味勁骨
山當天地秋醉後有懷惟擊筑客中無望不登樓臨岐執手
丁寧切努力加餐暖傲裘

謁楊椒山先生祠

一心堅鐵石兩疏挾風霜敢謝無言職殊拚以死嘗神京灰
深秀亭詩集卷之四 六

廟社故里肅祠堂感拜喬松下忠魂日月光

金臺驛

曲水圍青嶼垂楊隱畫橋客踪塵乍洗官舍額初標敢菊疑
香座盟鷗浴晚潮高樓如待月把盞願終宵

田村早發

束馬嘶霜月披裘池藕香客情初夢醒曉色老秋黃林柿層
層熟山雲絮絮長田家門正掩屋影枕溪涼

一覺庵

野色浮晴翠空林淡夕陽傍簾支老衲繫馬上高岡石像莓
苔冷窻陰橘柚黃客情於此適身世轉蒼茫

顓頊高陽城

一片荆榛路荒烟蝕土城殘碑述鳥跡枯廟畜鐘聲上古潛
龍窟高秋使客程揚鞭聊一過低憶八才名

扁鵲宅

斷碣蟲書古空亭藥草新乾坤多隱痛針砭更誰神下馬瞻
遺像沿村住後人時聞有鸛鶴叫夜月如銀

祁州夜飲同許郡丞尚州佐程學博譚楊忠愍始末

一夕轟雷飲千秋骨鯁臣當杯應把劍讀史不隨人戍鼓孤
城瀾寒花野店新何妨燒燭短未覺厭風塵

深澤縣

策馬臨斜日開尊見素心孤城秋水白古寺晚鐘深浴鳥喧
沙嘴炊烟出樹林頗傳西漢跡風景厚棠陰

深秀亭詩集卷之四

九

光武廟

危渡今何在堅冰化積沙穹碑存漢額古廟繞啼鴉麥飯千
秋設淖沱落日斜從龍端拱處大樹影還遮

麥飯亭

野店敲新火炊烟蔓草黃漢亭猶可據麥飯有餘香雲日當
天起蛟龍在道旁淖沱鳴遠水堅歷幾冰霜

東鹿道中

百里陰背路千家秋樹林雲烟空翠合樓閣畫圖深斜日烘
牛背幽花點客心潛聽野老論可惜少調琴

晚投王口村

百折垂楊徑昏黃躍馬來兒童窺客異花藥向燈開土室眠

牛近芸窓斷簡裁傳更鼓社鼓候吏肅莓苔

四芝蘭寺

色相何須著空香却有各懸鐘林鳥啄古佛石苔生客路征衣薄僧牀落葉平偶然停一飯身世若爲輕

王制府釣突園三首

水傍城隅曲門開樹影濃釣衣撐野竹臂而立奇峰大有琴書在空教簾幙重啼禽驚乍散應見客如龍

傑閣層層上憑虛一望遙高情忽命酒冷壘欲生潮日近思瞻闕秋清捷射鵬招提隣著晚樵牧過平橋

絕壁疑無徑懸崖始瀉泉流觴來宛宛風葉約卷卷荻岸人烟外蘿牆鶴夢穿笑談吟眺足歸興適陶然

深秀亭詩集卷之四

辛

大陸澤

古跡依然在滄桑變幾更貢田高浪擁洪水積沙平落日魚龍伏荒烟舟楫橫 膚懷深已弱何術遂春耕

飲袁仙根大令寧晉署

春明曾憶碧山堂密坐同探古錦囊別後輕兒先得路到來立馬便飛觴一簾空翠調琴靜十月清衙護菊香大陸可耕歌沃壤知君撫字上臺郎

與許郡丞醉談往事三首

往事何堪問風塵別路長飢驅酸作客資格誤爲郎春漲秦淮綠秋林茂苑黃廿年回首處琴研至今荒
往事何堪說臨危幸息機忌才偏欲殺守拙不曾飛負土悲

雞肋攤書掩竹扉海潮天地白獨上釣鯨磯

往事何堪憶鬚眉悔太驕春風人面隔香夢蝶魂銷樓舞輕雲袖燈紅弱柳橋書生貧入道酒伴亦蕭條

鉅鹿月夜宿衡陽令張治安宅

畫障開香座空階曉月陰故人方楚宦獨客聽鴻音盆石雲光靜牀書菊影侵更闌人未穩把盞擁高衾

經鉅鹿憶舊令崔五原

三月慈仁寺思君共客時海棠晴院酒開士夜窓詩病去憐孤跡官貧有舊知停車問棠蔭輿頌頗相宜

鐵佛寺

門靜空香潔花拈初地新幡幢莊鐵佛身世厭風塵木石枯

深秀亭詩集卷之四

壬

僧瘦龍蛇畫壁神停驂偷半晌有語問前津

再至成安宿溫提舉宅併憶舊令張龍章

風塵經月倦一宿懷林泉排楊虬枝影蕙衣蘭麝烟故人多寂寞舊澤且能傳回憶重來日驚心十二年

說法臺

九年沈面壁何說又名臺蝕土眠樵牧殘花落離苦苦心當世切客眼夕陽開相顧茫茫路登臨若箇來

銅雀臺

落日西陵草木秋君王魂魄可曾遊三分計盡營壘土一世才雄剩古丘惆悵筵牀空作伎飄零屋瓦久難搜濁漳風雨蛟龍出怒撼洪波奔地流

疑塚

變詐何須身後期神龍不合醜狐疑妝臺別伎荒荒夢陣雨
昏沙處處悲樵牧有人驚夜火松楸無路勅題碑汝南月且
千秋定別恐藏丘更莫知

豐樂鎮

薄日喧車馬蒼烟簇土城地名豐樂好水勢濁漳驚鼉鼓嚴
軍伐銀燈剔夜明客懷俄小惡欹枕觸離情

王表村小憩

一曲漳河岸千家王表村馬蹄驚兔躍酒盞待爐溫老穉填
環堵波濤說樹痕爲宣

天子命草野急 朝恩

深秀亭詩集 卷之四

三

酬彰德湯素公太守

雲樹聯鄉國風塵敘客途挑燈深卷卷被酒縱烏烏五馬中
原貴同心古道無荒臺銅雀上題筆索狂夫

月夜三宿成安

屢歇乾侯館空階踏月華窓紗騰客影粉壁映霜花喧定簾
前雀思清廟後茶不知今夜夢可許到山家

肥鄉野望

地苦重遷邑林空十月天土城荒夕照水鳥拍寒烟民命難
豚賤官租戶口懸 聖明寬保赤翹首望恩蠲

寄館陶大令白子美

夢想三年別鱗鴻兩度傳琴堂幾欲上陳榻又空懸身老風

塵累天慳詩酒緣惟將惆悵意緘與素心前

再過曲周

兩度征鞍路重關一片心風烟看早晚城郭換晴陰牛市鼎
王廟烏巢祇樹林羣然喧過客碩畫體高深

禿樹

禿樹撐枯廟矜傳五百年火雷燒剩骨神鬼夜摩肩暴雨蛟
龍立空天鐵石懸方知造化意枝幹不須全

雨意

雨意昏如夢朝雲漲不開僕夫遲秣馬倦客懶登臺亂樹寒
烟白空城朔氣來故交懷幾輩尺素費親裁

野老

深秀亭詩集 卷之四

三

野老閒扶杖鬚眉帶雪霜步隨松影綠味飽菜根香得失惟
耕鑿陰晴善較量忽驚乘驛使掉臂掩茅堂

威縣道中

風日重裘薄霜林客思寒田空騰獵馬村小怕迎官雉免充
行饌楂梨雜貢盤道旁皆赤子遮說歲時難

次南宮兼酬牟重季大令

幾旬推名邑絃歌得治人訟庭深柏翠傲菊繞屏新民社安
於僻風烟幸不貧夜闌更把醺霜月白重茵

酬磁州牧蔣試可

經月勞傳驛班荆候火紅解囊殷佐酒秣馬快騰風殘夜村
烟合中原意氣雄如君我所畏不復歎途窮

冀州

九州古極北畿甸近卑荒水氣侵城郭魚腥抵稻粱昏沙寒
白日落木梗嚴霜舉目哀鴻集許壽聽廟廊

沙丘

一宵亡暴命六國洩吞聲此地巡行盡求仙何處成風沙排
朔陣狐兔作妖鳴晚出官車冷咸陽去幾程

衡水遇余鴻客

何意秦淮別相逢衡水涯三年同客夢十月老霜花舊雨悲
星散新詩論日斜知音能有幾未必在官衙

衡水橋晚眺同余鴻客

赤岸寒潮急長橋晚市喧柳陰昏土室帆影上城垣漁火青
溪秀亭詩集卷之四

烟罩溪雲白鳥翻閒情攜手處徒覺世塵煩

武邑道中

野曠雲無際烟銷樹有痕牛羊眠日午城郭荷冬溫急水喧
爭渡空林靜掩門健兒誰放牧瞋目笑王孫

阜城道中

隔水循烟路穿林見土城夕陽烘翻倦荒草怒蹄平吏治微
今昔交情痛死生經秋梨棗熟聞說勝春耕

交河道中

急溜爭殘岸寒林剪朔風村平遠影密寺古夕陽紅雁斷烟
光外鴉棲客思中胡麻蒸市餅扶杖見壺公

滄州夜行

野炬行旌簇津樓戍鼓遙迴風吹薄雪急擊打寒潮昏黑魚
龍夢蒼茫魂魄消誰知孤枕夜樽酒不曾澆

青縣道中

小憩尋初地征途問老僧寒花衝雪綻幽閣撥林登鬚鬢辭
新換風塵息未能僕夫偵斷岸隔夜又懸冰

晚次景和鎮

返照村春急燃膏市店黃眠牛憎怒馬老鸛咳空桑字結藤
牀古花薰土壁香田家風味好閒釀宿冠裳

晚次河間兼酬陸繼庵太守郭桐圃許方士二郡丞

瀛海今平陸環城空度橋衣冠冠冠鼎盛楊柳見烟消能吏多
良友華筵照碧綃不辭鞍馬倦星月夜迢迢

溪秀亭詩集卷之四

茶亭索題

幾樹寒林簇晴光晝不移道人爐正熟驛客馬何疲古本思
鴻漸花香似武夷因知施濟事渴疾亦當醫

同茹懷堂文學飲陳玕石二尹署中

下榻迎開輿哦松竟有齋客情開蠟炬官况冷芒鞋靜夜良
如此清言亦復佳最憐樓外雁叫月向南排

雪中送制府王潼川先生出關接駕

一載隨鞭彈連宵熱酒樽客情詩有淚別路雪驚魂鼓角吹
邊帳獵獵列塞門天顏將尺五喜起拜殊恩

雪後

雪後衝寒出孤行意亦高乾坤方太素草木敢輕挑酒市金

貂賤關山鞍馬勞哀鴻聲最切空佩呂虔刀

積雪

積雪冰爲骨凝陰暮轉清羈情愁極目買醉隔孤城驢背人
誰過橋頭水不鳴高崗無限樹多壓玉虬橫

河間過曲靖太守雲從叔喬寓

別路茫無岸相逢總客中一官同積雪百口寄飄蓬棋賭東
山興詩憐小院窮紫眉明絳蠟肯放酒杯空

定興早發

殘月明餘雪寒山臥凍雲師塗雖老馬列炬仗前軍城郭鐘
初逗巖柯鳥不聞長安同日近北望漸氣盈

歸興口號十九首

深秀亭詩集卷之四

天

豈爲浮名誤茲遊意惘然嬌憐年七十旅館路三千老擊登
臺筑貧消負郭田昨宵歸夢穩明趁下江船

眼底王侯近雲中官闕高冠裳風不古李郭迹應銷歲月鬚
眉賤江湖魂夢勞何堪淹作客三徑冷蓬蒿

調馬嫌羈僕司門謝老僧酒杯終席倦詩卷逐時增北而師
誰可西山惜水登家音黃耳絕雁足怪無繩

慷慨過燕趙依人誤晉陽輪蹄馳病骨草木凜嚴霜法斧持
三尺官衙瘦一囊每深知已淚不在捉刀行

瘡慮衰昏墊輜軒屬舊臣疏排經畫細吐握性情真以我能
終幕憑誰更絕塵功成還斂手問道獨津津

雁信蠅頭急慈親病減餐當歸良藥母負米苦儒冠方寸鄉

思亂連宵客夢寒何能隨出塞塵霧拍征鞍

況有松楸淚頻年灑客途詩書聲已墮豚犬罪何孤丙舍無
由築皇天不可呼預愁歸拜處滿目慘荒蕪

血性敦良友先歸歎積薪病中憐執手去後更無人鵬政森
軍壘鋒稜梗要津鱗鴻偏莫便夢想轉勞神

有弟同貧賤飢驅亦四方酒酣能縱筆身退恨名場松菊喧
兒女風塵老驢驢會須馳急足促返慰高堂

病婦黃花瘦持家絕苦辛官租荒莫貸姑性諱言貧鵲立調
湯藥蠶餐仰客身機牀凋瘵婢珠淚也傷神

燈昏圓舉室小子說京華失學無如我溫文任有瑕四年頑
不見三尺長應加若問勞生事愁腸亂似麻

深秀亭詩集卷之四

毛

三黨矜誰在晨星老輩稀花時懷杖履竹色歛柴扉小飲磁
甌滌高譚玉塵揮南帆知有信相率盼漁磯

吾廬頗可愛北郭繞通波老樹遮牆角新花點石坡畫圖雲
影濕晨夕鳥聲多把卷忘機坐高聽擊壤歌

扁舟輕獨放九折出盤龍遠樹家家影青山面而峰道人閒
種藥社鼓賽爲農雞黍時留宿宗盟疊過從

九峰峰不險空上讀書臺村酒魚蝦足僧茶蔬筍來鶴灘青
笠香龍洞白雲開聳得神仙骨何妨老不材

夜月凌三泖天風響搶鈴魚龍橋影伏雲氣劍花青斗酒澆
空澗漁燈射杳冥何人吹鐵笛瑟瑟度修翎

五畝南園竹親栽雨後天隔牆穿犢角傍水縛魚船遠道無

由觀尋思儼在前清風與勁節鳩婦占啼烟

愁煞無樓鳳梧桐種百餘雨聲清滴漏夜色曬蟾蜍矮石誰

同調高人有此居迴廊閒倚遍鵲步綠庭除

君思無地報家計但書愁怕折春明柳疲登南望樓片帆何
不挂短鐐自空收爲謝諸膠漆掀髯且脫鈎

晚次良鄉

脫却春明路南行身便輕石崗孤塢登野火遠村生戀

關寧無夢思親久薄名敢勞賢宰顧櫪馬動深更

夜愁

徹夜愁無寐山川客路長浮名灰落魄疑病懼高堂悔逐風
塵夢寒侵雁背霜不如田舍老舉釀介新嘗

深秀亭詩集卷之四

元

飲張石宗大令雄邑署同李寧侯中翰張蓮岳明經

憶別荷香路重來冰雪天清衙華燭滿新釀故人賢漏鼓擷
林影薰爐白獸烟長庚明入座絲髯愧居前

飲許翼思大令任丘署同汪田叔大令劉蒼巖學博劉

靖侯主簿

畫影庭柯動清衙霜月明留賓叅捧牘索酒特開城淚濕催
科拙民愁儉歲生座中咸凜職惠迪豈虛名

飲陳仁庵大令獻署同家如齡主簿

靜夜冰霜潔紅爐簾幕重穎川原令長漢室舊藩封漏鼓何
須促醇醪不厭濃空囊誰拭劍驚鈍敢稱龍

五節祠

憐絕田家婦黃中縛單村一時沈白水千載共貞魂明月清
環珮寒香長杜蘅客行恐唐突酸楚遠祠門

過河間獻王墓

失鹿無餘燼乃公馬上來藩封敦好善文獻獨徵才漢臘山
丘古蒙陰鐘鼎開至今推禮樂過客拜蒿萊

景州道上

滾滾風沙白凌晨出景州疎燈懸酒市殘月隱城樓驛苦衝
途乏人無隔歲謀老僧動揖客孤塢登荒丘

德州道上

孔道交東北舟車水陸多土牀蒸糞熟塵面撲裘過樂歲剛
開甕征人急荷戈虬髯誰逼視躍馬上高坡

深秀亭詩集卷之四

元

恩縣道上

冬晴溫日午裘馬倦揚鞭帽自狂風側城多硬樹穿停轡翻
待僕妮客細揮絳憶勇曾樓此歸丘觸泣然

過高唐州

齊石風烟舊冬晴冰雪餘高城孤塢占枯廟古藤儲疲馬迴
金勒懷人到尺書可知虬髯客村醪醉何如

晚次在平顧大令移樽徐蒼崖同話

惜此瓊瑤月多君琥珀樽冠裳關楚語鳩幸獨思坐久簾
衣直更深爐霑吞南州高下榻應戀客情溫

過東阿

策馬過東阿山城鎖石坡日中梨棗市烟際鸚鵡窩羽箭耕

農習瓊蔗販多老人存託跡遙拜意如何

東阿感舊

十七年前路何期更一尋隔窓啼小鳥繞屋踏寒林道士荒
燒鼎佳人負捧心誰憐橫劍客酸憶舊知音

三歸臺

五霸無錐土三歸剩此基才推天下少量惜器中虧齊相成
千古臺名竟不移頽然沙草畔近對穀城陂

得學使陸曾菴先生近信

山斗文名重水霜肅氣清諸生尊魯國義士激田橫燭秉丹
黃夜門無竿牘情方知造謗者難蝕月華明

柏陰

深秀亭詩集卷之四

辛

柏陰沈澱地凜凜歲寒心古節撐虬骨高風老士林焚香空
獨結偃翠一山深拙在秦封外樵青不敢侵

懶起

懶起非耽疾終宵夢不成星霜方凜客與僕互催程短燭撩
長劍空山閉古城何妨聊伏枕出處待光明

山行曉望

山色清於曉行人馬背看數峰晴日上幾縷宿雲殘汲水支
藤杖焚香擁鵬冠誰將大手筆高挂眼空前

過東平州

山氣東阿盡方州結路平人烟趨午市鹽水響環城歲歉耕
樵苦林空霜雪晴石梁多斷碣厭假去思名

古平陸城

一片荒烟路何從考古城雞豚榆柳散門巷土花平倦客歸
裘禿空天夕照橫昔賢游轍到苔碣特留名

晚次汶上樊茂先大令公出不遇

鞍馬勞昏黑孤城燈火青土風淳魯甸邑宰麗文星酒熱當
爐面花香琢玉鉗琴堂方靜掩誰復顧郵亭

至日

亞歲經汶上行踪見魯雲披裘還有質策馬不超羣天地初
陽復山川散客醺高堂將省母官線喜添紋

閔子騫辭召處

孝子端高節清流託避權宗邦何去遠出境却辭堅汶水湯
深秀亭詩集卷之四

壬

湯白蜀山凜凜前驅車爭售者過此定惶然

舞雩遺跡

落日平原地風烟想暮春身心流水潔童冠夾衣新道德尊
東魯絃歌屬吾人琴書擔過客猶覺遠無塵

鄒縣謁孟夫子廟

平旦身心肅振衣拜廟門高深連海岱仁義正乾坤戰國師
儒力中天俎豆尊虬龍松柏古凜凜翠烟屯

望岱

獨客行清曉嚴嚴望岱宗日華紅漢表雲氣白秦封松鶴明
餘雪天門散遠鐘登臨無濟勝蠟屐待春濃

滕文公行井田處

善國不嫌小居然王政行平田明舊壤斷碣表賢名齊楚隣
封沒風烟遠古生耕農多負耒相顧較陰晴

晚次沙河店

亂樹昏鴉集空村委巷偏酒旗膏火列銅鼓戍樓懸花影窺
驛客簾衣捲篆烟隔牆低唱近聞說小樊川

遠山

遠山明不盡雲外罩輕陰落日寒空翠長天掩畫林文章高
始淡丘壑蘊偏深青過江南去投閒倚杖尋

剡水

剡水香臺側鬚眉鑑客中空山多日雨斷岸一林風活得魚
兒細浮來花瓣紅可知湖海氣萬里雪濤雄

深秀亭詩集卷之四

三

一騎

一騎憐花因將軍索畫眉明珠輕覆土暖玉裹戎衣塞北禁
霜去江南杳夢歸不關司馬淚恨事觸都非

沙溝店

一水盤龍白羣山入座青村妝明石井酒肆熱茆亭木落高
枯筆天清刷遠翎漸知南路近蝦菜有庖丁

旅店見周鵬垂題筆

道義干城託雄才恨暴亡心灰下第淚裴散散金囊擊鉢催
壚酒揮毫界粉牆誰知生死隔客夜碎肝腸

酒帘

一片青旗薄斜挑風便香能爲嵇阮引任取聖賢嘗茆店山

崗上金貂人面旁偶然恣耳熱不覺夕陽黃

牧人

牧人剛睡足牛背跨斜陽沙草清霜白山村古道黃高歌天
籟響遠趁酒旗香叱縛羶楊去何關車馬忙

高樓

高樓插峰起盤角礙城隅老客思王粲芳魂痛綠珠神仙何
所好簾幕不妨紆南望還千里登臨耐此軀

韓庄閘口

微水拍天白晴空落照紅迴車簇齊右隔岸走江東雙燕魚
鰕路平橋楊柳風揮鞭來問渡僧似識韓公

晚次泥溝驛

深秀亭詩集卷之四
驛路荒林晚風烟近水寒南徐初入版歸客散無官屏石花
雙影鈎簾月一欄夜深狂擊鉢思湧急如湍

欹枕

欹枕不復穩客遊絮萬端失風空院冷香夢小紅殘鬚鬢頽
戎馬江湖憶釣竿聞雞將起舞行路未爲難

山路

侵曉行山路崎嶇響鐵蹄炊烟僧屋短刺影虎崖齊紅日扶
天近浮雲卷面低遠聞茆店下喔喔通荒雞

雙雉

雙雉驚衰草衝人貼地忙還騰何必嗅文采若爲光亂樹無
繒弋空田足稻梁羽毛如不賤豈肯讓鸞凰

山店

曲磴迴峰麓懸崖老樹根數家茆屋矮斜日酒旗溫慣縛金
貂騎頻鮮蔬菜盆此中殊越俗雲氣望前村

旅店遇孫太學舊歌姬

隔座頻凝盼低聲問僕人淚珠含欲落笑頰忽微新夢說花
香夜愁蒙客路塵王孫今髮白飄泊亦江濱

矮道人

衲裙無三尺鬚眉百歲翁馬前低拄杖山半疾行風不厭懸
壺大能燒活火紅自言養雛鶴將駕禮崆峒

寒山

寒山深晚翠斜日淡蒼黃秃樹擎龍爪空巖覆葉香歸僧驢
深秀亭詩集卷之四

背擁餘雪蘚痕涼只是雲來護誰探冷石牀

一鶴

一鶴從何下長鳴立水濱昂昂頻拂影引領若迎人健侶雲
霄外閒蹤鷗鷺親浮丘偏莫遇或恐墮風塵

渡河

落日黃河赤危橋急渡河襟懷空宇宙天地息風波岸隔南
江近林空列岫多倚師偏睨擊楫一酣歌

徐州道上

寒林剪剪鐵蹄穿橫槊歸途竟五年芒碭無雲荒白日黃河
有岸東青天英雄氣併蒼生淚貧賤裝輕結客錢名姓何須
驚酒肆鬚絲如戟嘯花前

宿徐州黃河岸口

風濤鐵石下堅冰魂魄疑歸老范增博浪椎驚逐鹿死沐猴
冠敗斬蛇興高歌欲放惟拚酒荒夢無根不繫繩明日披裘
躍馬去烏啼石屋問山僧

山僧

倚杖山坳立低眉認我來松籠撥火掃石指登臺戰綠蘭
芽吸清芬蕝葉開微言揮塵秃只老白雲堆

題項王廟

蓋世勲名恨不成英雄氣盡死吞聲鴻溝少決烏江敗秦鹿
空搏漢馬爭饒却杯羹留擁篲美無人薨早甘兵雷霆叱叱
江河沸豈是風濤撼未平

深秀亭詩集卷之四

三

范增廟

祚漢方天意重瞳失老成一歸直忿死三傑遂驕名埋得彭
城骨悲殘垓下兵我來思奠酒不敢玉杯盛

山鳥

山鳥無人識閒啼一兩聲聞鐘常下食對客久移情雲樹巢
難覓天風翻太輕鷹鷂從未到鈴動不須驚

立石

立石峻峭起迎人故聳然烟霞山有骨歲月薛爲錢不伏將
軍射疑來圯上傳朝綱如爾輩顛米拜應前

歸憤

歸憤無人縛斜陽信步行啼鴉開遠視眠犬慣將迎挂角誰

知讀登場早息耕止添肥草嚼汗血不關情

孤松

特立干霄質原無凡草依虬枝鱗鱗白畫影墨針肥不屑泰
封列能參僧臘稀馬頭風設設冷翠動斜暉

空山

空山行百折日午不逢人孤跡搏餘雪禽聲隔遠塵閒雲深
斷續禿樹老精神可惜無僧占流泉雨後新

漁磯

四年塵馬跡今日醒漁磯路到江南近風高柳次稀陽前繫
棹滑雨後躍鱗肥誰識羊裘客烟波願不違

宿褚莊鋪

涑秀亭詩集卷之四

美

裂石昏沙路山家號褚莊空庭寒檠短鐵夜懸牀馬嚼水
霜影衣乾枕杜香何曾酣伏枕護卒說邊疆

閔子祠

下馬尋賢跡祠堂景哺鴉石臺寒柘影風雪畫蘆花化洽家
門政神遊汶水涯歸人親母在忍久客官衙

樵唱

一聲空際落山色杳迴青客路當虛谷霜林刺遠亭不知誰
對奕止覺振修翎翹首丁丁叶因風仔細聽

野燒

小舉荒郊燧平驅霜雪寒草頭乾楚炬蟻穴駭田單隔嶺看
無定因風捲不完可憐焦土易春雨發生難

曲樹

盤屈支門巷低昂伏老虬居人傳九代閱世近千秋葉白清
霜打巢空暮鳥投棟樑雖不用畫入李營丘

過宿州

朔氣僵馬鬣衝寒到宿州塵沙昏獨客孤豹裊重裘市薄新
炊餅城荒古戍樓舊時門下士宿草感山丘

疲驢

疲驢玩驅策不蹇似枯槎童僕時昏墜山村過日斜止堪敲
句穩難與拍鞍誇一任繩麻絡牽歸縛樹叉

凍雲

凍雲將作雪低壓一天黃茆店帘風動山村客路荒寒沈白
涑秀亭詩集卷之四

美

日影蒙然暮山光獨有啼鴉急爭翻驢背旁

荒莊夜宿

地苦荒莊白居民僅百餘盤餐偏闕勝風俗奈空虛矢石驚
寒鵲燈窓映寒驢誰非南北者隔舍共躊躇

陰陵井虞姬葬身處

甘請膏腰刃英雄有美人千秋封古井三尺白貞珉舞草生
生緣芳魂故故新每聞風雨夜戰馬響來巡

美人草

止說花沾血今知草勝衣風前還楚舞月白似魂歸難滅嬌
生種何關亡國非不看骨醉者憔悴永無輝

題鍾進士像

鬚髯雄斯奮衣冠束若狂擲揄噉鬼物忌諱說文章圖畫猶
如此威稜不可當奸邪多傍戶關節緊須防

倦客

倦客盼歸鳥長途怯日斜山荒疑遠夢身退肯思家步乏飛
塵騎啼殘隔岸鴉僕夫翻後至林影白霜花

鳳陽道上

黃雲黯黯路漫漫龍去山空白日寒佛土見旒尊護法城碑
湯沐久輸官披裘躍馬愁江北舉目哀鴻乞歲殘欲濟無權
思鄭俠 九重易聽蔽賢難

臨淮關上

風日臨淮道寒烟夾岸生柳條森列戟舸纒鎖浮城撲被空
深秀亭詩集卷之四 天

輿僕搜金急水衡觀魚臺在望重憶舊遊情

黃泥鋪夜雪

一夜郵亭雪荻簷煥玉坡酒爐紅向客巖樹白懸蓑簾外迴
風急燈前寒影多空牀殊未熱遠夢落江河

臥柳庵

客踪閒不定隔岸漫尋僧臥柳門雙護橫雲山數層空梁爭
鼠穴亂水密漁罾遠渡蒼茫外何人忽馬騰

雪後過磨盤山

仄徑穿雲濕懸崖絕壑寒殘林紛啞鵲餘雪撲征鞍鐘斷僧
炊晚風高樵路單斜陽明乍掩橫鐵過千盤

大柳驛風雨夜

驛路趨山谷人家簇水涯惟燈風雨夜塵鬢雪霜華湖海襟
仍濶漁樵夢不除孤樽聊自勸漸買武陵槎

滁州道中

碧落縱修翎單車渡客星山城風雨滌竹樹歲寒青村釀開
花市僧茶沸石屏昔賢遺蹟在過驢醉翁亭

六合道中兼柬吳次公大令

竹樹晴餘雪溪山青到城居人工琢石行館挾彈箏漁棹江
淮近香風裘馬輕素交耽靜穆候吏莫通名

儀真道中

卯酒澆征客青山冷不侵江鄉聲漸婉松竹翠逾深人面旗
亭座魚鹽估舶林老夫與臥穩失却問登臨

深秀亭詩集卷之四

亮

除夕

柏子香燒活火紅錦屏不滲燭花風筵開此夕庭幃健事憶
頻年醉夢中泉石有情容乍戀村莊依舊幸觀豐衙門清荷
承平樂擗鼓藏鉤亦自雄

深秀亭詩集卷之五目

元旦

朱也亭集小軒

雪夜

人日

春雨

夜集

立春後一日

咏史一百八首

曹參

廉頗

李牧

陳平周勃

韓非

陳勝

蒯徹

賈誼

燕丹荆軻

董仲舒

霍光

公孫弘

深秀亭詩集

卷之五目

宋弘

王莽

馬援

鄧禹

宋均

桓榮

董宣

袁安

黃憲

楊震

劉寵

鍾皓

李固

李廣

張儉

馬融

蔡邕

申屠蟠

衛玠

溫嶠

謝安

張華

陸機陸雲

石崇

謝靈運

嚴延之

高允

陶潛

檀道濟

陶弘景

王通

劉文靖

李密

李世勣

魏徵

房玄齡杜如晦

馬周

狄仁傑

李昭德

婁師德

張柬之

宋璟

張說

張九齡

陸象先

王嗣忠

郭子儀

顏杲卿真卿

張巡

李泌

劉晏韓滉

柳公綽

李愬

韓愈

陸贄

杜黃裳

裴度

白居易

柳宗元

劉蕡

李德裕

薛元賞

魏謩

鄭畋

張全義

鄭榮	司空圖
張承業	馮道
趙普	呂端
李沆	林通
王旦	寇準
王曾	魯宗道
呂夷簡	范仲淹
富弼	文彥博
韓琦	呂誨
鄭俠	蘇軾
司馬光	陳東
深秀亭詩集卷之五目	
李綱	張浚
宗澤	岳飛
韓世忠	吳玠吳玠
張世傑陸秀夫	文天祥
懷史惟臣荆水	懷郭殿殿大令
憚玉亭書至	寄徐蔡園別駕大理
懷緒蒼書	懷藍子青
尋洪昉思寓中不值	過抱香巷
確齋前五色雞冠	題王復村學集杜詩
雨中賞桂	雨夜
丹夜懷廣公	孩士族叔書夜話

醉後東浣濤兄	歌舟
待曉	重過藥師庵
維章姪邀飲	文英弟邀飲
訪菊	載菊
集菊	菊前
浣濤兄惠蟹	題徐昭法先生畫
次韵酬沈貢園	九日
燈前菊影	魏敏齋別駕邀飲
趙學山惠花香	暢情軒雅集
酬木文	程隱公見訪
聽雨	題金漢威雙清閣
深秀亭詩集卷之五目	
得龔廓園手札	石屏
送吳莘才	奉母
劉蓉庵漢簾席	送白峰
過問樟禪院	送大司農王却非先生
贈文霞較書	李寅谷明經奔節母喪歸里
與張迥文論詩	題畫
嘉禾道中	月夜望烟雨樓
訪徐翰宣	嘉禾水次
萬安橋	勸酒
雨夜	沈霖蒼過話舟次
飲甯起城明經知可堂	吳江道中

吳江獨夜

索酒

剪燭

拭劍

聽雨

水宿

斷夢

盼曉

沈香山進士招集

霖蒼送酒

鄧村晚眺

朱巷夜泊

周莊早發

江城訪徐虹亭太史

渡柳

遇馮文子孝廉

歲暮書懷

殘歲

觀蒼頭貯新釀

餘雪

羅漢松

饋棗

深秀亭詩集卷之五目

萊

五

客趙雙白

萊

歲暮

贈棄視人

款

小除夕

詩未錄去魏具酒來

深秀亭詩集卷之五

雲間潘鍾麟層峰

康熙三十八年己卯選二百二十六首

元旦次沈霖蒼韻

爆竹聲傳玉漏催征鞍客路幸初回江山萬國尊元朔冰雪

千林放早梅自荷衣冠存舊澤敢爭鸞鳳耀多才圍爐試詠

焚香候佳客先看若箇來

朱也亭沈霖蒼吉士王層巖陳堯年淳元長林各攜酒

饌同集小軒

競將蝦菜試辛盤雜坐依然得古懽人擬八公惟我老歲交

兩日向春端詩書骨肉風仍舊梅柳江村路自寬暖傍金猊

深秀亭詩集卷之五

一

烘秘閣不愁寒雨響雕闌

雪夜小集淳元長林不勝杯酌而去

春陰未肯碎瓊瑛積雪林泉一片明我輩高懷惟對酒隔年

佳况記調箏江村遠客何時到沙岸新潮幾尺生屈指三蕉

誰避席心驚韓范是顏兵

人日集諸親申分韻

碧雲初散玉痕明人日風光愛晚晴座恰竹林師麈尾香消

梅萼逗書案梅鬢空老湖山具歲月彌深骨月情天馬幾時

騰逸足春和還擬聽流鶯

春雨二首

竹風簌簌罨山椒可惜春光溼暗銷鏡裏人愁花外影溪邊

漁赴雪中潮雄馳素塞投班筆瘦客梁園念沈腰幾夜夢魂
縈未破心期千里尺書遙

滾滾風波怒濁河水天連處奈天何勞臣淮海星基列病國
金錢畚鍤多夜吼魚龍高下立雪消楊柳萬千拖莫安時厯
楓宸念誰奏宜房瓠子歌

夜集分韻同心在漢懋愛高駟士

不厭連窓風雨頻竹牀蒲簟亦文茵琴書自卜宜春夜天地
長驕中聖人門對青山寒更沍雲依綠野歲方新車公觴政
如雷動小戶猶勝酒百巡

立春後一日聞雷次韻

寒雨連宵白春風今日新流漸冰石解農事土牛神已覺林
深秀亭詩集卷之五

生氣何妨家食貧雷鳴寧足怪龍化起潛鱗

咏史一百八首

曹參

開基務寬大宰輔洞定識漢高約法外刀筆能尚德觀其所
相者蕭曹抵禹稷蕭以綜核雄曹本黃老力兩人始微嫌
轍似南北及趣治裝入衆人固不測率由何舊章天下安作
息跡疎而意平牛李豈可得

廉頗

國祚惜無才老將恨不利頗收本齊名成敗各自異當頗憤
代時奔魏乖守義懷舊視使來踴躍幾不啻一飯空斗米唱
肉若兒戲被甲上重鞍酷示可用意誣謗迺三遺却中郭開

忌之楚益無功卒畢楚之地我思用趙人悔眷宗邦淚

李牧

蓄銳不輕敵內保實良將饗士日椎牛十年整玉帳黃塵徧
野來鐵蹄寂無向一朝誘小却大合遂排盪烽火月明中威
震雁門上奈禦虎狼秦忽代令退讓不受命固非殺之國隨
喪郭開陰覆趙受金而造謗抑頗亦此人閫外多葉莽

陳平周勃

曲逆智有餘絳侯文不足奇計勝殊勲厚重苦窘促一時左
右相並爲女主屬頗賴陸賈言終成安劉局平以哲保身勃
以魯白獄遠過顛王陵諸呂徒忌觸所貴秉鈞者氣度端如
玉

深秀亭詩集卷之五

韓非

韓非殘刻性覆國而戮身刑名法術學豈可善宗臣數千不
見用孤憤輒反唇充使羞納地抵掌遂向秦說難首亡韓肝
腸何不仁李斯雖嫉能譖殺固有因不然秦用非其毒恐尚
瞋

陳勝

陳勝傭耕傑齒莽舉大名隴上悵然語徒有富貴情詐計稱
扶蘇揭竿銳甲兵天下苦秦法響應出輪縣六國互立後險
要各據城楚爲振臂呼詎曰非前旌王侯寧有種除暴敢首
爭惜哉不二年燕雀殺其生

蒯徹

淮陰不負漢蒯徹實殺信始說襲破齊間使烹歸順再以相人術三分勸坐鎮信雖猶豫間漢久疑浸潤躡足附耳者姑聽自守進固陵失期會馳入奪其印鞅鞅絳灌儔馬邑陷邊汎密語別陳稀稱病不鼓陣相國給之入武士直推刃悔不用微計罪案乃自認

賈誼

賈生年少才躁妄思寡識磊落數千言流涕託楮墨漢文謝未遑鬼神前究極一貶傳長沙何其轉鬱抑用亦權錯耳平勃豈可得器固非公輔命促以淺臆弔屈空自傷治亂分貞愚

燕丹荆軻

深秀亭詩集卷之五

四

燕丹銳而迂荆軻俠而鈍侵地豈口劫環柱疎尺寸徒惜樊於期刎首不洩恨不如一椎神大索脫肥遯總落祖龍魄成敗可無論

董仲舒

漢繼大亂後治道雜王霸賈誼濶浮詞帝幸未遑謝龍錯銳峭直激變爲衆射所學本蘇韓何嘗純教化董子天人際精微擊無暇言行相驕主非聖刪提樞大儒端氣象曉日揭昏夜紹往邇後賢功不遠孟下

霍光

博陸顧命臣朝綱鎮柱石步履端尺寸禁閹密區畫當其廢昌邑毅然伊尹力何無齊家法播弄由巾幗勿論淳于衍畏

發昏而溺內女更入宮縱子驕烜赫豈惟不學悞驂乘棘禍脉幾幸不及身一妻九族赤謝收田大夫絕非力難釋恐存首倡功端忌不爲白

公孫弘

公孫曲學首布被特其一迎合每不覺鄉愿故尚質厚湯昧知人族解用何律轅固飭其阿汲黯洞其術邊計絕無功濫封平津秩博士增弟子虛譽徒表率帝性向浮詞邀寵倖勿失城府之巧宦夫豈仲舒匹

王莽

賊莽僞而迂殘忍起殺子太后成其篡諸父長其始孔光瞞其禍谷永黨其有紛更復井田重譚假白雉泣示開金縢生深秀亭詩集卷之五

五

宋弘

大臣匡得失偉論具可師貧賤糟糠意洞然固不移觀其飭所薦凜凜刷朝儀桓譚失措謝鼓琴實卑靡乃知逞一藝盛世非所宜

鄧禹

鄧侯仗劍出依光隨曉日封拜未三十威信布倉卒所長在知人浪戰亦曾失光武曲保全教子善退術略遜張子房福視淮陰吉同作漢元勲厚薄殊不一

馬援

伏波雄健略老而不知止明於誠子弟疎於不推已梁松矜
驃貴父執那昔比馬革願褰尸散穀輕糗糒孤軍萬仞還何
必載蕙苴據鞍作顧盼是爲馬婦矣隗囂有舊誼責讐既知
彼極陳滅囂術聚米歷歷指虜在我目中神算誠若此銅柱
遠標名後進薄鄉里謗從一紙書讐恨成切齒好大喜功心
終向邊野死

桓榮

二疏秉達識桓榮老學究同爲太子傳雍容樂錦畫一歸散
遺金惟恐時或後一陳輜乘具稽古彭句讀遇世皆文明儲
君別英謬二疏洞孝元昏庸莫可救不如早抽簪知幾介詹
壽明帝素尊師賢主養耆舊去者跡爲高誇者福彌懋薦辟
深秀亭詩集卷之五

由陰興禮讓無傾覆君賜固當揚佳話勿嫌陋

宋均

臺閣患不明吏治患瑣屑宋均起郡守樞機掌喉舌以爲文
法吏欺謾習粉說清廉在一已疾苦非關切有哉練達言令
我服往哲羅織出繭絲冰心少熱血

袁安

清介越俗標特行果決事其操歷冰霜其銳敢一試袁安不
入府先將楚獄治條出四百家活人不顧忌始信抱道者乃
可爲明吏

董宣

強項豈死爭國法不可壞苟非能優容擊楫直一介既免荷

主明小臣終不拜祭遵首刺姦宣效何足怪試問後來者棘
手何多敗

楊震

伯起清白吏勵節少聞道暮夜嚴衾影剛介誰能造薦牘損
羣小痛切忠入告逆耳既悠悠譖言日以噪解綬得放歸疲
驢走席帽左右擁生徒夕陽亭亦好何至暴鬱憤飲鴆不自
勞

黃憲

鐘鼎多顛覆名世獨貧賤汝南牛醫子知名翕推薦汪汪千
頃波氣量渾莫擅徵車亦暫出不存膠執見朗陵甘師表有
道從忘倦是何德器深叔季有此彥意者嚴灘高不露聊城
深秀亭詩集卷之五

面

鍾皓

鍾皓稱篤行陳寔出單微年輩遠不及結友乃相依寔亦長
太丘吏民懷其歸端不負皓舉前後交德輝何爲吝弘獎未
休多庸違

劉寵

劉寵守會稽治簡而化率當其徵入時攀戀惟恐失父老五
六輩翠微巖竄出各資百許錢指語極極雅質未嘗識郡朝耕
鑿何所述但以他守前發求無寧日犬吠月明中竟夕擾不
一明府下車來民不見吏卒伏枕靜村春家家開種秫今聞
當棄去扶杖感屈膝寵乃慰勞之各選一錢畢吁嗟桃源圖

循吏送行筆

李廣

廣不特數奇孫陵復陷虜以彼世虎將陣豈不師古廣之恩
士卒陵之銳伐鼓一劓於失道一擒於開弩人奴博封侯管
敢洩敗賄死者哭全軍偷生族太苦天實厄其家雄心灰如
土其禍輒深入挑戰利小武

李固

李固有哲女王成報名師其幾先洞燭其誼古無之程嬰杵
日間血嗣保一絲酒備與賣卜數載陰相持梁冀雖授首口
舌禍當思文姬乘高議李燮能伏雌固心乃王室人謀天所
知難哉此門生紅顏勝鬚髭

深秀亭詩集卷之五

馬融

漢李兩儒賊無恥喪名節一爲莽大夫一爲絳帳傑梁冀殺
喬固天下皆咋舌太后有詔赦冀憤特未洩馬融從事即忍
代作章揭卽其講學時聲伎日紛列性侈而氣高棘心而附
熱雄猶自汚耳融且枉賢哲

張儉

黨人惟張儉八及之不及亡命望門投波累幾百十賈彪高
不納毛欽放垂執李篤善爲辭孔褒甘坐入禁解縱得歸流
禍纏呼吸不聞杜根言周旋跡難立不見夏馥計冶備聊自
戢方寸無定主名士昧汲汲

申屠蟠

林宗盛名下仙舟其最著超然脫黨禍持論得忠恕幸未登
廊廟組織謝刀鋸渾金而璞玉固已化渣滓然猶任交游豈
曾巖穴去臧否時在口禍幾莫之慮獨有申屠蟠燭微揚鳳
翥絕迹梁碭間開雲遠敗絮終身不受徵笑民間答語意可
有道師屹立何善處

蔡邕

伯喈曠世才出處皆不遇亡命江海間名爲權奸注三日歷
三臺一無所建樹驚歎感私曲大節何勿論乞哀願黥刑難
假偷生具岐途必驟蹶善鳴厄鍛羽忠孝既無關多能何足
想

溫嶠

深秀亭詩集卷之五

九

中原壯經略我取溫太真豪傑必心細報國以精純計籠王
敦惡謬與錢鳳親倚醉擊手板後護遂莫申聲援鎮武昌赴
難獨挺身號慟不受爵遺書促遠巡陶侃幾壞局賴嶠爲扶
輪白石斬蘇峻忠憤兵何神負疚特絕裾母訓痛勿遵

衛玠

洗馬美風神清談獨執善不及以情恕非意則理遣喜慍雖
泯然茫茫愁不淺其名冠過江其哲勝王衍

王羲之

右軍洞識鑒清流雅經國內外須協和勸浩廣宵臆不宜與
溫隙此論最爲得致書止北伐善後極量力謝萬固通才撫
綏則非職媿媿箋奏間料事不忍默立言殊有功公輔必饒

直何不大見用垂名徒翰墨

謝安

相度繫安危淵淳而岳峙我儀謝文靖靜鎮謀國是法語詔
阿萬厚託諸臂指預料驚潰機脫弟出瀕死及萬既廢黜見
可廼就仕年已四十餘老成妙舉止泉石上廊廟定力久如
此譚笑却桓溫命將信猶子氏泰入寇時惶懼震朝市公爲
默區畫視敵等突豕肥水捷書來了不形矜喜楸枰故對客
還內折展齒擇婿獨不佳疎忌從茲始優游樂餘隙澹遠涉
圖史時人輒誤比王導飽無恥

張華

茂先推博物才多而識寡盡忠握機要經濟出風雅妬悍猶
深秀亭詩集卷之五
知敬同心託裴賈示熙輔政錄數年安朝野式乾廢正嫡廷
爭不得下此時便當去泉石避車馬何至待矯詔三族慘碎
瓦礫殺國孫秀禍本亦自惹

陸機陸雲

機雲附賈謐出身遂不正名士悞躁進文章亦大病內史何
足戀諸王互竊柄多難勸歸吳友誼明於鏡建春門之敗弱
翻焉得競白袷見牽秀爲箋猶辭令鶴唳那復聞二俊同畢
命何如不入洛善藏馴龍性

石崇

物忌侈於財殺身禍於色季倫風流土豪情通翰墨金谷貯
名花明珠買傾國履豐志易驕附諂昧遠識被誣致族誅惡

盈亦天德千古墮樓人一死香不息

謝靈運

才人多放逸禍遂不善終以彼好門資名爲康樂公卽不叅
權要麾守亦自雄欲消幾緡履洞天路本通何至作五丁役
擾驚愚蒙登臨擬暴客殊傷騷雅風忌告旣見收那復興兵
戎追討致不免偏傲戮乃躬吁嗟昧大道鍛鳳愧高鴻

嚴延之

光祿與康樂同起中秘書謝以才自暴顏以識自整其子峻
貴重其心愈耿耿資供一無受蒼省門益冷布衣茆屋下披
卷明衾影不喜見要人所以全首領

高允

深秀亭詩集卷之五
咸陽事五朝出入歷三省貴重同寒素仁恕而簡靜口不言
曆數未嘗露鋒穎死生榮辱際絕無愧衾影切諫輒屏人引
善則井井篤念親與故熱血獨不冷魏主信忠誠游雅推骨
鯁迥非王導倫道義過王猛享年九十八桑榆榮暮景厚德
福彌崇金玉良天秉

陶潛

士行有曾孫晉室表徵士高趣故不羣圖史雖未邦門前五
楊柳離落菊與芷以酒全其天咏懷隨所指在官八十日解
綬如脫死自謂羲皇上靖節勵廉恥人知淵明高不知賢翟
氏夫耕妻能鋤偕隱志如此不就著作郎忌諱愁滿紙書求
不甚解善讀正大旨悠然見南山千古深仰止

檀道濟

桓謙恃世鎮并力寇荊州道濟天門來陷陣輒先投及同王鎮惡入秦建勲猷不肯抗俘獲弔伐濟剛柔頤命何疑忌難御儼戈矛屢試出徐傳謝晦成其謀道濟實不預攝從宿殿頭奉詔急收剪宋主亦明流擊魏救滑臺量沙夜唱籌前後三十合全軍捷獵獬豸威名禍太重那得不見囚長城壞萬里魏人輕吳鈞目光瞠如炬不白恨千秋後悔乃見思惜哉無其儔

陶弘景

通明善頤養棄官高隱居茅山積翠上長擁萬卷書手勅屢見召吟咏只自如大議輒先諮香不上徵車山中稱宰相鍾深秀亭詩集卷之五

冠耀金魚倚在梁主賢能遂此遽遽不然名太著何其煩緒餘處士之謂何草野達玉除

王通

文中年少時未免有銳氣詣闕十二策得毋覺無謂機詐竊神器天下方鼎沸彼豈能見用濁世昧清渭折挫歸龍門完璞幸自貴教授河汾間雲蒸而霞蔚累徵不復起寧遂絕宜味眼中洞楊素時事叢棘蝟不若潛學海優游得道味籠絡誤權要身名便忌諱

劉文靖

文靖識真龍風塵首結納化賊爲精兵輒與宸算合何至身莫保被戮不更隱後叙心腹交下石極踐踏畜妾怨失寵上

變告閭閻才略雖過人險險謬酬答齊家且無法戈矛出臥榻不特連婚禍李密同摧拉創議結突厥異類遂消難爲患永不淺邊烽熾鼓餘缺望非純臣罪辰取蕭颯

李密

李密志不大瞻視徒非常乘牛讀漢書寶鏐聊開囊楊素雅識之元感豈能昌談聽民間謠起兵據洛倉發粟恣窮困瞿讓遂其銓所快在移檄十罪數遊荒所暗在矜妄得書不疑唐但作鵲蚌爭漁人收溪旁敗窘迺歸順解甲思雁行望不過台司卑卑何惶惶遣撫倘功成焉知非侯王失意叛中途反覆變肝腸斬首傳長安一死黯無光

李世勣

深秀亭詩集卷之五
世勣不負密賜姓立邊功并州十六年烽火未嘗紅圖畫凌烟閣翼儲儼褒忠左遷不返室智亦慮始終及入爲僕射奸邪黨蔽聰取決立武氏禍水遂大攻自言賊三變凜凜有英風將兵以救人謀斷迥不同寢疾戒子弟數語瀝丹衷奈何善保家悞國豈愚蒙

魏徵

徵從密敗來久不得見知安集請乘傳數行作說詞世勣仍啟密貪冒無一絲翼儲作洗馬畫計帆營私秦功那可敵元嗣出偏師幸而險偶濟兄弟隙已滋不殺實大度諫議聳丹墀明主易理奪逆鱗銳敢披忠良申確論形跡竟莫疑切直每太甚刺骨利引錐苟非賢后解殺此亦幾危用意使懼武

獨阻封禪儀十思而十漸匡正極綱維陪碑旋復立追悔舍餘悲際運荷隆眷激昂揚鬚眉汲黯且未及後來誰如其

房元齡杜如晦

房杜皆相品不以登瀛重獨收采人物已合得賢頌謀斷各擅長心同而誼共彷彿蕭曹間惟幄參侍從經綸際中天樑棟勝大用惜不剪敬宗奸才養戀俸武后所由立禍本所由種休休則有餘先幾或失縱

馬周

我曾過往平慨然念馬周客游主武臣計亦非依劉值早詔求言提刀偶試抽二十餘條奉史惜不全收乃至動怪問柔翰妙戈矛常何肯實對英主渴嘉猷立喚上烏臺臣客已揚深秀亭詩集卷之五

十四

休極言重守令親民須清流諸王各爭寵遇之毋過優瘡疾恤戶口字字關民愁論事必舉要侃侃垂千秋周豈倖際會何今無其儔

狄仁傑

梁公秉正氣至行早感人絕域請代使向儔念老親力奏焚淫詞冤獄竟訟申金液經百鍊柱石壓朝紳哲能容武墨不櫻淫悍嗔養晦待時動成算妙入神薦引悉據要將相咸絕倫復辟隱布局偽周昧維新惜年不少假遺恨凋元臣

李昭德

鳳閣張嘉福請立武承嗣小人構險禍錮寵極妄肆天意殊不然淫悍明忽熾盛怒詔平章廷杖已快事昭德乃引出大

聲疾宣示數以傾儲罪撲血流再四然後杖殺之凜凜廣聽視餘黨遂解散不敢復請試姑姪無立廟危言及篡弑武曌始瞿然承嗣毀莫至太子本不搖鸚鵡已折翅宗社實憑靈功豈梁公次

婁師德

婁公大盛德度量濶滄海將相三十年機忠靡少息薦賢以爲國梁公輕寮案包容絕可師長者無畏墨唾面之不拭聊戒消罪悔若以此稱公殊覺轉鄙猥馮導胡廣流長保身名在

張柬之

漢陽老鐵石平章年八十沈謀而勇斷匡復爲汲汲先引楊深秀亭詩集卷之五

十五

元琰羽林典袴褶又用桓彥範禁兵得手執密白于太子斬關而直入二豎倒廡下中宗得擁立不負姚崇薦梁公志早及恨不盡草根三思禍未戢殺之遠貶處千古爲烏邑

宋璟

廣平第一流氣節高萬仞勿之素見憚昌宗懾庭訊恨不擊腦裂拒謝那許進正論弼張說提命儼雷震革弊修綱紀事張鬚鬚內侍不交言宵小固當擯爲相務擇人刑賞無私客朝退送臨軒當宁起敬信酌古而準今守法極嚴慎開元幾貞觀端揆實明濟比德庶九齡姚崇遜英俊

張說

文士多小人張說且不免密與昌宗交美官幾口輒苟非廣

平力豈得香並遣蓬生直麻中執友誼不淺恐致相姚崇妬
賢心何福計排使姜皎明皇洞莫辯平章品如是面目其有
覩又潛詣岐耶密車不乘顯首建封禪議總欲擅朝典戀戀
集賢院思騰奈策蹇跡其秉政績兩語或可選太子早監國
流言自可殄然亦迎合耳東官聞之善以此全身名巧宦之
游衍

張九齡

曲江廣平亞正氣而峭直賞功惜名器諫諍必以力千秋金
鑑錄立言殊有則帝始愛重之林甫極排抑小人既倖進君
子遂去國其勢不兩立芝蘭叢荆棘長史卒荊州桀桀折邊
幅殿陛有餘思風度凜翼翼遣使祭事後反相感先識倘公
深秀亭詩集卷之五

未山丘定籌范陽賊

陸象先

象先君子人中立而不倚窮治太平黨多爲密申理未嘗形
口頰但盡其在已銜命刺蒲州寬簡化無比天下本無事庸
人擾之耳長史苟長者清流得大旨三復斯人言才能且誤
矣

王嗣忠

開元數年後方鎮漸驕養朔方河東西邊徼最雄長彈壓幸
良將嗣忠凜精爽持重善循訓不妄思邀賞要害置城堡遠
偵嚴儻恍見可出而戰勝氣每獨往奈何撤長城腹劍譖法
網此人去西北漁陽鼙鼓響

郭子儀

孔明以謹慎始終算成竹汾陽以小心中興保厚祿收復莫
兩京制勝何神速瞭然貌強虜單騎能懾伏豈嫌魚朝恩隨
游止數僕不虞元載污却畏盧杞腹聲樂滅楊綰囚賤適法
肅自外七入朝功高轉卑牧織毫無可摘千古元勳福至今
粉榆社生氣凜黃屋

顏杲卿真卿

二顏忠貞操雙挺勁松柏真卿識反兆軍事早區畫城濠既
完凌丁壯訓晨夕倉廩實儲粟書生鼓氣魄移牒應諸郡河
北幸撫扼杲卿在常山假迎不爲迫長史袁履謙指天同肝
膈大義申討賊城陷盡矢石瞋目罵不絕嘗刃局血赤真卿
深秀亭詩集卷之五

威鳳鳴元載塞其隘盧杞更惡之又譖使凶逆年已八十餘
受戮身猶客魂歸朝宗廟奸陷究未白

張巡

睢陽鐵石漢忠義古罕匹哭廟申討賊拜像肅紀律援力合
許遠百戰不失一霽雲與萬春部將且迥出縛藁取賊矢斫
營用詐術救兵恨不至烹妾食士卒三月城始陷力竭心貫
日背裂而齒碎憤切抱誓疾我曾過城下殺氣猶股栗夜半
響孤笛月明風瑟瑟橫劍掛廟門題詩灑血筆

李泌

鄴侯本仙籍布衣交東官受知既有素赴濟艱難中何爲固
辭相未聞阿家翁調停骨月間婉轉多世功衣白勝朱紫惟

帷謀盡出收京便歸山明決了不同使承託絕跡亦已暢高
風不測在更出黃鵠非環蟲其去因建寧其來吐丹衷元載
輔國敗始不作癡螻毅然受大拜端揆肅羣工經綸兼羽翼
苦心大感通豈必傲故人富春守釣筒豈類從赤松碎穀欺
英雄

劉晏韓況

經國兩大權用人與理財開創中興際尤貴有精裁劉韓同
時出生節務根培漕運兼權鹽筴獨擅其才平準不擾民措
辦於恢恢凡事計永久廊廟恤草萊況更爽而細入貢源源
來使人也器之熱血曾不灰富強致疑異鄴侯化嫌猜晏獨
從不自矜魂耿餘哀

深秀亭詩集卷之五

六

柳公綽

公綽以明斷風行中外京兆初入府神策衝驕泰立馬杖
殺之急難呼倚蓋作意避此人時上亦無奈節度出山南判
案如急瀨舞文法已亡犯賊法未害燭奸洞其源主九不傳
會何不掌廷尉平章亦可賴

李愬

涼公將門子兵法神機權強故示以弱正或用其偏委曲擒
敵將虛實審洞然雪夜襲蔡州疾走撲烽烟鷄鳴樓城上元
濟猶醉眠傳語應萬人執縛直手牽功成不血刃主帥計何
賢熱血恨疾作歎息莫永年

韓愈

昌黎山斗望起衰雄八代不知其忠梗膽略邁時輩引經以
斷律偉論何氣槩請燒佛骨表明道斥狂背環甲叱庭秦國
威申強塞翳豈風雅流能拾其餘喙何乃登華岳濟勝獨不
逮百計呼涕泗肝腸怕粉碎

陸贄

宣公才與識奏議必曲到臺臣入翰院名姓一時噪先幾燭
內變急務竭忠告納而不施行內相特虛號不整切直心而
尚效邪好藍面翻原赦舉措柄何倒及相論擇人可謂扼治
道詔出竟中止潛罷仍旋蹈遠貶隔十年方思追慰勞中途
惜斷魂戀關餘哀悼

杜黃裳

深秀亭詩集卷之五

五

宰相重器識要在扼綱領不尚文與才白用露鋒穎君看邪
宣公大事處炳炳作判汾陽幕摘伏何暇整倡議請監國高
呼出峻嶺正席坐平章料蜀敗俄項痛論革監軍威行化頑
梗不復爲姑息南河震風影經濟略小節端政惜不永知已
由汾陽練達久臺省

裴度

晉公兩宣慰淮西與魏博洞識料形勢經濟出膽略銳志尚
討賊成算布臺閣憲宗能端任相業抵李郭請自往督戰勝
氣何踴躍鞠場安反仄就擒止元惡佞巧恥同列不得不駭
愕威望懾中外累朝安重託遺表絕無私宗社憂難却元老
急儲嗣垂死猶沈著

白居易

香山作樂府規諷諸時事流聞達禁中翰院擢不次此豈殫
詞華詩諫可常試憲宗英明主納善化猜忌不然口舌禍悔
每滋文字請贖魏徵第特恩出廷賜其事關激揚議論有餘
思

柳宗元

謫宦亦殊佳無事聊坐嘯但得山水娛何必戀廊廟登臨苟
非才題筆枯惡手所以播遷人尤關賢不肖柳州仙靈窟溪
渟而石峭天遣宗元來搜剔盡與竅記咏靡不周騷雅鼓從
調倘非籍此傳熏蒸翻莫療

劉黃

深秀亭詩集卷之五

三

曲學易登科直言定下第當宁循虛文主司悉蒙蔽李邵厚
顏論時病服良劑今古多劉黃精金偏折銳官閣閑寺祠社
稷軍國計痛切一紙書熱血湧揮涕名以抑更傳濁浪何必
濟魏徵汲黯流惜不任獻替

李德裕

裕公具和才僧儒當遠遜特以工修怨何不大方寸致使千
載嫌牛李跡同論籌邊得蜀情誅降絕可恨屢出復入相及
鋒終不鈍革除監軍弊收復始無困牛則罕所長失策便委
頓

薛元賞

國法不可撓暴橫貴立除苟緩便掣肘波沸吞舟魚軍將誼

相第輦轂令何如李石不能制京兆識軒渠左右即擒出杖
箠莫展舒懷哉仇士良招之令迴車了此而詣謝宵小亦心
虛事後已無奈情理縛徐徐呼酒聊共飲何妨坐華裾

魏暮

房杜止及身子孫遂不振文貞有哲嗣繩武張翥奏司諫執
侃侃記注力傳信爲相憂國本建儲特敢進吁嗟後起難寇
準喜寒雋

鄭畋

畋以班馬席草制便鑒別節鉞鎮鳳翔頗牧能勇決勤王首
赴難劍鋌搖筆舌結隣合討賊繕表淋刺血忠義感發兵京
西肘不掣砥柱截狂瀾書生之人傑不然看陶穀名同翰林
深秀亭詩集卷之五

三

列禪詔出袖中此輩多惡劣

張全義

東都蹂躪後人不滿百戶全義救時尹招徠歸故土卽選塵
下材墟落建旗鼓懷保一時集依依如慈父蠲租勸樹藝丁
壯教習武耑力勤耕鑿賊來禦環堵桑麻望蔚然村烟接亭
午條佐並馬來一一慰勞苦蠶麥倍收者老稚呼椎魯給賞
至其家笑言悉吞吐荒穢或不堪變色激微怒衆議而杖之
未嘗不矜撫或訴牛種乏召隣爲通補富庶遂大治幽風幾
上古何爲今不然銳意作吏虎

鄭綮

鄭五好詆諧略似東方朔絕勝殷深源良心殊自覺多爲歇

後詩譏時以口角豈果有所蘊命相參帷幄搔首乃大劇賀者雜剝啄客不以爲誤鄭則極自駁累讓不獲免半年荷寵渥脫身塵網外何曾羞齷齪

司空圖

司空棄官去身心已灑然隱居王官谷晚唐之末年事已不可爲豈藉養高傳冠裳無松柏鬚鬢照林泉柳絮是何物恣溫熾狼烟排怨塞災變清流悉充填圖其肯就棄墜笏於殿前幸以衰野罪放歸得瓦全

張承業

唐末窺神器亞子劍光耀朝紳朝暮異喪犬無良圖乃心存王室不如一老奴經濟足軍餉忠義疾號呼慟哭繫宗社邑深秀亭詩集卷之五

夫邑血爲枯卽其寄命節直可重託孤內侍之僅見青史爲全

馮道

時至後五代國祚益變促獨有無恥臣渾忘其榮辱歷事更四姓十君慣當局浮沈而取容率謁何僕僕自矜長樂老開卷把醺醪彼固亦有能累朝無忌觸我之所深惡正以此敗俗

趙普

普之結太宗久深於太祖陳橋一夕謀書記部旗鼓太后通傳語約普署臣普洞知帝孝友就榻書何努果於挾主聽奏牘能屢補五萬受李煜十瓶置廊廡而政何多金尤貪射市

賈太宗殺德昭曾無一言吐極計逼廷美罷出何悲苦小人固寵態交涕而灰土幸際太平會賣弄解半部冥負雪夜恩晚節醜難數

呂端

宰臣得政體大事不糊塗密趣太子入閉閣鎖官奴揭簾請審視然後引嚮呼願命寧定策公真可託孤

李沆

文靖持遠見思慮動深長不用浮薄人律已最端莊新進陳利害喜事銳鋒鏖一切嚴報罷靜攬得大綱生平無密啟焚詔執堂堂驛前僅旋馬危坐儼廟廊直諒而修謹毀譽置兩忘所謂國柱礎力不在文章蒙正及王旦猶覺遜其剛

深秀亭詩集卷之五

林逋

湖水清且漣孤山秀而野中有高人居梅雪覆屋瓦客至鶴爲招舟次迥瀟灑生既無所慕死卽埋其下朝命頒粟帛忽然來輿馬盛世念隱淪樂道味風雅不作封禪稿衾影過自寡絕笑彼種放僕僕何爲者

王旦

三槐美世澤品望重珪璋薦賢不市恩氣度何堂堂皇稍遜鐵石介一肯掩夜光拜賜寂緘口舉動失其常五鬼九尾狐怪煽紛乖張玉清昭應使疚心毀冠裳引咎輒不辯申救特遑遑最能容寇準固問且力揚

寇準

萊公之得入力由畢士安澶淵倡親禦敵愾始不寒鎮則幾
謝傳斷則近呂端北門重鎖鑰寧多遜范韓不學情無術老
成壞波瀾有愧門生計雷州坐凋殘

王曾

沂公性端厚立朝以正色志不在溫飽進退人莫測調和兩
宮際妙用非剛直因機黜五鬼詎可謂非力介然讓觀使此
意則超特

魯宗道

魯直無畏避劉后氣遂沮貴戚憚骨鯁叅政之翹楚惜不展
大用七年瘁公所

呂夷簡

宋秀亭詩集卷之五

五

許公嚴辯才前後凡三變章獻臨軒時裁決頗倚力爭厚
宸妃消譏灼先見失位何足駭探詞通變賤憾后果廢黜罪
豈止傾擯納賄微外聞傲負王曾薦不悅富鄭公意殊不
善國書那可誤宰臣險冷簡屈伸操權術得失每交戰

范仲淹

文正尚風節晏殊早知名天下爲已任感激重諸生忠直不
負薦侃侃以力爭忤相麾出守善類情其行郊餞多素侶涇
濁惡渭清遂致榜朋黨元祐之先聲及兼撫西事宵旰羅甲
兵將相咸稱職奸吻亦劇撓

富弼

鄭公使契丹往返幾再四字字勁國體步步息邊事除官屢

固辭軍力恨未至荒政萬世法所活皆仁智入相由宸衷舉
朝慶盛治熙寧復留關介甫厭同朋持論益端嚴臨御防初
志不合雖請罷赤心拱日熾三朝元老爵首圖妙覺寺我曾
過洛陽耆英拜諦視

文彥博

熙時歷四朝元老三人相中外倚名德耆英獨神王圭璧美
無瑕唐介語終妄暴疾宿禁殿夜叩宮門上嚴緊不使入大
事處至當立辟不居功引疾輒申狀林泉樂畫圖宦海絕波
浪壽考爲全人古今似無兩

韓琦

魏公將而相顧命之碩勲心膽寒西賊經略振全軍力舉范

宋秀亭詩集卷之五

五

文正用人固不羣樞密請暫出養晦避邪氛嘉祐乃大拜百
急建儲君歸政厲撤簾露衣猶捲雲安石既見召忠諫不復
聞一夕殞大星朝綱遂漸紛

呂誨

介甫奸未著居然一佳士溫公且誤認紛紛况餘子誨袖彈
新叅其言獨如矢偏執不通時能洞於禍始借病以喻國妄
授類如此張目屬執友熱血痛垂死

鄭俠

權奸之悞國禍在緘其口烈士忽出奇敢在掣其肘新法致
流離赤地旱魃走扶藹塞道路監門當樞紐一一繪所見馳
上達御剖且暴安石罪甘心爲碎首袖圖疾下令霖雨沾大

有小臣強司諫其事可不朽何必寫賢奸分跡指朝右得毋
嗇夫佞自取投鼠咎

蘇軾

端明跌宕才皎挺如松竹雪霜侵更佳仙品非凡木沈瀝歐
陽公塊磊生蒿目語言文字間規諫亦切贖謫宦志浪遊秋
風看落菊士氣凌百世曷乎我私淑

司馬光

重望不可却素履不可毀新叅識未破朝局任莫委全力爭
建儲請判利出否鄭俠退安石新法乃漸弭自洛復見用天
下皆色喜遼人謹避邊兩宮聽虛已食少而事煩羸體遂不
起生無一妄語死哀却誰比四方以像祀被德可知矣

深秀亭詩集卷之五

美

陳東

宋世得才盛碑勒百二十太學鍾奇英陳東表特立首建誅
蔡京誤國實危急再請復李綱人望崇宰執環訴至數萬肝
腸漉涕泣意東可大用民心當收拾布衣歐陽澈伏闕同時
集極詆黃潛善切中在近習不察乃竝殺禍亂焉能輯綱從
末識面忠義尤難及

李綱

徽欽取敗亡兆由通金使童貫首釀禍罪引李良嗣社稷不
能守切遷惟內寺去國如流水就下昧措置砥柱獨忠定區
畫諸大事著著合時宜老成吐真摯南渡得偏安幸不挫銳
志何爲如此人進退經再四提舉洞霄宮一疏等閒視有臣

而無君中原蹂躪駟

張浚

悻悻倖事功賢奸不能辨關陝一失策此外有何善偏聽呂
祉言趙鼎致罷遣冤陷借曲端薦檜復逞顯檜相則主和
成甲盡捲憾飛會異議胃次極褊淺賊檜乃與謀百計思傾
剪手具成獄狀飛死遂不免功罪殊莫敵其罪終難訖

宗澤

康王得南渡幸留嘉應祠宗澤首迎謁人謀合天時力戰捷
十二金方怯宋師李綱識老成綏復全倚之留守東京日岳
飛深見知觀其坐鎮功絕無一矜持譚蕃而却敵謝傳誠堪
思憂憤致疾作揮涕爲歌詩垂絕呼過河魂魄猶驅馳

深秀亭詩集卷之五

毛

岳飛

武穆名大將遠在淮陰上淮陰功易成勝氣隨所向武穆志
未竟掣肘恨賊相金未縱檜還軍聲誠克壯紀律嚴秋霜湖
湘平逆浪交戰屢逐北兀術已膽喪收復中原心精忠銳神
王慟哭詔班師一旦壞保障黨敵罔檜主張浚具獄狀天地
慘畫昏血痕灰甲仗終古向南枝孤墳屹無恙

韓世忠

世忠折衝才而有卷舒致富其決勝槩移舟待江次兀術之
窮蹙已不敢仰視天何縱此虜風帆忽火熾大儀捷陸戰其
鋒正可試和議乃論還岳飛慘徽翅世忠屢抗疏乞罷始灰
志杜門謹謝客口不言兵事跨驢率奚童攜酒湖山寺澹然

塵網外未嘗覺芒刺虎將成野鶴狼烟轉大肆

吳玠吳璠

恭軍劉子羽却有知人名二吳不負薦蜀山張連營迭戰威
獲勝手足得士情川陝收復計恨阻於垂成班師屢下詔英
雄老餘生

張世傑陸秀夫

宋之失天下君臣皆死正意不存趙孤颶風乃忽競秀夫負
沉鬱世傑則守敬爲取辦香來血淚號盡命人心死不忘海
水茫無竟

文天祥

宋朝能得士元祐爲最盛宋末多死節信國爲最勁忠肝如
溪秀亭詩集卷之五

卷之五

天

鐵石對策銜血性提兵起勤王敗國持相柄拘留不少屈亡
歸詎惜命意固欲有爲徐圖在趙姓三年小樓住霜月明於
鏡堂堂了柴市不可死非正千古正氣歌日月同輝映

懷史惟臣荆水

秋嫩烘茶綠香清卷盡溪伊人臨水濶結屋對峰西松竹雲
難斷笙簫月乍低蝶菴時夢想羨爾好幽棲

懷郭殿颺大令時客曹部堂幕中

我作秦淮客君方伏枕餘有懷愁未吐幾夕夢難除負上孤
兒淚依人乞食書何時匡濟遂百里上鋒車

憚玉亭雪洲以土物使書遠至

良友如蘭谷秋芳時一聞濱江多雋味尺幅好裁雲召客當

杯酌挑燈憶夜分弟兄圭璧合用意固慇懃

寄徐葵園別駕大理

萬里愁邊徼山川亦壯行香崑雲作石玉案水當兵入饌檳
榔紫參衙翡翠明幕寮如寄客遊履或身輕

懷褚蒼書

白社閒相識青山剌逸民雪霜搔短髮翰墨事長貧淚說開
元夢師多射策人近聞勤養老賜帛有溫綸

懷藍子青

曾掃周郎壁嘖嘖突盡廊看君雙腕捷差彼五丁強能事有
如此羈愁何足傷惜遲南岳屐未共裏遊囊

尋洪昉思寓中不值

溪秀亭詩集卷之五

无

曲折吳趨巷相傳康伯家簾陰虛遠水竹影益疎花惆悵無
人見徘徊到日斜寥寥琴硯畔細帙壓琵琶

過抱香菴

咫尺晨鐘地五年始一來不知萍跡換開覺板扉開佛面香
空閑溪痕厚碧苔徘徊烟景晚塵夢冷於灰

確齋前五色雞冠

閉戶人何韻空堦秋亦華百端新濯錦五色爛朝霞絳帳圍
珠豔湘簾卷莫遮鷄羣偏鳳采翻惜賤如麻

題王復村學憲集杜詩

杜老應還在山川自有詩古今人竟及與會筆能隨無縫天
衣巧騰輝珠串奇楚材腴選勝巴蜀稱鱸錘

雨中賞桂

不負淮南約，衝泥聚客星。天香滋翰墨，秋雨霽空亭。欲脫黃金粟，難張翡翠屏。尊前詩興發，翻覺小山青。

雨夜浣濤兄書齋劇飲論詩

中原誰復建雄才？兄特論詩氣不灰。雨夜孤城沉角杳，池塘秉燭大樽開。十年夢濕蒼生淚，八月潮青蝕古苔。怪煞覆瓿饒走筆，蛟龍何術老鴛雷。

舟夜懷廣公二絕

何事緇衣撲軟塵，騎驢十載滯前津。歸來依舊尋茆屋，秋水悠悠繞白蘋。

一夜篷窗雨欲沉，疎鐘遙斷隔重林。闌扉跌坐爐應熱，長得深秀亭詩集卷之五

烟蘿幾尺深

孩士族叔書齋夜話

風塵那得聚衡門，儉歲支愁語不溫。七十齒猶拋倚杖，三千路忍別銷魂。孤城暮雨蕭蕭白，紅燭青尊黯黯昏。此後竹林期更密，莫嫌狂態過荒村。

醉後東浣濤兄

萬事何如酒一杯，丹衷今亦冷於灰。莊周夢破渾忘蝶，謝朓詩驚欲叱雷。可惜秋空流水濶，却嫌香嫩雨痕摧。乾坤獨狗憑誰幻，臺上黃金笑土堆。

歌舟

歌舟幾倒縛南渡，似偏安側聽征潮。蟹斜懸戴月冠，酣奴羣

就下高枕獨持難，却謝隣漁覺疑停惶恐灘。

待曉

殘更支未盡，待曉客情孤。潮影空揉月，漁歌映拍蘆。秋寒裝被薄，酒醒夢魂枯。便眺衝沙岸，家家近浴兒。

重過藥師庵

十年回首事茫然，猶記空亭花雨天。短榻畫師留小阮，香厨煨芋出平田。鳩啼竹暗輕簾外，琴韻風高古佛前。不道重來秋水白，瞿曇黃面劇堪憐。

維章姪邀飲卽事

依然山斗講堂開，祖德家風幸未摧。何物蒼頭矜尾大，青天三尺藉鋒才。孤城雨後鳴高柝，丙夜花前潑舊醅。最恨元龍深秀亭詩集卷之五

豪氣在，頗嫌小阮尚鷗猜。

文英弟邀飲書齋卽事

藏書先澤猶充棟，種菊深秋漸把金。晴月夜寒輝隔座，醇醪香湛愜同心。虎符何驗名輕就，血性成真語不禁。食德儘堪消黑髮，焦桐削尾聽知音。

訪菊二首

何處乘陶興，東臯問野夫。晴烘秋未老，徑折畫疑無。漸覺凌霜氣，深耽挈酒徒。敢輕離落下，位置埒金鋪。

載菊

更轉幽棲僻，牆東拓數弓。亭亭高植杖，撼撼飽含風。豔豔春華及，奇偏老圃工。義熙留傲種，晚節最能豐。

天際移霜暮空明映晚香柴門喧醉客栗里帶橫塘盡入漁歌外風高鷗泛旁芙蓉誰得似趁路壓紅妝

集菊

不以孤標勝何嫌君子朋凌霜齊傲岸入畫瘦交稜星聚非離落秋華簇錦層空堂矜太綯遲月更懸燈

菊前小集

高致花如客清言味似泉燈深停畫影院靜碧秋烟有句懷陶令忘機任葛天東籬還待放新醖熟初筵

浣濤兄惠蟹二絕

晨雨濃滋橘柚香雙扉纔展謁擔囊沙汀昨夜秋潮急響撲青燈拾紫匡

深秀亭詩集卷之五

五

細把新詩讀再三池塘興味特清酣開尊或拉持客不厭看花食指食

題徐昭法先生畫

畫固以人重人高於名山烟霞具骨臆出筆迥不頑生氣吐林莽冉冉墨痕斑先生采薇客木石後鶴間寄我尺幅紙蒼翠點松關其蔭無凡草其風不可攀十年懸素壁晨夕對餘閒

次韻酬沈賁園過飲暢情軒

高蹈香難接音書隔五年重來松菊晚逸興水雲連畫影生窓上簾衣動月前莫言塵夢事獨鶴唳霜天

九日卽事六絕

岩幾何必遠尋山野寺危橋試一攀送目已空千里外烟霞身到十分閒

黃雲一片廬田平難得重陽曬老晴酣唱村春何處出畫圖紅樹最分明

澄潭隱隱白蘋香古渡擔簦趁野航傑閣恍從天際望凌風襟帶不尋常

數家籬落傍沙青紫蟹鱸魚上遠汀獨有道人高健鶴閉門清課玉樞經

載菊船歸五柳門空庭芳長更蘭蓀承微薄有清時福慈母親呼學醉髯

汾水機山兩地分雁行今日憶離羣茱萸欲插還惆悵那得深秀亭詩集卷之五

五

南飛見朵雲

燈前菊影和韻四首

一片東籬色蕭疎映座隅徐熙藍本動栗里晚香殊素壁開秋圃高風傲瘦軀夜深相顧久霜露若爲濡

豈是甘離下騰空迥不羣閒然非夜月碎剪或秋雲秉燭人能畫開樽香欲熏最宜清雁後書幌幻奇文

靜以琴書韻悠然枝葉描秋光清入化隱跡雅何超墨藩思名手霜華冷碧綃淺深高物外詩意只推陶

乍覺牆陰合平扶窓紙明船移懷九日藜照徹三更似有松筠味全無風雨聲翳翳聊共掩澹宕得閒情

魏敏齋別駕邀同董少府王叅戎程孝廉張上舍集清

酣室卽用清酣爲韻

誰耽幽賞擅江城十月霜花眼倍明客到愛登新築好官閒
能放早衙清簾衣書幌圍牀密墨瀟雲濤映檻生道義交深
肝膽白編氓却似海鷗盟

鬚眉何事勁奇男風月無妨今夕談白苧寒林餘翠濕青山
落日射紅酣香侵荷座偏宜熱杯吸藍田不厭食後會倘容
敦歲晚蓬門也有徑開三

趙學山以海南香水仙花見惠

短札青童報竹扉騷人虎阜客初歸貧交何福香消受仙本
含葩水乍肥斗室煖騰輕撥候金壺清對好生機三冬便足
供書案荷座南窓興欲飛

深秀亭詩集卷之五

五

暢情軒雅集陳菊崖二尹有詩見貽再次前韻二首

一官何必傲嵒城大有驚人歷永明豈謂陳平無計出絕憐
衛玠特神清偶移鐵轡虬陰曲能羅蓬門展齒生把醖儘憑
湖海濶貧交不負歲寒盟

輕綃誰漫染宜男捫舌徒存笑叢談客韻最幽尋妙解茶香
偏省散餘酣當軒立石疑何瘦刮目奇書讀更貪愧我守雌
常不偶多君絕技可稱三

酬木文和上見訪原韻

瓶拂風高秋水神平陽座上禮天親客中孤翮頻曾見別後
閒花幾度新綽有支談來點石何緣道味忽思蕪入林莫訝
此髯鈍能作江湖老散人

程隱公見訪小集

樽合歡今夕人來自古槎春風生客座晴月上窓紗竹暗空
中影梅清畫裏花夜深談異事白鶴老僧家

聽雨

風幙遮還冷書檠剔不明人懷一千里酒醒二三更聲打筠
窓密魂銷爐篆清閒愁爭線引脉脉若爲榮

題金漢威雙清閣

不厭城隅逼悠然見碧雲一簾林影動四壁墨花熏洗醖留
賓坐寒燈過雁羣有時高唱發清響隔溪聞

得龔廊園手札

屢夢秦淮月江流到尺書故人關肺腑走筆悉瓊琬鮑叔交
深秀亭詩集卷之五

五

石屏

一片點蒼石移來萬里情雲霞疑動色澗壑走無聲入座依
懸壁圖書似亞城頗宜山館靜不列玉堂名

送吳莘才陳石城程翼風張南英吳賓門李公載周呂

匡蔣健修林若淵施予憲王麟照諸孝廉公車北上

鐵幹珠肥雪六花諸公袞袞赴京華笙歌夜色嬌紅袖姓氏

天庭護碧紗虬髮可嫌行役賤玉人爭許少年誇春明門外

搖鞭路會聽臚傳聖俊駟

奉母二首

勿藥驚神力閒居幸此身松筠青老幹霜雪白經旬愧薄茅

容客孤非康伯隣情偏少子汾水滯鴻鱗

水墨瞻慈像綺窓護曲房愁聞遊子賤勞董織絲長儉歲施
香饌寒燈耿葵光雛孫專劣繞索指舊醅嘗

劉荅庵漢華席上卽事

蘭麝金猊鬱未消調鶯偏關暖紅嬌清狂酒國容張膽昏黑
江城欲上潮遠信最憐知病態雄懷不死恨情苗霜鐘忽逗
松篁窟塵夢何關拭佩刀

送白峰和上北遊謁嚴灝亭副憲

高擁松筠寂閉關衲衣衝雪上寒山琴書得伴貧偷悵瓶拂
難消福靳閉曲岸風沙穿骨暗鳴鞭鐵騎射雕環孤踪愁煞
橫挑杖萬一朝端念此艱

深秀亭詩集卷之五

美

過問樟禪院

生機欽處老如髡三百年來跡尚存杖倚耆僧叅石座畫標
孤客閉松門寒花雀啅消殘照活水翻鷗帶遠村塵夢偶刪
閒獨到宗雷風趣佛爲恩

送大司農王却非先生召赴河工與諸子飲舟次

送客臨江口披裘對雪朝急謀開斗醞穩解滑蘭橈事稟填
精衛思思舊耳貂平成將奏績聚首愧無聊

贈文霞較書

生憐暖玉壓紅潮誰許黃金貯阿嬌私語乍看檀板活微酣
欲倦燭花挑鴛鴦湖碧家空憶翡翠樓高魂易消簾外雨絲
窓葉響坐深寒影怯螢腰

李寅谷明經奔節母喪歸里

艱難旅食厭風塵哭母憐猶痛賤貧絲髮同庚驚老客麻衣
削骨慘垂紳漫天霜雪松筠折短篋琴書涕淚辛祖德才名
矜幾輩龍門會弔拜詞人

張迥文見過論詩

劍氣懸誰識張華幸比隣歲寒交始老詩律勁如神松竹生
枝翠雲霞過眼新乾坤關運會作手幾前人

題壽九絕

水氣沉宿雨山光青遠天茆屋是誰家板橋通列仙
石齒澗生寒雲衣峰不淺村靜隔溪林漁歸問鷄犬
秋林閃山閣筇杖直津橋欲問清遊處風吹恍未消

深秀亭詩集卷之五

毛

石壁障洪流茆亭款野鶴誰從空際來扁舟獨斟酌
苔髮跳泉珠竹雞叫石葉幽討憶眼前墨花愜細涉
明有青山徑輕身何不尋每將詩意寫蒼翠見過深
巖窠指天闕鱗甲倒虬影我欲問吹笙塵夢託深省
風葉響晴秋山雲捲空翠意到筆未到墨花動游戲
樓前山雨濃柳下漁舟泊洞眼坐清涼獨泛紫霞酌

嘉禾道中

落日寒潮白飛蓬過羽輕人家喧晚市鵝鴨近沿城地僻風
烟古林疎村壤明誰知飄泊者歲宴客中情

月夜望烟雨樓

遠水寒聲合危樓空際明一層未可上萬籟杳無驚客况清

爲夜詩雄醉後兵翻嫌前度集絲竹亂啼鶯

訪徐翰宣尚客滇南石制府幕

歲暮冰澌路寒林桑柘風扁舟孤客到曲巷小燈紅過鳥驚
空外懷人又旅中碧雞山萬里遠抱恨焦桐

嘉禾水次尋顧丹宸編修舟不值

客中尋客棹先後出江城旌旆空雲影溪流落月聲嚴更寒
鼓角歸興滿柴荆李郭今難並遙憐醉夢情

萬安橋文昌閣遇雲珠上人

僻寺支空谷長虹晚急流鴉啼驚過客波立駭橫舟萍蓊閒
孤影茶烟青一甌靜中聊小憩冷趣亦堪投

勸酒

深秀亭詩集卷之五

吳

對酒思密友不爾須美色瓶花燈影下夜雨嫌偏側相如有
渴喉范丹乏儲食事去恍雲消愁來紛縑織懷抱鬱未伸詎
止長太息荆人作軟語玉瓊雙手拭琥珀爛熳斟勸我鼓飲
力以往視流泉未然疑黑墨眼前何不可芳蘭非叢棘曠達
卽空天醉鄉擁侯國

雨夜飲陸靜圃竹梧書屋

雙槳輕潮直到門寒林燈火刺黃昏重裘逼檻先聽雨熱血
論心漫倒尊城柝數聲沉隔院橋烏幾點掠空村蛩蛩絕笑
冠裳夢底事全輸彼犬豚

沈霖蒼過話舟次

釣雪灘頭水氣昏垂虹亭畔雨銷魂君情莫斷紛紛粘絮我意

長驅快斬門睥目何人堪把臂掀篷燎火且開尊江鄉歸路
憑誰卜未肯窮途賤淚痕

飲甯起城明經知可堂

十年夢想水雲鄉暮雨蕭蕭叩碧堂老樹剪風篩勁骨低眉
絮語激迴腸天慵我黨閒鷗玩墨寶仙姿任穀荒今夕何緣
平園酒疎鐘沈柝漫蒼涼

吳江道中

一片蒼茫路斜風細雨絲漁罾人帶笠水市柳穿旗大地浮
輕楫空城濕晚炊鳬鷺千萬窟皮陸舊荒陂

吳江獨夜

獨夜寒燈白孤舟細雨昏酒兵攻透骨香爐點銷魂童僕荒
荒夢花光冉冉吞風流皮陸盡誰解憶王孫

吳

索酒

索酒尋耆舊挑燈話十年情懷清似水醉態特標天細雨看
珠躍蒙裘攬豹全爲憐孤客夜莫冷臥江邊

剪燭

剪燭貪頻換孤眠未可安風聲欺獨客雨意急鳴灘夢覺華
胥破裝橫書卷殘更深篷影刺雙劍挂龍蟠

拭劍

凜凜青霜氣牀頭閃夜深英雄誰作伴頑鈍不須擒一諾心
爲血千鍾鐵是金延津未可躍徒並尾焦琴

聽雨

今夜江城雨淒然冷客衣疎鐘林寺濕叫雁水田稀葉落敲殘岸潮吞上釣磯明朝歸路滑襪被到柴扉

水宿

水宿鳴殘夜吳江楓落時驚濤寒激雨欹枕劇吟詩沈柝荒孤驛餘香省釣絲重金圍敗絮耿耿誤鬚眉

斷夢

斷夢香無著欹崎境轉奇空山清磬落老樹白雲披赤手星晨摘單衣虎豹騎篷窓驚雨醒却笑一支離

盼曉

盼曉青瞳直其如冬夜長江城寒浸雨蓬枕壓圍牆寺遠僧鐘斷村低冶火黃聞雞何足舞拍拍動鷗莊

深秀亭詩集卷之五

早

沈香山進士招集淑慎堂

亭午江城雨乍收高齋置酒對清流風騷舊矜松柏肴核精華典貝球劍氣未除墮好激花香還憶夢魂遊十年衷曲燈前吐不獨淹留飽獻酬

霖倉送酒

載酒何人下問奇白衣忽遣送臨岐歸帆憐我空無賴抵掌知君大有為點綴醅顏吟晚照坐掀濁浪駕長轡步兵不用還求署召客燒燈定可期

鄧村晚眺

遠渡空村白殘楊古寺紅帆張雲影外見點浪花中社鼓兒童習漁家鷄黍豐數年重過此猶識叱牛翁

朱巷夜泊

竹樹圍村影波湧雪層柴門喧汲甕沙嘴隔漁燈吠犬驚初伏棲鳥穩未曾夜深蓬隙白寒月射孤稜

周莊早發

幾折殘楊岸堯峰逗遠青輕帆橫落月碧浪浴疎星佛火荒祠乞魯牀宿驚聽餘酣因病渴老僕解茶經

江城訪徐虹亭太史不值却寄

風塵南北兩茫茫然別夢魂銷十七年繫棹偶來霜雪徑投軒偏鎖竹梧烟清流何處尋皮陸落日誰家闔管絃爲問徐陵傳信筆珊瑚可尚架窓前

渡柳

深秀亭詩集卷之五

早

勁翮征斜日危橋走沸濤拾鈴空際撼客眼望中高蕩滌嫌烽壘飄零剩寶刀還家三十里特喜載醇醪

遇馮文子孝廉

隔歲京華檢客囊憐君有淚賦神傷征塵別去三千里射斗誰高萬丈芒掉臂短裘驚耳目濁醪撥火話風霜天邊刷廟將成鳳凰那戀江湖怯稻粱

歲暮書懷

人生不滿百何爲罹憂炙熱血未肯死貧賤供物役三載寄京華積薪困資格騎驢踏軟塵漫闢旗亭畫要津懶數尋醴設淮南宅一朝感知已晉陽作上客短褐束騰龍雪衝固關白素心忽難露涕泗良叱惜掉臂別太原復涉長安陌儼寓

怯空囊燒燈檢圖籍排榻乃急告促我將馳驛 睿慮軫畿甸山田浸汗積 特詔起元老密勿傳榮戟神算確疏淪面授布方策微名首列奏寸長愧無益竄茲拭拔恩敢負葵向赤浮議莫可撓參幄瀝肝膈築堤巨長城溯源大陸澤羅拜者萬井家家熟新麥功成撒手歸母病倅魂魄參藥藉贈綈慰問通絡繹幸荷神明力衰顏保怡憚閒居忍不留屏息侍晨夕頽齡刺青松苦節勁翠柏言念同行雁蒲東刷遠翮夜夜盼星河鬱結獨未釋中饋庭羸軀家政操荒瘠米鹽歷瑣屑燈火響刀尺惟恐鬚眉愁曲盡其中惻歲暮事蜩蟻安得術點石公私紛剝啄巨細酌因革貧交望眼穿舉火直情迫徧搜藏篋底零落存玉帛典質能幾何拱手難擲嘉賓難

深秀亭詩集卷之五

望

還來何以佐果核誰呼天帝關偏窮老縫腋凍雨滑載途催科猛戶摘耆僧乞食偈道士凌雲鳥措置咸代謀硯田竭精液葛藤厭一紙三顧動嘖嘖扁舟侵曉發帆挂太湖碧鴻券固當焚冠裳畏切責依違非氣節世誼敦莫逆從僕強解事購網烹鮮鮑鵲鵲拍斷岸兒羣逐網射垂虹翹矮亭皮陸訪遺迹中表接瘦腰頗怪蓬窓窄拉醉更寧戚隱然敵詞伯夙昔契道義千金語不易不謂逼除晚險蠟沾泥屐

殘歲二首

天亦愁殘歲凝陰未肯開饑烏啼折柏餘雪點蒼苔有血空腸熱無魚愧客來匡牀書數卷徒惜古人才
每厭經第臘囊空少羨餘閑情幾輩客乞食數行書風雨憐

歸僕松筠掩敝廬擁爐時一酌香燼漫消除

觀蒼頭貯新醪

乍熟如澆碧香濃隔舍中樽罍都聖具備保近仙風雨雪尤需此貧愁香不空兵厨藏未穩索醉任陶公

餘雪

餘雪留殘臘凝陰背夕曛松梢零化羽竹影護寒雲素友臨雙屐棲鴉啄一羣披帷尊酒熱相映讀奇文

羅漢松

特異蒼髯叟青青歷歲寒誰參自了意象外冷中看梵唄明霜月風濤響石欄只應清淨供趺坐穩蒲團

饋栗

深秀亭詩集卷之五
寄栗亦無解人從所好投安期何異種曾哲刻常羞八月遲瓜熟三齊作米收兒童能小讓禮數本天優

答趙雙白

歲暮支寒况山川老客情詩書曩豈飽門巷雪初晴倚檻撚髭晚呼童索酒輕松筠交瘦影貧與道俱清

菜

雪後尋畦菜茫同剖玉坡青肥不可得歲饑復如何百事看誰健平生此味多蒼黎愁帶色守土日顏酡

歲暮諸寺僧每攜蔬笋未能厚答壁之歉然

白社饒閒園青山冷素交歲時常作餽蔬笋雜包芽囊盡金難布詞窮語帶嘲爲辭諸長老物我且無消

贈棄硯人

貧視同恒產餓來售石田酸詞逾泣玉贈客恨無錢五斗毋
腰折殘燈爲汝憐君苗焚計失誤我亦空穿

歉

歉負平生願無能應客求屢空新注釀遠望舊登樓自索貧
原憲何緣薦馬周一腔全未令繁盡歲寒愁

小除夕魏敏齋別駕自虞山歸

漸覺無餘擾人懷獨未眠片函馳蠟炬歸棹報琴川宦味消
殘雪朝元僅隔天不知囊篋俸可給酒如泉

詩未錄去魏具酒來

不數王弘使椒觴作頌來溫情一紙見霽色滿庭開歲卜今
深秀亭詩集卷之五

宵守官推別駕才能閒還許我倚檻滌樽罍

深秀亭詩集卷之六目

陳山農粵東歸

三水宓廣文寄玉杯

華亭李天木舉雄

郁介庵招集

張敦自招集

盆中水仙花

近事

春咏

人日用杜韻

張松友招集

飲金梓園老是庵

李侍御賓王過談

夏別駕狷臣徵詩

送梅

寄許大令不棄

寄賈海瞻瓊州太守

寄陳無疆海康大令

寄麗雪唾建寧太守

寄顏北亭邵武太守

寄梁雪園光澤大令

深秀亭詩集卷之六目

次韵酬吳儒藻

王學士宜園咏

懶柳堂

鶴坡精舍

獨樹軒

秋水軒

清音閣

花妥廊

小桃源

花步

釣魚閑處

藕花澹

紅藥山房

二薇亭

竹西草堂

水邊林下

窈窕堂

九鬟閣

華黍樓

含暉堂

竹笑軒

常清靜處

騁懷亭

張敦自邀集

朱也亭招集

重過醴梅仙梅圃

花朝前一日

沈拓西郡丞過話

午口

夏日雜咏

趙尊客集池亭

次雲高韵

李素璞明府以病請休

沈賁園過飲

七夕

羅懷亭招集

立秋前一日

周十經招集

輓觀察許鶴沙先生

輓王宜人

輓葉孺人

張仲岩新卜寓居

李侍御高太史集桂前

寓懷次則峰和尚

深秀亭詩集卷之六目

二

登前韵

同則公登一覽樓

觀豐

酬天濤和上

遇張日容孝廉

裘大令虞涵集園

郁介庵招集

一雨

九日

端木東侯太守集菊前

王梅心過訪

飲端木太守東侯寓齋

楊勣平過訪

寄舒猷族叔

素仙校書移樽

贈別端木太守東侯

題觀湖圖

題孤山圖

題平湖秋月圖

題蘇堤春曉圖

舟中遣興

雪夜

歸舟

歲寒雜况

客至對酒

與陳雲高送酒

打水

深秀亭詩集卷之六目

三

深秀亭詩集卷之六

雲間潘鍾麟層峯

康熙三十九年庚辰選二百八十五首

陳山農粵東歸過梅花下

十載從何別羅浮今始歸春風明繞屋晴雪帶餘暉香到忘
言淡詩探入畫微互憐鬢鬢色幸共白爲衣

三水宓廣文寄玉杯敬以進母

把卷閉居寂無由奉母惟尺書矜遠使玉竿致儒官聽婦搜
藏醞烹厨潔晚餐聊將千里意繞膝勸春寒

華亭李邑侯天木連舉二雄招飲作

燈花爛爛月華明九峰青擁白苧城使君意氣何縱橫召客
深秀亭詩集卷之六

侈口試啼英積善袞袞同徐卿並致天上麒麟行長者一月

居然兄臘雪光耀毓長庚少者隔歲特呼喚腹端初刻慶申
生使君望闕朝昇平亟歸翠閣掌雙檠侍兒密報朱唇輕

雲霞空際翔鸞笙賀者踵接喜煩盈怙呼飭厨徵酒兵况三
丈夫名先成堂前趨危玉珂鳴衆賓父老如雷轟維楚有材

李其榮

郁介菴招集醉白池卽事二首

僻徑乘幽興春晴暖夕暉水風生客袂綺席傍漁磯金鼓空
山震燈花列樹緋年華差有象勝集近應稀

一帶虛廊碧千章畫壁稠文鸞啼小史新月盼吳鈎酒力輕
潮鴻衣香靜夜收歸田原可賦名並薄封侯

張敦自招集書齋分咏庭前五蝶梅

面折雲霞骨晴烘霜雪花瑤臺明月靜環珮列仙奢香夢詩
何着水綃影易斜數枝開未足墻角壓清華

盆中水仙花

研粉紋窗逼宜窵敞口低玉釵鋪徑寸拳石秀階梯小立瑤
池伴清芬楚畹西從來根帶白不肯染汙泥

近事二首

秦許輪邊破格恩豈容一紙假鯨吞神奸鬼蜮包天膽大索
雷霆蕩釜魂能幾貲郎明用世徒虛白面悞名根沐猴竄棘
終歸縛果卵先焚獄吏尊

河決方羊聖筭勞金錢百萬撇鴻毛淮揚昏墊爭呼吸王
深秀亭詩集卷之六

謝備臣挽怒號杵鍾雲屯填舊築魚龍月黑走新挑喧傳負

石將親歷漁艇蒲帆引繡袍

春咏八首

何事春來不悔貧連宵欸曲話荷陳雷霆氣肅催花酒鸞蝶
魂銷度曲人石沼鱗波吹碧月紗窗燈影隔香塵王程未必
絕吟客絲鬢閑居荷老親

空庭自愛秘清華暖占南窗第一花圖畫無人題海岳鬚眉
有骨帶烟霞窵瓶室遠金倪熱寶鐲常因書幌遮得味紫茸

迴舌本細尋萌翰手頻又

熹微復審雨兼纖撥刺金鱗春水恬佳趣儘諳花未老閉情
偏惹筆何尖端溪有客投沉眼青史連床檢綠籤一線餘香

蒸宿火雕欄且勿上鉤簾

門外誰喧堤柳牽輕潮雙到賣花船樓窗人而芳先覺鏡水
娥眉影乍妍銀甲好彈新樂府瓊危漫把舊藍田兒琴蚤逐
星橋路却有豐登醉十千

親疎難得叙宗盟肯放空歸裙履情立石水仙清百箭覆屏
玉蝶照雙檠春蔬園叟肥剛摘尺尾厨娘活解烹戀語可憐
皆至性遺經廢餒半躬耕

傍水青門浴白鷗綠簑細雨漾漁舟一篙路滑風牽柳半胸
花薰人倚樓隔岸頗參烟嶂澗疎鐘遙打竹林幽天光上下
歸圖画清絕襟期似蚤秋

幾日疑陰長綠蕪鷗斑秃樹叫慈烏投綸客老羊裘重洗硯
溪秀亭詩集卷之六 三

董清蠟屐扶翰墨烟雲何太幻肝腸詩酒不曾枯偶然思踏
鷗庄白便挂蒲帆泛五湖

養得駢枝一膽餅楊妃綠萼並仙靈紋窗曲塢供琴索紅燭
圍爐伴酒星墨瀋郊明銀海白眉峰若闔眼花青懷人更欲
憑欄望舞鶴前驅最上亭

八日用杜韻

蠟屐蓬門無客到瓊枝酒醺向誰看春山雲氣生空翠晴雪
苔痕濕暮寒眼新端溪將守樸心懸焦尾不成彈承歡康濟
從瞻戀事卜君親出處難

張松爰招同楊別駕吧圖戴少尹公傳文學瑩若集爰

吾廬

酒國花關坐夜闌潮痕苦髮釀春寒驚才有筆鳴江海投分
忘形託肺肝事訝京華蕉鹿夢貧嗟蓮幕雪霜官張星潘鬢
天生對笑暗羅囊更一盤

飲金梓園老是菴

江山遊屐倦歸貧霜雪鬚眉剩幾人矮屋獨撐穿榻視空城
不厭冷松檠瀟湘舊雨樽罍在啓戟連雲火樹新雅晦面師
名太賤却從醉後寫詩神

李侍御賓王過談卽事

喉舌班駘驚驚行桃花浪湧築宣房宸遊目擊哀昏墊
睿慮天開畫久長河海魚龍聞夜徙帑金車斗費包荒臣工
那得安時策爲佐平成切對揚

溪秀亭詩集卷之六 四

夏別駕伯臣雨中見過屬徵詩四

烟水茫茫繞墨莊停車有客自瀟湘松篁翠濕穿花屐風雨
聲寒拂塵床王謝詞華終雋永江山圖國不尋常米家船載
能多少韻事偏須饒渴忙

送梅三首

一番風雨謝春寒可惜瓊瑤隔夜殘林下月明虬影瘦夢中
香斷蝶魂酸當樓禁得茫茫墮把酸醢酬細細看撐鐵獨留
圖画本不關吹笛倚雕闌

纔罷燒燈柳未輕輕風晴雪滿江南飄零客情何在惆悵
騷壇冷不堪玉碎連朝空作惡魂消一味清酣調羹手段
終須結別耐酸醢豈信甘

羅浮芳信已蕭條想到孤山鶴暗招烟水美人空墨骨風流
官閣惜詩瓢乾坤霜雪消何許松竹精神幸不搖莫怪枝頭
粉雀啁春光又上海棠嬌

寄許大令不棄時內艱歸閩

隔年霜雪別長安厭說風塵守一官每怪烏啼殘燭夢驚傳
松翠北堂寒麻衣血淚金啼棹燈火榕城螺女難痛煞椎牛
哀告處几筵新薦荔枝酸

寄賈海瞻瓊州太守

一心難託錦江魚三歲初通瓊海書黎母雲屏開鏡樹桄榔
月窟映車渠思清琴鶴人圖四翠濕烟霞展比閭何日東坡
祠畔過春風載酒醉鳬車

深秀亭詩集卷之六

五

寄陳無疆海康大令

一夕歡同醉古槐七年香繞百花臺因風每負元方約治境
深知霹靂才羅水月明蘇子興星池軒白冠公開塵襟自恨
無端縛那得張帆逸駛來

寄龐雪崖建寧太守

三年釐轂結騷壇出餞偏遲悵客鞍臥聞元知琴鶴靜放衙
獨綴墨花繁蕉源雲谷空林綠龍古漁梁積翠寒便作神仙
甘吏隱煮茶燒笋好加餐

寄顏北亭邵武太守

珪壁聲華翳張賢才粉署出黃堂情從花市壺觴洽別憶
春明柳線長烏坂城西遊屐翠龍湖山下焙茶香循良却坐

神仙窟人物穹碑拜李綱

寄梁雪園允澤大令

石笋峰頭幸一年絃歌橋畔好聲傳如何霜雪摧貞柏邵使
兒童哭戴天嘔血麻衣航海路盲風榆莢水蒲田愁君虬髯
成絲染不及貧歸負米前

次韻酬吳儒藻文學見訪話舊三首

秦淮邀笛漫呼桓故態離情廿載寬棘戰屢秋思鳳舉月華
清夜味龍團展因客老絲成鬢硯悔園荒竹碍冠何幸投軒
殷舊雨鈎簾握手話春寒

眼底蟲名亦怪哉莫汚霜鏑且低徊儒生事悞衣冠縛氣吟
人驚江海來屋角午風啼荀鳥梅窗宿雨碧錢苔洪濤肯闔
深秀亭詩集卷之六

六

魚龍窟九曲支流百萬開

滾雪灘頭理釣筒何人穿柳刺孤蓬十年路倦飢寒恨萬事
心酸夢影空才子延陵徵列國閒居拙政愧儒風金鼎更擬
澆芳露斜日憑欄睇軟紅

王學士珣湖先生宏圖二十一咏

懶柳堂

曾入先生傳閒居綠野門御河遙染汁春眼倦銷魂高設啼
鶯座低牽拂水痕日長聊共對何事繫乾坤

鶴坡精舍

幽絕仙禽館華亭此勝區雲霞開四理泉石峭廉隅客到琴
書席餐傳櫻笋厨雞羣推獨立骨相特清癯

獨樹軒

矮屋延孤挺青天抵一峰圓圖撐骨勁苦辭碧春濃謝客攤
書晚釣簾上影重乍驚風雨夜勢格怒虬龍

秋水軒

落木空天際居然濠濮情濕雲晴細捲泛羽去全輕涼月吹
魚沫虛舟觸岸聲已知塵網外鬚髮鑑澄泓

清音閣

不覺高簷展身登山水前一番花信雨百道石崗泉鈴聲剛
風颭歌漁亂網牽何關絲與竹靜對適悠然

花安廊

始信芳菲節全憑位置宜移春何用檻情影或扶籬曲折通
深秀亭詩集卷之六 七

泉窟低徊築土基魂飛晴蝶粉只恐妬風姨

小桃源

仄徑通幽入雕欄駕險憑桑麻仍不雜秦漢可無稱隔岸漁
郎近釣衣紅樹層從迷武陵渡彷彿上峻嶒

花步

翠滴盤紆滑風迴百和香徐行偕鶴鹿矚影撲冠裳何必瀛
洲太倖憐愚谷荒情移褰展路細細認蜂黃

釣魚閒處

千載羊裘客淮陰辱袴夫高風空託跡傑士仗窮途何似忘
機坐相將避道呼烟波雲影淡妙絕輞川圖

藕花灣

是處能忘暑香風夾岸稠池塘霞照晚紅粉月華秋銀鯽搖
聲盡蜻蜓點浴鷗濺溪留愛說我意更擎舟

紅藥山房

華屋圍繁植雕闌潑艷陽好花應解語新雨滌穠妝銀甲彈
箏換金鼎喚客嘗沉酣須十日有色定含芳

二薇亭

華挺雙林直孤亭特洞開主人原衣紫繁藥結秋胎落照青
山外微酣白裕來坐吟揮羽罷圖寫滿蒼苔

竹西草堂

勝地衣雲白虛堂面水清遐思彼美意高揭此君名一畝羅
陰翠千竿浙瀝聲來看何用問賢王子散情

深秀亭詩集卷之六 八

水邊林下

泱泱流泉映絲絲榆柳風眠鷗閒睇客掠燕墜銜紅俯檻天
光上披襟翠冷中最宜晴月坐紋簑奏焦桐

宵窈窕

鑽紙峰巒拙晴空青瑣排止疑連繡戶何漫着芒鞋巢燕窺
簾入花鈴隔檻語香風關不斷那得對忘懷

九疑閣

歷歷晴堪數濛濛雨忽沈好描螺髻綠若隱珮環音縱目何
寥淵臨風每不禁誰言配五老峯色總遙侵

華黍樓

每抱觀豐願登臨愛好秋黃雲微頽粟綠野近蓬丘雁宕衝

斜照蛙鳴坐汨流端知高眺者不爲稻粱謀

含暉堂

何假扶桑浴凌晨水氣紅呼晴林鳥雜射影画屏空略約朱欄轉巉巖旁面雄落花鮮似雨遙惜翠樓東

竹笑軒

繞徑濃清喜龍孫鳳尾橫隔窗疎落照空雨密敲聲懷抱開高節園林無俗情山公諧嵇阮心寫日同傾

常清靜處

脫却朝簪夢悠然味道腴太空何物役無象不黃虞萬賴消長日孤懷白一區翻嫌揮塵倦顧影覺于予

騁懷亭

深秀亭詩集卷之六

九

稚抱原無室何妨與物遊青天高縱鶴平水忽移舟竹樹猿眉綠雲霞襟帶柔絕憐鬱鬱者未解讀莊周

張上舍收自遷集受書堂看玉蘭花二首

薄日輕陰亭午來謝庭高挺矚瑤臺人多白璧烏衣坐筆競秦軍開府才牆角幾枝分研粉蝶魂百折照芳林六朝遺閣何堪唱特許張星擊鉢催

祖德封留去赤松至今遺調響黃鐘文孫不愧芝蘭氣佳植晴開水雪容雅佩珊珊停鶴羽碧雲絮絮罩山峯韶華太素偏凝艷二月春深一萬重

朱也亭文學招集煥章堂

搓晴新柳潑鶯黃又約清流赴紫陽餽菜撈鮮春乍滑江鄉

況味老能償雲間石葉撐書屋花氣峯巒入錦囊別緒松陵將放棹隔宵幽夢落陽庄

重過龔梅仙梅圃

曲渚帆張擘柳風隔籬來詢鹿皮翁十年瘦鐵荒疎影二月晴香悵遠空蘚石路迤殘粉疊茅簷枝壓碧烟籠鉤輶低向榛蕪出邨女誰憐倚荷紅

花朝前一日宛青較書過暢情軒

絲髮何嫌東老貧閒居忽忽降花神裝拖桃塢紅雲薄腰細龍潭碧倚新膩酒十分慵丙夜耽詩一座索嘉賓惡欄笑問春晴月未到團圓也似銀

沈拓西郡丞過話暢情軒

深秀亭詩集卷之六

十

江鄉百里隔三年翻憶風塵馬首前鬚髮消霜雪氣爽鬱却戀回園綠烟波白裕來青舫蝦菜黃情蕪綠天可許閉門留十日乾坤何事不悠然

午日

泛罷蒲觴檢玉篇遊鱗閒數撥深淵人情方艷新榴火我意殊荒闕硯田樓閣雲霞圖西上檣帆鷗鷺海江是處看兒童縛荷葉風翻堤柳牽

夏日閒居雜咏九十八首

閒居鮮人事面理達林泉綠蔭清桐雨游鱗出芟田花鬚噴座久簾影隔庭穿漸覺幽禽換樓臺簇晚烟

高風生遠樹永日倚危樓客到茶經熟牀空詩卷投絺衣輕

欲舉晴翠濕初收隔岸聞漁唱垂楊密小洲

撥徑循苔屐握衣度石梁魚吞松影碧鳴喚竹陰涼自謂羨
皇上誰嫌嵇阮狂迴峰身乍隱幽趣撲空香

蕉卷舒窗疊松針刺雨肥空廊明研粉積水活苔衣符鳥同
幽客駢枝綴遠緋幸藏名姓穩車馬跡來稀

忽憶林泉路重開舊阿圖晚潮帆影疾濃樹墨痕癡樵客掠
雲仄田翁信杖扶此中題祖業一筆水會無

疊石崇崗曲探流絕澗深殊形蹲射虎清氣冷披襟梧竹微
風頭藤蘿赤日陰偶然潛翠塢童僕費招尋

幾抱雙銀杏凌風勢遠交重樓深罩影老鸛結危巢俯視桐
孫直橫支石壁均盤根千百載蒼蘚鎖眠蛟

深秀亭詩集卷之六

十一

未雨陰先覺蛙田亂鼓吹環溪侵閣動森木戰風危騷雅襟
何澗神仙籙可披魚腥驚不定花氣亦頻移

隱隱雷旋逼沈沈山乍吞溪雲低作雨風翻遠呼邨回入荆
關勝身恬草野恩素心期不至竹樹冷排門

有客來烟嶠連宵話竹窗丹爐烹雀舌粉壁繪螺江襟帶青
香古鬚眉酒力降脩然塵網外居士或稱龐

凌晨越巖壑宿雨滿林端小鳥翻沙呷幽花墜石欄山空殘
日醒風過一亭寒低刺藤蘿窟何曾碍攢冠

一峰名劈玉屹屹儼穹碑米老驚竄拜穀城師最奇蒼苔文
豹變瘦骨硬肩隨敢玩非全璞雲亭守不移

夾呷桐陰碧空亭荷氣多一身雙蠟展十畝半烟波客上鳬

車滑僧來竹杖拖尺書殊懶寄其奈欲裁何

薄暮涼新雨清齋洗月華松篁陰黯墨蘭麝氣穿紗靜久依
僧座譚深吸露芽欲眠還未得頻聽穩棲鴉

偶過幽人宅緣溪捫竹橋衡門吹竹簾降樹隔漁樵日午濃
烟出山清入面遙一窗簾影細不覺古香饒

赤日烘榴藥薰風綻藕花房櫳方畏暑草木競增華聒到鳴
蜩急清消紋篆斜晝長渾莫遣翹望黑雲遮

種竹團扉屋惡聞噉石磯不嫌留羽客能共着荷衣高蹈名
何敢雄飛夢久稀只看題壁句可漫雜輕肥

短榻憑誰掃扁舟不可留情知長吏薄貧爲故人愁精衡於
填海神魚豈上鉤赤松黃石意千古獨悠悠

深秀亭詩集卷之六

十二

日有貧交謁苦痕破客踪黃鶯懸綠樹傑閣射奇峰麥飯松
花熟蒸牀竹影濃雅能留不去清靜說猶龍

待月未可寐披襟坐晚涼林梢棲鳥重山鳥登雲長漸吐樓
臺白微沾翰墨香迴思塵馬路最惜空蒼

萬乘輕舟出欽工神禹勞諸王親紙枉禁旅塞波濤月黑魚
龍暴雲屯杵鉦高微聞前使者粉飾悞恩膏

一線河堤薄淮揚民命危金錢空費斗王謝困低眉怒雨潛
蛟立腥風濁浪吹平成須面授一府算定神奇

劉咏驚誰到衷腸爲客酸催科搜吏虎力疾困儒冠難急偏
師解貧惟典術寬勾符威便滅魂定始加餐

蔓草耽霑雨腰鎌疾載芟藤蘿未可附蘭芷特超凡繞渚開

三徑當軒瘦一蠟削平誠不易汗血透青衫

圖回懸庵主雲山障點蒼堂皇香最古邊微路何長心賞摩
掌久家貧嗜好荒綠陰清晝掩靜對亦風光

谷口探新汲愚公飽灌園雪丹峰醉宿金果雀爭喧權隱菰
蘆畔窗低菡萏軒蝦蟇釣悉捲有約效平原

露滴仙人掌風森羅漢松薰衣香作更守硯石爲農門榜鷗
庄白簪牀魚婢重沿堤多種秫不亞酒泉封

汗雨揮中夜繁星燭火紅蒲田屯布穀石澗響沙蟲徙倚空
庭樹頻呼散髮翁直聽更漏杳遠寺逗晨鐘

藕葉蒸蘭氣桐花落棗黃微風侵百和美景惜空管斷續蟬
吟久依稀鶴夢涼蒼頭偏好事又挂雪衣娘

深秀亭詩集

卷之六

七

良友傳芳訊開緘數葉囊天誠哀疾苦人漫習岐黃草別鶴
叢廟香分玉女房丹車經幾驛半載達江鄉

問膳初除恙慈顏齊令辰門庭空寂水氣味特松筠宰邑茫
無地扳輿幸此身猶思親雁序汾畔未歸人

願結牛醫子聊師郭橐駝輕肥偏下品貧賤直巍科藜藿充
樽俎烟雲長薜蘿隄廩能換酒應不患才多

一室營初畢環峰勢轉奇牽蘿穿北牖培菊挿東籬遊倦中
年展閉拈白晝甚儘開生面好努力健詩脾

奇峰雲不定夕照映樓西榆柳圍千尺鵲鳬浴一溪漁舟歸
網集收笛過田低絕愛僧扉暗橋陰卷翠齊

黃石傳奇跡青雲憶故人神仙原託隱圖史每長貧風雨空

成陣烟波不受塵流螢紛點處落荷白於銀

一帶長廊壁千章刻岫松烟雲生氣骨鱗甲挂虬龍似有濤
聲落方知墨汁濃回師推老手能事出華宗

雨後忙移竹塙東待此君龍孫須帶角鞭影便捎雲亮節穿
松勁清風隔院聞來看嵇阮席細與坐殘醺

驟雨分龍足驚潮滾雪層蓬應來飲客水閣映疎燈說項勤
猶慣依劉傲不勝莫言天下士裝劍漸模稜

却扇悟黃蝶又魚伺翠禽涼颺通略約斷雨壓遙岑懶逐無
遮夢平空現在心匡牀拋把卷聊撫一瑤琴

零雨風林濕浮香蓮渚紅身酣棲隱跡客厭滑稽雄造物權
何安文章事鑿空高眠長日午不夢黑頭公

深秀亭詩集

卷之六

八

落拓屠羊坐經營老画師迴廊開鳥道禿筆幻虬枝雲水空
無際漁樵信有之只愁風雨驟壓倒夕陽時

樹東嘗新摘雲山玩舊圖客因花事速星動劍鋌麓短札傳
三楚衡門近五湖微酣容傲哂小隱足菰蘆

客話雲門勝參寥好讀書青山陰野馬古木晒蟾蜍小閣干
峰上孤身一枕餘已通清妙諦無事不軒渠

晴海樓吞月疎星葉點螢樽疊幽客散城郭晚涼青貼听漁
吹沫當風鵲扇翎浸登圖画座福不斬山霧

斜日庭陰白珠胎茉莉肥晚妝幾稅額香氣逼炎威几簾水
紋滑窗紗蝶夢稀鮮卑矜幼婢紈扇約羅衣

可惜囊空甚花時客莫邀香風池上閣臥影竹邊橋琴硯清

烏几屏垣界墨潮翻書過一寸永日倦無聊

爐篆龍涎漬盆蘭玉筍齊空庭揮白羽密樹叫黃鸝浪捲簾
衣外峰遮塔影西步虛何處發清秘碧雲梯

何處能忘暑紆徐別有門鱗牆叢翠慢雪竇壁雲根鄉里羞
彭澤蒼生恕謝墩爲辭揮汗駕莫罪令司閭

三伏荒雷雨田家苦桔槔皇天寧靳澤赤地已無膏石甃飛
山鼠沙汀燎野蒿縮龍何術長撫字有心勞

敢謝無民社能忘祀國憂征符紛急火旱魃恐妨秋婦抱參
苓疾厨荒鷄黍謀酸辛親串內更有淚難收

函舫蕪城發雕鞍玉壘飛客程分遠近公子悉輕肥父事慚
無策家貧况息機殊勞虛左意橫劍說斜暉

深秀亭詩集卷之六

五

紅粉嬌芳澤蒼髯寫化身林泉標位置雨露濯精神牛馬呼
誰定詩書道不貧止期耕硯稔何假漫垂紳

未免他生願香殘小樹春五年長作夢半臂竟何人病苦淹
留異寬深生外因劇憐蛛網絆淺土後埋身

中表簪纓澤詩才沈炯長蓬門同北郭連幕近吳鄉負米貧
耕硯挑燈白舉觴偶歸留不穩端事捉刀忙

姑表矜誰健陳琳草檄才房軀馳絕塞客夢繞荒萊囊可謀
歸穴親應慰夜臺所愁非臂指鷹隼反鷗猜

酸楚宗盟信窮愁歲月難糟糠初斷絨猷畝急傳餐門傍松
楸暗邨空鰕菜乾嚴親猶鶴健閒愛束黃冠

窮鄉久不雨深爲阿成愁硯守傳家薄倉虛食指稠濃陰罔

竹徑斜板跨魚溝何計征徭避驚心鬻汗牛

事訝權難措高天杳莫呼采樵幸棄婦紅粉竟無天首荀容
銅臭瞿雲號酒徒衣冠成獸鬩秦鏡掩葫蘆

曉間望高天晴空散碧烟藕花鮮滴露石笋出鳴泉羽客眠
陽伴虬髯瘦鐵堅神仙那可學夢破鹿蕉緣

小飲思佳客投軒恰日斜題殘青玉案開到紫薇花浪許文
章伯虛乘星漢槎故侯殷念舊新送邵平瓜

鏡水平天月樓臺匝樹風心空妙相外夜靜汰音中呼吸通
閭闔精誠煉葛洪潛龍應出聽霖雨望江東

門是通波白山從北郭青好花臨曉閣幽客似修翎玉尺標
細帙銀鈎剔硯銘何曾朝市熱心鑑一泓渟

深秀亭詩集卷之六

六

山雨暗飛鏃風林撼怒濤蛟龍神果驗民社職誰勞夾呀紅
芳落衙門白浪高懽聲動亞旅今夕勸醇醪

膏雨平畦綠山齋住客多厨荒添菜羹窗冷濕烟蘿幽意孤
行愜雄心一片磨波海鷗鷺瀾帆影挂漁簑

竟日雨濛濛颺颺槐柳風空亭無事坐殘客有時通襟帶生
虛翮烟波富碧筒躍鱗驚呖曲拾菓簇兒童

不赴笙歌約平銷風雨愁園蔬團座客烟水一層樓學道詮
經卷忘機罷釣釣身名原洞達何必五湖舟

零雨吹纖葉斜陽見女城奇占丹篆秘狂說酒人名木檻平
花坐雲峰隔呷橫不嫌蔬笋味來共白鷗盟

雨歇澄懷曠奇叅夕炤中天光新豆綠蓮影漾銀紅事太烏

衣巷身輕鶴髮翁焚香揮麈後默然禮唵

水榭莊生樂書齋王者香濃陰虬影合清晝鶴聲長客話新

棋局塵封老劍囊一番風雨罷身世覺冰涼

華實思吳質軍諮航海來持躬端鐵石哭母尙提孩六月風

常息三年血未灰藕花香滿院一飯且徘徊

拋卷支微倦松風吹晝長茶槍沉戰綠竹葉泛流黃事謝櫻

塵少詩催脫腕忙日斜歸鳥亂空翠撲池塘

酒醒龍團莢香消魚子蘭書生當此福丘壑未會酸閣駕林

梢結山懸亞字看南華誰朗誦新雨滴洞瀾

避暑荷河朔轟雷聚酒星窮愁申此意文采得毋靈髮恨花

前白山添面裡青丹砂如可就相鶴有仙經

深秀亭詩集

卷之六

七

丙舍朝來信繁愁幸一消松楸深得雨邨落遠生潮頁米分

猶子貽書問舊樵盤龍三十里百萬揮魚苗

落月津亭白平潮到極頭書緘投半子瓜熟饋先秋趙氏宗

祧重侯生肺腑謀廣文聲未墜謹守舊山時

幽鳥名不識頻啼桑柘陰窺人偷石角啄菓浴波心雲各運

城壁山空百衲聚牽絲然未斷斜日坐微吟

晨餐潔粗糲高士謁林泉把臂急成竹揮毫散冷烟此君安

入面於我愛如像何日龍孫發驚雷犢角穿

不見袁安久高踪偶出塵造門先問竹索句要驚人一飯圖

蔬薄單衣葛草新觀魚同碧檻猶覺誤垂綸

絕調知音少高山流水難投軒來此客撫卷幸無官紅粉開

蓮社危樓在鵬冠閒留能半日道味近芝蘭

水鑑埋塵霧風波駭要津憐才天譴薄歷俸宦遊貧白髮歸

田賦黃扉執戟人詩書原不負寵辱豈無因

空囊能任俠每飯憶劉生痛癢關肝膈威稜抵甲兵千金會

不負萬里忽孤征輦轂交遊者徒矜詩酒名

旅食牽魂夢冠裳一輩人除書淹歲月策馬厭風塵豈敢分

忠孝何曾爲賤貧比來通尺素翻羨臥江濱

客夢燕臺落離情易水寒荆高千古合管鮑一時難忝住渾

無計升沉視此官驂駟羞蹶步口舌沸波瀾

梁苑鄒枚席祗園瓶拂僧萍踪輕聚散山色互陵嶺玉石寧

無辨風雲總莫憑至今鴻鯉斷不復問擔簦

深秀亭詩集

卷之六

大

夜月琉璃廠春風萬柳園笙歌邀款段嘒咄蟲坵垣酒伴騰

騰換朝郎袞袞喧別來如夢寐我自擁周軒

委巷南園側雙扉貼棟花徐娘羞笑頰荀令認香車竟有銷

魂句難忘渴疾茶臨岐隔川岳頻問舊乘僕

面聖推前輩嵩高近百齡孤身曾殺賊終日似搖星踏馬尋

花市挑燈劇視銘偶懸圖贈石瘦駭墨花靈

客散天寧寺笳吹宣武門風塵千里夢汗血五花痕華省膺

新命平原說舊恩眼中消幾輩曾憶醉留髡

聖澤輝文舉寧親夢至情官因詩酒公夢與水雲清几席陳

囊鼎漁樵指姓名杏壇應老守自有魯諸生

潑却三蕉墨迴廊笑一峰平空蹲虎駭不雨黑雲凝東覺堅

紋瘦陰生碧薜蘿重到公應未見筆力鑄秦鋒

躍喜投林翮羣然上碧廊端知圖回好留得羽毛長只恐飛
明月何曾散夕陽網羅厚不設雲路讓鸞凰

惆悵歡場晚何哉况舊人魂銷香粉淚夢趁月華茵旅館樽
初合空門花轉新誰憐歌舞散吳越起風塵

忽轉伊涼調遶庭朔氣黃子規魂叫月謝豹葉遮霜銀甲箏
琶撥珠簾冰雪妝征西歸未卜憐煞惱柔腸

藤花能幾串點綴復林端分得殘霞紫開成么鳳團微吹低
小壑遙引隔雕欄薄暮飛黃蝶垂垂正耐看

雲樹隔山雨池塘白水風高懷今日曠剩藥一枝紅物理推
毫髮人情笑壤蟲偶然恬息影豈悟信天翁

深秀亭詩集卷之六

九

果慰蒼生望安時策不煩神其歸海若使者識河源堤柳圖
明月樓船靜舉幡只詹王僕射何事滯南轅

熱血何時冷齋心盡日清狂瀾撐砥柱短札到山城送客征
鞍薄看雲拂袖輕揮杯聯自勸天許放浮生

採藥將何地登車那有時湖山頗入夢海嶠欠題詩未必君
公免居然隱叔廬連宵新雨足應長鳳凰枝

趙尊客周紫瑤嚴復巖陳石城雲高屠莘野范武功集
池亭次尊客韻四首

水榭浮香國風林擁石臺鳥呼當檻席客把對花杯信此驪
壇約會無俗駕來聯吟頻徙坐隨意選蓂萸

暮雨生虛閣晴霞登遠岑身耽泉石趣衣動竹梧陰老敢騎

詩伯迂終讓士林一聲清磬外何地見初心

圖史評存舌鬚眉耿碧溪孤雲蕭寺出雙蝶女墻低逐我天
何曠遲君山共棲風塵回首夢深悔熱征蹄

門掩青郊寂帆張遠水呼藤蘿披澗壑童僕散鵲是命世輕
餘子行觴壯濯夫已安貧賤久豪氣不能無

次雲高韻二首

顧影停芳渚披林上嘯臺故交存國士妙語勝瓊杯積翠空
濤落過青隔座來迴廊新面壁窺鳥漫相猜

竹塢疑篋谷魚灘憶富春烟霞差有骨湖海豈無人酒聖貧
中力詩才悟後真未嫌書卷氣聊遣百年身

李素璣明府以病請休

深秀亭詩集卷之六

十

竟有休官者移文託養痾高誠仙籍異明在讀書多好蠟歸
山屐虛籠換字鷲陽城甘下考奉母急烟蘿

沈賁園高士見過留飲二首

貞士抱完璞閒雲偶一飛芒鞋筇竹杖羽扇水田衣把臂上
虛閣揮毫恩釣磯別來詩數卷可似謝元暉

香晚荷陰碧秋新月影涼空亭開小飲佳客老懂場箸下圓
蔬薄身輕海鶴強幾忘塵壤外道味覺羲皇

七夕卽事

新涼高聽一林秋佳夕還登百尺樓獨客愛修成老鶴疎星
閒指笑牽牛盤餐瓜果松筠席蘆荻風烟鷗鷺洲用拙久安

塵夢外半珪明月上簾鉤

羅懷亭明經招集圓舫山行卽事四首

擊水衝飛鷁平橋出臥龍
帆張空翠影樹繞碧雲峰
竹肉調九疊衣冠韻墨農
不知圖面上身已近仙踪

山色濃停午潮痕白遠灘
到門尋古寺捫石上危欄
絕巘藤蘿窟孤僧竹樹端
啼禽偏昵客睨皖落雲盤

老樹懸崖折幽葩刺澗紅
香厨炊佛火山菓撲簾櫳
鳩喚前邨雨蟬吟隔院風
芭鞋穿徑曲天護綠陰中

顰顰驚迴棹浮魚瞥晚汀
鬢眉當檻碧襟帶比山青
河朔人何在樽疊酒莫停
不須燈火競座有少微星

立秋前一日袁丕文大令招集賞蘭

高館張筵客似雲濃陰急雨
葢斜暝鱸魚味俊三江滑
荀座深秀亭詩集卷之六

香生九畹分汗透冠裳愁失路
身安泉石諳移文新涼景物
先秋得葉硯風清鶴不羣

周十經別駕招集賞蘭卽事

不辭揮汗闕飛觴王謝堂
開幽谷香交是醇醪敦兩世
感深序雁惜分行牆東宋玉
巫山破市上壺公藥草長
聞道言愁歸竟果黃金先買
白鷗庄

輓觀察許鶴沙先生十首

折東猶扶疾春花泛滿杯
那知三月別忽報一山頽
耆舊如公少交情動我悲
不堪回首憂耿耿欲心灰

幸起興朝彥垂名五十年
青宮官侍從輝鳳翽翽遷
衡鑑牧豐玉燃紫微
御蓮旌陽原入道康濟出神仙

攬轡中原肅刑書六詔明力持烽火候
恩許板輿情宦海

恬無浪驚心若有旌遂初機蚤息不待漏鐘鳴
作善體天德娛親植療愁活嬰五千口散穀廿三秋
減獲循

銀鹿空喪贈麥舟至今聞笛者慟哭過西州
園以名萊勝身從聽鶴閒年華青洛社吟咏富香山
彝鼎樓

頭座松檟藕葉灣蒼生常屬望絲竹對烟鬟
杖國尊元老鄉筵式大賓烟霞丰骨異王謝性情真
月旦多

弘獎生從育赤貧晚開書圖舫端不負秋萼
舊史膺朝望南巡幸翠華山塘環伏謁

天語接褒嘉鸞序清流上春風夕照斜
臣躬從此庠涕淚感如麻

深秀亭詩集卷之六

三

帝念監司績鋒車起在田夢魂甘疾走精力倦枯眠
砥柱呼椎枕風光惜逝川得全歸正寢幸不罪遷延

忠孝純無忝升沉信可規考終端杖履何事不鬚眉
鸞鶴雲空太山丘樹垂垂憶題生曠日盛德遺香惟

一片淒涼地山房鏡水秋重來聽落葉不忍上虛樓
嘆息師資沒悲填江左愁飛騰看哲嗣
唐鑒定瀛洲

輓董郡司馬王宜人四絕

夫婿聲華漢大儒夫人林下亦仙姝
瑤臺忽憶空歸路香夢輕殘白一區

貧况曾甘鳳閣嘗分符依舊親齋荒只看白練裁
身後那得金釵壓樹黃

不但神傷奉倩同長安哀動白頭翁青箱未有傳人讀

宸翰堂前落照紅

半挂簾月并梧寒愁煞黃昏亞碧欄環佩似從花影度隔牆
遙送寺鐘殘

輓嚴復嚴廣文母葉孺人六絕

九十孤幃白似霜一朝歸夢藕花香呼兒侍得儒官在未上
青霄丹鳳行

登堂拜母憶垂紳今日靈前有幾人惆悵知名零落遠經喪
愧剩我曹貧

侍婢從來不用扶清齋瘦骨健麻姑機杼夜浸桐梧月猶拜
南窗大士圖

深秀亭詩集卷之六

三

何必椎牛饗祭筵茅容鷄黍甥生前卽今負米秋林路望到
衡門已愴然

平旦還聞立女孫話期捧檄荷君恩疎鐘豈信殘燈落
鴨香消不返魂

坡南流水淚痕多絳帳傳經廢蓼莪有子幾成天下士冠裳
端不老烟蘿

張仲巖新卜寓居

好在雙扉映水濱琵琶橋畔白香蘋高於漢市懸壺客達過
華亭聽鶴人庭樹豈容繫馬啣硯田不悔購書貧梨樽儘許
呼吟夜難得黃堂禮結鄰

李侍御賓王高太史東野宋進士南陔張上舍敦自沈

州幕樹人集桂前

晴開別院小山黃肯負叢金八月香佳客偶乘騷雅興青疏
聊佐舊醅管花前鬚鬢分斑黑座上風雷任激昂豈敢便尋
招隱賦閑居奉母勝爲郎

寫懷次則峯和尚四首

甘師守璞是良圖可惜鬚眉改壯夫湖海未應空李郭詩書
不覺賤孫吳神遊廣漠風何大夢破華胥蝶也無頻接丹車
耽信宿舊醅茅店隔村沽

絕笑阮庭禪揭竿何須貪態傲人看濃將墨影添苔壁閒煞
秋光上藥欄大業名山千古易憂情薄面一時難鹿門荷可
攜家去絲竹誰耽臥謝安

深秀亭詩集卷之六

三

殿虎何人敢壞麻阮仙只合醉爲家雙龍不是尋常鐵丹篆
能開頃刻花雲泮機山高放鶴秋潮薛濺好撈蝦憑虛自覺
孤懷白深悔埋頭讀五車

明到禪燈我亦能就中龍虎力難勝金刀切玉全憑利蜀挺
鳴鐘當下應神駿一飛初絕影良醫三折過來肱湯休餓伐
無生話直使愁城老杜陵

疊前韻四首

萬仞峰開五岳圖披雲隔水問樵夫英雄老太渾如夢福德
年來不在吳花事春秋紛代謝物情冷煖總虛無廟廊田野
皆天性慚愧浮名半浪沾

客星端不負漁竿千古高風江上看酒聖柴桑埋世族花殘

天寶根雕欄餘生塵夢飄零倦大節 君親出處難猶憶征途霜雪晚故人裘馬送長安

三徑蓬蒿直似麻隔牆籬落卽田家芳樽坐客論詩草曲榭眠鷗狎浪花入道形神成土木擊鮮情味足魚蝦鬚絲自笑深如許羞憶香風擲菓車

攤書除却百無能惡浪危橋稟不勝輕到从生人豈信老尤貧賤我真應閑居傍水聊清盼齋日如泥且曲肱爲問經行拖杖路可曾花草拜鍾陵

同則公登一覽樓

十年不到最高層落日晴秋試一登舊額已無懸鐵筆握衣還讓健山僧松筠曲塢遙空翠城郭寒烟護晚凝爲憶消磨深秀亭詩集卷之六 圭

觀豐

萬井黃雲杭稻秋天憐耕鑿許全收江鄉額賦東南重婦子餘生朝夕謀果腹雀羣低不忝新炊邨落望何稠怡情爲謝催科吏免郊蒲鞭更買牛

酬天濤和尚見懷卽次原韻四首

風散香臺竹人依繡佛幢閑情思舊雨好句得空窗霜雪無如削鬚眉不受降一羣飛渡後明月滿秋江庭爵豈稱神機忘道自親寒潭沈縮項幽砌別長春翠影簾衣薄香風鼻觀新儘攜筇竹杖來作圓圖人

雙龍峽口驚濤去五老峯頭獨鶴來聾聵那知擔荷力神仙

難得出羣才秋風黃葉烟邨晚落日高城四角哀天下英雄消白社頗如諫菓味初迴

踰蹬風塵兩鬢華囊空慚負魯朱家埋殘血性當壚酒誤煞書生夢筆花伏匣蛟龍還聽雨危樓襟帶欲飛霞湯休擊鉢鳴餘習小結雙魚放水涯

遇張日客孝廉

丁年旅食共京華別夢風塵本住差聲價 天親褒國士冬烘金忽暗泥沙馳驅中岳歸囊薄邂逅黃堂落日斜數語那能肝膈盡輕帆雲外又仙槎

裴大令睿涵張上舍仲巖吳進士萃才郁守戎介菴袁國博昭遠大令丕文董明經正度馮上舍景修程季廉深秀亭詩集卷之六 圭

淵雅集桂前

翼峰張上舍敦自沈州幕樹人章明經振齋林進士若薄陰不散露華寒金粟香堆樹樹看客到頗同荀座列樓高偏亞石峯攬樽疊似可容鬚鬢圖回何如藝藥欄但倚并梧投轄在忘羞野外少盤餐

郁介菴招同裴睿涵陳九萬吳萃才袁丕文林若淵陳雲高馮楚岑杜萊友集祖研堂

層雲薄日釀微陰招隱芳樽又桂林宜味妙同迴諫菓詩情雅託奏焦琴喬枝冷翠空廊漬疊石蒼烟絕徑深歸路漫燃漁火澹肩輿與五里踏蛩音

一雨

一雨漲雲海全家託米山樓臺寒水國竹樹暗柴關奈戰驚
雷焚爐燒活火斑俗塵應不染抱膝對烟爨

九日

獨上高樓一愴然秋林風雨似飛泉乾坤有淚愁身外圖面
無人得眼前詩興酒開賢令菊潮青門泊舟廉船龍山嘉會
今誰續何處囊裏插馬鞭

端木東侯太守高東墅太史施子憲進士女郎素仙集
菊前卽事

十月霜花格始全美人相對益嫣然客從所好鳴天籟官似
移封拜酒泉晴曉餐前梳乍側西屏燈外影頻遷琵琶願向
知音撥橋畔高樓夜未眠

深秀亭詩集卷之六

毛

王梅心文學過訪賦贈

十月風霜驟驟沙寒潮如雪打蘆花吹來西舫烏衣客閒吸
柴門雀舌茶豈有林泉供杖履聊憑書史問桑麻淹留若肯
壺觴就聽鶴樓前看落霞

飲端木太守東侯寓齋卽事

敢信鬚眉血未灰相逢無那只對杯真率客夢愁何限能得
花枝笑迢回眼底英雄天下事筆如健翮錦成堆囊金散盡
龍精在櫪馬長嘶古驛腰

楊勳平文學過訪賦贈

齊錫龍頭負此名離思十載園閭城文章雲霧今誰辨鬚眉
風霜互一驚入座不嫌松竹影聞題未闕酒泉兵空亭滴瀝

愁無緒小劇藤牀倦撫箏

寄舒猷族叔

別夢秋潮輾轉過竹林貧况阮家多書來月白空山夜淚下
祠荒宿草坡不信烟霄沈鍛翮已無門巷接鳴珂何時同釣
蛟龍窟細啜尊羹製艾荷

素仙校書移尊端木太守丹次同集

百頃風潭簇晚烟燒燈平放米家船人如天上明霜月花並
魂銷媚綺筵瑟縮溫柔香一縷遲留枯寂酒爲年鬚眉恨事
紅顏覺牽得秦淮夢可憐

贈別端木太守東侯十絕

囊鐵長鳴行路難留君不住勸加餐平船書面裝明月誰信
深秀亭詩集卷之六

天

遊踪似守官

勞吏蠻方八載愁慈憐血淚染悲秋平分忠孝非輕出不負
溪山幸此遊

閒却英雄恨半生連宵耳熱劇談兵龍黃不作尋常調擒賊
謀邊有大名

留侯勲業爛中天謂張留侯客尊前特偉然擊鉢喧同吹畫角
夜深珠玉滿華筵

裘馬風流頗未貧先賢况味自津津儘拚一擲千金騰端屬
蒼生養王神

關千簾閣壓清波夢公秦淮花影多卜式已聞收最勝紅牙
誰唱太平歌

六朝松翠疊樓霞門板會題濕墨花歸屐試尋樵牧徑何人
還着舊袈裟

劇邑琴堂坐石交煩君傳語困營巢猪肝不敢來輕累甘斷
鱗鴻亦解嘲

落日江頭惜別遲布帆剛挂雨搓絲燒燈笑拂琉璃匣猶賦
彈箏白苧詞

買得垂垂秋樹林酣霜皮相飽黃金椿庭或抵蟠桃實杖履
軒渠識遠心

題觀潮圖

萬騎追風動地雷魚龍晴沸雪山推錢塘八月驚曾見尺幅
如何勢遠迴

深秀亭詩集卷之六

无

題孤山圖

高士呼將出清芬照古今白雲低隔塢晴雪蓋過寒鶴影荒
苔跡詩情散墊陰閒披簾閣上忽覺歲寒深

題平湖秋月圖

千頃波光百尺樓何人能解夜深遊蛟龍臥撼姮娥魄明到
天心夢亦幽

題蘇堤春曉圖

誰向不明垂玉輿流鶯啼破落花紅六橋濕翠千林疊盡在
迷離一望中

舟中遣興三首

篷窗何事又江干有客同披數卷殘倦眼漫收天地濶孤燈

特擁雪霜寒身輕過雁空雲路髣髴漸凋銀誤楚冠劍影欲騰
香燼散樽罍長憶淚痕酸

夢斷村荒夜半鐘風濤隔枕闌魚龍乾坤踪跡勞王粲涕淚
蒼生屬謝公茗椀花囊天飢足楚騷吳粉客情濃聞鷄擁絮

何須舞爲報朝暉射遠峰
濁浪船頭暮雨昏晚烟城郭冷銷魂鬚眉恨事全憂國丘嫂

交遊半杜門不意檣帆聯俠客移情燈火照王孫百年未遂
飄零願肯信平原有負恩

雪夜

水花慘慘簇蘭橈上津亭一尺朝酒力乍迴溫入座燈光
遙映白今宵樓臺夾呀遮簾幙裘馬何人渡石橋繪素不嫌

深秀亭詩集卷之六

辛

宜瑞少平明準擬踏瓊瑤

歸舟

歸舟爭太鳥帆飽急看山意氣元龍壯風光野馬閑夕陽搖
落木古渡出重關絕怪虬蜉客羊裘大澤間

歲寒雜况四十首

竹樹蕭蕭打鶴坡寒窗愁雨夜如何風波江海魚龍雜文酒
冠裳玉石多可有神仙調躍馬難求義俠出鳴珂鬚眉色減

囊空後不在參苓倦病魔

酒罷懷人隔水涯空齋寒雨白燈花百年身賤詩書拙萬事

心灰夢影賒病國帑金填卸甲崩天沙海祭浮槎

君恩迨起東山駕簫鼓何仇幻指瑕

踏雪栽梅畫繞溪湖風空戰乳鴉啼客舂星大羊裘禿僧作
雲輕竹杖攜錦幄樽壘圍卷籍茶烟臺榭曉鳬鵲清謳經濟
從揮塵日涉園林費品題

雪圃如掌雨歸水失路英雄有髮僧藏龜猛消門到展寒花
香燦塔懸燈神仙學近歸盤谷氣敷詩關怪杜陵絕笑萊傭
非漢大平驅腐鼠挂蒼藤

斗室爐薰玉笋溫輕裘促席互黃昏梅梢影燭窗斜瘦石角
鈎簾月有痕蕩子漸磨鬚雪佳人難起回圖魂林泉命合
饒絲竹未必投閒不 國恩

危樓獨上京寒峰秃樹昏鴉噪寺鐘豈有騶車殷晚謁漫過
樵牧任疎慵惟燈乍熾疑盟血囊鐵誰教不化龍湖海幾人
深秀亭詩集卷之六 三

勞尺牘安排魂夢酒杯濃
枕畔風吹漏鼓遙酒香人面憶紅橋書生夢抵神仙術客路
魂驚江海潮不信愁根叢短髮何曾插翅可凌霄衣冠脫畧
漁樵盛那得虬髯肯折腰

樓臺古木影蒼黃夾岬藏鳩喚夕陽烟際回師追妙手座中
詞客壓名場山林默按松風節血性生開梅蠟香何用夾秋
分黑白推枰拂袖過鴈庄

精廬映帶接松筠清切霜鐘通曉分欹枕便思登傑閣推窗
猶恐碍閒雲帆飛遠渚輕千摺暫佔空田白一羣坐擁北山
高彼听不勞多事諸移文

喬林疎雨約烹微腰帶新寬攬敝衣百口總荒依歲晚孤身

何力振雄飛苦教鳥篆爭拋藥石筒水花響釣磯點盡牙籤
搜腹筭空庭客散漾餘暉

小閣晴窗臘影來南枝昨夜幾分開鱗鴻書託江淮夢肝腸
天知蘓李才霜雪何人存鐵石風烟無地不塵埃壺觴竹肉
聊乘興出處身名且浪猜

庭柯撼撼水雲虛酒罷支牀懶把書絳蠟殘殘城上柝沈烟
漬透硯旁裾魚腸俠客酬空計藥裹佳人怯未除穉阮縱狂
王謝太山川有意讀機漁

坐雨魂銷百尺樓儒生最易耿先憂催科淚急蒲鞭血空潤
潮堆江海流案豈語金能判鐵官知佩劍殺耕牛窮交欲贈
茫無策忍割風掀孤腋裘

深秀亭詩集卷之六 三
偶爲支公佐買山寧知物忌在清閒雪霞晴翮長喧窺射虎
陰霾夜把關熱血荆高千古動騷壇皮陸幾人還沽恩焚券
尋常事願指吹竿恕一斑

肅虎啼猿怒革兵風濤夜半嘶孤城劇金產薄謀難定捍海
隄憂築不成大事黃堂雷電激羣情白釜井蛙鳴誰客突倍
魚鹽價法網奸從命轉輕

雨歇平明判水烟賣花聲到越溪船場師路認投林翮硯北
囊搜倦客錢老託松筠娛歲晏健逾鶴鹿悟空禪全家景物
收圖回近關邨南種秫田

海波不動仗軍麾舉將新登重虎踞南顧已知 宸眷穩虛
懷却爲石交持河山缺券留侯策裴帶風流謝傅恭鈴閣曾

陪絲竹晚摩挲葵鼎斷金碑

池塘雨雪暮潮寒新漲沙禽浴一灘簾幙緊遮烘硯席亭臺
不厭折門闌珊瑚天竹牟尼串蠟珀庭梅磬口團眼底炎華
三徑足先生懷抱未曾酸

研塙西公書橋東樓角山茶吐粉紅石砌冷鋪平鶴睡紙窗
晴護勝紗籠人非管樂三公望筆或鄒枚一座工謹戢羽毛
高自惜不妨憔悴學癡聾

何武官恬太後思急流勇退已嫌遲穿花展齒身輕達載酒
船頭字可師信我襟期冰雪古有誰暮夜鬼神持絃歌習濫
催科密焉得名齊召杜時

眼看基局幾番新交道何能化飲醇城府不開丹竈客戈矛
深秀亭詩集卷之六

輒圖硯田人勾芒敗絮沾須脫稱意芳葩冬亦春蜩集公私

籌莫展那堪風雨又兼旬

曝影寒移矮屋西空邨老樹踏蹠江山翰墨尊王謝絲竹
喧場厭鼓鼙事本每艱爭返璧在來只合醉如泥雀羅門巷

稀殘客長握枯僧一杖藜

變尾誰憐鷺鳳音山川位置列高深芸窗雪霽香空味粉壁
烟生墨一林身直無聊端此坐客其有興雅來尋風波險避
半腸曲望歲何能抵散金

小劇微酣亦復佳閒身幸不役江淮蓬丘笙鶴三千客細帙
香奩十二釵清遠水仙消新福猛衝竹葉任詠諧園林乍可
遊晴况奉母扳輿趁午牌

學古鮮標濯錦江冬溫人靜向南窗樓前立石雲然伍天外
歸鴻字一雙老幹鐵情奇此格男兒虎氣肯誰降春街華擬
澆燈月預撥山厨富玉缸

烟水扁舟夢五湖故人忽到共操觚官名不敢當香令風雅
從來近酒壚長物囊橫百鍊液幽棲家掛輞川圖厨爨差解
烹鮮手漁火寒潮拾蟹奴

龍鱗吼影攫寒潭禁得風霜梗翠嵐夢破華胥餘落月齋時
彌勒許同龕蒙茶細煮香亡色諫菓微迴苦是甘曲巷小橋
通石徑竹扉深覆飽清酣

靜引爐紋裊隔簾編題手愛別牙籤欲牽柳線臨池角故放
梅梢碍屋簷雁足書難來遠道龍頭人已碧蒼髯九峯突兀
深秀亭詩集卷之六

平臺見天馬浮圖特有尖

心折無多景昔賢擎杯只可問穹天冠裳逸調嵇中散海嶽
剛風魯仲連白日堂堂雲霧夢蒼喤磊磊骨撐烟鍾情不是
空桑客好斛明珠種玉田

才子風流割鑑湖紅顏聲價重當爐平分花月天應妬暫謫
塵寰世豈無惆悵六朝南國夢光華五岳採芝圖

鷺輿聞說乘陽令扶杖人多望 賜租

國是何容料草茅排空海鶴定松巢登瀛天與風雲壯變服
人驚杵臼交浦淑漁歌吹斷續竹林僧話韻推敲繩牀約破
無由換一味韋編玩遞父

郭解貧羞不數豪食魚門閉夜焚膏菴瓶冷艷滋腥血玉尺

孤稜鎮紙毛長路草枯樓閣倦封章 朝論積薪高浙潮聞
橋通青白故舊還招何水曹

皂帽何情戀管寧文章不顯少微星蛟龍雨驟輾坤軸泰華
擎奇劈巨靈城郭流漸寒影白樓臺竹樹晚烟青燒燈又淚
陰糜汁丹士求題相鶴經

天公漏泄誕巫咸無恙風波捲布帆敢遜驊騮奔汗血轉深
魂夢落松杉昌明未免懸三峽酬對居然了百函可惜奇書
抄莫借淚痕顛補舊青衫

梅柳堤晴魚鳥親冬溫景物逗先春琴尊商畧荒通郡裘馬
交遊剩幾人書卷聰明橫翠黛圖影濕淨沙塵邨春頗足
儲甘旨白髮嬌憐性諱貧

深秀亭詩集

卷之六

五

峯迴路暗女牆陰滴碎芭蕉雨後心忽到紅裙柔捧酒且留
短褐靜彈琴情懷自顧非灰土氣听誰探信國琛夢筆栽松
皆偶應荒唐無計卜升沉

繡裳千將懶殺青花枝不放酒盃停驚思鴛鴦乘雲氣其奈
孤裘熱虎腥小住爲佳賓賤客情懷作惡短長亭端溪遠使
擔良璞急倩銀鉤刷硯銘

南帆歸夢久惺然拂策端知吉在田駭石蘚斑乾嚼鐵蒼藤
骨裂硬張拳魚梁樹拍鷓鴣影貂座人停書回船蘭麝篝爐
添槽拙詩脾何福竟飛仙

短札朝從親串投芳苞風味屬兼收蓬窗恰繫耽驛客玉琬
同呼拜醉候隔院步虛盤鶴嶺入林青秘面山樓機忘蕉鹿

無餘事誰傲桓溫第一流

霜雪柴荆走東聲棲鳥鷗火暮江城焚書不廢揚雄業逐客
翻增張儉名花影漫驕侵舞袖茶槍清沸試調羹臣心浩落
空於水抱膝層軒荷太平

客至對酒

薄雪寒林散蚤梅清齋密坐闌深盃肝腸豈悔非頑鐵塵夢
何堪漏劫灰遠水忽明蕭寺外蒼天低覆晚雲堆石壕風靜
漁郎渡鷄犬偷知怒吻頰

與陳雲高送酒

隔宵傳語病詩伯痛癢道義關肝膈禿裘打雪急來尋不怕
平肩滑高展入門便擬老匡牀機動殘書壓玉尺主人側帽
深秀亭詩集

卷之六

美

莽相呼睜眼大笑虬髯客爾從何處誤庸醫我醉未醒愁無
策乾坤剝復適其常詩書焉敢辭貧厄焚膏夜坐瘦梅窗颺
頭特少流瓊液公私擾攘聽喧闐慣作掩耳除物役牆邊墨
掃徂徠松壻下薛班到公石矮屋儘許奏德星曲巷不厭迴
車窄空囊戀戀貯枯桐短鐵品品耀珍席樞影閒將虎氣降
硯田細把鬚鼠開男兒熱淚滴蒼生口腹豈肯累嬌炙分手
別公各愴然仰天難問何肥瘠我輩乃爭涸澤魚誰家土壤
黃金積元龍湖海未可量怒彼秋漲頻點額余也盤錯轉不
材百里命且困資格負郭那期足二頃竹樹蕭搔五畝宅奉
母力竭茅容鷄歲晚費重拙區畫雙扉歸掩迥深山東雀寒
噪粟庭柏俄飛半幅杏花箋允怪辟易燈拱壁硬讀一過猛

搗舌此事清狂殊老癖貽君斗酒壯詞鋒寧臥糟丘莫執戟

打水

朔風一夜并刀割錢塘陰凍潮不活我憑酒力喚長年直破
水晶河伯閨猛如霹靂震青霄奮欲救蛟龍渴小亦不失
擊下邳沈藻潛鱗多撥刺靈旗彷彿捲虛空犀照大羗生仲
達漁郎容易掛帆來浣女依然影可奪琉璃圭璧耀朝陽香
積維摩清沈鉢簾紋烟景瀉中融松耶栢耶映木末棠蔕寒
態厭平生要使天地開囊括水其爭奈熱腸何搖動鬚眉流
潑潑

長安詩集卷之七

三

深秀亭詩集卷之七日

元旦

人日沈樹人招集

穀日馮景修招集

王巖峙樞部招集

沈吉士表弟招集

見恒上人

寄李景霖靖江大令

太史高東墅先生招集觀燈

花朝前一日

和尊客魚字

和彥澈徵字

和天用青字

和雯高紅字

暢情軒小飲

俞子闇協鎮集花前

高太史東墅先生招集

拜墓

三月三日卽事

繡毬花

春園日涉

深秀亭詩集卷之七日

詩祝際菴太守

初夏

董正度招集

祝李天木大令

午日卽事

樹德堂紫藤

得子

送姚閬珠明經入都

咏池中並頭蓮

中秋

嚴敷五明經自吳興過訪

秦望山莊

次屠尹和司馬十新韵

新月

新晴

新燕

新鶯

新柳

新荷

新漲

新篁

新草

賦得鳩燕鶯鴻鶴鷺鵲

過蓮生禪院

野步

九日

次元侯韵

秋晴漫興

清夜

載樹

寄張碧城真人

冬晴漫興

題画

至夕

登丹鳳樓

謁恭定公特祠

陸鶴坡茂才竹素山房集飲

深秀亭詩集

卷之七目

二

深秀亭詩集卷之七

雲間潘鍾麟層峰

上海圖書館藏

康熙四十年辛巳選二百六十一首

元旦

晴光忽轉散春寒佳氣天開妙履端拜舞儘容偷草野文明
豈敢誤儒冠林泉初搢金仙象簾閣深遮亞字闌可許優游
情味足風塵不復事蓬鞍

人日沈樹人招同顧西垣韋象山袁昭遠張湛遠雅集
觀燈

綺席耀方壺投軒入畫圖年華晴七日驛客坐三吳梅柳青
尊度星橋紅袖扶詩書清沈炯雅善執金吾

深秀亭詩集卷之七

一

穀日馮景修招同王明士李賓王韋象山袁昭遠周十
經陳山農徐心在高槎客張松友沈樹人柳思裴宋壽

南唐次山馮楚岑集環秀堂

華堂火樹燄烟羅接席冠裳騷雅多歲稔晴占春乍穩更深
香泛酒微醺風流軼事矜豐玉圖畫前人憶鑑湖半吐月痕
花影碧隔牆鶯語撥笙歌

王巖峙樞部招同趙尊客陳山農沈彥澈袁容軒高槎
客張敦自沈樹人雅集拈韻

濯濯神清鬢也霜僧彌風調軼諸王雲霄夢影輕飄翻臺榭
花時泛碧香坐客可同松竹勁傳烽迺祝焚瀝滅星橋未掣
江城夜欲借笙歌記醉鄉

沈吉士表弟招集兼憶令兄霖蒼

濯濯春光眼倍青一窩香雪齋空庭神仙夢已傳花本翰墨
人還著酒經望去簾衣清晚照坐深牕紙映疎櫺牽情最憶
吳江棹可情歸期算又停

見恒上人以雙蛾感稍遠來索題

畫圖影裏憶空天惆悵滄桑十二年夢破夜寒三島月身輕
風便五湖船重題甫墨留詩卷但傍青山熟芋田寄語溪橋
同散翮松筠可守臥蒼烟

寄李景霖靖江大令

文酒燕臺憶弟兄鱗鴻翻遠隔江聲風塵倦我歸難定絃誦
知君化已成沃土烟生村雨綠晴霞花放印牀明何當帆飽
深秀亭詩集卷之七

樓船過一傾相思五載情

太史高東墅先生招集觀燈

身是紗籠際太平華堂燈火亦文明繁香乍拂移春檻二月
重開不夜城璧鉢人爭軍壘提誰雷酒似怒潮行烟霄帶風
停泉石浪許閒鷗續舊盟

花朝前一日趙尊客沈彥澈陳天用雲高過飲超然山

房分得光字

騷人那肯負韶光結伴尋詩到草堂勝氣已同排趙壁閒居
何福做荀香花神盃許來朝滴竹塢風多白日狂門外豈知
天下事研田只恐鶴無糧

和尊客魚字

何幸門通長者車清流鬚鬢映遊魚英雄事本羞詞賦貧賤
思方身草廬夢境可沉千日酒天涯誰寄數行書惜花大似
調心血不獨春暉奉板輿

和彥澈微字

林泉莫漫說輕肥酒伴應憐老輩稀湖海幾時龍不壯雲霞
何術鶴能飛孤山夢去常如画五柳風高便賦歸預祝芳叢
低晚照綵鈴筍鳥最防微

和天用青字

杖履輕身好一停喬林突屋對遙青祝花有句先澆酒禮塔
當空聽轉鈴翠影画圖高歷歷貧交肝膈互惺惺征鞍尙
遲三月閒過還參相鶴經

深秀亭詩集卷之七

和雲高紅字

花枝故靳怯墻東二月晴林試小紅豈遜風流非吾黨咄嗟
巾幘副愚公吟情天縱看山屐氣听人疑吸酒虹掉臂忽歸
何所見只留題壁待紗籠

暢情軒前幽蘭偶開並頭同人輒赴小飲

當門幽草不尋常玉筍聯枝王者香騷客春衣薰久坐紅燈
綠雨夜飛觴苔痕合寫鴛鴦夢仙佩雙胎翡翠妝池畔藕花
休見妬嬌絲人已笑飛航

俞子開協鎮端木東侯太守李素璞明府高東墅太史
袁昭遠國博容軒大令陳山農董正慶沈樹人三州幕
張敦士上舍孫清問金羽臣韋振齋三明經同集花前

拈得清字遲蔡影龍吳華才施子憲三進士不至

雨後春潮漾尾輕花前小隊午禽鳴客兼豐玉松筠操畫折
層軒襟帶清豈有盤殮供綺席只看裙屐滿柴荆別情如此
方丘壑獨笑同心怕酒兵

高太史東墅先生招同端木東侯太守俞子闈協鎮吳
漢湘張敦自沈樹人雅集拈胎字

十日芳樽兩度來鳳池人已化鷗猜燈光潑坐爭紅杏墨瀟
題牆點綠苔話久月寒城橋近春深香透筆花開明朝更約
尋張緒帶雨肥挑嫩竹胎

拜墓

宿草山丘拜十年孤兒血淚鬚絲懸松楸未暗愁靈爽家園
深秀亭詩集卷之七 四

同關負債懸挂劍尚存門有客眠牛只穩硯爲田前溪昨夜
風雷過不信蛟龍傍釣船

三月三日卽事集修禊帖二首

列坐無修禊清遊亦快然竹風春後長蘭氣暮陰遷詠古文
虛室懷人祝極天信知山水樂放浪託流年

幽興殊和暢虛懷託古今一春嘗水次九曲類山陰風自清
蘭室人當乞竹林盛陳絲管在賢者惠然臨

繡毬花

止遜唇非帶笑看韶華豈惜玉爲囀朝天號國妝全澹耐縞
文君夢不寒月下清流多滿影林間高士撲毬冠瓜分猶足
塗宮額蹴踘場開百寶欄

春園日涉六十絕

環溪高下妥花廊亞字紋多耐夕陽不作草茅寒乞狀老夫
懽上少年場

幽澗新挑走玉龍橋門清影掛蒼松拖筇獨上頻延佇贊貝
微聞隔院鐘

紅粉風流故故嬌微酣卯酒海棠潮先生老去溫柔在倚杖
凝眸聽百勞

隣牆人面艷桃花拖逗輕風泛彩霞若使飛仙乘鶴過也應
首肯此山家

隔歲幽蘭綠玉滋百莖肩比吐春遲安閒清秘如空谷梯几
惟評陶謝詩

深秀亭詩集卷之七 五

曲折花關山釣磯銀鱗穿慣綠苔衣雨絲風片清如許閒看
鷓鴣貼水飛

晨雨新葩澹洗妝紅鮮芽嫩萬千行襟懷空處神仙覺琴硯
閒時性體香

侵曉單巡廊廡香低枝宿鳥啄花忙幽情偏覺如僧舍霜鬢
飄然尺外長

三折溪流竹樹圍鶴坡魚窟浸清輝生機只在幽深處洞壑
無名逸興飛

永綸橋畔水花侵一箇峰頭轉一林活潑宋元詩畫意有人
空翠坐揮琴

徑尺柔枝密更稀藥欄只合種富歸物華小草偏懸象箇箇

香囊著淺緋

蝶醉蜂喧日漸曛墨簾處處捲波紋近來青眼多昏白獨望
龍孫鳳尾分

秀野園芳地百弓鬚眉却看隱簾櫳繁華過眼何曾著無那
春深沁小紅

春晴何處不昭融百和香添一線風耳目居然洞府異誰云
人物擅江東

薔薇鬆抱子驚黃滴露新抽又過牆可惜舊看不見七年
腸斷鏡臺荒

養花天氣好閒居鎮日垂簾伴卷書塵夢豈能生獨醒幽情
偏許躍禽魚

深秀亭詩集

卷之七

六

一雨連宵綠漲肥山坳駭石著雲衣晨餐罷後吹松火自煮
蒙茶闔短扉

貼檻連紋比嫩芽紅潮生暈雨中花披帷悄覺塵烟冷豈是
神仙別有家

半醉微暈暖向花病餘風致未全差何人浪說華陽洞只是
紅塵不可加

穩把瓊卮泛紫霞可能再種十年花家於村郭雲林半座擁
圖書物采奢

古藤梢覆紫雲拖貪放鱗鱗嬌若何我笑柔情癡未老晨興
看到夕陽多

名節修成古木高樓臺有地起東臯清時不諱愚公谷鄭重

安閒長二毛

好風吹後綠波平歷歷花光熾午晴閒到無聊翻不定一身
十畝數經行

穀雨花時眼不貧雕闌新放出爐銀座中適有紅妝至笑向
先生話主臣

曲折循欄次第觀芳葩嫩綠甯生懽壺中日月應無異一寸
心田萬象寬

芳渚烟青略約風燕泥新築帶嫣紅披襟愛坐飛簷下書味
津津茶尾中

久雨初晴濕翠烘迴欄映水十分紅飛禽捎蝶簾衣外柳線
低牽五兩風

深秀亭詩集

卷之七

七

半晌怡情默飲芳仙家舊事想行藏林泉花境管生趣不用
空抄肘後方

獨坐惺然把一壺嬌姿多傍赤闌扶當前飛躍渾無礙何暇
扁舟去五湖

晏蕊柔條覆十弓坐深消受西樓東啼殘笳鳥生機變湧啄
遊絲掛小虫

晴靄無遮蔭轉濃翠濤高駕獨長松廊循巖穴深空客人在
危樓養道容

新汲花甕作意栽軒窗空影矚青胎詩牌茗椀時時換不厭
嘉賓款款來

閒就翻增清課忙晨昏花月費擔當藥爐茶竈經營熟又割

新絲羅鶴糧

乍省烹微綠雨濛股雷不定遠村東蒼髯獨客無塵況靜按
黃庭佛火紅

蒙茸晷雨似山深館宇朝來暗碧陰我意正恬春水活魚見
鳩婦一呼尋

水繞雲根出小橋繡毳雪壓紫藤嬌風篩雨沐背清潤倚檻
徘徊不折腰

風雨聲喧香杜門薰篝佛火一星溫無端老去多生夢獨枕
書床悟病根

添掛簾敝寫影重人今骨聳瘦奇峯幽情芳雨鋪苔綉夾岸
漁歌奏晚鐘

深秀亭詩集

卷之七

八

約約波鱗漂漂峯蕉窗新亞別牙松衝煙翻去空天碧一望
牆圍翠萬重

名卉珍看茁嫩又生機西裡漸交加十年拱把寧難待王謝
庭堦望不奢

側望空天遠水明踈鐘隔院度風輕閒叅若有真消息花雨
樓牀一寸平

楚楚衣冠客不殘每尋松竹問平安舊醅易撥床頭盡補綴
清貧亦大難

綠香深院養晴暉暝坐移時我道肥忽憶宗雷蔬筍會青箱
淨檢水田衣

六時晴雨妙林泉不看雲山便悄眠舊夢豈堪花濺淚新詩

若許酒通禪

幽樹循垣畜小紅窗紗影逗約簾風吟情未許香奩習物態
深撫造化工

短策高登仔細持伏熬修麟爵參差樵青覓我疑無路衣被
雲光坐一時

小雨清晨撥露珠柔風粉浥花鬢釣簾人定亭亭石滌研
支抄鼎出儒

門榜平陰翠不罌廉纖矧雨沍雲濤書帷十幅輕寒動緊撥
龍涎隔火熬

一丘一壑銅烟霞寢食清遊不去家託病交多踈懶絕偷閒
福敢賤貧誇

深秀亭詩集

卷之七

九

臺榭無多臨水紆龍場山秀一花區茶鐺酒醲爲名器傾陸
還招書西厨

柳絮風低燕尾輕小樓香燼熱書檠平心危坐觀元化一尺
銀蟾氣太清

宿雨平明響翠濤深居不厭長蓬蒿漁舟懶貼橫橋過穿寶
雙鱗任一篙

一溪樹影浸蒼蚪倒攬空天百尺樓幽思盡從冷眼見橋門
若鎖月華收

一帶松杉閉亂峰雨深青獻石芙蓉棕亭意欲添低穩急水
源頭聽晚鐘

蔚藍天泛晚霞紅釣艇多歸揚柳風屋角似開平遠西郭河

陽意化關全

有約停樽過晚潮西窗燕雨又蕭蕭情懷此際同遊夢江海
雲天幽思遙

陰晴未定布芳菲水草虫魚轉化機一自閉關延道脉風騷
全澹謝元暉

數椽低檻洞窗紗老樹春深始作花幽到十分圖画曲誰言
紫府遠山家

秘笈丹經農圃書手抄種種積三餘不知更付何人讀超脫
亾兒痛憶渠

留春無計送春還惆悵東皇魂夢間流水落紅風雨後松筠
增護老青山

深秀亭詩集卷之七

初夏四十三絕

庭院深深翠羽寒薰蕙乍展越羅衣客來索戰驚雷英洞曉
蒙山行脚歸

茶蘼花尚燕雛低得雨新篁繞屋齊漸覺北窗閒綠陰翳眉
清影愛臨溪

交半宗雷櫻笋携清言妮妮夕陽西無端束縛因觴政漫聽
黃鸝罵柳堤

燕笋鞭長蠶豆青衙門日啓貢闈丁盤餐卽此尋常味珍錯
何須降蔡經

蘭蕙高抽綠王枝簾紋風通一絲絲晝長人靜無纖事信口
聊拈元白詞

高捲簾衣肆看雲樓西城郭遠青氛置身翻若風濤上謾謾
蒼髯擺此君

海南香氣結清壇敬閣平臨覺曉寒力疾朝真心辨白遙青
空際紫霞端

蛙鼓沿堤灌桔槔秧針麦浪望中慙樵夫勝劣悠然見將雨
呼風捧濁醪

棕鞋羽扇筆牀斑遠自詩僧寄息關問我柳陰書画舫可能
乘輿到廬山

水痕滑比酒波清豆綠新蛙坐葉鳴午睡剛舒雲片黑北窗
有客布揪枰

金衣公子雪衣娘兩兩濃陰屋角傍更喜池塘來勝妾蠻奴
深秀亭詩集卷之七

魚婢放盈筐

栢翠平添刺小窗日長壽帶見雙雙蒲圓獨向青蓮座銷盡
雄心不用降

夜雨蕭騷侵曉稠綠陰深院冷於秋脫綿又着煨香坐何事
閒生身世愁

英雄血淚美人花楚舞江東曬影斜若爲情根不肯笑他
青塚怨黃沙

院筍驚雷犢角穿青梅硬綴比兒拳舊薇露煮松花飯好聽
秧歌插水田

布穀高低催曉村風寒麦秀掩柴門家家兒女殷勤出獨縛
青牛老樹根

低烟宿雨水雪鄉荷葉田田未肯長小樹落紅啼鳥倦博山
爐畔試旗槍

面舫沿堤壓笛行高齋深柳讀書聲一時超忽移清聽抱膝
繩床按墨兵

晴院朝來散綠烟落紅未掃怪僮眠敲門忽報漁師買珠腦
銀鈎石首鮮

擇龍千百起南次落日遲雷送雨師覺有生機清恭足無人
問答味天時

日午淳泓放白萍鈎金蝶板關鬚輕頑僮又髻偷勤覷捲幔
薰風縷縷生

魚子蘭薰一線風銷魂初令惜成翁紫茸叩罷披襟坐往事
深秀亭詩集卷之七

依稀洞府空

北牕枕簟乍安當萱草風披晒麝香整頓留賓能說劍魚羹

酒甕問厨娘

老夫歆枕久虛明竹樹啼禽破五更作意雲盤嘶水口丹丘

小築要經營

稱意書齋改轉新清華那許雜纖塵案頭石齒園朱粉要把

花枝作解人

曉起穿林度水涯詩肩聳帶欲殘花空陰一片閒情惹惻惻

低徊手八叉

田疇雨足釣灘平唳鶴空天老此生忽憶懸揮呼殿客朝回

正踏軟塵行

門庭清宴卽深山何處荒唐鶴班午睡醒來雲氣白落紅
風送滿池灣

土花石葉水花風書帶苔錢翠雨濃魚陣蜂衙穿畫靜小山
平野築新工

落紅風度綠珠魂點易軒高老樹村人謝香山思洛社天留
楚畹長蘭蓀

曲榭紆林送客徐空香不斷撥花鬚探幽愛着盤雲屐甘迤
長懸下澤車

林泉霧隱類鴻蒙焉用文爲視此翁大阮豈能青白換層樓
日照九天紅

百弓隙地北窗涼疊石穿渠細細商要使禽魚遍枕簟臥遊
深秀亭詩集卷之七

清晝尚羲皇

眠雲剔樹小參差硬寫倪迂清秘思妙有臨流低檻漏竹床

獨坐月初時

出水雲頭攬影龍房山北苑濕重重陰晴並荷軒窗綠靜守

書田務墨農

奇雲一朵盡丹丘古木高風暗鵲樓未厭太空磨障礙得開

襟處任嘉休

不根久厭滑稽雄木強如何改阿蒙大智藏中頭尾化無邊

天水具區東

那得朱顏更渥丹偶思小飲索清醺疏渠疊石山川意來日

當償去日殘

大疑小米出山靈望蜀寧當用五丁我法象心思議得長林
豐草閉門青

太湖石座插堯峰只種徂徠三兩松我已白頭松未老匣中
繡鐵豈成龍

傑閣憑臨縱刷翎夕陽紅映遠峰青雞豚適有東隣約若下
詠諧揖歲星

臺榭風光曉洞開支筇掉臂特先來鮮卑竈婢長鬚僕那得
能供驅策才

玫瑰飛蛾細暖煨小窻頻勸酌金壺雲霞欲近神仙路熱血
雄心未可灰

壽祝際庵太守

深秀亭詩集卷之七

南

三載龍黃報最成每登簾閣見風清芳葩座繞閒琴鶴

特簡天高寵旆旌絃誦已培時雨澤鯨波却望護堤平青尊
黑髮儲公輔鳳翮雲霄况遠鳴

祝李天木大令時方閒住

偶得閒身聽曉鐘藥欄新雨滴猩紅官如幻影何嫌澹祿在
慈幃不諱窮清潤桑麻三島外健看麟鳳五雲中蒼生屬望
殊饑渴借寇還期江海東

董正度招李素璞天木兩大令賓王侍御同集

綠陰冉冉壓琴樓休沐官多拜醉候祖德 九重師翰墨人
情百折恨吳鉤斜陽香撲茶蘼架濕翠潮生杜若洲劈面浮
屠青佛火與僮歸路亦清遊

樹德堂前紫藤一本剪裁歲久老幹奇古枝蔓盡掃花
時陰覆屋牖穠穠嬌冶絕不寄人籬落遊觀者至侈爲
僅見拈得四絕

誰敢當前喚紫雲曼陀妝就傲拖裙蜂鬚蝶粉齊喧訝不似
攀條附夕暉

香粉濃陰覆八埒鵲鵲么鳳墜青蓮春華大有溫柔夢消得
閒居醉綺筵

櫻筍盤餐好殷春女牆誰降紫姑神嬌姿偏綴虬龍格羞煞
繩牽委下陳

紛靡步幃特浮誇綢綬何須若若耶晴月夜連雲氣望畫圖
身已對龍紗

深秀亭詩集卷之七

十五

午日卽事集杜三十二絕

才微歲老尚虛名客至從嘆不出迎白日放歌須縱酒澹雲
疎雨過江城

幽棲地僻經過少五月江深草閣寒一飯未曾留俗客匣琴
流水自須彈

嫩蕊濃花滿日斑東來紫氣滿函關神仙中人不易得詩卷
長留天地間

日日江樓坐翠微暫時相賞莫相違且看欲盡花經眼天上
浮雲如白衣

自斷此生休問天中間消息兩茫然一雙白魚不受釣沙上
鳬雛傍母眠

離中秀色画屏紆種杏仙家近白榆縱飲久併人共棄柴門

擁樹向千株

但見羣鷗日日來片雲何意傍琴臺新松恨不高千尺嫩蕊

商量細細開

歎息人間萬事非行雲莫自濕仙衣郊扉俗遠長幽寂老去

親知見面稀

風妬紅花却倒吹不爭好惡莫相疑青山落日江湖白清簾

疎簾看弈碁

男兒性命絕可憐五月彷彿聞繁蟬安得如鳥有羽翅一行

白鷺上青天

曾爲樛史趨三輔復憶襄陽孟浩然豈有文章驚海內將詩

深秀亭詩集

卷之七

十六

不必萬人傳

清江一曲把村流須向山陰上小舟顧我老非題柱客人間

不解重驂駒

片片輕鷗下急湍老農何有罄交懽百年地僻柴門迥信有

人間行路難

小徑并堂舊不斜爲園須似邵平瓜惡風白浪何嗟及且盡

芳尊戀物華

雲水長和岳嶼青何人道有少微星或看翡翠蘭蓀上色過

棕亭入草亭

何用浮名絆此身纔傾一盞卽醺人落花遊絲白日靜但覺

高歌有鬼神

卽看燕子入山扉點水蜻蜓款款飛窮巷悄然車馬絕不妨
遊子菱荷衣

野水春來更接連舉觴白眼望青天舊來好事今能否蝦菜

忘歸范蠡船

戶牖憑高發興新已知仙客意相親側身天地更懷古海鶴

堦前鳴向人

消息真傳解我憂一雙鴻鵠對沉浮蜜蜂蝴蝶皆情性長夏

江村事事幽

堂西筍長別開門共醉終同臥竹根誰爲朝來不作意諸峯

羅列似兒孫

湖上林風相與清柴門密掩斷人行致身福地何蕭爽肯信

深秀亭詩集

卷之七

十七

我來史隱名

可愛深紅間淺紅凡今誰是出群雄久爲野客尋幽慣墮石

何時到海東

獨立蒼茫自詠詩彼蒼回幹人得知酒闌却憶十年事物色

生能幾幾時

白白江魚入饌來殘花悵望近人開不嫌野外無供給軍令

分明數舉盃

問柳尋花至野亭渚蒲牙白水荇青故人情味晚誰似方朔

虛傳是歲星

南有龍湫北虎溪居人不自解東西穿花蛺蝶深深見自在

嬌鶯恰恰啼

腰下寶玦青珊瑚與奴白飯馬青芻感君意氣無所惜邂逅
豈卽非良圖

誰家數去酒盃寬乘興還來看藥欄江鶴巧當幽澗浴花邊
立馬簇金鞍

強擬晴天理釣絲樹枝有鳥亂鳴時諸天合在藤蘿外更憶
衡陽董鍊師

隔葉黃鸝空好音許身愧比雙南金滄波老樹性所愛風雨
時時龍一吟

爐烟細細駐遊絲酒肉如山又一時拜跪題封賀端午天顏
有喜近臣知

送姚闥珠明經入都

深秀亭詩集卷之七

十八

十年三逐帝城春一片離愁萬斛塵那得琴尊無涕淚何
曾魂魄不君親眠隔路浸烟波濶矮屋花深風雨新我自
偷安爾驟貴青雲只望有全人

得子

半百年過二雄啼試一聽青細未可廢白燕若爲靈迸笋抽
新雨晴萱護晚庭敢忘忠與孝耕鑿願成丁

樊光祿書山過訪奉酬卽用送別三首

賢裔維揚俊君家兄弟多肝腸明報國里巷說鳴珂月白鷺
濤上花香載酒過廿年深夢想塵跡愧蹉跎
何意柴門柳來停書畫船推琴忙倒屣撥火活烹泉問答無
倫次流連恆坐眠難兄方入補我道在經權

未免蒼生淚空消黑髮心滿船明月去孤嶼大江深已聽華
亭鶴能圖鄧尉林秋涼清透骨爲慎曉烟侵

詠池中並頭蓮時小子兆蓮恰當彌月次趙高士雙白
韻

豈有靈根迥不同雙翻太液水波紅物華天放金鱗上矚望
人驚香國中耀彩影重齊向日傾心露合曉含風石欄榜約
園丁客莫散鴛鴦理釣筒

中秋卽事二首

一片清風萬里秋月華如水上南樓當風襟帶香何出入畫
林泉夜轉幽巖鬢鬢貧朋樟老格樽蟲絲竹散輕愁黃雲漸被
豐登象容得眠鷗穩綠洲

深秀亭詩集卷之七

九

王簪露滴小山枝白透虛堂夜半時短榻誰家通弄笛空天
有客對吟詩霓裳冷艷終難見鶴筆清修豈伏雌顧影自高
書悅靜曾無魂夢思紛馳

嚴敷五明經自吳興過訪

可惜新涼去半秋無人能共梳瓊樓客從浮玉山前到丹刺
空林竹外幽把臂互憐同老大等身端笑著窮愁濁醪不厭
留晨夕回壁環廊抵十州

秦望山莊花朝卽事次李琴山韻

年年芳信羅裙展惆悵烟寒春較遲燕子樓前簾不捲塵無
夢裏蝶還知東山曾負平原約盤谷空題歸去辭獨有素車
白馬淚長淮日薄老臣思

次屠尹和司馬十新韻

新月

鈎簾明乍見滌影薄於冰雲斷風千里天青玉一稜墻陰啼
謝豹樓角挂蒼藤爲愛憑闌久鬚眉映水澄

新晴

空翠穿林出修翎掠岸鳴詩僧雙屐到漲影一帆明苔髮堦
墀綠花鬚風日輕九峯螺黛滴畫閣繞江城

新燕

剪雨爭花片穿簾引竹孫羽毛輕葉舉棟宇傍人喧隔歲來
歸路芳春戀舊恩最憐王謝去柳眼換江邛

新鶯

深秀亭詩集卷之七
巧作笙簧滑移情轉穆如天桃春正淺弱柳暖纔舒曉閣凝
妝後芳樽對客餘一林風細細兩兩送徐徐

新柳

夾岸搓垂線擡風疊軟波酒旗颺客路村店隔盤礫畫舫移
初密雛鶯踏漸多天涯無限樹其奈別情何

新荷

雨歇微波面風清五畝居平田剛似貼把卷未全舒漸覺藏
窺鷺何曾礙躍魚日華薰滴露有客味詩餘

新漲

鵝鵲爭拍浴一夜響奔流漁火寒虛榭蓬窗上綠洲晴空明
月魄影動画簾鈎始信天光濶江湖多勝遊

新篁

雨足簷簷谷春深鳳尾尖松杉陰共碧燕雀晚頻添隙地平
敲葉空亭暗拂檐帷燈清寫影高節透重簾

新草

一片晴薰色柴門接遠村車茵輕滑路驟粉戀芳魂漸沒音
衣縫微侵股齒痕擴清當有待靡蔓不容存

新茶

蟹眼驚雷茨剛嘗櫻笋天細詮陸羽訣消買惠山泉熟煮知
輕重封題較後先文園方病渴兩腋轉翛然

賦得鳩燕鶯鴻鶴鸛鵲和南安祝太守

呼晴綠暗午橋莊春社重來王謝堂滑透笙簧驚夢夢還從

深秀亭詩集卷之七

二

關塞戒征行騎歸仙子緱山夕立向伊人積岸香惟有蜀魂
哀怨切血痕愁聽五更霜

過蓮生禪院

入畫烟雲象外秋橋陰木末瞰溪樓閒支野客嘗新葵小住
山僧信白頭香稻熟齊紅蓼岸眠鷗低隔釣魚舟浮名何用

風塵黑冷澹宗雷不易求

野步

縱目不知遠身輕仗好秋平橋花濕岸貼樹鳥遮樓寺古僧
雛出村空漁父浮良農傷穀賤翻歎指豐收

九日張望齋元侯登紫虛閣惠顧超然山房卽事八首
何意登高興能攀第一流鄴侯原入道鈴閣忽清遊郊外旌

旂色林間松菊秋晴薰方近午伏謁滿田疇

小隊遙呼淺停車散步來籜冠初指路羽扇獨登臺杭稻周
原熟芙蓉溪岸開察骨先問歲民命荷栽培

目送飛鴻外襟披積翠中把書聊倚檻援筆驟驚風榆柳村
烟白幡幢佛火紅一時田野趣翻覺動王公

雙槳穿橋滑方池躍浪高魚頭爭石窟天影活溪毛舊擊還
弛網權投徧潤醪鵝鵠來又去獨喜避鳥號

更轉闌干曲巖虛疊小門不嫌縫掖賤直踏股肱尊蟹眼磁
甌焚霜皮山菓盆恭陪親色笑許揖是推恩

細領經邦論清勤客 聖明擎天儲卜相熱血在蒼生書卷
鬚眉氣神仙洞府情自頽慚小草松下長重萌

深秀亭詩集卷之七

三

絲竹俄揮去林梢報月涼層軒憑遠燭碧淵映微茫畫壁蕉
陰大紋窗桂露黃詩懷殊澹蕩候吏貼料牀

敢負開尊約騷壇懽大巫黃花秋萬狀紫蟹味三吳
宸翰懸新築柴門憶邵夫飯心端久切涓滴赴江湖

次元侯原韻二首

溪山情不淺燕許曲彌高小閣青遙郭雙鳬引一初霜苞金
在菊節物鹿爲僞慚愧參軍座深酣公瑾醪

空亭昏似曉晴月爽偏幽魚鳥知誰樂林泉不定秋懸燈聊
綯綯揮塵絕風流若問凌烟繪侯封世本留

秋晴漫興二十首

百頃黃雲極目一行白鷺經天送菊船移荻岬題詩僧寄雲

箋

薛石斑生虎豹雲霞時染江山客散空庭竹影鶯啼隔院松
關

風定鳥窺書案天空潮打漁磯消却沉烟一縷常關無事雙
扉

黑髮心空白社青山人老黃冠著相都非本色忌機只合投
閒

小史忽通蕭理蒼頭慣達詩筒清課幾爲寢食閒愁或掃癡
聲

老樹冷侵潭影疎籬遠折牆陰鷗路無塵可到僧房有客閒
尋

深秀亭詩集卷之七

三

霜樹柑垂佛手翠屏菊放僧鞋風動簾鉤羽扇芳傳茗碗詩
牌

石罅小穿黃蝶積根低趁青蛙絕壑撐沈墨骨女牆綴點絳
葩

別去枯藤黃面傳來序雁雙魚冷澹自尋生活疎慵誰伴居
諸

繡襦雄看跳虎媚帟健笑扶鳩樹遠亭亭別墅山青面面紅
樓

綈几只磨古硯膽瓶換插新花可惜重陽前後儘拚爛醉生
涯

風後小山金粟霜前夾岸紅顏家在色香空際人疑圖畫其

間

涵詠陶詩一卷傾消阮酒盈厨那肯憑誰失筭何嘗不自稱

迂

問字人來看竹栽花身戀板輿地僻夢除廊廟囊空飽得圖書

荻岸花掀乾雪蓬窗風遞空香說餅當鎡茅店又魚拾蟹鷗

庄

葉底穿渠魚婢墻頭捕蝶狸奴過眼無端閒競安心不是禪

枯

碧澗淺浮小鳥斜陽遙度疎鐘黃透一林橘柚開齊三醉芙蓉

蓉

深秀亭詩集

卷之七

三西

苔髮綠沈淺壑松針硬觸奇峯獨鶴昂昂林表雙鴻嚦嚦雲

蹤

野水雲瀾北郭塔鈴風振西林樵路草噴花氣漁家昏曉牀

陰

書帶青交鳳尾玉簪斜插鷄冠畫壁幾重烟靄環溪十二欄

干

清夜

薄醉霜林晚全家圖畫遊樓臺涵月魄燈火射簾鉤樓閣驚還定寒花怯半收空靈誰妙手滌墨滿牆頭

載樹

披霜催鼓棹落月動寒川爲約移山菓能無破酒錢閒情老

圖占妙理豪駝傳肯使傷枝葉盤根豈偶然

寄張碧城真人

隔歲趣朝過驛樓旌旗曾憶到林丘留侯漢祚尊千古潘鬢詩城誤百憂可有笙歌三島出能無雲鶴五湖遊飯心味摘司香吏葛井何時玉乳求

冬晴漫興二十五首

禿樹高烘夕照危樓遠罩寒烟攬鏡絲添半百懷人路隔三千

沙嘴喧排雁陣柴門綠繞蔬枰閒訪空山古德修談舊事陪

京

白社憑誰龍象青山老我松筠奇想忽開謝朓殘編只味劉

深秀亭詩集

卷之七

二五

黃

天竹密圍猩血黃梅肥刺金鈴清秘香生墨本光華紋閃窗

櫺

半幅雲窩小米數行酒力顛張按筆珊瑚架上舉帷翡翠樓

旁

亞字高低百折魚鱗掩映千層瘦盡遮山黃葉強留挂壁枯

藤

鐵幹星星著蕊羅紋卷卷舒心物候忻披趙日詩懷潛寫稻

琴

盆石小屯丘壑瓶花療俗參苓劍氣鬚眉楚楚書田滋味惺

惺

父執猶傳祖德貧交都作儒官風格晚推王謝緒餘早薄申

韓
古栢森森翠蓋丹楓葉葉霜花竹院停看壽帶山厨盛出胡

菜圃挑謀旨蓄村春辦悉新翳鬚鬚宗盟有幾泉林居士何

求
牛背雅容鴉鵲船頭互穩漁眠一老筇拖崖岸數家門瞰溪

烟
客到檣頭鳴嘴盤胎席面鷄蹤爲話風塵薄宦全輸耕鑿明

農
蘭室綠成楚晚書牀淹得吳蒙鶴步踏翻竹影雀聲啞出松

風
溪秀亭詩集卷之七
三六
魚沫細噴石筍蜂衙暖護花梢何必憑空咄咄殊安其覺于

于
列岫硬蹲駭獸喬枝競蓋修鱗墻角無陰不盡几頭何物稱

珍
朔氣嚴回霜暖夕陽紅趁鴉青無事客消殘局有情花剩空

亭
黃葉村南野叟白龍洞左山僧軟語請嘗箸果虛懷求寫茶

經
年少禍才賈傳時危福鎮年公治亂豈爭口舌高卑絕笑禽

蟲

喫雉終非鷺鷥眠牛懶睇驕驕造化小兒多事太空老子無

謀
石徑掃除落葉紙窗輝挹清葩撲座靜諳蘭麝臨池疾走龍

蛇
曲檻偷滋勁草餘波淺喋雛鷗生意動關冷眼貧家還典蒙

裘
問渡家家貫酒沿村樹樹啼烏事去夢安衾影人今名落江

湖
大獵威行沙漠蠲租恩沛東南幕府令嚴執伍與情望幸呼

三
黃閣容休二老圖屏轉鑑勞臣宛平桐城兩相國同時予霜

溪秀亭詩集卷之七
三七
雪幸消雨露烟霞好謝風塵

題畫十絕
山翠濛濛濕未分柳條初蘸綠波勻推牕特有前村約不覺

香風帶夕曛
峭壁巉巖烟靄深梅花菴跡有誰辨科頭獨向青天表欲聽

蒼乳太古音
結得眉軒占小坡松筠曲曲覆烟蘿掩節偶出無人坐止貼

輕帆遠近多
雨後修林葉轉稜苔痕石齒一層層空亭野雀閒飛盡裙屐

香消香未登
澄波潮影滑於油楓葉蘆花瑟瑟秋一幅篷窗趺坐穩垂綸

終日狎沙鷗

百頃雲濤萬仞峯模糊一味積陰濃數家門巷春林罨若向
環溪有臥龍

竹影暗通流澗松針冷刺晴烟空外似聞鶴唳坡前却見雲
眠

路不厭紆屋不在整密陰遙青日長山靜

老去秋林學大癡山川留得杜陵詩鼠鬚慣作丹黃伎欲向
何人換酒卮

望歲衝寒酒力溫瓊瑤萬疊壓孤村關山尚有難行客那得
黃昏易掩門

至夕劉正凝孝廉招飲范志堂

深秀亭詩集卷之七

二天

驚世才誰似穆之風濤百里動相思溫情不減投寒夜壯志
何堪說舊時剪燭敲枰於玉樹令子七闌爐列照金卮城餘通弄

頭近接樓船鼓橫海旌旗但權司

登丹鳳樓

曉日高風雙眼開賓從聊引一登臺廿年重愧來繼掖萬事

徒灰念草萊薄海魚龍輕出沒危檣魂魄費驚猜環城冠蓋

瞻雄踞誰是朝陽命世才

謁恭定公特祠

霜稜鐵面凜前人伏謁重瞻廟貌新族叔修盛代夔龍尊海

嶽空林鐘聞薦藁頤擊天樑棟今誰勁奕葉衣冠不諱貧屋

角曾聞棲老鶴蕭疎裂拍迥無隣

陸鶴坡茂才竹素山房集飲卽事四首

門巷烏衣舊林泉積翠寒別驚十九載夢繞百千端拜石全
無恙登臺益大觀風塵那肯出道味只吟安

絕壁穿橋曲危峰劈面高竹欄搖客影簾閣打松濤百折虬
藤骨交侵霜蘚毛不嫌孤嶼小問渡隔漁篙

編籬花岍窄跨水月墻低盡牽風柳奇遮入座山藥欄春
可想墨海福能閒已破京華夢何愁不駐顏

重陰俄四射燈火上華堂玉瓚流金液牙籤疊錦牀細忝肝
膈語清引麝蘭香最羨凌雲翮塔前三鳳長

深秀亭詩集卷之七

二天

深秀亭詩集卷之八目

元旦

歲朝對菊

徐文學日章招集

人日

送霖洽上人閉關

哭母

贈天台周漁山

小子

李系輔郡司馬見訪

舟行

題画

龍潭夜泊

過優曇禪院

青溪早發

千墩晚泊

玉峰道中

唯亭道中

虎丘晚步

山塘夜泊

望亭道中

深秀亭詩集卷之八目

泉酒

雨中過梁溪

洛社

曉望惠山

橫林

秋吟

輿陵夜月

寄王新侯

雲陽舟次遇董純叔郡丞

夜半

三義閣

雲陽道中

丹徒

舟次遇周燕客時署郡篆

渡江

京口夜泊

瓜步

金山曉望

茱萸灣

廣陵夜宿

邵伯鎮

鳳凰橋

露筋廟

雨中過秦郵

六安開口得雲岫兄信

界首驛

泛水

暮行

寶應夜宿

銀鯽

丹次淮陰

漂母祠

韓侯釣臺

淮關坐雨

疾風

河魚

清江浦

夜泊

郭雨

渡河

河堤卽事

崔鎮坐雪

宿遷遠眺

下相城

深秀亭詩集卷之八目

寄南霽岑分府

圯橋

寄陳北溟海州牧

寄裴循卓分府

下邳

姚灣口夜泊

慘目

貓兒窩

徐塘口

馬庄集

霜月

晚眺

夢面

雙樹

離水

韓莊

赤山

魚市

龍華寺

枕上過夏鎮

南陽觀浦魚

雙雉

白鳥	馬家口
慈音閣	曉寒
曉山	蘆花
暮抵南陽鎮	夜過棗林
魯橋	仲家淺
石佛寺	哭李王卷外韻
早抵濟寧	與何讀山大令話舊
懷何魯田孝廉	寄懷白子美館陶大令
聞魏蒼石太守	南池
太白酒樓	宿康莊驛
過汶上	宿東平州
溪亭詩集卷之八目	三
陽古店	東阿夜宿
銅城驛	在平早發
新店	高唐州
腰站	津期店
恩縣感懷	宿苦水舖
偶憶	景州止宿
寄祖夢巖州牧	寄朱令綬大令
繡野堂	阜城道中
閔子祠	富莊驛宿
交河道中	單家橋感舊
王口獻縣	福泉寺

日華宮故址	僧家奏樂
賦得酒渴愛江清	獻學古槐
桐案頭雀屏	銀條菜
曉寒	謁河間獻王墓
麟塚	萬春山
乞杖	獻縣雜詩
南家林	初至河間寓臥雲庵
思園	月夜踏水
許芳士太守招集	張少尹小萊
資勝寺	魯廼唐酒
瀛臺	張雲門
溪亭詩集卷之八目	廉貽各種佳蔬
四	
懶起	魯復具酒添肴核來
許太守對酌言懷	臥佛堂
任疎齋大令署飲	與任大人論詩
寄寶坻大令薛孟侯	寄密雲令周鐵門
雪朝	憶湖兒
黃即	任疎齋大令雪夜招集
次疎齋秋吟八韵	秋月
秋露	秋風
秋水	秋柳
秋桐	秋燕
秋蟬	郭桐閣郡丞見訪

留別任大令

飲吳式平大令齋

獻縣楊岫雲大令招集

留別錢翼堂

東辭吳照若孝廉

留別如齡

王書子盛兩族姪遠送單橋

黃河崖

平原道中

禹城早發

宿晏城驛

齊河橋

潘村

崗山驛

立春前一日

安阜店

宿泰安州

宿羊流集

新泰道中

卽事

宿蒙陰縣

獵

深秀亭詩集卷之八目

五

蒙山

沂山

青陀寺遇王麟照孝廉

薄暮

沂州道上

宿李家莊

郯城縣

馬陵山

果園

有客

雪意

紅花埠

仁和集

頽楊

早春

衆興集

魚溝

謝南齊分府

危堤

河堤憫眺

看挑運河

宿管城縣

夢醒

河堤

小除夕宿高郵州

以酒徧醉旅舍同行者

除夕維揚舟次

深秀亭詩集卷之八目

六

深秀亭詩集卷之八

雲間潘鍾麟層峰

康熙四十一年壬午選二百六十七首

元旦

秉燭燃爐作意紅衣冠聊整舊江東松筠有母閒居賦廊廟
誰師黃石公遙望泰階朝帝座徐開清秘檢詩筒金星硯試
隄糜汁香到初番花信風

歲朝對菊

履端清霽繹陶詩絕訝東籬剩一枝傲態特存霜雪操秋英
轉發歲寒姿云窻蠟本梅同勁荷座金黃杯乍持爲祝萱親
香晚節銀瓶高挿貯流澌

深秀亭詩集卷之八

徐文學口章招集高會堂

名祖江河氣可吞華堂重展見英孫鬚眉雅愧居前席梅雪
空香通遠村蒿指霜酣凝蠟本屏留石劃古釵痕琉璃硯匣
珊瑚架飽讀遺書亦舊恩

八日飲葉文學客士馮上舍景修齋

暖放梅花抵雪晴觴飛客座已春生百年玩世驚過半萬事
輸人愧不成僻嗜圖書開洞室漫聽絲竹動江城青驄直筆
尋常在感說前朝忠孝名

詞李東阜侍郎高東野
太史共論南嶺先生

送霽洽上人閉關

浮踪何處託安禪小住爲佳且息肩苦徑乍封明月座芒鞋
不向白雲巔從他門戶空饒舌那得風波信繫船慚愧征途

車馬跡低倉無限劇堪憐

哭母十二首

皇天不我覆厚地不我平嘔血索夢寐痛淚隔死生哀哀茹
荼母育我鬚眉成豚犬劇貧賤山澤遺世榮憂傷以終老積
魯其何盈

古柏凜勁節修竹明貞心冰霜三十載寡鵠鳴悲音堂北竟
日坐輿從偶花陰強笑顧兒女抑鬱轉自深

憶在乙亥夏結束上京華我母勉慰藉聿念祖與爺忠孝陋
章句招徠竭貧家及鋒苟可用民社職非賒忍淚不敢出衷
曲亂如麻同行挈中表孤帆張晚霞

水陸馳兩月客舍賃僧房名虛作選人僕馬愁空囊積薪不

深秀亭詩集卷之八

二

可展志氣誰能揚公卿雅採望折節羅飛觴肝膽露晨夕補
衮出縫裳魚雁輒數紙魂夢繞故鄉

故鄉三千里念母缺奉養病婦苦莫支腰婢周快快嬌惟風
燭人翻勤察影響陰靈攝然旗怒雨倒沆濟比屋傾頽震蛟

龍關土壤母起中夜立牽媳伏抱掌死生縱一處勿落魚
網天明幸瞳口大患得常助心悽拆家郵此事寒里冀施病

久且延母壽命忽往吁嗟老孤兒憔悴哀薦亨

欲歸母不許久客母復語裝敝黃金鑿身老待時女捉刀慕
見徵吐握託心膂鐵蹄走晉陽山路竄松鼠驛使飛塵來河
水殺逆旅保障外臺者丹旄已空舉亟返扶淨痕歲寒尋素
侶

數樣客座滿斗酒呼莫緩一騎列炬紅促我赴行館便殿奏
短摺老臣合 唐算莫安忍昏墊國帑百萬散星馳街
帝命汗血揮霖潯築堤踰崇塘鑿渠防潦旱沈甌晨炊興水
怪撚犀斷功成歸羣工退讓守迂誕

天子嘉王曾正色能持節復寄千里命佐理監熱血九月交
河北駢駢響踏鐵魏震弔銅雀濁漳根截嶸聚米細區畫凸
凹定疏決風雪拍歸鞍廷議格同別元老還謝事南帆我高
揭

輕舟達兩後星火亂柴門母從夢中起含笑速開尊下牀頷
我拜北面頌

君恩路票無倫次但覺圍爐溫舉篋指參朮抱疴可除根注
宋秀亭詩集卷之八

日展面復肥瘦爲手捫

勿藥既有喜介壽政七十買山閒居旁拮据費修葺母也整
幃幃麟解補梵笈脫粟飯黃冠瞻斗逼呼吸鐘磬散清風蒼
翠撲輕襲母知兒恩意神力會有及衰倦獲強撐子姓看闌
集絕勝沸絲竹提鼻免深蟄

今春燈月夜梅芳白於雪水墨妙莊嚴喃喃口不輟越日條
微笑若有青鳥說伏枕聊示厭嘗藥不肯咽至戚代我愁舉
空惘鬱結母喚而孫來摩頂頰諄切瞑目逝吉祥佛火輝空
滅蹕蹕那得聞痛深凝滴血罔極生我恩天地慘陷缺
麻衣猛刀脊古塊硬於石恍惚見母來近之却遠格亦知母
不生神靈宛如昔失聲慟母前總帳遮粉白慚愧靡繼揚哀

戀徒自責

贈天台周漁山百歲道翁二首

獨鶴猶龍老益輕一腔忠憤終關情鬚眉不打嚴霜雪著述
奇爭響甲兵天下誰人容結薇山中何樹大葆嬰百年我尚
輪公半話聽前朝惜後生

藥前深處踏青山賦讀天台夢想間杖履清風偏特覲神仙
熱血幾曾慳輕裝短鐵牀頭躍沈醉雙扉雨後關只恐行雲
留不住笙歌忽駕步虛班

小子

小子方維語公然氣食牛投懷躍更去見客喜淹留梨東時
雄摠詩書未曉求笑啼皆莫定真性與天遊

宋秀亭詩集卷之八

四

李系輔郡司馬攝篆雲邑急往見訪

龍門仙骨不尋常視策頻推撫字良襟帶路何秋水潤村原
風透稻花香蠲租恩豈無星檄破柱威須伏電鉉懽悻悻居
鷗鷺外旌旄遙賞荷輝光

舟行卽事四絕

十里壬涇百折兩窮蓬空外畫圖秋漁得晴曉楓林下閒看
潮平拍浪鷗

曲岸風迴水氣吞竹陰深壓小柴門居僧浪出曾何事却見
拖筇黃葉村

載菊人來泛野航臨風襟袖撲清霜凝眸最愛齊眉過粉面
西施五尺長

望裏晴又日脚紅漁歌隱隱出盤龍斜橋東處潮偏急倚闌
空林打暮鐘

題畫五絕

客路分明過此山層樓高插萬松間僧拖竹杖空陰濕門聽
流泉白日閒

何必風帆去五湖一篙春水滑於酥赤欄橋畔斜陽外酒市
人同鷺燕呼

錦樹晴烘夾岸秋憑陵石堦城危樓樓頭有客閒詩話占得

江山第一流

溪烟冷出山樹影濃遮屋路向晚晴開香空新雨沐

騎驢徑轉幽飼鶴人歸晚落瓣面清流奇雲腰絕巘

溪秀亭詩集卷之八

五

龍潭夜泊

已作江湖客蓬窓風雨多樽鼎深勸勞鬢髮惜蹉跎業豈干
秋在情其一往何燭花龍眼大偏映劍光磨

過優曇禪院

繫艇登初地披林得遠山僧如村女弱烏探客情閒茗椀空
廊熱香烟古佛斑夕陽開色相都在水雲間

青溪早發

霜葉風前活銀濤雨後新低聲和舫妾遠火索漁人斷夢疎
鐘減餘香撲被親修途憐始達未怕客囊貧

千墩晚泊

遠水低空影孤村白晚烟迎舟吹犬逗隔嶼浪鷗眠蒲柳蕭

蕭外漁樵隱邊滿斟燒燭坐聊把一殘編

玉峰道中

水市寒烟白城樓霜葉紅看山酣卯酒拍岸挂長風甲族東
南少鄉情吳越通所知皆遠隔不及問詩筒

唯亭道中

十月晴霜暖輕帆逐浪來人烟都夾岸蒲草熟編材佳製淮
南術清齋剖印坏垂楊門傍下每到一徘徊

虎丘晚步二首

肯負登臨約停棹乘燭遊空亭高客影新月上簾鉤酒肆花
當石松梢僧倚樓畫圖蒼翠趣冷向劍池收

霜氣千人石燈光短簿祠名山幽入夜佳客慣尋詩閃爍看

溪秀亭詩集卷之八

木

難定徘徊去復遲塔鈴風轉細鵲動最高枝

山塘夜泊

照水燒燈出平樓畫舫多傳聲齊望

幸靜夜起喧歌花氣衣香近詩懷酒力和高眠何不穩抵抵

柳條拖

望亭道中

柔艣曉風尖驚濤細雨添魚蝦爭小市榆柳縛青帘書卷牀
頭倦茶香舌本恬何人喧奪路氣岸盡輟鈴

雨中過梁溪

可惜清遊地危橋冒雨開山烟沈竹樹水氣浴樓臺十月寒
猶淺孤踪怯不才糟牀多舊識端費杖頭來

泉酒

味以清爲聖醅從三歲儲山塘開北屋客座把攤書風雨殘
更度鬚眉薄醉餘僕人皆作瑞寧可食無魚

曉望惠山

繫棹循山麓何曾厭石尤松杉明遠客鐘磬隔崇樓地脉流
泉活園林王謝欄一經

宸翰揭消渴拜公侯

洛社

一帶荒村落何緣得美名驚魚鳴社鼓叱犢老屯兵門傍津
梁滑人安貧賤生日中無可市慣逐看危旌

秋吟

深秀亭詩集卷之八

七

有客來陽溪封題焙上乘香先占裏簞烹便急挑燈天趣憑
空別詩脾徹底澄如從清夜後新月對高僧

橫林

把盞十分斟沈烟一縷侵寒風牽密舫斜日過橫林土廟雞
豚雜津橋門巷深王章曾有約惆悵莫招尋

寄懷王新侯

燕市燈花熱吳江楓葉紅飄零南北後去住夢魂中何計消
貧賤參謀亦事功橫林五畝宅夜月聽飛鴻

毘陵夜月

潮影初更潤霜華一寸寒躍魚頻檻側叫雁過城端猛吸玻
璃盞空彈貢禹冠連橋多少客款款話迎鑾

夜半

夜半鳴榔發吳歛貼枕聽寒潮春月窟清夢落江亭身世輕
浮甚霜風貧賤經雲陽忽在望林際逗疎星

雲陽舟次遇董純叔郡丞

古岸環城下輕橈濁浪中相逢一執手惆悵數臨風沙草清
霜白津樓落葉紅六蜚知命駕望澤滿江東

雲陽道中

水陸交衝驛平生來去多潮痕崩赤土沙嘴突荒坡斜日炊
烟短腥風曉網拖倉皇長吏出修築事如何

三義閣

古驛存香火驚濤拜舳艫人心思翊漢廟貌肅吞吳骨月君
深秀亭詩集卷之八

八

臣際乾坤道義扶歲寒松柏勁落日點啼烏

舟次遇周燕客時署郡篆

客路方趨北歸旌却指南鶴琴聊借看風月不嫌談門戶憐
童穉江鄉怨老慈鯨波驚海若民命待呼三

丹徒

鉅鎮繁生商風烟鎖上流懸崖高作市赤芥不生洲檣艫喧
晴照曾林足晚收新豐三十里豚酒總當頭

京口夜泊

鎖鑰嚴城重咽喉天塹竟刁霜寒警夜林火動危瀾對客披
裘坐開尊倚棹看巡行雄帳殿間列水犀盤

渡江

擊楫占風正揚舫鴻月高金山明翠黛鐵甕直旌旄枕簟香
何貼角龍影不挑炊烟今未起曉色辨纖毫

金山曉望

險插龍窟晴空鏡水烟法輪新

層藻金碧約江天沙鳥風帆疾松濤石溜穿登臨惜未遂邊
聯增鈴前

瓜步

約伴平聯艇憑欄信沸濤無人閒琢句有僕臥吹簫狐腋風
猶捲蘭膏手自燒廣陵看咫尺客况似凌霄

廣陵夜宿

又泊隋堤月香風散鼓吹遙情深一往幽夢憶前期畫影難
深秀亭詩集卷之八

九

櫓折樓船燈火移

朱黃灣

楊柳園新築風烟愛古灣橋帆鷗鷺外門巷畫圖間水薄烘
晴照天清壓遠山牽漁都向我忙過却看閒

鳳凰橋

觸目輝延頸奔濤日夜鳴危隄欄一綫新榜揭嘉名遠翻張
帆勢低行過雁情平成臨

萬乘龍馬躍來輕

邵伯鎮

崇比烟屯地驚心輒杞憂攤錢爭估舶拍岸齒橫流梁稻江

淮足魚鰕蘆荻秋晴空皆濕土極目水雲稠

露筋廟

一夕千秋活筋疲志不移鬚眉甘下拜舊桂豈難爲寢殿清
霜氣孤鴻落日悲土花新雨濕滾滾繞穹碑

雨中過秦郵

急續征晨雨烟光單午濃孤城寒水國濁浪鬪魚龍昏塾
宸衷切豐登比歲重哀鴻歸擊壤春插抵村春

六安閘口得雲岫兄信

激水搖空岸征鴻掠晚烟浪猜虬鬚客牽並檣頭船華胄人
今少東山駕已前太平須獻賦貧賤我安然

界首驛

深秀亭詩集卷之八

十

半夜牽風雨衝寒怯水程晨光還太古客况特揚清樽酒蕭
爐燕沙汀臥草生同鄉藉隣舫關切漾心旌

泛水

泛水安瀾後平疇一望收漁人成蔀屋樵路遠沙鷗
思被謁租活功叅保障謀十年前此過轉憶淚橫流

暮行

水宿愁荒埂羣舟促暮行寒雲低不動掠雁去何驚僕僕調
弓矢侵漁伏草莖方知寧處易泉石悔深盟

寶應夜宿

蘆月影蕭蕭城隅挂柳條十年生聚好萬頃漲痕消戍鼓排
樓爰漁燈隔雁要舊來沈窻處今見酒旗飄

銀鯽

銀鯽肥盈尺挑留出水鮮
難錢隨意數折柳滿條穿
鑒客蘭陵酒厨娘鳴嘴船
江淮調此味澤國似逢年

舟次淮陰

衝驛開雄郡剛風滾濁流
舳艫稍挽粟沙海扼通喉
門賤魚鹽市家園虛荻秋
王孫漂母意千古獨悠悠

漂母祠

舉世蒙雙眼誰哀當厄情
王孫終被殺老嫗却垂名
一飯千秋重孤身百戰輕
長淮懸落日有客爲貧行

韓侯釣臺

一竿何足餌仗劍取侯封
國士飄零日王孫貧賤蹤
苦痕同深秀亭詩集卷之八

漂石淮水繞長塘那敢嚴灘比
客星不釣龍

淮關坐雨

硬雨腥風烈驚沙惡浪排
竹厨炊孔道蓬蒿客長淮
稅豈搜詩篋關猶閉午牌殘
聊假臥從僕任詆諧

疾風

疾風驚夜半淮水潑天搖
客夢何曾著邪思不可消
蓬窓盡鐵響土壩火龍燒
怒馬呼誰到重裘帶射雕

河魚

河魚白大尾鱗重五銖錢
買得隣舟送烹來擊手鮮
惜留無上客飽食屢豐年
幸不爲人鄙盤盂嗜好偏

清江浦

沙海趨南服淮流束大觀
天留民命險

帝念禹功難國帑調三策
屯烟費萬端日華凝

磨礫屹石噉危瀾

夜泊

夜泊了無寐驚心憶舊過
風流無李郭名姓特江河
力在矢天白偷嫌增電多
前人悲宿草拜掃每蹉跎

卯雨

卯雨無多點蓬窓響乍停
長淮初解纜遠樹忽排星
客况華胥破天光空靄青
數行鳴雁起漁火抹沙汀

渡河

不覺輕帆轉凌晨逐浪馳
魚龍疑避客席硯穩題詩
老氣壯深秀亭詩集卷之八

肩直高懷砥柱支憑空三百里
閒臥任篙師

河隄卽事八首

急纜喧危堞腥風沸濁流
靈旗塞野馬客路命沙鷗
絕費宣房築平添衛玠愁
哀鴻今漸復差足稻粱謀

出狩登東嶽原無封禪書
回鑾忽指日供帳却懸魚
國本慈恩重民情南望虛微
聞河患切春漲下青徐

大吏封疆職輕舳舻逐忙
忙黃河喧朔雪京口蔽江鄉
可有蒼生淚能憐乞補於聊
池負販業鴈眼化循良

暴雨鳴沙海驚潮漁網攻披
裘饒賈客銜尾上艤艫盡蠶
烟墩白秦板扉店紅眼前風
景異猶未遠江東

長年食挂席來去趁斜風似
快東周令強收逐北功來山
丞

遠影低雁度長空插偏垂楊樹官堤圍畫中

風帆齊去雁恰數十行盡識南金貴都非北府強虬髯揮

鐵腕靈簡伴魚腸忍見啼號迫濱涯室苦荒

桃源疲驛遠雀鎮晚烟稀跳鼓張巫衙鳴金震客威蓬門土

壘滑沙草雪花飛獨犬崩嗥吠驚聞鹽販歸

河伯能超順龍神海若安褒封新血食瞻拜肅祠官驛路孤

城曲溪烟萬井寒民生關

瘠慮蠲賑總恩寬

崔鎮坐雪

旅思茫茫集寒烟細細吞黃河懸斷岸白雪壓孤村路隔風

塵夢人如沙鳥屯兒童爭認客酒力傲齊髡

深秀亭詩集卷之八

三

宿遷還眺

落日黃河岸憑虛識馬陵孤城束孔道候吏暴饑鴈風旆環

檣客茹簷夜市燈不期閒佇立忽遇說韓朋

下相城

千古雄三戶猶傳下相城風雲生叱叱氣象益韓彭羞向江

東淚寧甘垓下兵端知魂不返餘恨激長鯨

圯橋

大索奇難滅連朝謹應呼老人端挫銳孺子畜宏圖踪跡昭

然託神仙未可誣授書與納履劉項定升祖

寄南齊岑分守

風雨長淮路驚濤逐晚來君方飛旆出我便挂帆閒豈乞王

孫食殊思露靈才聊因征雁翻爲報過魚臺

寄裴循卓分守

憶別秦關外今來淮楚邊風烟皆雨露魚雁隔山川功勒平

成際才應著述偏倘懷舊願春暖到樓船

一官不暖席三命試精勤肝膈誠如水詩篇好白雲名高天

下士頌比潁川君擬撥春明棹來看海鶴羣

姚灣口夜泊

風潭星月白拍拍漾停舟泊酒消殘燭龍精束敝裘鬚眉湖

下邳

深秀亭詩集卷之八

古

一望風檣掣蒼茫過下邳遙思匿影處正合授書期劉項皆

亡楚乾坤奮義椎至今蕭瑟氣感慨動鬚眉

貓兒窩

鷗路漁船散冰花水草蘼風烟寒百項魂魄動三吳帆影空

天上濤聲匝地呼驚聞河決患山舍悉成湖

慘目二首

慘目風濤內荒廬剩幾家所存寒尺寸其奈濶天涯顧影降

惟驚炊烟飯是暇昨宵曾薄凍席地滿冰花

白鳥千羣外征帆盡日稀浮槎懸憤鼻沈龜踏漁磯耕鑿無

家別饑寒有淚揮
皇仁殷已溺望訴 翠華歸

馬莊集

此地逢漕使擎杯話舵樓重來風景異難遣水荒愁土室音
錢影鵝衣鵝面流可憐生死賤守土竟無謀

徐塘口

徹戶調鷹去漁人擊槳來山光青葛嶧水勢下魚臺榆柳圍
風岸雞豚落日堆如何淳古意蕭瑟爲罹災

晚眺

客踪勤晚眺遙指屬江東砮礪黃雲合龍蛇大澤中至今塵
莽氣猶剩楚雄風只是經河徙頻年感困窮

霜月

霜月并刀冷船頭夜半侵柝聲虛遠夢水氣溢空林豈憚無
深秀亭詩集卷之八

涯路當明一片心金閨全未見只擬照彈琴

雙樹

懸崖河伯廟雙樹李營丘石薜苞生鐵鳥巢罨絳樓雄材天
意剝神物地靈秋那許眠牛縛危橋望遠投

夢回

夢回殊不解閃爍度山家橫卷披紋簾低窻發小葩猿拋金
果熟鶴仰乳泉又含笑迎毛女行藏問若耶

韓莊

天光掀薄日澗水泊韓莊忍見田廬換愁聯山澤荒浮沈隨
野馬耕鑿上漁航

丹陛聞蠲賑招徠可有方

澗水

萬頃茫茫集風烟巨浸寒遠山空外隱客眼望中寬漁艇驚
鷗點鯨波浴日殘近聞三伏雨飄泊淚尤酸

魚市

赤山澗水白魚市晚堆船賤食三千客平沽百萬綿生涯憑
造物荒政濟豐年聞說

龍旂出清嬉愛拍天

赤山

古滕五十里小有此丹丘蒲板漁家岸風烟水市頭翔鳥爭
密樹奔轅上平樓好趁斜陽看銜杯散客愁

枕上過夏鎮

深秀亭詩集卷之八
客行不可料水宿浪鷗輕振柁無一語占風利五更室廬闌

闌氣雞犬曉寒聲回憶敦槃地遙憐聚散情

龍華寺

古樹招提曲津門住老僧數家烟火際幾隊鷺鷥騰石葉欹
殘壘蓬毛挂瘦藤一聲清磬寂塵夢忽如冰

雙雉

文雉馴霜草雙飛突客舟何曾矜五采惟恐不藏頭鷗鷺終
非伴雲霄未可求莫愁繒射險機械我全收

南陽觀捕魚二首

晴暖平湖濶漁師什伯來癡兒爭臂指密網震風雷止快生
涯賤誰知水族哀逾時高潮槩忙擁錦鱗堆

浪擊馮夷鼓連橋會孟津捐生戚飽飢疾走駭潛鱗換得金錢夥全滋鳩鵲貧不愁飄泊苦自作武陵人

白鳥

千百屯沙嘴飛過水田曾無污半點却自顧脩然側眼窺行客又魚冷掣竿日斜雲影薄高去抹邊天

馬家口

百堵烟村午喬柯蠱遠林居人經久換呼馬到如今酒肆堆山果醫牀挂水禽憑櫓聊顧盼何事忽情深

慈音閣

客棹驚危渡平臺喜上方捎雲高樹黑映日古牆黃拾果僧携杖窺窓雀噪牀揚舠復迴首忽覺紫茸香

深秀亭詩集卷之八

七

曉寒

曉寒清到骨撥火倚牀騰滑石崩危溜懸崖響斷水漁歸蘆港月僧夢佛龕燈獨客風烟際蓬窓輒漫憑

曉山

曉山青萬疊歷歷似長城齊魯遐思濶烟雲變態生天光晴乍泮盡理入遙情嘹唳征鴻去高空字字明

蘆花

一片茫排岸晴空瑟瑟飛慣留鴻雁覆老打雪霜威客眼循江白漁船掃月歸伊人終不見遠思更依依

暮抵南陽鎮

漁家浮水下燈火認南陽頓覺風烟散殊憐沙草荒橋帆寒

遠引門巷閉昏黃禁得蒼生淚多揮道路旁

夜過棗林

霜氣棗林清燒燈遞一更茆簷森刺影石甃閃危旌挂席衝流上呼樽說劍行篙師頻具報懶僕亦鐙鐙

魯橋

遺事宗邦遠題名尚有橋村烟晴漠漠雲物古陶陶說餅延高座批書白晚潮靈光今亦廢野色獨難銷

仲家淺

聖澤源流遠干城道義強村莊崇廟宇子姓肅烝嘗耕鑿衣冠後漁樵琴瑟荒不勝懷仰意慷慨對斜陽

石佛寺

深秀亭詩集卷之八

太

土室標頽砌慈林護一村山靈經斧鑿蓮座出雲根風定幡幢影香侵苔蘚痕可憐膜拜者塵夢走烟屯

哭李玉菴外翰四首

七年銜痛淚今始墓門揮細感飄零跡多同貧賤依肝腸無爾我翰墨有光輝豈信猶龍客遼陽鶴竟飛

憶過泮水日憐我上京華洗硯朝臨蘭燒燈夜坐花矜言天下士仍作魯朱家密寄蠅頭札英雄淚似麻

奇變不敢信苦問始傳真塵夢戀何事心交失此人僧窓但月晚驢背遠山春有句憑誰寄停樽默愴神

一生劉毅膽入座滑稽雄血性盟金石冠裳振鼓鐘魂應恩世廟命不赴山公定擬珊瑚骨飄然閬苑中

早抵濟寧

宿火熏殘月環溪擁萬家僕夫喧馬足舫妾掃霜花不信宵
行速應憐客思賒嚴城寒鎖鑰漏鼓尚高過

與何讀山大令話舊

與君六載別世故感百端虎將羈縻盡謂惠總戎銘西龍門客夢寒
謂李外詩書淹涕淚貨殖誤衣冠按劍看新著酸辛行路難

懷何魯田孝廉

酒對南池月人思同愛堂此來獨不見有願轉難償鐵硯生
花筆牙籤古錦囊知君潛刷翮春日待明光

寄懷白子美館陶大令

把札感深注無如于役岐勞牽百里夢少話十年詩近事酸
深秀亭詩集卷之八

王旦常聞說項斯因風達雁翮報最約匪遲

聞魏蒼石太守自濟寧赴任襆被從二僕

一官寧易副如水本臣心琴鶴還餘習山川止助吟味讀
桂辣冷耐雪霜侵安得如公等循良徧士林

南池

每看南池柳維舟月下留今來餘岸雪益照傍人鷗別薛摩
詩偶憑欄亞酒樓微聞嚴逐客隔歲望

寢遊

太白酒樓

酒樓隨處是何獨著高城地主迥非俗詩人特有名冠裳文
采意雲樹古今情我正貂裘亮登臨短鐵橫

宿康莊驛

八年塵夢內三度宿康莊雨滴培楊綠風掀貰酒香今來荒
土室頻見徙藜牀伐木猶防築寒烟斷夕陽

過汶上

曉日揚鑣直寒林雉堞橫俗淳終是魯地遠舊逃名酒市虬
髯筆擅惟銀甲筆客中曾亞歲令尹到深更

宿東平州

分龍驚暴雨沂水溢平岡客路船如馬居人魚作糧林梢寒
影白城對夕陽黃明背開倉詔勿符吏虎張

陽古店

半日驚沙打村窩暫歇蹄垂盆秤小米燎火炙楂梨老客猶
深秀亭詩集卷之八

龍健癡奴縮蜩齊催料還似夢日午不聞雞

東阿夜宿

狂風張怒陣獨夜旅魂驚土室牛羊氣山城草木聲懸懷酸
舊事無夢續過情秣馬嘈嘈切披裘怯曉行

銅城驛

百里東阿道銅城日可中石崗迎面轉霜樹隔村空聊指揚
帘薄遙憐小袖紅揮鞭馳未得塵土又當風

在平早發

東裝徐按轡初日洞高城塵土纖微息炊烟遠近生林鴉啼
躍兔廟市簇懸旌直走琴堂外毋須露姓名

新店

午餉停新店征塵拂舊題
冬晴今日暖客思去時逃
匏具懸
皮革烏號挽鐵蹄
書生饒氣岸雲雲奪征西

高唐州

齊台驅殘照高唐
兒土城雞豚空野散
榆柳遠天平撥火圍
重席揭簾說兩京
浮屠當客館冷眼著閒情

腰站

來去填腰站爭琶列袖紅
停驂饒蕩子冷覷一詩翁
白板家
家釀殘楊樹樹風挽弓何獨忍
約約射孤鴻

津期店

沙海今成路滄桑固有之
危橋環土埂低草立冰澌
廟貌村
巫餘廚烟微火支不堪
灰頓起數隊犁鞭絲

深秀亭詩集卷之八

三

恩縣感懷

惆悵來燕路當年憶渭陽
風霜曾出入書劍獨昂藏
舊墨封
題在空囊魂夢荒孤兒今並繼
蒼蒼俯首過甘棠

宿苦水舖

風口征途晚興僂僕馬疲
苟求伎可託不厭市新移
坡樹稠
先黑山雲凍亦奇
河流無滴水村落漸紛披

偶憶

偶憶旗亭酒同澆一輩人
張星光奪目潘鬢白如銀
老去遼
陽鶴貧歸墊角中飄零踪跡異
夢寐總風塵

景州止宿

遙指授城近浮屠時夕陽
惟呼經宿客急掃聿新堂
厨菜挑

錢說簾燈索酒嘗素交官未到夢繞前門霜

寄祖夢巖通州牧時調景州未之任

溫意來衝雪三年懷袖書知君頻轉秩念我久閒居
孔道漫
河白清尊落月虛攀留寧借寇竹馬見紛如

寄懷朱令綬大令

旅館分南北征蹄走雪深
長貧荒祖硯憤激碎囊琴可善
依
劉策殊寒入洛心蒼生虛涕淚客老歲時吟

繡野堂

旅夢清遊遠重尋繡野堂
窓紗松桂影席硯麝蘭香
歌板案
雙腕詩僧對一牀頗曾煩老子廿載費思量

阜城道中

深秀亭詩集卷之八

三

披星三千里亭午到環城
茆店多懸帶村姬強作羹
塵沙黃
霧暗烏鳥先秋鳴直望交河北長深王粲情

閔子祠

來去阜城畔低徊閔子祠
數家綿舊姓閭閻樹喬松
枝素壁單
風清風汶上思獨慚同母者寒暖尚多詞

富莊驛宿

未到交河北昏烟望富莊
驛樓巍遠岫客館密長崗
鐵板歌
喉沸篝燈濁酒黃穩眠不問夜清夢撲餘香

交河道中

往歲同衙

命循河路雪中蒙裝輕又出
轡鐵怪非雄衰草蛇神廟額揚

鴉陣風揮鞭吟夕照低首憶君宗

單家橋感舊

經營完固口屢出單家橋星月輝寒夜魚龍滾怒潮全欽
膚慮及得竣急工批此事驚魂夢與碑幸共昭

至日獻縣寓如齡弟主簿署中

亞歲遠爲客清衙好是家南音邇越操白釀爛黃芽匣拭金
星硯鞭停獅子花書雲瞻紫極長日拜光華

福泉寺

一泓涵佛面淨域見天心禿樹乾撐鐵崇臺羅布金松寥高
座冷茶竈曲廊深僧課嫺調馬寧師支道林

日華宮故址

深秀亭詩集卷之八

重

客况尋遺跡振衣上樂城虛懷思帝子高館尚文明土繡雲
霞赤霜花鐘鼎橫一坏封漢臘千古峙賢聲

僧寥奏樂

信步探幽徑慈雲過響低虛窓獨樹下古佛小龕西客耳傾
清喜爐紋細不迷八音高在竹風噦繞丹梯

賦得酒渴愛江清

酒渴愛江清酣情忽遠明蛟龍無遁影翳翳此重生雲樹搖
何澗沙鷗點最輕雄懷思一吸願洗萬年兵

獻學古槐

聖德栽培大宮牆老十圍南柯無夢郡漢市舊風微殿覆蟠
龍黑霜攀鐵爪威仰觀廿伏謁客眼駭誠稀

憫案頭雀屏

却被文明誤爲人玩羽毛巖叢輕尾掉席硯插瓶高會中鴛
鴦牒誰裁金錯刀讓他鸞鳳路天際秦笙琬

銀條菜

蔬圃俱新甲清芽獨究根黃沙挑白雪小市出孤村下箸津
津滑調羹井井痕誰言非上品肉食未曾吞

曉寒

曉寒侵夢破獨客滯天涯官舍清霜氣虛窓澹月華書牀欹
枕並囊劍敝裘遮嗟嗟荒雞外離城却幾家

謁河間獻王墓

一丘存漢域萬世沐賢風禮樂昭天日師儒振沛豐功推孔
孟後祀並魯鄒崇不獨繩文景貽謀補乃公

深秀亭詩集卷之八

重

麟塚

爲靈何浪出聖瑞却蒙傷舉世騰牛馬荒原泣土崗殘碑橫
一角亂樹蠹斜陽意豈徵文獻來埋漢寢旁

塚在獻王墓側

萬春山二首

高崗如裂石壁立鮮斑黃縱口空千里平林夾萬行臺崇金
縷象衲綻土花牀聞說春深候羣登拜藥王

憑陵不可考歷久互傳疑樓觀神仙跡風烟草木披幽禽啼
跨馬明月坐銜卮惜不桃花到紅蒸一片時

乞杖

神遊圖畫上偏愛老支筇預向山僧乞何妨僕馬從擔雲出

鳥道擊果振獅峰不敢騰身跨經時恐化龍

獻縣雜詩十五首

鷓鴣愁不可釋緩轡踏晴郊疎柳搏鵬翮高槐數鵲巢孤村沙
草春八蜡土山均汲水家家出頽垣綴苦袍

土崗高百處最上指雲臺軟草茶棚曲青蓮佛座開鳴禽圓
晚樹落日冷蒼苔驢背揮鞭客疑從畫裏來

日夕牛羊路前朝勅墓門孤搥翁仲脚月黑杜鵑魂禿樹空
雙抱殘丁住一村何堪衝騎過吹落野燒痕

久坐香廚燕空庭日又斜閒僧鳴脆管小史拍邊笳孔雀銀
屏尾宜憐月桂花悉羅娛耳目惟恐遠思家

霜月清衡透蒨簷短樹撐棲鳥搜幾點擊柝令深更燭剪東
深秀亭詩集卷之八

腸話茶添槽袖涼鐵蹄蹂伏櫪不盡客中情
燕趙今畿輔藩封舊漢家村烟屯廢壘晴日漲黃沙衝驛行

旌旆空城牧馬譚穹碑荒磧下麟塚夕陽斜
舊憶交文酒適留共一城徐陵筆架在陳寶頴川名年豈桑

榆暮官何雲絮輕茲來都莫見惆悵察民情
出郭平林密無山遊目空人烟喧午集雲氣凍遙封債水魚

生窟崩沙隼射風高樓誰倚袖斜日女牆紅
直北神京近樓空拱極門停驂遲客路望眼荷冬溫生死危

難察地清夢思到時當促膝涕淚說驚魂
日暮聊城客投軒撲遠塵依劉情未斷爲楚算何神老說濃

香夢官差薄祿貧淺斟寒柝後嘶馬又征晨

清宵渾不寐寒影薄空庭吠犬風枝折棲鴉屋角橫聞河聲
躑躅身世悔飄零誰識羊裘客東方是歲星

白草山前寺麒麟塚後村懸鐘多穴樹堆磨緊捱門鳥踐雞
豚跡溪凝霜雪痕長途車馬外落日易黃昏

仄徑溪沙白疑從雪後來僧離開古廟藥樹長蒼苔斷碣重
生記誅茆新覆隈經年無過客怖鴿漫投猜

亭午風烟靜冬溫耀遠眸村炬跌屋頂驛馬立城頭擊鐸柴
車笨燒爐餅肆浮殘碑徵古蹟但說漢王丘

漠漠村溝路條條荆柘枝敵樓堆矢石渴憤嚼水漸柳插官
民力隄防耕鑿時止求秬黍熟不願縱漁師

商家林

深秀亭詩集卷之八

天

一月冬晴老驢車橋下來金貂新畫壁石佛古香臺火酒常
壚渴綿梨裏雪開南馳忽有使欲語急難裁

初至河間寓臥雲菴
瀟東尋舊路繫馬指禪林曲徑明餘雪虛窓見道心客塵僧
乍拂香座佛容侵一一安琴硯高鴻聽遠音

初遊思園
我急攬思園興濃而味冷撲塵既入門如夢得初省長垣逼
環濠雉堞遮柏影古藤千百本龍蛇屈金井昔爲錦鱗窟今

成白土梗短荻風蕭蕭石罅引鵝頸空亭駕鵲巢曲廊住賣
餅斧鑿羅雲根劈立鏡峰頂圭竇窺颯颯斑駁綴頑癭所怪

列鼎處位置何其整修林披亂髮鳴莊突馬騁場師變老樵

晨夕執造請花畦漸乾沒豆箕落一項鬚眉照斜陽餘景
倒景回首屢延佇聊復盼要領微寓果不違定須約酒盃

月夜踏水

酒闌遠送客出門如洪荒霜月照冰采光豔不可當居人已
寂然林鳥無一行宛在玉壺中身世殊清涼信步過二項嶺
脣影堂堂乃疑水晶闕河伯局未央我直立其頂豈止巡邊
疆蛟龍尚夢夢何況平鷗莊

許芳士太守招同戴簡阿郡丞沈霖蒼表弟話舊卽事

二首

渴想依琴鶴尊開寒夜親途窮恩道義客老畏風塵清餘霜
撐鐵黃堂月似銀譚深忠孝事連幕得奇人

溪秀亭詩集卷之八

孝廉

特賜驚

宸翰龍飛大米神光華開丙夜異數及勞臣帳殿風簷出銀
鈎玉璽新端摹垂石本工願託安民

張少尹送小菜製甚佳

旅食空晨夕交誰滋味長隔蔬水俸貯佛火客厨香酒清
何易詩脾清轉強張公爲政樂餘惠唱江鄉

資勝寺

客遊討令趣穹碑別始末鍊銅垂象教初地誰一喝雲頭
棟高獅座循龍鉢我來撲征衣自笑閒生活獨上最層臺青
眼雙遶澗細想古瀛海當檻流潑潑舟行今路馬橋置塵何
渴布金已無光樹僵而屋豁惜此郡大觀慳奇莫肯割地公

風輕曉悄鵲鵲鵲懸鐘霜月下古鐵枯僧持

會通庚郡幕饋酒清冽詩再索之

名山須深入源泉不可竭旨酒等絳交心輸願百罰南城有
賢裔文行世咄咄失意居下寮却善談風月與我別四年夢
寐念結襪攜壺懽道故肝膈洞然揭我嘗壺中味清聖淳于
滑佳客但盈座圍爐夜未歇報書吏請益情致非吳越

瀛臺

瀛臺東城下塊然立土崗既無一木支瓦礫殊蒼涼不解臺
何在亂草殺嚴霜爰稽諸邑乘馮道爲瀛王所謂長樂老吟
醉築此方土人矜歷久雨水不能戕吁嗟宜其然頑鈍之餘
殃與客路其頂遙矚羅村莊征鞍紛僕僕樹影挂斜陽相顧
深秀亭詩集卷之八

孝廉

寂無言名勝翻滄桑

張雲門孝廉貽各種佳蔬

肉食素所鄙腥羶輒欲嘔寄跡蕭寺中香積厨何有熟糜
下箸每停八叉手淡泊固自甘豈敢徒資口孝廉器調鼎嗜
好絕不苟交我別酸醎氣味肝膈潤潤可咬菜根用意周旋
久台蓄出御冬不惜傾連缶得將光琥珀椒馨羅華日餘惠
及老僧坐客佐闌酒願報頌美詞呵凍掃敝帚

懶起

懶起僧意白高林散遠聲任他髀肉滿閒得耳根清茶熟風
簾熱香侵書幌輕藜牀中大覺臥理惜無城
曾復具酒添行核來

解人果可索詩脾抵酒籌精牀饒取給小史來何柔左手掣
衡尊右手提滿籌八月貯剝脯海物割珍羞望隴更得蜀補
綴曲爲謀雜陳逼書卷呼應忙蒼頭

許太守對酌言懷

歲寒勤剪燭同心非三人旌陽雲霞骨五馬名如神論交邇
根蒂席硯素飲醇劉賈切直誤報國招流民艱難饑饉後繪
圖遠三秦銅符綰豐利昏墊愁水濱悉力究撫字茹簷洞遊
鱗勞績不可掩

御屏注能臣再試題輿座

帝命寵朱輪奏最膺薦版攬轡當監巡僕則何所長白頭幸
猶新青衫類射策謁選困積薪一夕連牀話半世憐風塵客
深秀亭詩集卷之八 完

情既良苦家食坐益貧謀葦滴血淚買山插松榛麥舟無割
義梨棗拙等身體君肅剛介躊躇輒粘唇

臥佛堂

塵緣不可覺靜理莫如臥我來臥佛村却上佛堂坐佛臥疲
津梁華胥國未破人坐臥不能閒者無一個橫披忍辱鎧空
却蓮花座寂然作夢夢說法亦餘唾幽磬散清香日斜幡影
大霜柯風剪剪庭雀噪晚餓從僕促據鞍舉步足爲惰

任疎齋大令有開門大笑閉門痛哭語廣而爲詩二首

痛哭關何事其如大笑多曾中嫌塊磊眼底幻么麼淚向蒼
生濕人疑醉態叱相逢皆力制黑髮奈蹉跎
絕纓非下士失意豈窮途石卵藍田出牛衣清夜徂仰天何

可忍揮涕不能枯世尚知任昉英雄有壯圖

與任大令論詩

騷雅今誰伯風塵老益妍科名無李杜血性帶山川業在干
秋任交深一字傳平生強項極心折大巫前

寄黃城大令薛孟侯

一別秦淮渡離鴻二十秋官來幾輔地人似魯朱流旅况塵
帽面歸思月滿樓遂荒高會願有負歲寒謀

寄密雲大令周鐵門

鎖鑰滄陽濶風烟古北黃鳴琴長拍馬判牘肅清霜天與周
郎健官閑

帝命揚題詩兼說劍強項自昂藏

深秀亭詩集卷之八

三

雪朝

北地久無雪渴塵揚百斛撲面熱征蹄掘泉苦飲憤一朝凝
朔風皚皚映虛屋簾捲瓊瑤上林挂白描幅支頤囑遙天晶
光冷奪目有土來求書驢背半裘禿金星浴沸羹活火圍童
僕龍蛇走脫脫愧歎在伸縮不知三寸積門外已埋轂舞片
密翻掌客窓留夜讀爲有驢墮宴衝途赴載速

憶蓮兒

我因不得守兒小未能知出門屢迴顧叫耶姑遲遲手扶行
囊上跳躍拉吟髭且復呼隨僕意在緊抱持張帆忽遠放情
激互啼咄給之旣不可恐畏其欺私却之若不忍天性憐在
茲客牀書幌夜霜月夢回時繞膝依然見脉脉動歸思

黃郎

黃郎頭半白酣歌痛風昔胎髮長金閨十齡鬢貴客官久
滇疆歌舞娛晨夕賊變不能討全家沒吳逆郎能便言笑登
場醜裙履乞憐得不殺苦充廝養役亂定迹中原夢寐悸魂
魄飄零作教師故鄉杳相隔欲語淚先垂低頭輒手畫前朝
黃閣孫父死以貧厄

任疎齋大令雪夜招集

寒夜尊何熱清衙意獨申乾坤新太素筆墨老如神湖海英
雄目雲霞冠蓋人使君與孤耳不必悔風塵

次疎齋秋吟八韻

秋月

深秀亭詩集卷之八

三

清到襟期潤梧桐雨後同空臺惟映水靜夜不生烟座客呼
尊滿雲寒畫壁懸南飛烏鵲盡我意正惻然

秋露

顆顆隨珠潤涼宵濃未殘無聲濕桂子有點耀晶盤香瀉花
間滑蛩吟葉上寒鍾情憐獨客滴向淚痕看

秋風

一夜金聲發松筠與竹頭羅衣輕遠客霜葉響高樓打水鷗
莊白吹烟書案幽尊鱸雖不憶未免觸閒愁

秋水

連宵新雨足鏡裏一帆過碧影洗山色晴光湛酒波魚龍月
魄冷見雁蘼花多記得橫塘夜掀髯銅斗歌

秋柳

日夕寒蟬抱葉條掃隔垣雨深青小莢風亂散搓痕無復桃
梅伴平消鶯燕魂月明離別處圖畫不堪論

秋桐

金井涼初著乾風葉覆苔月晴銅漏夜霜老嶂陽才修餘庭
陰直題詩墨客催高空鳴雁去棲鳳幾時來

秋燕

故巢不可守王謝總悲秋已引新雛去聊爲舊主留空泥樑
棟落涼雨海天愁且讓賓鴻翩銜蘆古塞頭

秋蟬

槐柳池塘澈殘聲咽未安空天清露吸客路晚風寒高抱身
深秀亭詩集卷之八

三

遺蛻輕揚似冠冠只愁遮不住荀鳥羽陰看

郭桐園郡丞見訪招集啓新堂

客踪冰雪滯空林任重題輿輒素心詩篋急搜未見驚風塵
難問倦遊金翠情不若醇醪厚宦味聊耽圖畫深五載榮懷
傾一夕遷鶯春報好啼音

留別任大令

熱血澆文酒離情重歲寒鐵蹄冰雪路畿甸口碑官關切籌
來去交遊味苦酸如君誠不易義劍惜頻看

飲吳式平大令澹軒話舊

英雄蹭蹬恨風塵夢寐嗷呼豈不真二十年來天下事三千
里外意中人松筠冰雪鬚眉勁詩酒關河涕淚貧衣我深溫

歸騎穩此情何得昧津津

獻縣楊岫雲大令招集自新堂

爲聽絃歌上樂城開尊深荷歲寒盟官難繼輔風塵劇名重
關西暮夜清算到鋒車遲半載坐翻吟案擁諸生池塘小草
沾濃露兄弟從今肝膈傾

留別錢翼堂

一水鷗莊竟未通樂城冰雪酒杯同鬚眉絕笑人如我囊篋
徒懸鐵吼風天下誰能留國士客中只可號詩翁揮鞭跡又
分南北何日題書寄塞鴻

東辭吳照若孝廉卽爲別

客况逢君更話貧禪林冰雪屢逡巡衝寒却索忙中筆買醉
深秀亭詩集卷之八

何當病後身黃北君才將刮口江東我意速歸津詞壇倘問

尋公跡怕上春明路軟塵

留別如齡家主簿兼致楊明府

別路方長去樂城冰霜那怕鐵蹄聲奚囊自笑衝寒拙絲絳
誰憐入畫清春到池塘應夢草官如梅柳待啼鶯吳堂雅調
端卑聽天下高傳伯起名

玉書子盛兩族姪遠送單橋

饒飲開河朔歸鞭指富莊詩裁獨客瘦情向故山長老僕攜
書卷重裘撲劍囊絕憐小阮意戀戀望征行

黃河崖

故道今成市居民雜萬千伏流深掘井躍兔獵空田亭午冰

霜薄荒炊塵土填征車皆北向我獨望南天

平原道中

食邑思公子名猶趙氏存遊踪氣是俠守土政何恩落日蒼
黃樹抵城淺澹尊尊虬髯常顧影無計老乾坤

禹城早發

寒月清霜曉荒城祝國餘寺門團烏雀野火撥村墟誰識蒙
塵客爭呼下澤車琴堂疎舊好暗度急歸輿

宿晏城驛見梅孝廉雪坪李大令萬資張上舍遠亭題
筆

旅舍看題筆交多席視人如何酸涕淚強半逐風塵古驛昏
燈座蹂躪殘雪齒齒折聲紛繞枕似味客囊貧

深秀亭詩集卷之八

齊河橋

百尺危隄潤垂虹寒影深流漸噴飲饋征轡腸遙束香引紅
妝立風吹殘雪侵長清岸商接塵市密霜林

潘村

沿山多著姓十里走潘村何處尋宗派窮鄉傷客魂驅車殘
雪路古樹夕陽痕雞犬迎人慣家嫻耕鑿恩

崗山驛

插石松根瘦摩雲佛日高崖溪霜路滑山驛鐵蹄勞落葉乾
茆屋剛風刷羽毛回朝紛使命林影散旌旄

立春前一日宿張夏

臘盡經張夏春迎獨客中裘鈎霜氣白尊酒燭花紅梅柳思

江岸雲天叫塞鴻
蒙裘忽欲解詩興爲誰雄

安阜店

竟日長清界山村此素封
排簷林影黑喚客酒香醲
近市喧寒雀懸崖通午鐘
側身齊魯望不改百千峰

宿泰安州

倦翻夕陽紅停驂仰岱宗
方州山路曲淫潦歲時窮
璫囊生民業盤餐徹戶充
欲稽東魯跡不在問鵬蟲

宿羊流集

落日羊流集依稀化馬灣
山崗危孔道石寨抵嚴關
飲馬泉聲活平牀
柘葉斑封丘思叔子裘帶香難攀

新泰道中

深秀亭詩集卷之八

姜

晨欣望新泰山好是青雲紺殿凌
崖出寒林刺眼分馬嘶征旆影鳥啄斷碑紋
問俗聊空甜僧茶著意勤

卽事

卽事開心賞朝曦射遠林
纖埃風不起雅肆酒微吟
結得南歸騎多攜紋斷琴
迴峰處處好青眼過蒙陰

宿蒙陰縣

斗邑山城偏喬柯夕照斜
熱蹄爭旅舍滑路響飛沙
問纖樁椒葉充庖雉兔誇
比因荒歲晚游手逐筆琶

獵

田家非耀武農隙草枯霜
雉兔紛難掩緇鋤亦太忙
三驅成野合一得救餘荒
物命何須惜勾符殺抗糧

蒙山

蒙山青帶雪盡日繞征鞍
雲氣何峰定松風掃石寒
遊踪奚必上倚醉儘容看
收織年年足居民藉晏安

沂山

駢邑稱東鎮龜蒙伯仲間
橫張錦軸大蒼類雉毛斑
晴雪香生薜寒林風剪山
殘僧留幾寺遺杖虎崖還

青駝寺遇王孝廉麟照

寺口停驂路山光漾遠暉
憑誰呼酒市有客到烏衣
執手分南北同鄉話瘠肥
春闈輝鳳起我正坐漁磯

薄暮

薄暮征鞍急昏烟白遠村
客懷思靜業塵事悔名根
道路身深秀亭詩集卷之八

姜

何賤詩書味尚存不妨隨處宿
酒伴滿乾坤

沂州道上

沂州城外樹細寫郭河陽
春早逸生紫風微近有芒橋陰村
繞水馬背寺平崗爲憫桑麻地
洪流費救荒

宿李家莊

激水風沙岸危崗烟火村
竿琶探酒市鷄鶩暖柴門
撲座霜華落驚心客夢渾
夜深誰拭劍只說孟嘗恩

郟城縣

風烟古郟國少昊後曾封
培土環城赤喬林葦蒿濃
山蟄能抵稅園果勝耕農爲
羨村居長樓臺似附庸

馬陵山

莽莽臥龍形烟嵐處處生直延八百里青過十三城仰岱趨
東海環齊可列營孫龐機械伏樵牧漫知名

果園

果樹鬱森森郟城走夕陰環居饒畫理讓呼散蹄謬認客兒
童隊遮村鳥雀音鬚絲無可擲徒有羨魚心

有客

有客來邊塞魂驚歸化城月寒沙似雪風戰鬼呼兵紅粉殘
青塚荒原失舊營老狐吹簞築學走鐵蹄聲

雪意

雪意五昏曉客情愁朔風殘鴟枯寺外疲馬亂山中歸計荒
如夢低陰淡又蒙酒旗方長價搖曳盼江東

深秀亭詩集卷之八

毛

紅花埠卽事

舊版分齊楚江山今接烟比聞屯萬騎伏謁滿平田冠蓋雲
霞集旌旗草木鮮昏燈留一宿整刷候來年

仁和集卽事

沙石風村岸斜臨下相旁茆簷新畫壁烟水近江鄉鹽販河
隄縱民情歲暮荒佩刀今殺憤裹足患行囊

頽楊

頽楊百萬樹嚴令密河干已見枚條發難供剪伐完藏
喚客縛馬止客官那得平成奏閒留圖畫看

早春

早春如遠客願望妙初來酒市新堤柳潮痕長石苔香風人

南過晴日布帆開屈指驛壇近維揚有俊才

衆興集

夕陰急止宿鴛鴦馬亦奔蹄就舍昏燈坐沿村怪鳥啼烟荒何
以北客雜楚之西欹枕聽隣壁虬髯說鼓鼙

魚溝遇陳石城李公載兩孝廉北上

春雨午濛濛魚溝烟霧中客情方躑躅鄉語忽交通振鬬君
多奮歸囊我早空莫言南北異去看杏花紅

謝南齊岑分府

歲暮風塵迫村烟沙海昏張燈尋客座策馬過津門感召因
懷舊留髡豈不溫急行還問夜分俸爲謀尊

危隄

深秀亭詩集卷之八

毛

百萬淮揚命危隄一綫存年年糜發帑處處駭崩魂車騎有
塵路風波天活恩臣工無上策

麻算始窮根

河隄惘眺

不盡蒼生淚魚鰕命亦微殘炊腥短草荒夢泊危磯月黑陰
啾逼風狂濁浪飛如何歸故道翻種稻梁肥

看挑運河河爲舊督河靳制府力鑿

萬方供玉粒襟帶扼淮黃全運咽喉係聯幫艘艦揚勞臣賢
底績濁浪塞汪洋疏濬毋輕視端司何所長

宿寶應縣

漫逐淮陰市燈昏到射陽城園土壩黑波泛柳堤黃幸得秋

收力聊供歲事荒家家然新釀笑客醉他鄉

夢醒次許月溪界首題壁韻

十年久薄相如調一夕餘香晷客中新柳雖鶯嬌未足隔牆
遙趁杏樓紅

河堤遇錢岳樓孝廉兼懷令叔東皇大令

念子每晨夕惟愁貧莫行危隄來寒足利器却龍精睜目交
三語飛塵擁去程不知歸老令可否健詩情

小除夕宿高郵州

歲除止隔日客老尚征鞍皮酒椒花味孟城水氣寒填門聞
鼓節炙視坐燈殘預買維揚檝香風候夜闌

以酒徧醉旅舍同行者

深秀亭詩集卷之八

无

不可不與飲公榮是解人客中小除夕座上總生春買得當
壚笑何嫌歸橐貧觥籌交戀戀爛熳看天真

除夕維揚舟次

解轡陷隄上登舟便擬仙危橋燈火夜獨客酒杯賢痛淚思
親滴遺情候釋牽天涯無限路尚有不能眠

深秀亭詩集卷之九目

元旦登金山

二日過雲陽

過惠山

四日登虎丘

唯亭雨泊

入日歸故園

拜母

萬壽南巡彙冊恭上

金澤鎮

鄧村夜泊

登對門文星閣

月夜過梁溪

登雲

渡江曉望

三汊河塔院

許桓齡副憲半山園

元真觀

靈巖山

題成位六明經墨竹

題隱逸禪房

深秀亭詩集卷之九目

一

六合道中

孫漢陽喬柯百舌圖

水口早發

傷歐陽孝廉光任

石醉仙

重登醉翁亭

歐梅

六一泉

豐樂亭

瑯琊寺

樂愚揆以折枝梅花索題

滁州

又

定遠道中

包公祠

池河鎮

岳上舍

送吳老母

哭張椒舁

洪心驛

黃泥鋪

鳳陽

藍采和修真處	次頴州牧孫虎臣壁間韵
懷遠道中	傷楊太守揆一
嵇山	漆園
刈麦	何家溜
寄杜孔文	所見
寨頭舖遇龔澹嶸副憲	雲母山
雙澗集	槐陰
劉仙井	陳仙橋
黃柏洞	莊臺
蒙城道中	西楊集
催耕鳥	笠庵
深秀亭詩集	二
卷之九目	
白楊	亳州感舊
魏家橋晚眺	僧窻蜀葵花
晨征	暫憩
舊懷雜感	羅敷廟
扶溝縣	扶溝學宮
五女祠	遇韓次凡
過霸陵橋	題考叔祠
題義學	過許州寄州尉滕式夏
柏屏	釣天臺
望崆峒山	洗耳河
午日次內埠	廣興寺

旅壁	雨意
濛雨	伊陽道中
白楊鎮	宜陽道中
永寧道中	韓城鎮
陝州道中	林定寺
白松	白甫鎮
磁鍾曉發	陝州
靈寶縣	入函關
關龍逢墓	黃帝鑄鼎處
雞鳴臺	望氣臺
關鄉道中	盤頭
深秀亭詩集	三
卷之九目	
潼關	謁華山西嶽廟
青牛老樹	登萬壽閣
朝過華陰縣	柏抱槐
華州道中	陳希夷先生墮驢處
郭汾陽故里	寄黨白崖給諫
赤水	渭南道中
鴻門坂	新豐市
臨潼坐雨	溫泉
法濟寺	驪山夜雨
東陵舊蹟	蜀橋
唐抱一遊集	遇陳健園表弟

眉山弟設酌	姜允修招集
寄書	胡德菴坐飲
鴻門	題賈可齋副憲画蘭
金鐵山副憲招集	宋胄和中翰招集
毛古愚光祿招集	無題
李約山比部招集	飲冒和寓齋
謝靜巖州牧招集	留德庵
馬嵬	觀肘
驪山	五丈原
黃龍光大叅席上觀雜劇	立秋
長安旅舍	碧雲仙觀可懷處
深秀亭詩集卷之九目	四
雲霞仙路	長廊画松
芭蕉塢	林逸民画竹
劈玉峰	桐陰
步虛聲	芙蓉岸
紫藤架	桂林
蕩滌千古亭	梅花嶺
釣臺	水雲梯
藕花池	平臺
雪竇	蔬枰
和孫安期明經青門五咏韵	獄廟樹
灞橋柳	繡嶺泉

樊川花	新豐酒
和陸揆齋學憲秋字	卽事贈陸揆哉先生
送陸允嘯	題朱卓庵寫照
題陸九之採芝圖	題陸九之画竹
贈呂栢庭大令	留別黃龍光大叅
留別謝靜巖州牧	留別李天木大令
留別呂栢庭大令	留別顧迂客大令
留別趙南塘進士	留別李約山比部
留別金鐵山副憲	留別宋訥菴別駕
題德菴寫照	留別朱卓庵
留別陸揆哉學憲	留別王敷功孝廉
深秀亭詩集卷之九目	五
留別方處律廣文	留別孫安期明經
送別儲二癡文學	九日
留別毛古愚光祿	渭南
贈別胡德庵	華清宮
華陰早發	出潼關
盤頭晚眺	出函關
陝州	磁鍾
硤石驛	贈楚琦上人
曉望熊耳山	韓城
廉莊	曉雲
內埠寓目	贈楊掌綸

汝州晚霽

竹色

麥苗

郊縣早發

雨中過頽橋

天涯

立冬

遜母口

朝雲

太康道中

何愁

魏家橋

行次亳州

夢中題樓

和壁間韻

賦得寒山轉蒼翠

懷遠道中

磨盤山

新笏

晚次水口

晚次六合東吳大令

關山

深秀亭詩集卷之九目

六

江行卽事

夜上虎丘

玉峰夜泊

除夕

深秀亭詩集卷之九

雲間潘鍾麟層峰

康熙四十二年癸未選三百四十三首

元旦登金山

履端佳氣鬱騰騰特上江山第一層

磨藻金光開淨域潮音龍象動懸燈百年天許詩懷健千里

人歸客眼清雪影雨絲春乍潤樓臺松竹翠微凝

二日過雲陽

宿雨收朝霧晴春散午烟布帆穿遠樹雪浪淨空天客况清

爲喜韶華影最妍環城聞鼓樂聖瑞滿宸筵

過惠山

深秀亭詩集卷之九

一

青山依舊好相兄又逢春松翠泉亭撲衣香酒市新舍葩烘

日角歸棹滑波鱗僧侶遇偏識行踪訝太頻

四日登虎丘

釀雨籠烟濕翠勻山光初沐歲華新窻紗人面樓偏亞欄石

花繁展轉頻短簿祠深香霽結可中亭護

御碑神笙瑩細向松寮出點綴雍熙玩早春

唯亭雨泊

好雨春膏綠輕潮拍枕浮心何空遠水幾登壓歸舟路漸江

鄉滑烟迷竹樹幽漁家多貼岸瑟索動前洲

人日歸故園

一棹趨風雨柴門漾碧陰松筠新翠濕席硯古香侵何客先

投杖支童且拂琴莫言塵夢事斟酌好微吟

拜母

痛淚不可忍慈幃拜影堂全家憑一哭天地何茫茫生養既多缺謀葬歎空囊舍館無所望竹馬跨迴廊踉蹌急奔赴睜目定耶孃逾時不敢叫失聲忽在旁哀風動蕭瑟春日疑秋霜恐傷我母靈靜退消瓣香

萬壽南巡乘冊恭上

聖德周無外乘時特有名唐堯臻上理神禹算平成民望東南切臣工踴忭迎陽春來大地湛露冒羣生謨烈重熙秦車書一統明龍旂烟嶠展錦纜水波輕麗日江天寺屯花驃騎營布金開面目

深秀亭詩集卷之九

二

宸翰揭瓊瑤湖濱錢塘月風牽柳陌鶯最憐耕俗美幽賞物華清扶杖圓黃髮銜芹伏蔓菁普瞻有喜近不使下方驚藏富頻蠲稅寬恩細得情法廉歸洞照教養遂忻榮薄海牧寧貼康衢福履亨肅雅興禮樂經綸納公卿農事親

行殿漁歌繞杜蘅雲霞騰書境草木長芳萌率土華封祝無疆萬壽嶺山呼端末級雷動聽懽聲

金澤鎮遇黃稚圭文學

輕潮探上午繫棹問黃香花徑經初地柴門指近莊驚看霜鬢出急索酒杯嘗更有邊陲計心期惠數行

鄧村夜泊

入畫歸漁路憑虛遠客心月華深古寺潮影漾空林香散村

醪熟風吹鐵笛音離家纔百里欹枕動微吟

登葑門文星閣

捫石危欄上握衣百尺高文明開氣象空濶振纖毫桂樹庭陰綠鸞書墨瀋膏飯心香一瓣彷彿聽笙璈

月下過梁溪

風帆揚水月夜半恍登仙酒醒樵青伴香消寶笈前凌虛生遠翮端默向空天止有泉亭白漁燈澹未眠

疊雲

疊雲深積雪遙望凜寒山頃刻作萬狀幻化了不問夕照既欽晦輕陰蒙其間修廊何遐舉鸞飛相與還我方坐鷗首客况厭塵寰抱愧謝雲鳥鬚鬢雜霜斑未能安舒卷脉脉轉低

深秀亭詩集卷之九

三

顏

渡江曉望

揚帆輕載月酌酒穩凌風鐵甕炊烟外金山青眼中高懷方浩落何象不玲瓏始信言愁客茫茫道尚蒙

三汊河埭院二首

佛日光華大天章雲漢新林泉端入化魚鳥樂生春青鸞幡前結空香雨後親登臨疲應接吟典特如神

雪竇屯黃石彤屏映綠沙山光高座挹水氣密陰遮村市晴呼酒僧房午焙茶宸遊經信宿恩沛問桑麻

許桓齡副憲半山園四首

引勝扶橋入偷閒看竹來投軒先據榻轉徑輒登臺暗水花

陰罩紋窓月洞開初疑塵壤外不可少仙才

果有留題跡江湖半姓名騷壇壓老將酒德關長庚先我年
時到知君絲竹情最牽迴顧處金碧帶柴荆

芳沼涵低檻巉巖嗽曲樓密巢金羽出碩果粉香收蕉卷排
書幌松針刺壁簪鬚眉沾濕翠舞鼎究商周

老鶴行參客新篁比接門幽隣宜結社小圃忽如村畫影侵
衣綠晴烟隔岸吞投簪殊樂道不悔薄名根

元真觀

停車躡丹嶂客典妙閒尋畫壁青牛健空庭翠柏森厨清
飼鶴簾靜畫彈琴誰信征塵外虬髯見道心

靈巖山

深秀亭詩集卷之九

四

策馬過龍門馬頭見山春作意枉驅馳一擦靈巖石石奇無
定紋造化英所積大於鸞鶴卵細則雜黍麥源泉杳不知綿
亘流玉液驟水崩驚雷噴雪折千尺璀璨洗五采洞口巖噴
噴丹爐煮未熟人間拾桃核牧豎得最先懷寶豈能惜一入
好事手精理究其迹毫髮狀雲物品盤羅珍席往年有素交
遠寄文登客貽我小草囊謂可償嗜癖搜取遂無留非敢泥
沙擲今來走赤日火光燒地脉淺露徒呈醜何曾出開闢掉
臂躡峰頂縱覽江濤白

題成位六明經墨竹

一派瀟湘雨濃陰蘸碧烟庭空生颯颯影動濕涓涓我愛抽
雷鐸人呼醉墨仙蘇髯偏有此不爲子猷傳

題隱逸禪房

斗室明虛翠琅玕百萬圓藜牀墨骨憶窮笠水田衣跡悔投
參學心空及古稀幽花拈數種留客夕陽歸

六合道中曉發

平肩穩坐曉風低布穀聲催過柳隄茆店近連村舍闌家家
笑指麥秋齊

孫漢陽看柯百舌圖

百般宛轉五更頻驚燕先聲試早春不列上林終野調柴門
老樹獨津津

水口早發

整轡月華前緣溪走碧烟呼村勒布穀作市列柵棧密陰陰
深秀亭詩集卷之九

五

晴濕遙峰圖畫連來安三十里惆悵莫飛箋

傷歐陽孝廉光任

師事吾方愧斯人不永年驚傳水口信悔感石城篇肝腸情
如昨乾坤夢可憐環滁無地主躑躅爲凄然

石醉仙

不足醒人世高眠近釀泉山靈聊復爾酒德想當然襟帶生
苔冷雲霞過眼穿何時輕跨鶴幸避祖龍鞭

重登醉翁亭

不愧賢良守千秋此一亭石泉噴座響竹樹掃天青幽翮風
聲換殘碑翰墨靈重來深仰止懷古獨惺惺

歐梅

偶然手植比棠陰却試調羹冰雪心曲護亦因桃李勁坡公
常向暗香尋

六一泉

兩峰高湧穴珠中留得芳名是醉翁爲喚稚青停牛晌渴塵
消却納涼風

豐樂亭

想見歌呼日公餘登眺清州民濡化育案牘際文明鬚鬢神
仙座紳袍山水情醉翁同沆瀣百世二賢名

琅邪寺

曲塢龍深翠空山漬古香懽懽懸石葉鷄雀啄黎牀日午疎
簾寂風高幽磬長喬松巢數十密覆暗危廊

深秀亭詩集卷之九

六

樂愚揆以折枝梅花索題

鐵幹冰心霜雪斑花中巢許憶孤山橫枝忽向明窓見疑動
寒香墨影間

滁州

墨嶂澄濠綠方州古堞巍歐蘇留治跡臺榭有清輝獨客鬚
眉勁單車囊橐稀不妨徐問俗別眺到斜暉

又

石劍潭前山似鐵珠龍橋下水翻雲能文太守何曾醉懷古
遊蹤却展勤

定遠道中

纔歷關山又岱山鐵蹄踏破磨盤灣行人縱使青雙眼禁得

風塵撲髮斑

包公祠

廟貌稟堂堂威稜舊澤長蒼生思鐵面神父庇桐鄉裂樹虬
龍活穹碑日月光乾坤撐殺魄祀典繫綱常

池河鎮

古木斜陽下遠坡池河鎮上岳家多延賓新作溫淘麪爲索
龍蛇不換鵝

岳上舍維俊以武穆公手蹟見示題後

血淚號嘯闕風雷壯出師英雄傾膽誼奮激疾書時慨作分
驪調生存劃鐵姿正襟危坐讀神往向南枝

送吳老舅

深秀亭詩集卷之九

七

卅年賣藥慕韓康養得修髯松柏香羽扇棕鞋輕又去何時
騎鹿到嵩陽

哭張椒屏大令九絕

十年筋力盡京華貧病支離夢轉賒迴憶盧溝分手路思君
別淚結冰花

鱗鴻屢剖密蠅頭只說參苓珠桂愁食祿有期當引見雙兒

忽墜海天秋

白頭堂上病雙親猶作家郵問選人望斷肝腸終諱死消川
不起累官貧

半百將周育鳳雛每憐同病不能無含飴差慰猶存母我罪

麻衣血淚枯

不如落魄早知歸那得浮名成綠衣剗肉輪邊徒盡命文章
經濟總相違

虎坊橋畔列金貂廟市花前聽玉簫客興慣來尋舊伴醉中
有語輒魂消

清河衙命幸君來解橐謀尊笑強開委頓不堪辭便去關心
戀戀繞燕臺

乾侯傳語特精詳念我林泉筆硯荒豈信饑驅還道路月明
旅館獨蒼涼

升堂拜母竟何時旅櫬艱難入土遲交道死生慚范式憐君
斷夢索新詩

洪心驛

深秀亭詩集卷之九

八

車騎風塵老十年洪心驛裏記從前割鮮呼酒開爐夜有客
披裘話朔邊

黃泥舖

朔風吹雪望南歸曾向櫺牀挂客衣今日又牽低柳過黃泥
路馬嘶漁磯

鳳陽四絕

淮北青盤孕百重泗亭皇覺兩真龍卽今攬轡尋陳迹白日
雖荒雲氣封

湯沐人民久化頑山僧刺實舊龍顏冠裳地下思宗祖敢不
端躬伏謁班

牧童誰聽上城頭鷓鴣喧騰鐘鼓樓陵寂聲崇明下詔孰

井臣子失監修

貧旱星居最忌荒環山喜見麥秋黃遺錢每向田溝出洪武
會埋鎮朔方

藍采和修真處

寒吞冰雪暑綿裳嘘吸精和寄一方不信今成擾擾跡風烟
昏黑昧津梁

次潁州牧孫虎臣壁間韻

詩書味與性情真有路逢迎客未貧泉石幾年聊學道乾坤
何象不生春已知殷浩羞朝士敢託陶潛薄酒人君自感懷
我寫過天涯風景一交神

懷遠道中

深秀亭詩集卷之九

九

山勢趨江口荆塗隔岸青棗花香局米榴藥藍朱鈴古廟神
龍伏嚴城抱璞零穿車涼日午密蔭打沙汀

傷楊太守揆一

感舊揚雄宅銜杯憶十年看山晴結駟剪燭夜題箋桃核垂
簷熟蓮房摘水鮮老成驚代謝挂劍但悲填

嵇山

徙家指山姓叔夜迥不羈友誼致波及偏好何所裨風輝觸
羅網士類競銜悲吁嗟廣陵散絕調發臨危至今嵇山上襟
帶映穹碑月寒叫元鶴惻惻松風吹緬懷拜孫登諄諄早洞
窺

漆園

神仙謫玩世往往作小吏當其託跡時隨遇豈足異我來淮
以北漆園訪舊地不知官何司迎刃解游戲觀魚樂忘機化
蝶輕無類超超千萬言大道洩其秘今看榛莽間徒有題名
最土人強位置浮雲白夢寐

刈麥

腰纏處處掠晴暉婦子嬉然笑語羣明日磨房忙飯客溫淘
新切最殷勤

何家溜

道旁荷葉透新涼白鷺窺人插水長輿馬走同檣榜外何家
溜口似江鄉

寄杜虬文

深秀亭詩集卷之九
君歸聊復寓鷗莊我適扁舟挂夕陽有約惜虛櫻筍候無詩
能共藕蘭芳潼關形勝秦時險李固聲名天下強到日定傳
貧似病炎燒急劑待清涼

所見

空山古殿蔭高梧老鶴巢多引鶴雛碧眼者僧閒撥杖逢人
掃石灌醍醐

寨頭舖遇龔澹巖副憲

公方南去我來東相對麻衣赤日中有恨總填頭易白欲言
未吐淚交紅三年沙漠風塵暗兩字

君親忠孝窮愁絕單車歸堊路榕城燈火夜光蒙

雲母山

疊嶂迴峰夕照斜靈根何處刷丹霞分明自有長生訣爛煮
訛傳辟穀家

雙澗集

移榻釣簾白清陰竹影來涼颺生北牖幽鳥喚香臺傍澗瓜
田綠挈舟酒甕開催詩雲片黑愁訟立輿僮

槐陰

四月高槐葉葉風蒙城郊外逐陰濃懸絲細雨珍珠滴僕馭
清涼快客蹤

劉仙井

井底何曾更引錢癡人坐井只觀天劉仙一去空於水車馬
紅塵縛道邊

深秀亭詩集卷之九

陳仙橋

直信龍騰臥華山生時版籍不須還居人漫指千年跡青鶴
乘虹水一灣

黃柏洞

黃柏山邊水拍堤堤中洞口不曾迷漁郎只是無緣問月白
沙寒影杖藜

莊臺

幻死浮生去復來蒙城著意起莊臺春風何處無飛蝶好化
開情眼倦閒

蒙城道中

凌晨發雙澗冒雨過蒙城餅市癡兒說犁鋤健婦行巖坡崩

土石槐柳潑柴荆日午清衙閉官因養拙名

西楊集

村烟雨後綠遠近夏陰濃古井喧新汲荒雞報午春庭幽虛
小楊客倦定疎鐘不厭西楊集人多賣菜備

催耕鳥

陰晴渾未定望曉急頻呼鞭聲聞征客鋤出老夫烟村濃
四月澤國憶三吳農事家家重新芻不用沽

笠菴

瓶拂蕭然具乾坤放眼寬竹涼晨雨翠梅熟午風酸石鉢馴
龍小芒鞋踏鐵殘黃鶯啼未歇無計緩征鞍

白楊

深秀亭詩集卷之九
白楊悲易動颯颯戰高風丘隴殘碑外齊梁古道中樵蘇諳
氣象塵夢失英雄殊覺淒涼種烏啼落日紅

亳州感舊八絕

行盡南疆近大梁桑林遺澤潮成湯黃冠漫指流星院雨後
村烟綠暗香

老上騷壇高達夫雄懷名姓溢江湖一官未就蒼生淚握手
重逢話日晡

尺素鵝黃水綠姿雕闌晴闕殿春時平原曾奪風流座重疊
蛟納豔體詩

英雄氣短怪韓朋何物溫柔社鼠憑碧血幾時流夜月故交
有淚泣膏肓

綺席清衙會遠賓多昌老吏舊相親冰霜昨見東陽國已作
求仙賣藥人

五日居停榴火紅咸平寺裏識真公精廬又闕清修地二十
年來迥不同

學識曾推左太中挑燈夜聽鈴風龍頭未老霜鋒折埋沒
山丘惜此公

琵琶淺撥捧盈尊三疊陽關欲斷魂半晌不言頻作惡劇憐
馬首拜啼痕

魏家橋晚眺

雨意生未足斜陽界遠空漁家偵白鷺村樹匝青桐喚客蛙
鳴外停驂水氣中僧窓低隔岸軟語問江東

深秀亭詩集卷之九

三

僧窓蜀葵花

半月逐征鞍花前不可得禪房叩清影蜀葵鋪佳色豔者染
臍脂黑者鬱爲墨世人貴牡丹此類殊賤抑老僧來洛陽結
茆於此息慧香通儒術根本青蓮國苦辭無異種草草聊繁
植地僻少遊踪零落空日昇佛火煮茶蘭紙出藏幅拂硯
索新題惟我舒臂臆

晨征

晨征繞鹿邑滴露濕濃陰馬首千萬樹柳堤復桑林人家多
夢境格格聞樓禽落月澹而遠水氣白轉深與僕無一語只
是走駉駉忽然開閭闔清風披客襟平旦覺道路自笑亦何
心

暫慰

暫慰槐陰聽乳鶯南柯無夢午風清
衙塵熱客忙爭道何必
嗚咽問姓名

聞蟬

曲塢垂楊綠高風曬晚晴
客途勞觸熱葉底忽新聲
自噪何須急能飛不避輕
逢時矜變化此類小偏清

舊懷雜感十八首

西河晴月夜光浮
絲竹壺觴放舵樓
李布丘山尊一諾
建安詞賦壓千秋
剛鋒頗照英雄色
熱血全從忠孝流
星散升沈殊不類
鳳輝去盡剩盟鷗

波濤江海浴才華
紅土山前第一家
醇酒每交天下士
孤蘆深秀亭詩集卷之九

古

却秘意中花貧荒歲月生理骨
夢斷蛟龍夜斬蛇牛藥尚驚
星斗落秦關清淚拍悲笳

知己平生薦闕恩有籌必展意
何溫軍中紀律驚瞻范座上
詠諧獨醉荒汗血可憐馳萬里
冰心不愧絕私門一肯幾覆
收殘局高厚

皇仁活斷魂

關切凋殘骨肉親
歲寒老輩更無人
冲天虎氣風雷失
旅櫬塵封魂夢貧
泰堪孤兒歸未得
燕臺遊子去酸辛
劇憐祖硯同耕薄
恨莫吹嘘上要津

停鴻館傍古南池
肺腑交推李藥師
四壁雲龍輝潑墨
一簾桐月話銜卮
金門高望修髯客
錦囊深藏列仗詩
細把尺書

傳幻化孝廉船到落花時

情甘一死義堪傷
盼送回頭已斷腸
夜鳥怪啼遊魄夢
朔風能殺傲霜黃
衾稠密線澱紅淚
囊篋殘書裹異香
老我鬚眉無解意
小樓空翠十年荒

虬髯虎額舊征西
瀚海冰霜老鐵蹄
說劍神飛爭電火
彈箏夜半吸玻璃
當筵怒割紅裙淚
掛客橫驅細柳隄
復用死愁非趙卒
武安門破種蒿藜

太原城外弔征魂
冰雪停驂古鄭村
菜色忍看荒部屋
囊資消給拜啼痕
兒童命賤驅牛市
山木祠空亞鬼門
何術撫綏成保障
九重特選展蠲恩

砵碣烟巒舊謫仙
金華班首拜臚傳
淵源譜出連枝重
肝膈深秀亭詩集卷之九

五

交淡十載前清議
那容輕失足殊恩未減許
投邊醫巫朔雪黃雲暗
今日車書統一天

清流風調不尋常
北海襟期在岸堂
花市定逢邀酒伯
朝衣每典辦筵牀
官因韻去成佳話
貧笑裝多累古香
削牘互荒六載隔龜蒙
洙泗夢蒼茫

堂開綠野樹婆娑
何用圓荒百畝多
聖粉未乾歸白髮
簡書迫起事黃河
憑夷不息蛟官怒
精衛難填瓠子歌
力竭夜徂無入告
元臣其奈旅魂何

麻衫遺老避空林
約伴崎嶇踏雪尋
鶴鹿丰神芝朮氣
江山涕淚歲寒心
花飛斷夢留香谷
筆換編年疏梵音
一飯未酬深抱歉
閒雲聚散碧遙岑

芥菴天嶽好詩禪，世外交情結晚年。秋雨涼生蕉葉圖，夕陽香散藕花船。掀髯吮墨墨苔石，拄杖過肩劃乳泉。謂我箇中消息近，夢虛雲水却茫然。

神馳薄宦久離居，萬里滇南一紙書。鹽井風烟分黑白，峨眉山色碧何如。雲花款段調閒去，貝錦勒勒喚夢餘。愁重閒關歸計乏，不因酒盞戀車渠。

古譙風景問閒僧，二十年來百感增。熒惑星前燒巨室，華陀廟後殺韓憑。桑林難得青膏雨，龍甲空飛赤日冰。好護春移上苑官衙指，索搜蒼鷹。

湖山濕翠透桑麻，一棹緣溪到日斜。門在畫圖高列戟，珍如珪璧學餐霞。琴書竹肉賢人酒，襟帶鬚眉君子花。此席清華深秀事，詩集卷之九。

思洞府等身者，作重尚家。

白雲岩上老張星，响踏秋林叩曲屏。龍劍陰符修秘術，窮冠枯杖哭先靈。懸河力辯青囊記，點墨神清相鶴經。爲飯松花薰玉露，紫牀臘月一宵停。

洞口風濤駭絕塵，虎崖蛟窟有藏身。堆牀冷炙榛苓葉，顧客茫疑漢魏人。搖手不言寧格格，捫爐微笑轉津津。殘經爲伴天文錄，草木山中自寓春。

羅敷廟

餘羞絕恨見金夫，一洗冰心指蔡湖。桑柘清陰靈古廟，應教天下殺秋胡。

扶溝縣

小邑界中衢，淳風戀一區。羅敷存烈蹟，明道舊涵濡。甕牖絃歌發，鱗牆花徑紆。撫綏何用術，力不困征輸。

扶溝學官題示段廣文蒲文學

扶溝文學濃陰族，古槐翠柏三十六。面城瑞插小丹丘，似曲龍游突虎伏。客來掉臂走其下，爲拜循階快雙目。偶然戢影泮池東，密蔭不見尋輿僕。廣文夢夢問莫對，但指迴廊摩碑讀。始知老樹有神理，四百餘年穹殿肅。秋陽所照止盤頂，著土未嘗濕露霖。霖修肉月，或高棲弱幹，競發無楸禿。伊川程子曾官此，誰其後者休。餘沐國家養，士如培木棟樑之用。無欲速託根聖域，須位置斧斤。安敢竄樵牧，蒲生潑墨請書壁。瞬息硯田乾，一掬廣文唾舌殊。頭顱愧謝散材酸，苜蓿深秀亭詩集卷之九。

五女祠

驅車許昌東，去城四十里。地以五女名，祠歷千餘紀。殘碑迴磨滅，噴噴徒傳美。姓氏不可考，興歎何能已。約在齊梁時，父因苦類齒，伯道命自傷。蟬蛸思續似，恐累外向心。或亦據正理，女愧莫承祀。矢戒隨杖履，不字堅守貞。一同伯姊，墓父各穿穴，聽父靈所止。父不憑親女，却爲蟬蛸起。五女恨非男，抱憤痛膽呬。攜手殉父埋，一哭同日死。壘塚高路旁，事惜遺乘史。吁嗟鬚眉客，整親可如此。有女得如彼，乃可以無子。

遇武林韓次凡州幕述懷舊感十六絕

少小遊蹤憶老頑，逢人便問舊湖山。輿碑祖德思裴帶，墮淚兒孫愧後班。

二月雛鶯倚柳嬌
蘇隄遊屐粉香消
書生動護旌旄令去挽
絲轡歸駕漸

裴家雙壁住城東
九里松前曉曉風
豈有修文來鶴召
恍聞仙樂竟行空

敦槃寶主盡東南
風雅劉曹興特酣
斷續交情三十載
江湖都指姓名談

天竺山厨昭慶房
竹爐煨蕈蠟梅黃
紋窓暖曉經時住
養得書田心瓣香

放魚池漾水雲區
花下時看五色俱
一日三朝頭北向
鐵龍王廟硬張鬚

板竹層樓閉曉天
家家蠶嫩養春眠
黃泥挑出雷先笋
韭菜溪秀亭詩集

蘭華不值錢

卷之九

六

孤山鐵幹近全稀
窮舫誰還繫釣磯
冰雪香消林處士
月明放鶴可能歸

樵徑疎鐘隔翠阿
棕鞋軟踏捫烟蘿
涼生六月風簷鎖
入僧牀鳩婦多

靈隱山門舞鶴翎
松濤風長冷泉亭
憑虛輒作凌空想
誤落人間悔謫星

飛來峰挂紫藤香
綺素當壚蕭九娘
王謝兒郎喧酒伴
綰絲今剩幾人長

瓜葛情憐任助兒
芸窓燈火繡牀肩
三年病骨同歸土
宿草春風拜更誰

詩書門第數諸陳
接武雲霄起鳳麟
太息二難淹忽易
桑田多半屬他人

曼陀竹院佛燈青
夜半僧窓伏虎腥
振錫鳴鐘風躍去
老猿攀樹却偷聽

文采尖新製作工
笠翁小技擅江東
離尊恰值清徂夜
放艇烏啼楊柳風

帥府雄豪特擅場
當時名部鬪紅妝
娛賓夜夜燒燈看
却笑兒嵒喚海棠

過霸陵橋讀漢壽亭侯石刻辭曹書三絕
來去分明義曲全
人心天日一書傳
亦知老瞞文章伯
能懾從經解達權

深秀亭詩集卷之九
充

羈留宛轉爲甘糜
滿報隆情已不虧
灑筆提刀飛赤兔
把書傳玩查難追

忠肝一片揭千秋
何日無人洞兩眸
丞相籠人貪盜國
金袍何足悞歸劉

題考叔祠
積橋名重溯源流
純孝先賢有古丘
赤日停車修一拜
遺羹感觸淚難收

爲襄城陳道援大令留題義學
循良可傳豈多求
善政如斯近太丘
滿座絃歌傾客耳
頑濱書院古風流

過許州寄州尉滕式夏二絕

二十年前過頴昌讀君詩畫不尋常一官何竟如山定小住
爲佳意轉強
凌晨惆悵莫停驂渴想千端繞壘龍秋日秦歸仍假道琴尊
須報話清酣

柏屏

十畝彌陀寺遮山級柏屏晴香乾老衲翠色湛空亭忽覺紅
塵遠殊嫌過客腥高低多結子壽帶啄雙翎

釣天臺

鼎湖龍去散翔雲那得釣天樂更聞斑剝古荒顏百尺風沙
掀草拜殘曛

望崆峒山

深秀亭詩集

卷之九

干

自笑勞形欲御風遙從征轡禮崆峒廣成也不留今日大道
原來問轉蒙

洗耳河

洗耳河邊不飲牛至今輕泛只閒鷗臨流車騎衝晨夕何事
浮名且浪求

午日次內埠

道路任悠悠可中出汝州兒羣驅艾虎餅肆畫龍舟那得江
鄉樂能安魂夢遊謀尊澆僕馭山翠亞當樓

廣興寺

伊洛風烟古殘碑篆有唐危巢團翠塢赤口覆空香瓶拂僧
意閉黎絜客眼當閒雲舒卷外列岫望何長

旅壁繪琴基者甚夥獨無酒仙浮尊對之

酒星何不見醒眼看何心空響餘先著忘機畜古音醉鄉身
外好畫理客中尋莫道參鸞鶴清狂少竹林

雨意

渴塵高馬首觸熱厭長征忽漲朝雲白頻飛低雉鳴空山蒙
澹筆遠樹隔荒城雨意妙新釀披襟風乍清

濛雨

濛雨吹仍定征衫濕又乾林亭屯廟古烟漲隔村寒殘果鳩
啼落新花澗影看伊陽山路曲滴翠若堪餐

伊陽道中二絕

澗水潑澗渡馬危土均穴處棗陰稀斜陽只曬紅花賤椎髻
深秀亭詩集

卷之九

主

村姬肯著緋

柏陰穆穆雨絲絲下馬掘瞻康節祠鎖鑰塵封惟鳥跡從無
過客肯題詩

白楊鎮

黃酒槐陰綠迎山旅舍高新花鮮潑座纖雨碎如毛倚枕看
題壁挑燈倦解袍喧傳誰驛使深夜過旌旄

宜陽道中二絕

風搖複道艾旗芬雨後青山吐白雲五月披裘征路滑吳鉤
躍躍若超羣

峻坂深溝似井陘只聞馱鐸喚山靈田家穴處多穠牧白日
荒荒草木腥

永寧道中二絕

石齒磷磷竄竹雞空山長日困征蹄
寒裳低度沙潭曲又上巉巖百尺西

雨絲初斷夕陽烘黃蝶爭飛
藥草叢努力馳驅全未慣
鬚眉何事出江東

韓城鎮

細雨韓城鎮清尊絲竹聲空齋
荒夢白獨客遠懷清瑟索聞
從僕崎嶇怯去程潼關五百里
還繞賀蘭行

陝州道中二絕

還思排鑿滿山嶠周召當年分此區
鐵騎倘能防硤石民情終古似黃虞

深秀亭詩集

卷之九

三

砥柱何如熊耳高龍逢故里長蓬蒿
山川鬱結風烟激土室瓠尊氣特豪

林定寺

西歸脫跡已千年林定今爲空
相傳瓶拂彌天師鼻祖山丘
六葉付心禪松風高向雲端落
埵影清移石隙懸龍篆垂藤
摩古碣臺城天子豈塵緣

白松

面壁西歸剩玉鱗盤根曾見六朝人
風高熊耳清雙峽濤撼龍門走百神
趺坐更誰承嫩草翹瞻似我悔征塵
青天印與閒雲近想到空叅月一輪

白甫鎮

山谷住孤村炊烟出樹根
客牀驅野鴿圭竇塞荆門市苦洪
荒古人安耕鑿尊井華汲百丈磧
櫛敢盈盆

磁鍾曉發

曉發凌雲氣磁鍾野處多
鷄鳴山頂穴馬踏樹梢坡宿雉驚
人影殘星澹月波還思周召日分
陝俗如何

陝州

莽莽繞嵯峨犁田穴頂多
孤城山作障危渡路吞河獨客騰
車上黃塵揮汗過不知分陝意
疆理舊如何

靈寶縣

巖色藏深谷蒼崖撼大河
中原鎖鑰舊戰國會盟多
逐鹿頻爭此騎牛偶一過
桃林思浩放日夕起樵歌

深秀亭詩集

卷之九

三

入函關

天設關河險蒼崖古道門
猶龍餘紫氣六國仰征魂
侵曉單車入清時獨客尊
已無仙令識雞報孟嘗恩

關龍逢墓

碧血存抔土峭幽雲氣封
直臣各有夏死諫古先鋒
樵牧知羅拜冠裳爲憫內
停車感遺際喜起慶黃農

黃帝鑄鼎處

事在洪荒上碑傳疑信間
閭鄉山有谷荆土火爲珎
遙想金流熱騰空雲氣開
西來寧訪此今日是塵寰

雞鳴臺

虎狼黑峻法食客託雞鳴
下策遂響應鷄情感可驚
一丸中

夜闌列騎絕塵征斷碣眠荒草田文去有名

望氣臺

紫氣渺然去荒臺歲月徂牧童橫笛過異客一人無白日遊
仙夢彌天野馬圖李唐若又感故宅啟靈符

閩鄉道中

土城風雨後門巷杳無人路踏蒼崖滑園敵脫菓頻耕田高
出岫採藥可留賓鑄鼎空山在茫茫雲氣屯

盤頭

綠暗盤頭鎮槐陰覆市街民情安樸懋客况到清佳雨後山
如沐風前雲自排秦關雖在望書劍正天涯

潼關

深秀亭詩集卷之九

五

鎖鑰秦雍夾岸山天開百二障雄關風烟很敵黃河壯兵甲
旋移征壘班逐鹿乃公先馬入鳴雞下士戴星還一九可塞
今無用獨客清時到甚閒

謁華山西嶽廟

廟貌崔巍數歷傳威稜肅仰金天雲蒸翠樹虬龍合柴望
穹碑鐘鼎鐫方鎮有名崇極上山靈何象不羅前遊蹤五月
涼新雨幸滌塵襟一憬然

青牛老樹

牛從函谷去樹尚老清壇禿幹荒枝葉流膏積歲寒高撐仙
掌白遙指玉盆乾不盡猶龍意憑人著眼看

登萬壽閣瞻華嶽二首

青天削出秀芙蓉呼吸可通第一重仙掌石花開日月玉盆

松影吼蛟龍百年未遂修真願萬丈難尋高臥蹤極目憑欄
空翠疎光芒不定盪雲封

蓬蓬雲氣忽空靈陡立三峰插太青我正好奇山在骨仙何
不許客爲星凌風襟帶輕堪去駕鶴笙玆近若聽絕訝昌黎

愁百計辭家學道便宜停

朝過華陰縣

太華峰前好縣家晴看雲氣白叅衙琴書鳴判臨仙掌城郭
清新護種花身在畫圖香作吏心存冰藥秀餐霞蹉跎未遂
朝端乞止覓青門五色瓜

柏抱槐

深秀亭詩集卷之九

五

盤根力大儘包容皮相原來隔一重千載南柯開郡久蛟龍
高駕和陰濃

華州道中二絕

一杯卯酒潤雙眸仰看青山出華州縱未得傳高臥衡行吟
謝朓足風流

山光若遠又相參不厭掀髯仔細探拍手墮驢親到處太平
橋畔味清酣

陳希夷先生墮驢處

宋祖登龍日先生笑墮驢山中微脣數天下正車書有慶殊
關切閒行豈睡餘太平題柱在我且樂觀魚

郭汾陽故里

廟食忠良異姓王得全將相冠朝綱風流王謝江山力鞭策
韓彭日月光位極人臣能後樂勳齊天壤永垂唐淵渟嶽峙
瞻遺像仙掌峰頭姓氏強

寄黨白崖給諫

撲塵自笑熱蹄忙不得閒尋綠野堂五載借歸輕拂袖一封
細讀寧嚴霜風流沈炯詩應達狼藉張儀舌亦亡健跨青驄
仙掌下松筠蒼翠鬢絲長

赤水

濁浪急危渡崩沙沸夕陽烟寒榆柳白風打荻蘆荒過客徵
遺論強秦致暴亡決囚成赤水流毒自商鞅

渭南道中

深秀亭詩集卷之九

美

阿房一炬土還焦濁浪空排萬里橋人物獨思白太傅村莊
應尚解風謠

鴻門坂

坑秦十二萬孤注豈姑容肆酒爭屠狗重瞻渺亦龍劍鋒陰
有翼玉玦恨無從誰更寬垓下天方助漢宗

新豐市二絕

新豐市口近鴻門驚定分羹擁舞魂天下豈無陸養志徒移
雞犬認前村

鴻門生脫太公還楚德何能昧此間若使陰陵崇祭殿新豐
市井儘堪刪

臨潼坐雨不得浴溫泉二絕

塵氛乍冷洗心清何必溫泉定浴名旅舍翠陰雲氣白驪山
一座案前橫

雲封不得上朝元只看松濤絕頂翻濯魄雖虛心似水蒼生
熱血更思源

溫泉用賈可齋副憲壁間韻二絕

華清宮冷獨泉溫猶勒開元賜沐恩雨後我來新更滑驪山
翠映玉壺捫

浴罷龍團進幾甌整襟高對碧山頭身心大是離塵垢便作
題詩第一流

法濟寺

古翠籠幽谷慈雲澹碧天松風空磬遠鳥語落花鮮短榻刊

深秀亭詩集卷之九

毛

書聖環廊見畫禪淹留茗枕坐清味覺翛然

驪山夜雨

枕畔朝元閣外聽上皇魂夢雨淋鈴旅人愁緒猶如此何況

山空南內青

東陵舊蹟

荒原不見種瓜翁舊蹟烟寒風雨中短木橫標尋過客紫花

首藉最青叢

灞橋二絕

百折危欄古灞橋烟寒空影已魂銷辭家遠溢三千里獨客
征鞍風雨朝

路是唐人舊送行柳枝慣折一杯情推敞縱在騎驢背何似

端居讀書明

唐抱一邀同裴聖武陳健園眉山弟集寓齋

六年不見情殊渴萍帶竹同綺席開何負於秦星列客最寬
其璞石爲胎關河險阻荒遊夢驚英雄剩老才獨有新晴
榴火綻好尋太白健登臺

遇陳健園表弟

相逢如夢病相憐涕淚酸辛割九年恩負

君親皆未報貧交兒女却多牽鬚眉老大關河壯琴劍飄零
金石傳戀戀解推忙問缺真堪驚坐壓秦川

眉山弟設酌寓齋同沈似曾進士

五月烟深翠雨寒鐵蹄初踏舊長安蘇家兄弟雄虬鬚杜老
深秀亭詩集卷之九 天

風騷借藥欄酒債儘添湖海氣客情未免夢魂酸解囊絕笑
惟書劍那得空彈貢禹冠

姜允修招同呂柏亭儲二癡方虞律孫安期沈辭立汪
幼隨顧迂客陸九之雅集限韻

客懷不可釋客情不容已秦寒憶江湖萍跡接鄉里風騷自
有源交澹亦清喜避身河朔飲圖題獵青史科頭綠槐下抵
掌究莊有息影透簾櫳靜穆隔紋水蹉跎惜少年徒覺多堪
美劉毅千金膽壯呼聊爾爾伏檻聽老驥伯樂豈在此

寄書

寄遠愁無便急行又懶寫去住莫可定殊非慣遊者荒月猛
催科雙扉怕吏打荆人持家政病骨憐一把稗子渾之無跳

躍亂童馬却不搜梨棗而喜索覆傘聽信若有知執視亦不
舍回頭向西望耶何不歸也

胡德菴都閩眉山弟坐雨泥飲

客秦逾一月萬事悔鬱抑純鉤閉行篋英雄失本色湖山接
壤地入秦同棲翼電目奮虬鬚肝膈洞相得策馬過泥潭燒
燈快罵賊夜雨莽沈沈簷溜瀉潮逼三人吃互向呼尊悉致
力環僕見開懷駭主不可測更酌鼓後勁備瓶傾欹側慷慨
論出處熱血流豈息城頭寂遠柝草間起蟲唧西陲吐壯氣
爲戀 楓宸北

鴻門

我既過鴻門載論鴻門事馬上初逐鹿重瞳猛疾視高宴殊
妄尊坐席展芒刺楚漢分成敗舞劍危一試玉玦漫不付赤
帝託如廁壯哉屠狗兒直入死無避斗酒生彘肩霸氣爲折
墜椒房實虎將范增計失利此非蹶附勲項莊可陰庇不果
殺劉心羽亦自滿意所謂煦煦仁坑降則大異天惡其殘暴
三章默定位在德不在兵鴻溝割更棄斑駁繡土花勒石猶
插地垓下其誰救功高悉芟忌此會正而疎未可深刻議杯
羹况活歸於敵非負義

題賈可齋副憲畫蘭

幽谷含清芬秀色入圖畫曾無書卷氣下筆直種蘿可齋蘿
藉人腕靈而意解春露滴瓊葩放葉酌賓介苦滑淺埋雲蟹
面呈醜怪不愧賈千秋別種九畹派

金鐵山副憲招集

綠陰深染刺丹葩清晝擎尊賦物華客豈神仙徵異數官推
王謝舊名家風流靜挹松筠氣肝膈明開冰雪花佳興尚當
陪夜月關題擊筑看飛霞

宋內和中翰招集

客裏相逢眼倍青行厨猶饌五侯鯖名非入洛身何賤事悔
依劉金始靈顧我虬髯開酒國推君斑管是文星曲江有約
終須去李杜遺踪在舊汀

毛古愚光祿招同仇學周注幼隨兩別駕雅集

六年不相見夢寐如無憑單車冒寒雨踰過五陵寒烟白
晨夕客味類孤僧石交忽咫尺折柬來稜稜心癢不待速把
深秀亭詩集卷之九

蓋便曹騰欲語誠疎懶意氣殊雲蒸官遊妙圖畫深淺寫所
能小樹靛晴午穠豔花層層我尤望安榴結實何其弘時古

無煙每句用
兩花名

金雀爭驅蛺蝶嬌菱花輕試玉簪敲魂銷夜合芙蓉帳夢怯
天南錦帶橋蘭秀佳人香咏絮洛陽才子氣凌霄烏絨同剪
秋羅帕月桂陰籠蓮渚搖

李約山比部招馮敬南郡丞程鑄九州牧王敷功孝廉
梁玉持廣文同集

客久稀折柬嘉會初遠人龍門乍登峻十載交以神萬資感
披拂千金輕濟貧公凱端 朝望見輒語津津華胄敦骨肉

與我道義真焉知萍踪合把臂還在秦秦聲何用緩舞袖競
翻新譜出意表外方言妙不倫驟雨決簷溜良快消渴塵窓
紗映燒燭引勝厚飲醇席散抵夜半歸路擁冰輪旅舍厭著
枕鈎簾坐花茵短章報賢主肝膈從此親

飲胃和寓齋

夕陽瀉流影散步尋所契揮扇上空堂覓涼苦無計主嫌會
面稀客坐便如繫提壺話江鄉蠶國恨銅弊王謝賤詩書冠
裳餘奴隸醉來虬髯張浴罷蘭香細後約更預操長夜披月
簪

謝靜巖州牧招劉進士尉公張州牧麟一俞孝廉澍三
王郡丞西華同集

深秀亭詩集卷之九

君家毗陵南我住吳淞北逶迤三百里隄柳溪烟織來往諸
謝間名姓早相識浮雲逐遊踪高低各遠翼何意入秦關一
見洞胃臆絲竹羅前楹花香泛酒國新築起畫圖日斜照佳
色冠裳昧風騷客卿薄子墨何以挽頽俗芝蘭別荆棘

留德菴健園眉山飲槐陰限韻

渴塵扇炎敵無計去休夏相逢不索飲客興如何罷况挹紅
粉香瓶蓮色未謝清風動林端流影微微射散坐庇南柯青
幔不須架弱質寧解吟笑窺並簾罽

馬嵬

朔方一不守鼙鼓震漁陽天子下殿走冰山碎戎行可憐庇
不得傾國敗紅妝長生私語歇牽羅向佛堂香魂酸血汚腸

斷叫三郎鑒馭獨憐歸南內月如霜惆悵雨淋鈴垂淚教神
傷六合幸重整一坏已草荒至今千載夢未足睡海棠凝脂
化傳粉白土有明光不如陰陵并詎較青塚強驛騎輒回顧
渴塵何蒼黃

觀射

鈴閣白日去堂堂賓主虬髯競飛揚酒酣撤席雕弧張高懸
中的賄穿楊黃忠鐵臂恃挽強睥睨李賀輕奚囊誰知胡公
更擅長孫吳神術訓戎行束帶拱手謙未遑十發九貫妙無
方老將始駭呼錢唐俯首懾伏捧巨觴掀髯一吸壯鋒鏖四
顧瞳目圍堵墻君不見邊烽久息雲霞光賀蘭以西祁連黃
集賢侍從賦柏梁詩謨遠慮定廟廊出符約略屆嚴霜帳殿
深秀亭詩集卷之九

三

角昂藏

驪山

祖龍晚閉後驪山久寂寞開元全盛初綺繡何相錯香塵夾
禁城金粉圍珠箔六宮寵一身諸姨親花萼霓裳臘月晴燃
脂耀羅薄至尊親接諸賀老定絃索軍中聽留後梨園悉諸
謠漁陽反洗兒狼烟逼邇郭蒙塵急避蜀軍亂剪元惡摧殘
到割愛馬嵬慘收縛回鑾無舊人獨上朝元閣淚滋清夜徂
風打秋花落當時已不堪何況今非昨我來叩華清道士指
丘壑第二試溫湯石刻摩約略尚有倉鶯青周遮妙秀削惆
悵莫信宿不得搗麝酌西巡聞慰望勝算須經度爲語惜

民膏毋事太充擴

五丈原

軍行太白山不得鳴鼓角鳴則暴風雨真宰有權握屯軍五
丈原孔明勝管樂居高氣自雄埋竈亦嶽嶽地利恃人和折
衝定帷幄料敵適多中司馬意殊覺英雄見略同布算靡不
確天奪惜大星鞠躬盡忠愬吁嗟八陣圖衛霍豈能學悠悠
曠代後殺氣凜河朔

黃龍光大參席上觀雜劇

客懷浩落逸興賒衝泥蹕馬到清衙雨深汨汨疑鳴蛙主人
列席開窓紗九髻小隊撥琵琶錦羅瑜上舞鮮花幽如鸞鶴
和雲霞仙如江海浮乘槎癢如麻姑著爪爬幻如公孫劍紛
深秀亭詩集卷之九

三

拏一頓一笑妙無加欲死欲生看咄嗟忽然漁陽急鼓撼老
將登壇捲風沙忽將心注七香車洛陽才子狂天涯忽牽別
淚灑兼葭無那嬌羞不可遮忽驚遊宦思山家樓臺高眺低
日斜宮商銖黍靡纖差四顧屏息誰其譁清味酣足慧齒牙
後樂及時多光華城頭夜靜聞啼鴉

立秋

客舍秋先覺邊庭風易悲高梧何處落紅蓼向人垂促織聲
初密流螢光欲吹長安空萬戶蕭瑟爲低眉

長安旅舍苦炙秋暑爲憶秦淮佳處十八絕

秦淮佳處憶新秋雨後潮生滑似油打槳載花桃葉渡憑欄
人面約簾鉤

秦淮佳處度輕鴻長板橋頭楊柳風天濶波融明鏡活無人
邀笛也雲空

秦淮佳處望鍾山淺澹雲霞一抹間擊楫溯洄天際遠有人
高挂夕陽還

秦淮佳處練燈船簫鼓聲沈不夜天明到水晶宮闕動驪龍
顚顚斗珠圓

秦淮佳處話銷魂舊曲仙姝寇白門墨滯蘭芳紉素重明意
低挂夢王孫

秦淮佳處跳魚躍月白燈昏泛水稜貼岸支牀聽夜半臺城
鐘到隔樓僧

秦淮佳處莫愁穿花月鱗牆濕翠烟午夜筆牀明縱酒肯容
深秀亭詩集卷之九

寂寞學枯禪

秦淮佳處藕花香姚棗生甜瑪瑙黃鸝珠球堆茉莉冰綃
人坐晚風涼

秦淮佳處曲闌多水氣湘紋面面拖檀板乍停香一縷六朝
塵夢儘銷磨

秦淮佳處問烏衣江總門庭改釣磯蓬頂試從波面掠射洪
橋畔闌茶歸

秦淮佳處畫難能除是詩人王右丞綺縠波痕糠片柳花關
石齒一層層

秦淮佳處乍晴陰修竹高梧響一林留得臨溪丁野鶴雪簷
尚說舊知音

秦淮佳處月華吞幾折簾櫳不閉門夜載拍浮狂雪涕楚驢
不厭杜茶村

秦淮佳處讀書堂深柳黃鸝叫夕陽雪客後來園次去浮家
都賦杜蘭香

秦淮佳處點詩僧清絕南枝酒一升軟語夜闌歸未得楸枰
又對米紗燈

秦淮佳處雨蕭蕭若笠簑衣駕晚潮三尺銀鱗騰舉網厨娘
能解擊鮮招

秦淮佳處捲飛霞坐臥青溪近萬家鎮日堂堂元宋畫水紋
惹榻麝香花

秦淮佳處飽清酣枕簟蓬窓住學潭庾鮑才華花露酒風流
深秀亭詩集卷之九

畢竟數江南

碧雲仙觀可懷處十八絕
雲霞仙路

門繞通波委巷西偶然舍宅作丹梯客中詩酒風塵誤何似
歸來路不迷

長廊畫松

閃爍橫披雲母牆濤聲聳影墨蒼蒼入門便著徂徠徑老駭
虬文千百章

芭蕉塢
豈爲臨池種紙多愛他秋雨響岩阿綠天開卷何曾盡不許
鱗牆透薜蘿

林逸民畫竹

篁痕籠壁上簣簪修節拖陰千百行到眼誰爲嵇阮輩清風
日夕掃迴廊

劈玉峰

亞字迴廊屋角排濃陰影裏瘦形骸東山作鎮須呼丈如在
南宮寶晉齋

桐陰

秋風瑟瑟月華清石上橫琴輒二更畫影却從樓壁見鳳凰
棲是意中情

步虛聲

絮絮輕雲白鶴飛洞章高詠入清微笙簧細繞林泉窟有客
深秀亭詩集卷之九

閒聽拂釣磯

芙蓉岸

雲霞低覆隔溪紅慣踏叉魚翡翠叢四面何如三醉好道人
色相不曾空

紫藤架

穿林駕閣覆懸溪禁得柔香賤似泥風後雨晴紛撲蝶紫雲
深映夕陽西

桂林

冷露新涼發早秋天香書屋十分幽淮南不用還招隱金粟
前身我請修

蕩滌千古亭

環溪敞閣任湯湯特立修翎對客長讀龍南華無事坐始知
魚樂信蒙莊

梅花嶺

畫圖鐵幹雪晴深丘壑神仙高士林冷澹栽培幾十載素心
蠟屐每招尋

釣臺

蛟龍不見泛遊鱗何必持竿下水濱柳絲低撻鳬浴罷鬚眉
空照坐來人

水雲梯

水雲梯上草花星薄薄寒潮打小汀不是芒鞋偏易滑道人
久坐覺魚腥

深秀亭詩集卷之九

藕花池

出水亭亭記並頭光分太乙對書樓元侯散步曾臨訪約翠
排紅放小舟

平臺

落日平臺思渺然九峰羅列秀中天閒參野馬騰輕翮些子
何曾礙眼前

雪竇

路轉山深忽洞開平從月窟看花來誰探太極真元象只在
圓空不點埃

疏枰

五畝新添老圃旁藥囊不若菜根香終朝抱甕編籬密一雨

俄滋綠萬行

和孫安期明經青門五詠韻

嶽廟樹

西出函關爽氣秋猶龍傳說縛青牛風霜盤錯高孤幹鐵石
斑斕鎮古丘仙掌路參圖畫骨金天靈肅翠陰樓不知問禮
當何在大道無名此獨留

灞橋柳

魂銷不盡古今情何況迷離風雪聲張緒依依輕改歲王恭
濯濯總愁城天涯望斷鶯花夢驢背思深烟水程安得攀條
無灑淚月明長在畫圖行

繡嶺泉

深秀亭詩集卷之九

美

朝元閣下一泓新曾照沉香亭上人碧色至今溫不淺源流
終古氣如春題墻賜沐餘黃土解帶閒尋淨渴塵聞說夜深
星月近水仙環珮輒逡巡

樊川花

椒房食邑漢興初那得香風久不疎韋杜近天排舊築松筠
夾岫覆精廬春深客路鶯簧喚夢去紅妝蝶粉舒每恨鍾情
偏易老却教狼藉惜村墟

新豐酒

徒規門巷笑當年市上青帘斗十千卿相金貂曾博醉畫圖
雞犬已成仙行旌不信荒空谷斷碣全欹傍苦泉只有美名
忘不得渴喉懷古樂詩肩

和陸揆哉學憲秋字

客老花間夢詩清雨後秋驚濤排陸海閉匣恨吳鉤士豈書
香賤天惟酒德優何時聽笙鶴同上望仙樓

卽事贈陸揆哉學使

吁嗟乎漫天黑霧漲辣手上官之毒十之九含沙射影陷私
營鼻息如雷不容口寬而沈者竟誰何誰向天閣一昂首先
生二陸挺孫枝文章事業肯貽醜衡鑑翻爲蒙蔽多請託狂
瀾殊掣肘代人受過因所甘其奈獄成莫須有負郭幾何松
菊荒白金四萬能輸否幽囚仰屋剪昏燈夜夜高吟吸大斗
短書帆報室中賢惟髯灑涕乃北走輕靴鐵騎路萬里呼兒
捧摺緊隨後風沙捲雪撲紅顏行盡寒鴉叫衰柳黃雲陣陣

深秀亭詩集卷之九

美

護龍旌咫尺威嚴驅雞狗伏草拚命慘驚天得邀天聽許
重剖事下分陝始昭雪強搜肉者悉旋嘔天王明聖憐非
罪小人枉作中惡酒吁嗟乎尺牘從此凜貪夫宗匠那可無
奇婦

送陸允嶠上舍歸粵東兼寄令兄維菴副憲

客秦乍返似行仙執手開元古寺邊兄弟機雲天下士湖山
泉石夢中烟秋風夜聽潮雞月鈴閣香清玳瑁筵寄語鬢絲
愁落魄珠江春水定尋船

題朱卓崙別駕寫照二絕

桂花香裏息題與秋樹林高好讀書已上畫圖清秘閣鬚眉
精采更何如

英雄定有神仙骨
宦味偏耽翰墨場
開卷客窓殷一笑
風塵未老待朝陽

題陸九之採芝圖

十年長夢採華芝
恰稱神仙畫裏詩
我意請君添一鶴
華亭清響玉峰遲

題陸九之畫竹

策策涼颼漠漠陰
鼠鬚鳳尾惜如金
知君夢繞瀟湘後
寫出交情六逸心

贈呂柏庭大令

客秦餘三月無一快心事
酒徒罵風騷衣冠圖賊智
循良不善婦小告括棄置吁
嗟隴丘令下車歌大治前人少奇策
瘡深秀亭詩集卷之九

早

力忍越視補苴曲撫綏召杜苦含淚
以此誤挂冠清議鬼所忌蕭艾殺芝蘭
伏櫪困老驥與我合傾蓋肝腸洞道義同飲
江南水傲骨恥下位闢題繫筑情使君孤可比
馬齒百日長踪跡感異地我愧拙太甚君更多
名累鐵轡屢出入墨汁銅斗費偏提三寸刀
猛刺秦漢秘搖手拒妄求偶願則絕利美哉
雙玉獅鬚髮細何膩藏之濯錦雨摩挲怕光墜
先生注青目伎癢許微醉坐雨謝殘謁沈吟等
游戲滿白似飛花淋漓得古致想其脫腕時
神來乃稱意毋怪狂欲舞泥滓遺突踣高聲
作報捷要響金石字袖觀齊拍羨何況我私記
可憐天下士聊復踵鼎試

留別黃龍光大祭

三月濃情愛醉髡
清衙名部耿銷魂
英雄合得神仙術
盤錯偏饒雨露恩
爽氣庾樓冰鑑徹
威稜張草剡釵痕
湖山弼教知將近
別緒雖牽笑語溫

留別謝靜巖州牧

通門舊誼近尊行
何況江流接一鄉
溫意每承醇醉厚
客情其奈菊秋黃
麥舟牽我荒來夢
詩卷投人剩瘦囊
惟有出關仙尹覺
鬚眉或不愧昂藏

留別李天木大令

驚才霹靂算長庚
重整冠裳起大名
此後交情雲路濶
於今旅況月華清
香臺別構圍花住
酒醺雄拚惜我行
一樣銷魂甘苦異
尺書應寄到春明

深秀亭詩集卷之九

早

留別呂柏庭大令

悔謝牀頭舊捉刀
誰容召杜傲風騷
艱難出處君同我
氣味生成蘭與蒿
鐵畫鼎鐘秦漢上
錫山雲樹夢魂勞
心知只望歸來切
輕脫朝衫任酒豪

留別顧迂客大令

辟疆閉鎖幾時歸
懶煞邊塵打客衣
刻燭無聊推大戶
看山有約惜斜暉
多才難却貧如病
任俠翻因息不飛
天下詞場誰是主
君家兄弟久光輝

留別趙南塘進士

眼底誰開作者堂
君家琴鶴不尋常
英雄老去心如髮
修築新成墨最香
腕下石痕騰蟹爪
簾前書卷壓繩牀
何時學道

希夷峽共躡雲霞襟帶長

留別李約山比部

江鄉桑柘隔陰濃，肝膈翻憐洞客踪。
秦塞那愁圍六國，風雷忽起吼雙龍。
蒼生溷濁東山展，別思秋高落雁峰。
我去君留各惆悵，開元夢斷一聲鐘。

留別金鐵山副憲

客秦不覺感單寒，怕見黃花瘦藥欄。
欲別每關秋憲府，空彈却負進賢冠。
邊陲舊事滄桑慣，夢寐溫情湖海寬。
盼切屏藩南國蒞，詩脾酒醖許登壇。

留別宋訥菴別駕

客情諳盡月華秋，每對樽疊話去留。
家在關山聊躑躅，人參深秀亭詩集卷之九

聖

琴鶴絕風流，奚囊却裏純鉤重。
行雁齊鳴逸足投，莫滯墻東停遠盼。
題詩愁我獨登樓。

題德菴寫照二絕

清芬歲月古虬陰，長得修髯定好吟。
我對畫圖君看我，雲山學道有同心。

石壁千尋掃翠微，朱霞點點映輕衣。
神仙不放生花筆，除却風塵愛息機。

留別朱卓崙包愈菴宋售和

重陽相近別秦川，風雨何能不黯然。
話到客情皆似夢，食餘詩興獨飛仙。
渴醪野店停霜葉，短鐵雲山跨錦鞵。
回首素交公等在，可愁鴻雁叫南天。

留別陸揆哉學憲

十年夢想到成都，何意三秦一醉呼。
謗自含沙驚宦海，力全刺血救狂夫。
交深肝膈何曾負，翠晚松筠豈肯枯。
渴待歸旌閒聽鶴，淵源人望說歐蘇。

留別王敬功孝廉

曲江遊屐踏斜暉，君復能留我急歸。
世味正堪膺醉理，客情何事不雄飛。
關無尹喜迎誰識，冠向王陽願未違。
秋樹霜花雲影外，征鞍詩思倍依依。

留別方虞律廣文兼寄令兄玫士明經葆羽大令

隔牆林影澹秋空，人在開元古寺中。
託醉雄懷銘瘦鐵，沈烟閒趣目飛鴻。
龍光祖德珪璋舊，雞肋儒官庾鮑工。
寄語難兄深秀亭詩集卷之九

聖

思夢寐秦川客，又返江東

留別孫安期明經

豪吟拍飲欲如何，天下英雄虬髯多。
古寺客踪深悟壁，名山書卷似懸河。
霜林簾幙遮風響，墨瀋亭臺曉影拖。
執手躊躇頻聚散，京華秦塞總蹉跎。

送別儲二癡文學

客踪不可老別緒，若有失悠悠。
三千里貧賤感膠漆，南帆與北轅秋風總蕭瑟。
君去且依劉養翮，待鳴日我歸閒十畝荷。
鋤廣種秫升沈各努力，趨向固非一熱血。
灑蒼生淋漓飛彩筆，志士奇建勲。
醉儒慎學術，溫其珪璧姿。
或減疎狂疾。

九日陳健園表弟邀同胡德菴都閫李天木大令雁塢

登高用杜工部韻

九年客眼爲秋寬踏馬來尋冷澹歡白社虬陰開酒國黃花
佛火映儒冠閒雲翠鎖終南近落日烟生渭北寒我自攝衣
輕翻外題名殘碣不曾看

留別毛古愚光祿

七年聚散感燕秦肯作悠悠行路人拜母有光知檄喜浮家
難去累官貧圖問城繞霜鴻晚泰伯祠荒烟月新歸夢我方
尋畫艇芳筵深覺戀交醇

渭南大令韓贊周擢江寧郡丞

天下才名重識韓題輿何足爲公懽得遷雅愛鶯花近報最
良輝鸞鳳看月白秦淮觴夜靜烟晴鐘阜翠銜端詩筒倘許
深秀亭詩集卷之九 署

頻投客簪舫湘簾刺畫欄

贈別胡德菴都閫十絕

君親恩重豈能閉客路何期先入關江夏歡場朱亥座謂黃大參
龍光朱守虬髯相對卽酡顏

空庭得月待君來話到更深劍匣開逸自驂騎飛野鶴神仙

豪傑總難猜

宦海飄蓬寄粵東名園圖畫築簾櫳長留翻累輻車重意切

明珠造謗同

藥物奇微肘後方婆心不比惡冠裳殺人萬里封侯易那及

詩書王謝香

豚犬何如虎子雄劇憐齒各未成童而翁歸思因渠切不止

松楸永感中

解推惟恐拂廉泉託故求文意不宣溫飽縱非懷德處醇交
潛定在空天

墓神伴我位山林道味原來共一心卷軸烟雲相顧笑陶詩

阮酒聽嵇琴

曲江飲馬過平橋雁塢碑殘曉晚樵記取陳琳曾買醉登高

樓畔客魂銷

征鞍先著到溫泉看煞驪山月正圓剪燭聯牀通夕語華清

宮外一畝眠

珠江撥棹約明春其奈臨風判此辰有淚不彈須努力雙龍

終合定通神

深秀亭詩集卷之九 署

華清宮

禁殿巍然傍翠巔名從天寶到今傳月明南內空唐碣夢斷

溫香泣杜鵑廟算悔無張國相梨園徒教李龜年客蹤偶踏

尋常論鼙鼓漁陽那得前

華陰早發

涼月明仙掌蒼烟動旅人柳低車騎抹石漲水沙新畫影重

秋樹鴻音隔遠塵昨宵遊夢好歸興出西秦

出潼關

征鞍高拍曉山晴回首雄關積翠橫短鐵從人爭並躍寒旗

候吏肅先聲時平客老鬚眉勁遊倦詩添藥囊輕濁浪怒號

斜嘴岸風烟終古扼西京

盤頭晚眺

仄徑攀懸入蒼崖散步高村烟烘市果錦樹接雲濤客思歸
如醒詩情斷更搔羨他僧閣外肅肅見纖毫

出函關

歸客自西京高風動遠旌當關無吏識拂面有雲迎日落黃
河射山空老樹鳴軒車客暇整雞犬戡承平

陝州

濁浪殘曠浴巖城亂樹秋入秦當孔道分召舊方州土室風
烟嶺羶車狐豹裘回頭饒侶伴一一躍吳鉤

磁鍾

百丈高原千嶺雲穴居深淺幾層分行人小出秋林杪雞犬
深秀亭詩集卷之九 吳

遙從空外聞

硤石驛

濕霧崇朝白高暉向午開巉巖疲鐵騎古洞積莓苔篆碣蒼
鷹立山厨惡草來橫刀逢揖客惆悵老邊才

贈楚琦上人

不厭虎丘住相逢熊耳山如何速行脚於此古禪關茗碗
燈坐詩瓢簞盃斑清霜征雁外好煞一宵閒

曉望熊耳山

縱日高幽賞朝暉射翠陰松杉鳴起翻鐘磬出遶岑法振齊
梁古霜清圖畫深村烟浮動處便覺幻緣侵

韓城卽事二絕

蒼林橫嶺夕陽黃耕鑿人登絲竹場絕笑濁醪喧餅肆牛車
填巷驚芻糧

晚市全收背火張雞棲喔喔上頽楊居人慣盼行囊過浪說
韓王此舊疆

廉莊

廉莊屯十室霜氣老晴秋園柿朱懸實山蜂暖趁遊捕花流
澗口覓酒土牀頭車騎穿圖畫風烟此最幽

曉雲

曉雲忽五色馬首幻秋晴錦帳天孫列霓旌閭闔明青山奇
遠照彩風若和鳴不是臘傳瑞徒傷老客情

內卑寓口兼憶舊伊陽令錢東阜

深秀亭詩集卷之九

吳

日薄征鞍倦青帘涼遠風歌雙袖潤香小一花紅市僧荒
行健巫師玩俗龔罷官歸亦得騷雅在江東

贈楊掌綸

幽趣孤行道肯卑邊陲八載勁鬚眉人人學透微神算香粉
情深老畫師匹馬短衣呼醉上兩關赤水向南馳梅花有約
移江棹莫後寒意雪壓時

汝州晚霽

晚霽上層城流霞濯錦明村烟屯遠黛林墅剪秋聲洗耳移
牛蹟遵溝踏馬情懸殊今昔慨歲食憫蒼生

竹色

竹色圓平野倚倚客眼經薄陰鳩婦喚新翠鼠姑停路密安

棲隱山低趁遠青汝濱連鄭衛舊俗物華靈

麥苗

麥苗新種本細雨綠初勻客眼看原隰農家愛小春沙雞衝馬去村樹隔烟淪莫漫輕侵踏青黃費苦辛

郊縣早發

征鞍披澹月傳洽隔疎林靜孤城閉鐘寒古寺深川原岐上下儔侶諳沈吟爲有松楸淚東歸一片心

雨中過潁橋

古道寒烟合危橋激水清僕夫驅頸鐸驂客杏心旌村斷林千折天低雁一聲祠堂景考叔不及擷芳華

天涯

深秀亭詩集卷之九

吳

客路三千里秋林百萬家僕從貪貫酒詩興屬飛霞祇覺登樓好微嫌踏馬斜河南隔秦塞夢總天涯

立冬

按轡秋行盡荒村又歷冬長途爲客狀短夢與誰逢劍影橫窓黑霜華落葉濃星河耿耿夜繞戶響寒蛩

遜母口散步

散步垂楊陌斜陽樹樹黃綠溪喧浣女撥路問漁郎身與沙鷗逐衣侵綠菊香殘碑勞剔薛邇母蹟難詳

朝雲

朝雲輕不定高態豔芳春馬首迎何近山腰繫轉頻扶騰香閣上淡蕩舞衣新妙取名姬意髣蘇的解人

大康道中

裘馬衝寒候殞霜朝暎紅上柳堤長乾坤無限蒼生淚那得鬚眉不道旁

何愁

晴霜日日曉輕裘只作高車駟馬遊縱目丹黃林際潑風光如此亦何愁

魏家橋

瑟瑟蘆花打淺潮日斜遙盼魏家橋征鞍力倦矜同伴欹枕橫窓索酒瓢

行次亳州

歷盡間關聽塞鴻二千里外始江東華佗廟後桑林曲遠趨深秀亭詩集卷之九

吳

霜楓鶴頂紅

夢中題樓

萬仞青峰月一樓天風吹動玉簾鉤何人誦得先生句散入雲璈塞雁秋

和壁間女子李秋英韻三絕

落紅不惜馬蹄行腸斷春風遠嫁情留得旗亭螺黛跡至今嗚咽龍頭聲

盈盈錯比恨行行地老天荒離別情一似巫山雲斷後亂鴉寒葉刺殘聲

輕靴窄袖倦戎行薄命誰憐失路情只有墨痕灑血淚杜鵑殘夢喚歸聲

賦得寒山轉蒼翠

霜氣豁晴曉凝陰染碧空客情何清喜盡理復幽通鐘磬悠
悠路松杉剪剪風鬚眉容我勁高對老江東

懷遠道中二絕

山色荆塗界水烟一航斜渡曉風前最嫌抱璞荒祠在懶把
征衫憶少年

疲鞍橫捲策沙磯短鐵長懸躍毳衣亂水流殘人不見荒烟
空散月斜飛

磨盤山

烟生古柳驛霜踏磨盤山衰草蹄痕春寒花石葉斑七年愁
六度萬里夢千般回首呼同伴征鴻嘹唳還

深秀亭詩集卷之九

辛

新窮

驛路新移熟征塵老客寒爐香還對菊耳熱爲除冠僕從歡
呼大風騷逸趣寬相如增渴疾今夜夢難安

晚次水口

落日吞烟白寒林矮屋齊沿堤眠汗馬掠水叫沙雞客像泰
雍北官驛淮楚西當爐知醉態凝笑索留題

晚次六合東吳大令

古渡龍津口靈巖石孕區小春烘晚照久客到清癯漸解征
鞍處微陽歇板娛吳公推治行我道未全迂

關山

峻嶺橫蒼翠殘星肅曉征虬龍林影攫虎豹石斑生廟貌威

千古山靈靈一聲自矜鬚鬚客來往輒題名

江行事二首

放棹出東溝風恬沙漫洲月華天近水江濶客隨鷗黃葉寒
堤柳紅燈野驛樓殘更行百里不寐足清遊
日午臨瓜步漁舟個個閒香臺青竹樹客眼醒江山意向凌
空濶愁偏入望潮聲連海氣過越白雲還

夜上虎丘

秉燭千人坐尋僧短簿祠石欄停澗影門板礙松枝客興居
然勝山靈豈不知止嫌遲待月翠館欠銜巵

玉峰夜泊

獨坐蓬窓下持螯信晚醺客星張熒影漁火刺潮紋扶響垂
深秀亭詩集卷之九

壬

楊岸鷗眠落雁羣開襟青乍洗歸思繞溪雲

除夕

深知叢悔只包羞那得閒情學浪鷗天下幾人真吾黨山中
何樹不千秋哄堂覓棗添黃口掩淚牽衣去白頭惟有焚香
端默坐太平田野似仙洲

深秀亭詩集卷之十目

元旦	喜彭訪濂先生到壇
謁杜方伯慕限韵	主敬堂燕集限韵
陳咸京招集	沈霖若招集
吳南麟中翰招集	對雪
消雪	黃霞建行人招集
折桂樓	又集看杏
李退翁都丞來集	社集看牡丹紫藤
賦得石上千尺松	彭訪濂先生過紫虛閣
次桐臯韵	送董純叔太守
湖上	岳墳
深秀亭詩集卷之十目	一
淨慈寺	天竺
飛來峰	冷泉亭
雲林寺	本宗上人
韜光	于宗肅祠
放鶴亭	湖心亭
賽西湖	鄭春薦招集同查德尹飲
宿錢塘江	春江第一樓
黃山頭	桐廬縣
嚴先生釣臺	望夫石
建德道中	富春山
桐溪步	石壁灘

將軍巖	蘭谿
下橫山	上橫山
皂莢洪	伍家聚
帽頭潭	見水碓
吳鎮夜泊	一夜
七都灘	夢遊
龍丘山	亭步驛
野狐墩	迎春潭
培風灘至黃溜	安寧街
雪後	孟姜塔
檀樹潭	雞鳴塔
深秀亭詩集卷之十目	二
衢州道中	晚次衢州
楊林	紅石壩
泊雞頭山	大溪渡
烏墨灘	江山縣
清湖	雪朝
楓樹崗	蘇嶺
三卿口	黛嶺
仙霞嶺	楓嶺道中
九牧亭	漁梁山
仙陽鎮	真西山先生故里
浦城縣宿	西溪橋登舟

紫崎潭	登小武當
觀前夜泊	老鼠灘
宿舊館	大羅灘上羅隱祠
水吉驛宿	石磯廟
葉村	七里灘
補丹行	大湖灘至小湖灘
樹林灘	環溪灘至雙門灘
山行	牛尾灘
看樵柴	念佛灘
晚次建寧	烏雅灘至五馬潭
泊房村口	龍孔灘
深秀亭詩集 卷之十目	
看伐竹	黯淡灘
弔百角樓	劍津
吉溪	霧散
鷓鴣塘	蛟龍潭
穀口	雷尖
水口驛	泊安民溪
梅坡	白砂驛
竹船	茶洋
白石頭	芋源驛
早登洪山倚	榕城至日
贈衛開遠上舍	採橘

見松花	尋陳健園
黃田驛	樟湖坂
蛟龍潭	讀山
霜葉	徐洋
上灘難	宿劍津
上黯淡灘	鐵船工
臥遊	榕樹
所見	冷眼
小閣	淺水
題揭菴大令因美堂	題辛珮月上舍画冊
題吳武陵画冊	題揭庵画冊
深秀亭詩集 卷之十目	
題薛印侯茂才	題顧玉山画梅
泊建安城下	漫成
葉坊夜月	晨雨
暮雨	泊廻龍灘
雨中舟行	寄懷無已和上
建安席上	弔羅秀才昭諫
小飲	細雨
連甌	泊舊館
澄源	松墩
寒	灘
蓮花石	蕉溪

小武當

一筆峰

萬鱗松

綠雲嶺

紅花石

翠碧泉

仙人牀

仰天獅

望江臺

浦城雨宿

浦城坐雨

林屏山都督招飲

仙霞嶺

題文圃上人碧雲居

天一亭

題江郎山

漁梁雨宿

圓通寺

竹瓦亭

桐君山

富春江除夕

深秀亭詩集卷之十目

五

深秀亭詩集卷之十

雲間潘鍾麟層峰

康熙四十二年甲申選二百六十三首

元旦

九天閭闔啟元晨洗得心田喜最新無象不成文物地有生
常見太平春松筠何必輸梅萼霜雪依然化水津齋肅班聯
來舊侶樓臺鐘磬迴朝真

喜彭訪濂先生到壇次韻二首

盛世際文名卑棲泰所生久懷師靖節何事卜君平泉石原
無垢神仙竟可成梅梢一夜兩燈火又新晴

曲水繞層臺飛鸞悄地來天書重揭諦仙侶幸恭陪墨采時
深秀亭詩集卷之十

時濕心香瓣瓣開青松千百樹願作老龍栽

謁杜方伯墓限韻

學貫天人仰鉅公瓣香肅拜感靈通官居岳牧丹心在夢破
滄桑萬事空翰墨傳流同化鶴松筠舊地憶停鴻塔鈴特指
青霄近爲映斜陽隔水紅

王敬堂謙惠限韻

東南嘉會此空堂春靜芸牕晒影黃懼在青天循樂育誼明
正道見文章鷗庄客座烟霞氣瀟瀟國梅花性體香猶懶不嫌
端相鶴就中肯舊幾瞳方

陳茂才咸京招同賞梅限韻

峰色聳遙步空香冷一亭墨莊探圃譜酒德入茶經人並矜

霜餘花疑瘦鶴翎輕風未可待彷彿鼓湘靈

沈霖蒼上舍招同社賞梅限韻二律

溪閣巖閣下連軒坐繞梅清尊望韻士微雨坼輕雷低刺亂
龍骨高鋪灑瀕堆和羹全未試香氣豈寒灰

松竹水霜後春風寫一時參差掠碧影開偏向南枝噉水噴
烟細鈎簾晒月遶端知林處士深味西中詩

吳南麟中翰招集梅溪草廬

霽雪香風夕照烘鬚眉人坐面圖中苔痕淺澹窗三面亞字
參差地百弓燈火樓臺輝視北尊疊王謝闕江東水心若問
歸來後似到羅浮有信通

對雪

深秀亭詩集卷之十

二

春夜悄無寐瑟索瀉松竹啟窗洞清曉急不得茶熟喜除形
跡亂但擁瑤臺寒流添一尺太素醒雙目誰將大手筆粉
本構橫幅萬象息塵擾乾坤爲倚沐樞衣排傑閣無地認樵
牧恍惚散鸞鶴隱隱駕騰六炊烟逼近午足音響空谷策杖
過野老向我尋詩韻

消雪

消雪不得驟湧泉滴石罅不雨卻有聲琤琮碎晝夜靜從伏
枕聽揭簾梯臺榭松針刺以肥竹塢壁而瀉筍鳥啄拋藍清
魚撥橋下藍田百萬頃不值一絲價玉虬凍忽瘦銀島靈亦
化物象出本來粉飾遂莫假獨喜素心人投軒理清暇樵青
煑新汲七碗未可能

黃霞建行人招集韶雅堂限韻四首

經句摘雨疏澹薄性於於重以師黃石因之讀素書墨壽常
若湧花事不曾除翺翬珍饈厭今宵共可茹

我道賴匡扶人今在五湖熟知燈是火雅揆鳳將雛未必貧
枯肆當憐老識途神仙輝翰藻夢寐景三蘇

鵲行仙仗內何似碩人寬瀟灑開新築平生敦古歡恩容閒
歎畝痛只苦熊丸絕訝題橋客還彈貢禹冠

一望蔚藍天虛中息萬緣論詩都入化看月幾回圓弄鳥停
深谷幽鱗撥小涓芸窗須正筆爲仿柳公權

折桂樓看雪次咸京韻二絕

撥火頻傾煖玉杯探梅偏亞小香臺乾坤太素須臾換士氣
深秀亭詩集卷之十

二

清披鶴望來

清流身世卽蓬壺我道于于興不孤鬚髯坐消閒歲月不勞
更掛五湖圖

又集看杏分得林字

雅座延三益晴雪暖一林詞華標勝槩粉澤膩春深莫誤漁
人棹徒懸上苑心久看雙翡翠飛咏繞牆陰

李退翁郡丞集杏花前遲裴又航修撰不至

王謝滿江東春花淺澹紅琴尊尊常有待裙屐不曾空村徑仙
壇雨漁歌短笛風裴航何滯跡此會却難同

社集看牡丹紫藤各賦得丹紫二字

芳春不可寂系會選儒冠草木本富貴其顏注渥丹魏紫嬌

出群尺素幾登觀廊瞻霞氣神仙碧玉團朝露濕乍晡午
風艷古儼霓裳晒千褶揮羽思鳳鸞國色擅花王溫香勝辟
寒世人輒皮相徒知帶笑看韶華育妙理誰能究其端蝦蟇
映翡翠一一羅綺統何必洛陽去雙眼碩人寬願言傾琥珀
接席領雕闌

金谷四十里我家只如此三月艷陽天一朶停雲紫翳翳坐
君宗耿耿尚廉恥俯仰泉石區忘機而樂只緬彼么鳳群柔
芳不肯死蠟燭既若若微風顛莫止徑尺串纓絡欲餐動顧
指嬌秀美無度舞袖散蘭芷閒情亦何喜絕勝綺紈子衡門
奄有光母乃造物使老子頗不惡誰甘負弩矢所抱石田澁
娛賓之嘉旨文采足爛然談笑獵圖史

溪秀亭詩集卷之十

四

賦得石上干尺松

天矯龍姿雲根起合抱其上蓋青天其下絕凡草霜雪耐
堅貞歲月渾忘老卑列視徂徠秦封不足道陶令香未撫西
師昧幽討巢鶴叫長空驚濤霄漢倒靜夜明月寒白日撐泉
泉山中群木秋聲葉疾如掃肥而刺蒼耳冷翠生青藻鐵甲
披逆鱗怪狀支枯槁扶苓那可刷琥珀埋鳳腦土脉捷山脊
物命鍾大造黛色百萬重掘強轉清好落子填巖穴啼猿竟
最蚤何計謝塵寰坐蔭把鴻寶

彭訪濂先生過紫虛閣四首

渺渺輕帆路層層擁翠臺身方傳寶錄客似會蓬萊刷羽調
笙座幽葩逗雨開園林初入夏展齒印莓苔

宿釀涵純厚新烹戰綠肥翻從清惠得永此澹交稀解榻降
香案眠雲濕釣磯夜深人事寂有鶴欵柴扉

山斗雲霞氣嚴壇次第臨松杉出郭遠樓閣嗽花深至性黃
香淚驚人謝眺吟一時水鑑下俯首服朋簪

兩度泉林約詩書契上眞端知天下士特現宰官身席硯敦
懷舊園蔬諳食貧迎秋還鼓檝桂院月如銀

次桐臯上人見贈原韻四絕

荷風竹影記閒身曾向蒲團話夙因不信江天何太濶悠悠
夢想隔鴻鱗

忽到芒鞋意憬然落花新雨漲溪烟闌間城外浮雲路彈指
流光十二年

溪秀亭詩集卷之十

五

冉冉松針繡碧苔環廊空翠日徘徊留君不住須臾去却似
沙鷗掠水來

簞笠篝爐詩卷輕五湖雲物圓圖情誰人能識眞船子空際
偏饒風雨聲

送董純嘏太守之楚雄任

玉壁山頭雲葉靈馬龍江口浪花青高深恩澤同峰渺萬里
雙旌去莫停

湖上二首

湖光久隔商歲序越一世急如赴故交渴情不可制縱步湧
金門撥棹疾飛勢豁然空兩眸所到無滯滯夕照上雷峰朱
霞艷新製何爲塵網攫鹿鹿笑狗獐

晚烟白於雪澄泓洩於酒輕棹擊流光人影潑堤柳不沉黃
北苑便擅黃子久樓頭竹肉佢僧房坐三叟相逢不相識往
往忻舉手燃燈忽星散誰釣板橋口

岳墳

忠魂不散寧千秋埋得南朝土一丘有漢以來惟大宋報恩
雖死豈忘仇虬龍枯朽風霜吼日月湖山夢影浮感拜穹碑
聞獨鶴朱仙鎮上恨難留

淨慈寺

齋宿結籃輿古寺攬晨景朱碧耀晴暉龍象一何整

天子新布金膜拜者誠秉香氣雜炊烟環繞出牛嶺僧房松影
落翠塢竹陰冷客襟自幽寫不待疎鐘省手摩斷崖爐眼洞

深秀亭詩集

卷之十

六

運木井濟公眞酒顛吐面佛炳炳惜不樹下留迴顧頻延頸

天竺

環峰拱積翠淨土開曲塢名勝天所鍾慈悲古大父我以吉
月來客踪亦奇數不覺閱歷高冬溫忽停午怪樹老鐵幹怒
石蹲斑虎花雨散衆寥流泉叶鐘鼓僧侶何傷閒衲衣作雲
補悠然縱林闌千百乘風舞

飛來峰

造化不可測飛來如是觀神靈圖面寫雲樹物華煖洞古屯
烟曲霜清滴翠寒閒僧帶引勝深入小香壇

冷泉亭

萬樹攢蒼翠群峰列圓屏雲烟澄碧乳天地著高亭身世何

曾熱山川自有靈坐來衣帶濕鬚髯照惺惺

雲林寺

古德山靈壯新輝宸翰明霜風高橡栗雲影護江城白社
疎鐘路青天獨鶴聲芒鞋何不住慙愧客中情

本宗上人蓮峰房看霜葉

望望蓮花石冉冉危樓客縱目出虛窗丹黃羅千尺晴霜酣
十月金碧響山脊開士有素心指我舊遊展留題重珠玉亦
我交莫逆淺酌進蔬菓雲子熟香積老樹撐神理當風動上
席返照獻萬狀空際下歸翮翳眉圖圓前好景殊可惜

韜光

石磴千百級琅玕億萬折捫蘿竭鼓勇濟勝恨薄劣人間已

深秀亭詩集

卷之十

七

天上雲際等丹穴道祖有真跡終古不可滅擬拜松風下冷
翠受虬鐵簪見金潛鱗顧影閃苔碣黃鶴何時來躊躇睇截
峴

于忠肅祠

丹心赤手構維艱碧血長凝天地間社稷以安甘斧鉞松楸
無愧亘湖山剛風袞殿荒丘合落日穹碑剔辭斑大義行權
寧得已誰容口舌藉好頑

放鶴亭

處士蕭然潔孤山如此高湖光憑回檻天際想霜毫客座樽
疊散梅花夢影搔月華當靜夜清韻屬劉曹

湖心亭

水色天光內開襟便欲飛漁航歌緩緩堤柳動依依客與閒
雲伴僧從名宦歸翻嫌春日開裙屐艷重圍

賽西湖

竹徑羊腸細路櫻飛泉遙濺繞淳泓門懸古木牽藤力崕踏
空庭響葉聲無事佔僧非世諦簾花紋石寫霞晴白蘇當日
何曾見翻向漁樵浪得名

鄭春薦學博招同查德尹庶常費翰宸茂才話舊

弱冠論交髫已霜漫疎魚雁水雲鄉何期燒燭呼樽合却是
乘車戴笠行事到參軍師井井學充信史局堂堂同開出處
分霄壤不及閒看書帶長

宿錢塘江

深秀亭詩集卷之十 八
枕畔寒潮急蓬窗徹夜鳴客情方在遠詩思若爲清白裕非
輕出青天信此行敢將萬弩力收拾報承平

春江第一樓

城郭山峰上人烟水向開冬晴烘翠黛傑構絕塵埃客況微
顛後雲光疾捲來誰知王粲意作賦厭多才

黃山頭

淥水滑沉沉青山冷惻惻明鏡刺蓬櫂松筠稠影逼一山繞
一澗玉龍走險仄躍魚親客影圓眉喧晚色桐廬五十里頃
刻布帆力

桐廬縣

拍水連村色雲烟作護城竹田輕稅紙勝妾軟牽蘅孤塔燈

花影晴灘沙浪聲客中把卷過用意翠寒生

嚴先生釣臺

千仞中天立錦峰故人曾不釣真龍偶然一着羊裘重高在
投空雪浪浴石薜古碑停老鶴山風響鐵瘦長松孤亭巖峻
無能上絕笑之官怕隱蹤

望夫石

望望那可卽堅情化抑鬱天涯夢子魂伍頭拜不得

建德道中

烏石灘頭亂積薪鷓鴣飛食傍漁人白雲吹出青山頂筆葉
相呼賣酒頻

富春山

深秀亭詩集卷之十 九
一棹清風碧水灣霜林斜日錦斑斑客遊圖國猶難去那得
先生肯出山

桐溪步二絕

樹影照霞光石紋出水厓卽不學飛仙胸次已空洗
疊岫險石丈沿灘拾魚婢閒雲葉葉飛橫槩悠悠倚

石壁灘

十里桐溪碧天開石壁灘層層丹嶂削歷歷翠微寒手筆荆
關大霜風橘柚酸夕陽歸雁路把盞獨橫看

將軍巖

仄嶽籠嘉樹穿雲插石濤寒光清到骨暮雨翠如毛刺艇呼
樽合懸燈擊柝高三河風岸濶耿耿夢魂勞

蘭谿二首

水氣涵山翠孤城百級懸霜前濯錦樹雨後蔚藍天古塔標

香嶺危樓瞰箬船素心將入境吏治合稱仙

謂施子忠

我懷王初不牧羊從此去日午竹鷄啼輕雲薄於絮撥爐熱

旨酒瀟酒掃座慮何必遠求仙跡其叱石處

下橫山

下橫山上石闌干遙繫蘭陰浴日殘耳熱飛仙頻得句長風

輕送磨船灘

上橫山

上橫山下急流黃遠岫遮雲似大荒拍拍驚鷗偏狎客灘迴

人住橘紅庄

深秀亭詩集

卷之十

十

皂莢洪

濁浪排空皂莢洪山情掉尾走剛風炊烟遠出霜林表薄暮

船頭叫斷鴻

伍家聚

風雨連朝一溪濱相國祠前有後人乞食投金吳下事威靈

應不返通臣

帽頭潭

難勢爭高漸入南朔風吹上帽頭潭沉沉寒雨孤篷寂只是

難書坐酒酣

見水碓

巧撥風輪水一窩米當熟候問如何方知夜辦村春拙不及

江邊借力多

吳鎮夜泊

倉卒收吳鎮昏燈風雨時灘聲排濁浪劍影擊危竹樹蕭
條夜江湖浩蕩思樓頭寒擊柝絮語澁篙師

一夜

一夜頻敲火掀篷畏疾風蒼生天下事殘夢客魂中欹枕驚
荒吹寒潮打斷礮嚴程愁未半良友望江東

七都灘

宿雨蒸烟霧灘聲過七都龍游平野濶宗令舊恩平橘酒封
缸熟銀鱗擊棹呼雪花初作冷陣陣下棲鳥

夢遊

深秀亭詩集

卷之十

十一

夢遊讀未了有客忽通名引我轉入勝鬃髻何其清一登飛
來峰檄檄霜葉聲積翠滴寒雨空香撲石磴冷泉瀉坐次聲
鶴啄渟泓山門石齒齒龍象金晶踈鐘度天表雲影澹高
情百萬青琅玕韜光接紫荊階梯尋丹穴三寸活龍生仙跡
懸飛鸞絕巖開連楹江帆捲晴靄遠沙落潮平襟帶迷遐舉
身世殊可輕

龍丘山

山翁不可見山名遂以高子陵願與善其人何清操我欲訪
遺跡爭灘莫停篙迴風凜薄雪細細吹霜毫擁爐開細帙焚
香酌葡萄

亭步驛

水驛龍游上扁舟風雪來石幢鐫古渡板屋瞭荒臺碧畏青
茶市羅篩滌紙材中流誰擊鼓侯吏並鷗猜

野狐墩

赤土荒丘號野狐當年曾假虎威無水邊林下頽然峙星月
輝前走老巫

迎春潭

山麓延餘脉難聲急遠風室廬叢野翠橋袖摘霜紅牧豕崇
崗外編笥十畝中陽坡晴在望字字曉歸鴻

培風難至黃滔

灘勢培風急力困更黃滔十丈喘而前五步却而後篙師猛
與鬪坐客爲傍救晴沸無魚龍乃作搏獅吼高下迥不平水

溪秀亭詩集卷之十

士

碓硬石甃所藉布帆直掌握許馳驟勝氣自我撻事固貴入
穀

安寧街

安寧街口戊樓紅月印澄潭靜遠空書枕正恬鷗鷺畔落花
殘夢五更風

雪後

雪後晴山碎白雲客中冷眼矚微醺披裘清課渾無事一縷
沉烟手自焚

孟姜塔

節婦遺踪在綠溪立遠標孤鴻飛夜半霜月打寒潮
樟樹潭

十畝濃陰勅老樟青田蔽影避鋒鉞至今霜雪擎天處不敢
沿村近牧羊

鷄鳴塔

重鎮崔巍劈巨靈石鐘雄峙插天青驚濤日夜鳴空際疑有
金鷄天畔聽

衢州道中二絕

遠黛停雲千百重橫崗貼水亘眠龍晴消殘雪烘寒翠櫺櫺
船香滿箸封

浮石潭連翁步岷人烟松影竹爲門高原辦稅羅霜果金碧

秋成圖四村

晚次衢州

溪秀亭詩集卷之十

士

雪盡環峰瘦灘虛落日陰懸城支板屋蔽岸迥霜林浮石奇
蹤赫穹碑舊澤深忽聞清越調猶捧若耶心

橘林

霜氣清如此寒香陰正濃竹篴稠簑畏猩血飽山農老謝潘
車擲長懷陸母供三衢秋實好遙抵洞庭峰

紅石壩

十里丹霞路圓沙漱淺汀竹鷄搜石葉烏柏檢山丁落日歸
樵遠旋風虛廣腥炊烟騰木末吹大翠陰聽

泊鷄頭山

絕巖懸崖下寒潮殘夜水已無霜葉刺獨有月華澄雙鳥書
千種孤篷酒一升南鴻嘹唳甚竹柝戍樓層

大溪渡

群山爭噴水傑峙獨排空
凝凍晴霞骨高呼翠黛風澄潭魚
眼碧古殿佛燈紅却羨投閒處
鬚眉坐一翁

烏墨灘

出水雲頭黑硤研伏脉強神工
誰刻畫險阻見文章潮長鷁
鷗浴霜飛木葉黃潛鱗畱不住
丘壑判洪荒

江山縣

高崖環遶谷城郭翠屏斜怪石
凌獅吻晴灘沸雪花帆飛松
竹影路轉回圖家隱隱漁樵上
呼聲坐晚衙

清湖

停旌初泊岸忙上小江郎老樹
穿崖黑寒花落澗香鱗潛獅

素秀亭詩集卷之十

古

座廟僧掃箬編牀約束輿僮就
挑燈問夜長

雪朝

竟夕聞寒溜推窗山乍封濕雲
無鳥道高閣有僧筇客况天
如夢詩情酒特濃微看風一線
萬樹落長松

楓樹崗

狐裘撲雪花筇輿踏楓葉太素
吟飛丹流光耀眉睫

蘇嶺

曲曲仰危峰登登上蘇嶺軟語
接鄉僧鬚眉動翠影

三鄉口

寒燦圓通寺買醉三鄉口聳肩
豁雙眸我似崖丘否

窯嶺

窯嶺嶺高名半天初從山麓仰
蒼烟輿僮作意示果敢屏息

接武呼平肩松針遙刺客衣冷
篠影密襯僧房懸怒石奔虎
攫而立崩崖馴象伏難牽插
霄峭壁一千丈覆嶺古翠百萬
鬆老樹瘦於鐵濃陰列如屢聳
而凸者雲蒸霞蔚切而旋者
脉瀟根穿張撩空之鳳翮走絕
徑之龍川前行牛喘後綴綿
蜒駕身青靄以上爭光返照之
先路同雁宕者十里心搖風
旌者及巔悵塵氣今未遠不得
不舉首兮羨霞隱之飛仙

仙霞嶺

空翠濛濛晴翠濕仄徑紆迴險
壁立客情已在回圖深欲上
未上穿林入琅玕百萬蔽青霄
細葉吹風打僧笠僧房好隱
藂窩綠若遠若近不可及幽禽
高喚互衝烟引我盤旋歷雲

素秀亭詩集卷之十

五

級珠宮紺殿始弘敞一攬遙峰
盡拱揖漢侯威爽徧名壤此
處特顯通呼吸環廊穿徑似褒
斜虬龍瀉澗空亭浥一一清
鑑動毫髮冷浸金鱗剛二十飛
雲以外只山光山角有田開
原隰側身難到賞靡極瞻日肆
射終莫給安得長夏三月留
樂我清酣閒收拾時平戰壘雨
生苔誰信月寒還鬼泣

楓嶺道中三絕

鎖鑰聯封閩越分海天空際瞭
鴻群輕裝但信承平久樵路
風高吐白雲

有水都飛行脚寒無山不向賞
心看竹扉簷屋尋常住難買

烟雲百萬盤

雲灣不斷篠烟遮筇鳥翻風啄
白茶可惜客遊偏不屬何曾

消受住山家

九牧亭

九牧才華世已非山高雲翠罩僧衣晨炊漸散嵐光滴一隻輕鳧千仞飛

漁梁山

天下古名山十大此其一胡然獨髯首蒼黃斜日虛聲類處士母乃山之逸不以松杉文而抱渾元質瀑布掛珠簾建信溪從出圍合百千峰群峰莫與匹旅舍當別岫却喜安草率相對兩幽寂爲掃無花筆月華落沉影霜草風漂漂

仙陽鎮

高伍原隰關山田斜日柴荆但曬烟南去揖仙橋畔路青山

深秀亭詩集卷之十

六

真西山先生故里

理學留遺跡殘碑揖姓名清流當受謗千載定公評

浦城縣宿

山勢盤沙磧川原障石城咽喉通七省烽火舊連營雲磴僧窗白津樓客枕鳴月華清夜半香氣壁霜橙

西溪橋登舟

輕航又上信篙師雪浪灘頭鐵石支淺撥緊持爭險力其間尺寸鬼神司

紫崎潭

紫崎潭石晴霞削石上松濤龍吟作一株天矯三株攫歲寒

偏秀風霜惡面師皮相總約略誰得神理痛沉着千仞勝槩停錯愕冷翠濃陰冉冉落夕陽影動垂簾幙夜半月明叫蒼鶴神仙有道塵緣薄何不聳身上寥廓

登小武當

絕壁臨流聳翠微握衣力上送斜暉香臺百翠虬枝合鳥道苔深石葉危鐵索橋梁懸酒肆竹牌烟火刺漁磯叅寥却在重圍後鐘磬遙聞到者稀

觀前夜泊

淺淺篷窗悄悄風山光月影水聲中伍對自勸丁香酒燭柄燒殘三寸紅

老鼠灘至老虎灘龍牙灘

深秀亭詩集卷之十

七

有石昂鼠宵征不許舫工解事沿灘投豕有石蹲虎縮項而怒險脫其口實維神佑龍牙森戟嚙驚魂魄幸逢水涸莫與披逆

宿舊館

蕭疎古驛剩烟村小市柴荆早閉門擊柝夜深山大吠水輪清浸一溪痕

大羅灘上羅隱祠

士以不得志空山寄所思吟情成信識客路冷荒祠翠雨蟲書蝕溪風鷗夢馳歲寒憑弔晚來往說篙師

水古驛宿

雲岫烟鬟合沙汀水驛寬靈神褒虎將晚市蟲漁竿窮管鵲

音夾疏忤籬落寒低蓬聊繫石隔渡上危欄

石磯廟

三殿崔嵬赫有唐英雄捍禦繫網常青山忽改喜徵暗恍惚
靈旗塞霧黃

葉村

連山雲霧蒼蒼注偶歇茅亭飲蔗漿頃刻日華紅水面一雙
鷗鵲晒漁梁

七里灘

七里洶灘捲白沙危舟曼擊竄砢研客情遙望津樓顫怕登
空山啄老鴉

補舟行

深秀亭詩集卷之十

六

灘石搜船僅一線若然疾下何曾見聊呼傍岸乃低牽審視
怡情色不變木頭竹屑早所儲刀鋸斲創事其善紙船本賴
鐵舫工閩海招招固宿諺須臾盪漿放中流割肉斟壺箕對
面金錢饒絮燕喃喃截筒插作焚香殿擊拳跳足拱而前欲
肩要祝許血濺和平神聽可有無敢不竭誠丹一片連朝上
水棘難登結束樵漁來候倩君不見順行雖漏小堪修逆浪
艱辛號力戰

大湖灘至小湖灘

昨過大小羅今下大小湖大羅小羅森竹樹大湖小湖浮鵝
鳬鎮日不見居民屋炊烟却嫌白雲鋪山之切分林之向在
往笑語問樵夫面眉篠簳搔黃蝶冬溫迺若春晴乎聞驢脫

裘夏不誣

樹林灘

樹林濕翠沉何墨崇北陰深密於織幃耶松耶分不得連峰
列岫眼難卽了無細路通鳥翼剩有溜雨滴時刻歲華所畜
山靈力虬龍空老巉巖側我生奔走徧南北圖縱見聊施
飾造物用意那可測樹人不及此培植小醜曾聞道路寒險
不侵伐遭兵革王師尚討剪蠹螭三十年來烽火息閩疆秀
拔完壽域非仙窟宅定佛國嚴霜寒雪任鬱抑終古長青此
顏色歷難什伯皆屏息無如妙景快胸臆

環琦灘至雙門灘

兩灘亘三里水骨激石髓怒濤峻而矢其窄僅船比巨靈劈
眠雲疊嶂湧浪起鯨虎伏青獅鬼怪搏塊端沙痕蝕蟲書薛
斑繡鐵蘂夾岸森戈戟中流耀端綺地脉險不平凸凹瀉原
委開闢此神工閱歷千百紀泰運許清遊耳目翻狂喜不然
事可已君子慎所履

九

山行

掀蓬不耐坐迺尋細路走披荆響石葉怪樹時礙肘篠簳刺
我衣鳥道一何陡松風冷然來禽語通林藪路轉遇擔簦喘
息都解鈕歲寒揮汗漿努力呼昂友長嘯震山谷孫登曾聞
否蘭氣忽撲鼻急搜巖左右幽深不可見執着固無有垂垂
血子樹草青潤於韭不信停泓曲高伍復畝數椽寄樵牧
收秣方釀酒似訝非仙客啾啾互出口上下圖面問不服服

食醜終身避官長老幼畜鷄狗

牛尾灘牛頭灘小米灘大米灘

牛尾何其大牛頭何多角小米石磷磷大米聲濯濯曉行戒開口偷度取不覺釜鳴獨篙師插香叩神幄疾走三十里澄潭見頑礫環山了不完怒濤驚翻刺客情殊可遣班管時在握

看樵柴

艸工積薪不破錢停橈腰斧上山巔隨手丁丁伐如橡松梢搖動撥雲烟但看鳥道起盤旋何曾有影見高褰逾時朋類從崖懸一一選材擲百千斲削擔負勞而前枝葉冷翠乘道邊彼鳥知之樹有年猶覺食糈未能填束手喘息懶高眠嚴溪秀亭詩集卷之十

十

程遂順徒遷延舉日蒼秀晴空穿十圍合抱屯飛仙倚獨供爨焦可憐夢夢取舍莫非天

念佛灘

未到念佛灘愁若不可渡既到念佛灘去住誰能顧洪流亂石區噴雪橫鐵路狎猱鬼面又披猖虎威怒一絲搜不得尺寸懼有誤下者虞決裂上者踴進步山水駭神與匪關石尤妬苟無慈悲恩篙師敢力措持正而縱矢悠然遠脫鬼

晚次建寧

隔岸雄青嶠排城打急湍高低張館簇遠近剔燈寒路繞漁樵夢人同雲水餐官評聞小阮絕不累猪肝

烏鴉灘至五馬潭

曉發烏鴉灘禁聲幸反舌擊樂五馬潭始覺怒濤咽兩岸澗山青濕雲漸高揭竹扉就崇卑與石參差列家家賣米膏箭竹插藜苗丹于競奔樵恣其取腰鐵居人輒笑視揮指上巖穴歸來渴牛飲舂舂浴曲折短褐任不完跣足過風雪

泊房村口

落日房村口暝色白水痕百家環竹樹落落散鷄豚緩步崇崗上古樹臥雲根神象吟蒼蘚屋瓦穿龍孫戍卒蔽風雨藉此爲烟墩攢眉訴異苦偏裨妄自尊更番本庸調請托開私門索草侵馬乾邊問山其髡妻子隔言面石田老邊屯時平無盜賊夜半呼驚魂羽檄下飛電瞬息敢偷蹲列炬衝霜雪逾限命難存既飽感庚癸生死誰復論不均在勞逸怨聲疾深秀亭詩集卷之十

主

飲吞

龍孔灘

一座山幻百頃雲山青雲白似平分廉纖細雨過龍孔苔蘚生鱗駭石群

看伐竹

上水牽筏復下水先伐竹綠葉億萬竿莽莽插山谷不寒呵其間大快子猷目清風景高節客情喜方掬篙師忽停橈持鎌疾奔鹿橫舟縛石齒杳然穿深澳倉皇鍛鳳尾束縛出迴麓利用固天生虐取恐非福

黯淡灘

灘名黯淡暮靄銷晴涉雷霆地軸搖天日乍昏風似雨山川

戒險石爲潮龍津劍合騰空影鳥道雲盤障碧霄敢道上游
飛駿坂力爭倒曳駭音嘶

弔百角樓

好景遲來惜已無可憐焦土吟青蕪山龍欲聽今頽角並峙
浮屠噉隔湖

劍津

三溪一字合丁容古渡風烟說化龍我亦腰間懸瘦鐵斗牛
猶恐夜光衝

吉溪

劍氣神龍活天青滾綠波蒼茫六十里斷續萬千坡沙帶雄
停澗山橋鎖折阿乘桴多直北翠靄濕烟蘿

深秀亭詩集卷之十

圭

霧散

霧散松篁出天南叫不寒蘭橈平鳥翼石筍刺雲盤沙磧烟
村近花開佛宇攢乾坤清似水誰許塞瀾漫

鷓鴣塘

山外雲遮雲外山蒙萊竹樹鷓鴣斑分飛貼水將母似行到
沙鳴磬石灣

蛟龍潭

蛟龍潭上過晨炊濯魄搖搖氣象危聞道腥風排夜月漁家
遙閉竹扉窺

穀口

穀口平沙上蔗田斑鳩喚婦潑清烟舟人每飯停呼飲大甕

新鸛潭似泉

雷尖

浦城一葉着清波歷盡嚴灘五十多路到雷尖離始斷片騷
無恙去如梭

水口驛

榕綠楓丹榭檻黃參差五色爛晴霜千家樓閣遮山住夾岸
鷺鷥貼水翔似有回圖經讀眼居然風景繡名鄉波平始覺
天光濶飽掛飛篷過夕陽

泊安民溪二絕

柔風旅泊取安民燈火烟村笑語頻我豈東山忘捉鼻循良
有傳屬何人

深秀亭詩集卷之十

圭

九重宵旰切安民廉法昭昭天語頻差喜海南丕變肅青村
眠犬不驚人

梅坡

溪痕山翠漬梅坡曲曲編籬繞綠莎屋角村深全不露石梁
筇杖有僧拖

白沙驛

榕樹陰濃照白沙迢迢古驛出天涯行人但說侯官近亞歲
明朝不在家

竹船

編筠輕打浪花青載得叉魚水翮腥日暮牽歸人盡去一齊
收疊綠莎汀

茶洋

何處懸灘不翠屏茶洋南去染遙青
天空海闊還容我應見吹笙駕鶴翎

白石頭

萬綠聚深白石頭荔枝龍眼徧沙洲
居民影密無尋處但見炊烟散不收

芋源驛

江氣涵金鎖皇華出芋源霜林懸碩果
風景似名園石疊松楸路門開薜荔垣
澄清無別擾魚鳥夕陽喧

早登洪山橋

霜月橫空鷄唱高江聲海氣浴風濤
義和有馭扶桑近獨上深秀亭詩集卷之十

垂虹第一遭

榕城至日

清曉踏城嶼溥露燦黃菊悠然羅肯峰
沉鬱頓林木單衣不知寒遠縱西湖目
烟水漾晴光皎皎麗新沐舊壤悉已疏
香臺崇改築登覽過扁舟神往而忻讀
良友速我歸肝膈布尺牘進以江蓠杜
荔酒蒸霞熟烹石首魚珍錯山海族醉
眠夜轉長小樓聞擊筑客中魂易搖明
當理歸舳

贈衛聞遠上舍

胸無上下千古之洞識目無秦漢鐘鼎
之舊墨腕無搏獅劃鏐之全力誰許放
膽究心學篆刻我于此道面牆北卻苦
嗜好渴飲食鄭谷口程穆倩作者老友
倫典則蒼涼鬚髮不可

卽鍾山黃山少顏色後來好事紛如織
據拾圓虎用私臆堂

正之師梗茅塞不知邪徑走何賊筋骨
粉散負慚德夢寐浮雲開異域塵封簾
笥棄莫拭可憐灾石亦其惑旗鼓山前
榕城黑燒燈小閣醉鬱抑忽逢佳士謁
坐側昂藏英敏神翼翼投我新章丹砂
幅硬讀數過大悚息虬龍松柏巉巖植
端人袍笏歛兵革五丁斧鑿毒苔蝕毫
髮精髓暇整飭適勁出入燕然勒變化
風雨不可測我嶠仙掌呈險仄一絲不
苟稱豐舊急就駿坂咄咄逼拍案電掃
光芒極吁嗟衛子兮熟摹石鼓深有得
臨岐惆悵轉相憶

採橘

維舟白石頭爰踏霜果宅萬綠綴鶴頂
垂垂壓肩脊不得縱深秀亭詩集卷之十

馳驟飽取任手擘誰暇更皮相滿口流
甘液王人前致詞碗大實敬客山田賴
舊植黃髮老荒僻春夏潤培養秋冬勤
選摘精神充根葉光采耀日炙鄰比無
外來子孫繞阡陌烟村自圓圖太古安
晨夕

見榴花

江城五月照流霞閩海冬溫信倍差
多子未教零落盡絳衣猶向小樓遮

尋陳健園表弟不值

君來記六月飽噉荔子熟渴喉償素願
已遂清遊福范老敦舊誼陳琳館新築
金風鴻雁翩曾寄短章讀謂可詩酒淹
淹愁千萬斛我到非所期無端出郭屋
亞歲望三山海雲舒卷

軸活黃江瑤柱手把黃金菊橘林劈朱實文旦大蹴踘露滴
九頭柑亦未負口腹等君忽別去客情何鹿鹿

黃田驛

日午黃田驛濤腥亂石隈牽舟爭縛虎倒峽駭奔雷板屋人
皆閉雲山樹轉頰翻飛多翠翮昵客獨徘徊

樟湖坂

曲折樟湖坂凌晨溯逆流石張蹲虎吻山疊翠雲樓努力呼
斜澗衝烟浴去鷗香臺清倒影却與浪花浮

蛟龍潭獨酌

滾滾濤翻山色頽蛟龍潭上獨啣杯驚人有句來風雨莫訝
青天起伏雷

深秀亭詩集

卷之十

美

讀山

讀山似把異書翻急索神情了不言謝屐陶詩聊得趣恨無
千歲醉平原

霜葉

霜葉未可下閩疆臘似秋微風迴客棹斜日半山樓日擊丹
黃讀身輕圖回遊尋詩真有窟樽酒是良謀

徐洋

翠色指徐洋山村壓蔗漿風林松鼠躍石沁草花香服食誰
非古漁樵老是鄉雲霞開晚霽幽趣轉蒼茫

上灘難

低雲黯黯黃霧寒溪山乍晦險逼側驚濤疾下響兵革蛟龍

袞袞怒張翼篙師色戰聲唧唧搏獅縛虎平生力躍水用命
敢偷息貧賤之軀毫不直水底硤研森如棘篷窗板薄同鷄
肋淺或尺寸鋒銑仄深忽沉淵莫可測潛鱗欲住且無得止
許輕浮來鷗鵲客何爲此生鬱抑人生逆境真全黑倍於此
者千百億

宿劔津三絕

躍龍千載說流波活火沿城鑄鐵多篷底有人羞帶鉄獨將
清影問星河

爆竹樓前响衆山迎神金鼓雜謳蠻人烟緊疊高城住要趁
三溪丁字灣

驚濤沸石鎖浮槎寸寸嚴霜簇劔花九仞峰頭看壁立僧房
深秀亭詩集

卷之十

毛

佛火射流沙

上點淡灘

鼎沸魂搖白日寒倉皇力上逆流難短兵緊接雷霆下伏莽
遙牽竹樹端成敗一時分尺寸平空萬象浴波瀾篙師捷報
群呼酒只看巉巖瀝血痕

鐵船工

清流篷窗不足數船工名鐵卻椎魯棕杉栗帽露雙股燕語
招招接僑伍順行掉尾捷龍舞逆流力障格蒼虎亂石鼎沸
雪花吐疾風兵革吹柔艣欲上不上爭末努青天晝晦森環
堵壁上傍觀色灰土砉然觸石撈劈斧焉能硬與鬼神賄工
其利器咄嗟補呼樽笑過江之許揮手宇下傾肺腑餘資夾

帶倍老圖膽識不動忘喜怒君不見料勝量敵在軍府誰是
士卒同甘苦

臥遊六絕

掠波橫縹曉烟開味客遊仙薄夢回有路曲隨陽外去無山
不向枕邊來

石角迴舟駕浪花劣於騎馬驟擗高眠却穩吟情躍但信
篷窗手八叉

鷓鴣紛紛噪遠風日華高射水波紅又魚竹筏排山脚茅店
烟生掛短絙

峰巒匝匝硬屯兵薄板逢逢鼓力撐五步一灣穿罅出篙師
全慣虎狼爭

溪秀亭詩集

卷之十

天

潑樹山圍插水樓濃陰沉綠卷船頭幽禽不住晨光喚明載
先生過十洲

襍被張眸笑客星宿雲緩緩放山青高天自有冲虛關不是
神仙語不靈

榕樹

不作棟樑用扶疎閱歲寒葉垂諫果暗根透老蛟盤巢鶴常
生鶴門闌低礙冠闔城千百樹燈火夜團團

所見

水面埋山脚漁家駐蔗田盆灘雪鳥集呂口石梯懸壁幾流
光上鳴金木末前一盃微邪飲所見總悠然

冷眼

天涯冷眼最清眞靜挹風烟自隔塵黃蝶漫飛紅葉外日斜
山路杳無人

小閣

小閣明窗魂易銷猩紅舌吐美人蕉客情乍見懽如許翡翠
雙雙過野橋

淺水

淺水簾紋細遙從竹澗來撥魚窺翡翠浸石活莓苔空靄微
微碧輕烟澹澹開不須新雨足顧影自悠哉

題搗菴大令因美堂四首

一徑清紆入憑闌挺竹林豁然臺榭啓得此歲寒深花港潯
鱗沫難牆撲翠音吏情幽似水圓圓冷披襟

溪秀亭詩集

卷之十

无

金粟留寒桂珠胎綻早梅春秋融代謝霜雪霽陽回座靜池
痕綠樓遮山角頰蝦蟇參亞字多登翠雲隈

濕蔭濃排案青山近繞衙白鷗馴矮砌麋鹿嚼幽葩茶熟清
言別窗虛紋篆斜素心晨夕共襟度妙朱霞

花縣吾家事娛親祿養時何妨開斗酒常與讀詩村露冬
溫足水心暮夜持獨憐癡不減來對髮如絲

題辛卯月上舍圖冊十絕

有序

飛蟲水草爲質甚細而化生於天地間又極廣其在風前
月下扇芳吸露之屬非繪聲繪影手不得神理珮月辛生
以稼軒騷雅清流結圓癖吉光片羽咸珍什襲遇建安官
舍出數種就題意少陵尚短咏物嘗我以偏師也然撫時

類觸寫目代還國中化生皆吾輩客途閱歷中夜切聞者
多吾寫吾意中語各布左方豈敢曰長於少陵亦以飛蟲
鳴水草音爾

紅粉芳心折黃鸝股力微晨光清露滴分寸小群飛
歸去王孫路莊生夢化時風吹香粉薄春染踏青詩
錢葉金絲細苔紋綠髮勻連陰幽砌下一部鼓吹新
出土輕綃濕聊依葦草陰乘時待高潔夕照响前林
露葉團團影沙鷄振有聲南風清六月午夜近邊城
孤影照無寐濃陰濕露肥客牀間絡緯不覺捲秋衣
點水無多力穿花亦倦飛不粘紅蓼歇便抱綠芒依
魚沫噴寒影蝦鬚立水松蒲驅鴨嘴路活潑問吳儂
漆秀亭詩集卷之十
三

題吳武陵西冊八絕

一飄青染富春山
曾看手裏過釣灣
客况分明圖圖見故人
未肯夢朝班
聞嶠雲封入面
多茅簷誰不掛烟蘿
虛窗盡日無人到一卷
南華漾晚波
漲雨悠悠藕葉芳
漁郎白掌水雲鄉
綠簑青笠隨風去不釣
蛟龍換酒嘗
潮滑橋輕信飽風
青山秀削翠濛濛
空亭高設飛仙座
薄暮過伍有斷鴻

雨歇廉纖古杏村
飛鳴曉半未開門
攜琴拖杖過橋去有約
須來問醉髡

水氣清搖白板扉
全家新卜舊漁磯
巉巖遠立青天外
人靜雲高鳥不飛

瘦葉蒼巖寫薄昏
空亭待月悄無門
鼠鬚全用枯柴力
清秘泉林蟹爪痕

矯矯蒼虬並歲時
茯苓根上長華芝
扁舟自棹空濤綠
不作江湖雲夢思

題搗菴大令西冊八絕有序

春萌秋發天地間
皆生機也吾家河陽
出宰臨民不特訟
庭草青無事而種花
滿縣後世遂以花封
名繡壤似令非

漆秀亭詩集卷之十

三

花不風流花不種
吏便俗召杜絃歌
今成濫習荀香繞
座無繼席者獨於
花則莫不以河陽
爲芳信屬在宗盟
性靈自具僞菴賢
阮官建安清衙隙
地羅植嘉本印床
書案撲影探翠拂
拂映冠帶間偶遊
屐過訪坐市定亟
指直而起者拱而
把者黃梅蠟珀鐵
餘珠光與未盡之
天香傲霜之瘦菊
石坡離落林林種
種成退思堂與夫
馴食飛鳴親人簾
幙者悉遂其生復
出一冊扁題乃昆
蟲水草是又於種
花外細入面理水
草且愛圖昆蟲且
琴其躍躍何況於
人不討其生活哉
我知其保赤心同
於春生秋發歲時
變遷開情冷熱使
建安諸屋皆樂躋
魚游聲騰晴旭也
寧爲鸞鳳不作鷹
鷂也蘭臺桓府先
試鳴琴製錦也今

天子命縷分耕織條寫幽風景物布在方策

宸翰周知田野長民者敢不毫髮纖末體察萬類而朝夕焉
豈業几目玩比哉各系小詩則我自爲我素逸趣在水雲
鄉也

輕颺漾虛影綠蔭活於髮撈蝦拾魚婢剪剪吳江滑
清露葉乍收始始粉香吐簾鉤石角旁黃鬚簇停午
阡陌綴微卉頰栗報好秋蛭蟻何不去趨趨附芒鉤
芳草悠悠路春風栩栩遊落花在何處輕薄粉香浮
曲沼黃梅雨輕條唼葉陰微鳴蛙鼓動濕影上堦心
露重村烟漬秋深豈葉肥柴門間絡緯不覺冷單衣
風展黃萱草烟拖紅蓼汀飛重都息影物理小惺惺
深秀亭詩集卷之十

三

蜜珀寒光薺珊瑚鐵線枝纖重知避斧一瞬趁風遲

贈薛印侯茂才

男兒赤心莽熱血一腔公憤關名節惡木試斬銳鋸鐵利鈍
投忌何可說賊死我敗非我罪終期存我鳴冤舌秦廷痛哭
返游魂陽羨山人勁薛昔從輩嚴奇梗慨今來闕嶠吟膚
切薛爲清白吏子孫名祖嚴峻圭章潔彼何人斯權且奸排
擊良善枉磨滅不共矢報骨乍寒遺命蓋棺莫封穴生也博
士弟子員早歲于霄君宗列怒填難更須更忍筆鋒立掃黃
河決挺身直認寒吹求儒冠敝屣任撲跌三輔遠走如縱翻
何地不可驅覆轍蓮花幕下羅而入兵農禮樂資明哲詩書
氣味嫻略略仗劍上馬人中傑西征有令赴戎行矢石交奮

剪餘壁喜烽火外黃雲屯瀚海陰風六尺雪努力負傷吹剛
凍主將星殞勳誰揭賀蘭星月神連黑無定崩流夜鳴咽英
雄射獵狼無賴散盡千金舞腰折甘向溫柔老是鄉悲膺膺
視恣耳熱鬱鬱埋頭闕硯田昂藏硬抵殘碑碣逢人肝膈白
秋霜舊夢酸辛唾壺缺劈斧劃石疊駭獸插天無際撐鐵嶸
狼烟漠北响飛砂拍案墨汁淋漓噉恨不萬里賣封侯橫眉
伍爲衰親結食食教子未騰空蘇李交情怕離別清衙燒燭
讀我詩頃刻三寸忘其拙拉我虬髯笑不言電光忽把藜床
擊江湖軍國奚所是我輩豈能工詭譎

題顧玉山圓梅卷子四絕

曾無朔雪輕梢頭約約珠光瘦鐵蚪得句便來何水部好探
深秀亭詩集卷之十

三

驛路到羅浮

不因曲折見權奇自有春風着暗吹橫影數枝香欲動月寒

清淺水漪漪

鄧尉山頭屋角斜歲寒新報老僧家攤書愛向南枝看搖動

晴暉點點花

一縷沈烟萬事消牆東窗紙折苗條客中不道憑空見欲放

林連赴鶴招

泊建安城下

買權遲難放看山冷對眠灘聲喧夕照城角薄村烟燈火樓
臺盡旌旗虎豹懸青鸞杳不見何處待梅仙

漫成

李陵豈負漢銳氣坐英謀妻子遂見戮肝腸每千秋銜青泣
遺體人奴博封侯利鈍莫可強清濁何分流襄陽既自放臣
客用馬周山林鐘鼎具天地容誰倫謫仙撈月去鳳翮沈輕
鷗少陵死牛酒垂老厄窮愁誤人亦詩賦夢筆只堪投不如
陶弘景雲窩住丹丘鶴鹿得壽考塵土薄晷旒至今青冥上
彷彿風颼颼

葉坊夜月

水驛鳴清夜山村白遠輝樽罍團薄治舟楫鎖相依翠影僧
房落寒烟成壘微客情何所據幽夢撲征衣

晨雨

晨雨蒸嵐濕篷窗點夢回空陰生溜急幽興約山頽香放茶
深秀亭詩集卷之十

焉

經熱詩晚酒力催何人先驛使爲報早肥梅

暮雨

歲歲爭寒溜絲絲急晚風柔情深幾斛昏靄壓孤篷酒市柴
門白津樓漁火紅黯然魂欲斷多半坐愁中

泊迴龍灘

永夕占危纜嚴風疾遠呼蛟龍無鬼怪草木有孫吳醉態思
偏據愁城夢亦但鳴金肅候吏策策伴眠鳬

雨中舟行四絕

溪山曲曲寫模糊箬帽棕衫趁野鳬牽得客愁千萬丈端知
詩酒不曾枯

松風竹影翠霏霏釀就清陰是合圍我自等閒看噴雪蛟龍

遙送客星歸

龍精未躍掛輕裝客况何愁去路長筆陣座兼風雨氣官名
人帶麝蘭香

眼后烟波映黛蛾青衫拚却換漁蓑百年未破江湖夢鷗鷺
灘頭寒影多

寄懷無幾和上

青鸞渡繞白雲窩鐵樹陰參仙掌多枯杖座前懸海嶽疎簾
影裏拜維摩閒來詩力香生骨定後禪心月有波我去建安
輕做屣思君瓶拂却如何

建安席上卽事八絕

邊馬嘶還荒胡琴抱鬱憤寒虜垂青塚漢宮失紅粉
深秀亭詩集卷之十

焉

清淚泣牛衣白龍玩魚服貧賤恨艱難變化貴神速
孔明起草廬桓侯劣屠酒義可縛君臣氣不服師友
彈鋏已難歌依劉總非計安能仰面求因鬼以見帝
學道誤黃冠殺人在狐媚一斬兒女情始證神仙位
香夢驚雲散殘紅襯步徐何須誇擲果我久薄相如
小酌杏無那躊躇恨夕陽半開堂外路望斷野鴛鴦
賣國罪奸雄報主仗奴隸輕身入死鄉有路忍揮涕

弔羅秀才昭諫

昭諫以隱名鬱鬱不得志生既不鍾鼎歿亦何所事廟食在
空山荒祠坐腹笥才其如命何青雲垂折翅我行寒雨中按
劍來仰視君綽有仙機詩識無不至我敢不神交淋漓盡客

致樽酒莫相酬涕淚橫胸次山鬼笑抑揄濕雲歷松刺謾謾
山半風鐵繡莓苔字

小飲

小飲篷牕撒雨花大羅灘口叫神鴉書生自有遊仙術醉裏
生涯却未差

細雨

細雨逼蕭蕭詩懷寫酒瓢巉巖雪作夢松竹翠生潮鷺冷連
拳窟魚腥一寸苗炊烟青未起箸葉滑蘭橈

連甌

小閣雲霞折青村竹樹濃漁樵臨澤國唇齒接花封雨歇寒
烟足山又細路重欲投還放棹回首問支筇

深秀亭詩集卷之十

三

泊舊館

雨歇平桡外燈昏吠犬中高原屯廢舊館憶停鴻夢薄灘
流影寒侵榭葉風客愁空小結歲晚說江東

澄源

雨後澄源路輕舟逐影來山光青曉日松翠滴蒼苔酒借神
仙力詩非寒乞才客情空似水心瓣抵花開

松墩

潑眼見松墩沈沈宿雨痕寒濤生半嶺蒼翠約空村鳥嘯樵
風徑僧開石竇門不知塵壤外何事逐朝昏

寒

閩疆行兩月鹿鹿不知寒久客意味懶嚴程臘欲殘風灘排

雪浪松嶺隔雲盤雨後重裘薄篙師臥夜闌

灘

險阻亦何意崩山駭鬼刑雪霜澆凍骨日月沸危瀾短棹
般折驚心一往寒誰言春漲疾鳬翻也難安

蓮花石

繫纜蓮花石雲根撥水汀月穿魚腹冷苔長佛頭青繡鐵非
香國空天插地靈濂溪應不愛留刷米顛銘

焦溪

村靄綠天中美人花朵紅雲窩三徑展雪浪一灘風絕壁啣
松鼠荒祠落草蟲蟲披林宜小住孤櫂惜匆匆

小武當八景

深秀亭詩集卷之十

三

一筆峰

中書君特把禪關硬點莓苔繡鐵斑我是江郎才禿後夢回
久矣付青山

萬鱗松

蒼髯皮相怪昂藏亂影誰知僧臘長風雨夜深疑鐵臂通根
晴晒茯苓香

綠雲嶺

秀色風牽祇樹林濃陰晴漲碧過岑籠籠漠漠悠悠境野馬
閒來物外心

紅花石

天女何年散異葩雪霞筋骨點丹砂康纖雨足分明見濕卻

莓苔長綠芽

翠碧泉

靜裏微聞草木香山牕晴溜酒珠光輕寒遙映清如許一掬
空天坐道忘

仙人牀

西華峰高憶去年希夷峽裏頗思眠即看落葉因誰掃駕鶴
應來待月圓

仰天獅

翹首穹蒼豈不馴文殊去後坐何人脚跟埋定誰能撥芳草
青毛歲歲春

望江臺

溪秀亭詩集

卷之十

天

細路山園綉碧苔平巖一片夕陽開晴灘雪浪匆匆去箬舫
沙鷗緩緩來

浦城雨宿

急雨迴殘雪青燈向晚投歲寒千里展烟水一層樓樽酒謀
村色與僮僮旅愁冠裳都夢寐虱豕拭吳鉤

浦城坐雨

信宿行無計圍爐費酒醪雪山風影暗板屋浪花高古塢頽
津岸饑鳥啄野蒿客愁殘臘重燒燭託揮毫

林屏山都督招飲

浦城殘臘沈風雪客中急去興僅缺旅舍埋愁愁不絕守土
苦告催科拙畢瑣故作低眉別將軍一笑渺惡劣何如我輩

肝腸熱舍彼就我非無設咄嗟精腴開香冽微酣呼出千金

鐵拔山怒目捷提挈空堂電掃蛟龍掣自言留得常山舌走

請王師搗賊穴渠魁縛却狼烟滅秋毫不犯封兵血策勳

適得日星列恭承寵命賜大閱中原特用羽毛刷寢食余

影凜水潔調改遄敢辭薄秩赤心欲向青天揭舉座悚息誰

能許氣足吞江山可截我聞

天子嘉忠節邊帥慰勞殊親切時平豈抹凌烟傑當有位置

安輦嶠君其昌後在明哲令子不凡儘懽悅

仙霞嶺卽事二絕

竹梢雲葉撥嶙峋登頓危巒折百巡紺殿忽張青眼濶披襟

那得不通神

溪秀亭詩集

卷之十

天

金碧揮題翠霭蒸僧房留客一層層蘭芽竹實黃梅亞郊富
茶鑪與酒升

題文圃上人碧雲居

寒葩閒綴一庭香千百琅玕繞曲墻屋角遠橫山翠疊簾紋
清掬水陰翳探螺髻開蓮社石覆柴關定雪航可惜雨圍

留不住空辜軟語是同鄉

天一亭

一澗澄泓碧千峰聳翠明危欄隨蹬折虛閣與雲平客汎神
仙學山靈松竹聲僧茶頻坐換撥刺數金睛

題江郎山

江郎兄弟本三人化石何年却有因立住脚跟青不了直余

天表峭無倫水蓮香散笙歌夕金鯽烟騰風雨神絕頂華池
誰許到終當獨鶴駕閒身

漁梁雨宿

石甃排崖屋簷燈聽雨牀樽殘更漏錯客久僕情荒湖海寒
潮夢琴書瘦鐵囊漁梁經兩度來去歲除忙

圓通寺

散步得幽賞名藍曲徑深鱗牆修竹響錦砌綠苔陰山瘦雲
生骨樓高僧似林臨行頻索句謂我見初心

竹瓦亭

雨色洗崖青孤僧竹瓦亭石牀紛鳥跡貝葉伴茶經路折風
林秀泉飛洞經靈爐烟消一縷遮莫客塵腥

深秀亭詩集卷之十

罕

桐君山

一峰青嗽水孤塔瘦穿雲名以桐君勝風多藥草芬巖巢塘
客路僧舍次鴻群遙見莓苔翠穹碑繡石紋

富春江除夕同林公欽文學沈霖蒼史維垣上舍

富春江口釣臺青千古風高動客星我適披裘來歲晚人同
歸雁過沙汀椒觴博句朋簪盍箸舫看山圓卷靈消受爐烟
無個事源歌爆竹逼潮聽

深秀亭詩集卷之十一目

元日登富陽春江第一樓

費二佳留集

鄭春薦學博招集

吳山第一峰

瑞石山

丁仙祠

咏壽章九品

畫珀

蒸桃

凍霞

碧脂

瑤屏

老松根

文笏

玉柱

墨膏

聞吳歌

幽澗禪院

嘉善早發

人日抵家

深秀亭詩集卷之十一目

展墓

何節婦

賦得好雨知時節

坐雨

賦得孟夏草木長

賦得小樓纔受一牀橫

賦得陰陰夏木嘯黃鸝

賦得金闕曉鐘開萬戶

賦得山光悅鳥性

賦得我有紫霞想

春晴

風前

醉餘

雨後

宿雨

新綠

送春

靜坐

閒尋

清晝

返照

獨坐

薄陰	灌園
望雨	憑欄
虛堂	滿斟
扶花	得雨
穿林	坐石
清眠	夕陽
登樓	窻月
高梧	白苹
林下	松針
柳線	荷珠
雨餘	新篁
深秀亭詩集 卷之十一目	
躍魚	掠燕
石枰	畫梅
畫石	探山
傍水	惜花
晨餐	晏坐
看雲	聽鳥
攤書	折柬
納涼	息關
閉簾	獨覺
待曉	客至
路竹	繞花

二

閒情	寄詒暉和上
題文與可墨竹	賦得心與白雲閒
過村舍	彭訪濂先生見貽茶酒
雨後	默坐
酬錢東臯大令	賦得過翻思拂霄
賦得華星出雲間	賦得飛鴻響遠音
賦得崑山積瓊玉	賦得山明望松雪
賦得窓中列遠岫	賦得風雲有鳥路
賦得懷抱既昭曠	賦得春晚綠野秀
賦得秋日懸清光	賦得今日良宴會
賦得閒居非我志	賦得至人不嬰物
深秀亭詩集 卷之十一目	
賦得朝霞迎白日	賦得迴淵可比心
賦得心遠地自偏	賦得悠然見南山
賦得臨江遲來客	賦得懷古信悠哉
賦得日華川上動	賦得月華臨靜夜
賦得山中有桂樹	韋象山叅戎讌集
立春	早春過宜園
王西亭給諫得子	西亭又得子
養瓶梅	咏庭梅
對酒	題彈起霞落花詩後
寄懷家贊善雪石	寄懷徐桐軒
水繪園金淑人畫扇	美人

登樓	對鏡
待月	捱筇
走馬	當爐
臨池	春繡
午睡	窺簾
倚闌	新浴
薄醉	鬪草
插花	挑燈
撲蝶	烹茗
彈碁	鞦韆
蹴鞠	度曲
深秀亭詩集 卷之十一目	
裁絨	擣衣
拈韻	描畫
東王逸生	呈草菴
寄沈駒士	橄欖
顧影	整帙
瓶梅	老農
孤客	一尊
十畝	鐵馬
香爐	朔風
寒鴉	聞鄭婿粵若後園種秋菓
味茶	味笋

午日	王穎東過飲
出林家橋	雨中過趙尊客茗話
省巖阻雨	題王太常烟客先生山水
題李墨泉高士竹	題晚霜上人折枝綠萼
題吳江女子畫	春雨登江樓
除夕	
深秀亭詩集 卷之十一目	
	五

深秀亭詩集卷之十一

雲間潘鍾麟層峰

康熙四十四年乙酉選二百四十六首

元日登富陽春江第一樓

飽赴南帆利始征樓臺恰稱有佳名輕身便踏丹梯面翹首
遙瞻北闕情客興披裘容漢大雄圖射弩憶潮平當時出
處皆千古敢負登臨謝老成

費二佳餘宸昆仲留集謙受堂

重來尋吾友隔歲似春歸新及朝元亞情真愛客稀湖山青
面目仙佛洞精微此後相思處惟君棣萼輝

鄭春薦學博招集息廬同查德尹編修

深秀亭詩集卷之十一

三日年華淺千山歸客奇文章推我輩世局怪誰知白勁鬚
霜雪紅搖江海厄樓臺琴硯下相對一論詩

吳山第一峰

群山爭拍水峭壁獨啣城屋瓦鱗青盼橋帆風遠旌事嫌南
渡通烟薄市塵生尋得丁仙窟應知老客情

瑞石山

何年巨靈劈疎落小飛來百折深幽徑孤根託異材風雷呼
吸動日月晦明開絕笑空輿廢誰能改石苔

丁仙祠

野鶴翩然去遺蹤何所留松風清遶經骨相冷丹丘洞館空
香白湖山濕翠收遠陽千古事託化共悠悠

咏壽章九品

四珀

楓林初染菊前霜峭壁晴熏晚際黃暮得雲根凝片蠟荆關
小樹不尋常

蒸桃

渡口晴烟逗武陵簾櫳暈睇一層層誰知却向山根廟二月
春深紅雨稜

東霞

冰雪團團晚霽深赤城寒影射高林何緣書面船中見動我
名聞天半心

碧脂

深秀亭詩集卷之十一
太素精神冰雪澆藍田有種可如標一肯不累名方稱我欲
封題上九霄

瑤犀

不看不怪却雕山特爲芳名重把關何必懸金高似斗雪霜
頭角硬無斑

老松根

茯苓化後又千年地脉山靈骨始堅容易歲寒平塊壘丹砂
符篆爲誰鑄

文笏

名標經史豈無傳鐘鼎圖書讓古先我愛溫情存秉直留鐫
忠孝去朝天

玉柱

琤琤皎皎却亭亭印出丹砂字字靈真道狂瀾撐不住從來
天象掌文星

墨膏

石情烏骨妙松烟秦漢鍾王何不然我尚筆花枯未得添修
留號益州箋

聞吳歌二絕

春潮滑槽夜寒催澹月疎星客夢回枕畔高低柔過雁村情
線繞落輕梅

漠漠溪流隔遠山一聲意解有無間江南直在空天際圓圓
人方襍被還

深秀亭詩集卷之十一

三

幽澗禪院

曲徑循松谷澄流蔭竹風牕虛僧帳綠簾靜佛燈紅客到空
香外心參晚課中宗雷交自澹爲問舊江東

嘉善早發

澹月生虛影寒潮漲遠風舟乘雲氣上人過雁聲中囊鐵敲
書重爐香撥火紅最憐歸路近稗子候陶公

人已抵家

閩南薊北換征衣人日三年兩度歸客路潮青天影碧家園
梅到夜光肥簾櫳風景開圓紈翫然仙事息機獨上危樓
安硯席晴林高引鶴雛飛

展墓

浪說松楸濕墓門廿年拜始率雛孫天空列岫雲屯骨潮白
塵沙路繞村鶴駕浪傳銀月夜錢灰燒徧土花痕可能述祖
延豚犬老我漁樵作息恩

何節婦

大義明巾幗伉儷豈同死所天多未完寡妻抵孝子我衿萊
氏女曰嬪於何氏五載悲黃鵠水部門如水塵封三世喪堂
上櫬疊疊兄弟既終鮮蘋蘩潔救毀霜月響機杼勞則有端
委佳城築心血松楸勁連理痛無貌孤存族單賊斯起健恃
園中身剝復而持否堅忍嚼冰雪坊表耀德里今爲老節婦
壽觴詎可已異彼冠蓋林巖眉照圖史鹿鹿名利場恬然不
知恥親骸莫入土珠翠甘沒齒有子亦奚爲其顙當流泚

深秀亭詩集卷之十一

四

賦得好雨知時節分得青字

雲黑壓山青連朝慶雨靈暗蒲新曲岸抽簾上空亭鳩婦催
蛙鼓書牀擁翠屏釣簾香把盞聲滿綠莎汀

坐雨

我以懶杜門客以閒躡屐屨謝佳候梅雨飽一尺排榻旣
雜坐濡首走不得危樓如孤城風波撼山力破陣飛羽簇方
池浴鯨脊獨鶴不敢鳴老紅寒晚色迴廊暗綠天蕉葉陰何
遍佛火冷空香樵青亦深匿盈盈脉脉思阡陌繞澤國釣鱖
噓遠影大來妙沈墨抵足聽連雷未始非良策善啣實味道
晦明況不測

賦得孟夏草木長

吾慮宴清畫未嘗熱置塵竹樹交青翠藥欄時展新客來園
圃上往往聚酒民薰風洞北歸濃蔭密比隣苔蘚梅雨綠荇
藻散芳濱山野殊蕃息魚鳥各自親幸不荒枯寂相鶴坐閒
身

賦得小樓纔受一牀橫

占得高空七尺軀好憑栩栩約東隅簾櫳呼吸天如水竹樹
蕭搔月有鬚定後聞鐘參坐卧醉餘握卷味黃虞元龍豈敢
無留地清秘巢居只自娛

賦得陰陰夏木轉黃鸝

不見金衣聽綠沈交交欵欵故深深閒居差比東山奏五柳
頻遷永巷吟與會屬誰酣斗酒嬌啼視此逗風林偏憎鳩婦
深秀亭詩集卷之十一

遙藏拙也趁斜陽喚晚陰

賦得金闕曉鐘開萬戶

紫禁昭回麗玉清駝龍高震泰堦平烟霄榮戟穿林出繡句
鶯花放眼明路向朝天香竊熱心依捧日軟塵行雍熙風動
都俞盛湛露濃恩自帝京

賦得山光悅鳥性

景物適相觸相移恰暢然修翎安靜塢遙翠撲晴烟飲啄仙
風上徊翔回影邊不愁耳目翫高曠屬青天

賦得我有紫霞想

天半屬何許襟期若可規笙歌走鸞鶴河漢澹鬚眉豈風
塵客將褰帝座惟東南生氣王都向上清吹

春晴四首

春晴濃似酒不覺醉心娛騷客神仙異名園洞府俱十分青
柳眼百和上蜂鬚何處非生意無嫌我獨癡

燕語上雕梁香風潑艷陽紗牕溪影白石檻藥苗長四壁輝
山館留賓急羽觴近來塵網破一味養元良

極目繡平原江村桃塢繁仙源疑影近漁艇上潮喧酒醒三
生夢身遮十畝園坐深皆老輩惟有祝加餐

樹杪踏層樓輕身脫敝裘天光遠水抹峰影紫雲浮塵想初
無染仙機若可投偶披陶謝咏物我更何求

風前

風前襟袖舉水樹獨憑闌魚躍驚低柳鳬輕逗小灘青園十
深秀亭詩集卷之十一

畝嫩陰撲暮春寒只是憐花片珍珍紅雨殘

醉餘

醉餘狂白眼塵壤葛天民風雅思超古山川寄遠神園居何
必大花事不曾貧更訂來朝客消磨萬象春

雨後

雨後森肥綠丘園納靜嘉三春花事足昨夜夢遊踪水檻浮
眠鴨山厨措焙茶蓬窓垂柳密有客到棲霞

宿雨

宿雨晨光滑園林幽趣饒柴門青卧柳水榭拍新潮身世淹
留慣乾坤肥遁驕微聞沙海沸月黑走新挑

新綠七首

芳雨滋肥嫩生機不可虛一時舒大化十畝忽深居積翠類
松竹餘波映綺疏簾鉤樓檻外好在燕來初

不定陰晴候俄聽曉曉臨向榮墮物本蕃息見天心琴奏稽
中散言標支道林苟能塵夢醒何必入山深

清喜空無已柔情若有薰生憐梅豆小細蘸柳腰文白髮仰
林表青天想鶴群自安草野習幸不羨機雲

意屬春無限居閒興轉濃落紅又鼠耳染汁被獅峰密愛停
車靜陰宜繞屋封圓蒙渾厚禪定一聲鐘

卯雨絲絲約輕風剪剪柔喬柯修立嶙滴翠拂朱樓意趁漁
樵滿山明氣象休蚤添黃鳥座森漸柳梢頭

滿望撐風翻排空長翠濤郊遊從此盛蔭庇儘能叨烟景桑
深秀亭詩集卷之十一 七

初育晴芳暖更挑蓬鞍客路遠何似讀東臯
曉色開清潤蒙陰接遠村直將生動致託出淺深根漁舍僧

窓罨山風水氣吞長林豐草意容我老柴門

送春

綠暗紅稀悵若何幽情況復雨消磨生生梅豆拋雛雀泛泛
荷錢透淺莎身世漫隨貧賤老天人其奈別離多連朝倦聽
陽關去怕上權場目遠坡

靜坐二首

靜坐延新綠香清物外心茶烟吞墨采鳥語出花陰圓壁過
眉杖書牀百衲琴日長無一事却似萬山深

靜坐得妙理洞索都已無賤貧多逸事今古幾完夫旅舍黃

梁夢孤山西子湖長林豐草下不必化雙鳬

閒尋九首

閒尋舊酒伴騷雅半儒官杖屨巔眉勁江湖天地寬仙踪求
彷彿花信享平安已任堂堂去何愁來日難

閒尋村落晚隔岸綴朱霞止鳥窺風力歸漁認酒家聊扶陶
令菊學種邵平瓜梵聲僧牕出空天月始華

閒尋丘壑趣選石坐源頭樹老天風活心恬物采休空香何
處縹野馬幾時收泉品驚雷英耆僧待竹樓

閒尋積翠冷身到白雲隈古木無人識蒼崖有鶴迴詩情遊
跡異四理化工推此景悠然會餘生未可灰

閒尋濠濮意魚樂我微通濬蕩雲天影參差荇藻風修林聲
深秀亭詩集卷之十一 八

秘閣遠岫射青瞳道味津津曉清遊怡箇中
閒尋花事遠僧屋插峰青鳥剪雲衣疊風掀塔語靈張琴童

佛火燒笋坐茶星消受清涼散還登木末亭

閒尋十畝曲幽致託松筠骨瘦胎仙聳心空止水純圓闔天
可躋巖岫翠何新超脫惟陶謝吟情耐食貧

閒尋飽宿兩山閣滴飛泉草木交雄長禽魚省雖然頻添到
公石一望蔚藍天瀟灑全無着徹通文字禪

閒尋踏古寺白日雨花深靜語昭昭象平消種種心圓師屯
墨浪開士撥商音冷澹伊蒲供青輝觀遠岑

清畫十首

清畫山家綠晴林閃閃鋪圓圖幽趣別書卷俗塵無逗檻交

黃蝶眠沙曬白鳬，頽然存我拙懷舊滿江湖。

清畫松濤長，晴空濶有聲。山家憑秀削，水閣放虛明。鳩婦理奴惹，荷珠魚串行。杜門端謝客，不欲溷浮生。

清畫北牕下，羲皇恍卧遊。茶烟吞幾縷，書幌動雙鉤。止水如何碧，啼禽未肯休。倦容偏不許，掉臂一登樓。

清畫渴其南北風，涼乍生。天機若有合，心曲幸無營。竹榻蕉牕亞，水綃羽扇輕。鑑湖不待賜，雅興海鷗盟。

清畫棋聲落虛堂，對老翁。荷珠空影瀉，榴火綠陰紅。茶熟分龍雨，香聞隔院風。擊鮮來急足，短札報詩筒。

清畫屯雲白，閒居壺嶠寬。賓筵鮮俗駕，道侶是儒冠。偃仰千年樹，荒唐九轉丹。遊鱗石檻外，不礙小波瀾。

深秀亭詩集卷之十一 九

清畫風烟醒池塘，鶴步高。貧居荒海錯，晚歲長霜臺。書案流光滑，琴爐綠結熬。近來疎懶甚，揖客未爲勞。

清畫悄無役，危樓獨閉簾。石床帷簾設，星火麝蘭添。惆悵空如此，頽唐久不嫌。晉人風度別，只覺愛陶潛。

清畫停陰滿迴廊，花影搶徐行。消果腹閒聽，捧吹簧五月池。塘曲三村榆柳行，已將塵網隔自問不尋常。

清畫靜披拂梧桐楊柳風，座安古佛下。閑駕翠濤中山徑，圍深秀天光達遠空。端居何不可老在五湖東。

返照三首

返照歇新雨，樓牕擁翠層。光華添薄暮，圖畫妙峻嶒。酒醒思何處，身輕恨未能。歸山看健翮，聊倚一蒼藤。

返照盈梧竹，空亭坐醉餘。水綃映朱紫，雲路望清虛。嘖嘖聞蓮社，懷人到尺書。不嫌垂晚景，消受轉徐徐。

返照動流景，園亭晚趣深。清酣翻午省，餘習豈能禁。楚楚荀香坐，微微梁父吟。味閒方入道，空透世間心。

獨坐

獨坐虛堂白，明開心辦香。卷書聊復展，茗碗不時嘗。息影空無伴，披襟覺晚涼。不知車馬客，何事逐周行。

薄陰

薄陰閉清曉，雲霧暗蒼茫。碎滴南山翠，紋添東苑香。簾衣搖水殺，燕語掠鷗莊。欲放蓬牕去，移花上草堂。

灌園

深秀亭詩集卷之十一 十

灌園勉晨夕，望雨足三時。老圃新花艷，盤山汲水遲。渴塵不可起，遠脉也須滋。根蒂何曾誤，生幾任所施。

望雨

望雨東樓角，殷殷聽遠雷。蒼生今待命，焦土已艱培。江海蛟龍卧，丘園草木頽。如何均沛澤，箕笠棹歌回。

憑欄

憑欄審魚樂，鏡水兩花鮮。我意寧無寓，物情乃可宣。荷珠傾柳串，蛙鼓喚魚眠。半日稀塵跡，鬚眉濯影偏。

虛堂

虛堂掃殘客，洞達漲青陰。鎮日一無事，澄懷輒坦吟。何來絲竹戀，但作面園尋。更指松栢月，焚香獨澗斟。

滿斟

滿斟意不淺千載想淵明此外關何事餘生快大壑新花聲
伎艷老友水雲情不飲悞塵渴神仙那得成

扶花

扶花正儀表人定奪天工嬌秀香聞質清華名士風柔條聊
約束點石小玲瓏用我閒珍惜消磨歲月功

得雨

得雨灑晨夕徐徐活土膏天心憫人事雲氣走松濤細接南
山翠平添三徑高虛應清影逼勸我覆醇醪

穿林

穿林讀圖境緩步亦昂藏風奏松筠節禽搜枯栢香雲根埋
深秀亭詩集卷之十一

虎豹水榭歷陂塘來往周遮綠神仙豈敢當

坐石

坐石何須選眠雲大有根已空短簿宅不奪謝公墩身置宜
丘壑衣薰擁杜蓀素心覓我異都向碧崖捫

清眠

清眠體納息舌本剩茶香小劇烟霞錮聊支枕簟涼綠陰深
更覺塵夢久應荒幽鳥何生動臨風叫夕陽

夕陽

夕陽紅影動故向雨晴遲水檻樓臺面山牆松竹枝疎鐘清
塔院歸棹唱漁師花下芳筵具先生進握巵

登樓

登樓洞四面夏午納晴空立嶙峋柯戟鋪雲遠水風庾公曾
解事王粲不英雄我亦何爲者香銷佛火紅

聽月

聽月半輪澹微風刺竹陰牀琴孤客醒城柝二更深碧影簷
頭側幽芳茶尾等水紋射蟾魄獨可證禪心

高梧

高梧半百尺直幹寒清修不設調琴座惟開待月樓鳳棲果
何日院靜未驚秋那得倪迂在從根拭上頭

白苹

白苹蓄繁盛出水亦亭亭玉露餘清曉金鱗撥寸形花舒蓮
瓣小葉泛竹根青淺澹支生意那培沃土零

深秀亭詩集卷之十一

林下

林下風超脫悠然得此軀青園五六畝高在兩三株廊廡誰
懸夢丘田我合愚斜陽散步好取境不妨紆

松針

松針翠雨點更欲緇雲天岡圓鋒鋒細高寒氣象懸山腰冷
刺石月魄響推烟曾把金仙度全須磨晚年

柳線

柳線縈縈密柔條自有行細搓春雨綠微染子鵝黃客路牽
魂夢柴門縛野航不如張緒想遮徧讀書堂

荷珠

荷珠拋不定粉碎轉重圓粒粒明芳雨星星滾碧川易輕十

斜價難上一絲穿合浦今搜盡高擎茂叔前

雨餘

雨餘風未歇樹杪散飛泉
屐齒響幽討山腰坐冷然
魚吹花辦血蛙躍土膏錢
一片青蒙象無稽學浪仙

新篁

新篁高節見鳳尾出鱗塙
夜雨驚雷後山亭裂石旁
已符郭有道未學費長房
雅客頻來看清修叢翠涼

躍魚

躍魚樂可證絲雨滑津津
柳線櫻沙嘴荷珠潑水鱗
綸竿我已捲天影鏡中親
何處非濠濮莊周憬絕倫

掠燕

掠燕引雛語紗窓水檻前
啣花苔影繡纖雨柳絲烟
王謝堂非舊春秋社自翻
短書我欲寄雙向阿誰邊

石枰

石枰設坐隱郊未布機謀
但聽松濤長空圍竹影收
雨深苔繡蝕夜靜月華流
柯爛徒難遇何人是奕秋

画梅

画梅生研粉心瓣刺空香
瘦鐵蒼虬古蒙陰澹月涼
僧窓披帳簾山閣品旗搶
記得遶清影依稀珠玉光

画石

画石突廊廡苔痕墨瀟瀟
駭他屯虎豹削出繡芙蓉
寶晉齋應貯華陽洞可封
特嫌煮未得冷對老山農

探山

探山不愧蚤繞屋秀雲根
家但詩名在天容頭白恩
高空仰初日沈鬱開斜門
不學孫登嘯翛然我道存

傍水

傍水峭崖岸雲天倒影清
風林寫活筆翠漲走空聲
魚掉鵝兒滑橋通行藻行
三時積雨後幽興滿滄瀛

惜花

惜花審時令清課豈能刪
盆盎澆新汲軒窓觀假山
家如古甌上身在靜香間
慣喜場師論生機養百般

晨餐

晨餐不可薄一味潔烹鮮
量腹加雲子搜囊種秫田
山川餘案秀亭詩集卷之十一

晏坐

晏坐歇浮動忘懷養太和
了無塵事擾冷覺晚陰多
未得華陽洞聊居安樂窩
何曾勞四體臟腑漫摩挲

看雲

看雲飛野馬一往幻無端
海岳風烟氣仙眞圓盤白
衣任舒卷歸鳥覺高寬更
待奇峰出樓頭倚酒闌

聽鳥

聽鳥窺林語逾時嘯未休
如何騰屋角不覺賽笙篴
物我忘機皆丘園雅靜求
微吟薄醉能不必定鈞軒

攤書

攤書

攤書壁又置長日倦難逃山海經何異天人策不勞蠹魚徒
浪蝕香草採風騷玉尺稜稜壓聊憑一枕高

折東

折東少生客荀陳陶謝間花前肅鴈政雨後列烟鬟鶴髮攜
琴至柴門待月關淋漓蘭紙墨慣約共開顏

納涼

納涼舉嘉會北郭就山家巨石玲瓏障修枝婀娜花日遮濃
蔭綠風通曲池涯河朔聊存意時烹陽羨茶

息關

息關日云晚涼月挂松梢往事荒如夢平懷斷妄交香清人
在閑風定鶴歸巢四大皆空外何須更結茅

溪秀亭詩集卷之十一

圭

閉簾

閉簾風力止我意壓虛籠影射天心月聲吹屋角松宸筵初
列炬僧院近聞鐘紋篆熏微逗清修整道容

獨覺

獨覺枕琴伴空房聽雨聲心田澈止水懋鼓遠高城夙夜平
生愧殘軀貧賤輕黑甜難渾沌蕭索待天明

待曉

待曉堦登急虛窓走月痕不無惆悵事悔此幻生根潮想江
湖白山青歲月恩平船有宿客縛柳傍柴門

客至

客至蒼頭引丘園宛轉尋雲深隨矮屋風起動長林策杖山

花色窺人野鳥音坐談皆逸事有酒便須斟

踏竹

踏竹葉颼颼此君節勁修客常穿六逸我更拂新抽簪粉米
紋落聰紗翠影流行蹤高着處不定拍藏鳩

繞花

繞花十畝宅無日不解明最是巖廊側偏饒紅紫撲香風蝶
粉散綠雨燕雛輕一步一迴顧潘郎老是情

閒情四首

取次瞻林表閒情託遠雲孤撐鶴鹿瘦大湧海江文脫俗求
無垢清修對此君久辭客坐朝市不須聞

閒情遲晚照短札到山僧雀舌封題籠鳩形無量藤如何消

溪秀亭詩集卷之十一

夫

受易又惹應酬增適愛投軒客松梢待月升

滿壁寫鷗莊風濤濤墨香帆侵花岸活樹壓竹橋涼仙侶調
銀管詩僧捧玉觴支筇能幾歲願學費長房

僧臘幾眉雪南屏夜月鐘悠然清響異宛在宿緣逢種竹招

棲鶴無紗輒撫松酒人幾輩不願號君宗

寄諦暉和上

九十年來嚮住閒雲林宸翰揭烟鬟松筠影上軒意緣猿

鶴聲中花月班據案漫宣親佛祖支筇不用笑童顏春明書
畫船當就西子湖頭定探山

題文與可墨竹

鳳尾揚德輝鶴足瘦高節此君出文象歷歷整修潔

賦得心與白雲閒

頗覺掃餘事悠然出岫時端無輕有託一任幻何之空洞涵
晴海青真素絲初衣同不染聊對漫題詩

過村舍三首

雨足蓬窗綠烟霏村樹濃閒身輕野鶴老眼透雲峰述祖思
親淚鋤經切玉鋒到門喧鳥雀苔徑揖支筇

古木低茆宇空陰撥水田茶分佛火熟厨儉竹胎鮮物理明
農事詩懷入画禪板橋漁港滑花塢影芊芊

斜日崇岡外輕潮放野航柴桑鷗鷺密場圃麥秋黃古廟遮
籬落殘僧帶葉香頻行還遠眺身世轉蒼茫

彭訪濂先生見貽茶酒

深秀亭詩集卷之十一

十七

燈火莎汀到檣頭飛鷺消息經霄樓松醪雀舌開清泛磁碗
匏尊解渴愁客與雨停金井豁詩情花揭玉簾鈎醉餘兩腋
風生後天趣居然物外遊

雨後

簾閣遮山影松筠壓檻枝寒叢新翠滴吟報碩交遲沙鳥排
喧浴風帆繫遠思虛窗紋篆碧默禮上清詞

默坐

默坐息群動含輝轉惘然花深空院雨影覆綠池天掩卷餘
茶味聞香接道緣杜門今始得何物馬蹄穿

酬錢東臯大令寄懷次韻四首

松風竹影掃庭除敢息蓬鞍老卜居梁月每繁清夜夢江皋

忽通上游書箋題十幅蒸雲錦淚漬三年痛板輿燕市久荒
人擊筑壁完誰問蘭相如

公輔東山卧謝安頗嫌酸鼻折腰官刳來哭母貧難葬事去
栽花香易寒鐵硯尚磨銅斗墨水心能透水晶盤伊陽流澤

清翻激枉割鳴琴君自看

畏路今非蜀道難九峰偏翠夕陽殘榛桐閣啟烟霄座鬚鬢
人登李杜壇雨足芳池新吐艷苔深古井不生瀾素交倘惠

來晨夕宿釀連傾書共攤

金門賦獻逐續紛誰是空天鶴不群冷把一編聊楚楚晴薰
十畝立欣欣詩懷實欲掀春泛酒力何勞坐夜分出處總非

忠孝拙徒羞鷄狗繡田文

深秀亭詩集卷之十一

太

賦得遙思拂霄

碧落渺無垠遐風扇廣漠自非吹笙駕凌空那得着縱翼既
豐滿抗志屬寥廓一刷九萬里雲路層層削閭闔許奮揚威
力遂不薄羽儀耀霞表陋彼林壑託群然飲啄喧徒爭鷄與
雀

賦得華星出雲間

良夜占奎壁文明迥不同離離懸碧落煥煥捲晴空青着輕
浮翳高參屬望中泰階殊不晦端拱紫薇宮

賦得飛鴻響遠音

嘒嘒空天外悠悠去路高秋風寒靜夜霜月動纖毫自向朱
霞達誰傳錦字勞寄情遙入調有客在東臯

賦得崑山積瓊玉

睠彼抱璞嚴卞和良自賤三獻泣眩奇身殘其始見所孕剗
耳目左右無人薦何如圭璧姿造物聚群善雲根結靈阿精
采鬱生而日月胚元英晶品隱晴霞太完美不雕餘輝映繡
句積厚而流深禎祥豐國彥

賦得山明望松雪

朔氣凜迴岫凝陰歷翠枝徐熙新傳本和靖遠憑詩醒眼水
花蘊蒼髯鶴髦支薄昏光益顯伴我歲寒遲

賦得窗中列遠岫

螺黛青新霽烟養媚夕陽低空全不礙幽賞足相當縱目占
雲起臨軒讀畫長樓居端歷歷風翻况成行

派秀亭詩集卷之十一

九

賦得風雲有鳥路

毛羽良自惜何天不可飛居然龍虎會赴此鳳鸞輝借力時
平易摩霄健者稀卑棲徒戀戀羞說稻粱肥

賦得懷抱既昭曠

物役不可截天心有來復撲攘方寸間何事紛局踣所見蓋
不明蟻穴而塵伏舉動擾世網高厚悲窮獨達人義皇遊未
嘗圍邊幅洞監迺靜穆霜月銀濤沐

賦得春晚綠野秀

和風薰廣陌淑景流斜暉一往可餐目憑空欲上衣沈沈酒
靜理冉冉寫生機濕翠江村路何人掩竹扉

賦得秋日懸清光

爽氣澄遐景羲和馭羣收空明巴子國返照岳陽樓旌旆檣

帆直蛟龍波浪浮乾坤多隱曲杲杲待皇猷

賦得今日良宴會

道義盟金石鬚眉重古懼江山圖國合天地酒盃寬有客來
王謝何群不鳳鸞流光新可惜莫遣軟紅殘

賦得閒居非我志

東髮尚氣槩振翩思凌霄世信裴劉目國華或見標鹽車蹶
泛駕幾尾桐其焦伏櫪誤千里無絃音不調松筠奉母老降
割慘一朝魂夢縈入土貧賤感蕭蕭黃口短三尺徒翻詩酒
瓢出門隔山岳交道薄塵囂絲竹詎所好蒼生淚轉潮

賦得至人不嬰物

派秀亭詩集卷之十一

三

神遊無懷世身恍葛天民太空既無着何一非我真源走沙
海曲小滴荷珠新北溟蹤鯢浪浮沫噴細鱗威鳳翔千仞荀
鳥巢荆榛高下任動植化育各有倫忘情宜夢寐曠達兼鴻
鈞養心如弱水那得翳纖塵

賦得朝霞迎白日

未上城池浴先騰天半紅當陽將尺五萬象發洪蒙聲震金
鐘曉光搖鳳闕東重華端啟瑞海宇照同風

賦得迴淵可比心

頗覺源頭活澄觀定後情波瀾今獨老方寸更誰撓浩浩江
湖白悠悠天地平熱蹄塵不起贏得許鷗盟

賦得心遠地自偏

朝市紛熱客征蹄
蹂紅塵擾擾循物役
誰是餐霞人中歲
甘雌伏荷衣作天民
黃河白雲上萬里
度鴻賓無絃音古趣
卧遊輒經旬積雨長
苔髮松筠寫隔隣
鷗盟非鸞鷟載酒勞
逡巡不涉淺近跡
庶善居賤貧

賦得悠然見南山

逸興既不淺曠覽杳無礙
空天插遙青陽坡起厚載
適暢雙眼高螺髻寫眉黛
蒼翠遠莫定崖丘神或在
斜暉澹宕中一往雲霞榮

賦得臨江遲來客

極目雲濤上憑欄渴所思
風帆遠影路沙鳥夕陽時
兀坐停虛館孤吟待把卮
元龍湖海氣情重魏無知

深秀亭詩集卷之十一

三

賦得懷古信悠哉

一月滂沱雨菰蘆接遠村
虛堂寡酬對濕翠寒朝昏
開卷益尚友枝葉尋本根
上下千百載何者繫乾坤
耳目之所廣道義之所存
志趣合造轍脉脉動精魂
晰疑斷方寸賢聖固有門

賦得日華川上動

不足高空影奔流射遠暉
魚龍腥火藻檣檣掠鷗飛
的爍文明象翻騰靜者機
端居觀造化誰悟此探微

賦得月華臨靜夜

客散鷗莊白心清雀舌香
砧聲沈遠柝四影上虛堂
玉宇寬裝褶牙牀龍劍銑
林泉晴皎皎無寐獨昂藏

賦得山中有桂樹

客興紛秋序歸思繞舊阿
叢陰金粟綻芳樹露華多
託體同積榦憑軒足嘯歌
淮南殊不解招隱悞烟蘿

韋象山參戎逍遙舫讌集次坐客韻五首

滿載圖書泛聖賢綠陰橋畔散
賓筵陶公身遂山中相白傳
心恬池上篇入座雲根寒駭伏
隔簾花雨蘸新妍增臨絕徑
幽如許只放魚通鷗鷺前

古道肝腸本不阿得閒小住便
相過百般夢破風塵倦一往

情深泉石多琴硯溫文香穆穆
松筠翠黛影窩窩鱗牆秋岸

青苔髮日夕還疑起棹歌

柳絲低處却憑高恰受烟波穩
一舸玉碗詩催萬弩射金鞍

深秀亭詩集卷之十一

三

客卸五陵豪花間石體斑
秦篆雨後荷珠溢漢臯冷到鬚眉

香撲袖澄泓天影見纖毫

鷄壇蓮社淺深交珍錯時兼
蔬笋肴茶灶綠肥鳴活火藥囊

香瘦倒懸匏聊容貼席皆牀
亞不用尋山驢背敲讀罷南華

張白眼也應無計避清嘲

九峴蘭馨賤采蕭小山叢桂
隱相招簾衣伎族鸞調管笳杖

僧拖鶴過橋忽刺千燈雙水
榭平搜十畝一詩瓢旁觀莫漫

消清福身似蓬壺駕碧霄

立春

疎雨滴清曉夢回轉幽鳥南
牕陰尚深春到一何悄東帶上
危樓默坐睇雲表生氣約東皇
大造爲不小珠光梅乍肥星

角亂枝繞照水亞赤欄潯鱗影未擾心辨澹而恬空香吸樹
杪誰入圓圖來詩情忽縹緲

早春過宜園懷王瑁湖先生

良辰集素侶相與惜春晴出郭既不遠雙屐展雲輕名園指
珂里日涉麗經營三槐積世蔭舊澤流河清遂巡始門外蒼
翠已橫生漸入宛漁父童子爲通名一折見垂柳曲橋涵渟
泓左右皆異徑徘徊將誰行迺循水邊座細聽松竹聲移時
穿石竇隔岸望崢嶸亂木不可辨梅影紛斜撐和風花正肥
歷歷吐珠瑛羅浮出塵想修鶴互長鳴複廊半壓浪魚躍輒
碎碎藥欄遮幾曲紅芽乍寸萌酒厨茶灶列意似盡雕囊臺
榭豁天朗登臨又層城鈎簾目空際千里落霞明村庄烟火

寒香亭詩集卷之十一

三

王西亭給諫得子和韻四絕

乍報朝回笑麝開碧梧老榦鳳雛來他年佳話三槐合今日
充問應上台
靜攝清嚴諫草霜愛添繡祿到書牀拉麝跳虎須更狀尋驗
之無字卻忙
宦味初回諫果時巖疆歷盡上彤墀黑頭已覺虛公輔六十
生兒尚未遲

烏衣舊巷夕陽新何況青綰要後人試聽英啼足萬事穩垂

清白不嫌貧

西亭又得子四絕

一官輕擲五湖歸客易鬚眉戰勝肥膝下有兒兒得弟呱呱
不復覆征衣

始信崑岡有韞藏雪霜暖後出琳瑯難兄五月誇難弟乳哺
同喧翰墨場

仙果遲生詎海樞分房子合自今稠林泉莫道無冰俸竹馬
雙馳要玉樓

憐余一索巽毛班郊羨先生健鶴灘兩地舉雄左右顧鋒車
只恐召東山

養瓶梅四絕

寒香亭詩集卷之十一

四

風雪南村面未開時教得水長珠胎移春手段非無意便拜
山中宰相才

雨後新潮貯更添芸窗粉壁映牙籤何人小識羅浮趣月薄
亂陰刺半簾

十日几頭驗吐芬小除夕獨對微醺花疎我老咸清瘦骨格
神仙雅不群

略經位置占吟壇不比撩烟繞屋看三尺鐵稜子片雪一囊
收拾試平安

咏庭梅四絕

澹雪薄雪靜交加一帶南窗瘦影斜位我猶看香冉冉歲寒
圖圓動仙家

墻角橫撐妙入神離披詩興在清真高風合傲孤山跡不是
揚州官閣新

廉纖清曉洗初番瓦雀巡簷也解喧我愛釣簾枝乍入頗饒
生意逗文園

坐到昏黃掩卷遲茶槍酒醞向誰思先生未覺貪於水類類
隋珠欲滿時

對酒

對酒春宵白窗虛月近人襟開堪一石門冷惜無賓紅袖青
燈下殘書密並新兒音金鼓競馳馬又東隣

題寄起霞落花詩後

敢怨東皇薄深憐絕艷銷石樓甘一墮楚夢香難招蕭瑟春
浪弄詩集卷之十一

歸路空香雨後潮不堪抱璞者珠淚寫無聊

寄懷家贊善雪石

盧溝踏雪悵分行肝腸晶晶指劍鉞豈信琴尊淹草野忽驚
王謝變滄桑君恩遠隔三江夢家計殊荒百口糧獨憶青

宮高侍從朝回花底撲衣香

寄懷徐桐軒同學

京華旅食傍三年綺席僑尊倒百千花市隔牆松院古水雲
當檻石研穿揮毫擲地金爭出說劍冲天月不眠裘馬交遊

誰信俠空囊何日着先鞭

水繪園金淑人貼瓣梅花面扇

機巢至人文章伯聞中能事亦奇聞圓梅直面眞梅花巧於

漢妝公主額憶昔名園春早時晴雲霽雪熏天白輕風落處
有餘芬鱗甲殘膏叠盈尺繡工閒惹鸚哥喚偶步芳塵良可

惜拾歸眉黛寫紋綃鐵幹枝放清格多恐形求未入神細
粘膠漆水霜魄絕技傳爲騷雅新梅花供盡佳人役初成紙

帳秘寒香水繪先生林逋宅先生笑謂當廣揚乃聽兒曹持
見客客在通門豈易求指揮染翰等珠璧我從今子獲雙魚

便面封來驚粉澤秋深披拂羅浮氣筆底居然牕月跡謝家
咏絮太飄狂何似林皋韻巾幘可憐弱女尚童癡鏡臺燈影

暮晨夕十年留筇忽奉揚轉嘆樸巢迥非昔

美人二十六咏和陶進士穎儒原韻

登樓

寒亭詩集卷之十一
欲上還遲百尺臺杏花高映綺牕開凝眸忽剪雙斜燕驚避

誰驕金勒來

對鏡

一泓秋水月華清淡照春山遠黛明自愛晨妝花吐好不須
侍女問傾城

待月

小立瑤堦桐影移蝦蟇不捲坐遲遲姮娥亦自嬌難出銷盡
昏黃雲幾絲

握筆

十三傳得搜柔情玉腕微籠錦袖明羞覺周郎常對頤一絲
不肯誤秦聲

走馬

輕於飛燕捷標姚一騎紅塵束小喬夾岸垂楊平十里香風
過眼不知遙

當爐

壻豈臨邛重客年
芙蓉嬌暈臉潮鮮
旗亭醉態時相識
直待金貂當酒錢

臨池

象管金星烏玉香
蠅頭學寫漏釵行
輕衫似壓羅紋細
小倚明窗坦腹牀

春繡

曾許燈王刺手幡
絲絲未敢配雙鴛
小姑強欲描新木
獨對深秀亭詩集

桃天笑不言

午睡

隔院風蟬嘒嘒吹
湘簾清晝曲房垂
拋針小倦牙牀肉
不許雙鬟乍揭帷

窺簾

小簇湘紋半面斜
波痕微影一枝花
輕風偏易吹裙帶
却立雙鉤着意遮

倚闌

十畝花開紅紫賒
迴廊百折影重遮
偶看戲蝶驚眠鴨
憑久臨流亞字斜

新浴

急攬輕衫護玉胸
微微香汗不曾濃
小鬟莫便開簾幙
沐雨初晴江上蓉

薄醉

春華嬌上海棠紅
玉軟香溫琥珀中
欲索兒夫詩百首
擎樽不覺氣微雄

鬪草

約伴尋芳賭玉簪
曲闌干外採宜男
暗中獨撥塵蕪徑
不道牽衣近葛覃

插花

不是名花肯上頭
盤鴉隙裏貼嬌羞
誰言雙蝶能輕惹
獨愛幽蘭發九秋

深秀亭詩集

卷之十一

三八

挑燈

京華人遠夜啼烏
罷繡昏時信杳無
風雨逼窗眠未穩
且支殘影補鴛鴦

撲蝶

豈忍傷殘輕薄魂
愛他繡展粉香痕
茶蘼架轉欄干角
急喚同行便掩門

烹茗

活火頻煎泉沸聲
驚雷新煮雨前名
玉纖好撿磁甌白
肥戰蘭馨撲鼻清

彈碁

密算偏飭勝氣乘
剛柔楚漢豈無憑
就中一子爭先着
兩點

秋波半响凝

鞦韆

約束雲鬟笑倒懸
猩紅兩瓣忽朝天
春風蕩漾殊輕薄
捲盡留仙鶯燕前

蹴鞠

微鼓逢逢翡翠樓
鳳頭低觸小蓮勾
止防高過齊眉上
險落烏雲一線兜

度曲

出口魂銷無限情
綠楊低處賽流鶯
尊前一拍非容易
別繞溫柔裊裊聲

裁絨

深秀亭詩集

卷之十一

三

細劈鸞箋坐日晡
鼠鬚輕吮寫難麤
燕來雁去經年盡
在行中疊勝圖

擣衣

月影霜華白滿樓
砧聲響處是高秋
寧因無力聊輕打
重有酸心寄遠愁

拈韻

幾字推敲試把書
繡腸縈轉思徐徐
名花獨咏春來艷
寫出香風滴露餘

描圓

學染梅梢折數條
鶴爲瘦骨玉爲標
清香更在輕籠月
小濕朱唇放碧綃

東王逸生

此老堅松栢交情
憶歲寒耕田臨泌水
丙舍接花欄土木風
塵外雲霞詩酒寬
菜根殊飽味踏雪過橋端

與草菴族人

草菴吾宗老天地
此閒廬佛火明松窟
花光展道書雪烹茶
灶熱鷗伴水窗虛
長傍先人墓高懸下澤車

寄沈驕士

昨見吳中翰知君
客乍歸慈幃霜髮白
耕硯石田微得句
憐腰瘦論交照膽稀
止應抱焦尾小飲看梅肥

橄欖

諫菓無迎味全從
覺後奇林問原異
產酒罷却堪思
盡偏深秀亭詩集

卷之十一

三

酸楚兒童未見知
絕卑間嶠客單咏
荔枝詩顧影

顧影

顧影殊堪笑鬚眉
徒爾爲寒燈書卷伴
淡月紙窗移未肯
早林伏何慚對面
疑微醺兼瘦傲松菊雪霜吹

整帙

門掩寒林曲香清
容膝居時平休運
甕醉懶罷收書何
假雄南面終如老
蠹魚墨庄殊不熟
聊貯小窗虛

瓶梅

鐵幹標餘雪珠光
照落暉一枝牆角
折徑尺膽瓶肥燈
影橫窗瘦詩情入
面微羅浮幽夢近
清況逼簾衣

老農

老農撝儉歲亦復見幽風春酒牀頭熟兒衣村畔紅雞豚推
客座爽牖補茅蓬聞說催科緩康衢擊海東

孤客

孤客思悵使羈愁冷朔風浙潮何未到鄉語有誰通空館寒
梅白殘書短蠟紅一尊清自把瘦鐵伴焦桐

一尊

一尊香不淺到手輒醺顏自得陶公意非同左相班燈前花
影座眼底雪晴山有句無人和清舒梅萼閒

十畝

十畝栽梅地殘年又未曾林逋身欲娶何遜閣難登夢想晴
雲白香披淡月澄小橋流水曲茶社結隣僧

深秀亭詩集卷之十一

三

鐵馬

欹枕紫懷觸風簷一夜鳴本非金玉振冷逗雪霜清寂寂空
齋夢寥寥過雁情男兒嫌細響亦復戰心兵

香爐

香爐餘柔韻還聞乍有無把書時一卷微火撥寒爐醒酒虛
堂白懷人清夜徂魂銷荀令座不是味禪枯

朔風

朔風連夜發萬木一時鳴怒馬龍沙疾寒江雪浪驚樓臺搖
悻魄鼓角咽孤城尚有難歸客蕭蕭裘敝情

寒鴉

不定棲林意驚風暮轉多村荒愁慣見客思亂如何雪後純

餘墨天空幸莫羅高低聊數點亦足盼庭柯

聞鄭婿粵若後園種秋菓

好是秋霜老垂垂橘柚時洞庭新圃色通德舊門資書幌陰
多暗溪橋面更宜明年遊屐到會見壓卑枝

味茶四絕

味茶得禪理妙在有無間舌在津津覺虛齋把卷眠
心空萬象青客散疎鐘歇圍坐放秋蘭鈎簾待涼月
品思陸羽神疾笑相如渴至性杳靜交澹懷際虛達
經史咀慧業王謝省清言意中剩何事空外欲飛仙

味笋四絕

清煮瓊瑤漿芳鮮蘭蕙本肉食伴鄙夫龍孫天趣損

深秀亭詩集卷之十一

三

雷雨一朝新暴富山厨畔七賢醉夢中咀嚼味詠歎
此君童子科突生黃犢角我豈口腹人挑取未免數
伊蒲澹而腐露葵濕於苦不若裂土尖帶雨剝山間

午日

葵榴紅映密簾黃簾捲南薰坐北堂艾虎漫懸童子技金猊
清噴辟邪香閒來塵夢空如許恨到鬚眉醉不妨續命近從
蠲賦得 恩綸真較五絲長

王穎東過訪小飲

雨後堤陰綠閒扉晝始開蘭芳魚子綻客報玉峰來愚谷無
嘉供僧彌是俊才清言揮塵罷雅興一啣盃

出林家橋

東郭出乍遠溪橋路轉幽春光綻三月桃柳拂行舟客情一
何適豁然青雨畔浪花噴輕雪緩棹任夷猶夾岸見耕侶有
事涉田疇雞犬出村壤漁罾晷渡頭武陵可意想焉知非丹
丘

雨中過趙尊客老話

絲絲細雨長苔陰雙屐閒探有素心人傍老梅支瘦鐵門通
流水澌寒襟旗槍細戰磁甌白紋篆難消書幌深坐久移情
歸鳥外疎鐘遙逗出空林

省墓阻雨不得去

龍盤九曲繞孤村十畝松楸壓墓門小艇豈能衝急浪亂鴉
偏覺易黃昏漁庄遠火微微動茅屋低雲暗暗吞幾度遷延

深秀亭詩集卷之十一

三

今又悞夢回昨夜有啼痕

題王太常烟客先生山水

公以烟霞骨老通詩画禪致身養琴鶴潑墨種林泉妙理讀
何盡生機走鬱然酒闌明月上夜坐憶樓船

題李墨泉高士竹

墨泉竹溪逸十指長龍孫葉葉動風意聲聲掃月痕特挺聳
然節不肯沒其根我非王子猷面理達此門

題霜曉上人折枝綠萼

不見癡僧久清標露一枝綠浮茶始戰香動月初知夢破樓
前影禪通画裏詩棲霞微雪後無數半開時

題吳江女子画虞美人花

一片嬌羅綺丰神自不同粉香營妙染血淚滴英雄恨滿羅
蕪夢輕翻蛺蝶風可憐歌舞散春色刺猩紅

春雨登江樓次陳挹蒼韻

烟霧低千里寒潮響逼聽客情淹此日愁思欲平江浴鳥添
無數危檣動一雙長鯨疑可釣吞酒恨非缸

除夕四首

草草勞生又一年深宵聽雨坐翛然燒殘炭圍書幄剪得
銀燈照水仙鬚鬢氣懸湖海濶山丘力歎夢魂慙椒觴差喜
牽衣勸消受金猊噴麝烟

圓憶風塵感浪遊驚心作賦仲宣樓素關夜析寒霜月閨囀
征鞍響鐵鈞倦翻晚投烟靄窩空囊時典鷓鴣裘懷人更在

深秀亭詩集卷之十一

三四

天涯外沙海魚龍急借籌

學仙不是等閑人骨性胎仙自有真霜雪幾番清化域樓臺
何處隔凡塵圖留松桂詩書氣樂縱禽魚天地春老我情懷
成懶拙山厨莫笑歲儲貧

歲寒松柏濕濛濛殘垢全消翠雨中潮影過侵窗影白瓶花
低趁燭花紅牀前舊著雪端島肘後新傳河上公爲計詰朝
須謝客鶴糧粗辦任山童

深秀亭詩集卷之十二目

元日

示驥甥

聽消雪

咏盆中

松

竹

梅

水仙

草蘭

金豆

天竹

可山弟從機山來

聽禮斗

春雨

對鏡

插花籃

耐雨

走馬燈

園林春雪夜

賦得中夜不能寐

深秀亭詩集卷之十二目

把醖

姚藥巖明經庭梅

初晴

苔錢

柳線

松針

蕉卷

花鬚

魚沫

鷗路

鶯座

燕壘

蜂衙

竹風

梧月

溪雲

山雨

落紅

歸翮

元夕

拜墓

過殿求弟村居

連陰

聞雷

渡浦

咏懷用阮公原韵

晚春用岩儀韵

枕易

春歸

東禪寺

過顧西民別業

招鶴臺

泊廣富林

玉峰晚眺

登細林山

宣妙山房

送春限毬字

迎夏限紉字

初夏

吾廬

納涼

送沈霖蒼

與崔敬臣

七夕

深秀亭詩集卷之十二目

徐日章粵東歸

秋來

送於了真道士

疎雨

幽葩

修林

涼月

空香

澗閣

澹雲

馴鳥

薄寒

濕翠

中秋

桂前社集

送孫振雅文學安葬

芳辰

遠書

永夕

兀坐

薄陰

靜院

高眠

小酌

倩恍

初晴

夜過青溪

玉峰道中

胥門卽事

秋色

白海棠

唯亭

看採菱

挂帆

寓目

送馬牧庵都督歸上黨

寄文志上人

郭非勝鍊師見過

深秀亭詩集卷之十二目

三

深秀亭詩集卷之十二

雲間潘鍾麟層峰

康熙四十五年丙戌選一百九十七首

元日三首

林泉無事履端怱得意花枝清秘香家慶冲齡宣禮節潮痕宿翠潤年光平拈鐫管鸞箋直獨倚蒙裘綈几長何客到門饒展齒水沉初試讀書牀

寶鴨金星舊膽瓶山齋位置自惺惺水仙高亞梅椿白蘭草肥抽書帶青佳客話擎溫玉竿宜春風帖護花鈴枝頭百舌能輕囀已覺冰漸渙綠汀

不勝永感拜遺容老我孤哀系大宗三尺綵衣方躍虎半山深秀亭詩集卷之十二

搜影可成龍春如酒力溫初着筆或花生香轉濃只恐衙門樓未穩蓬轅南北事行蹤

示驥甥

我憐遠嫁女寡鵠撫孤雛歲首勤遣謁牽舟戒村奴屬兒謹啣命填淚轉頻呼兒未審酸楚星火急前途顧母默揮手到城日已晡春寒釀雪態黃雲何其鋪載拜書牀下氣結神難蘇逾時甫樓遞悲語仍模糊量腹不盈酌吸爇不厭蠱頭骨頗枕異衣冠習儒徒矜此厚金穴脂膏爲誰枯先囑苟可服耕讀守良圖

聽消雪

清酣輒危坐中夜局瞑息春雪耀月華簷溜響晴刻松濤竹

影間平走江湖色銀島瀉瓊瑤欲留留不得
牕紙映噴泉牀頭枕澤國城柝杳沈遠吠犬驚遙
不是畫圖鐵騎或塞北冷趣入空耳大有
迴風力塵氣爲一洗太素化轉那棲鳥忽
飢噪揀技徙牆側我方欲捲簾睡夢人多
黑高秉一燈紅洋洋洞宵臆

咏盆中七首

松

故抑千宵勢離奇瓊屈根作鱗備歲月積
翠刺濤痕化石非其怪徂徠渺此孫山齋
圖圖叻古道蕭稱尊

竹

鳳尾不盈尺居然高節風瀟湘零雨剪貧
谷薄陰叢淺土生

深秀亭詩集卷之十二

二

柔篠虛牕寫隔籠子猷應未識留客對青
瞳

梅

一夜燈前綻珠光透眼新低枝偏着點折
影瘦無塵粉本精傲骨羅浮淺淡春几頭
矮屋下却稱老詩人

水仙

特立冰漸淺須知根蒂清瑤華方在冷風
度韻而明直射陽春脚青園綠蠟榮江臯
遺贈後約畧吐心盟

草蘭

不礙當門種惟憑位置高幽齋約楚晚淺
土透風騷苦宿芳春雨心翻綠玉青青新
吞鼻觀蟹眼自文熬

金豆

小熟橙黃後早枝綴綠稠我供百日玩兒
肯滿盆留皮相團精貢酸辛實飽秋流鶯
何足打的近醒雙眸

天竹

幾莖疎翠直徑尺挂殊觀鄭重紅如許光
華大不酸鮮疑猩血染滿耀火齊團爲惜
垂垂意深儲保歲寒

可山弟從機山來

同祖七兄弟散處各饑驅苟非歲時聚合
浦誰還珠憶吾叔最癡老死逐貧儒移家
天馬攏浮屠當座隅士衡讀書處八峰尖
秀區惟時周國博園亭盡東嶠賓筵填竹
肉燈月關花鬚櫻爭獵牕下珍錯講郇厨
裙屐紅香粉闥題促催娛劫來不可解天
厄此英軀山丘去華星零落到粉榆子猶
守故轍

深秀亭詩集卷之十二

三

章句未爲迂近向潼關走鐵蹄響崎嶇溫
泉澡繡嶺朝元上踟躕六蜚慰望幸供帳
仍無需髯公舊長吏何以整衝眉山護酒
癖憂醒不憂癯肺計復奚似久客恐成愚

聽禮斗

晴霄滅雲葉春寒薄悄然危樓點清聲潛
覺非塵緣歛息肅淵穆微微聞青蓮黃冠
咒秘密五體投先天鸞鶴香法駕精白上
星羅篆紋結何象燈光直祥烟鈍根曾未
識誓願號無邊憐余嬰世網汨沒悔初年
一朝醒狂藥脉脉事昭虔仰朝提伏謁心
印照平川歲晚現衰狀骨硬聳詩肩膜拜
殊恢墮擁衾從僵眠傾耳極神會靜中得
真詮芸牕松竹影低刺書帷前四顧寂外
染生氣納丹田不知蓬壺境同否此林泉

春雨

春雨爭源泉晨夕未肯歇門前五陶柳三尺青潮汨跬步莫
安動增心搖苦髮丹梯踏崇軒四望蒙烟窟歛翮棲輿林晚
炊短墨突樵徑絕行蹤漁家足肥蔭止覺圖画深蒼茫遠超
忽大地走清洗松筠翠獨揭積蘚厚錢紋枯藤挂龍骨我欲
拜山丘蓬窗如何發攤書肅堅坐支頤虛枉笏據案灑冰蘭
擁爐添柑柚沸點驚雷炎舊檢素漢碣佳兒輒倚膝食牛氣
勃勃跳躍持不定惟恐其或蹶叫耶仰叩問梅牆何少月

對鏡

欲驗新顙領平開水月光不堪羞捉鼻何計却侵霜酒態誰
爾我詩情溢瘦黃烟霞成骨相衣帶誤荀香

深秀亭詩集卷之十二

四

插花籃

丹葩艷於緋綠萼綴如豆春意蓄新雨折技競韶秀山童捧
笑來含芬撲衫袖謂我有花癖清瘦吟情瘦羅貯舊膽瓶再
選棕籃透赤繩繫流芳虛懸此雪竇充華無定格面面開錦
畫列子御微風瑤姬粧額覆小或雙髻了初放霓裳綉欹斜
恐墜釵粉本摹不就薄日射芸牕嬌影暖呈又銀燈書幌迴
妙舞時一鬪其高在不著位置尊座右視彼牆壁依翻覺非
奇構出人頭地材濃纖自相湊爐烟遠莫侵酒氣亦屏後只
可味茶經披校魯魚謬娛目聊青照誰復嫌塵陋欲得常增
妍不辭勤補救庶幾滋活態蕩漾雅拖逗

耐雨十絕

花信初番一洗新不嫌雪後又津津土膏徐覺青茁拆誰說
連陰悞好春

柳外漁家寺口橋低雲只是罨溪潮耆僧拖杖過登閣窮妨
何人咽洞簫

寒花石檻落周遮水鳥池塘啄淺沙似密乍疎風不定跳珠
拋去又絲斜

約住梅梢未許開朦朧柳眼掃青苔東皇半月渾如夢學語
流鶯那得來

雲林蘸寫米家山裙屐無人合閉關消得海南香幾縷詩牌
茗碗不曾閒

茶鐺筆斗水仙盆好就空庭滌翠痕蠟屐符與都挂却闌珊
深秀亭詩集卷之十二

五

燈月踢前村

松竹濃陰又過牆薄寒容易近昏黃一尊獨把披緇帙郁
磁盆吐瑞香

高臥凝神懶挂簾隔廊隱隱刺蒼髯呼童洗硯何曾報拍水
輕兒似早添

禿裘未卸曲房深養得清真一片心爲謝平原文酒約東山
遊展杏難尋

陸機山畔半珠庵香雪晴烘彌勒龕可惜浪地群鵲啼這回
霞外負清酣

走馬燈八絕

上將連營烽火團星馳鉄騎闌田單又風却怕旁吹惡暗保

孤城定夜關

賀蘭山半熱遮紅裊甲長征不夜中聖代教寧金鼓靜全稍
風影回圖工

旌旆駁駿魚貫行指戈接武逐深更座中老范休微笑引得
終童要請纓

不滅狼烟令不收啣枚疾走拍吳鉤衝鋒只衍長蛇陣虎項
從來戒轉頭

風火俄傳照將臺沙場提控踏空來就中誰是桓宣武整頓
烏號鐵臂開

軍中一色選烏騅長坂昂藏過下邳如此秋毫殊不犯國威
止願耀旌旗

深秀亭詩集卷之十二

六

帷幄中原擅火攻巡邊都覺火生風侯王衛霍須更見竹帛
明爭尺寸雄

光華元夕憶西京武備偏修賀太平一點丹心終未昧冰紋
剪綵學從征

園林春雪夜

雪花晶晶耀昏黃梅花有魂不得香崇樓佛火射空廊石鯨
三尺鱗鮮長喬柯莫辨危巢荒平枝瑟索薜蘿牆巖岫虎豹
蹲昂藏釣矧拍岸風波狂棲鳥幾點還傍俚幽磬一聲迴金
光步虛羽客水雲鄉白描圖畫滿天張我家如在輞川旁耳
目清響心田涼禿髮獨坐鬚眉蒼沈吟茶味冷松篁篆紋蛇
引娘琴裴水仙特擅案頭妝頑童逼立便情慌俯首黑甜固

其常俄埋屋瓦登圭璋春寒縱薄瀉池塘好景豈忍輕拋將
醉態尚懶擎霞觴何況擁被蒙牙牀徙倚夜半讀老莊彷彿
鶴羽灑上方吹笙仙客來翔翔肯被世塵污冠裳欲排闥闔
朝封童願賜宇宙徧太康

賦得中夜不能寐

春雪消零瀑空牀擁重衾欹枕殊未穩轉側將何任雙瞳窅
如電湛然冰壺心清夢香不來更漏遠沈沈攬衣端跌坐聳
身寂孤岑鬚眉吹鼻風面大丘壑深出入數柔息嚙津汨潮
音懸燈明石鉢迴光澹青金蠹僕恣酣睡嚙語滯呻吟莊生
梗化蝶撫操惜無琴似亦鮮大病衰狀覺暗侵忘情除舊垢
真詮省自今厭此狐腋腥鶴鷺會將尋聞鷄懶起舞東方白

深秀亭詩集卷之十二

七

泉林萬類赴動機振翮先鳴禽

把醪

把醪近亦懶未免聊復爾却得此中趣味不可不美有意無
意閒雅興開妙理如讀古圖畫先須拭淨几活火炙名香膽
瓶貯含蕊遮莫粉粉勸酬獨舉高莫比淵明口津津得之良清
喜酒以人品聖挂冠脫敝屣笑彼李供奉詩名干天子呼來
不上船狂醉捉月歎劉伶太沈湎二阮伴不起牛飲乃濁流
流涎而已矣幾曾細斟酌惜惜癡癡沒齒此輩不可交何況同
簞簋宣和貴小磁酷嗜逾傳壘好事輒欲搜其安昧就裏苟
非心水乳豈暇論經史偶進一巨觥萬事聽唯唯我所全者
天無所澆塊壘

姚藥巖明經中庭玉磔古梅絕佳堅訂花時觴咏其下

風雨負之悵然有寄

臘前霜雪後南郊索詩翁入門景嘉樹骨格迥不同低頭讓
卑枝舉手圖畫中維時綴宿蕾已覺生氣充疎密分向背抱
胎映銀紅老幹盤鐵蚪修條鬱玲瓏飽看始吁駭不暇轉青
腫歲寒盡如此何況逗春風瘦瘠芸腮角橫掃過牆東其意
操客座惜地窘十弓主人婉致詞此有造化工靈秀良可異
清齋耐素崇摧頽幾不振後起拇指雄半百勁皮相津津壓
簾櫳任其天所適折其勢所幾屈固不損傲文亦就其聰植
梅如益友情性與之通外侮不令侵忻賞乃交融花時更開
拓離披而頤豐不作酸澁態溫厚以端躬璫璵片栩栩莊周
深秀亭詩集卷之十二 八

夢腫腫全家羅浮際不悔儒官窮君能謹如約初番妙晴烘
傾吐騷雅社舊醅佐新秋最少酣十日席眠睜朦朧嚙沁香
肺腑神遊蓬萊宮馳騁作賦心涵養調興功恍招鸞鶴駕冉
再凌太空風姨偏許妬淫雨夕烟濛淚下晨妝閣有美已飛
蓬殊敗繞矮屋幽怨耿冲冲

初晴二首

初晴忽醒眼刷刷鳴輕風臺榭簾衣動池塘花影紅意中如
有得物外已無蒙送客柴扉出青山疊遠空
小劇成大懶攤書得謝喧春寒餘影薄夕照逗香蕃蠹簡神
仙字燈王水月旂塵緣未可却料理赴平原

苔錢

迥非榆莢五銖輕夷甫何曾有意營雨後空堦閒可數春風
只買落花平

柳線

條條春繡繡鵝黃搓得遊絲幾尺長慈母憶逢遊子日痛垂
寒食斷愁腸

松針

簾衣冉冉刺遙青雨足空陰補滿亭磨得歲寒鋒不鈍能穿
巢鶴雪霜翎

蕉卷

綠天未破秘羅文一片心從轉展分高出芸窗開有益不嫌
種紙誤劉黃

深秀亭詩集卷之十二

九

花鬚

草頭禿樹豈生香惟有心苗開始長洗馬風流羞看殺何如
坡老妙文章

魚沫

巖角拖陰簇浪花一驚啼鳥躍深遮旋消旋起噴苦髮食得
蒙莊樂未差

鷗路

雨後菱菁風外烟浪隨出沒任空天原非飾隊鸞鳳翻野老
無猜到席邊

鶯座

眼見柔條樹樹拖欲眠春海漲如何金衣公子頻流寓相對

綿蠻晨夕多

燕壘

帶得晴芳濕翠粘經營王謝不曾嫌風高社後聊辭去好護
重來隔歲添

蜂衙

屯田熟後便分封大義何難割附庸只爲群趨寄簷下不如
巖谷大包容

竹風

晴宵浙瀝掃空亭影倒明窗葉葉青詩思酒闌疑客路瀟湘
夾岸夢中聽

梧月

深秀亭詩集卷之十二
金井高岡百尺材水晶宮闕廣寒開清心一片遙相矚只是
揮絃待鳳來

溪雲

乍散平添濕影重釣船西去浴鷗封近來清噉危欄坐學得
描空淺澹峰

山雨

片雲碧後黑生烟忽通雄風響遠天襟帶欲飛忙攬卷軒廳
平棟破如拳

落紅

一番風雨返春寒簷雀樓頭噪石欄最惜山茶濃粉面楊妃
香淚撲難乾

歸翮

青山霽外晚霞紅覺路遙翻信緩風精舍一聲鐘未曉亭臺
竹樹百千叢

元夕

雨意復不止月光斬虛白酒懷冷若冰閉門度元夕燃燈聽
兒隊中堂紛紛裙袂夜深聲漸稀披裘踞重席窗紙蕭蕭成竹
樹青交拍欹枕不欲眠澹定寂物役瓶花騰碧影暗香親脉
脉一室自清華手檢神仙籍

拜墓

歲首鬱永懷宿草省春露積陰屢愆違半月不得赴初晴理
簞舫晨起撥烟霧遙盼朱子橋盤龍出鷗路丘山臨大川林
深秀亭詩集卷之十二

莽勢迴顧星散兄村落古樸通親故青浮到岸烟翠長松欹
互孤哀愧七尺豚犬老莫措淚呼我祖父靈爽當有素郭解
徙大豪名久江湖布一坏乃終古雄心灰窮步入土二十載
兒孫亦計誤荒唐唐屯萬夫爲世從賤惡慈母未能葬罪廢髮
擢數傷哉坐一貧生氣爲誰吐丙舍缺百金揮籬豈足固髮
絲叢衰狀息難遂誓墓迴顧望後人年方就外傳

過殿求弟村居

扁舟三十里百折鷗庄掠夾岸羅森竊綠波通畝約春風生
暮寒遠岫下日脚到門先看竹繞林高迎鵲慰問喧群穉循
禮頗不錯兼味來購求歸棹亦低縛暝牽過晴烟野色當簷
落勸酬無外人蒼髮忻對酌鈍齒惜乍搖嘉音捐大嚼乘燭

目數行詩卷獨沈着倦論天下事家政慮兇璽游手那可縱
謀生庶有託食貧在寧靜耕讀其大畧最忌逐統緒而不滿
葵藿擇交慎早歲立身許牧俗穎川子弟中未嘗有妄作芝
蘭與王樹王謝爰開拓要恩宗祖恩於我無卑削酒已過中
夜就枕味良藥假寐聽鳴禽東方白簾箔起坐報堦謁里人
循季諾吁嗟僉鬼子乞憐醜犬惡大度則海濶不足腥鋒鏑
所貴善後圖屈伸神老騷

連陰二首

香散梅無月春寒雪有水連陰愁不淺小劇最難勝夢斷征
衣客詩來乞食僧江湖平柳岸昏夜白漁燈

城隅偏北郭門巷近山村風樹危樓撼溪雲開嶼吞貧難謀

深秀亭詩集卷之十二

三

羣罪病在得閒恩春藻猶寒儉書牀撥火溫

聞雷

雨急春宵半聲寒驚蟄前擁衾曾不寐醒酒正瞿然地軸驚

應覺風門敲乍宣英雄佯失箸歡動肅瞻天

渡浦二首

天濶纖雲路春晴貼岸風蓬牕三十里村落百千叢病借青

遊減心從放眼空沙禽喧過客低傍獨漁翁

海口趨東極春申舊澤長鯨波消白日龍脊辨青囊僕射樓

臺意南宮書畫裝遙岑高可數直抵鄭公鄉

咏懷四十首用阮公原韻

塵世勞夢寐詭詐拍市琴溫文脉良璞浮薄耀青衿紛紛桃

李花歲寒非長林神龍不見尾誰悟灰雄心

蛟龍戲淺水鴻鵠恥卑翔深岩老荒翰幽谷遠孤芳士寧不

遂志廉恥安可忘寶錫終藏匣車輪日迴腸射書義蹈海納

履忍子房託跡各有數末光附太陽縫裳老未嫁掩鏡辭自

傷

生夙交嬰曰惆悵別蘇李故徑坐草荒仗劍從此始識途師

征馬仰天思憂杞一過咸陽橋阿房灰遺址青門斷種瓜函

谷空老子獨有鷄狗從驚器遂不已

偶契王摩詰中歲頗好道根蒂有真詮浮名何足保力田隨

買山涉園種藥草放懷託嵇阮凝神讀黃老五湖十畝宅濕

翠天光好

深秀亭詩集卷之十二

十三

柔情悅香澤華筵徵笙歌年少誤逸樂忽忽夢中過老去空

悲叱萬事悔蹉跎行役際海暑啣命治清河黃沙濕汗雨

馬背炙日多功成方寸亂母病迫如何

一身歸萬里遠巡里門外探母幸勿樂豐羽看壽帶舉觴上

慈幃如姬填懽會尺書元老馳昏墊已無害慰我且閒居扳

輿晚景頽

綠池疏霞外紅樹活手移置身圖畫內出門常遠見鷗鷺輕

上下樓閣影參差可以敦晨夕琴書樂親知青山妙盤谷黃

塵遠別離

苔澗冷殘雪回壁青遠岑鬢眉撲晴翠居然成泉林花下圖

裙展風前一披襟香生琥珀盞烟長薜蘿陰漁樵自相和天

闊度鴻音義皇如可不悔入山心

踴機畏虎尾步虛聞鸞音平生超拔意不與世浮沈所恨未免俗早歲墮荒淫亟攬泛馳駕偃仰松桂林寄書問海岳誰爲全其心

幕府高閣隔羔雁迫武林致詞吐肝膈命駕走嘵嘵一過仙霞嶺空我出世心昔爲踈蹢地青烽哭雨淫今滋松竹翠僧侶得閒尋大風吹襟帶薄日寒難禁

布衣重氣節躬耕等南陽淚爲蒼生滴敢敵龍泉光何期非金石君子慎履霜迴車尋故道野梅吐寒芳神仙尋脫跡雲霞生冠裳揮手謝時輩鴻鶴冥高翔鄙哉窮釣徒一飯何不忘

深秀亭詩集卷之十二

十四

蕭艾沒蘭蕙廊廟險巖阿地位各自別香風在一過王石苟不分眩目何其多白雲變芻狗涓涓走江湖我從空際望成敗徒興嗟

丈夫量四海安能困下帷釣格斷垂虹鍛翮何足悲舉世昧柯亭知音當告誰仗劍立岐路驚馬策斜暉不如田舍樂耕

磬早言歸

揮涕別元老執綬上河梁天低行路濶雨雪紛蒼茫中夜耿無寐孤鴻向南翔疑愁狀百端倚闌遙相望得歸舉室慰鬢眉條成霜痛彼天折兒多年暗自傷青細無可託惟恐壞綱常豈顧千金笑載咏熊羆章

不負天下人任彼悠悠者材固居樗櫟名則非班馬閉戶卽

深山花竹羅秀野可以夷惠間豈甘中晚下李杜外登科大家乃心駕

我有一寸心抱赤爲誰傾心知託晨夕故交覽幽冥長林豐草際忻忻亦向榮殊悔少年意議論叢賢生恨不破萬卷桐閣向榮榮老去耳目倦仙佛卻悟并天道惡穿鑿屏跡掃凡情

獻璞羞被肘韞櫝寂無光寧爲巖穴棄不充假琮璫幽谷去當門亦足保孤芳孔明少縛雞福位爛汝陽鵬飛九萬里鶚雀笑卑翔何爲東方朔朝隱漢武傍清禁尚苦飢菜蕘道未傷

曲池俯流影崇岡仰青冥萬類各有託宿鳥動晨征久處邛

深秀亭詩集卷之十二

十五

得安貧賤交惡聲雷雨疾夜半囊鐵忽自鳴蛟龍欲赴海波浪生空庭

素心來遠道遲景當春陽博物搜毫髮名教攬大綱俯仰青暉閣坐臥紅藥房齒牙生蘭蕙字句挾風霜上下千百載要爲吾道光潛龍既勿用海鶴同翱翔

公輔期安石龍辱曾不驚方其耽絲竹裙屐來心傾捉鼻恐不免羔雁羅前庭了賊故示暇得毋矯人情視彼矜猜者徒亂破斧鳴才老天所器屬則魯諸生

早出北郭門送人增悲傷山丘高華屋慟拜委道旁一朝折樑棟何如老柴桑寄言輦轂交秋風慎繁霜我善掩其短君毋逞太長

生前不冉食身後何名山伏驥繡蹄鐵沐猴誕翩翩夏圭難
語水相對轉嗒然可憐鬚眉人柔骨學婢媚望塵見射書翻
話魯仲連

失路黑塵夢酸淚滴長河新艷濯蜀錦奇稷發天葩受教黃
石公邈迤葛綠華開闢另手眼肯逐左浮誇英雄埋酒色天
意慰蹉跎神仙未可學貧奈百口何

一片仙人掌遠隔華山巔白雲噴山腰上逼青冥天迴視道
旁客渴塵殊可憐緬想陳希夷陶陶當酣眠久伸覺天下抵
周八百年

沙海九萬里魚龍日夜行濁浪翻地軸掀天駭舊名銜玠愁
茫茫此尤悻悻情秋風聖靈旗神鬼紛哭聲役夫葬魚鱗腥
溪秀亭詩集卷之十二 夫

氣昏晝冥三策無治人淮揚少堅城 膚筭過大禹幾番易
枯榮提命塞瓠子宣房有定形金錢填精衛無非爲民生
濟時殷熱血棲棲而皇皇蔽蔽歟闢下不得託首陽鄉里項

領成翻笑老嚴光誰是四公子賓客數大梁文士靡完品
附腥臭傍須知山澤深霜雪刺寒芳不爲塵霄翮恥與鸞燕
翔

疚心委柔香厚德負平生甘歠以身報血淚濺義形客避矢
承訣泉臺哀長冥至今三尺土青草傷春情

靈泊語兒浦莫過投金灘漁家險不驚烈女外意外星斗列
經野江湖渺襟帶萬事靡不有屠狗貴無賴象齒以焚身机
雲文所害老莊洞其微守雌得其大

魚鹽古有人怪事聞海荒俗情累公私安能爲大忌涸尾簪
尺水金盡顏劍光南面無百城士氣何得揚傷彼者舊會厭
此少年場一肯慎勿掩隱德寧不彰成敗本時命君子守其
常

肝膈照霜雪塊壘化珠璣香同荀奉倩詩作謝元暉虛聲非
咄咄何須認少微河鼠不滿腹秋蟬吸露晞未曾披逆鱗徒
手格虎威上士超神理俗情故多違木石養山氣環珮逐江
湄願結采藥伴長謝勒鼎彝

東周坐不振戰鬪厭七雄秦張虎狼吻漢以除暴陷守成濟
文景德化如春融昆明鑿習水乃思白日冲神仙何好殺沙
漠紛兵戎衛霍人奴耳時會公侯崇韓彭豈不及翻莫保令
溪秀亭詩集卷之十二 七

終忽從赤松遊善藏真可風
世德誦清芬安敢收苗裔顛毛花種種父執淹長逝故人異
氣槩偶然遂雲際彼固非心交我乃謝力制二頃荷歲稔決
絕勒墓碣

江鯉剖尺素招我遊東方廣陵白雪濤信宿平山堂當時文
酒人大半去歟傷只有如霜月千古見流光碑銘旋起伏誰
念王太常

看竹任子猷對酒濫公榮塵緣足行樂豈必芙蓉城焦冥亦
壤更谷神誰長生固執虛妄說母乃非人情止水便波平何
故不澄清

宗雷結蓮社夔龍集鳳池所處良異地進退各自宜潛龍可

尺水爰居難車枝道岍大如坻世網畏觸離閉戶用法步
趨忌詭隨

勝事憶夢醒佳晨當開襟國思深浩蕩閒居蔭長林冥悟元
化理澄觀天地心庶幾孔顏樂賢達能相尋

關河遠萬里落日漲浮雲天南數歸鴻雁動成群何爲他
鄉客饑驅徒紛紛

令公奪先聲何武餘去思賦歸陶元亮起衰韓退之古賢動
可法不與尋常期吁嗟自恭棄凡百荒於嬉獨有康濟念引

領望救時

蘇梅間世才滿肚不合宜黃鵬一爲相政令乖所施大用貴

度量濁河納綠池擊鮮處堂客如何放流離勵精方宵旰朝
深秀亭詩集卷之十二

大

綱誰敢繫

麻衣守故丘有客長千里痛憤殺賊情血淚灑江汜垂歎鳴
孤忠河清竟難俟可憐覆巢下萬惡賤荆杞每聞獨鶴歸鍾
山叫不已至今埋賜錢雨深出羈理喬松一坏土過馬畏輒
止

晚春用岩儀韻二首

碧綃深護綠香叢人在樓臺畫影中蟹眼乍收三月雨龍孫
平透一林風隄因燕乳開簾鏤村爲蠶眠倦女紅無計自憐
還自悔竹西歌吹夢魂東

花片游絲單午晴蜂鬚蝶粉趁浮生雲濤滿眼風殊變細帙
臨軒手自橫鬪酒玉顏金縷細看山笈舫海鷗輕蘭膏誰放

珠簾揭老去空餘一往情

枕易

輒坤剝復香難通清夢潛游一卷中蟾魄半窗虛室外楮毛
雙鬢矮牀東曲肱不用脩然覺研露偏探壓處紅父象當知
頭骨異冥心今已託鴻蒙

春歸三絕

蜂鬚消得晚香晴濕翠平林漠漠生倚醉不堪人去後落紅
風送杜鵑聲

雲峯山竊淺深闌小炙龍涎試夾衣魂斷王孫芳草夢天涯
狂趁柳花飛

強作登臨散遠愁閒情無那獨夷猶雨絲欲剪醺醺雪盡日
深秀亭詩集卷之十二

尤

憑闌竹面樓

東禪寺

船子青蓮夜重輝滿月金林開芳雨足花落講堂深鬚鬢
塵夢兒童具佛心牽衣瓶拂下躍躍健登臨

過顧西民別業

一隅青剝辟疆偏何必樓臺俯巨川曲徑有花皆畫本閒庭
無石不雲穿樽前客到情俱暇雨後風香春可憐隔岸籬龍
新更密燕雛飛止釣魚船

招鶴臺

立石巍然聳翺歆月華日影雨綵披開山以後無留物舍宅
曾聞此舊基惆悵九臯天路濶若爲二陸夢魂期何當輟作

乘雲駕我向吹笙定學騎

泊廣富林杜虬文過飲舟次二絕

剪燭蓬牕對酒醇故交喜得近河濱三更便坐雲烟上村影
迢迢物外身

射覆神奇笑拍浮箇中摸索亦天遊吾徒樂事惟書史誰矚
紅燈一小樓

玉峰晚眺

繫棹青邊郭看山趁夕陽舊惹龍象氣彷彿茯苓香度鳥低
雲路歸僧上石梁憑高無限意秀覺畫圖張

登細林山

蒼髯勁節翠稜稜逸興遙探健一登石是神龜法鼓震香傳
深秀亭詩集卷之十二

干

丹井午風薰危欄仄嶽憑無際古竇閒雲沒幾層聽偏綿蠻
花影動似聞笙鶴有人應

宣妙山房

竹林晴疊曲橋西石磴參差上碧栖客袂空陰魚鳥得僧家
新築畫圖迷茶烘佛火芬蘭蕙簪駕芸窗瘦杖藜惆悵三高
苔磬路花光雲影夕陽低

送春限韻字

惆悵花光倚画樓雕闌初卸水晶毬龍涎情嫩輕雲去蝶夢
魂消芳草留萬里尺書緘別恨百年鬢髮奈閒愁燕雛忙後
饒櫻笋輪疊江山謝酒籌

迎夏限細字

晴雲風午倦紅收綠徧亭陰十二樓磬鼓社方祈沃壤蠶桑
市已上新紉荷田睡鴨驚魚掉柳座蒼庚喚客幽脫略衣冠
清簟好奇峯容我挂簾鈞

初夏四首

芳林晴漲乳鳩啼遠壑澄泓繞屋西鬢鬢靜讀書卷氣簾櫳
虛罩墨花題探山偶出村雲路送客頻看僧杖藜解惜清河
新味綠不嫌門巷春幽棲

簾鈞風約小窗開清問詩筒逐曉來櫻笋客厨新組核松筠
山館足莓苔泰箏甲換鶯喉度荀座衣香雲縷裁冷澹情懷
隨境遣少微光不借三台

雨後門通青海潮殘紅無計避魂消愁方未破疑雲暗病豈
深秀亭詩集卷之十二

三

疎狂耐酒澆入洛文名虛草草遊仙詩境故超超荷田陽路
魚兒出却影拖筇上石橋

濕翠生機圓竹扉藤陰嫩肯讓薔薇旋吹焙火溫薰籠何事
游絲絆釣磯白髮有情荒歲長青雲無夢故人稀日斜每愜
閒居課只望鷗庄載酒歸

吾廬八首

吾廬青十畝北郭走通波柳棟翔昆岸門藏駭石坡幽棲殘
客少空翠野陰多把卷甘頽放閒雲任去梭

豈曰耽絲竹長林豐草間割區留羽客添面濕烟鬢酒或詩
文換花隨晨夕斑游仙曾得境道體是真頑
徑折危樓峭牀虛老樹遮鬚眉清鶴筆琴硯過窗紗竹塢龍

抽籜蘭叢玉茁芽園丁能好事學種邵平瓜

小劇因成懶長貧益品高嗔心空物役倚戶碎塵囂村樹遙

排嶺漁燈紅射濤步虛隣閣近月白透笙歌

跨水團三戶編籬拓數弓學叅老圃後香擅小山巾舒卷平

芻狗高空掣冥鴻迴廊茶沸迴蕉葉引松風

積雨疑深谷漁航結傍溪堂張烟翠冷樹判墨痕齊製果君

蜂釀懸燈讓燕泥不妨苔蘚滑生趣撥丹梯

一曲停泓綠花陰上下魚石闌迴雪竇貝葉譚蟲書馴鳥閒

窺際疎鐘薄暮餘悠然醒霞外夢亦淺華胥

白日山齋靜黃冠點磬幽荒非金谷詩圖作輞川收入化輕

風蝶忘機付浪鷗爲農安世論菴局本無求

深秀亭詩集卷之十二

圭

納涼十二絕

暎帶簾櫳逐曉開松筠特送好風來絺衣自覺輕修翮不着

翻空野馬埃

古德新貽廟後茶幽芳叢透院中花心清坐隱忘餘事目擊

奇峯絢晚霞

簾紋高臥憶叢呈空翠遙蒙清晝香掉尾一聲蟬唱咽釣磯

垂柳掠波長

複道風迴羽扇持紫薇遙趁蚤登枝日長門靜如山古半胸

清酣夢淺時

峨嵋雪窟歲寒崇雲水瀟湘夜雨中意在臥遊尋舊跡画師

神與列仙通

石闌筍鳥啄桐陰一線青紋葵水沈午倦欲來琴硯靜遊仙
詩便曲肱尋

龍腥水氣浴殘暝老樹村顰白鳥群竦息雨師行大沛一時
襟帶欲凌雲

雨後閒花脫滿庭渴塵消盡見山青輕潮柳外誰低棹羽客
來叅相鶴經

蛙鼓池塘鳩婦多片雲碧落待如何簾衣揭處松針出邵蚤
層軒挂素娥

滾滾潮生日午烟故侯瓜送楸頭船開緘慰藉加餐意渴疾
平消已十年

殘陽低射火雲收密樹光搖翠擁樓解得茶經容待月不須
深秀亭詩集卷之十二

圭

從事問青州

蟹眼茶薰魚子蘭龍鬚薦展水晶盤眠餐澹泊調寧靜不用

金爐九轉丹

送沈霖蒼上舍兼寄蕭煥臣副憲

男兒四方志弱達繫蒼蒼生罹喪未得葬詎敢傲身輕躑躅閭

閭內冰炭厭群情落花拂殘卷老屋瞰層城宜和綿世德翰

墨垂簪纓之無跳虎子摩挲洗舊坑食貧清白後庶幾事筆

耕采雲忽東來故交吐心盟具銘魏無知士固有定評我亦

畜匡濟囊鐵時夜鳴茂先識牛斗背肩詣公卿捲鱗澗淺水

伏檻倦遠行送君等見獵前峯登岬嶭努力加餐意勸駕且

孤征淮陰釣石下濁浪風雨轟仲連射書處雕鶚起秋晴客

懷豈不壯齊魯上游程賦詩問濟南自古多令名側耳聽寄
音何席重瓊瑛爲我致相裔攬轡其澄清

與崔敬臣五更登紫虛閣

良夜不終寐夙興何清明紋牕走水綬撼撼井梧聲鳴鐘起
比舍殘柝隱層城涼月洗太素萬象晒空晴整襟如可掬鬚
鬢鑑澄泓脩然立霞外圖畫深徐行傑閣俯樹杪綠陰熾懸
藥流光側奇景遠岫駭崢嶸禿柏怒蛟舞蒼藤垂醕縈獨燦
紫微花鱗牆出高擎溥露綻珠璣滴滴碎石枰宿鳥動疎葉
鼠姑躍低棚身心肅精白旗槍戰新烹隔村見烟火便覺紅
塵生

七夕

深秀亭詩集卷之十二

五

瓜果羅簪又蚤秋囊螢兒不上針樓南的潤與坊師接清秘
香爲王者留客去龍門思濟水書藏魚腹到荊州雙星事誤
凡情臆河漢斜梳澹遠眸

徐日章粵東歸貽端溪硯兼寄屈鳳山

鬱鬱事浪出忽忽踰四載不意曰歸期乃無風塵態長揖揮
汗雨欲語翻全昧三水斗筭鄙一飯那能再暴客彼編氓綏
牧職何在須侯靈均裔騷雅雄特繫唐笈告堂皇解推須暫
退饑餓我土地安敢辭勞賃授館數晨夕綺筵接清誨倉猝
訂道義斯人誠我輩惜虛尺素邀來登石燕背君惟掉臂遊
囊空益無礙盪搖珠江船披拂浮丘霜藹深鸞馭停珠少月
華碎近來嶺表荒物表窮於采珊瑚網海底文貝瑱瑱類沈

檀犀象齒翡翠雨毛續宦達貪市僧大索千百倍安得到貧
士銖鎰充篋袋端溪亦難開嗜奸勢力靡摩準老新坑入穀
鮮一塊臨行藉良友移贈藏弃內等之真琳璆挾走寢食對
凝脂帶馬肝含凍滑酒醕何必尚青花倩鉛蟲餽其本妙
不彫厚重爲可耐上平而下豐有容德斯配委曲遜無將撤
手忍割愛

秋來八首

秋來如故舊渴想慰初歸爽氣風雲換清陰橘柚肥蟬聲高
嶺樹陽夢醒漁磯磯磯差無擾長闌白板扉
新涼蘇驟雨幽興解唧唧有客兒先引無時花不開高齋淹
墨潘曲徑老琴材自愛荷香座掀髯好句來

深秀亭詩集卷之十二

五

荷雨珠生柳溪苔髮可梳餐加香稻熟病減藥囊初漁舍全
家出園丁隻影鋤江村幽到極塵事日應疎
看山留客伴問字足兒師長日何曾倦頭仙不可知神清容
水約骨瘦與松持未厭秋雲薄空天有所思
曉閣迴廊出停泓畧約陰呼童先踏葉撲鳥乍窺林白髮成
今日青天對此心何愁汨世網不向最高尋
偶聽斜陽下疎花打石闌垂簾如有蔽把卷正難完漲遠空
陰合衣添薄暮寒竹林青比舍香梵共黃冠
空庭澄止水夜語雜沙蟲舌在茶經辨身窮書幌暈聊因叅
月白未肯寐燈紅瑟瑟窗紗外松針蕉卷東
門吹曉見岸樽開湖海人耕心荒夢有讀面冶雲新展折遊

常臥裴空詩未貧披襟風動處歷歷勁松筠

送於了真道士

龍去雲荒砒碣空孤飛野鶴出江東逢人恨織龐眉白採藥
閒收丹鼎紅坐破繩牀吞月魄吹高鐵笛散松風扁舟便若
遊仙遠疎雨平湖秋霽中

疎雨

疎雨似無意高文妙散行秋林何態換池館十分清蝶鷗鳴
咽咽魚跳掣鷺驚簾衣鈎乍約徐盼碧霞生

幽葩

幽葩不數點湛露偶微新蔽葉窺無鳥攤書靜有人鱗塼支
染細蘚石逗芳頻冷澹爲歡意秋陽得遠神

深秀亭詩集卷之十二

美

修林

修林越塵表蒼秀託巖阿遠攬蛟龍格平參鸛鶴窠畫圖終
莫逮歲月大如何只赴閒雲葉秋高空翠多

涼月

涼月更闌近清輝洞素襟庭空蟲語滑石瘦蘚潮深水樹勝
簾殺書牀蔭竹林瑤池當不異駕鶴可閒尋

空香

空香渺何處蓮社接山家翠擁秋陽暴風清雪浪花閒情殊
有覺道味更無涯豈得逢人說惟餘手八叉

散閣

散閣表林際晴秋豁遠空村沿平野綠漲射落霞紅叫鶴思

荒外投筇望意中何曾覓物役呼吸與天通

澹雲

澹雲閒出岫舒卷亦無端清晝涵虛白平林散暮寒心空修
翮遠几淨把書殘微聽疎鐘約宗雷世外看

馴鳥

馴鳥窺書案低鳴故向人撐花三徑折掠雨一絲新琴靜深
簾幕鐘疎隔水濱客來渾見慣躍躍刺松筠

薄寒

薄寒滋暮雨交翠陰虛堂客散簾櫳曲衣添松桂香鬢眉閒
謁鵲湖海憶洋洋漸覺秋風勁空天雁語長

濕翠

濕翠秋陰釀山齋刺影寒荆闥新染足陶謝未吟殘宿鳥翻
林窺幽蛩慣石欄恍疑忘世諦欲割碧霞餐

中秋

雨後清輝滌廣寒虛堂夜半幾人看蒼苔影剔松筠坐紋簾
香消鸞鶴盤事怪雲霞飛葉令山青岡畫憶嚴灘銀蟾玉露
窗紗薄書幌琴牀倚袖寬

桂前社集

洞達紋窗書一牀砒蕉金粟小山黃詩情刻入憑抽繭酒力
微酣耐夕陽味到華鱸塵夢澹秋纈襟帶水雲涼無辭坐待
南樓白遠聽高鴻銀漢翔

送孫振雅文學安羣

遠岑抹流影高柯不繁殖人生駒隙中百年總偷息塵網一
苦攫物役亂愁織馬牛事兒孫養送詎易得入室或他人金
穴關簾賊七尺腐蓋棺身後沸莫測山丘誰爲卜不如貧洞
識君以圭璧溫雲衡試奮翼蜚春藻揚秋實欽抑抑東牀
三妙選猶子嗣繩墨秉公過所生心血咸盡職迥非手足垂
暴露誘岐力暝日齊得喪松楸起黛色三月及古葬吉壤安
配德比招陳徵君封此不朽域君看多男者冠裳孝思黑入
土竟無期青草冷寒食

芳辰

芳辰嗅餘桂湛露滴秋窗座擁爵林石心開濯錦江藏烟磨
腕細舊榻借鈞雙短札司關入擔貽妙玉缸

深秀亭詩集卷之十二

天

達書

達書淹歲月萬里故交心宦薄稀沈羽家荒問舊林封題燈
獨把疑信夢相尋最代牽愁處扶藜白髮親

永夕

永夕清無寐虛窗滌月痕鐘疎傳竹院犬吠隔漁村餘燼吟
微語孤衾夢不溫懷人千里外何事繫乾坤

兀坐

兀坐觀虛白中年懶漸知詩肩張壁立道岸力心持短榻充
殘卷空齋剩一絲連陰消物役靜度落花時

薄陰

薄陰秋未老新艷濯芙蓉節物重陽近閒愁別墅慵沈烟吞

卷籍画影抹雲峯綠盡垂簾外寒啼入戶蛩

靜院

靜院涼秋影花光漬野陰鼠姑新竹映魚婢積苔沈熟客何
曾到枯僧偶一尋蒼藤穿石角蹲虎伏獅林

高眠

高眠分佛火納息驗丹田被擁微溫候香消無寐禪何須加
帝腹已覺穩漁船竹樹蕭騷雨空聽百尺前

小酌

小酌通讀画微探佳趣深偶淹花下屐聊遠世間心嗜好高
彭澤清狂減竹林何能拚大戶闕韵索酣吟

倩瓶

倩瓶選宕筆貴減不宜叢小摘含芳潤頻添入化工高人丰
格異欲語艷情紅書幌銀燈畔更深影妙烘

初晴

初晴白曉閑啼鳥扇輕風水定餘痕出山拖新染工高吟思
洗醉何客抱焦桐環翠秋林濕微烘刺老紅

夜過青溪

一棹穿風雨米家圖西中孤城寒拍影獵客坐燒紅書卷攤
枝潑茶香酒力空收兵屯蟹甕瑟索聽漁翁

玉峰道中

叢桂香風路初晴到玉峯拖藍遙冥冥積翠一重重小閣閒
高轉低村熟早春帆輕飛拍面漁舍買青松

胥門卽事

晚渡喧新漲斜陽耿遠岑蓬窗湖海客水檻角宮音坐惜青
酣散愁牽送別深寧碑稱萬壽積翠起龍吟

秋色

晴放孤村媚霜清五色秋低簷臨曲水獨客對扁舟錦羅
珍席天霞綴鳳頭誰言草野嘔杭稻足新筍

白海棠

清曉嬌含玉露沈柔枝不染轉秋深珠胎欲綻疑窺月粉澤
何羞罷聽琴細雨力扶叅石角空堦寒薄逗蛩吟誰憐腸斷
無紅淚生許瑤池照素心

唯亭卽事

深秀亭詩集卷之十二

三

斜日唯亭路維舟認酒家得林搜鐵甕客眼拒霜花頗覺村
烟集何曾秋興差垂堤榆柳暗帶慣欲棲鴉

看採菱

溪光湧於賦雲影沈於墨港面濶於田菱葉鋪於織采采非
一家泛泛張兩翼緩緩約清流平平隔又側我從蓬窗來悟
此鷗庄殖一線江湖根盤錯本鬱抑蘊結饒水花頭角便難
匿鴨綠固其常雁紅新可拭移時濺珠沫盆盎爲充塞蘋藻
無雜交魚鰕不敢食可以佐村味庶幾穩釣弋廉潔在易生
秋實魁黍稷欸乃集漁航貨取有定剋雨腥或微聞澹石浴
日昃晚炊待哺兒隣比分德色淮揚何不然風浪荒澤國

挂帆

挂帆力晴曉清夢回吳歌塵慮那會着陽泛如之何王峰盈
翠露淞水剪紋羅客興悠然妙無言心賞多

寓目四絕

香稻黃雲花雪田撈鰕拾蟹榔頭船村庄不獨秋晴煥榆柳
周遮翠晚烟

地連鍾賈幾峰青天馬針陽見塔鈴携手野翁看客棹摘蔬
村女立官亭

日脚高又霽遠天潮浪低拍沁平田物華九月秋光足客興
輕航画譜妍

倦翮歸雲遠樹稠白蘋紅蓼野塘幽心空不覺餘酣澹目擊
分明無定秋

深秀亭詩集卷之十二

三

送馬牧庵都督歸上黨

不果侯封便乞休思親望遠忍登樓英雄未老三生淚騷雅
空埋萬斛愁薛濺月寒餘舊夢壺關花發到新秋知君尚應
滇南席好協璫笈壯客遊

寄文志上人

古德空林七十秋桂香月影最風流頽於鐵石曾無着高在
雲山薄貫休瓜步潮邊鷗外路蓮生橋畔竹間樓何時更煮
龍團莢爲我清宵冷講求

郭去勝鍊師見過

蓬門息影不曾開有客扁舟秋水來洞壑風前清短榻松筠
畫裡碧層臺雲蹤鶴老神仙學酒德人非公輔才漫憶隔年

瞻斗夜輕衫又指菱荷裁

與高鑑如星士

祖德詩源高遠天神奇名姓滿江湖金間遇我船如馬鐵口
憑君鳳與鳬今古幾人能造命乾坤何事不迷途津津福善
還無限一片冰心在玉壺用唐句

深秀亭詩集卷之十二

呈

深秀亭詩集卷之十三目

三日登紫虛閣

入日

展墓

上巳日

咏暢情軒牡丹

道房牡丹花

嚴懲又廣文飲牡丹前

次嚴懲又廣文歸思雜咏韻

燒燭

清簫

席地

欲雨

無米

空囊

賒酒

購花

意向

小劇

舊話

留僧

深秀亭詩集卷之十三目

一

學仙

一空

風前

老懷

矮屋

空塔

貧交

野叟

野航

郭外

有約

箕踞

善萌

遠饋

漏鼓

曉涼

有得

拊飲

味茶

魚苗

懶出

空省

荒唐	從容
返觀	剡藥
坦懷	酒伴
摘蔬	清響
手鈔	遠問
病去	月晴
低吟	薄醉
舊遊	師儉
幸賤	息影
餘香	味貧
樓遲	近來五絕
深秀亭詩集卷之十三目	
萬壽早朝吳門行在	迎鑾紀事
山塘卽事	遊紫陽山
坐忘巖	歸雲洞
月波池	一滴泉
題周埜溪小照	送王雲從
贈別周素菴大令	紫陽峰上丁仙祠
宗陽官訪和公鑑鍊師	吳瑤在別駕招集
次瑤在韻	大健園韻
中秋病起悼亡	病起
伏枕	謁行館
陪純嘏先生	純嘏先生在駕荒齋

陪純嘏先生烟雨樓讌集	李旭東大理遠陪純嘏先生
胥江夜泊	海烈婦祠
渡江	瓜洲夜雨
高曼寺	贈王瑤文卜士
天寧寺	黃鶴閣
邦江遇胡漫園太守	送李錦中之睢寧
王制府同寓張龍池擲芳園	瓊花觀
索茶	董子祠
送劉子觀太學歸蜀	題孝感圖
次彭侍講韻	寄楊藻如州左
平山堂	紅橋
深秀亭詩集卷之十三目	
法海寺	逃樓故址
斗壇	談述維文學邀飲
汪建貞少尹惠石	送王制府先生
寄王承子太守	潤城夜泊
焦山遙望	題石室秘籙
無錫夜行	虎丘
山塘	卯酒
古廟	除夕

深秀亭詩集卷之十三

雲間潘鍾麟序

康熙四十六年丁亥選二百八十六首

三日登紫虛閣

朝真有典泰階平披拂春風次第生獨上樓臺占氣象敢安
草野薄文明松筠自聽梅羹和鶴鹿何妨臨路盟三尺兒能
開秘笈五湖今日一身輕

人日陳健園表弟新歸集暢情軒翌日又行

贏得湖山拾翠歸草堂今日滿春暉英雄膽畧矜誰老冠蓋
交遊通昨非梅萼蘭蓀芳座約詩脾酒力客囊肥留君不住
星橋夜人事難空海鶴飛

深秀亭詩集卷之十三

展墓

春露寒宿草終天啞罔極平明肅烟棹雨意撓風力瀟瀟三
十里鬱鬱垂楊織愁我上丘隴呼兒同卵翼默叩罪賤貧奉
母塋未得松楸濕潤翠壽帶巢其側驚向紙錢飛豐羽紛五
色漁師捕岸來笑語慰相識衝波駭夜過有光或不思積雪
獨潛消丁水深莫測老愧難誓守饑驅莽南北何時丙舍築
躬耕薦時食

上巳日卽事集蘭亭記成詩十六首

一室娛春永羣山集暮陰風幽蘭託坐觴引竹爲林放迹虛
懷抱清言喻古今初情曾不倦世外亦同臨

清遊足視聽靜會固欣然峻嶺當風竹虛亭得水天文情朗

曲致品類感羣遷大有同人樂相將託永年

感遇亦虛妄樂天信有生因知今日會不外古人情與世同

和惠臨文述老彭幽蘭山後足曲引水風清

誕髮不可悼虛懷悟靜修羣觀萬類化聽取一春幽竹嶺生

文坐山亭抱曲流所忻殊自足俯仰是天遊

大化覽同異情懷固可欣蘭於修竹契人向老山羣風暢少

陳事天清列至文不知後視者因此又能云

能事古賢畢萬殊遷一絲天風遊列迹觴咏快當時水曲無

懷大山林靜者知放然得世外視聽以隨之

極目俯一世興懷在所爲雖無浪迹異曾與老人期天地終

託化形骸不足悲竹林若可作觴咏也當隨

深秀亭詩集卷之十三

二

天氣清和未春其惠老夫盛虛觀暫寄今古事終殊言勗山

林茂情隨結管娛風流或慨世賢者豈能無

羣品雖同化人生朗自初幽蘭春若引修竹抱能虛期向事

以畢言游文有諸及時稽老笑左右每相於

流風朗然至化迹一無陳痛悼彭殤異咸知天地春虛生期

錄世賢靜覽斯人懷古不可極於今况有因

竹風映坐右靜氣與清游帶水會無激春山若可流林情殊

世事天聽視人修終古未嘗暮虛生萬相幽

抱此終天痛倦遊豈自今一生少安作諸嶺列修林文取陳

情合觴由賢者臨懷人尤老况流覽或山陰

懷古清流內稽山若可崇生雖殊躁激託化慨初終盛短遷

固遇當嘗列惠風因之娛老歲萬事在和同

斯文豈爲次痛快盡大觴宇宙容靜致形骸倦虛嘗猶能化
王覽不足况陳相期矣畢一世風流懷諸王

可記陳羣在人今樂有年春林生合抱世外是諸天喻得清
觴咏能和流水絃所嗟昔者事永感未情遷

古昔既大暮生氣當其春風清天目嶺觴永竹林人可不及
時樂爲之倦世因亭亭足文管懷抱畢能陳

詠暢情軒牡丹二首

國色朝霞厚殷春洛陽名下盛全人沈香絕調思天寶復旦
充華擁坐茵鼎重迴非寒乞意葆英孰敢不爲臣雕闌今日

開新約幸際閒居第一倫

深秀亭詩集卷之十三

三

穀雨前多吐艷陽山家畫錦對書堂簾衣影密卿雲裙亞宇
風迴舞袖香消得金尊濃琥珀能將銀管賦琳瑯就中魏紫
尤騰譽彷彿神參鸞鳳行

道房牡丹花二首

生氣深春海閒房擅艷葩採芝人未老醉酒面微羞墨富羣

鸞帖雲停相鶴家誰從天半上剪出一朱霞

應與瑤池宴我冠新插歸珠零凝湛露月滿漾晴暉隔塢桃
源影憑堦漁父磯不同凡種關靜勝道何肥

嚴慙又廣文飲牡丹前

爛熳雕闌約當軒眼具明儒官來緩步酒國啓豪情坐託雲
霞綴春敷袍笏榮臨池增翰藻人物憶西京

燒燭

燒燭乘如許西窗坐故人夜遊良有以照讀甚無因松竹
眉影琴尊江海濱月華雲暗處此意未全貧

清簾

清簾疎簾揭涼風畫綠陰無庸心對局偶爾手揮琴坐客多
顏首堆書重古箴俗塵侵便拂花月晚常臨

席地

席地莓苔繡蒲團且厭高古人皆此座老友對同袍杖履低
方穩琴尊平可操從來圖画上設榻俗難逃

欲雨

欲雨天風活低雲遠水飛塵氛待清洗物我共生機樵路遙
深秀亭詩集卷之十三

四

僧話漁航得酒歸此時絕揮灑身亦盼柴扉

無米

無米荒塵饑嗷嗷食指寬園亭急粗整倉廩笑空瞞乞語逢
人拙清時賣賦難絕憐同病者大半餓儒冠

空囊

空囊久不問近更一錢無穀核何難具林泉亦太枯典裘郵
故舊棄產應追呼縛節今全削時當恕老夫

賒酒

賒酒偏留客懼場價易添白衣無韻守問字謝香奩種林荒
難造隣家幸不嫌痛心思穉子觴政曉寬嚴

購花

購花甘破產嗜好帶風騷滿縣何曾種貧家只此豪塲師頻
笑謁海舶近奇挾不與芳主丘園擁自高

意向

意向要如此託根良在斯青門白社地黃石赤松師鶴背披
雲外天心見月時鬚眉霜雪勁可許學仙遲

小劇

小劇謝塵擾連朝風雨清煨茶不採藥高枕聽吹笙實抱烟
霞疾空羞湖海名寂寥無可語蘭麝一絲明

舊話

舊話惺惺憶聯床風雨生江湖鬚髮影廊廟史書評忠孝身
無憾神仙藥豈明寧每五岳去不上閩閩城

深秀亭詩集卷之十三

五

留僧

留僧聽風雨一宿竹間樓煮茗消禪况挑燈話客遊英雄古
佛憫宇宙亂山秋小住爲佳耳芒鞋儘可休

學仙

學仙不可強有意無意間鶴養冲天翻雲看浴海山丹爐非
幻術香案憶前班陶謝詩飄滿開尊溢笑顏

一空

一空冥萬象造化亦無權霜樹山烟破秋潭月影寒殘更消
舊夢千載老儒官粉碎將何着誰成九轉丹

風前

風前飄雪鬢瘦骨聳詩肩松竹敲山館鵲鳥逐水田塵氛吹

便去流景適悠然列子行何處徒聞清響傳

老懷

老懷久浩落一往水雲平故舊風塵夢神仙鸞鶴聲茶冷酒
力僧榻剩詩名臺榭還依舊芙蓉清有城

矮屋

矮屋遮林罅水紋雪竇橫小山客臥仰淺水聽遙平石案桐
陰月鱗牆柳浪鶯里棲晨夕穩不是惡高明

空堦

空堦滴清響疎雨過林邊洗出秋霜月幽生澹水烟寒蛩剛
兩咽老子悄孤眠納息遙遙夜茶香是味禪

貧交

深秀亭詩集卷之十三
貧交清照久蟾魄澹渟泓道重詩書合機忘鷗鷺盟花時賒
酒共夢影造門輕叔度襟期濶淘鎔有道情

六

野叟

野叟丘中值遙村何處家支筇髮戴雪讓畔襪青麻鴉集蛇
神廟蟲喧豈雨花渡頭閒待久歸去夕陽斜

野航

野航浮雨歇遙越夕陽紅坐叟招漁父穿簑覆草籠拍鳬殘
寺外疎柳亂沙中直到柴門口輕風漾水洪

郭外

郭外邇波濶垂虹鎖綠烟長林豐草地時雨晚雲天落拓長
懷古風流浪學仙閉居適合此種林惜無田

有約

有約風兼雨雙扉開又關啼殘百舌鳥青上一樓山此意憑誰遣何時不味閒莓苔空繡冷獨數落花斑

箕踞

箕踞偷安習何曾意傲容老夫腰未折五畝宅堪封南斗師天象薰風聽野春起來無所事又去撫長松

善萌

善萌不覺長天地此生機雨沐花鬚顏溪幽苔髮肥青衫成繡衲白社近柴扉借問飄殘客春田何不歸

遠饋

遠饋殊方重開緘念故人殷然分俸出伴此一縑新酒債今深秀亭詩集卷之十三 七

清白身拖竟不貧山川魂夢影連夕繞燕秦

漏鼓

漏鼓遙三下高眠聽老翁琴囊臆影上香爐燭花紅寂寞情何澹荒唐夢久空時平無警夜斷續通南風

曉涼

曉涼餘澹月清氣直高梧乍起靡纖事羣飛應遠呼山亭空翠出水榭渴塵無宿火紅香燼先生學佛奴

有得

有得意表外天地爲周廬舉世迷遠術將心白太虛崆峒山頂客濠濮水中魚試問今誰曉焚香掩道書

拚飲

拚飲非貪量生從膽氣豪留髡不足數歸今雅能高詞賦波瀾潤林泉情性陶醉鄉侯可拜猛絕老霜毫

味茶

味茶津舌本鴻漸語難詳要在性靈得非同塵渴嘗殘醺詩境出靜夜月華涼獨坐撚霜鬚奈消王者香

魚苗

魚苗生化雨藻影認微芒芳餌羣然集清流卒爾長鷗行知避跡花落乍來搶池沼居然樂何須江海洋

懶出

懶出幾忘世山園日涉高久懸車在壁漫置東生毛調鶴希仙術留僧坐翠濤科頭一羽扇登頓且嫌勞

深秀亭詩集卷之十三

八

空省

空省一無着惺惺却自明百年過大半萬事悔常盈花信風香遠溪光月影生何曾憑滯跡庶幾化三清

荒唐

荒唐無可考清辯任蒙莊丁令千年化秦邊萬里長難昇白日昃何處返魂香夢向疎鐘破天風瀚海黃

從容

從容餘退步涵養沐天休未必饑寒迫端因性體優衰年頹酒德小築擬丹丘不問牀頭盡心空江海流

返觀

返觀遲晚照林影滿空山自問懽場夢誰摩兩鬢斑回罔憐

嚴壑仙 翮養柴關往事明於鏡開尊且笑顏

剩蕊

剩蕊不嫌少 牆梢新雨紅 一星偏着眼 獨客老飛蓬 風影空
明外 園林萬綠中 莫教荀鳥覺 欲補入詩筒

坦懷

坦懷去城府 君子率其常 云何爲不樂 直可比周行 山靜閒
雲古江平 落月涼空明 恬澹處有道 合義皇

酒伴

酒伴雅斟酌 公榮濫不堪 儒官林下老 墨士畫中酣 有象丘
園趣無幾 風月談飛仙 留劍俠戀語 亦容憨

摘蔬

深秀亭詩集

卷之十三

九

摘蔬帶朝露 近喜得園官 三畝居然治 貧家頗有餐 留僧供
上座 剪燭佐清懽 拔萃偏宜數 肥還雨後看

清響

清響出塵表 丘園迥不同 魚跳石澗影 鳥喚竹林風 茶甌欣
廊側 簾鉤打閣東 疎鐘聞隔院 蟬噪夕陽紅

手鈔

手鈔高二尺十拍 廿年功秘笈 神仙錄陰符 列國風蠅頭 惜
蠹簡墨采點 硃紅願貯青箱舊 傳家有阿蒙

遠問

遠問馳邊徼 封題隔歲時 衡陽鴈斷外 瀚海馬行遲 猶恐真
如夢 頻看細可思 車書修一統 別久事參差

病去

病去恬休養 清涼轉憬然 秋山不厭老 丹藥有何仙 跡託烟
蘿寫明空 水月禪只留 花事在 著意惜餘年

月晴

月晴高 午夜有客在南樓 秋水瀾天白 空陰萬象休 雲霞風
捲盡 鸞鶴路通幽 恍與紅塵隔 冰壺耀十洲

低吟

低吟風月下 幽思最通神 蟲語花陰細 簾紋爐篆勻 當軒虛
此席 被酒憶何人 頻覺霜毫長 瞿然味老貧

薄醉

薄醉呈天趣 神仙淺澹因 竹林初入徑 陶令不須賓 跌宕石風
深秀亭詩集

卷之十三

十

舊遊

舊遊忘不得 寓目有標題 雲白啞峒頂 天青華嶽西 簾鉤風
影掣 歌扇月輪低 香粉鬚眉氣 何堪握杖藜

師儉

師儉崇懷古 寧徒物力辛 頽風挽儒素 美德任天真 膏火寒
窓白 賓筵蒸飴新 汪洋千頃度 端不碍清貧

幸賤

幸賤存完璞 差無驟不祥 虛聲殷浩免 割坐管寧強 鶴唳聞
滄海 鷗盟泛野航 移文何用讀 鬚髮白柴桑

息影

息影一雲龕秋宵冷碧潭烟蘿屯宿雨鬚鬢老音男聞首風
塵隔空懷造化參柴門霜月白幽夢亦清酣

餘香

餘香未可泥荀座次蘭孫古墨芸牕揭寒食紙帳溫鳥窺丹
窺月客散蘿蘿門環珮江皋夢羅浮蝴蝶魂

味貧

味貧津食古書老氣難除清白傳家舊飄零久客餘菜根殊
可嚼金穴不曾居幸免癡肥請蕭然愛我廬

棲遲

棲遲十畝曲幽趣足衡門榆柳深初夏郊原達達村雲蒸空
障影月白晚潮痕素履殊安樂天留貧賤思

深秀亭詩集卷之十三

近來五絕

二十年來萬事非山家只合白雲衣近開異境排修竹更把

心苗浴翠微

四面濃陰汁綠肥高亭獨上望斜暉何曾塵夢還來擾客目
京華不肯歸

剪竹編籬不作臺草花香送水風開科頭掉臂禽魚覺緩踏
微吟日數迴

有約遲來花漸零流鶯啼徧竹南屏一尊自佐清吟興遙放
雙眸九疊青

掃石擦雲上碧梯松風吹我老幽栖斜暉未斷清音遠隔塢
踈鐘歸鳥西

次嚴懲又廣文五松學署歸思雜咏韻二十首

折腰賤不到儒官匏繫如何去住難比舍生徒經史足故山
風雨夢魂酸公孫曲可逢三策范叔羞稱忍一寒惟有尊鱸
秋思急遙師學道去長安

能銘今已慎三緘一室居然書退岳滋味畧嘗餘夢破鬚眉
何苦誤塵凡雲霞鶴駕高無際松菊疏枿事載芟儘有歸裝
開卷軸丹砂素篆壓冰銜

染得青霞織翠裾題橋志久薄相如深耕腹笥書田稔肯撒
柴門柳眼舒蕉鹿寢寢區殊玩世樓臺風日欲凌虛不堪鷄肋
鷹鷂視掃却申申其誓予

驚心裘馬隙陰過八百今誰是李何額點故遺非戰罪花生
深秀亭詩集卷之十三

未謝患才多交惟祖德高先武傳豈長沙弔汨羅預決懸車
穿蠟屐芝田雲海不蹉跎

松風竹雨滌塵露馬座荀香書幌飄政調半邨非綠野何須
六翮定摩霄端溪石壓耽藏壁首宿盤空等掛瓢忠孝已從
廉耻得全歸曾不負興朝

數仞宮牆古栢陰琴書長日靜披襟齋時冷直同僧廨宦况
聊爲長士林餐格花澆微醉酒空天雲散未來心請看童謠
朝叅客可曉先生學淺深

鍛翮都嗟厄閨年庸庸雅勝腹便便偷關不外三千客就庫
今無九萬戔疾引漫張迴棹路官休輕覺抵飛仙青瞳好作
蠅頭客鶴相茶經並細詮

酒國蓬萊世外逃風清書帶任蓬蒿醉交美憶周公瑾楚相
名知孫叔敖淚痛封丘愁暗濕祿運負米不生叨賓師去就
原由我解組人何待化蛟

青山白社綠烟蘿丹窰緇衣舊習多酒律趣嫌官後減花光
天憶畫中過情因夢境惡空熱誰向靈臺着寶磨一自浮名
輕敝屣直教古井不生波

征塵倦撲秣陵關絕訝終南近市闌夕照好尋幽翠密恬波
全放白鷗閒風維國士端師憶爵願鄉侯就醉頌我亦十年
忘五斗止通歸宦問幾環

風鐙芳苞轉眼新鬢絲重黑古誰人顏唐不諱稱耆舊伏謁
何如禮上真見尾末流端有戒赤松黃石豈無因歸來得共

深秀亭詩集卷之十三

十三

聞笙鶴好似藏鋒躍劍津

高厚難齊剝復機羣情欲奏大音稀謀荒徒望如豐玉宦薄
仍寒老少微已謝通門明事去總輝薦版亦心違天空海濶
蕭然夜今是能無厭昨非

五湖千古一身輕聲韻寧知出世情冷席笑供艱藥餌米門
空復掩柴荆與其刻意官評竟不若澄懷道氣迎峯泝機雲
曾未達至今鶴唳悔難平

等身著述燦儒功何況雲山興不窮桃李盈門擔酒綠龍蛇
走腕浴池工閒來冰雪清區躋夢去冠裳怕墨幪甘謝虛聲
咄咄者深源負世復書空

秩田耕硯未嘗沽君復能來道不孤大有餘情探逸趣何妨

東抹與西塗霜清別院閑歸鶴楓落吳江引釣鱸判取晚香
簪宿願鬚眉欽入採芝圖

通門祖饒及春耕書畫船歸一水輕骨有不堪柔下位天惟
默許新清名還能遊覽拚中戶未厭長貧剩此生姜桂特支
冰雪柴林泉高對古人情

努力違心事一官不如青上萬峰端勾留幾被交推悞老去
全荒濟勝難倦園春生無碍路僅場尊覆大還丹鳶飛魚躍
從容甚天地風光拂袖寬

杖履當師白玉樵一聲鐵笛響層霄朝來兔爾常暮音醉後
琴書輒近陶東海月明簫欲釣孤山客到鶴能招寄言冠蓋
風塵內身似朱霞冉冉迤

深秀亭詩集卷之十三

十四

錫犬何緣並去家心如流水逐年華仙人掌上吞朝旭五老
峯前被紫霞絕頂仰天當不遠岐途失足便全差讀書種子
同秋實爲看庭階結大葩

錮疾烟霞不受憐初衣欲遂志何堅生成獨鶴秋風唳先結
雙魚雪浪傳座外松筠塵外客壺中日月性中天廣文於此
推三絕杜甫詩篇信鄭虔

萬壽早朝吳門行在

紫薇垣擁闥閭城帳殿金鐘乍五更雲樹江天春影綠衣冠
庭燎月華明三吳壽國開南幸萬姓呼山際泰平咫尺龍顏
傳喜起班聯喉舌遞鳬輕

迎鑾紀事一百絕

卿雲五色望行宮來去輕帆信飽風身在綠烟晴翠上臣心如水鶴乘空

結束高臺百體新豆花麥浪繞通津宸遊歷省先農事萬

一停機問土人

孔宅新輝御墨樓慶雲丹桂麗春秋登臨定協詞臣頌聖澤皇風萬世休

蒼赤淮揚泣叩來恩全腹地不輕開魚龍故道今皆失三策何能及 睿裁

東南麟涸七年通一日勾除萬井蕪望幸實殷草野願遙聞額手謝山呼

宿衛周星靜夜深微聞天樂鳳鸞吟 君王猶自翻細帙終深秀亭詩集卷之十三 五

蠟高懸松竹林

麥雲仙客玉爲梁孔雀屏裝翠蓋張百戲局摩香舉室幃幢高繡拜 君王

賜帛高年扶杖多宮門雜沓笑婆娑可憐投地宣呼急口勅天厨飽此過

布金南國麗江山御覽重來佛日攀中冷烹嘗僧一醺羽林鐵甕隔城環

虎丘頻見六龍飛短簿真孃翠竟圍獨許點頭頑石在可中亭畔佛光輝

金碧高旻響槍鈴赭黃袍禮佛頭青春風莫易垂楊送來道遮留又一停

蜀錦牙籤滿案頭金猊香熱水窗幽從官屏息端垂手便是真龍在御舟

瞻雲就日傍春田不比龍樓鳳闕前裨益土風隨摺奏至尊一語動雷傳

面鵲連波響遏雲霓旌晴拂射龍文昇平清禁殊寬大只保軍容豹尾羣

雪頭陀被紫袈裟杖穿林引翠華 帝德雍熙光佛日天池山看杜鵑花

萬歲亭高廣富林風帆一一引鉤金春晴正午龍光接揮手親聽有 玉音

伏謁扶攜許觀光彤弓二石定穿楊聖神文武空前後心符深秀亭詩集卷之十三 六

公侯叩百行雀翎慣仗試龍駒撒手憑空上一趨更有案駝純似玉雪峯

三尺拍廷隅便殿親傳驗布牀青村織婦拜 君王不逾半晌勤刀尺捧

出中官賜白鏹錦麟千百雪濤來鸞鷟班因膀妾開聞道 御厨方設宴擊

鮮堆賜似瀛臺門第司空結綵幡六龍重幸賜金園宸遊特愛標松竹御

座堦前紅藥翻彈冠親整解銀貂爲錫崇班正立朝從此披恩深戴德耶那

三鳳並雲霄

帝德春深在好生外臺何用擅威名張公爲政能刑措開府
平教海嶠清

艱難稼穡勅空詣不賜櫻桃賜麥蠶玉碗金匙頻一進從今
農事重江南

陸機舊宅古燈王監此臣工一辦香指顧停鸞查姓氏白眉
僧臘最昂藏

帝子分鑣到各山青蓮龍象拜慈顏問樟禪院恩尤注法鼓
重興老住閒

親承溫語問何官咫尺天顏奏對寬在籍通融恭送駕溫
竿清要總河干

交情如水重平章世外偏收葵藿香有道肯垂清夜問沙鷗
深秀亭詩集卷之十三

特引伴鸞鳳

濛濛烟雨過嘉禾特問桑麻倚棹歌百歲一時揮手退龍池
展卷靜臨摹

風伯雨師淨灑衢東宮承旨爲前驅神龍飛處潮頭白三塔
俄看朱紫紆

桑柘晨光下石門家家雨露帶濃恩王言一出如綸綍正是
三眠養薄溫

天使銜詞問病臣經臨曾不異家人吳涵風紀同徐勉今日
端知聖眷真

十年音問隔朝端霜雪鬚眉仔細看強半金貂登極品虛聲
猶笑憶騷壇

窮蓬船挂酒旗藍許向牙橋錦纜參爲恤民夫宜便飲康衢
擊壤聽真悠

繡壤晴薰早麥秋圍人不許驟驂騑樓船止向沿村過魚貫
旌旗鷗鷺洲

水波灩澦見龍行獨木船頭面槩平精白身心咸靜穆只聞
一縷麝煙生

飛塵控馭限皇華奏疏馱來刻不差宵旰依然勤密勿萬幾
餘暇挂臆紗

星月光華一色齊萬行燈火住塘栖驪龍不夜疑全吐水藏
神奇怕伏犀

鯨比蓬窗聽號聲熹微影裡認山城逾時東旭升黃屋結束
深秀亭詩集卷之十三

千官銳拔營

津梁到處繪莊嚴特妙浮屠燦合尖聖澤弘仁均覆載懽懽
佛號混春恬

龍頭黃屋蓋雙轅碧玉琉璃透日紅九五正高天上坐遊行
何處不春風

閱武投醪賜蔗漿懽騰九列擁乘黃一揮肅退西湖面龍鳳
丹叅百寶光

一夜西湖熱火龍電光亦繞紫陽峰天心忽動蒼生望霖雨
翔奔九里松

乍雨鶯啼躍鼠始綠雲香透遠春燕君王駐蹕蘇堤勝陋
煞當年處士孤

梅鶴幽芳別殿高孤山今簇翠雲濤 宸遊特問桑麻索

看蚕眠刺野舫

湖心亭子位中央口勅先登納衆香更上一層雲影外回圖
空際聽笙簧

又上孤山放鶴亭舊曾遊處指梅青酸醎儘許調羹用獨善
寒芳已久零

黃忠老將用屏藩拍馬容馳屬釣鼈 帝子宜恩旋解縛百
獅池上一臨軒

蓮珠巧獻火城紅松竹樓臺葉葉風清禁憑欄高一笑下方
擊壤在烟中

白櫻桃綻白楊梅王乳珠尤並異培帶雨摘鮮嘗本色上林
深秀亭詩集卷之十三

紅紫漫如堆

節物初嘗動孝思特將甘旨豈容遲一鞭到日慈顏齊不是
飛塵進荔枝

五色斑鱗大玉泉雨餘撥刺任悠然龍宮一日三朝慣在藻
今應盡御前

初夏新恩重賜衣水稍雪紵爛生輝馬馱蓑篋懽聲徧駕在
吳山坐翠微

六橋夜放五龍燈潑水金光湧萬稜未必廣寒同此景上弦
初向碧天升

臨流烟景勝驕陽絲雨頻頻陽鷺庄一幅輞川西子面
御牀搖筆要徐嘗

養蠶天氣薄陰宜櫻笋宮厨日日移添得恩波四五尺錢塘

江白射潮波

靈雨澄心洗玉壺晨餐清音進伊蒲緇衣羅拜求宣示慧日
能通 御製無

味取葦蕡等獻芹檣頭漁父撥溪雲廉纖新雨莖全滑賜帑
喧呼網一群

疎鐘隱隱逗南屏帳殿遙臨法界青警蹕不須雲錦護天光
空放望湖亭

亭午蘭橈花港穿深知魚樂躍尊前恬波何處非恩澤在藻
詩歌定有年

柳浪鶯啼處處還 御丹輕泛綠陰天攀條憶舊清風縷盡
深秀亭詩集卷之十三

是南巡長十年

荷葉田田貼水香風清曲院滿池塘仁心正欲觀生意跳雨
青畦竟不藏

雲林 宸翰舊山門天竺香幢擁 至尊住世主叅覺世座
青蓮紫竹一時捫

量晴整轡上雲栖花雨微微佛號齊難得親承摩頂象日華
靜飲法輪低

啓事飛烟踏落花香風猶帶貢新茶開緘先設如來供
仁壽宮中更早芽

仄徑難登天目山臥遊竟在画图間始知康樂荒幽討驟疑
疑兵了不閒

鐵畫如椽墨汁濃揮題一夜徧飛龍湖山面目寧前度金碧
輝煌翠萬重

積薪未必田門資脫穎如何出所司臣客馬周誰一薦如流
納諫不曾遲

矯廉剛愎更無誇 聖訓和平燭爾差試化鷹鵠作鸞鳳不
加誅極厚重華

杼柚東南建部曹官中曾未覩蚕織一時織女支機石鵲候
新呈花樣高

珍錯從盈光祿厨蚕時豆角畢新需天家試飽村農味不比
潯沱麦飯區

保障錢鏐有後人賜輝聯額感更新天心自合存公道往昔
深秀亭詩集卷之十三

勲名萬努濱

山家竹木慣經營造就成材是楮生研石行波須格物高標
不數右軍名

十丈蒼龍舞夜光德青燈火闕餘杭水晶宮映琉璃舫夾岸
桑田繞御長

未滿水輪水月虛三潭好景尚留餘清宵刻燭常相待曾把
吟情問直廬

一門人瑞賜山陰霜雪齊眉雨露深今日重來拜冠帶恩榮
親見壽星臨

五瑞前徵顧問臣今宵耳目又經新不知燕許詞華筆可掾
江鄉草野人

浣練砧聲響後宮木棉花價給南中承平披省曲岐業大講
賢勞節儉風

輒止鳴鞭要察眉蒼生伏謁定恩垂官僚曲體洪仁意接轡
搖旌見遠塵

封疆大吏重汾陽毀譽猶虞誤遠方慰勞親褒真健者清風
不改舊水霜

桑麻雨露眼前看人地相宜便補官不用天安門外掣回頭
託故怕心寒

竹馬成羣走石村黃童喧謝太平恩 至尊含笑揮圖欲
上承權堯母門

鱗艇飛穿寶帶橋旌門浴日正迎潮晴搖濯錦魚龍沸
深秀亭詩集卷之十三

帝曰都俞俗豈饒

免却鞦韆爲解懸秧歌庶幾闌青田直穿衢巷情難已卑賤
鄉愚悉近天

商旅東南重貨泉關津爲暴有舍冤簾高萬里疑無祭一犯
清塵竟燭天

麦秀寒輕蠶莢肥吳江湖長雨霏霏畫圖深作烟雲供萬乘
幽如出釣磯

天上張星關內侯元勲江海寄邊籌頒施什伯膺殊寵華表
龍駒並御羞

金聲擲地獻長揚鐵畫臨池數二王內舉不嫌叅後乘豐年
應許玉生光

兼資文武出西秦奇偉多英特此人贊拜不欺敦大樸赤心
帝監是良臣

橫海旌旗北府張羽林術衛出明光星羅幕布皆神筭安不
忘危繫四方

密宣中旨近臣知惟恐農忙坐失時守土無勞隨努天風帆
月白竟平馳

楊子潮頭競渡開江天浴日震樓臺回盤小住從民願萬騎
齊懸艾虎來

河堤官柳綠毵毵遙引風旌歸自南目擊平成巡邏道手揮
康阜飽清酣

濁海魚龍徒遠號聖躬無乃夢魂勞驚沙親聽荒祠出白
深秀亭詩集卷之十三

馬靈旗上夜朝

王粒天儲藉挽舸不堪官弁廢弛多河干宜諭須朝謁鼠耗
狼丁更若何

九府權衡際太平鉛刀鵠眼逐貪氓輸官不坐收爲禁山左
奸邪私鑄清

憂先昇望念淮揚賴有魚鹽集遠商優恤不妨容卜式一時
恩被盡冠裳

遮道井平扑舞多珍羅王食頌清河溫宜口勅天顏近不
擾絲毫若一過

御屏嘉意擇親民大吏封疆廉可真直北兩河多內舉龔黃
召杜是何人

柳風沐雨萬方知宵旰間關竟不辭記注自應班馬在聊憑
草野一形詩

山塘卽事四絕

斟酌橋頭進艇遲白公堤上喚場師香風近午羅裙緩十樣
亭臺百錦支

約束濃陰積翠烘劍池清漾半山風當墟茶社周遭刺芍藥
安榴潑面紅

霸氣全消蓮座基行人那復問要離六蜚一月曾三過金
碧光華閃不移

竹牀蒲簟綠楊波門市清遊閒具多骨相儘宜泉石位滿那
其奈月明何

深秀亭詩集卷之十三

遊紫陽山

幽意慙物外清遊動所思爰陟風篁嶺宴坐月波池疎雨滴
芳翠閒花側妍姿紫陽不可見尋真將何之芙蓉白石采霞
門駭蹲獅王乳走鱗鱗松針礙參差三匝歸雲洞仰睇擲空
枝河光白我眼好景久相持從者既各適魚鳥樂舒遲天地
此靈異造化其無私

坐忘巖

尋真得所止石罅似厂開遊覽紛危磴空濛濛古苔雲峯餘
幻化鶴駕或還來塵袂翛然冷天風放竹胎

歸雲洞

歸雲不可見意在晚晴時洞口青何許山腰空有之樵歌騰

野馬牧笛點花枝自覺行踪賤摩看定後詩

月波池

靜吸蟾蜍石情文寫廣寒有稜涵皓魄虛生掬迴瀾鶴整清
宵耿松筠碧影攤蒼崖懸古跡別鮮劃御搏

一滴泉

清畫修林密懸崖冷翠高逶迤通細脉斷續活陰膏監此鬚
眉綠悠然塵夢洵烹嘗貪未得佛火坐文熬

題周堃溪小照

眾香國裏人應上蓮花座一瓣誠解脫四大竟不大雪浪任
天掀道力無折倒張槎遜此輕達輩少此播非仙非佛間儒
冠亦已破聖木指西流清影從空過愛說揚祖德抱膝作端
深秀亭詩集卷之十三

五

坐樂哉修髯翁畫圖居奇貨我欲附之渡可否再添箇

送王雲從二絕

四載相逢又客中潮橋猶記別秋風春深桑柘湖光溢我到
君行送越東

兩後南江烟翠肥化工圖得幾分歸就中詩思憑耐力太華
峯頭興欲飛

贈別陳素菴大令

鐵筆千鈞出腕神目無秦漢意津津官行絮棘名殊誤家散
江湖義不貧樓笋乍逢嘉會席烟霞未老畫圖人情懷惜別
期何定風雨迷離並送春

紫陽峰上丁仙祠

一上滌煩池便服清涼散手把青芙蓉客眼何瑣爍躋獅石
下王漿寒丹竈門傍土花爛仄身曲繞歸雲洞坐忘最後無
人看危欄小折峭而逼裂栢鐵虬驚臥段丁仙蟬脫著金身
獨鶴踞蹠立几案皈心細認骨殊堅三百年來遡河漢與我
遶陽說舊緣劃沙字字隱成筭相對以默却真坐松杉冷翠
從誰喚湖光瀉影漾鬚眉世網塵埃絕水炭紫陽峯採芝呼
古樹斜陽懸一半羽衣導味送茶香雨意旋生萬象換

宗陽宮訪和公鑑鍊師

千行斑管拂松花舊內猶傳趙宋家門是玉壺藏紫府橋通
金液養丹砂客踪到處山何靜茗語情時日未斜記取丁仙
乘鶴駕須留結伴種胡麻

深秀亭詩集卷之十三

五

吳瑛在別駕招同陳健園表弟夜集胥江水窗分韻
客踪何事不飛仙水國清芬待月前酒力我儕難未減詩才
終古傲徒然六龍欲度疑生雨五馬誰參笑著轡開關舌
鋒明切玉掀髯燒燭耐華筵

次璿在韻

聞樂觀風豈淺嘗花枝狼籍愧河陽清和豐各官厨候茂苑
松筠水月光我意鬚眉聊上下誰云歌舞繁興區憑闌怒看
飛濤白今夕無端盡百觴

次健園韻

水風吹出月華晴解事偏多玉碗傾未必詩書成上士惟將
肝膈問神明潮行白馬青來狀淚惜千金一往情惆悵闔閭

城似舊平林燈火萬家生

中秋病起悼亡

碎雨低枝浥海棠一簾秋影碧泱泱支離病起清魂夢瀟瀟
情空老桂蠹味到蠟餘甘苦廢詩偏絮引淺深嘗瓊樓今夜
銀蟾閉不照粧臺更暗傷

病起三首

病起空於水愁城軟始開無言酬熟客作意上危臺松竹脩
然外琴尊次第來幸憐腰未折不藉筆花才
稠雨滋酣碧空陰集晚庭初無塵網蔽刺有篆紋青熟玩歸
田賦閒披相鶴經莫愁難濟勝刺艇任莎汀
老淚曾無滴可憐失此人閒緣割最上善果信多因骨瘦清

深秀亭詩集卷之十三

壬

霜餘心恬秋水神兒雛愁哭損翻笑慰津津

伏枕聞制府王純嘏先生臨松喜信

桂露衡門下忻傳小隊忙支離憑忽起饑渴慰非常恩是丘
山重情逾旌旆揚燒燈數問夜待旦肅冠裳

謁行館

八載危疑夢禁持一見消艱難收駭浪容勿得今朝欲語無
頭尾驚心恨屬寮不嫌霜雪鬢健鶴定摩霄

陪純嘏先生過王大司農泰望山莊同張孝廉安公袁

大令容軒王大令霖說少尹用丹太史椒圃卽事四首
帆挂秋濤白烟披村路青行從圖画入趣領物華靈望海碑
何在投林客乍經藍輿穿百折花氣靜魚腥

莫拜几筵下秋風遺挂搖堵牆觀聽淚骨月秋生僚曳履空
朝謁窺園亂藥苗何時華表鶴高揮嘆青霄

信宿秋窗晚涼蛩語雨軒繁燈圍數子百畝亘荒園樹暗支
危石風清捲舊幃絕憐絃管罷惆悵各無言

水閣天蕖潑莎汀魚鳥浮茶香吞客袂書幌約簾鈎坐久思
何雋閒來影亦修輞川徒點綴未必遜茲遊

純嘏先生枉駕荒齋邀霖說容軒綬武同席

司馬文章伯中丞丹楫材雲霄輝蔚星鐘呂震琴臺蠹櫪貧
何遁秋芳幸始開月華燈火夜肯說不蓬萊

陪純嘏先生烟雨樓讌集同容軒霖說述堂赴嘉禾陳
大令之約

深秀亭詩集卷之十三

夫

城郭風烟水氣侵秋高傑閣一登臨開筵錦簇銀花樹顧曲
雲低塞雁音冠蓋星輶增聚散莢茨魚米轉蕭森百年此會
何堪極舊澤長存物力心

李旭東大理邀陪純嘏先生

太保賢聲在仙宗舊誼敦金貂聯奔葉鐘鼎重軋坤下士曾
何補華筵得共論微聞廊廟上南顧獨殊恩

胥江夜泊

畫舸秋潮溢霜天涼月高不眠濃話舊列坐每前叨酒力鬚
眉壯鄉情魂夢勞蒼生無限淚零雨待重遭

海烈婦祠

冠裳都恨不鬚眉慚愧霜嚴此斷碑力障狂瀾爭一炷光生

完壁有何虧修林翠滴空塔靜白日風清繡榻垂氣在當場
荆聶勝柔香始信駭臨危

渡江

落日輕帆信飽張魚龍腥黑遠茫茫樓臺倒影金山出鼓角
屯威鐵翼長襟帶一時雄可馭海天萬里思無疆六朝南北
都流水誰揭宸遊翰墨香

瓜洲夜雨

繫纜頻移岸昏燈遠水微爐烟消一卷窗影碧深衣候吏津
橋合驚濤汗馬飛蕭蕭眠不穩身世悵多違

高爰寺

金碧增華地恩崇佛日輝亭臺紫水秀竹樹隔沙圀
深秀亭詩集卷之十三 无

宸翰幡幢接雕闌魚鳥飛山呼曾繞堦龍護有天威

贈王珪文卜士

委巷垂簾近竹西匡牀紋篆不曾低修如海鶴烟雲健靜索
韋編周孔齊車馬何人勤下拜琴樽有味得閒提成都市望
湖山籍肥遞居然老客栖

天寧寺

行幸頻披竹院風法輪高轉翠華東窗紗百折圓靈澈泉石
無時不化工養鶴長修瓶拂外留僧何福圖中臣心如木
聊閒叩端愛秋光向日紅

黃鶴閣

三醉無人識洞庭朗吟飛去已忘形胡然霄漢排空馭又向

蕪城驗道靈事玩神仙不可解客如我輩幾時寧藥欄竹色
籠虛靜襟帶凌風悵水經

邗上遇胡漫園太守

玻璃亭畔月虛更拍酒徵歌憶送行一別久荒風雨夢重逢
難溯海江情長貧冠蓋甘無坊肯負鬚眉悞不平惆悵隋堤
僧院外霜鐘秋葉隔聲聲

送李錦中之睢寧丞署爲經畧子靜先生令孫

鏗鏘名祖握樞機誰念王孫不可歸家政劇憐渾夢寐客情
未老怕霜威波濤城郭蒼茫去水鐵衙齋甘苦依古道細看
王柱國曲籌提護世全稀

王制府同寓張龍池擷芳園與令弟振侯大令晨夕即
深秀亭詩集卷之十三 三

事四首

握手饒溫敘開軒敞画林名騰湖海氣交信歲寒心列宿關
天象同居感帝臨賜書雲漢登恩是放歸深
不敢憑樓坐黃封供御床迴瀾穿谷口裂石噉鱗墻客有
圭璋器風來松菊香何曾覺城市濕影碧茫茫
半月廉纖雨虛堂積翠攢書因淹展借花向撥爐看過雁清
遙轉停鱗怯暮寒歸期移更卜閒對小春殘
翻厭笙歌沸羞囊奈若何如君兄弟少去路雪霜多宦後情
餘蠟空中事輒波不妨歸棹滑各閉守烟蘿

瓊花觀

花向何年滿荒遊夢久殘塵烟閣閣隔祖席上清寒叫鶴停

霜月騎龍圖籀冠情非閒展駐端禮舊星壇

索茶

渴疾消還起樵青報職荒客情須解倦吟吻待頻嘗殺雨僧
厨焙旗槍蟹眼張清風生兩腋不是酒人狂

董子祠

漢室開文象江都使相賢天人殊感動俎豆尚遙虔整肅衣
冠下徘徊圭璧前寒香斜照出松菊自年年

送劉子觀太學歸蜀爲給諫棠溪先生令子二首

客況不可老空歸亦大難天青綿道險衰敝朔風酸劒閣崖
雙峙蠶叢廟百盤男兒矜叱馭營莽忍親安

世路悠悠夢孤行耿耿心披垣造疏勁沙海病時深才豈荒

深秀亭詩集卷之十三

家學貧方振士林鳳城青暖後莫滯茂陵琴

題孝感圖

滿足非通才鼓浪失良策歟生痛父子圖畫動魂魄我披孝
感圖燒燈坐脉脉人生天地間何能老安宅吳頭楚尾界止
愁石尤逆往逐計長程不過兩月隔詎知送行舟便掛登仙
席隋堤殘照下絮語煩區畫揮手顧兒曹蓬窗虛影碧夢寐
度關河星月睇良夕碑讀黃陵廟竹把湘妃跡攬勝聊自娛
未厭鬚眉白一朝忽有遇飄然棄七尺米舫悵歸裝海鶴恍
遙翺妙手何所師精誠想疇昔刻木事上傳神更奔奔淚
滴下江潮懷袖不可釋

次彭侍講訪濂先生咏來鶴韻

雲濤晴捲碧寥寥健翮摩空獨可招豈有吹笙閑路背何如
赤壁夢排霄馴來竹影微微顛側聽茶烟細細消我未冲天
停莫去浮丘骨相月華遙

寄楊藻如州左

冰雪三年別關河一刻逢去來何草草情緒轉憧憧濕沙
填海襄空劍不能蕭齊寄清暑官況似踈鐘

平山堂

霜後松濤走碧虬蜀岡遺構重千秋何官不繫蒼生望文采
誰如第一流空際江山晴隔岸座餘烟翠清環樓尊壘豈害
娛賓客泉影風清照鐵鈎

紅橋二首

深秀亭詩集卷之十三

十月紅橋路丹黃霜葉中遊踪寒雁少画影登雲空寺隱迴
崗巒帶斜隔清風蕭疎山野意閒拾耐詩筒

貼岸臨平樹疎離射遠波數家花石院十里女牆羅位置環
城約風光逗眼多惟場膏粉幽賞待如何

法海寺

寒影搖環碧香臺擁一丘客衣霜後撲佛火鏡前幽榆柳梢
蘭棹菱葑晒浪鷗茶烟黃葉畔閒味是何求

迷樓故址

竭後何須問平臨一惘然佛恩留慧照夢影豁當年嶺折霜
林上風高龍象前疎鐘停午出淡淡散遙烟

斗壇

莊嚴金碧凜秋霜 宸翰新開大智光
降御且循簷樞拜當 陽不昧性天香
雲霞泉石工千折城郭松筠翠萬行
臣亦心清丘壑畔閒朝歲月祝無疆

談述維文學邀飲指雲亭四絕

畫壁旗亭讓我曹昂然買醉一寬袍
獨倚亂樹啼鴉動城郭 寒烟上翠濤

廿四橋空隋柳殘玉鈎斜外夢無端
遊人只是閒惆悵坐到 昏黃不耐看

一片斜陽剩竹西簾櫳都博酒家題
西船簫鼓尋常見宿葉 遙遮度雁低

百萬琅玕刺眼青遊踪何處選郊亭
風光不醉誰能去豈悔 深秀亭詩集

揚州滯客星

汪建貞少尹惠石

山雲秀竒根米顛抱僻嗜出入懷神間
往往忻位置一朝謁上官輒舉強相示
遂使攫之去所寶失造次我亦具骨性交
與石爲至家珍此其最怪莫解同志寒潮
溯廣陵磊落何所事良友勝礪器善藏而
博識不以峭直疎翻賞饒韻致玲瓏列數
盤令我徧洞視曰維任手擇慷慨促再四
廉固不敢却貪復不欲肆摩挲小於拳黑銳
蹲突驚拜石且拜君重等圭璧賜憐林又何
如雪浪非拔萃各適價清吾不覺寫心醉

送王制府先生北上三首

千里江南路權場白日隨恩思新雨露
健喜舊鬢眉提誨何

寄倦臨岐不敢悲布帆官柳外只望好風吹

滿載藏書畫茶膏帶墨香生從終日到寮屬
幾人蒼豈肯忘金石從來薄稻梁高山惟仰止
清議動綱常

烟雨寒潮白樓船雅坐清江淮天際想齊魯
鏡中行侍席携雙士攤書妙百城最關輿僕
換未免涉勞情

寄王承于太守

渴慰蒼生望東山起不遲恩崇恩報副才大
益堅持鐘鼎承家重餼糧給戶知懷君易水上
五馬待春馳

潤城夜泊

拍枕江湖惡嚴城霜柝高燭花紅客夜盆
樹壓輕初醒酒煮烟著懷人夢影勞箭師
撥倦僕瑟瑟更嘈嘈

深秀亭詩集

焦山遙望

一丘蒙擁翠滾滾亘洪濤冷著閒僧定名還
處士高落花栽石門活火煮松膏雲外曾頻
約塵襟惜未淘

題石室秘錄

老去省延病神清乃學醫天心回造化藥力
走春熙姚宋開元治岐黃素問遺不刊明利濟
庸俗莫狐疑

無錫夜行

香燼重燒茶味多布帆霜月送吳歌客情直
達凌烟駕漁舍篝燈畫影拖

虎丘二首

繫棹神先躍逡巡睇改觀樓臺宸藻重雲樹
翠濤攤短簾

祠難廢生公石不刊邇來深駐蹕虎氣伏龍盤

遊石循牆漫迴廊帶樹惡不嫌量酒媼頗如在山僧澗影寒
雲落花光返照增禿髮風葉下鳴雁顧稜稜

山塘三絕

榆柳烟波七里明塲師竹木老經營勾留慣作清遊地南幸
新添翠百楹

斟酌橋邊鶯脰湖衣香酒酸狎鸕鷀客行亦在風塵內只是
神仙未可呼

要離埋熱想真孃刺得花光散劍鉞我是虱髯描黛手一迴
一夢惱柔腸

卯酒

深秀亭詩集卷之十三

五

霜氣風聲潮影殘蓬窗虱鬚劍囊寒濁醪一斗諧從僕紅口
青山耐早看

古廟

薜樹眠牛矮屋空土花深繡夕陽紅漁舟慣泊危隄下客路
遙看画影中

除夕

松筠門掩燭花明風雨幽棲歲欲更酒瀉楚騷人別恨香餘
墨潘夜寒生鬚眉賤豈甘牛馬金石交誰信弟兄緋几紙窗
清供足猛燒獸炭任兇情

深秀亭詩集卷之十四目

元旦

天用懲又集飲

人日

尋梅

元夕

夢面

積陰

花朝

集蕩滌亭

長林移尊花次

殿求弟力疾來晤

送殿求弟村歸

蓮兒

杏花

綠萼梅

王蘭

鄭心若留飲

沈吉士表弟移尊

朱也亭移寓

雨中親巾小集

深秀亭詩集卷之十四目

一

西府海棠

陳天用集花次

小飲

天用漢慈集牡丹花前

黃霞建行人集牡丹花前

閏三月七日

白牡丹

神傷

黃霞建行人招集

小集待月

朱也亭同登天馬山

送春

寄宋嘉猷郡丞

朝雨

七夕

榆林李殿公郡丞過集

集飲桂花前

偃臥

中夜

病餘

中秋

放丹

清曉	廣富林
天馬山	漁家
青溪閣	晚陰
泊趙屯橋	千墩道中
竹色	漁舟
唯亭	賦得秋天不肯明
登葑門城樓	一夜
胥江	山塘
虎丘	水窻
泰伯祠	半塘
百花洲	客指要離塚與真孃墓所在
深秀亭詩集卷之十四目	
五人之墓	千人石
劍池	虎丘雨望
寄彭侍講訪濂先生	滄浪亭
瑞光寺	尋釣上人不得
採蓮巷	百花街
聲菴	盆菊
晚山	錫山道上
酒家	慧山
古榆	白松
山徑	秦園
宿慧山下	洛社

晚次昆陵驛	夜過奔牛
新豐鎮	泊丹徒
橫林	海烈婦祠
昆陵早發	呂城
秦椒	五更抵京口
北固山	金山
泊維揚	高郵州
酒家案頭見盆菊	過邵伯
露筋祠	吟首
夜過寶應	抵淮陰
韓侯釣石	九日
深秀亭詩集卷之十四目	
仍園登高	湛真寺秋色
漂母祠	依園
淮	遇書田上人
青蓮菴	遇南霽岑郡丞
雨香菴	舟停卽事
三岔河	贈王宗魯別駕
青江浦	黃河
舟行卽事	南池
雨夜宿魯家橋	任城
太白酒樓	輕航
泛水	宿桃源驛

金鄉早發	飲陳方碁大令城武官舍
次曹縣	邊周啓二尹招飲
留別于霽亭上舍	留別宋嘉猷郡城
留別趙石州明經	次于霽亭上舍四雪韵
聽雪	臥雪
映雪	嚼雪
于霽亭上舍邀飲	霽亭步月親邀再飲
趙石州明經招集	次于霽亭四鴈詩
候雁	聞雁
留雁	送雁
丁亮公置酒	謝別丁亮公
深秀亭詩集卷之十四目	四
董酒	題于健翎印譜
凌晨	金鄉道旁花園
單村早發	早抵夏鎮
韓庄夜泊	百三老翁鄧文獻
懷同社諸子	懷陳茂才天用
懷嚴司訓愨又	懷朱茂才也亭妹倩
懷殿求弟	懷家別駕若愚
寄家侍講雪石	渡河
宿霞姪邀飲	寄王公延大令
淮陰早發	過邵伯懷家水部東方
香阜寺	野水

渡江早眺金山	雪夕
沽酒	剪燭
雪朝次橫林	小金山眺雪
雪後	過虎丘
東陳滄洲太守蘇州	宋嘉猷郡丞素心蠟梅
冬夕	青花菴
送別許綠洲文學	疊前韵
三疊前韵	四疊前韵
泊新庄鎮	李家堂
新安鎮夜泊	何岷瞻太史過訪舟次
垂三姪	詔免江浙地丁恭紀
深秀亭詩集卷之十四目	五
吳歌	歸來
除夕	

深秀亭詩集卷之十四

雲間潘鍾麟層峰

康熙四十七年戊子選二百七十八首

元旦

遙瞻北闕拜晴光手執金仙栢子香
亭館無塵開氣象休泉有骨自昂藏
初番風定簾衣綠舊瓶新梅蠟黃斟偏
層蘇溫侍職披裘高上讀書牀

天用懲又瀛士天佑奇耕微垣炎公士
登鵬南瞻三小集用天然真夫爲韻四絕

驚鐸聲中報信天人今何遜地行仙
牀書席倪香花氣得遂青山老益妍

深秀亭詩集卷之十四

冰雪松筠翠嶺然雲恨秀枕綠迴川
素心杖履循初約秘笈

綠書燦綺筵

幽棲抱璞似葆真鐘鼎山林各有入
三日年華春未足尊梅

攀閣度芳津

賢退誰如二大夫歲星今復指東吳
尊鼎未倦登臨興猶恐

清修愧佛奴

人日

巡簷約約問南枝人日郊園春尚遲
酒伴雅思驚座客鴻音誰寄涉江詩
烟青寶鴨滋餘馥硯試金星鈍守雌
自笑閒居無一事纔完喪葬髮如絲

每梅三十首

尋梅憶幽叟相與踏蒼林落落侵斜照
微微澹遠心亭臺生氣從泉石歲寒深
幽極難開處松筠味細斟

尋梅歷古院僧老任山場屋角歌雲
餘臆紋逗雪光茶炊佛

火活闌入墨痕蒼禪坐吞晴月潛聞
竟體香

尋梅出遙郭隔塢野夫家天地容空放
冰霜長歲華柴關紛

啁雀石磴點寒鴉肯撥牀醅綠攀留
話日斜

尋梅繞村舍籬落暝澄泓夜月含珠
潤春風待雪晴王人原

不俗坐客愛餘清千百蚪陰合羅浮香
夢生

尋梅上東閣冉冉女牆梢面態清霜別
詩情瘦影交聯牀書

拍枕半嶺鶴撐巢便欲凌仙去臨風環
珮敲

尋梅副老友矮屋壓南茨剪伐曾無假
離披具可思鬚眉翠

深秀亭詩集卷之十四

視靜杖履雪霜持清受平原飲調羹問
所知

尋梅入峰側秀挺半珠菴蔬果依蒲簞
雲霞覆石龕薰猶三

宿淺放漸數枝南粉壁曾拈韻蒼苔青
最耐

尋梅過呂巷老圃得奇觀暖玉文孤鐵
蒼蚪卧曲欄偃偃三

尺勁橫蓋百弓寬可惜無人後紛紛耐
素寒

尋梅涉仙館風景佳山多竹約橫雲嶺
窗平待鶴坡幾株清

透骨一帶白成窩羽客能招飲吹笙送
鳥歌

尋梅博野趣赤岸板橋西漁舍清如溢
園官品不低鮫珠明

十斛水穀漾平畦躍躍離塵想孤山處
士妻

尋梅理舊族遠是辟疆園士氣高凡植
春華出短垣白頭經

史席綠醅歲時言咀嚼饒真率香風第
一番

尋梅鼓逸與鬚鬚傲睨然此外全無夢其中別有天酒澆消
未足辭謝轉生憐那得輕身術名山看萬千

尋梅蠟雲展塵慮一時捐花豈茫無主我何愧此仙芳晨珠
露滑夕照彩霞鮮徒倚歸難決柴門插水邊

尋梅誠童僕切莫近攀條生意星星揭幽情日日要偶然披
鶴筆恍惚到藍橋清福容徐受鉛華淨不驚

尋梅數親串屈指箇中人能許松筠操剛通天地春音調思
大雅道在食清貧鳥語寒江外何曾過要津

尋梅逐寒雀越陌度前岡茆店偵烟火奚童負劍囊不嫌空
嗅遠但覺野吹涼竹杖孤僧立相遲倒夕陽

尋梅寄道侶高選不庸材骨鯁盤千折珠胎妙半開詩筒擔
深秀亭詩集卷之十四 三

魂去霜葉報書來冷澹爲懷古猶思鸞壺臺

尋梅携稚子宛轉指晴雲老幹貞殊健芳苞溫且文頗耽初
性樂不與冶遊群襟帶曾何染風流步夕曛

尋梅造清秘雅座肆風騷誼飲周公瑾官聲何水曹香山應
化羽雲海不生濤惆悵琴尊罷微增現夢勞

尋梅六橋畔千古此孤山逸興杳然渺高名誰可攀閒雲空
放鶴翠影濕低環妻子偏難棄春風歲歲還

尋梅蘇小墓瘦損一枝荒宿草新零雨空山亂夕陽芳魂積
翠靄遊最好春行鐵石能酸楚無端賦斷腸

尋梅畫圖舫頻繫鄧林前佛火紅人面僧樓刺雪天提壺清
還坐弄笛不成眠深夜蕭疎甚翻嫌醉態癡

尋梅千尺雪一樹老山房倚石掀獅吻橫臆駭鐵芒偶拈僧
杖桿輕罩客衣芳漫煮驚雷英冲和換肺腸

尋梅雨花席靈谷惜燒殘剩有撥空格淒清蝕夜寒冰壺蟾
魄耿紙帳蝶魂攤寥廓疎鐘定悠然得靜觀

尋梅三十里曲塢到花源澤國風烟潑蓬門鳥雀喧巖樓殷
讀面野趣脫名園痛惜斯人謝葺苔繡眼繁

尋梅經客路驢背溯橋東別酒衝斜店輕裘打朔風同行皮
陸契得句水雲工好景誰神筆虬髯老尚雄

尋梅購燕市迴首十年餘強半烘煤火矜全載檻車圍賔狂
渴酒秉燭獨攤書辜却江南夢今方味靜虛

尋梅戀鄉國何處不春生好景星辰判騷人性體明巡簪絲
深秀亭詩集卷之十四 四

本本溪墨對品品桃李何須競真修仙界名

尋梅識酒媼箬舫慣朝移桑柘湖山鏡鶴兒霜雪溜淹留殘
臘會整頓上元期忍薄東皇意先生幸不羈

尋梅如咏史懈筆剪荒蕪要有精神灑全償造化通肥甘人
豈曉富貴我當無但願兵厨給園丁裕鶴租

元夕

風雨消元夕虛堂寂惺然花枝柔折損蟾魄暗空圓酒醒燈
屏綠香生書幌舉近來捐物役造化又何權

夢回

夢回殘月曉窗紙白虛堂生死亦何定形神似大荒力貧負
土厚獨夜擁衾長書幌清花氣鐘聲動隔牆

積陰

積陰釀春雪侵曉暎虛明啟戶覺有異肺腑滌天清雖在塵網內而無一物營松筠體何勁梅蕊噴交橫吾廬頗自愛熱客謝公卿澹然矚原野萬井瓊瑤平鬱林轉蒼秀晶瑩擁城繪素合妙理誰復青蔬枿炊烟起空外寒雲露崢嶸漸櫻人事雜簷雀喧新晴好景非不潤瑟縮渙柴荆歉收方儉歲微恐傷勾萌顧影思鸞鶴圍尊速望衡庶幾安家食幸免勞遐征

花朝

百年晴得幾花朝肯負東皇酒不澆鬚髮已拚同木石神仙何礙伴漁樵紋窗水閣清華座曲塢雲林宛轉橋十雨五風

深秀亭詩集卷之十四

五

芳信祝實關興祥在詩瓢

集蕩滌亭

新雨芳林約閒房夕照深情開池上酌操動壁閒音塵夢曾何著神仙的可尋憑闌探物化天半嘯遙岑

長林移尊花次

評花修面史味酒溢詩筒座忝閒居長春膏遊展紅簾櫳虛曲榭襟袖障香風老聽華亭鶴虬蟄竟不雄

殿求弟力疾來晤

老去關情剩弟兄扁舟特鼓問江城相逢負土松楸淚信宿虛堂風雨聲酒力何柔除藥餌詩懷不合敗心旌燒燈欲語茫無策述祖思親庶悔萌

送殿求弟村歸

儉歲殊難病體撐杜門無術硯荒耕空村自逐牛羊賤小草誰憐糞壤輕鬢雪矜持看影瘦春朝寒去怕風生低徊只羨田荆合何況淵深永感情

蓮兒以課誦賞分設饌小集親長

汝復能留客先生不悔貧蘭膏吞接席杏雨沐芳春屋緊圖書舫峰青海濱孫劉何足定且醉伴閒身

杏花

歷亂墻東外丹霞晴曉稠韶華烘二月紅影潑層樓有客披仙籙沿村賦酒籌胭脂山色在未許說清幽

綠萼梅

深秀亭詩集卷之十四

六

苔影珠胎脫全於未放佳青膏盈骨鯁秀穎別裙釵絲雨芳晨滌紋牕画史排調羹曾不試品定列天階

玉蘭

香國生瓊樹臨風憶謝庭春溫如此厚高盼皎然青灶試驚雷莢牀堆相鶴經塵氛初不染月魄待仙靈

鄭心若留飲弘訓堂

兩足春膏綠遠村康成門館上潮痕七年夢寐思兄淚兩世孤雛恃母恩何忍分荆看死活可能開卷益朝昏關情老係葭拳切肝膈全張酒語溫

沈吉士表弟移尊花次

日午花鬢動風起沼采香一春何所事五畝似無荒入座逢

朱異開尊趣沈郎遊鱗閉可數襟帶亦輕颺

朱也亭妹倩移寓別墅開尊花次

一春花事不曾虛君復能來共此廬天下士多閒縱酒座中
客豈食無魚吟成泉石明芳潤老去雲霞託卷舒試問風塵
車馬足面圖鬚髮意何如

雨中觀串小集

竹樹陰濃雨未稀柴門漲影泊漁磯樽罍興合琴書應蔬果
藏開水陸肥天下何嘗淪士氣意中不復建雄飛獨租弛海
昇平樂且信黃農許少微

西府海棠

旭日初烘朝雨絲垂簷紅粉濕胭脂三春花事嬌如許五畝
深秀亭詩集卷之十四

七

風流爛此時有色無香非所憾微吟酣飲亦何辭瑤臺若擬
充環珮睡起星鬟喚阿誰

陳天用茂才嚴懲又學博集花次

綠柔紅吐意津津午可晴黃芳雨新客到頻翕矜二老家貧
文酒壓三春聊隨奎斗輝天象著甚羊裘問水濱海舶移花
偏照眼清時風物動洪鈞

小飲

小飲隨兒意留賓輒笑牽花光風日美書卷篆紋旋老漸羞
塵夢貧方味性天陶然灰萬事遐想落誰邊

陳天用嚴漢懋同學集牡丹花前

旭日晴薰穀雨寒一庭花艷五雲盤山家畫錦圖如此客座

清樽興未闌緬想謫仙供帶笑平教傾國任閒看元龍湖海
嚴灘峻若爲韶華賦大觀

黃霞建行人袁韋巷國博容軒大令許蒼友文學集牡

丹花前

廉纖穀雨洗芳晨日月光華霞采新坐到微酣疑解語吟成
無那惜濃春天榮琴硯風流甚客是冠裳道義親試問軟塵
車馬隊名園空鎖見何人

閏三月七日

行年望六閏三春只覺花枝似故人丘壑身甘圖西隱琴尊
坐展幻緣新開於無計動思舊瘦到孤撐硬食貧記取遊仙
鐘省後昨宵風雨夢何因

深秀亭詩集卷之十四

八

白牡丹

三月春深閏載遲洛陽佳本費追思瓊瑤骨相超殊貴王謝
風騷迥未知蟾蜍霓裳新舞褶冰心蓮社綻題辭名鼎黃紫
何須競特向山齋表素姿

神傷

神傷幕中惡七發詎惺然客散空庭晚花新白髮前無言銷
幻想不省到枯禪惆悵荀香座悠悠判逝川

黃霞建行人招集鴻遠堂

佛桑花透杜鵑紅人在春晴圖圓中濤影翠生依座石薰烟
時遙隔簾風江山王謝羸閒屬瓶拂宗雷笑未空薄醉支譚
饒楚楚鬚眉王客半成翁

小集待月

水際花陰綠晚烟襟期待月轉難眠閒從駒隙饒幽趣豈信
糟丘釀大年金壁光華書種子江山風物地行仙禽魚飛躍
嫺情性塵夢何勞不灑然

朱也亭妹倩同率蓮兒過可山八弟山齋登天馬峰飲
後復至神龜仙館

逸興揭春晚清遊走碧陰牽舟滑芳渚青眼洞遙岑欸乃沙
嘴出潑潑動水禽曲橋榆柳暗村舍綠幽篁同祖幾兄弟誰
抱住山心可山力詩學杜門好微吟相見無所事銳氣便登
臨一跨天馬脊高風當披襟殘僧瘦藤石塔鈴濕苔侵機雲
讀書處入洛悞就擒何如我貧賤醇酒且自斟薄醉趣載泛
深秀亭詩集卷之十四 九

晴午喧重音飛花打篷扇香引上細林黃冠修竹下掛客坐
橫琴彭真埋蛻骨丹井空遺深得聽華亭鶴徘徊鼓良箴
送春

百和香消亭午風難禁綠雨散嬌紅情如寄遠蒼茫外事在
無端痛惜中援客淹留樽數換登山踟躕眼偏空懷人莫盡
天涯畔脉脉長深江海東

寄宋嘉猷兗州管河郡丞

廿年心折梅花賦千里神交朔雁書傾我琴樽調草澤多君
軒冕下樵漁龔黃並駕宸聰渥舟楫掄材沙海儲爲約天
香清皓魄口碑當聽好秋舒

朝雨

朝雨潤芳林垂簾養道心爐溫薰力淺間靜回圖深借卷新
幽討橫牀畜古音開尊曾有約箸舫到蒙陰

七夕朱也亭茂才移尊雅集

瓜菓羅新味早秋澹雲疎雨約林丘絲桐久絕調鸞鶴銀漢
何關盼女牛王者香前天下士丈人峰畔竹間樓嶺眉藏拙
渾忘世恍忽神仙清夜遊

榆林李殿公郡丞見訪留集

芒屨蓬牕塞上翁林丘深慰渴懷中詩脾頗謝通神格道岸
羲皇食古風我輩幸堪荒位置面圖全妙坐清空爬騷不盡
壺觴興門傍驚濤浴日紅

集飲桂花前

深秀亭詩集卷之十四 十
消受清涼蔭碧叢小山金粟又仙風客因偶集雲蒸妙身聽
閒居鶴瘦同萬事塵灰餘酒德一秋琴硯願晴空湘蘭佛手
都携就高在淮南大隱東

僵卧

僵卧荒荒何所持夜深清聽海南絲閒愁到此灰蝴蝶遶岸
惺然認古師骨瘦松藤霜月冷心堅金石水雲凝平生慚愧
眞根蒂試問疎鐘舊紫芝

中夜

中夜屹無寐振衣忽起視花枝燭影下雅覺清妙對一新耳
目幻未始非良劑絡緯淒淒戶趨趨勤節次蟋蟀苟就鳴百
計取之去何得全章問英雄類如此淺步窺林表風露墨酣

矣涼月澹簾櫳窈窕入幽理誰能蝕精隨瀟酒出腕底情無
味道者與之宛元始碧落鴛片雲恍挹鸞鴒使隱隱維笙簫
彌遠而空存整肅益齋心獨待平旦氣

病餘

病餘等戰罷善退養綿力幽隱燭奸邪舒懷任坦仄又如雲
中山峰巒出未得林莽雖生氣可望不可即舊染滌新標飛
揚剪羽翼親串紛懣藉細細講飲食竹爐響茶經玉壺溫酒
德性僻列琴書技癢動筆墨盆葩購殊方向我作嬌飾燭花
夜夜紅香煮海南國風鈞約簾表高座暝惻惻肥甘累饋遺
可惜抱雞肋徐步視老鶴聳肩瘦峭直心田空秋蟾古本青
蓮域左右解仰體奔走咸盡職百年此巨悔支譚謹遏抑小
深秀亭詩集卷之十四 十一

中秋

銀蟾玉宇碧遙空載拜矜扶病體翁香散九天秋未老風輕
一線夜方中松筠門館江湖白圖圓鬚眉燭影紅已服清涼
師曠達賓鴻聲近廣寒宮

放舟

力疾任遠引蓬牕駕秋濤清遊天際想殊勝坐蓬蒿但畏水
風作長年氣不蒙簾鉤左右約形神爲蕭騷只願平於掌蓼
絲滑輕篙採菱古渡口曬網集村醪一一詩面境秀野生新
膏湖光泥鷺脰鐵甕穿城壕過江青不了山勢插雲高客從
橫枕看醒眼猶覺勞不如靜掩卷焚香深自韜

清曉

清曉澹涼月客情遠且幽茶鐘寬漁火僧梵出津樓夢破塵
緣薄身輕藥力投羨他群鷺白行止稻梁秋

廣富林

澤國風烟白秋林朝雨寒橋陰窺鷺影村舍接源竿野老壺
漿渡兒群菱米灘一從建 萬壽載德壯雲盤

天馬山

燕石何年去行空浪得名塔鈴風語活佛火鳥朝清從弟居
山麓殘僧伴戍兵機雲留不住惆悵誤書聲

漁家

跨水周籬落欄雲穿港門腥肥畜婦子貪賤足乾坤鷺鴨酣
深秀亭詩集卷之十四 十二

常收田疇秋乍捫不知驚吏虎學究識前村

青溪憫漁

顧此茫茫集田疇問水濱孤城吞濕影斷岸結殘蓼菱芡居
然熟漁樵厄此辰連年蠲賑活何道更安貧

晚陰

晚陰疑假寐傍水密漁舄放棹村烟外看雲山雨層客於圖
画冷路出鏡花棧病後嘗幽討農歌雜採菱

泊趙屯橋

一宿津梁畔蕭蕭暮雨多隔林青遠火小市盡斜坡靜飲江
湖氣孤行書画舸燈花紅澈夜客興待如何

千墩道中

一望汪洋浴浮屠獨語風晨鐘荒遠聽斷火濕迷濛貧到漁
樵急秋憐杭稻空如何勞無恤莫遣叫離鴻

竹色

臨流清舍曲竹色老秋陰客眼蓬牕與居人田野音何曾不
高節誰及此修林迴顧餘深惜幽然寄遠心

漁舟

漁舟集晚陣風雨逆波牽伐鼓逢逢下驚魚潑潑前畢生營
水族萬事謝塵烟慣換村醪近堤陰倦午眠

唯亭

碧水空天影人家夾岸開酒旗颺柳線戍壘占香臺市晚漁
蝦族霜清橘柚胎飛旌矜遠使叩命是何才

深秀亭詩集卷之十四

圭

賦得秋天不肯明

酒醒香消後頻燒絳蠟長如何風露重耐此客情荒鷗路鳴
雙雁漁家靜一航病餘愁莫寢瑟縮味蒼涼

登對門城樓

秋老闔閭城峩峩試一偵眼空輕翻路林迴度鐘聲斷雨洗
殘照低天束遠情承平蹄啣少留得野花明

一夜

一夜江濤沸秋宵雨倍長燒燈堅獨坐把卷撥餘香身世蒼
涼甚衾稠夢寐荒遙憐誰憶我穉子痛無嫌

胥江

滾滾胥江赫靈旗日馬行鬚眉生易盡家國恨難平有客懷

千古飄蓬戒遠征秋高落木候囊鐵帶霜清

山塘二絕

山塘七里半場師獨占花光換四時回舫笙歌移水國香風
人面故遲遲

雨後林樾濕翠凝小樓開處任閒僧不知何福消圖回掃葉
烹泉取佛燈

虎丘二絕

點頭石上可中亭劍氣銷殘白虎形今見飛龍親踞蹕山光
別是一神靈

酒適茶灶曲闌花盡是宸遊綴物華留得與民同樂處長
蟬佛日傍山家

深秀亭詩集卷之十四

古

水廬

水廬妙閒倚盃茗坐悠然斜日城陰薄幽葩樹杪懸五湖留
泛宅百里駕秋烟鑑此鬚眉碧時親鷗鷺緣

泰伯祠

絳殿歸然冷虬枝掛夕陽三吳禮讓祖千古德馨光託跡閒
如我清遊愛是鄉冠裳皆後起戰伐更何長

半塘

斟酌橋頭認半塘廿年曾住老徐孺秋風冷落梧桐院只有
湖光驚脰長

百花洲

錦帆開唱樂江南想像當年香夢酣殘照漁師沙鳥路居人

猶種柳珍珍

客指要離塚與真娘墓所在

要離塚後藝真娘俠客娥眉骨總荒浩氣剛風輕七尺柔情
空繞夢魂香

五人之墓

義憤因忠激相殉豈爲名道旁埋骨在市井愧公卿

千人石

一片青山骨橫披亘百弓月華晴好夜花事簇餘紅只合仙
環珮殊嫌醉竹桐我來萬籟寂默坐聽松風

劍池

窈窕崖痕綠晶晶金液涼遊鱗輕撥刺細草直孤芳氣活周
深秀亭詩集卷之十四

圭

山脉陰凝古佛尤真龍曾倚玩天影動當陽

虎丘雨望

烟水迷離面有無酒家花市待如何綠簑漁棹津津去黃葉
僧樓黯黯鋪夢寐平臨搖澤國荒唐誰計策狂夫不知斷斷
癡雲外幾處行龍獨繞吳

寄彭侍講訪廉先生

還征伏枕倦幽棲風雨聲中到詩溪一宿便乘秋漲去寸懷
彌負桂香西雲霞門第疑霄漢奎壁文章吐杖藜歸日定循
鷗鷺曲傾心剪燭聽關題

滄浪亭

名流舊跡半茫然搜剔風騷藉後賢公政豈因觴咏廢吏情

轉入圓圖綠松筠有骨張鬚鬚鶴鹿忘機任步眠寄語封疆
書卷客山川佳處正宜傳

瑞光寺

漠漠秋陰直高林肅遠風客情空若水僧侶集於鴻軟語茶
香雋虛堂塔影紅舊題萍遇席朝野半成翁

尋筠上人不得

不見筠公久客中思最深人傳著子靜門迴竹枝侵浪出鷗
難定時歸月未陰宗雷寧有幾吟吻戀知音

採蓮巷

鱗比征塵地芳名剩舊時波光紅粉立歌管圓船吹笛想溫
柔夢徒勞薄伐師眠鷗今不管沙嘴點荒茨

深秀亭詩集卷之十四

末

百花街

雙雙黃蝶小牕來巷口斜陽雨後開誰問吳宮香夢破一般
花草更新栽

聲菴

廿載披林兄雪屑環溪菱花綠痕吹經宵月白支茶灶滿座
花陰上奕碁古佛光華山寂寂閒雲淺澹夢怡怡今來忽改
雕闌色鎖斷鷗庄不許窺

盆菊

雅座得清供秋花無此高一株明秀削二尺挺蕭騷酒德陶
元亮詩情何水曹不嫌新影瘦對我老霜毫

晚山

晚山新似佛頭青
烟泮雲除雨乍醒
客眼有人天際濶
幽師無骨筆端靈
空明以外輕遙隔
西北之前出景星
百歲倘容閒管領
何愁鶴鹿不仙形

錫山道上

鏡水碧悠悠
秋風蘋蓼洲
槽牀香十里
石岸揭層樓
鳥語笙歌沸
峰嵐霞影稠
薄陰吹客袂
無礙暢清遊

酒家

如灑密崇北
遠勝步兵厨
我惜三蕉盡
實留大戶娛
山川行處有書函
載時俱戀戀
垂楊畔捐囊
豈是愚

慧山

士豈無雙目
山登第二泉
不愁小剎後
已快老秋前
茶熟僧來煮
亭詩集卷之十四
七

煙葉風青村樹烟
斜照明萬象
往往轉新妍

古榆

完樸臨幽徑
千秋障法門
蒼蚪掀禿吻
劈斧險燒痕
乃信山爲大
其全佛是恩
停陰無赤日
環植拱兒孫

白松

古殿循簷起
飛濤散遠空
碧雲瀾影化
清氣直鴻蒙
月浸胎禽窟
山高覺世風
品泉靜蓮座
一撫夕陽紅

山徑

一路天香引
午風不知深
隔女牆東僧
離細指虬陰
曲貼岸雙扉
橋影紅

秦園四首

慣識名園古今瞻
宸翰新林泉谿雨
醒魚鳥向人親
洞達先臺樹嶙峋
滿座茵幽然經數
折意覺斷纖塵

泫水穿巖谷
噴龍日夜盤
簾衣侵遠瀑
苔髮長虛灘
石丈秋陽炙烟鬟
晚渡寒竹離茅店
外十里半漁竿

十丈橋平岸危亭
鳥道高幽圖空想
見涉歷且神勞
客眼遙花射天風
落葉搔輕鷗
眠又起拍拍啜溪毛

顧影惜迴步
山青似引裾
鷗情如此美
秋興不曾虛
淺酌思泉釀鮮烹得
網魚歸舟一讀回
懶達王翁書

宿慧山下

遊倦歸舟晚鐘聲
到枕長山風喧夜半
水鳥掠寒光酒醒雲霞
夢泉新性體香撈蝦
紛小棹野市沸潮忙

秦園亭詩集卷之十四

洛社

湖水匝原隰
通村荷美名
秋高將社鼓
雨足漫蔬穉
古處雞豚習
顧蒙草野情
環橋津路滑
生計盼行旌

晚次毘陵驛

浴日危橋動
牽風濁浪高
嚴城臨水驛
散騎擁官曹
腥透罾牀密
閒尋花圃勞
吹簫何客舫
遙佐一持螯

夜過奔牛

中夜發奔牛
天晴月一鉤
寒蛩低石甃
宿鳥噪蓀樓
露重漁簑滴
風平菰米浮
吳歌來枕畔
夢散海江秋

新豐鎮

列肆營高岸
停舟肉食多
江湖征土埂
村樹接雲坡
葭葭稻家

新社編葦歲是科銜途愁濫役廉法近如何

泊丹徒

挂月橋陰直鳴金燎火傳圍圍齊赤壤儉歲白荒烟潮長眠
漁動鳥啼落葉穿清宵曾不寐燒燭更奇編

橫林

停午過橫林溪烟漠漠深板橋風葉路土屋草蛋音豆黍空
無稅魚蝦取不禁可憐寒赤子撫字幸勞心

海烈婦祠

惆悵風斯下鬚眉愧此祠不知瞻仰客可是性靈詩漲形肅
蘋采秋陽動栢枝月寒霜皎夜斷雁叫孤雌

毘陵早發二絕

深秀亭詩集卷之十四

尤

經宵不寢待如何漁火光中掠遠波好句清從故枕得空懷
散作野烟多

毘陵驛口冷於山獨客虛舟江上還細雨六花偏不惡幽情
渺渺夢魂閒

呂城

風轉布帆平晨吹到呂城漁樵投過客雞犬望連衡白醖青
菱實新春紫蟹羹高岡今樂土清宴洞柴荆

秦椒

八寸磁盆白秦椒百點叢性含姜桂辣羹刺血腥紅客眼斜
陽外鱗牆野肆中杖頭軟語舊酬興憶新豐

五更抵京口

柔櫓趁雞聲悠悠向遠情餘香吞硯濕除病幸身輕漁火寒
空通沙洲宛轉行篙師占鐵甕爲報曉風平

北固山

曙色明蒼翠風光撼怒濤維舟絕巘側放眼碧牕高南服懷
三國羈情感二毛到來仍易去不及待題鱸

金山

萬頃碧琉璃光華突轉奇無雙泉眼出獨占塔鈴危波靜山
方定秋空翠不移江天如此象宸翰佛恩垂

泊維揚

每向隋堤泊柔情便黯然夕陽薰兩舫翠影拂晴川惆悵繁
華夢飄零去往年玉鈞斜畔路塵起帶花烟

深秀亭詩集卷之十四

二

高郵州

方舟古堞泊瀾瀾水氣風烟上築基市俗只喧皮酒價鵝鵝
不藉稻梁道帆歸天際遙情落日薄漁家射影故何處故交
來握手夜深剪燭坐敲棋

酒家案頭見盆菊

酣霜宜向秋田裁瘦伴常盤細細開客路偶經青眼煥衙齋
誰遣白衣來金盞露滴清新釀玉液光搖撥舊醅好進延年
須大斗杖頭消却是詩才

過邵伯

市廛擾濁浪土阜耀秋陽幸得豐年兆能安瀕水鄉沿灘疎
柳碧潑野覆雲黃迴顧思宗子名方粉署香

謂東方

露筋祠

網常壞難忍淑秀死堅貞一夕痛吮血千秋憤聚聲空塔蟾
影碧寢殿土花盈肅鼓洪流去心香一瓣清

吟首

挂席輕百里轉瞬達吟首風光勝昔時相顧足飯糗耆農喜
余問歷歷蒼清畫大資慙帝恩租蠲而野繡一畝收二石
獨不被淹覆天憐鳩鵲形特意還樸慙客情切痾瘵無乃樂
補救笑彼堂上官催科束兩袖只是怨官貪不曾審民疾我
聞俯默然察刑隱雙絢

夜過寶應

燈火危堤屋星河寒影波揚帆還宿雁擊柝散平沙魚躍沿
溪秀亭詩集卷之十四

主

蒲淺風拍官柳拖悠悠撥撥意何事近南柯

抵淮陰

返照城濠濁浪紅釣徒死後絕英雄蓬牕囊鐵懸空誓我是
高飛大冥鴻

韓侯釣石二首

一片清花石長埋濁浪吞英雄羞歿世貧賤易啣恩可惜王
侯夢徒傷漁父魂築壇驚視聽不若老津門
水濱何足戀仗劍撤漁竿一釣真龍準載芣沐猴冠長貧甘
豈易驟貴保殊難何獨漢恩薄秋風不成寒

九日含萬姪燕譽堂開酌

晴秋何處向霜花千里離鄉却一家
葉葉儘饒陶令酒鬚眉

能悟趙州茶路當淮海驚濤拍調轉伊涼急鼓過雁序雖殘
雛鳳好老懷開興似飛霞

仍園登高

隔渡陰濃秀遠峰赤欄橋畔倚芙蓉門遮仄徑羞紅袖樹駭
危亭老卧龍疊嶂撩雲三洞月參鷗認客一籬風徘徊妙在
非全到略試憑高聽晚春

湛真寺秋色

色相絢如此空山秋復春蕭疎非一致幻化是何因蜀錦朝
朝濯流霞片片新僧牕嫩嫩獨閉閑到老詞人

漂母祠

一飯哀偶進千金重報恩憐才無此母忍餓有王孫落落荒
溪秀亭詩集卷之十四

主

祠古悠悠漂石痕肅瞻巾幘座雪涕悵乾坤

依園四首

一棹風渾活蒼茫無定秋樓臺夾岸起洞窺隔離收選勝先
藤座迎陰繞竹溝晏然空際響雙鶴在峰頭
傾笑撥芙蓉平橋踏卧龍門穿石竇窄林樾薜牆濃一徑開
軒朗虛堂靜碧落畢宏生妙染凝翠隔牕松
水際插山脚青天削朶雲明張寶晉洞秀比到公文爽開甍
周望閒花點細薰何人朝夕對眠曉讓鷗群
園以水爲繪高低上赤欄荷香思粉澤柳線碍衣冠客與遊
鱗狎禽呼落照寒日歸翻覺懶回首更宜看

淮

滾滾驚濤疾淮流終古黃濁分沙海利澤刷柳堤長風土圍
蘆住王侯一飯荒從無泛濫高低患在維揚

遇書田上人

看花閒踏過僧廊何意逢君話故鄉書圖翻因能事逼山川
難越客蹤長霜鴻叫月燈牕冷竹杖挑雪草木香淮海卽今
誰一飯晴秋且共古重陽

青蓮巷

依依楊柳水盈盈似得祇林一衛城佛座遙青空際染僧牕
瘦影客中明肯將菊圃延陶令漫笑塵寰昧菜羹蟾魄乍升
山更寂板橋吠犬互登鳴

遇南齋岑外河郡丞

深秀亭詩集卷之十四

重

危堤匹馬見衝風驚喜相持到轉蓬有淚不彈生割痛無家
可破奈賠公波濤沙海升沈上夢寐冠裳顛倒中世載甘棠
深雨露劇憐助理悵囊空

雨香菴贈敬原上人

委巷衝門停午晴幽思却榜雨香名衣探墨瀟瀟爐紋熱座逼
書帷霜氣清白鶴翎前支笠影美人蕉外度經聲一叅色相
真無着我是宗雷水乳情

舟停卽事十三首

移得青山幾座掀開白浪無邊暫繫淮陰道上躊躇漂母祠
前

隔渚先逾土硬尋僧兼問霜花客是賓鴻高遠山齊立馬低

遮

密樹陰圍欲雨平池烟長如雲竹杖橋拖僧侶蘆花風打鷗
群

舊雨多荒列第寓公却擁名園水面樓臺曲折雲頭圓面更
番

偶踏僧房選菊特延客院題詩瘦骨硬撐石角深衣細惹香
絲

曉色星河纒纒寒光林岫濛濛花萼蓬牕乍啟金猊香燼餘
紅

茶沸熱噴魚沫香清低罩溪烟山立舵樓空際人窺秋岸風
前

深秀亭詩集卷之十四

重

宗黨居然老大法門不昧荒唐沐後身心皆泰醉餘物我渾
忘

竹巷牆陰五仞壩基湖嘴千家客影日斜常見花枝簾動還
遮

踏月笙歌忽到挑燈書卷重攤我在烟波圖圓人疑洞府衣
冠

節屆重陽前後舟非險道欲斜未覺秋風蕭颯半吞水月光
華

石荇細開蓮瓣木瓜香蘊鵝黃坐客支譚娓娓光生襟度洋
洋

得放輕如釋縛送行無那增酣官柳漸遮淮北布帆已過江

南

三岔河瞻塔院行宮

金碧蓮臺龍象新 宸遊三宿布陽春山川自得雲霞媚天
地何私魚鳥親竹蔭梅梢勤故事炊烟鄰屋恤商貧仁慈孝
敬前無古定省行厨日數巡

贈王宗魯別駕署篆山陽

諸王聲樂不尋常藉理雲間琴鶴堂近向湖山盤錯見深邃
節鉞姓名香風流又借看花縣撫字殊勞問水鄉路出淮陰
催道舊秋成晴處晚春忙

清江浦

曉色清江浦煙烟滾滾生船頭旋肅虎嘯嘴良長鯨雲展靈

深秀亭詩集卷之十四

王

旗掣風威浪爭群工趨効職何日報平成

黃河

九曲滔天動地鉞魚龍晴沸日蒼黃金錢百萬填終古壩壘
三千成大荒春漲秋風還希插宜房瓠子憶星霜宸猷饒
溺齊神禹薦版誰開買讓行

舟行卽事十六首

水穀平拖面漿墨花濃上濤箋去路滑於空影輕身何啻飛

仙

挂月帆行雁宕牽風柳蘸沙岡順逐變遷無定紛紜絡繹何

忙

晴旭精芒射水遙岑碧影冲天客老翳眉壯氣花開粉澤新

妍

沙海日高風正驟幢簾卷香清縱有蛟龍攝伏誰將金鼓齊

鳴

洪澤湖頭霜月桃源縣口風烟明有鯨鯢土窟遠聽雞犬桑

田

下相城空殺魄北橋人散仙風跡在死生顯晦天何成敗英

雄

一夕帆飛百里萬行柳拂雙堤身與月華輕泛心清雁語空

低

黃葉乾颺沙脊青山遠探船頭客座漫支寂寂天風只聽颺

颺

深秀亭詩集卷之十四

王

濁浪險吞兵甲遠山青對鬚眉客况消爲茶味行程滿過輪

期

客眼冷窺霜月布帆斜趁河堤幽夢寒庄漁唱烘烟爇鎖雞

啼

卧看遙青不斷行參弱植何長似有留雲佳處寧無近水寒

芳

明見龜蒙兒嶧遠經河濟江淮期月蓬牕燈火百場酒醖詩

牌

柳色霜華未老山光月影增寒曉氣遙情冉冉倦來餘習般

般

相問幾曾相識今朝未定今宵不事親疎氣岸只看利往風

標

老鶴熟馴勝妾枯僧強作蒙師事怪出人意表仙何歛翩樓

遲我已無心擊楫風如有意揚帆若問名場香令依然退谷水

南池

一泓碧影澹鬚眉垂柳亭陰老杜碑客况我還憑蠟展詩情
誰是入鑪錘霜寒雉堞疑排岫葉落虹橋漲晚吹回憶故交
樽酒處黃鸝啼徧回船移

雨夜宿魯家橋

風雨危橋夜關河擁開流燈昏披力倦客老病時愁惆悵勞

深秀亭詩集卷之十四

毛

生夢淒涼黯澹秋方知逸樂地松菊似丹丘

任城

五年不上任城樓樓上風光感昔遊詩酒依然賓主座星霜
無定往來舟亭皋木末搖空翠魚鳥沙汀曬老秋今日清衙
誰置驛浮雲一片夢悠悠

太白酒樓

霜葉危樓壓古城酒星長耀謫仙名冠裳駐足今無地水乳
風流主舊盟極目飛鴻天路濶憑欄繫棹客蹤情一尊欲薦
公知否釣海狂吟亦我生

輕航

從遊四五輩適坐一輕航荻岸周遮膜莎汀宛轉長名園隨

指點繫棹輒飛揚不讓兒鷗滑伊人有去方

泛水

泛水堤邊一繫舟餅師門館也風流自言夫婿供河役楊柳
陰避遊客羞

宿桃源驛

晚次桃源驛家家插酒帘鳴鑼騰水影繫棹庇茅簷客老邊
風大燈懸午夜嚴忽聽金革震狐假氣巖巖

金鄉早發

撥火烘殘月穿林撲曉曉霜棲烏神宇暗躍兔甫田荒古壘依
僧閣空池照客囊不知風瑟瑟何處木瓜香

飲陳方砮大令城武官舍

深秀亭詩集卷之十四

毛

穎川世澤長江東民社初鳴雉尾桐客到頻斜霜照膽官閒
襟度目飛鴻饑號歲餘村莊淚撫字心盟召杜風一夕花光
香座語提壺燒燭別匆匆

次曹縣

曹南古道樹婆娑落日平沙上遠坡舊德幾家推趙壁寒烟
一曲走黃河土膏如繡霜華白峻宇連雲亞字拖二十五年
重到此低徊無那變遷多

邊周啟二尹招飲松軒

誰向風塵問舊遊多君世誼特綢繆壺觴情味西京賦冰雪
聰明庾亮樓蜜珀木瓜圍案帙珊瑚天竹壓簾鉤待官如此
聊棲鳳不愧承家第一流

留別于霽亭上舍

膺滂千古誦前人宦海清流定食貧茂苑我曾公祖事曹村
君是世交新惺惺翰墨開生面瑟瑟霜花醉小春可惜驅車
分手易飛鴻明月叫南賓

留別宋嘉蕤郡丞二首

中秋帆挂小春歸牢落風塵事事違幸對鬚眉思舊德親同
秦晉亞光輝霜花回浸水壺月簾幕歌翻金縷衣接席仰觴
更鼓熟餐魚殊勝武昌肥

繼繼臨岐未許分朔風無奈掃流雲關河倦客青衫薄水雪
寒潮白馬群滴力燈花支驚夜香綠墨藩怕殘臘肝腸實歷
惟知已病後馳驅抵一軍

陳秀亭詩集卷之十四

无

留別趙石州明經

名重連城好弟兄居停列戟舊通門人如桂栢松筠勁劍合
風雷星斗吞大業文章供客照小春臺榭醉冬溫英雄別緒
偏關切長憶平原聚散恩

和袁崑海學博四雪詩次于霽亭上舍韻

聽雪

打疊丁鐺鐵馬輕寂然萬籟似無聲渾鐵如掌茫茫鴻不住
寒濤隱隱鳴塵夢空消風一縷乾坤洗出月三更神仙鶴筆
分明動太素文章氣象生

臥雪

莫訝朝來擁被遲山童驚報歲寒空風林蠟屐人誰到紙帳

梅花蝶可知欹枕目空思酒德薰爐靜沸茶時朝衫不着
同僧懶造化於今任小兒

映雪

低空一望凍雲稠銀海光華萬象浮鶴背有誰虛命駕書齋
偏射淨風流只宜圓四峩喟痛不是蒼涼蘆荻秋秉燭何須
烘炙夕懷人訪戴亦清遊

嚼雪

熱血難乾冷眼狂菊英梅片味誰長膏盲直抵清涼散齒頰
還生一寸霜鐵漢錚錚共嚼藍田閃閃玉爲漿水壺濯魄
同清況老子胸中有太陽

于霽亭上舍邀同袁崑海學博坐飲卽事

陳秀亭詩集卷之十四

无

畢竟名流風致儲篆紋細帙擁亦廬簾前異彩青鸞尾酒後
新烹白雪魚剪燭疎鐘探月近論詩密坐味茶餘清衙折東
施賢切知已門停長者車

霽亭步月親邀再飲卽事三絕

具率何妨更一來相携踏月坐啣盃漁人枉復桃源去那似
于門得大開

鐵畫千鈞華國文鼠鬚百折勢山雲家藏書四前人跡悚息
挑燈把夜分

三年童酒撥牀頭峒峒香生兩腋秋從事樵青無不妙舊家
騷雅絕風流

趙石州明經招集袁鳴陸枕流園二首

負郭青村近平堤一曲長牽風先問柳逗眼試循牆野色橋
陰合山清土阜強王人名卧雪花郊小春黃

入座林泉畫登樓襟帶風栢屏香有骨茅舍僕而工選石莓
苔綠明牕天竹紅悠然雲影外無際碧濛濛

夕照城隅動歸途信步徐鵲兒操水殺雞大雜烟爐自着名
山展誰驅下澤車明明圖面裏只是少樵漁

次于霽亭上舍四雁詩四首

候雁

誰寄緘書盼遠空梧桐蟾蜍夢花風百年世事星霜換萬里
秋濤魚鳥通獨客可能無滿伴香闌深鎖剔燈紅柳蘆列陣
遵時約塞北江南夢想中

深秀亭詩集卷之十四

三

聞雁

鵲橋駕後廣寒清嘹唳來賓喜乍驚玉兔無聲輝夜靜銀河
有字度參橫秋風易老關山夢霜菊如同鷗鷺盟不是吹笙
王子晉上林傳語憶分明

留雁

社鼓將搗紅雨飛雲天有路亦當歸殘香雪眼青苑暖到
沙汀浴釣磯關塞杳如魂夢寂稻梁空夜鰕魚肥雙雙衍得
人人見何計相遲望德輝

送雁

習習征行不可留青山迢迢水悠悠紛來觸緒星辰散聽盡
孤蓬客夜愁三疊陽關桑落酒十年鄉思仲宣樓揮絃目斷

空天外相待蒹葭玉露秋

丁亮公置酒送別二首

惜別莽無計開尊不可遲超超此傲吏戀戀是催詩鐘鼎家
聲振風塵客夢疑何邦重握手努力建昌時

土垠花開月鱗牆竹葉風連宵評酒德遠客坐燈紅官擁江
河氣名從翰苑通丁以翰林院孔目改補瀕行耿迴顧我輩感焦桐

謝別丁亮公主簿

名父文宗八閩清斗牛劍氣出豐城翩翩豈屑王珣秋惻惻
深懷賈讓情顧我客齋霜葉冷多君酒力燭華明衷腸有句
因人發天半高鴻月轉聲

董酒

深秀亭詩集卷之十四

三

老客諳風土味酒如擇友其尚在清冽端體貴純厚要當撥
舊醅養足而藏久古曹董酒名遠布高陽口不知所從來開
樽若粗醜徐飲讀陶詩雋永得未有籬菊飽霜酣蠟梅傾囷
阜庶幾此春色津津書面數耐咀不任吞寒夜佐剪韭膏騰
入葛天白浮青蓮斗賤彼甜於蜜媚人輒欲嘔易水聊弟視
惠泉望却走品格漢高士郭泰誰敢偶世途昧公明乃可謂
余否不然別嗜好強合不可苟

題于健翎印譜

我渴慕健翎疑彼力如虎健翎一見我謂我目非瞽手持方
冊秦漢章欲前不前舌半吐惟恐此道不足數小技末學醜
名祖吁嗟公孫無時調乃收才氣摩上古游戲玩弄遂成癖

操刀劃石明切土探禹穴讀石鼓分斯邈稽鄒魯仰星斗訪
洞府仔細毫髮膽射弩審的象意著韻譜深入淺出良工苦
羣磊落落整儔伍空其所空密或補造化通神方寸堵秀則
鐵花冷而臚勁於鶴骨健可舞吁嗟乎公孫豈肯埋頭作訓
詁偶一爲之勝基賭他日廊廟辨鐘鼎免笑書蒙然迂腐我
無一長敢告君與劍空囊殊不武驅車別去繫相思迴顧曹
南日乍午

凌晨再飲陳石城大令城武官舍

三更寒月洗征裘鎖鑰呼門侵曉投官閣乍開霜葉徑賓筵
急進玉缸流鄉思脉脉深車笠絮語惺惺惜馬牛舊魯遺風
還易化知君保障有弘猷

深秀亭詩集卷之十四

重

金鄉道旁花園

潦水寒塘曲岸侵石橋門館挂藤陰危樓勢占孤峰出老樹
奇撐落葉深客自肩輿青遠盼花留屏菊觸閒吟雲霞退谷
家何在殊悔風塵轉轉心

單村早發

凜冽霜花午夜明無端魂夢事長征籃輿縛酒張帘動瘦骨
披裘抵鶴輕樹影縈光寒悄悄馬嘶牛鐸一聲聲單村風土
居然勝厚貼金鄉底武城

早抵夏鎮

平明臨夏鎮湊泊號烟寰豐沛雲龍氣關河齊魯間禁寒思
卯酒問俗指童山駕艇爭探客歸然兩髮斑

韓庄夜泊

昏黑韓庄口茫茫沂水明魚鷺船百匝酒肆火三更薄夢心
旌動荒隄野吠征客中多畏影未敢做褻輕

百三老翁鄧文獻

散步任城南見一負暄者瞠目視行人細捫若瘡啞悚息問
老翁庚年逾兩把平生無他長不着些子假身雖涉城市而
心輕野馬多收十斛麥餅師自能打豎之貴交感世網從不
惹未曾上金門留連只里社我其安我神肆意在山野灰頽
魂夢清微微倒玉斝變端家國間閒愁直用算以此娛葛天
七尺得全瓦長男過古稀諸孫厭遊冶齊眉尚康泰比我顏
如赭竹杖不須扶形影樂瀟灑聞之却惺然徘徊仰楸檟

深秀亭詩集卷之十四

語

懷同社諸子

別夢依依鴻雁秋神仙可馭碧雲樓三千里外關休戚二十
年來老侶酬未必林泉非善退端思鐘鼎亦難謀菊英黃後
梅珠白料理幽芳仗酒籌

懷陳茂才天用

鶴骨珊珊老益堅雪霜鬚鬢白飄然清流不覺師陳實道岸
依稀化葛天秦塞徵書何日到梁園授簡幾人傳巷南郭北
時相問梅萼苦應待醉眠

懷嚴司訓愆又

同病相關傍一隅君方頤養我長驅休來不厭儒官游羣後
何堪客夢臘山色樓頭開氣象松風竹影待踟躕歸囊得遂

平原約清秘圖書令守愚

懷朱茂才也亭妹倩

酸辛負土凜寒霜借力哀衰刻不忘病到劇時誰痛惜貧瘦
喪後絕荒唐維君左右家能共悔我馳驅客倍管豚犬擎樽
晨夕侍居然笑語可無嫌

懷殿求弟

我病強行弟卧難進心鄉曲豈能寬臨岐忍咽三升淚噩夢
驚迴九里灘酒酸可溫開笑口藥囊何味是靈丹松筠若勁
凌霜雪欹枕時聽叫雁寒

懷家別駕若愚

宿遷江口雁行鳴曉日風颿憶去旌重到豈知非舊署調繁
深秀亭詩集卷之十四

姜

方薦謁神京城臨鐵甕襟喉壯潮湧金山心眼明利濟水鄉
端此席飛揚述祖卽官聲

寄家侍講雪石

來去南池上酒樓十年離緒悵悠悠如何咫尺雲山隔不及
深更翠硯投築館松風生遠岫移牀藜火照清流綠知倦掣
當時驛誰料行蹤逐馬牛

渡河

濁浪魂驚沸遠天黃沙雷動捲蒼烟魚龍腥黑空濛象檣櫓
微茫造化權客傲顏肩張膽力酒流塊壘待山川乘槎去後
何人到星海支機亦浪傳

賓霞姪邀飲

淮水湯湯噉釣磯相家灣口遇萍依燒燈誼赴樽壘約仗劍
荒知道路非金石宗盟期後起廟廊主角薄輕肥蒼生熱血
江河淚只盼重申元老威

寄王公廷大令

永光精舍歲寒青觴咏連牀聚客星一令幾人花事換十年
刺我鬢絲零如何別思荒岐路不道名聞上驛亭寄語匆匆
曾達否雪霜鴻影卻遙經

淮陰早發二絕

拍枕披裘亂曙雞樓船直下楚雲西杜康橋畔旗亭出漂母
祠前沙草齊

釣臺西望凜清寒氣晨炊擁夾城客況苦高盆火熱洪流
深秀亭詩集卷之十四

姜

打漿雜聲

過邵伯懷家水部東方

十年離緒水雲長弟自京華我故鄉門館偶經冬日晚雁行
遙聽客牀涼官仍郎署襟期壯詩到池塘性體香記得解衣
資襖被思親爭送急南翔

香阜寺

嚶吭晴翠碧搖搖紺殿金輝雲漢標潯拍廣陵通海國僧留
西蜀長叅寥空林野雀簷鈴喚法座爐烟花影消開看舟車
紛絡繹竹西酣夢落紅橋

野水

一片鷗庄滑悠悠清淺明荒堤疎柳漬蕭寺短橋紅夕照閒

添影無聲卻有情幽思遠引外雲氣竊然生

渡江早眺金山

萬頃琉璃湧碧峰參差樓角仰蒼龍空天着我風帆白瘦鶴
如人水檻逢塔院寒方浮小澗僧房宿雨落高松一經
宸翰昭雲漢氣象光華浴日濃

雪夕

水驛風村釀暮寒六花初似柳花殘不嫌衝客留鴻爪卻畏
輕舟滯鶴灘把醺聞爐香座白攤書燒燭撲裘寬蒼生望瑞
寧無淚莫道我眉積玉盤

沽酒

雪花風急到毘陵繫棹忙呼酒似漚二尺白魚九寸蟹漁家
深秀亭詩集卷之十四
知我興偏增

剪燭

蠟展高烧夜夜紅何妨風雪滿江東樽罍已辦權從僕囊橐
雖荒趣轉豐

雪朝次橫林

熹微撥棹刺橫林村落溪烟雪乍深圭壁文添圖面骨江湖
客抱歲寒心薰留荀坐衣邊納味在陶詩杯底尋曾憶故交
青竹塢紅樓花步速登臨

小金山眺雪

繫棹憑欄上曲樓六龍曾見隔年遊僧牕風雪今無染客眼
江山第一流玉琢泉亭封石甃鐘來塔院冷松楸前岡攢得

蘭陵酒便放雄懷拜醉候

雪後

雪後雨絲絲潮生薄暮時爐紋青繞座酒醖熱吟詩客老披
裘禿風低度雁遲前途三十里行止問篙師
過虎丘三絕

濕翠蒙陰此一來沿堤花市重霜胎匆匆解纜還留棹僧閣

紋牕擁笑開

薰葦暖撲蠟梅黃那得當爐不解褰昨夜雨新澗水碧生公
石畔動天光

真孃堊後住山僧雪霽幽葩綴幾層客眼詩囊收拾去松針

遙刺亦闌憑

深秀亭詩集卷之十四
東陳滄洲太守蘇州
盤錯頻遷味豈甘蒼生望遂又江南氣吞雲夢襟期濶遇似

松筠霜雪酣冬日村春歌萬井黃堂茂苑蕭澄潭鄰封庇近

編氓下但敢詩文達此函

宋嘉蕤郡丞惠素心蠟梅

花以素心名胎是素心友黃梅超異派詎止貴磬口遠歷二
千里舟車換八九客中共晨夕漸染對文酒約約綴金鈴含
芳未易剖珍護到芸牕可託歲寒久

冬夕

平江昏雨滯懸燈令節他鄉酒一升永夜怕眠星眼潤客囊
潛瘦劍花稜域中雲物微滄海世外鬚眉見老僧冷若閒鷗

偏着點蓬牕別去仗枯藤

青花菴

斜扉半掩水痕蒼
薜荔權奇洞女牆
雨過閒庭生客影
牕虛古殿散空香
雙峰直秀雲濤豁
一樹能留霜果黃
不信淵明恬澹極
酒懷到此尚難忘

送別許綠洲文學

風烟五日伴征鞍
橋櫓三番換急灘
酣膽每思排海嶽
騷壇豈肯雜申韓
貧骨傲松筠雪健可
鋒摧神武冠
分手斜塘鷗泛去
何時簪合到長安

疊前韻

一上風帆勝跨鞍
每侵霜月瀉鳴灘
樽前已覺空齋魯
眼底深秀亭詩集卷之十四

元

今誰是范韓
夢寐豈容閒
化蝶神明應戴觴
邪冠儒生熱血蒼生淚
砥柱還聞起謝安

三疊前韻

山近毘陵青馬鞍
潮爭萬弩過嚴灘
從來學術端
師孔豈有名流不識韓
強項敢論天下令
冰猴羞對漢時冠
上林花發君須待
三策彤庭獻治安

四疊前韻

江山險阻歷筵鞍
撥盡雲根冰雪灘
聖代一天清
化域要荒萬里寂
呼韓燈前閃閃囊中鐵
殿上錚錚柱後冠
到日墻東梅萼綻
憑君先報過淮安

泊新庄鎮

古治清江口
新庄茅宇黃
停舟戢雁羽
響鐵鳴機槍
月白蛟龍窟
風腥枕簟霜
不堪憑戍壘
惻惻涕洪荒

李家堂

一水城隅碧繞堤
寺門空處亂雲低
霜花滿地無人見
茅屋連林有鳥啼
偶到客蹤參古佛
閒消僧况拭枯藜
茶鐺掃葉頻燒芋
忽覺寒香曬日西

新安鎮夜泊二絕

密雨新潮長夜寒
燭花紅肯照杯乾
同鄉舟傍他鄉縛
一問眉低行路難

浙潮江水此相通
岸口蓬門榆柳風
一夜留牀簑笠響
船頭時探冷漁翁

深秀亭詩集卷之十四

早

何叱瞻太史過訪舟次話舊

交深兩世舊通門
班馬聲聞動至尊
國士特彰中秘選
儒冠不愧執經身
非久放雲霞
鬬淚是酸墳
霜露魂半榻
豈留書圓舫
新花纖雨上潮痕

垂三姪迎娶李氏爲司農子靜先生孫女以王張兩河臺擇令執柯王婚

圭璧藍田種此朝
房中樂府奏更調
香車御李乘龍遂翠館吹簫引鳳遙
宋郡丞官舍花燭
擲菓滿看春夜月
揚帆穩趁歲寒潮
赤繩雙繫河源使
我實馳驅王下僚

詔免江浙兩省明年地丁全額恭紀

帝恩深到海江寬
千萬蠲書扶杖觀
蒿目哀鴻雲乍集
繭絲

吏虎吻應酸雨花臺畔登山履西子湖邊把釣竿南渡六朝
貢壤在生民從未得今權

吳歌二絕

一聲柔艣遠空來霜月光中掠水開響屨繞梁珠串落何如
野調得新裁
斷續風騷聲轉多拖烟小艇帶漁簑垂楊搖動輕潮拍客沉
其如清籟何

歸來

歸來門巷月三更老樹寒潮雙眼清拍枕懽迎躍虎子擔囊
儉削剝龍精虛堂墨采燈花映書幌松醪玉竿擎遠歷秋冬
征翮倦特全一諾蒼蒼英

深秀亭詩集卷之十四

聖

除夕二首

春色新開舊歲寒衙門青向海潮寬勞生瘦我逾霜鶴交道
看山刺簪冠客夢幸消千萬里閒居高上兩三竿椒觴蠟炬
兒能勸爲放醺顏勝大丹
丘園只是五湖丹何物深情任去流病到無名偏證入貧如
戀舊却添修旅紋墨彩懸燈座梅萼松針隔水樓星斗一天
輝靜夜圍爐紅覺暖披裘

深秀亭詩集卷之十五目

元旦

健園也亭園坐

探梅

盆中綠萼忽變紅梅

陳健園招集

寄郭春薦明經

春雪

經白燕巷弔單獨巷先生

梅時

又

夜坐

陳山農招集

雨中袁章菴園博招飲

張上舍敦自招集

徐心在上舍招集

李天木大令招集

李東臯侍御集花前

沈霖蒼招集送春

葉容士文學招集

題甯振齋雪嶺省親圖

深秀亭詩集卷之十五目

一

酬方會齋廣文

李素璞明府小集

次韻酬湯碩人

史維垣新移村舍

阻風普陀菴

也亭惠益松

淳元惠水仙花

新雨

夜雨

雨窻

紅梅

綠萼梅

玉蝶梅

元夕

梅開

程龍鑑朱也亭集飲

賦得綠楊花撲一溪烟

雨

對梅

種蘭

梅下

看杏花

和陳咸京文學咏傀儡韵	秦作丹少尹見貽芭蕉
酬屠莘塋	倒疊前韵
酬則書上人	滌池漫興
花朝	社集
城隅官舍	息焉漫咏
六十拈韵	東
冬	江
支	微
魚	虞
齊	佳
灰	真
深秀亭詩集卷之十五目	元
寒	刪
先	蕭
肴	豪
歌	麻
陽	庚
青	蒸
尤	侵
覃	鹽
咸	高司訓嵐峰招集
九日	石秀才對菊

無酒吟次韵	雪朝
送陳健園表弟	秋曉
雪夜	梅樹
梅枝	梅蕊
梅花	梅晨
梅夕	梅窗
梅巖	梅村
梅菴	梅魂
梅格	石上松
盆竹	賦得臘近已含春
逼除	把酒
深秀亭詩集卷之十五目	三
除夕	

深秀亭詩集卷之十五

雲間潘鍾麟層峰

康熙四十八年己丑選一百八十三首

元旦二首

樓臺佳氣直林泉清曉晴開萬井烟有客鬚眉來鶴髮無花
香骨不書田廛驚江海三千路款頁

君親六十年龜勉朝真還自勞屠蘇蘇境面圖前

翠幕南軒不放垂行年初試杖過眉日華高處遙瞻

闕樹影低參近接陴新我墨花隨意發窺人禽語轉簪吹神

仙若果他生異王謝風流今又誰

健園也亭禹公笠山吉士淳元長林貞黃平萬藻評二

深秀亭詩集卷之十五

衡巖儀塔北蓮兒圍坐

中表宗盟半客星歲時蠟屐每歸停一樽風味琴書話十畝
松筠鮑謝靈寶鐫光誰流電掣物華春在道山青修髯不信
經霜白還學空天健鶴翎

探梅二絕

躍躍晴春冉冉新亭橋獨上鶴如人探梅有意還無着想到
珠明月底句

何遜胸中自有詩先巡屋角向南枝韶光高處清華足不厭
調羹結子遲

盆中綠萼忽變紅梅

金谷樓頭乍脫塵丹砂養就玉精神苔痕豈惹晴霞夕粉澤

偏開紅葉春造化有權更色相面圖無計定嬌新文君絳帳
生都幻我是風騷學道人

陳健園表弟招集

清陰先達竹當門面棟南軒半墨痕身帶湖山歸意穩樽開
花月好春溫十年小輩看雄長百口同鄉互嫁婚列坐群
馬齒愧親喪貧後負朝恩

寄鄭春薦明經

紫蟹黃花霜月樓夜深斗酒憶三秋客中謂我鬚眉舊江上
逢君書卷投別淚驚心詩有血凌雲失路鳳成鷗故交內相
亡水俸肺腑誰消儉歲愁

春雪

深秀亭詩集卷之十五

二

六出少臘花冬溫多趙日田家愁麥苗焦土十之七燈後新
雨行溝洫始膏溢晨夕布蜜陰北風打何疾欹枕苦夜長雙
眼洞於漆瑟縮公孫被不覺戰抱膝梅腮白碎影灶婢報飄
逸造化寧不仁枯樵歲以卒當春乃所忌殺伐懼嚴律低撲
大如掌侵座濕卷帙茫茫青海中一洗污濁質未必非淨觀
粉本徐熙筆把杯呼禪子拜我醉鄉秩聊用娛目前世事難
具述

經白燕菴弔單翁菴先生

閒遊涇水綠生寒竹色精廬高萬竿白燕社從銅鑪散緇衣
人謝義熙完苦錢佛面侵蓮座蛛網花梢障藥欄牧豎自來
輕寄頓不堪嘶雨過征鞍

梅時六首

推牕山乍曉友道見高賢春覆停雲岫風薰霽雪天閒身今
入面拖杖是何仙遠覺羅浮夢南枝未許牽

有客同忻賞無人意轉幽虛籠一曲水香刺半層樓紫笋開
藏焙宜窵泛臘笏不知明月下可見列仙遊

春露珠光滑蒼苔鐵幹撐樓臺紛曲折泉石一鮮明晴霽天
方煥浮雲世可輕山妻何窈窕處士託閒情

士貽詩書氣仙非脂粉妝剛柔支秀格含放足春王何遜驂
壇白林連山館黃大都鸛鶴隊深夜帶清霜

吞曉溪烟泮烘晴蝶影深山家人有骨芳樹物何心妙折雲
牕亞清消蠟展尋鈎簾趁新魄伴夜達微吟

深秀亭詩集卷之十五

三

墻影排空洞林梢礙短橋客從花下步鶴向意中招幽鳥調
柔舌佳人盡碧綃福能容半月生趣故超超

又四首

寒威衝舊臘芳信貫初番塵夢何曾熱風騷若此掀群蜂穿
窻谷啁鵲上高軒幸有澆尊冽先生笑不言

手植居然老山山樹樹輝好沾新雨綠忽剖夜光肥水榭披
儒素香臺醒道幾方知真德性深悔撲征衣

不覺墻東外風流滿敝廬家貧荒遠客簾靜樂攤書故逗寒
村雪初吞漾鰈魚昏黃疎更密瘦骨共躊躇

驛使何勞寄瑞花此一時山中名相品霞外絕塵姿澹定作
修供幽棲動遠思不爲鶯燕惹高在月痕遲

夜坐

夜坐省幽趣清齋長道萌賓筵展齒退書卷燭花明寄語荒
邊微懷人惜老成水沉消疊錦何夢候浮名

陳山農招方伊蔚馮景修徐心在王朗士高槎客朱嘯
岩穀岑同集貞白堂今子機先羔恩侍坐

清流湖海氣長寬星聚堂前識二難佳客雅知無俗駕神仙
不厭老儒冠書牀石岫花關曲墨海雲濤鶴影盤回憶十年
康濟願春生熱血未曾乾

雨中飲袁韋菴國博新闢書屋

烟水城隅護薛垣花光翠雨滌初番春如面影青遙矚客是
心交醉不言名教扶風歸沐第溫柔別墅武林源凌雲會見
深秀亭詩集卷之十五

四

雙麟鳳何事徵書更北轅

張上舍敦自招同端木太守東侯李明府素璞杜主政
讓水高編修東墅吳州幕漢湘金明經羽臣沈州幕樹
人令弟牧士集受書堂看玉蘭花

薄雨初收月轉新一庭玉樹十分春冠裳不盡濃如酒鬚
何嫌白到銀研粉簾鈎陰漠漠雪兒號國笑津津枝頭桃杏
徒繁開那得全無半點塵

徐心在上舍招同李東臯侍御高東墅太史袁昭遠國
博馮景修茂才董正度吳漢湘州幕李葵山孝廉今子
懷英文學集華玉堂看尺素牡丹

瓊姿百褶耀霓裳迥出雕闌擅素王富貴妙含霜雪氣清華

特異麝蘭香誰容一捻汚脂粉未必當年盛洛陽筆架珊瑚
搜麗句懸河不厭故人狂

李大令天木杜主政讓水韋副總象山袁國博昭遠林
進士若淵韋明經振齋同集牡丹花前

流連景物只花茵落拓冠裳仗酒人天寶新妝輕一笑洛陽
舊事盛三春空齋此會雲霞登香夢殊忘囊橐貧銀燭爛張
圍錦幃儘嬌國色妬風塵

李東臯侍御高東墅太史徐心在上舍馮景修茂才袁
容軒大令同過蓮生菴野眺來集暢情軒花前

小艇尋幽入空林散步回春晴花雨畫圖古壁苔灰有客饒
奇論閒居只舊醅啼禽歸未曉候火莫相催

深秀亭詩集卷之十五

五

沈霖蒼上舍招集送春

繫艇初歸客脚孟特送春花光新溢座圖圖落前人豈諱江
淹恨誰言郭解貧林泉深共繞何計絕風塵

葉容士文學招集卽事

潮湧三江白門開雙樹青客情仙丹喜酒德邵劉伶雨後藤
蕉徑樓端翡翠屏重宣香粉夢戀語制頽齡

題韋振齋雪嶺省親圖

我從畿甸歸畢力役王事白髮戀慈幃顧復逾韶儼韋侯有
令器柴門來結駟云亦念嚴親衝雪凌水次舍舟撲征鞍瀾
橋溢詩思落雁寒峰粉榆入酒肆青崖斜谷嶠玉女雲門
寺憑弔輒牽愁應接靡不至始睇武擔山蜀國羅可致萬里

今下登俗問揚雄字柳營繞圖角兵甲方大治韋侯撫壯男
躍起瞠目視雨淋棧道險冰石森鐵刺禿裘苦蜩縮而沉重
行筇涉澗出尊鱸跪請安再四將士爲喧闐環顧頌不置惟
牛樂投醪聚首感天賜韋侯忽醉歌頻促膝前侍我常老知
止見所言者是時平印謝斗虛糜徒抱恥揮鞭汝且旋馬革
幸不死引疾告 九重請代溫 俞吉韋郎計遂申拭淚辭
軍壘信宿巴子城魚腹循舊里黃牛峽口烟白虎關前水江
身鵬鵠飛武昌雞鳴裡龍精三尺懸熱血一腔喜舉世誇翁
達余獨窺郎美慘澹構圖者頗曾識及此吁嗟忠與孝是父
乃是子

酬方會齋廣文原韻

深秀亭詩集卷之十五

六

倚遊太學慕陳東何況冠裳譜世通血性自能申大義乾坤
不墜在剛風百年髮雪雙丸去十畝荷田一鑑中淒絕悼亡
憐舊病看花未免淚痕同

李素璞明府令弟展泰茂才吳錫九上舍羅觀崑文學

小集荒齋拈松字疊得九首

豐城劍氣臨雙龍五柳能高大夫松脫粟留賓風太古閒居
開硯石爲農一竿碧漲搖平蕩十畝濃陰落遠峰歸興且遲
晴月上茶香深省隔樓鐘

那得潛鱗耐化龍徒憐小草蔭長松乾坤不醒非狂藥
君相無慚只老農圓境幽生靈脫墨清言奇轉憂雲峰綠溪
白社名方結何必冠裳夢鼎鐘

浮雲舒卷任猶龍百萬琅玕九里松拂袖念親香作吏婆心
不減穀傷農偶然銀海呈鮮繪詎有金盤出紫峰桐月枕琴
眠醉穩江山遙隔未央鐘

金門躍馬憶登龍遊屐如何便赤松超脫幾人高晚節雍熙
今日似黃農墻東花潑三珠樹雲外天青五老峰努力風騷
崇酒德直將血性響華鐘

歸田讀易玩潛龍鼓腹何須更夢松薄宦蹉跎成老客逢年
不若務良農霜莖秋長三千丈墨瀟評參十二峰天下使君
與孤耳楓橋夜半有詩鐘

行藏首尾效神龍蒼翠濃添雨後松兩字性天明拙宦六年
膏澤問耕農狂來書大馴獅座恨不詩驚落雁峰獨有生徒
深秀亭詩集卷之十五

情繾綣絃歌日繞扣黃鐘

七

舉世虛聲好面龍風塵撲倦學餐松花封初謝閒停客鹿境
無如歸事農序雁健看凌遠翮家山勝比妙高峰開尊一夕
譚心曲喚我鳴聞萬石鐘

襟期湖海說元龍冰雪交誰勁碧松可惜桑麻酸涕淚猶堪
筆舌諸兵農歸裝特舉風中袖好夢遙青江上峰同禮旗壇
將獻壽林泉靜夜聽疎鐘

令子如荀已是龍折腰那及撫孤松雲眠此後還仙籍林種
須多莫倚農載酒船應開四棟生花筆豈澗眉峰衡山只恐
滋空翠又辦功名上景鐘

次韻酬湯碩人

我從東海失龍精君上西山把菊英踪跡幾年懷異地風騷
千古抗同聲名臣有後神仙籍飲泣難乾草野生放棹縱遊
鷗路澗壑觴願對百花傾

史維垣新移村舍

環門碧渚澹雲流新放編籬隔野鷗四壁生花餘古墨一庭
香樹待高秋石牀松火丹宜活書幌瓊尊客欲投縱使樓臺
無地起空天明月滿簾鉤

阻風普陀菴與麗天上人

不怪虛舟打石尤禪林春冷似高秋蓮花座外潮音白香積
廚前蟹眼浮語軟低眉逢儉歲詩添瘦骨絕風流行雲只是
難依岫翻翻誤儼鳥噪晚丘

深秀亭詩集卷之十五

八

也亭惠益松

簇簇蒼髯瘦鐵撐面師百折歲寒情孫枝莫笑徂徠小一放
龍鱗便有聲

淳元惠水仙花

何處生移環珮新凌波疑見洛川神春風細雨南牕畔約就
幽芳吐一旬

新雨

新雨春膏綠幽居晚翠深生機得面理遠響白潮音靜洗風
塵夢閒消書卷心田晴看野老拍手勝鋤金

夜雨

夜雨空堂坐二更燭花搖對水仙明春來第一神恬處洗出

山林似太清

雨牕

竹陰梢梅夢庭昏壓曉陰
爐烟神禹篆書卷楚騷心
以我清如此懷人遠莫禁
杜門何不可無事愧山林

紅梅

粒粒丹砂歲轉新
只須蓓蕾莫開勻
津亭高出晴薰郁
不作寒酸冰雪春

綠萼梅

仙籍除非尋綠華
翠翹珠鳳靜方嘉
道人若定鍾情看
願滴空山廟後茶

玉蝶梅

深秀亭詩集

卷之十五

九

聊從紙帳化遊仙
點綴春風又一年
春到難尋溫易者
南牕曉影競踰躔

元夕

露後春輝漾十分
幽居園圃水兼雲
懷人江海膺重闕
對月樓臺坐半醺
竹徑梅牕閒影瘦
星橋火樹冶遊群
龍精久閉丹砂匣
誰讀南山射虎文

梅閣

一般紅紫不雕欄
却折枯梅護歲寒
骨硬尚存生鐵勁
雲根低亞小虬盤
韶華未放膏先約
士氣從來老帶酸
誰許殿春偏富貴
山家樓閣稱騷壇

程龍鑑朱也亭田經德程翼南集暢情軒沈巖儀後到

風雨聲中酒百巡
檣頭船到瘦腰人
盆膏花影團香座
牕紙簾衣隔水濱
病引鬚眉驕雅白
春生江海物華新
在田龍德原無亢
何況荀陳近比隣

賦得綠楊花撲一溪烟

池塘風景漾餘輝
樹樹輕拋春欲歸
錦水何霜凝秋岸
謝園無雪咏漁磯
游絲不挂流鶯動
腫鴨雙眠粉蝶飛
幾向玉樓欄畔望
天涯客可倦征衣

雨四首

楚雨澹梅魂
芳春鬱畫昏
家貧詩學富
身賤道原尊
杖履疑神物
琴書蝕古痕
江船誰挂席
香草寄山根

雨勢挾潮信
晨昏滿若何
厨荒團食口
門掩潑烟蘿
漁艇披深秀亭詩集

卷之十五

十

隻到山齋住
客多江天遙
悵造化意蹉跎
冷洗山林骨
平梢花鳥春
蒼生思謝傳
嘉會少陳遵
聲苦哀鴻集

威添吏虎
瞋麥苗魚
網下都屋
咽酸辛

欲枕鳴灘急
嚴程憶闕行
如何連夕雨
頗類疾呼兵
天地肝腸淚
山川風葉聲
雖非田畯職
跋涉怕難耕

對梅九絕

虬枝飽霜雪
玉蕊笑春風
一片江南信
山光溪影中
調羹不我試
結子抑何遲
那得消酸味
仙風卻在斯
朝懸十斛珠
晚逗半牕月
我不買娉婷
而具神仙骨
梅以骨寫神
我以詩入化
神化慕靜交
青山白雲下
歷亂壓崇巖
淒清放別院
羅浮千萬本
誰設群真宴

疎雨洗晨粧午晴散粉澤此境無人管伴我鬢眉白
愁煞五更風不碍廉纖雨壺觴速老友東皇豈無主
一株千百折撩破幾分春寂寞空庭喚曉墮大有人
淨几撫焦尾迴廊拂竹爐君看熟蹄客能契此花無

種蘭六絕

種蘭先護笋笋苞捧綠玉出土便春風幽芳吐晴旭
向背審芽籜從容培根苗居然風幽谷三寸長芳標
宜石峭劈斧雲林登平臺位置無高下幽芳處處開
挑出山腰根裏趁江湖滑雙魚剖尺書故交惠古越
短妙葉新抽傑在花齊葉一度一芳春清言爰相接
不向當門種香全伏草間書齋生士氣盆盎約名山
深秀亭詩集卷之十五

梅下七絕

牆角折稜峭軒窓羅水紋一盃高對詠絮絮納香雲
靜中無限好道契只梅花撥得爐灰活寒泉獨品茶
病餘輝乍放酒醒思方潔鬚眉六十春人亦老霜雪
庭前老琪樹鶴背恍飛仙夜半星增白樓東未可眠
絲雨滴芳心苔痕梗疎影不肯因春熱却故釀春冷
近水寫洛神南枝擎暖玉春華青似海妙在開水足
老去少懽場懽坐梅花下一杯看一枝冷趣騰野馬

看杏花四絕

染出胭脂帶雨紅牆頭歷歷暖東風歲星自植靈山下不是
青村指牧童

迴廊角畔擁朱霞生氣逢逢艷物華消得玉壺流琥珀不須
導引亦仙家

絲雨頻沾色更鮮生嬌二月薄陰天群真宴後都紅頰玉珎
珠鈴並少年

不作梅魂月影酸公門桃李賤盤桓上林別覺文名重特有
光華近鳳鸞

和陳咸京文學咏傀儡四首韻

誰玩侏儒不激昂偷憑一線便登場居然裙屐生華屋卻有
風徽度女牆槐國乾坤分楚漢燈花夢影似齊梁從來假合
真難認優孟何曾熱肺腸

瑣憶端門此具陳尊前曾獻妙迴身朱唇肯動千金索雙鳳
深秀亭詩集卷之十五

成魔陣怪煞懽場作個人

蠟展明遮尺五天形骸土木忽兵權銅關午夜闕征鼓劍閣
重圍拍錦幟舉目臨軒爭共觀掀髯酌酒笑當前頗疑漢室
推雄武厭爾紛紛壓崇眠

不嫌斧鑿上醜醜雅勝梨園血肉軀朽質竟驕羅綺昔華筵
渾見鬼神趨兒曹竹馬高馳路昏黑銅壺連盞字機械盡張
波弄出抑掄絕宵宋人愚

秦作舟少尹見貽芭蕉

長廊粉壁綠天開雨後誰移數卷來書到哦松情特韻官惟
種紙冷何才窓紗潑影後群大琴葉焦紋響舊胎擬撥牀

深夜話好牽款段踏莓苔

酬居莘莖文學兄贈園居次原韻二首

芳名何必暗籠紗
藥竈初添午焙茶
鳳尾擬梢雲外鶴
龍頭豈聽井中蛙
百年塵夢徒空託
十畝林泉着實遮
啼徧釣輞無客到
碧廊閒占刺桐花

一簪清裁隔浣紗
期君親炙露芽茶
蕉牕竹影時侵研
石榻灣痕任產蛙
身退頗甘蒼髮改
山青不厭白雲遮
莊周已悟觀魚樂
何事雄譚拂劍花

倒疊前韻再酬莘莖

頽鋒豈信筆生花
謹杜柴門老樹遮
公等尚憐馴檻驥
人情徒覺沸池蛙
拚傾讀史厨中酒
煮得驚雷廟後茶
選暇儘容深秀亭詩集卷之十五

清日曉碧梧晴月上紋紗

酬則書上人原韻

門通何術忽西流
松竹襟期湛老秋
雲海每思騰蠟屐
風塵已悔說吳鉤
樓臺圓裏烟蘿窟
琴研窓前瓶拂僧
坐對吟眺遠幾忘
魚鳥是同遊

滌池漫興十四絕

綺縠波痕剪剪風
落花幾點漾微紅
一雙翡翠常見不復驚
人略約東

草蘭香透玉蘭開
花自瑤臺草茂才
不煥羽衣便環珮
夜深一定有仙來

嗽水廊前撫香枝
物華如許潑嬌癡
仙家不信情難冷
裙屐

哄來熱酒卮

鎮日無人止水深
數聲幽鳥託修林
茶香舌本逾時沁
不碍空明疎遠心

鳩婦呼晴蝶板輕
苔錢深繡藥田擎
憑軒納息凝眸坐
活火驚雷也不烹

亞字周遮返照長
迴廊百和撲衣香
何人更回滄洲趣
滿壁風濤鷗鷺庄

拖柳風前鏡水平
幽禽偶踏不知名
日遲曬影無人到
獨倚雕闌澹遠情

石葉街頭靜掩關
碧桃花綻綠溪灣
閒來只共黃冠坐
不看流雲便看山

深秀亭詩集卷之十五

佳客山齋去未完
荒厨雞黍亦艱難
孟嘗豈濫容彈鈇
公子當年本不寒

石笋松針刺有聲
溪毛魚沫動尤清
物情毫髮供心賞
道况風烟過眼明

水閣簾櫳直面虛
風槎柳線拂游魚
翳眉直坐天光上
手熟龍涎檢道書

二月韶華膩粉潮
春深若爲海棠嬌
詩牌酒醖拚狼籍
莫道風流魂不銷

粉壁牕東回鶴黃
亭亭刷羽振昂藏
天風不動江雲白
足下苔青一寸芒

十里村烟霽晚青
漁樵家繞讀書亭
懶於酬應聊成隱
誰應

東吳老歲星

花朝八絕

祝花紅紫霽江城病退閒居十畝情
盃酒先澆梅與菊春秋
賴爾王山盟

玉笋高擎照玉蘭花光從此不春寒
惟憑心正無瑕指旭日
輕風及早看

海棠生性育嬌胎故作低頭紅粉腮
無奈盈盈羞邪酒明朝
端向日華開

曉影騰騰倦午眠祝花人半地行仙
閒情深味團香國艷色
清標濯錦天

花前豈許小傳呼款段誰乘問老夫
坐到日斜歸未得風流
深秀亭詩集卷之十五

王謝不曾無
我不看花更向誰花枝嫵媚識鬚眉
一年相見一年老忍被
春風酒力虧

歲歲花朝樹樹新花開誰住百年身
祝花如舊人猶健便是
乾坤不老春

芳晨剪綠亟揚鈴難得鄉園展齒停
我是風騷花月主平安
杖履乞山靈

陳茂才天用唐文學荀令嚴司訓懲又
張孝廉子素高
上舍義亭社集二首

烟景霏三月蕭齋樹六人超然文酒習
閒與石泉親燭剪勝
簾穀花噴壓錦茵不知車馬客何處誤
勞塵

疎雨添零濕新荷漾碧錢觴行湖海氣
人憶永和年大道甘
貧拙浮生未病遷不嫌戀戀語詩回聖
飛仙

城隅官舍內無名姓漢將軍墓

嗚呼將軍名姓宿荒萊斷碣特表何爲
哉有漢千古此中天
翳肩隱隱生泉臺相傳道士若嬰孩年
年寒食拜塵埃星月
之下儼一見或化白鶴冲三台拓城壘
營六十載馬嘶牛踏
滄桑改卽今憑弔更無人烏啼夜半啄
繡鐙有客射虎之子
孫忽來萍寓與招魂是何關切耿何事
下筆滾滾灑血痕我
聞漢武開邊塞衛霍威靈震絕代大樹
不伐伏波矜中原異
域揚勝概華亭舊路屬嘉興後漢吞吳
迄未曾將軍門第不
可得意者抗遜託良朋身竄江南心冀
北骨埋不敢忘本國
深秀亭詩集卷之十五

六

受爵朝命尚可識英雄已矣真惻惻官
茲土者顧長庚少年
第一擅穿楊鈴閣縱寬遠懷古不厭凸
坐降東墻賦詩觸感
曠百世雅歌吸酒母濡滯謂我虬髯當
掃電嗚呼將軍其長
逝天壤之間如此者多安得歷久而不
磨將軍此席猶宴然
有知無知又誰何有情無情奈空波烟
光漠漠草莎斜陽
宛宛下城坡人生不樂誤網羅死且存
漢非傳訛金戈何處
泣銅駝

息焉漫咏六首

秋雨新涼怯病餘篝爐重檢舊薰裾
三盃不淺看花座一枕
常拖挂角書鶴骨老堅松竹瘦心田
白淥水天虛幽深門巷
誰圖圖簑笠垂楊唱晚漁

綠陰清晝墨簾遮王者香前君子花肯放塵踪撓熱客雅聽
活火沸蒙茶岩林鳥宿呼風韻行藻魚腥掉尾又坐到忘懷
幽磬外綠溪聊對幻飛霞

粉壁長廊宛轉橋鱗雪寶暗色蕉秋宵響得零星雨空際
香添八月潮病態乍捐師酒德詩情閒覺長心苗尺書昨寄
華陽洞濟勝全荒惜遠招

北牕新闢登鰲峰侵曉不眸到午春散坐偶臨修老輩無花
不購觀芳容鬚眉遙與青山接襟帶偏如白羽鬆隔院步虛
聲斷續秋陰落落蘚苔濃

怒濤昨夜又風林夢省浮生勞攘心香燼隔幃間一縷花鬢
繞砌通重陰呼燈兒解詩書味近寺僧傳鐘磬音門榜息關
溪秀亭詩集卷之十五

猶未晚先生此境自高深

蕭然風雨竟高秋怕向寒烟踏小樓老樹不停搜翻響落紅
無那碧溪浮十年學道荒香夢萬里關情憶故侯徙倚書牀
收局晚好留瓶拂換吳鉤

六十拈韻

東

繡鐵丹爐竟不紅空天老鶴嘆江東百年深悔蹉跎半萬事
何勞夢想中濕淚可勝揮永感攤書乍可引愚蒙閒居自趁
漁樵潤入座鬚眉面野翁

冬

五歲名山識大宗南屏夜月打霜鐘祖功石鼓羅江壯花事

蘇堤葛嶺重不信小時能了了徒勞託跡太庸庸卽今憔悴
嫌明鏡僧蠟峩嶢寄短筇

江

來去驚心此大江爾時虎氣肯誰降金山寺插鼉鼉骨鐵甕
城臨冰雪牕仙塚石痕愁渺渺征鴻雲影字雙雙何堪客夢
漁燈落冷澹鬚眉血一腔

支

少不如人老更遲願殷結客鄭當時貧甘喪葬驅馳力賤豈
文章命數疵天下何曾無直道生平未必有真知赤松黃石
悠然意鐵柱雲門是我師

微

五陵裘馬眼全稀雲外何寬縱逸飛本不因人親許史絕憐
觸物痛庭幃名場一任低昂價道岸端知戰勝肥骨相烟霞
稱痼疾比來贏得靜雙扉

魚

何用虞卿老著書直將踪跡問樵漁情灰暖玉香風散夢託
寒潮蟾影虛遠寺疎鐘高白社摩霄鍛翮惜青徐南征久罷
閒居賦愁抱焦桐倦醉餘

虞

北郭花陰秀一區鷗庄蛙部水田紆風撩拖杖龍何瘦雨足
修林墨且腴事事悠悠空渺渺時時楚楚靜于于樓臺倚徧
清涼夜漁火平吞孕月珠

齊

平明挾客躡丹梯石葉風沙叫竹雞遠樹浮於空漲外輕雲
高在亂峰西饒他白髮殊山野壽到黃花也杖藜淺踏蓬牕
圖圓側斜陽薰動草萋萋

佳

迴欄水榭貼秦淮筋筋笙歌亦復佳寓目逢年明玉樹懸燈
午夜卜金釵楚狂涕淚龍潛厄丁老雲烟鶴並埋往事那容
孟酒說鍾山青影綠牕排

仄

南朝古剎劫燒雷靈谷僧窓尚種梅客久空山多影着夜深
明月伴香燭閒情銷盡疎鐘落小飲能教擊鉢催此景惘然
宋秀亭詩集卷之十五

三十載蔡家兄弟是龍媒

真

斜日輕帆過劍津秋山晴翠爍鱗鱗民生未許容強項書記
徒羞事故人襍被漫聽漁唱返杜門不悔硯耕貧特留傲骨
調修鶴酒醺詩牌別有神

文

飄零幸不賦從軍鶴唳華亭晚節開黃葉村前風似雨青山
屋後水兼雲何須花向河陽種却愛香清荀座分牛馬走還
輪蟻伏若難磨滅鮑昭文

元

蘚石苔磯蒨荔垣澄懷何日不窺園藜牀鴟閣當山額竹杖

逢人話水源春去落紅林鳥喚秋深疎雨草蟲繁驚雷夾煮
微醺散細帙連楹手獨翻

寒

西秦客路傷征鞍獵火餐風上賀蘭龍劍血痕時一閃鐵衣
腥氣不曾乾大荒直似空天壓小醜遙聞落葉殘恩在撫循
韓范力長城沙漠布桓桓

刪

雞狗曾偷幽谷關土花乾繡虎痕斑客從斜日平肩過誰望
西天紫氣還草木腥風寒稜道兵戈荒影落空山綠知開關
乾坤意人事常爭名勝閒

先

宋秀亭詩集卷之十五

辛

惆悵名山屐未穿風塵何處學神仙平林小結藏書屋負郭
茫無種秫田漸覺催場別嗜好難忘中歲失矜憐玉簪露重
金錢落桐月牕紗絡緯編

蕭

惜別焉能魂不銷盧溝水踏雪花朝蒙裘小隊團蒼鬘短鐵
征鞍響瘦腰何物功名鑄石鼎莫言中貴羨漁樵一從松菊
閒庭長飽看江峰噉海潮

肴

排風海鶴定松巢飛錫山僧結野茅王謝要非鐘鼎著荀陳
舊可子孫交芸牕蒲簾擎芳本斑管金星疏遞文積翠清饒
疎雨拭簾櫳以外漲空敲

豪

不畏霜風感二毛
却愁魂夢逐驚濤
松筠作窟深衣綠
留負剪燭高薄俗
何其管軒冕虛聲久矣誤
劉曹原無捉鼻
陳羔雁絲竹全消聽桔槔

歌

水輪乍滿漾金波
獨客其如清夜何
壽帶鳥矜紅菓子
斷腸花貼剪秋羅
神仙夢寐穠穠中
散物性栽培郭橐駝
老去山林經濟活
青衫酸讓冷漁蓑

麻

飄吞玉乳飯胡麻
親降羊權夢綺華
環珮留仙風不穩
雲霞紫蓋影何賒
雕闌曲折清秋夜
翠幙牽依淺澹葩
好景黯然深秀亭詩集卷之十五

圭

琴御冷最無聊
賴手頻叉

陽

鷗路風迴水簾涼
蝦蟇簾捲藕花香
生屯白屋雲千頃
披對青山書一牀
天下士寧非我黨
地行仙仰驗權場
匡廬南海蒼茫意
蠟展詩筒約淺裝

庚

冉冉青霞映赤城
石梁有路少人行
過眉杖撥松梢雨
落葉風敲洞口枰
獨鶴清消雲一縷
疎鐘空到月三更
不知伯仲崖丘席
可否還容禮舊盟

青

漫說東吳有歲星
層軒長對九峰青
雲霞若可騰天表
松菊

何慚不地靈
苦髮潮痕生
悄悄猩紅花
雨晚冷冷端居只耐
清閒福土木形骸擁翠屏

蒸

那得心空最上乘
笑他鵬政律詩僧
峰腰硬束雲千指
水鏡明開月一稜
仙佛何嘗不澹漠
衣冠猶覺太峻嶒
塵緣物役都無着
却愛黃花耐久明

尤

鸚鵡洲交黃鶴樓
臨風長嘯海天秋
客踪欲覓仙踪遠
樹影空低漲影浮
鐵笛漁歌聲上下
布帆山翠回遊吳頭楚尾
經心過擬向荆門借酒籌

侵

深秀亭詩集卷之十五
圭
不及相如賦上林
難消阮酒興嵇琴
雲穿石竇玲瓏骨
雨滴蕉牕展轉心
問字船來竹古簡
種花人老菊黃金
閉門造轍何時用
曾讀前賢清白箴

覃

上壽涵濡飲菊潭
倦遊惟唱望江南
名山大宥宗雷任
當宁今無風月談
道在家修延素族
物華天許飽清酣
憑闌入回明於水
一目輕鴻過蔚藍

鹽

低牽柳線刺松髯
曲曲花枝壓帽簷
返照乍烘疎雨漬
蒼崖轉引白雲添
晨興院靜飾珠露
夜坐溪深印玉蟾
點易焚香無尚事
客來茶灶又鈞簾

咸

味博奇書似老饒支譚何得用三緘甘還驛夢江郎筆易濕
懽場司馬衫遠水有情思浩浩空天無上氣巖巖潛龍合抱
源磯臥夾岸芙蓉穩挂帆

高司訓嵐峰移尊義亭紫薇堂招同李大令根仙張明
經印宜張郡丞魯叔李上舍東原謝上舍維初雅集見
過小圃復至李園看秋色

廣文修召客選勝涉幽居水俸儘闕酒豪氣何軒渠雙鳥不
用蠟清風揚輕裾仙李張星大名下果無虛息影荷荒圃綠
陰滿停車小山金粟綻圖回隣樵漁散步阡陌外曲折細躊
躇秋華叢秀發五色團精廬動者炳霞照鮮者綴蟲魚變化
深秀亭詩集卷之十五 五
靡不異林林立靈霄或乘縷絡供鳳翥亦相於巖冠最下品
母乃濫竿旗恐爲嚴霜剝君子慎其餘薄醉索洗醺海氣望
歸墟夕陽紅高城棲鳥鳴莊樸此樂似可繼惜我空倉儲會
當納禾稼傾倒白蟾蜍

九日陳天用嚴懲又杜大采集暢情軒

危峰駭樹夾層樓健卽登臨况九秋客到亂髭霜氣白天空
鶴唳雨師收樽壘意可雄江海經史文如噉俎羞公等但來
幾緇展總荒絲竹甚風流

留石秀才倚青與懲又天用對菊

五年不見雲鴻遠一夕相逢霜菊前士氣老成端舊德花光
晚節勁秋妍陶詩若可高懷得阮酒難消白眼偏位置從來

憑品格鬚眉生向回圖傳

無酒吟次鞠聞峰進士韻二首

柴桑荒後茫無秩安定云何不造柑月下客來虛丙夜魏頭
春冷僅優曇愁如白社僧枯坐笑煞王弘使誤探夢斷陽關
空疊唱惺然三徑渴清酣

青州不覺意中耽世味於今莫可甘茶灶何能淹畢卓酒泉
未必用張堪客其不去花難謝婦且無藏子有慚雅悔步兵
官失請誰深戀戀聽支譚

雪朝二首

村郭凝烟迥未譁晶晶水木倍清華披裘獨揭葆真閣撥火
鮮烹醒眼茶夾岸拖筇看野老隔籬呼酒問漁家巡簷不覺
深秀亭詩集卷之十五 五

梅腮白瘡得衝寒幾點花

曉事兒能侍一罇焚香滌硯放生溫懸釣粉本徐熙沃滿泛
霜翎聞闔奔絕妙山川文太素何如星月冷黃昏滿橋驢背
我峭曲客思禪心長宿根

送陳健園表弟之粵東

人生不滿湖何爲動遠游小儒窘蜩縮伏檻嘶驂駟豈能久
安樂而繡冷吳鉤我髮昔覆燥錢塘潮驚流浪跡半天下圖
面凌丹丘五斗幸未折六十乃平頭瘦影支松筠骨節勁高
秋窺園聊日涉窮日徒登樓君也傑英爽草檄蚤依劉燕趙
伊涼曲逢迎多淹留歸壟親與伯食口累紛投囊枯饑驅疾
丈夫恥卑謀會當尋知已梅花使羅浮范老欽大小綏輯勤

勳猷聯牀念前哲飲醉定綢繆士氣不可損憲府開虛舟買
山荷分俸願返理田疇頌揚古道義筆舌我所優眠餐悞晨
夕嚴霜亟披裘馳神送挂席海南青三洲

秋曉

秋曉清如此銀河澹月華牕虛空翠滴潮長濕琅賒松火吹
僧舍漁窗挂酒家輕帆三十里雁語動平沙

雪夜

松筠影裏燭花明瀟酒虛堂欲二更琥珀光吞黃卷列金猊
香撲傲裘輕天涯何處非仙吟四理無人證玉清默聽新潮
思訪戴顒於貧况減幽情

梅樹

深秀亭詩集卷之十五

圭

鐵虬鱗鱗瘦撐奇屋角牆東映淺瀾清要園林標舊德歲寒
霜雪訂仙期不關疎密風騷古自有剛柔骨相宜容易孤山
三百本象心高致照鬚眉

梅枝

冉冉南牕秀絕倫離披寫出幾分春全標生動支高下細約
風騷長舊新松竹素交清最矯樓臺低亞折何頻神仙袖裏
青蛇曲月下超騰演化身

梅蕊

東皇曉影出山扉十斛明珠樹樹圓妙在芳心初未吐若爲
騷客勝而肥隴頭有信傳如許庾嶺清霜白漸威何用歲星
文酒約竹爐高對省天機

梅花

空山遙放白雲晴誰向瑤臺理玉笙芳信初番純化育天心
一片向春明樓臺若掃神仙夢風月微聞環珮聲青逸此君
髯客長差容待子結調羹

梅晨

玉閃珠跳侵曉時巡簷多探向南枝清芬乍破羅浮夢薄雪
微吟高士詩悄啟雙扉喧鳥雀白漫三徑上烟炊苔痕屐齒
誰先到兀坐書牀手自披

梅夕

簾衣牕紙飲昏黃人靜虛齋書一牀待月遠聞江表鶴煨茶
清試海南香何關體性知天分欲問神仙入道場燭剪牕西
深秀亭詩集卷之十五

圭

梅牕

曉影冰紋雅向明瓊枝新壓鐵梢橫何須踏雪沿村去且就
攤書把醺傾鶴夢遠空無一染月痕清覆到三更憑軒正席
移情久作賦惟懷宋廣平

梅巖

別墅風光小洞天雲根山勢折蒼然通仙此意香猶在驛使
何勞信遠傳老我鬚眉霜雪共看人杖屨圓圖穿塵綠官閑
殊喧熱道况空林春最妍

梅村

活水融沙斜板橋春風有路赴漁樵周遮矮屋晴雪覆斷續

疎籬空影遙返照林邊呼晚渡春聲月下擁寒潮素交半向
田疇老香夢依稀冷水清

梅菴

彌勒龕前憶面師春風晴透歲寒姿
茶經香煮時消受僧牕虛澹穆分明客影寄仁慈黃昏薄雪
三更月就裏禪心若箇知

梅魂

風風雨雨冷朝昏斷送春光似有魂
紙帳逐芳痕先生老在神傷後素女憐其夢不溫誰向碧寥
吹玉笛悠然清韻繞江村

梅格

深秀亭詩集卷之十五
曲曲虬陰剪剪風高人託跡共墻東
時添造化工耆舊清修推鮑謝
應卑下有子調羹台鼎中

石上松

遙青出沒海潮衝尺木未化非神龍
悄脫石上松百年氣槩剛圍寸鱗甲
落物無主匿深張儉轉相攻冠裳雅遜山林格
庸庸我爲力舉等有道虛簷籠翠幸遭逢益益清波浸一斗

飲食言笑胥從容天台羽客我嘲釋
之夢我已破松也辱不及秦封貴賤得失良可聽
別有鍾不然千萬里外異壤植豈易歲寒友
二十載與爾拔根同幻城芙蓉

盆竹

紫沙深尺白磁盆羅羅修竹延青根
驚雷出朝嗽盆中籜龍弱無力細於薪
十年久者舊購之西鹿村清風高節託
門我惟嗜好拍稻阮焉敢小視篋簪
紋書幌映虛痕胃中有成瘦無肉拳
瀨千畝卒難插雲根一片豈崑崙具
深秀亭詩集卷之十五

供手常捫君不見隔隣樹底散雞豚
霜雪既可避呼兒高對酒其溫此君
非所論長其所短聊生屯

賦得臘近已含春

寒雨津津白海潮疎林清折亦欄橋
潛滋霜雪嬌偏着禿裘端靜穆何愁
探芳信剝復天心驗後凋

逼除

逼除坐清安風雨沐雙扉託疾謝不敏
自撥松火熱星飛禿裘短七尺鬚髮
凋荷青圓厨孃報闕典放鶴免鳴饑
充耳了不入無絃聊空

揮塵幾誦知足杖屨過知非念彼羈萬里瑟索不得歸苦臨
乞米帖交謫瑣面逆雞狗徒上座或絕西山薇豐歉聽氣數
貧富各有幾君子慎固窮臘盡春含暉

把酒

把酒消殘臘梅胎剖夜光尺書投燭審風味覩兒嘗村靜漁
樵話心空仙佛場醉鄉聊可入高擁一匡牀

除夕

雪礪風篩雨拍潮天公直把世塵澆江山魂夢關中表泉石
光華剩後凋蠟屐椒觴紅獸放狐裘香座檢詩瓢經年自問
勞生局買得梅椿興獨饒

深秀亭詩集卷之十五

无

深秀亭詩集卷之十六目

元旦

諸親申園坐

玩梅

飲田經德水西草堂

默坐

茶味

虛齋

風潭

小樓

看雲

剔石

五更

燈前

春寒

隣巷

曉起

暮雨

春波

春草

嘗酒

深秀亭詩集卷之十六目

和沈恪庭太史六菊

種菊

灌菊

訪菊

載菊

對菊

采菊

西林

晨雨

春晝

心恬

石菖蒲

花前家集

林雨

客至

日午

立石

平臺

和顧文學諒疇韵

天用藥巖花前拈韵

花朝

月下梅花

高石樓少尹索飲	筍鳥
半醉	聞雞
待月	春郭
春帆	春田
南樓	憑欄
長松	羅繩武過飲
王樾菴顧節亭集飲花前	次韵酬高廣文
無聊	坐雨弘訓堂
蓮兒十歲	題五烈祠
生辰示兒	署郡侯吳公集草堂
赴東禪藥局	輓師提臺母藍太夫人
溪秀亭詩集卷之十六目	二
哭署郡侯	聞七夕
王樾庵廣文招集	叠前韵
三叠	四叠
五叠	六叠
新涼	集蚤桂前
秋萱	霖蒼過飲桂前
大令我思姪得孫	中秋
十六夜小集	酬我思姪
限韵咏秋色二十二種	紫薇花
秋海棠	玉簪花
漢宮秋	老少年

錦西風	剪秋羅
茱萸	僧鞋菊
朱蓼	美人蕉
藍菊	水木樨
芙蓉	秋牡丹
白萍	秋蘭
雞冠	萬壽菊
向日葵	鳳仙
丹桂	送別尚端文
寄尚涇川庶常	遣興
命西雲	九日
溪秀亭詩集卷之十六目	三
集菊	舟行
對酒	陳健園表弟五十
湯碩人同學投詩用酬	湯碩人集草堂
次周荆山上舍韵	送湯碩人
寄胡德菴江西都閫	晨興
思飲	試杖
看落葉	小愈
小春	送菊
酒力	夜長
冷雨	賦得燈影照無寐
賦得心清聞妙香	賦得所得在清曠

賦得隨時愛景光

賦得座隅分洞府

賦得花影隔澄溪

賦得此中真得地

賦得到來生隱心

賦得衣拂雲松外

賦得心與天壤俱

送陳健園表弟

述病

微吟

陳堯年表弟楚歸

高座

垂簾

寒香

一觴

一息

中夜

向晚

帶閣

待旦

絕妙

雪朝

深秀亭詩集卷之十六目

四

雪蕉

雪竹

雪松

水宿

乍晴

除夕

深秀亭詩集卷之十六

雲間潘鍾麟層路

康熙四十九年庚寅選二百六十二首

元旦

宜瑞朝元見歲華瓊瑤仙館住山家蒙裘座擁修禕客繞屋

香清綠萼花社鼓有年祈萬井魚書東粵遠三巴土膏便覺

江潮潤滿泛屠蘇熱紫霞

諸親串圍坐

漠漠莓苔屐齒巡投軒還數舊荀陳一官幸未辜民社十畝

閒能賦海濱樂事膏騰鴈政肅春風次第物華新請看侯吏

津門外遙望花源詎可親

深秀亭詩集卷之十六

玩梅六十絕

磊落風華冰雪胎南枝都探蚤春開調羹莫道非台內却傳

山中宰相村鐵樹梢頭著雪花一株一換繪名家官須水部吟每白方解

黃籬啣苦茶

繁星續續夜光肥散作青春白日暉何處羅浮香夢外別尋

瑤館撲山扉

冰霜交後益精純仙尉宗盟想子真妙有香風無著跡何曾

一點艷紅塵

綠萼清同夢綠華紅兒濃更綴丹砂騷人擁住南窗畔不醉

醇醪也負他

月痕初落日華高秀絕何郎香粉淘肯使宿醒眠紙帳起來
青眼讀離騷

停午晴窗暖玉多廣平鐵石也消磨何時更置三千本占斷
村南待鶴坡

門館居然處士林妻猶如此老夫心月明運夕喬相守理得
青鸞幾曲琴

水洗不用一絲燃滌穆空中試定禪鎮日山齋游屐靜紙窗
蒲簾獨神傳

澹雲疎雨約輕風一洗鉛華分外工屋角橫斜收又出不嫌
亞字曲欄紅

朵朵寒芳覆白雲蓼花披卷坐斜曛簷前瓦雀捎多事拋動
深秀亭詩集卷之十六

花鈴噪一群
記得孤山薄雪寒低眉一望水雲寬
夢鶴灘

神靈夢鶴灘
爛熳天真老墨癡花源惆悵沈滄思十年冷眼空霜雪誰寫
珠璣絕妙詞

兩叟詩僧號雪夫山根撐鐵木全枯一星佛火蒲團上相對
無言清夜徂

閒味清酣春水恬曉來親上玉鈎簾花光向我呈新采滿覺
津津韻可拈

滿放何如半吐新不勾蜂蝶損天真若非月下霓裳隊定化
羲皇以上人

漠漠重陰欹欹風生滋苔蘚老牆東春華自通真消息合浦
珠光耀淺紅

冰紋窗紙碧霞光簷雀聲中曉影香琴硯乍開清韻動分明
人世不尋常

竹牀留客五更闌落月樓頭跂足看別是一番神化境藍珠
宮畔溢清歡

不是超凡鑑不真老於泉石歲華春鄧杯高對方無作策杖
相尋亦可人

江城春色刺雲梯近水樓臺曲塢齊誰向昏黃吹玉笛有人
高聽倚橋西

卷畫溪邊矮屋遮參差十里燦星葩幅巾杖履翳眉健好憶
深秀亭詩集卷之十六

騷壇白子華
春寒偏勒壓同雲恐未能開三兩分惟有綠光清可滴跟梢
展盡細慇懃

十丈蒼溪稍一筒鼠鬚橫掃潑春風兩師確是蓬壺籍爲我
神明點化工

曲徑通幽古寺黃疎鐘林外散空香老僧軟語工留客洞啓
明窗拂画廊

躍躍津門苦蘚基漁家一帶暎疎籬輕舟遙趁周遮過別覺
丰神空外移

鄧林空曉物華新仄磴僧樓有酒人雲海欲飜香雪浪佛燈
清印綺羅春

靈谷燒殘剩數株春風還妙舊名區蒼蚪骨相牟尼活三宿
齋心憶古愚

手植齊肩今越樓十年風景遞雙眸不知可許成園抱伴我
芳春壽菊秋

古渡寒濤走白烟橫又一樹堊橋穿平看的近行還遠雅狀
蕭疎孟浩然

老幹如何盆盎拘石紋縐透辭痕腥著滋促節偏饒趣王謝
几頭尙一隅

紅燈未罷柳初牽不惜良宵費十千冷艷故從春煥出林泉
人是地行仙

駢枝鮮摘惜惺惺小插宜磁舊膽瓶秉燭粉牆添化影生綃
溪秀亭詩集卷之十六

墨骨幻丹青

漁岩羽客百三齡期我天台看玉屏春雪未消花乍吐鶴雛
無數叫山靈

呂巷明農印水邊雪晴雲暖益平田六時曾作跏趺坐百藝
難消曉魄圓

略約亭泓老樹邨寒鴉啼處野朝暾鵲冠有客稱梅史窮筋
同人到竹門

百千宛轉刺剛鋒歷盡寒威春始濃不是門前賤桃李交惟
綠竹與喬松

一番花信一通仙那得幽情看百年有酒且澆騷雅側無枝
不上画圖傳

莫道花閒人世忙我從忙處儘閒嘗詩牌酒酸茶烟熱席暖
狀琴水雪涼

庭堦非此不高真著意齋騷近晉人作賦後來賢宋璟也從
鐵石見青春

日華風影暖生滋肉食塵寰樂淺知我向花尋真面目惜他
陶謝不多詩

一株一境一盤桓若有飛仙結古歡晨雨晚晴紛織目光華
玉片出珠圓

水霜心已向花占清喜春交日日添色笑眠餐花共我天公
特許此修辭

踏徧邨南又水西舊醅蝦菜爲花提花光轉遠眼逾濶空外
溪秀亭詩集卷之十六

流燈學語低

百萬釵頭彩玉堆蕊珠宮闕曉妝催閒居何福能堪此鬢髮
香風漫把杯

窈窕山房古石臺美人高士聽虛猜芸窗只有清芳近一線
微風天際來

花是江南第一流人今住亦似丹丘花應報我真知己我願
同花守白頭

棲遲嗜好漸荒唐晚歲梅椿願始償斗大權奇修五尺根軀
裂勝海南香

連拳突兀小離披縱勢收痕故故宜十幅画張陳大綬鬚眉
影入画圖奇

鶴糧割賣購花缸添照銀屏雪母窗貧況春時還富有朱闌
錦幄燦燈幢

一杯一看一逡巡不必全開及令辰但覺微酣供蘊藉雕闌
石畔是芳春

一燈一樹列迴廊滿綴鮫珠育粉香試問東山絲竹夜何如
銀島坐清涼

鐵幹柔情絕不渾寒芳開透卻春溫姚家老樹風騷甚清水
橋南西鹿邨

辟疆名宿是龍頭放出虬枝過小樓花下飛箋能召客誰言
湘九不風流

比屋同培慧眼青紫薇堂主號幾亭花時不下燈千影鵲政
深秀亭詩集卷之十六

清頒月一庭

六

惆悵弇山小上林花無舊主半銷沈託根豈誤遭逢患嵇阮
何曾爨可尋

巖阿僻靜雨廉纖謝客衡門冷不嫌搜索詠梅人幾輩高僧
集後還香奩

不道花時坐食貧兵厨莫請愧嘉賓日斜無那春情懶拋卷
歛眠養谷神

南坡十畝可栽花丙舍頻年儉豈遮清白何慚慚不振洛陽
空負潤桑麻

雲霞仙路面橋濱酒德茶經老白民我是梅花花是我直將
骨性寫清真

飲田經德水西草堂

萬頃琉璃障水西草堂重認太常題驛壇赤幟思名祖明月
虛舟慣此堤玉樹雙輝晴院直蚪松青覆白雲低樽壘席硯
依然在但誦清芳味段壘

默坐

默坐觀元化悠然物外心梅花三十本竹影百千林老去安
無用閒來了不侵高天雲乍捲青眼是遙岑

茶味

舌本空茶味心清象外游相如今止渴陸羽故深求仙籍三
千卷花光十二樓一從修省後不拜醉鄉侯

虛齋

深秀亭詩集卷之十六

七

日淡虛齋白爐紋消又增雄懷羞劍客枯坐作山僧花影簾
衣活風光鳥語騰衡門何用閉心境久如澗

風潭

風潭明綺縠細細捲雲烟老樹攖蚪影危欄浸石田橋通浴
鳥滑雨長積苔鮮活潑滄洲意忌機罷釣船

小樓

小樓若方丈近水納空明嘖嘖窗前置松筠屋後聲高眼容
紙帳薄醉照書檠月靜危牆側花陰上二更

看雲二首

看雲快晴捲九點盡遙青變態或晨夕託根藉虛升水邊雙
石嶠木末一茆亭庶幾不浮徹空天見鶴翎

看雲遲晌午高坐洞西樓野馬輕何幻仙梯杳未收思親空
爾獨遠客望悠悠不染初衣白催詩又黑頭

別石

本根不可昧外垢不可有別歷非中外草野詎敢苟出作辭
耕鑿何立能不朽悠悠無所爲罪恐浮游手搜索瘦山腰蕩
潑噴水口映彼松筠青及茲藤蘚醜新雨滴莓苔舊刻露蟬
蚪几座列平治獅象互昂首昔人苦經營卒官曾見否我以
閒居老日涉趣乃久袍笏雖莫拜呼丈儼畏友恨少恢擴資
嵌崎埋十畝靜鎮刷向背錚錚響傲箴誰其同著力來上此
培塿若假百年活五嶽定遠走一洗真面目奇險得深剖翻
動神仙窟醉我天姥酒

深秀亭詩集卷之十六

八

五更

衾綢殊不煖醒眼瞋熹微懶婢呼難出寒禽聲似饑簾紋半
卷綠香爐一絲稀枕上聞茶熟催詩惡攬衣

燈前

燈前綻梅影對酒味良宵兒解端隅坐書裁謝遠招貧家清
是福韻語老方超慣聽隣鐘晚空香靜可邀

春寒二首

春寒醲薄雨未肯信催花酒力柔翻倦簾紋開又遮隔離漁
父艇近水野人家老樹空陰晚何難穩住鴉
春寒怯風日閉戶檢殘書熟客來迷葉荒厨斫戟魚了閒酬
白社懷遠去青徐裴啟恩方足京華夢久虛

隣處

梢廬多抱水籬落擁春畦石甃沿莎綠橋門偃柳低烟青茶
竈熱口午竹鷄啼画壁微遺老苔痕滿座西

曉起

曉起無塵擾探梅處處行光風開洞壑春色點江城新汲呼
童換芳芽待手烹晨餐書幌畔一味菜根清

暮雨

暮雨淒然意濛濛春信寒窗西南酒客簾外薄風灘幸許門
堪杜微愁花損看黃鸝輕襪被排遣到更闌

春波

春波綠不定滑影瀟池塘匝行流紅淺又魚翠羽長微風新
深秀亭詩集卷之十六

九

綺縠斜日蕩烟光柳線思張緒慘慘燕萬行

春草

一片萋萋碧玉孫去路賒馬蹄明又沒蝶粉細常擲日薄村
虛合烟深江海涯年年游屐絆低趁惜殘花

嘗酒

嘗酒如索友交口悉平生不難見清冽要在稠舊情風韻咀
鮑謝陶然得淵明引入入聖境津津搖玉瑛嗜好輒成頌
筵列耆英到手不忍釋可以佐墨兵時流厭薄劣色莊不足
評田家老瓦盆牛飲哄柴荆苟無驕雅趣何解捧紫瓊百篇
謫仙出天地揚正聲中山千日醉竹林半狂傾不若撥宿醅
火盡而體輕藏春在甕頭高擎勸長庚計年始取德公瑾乃

心盟

和沈恪庭太史六菊

種菊

分得秋英本栽培却有傳百弓新雨後三月揀苗前位置勾
松竹標題別隴阡託根扶直上生氣足先天

灌菊

新汲銀濤活菊頭憤慨威猶防火日青喜近鷗庄物役何
能已花闌不可荒兩師雲采黑膏澤自通芳

訪菊

幽棲等鮑謝郵舍達山田花亦揚清議人今索勝緣重陽前
後展秋水回圖船若肯移初地書齋虛左延

深秀亭詩集卷之十六

十

載菊

問字酒頻足尋芳遂又閑身同鷗鷺去花泛水雲來鬢鬢酣
霜氣蟬鳴把鶴胎白蘋紅蓼畔捫灑縱仙才

對菊

靚面羅高盼無如耐久朋簪繞圍傲蕊面影出青燈幽賞停
樽坐光華濯錦眉支筇吟吻瘦不厭並山僧

采菊

矮屋疎籬側枝枝摘露鮮平肩儲藥籠拂袖帶秋烟同把菜
莢直行吟蠟屐穿陶家風調逸人物重歸田

西林

一帶西林密平如画卷橫夕陽紅淡影春南綠初萌路轉精

廬入帆叅遠水輕修翎時出沒往往散鐘聲

晨雨

竹樹走風影春寒晨雨聲棲何繁鳥雀意本杜柴荆綠結香
還覺驚雷英乍烹臨軒理清課且一望蔬枰

春畫

春畫亭臺綠花光倚暖暉拋書清硯席送客遠山屏無聖簾
梳曲魚聽荷藻肥微吟支倦態荷座覺徘徊

心恬

一坐梅花下心恬處士高晨餐進逆米春暖撲綿袍道味清
芬足幽情淡定撥林泉霜雪勁無夢役塵勞

石菖蒲

深秀亭詩集卷之十六

土

纖葉青雙眼軍磁受一升不同沙草賤止覺水孟濯淨凡明
窗側若苔選石屑未能長九節善類養休微

花前家集

全家圖西裏花信樂開尊兄姊妹憐兒女亭臺界水村古香藤
篆座息影竹斑門翻悔收經晚能知伏檻恩

林雨

林雨停還落天空象外青柴門眠犬吠沙嶼躍魚腥日午花
枝濕風高塔語靈蓬窗來遠客剪韭烹園丁

客至

客至禽鳴樹徘徊花徑長老難勤倒徒貧且樂飛觴湖海風
烟濶雲山襟帶香荷能相慰藉何敢誤荒唐

日午

日午春晴足風迴百和新繁華何所尚紅紫不曾貧岸柳掛
魚沫沙禽曬草茵憑闌青小坐花雨撲簾响

立石

立石蒼苔綠雙甍透女牆玲瓏雲影瘦突兀土花涼画熊憑
春雨詩肩聳夕陽不曾叅五老莫遣鈍根傷

平臺

平臺登數級列見九峯青老樹生苔髮芳池待鶴翎棋聲清
聳落筇杖是誰停一片憑高地東吳應歲星

和顧文學諒時咏天竺子原韵

絳綈生叅仙佛奇丹砂養就串牟尼低昂合譜松筠操拂拭
深秀亭詩集卷之十六 主

偏除霜雪歆守勁歲寒秋實綻光搖臺榭王神怡石家七尺
何能似我自年年絢陸離

花前拈韻

香在梅花珠玉明和風第一好春晴家潛岩谷隣仙館客半
儒官舊老兄不厭巡橋溪影綠何辭斗酒月華生百年高會
須無筭莫問囊空湖海情

花朝卽事

樽前容得此閒身又向花光祝令辰紅紫采香多索綵風流
盟主是何人惜無仙籍三千客肯負天公九十春短札芳蘭
忻踐約交情畢竟數荀陳

月下梅花

深夜晴雲白空陰薄雪茫惟其梅有格更以月爲裝處士山
林靜神仙環珮香何嫌詩酒外心地不清涼

高石樓少尹見尋索飲

曲巷盤輿小清遊官却閒呼樽不待主倚檻竟看山暮靄漁
郎簇春風花雨斑殷勤期後會林火照酡顏

筍鳥

筍鳥輕於葉柔條啄小紅有聲低晚照無力上迴風偷眼簾
鉤側投軒書幌東忘機來去慣認我白頭翁

半醉

酒懷曾不淺半醉有餘思送客丹歸晚空亭月上時懶遊荒
深秀亭詩集卷之十六 主

謝叔味道解陶詩若問神仙事平生未免癡

聞雞

伏枕不成寐寒聲聞遠雞周遮卽舍曲多半水雲西起舞鸞
征路旋興急催哇柴門青未啓有客寄封題

待月

待月坐東軒瑤華上短垣林梢疑雨足石角遊花翻茶歇還
餘味心空無一言蓬窗何到晚載酒送溪源

春郭

春郭散青烟迢迢晴午天鶯啼柳眼破蝶戰草波還可繞漁
樵窟溪融書画船土膏生井井遊騎幸垂鞭

春帆

圓渚滑明鏡春帆送遠空低穿新柳直輕帶夕陽紅漁舍僧樓角雲山樵徑東茫茫無恙去通在五湖中

春田

春田明野水一目轉茫然魚婢腥沙草風花卷麥烟桔槔空遠動布穀午晴驚物候將人力農桑異有年

南樓

高步豁南樓青山曉探頭冲天晴翮健貼樹遠雲留城郭千門煥烟花二月稠笙歌盈画舫牽柳綠芳洲

憑欄

閉居久疎懶徙倚獨憑欄竹影單斜日松風晚急滿腰支生鐵瘦自睥遠天寬不覺愁無緒紅芽白玉團

深秀亭詩集卷之十六

丙

長松

長松延鶴座山半走風濤雨滴鐘樓翠化充僧飯膏青峯多蓋影積蘚逆霜毫余亦蒼髯客昂藏對爾曹

羅繩武過飲書扇贈之

盧溝月白雁秋天惆悵離情十四年君是竹林賢小阮我從冀北倦回鞭芳梅紅杏探山屐脫粟清尊話手編無物可將慚世誼仁風到處一披宣

王越菴顧簡亭胡展雲高嵐峯四廣文集飲花前越庵有作次韻酬之

粗糲厨娘笑咄嗟若於花事罄豪奢客來王謝風流甚座豈雲霞石徑斜鬚髮傷然看鶴舞襟期開處綴瑤華藥欄尚有

春如海願接盤與問酒家

次韻酬高廣文嵐峯

騷雅君宗舊入林春深新綠更招尋圖書座上巖冠客蘭惠階前翠幕陰可許閒來常相鶴何妨醉後一眠琴詩情道味咸超逸水月天空江海心

午日二首

池塘獵獵颭蒲風翠雨偏滋榴火紅五畝賦閒湖海活一身香坐画圖工擎樽問字兒如虎蹕展窺簾客抱桐聞闌天津呼競渡

君思南顧沛年豐

林泉何假辟兵符續命天容信老夫芟却草萊青石笋約開深秀亭詩集卷之十六

圭

風雨浴鵝鵲詩成仙館松篁奏鶴靜衙門車馬無條罷金星明硯席丹砂粒粒按薰鑪

無聊二首

無聊復坐一琴橫獨聽長林黃鳥聲雪外溪明思画裡意中人去夢他生波吞魚沫風牽柳絮透簾紋書接楹酒頌茶經都懶讀鼓嫌餘習未忘情

空懷鎮日淡無痕不信閒愁竟有根石壁雲灣青覆屋溪頭鶴影瘦於髡遊殘夢寐仙靈化味到荒唐日月渾風雨杜門差自蔽漁家橋映薜蘿邠

坐雨弘訓堂示甥孫鄭雲驤

華良洲畔鄭公鄉艾雨蒲風五月涼信宿書齋高枕簟通曉

樹嶺動竿簪支余瘦杖龍難化鑑汝孤兒茹傳嘗修築乍宜
農圃緣往來雲水見漁郎

蓮兒十歲示以爲訓

我年半百餘凜凜懸世系茲且踰杖鄉汝生剛十歲呼樽翻
飲汝憐汝跪而勵笑口掀髯開血淚汝中蔽念我祖與父育
我早不濟丘山霜露寒門戶支無計汝之去慈範入土憐揮
袂至性慟天良大禮達喪祭生母昧鈍瑛鏐踈小嗜汝恐
觸我威每解然調劑我因傷汝意一碧空天際願汝勿學我
善藏莫乘銳願我勿害汝留耕城苛細功名否泰遇何關逞
智慧王謝雖清輝兄弟寧魯衛倘能視弱冠遲我聽鶴唳

題五烈祠兼贈王謙有大令

深秀亭詩集卷之十六

夫

日月將墜天地黑有明叔葉蔽流賊朝之鬚眉硬秉鈞中原
鼎沸弛逐北歷陽城下罹鋒鏑橫橫徧野血河塞誰其震怒
矢鐵石良翰王子人倫則揮子蹈又急星散旋驅婦女勇報
國婦女雅非繞指柔義不香閨逗凌逼卒負木主挾家乘鄉
飲臨危差不得虜中我鼻噴瞋目蘭摧玉碎焦殘煥事聞列
祀表慘酷未免清潤蓬麻植四千行賢聘與極命名排以用
爲式用極獨持剛介意志請端祭苦貧力極子九維了未完
劉毅膽粗王猛識瀾翻電閃虬髯戟一往豪邁逞本色仕版
綬登丞相度社學賈隙小儒棘沐猴南面彼何物攫金偏袒
顯慚愿清議大吏山判定魏煥奕奕穿碑勒果是父果是子
生者能措歟者直莫諸母莫諸始尹杜魯戴女劉室硯田蓮

暮羔鴈資蕩產經營象心宅靈旗寢殿土花青鶴唳啼冷
日晨麟也驟向九維交頤因誤認支切責及披廟訓刑于政
忠孝子孫怨敢匿俯首冥叩仰視君君親之際綱常白含牙
戴髮挺七尺我輩浪許豈詞伯幸乘承平養松菊拔劍吸斗
良可惜君不見男兒怕死醜狼籍易姓及覆吳魂魄崇禎英
烈恨無臣士氣徒捐申草澤君家環珮返浩劫世壞冠裳挽
巾幘冰霜肅殺潔回春後世其昌門當闢勸君老作守祠人
一官恐玷五烈迹

生辰示兒

哀此母難日衰病刺孤身憐兒強解事懽會教六親曉禮金
仙閣墻頭呼比鄰朱提出書笥清俸分垂紳童僕襍奔走圖

深秀亭詩集卷之十六

七

丁醢獻新言笑厨娘內洗手撲巨鱗嶺岫別榴栢軒窗拂蕉
筠鶴坡碧鏡水藥欄映芳茵鬚眉生沈綠琴書理舊陳惟恐
不當意宛轉學經綸心酸祖及父豪氣莫與倫康濟違結束
不得老七旬胞弟近亦剪我豈長賤貧弱妹同頭白依棲助
薦蘋顧兒恩兒母溫飽切津津沈疇最進業東牀升西賓兒
誦響霜雁耳聽協好春十年荷載撫青箱願傳人鄙願遂滿
月敢尚希安因薄德鮮厚植皇天矜下民

署郡侯吳嵩山董漕郡丞唐子淑水利別駕王東魯集

草堂

雨開明朱噫潮平白遠邨郡寮能選暇鰓菜不嫌貧政願催
科拙醫調疾苦恩嵩山時禁邑嚴比施丹藥活人林泉何勝樂一坐夕陽痕

赴東禪藥局與楊士欽知事視事二首

雪浪空天濶蓬窗聽雨開殷憂何術愈調劑爲誰來官肯捐
廉俸時應轉數災可憐鳩鵲倚生氣望蓮臺

未必非神力能同造化工春生十指下道在一九中香閣排
林綠丹爐抵日紅端知楊伯起清白有家風

挽師提臺母藍太夫人

端向瑤臺禮舊筵卿哀縞素半南天名垂彤管

慈宮憶淚濕愁霖細柳懸方慶登堂容揖客何堪執紼送西川

殊勛至性今羊杜報母恩輝千百年

哭署郡侯吳嵩山別駕十首

不信清勤折皇天豈惡能歿生何足異修短却誰憑強仕程

深秀亭詩集卷之十六

六

方駕微疴夢忽冰銀河秋半瀉長嘯碧雲升

憶枉停朱轡琴尊話草堂寧知一月隔忽見二天亡治行曾

無比廉隅苦自荒蓋棺搜長物花雨積書床

一笑彌留際知君痛不言雙親高鶴健嗣統待枝繁案有施

丹刺庭無訟草窠惟將精白意永訣示吹埴

民命嗟良吏岐黃竟失傳初權五馬貴危閭一絲煎異姓交

醇厚

謂同官

措俸捐

謂郭公

合詞聲烈豆永勝子孫賢

郡寮名九載席不煖清衙寒暑逢鞍路穴荒藜藿芽晚餐深

待月短袂小眠沙那得形如鐵愁腸病亂麻

寶山宜攝篆靜屋駭神明鬼蜮今藏影參苓舊憶情可憐聞

計日如失此身生灑涕攀遺掛江邨到聚萍

與我論心密冠裳悔轉踰展舒全未易功今奈如何宦海風
波暴蒼生血淚多却來傷氣數薤露不堪歌

未竟興實業愆由峯渺人沈流驚失枕秦鏡惜埋塵家本孫

吳學官幾回憲符繁車白馬會肝膈看誰真

素共滋培癖猶存借鶴書丘園新剝果風雨坐臨渠識語淒

然發塵煩若欲除千旌今望斷叢桂悵閑居

不覺有餘事何須自訟難欠身支大覺望雨尚生懽瓜釀頻

呼進冰桃細把看庸醫群束手萬井哭恩官

閏七夕

淡月新涼上水亭荒唐我豈羨雙星茶槍客話虛簷靜書幌

風掀紋簾青仰睇明河懸北極閒聽老樹撲修翎鬚眉未厭

深秀亭詩集卷之十六

九

秋華薄佳夕懽重抵一齡

王樾菴廣文招集有斐堂

雪竇永統赴墨林新涼疎雨嫩秋陰賓筵杖履松筠骨風味

琴尊湖海心經史未荒留鶴俸官商高引化龍吟官方止有

師儒重難得清言許數尋

疊前韻

官舍清風近竹林面圖應接亦山陰窗明雲母花前鏡逕展

芭蕉雨後心膾炙厨娘新別致壺觴座客沸豪吟鄭虔三絕

徒酸儉鐘鼎還從義獻尋

三疊前韻

冠裳氣象視喬林敢託閒情昧悄陰霞外儘青無際路樽前

誰卜未來心絲桐座按柔清響蓬鬢人高未老吟那得兵厨
千斛攤消磨忻賞日招尋

四叠前韻

蘭麝烟青翰墨林周遮簾幙撲花陰柔情易老三生夢熱血
難灰一寸心秋水漲時驕魄滿乳鳩呼後聽點吟避秦詩裡
王維画不辨仙源何處尋

五叠前韻

放鶴冲天信道林古香門篆識汾陰衣冠不是逍遙客物我
常懸康濟心曲罷停樽三太息花時倚杖一微吟蘭亭今作
清秋會更看江頭柳十尋

六叠前韻

深秀亭詩集卷之十六
屋角遙青指繡林空天不許着棠陰聊憑詩酒呼驚座大有
烟霞見道心虎豹斑生雲脚駕松篁風送隴頭吟中秋月後
重陽菊須縛藍輿仔細尋

新涼八首

新涼醒眉宇山館即仙階桐月窗紋剔松風鶴影排吟情添
鮑謝客興憶江淮惟有青雲上雲霞不可理
瓜果針樓罷銀河星渡虛雲頭滋小雨雁足盼來書密陰消
澄壑幽芳散敞廬鈎簾思淺酌客去可無魚
不覺饒清喜晨興玩物華小山珠露滴別院玉溝斜拂檻舒
蕉卷驚鷗洗墨花樵青寧易得親煮白茅芽
客散空庭晚溪光赴夕陽疎蟬堤柳咽步鶴石橋長老擁花

三徑閒支書一床端超物役外性體不尋常
未得秋如秋水交三兩分鷗鷺窺淺立絡繹動先聞花逗空
香雨山開画卷雲詩僧馳筆果冷澹一般勤

小院羅秋色簾衣亞字東陰探無礙長嬌繡幾般工聽鳥停
披卷留賓坐晚風琴床清待月瑟瑟傍雙桐
闌屏何所事清秘小遷移橘柚鱗牆壓鷓鴣鏡水披眼前圖
又換身外夢無疑漸覺冰紈滑風烟納晚吹

野老勤修謁頻移弱舫輕夕陽風柳岸古渡草蟲聲疎放懷
元亮辭華薄長卿碧天無際上直望泰階平

集蚤桂前遲沈霖蒼不至

王露團金粟新涼溢小山身輕藥餌後客到画閣聞香氣天

深秀亭詩集卷之十六

風貴清華月影攀如何騷雅座沈炯此緣慳

秋堂

準辦枝頭計日開金鈴薄映水晶胎北堂痛背慈顏照可惜
高秋空手栽

霖蒼過飲桂前

芳影烘斜照心期續飲醇琴書何待整緞萊不辭貧座豈天
宮近秋恬鼻觀親淮南千古意賢者獨超塵

大令我思姪得孫

吾宗讀書種半擲浪遊屐清芬雖可誦震起鮮逸嗣顏老散
蕭艾少恣徒粟帛何者是可兒謝庭琪樹格賴子承駿烈溫
文秉圭璧國恩培士氣名揚抵微闕與我生同庚六十平頭

白盞許竹林阮浮沈愧詞伯子今已抱孫我兒纔五尺充間
聽啼英湯餅青雲客塔前吐蘭孫屋角翠古栢繡綵上書牀
鬚眉倚几席祖孫脉引笑天性恩血脉及身其昌乎念茲德
所積既常自教兒誨孫更華策不必驗之無但看潤頭額其
氣勇食牛日光電精液子喜輒縷述我懷轉難釋力疾賀子
喜語要響金石江郎還筆花近覺思如畫未免鼓能事不肯
泛塞責爲子特滿飲秋曉蒼崖碧一瞬馳手揮若敢搽參獲
願調新雛鳳翰墨亦世澤

中秋

無風無翳廣寒清鬚髮冠裳洗二更座憶應樓乘老興更充
香案舊班名林泉影是瓊瑤魄魚鳥幽然梵貝聲酒力不勝
深秀亭詩集卷之十六
茶味永空懷淡定一湛泓

十六夜義亭也亭長林貞黃及兒小集

昨日中秋今夕多銀蟾光舊滿星河竟蒙影初凌空想鴈石
天青新雨過肯信酒香清桂露還燒燈影上雲坡憐余送客
常臨水耐老鬚眉映女蘿

酬我思姪送菱藕

華門掩清晝花影風交錯啼禽忽高揚微微聞剝啄青童捧
朶雲汗眉搖幾索滑潮撥葉底池塘攪長腳鮮均水際來濕
尚苦痕著盥手開緘讀吾家饒著作餉此非肉食道味甘藜
藿遙憶欸乃中大遂田邨樂根蒂取清白頭角復不惡虛心
出文絲熟煮果碎嚼兒群躍肘下紛紛恣猛攫不肯隔宿留

留亦失斟酌從來牙後剝塵腐趣蕭索班馬粗驕雅珍于形
跡削以茲報食吻一再許善諱平生湖海氣嗜好本賤約擲
果老不才採掇與殊渥若推地僊列庶幾懷抱朴鏡花也有
菱惜久封敝閣藕花結房實見名兆所託觸深無限情遠敢
曰物薄猶記元武河十里走風泊攤面與沈沃芥巷親撈摸
洗菱剖玉甲餽藕趁新箭烟波上下遊鷗鴈憑空掠芥公乘
葦去秋思向誰落舌存天地間滋養藉丘壑子能解我意穩
聽華亭鶴信筆縱卷舒造化焉可縛九峯翠欲登更擬攬遐
廓

限韻咏秋色二十二種

紫薇花

深秀亭詩集卷之十六

風流端合對朝郎年少思承畫錦堂紅藥蚤翻春有護海棠
同恨色無香秋高鳳閣銀河迴露重蟾坡蟾魄涼何似小山
幽谷畔神仙吟吟泛霞觴

秋海棠二首

柔情約約爲誰開惆悵前生重夜來不信斷腸拖薄醉却教
小院倚新栽虛窗冷靦凝疎雨紅粉微羞著淺埃繞砌寒蟬
停又咽若憐血色夢蒼苔

笑靨全嬌玉露開勾金雙蝶粉何來深深庭院秋如滴嬾嬾
花枝面裏栽一往遐思迴半面十分幽怨莫涓埃低催不用
紅兒板捲盡蝦蟇上碧苔

玉簪花

一番風露淡清宵誰把釵頭插滿條絡緯有聲低覆葉鵲翎
無夢捲生綃芳心虛抱終須出羽質何肥不肯佻想是群真
傍寶髻聊存瑤草月痕標

漢宮秋

一自昭君去漢庭若留小草恨娉婷黃金色愧頭陀賤羅錦
紋披骨鯁青舞罷旋身凝霍玉夜深憑月夢湘靈不嫌霜老
生偏嫩欲賽紛華孔雀屏

老年

自笑顏齡花甲餘華姿抱爾益躊躇秋霜翻際春風面畫錦
紛披貧阮居斌媚好扶新杖履耆英聊擬舊圖書紫羅囊脂
圍絲竹妓挾東山興未除

深秀亭詩集卷之十六

書

錦西風

瑟瑟清霜閃閃秋巖然鵲立繡平頭流通御苑曾無染冷落
丹楓少此稠連夕空塔吹緊陣幾番化雨變新抽蜀江不用
波心濯百發光華散未休

剪秋羅

不隨燕尾疏春裁却向針樓巧後開霜葉未酣珠玉片并刀
誰碎捲綃胎冰窗雪竇頻相照蝶粉蜂黃惹莫來若抵金錢
空夜落何如次第節生材

茱萸

星星勾漏活丹砂引出登高屐齒餘酒泛層樓當落照風抽
一線亦秋華百年兄弟閒情賦幾疊雲山仙手家手把插頭

同藥餌圓圖抱杖伴黃花

僧鞋菊二首

象自西歸化不遺佛頭青染曉霜披仙殊葉令鬼飛幻艷豈
金蓮玉步移色相登高叅老圓開情方外寄東籬腳跟立定
黃花節伴我幽棲絲髮垂

不是荒踪敝屣遺生生超脫斬新披柴桑異本宜高蹈曹洞
宗風妙轉移約得秋光呈底樣更無塵染掛疎籬誰知黃面
瞿曇客步武霜花象教垂

朱蓼

雪然灘轉綠莎洲弱線縈縈引釣鈞水際低昂披日影草間
生動却風流三千朱粉三千釧十二闌干十二樓揮塵若叅

深秀亭詩集卷之十六

豈

王謝側止因標得幾分秋

美人蕉

嬋娟別艷綠天低插得珊瑚釵解齊毛女畫噴三昧火紅兒
綵剪石耶溪空庭熱影何穠甚弱卷抽心却燦兮絳袖忽通
慈慧果含辛粒粒小菩提

藍菊

冷趣文情故耐秋黃花若與此夷猶清流逸調思東晉生剪
青霞點一丘茶竈書牀磁鉢位僧窗墨骨膽瓶頭榮桑未必
當年見籬落依稀象外幽

水木樺

么鳳生團小淡黃星星露潤通天香木何柔順搖芳躑水約

丰神暈薄枝霍玉幼時環珮穩麗娟仙去夢魂涼青江曲罷
無人見蘋蓼茨菰共楚塘

芙蓉

百孔迴闌九疊坡風潭一望渺如何新枝隔岸臨朝鏡斜日
層巖笑晚酣想到青城塵夢少踏蹴翳翠去來多蒼髯我似
神仙客每對紅顏倚棹歌

秋牡丹

魏紫偏鍾秀削輕秋花却有殿春名何曾富貴憐寒乞若使
蕭疎占艷情石葉圖描蝶影苔錢膏澤挺霜華洛陽不用
誇三月詩酒陶家趁菊英

白萍

深秀亭詩集卷之十六

泛石湖邊撥透肥養深十載始成稀光生藍玉團蓮座潔似
文君濕縞衣久避魚龍風雪打好藏盆盎石苔團心恬秋水
神爲濯宛對空庭忌道幾

秋蘭

雨後斜陽香忽清不知何處放新英騷壇細撥三千葉磁盎
頻添八九莖只有翠書閒是味若爲仙佛學當明棕鞋竹杖
西亭晚日送雲霞秋水平

雞冠

出頭文物苦啼難小草猶能傲此冠整故昂藏無定相生非
雖伏儘雄看離邊矮脚何群鬪日戴清霜竟不寒鳳尾竹林
纓絡外秋光滿撒莫遮闌

萬壽菊

草澤紛披傲晚霜金風簇就御袍黃東吳星指偏雄長處士
離荒遜此強何得遐齡同祝聖從來擁富絕無香癡肥綽有
乘時力七尺高撐鷗鷺庄

向日葵

小草翹生秉大綱丹心一寸肅朝陽全滋密珀開團扇折伴
松膏潔道糧甘味扶桑東海出遙瞻羲馭五雲長空堦夜落
殊寒賤不敢當明耀孔方

鳳仙

丹穴群飛刺艷情羽衣躍躍化工明德輝九仞低盈尺采馭
三秋擁列旌月浸夜深裙襖冷蝶眠風淺夢魂輕何須指甲
深秀亭詩集卷之十六

紅交染誰與騰空按玉笙

丹桂

金粟堆前別絳葩天香潑潑綴朱霞直看紅影丹梯上滿簇
閒居八月華客散酒闌疑火樹夜涼風細透紋紗龍頭貴售
昌文運招隱淮南賦又差

送別尚端文

萬里蓬鞍百斛塵白登紫塞乍歸身
君思生感如山重驛夢驚添彩筆新廊廟清時撐鐵石雪霜
撲後見松筠麦舟涕淚今誰問東粵西江過小春

寄尚涇川庶常

鳳池奪去任飛鴻恨抱終天血淚紅塞北有聲曾顧問江南

噩夢是何戎青山暗壓蛟龍雨畫錦寒侵霜雪風傳語酸辛
來逐客林泉慚愧舊吳蒙

遣興十首

新雨滌幽苑空庭積翠進客將問字酒僧寄本山茶病體支
調鶴閒情待剗沙比來深息影好景納清華

載菊人歸後留賓酒熟初懸燈團別墨舞鶴看斜梳屋近漁
樵路兒知經史勸連宵清雨足二尺滿園蔬

性懶甚違世囊空老杜門惟慚學力淺具感不官恩曲港平
橋渡危樓抱水邨家家魚竹青擁九峯根

偶然成小隱門巷繞菰蘆淺水叢魚婢青燈上蟹奴芳常三
徑撲鼻覺一絲無頗愛休官侶圖題並醉扶

深秀亭詩集卷之十六

天

綽有登臨趣其如濟勝頻臥遊山入画渴疾水盈杯骨瘦詩
肩立心空世網灰全家十畝綠清景日徘徊

十載燕臺隔青雲漸不親山僧投遠札門堵坐西窗冷淡爲
懽古周遮寓覽新疎鐘精舍近晚課最清真

一帶崇岡濶斜陽圖画林晴空飛野馬秋實飽兼金駿商登
臨健心香恬淡深危橋誰雪髯倚杖聽龍吟

老樹聳峰頭書牀恰面樓空濛三度雨清透十分秋儉且思
風味衰方悔浪遊何堪驚伏櫪不若穩眠鷗

涼月動遠水空邨肅晚風燈紅花市酒犬吠寺門鐘送客時
停杖懷人仰斷鴻過江名久厭不覺愛陶公

數種重陽菊探霜得氣先虛堂華此候老友集初筵潮滑江

魚夜風高海鶴天世情餘嚼蠟雉永學逃禪

命画雲

剪得巫山一片雲止堪圖画上海紅裙先生杖屨柔扶醉侍女
衣稠詣薄薰飼鶴勾簾客作伴烹茶滌硯課清動龍鱗松下
苔痕綠高在風濤空遠聞

九日二首

平明放棹問花岡指點場師水一方鼓力登臨頻上下曠觀
物我任蒼茫天容病退風騷活露或幾先性體香千百錦蕞
黃特正御袍還聽鶴翎長

買得霜花滿載歸怡逢送酒候雙扉松添親串圖燈坐新在
華堂細雨飛千古風徽陶令達三秋節物相乘肥賦成落帽

深秀亭詩集卷之十六

天

雖才健樂道何如蚤拂衣

集菊

士氣藉深培霜苞信蚤催東籬十畝宅高座五雲堆夜靜還
燒燭香清易覆杯主人力病起著意滿徘徊

舟行二首

雨歇懸蓬葉秋成愛水村清遊三十里撲翠萬千痕語塔高
風鐸僧窗位菊盆故交松竹伴矮屋貼雲根

仙館神龍活浮屠天馬高遙青移放眼虛景耀寒濤花雨空
林屋骨牀響鐵盤柳堤隨小住且喚熟醇醪

對酒與金孝廉德藩

陰晴乍判重陽後黃花紫蟹羅清畫孝廉老友文章宿動別

幾載忽邂逅電目閃閃鬚眉覆壽肩却聳鶴翎瘦自言鄉曲
藏固陋不覺狂笑皮肉紛一官拓落久拋綬棋局只怪紛爭
謬緊閉衙門籠兩袖鐵筆勁與造物鬪秦漢骨格晉魏叩古
人似無出其右松楸霜露濕苔蘚丘山華屋皆親構堦前竹
樹穿奇秀陌上土花結紅豆釣船歸處魚乘溜斜日未墜燕
夫逗老瓦盆邊肯相就田間作息康而壽我聞斯語轉低首
世網束身直不宥冠裳之內叢惡寇不如草野存樸樵君今
斗酒尚馳驟我傾三蕉深抱疚拍手絕塵勝孩幼一往青氣
移蒼岫

陳健園表弟五十四首

修於瘦鶴浪盟鷗整頓鬚眉事遠遊我已百千成大夢君今
深秀亭詩集卷之十六 辛

五十亦平頭松楸涕淚元龍氣青劍風塵王粲樓幸有琅玕
青几席可容晚節傲霜秋

秦川歸後粵東行陸賈千金囊又輕驚座留賓成血性從征
草檄散浮名連枝兩世家生羣交道中年感伏鳴樹愛三珠
庭畔直青箱祖硯且深耕

吾曹曠達耿清真其奈豪揮自食貧客夢不堪牛馬走酒懷
聊作葛天民岳陽樓上聞吹笛萬里橋西釣逸鱗今日墻頭
野老集譚何容易得閒身

白頭中表絕風騷不信童遊半百高試問鳴鐘雲物怪何須
身世夢魂勞從今幽賞借清秘此外浮生要善逃歲月蕭疎
寧更艾君看我已杖蓬蒿

湯碩人同學重寓興聖寺投詩用酬

駿烈清芬冠士林名高揖客感知音重來慟濕西州夢悵別
魂銷細柳陰我病渴懷勤握手君垂青眼似遙岑驚探吟吻
何泉湧小住還交塔影深

湯碩人同學沈恪庭太史袁韋巷國博容軒大令集草
堂登前韻

不銘鐘鼎遂山林威鳳高鴻各令音風雨思牽湖海夢乾坤
秋老菊松陰尊前玉屑詩中蠟屏上燈輝雲外岑歸路好探
禪谷靜細聽鈴轡客窗深

周荆山上舍以詩代東索菊枝挿瓶爲次原韻

秋容綉老圃矯矯清霜壓我慣尋場師青選魚子纈秀者澄
深秀亭詩集卷之十六 辛

鬚眉艷者真鉢鉢飽盡盡延之滿載撲白衿草堂撥舊醅味
把紫匡叩渾仰碧落寬愁終身世狹不肯信俗交所以杜旁
狎東籬望南山池塘穩睡鴨獨舞素心人月雨來新厭貧病
畏出門彈筆倦銀甲可惜好鮮葩空房無人插燈前搖瘦影
折枝剪正恰瑤章捧雙童鐵畫大蘇法高麗玉版箋跌宕換
馬妾便讀咀離騷險叶方言難能事既若茲幽趣何妨輒可
憐然斷者夢境徒塵劫詎知大作手心辨馥花葉膽瓶貯活
水壽直經新鴈伏君繡虎才燦於濯錦登倚杖日高吟慚愧
美長鬚仙乎兩腋風快謝醉荷鍾吾曹博古懽悵無給筆劄
願諧金石聲珍守蘭亭帖

送別湯碩人兼寄即撫軍二首

十年別始到雙眸三宿如何不肯留
鴛鴦愛宿霜葉路草蘼
聊問海疆秋松楸涕淚酸名父金石肝腸憶故侯
豈把無絃彈俗調寄人王粲悔登樓

河水悠悠覆白雲斜風細雨雁離群
支吾病骨無如我惆悵
扁舟又送君貧是千秋名節柄駢容百和性靈芬
倘過開府論文酒爲報閉居但鶴聞

寄胡德庵江西都閫

潮橋水雪出臨潼虬髯英雄別淚紅
此意八年紫夢寐閉居
十畝賦愁窮征鴻秋水兼復月畫角寒旗楊柳風
兩地一絨空遠達何時庭鳳見毛豐

晨興

深秀亭詩集卷之十六

圭

瘦鐵滋梅芽疎籬刺菊英酒懷連日淺雲氣隔窗生
短札詩
僧寄長風劍俠鳴不嫌搖落候却禦老崢嶸

思飲

枯腸久不潤渴疾似難辭忽對新花雨
忻開舊酒卮
葉餉菓剝蜜囊脂適到霜蟬客閒消話六時

試杖

選得過肩正何須學化龍藉他如執友伴我上高峰
乍舉驚
長鶴橫拖聽達鐘先生今入画自笑老癡癡

看落葉

夾水精廬密沿村老樹黃飄飄空似雨
撼撼響經霜
冷打鷗
庄滑閒吹蝶夢荒掃烹茶竈熱活火帶乾香

小愈二首

小愈幾陽復空齋定後僧身餘何物役意內
覺山青老樹高
雙岫寒花擁一庭簾衣書幌靜鏡語躍修翎
未敢登危級環廊拂袖行松風吹晝響溪影上
虛明何側三生夢休休一往情自憐憔悴久塵網
幸無撓

小春

小春溫趙日懷抱暢閉居生意南枝撥新春
負郭餘補裘
賣賦留客證抄書味頗厨嬾語鮮烹栗網魚

送菊

送菊歸初地虛堂位置休如看高士遠覺朕小春
留嫩蕊
香剩清霜落葉浮柴桑五柳宅託跡傲千秋

深秀亭詩集卷之十六

圭

酒力

酒力澆天趣神仙非強知沈酣汚夢夢對酌解遲遲
蒿上君
扶杖花前託詠詩
樵青更一釀醒眼未會癡

夜長

夜長清夢香伏枕遙空聽竹塢風微寫
窗月久停十年深
悔歎方寸只虛靈
難得晨鐘喚啼禽山乍青

冷雨

冷雨侵晨夕幽窗攝病餘香吞苟令座
鴻達故人書
石檻青
苔髮山泉產
窮魚闔疏頻用摘門巷有停車

賦得燈影照無寐

風雨悠然夜虛齋獨臥長低昂三漏
鼓漸續一絲香
盆蕚搖

書幌簾衣射劍囊心空何物役止水漾明光

賦得心清聞妙香

一片龍涎餅微微隔火煨空懷見何地塵夢久寒灰剪燭攤書夜征鴻叫月隈匡牀堅坐直納息自徘徊

賦得所得在清曠

失足誤塵壤真機幸自操長林風未晚去口夢何勞空洞雲霞動神仙詩酒高細管幽趣永徑尺長霜毫

賦得隨時愛日光

良時不再至達者與天遊花落空流水春明遜老秋雲峰征雁遠客座典衣留莫惜斜陽晚松筠月滿樓

賦得坐隅分洞府

深秀亭詩集卷之十六

禹

定力今方信何須遠隔塵雲霞樹染竹材歲時新學願開弘景名趨梅子真本宜丘壑置不覺面圖春

賦得花影隔澄溪

修餘敷迴岫潛鱗撥淨泓分明秦鏡化搖曳玉壺情可遠不可襲空香轉空生最憐斜照白引上高廊輕

賦得此中真得地

何必買山隱我廬適半村漁樵青巖境仙佛老同門雨足空明翠風迴日和溫豈能折腰去塵壤誤名根

賦得到來生隱心

三徑亦何異蓬門洞遠青花時十日飲騷客幾丹停細檢神仙錄徐登木末亭移情殊有見不覺向山靈

賦得衣拂雲松外

自署山林長曾無束縛苛全家尚仙學別墅貯烟蘿魚鳥清遊澗樓臺空翠多不知王子晉鶴背究如何

賦得心與天壤俱

不肯存私曲方知宇宙寬生幾納胞與雲水澹眠餐萬里高鴻達空山古納寒忘情今入化爲善且無端

送陳健園表弟

出門無定向饑驅轉茫茫吾曹櫻此患貧賤固其常硯田闕負土松楸爲蒼涼婚嫁粗未畢薄收生歲荒里巷不可耐瘦

鐵冷空囊仰天作壯語大笑別鷗庄東西南北人何地阻翔翔任意就行止知已寧王陽眼前捉刀礮識者亦無匪飛蓬

深秀亭詩集卷之十六

韋

濶十丈滾滾駕錢塘仙霞千萬級漂漂插風篁客踪晴臘月巔巔帶清霜何況冰與雪山川爲低昂放食吹松火画檻覓

僧房未始不足佳到底非懽場吁嗟鴻鵠去豈僅謀稻粱旁觀那得曉骨月動乖張一步一迴顧願蚤飽歸裝

述病七首

岐黃失真傳舉世貌百草藥與病相試無關便上考水火苟錯投膏肓致莫持庸醫誤殺人秉權况國老我病久自知根

苗悔不掃

病根來不覺僉壬如倖進伺我戮可乘稍稍失効順撫之既潛長撲之那得盡陰損竭脂膏霜雪上巔巔礮石脫利齒遙

青倦一瞬五體輒動搖火攻列肝陣甘旨雖強食夜長苦活

殞黑甜希華胥化蝶奈久客愛客厭難酬杜門惜花信

悠悠世路情惻惻三生夢永懷堂上人罔極終天痛誓墓守
賤貧雖伏不得動松楸滴霜露漉漉親抱甕嘆息力已枯後
來豈雛鳳揮手却無絃歸鴻時目送

五更攬敝裘力坐納偷息微微香燼閒窗紙落月色欲煎蟹
眼茶老婢如鼓翼隔隣猶夢夢洞開已牀北幽禽啄花鬚弄
晴躍唧唧起視林泉象妙理入翰墨清福恐難消倚杖審正
直

萬慮塵灰白熱血獨未冷惟恐有餘事晨鐘發深省才疎而
意廣不覺失之猛假寐復片時忽上仙霞嶺芒躋何其輕滿
撲風篁影欠身伏枕高朝旭窺炳炳衰敗雖前逼束帶敢不
深秀亭詩集卷之十六

美

整衣出堂皇故舊適紛坐或勸進參苓用補不爲過或云尚
黃老母與病搖播詎知非減餐兩年少偃臥臍臍熾火域傷
怒而易餓神清幸守令百骸則浮倚生寄死如歸造化機可
破鶴背果何人我是那一箇

鶴背不可期雲霞亦輕浮聊支過肩杖且上竹間樓壺觴高
自勞花鳥若勸酬攤書了一寸弄筆作銀鈎海南水沈香十
年孤白裘坐擁叢碧際何曾不清修病體不病神全家在丹
丘採藥昧奔走君臣徒空求不如聽自然得休且休休老子
善養拙雞窠奚足留寒梅開十月陽山洞雙眸託興每不淺
誰撈千歲憂

微吟

微吟索小飲幽趣澹空香門湧潮時澗山高雪後蒼顏思差
國士善病賴厨娘千古推陶謝風騷獨不荒

陳堯年表弟楚歸

吳頭楚尾隔三年歸及南枝綻雪前飼我武昌魚帶甲西他
江表鶴飛仙溫文有子青田闢惆悵難兄客夢懸莫話囊空
深感舊黃童門巷已荒烟

高座

高座逼書幌軒窗暖日華風騷雙鬢客瓊珀一瓶花采藥兼
充饌無官寧此家誰來揮塵罷深味趙州茶

垂簾

深秀亭詩集卷之十六
垂簾靜白日水殺漾花陰十畝閒居賦空山平等心香絲明
撥火客座響橫琴塵網今全破將身入西林

寒香

寒香簇戶牖薄雨咽昏黃若被無懷化潛通却病方修葺海
鶴瘦飽尊膽瓶光相對堂堂坐燒燈進一觴

一觴

一觴兒手進爛熳事天真頗懼聰偏銳深知疾諱貧披裘當
雪竇換眼刺花新自得長吟趣風波念逐臣

一息

一息杳何許彌天萬象空生機微有託元化默無窮閭苑流
星白扶桑浴日紅分明方寸地躍躍主人翁

中夜

中夜虛秉燭清遊一室間枯坐翻神王徐習未能刪蠅頭洞
雙眼細帙檢班班細煮驚雷焚烟吞壁上山山光恍噉動遙
見飛鳥還軒窗白初昇隣鐘響漁灣童僕全固覺柴門猶禪
關了無車馬跡似亦別塵寰策杖者誰氏問我索酩顏

向晚

向晚雨霏霏低空幽賞微津樓遮柳重漁火駕潮歸阮酒留
青盼荀香撲敝衣愛他簾影外梅萼夜光肥

帶圍

帶圍愁口減傲骨轉威稜病笑無名老詩添幽討能松筠青
舊雨杖履情孤僧始信休文瘦重裘竟不勝

待旦

劇眠待旦風雨隔窗深那得花間化惟添枕上吟隣鐘寒
未動戍鼓遠何沉跌坐匡牀澗難灰一寸心

絕妙

絕妙此駢枝芳辰折雨絲文標清秘閣小貼宋人詞細帙懷
千古茶槍坐六時徐熙慕善本我意爲生姿

雪朝

林泉耀清景雪朝滌纖塵禿裘頗不怯倚杖矚津津炊烟起
村落危橋僂漁人叩門携雙尾急於換米薪苦辭水不產不
敢作醉民中夜打蓬葉牽綱白泗濱一舉而得兩今且渴飲
醇幸無猛虎吏來擾我細鱗苟得快眼下追計明日貧蠢然

而曠達我用師其真瑟索滿松竹精廬環西隣梵響散鐘磬
瓊瑤疊嶙峋卜瑞未爲多臘花詎嫌貧

雪蕉

種紙高抽卷迴廊剩綠陰禁他一夜打受得六花深冷澹饒
生趣蕭疎見画心翳眉標映處老鶴聽橫琴

雪竹

此君誰可壓風定轉峻增液秉瓊瑤綴詩懷嵇阮澄寒光消
漚漚高節表層層記得暮清本峨嵋古臘僧

雪松

繪素耀重重懸針靜飲鋒戡然中夜積一片碧雲封臺榭泰
銀島林泉掛玉龍蒼髯今皓首冷眼勁支筇

水宿

水宿寒殘月漁歌貼遠風香消遂葉白夢淺燭花紅身世雲
霞外江山詩酒中明朝歸棹滑且欲探梅翁

乍晴

乍晴動雲物光被醒乾坤意向風帆豁情涵酒語溫田疇修
白社榆柳近黃昏可卜荀陳約高鴻報遠村

除夕

三吳十畝一閒身日日消除無妄因小劇豈知能澈悟清修
若已脫凡塵山同我老雲霞凍梅向燈紅珠玉新爲念棲臺
楊僕射海波欲貼尚逡巡

深秀亭詩集卷之十七目

元日	歲朝把菊
見歸雁	小遷移
試燈	插瓶花
沈霖蒼招飲	探梅
持螯	雨况
人日	瘦怯
送酒	靜
古木	元夕
悅宗上人	香草
以盆蘭送郭恬菴公祖	葉裏士招集
深秀亭詩集卷之十七目	一
蚤春	送沈霖蒼表弟
看杏花	看玉蘭花
送梅	空亭
過鄭雲驥甥孫弘訓堂	鄭心若招飲
過張竹亭鳴秋圃	花朝
祝花	得樹
可菴	唐懋才荀令招集
丹行	史徵垣鄭芥梓小集
遣画雲	新綠
初夏漫興	盆供羅漢松
黃山松	朝雨

悚息

細雨

齋日

哭王制府潼川先生

酒懷

剪筆歌贈浩如上人

午雞

黃鳥

蛙鼓

画梅歌

画松歌

再贈層巖

塔寺

七夕

與古心和尚對月

疊前韵

三疊前韵

中秋

十六夜坐月

聽雨

丹行

古心和尚茗飲

深秀亭詩集卷之十七目

二

秋夜

南禪寺

次韵酬曉峰和尚

題画

九日

徐心在上舍七十

送古心和尚

九月望日

催菊

小樓

選菊

曬影

翠影

溪影

石影

竹影

菊影

樹影

花影

集菊

秋晚

對菊

深秀亭詩集卷之十七

雲間潘鍾麟眉峰

康熙五十年辛卯選三百五首

元日

聖祚昌平五十春
履端溫得好晴新
青山遙仰紅雲座
白髮今如紫府神
呼殿無塵來障扇
層蘇有子進花茵
披裘試向南池上
泮渙冰漸快撥鱗

歲朝把菊

飽歷冰霜剩一枝
東籬商蕊故遲遲
屢端若采長生藥
託興應添靖節詩
書種堂開標上座
辛盤席試對啣卮
當陽可惜重簾遠
瑞獻

深秀亭詩集卷之十七

天顏少驛馳

見歸雁

嘹唳春風欸欸飛
晴空遙引數行歸
關山此去應無限
杭稻於今亦不肥
寄語誰從霄漢達
頻年我已弟兄稀
沙汀星月秋華白
又聽啣蘆過釣磯

小遷移

閉居最妙小遷移
雪岫花開特占奇
客到每深圖面讀
風清殊覺古香披
明爲洞府開生面
愛向樓臺習懺儀
如此遺懷聊却疾
超然物役也相宜

試燈

剔墨明芳本懸珠
散綵毵華堂人物舊
不夜圓圖浮延賞

原缺第二葉

窮果山僧寄蒲帆
野老來紅添獸炭
活養得水仙開叉尾
春藻沙禽啄石臺
酣遊平化育無跡可嫌猜

三尺春潮達千章
翠影稠直停松下
杖危路竹間樓身世名
空賤漁樵意晚投
無絃聊自拭塵閉厭吳鉤

不覺疎殘客烟蘿
合杜門老耽騷雅習閒
託歲時思大夢參
僧話蒼生剩淚痕
花光寒更新脉脉易黃昏

簷溜疑零瀑廚人似退僧
了無侵剝啄惟覺傲峻嶒
墮坐空諸有澄懷最上乘
深山初未入清秘綠烟凝

離垢慎小疾調羹忌大烹
林泉清息影酒墨謝徵兵
巖岫雲霞意樓臺鐘磬聲
肯辭消受冷只要一身輕

日日添紅藥雕闌春有得意中
饒墨骨天半泛雲濤枕貼琴
深秀亭詩集卷之十七

尊潤書無魚雁勞
老人甘晦遜一任長蓬蒿

文禾修益夢由思換
膽瓶視平新汲洗山挂卧遊青
佛火明遙聞仙禽叫綠汀
茶香舌本在自信轉惺惺

人日

人日空濛烟雨寒
草堂穆穆獨憑欄
江山如此詩情溢
梧阮生教禮數寬
香澤三湘九畹綠
折枝勁鐵小虬盤
鐫鼎好計鬚眉座特有花時
典未闌

瘦怯

瘦怯疾肥遜孤行
滯淺斟久辭彈鋏客
空洗住山心襟帶雲霞氣
軒窓松竹陰偶然思弄筆
抱膝一微吟

送酒

淵明非酒人王弘豈循吏白衣一送酒佳話輒表異偶然副
與會賢達妙解意我友乃老農舊醅作問饋柳下櫟頭船擘
拳已薄醉登堂無一言含笑指土簣土果出新鋤佐飲須此
類彼何知淵明太守又誰位鄉情深不淺事我以仁義屢惡
升斗稀歲儉艱厚脩啟甕溢黃流若始釋心悻告辭起晴芳
便道置田器八尺蒲帆風到門撲遙翠滿口述聶公好似神
仙地

靜

人靜峭停石天空寫濟雲倦餘抽卷薄生放午晴芬默聽調
柔舌高懷對此君玉爐溫更潤龍腦一青紋

古木

深秀亭詩集卷之十七

四

古木僧樓上寒禽向午啼青於隔水動高在一峰西牧笛吹
吳語漁舟帶雨題危橋明滑路又近亂雲低

元夕

滿魄輝春百輕風歛雲綠江城峰渺碧銀海近瑤池衙門託
妾巷樓臺歷南枝金吾傳不夜星橋爛昌時我適勿藥喜匡
牀坐還思穉子向前躍筆筆題詩指點拂精舍燒燈刻把
厄似不容枯縮慷慨溢懽辭不得不拖杖掀髯且攜之禿裘
捫獅吻山徑盤蛟螭竹樹青數匝瘦影硬參差不覺塵網破
洞府分一支迴念裙屐路蓬鞍香紛馳早年何不達病悔乃
嫌遲才鋒徒造戾厚德妙隱凝酒力散耳熱花闌撲芳姿身
於圖画上步虛聞鍊師笙歌遠村落喧闐非所知但仰晴宇

白三更浸流澌老子其猶龍大道端守雌

悅宗上人遣送臺菜熏豆

停午柴扉白沙彌軟語來提筐陳旨畜春畦菜有臺布蕪飽
青玉硬響炙秋胎清供報檀護濟交見宗雷何德堪消受却
之不肯回乃就分羽客聊佐撥舊醅儉素咀真味珍錯不足
堆

香草

香草苗宿培積年轉修短含膏肥五寸吐舌滴珠滿比者不
容髮疎者立侃侃攜之東牆角升以南華館湘簾靜白日春
風吹緩緩久坐享鼻觀席硯弄斑管幸不當門鋤芳心同解
組

深秀亭詩集卷之十七

五

以盆蘭東送郭恬菴公祖

公以之蘭氣素秉松筠操一官似遠山卽離聽有道味閒偶
杜門觴咏深自勞蒨屋感宇下歲時無所報簾泉澄弱水止
可明意到盆花吐清芬春風拂區奧願登君子堂福爲蒼生
造

葉衷士招集攬秀軒

酒伴思老輩君家兄弟多屈指四十載去住感如何仲兄敦
渾璞古稀悵未過伯氏堅瘦鐵末路諱蹉跎君也難爲弟填
笈生調和雁行叫斷影髮髮亦已皓伯氏慨伯道誰其死靡
他亟謀入土安書帶守南坡餘事不足問空天其何波揮杯
健眼底行樂且當歌蘭蓀茁春露松針散樂阿危樓眺遙青

新潮汲通河權場好裙屐花草漫消磨但願長相見力保朱顏配

蚤春漫興五十五絕

谷口溪頭竟不愚梅花香已抱蜂鬚琴書情性身遠潤襟帶烟霞病忽驅

五畝青園水一池松針苔髮柳絲絲石闌干外空如許烟散茶槍度六時

歸雁遙空寫遠人平開蘭室飄芳春客來便熱餘杭酒案上常除折角巾

一幅荆關險柳詩伏鱗修鱗硬參差直將金磬鳴仙窟那得花時缺酒卮

深秀亭詩集卷之十七

六

食放穠葩刺眼紅儘教生面換春風雨絲蟾魄偏幽艷寢與鍾情笑此翁

鱗牆瓦雀跳雙雙啄盡平明打綠牕却枕攬衣來問字虛聲深愧溢潘江

峭骨含嬌檢兩枝脂瓶清供要親持流鶯低喚香風度花蝶初翻旭日遲

蒲簾湘簾研粉墻儒家書館帶僧廊凌晨默聽花梢舌似說春風有短長

園官籬落串漁磯鰕菜都挑活與肥慣卜山厨清待客雨中頻送綠簑衣

垂楊堤畔回青眼紅杏枝頭撲粉腮不是東皇生出相誰知

化育有情胎

小樓梳月坐昏黃伴得梅花性體香可惜竹爐茶又熟無人來共一清嘗

翠雨香風洗乍晴花關石竇轉餘清拖筇客去閒調鶴載酒船來喜聽鶯

老學瞿曇滄古懷偶同摩詰味清齋閒思閨苑三千客情斷香奩十二釵

燈花放後潑風雷動地春膏着意催樓上元龍饒氣槩江頭司馬未寒灰

矮屋繩牀竹塢南晨昏坐臥飽清酣幾番香夢花環珮一色新晴天蔚藍

深秀亭詩集卷之十七

七

淺澹寒芳染漸濃靜中生動幻雲峰騷人更有遊仙夢親上瑤臺十二重

紋牕雪竇映虛明止有梅梢曲折橫墨骨圓師無此活雲霜詞客有其情

木末峰南駕小樓危欄斜上似虛舟何曾敢學仙居好略在黃塵高一籌

青山未透泛雲濤天意荒唐晴不牢只看米家詩面潑杜門謝客亦陶陶

夢破黃塵冷閉關洞開青眼細探山若將詩卷爲生計翻厭花時也不閒

十笏平樓八尺牀篆紋茗椀逼琴囊閒身穩處饒清響亞字

欄前歸雁行

幸際承平購遠葩玉芙蓉是最洋茶元侯貢後藏嘉本容易
流傳陶謝家

詩卷清新郭郡丞
函圖蒼秀李長蘅春來生動兼幽賞添得
虛齋二大名

鬚眉楚楚骨稜稜耐老依稀退院僧花擁虛堂成繡谷日長
有暇謝無能

鶯啼竹院護雲根大吠柴門曉月痕無力更修臣子職餘生
全仗佛仙恩

新放柴扉任舊樵柳堤略約縛吳舸誰拖竹杖驚鳬隊一帶
琉璃影動搖

深秀亭詩集

卷之十七

八

鹿角刺文建謁樓苔痕石脚插魚堦風聲水氣清高下物我
無撓任泰遊

雲岫龍鱗松老蹲女墻鳳尾竹苞孫黃冠欲戴青童舞有客
來尋叩洞門

墨莊牕紙白晴芳烟柳池塘試澹黃世事何勞愁夢寐乾坤
新換舊文章

念舊熙朝恩不輕東吳文望重西京上林端憶梅花賦特勅
官還宋廣平

見在流光滑遠灘未來富貴擁雕闌香泥海燕等王謝疏竹
山廚勝歲寒

山茶媚態吐楊妃鸚鵡能言挂雪衣花鳥若通歌舞習園亭

生殿回圖輝

宛轉橋穿駕水亭步虛聲繞護花鈴家開壺嶠華而潔人與
松筠老更青

沙嘴橋門日脚棲蝦奴魚婢水花澄古香翠硯耕雲客熱血
肝腸有髮僧

小樓殘雨燭花紅留客更深坐塞翁話到祁連瀚海酒香
花氣不英雄

福在東吳醉白民花開畫錦不曾貧朝紳若讀桃源記何必
清時說避秦

濟勝登臨屐已頽海南香坐未燃灰老兼貧病成疎懶何福
能消暖玉杯

深秀亭詩集

卷之十七

九

迴欄幽壁射朝曦墨采如何動水漪有客踏翻花石影分明
雲氣隔林披

山齋任客舊綈袍花露蜂飴伴野蒿君不嫌荒我耐久且消
春甕咀離騷

老去交情化愛情近來通顯事模稜儘包銅吳王夷甫著甚
半裴嚴子陵

聞道神仙有往還幾曾身見住花關旁人遙望雲霞氣杖履
春風是大丹

鐵瘦珠肥寫一庭雲牕烘透曉烟青牀頭坐客空座想屋角
啼禽有性靈

半生魂夢誤逢鞍聊向崇真整襪冠料理眠餐無一事繞花

踏竹問平安

一日花光看百迴只煎蟬眼不揮盃道人近况清於水卻把
根苗着實培

一寸金鱗斗水盛墨花爐篆傍游行江河不見風波惡便讓
蛟龍舉大名

竹塢房櫺水檻雲峰腰蓓蕾頭紋家連村郭團空翠客半
宗雷散夕曛

花梢新月耐春寒坐久虛堂茶似蘭納息漸微童子喚低昂
戍鼓逗鐘殘

曉霧濛濛待日高樓臺花影白周遭須臾紫微猶難忍何事
浮生塵夢勞

深秀亭詩集

卷之十七

十

枯竹勾衣竹碍冠山家石徑幾曾寬容身只在樓臺上午夜
朝眞若改觀

華胥歸後養神清百舌風簷捲五更我意正思花放未揭簾
童子報芳晴

百步巖廊半水隈夕陽拖杖信徘徊何曾有意生圖面空外
流霞作錦堆

薄暮心空默靜持暗香浮動小牕知人間已是清虛府但憶
青山謝朓詩

孔顏樂處不須尋露月光風自在吟三徑寶珠苞異采一庭
玉樹印芳心

洞口垂簾濛纖紋几頭靈璧峭停雲凝眸日見花鬚長按籍

時多墨采熏

通波門外碧雲隈雨後潮聲萬馬來潑地生機青不了衆香
花看道山開

送沈霖蒼表弟

囊空苦藝後出門戀慈親去任紛莫王貧賤迺依人我蚤嬰
此患鬚眉老風塵子何薄似我悔充席上珍松楸未得種
土力酸辛尺書來舊雨肝膈瀝手陳誼固不忍辭迴顧多
巡哀鳴思斷雁痛惜忽沈淪別緒今誰理家事孰能遵牽衣
視穉子外傳就良辰親前不敢拜親且時時詢速行何不決
強笑作津津此情天所憐客子豈遊鱗仗劍聊自壯捉刀羞
上賓我涉五畝園偷生以花茵世網業灰破道山則青春期

深秀亭詩集

卷之十七

十一

子歸共學閉門樂修真

看杏花

二月春非淺枝頭潑杏紅雲隱帶水曲仙館幽樓東略洗平
明雨全開近午風酒帘斜影外村路更烘烘

看玉蘭花

月下群真飄雲空瓊杯千百泛天風平明露潤尤清矯太素
韶華迥不同惟有謝家庭院好還思鶴筆羽衣工填詞後主
曾何意惆悵歌殘江海東

送梅

五更風雨白茫茫惆悵孤山鶴夢涼紙帳寒香清未香汀潮
滑影去何長松筠節共撐蚪鐵珠玉光還待雪霜柳眼乍青

桃李賤調羹試看子堪償

空亭

雨歇空亭坐排簷柳眼明魚吹沈荇出鳬落紅輕上下天
光碧周遮烟氣生澄懷方有覺何況擁書城

過鄭雲驤甥孫弘訓堂

屋宇深遮榆柳叢紙牕明扇養花風呼群野鳥齊春曉問渡
行人半海東經史可鋤騰偉業田疇舊服念先公樽黷強我
成三宿載得歸舟一捻紅

鄭心若招飲世德堂

岳梁江繞鄭公鄉花月春晴健舉觴堂構聿新疑回舫情懷
不淺驗詩箋魚羹白咀撈蝦滑菜甲生肥剪韭長大拜醉侯

深秀亭詩集卷之十七

三

容畝賦逢年氣象祝懽場

過張竹亭鳴秋閣四首

良辰選芳圃徐步結心盟風細簾衣折沙融苔髮學陶禽啼
久坐丹灶撥新烹挑笋鮮何白依依張緒情
舉網喧池上忙提三尺長客皆懽鼓掌水忽漫浮梁不用歌
彈鋏頻看換捧觴武陵霞外意今日一清嘗
貼梗殷於火香毬密似銀竹籬文石徑沙岸土花茵晴午輕
裘卸遙青遠眺頻只安擊壤撲願老醉鄉民
雅興先拈韻清酣更卧遊難消春似海何況雨中秋蘭草同
書帶鷗庄暗鵲樓圖圖親出入我輩是曹劉

花朝

芳辰淡宿雨花氣恐不揚韶華斂浮艷誰云爲洗妝我適出

別墅遊踪在岳梁爲客悔五更漫拋百和香聽有呼群聞深
林登筵贊拍枕起散步鬚眉綠池塘躍鱗擊柳線桃岸蒸霞
光板橋度漁人一一提酒漿昨夜會浦口舉網得大洋今晨
飲沙嘴醉傲侯與王其詞放而率其狀低復昂乃知金谷主
忌盈卽造殃千載圖面上不及武陵郎迴思鳴秋圃隔日頗
清狂石脚又掉尾土根挑竹芒微醺話停午納息坐匡牀圖
中隨我好我豈濫貪狼赤焰取貼梗四面分拒霜何家別有
贈紫玉九尺長紅藥始豆蔻益益亦無傷此來拙謀食意外
遂清僧得失固莫測晴溫忽蒼涼所見皆佳木何地非穠場

祝花

深秀亭詩集卷之十七

三

把酒祝芳辰韶華滌雨新我能衰復振花獨擁無貧艷體雕
闌入香風荀座春更期秋實好鳳尾接龍鱗

得樹

何家老明經荒圃百年外喬木禿蒼蘚小樹盡青蓋我來適
春芬花朝祝清泰一本矮辛夷權奇擎大貝我意頗屬之懼
恐根苗害主人素矢報笑肯賤沙汰咻咻十夫力九里眉迴
漸檄頭等載鶴飛遂捷揚旆不敢植私居仙觀環廊帶蘭玉
共亞旅疎影溢水綸能師郭棠駝物性始不昧何地無生材
識拔迺所賴揮鋤畢栽培膏雨恰新沛

可菴

結茅古道上野趣潰空香雨後疎籬綠塔前紅藥長孤僧堅

冷鐵陶鳥嘯新篁佛火方煨芋徐看過客忙

唐茂才荀令招集

老樹樓頭盡面枝鬚眉嘉會勸花時山川我輩狂無恙王謝
家聲舊可師酒語茶香深戀戀月華燈影故遲遲硯田負郭
聊餘潤甘退儒官學守雌

舟行二絕

八尺蘭橈打浪花竹橋斜去野人家春風細細吹桃柳何處
流紅不彩霞

茅店雞聲近午高撈蝦人擁賣花橋分明有路歸圖面引得
詩情出酒瓢

史薇垣鄭芥杵荀若雨夜小集二首

溧秀亭詩集卷之十七

古

新沽藥草經川乃無那瓶花人向紅怨我樽罍無海錯遲君
驢雅話江東門前風雨春潮足燈下軒牕翠影蒙莫問京華
塵夢遠從來本色是英雄

山鳥如何輒夜驚西牕剪燭有文明藥欄紅漲青春雨石齒
寒侵抱水城百畝歲荒三徑潤一身病退萬緣輕林泉如此
標幽賞止覺詩懷渺渺清

遣面雲

去住何心類轉蓬春深豈忍閉嬌紅無絃久薄臨叩調倚枕
全高扶袖風佛火蒲團清午夜花開玉液待仙翁不知餘隙
能多少疊石樓居遲遲東

新綠

轉瞬萌善長晨興愛物華方開近水閣已過殿春花疎雨斜
陽任青山白社避橋東十畝曲百口傍漁家

初夏漫興二十七絕

新綠平沾疎雨豐曲廊遙接短橋東高參石丈停雲瘦忽遮
斜陽萬樹紅

荇藻風牽掉尾腥石闌干外水天青道人色相何曾着消受
閒居指歲星

埋得雲根轉圓廊刺桐花紫交萱黃幽人一味諳天趣鶴步
閒隨溪影長

峭壁紋簾遮淺深虛堂清影畫陰陰金衣脫脫新偏好龍腦
徐熏焦尾琴

溧秀亭詩集卷之十七

圭

烟雲黯黯雨絲絲啼倦幽禽檢一枝自買鑑湖臨檻坐恩波
亦是出奔馳

花石頻遷費選場伏鰲駭浪要安當荆關劈斧王維回苔蘚
能生翰墨香

小酌惟添櫻笋厨能詩客半是僧儒硯田差比桑麻潤智力
全捐靜守愚

九折廊深新圓雲雲青朵朵佛頭分拖筇已覺非塵夢似有
遙空笙鶴聞

小劇依然愜令辰艷情老去益津津石臺密綴史君子錦砌
低搖虞美人

長林豐草樂田村何事征塵肯出門不覺十年成老大漁樵

混許遂閒身

風潭濕翠漲陰濃古木擎天蓋一峰不雨濛濛晴日冷精廬
遠近接雲封

疏杆籬落綠周遮蝶板蜂簪扇日斜野景最賒低一望平橋
拖柳泊漁家

回首風塵事渺然不才幸許涉林泉囊空忽動增華興又賣
青黃二麥田

桐嶺西交竹塢南六時幽鳥若支譚麴生久厭青天醒自信
當同彌勒龕

宛轉鱗牆跨碧連權奇藤駭老龍眠居人骨瘦清修鶴相與
參差玩月圓

深秀亭詩集

卷之十七

六

宿雨初收風未平瓊珠十斛瀉荷擎鵝兒只向橋邊去苔髮
青青動石鯨

木末危樓石角攢凌風襟帶一憑欄分明星斗朝眞路何待
靈山更結壇

鳩婦頻呼掠燕雛養蠶天氣綠陰扶誰將羽扇如團月配供
軍持九節蒲

閨苑丹丘何處尋高梧叢桂特修林客來王謝鬢眉老座上
雲霞圖面深

蕉卷松針雨後新流光天許趁詩人墨花靜與茶香合研粉
香風細細皺

竹徑山功力掃除雲根嶺角上東嶠雙扉新闢添平榭鎮日

風前聽咬魚

清響時空物外心松風牆角起龍吟偶看魚婢沿灘去童子
穿山卻費尋

跌宕才今老轉頑逍遙谷更秀而斑風高五柳三槐上門喚
通波北郭間

濕露晨光掣面濃釣簾人坐靜山峰溶溶脉脉晴陰際確看
雲霞千萬重

燕泥香去面樑新整頓朝眞剩幾人豈是辟疆金谷意只將
雲樹隔黃塵

欸冬果熟飽兼金吐綬收香啄一林獨有黃梅無數落調羹
未試惜酸心

深秀亭詩集

卷之十七

七

斜日芸牕逼影黃生催魚子綴蘭芳風穿一線清如許動覺
詩情妙別腸

盆供羅漢松二首

密蔭居然勝孤行位小丘端知象外意清許靜中修几席尊
嚴向烟雲翠黛收何須深問蜀古臘勁蒼蚪
似結踟躕坐了無塵鞅侵青滋舒老格古德畜初心以我掌
香社把君同入林西來淨土厚爲養善根深

黃山松

黃山松穿奇峰金鐵骨苔蘚蹤宇宙蘊秀造生氣圓回盤錯
怪蚪龍小者百年老千載鱗甲齒齒長剛鋒日月摩蕩霜雪
晚翠黛詎止雨露濃淺託根今斯下乘巖岫倒挂側萬重不

經寸土撐神力雲海茫茫白晝封有道得見拭青眼猿啼鶴
唳互遭逢蒼靄空谷聲瑟瑟遙散染染針其鬆或如遼經冷
純黑或如秋濤捲疎鐘伏熬駭麟變莫測嵯峨突削玉芙蓉
結筏直上懸一線棘手力取慣山農出山髯更始卓異社長
白眉雷與宗致我一本非容易神仙中人乃持供簪竹羅
浮梅位置峻極皆不庸虛堂奕奕整壽容不敢玩視循肅恭

朝雨

朝雨沐新綠修林清響多潑成看大米思湧若東坡漁舍溪
橋曲鷗庄蒲柳拖炊烟白遠景幽興待如何

懷息

懷息朝員夜崇軒松竹前風牽時雨滌梵和小鐘圓幡影飄

深秀亭詩集卷之十七

六

香篆燈花吐碧蓮身心何所碍一叩紫霞天

細雨

細雨歇還滴荷珠漾淺風客留別館上鳩喚綠烟中清供異
盆卉晨餐潔剪愁俗塵何用掃納息靜簾櫳

齋日

風雨消齋日危樓清磬傳花芬魚子綻溪靜鴨雛眠世網門
堪開天機沙或宜誰云非洞府霜鬢正飄然

哭王制府潼川先生十首

老成忽告謝顧問適興嗟浪託升沈信徒教出處差臣心空
似水世網密於麻盡悵憐京邸何曾許息家

憶昨哀昏難馳驅三輔中

君恩急祗府民力斷村春一望擎天使能參強項功至今明
月夜楊柳圓風

詔察漳河患隨登銅雀臺平成頗具畫中止恨嫌猜天幸金
鷄曉魂驚柴市迴懸車終不敢星火漫相催

休沐樓船出南江舊澤深張星大雷電潘令倦山林爲喜開
尊夜頻誇抱膝吟相邀問隋柳遙待塞翁音

三月瓊花觀人如周召依威思新雨露重整舊光輝秉燭賓
筵滿摩霄風翻非黯然從此別忍淚返漁磯

冰雪勞魂夢蠅頭寄雁行過江名特許望蜀老偏強何意棟
樑折閒居松菊荒馬周臣客者太息竟收糧

一片蒼涼夢蕭蕭易水清感恩痛知已垂歿杏開情八座官
深秀亭詩集卷之十七

七

頻換三槐蔭不輕如何股肱郡令子滯干旌

公有東牀彥香山白後人素交深筆硯慰問每鱸尊玉潤驚
魂破心空宦味貧臨清逼甸服永訣可曾親

魯國諸生重漁陽老將多堂皇勤吐握花徑絕笙歌聳鐵詩
肩影懸河鳳眼波古今聞見習官秩起鸞坡

幾大訛傳異榮枯總浪投依天雖尺五歸夢久滄洲家破荒
丘大囊空遺疏留數行和淚墨元老密忠謀

酒懷

酒懷久枯閑神理未嘗舒病在莫可解恍惚愁居諸塵網既
畏染倥傯亦徒虛俯首作老衲樂豈知非魚好雨響連夕濃
陰環精廬耳目得昭曠新葩燦庭除忽動壺觴趣殷殷撲琴

書呼兒問殺核尉嬖客有餘撥酷渴玉乳數巡迺真如遑敢
學酌令庶幾混樵漁此境故難喻欲醒且徐徐

剪筆歌贈浩如上人

秦望孤僧蠟屐高文字不立營剪刀人物山川出象意玲瓏
芳影活秋毫一囊各種千百卷晨光凝注夜焚膏細細曲折
詳書理雙瞳妙手何精操徐熙摩本輞川墨纖晰絲髮差不
得化工神妙託鏡面循邊侵葉同蠶食有時振領露根株襍
帶揚風土氣息仙耶佛耶雲霞座松耶栢耶蛟龍翼隋官綴
絲徒狼籍能事繪素殊粉飾并州響鐵特純剛一一印證先
天式聖賢模範苟如師前有作者後隨之何曾步趨越黍米
只要體會謹維持善狀可表不可失陶謝丰儀竟有詩蘭之

深秀亭詩集卷之十七

三

英兮菊之秀約略秋華就裡知貽我獅虎猛躍躍青卷斑駁
欲橫搜劉海銀蟾行復却披頭亂服赤雙腳我方宴坐病初
起拖杖掛公忽大噓死板生魄絕靈動渾厚母乃太穿鑿宇
宙飛走尚繁類鸞鳳丹穴驛驛隊亟取右軍武庫備貌施汗
血與文采羞煞驚胎鶚雀輩梧桐伯樂亦須配不然止掠澄
潭一片水留挂上方明月對或貼梅花紙帳內蝴蝶夢中尋
不昧我無裁度斯憤憤萬事虛空已粉碎

午雞

雞聲報停午緩緩隔林西雨足秧針密風清柳線低青村連
白社夏木間黃鸝驚梳支餘倦何人喚碧栖

黃鳥

清曉嬌啼澈池塘夏木陰閒情思斗酒樂影動衣金蠻女當
如話笙歌無此音不嫌多斷續伴我短長吟

蛙鼓

蛙鼓闌晨夕青村白水田秧時人築岸漲影雨連天鳩婦林
梢喚鷓鴣橋外穿漁家歸棹滑響更浪花邊

面梅歌贈童素文

我昔孤山遊月華滿虛舟軟枕託遐興清夢撲羅浮將身直
比梅花潔詩情面理掃塵熱仙子霓裳林下來胎禽往往啄
香雪半生踪跡賤桃李不若江南歸計決閒居五畝繞空廊
研粉朱闌十丈長意中不欲撐凡種欲寫橫枝過短牆誰其
化工得在手勾芒司令歲寒友童君適挂洞庭帆正湘蘭

深秀亭詩集卷之十七

三

薰陶久爲我沈吟一解衣水邊凝立上漁磯忽然狂叫索需
墨寒芳乍放青山輝一株天矯老蛟怒鐵幹啣水吞雲霧兩
株三株珠玉吐晴烘亂刺前村路離而趨者又四株白氣茫
茫占東嶠神妍態素骨何臞霜無痕分蝶有鬚溪光相照淨
於沐昏黃微澹搖淺綠小樓低亞碍不得夜半絲桐響幽曲
鄧林最滿橋客書帶草到公石躍躍其間妙區畫更有蒼穹
笙鶴排分明名綴紫霞籍巉巖花好詎長開峭壁花開非土
栽一往可餐秀色起花從心瓣出天才君迺聰俊故如此技
不干秋不肯止我今高卧此花叢細領春風足杖履

面松歌贈李層嶠

鴻濛乍判天地白巨靈五丁開山力面松不是等閒人要將

精氣神鬼役我持此意六十年夢中常跨蛟龍脊君今滌墨
如雲烟蒼髯勁鐵揪風逆電日肆射着遠近翻恨屋梁壓橫
窄九里濃陰雨後深平空濤捲蕩魂魄青天海鶴香欲投徂
徕山下土膏脉不落小乘斯大道棟樑材老崖丘宅廻廊亞
字曲水隈如何容得百千尺墨花亦散茯苓香託根却在獅
峰石藤蘿倒攪駭權奇誰敢躋攀凡手摘薜荔苔髮針何密
下筆疾掃翠已積策杖僧看坐隱更疑有紫府紅塵隔君才
徒作面師傳落拓林泉良可惜紛紛車馬糞壤多那得能閒
此一席君宜時來呼痛飲我亦杜門少殘客只愁破壁化龍
去且把棕鞋挂一隻

再贈僧嶠

深秀亭詩集卷之十七

三

雲海茫茫百萬頃十年景想齊雲嶺老蛟怒攫神龍舞晨夕
松濤摩夢冷君來忽作壁上觀墨汁一斗撐鐵梗鱗甲靈動
若鮮活頓挫錯落凸綴癭天風遙越玉河清獨鶴摩空差翾
影或濃或澹互榮枯若散若合絕不整識者已知不就封昧
者亦憚其氣猛君迺拂袖乍別去翼日廻顧不待請脫帽箕
踞細讀理密補藤蘿刺項領日之光分月之華雨爲腥兮骨
爲鯁妙在糊塗瞋是非松耶雲耶我卻省

塔寺訪古心和尚二首

滑影清蟾魄高風挺竹陰客從大海至路轉小山深蓮社宗
雷語水厨蔬笋林品泉幽况足冷語帶潮音
海氣腥龍吻山靈拜虎蹤定中時有見行後意如慵峰渚還

尋舊藤蘿不厭濃請留飛錫地月白聽霜鐘

七夕

王者香前君子花閒居十畝養清華擯眉自老秋何瘦瓜菓
相貽酒不賒壽帶烏翎參院竹博山爐篆隔窓紗星河隱見
空搔首用拙年來似未差

與古心和尚對月

誰向澄潭印古心層峰我亦透修林閒消一味驚雷莢坐到
三更繞砌吟沙嘴土花風戢戢鱗牆虬影墨深深小山金粟
滋華露大乘聲聞總莫尋

疊前韻

秋高絕嶽大江心解得清譚支道林有客如公能小住閒居

深秀亭詩集卷之十七

三

任我味長吟鬚眉敢信襟期白臺榭平添園圃深聽判疎鐘
鶴夢外何須行脚費招尋

三疊前韻

老去無遮平等心禪關原不礙儒林明參夜靜蓮花座響客
秋高梁父吟古德雅憐當世熱遙情微引入山深輕雲散盡
水壺澈冷澹爲憐仔細尋

中秋二首

米輪滿放桂林秋南國江山一望收楊靜墨莊留古衲窓虛
香露踏危樓百年此夜能消幾十畝餘清何所求不淺征西
老子與圓圖亦自擁丹丘
六十餘年是與非風塵夢醒築漁磯天留病骨神仙學地似

愚溪草木却鐘鼎何曾聞
鶴駕雲霞端合映荷衣笙歌綠繞樓臺
徧鴻雁初賓杭稻肥

十六夜坐月

皓魄猶端正當軒耀小山
露華金粟綻風影水鱗斑
客肯淹三宿丹誰問九還
病餘清不寐觴咏爲開顏

聽雨二首

聽雨深秋夜挑燈罷卷時
幽叅修竹院冷想夢鷗池
蓮座依孤杖琴爐剩一絛
十年多悔悟物我朕紛馳
雲夢瀟湘影兼葭秋水詩
懷人千萬里隱几兩三時
城柝沈寒響鉾花浸澹姿
虛席蛩語咽茶灶熱偏吹

舟行三絕

深秀亭詩集卷之十七

五

鶴背初回夢九華
篷牕秋影過漁家
萬年寺畔雙橋澗
蘋蓼參差拂浪花

秋實船頭飽蜜囊
洞庭佳本午經霜
行人夾岸探遊興
兼指先生虬鬚長

先生虬鬚長

菰潮捲盡暮潮來
帆影雲光空際開
好景何曾同滯跡
山川詩賦待仙才

古心和尚邀同朱次鄂明經也亭上舍及蓮見茗飲

澹澹空香漠漠烟
秋花疎雨吐新鮮
客如霜雪松筠勁
味在伊蒲書畫禪
此會風塵疑少有
轉譚海岳信悠然
閒情我久茫無緒
大藏誰知一指圓

秋夜

風撼雨瀟瀟江村長暮潮
燈呼危渡急石趁小樓邀
豪氣花時艷幽思酒後遙
寒蛩鳴幾箇伴我坐無聊

南禪寺酬自修和尚

秋日澹微陰平肩走五里城
南訪香刹老樹綴黃紫樹下洞
軒窓楚楚瓶拂几有客聳鐵石
骨秀而神美了無疏筍氣與
我開經史濯魄海潮音利沫蛟
龍齒三年空手回彼岸詎在此
六尺寄蕭條拄杖穿帳紙月光
撲孤鴻夜半獨清喜疎鐘落簷
前寒蛩入草屨所得竟如何
令人味根底別公久忘言報章
又何以

次韻酬曉峰和尚

一日身閒一日安
秋山放眼盡情看
君來青出菱蘆室我適空
牽蘋蓼灘鴻雁客情清遠
響樓臺月白浸虛寒
江花久禿荀香散刺擬掀髯
叩講壇

題圖

老樹萬嫩胎芽齋支綠雨
剛風剪鐵蚪撼撼何其武
劈面挹南山深翠連紫府
其曠洞北牖晴烟澹停午
誰知蒼苔路舊雨來蕭蕭
叩門借道書禮樂關鄒魯
蹊徑不尋常高致迴上

古

九日四首

佳節輝晴爽登高健
老夫獅峰曾有約
龍杖不須扶家適成
花谷人今非酒徒
止嫌飄泊久名姓落江湖
石闌循竹塢水閣寓山僧
地僻寒蟄滑天高野馬騰
有情皆

物化何事不心澄細榻萊萸紫東籬放未曾
呼兒憑濟勝努力上層樓一望雲空際如從天半遊輕翻雙
雁字青出九峰頭試聽農歌合香收秔稻秋
落帽羞風力題糕選筆花清貽新醪熟潔秉老秋華偶集宗
雷社遙希陶謝家見鷗閑浴罷賦曉白溪沙

徐心在上舍七十

君稱六十賜我尚逐登轍南雁寄遠懷聲帶燕市筑忽漫登
古稀我倦棲茅屋馬齒八年後就荒存松菊輒喜高步來掀
髯質便腹神氣爲飛揚健可騎鶴鹿孫已蚤生兒祖迺抱新
育衮衮望公侯餘慶臻五福此舉老益壯笑我空房宿清芬
寶長物樓臺起環澳秋實綴黃金良時奏絲竹嬰鑠哉是翁
深秀亭詩集卷之十七

送古心和尚

遠公宗雷師蓮社佛燈祖匡廬香爐峰雲頂白終古後會少
哲人大都塵夢皆悠然存此意洞開無遮虎公也航海來潮
音舌本吐以我疎落懷澹交激水乳休夏修竹陰曠月藕花
浦小山啜金粟東籬疏菊譜冷涉鵝兒灣開觀流霞補忽深
風木思顧復罔極苦去墓十六年松楸就荒圃合十叩人天
慈悲正法鼓便赴五湖遊烟波滑柔橈所得印秋空展願施
德普何者利鋒穎誰其守椎魯王屋探禹穴三江采蘅杜笑

彼世網牽不如破漁父望公早言旋霜雪淨環堵下榻待冬
溫煨芋話宿火

九月望日郭恬菴郡丞王宗魯別駕偶集

六日重陽後未遙九秋晴爽興堪招官閒雅納東籬步地僻
青容老圃邀席視井然除物役牽腸草率聽風謠蒼生望重
神仙學古道交深江海潮

催菊

重陽已過菊未放急於背癢忍難狀晨起清披隔夜霜日斜
瘦策東籬杖場師絮語厄土裂枝葉離離失善養嫩蕊商量
秘轉九微態含弘少神王秋霖一寸昨新澆鶴翎銀鈕幸無
恙花光有暇待騷人肯爲幽賞託情况櫓搖任取滿載歸一
深秀亭詩集卷之十七

一位置華堂上力灌敢辭手汲勞紅燈影照青尊漾故舊
相踏破來匡牀荷座輝屏幃聊揮塵尾咀酸醜細讀陶詩景
宗匠之得黃金白玉胎山家藉此開寶藏若云妙蘊物所斬
姑俟徐徐莫憫悵晚節母乃作壽徵便到小春詎過望不然
隱逸之氣宜緩舒故將冷趣涵德讓交澹如我且聽之菊乎
菊乎朋始暢密剪柔雲噴霞衫刪却早擎與乞相縱非富貴
亦神仙柴桑點綴高風尚

小樓八首

小樓臨水面何象不虛明隔澈歸漁晚寥天度雁橫芙蓉紅
粉隊修竹女牆聲獨坐霜髯客澄懷養善萌
小樓剛十笏縱日遠峰青翠栢張龍爪閒雲想鶴翎簾衣薰

悄悄茶味語惺惺不信神仙籍居然刺宿靈

小樓端曉坐隨意一攤書噪日林梢胡吹烟石隙魚無時不

清泰何客到躊躇隱隱朝真路青霞護紫虛

小樓高夕照空翠撲臆紋人靜疑孤鶴山空剩亂雲苔痕沿

岸疊鷗路隔橋分獨仰秋雲潤遙憶汝濱

小樓危却定石角闌松聲劈并荆關駭空烟濛濛恬土花青

滑燈筇鳥躍虛檐顧謝紅塵網端枯澁課嚴

小樓青不了陰在竹梧交豈曰成仙窟聊支似鶴巢金鈴驅

烏繫石磬喚童敲鎮日曾無遣蠅頭愛手抄

小樓勤寒向檢點亞南枝排榻何妨矮留賓不厭遲拜奇標

米石耐澹索陶詩借得馳驅否安閒老乍知

深秀亭詩集卷之十七

小樓霜月冷夜半恍虛舟石葉沙蟲出藤牀松鼠投憑空傳

遠響無寐託清遊軟語留僧任詩情約貫休

選菊二首

選菊步清曉霜痕滿袖披廣等高士傳若與老人期不厭多

多許生間種種遲應知五柳宅肯盼在東籬

秋客矜晚節老圃索清芬愛葉鮮花並翠丹掠水雲意中超

爾爾論定默慙慙爲揭軒廳影燈前共此君

曬影

庭堦清曬影生動約微風墨采沈沈幻秋香脉脉空入磚學

士外五畝讀書中硬逼鬚眉座還看月轉桐

翠影

露重晨光濕秋深翠影濃小山香繞屋老手樹猶龍風卷蕉

牕雨禽啼竹院鐘分明蓬島上客我瘦支筇

溪影

溪影滑無定流光溢靜虛波平落入鏡風貼鷺聽魚巢約三

分雨清披一寸書塵氛何用洗端愛此閒居

石影

石影排斜日雲根硬化身滄泓搓有象研粉幻如屯顛笏還

遙拜詩肩聳並神林泉圖圓地沈著映花茵

竹影

竹影掃蕉墨披風帶月梭蕭疎明大節沈鬱重高層燭剪西

窓客詩敲隔院僧龍孫今入化鳳尾亦休徵

深秀亭詩集卷之十七

菊影

菊影尚逸致榮榮詩面高銀燈霜月靜絲簪鵲冠搖秋容清

揮塵芳尊把巨觥夜深時面壁生動有脂膏

樹影

樹影紛紜攫蛟龍倒挂奇日斜偏作勢波動若空移重疊柴

門面生添烏鵲疑牆東古梅幻超脫更離披

花影

花影晴薰動苦痕趁碧烟蜂鬚蝶粉外石角水枝邊瓦雀掠

空啄金晴宴午眠徐熙妙墨骨神化可通禪

集菊

君子樂同道藍田溢瓊瑛寒乞愧零落光華際盛明誰云隱

遠調定郊富貴情有力濟嘉勝何必諱惡盈迥焉柴桑里東
籬遂孤行悠然南山色高致率平生我併無五斗秋懷漾澄
泓慣習場師路雅步繞疏杆百弓求霜氣傲本蟲新擎五采
奪青盼閃爍數佳名鶴翎西施面蜜藏紫霞莖芒刺卸松癢
剪素團水晶瘦比燃藜杖懸于招賢旌弘景華陽館受倩芙
蓉城虛左駕西樂鞠躬端逢迎添潮潑雨後到門鵲飛鳴
子呼童僕擔土輟豆棚堂皇大位置鄭重邀敢輕向背潤芳
性作勢妙連衡風景披仙籍肩摩列弟兄騷壇開酒國掃葉
鐸茶鐺燒燈沈墨影攤書喚金精可爲知者道青舊邊完貞
苟少烟霞骨徒盜處士聲鬚眉與之對嗜好以之清靡日不
重陽但願勸長庚迨迨更十載徧採餐其英

秋晚二首

秋晚空庭白疎花綴小枝物情須耐老我意特閒持叫雁寒
霜月燒燈泛玉卮尺書來萬里猶寄隴梅詩

秋晚託高遠乾坤著老成客排名菊坐屋起落霞明帆影滿
湘夢天風鴻雁聲病餘偏好事泉石費經營

對菊

高懷對名菊何德以堪之不送王弘酒能吟栗里詩秋華清
較麗晚節老堅持獨剪黃金碎紅燈射百枝

清曉

清曉揭東閣園林霽老秋櫻曉蟲子細停縫雪然幽獨坐拈
雙鬢初寒憶敝裘病除非藥石我道自悠悠

力疾

塵煩不耐涉清賞轉津津載菊輕航滑看山小閣新尋
酒伴雲水話僧人未免操持倦參苓缺食貧

黃葉

十圍矜萬樹一片老秋官可惜生機在明叅剝復觀漁樵風
景路臺榭水痕灘城城頻頻雨啼鴉點暮寒

自勞

靜聽高鴻刷林泉返照紅青僧封蠟果丹鼎煮村松門撲松
筠西人希陶謝風加餐聊自勞甘退老江東

閒愁

閒愁蕩消長寒雨近朝昏鷗逐青溪路人棲黃葉村薄收遲
深秀亭詩集卷之十七

築瑞

伏雨驟經旬十丈倒環堵經營艱匠作秋深急謀補聖粉一
以完魚鱗漏翠塢金晴慣櫻在依舊守停午濕意欲生苔

影射廊廡無班剝了未侵只盼蝸牛吐地通卧榻外藉之隔洞
府循偃無雜走杜婢矮病姥瑟縮望軒牕每亞塢陰伍娘語

築太高視昔浮殷土春晚爛薔薇牽摘不得武

結屏

牆北白虛隔十弓隙繞屋岍址插琅玕園丁喚習熟方正而
丈高四寸以洞腹不蔽取通明遮欄聊含蓄此君節校校積
直便成幅月桂約娟秀薔薇刺貼伏解惜柔香情倩扶迺端

蘇我今廣點綴庭角羅天竺珊瑚串牟尼光華搖青目骨格
最文雅面請徐熙讀

橘

術味岐黃活生滋樹兩橘一從閩嶠來一移老宗姪大者高
盈丈拳飽擊朱實短者踰五尺卑枝歷秩扶其葉稍耐密結
更夥而出一蔭南牕西一蓋庭後碩挺然綠玉沈濃醴北苑
筆迴憶奉慈幃霽顏喜貞吉偏購此樹培惆悵不可必永感
痛十載我母無見日清賞願始償對之淚迸溢陸郎懷袖聞
兒意亦具率安得並松楸拜告跪雙膝

楓林

十月楓林響丹黃葉葉掀淺深新蜀錦遠近染山村明透清
深秀亭詩集卷之十七
霜冷光搖夕照溫石家四十里步憶登常存

改衣

乍冷怯裝薄貧計聊改作端綺豈易尋賤敝太粗惡自晒書
簡荒破損紛卷簾朱紫固未有布素實憤著長者剪其敗色
老取不落白衿蒙青衫五袴敬已樂兒女分我餘童僕給頽
弱衣被既莫廣蓋體須常度舊縫慈母線痛淚忍難約十年
轉離披浣濯卧丘壑那得倚輕暖雲綺表狐貉服之愧不衷
不如陋寬綽尚指機上絲一新赴春酌

換燭

夜坐燒燭短三換不辭頻攤書且弄筆瓶舊插花新蕉牕滴
疎雨隔簾聽最親詩思湧泉出舌木茶津津撚鬚顧修影何

謬落風塵癯肥傲不類豈敢脫賤貧四壁聞鼻息垂頭斯下
人燭花動手剔脉脉凝元神近來少黑甜憔悴良有因秉燭
恬病退清氣肅朝真

剪香櫟

清霜耐十日皮相飽黃金旦晚輒改觀磊落耀一林堂坳墻
角上濃淡突淺深貪得思橫攬賞識爲開心剪之固及時棘
手慎須斟三百蒲筐箇箇結沈沈大幾蹴鞠具小則等密
簫勸勒清淨供野老兜捉矜一散眼前空窮封寄遠音憶昔
承天寺者僧重我臨祇園指兩樹拱贈並紫琳洞庭東西山
家家鬱屑陰此樹高橘柚凝望叠遙岑採塞櫟頭船知者斯
貴尊京華迺絕少豐臺冠朝簪千文購一枚賓從寒寶擒浪
深秀亭詩集卷之十七
拋泉石下物賤惜莫欽

絮被

尖風剪庭柯宵雨響書屋骨瘦不耐眠怯冷苦蜩縮敗絮布
被牽撲之梗簇簇展起呼纖婢木綿亟彈熟更出鷺溪絹豆
沙染因幅叠裝厚加寸銅斗熨往復輕暖得率成華胥蝴蝶
逐恍惚登八人七尺膝牀伏覺來聞疎鐘帳外搖窓竹冬日
溫以高懸安省餘醖雖勝公孫弘長枕慨今獨

磨粉

夜長盼侵曉頰齡忍枵腹藥餌徒苦口資生定嘉穀腐齒梗
脫粟甌粒不如粥急就待炊烟偷安懶婢僕餅師素不喜題
糕亦碌碌莫妙磨香粳雪花碎可掬圓之而又圓九還隨手

速顛顛走盤珠沸湯投斯熟嗜甘任幼習蔗霜同旨苦
盛宜磁供客寧非瀆憶漂野老言奇荒食草木甚至屑榆皮
豈敢不覺福

醉翁倚

我本非酒人何取醉翁座意固不在酒聊以坐代臥冥心排
靜攝四體如箕播高枕任無憂非敢妄偷情納息數微徵長
善省寡過晚節幸可安虛空已粉破虎踞威面南勢焰豈不
大一朝黜去位弔者即前賀濫膺民社責毛全能幾箇飯後
貼摩腹倦餘聽兒課殊覺此間樂欠身醒百和

古心和尚以糟白蔬糖翠梅芙蓉選條見貽

雙扉閣宿雨落葉叫寒鴟緇衣扣軟語肩標雜擔垂來意致

深秀亭詩集

卷之十七

三

大師海上所傳遺秘疏經法製可以佐肉糜生浸調羹實酸
澁變如飴疑嚼綠玉醑酒沁詩脾芙蓉並朱粉四面華素
欲分得祇園品揭竿削離披或乘苦濕地請插傍漣漪感其
種好秋令我心神怡置身曼倩城不止美朵頤老圃細未學
青子蚤失期樓臺近水月拒霜固所宜顧何以消受合十誦
慈悲

修梅

鐵幹不嫌弱荆條不可荒高士尚骨鯁偏強出文章三伏耐
炎炙秋深始青蒼小春胎蓓蕾生意歷清霜牆東好位置南
枝最昂藏未免太離披簷頭礙複廊圓理刪繁棘傲態表賢
良其品占仙吟歲寒友松篁寒影寫昏月華滋待珠光根梢

並不凡曲折翹翔突石掀獅吻硬趁撐鋒銳棱棱撲腮紙
低亞悲書牀伴我林泉下微徵性體香門外艷桃李風雪吟
交相繩墨雖莫拘首肯領贊襄天趣衆人功進修益見長

扶竹

此君素爽直朗朗表青枝疾風震兩夜鸞鳳尾參差曾不損
大節委頓故難支臂彼遭屈厄垂頭若有思顛危或未免誰
肯關扶持凌晨躍箭鳥團露啄華滋沙嘴石角伴離披響漸
漸亟命走園丁匡救不可遲大道規正直偏邪用鞭笞于猷
任借看主人原不知但使保歲寒龍孫長來茲挺然起森立
細細吹烟絲

聽松

深秀亭詩集

卷之十七

三

晏坐書牕潤四壁了無侵惟有清風觸瑟瑟散松針鱗墻雪
黃鍾水榭石閣陰十年雙手種不覺成一林大偉迥盈把霜
蝕鐵皮深蒼髯刺虛影翠濤走空音耳根領晴爽何必張素
琴塵網茫茫際誰來共披襟隔院和仙苑陽坡待鶴臨以之
娛晨夕庶幾見道心

繞廊

杜門若初地空翠休餘生書齋引廊廡坐久輒經行石欄長
苔髮沙蟲沿渚泓魚躍過橋去鷗來狎閒盟雲霞晨夕幻耳
目通清明九折三十丈左右水盈盈樓臺突面而隱隱綠赤
城力衰怕危級憑望聊移情簪冠留一箇園丁守柴荆
回蒼髯雲根屯連櫺頻謁少殘客日脚插花棚精廬結前後

鐘磬時還征襟帶直可舉天光心與平茶灶撥墻角紫茸
新烹不是愛空谷曠覽長道萌他人籬落下何屑仰公卿吟
髭白手撚拖杖或磴礮

掃葉

掃除不天下落木且埋根衰敗任荒蕪泉石何暇昏九秋風
霜力五畝柴桑痕黃蝶百萬陣蜜珀堆衙門堂坳響城城瓦
雀搜晴溫空庭十弓地花影雜朝暎零落不可耐梗塞詎容
存亟喚青衣進雲岫繞獅蹲輕浮務刷盡老樹獨留髡

護蘭

朔風吼霜白澹日漲雲黃天道凜剝削物候慎韜光貧家官
一畝紛羅王者香始從虛簷下今亞雕闌旁以次履漸晉排
深秀亭詩集卷之十一

楊列墨莊期同應歸客宴息固有常南牕耀亮素朝暎射東
方休養一室中如列洞仙行又若端處女待時且斂妝夜嚴
打水雪奇冷不可當楫楸煨文火溫溫保安康蕭艾前御質
凌賤易擅長斯爲君子佩豈敢衛不臧執玉等修身願與保
勿傷

釀酒

蘇梅淺三蕉而喜看人飲蓮社守戒律淵明急歸寢米汁非
佛供神仙愛醉品旗亭高青帘糟牀豈不稔雪花濃於掌瓊
春貴桑甚牀頭少舊醅寒夜難就枕賓筵不得開吟髭口亦
噤兵廚指莫官瓶罄渴太甚稍稍學種秫寧可闕食廩未免
戀戀情風騷性所稟梅子解天趣捧觴舞濯錦伺我速折東

姓名喜預審但問玉釭香脫略計烹飪

償逋

負土竭綿力緩急感親情宿草已三換百金未得清豈敢呆
束手哀怕簷鞍行肝膽向誰是空囊羞龍精伏櫪思千里夢
寐哭蒼生一官杳莫試絲絲異晶晶搜貯鮮長物徒能走墨
兵計止割南畝出納素本輕臂揭疥癬蓋醫瘡亦貴平如補
小缺陷先於公家征催科猛吏虎操券久無聲焉得任苟延
丈夫不分明

檢得小照

書笥走蠹魚紛紛墨花屑一卷抵荷筒斑駁侵鼠齧揭識豈
異人頤暫頗修潔印鈴題小照略不類醜劣屈指三十年白
深秀亭詩集卷之十一

而添雲雪獨傳阿堵神秋水點清絕強項乃性成口高潤翻
舌軒軒而後舉赤心飽熱血何以蚤脫帽羽扇當風捏青衫
薄於雲鍛翻屢撲跌不爽不惠間淚爲蒼生咽庶封廢簡側
賤棄固自决相對爾我同老少駭兩截我若不認爾爾又向
誰問本非瑚璉器林泉保明哲晚節更入道氣靜消激烈爾
直不像我擲之遂各別

香篝

器製不矜貴精雅用所適此君如荀令紋篆吞青白與我同
寢處衣被之莫逆帷幄倚左顧稜稜鎮重席紫竹選上品正
直滿三尺串插成玲瓏溫存活火隔雨絲濕寒牕燭剪夜坐
客那可少頻偎水沈燃脉脉何况老空牀無人來手拍惟覺

高枕下大有龍脊骨節竟體芳摩挲漸光澤

疎鐘

擁被乍伸脚嚴霜逼五更郊原竹樹窟何處逗鐘聲悠然雲
水意斷續引心旌深省非一響連社接柴荆補衲思古臘佛
燈剔光明逾時白牕紙津亭聞舟行輒憶停鞍路茅店先雞
鳴山幻盡香剎入耳常還征帶雨香沈濕敲月散空清塵絲
久欲灰景陽笑臺城

殘柝

夜長夢屢破恍惚遠聲傳其聲亦已倦勉力支風烟城樓靜
浸水候更多高眠有意若無意聊復響周旋聽之不得切少
焉落誰邊霜葉打寒牕月痕上虛弦叫雁從北來依稀欲曙
深秀亭詩集卷之十七

天

糊牕

夏秋洞戶隔宵襟猶嫌窄北風冷吹箭惟恐不蚤隔周遮五
畝官傍濤動盈百晨夕響漸漸那可運區畫側理檢細揭輕
雲一片白護蘭窗塞向清秘等住客連楹書幌圍芳香更宜
辟窈窕駕小樓琴硯向南席盆盎透水仙此處日華炙絕妙
寫梅梢清影拖九尺

炙硯

端溪一片滑水漸滴冷膏劣於擦沙土疾掃割如刀烏薪炙
二寸撐脚空握高君苗焚太過威逼詎能赴墨兵用火攻騷
壇坐劉曹青花泛泛出鸛鵲眼亦搔何不樂袖手詩湧急滿

毫摩挲共晨夕活煎煎文熬我非必穿此屏去則無操蘇軾
役十棹津津不憚勞

檢炭

樵柴黑泖泖鷄骨裂宿箭雪中誰指送擁爐所不免買得燒
山客窮鑿船最區若輩果強劣朔風踏赤跣登肩喘息來迎
門吠眠犬十挑豈云多老態愁縮繭尚有歲寒交待我尺書
遣夜深輝絳蠟西牕坐不淺苟少一盆紅何以暖舒卷可憐
土茅下徒戴陽坡現舉火且維艱掩面能無泣

補裘

晏子一狐裘稱體十年著我非輕肥者那得辭粗惡解膺憶
舊交臨岐送出郭至今歷星霜禿袖漸成褸黑貂微鍛翻皮
深秀亭詩集卷之十七

天

脆亦紙薄添補費躊躇容易改作緩縫綻密針耶且續零
落不足飾美觀何妨擁丘垤不見屹干山山頭凍殺雀不見
漁樵侶何曾整束縛可以禦淒風無救而守約或待賣文錢
銀鼠買雪若鶴氅更爲高神仙要捉摸

就聯

冬日思趙遁雅樂草野情以之獻至尊何嘗不忠誠黃葉繞
村落群鴉撲寒聲扶桑湧火鏡大海紅晶晶禿裘負瘦骨瓦
上霜華明惟覺南牕外此座逼春生炙背可脫帽披卷手高
擎癡女拉我搗叫耶壓膝行眼光翻怕熟笑解繡裙輕

題車積中兩壁樹

座上有車公領袖攝政寧知老兩師能捏造化柄墨汁漫

一斗撐榦森鐵勁恍惚駕雀巢剪風裂反正密幾不容線疎
則挺奇橫瘦瘤綴什伯斑蘚濕雨性曾記鄧林村景象可用
証月下更添影空廊駭夜靜

題屠莘野面壁樹

屠子人中龍面樹尚頭角惟恐不崢嶸極其老斑駁一株秀
以挺一株濃而朴墨花搏筆鋒師心曾何學並未苦經營平
生走川嶽得手便入神萌芽青渥渥

題長林子面壁樹

長林繪修林擅長在鬆秀觀其疾掃時筆隨意所透盤槐冒
大椿楓冷拱栢壽粉牆白鷺溪鼠損作皮皺或指野鶴翔亦
挺藜杖瘦橫態狠遶陰遠勢聊拖逗過於蘸墨濃要吹風雨
深秀亭詩集卷之十七

嘗酒示逆兒

嘗酒等韻古舊釀定風騷蠟封尚晉魏清雅着劉曹黃流接
琥珀盛唐其醇醪白釀則宋詩恬澹徒爬搔公榮溫浪飲竹
林狂醺陶何曾解大趣聖賢皆皮毛淵明味得之好痛祭東
皇蓮社雖不入彌勒笑其褻太白神仙品才情誤太豪脫囊
換固達捉月跳洪濤廬陵賢太守敷政借陶陶飲少而輒醉
其年又最高我意良在斯把盞即揮毫

整書

宵行修鼠嚙辟在插架中殘頁曳不止流漸挾霜風公然擦
灰戕偷覷燭花紅驅之聊小伏少焉突西東三窟穿墻坂牙

爪利暗攻罔識神仙字絮絮碎重蒙藏窩久溫守出入跳簾
櫳作耗不可耐金睛浪花叢乃閉前後戶呼之來奉功二鼠
擒一刻大笑躍兒僮經史亂蓬麻厄幾泰法同仔細編甲乙
檢點到詩筒損者勞補脂輕潮就朝烘丹黃燥細快道書獨
精工蟲臭不敢近上有禮磴尚

寒雨

寒雨滴殘夢疎鐘逗遠林香銷中夜酒灰郊十年心敲枕眠
甘菊空牀妥衲琴明知聞闔曉塵世牀連陰

閒情八首

閒情空復染香爐一絲青鶯插橋探石簾勾水泊亭松筠饒
墨采鐘磬託山靈不悔江東卧居然似歲星

深秀亭詩集卷之十七

星

閒情泊薄暮殘雨下疎林客散鷗眠寂書來僧借琴登樓平
遠翠倚杖續微吟未厭尊鱸候江湖老此心

閒情櫻梢悄端在面樓東石筍虬枝卷簾紋亞字紅夕陽連
月影止水漾天風方寸曾何著歸雲帶遠鴻

閒情安眠節耐老看黃花十月清霜重虛堂列帶華搜囊謀
雪酒掃葉煮秋茶難謝東隣約臨流獨樹家

閒情遊物外閒饋得僧鞋不復循紛走幽然白好懷穿橋魚
聽雨闔地菊懸牌紫菜黃芽爛山厨半月齋

閒情頻小集蠟菜但隨時仙籍無官守山僧老面師愉清
話冷簇簇剪燈運若問謀生事風流慣學癡

閒情用我拙浪擲買花錢裴笑零星補賓催冒雨延閣喪酸

有淚償欠願無田病闕參冬愈蒲團近坐禪

閒情渺無際觸處若生苗漫信神仙術何能貧賤驕山川空
入夢風雨夜寒潮誰向高樓呼微歌摩洞簫

題鄭篋修面竹

明將大節直空天卻把梢頭浴翠烟不是墨花濃未到愛看
石角放新鞭

餞菊

不是銷魂別平看高蹈歸清尊澆瘦影老圃炙寒暄明有秋
期在無知道况非蕭條五柳宅欲來惜全稀

小春

十月晴暉暖田園耕讀家香清新澆酒紅滴小春花屋峭低
深秀亭詩集卷之十七

流水衣添艷晚霞連宵停遠客未覺薄牕紗

池中樹影

二畝風潭樹萬枝蛟龍頭角勁生涯何沈着閑秦鏡卻以
虛靈浸浪花落落天光霜月下深深墨采面師踪憑闌我亦

損眉見佛火樓臺擁靜菴

瘦

甘與黃花比癡肥本不曾病奇三載硬傲刺百骸校化鶴修
應近飛仙挾未能飄緜霜更長鐵石老支藤

毛雨

毛雨低晨霧凝陰漠漠霑花枝描小盜香爐暝垂簾身賤拖
裘重寶閣新釀甜閒情深一往池畔日雙鸕

芥林

芥林高勁節空翠漬寒烟四理精廬得風聲傑閣偏流鴉停
幾點餌鮮繡多年更有蛟龍格鋒鏑射碧川

落葉

樓霜風力緊落葉滿庭除蕭瑟避時晦丹黃剩雨餘半村雲
水鏡環堵草茅居投翮潛鱗晚明窓註道書

寒潭

澈底存天影源頭見石根潛鱗穿易定浴鳥立微吞竹樹蕭
搖意樓臺圖面痕渴塵車馬客幸不到衙門

與吳鎬臣茂才索醬油

肉食必得醬醬更尚清流味以鮮斯潔明膩滑茶油憶昨豐
深秀亭詩集卷之十七

八簋鈍齒咽饒喉宜磁醃酸別清蔗勝珍羞津津餘思渴炮
餉費講求因慕乞米帖此還遜一籌何不走急足尺素索平

甌東阜賢王人首肯笑青眸似非口腹賤端爲調鼎謀

幽棲

十年樂道遂幽棲築石穿渠稱面題有地樓臺通帝座蓮山
松桂上雲梯牀敦抱璞琴書左鶴聽黃冠鐘磬西縱在塵寰

人事隔簷眉高處翠陰低

老病

慣支憔悴勉加餐活水廊簷放藥欄鳥聽信天風葉轉魚沈
縮項鎖橋寒性愁忠孝荒初願絕悔功名夢惡難栢節松髯

同瘦勁何妨杖屨倚衰殘

送古心和尚歸普陀

山齋幻住話松筠盛夏相逢去小春古德公眞龍象祖忘機
我亦爲天民潮音大海蓮千頃花雨霽陀月一輪好景那能
不憶舊雙鳬難到每馳神

寒宵

風雨淒其恨若何天涯踪跡故交多誰能白屋登廊廟似有
青雲羨辟蘿酒力易消紅燭短爐溫不透敝裘拖城頭殘柝
柴門大遠近聲傳喚夢婆

寒廳

風定寒廳坐夜清課兒燈剪讀書聲瑤璋未就端純品王謝
何曾晦舊名古篆龍涎琴面繞小花猩血硯頭明高鴻嘯
深秀亭詩集卷之十七

霜

南樓近動我山川寄遠情

寒雨

寒雨更深悄未眠小牕茶灶輒親然空懷如水平千里博物
先秦玩一編聽到鐘疎座夢香薰殘裏敝墨花澹江湖名姓
今誰著瘦鐵牀頭久不懸

寒烟

寒烟漠漠近朝昏一抹平林卷遠村濁世可通雲水夢幾冬
偏兆雪霜痕隱迷墨蒲陰何膩花撲簾衣香不溫曲檻凝暈
溪面破天心到底白衙門

寒山

蒼翠豁然望不窮青山老去若孤雛明將靈塔叅雲海高向

空天叫雪鴻筇杖有僧衣落葉石橋無水澗生風疎鐘何處
聞樵徑半嶺斜通古寺紅

寒泉

不盡懸珠若逗迴雲根龍脉轉悠悠空明已揭藤蘿窟清淺
何時霜雪投樵徑細循烟氣合僧牕斜見鶴坡幽親從陪尾
山前過始信靈通湫聖丘

寒雲

青霄若爲夢痕遮舍雨排風黯黯踪魂泛天涯招海鶴晴偏
書屋覆梅花愁吞落葉孤丹路低壓黃塵萬里沙未遂飛揚
殊勉力端知輕薄勝秋霞

寒月

深秀亭詩集卷之十七

星

容易昏黃不易明虛堂人靜坐深更光吞遠渚流漸白夢破
荒鷄草店平香爐同時穿幕薄柝聲殘處益和清軒窓朔氣
嚴毫髮磨洗水輪想玉京

寒葩

頻移培蓋怕嚴霜睡向冬溫通軟芳豈有艷情消未得若爲
文采老難荒酒深戀戀懷仙史風情盈盈量墨莊點綴歲寒
閒寶惜幅巾筇杖水雲鄉

寒雁

巫峽滿相接水雲一辟聲向遠天開客情已老荒唐夢風力
偏驚聚散群白荻黃沙星暗度疎鐘殘柝夜空分尺書欲寄
愁難到何況征行近斷文

寒衣

風風雨雨雪霜頻肯放梅花便好春不着半裘投大澤聊披
鶴氅作閒身年衰惟恐裝綿薄綢繡長拖禮塔新刀尺東隣
經夜響可憐尚有遠征人

冬至前一夕

絳蠟芳醪熟錦茵盆花霜果各清新直將冷艷供青盼豈爲
蒼生養玉神兒解高吟五柳傳門通遠謁大江濱書雲瑞看
來朝奏擁得荀香道未貧

寒香

南枝低放舊牆東月桂娟娟曉淺紅綽有寒香侵座右了無
餘事累心空披裘靜攝依蕭蕭把醖微吟腸遠處更覺風高
深秀亭詩集卷之十七 吳

寒菊

歷盡高秋勁小春偏於嫩蕊瘦津津若爲舊名愚谷不愧
風騷剩替人老圃黃金貨有色南枝白玉蚤同新柴桑自把
芳醪勸晚節猶自愛清神

寒雞

喔喔江村夜半清匡牀欹枕小樓橫曉樓落月明殘夢樹影
嘶風墮淺泓起舞天開殊擾擾荒唐木養任平平鳳鳴五色
朝陽上却付詩書榻後情

寒犬

雪夜柴門凍吹聲不關更跡石壕驚香溫酒力眠初就被擁

神遊夢乍清若有篷牕漁火伏除非雲海雁行征仙家卽在
江村上穆穆悠悠太古情

雪朝

雪朝獨上小樓東一望林泉太素蒙造化忽將塵世淨神仙
肯放酒盃空重裘活火消清況拂硯生花咏大同
帝眷農桑常脩問南天幸瑞兆年豐

寒鐘

竹樹情虛憶遠灘月痕雪影逗鐘寒僧衣澹捲香初熟牕紙
微明燈未殘一往升沈魂夢省無遮斷續海天寬不知冠帶
趨朝內誰聽西山倦馬鞍

寒湖

深秀亭詩集卷之十七 墨
落木空村古渡號夕陽影遠天搔帆張漁子輕先覺路滑
鷗雛泛忽高魂夢有如神味澹江湖無乃客情勞衙門白處
尋常見尚臨得牀拾蟹螯

積雪八首

一夜忽盈尺三年無此豐登樓揭清曉倚杖看迴風香燕龍
涎白衣鮮猩血紅阿誰高屐齒踏碎粉塼東
地厚松何自天低卷轉黃瑤臺空閃閃銀海散茫茫只合山
人耐其如客路長豈堪端不起太素見文章
春曉憑誰送烏薪不可無江船停估客村廟話農夫暖賴薰
荀座清懸訪戴圖躍魚穿二尺鰲姜準田租
澹日晴還落寒湖消未完湯移茶灶突病藉酒盃寬岸疊拖

帆影橋危怯馬鞍衙門頻白掃塵竹撥迴欄

水榭浮花納蕉牕碎玉多空山無鳥道冷眼過漁蓑風莫輕
於此雲其凍若何敢嫌陰久合塵事一消磨

記得潼關口衝寒踏馬深濁河黃一綫亂樹扶鳴金獨客棠

裘重殘烽古壘陰太平豐兆大鋼鑰不寒心

想到六橋時孤山梅欲肥何人還放鶴有水但環屏惜不輕
航去徒憐雙燕稀謀兒微覺我蕭能勸添衣

山童強解事粉本撲輕窗冷盡雙紅出空庭濕翠嬌學香濃
炙視鴉動噪奔潮俗物何曾到飛仙或可招

清夜

風雪禁清夜門庭閉曲窩半深燒燭短病減拍樽多歲事兒
深秀亭詩集卷之十七

稍涉田租僕暗磨所親愁遠客雁足滯江河

待租船

朔風團冱雪殘水急城壕載重愁難達途紆力苦勞征情嚴
等則抗側慮逋逃愁歲猶言歉心欺病此曹

凍豆腐

淮南潔仙製潔冽饌嘉玉質浮雲母水紋縹緲凝肥無
食案貧餘足備家爛與黃芽煮何容珍錯謬

把醖

把醖憐兒侍寒燈護曲房爐香不離古餅麻浸水仙葉薄醇通
幽趣清修試道裝宜磁伴漢玉細細玩葆光

不薄

皇天不薄我老去得安閒琴硯花前酒松筠雪後山行看驥
子健坐擁豹裘斑書舊今誰好先生合閉關

遠札

遠札馳經歲滇南萬里長故人今五馬世澤只空囊邊塞風
烟夢詩篇藥草香如何翻羨我拙守大茅堂

張敦白病起過其梅花書屋

我以塵網誤頽齡嬰厄瘡君壯龍馬姿偶蹶病點額凡情輒
昧昧相向蹙愁伯不知皇天意高厚完荆璧真士禍受詐則
足枉指石抱璞得全歸殊勝一浪擲氣血鬱莫申惡況動魂

魄幸保天君泰腐鼠何用嚇譬彼墻東梅鐵幹撐順逆曲折
斯入古班剝妙裂栢損處亦復佳何嘗短標格蒲柳怕驚秋

深秀亭詩集卷之十七

哭

離披便鍛翻妄希叱八騶不若柴桑客年少躍金貂豈易老
頭白萬事碎虛空所患卽所適我今與子期登臨慎蠟展揮
杯飽看花趣涉神仙籍清秘靜禪關一切掃物役不爾駕樓
船高挂長風席睽日凌滄海日華吸流溢小劇證道長聞見
要開闢亦松遊已遲納履徒跼踖新愈等夢破掀揭若有獲

焚香

客從海南來貽我潮綠結堅於他山石黑於并州鐵不火若
流膏雲凍而紋裂稜稜重一囊大塊同藕截完璞蘊甚濃斑
駁老蟲齧劈盛玳瑁盤洗以紫茸藥清曉坐生吞夜深塵事
絕青絲裊古篆灰燼紅復熱豈必效荀座披卷自怡悅

錢東臯大令以詩札寄懷兼訂後會

風雨離情十五年尺書忽到下江船使君孤耳名山大秋水
兼葭落月圓老去松筠屯積翠舊時冠蓋散空烟春潮足趁
毘陵驛定訪關題關湧泉

深秀亭詩集卷之十八目

二日親串園坐

薄醉

春雪

瓷盎

也亭霖茶花前小飲

春盤

獨酌

把醖

人日

穀日

裝飾珊瑚

春風

夢中

不寢

白石禪燈

涉園

可山弟

題画

元夕

送沈霖蒼

深秀亭詩集卷之十八目

柑子

一室

自娛

陸秋谷來小飲

中夜

寫懷

春曉

春園

插花

雨絲

人間

述並帶示兆蓮

章振齋招飲

同王東魯別駕

春園

聽鳥

花朝

趙庚士袁章菴小集

雨

示逆兒

石榴花	樓頭對月	獨上	昏雨	憑欄	曉雨	朝來	夏日即事	蝶衣	偶占	初夏	一春	消雨	花廊	策杖	盆中紅梅	藥欄	遣興	客去	課墨司	漫興	晴春
題唐伯虎桃源圖	安頤盆梅	蓮兒生日	漫咏	三年	安閒	聽雨	午日	簪粉	雨朝	四月梅花	春歸	修禊日	漫興	客有譚入終南深處者	盆中王蝶梅	盆中綠萼梅	宿雨	小瓶	客至	探杏	花時少酒

閑房	小春漫興	羅懷亭移尊	醉翁亭	函谷關	抱璞巖	釣臺	桃葉渡	丁香院	橫塘	退谷	華陰道上	淮清橋	種紙菴	釣雪翁	黃和尚	白雲岩	母難日	魚樂	簪老	虛齋
歲寒漫興	泗涇夜泊	小春	倦圃	平山堂	靈隱山門	黃石公祠	黃耳塚	燕子磯	延津	雨花臺	慧香堂	曲江	仙霞嶺	少林寺白松	易水	舊曲中	消暑憶得	納涼	休夏室	高臥

深秀亭詩集卷之十八

雲間潘鍾麟序

康熙五十一年壬辰選三百十三首

二日親串圍坐

老尚鬚眉小及肩西園高會啟初筵玻璃醖吸紅毛酒玳瑁盤供綠雨泉有客題詩香座上何人撾鼓玉樓前春風春雨新潮足十畝俄生萬象烟

薄醉

薄醉通三昧微吟度六時梅穿巖閣影竹響雪窻枝物役曾無擾神仙不可知心期陶謝舊靜與好春持

春雪

深秀亭詩集卷之十八

春雪薄於練平明白乍消珠光梅欲展雲影鶴堪招遠客稽秦塞輕帆到浙潮何如微醉醒圖畫見漁樵

瓷盎

石林揭小景瓷盎列窓基玉綻春風莢金明秋實皮莓苔添秀發尺寸老權奇敢妄希樛棟卑棲意適宜

也亭霖苔花前共飲

小飲鼓幽興新花際早春文成鼎足坐情比雁行親顧我撐顏梗因君馳遠神灞橋風雪路舊事話西秦

春盤

客到春盤列尋常鰕菜新敢云非厚福只耐味清貧漫稱厨孃意酣遊酒國春苟能甜蔗境容我號天民

獨酌

獨酌轉清喜盆花似列姬風流餘習在紅粉醉鄉披始信老堪少能持正不歛門前何客到爲報且更期

把醪

夜深更把醪列坐照盆梅老態託生意寒芳紅暖偎禪燈高入鏡戍鼓遠迴雷細結龍涎篆金猊未肯灰

人日

曉起長林繞鵲聲華堂人日愛初晴梅花明耀珠胎滑蘭草生含玉溢清無恙鬢眉成老大有情絲竹奏昇平尺書遠到停鴻驛慚愧虛推江左名

穀日

深秀亭詩集卷之十八

穀日烘晴好江村多醉人良農殷望歲大塊動回春潮影滑無定梅梢放有神一腔明熱血胞與育弘仁

有以裝飾三尺珊瑚來獻者

海底華堂插何須圖石崇寧知貧是福忽耀假爲工款款瓷奩大稜稜猩血紅恐難充筆架文彩近多蒙

春風

春風輕帶雨催放淺深花弱舫臨詩侶津樓住酒家有懷關洞府無夢逐天涯且歷湘簾隔微軀病小差

夢中

古樹得紫氣春山吐綠雲花光環珮躍石繡鼎鐘分獨鶴老清唳無絃密斷紋夢中誰識我下拜笑桐君

不寢

不寢者何想薰篝溫夜深百年空老夢一寸未灰心月澹梅
培書風掀竹檻陰蒲團更起坐茶熟味長吟

白石禪燈

光明藏裏夜如何一點丹心熾玉窩我以虛堂疑古佛室其
方丈擁過波圖書微覺于千映夢寐全清閃閃多直到五更
高月落煨香親起事摩沙

涉園

策杖試晴暖涉獵約園丁霜雪禁百日竹樹回初青未免搖
落後枝葉亂飄零或如鹿角解竄跡闌鳩形橫撐且刺眼唐
突礙雲屏幽境不可見蟲腐撲塵腥削平仗武功收類豈容
深秀亭詩集卷之十八 三

停經濟無所用迺便役山靈摧拉靡輒手培養露晞晞善明
一以長權奇拱遐齡牆頭蔬石荷花闌懸金鈴峰岫軒肩宇
鷺鷥立淺汀位置絕不紊摩挲剔苔銘深深斜日脚釣簾上
前廳洗曉既速客少微待明星

可山弟率姪天申白機山顧候留宿時肩山尚客海豐
路向溪田屋繞山青衫高映白雲閒詩書子姪忻成立翦翬
年華重往還莫笑廚荒雞黍夜儘看花擁畫圖斑斕人尚客
齊東海定念江鄉伯仲間

題畫

繡氣聳遙翠雲情結飛樓玉龍走駭汰倒捲挂山頭客從曲
橋度杖履清優游言訪樓居老翁翁僮僮繞行約百里萬

象羅雙眸鶴鹿馴時遇特未見青牛心田既昭曠何往而不
投滌硯寫軒窓墨花濕丹丘靜者理自得塵夢爲浮漚畫師
亦誰師造化合天休

元夕天用漢懋天佑咸京扶聊漢欽泰谷也亭霖蒼可

山集燈花前

儒官裴帶髮絲長泉石樓臺花月光薄醉頗能支強起芳春
豈敢謝頽唐兼金霜果晶盤列綠玉葡萄火樹裝福在東吳
風被遠笙歌城郭沸懽場

送沈霖蒼上舍之西安郡幕

天連沙海晴邊風百二秦關千古雄我昔蒙裘歸雪擁君今
拍馬關春紅民情大抵荒兵懼吏治無如保障功穩過瀾橋
深秀亭詩集卷之十八 四

揚酒力舊題應見柳陰中

柑子

密珀明光菊潯黃清酣秋實緊皮囊傳來佳節盤餐重鄭堂
當年風采香酒力可消生欲剖儒酸聊帶澁無妨洞庭橘仙
何能及文蛋依稀閩產強

一室

一室方三丈虛明靜隔簾紫茸松火沸秘典玉爐拈花覆培
磁澗山看書蜀尖終朝不出戶生氣養心恬

自娛

自娛良有會可語久無人刺撥三年醞平消百和春懶求非
敢傲學道漫安貧花事爲情性清時一白民

自怨

妙於多自怨無象不從容禮且朝真免遊還臥理慵何修完
抱璞未怪老猶龍但憶江湖跡銀罽倚鐵鉤

中夜

中夜悄無寐撫枕若橫琴一燈琉璃碧平等漾丹心軒意永
紋靜清響隔風林往往憶舊事疾掃略復侵乃持澹定力由
淺以入深茫茫罕渾渾一一令銷沈虛空忽粉碎納息和微
吟起坐作何象聳身青過岑疎鐘遠村寺餘香撲重衾東方
日遂高屋角朝啼禽束帶敢謝懶丘壑待登臨

陸秋谷來小飲

佳客適花候春風賦酒香不辭小閣坐聊整一櫛背蕭灑印
深秀亭詩集卷之十八 五

仙蹤摩挲電古裝情深陶賞異散影踏斜陽

春曉十五絕

疎鐘散林杪啼禽起屋角
晬衣急推窓殘夢得先覺
落月澹梅梢長堤張柳眼
簫舫灣奔潮山僧招折柬
花塢標風簷金鈴帶鐵馬
煨香佛火餘抽卷南窓下
虛窓明宿翠止水紅晨光
且叩驚雷炎徐開撲鼻香
天光青閭闔海氣紅扶桑
傑閣一遐眺襟帶何飛揚
石繡染花露土膏厚若痕
生看無量德天不老情根
冰解金鱗出風和玉蝶香
小樓盤曲檻古樹密新芒
烘藥醉遊蜂雕梁語新燕
江村烟乍濃物華春不賤
綠浦泛漁師陽坡簇兒隊
鵲喧繞屋巢笛過騎牛背

看謂搖苦髮大風捲雲葉物我似無干開趣却深涉
青山意萬重身在山空處何處惹紅塵天風不得御
終當御天風直跨雲頭鶴未了泉石緣衰病亦不惡
遠樹平空露宿鳥纖炊烟書通問字酒門到賣花船
熱調西國米鹹醉武昌魚小果最饕餮性性未竟書
南風灑翠雨飽藥沐新紅吟興居然勝舊時同遠鴻

寫懷八首

無限溪山不斷雲眼前風景意中文君松木住還如畫
方高矯吳楚漢室法中強項令侯生座歷信陵君官評士氣
能千古遇合何闕出處分

紅土山頭半夜鐘棲霞寺口六朝松銷磨國士登天夢冷落
深秀亭詩集卷之十八 六

吳鈞切玉鋒精淚酸當成血雨遊鱗終不化蛟龍大江南北
滔滔下惟有天光洗月容

一腔熱血勉輸邊陲上金臺少著鞭

帝命急拯昏墊去臣心清比白芷連撈沙塞口呼雷動揮汗

披星伏火然歛手功成歸親母願與有座竟無言

役罷馳驅厭積薪軟塵踏偏想松筠獨民幸免熊羆應慈母

甘留菽水貧一著麻衣頭便雪數殘香夢鏡無人何堪薄醉

微吟夜春雨秋蛩暗怡神

鼎沸流沙撈面山拍鞍懸鐵上潼關蒼林塵撲荒烟夢古壘

風腥戰血斑虬鬚黃忠屯虎帳瓊樓蕭史圖雲鬢終南太白

深留雪仙掌空摩射日間

病後何當事遠遊驅車齊魯爲人謀張星光醺清懣宋王
才華自舉厚望俗眼青舒客嘯防河丁駭捲天秋歸來雨雪
愁楊柳便覺無眠瘦浪陽

江湖踪跡擁金城尺素遺通別後名擊筑朝紅花市酒燒燈
夜走墨莊兵羣推老嚴憐王絮不賤貴郎重長卿最是瀟洋
持月旦逢人說項鐸鐸

負土頰消負郭田閒居割半供金仙輕鷗浪打漁磯活老僧
林遮雪竇穿鐘磬一聲花欲雨烟霞萬狀屋如船靜中清課
于于覺何物功名夢尚懸

插花四絕

曲折支骨性其次逸手神苟不湊盡理何以對騷人

深秀亭詩集卷之十八

七

風雅規晉士偏強韻楚騷位置不宜密勢秀斯清高

斜景朱霞縷瘦拳修鶴頂吟豔爲上品要便青眸炯

一枝特拔萃二三乃集益少之似未可冗耐不如斥

春園十首

薄寒初散雪霜清傍水珠胎十斛明菱花略展操史筆藻餘

潤比掌山城微標空爽迤青壘且養中和和積厚前謝客呼丁

勤日涉池塘水汗續鷗盟

絲雨牽風長雪潮韶華未許海棠嬌石欄一帶空心濶傑閣

三層南面超欲去簪冠隨放鶴偶來龍杖瘦拖橋河陽不幸

花如錦收拾丹囊種藥苗

園林鳥雀隔溪鐘清曉風光晴午濃頗識金經施苦藥若爲

汗血豈猶龍閉門人靜青山骨繞砌花儲滿月容但得玉缸
春酒綠詩懷澹宕布袍鬆

學語流鶯滑短長天桃紅嫩柳絲黃意明水穀開平榭壁藟
雲根峭曲廊若習清風仙路近不勞熟客馬蹄忙蒲團坐久
懽塲倦少日心情老大荒

老樹瘦垂石筍尖南極突兀掩風簾遲遲納息雙眸合悄悄
忘餐一卷拈芳雨欲來疑墨和融波那得似心恬頑童慣擊
花前磬小照偏呼蘇子瞻

盡把蓬鞍險境刪難忘懷處獨花關西河柳岸延藤座羅漢
松龕少竹斑古洞一泓通汲井虛亭四角漏看山硯田賣賦
搜涓滴修築年年也不閒

深秀亭詩集卷之十八

八

脚跟力定已三年花甲餘生信學仙任子賢愚書且把無官

貧賤凡其全清晨便觸禽聲起亭午常披書卷眠大有連雲

金谷擬歸田不賦鎖蒼烟

高閣紅紫白頭倚杖行吟儘與窺客到洞門親笑啟禽啼

翠塢省頻移名山欲上躊躇遠公案無多打破奇印此風光

隨地足提壺自勸竟忘疲

表形故不損眠餐方寸光明萬象寬禮數豈還拘我輩班聯

且懶作仙官青來無際空天翻紅透周遮曲水欄有法荆關

神化景老將松竹問平安

水紋窓映碧峰西曲盡笙簧百舌啼獨坐匡牀端穆穆誰憐

客路舊萋萋藥囊經卷雙芒躡茶甌瓶花一枝藜整日淹留

塵事隔天公可許十年棲

人間

前因何象落人間一落人間豈易還粗列鬚眉松柏勁難消
書劍淚痕斑飄殘王粲從征路愧煞陶潛賣出山痛洗夢魂
存故我略將生氣養花開

雨絲

雨絲搓不了細細潤新葩石繡明如此苔紋綠漸加排簾一
卷縛曲院十弓窪領略張空眼低吟呶苦茶

韋振齋逍遙舫同李慢亭陸秋谷張應卓顧緩城快飲
隔年不到逍遙舫竹樹初春發蒙養主人近刷驕驕汗烏號
御試親仙使名標樞密待扶輪時平未應封侯相歸來且掃
梁秀亭詩集卷之十八

九

舊園林召客鬚眉及老放剗刀炮炙滿金盤饕餮吸紫霞
釀指揮雜進考精腴左右虎子何其壯座中顧陸門第才張
耶李耶騷雅藏日斜藻影漾魚苗小隊溫宣商玉帳嚴營細
柳綠江城修築亭臺要意匠君不見眼前興廢分得幾豈易
規模保無恙手擇前人創業難銷磨清福神仙我我方潭
小結構若置曲阿無地贖千金典揚封馬最那得增華別屏
嶂尚有翠巒高插梯別館連雲閣烟漲天際徒從魂夢想塵
勞尊顯默惆悵未寄千城且醉呼得逍遙分穩風浪此舫正
如天上坐耳根空處聞漁唱身無縛難力最綿决君緩急堪
飛將環廊十步一回頭駭石驚人不可狀更約藤花千萬拖
擬將櫻笋看風颺鼓勇峰頭路最上

述並蒂示兆蓮

熊罷夢香過半百慈幃盼切愁脉脉清河行役撒手歸閒拈
修築奉春暉偶然拋植塘棲藕一畝風潭遂滿走室中暗喜
飽懷胎不知何兆感蓮臺水面忽擎一並蒂雙角倍蕾露華
綴兒時未生花未紅午月十三雨濛濛昏黃甫定月始出我
照並蒂占兩吉陸地無聲舉室悲一息微回痛癢窺火光遙
仰空天拜禪鐘香裊清涼界逾時面赤發怒啼蓮瓣適於三
分齊湯餅大會及彌月開足蓮房子青突笙歌十日闌金蘭
飛箋詞賦重歐韓元侯特鎮本卿貳登高親驗為奇事要試
嬰孩膽不驚故放麾下閃龍精細繇公然斗印弄血呱只有
目如洞可憐慈緒抵橫拳懼場熱處竟安眠觀者肩摩攝威
梁秀亭詩集卷之十八

十

春園又十首

秀色青添戶外峰綠溪幾樹挂虬龍花鬚開向心苗赤石丈
偏奇骨相衝有徑當春皆化育無官何日不從容偶來熟客
聞新語忽通僧敲隔院鐘
涵養丘園十四年此心清淨日臨眠家貧轉覺難為客人定
何嘗不合天消長花時風雨夢淺深酒力口頭禪寧疎裏馬
敦儒素一讀香山池上篇

綠柔紅扇好晴光杖履朝來信自強滿壁墨花騰野馬層軒
貝葉禮空王已無餘事浮生夢剩有閒情博古香稻阮不如
陶白化忘機天濶水雲鄉

雲光不定捲風晨漏洩江城二月春紅杏樓頭填笑靨綠楊
花面拂遊鱗鬚眉合近蓮花座圖畫還非洛社人古臘偶來
譚勝境萌逢高處竟通神

百和空亭一線風蝶翅剪燕剪畫橋東窓臨止水葡萄綠樹遮
流霞瑤窗紅誰謂山家非洞府若無仙骨豈詩翁脫裘漸薄
攜童冠料理懽場老益工

殷紅深紫醉飛蛾不獨晴烘裙屐拖十畝閑官留野叟一春
畫錦龍陽坡荆關手眼超凡讀溫李風流託興歌莫謂龜空
深秀亭詩集卷之十八

無浪擲茶鐺酒醞費銷磨

身上丹梯書檻層層探嬌豔最與牽來弱女梳頭指帝偏
如黃纒屋應木路若將開可補癡情不道老頻增繁華到眼
空如水棋局全收退院僧

石鯨水口出山根蘭草香風引草門未覺老紅輪嫩綠潛消
陰冷樣晴溫新看鳳尾雷將拆大有龍鱗鐵勁痕保得文園
無渴疾寶筵狂謹避留髡

深種各花意轉蒼翠多被翠微遮聊深幽討滋生趣不服
長貧愛物華清啣留鮮紅荔釀白流雲子紫茸茶傍人視我
猶韓賸爭訝麻姑降蔡家

養花風颭水田衣若諸連朝戰勝肥石匣古香抄蠹簡棲窓

活影漲漁磯微知此後盈虛數愧抱從前進退非大道廣成
何處問只將詩招謝元暉

同王東魯別駕關梅峰大尹高東墅太史沈樹人高扶
暉集羅懷亭古照堂

紋窓雪寶午風香梅夢新舒古照堂客尚史才端玉律官閒
鴈政肅鋒芒繁絃急管雛鶯滑紫寒鶯沙叫雁長頭白燈紅
顏坐久醺情還憶善和坊

花朝

花朝釀尖冷把酒溫相慶花亦解人意脉脉東皇柄我不善
柔媚而惟篤愛敬乍放既傾心含葩美芳性細數五畝中何
者先起映玉樹挺純粹紅杏鮮可妙只有海棠嬌卯醉若待
深秀亭詩集卷之十八

命雕闌富貴種殿春特後勁蘭爲王者香連合君子正蒼藤

挂紫纓洋茶出無更但祈各向榮不分凡與聖主人得餘清
風雨養不病

聽鳥

春色曉以明啼禽來以清揭簾靜顏坐耳根滑吹笙屋角花
梢動兩兩轉嚶嚶竹叢雜造和堤柳踏風輕但覺聞之熟不
識喚誰名山童報客至我意懶相迎客云欲共聽寂然遂無
聲客去復幽靜若言客所驚我直忘機久客或職心旌遊翮
又奚覺乃可與道盟不堪入俗調那得爲移情天光白水而
流雲與之平我且勿著我鳥自率其鳴偶觸在空際何思而
何嘗

淳原以盆蘭借供

幽谷勒春寒蘭蕊未滋綠往年數叢披失培焦薪束案頭少
生趣便覺難脫俗池塘老枝葉解我意所屬力舉斗盞來宿
根雨新綠草長二三寸芳心吐微足撲鼻省曲房晴烘翻太
酷濁醪不敢澆醉態恐汚觸如對君子朋品望端金玉松火
煎蟹眼蒙頂七椀續閉戶享半月謝客且推局蜂蝶香與喧
神清消三毒

趙庚士哀章菴小集暢情軒

小集虛堂綠清齋密雨寒交情深道味仙術並儒官柳岸輓
絲約梅樺玉蝶攢酒闌茶品上未覺笑貧酸

雨

深秀亭詩集卷之十八

七

青雨綠幽趣徐徐得潤茶戶庭無雜跡圖史足清遊身老孤
懷曰心空萬象休一杯聊破寂風細約簾鉤

示蓮兒

青雨遲春明伏枕倦內省窓紙薄而凝一片雲影呼兒已
抽身晨課力能併銳氣喜後生踴躍一何懶復來視參苓勉
進再三請至性曲承懽出言頗井井回憶我小時翻遇此暇
整祖德頓深培我罪在粗猛今年拜師資提命得要領豈敢
有過望樹立挺青梗滿架堆殘書負郭鮮二頃熱血一腔赤
撫躬獨未冷聞道悔不早掃腐存竹鯁善訓亦奚嚴因兒轉
自警兒其貴有恒園林放紅杏策杖且往觀不覺屢踰嶺

晴春

晴春器無礙好懷暢虛明新花向我笑泉石饒光榮芳徑一
幽討轉覺妙孤行岩叢團鳥雀錦畫相和鳴憑欄看天影池
面帖雲平微風吹綺縠遊鱗適縱橫翩然雙翡翠窺人若俄
驚久之忘其故波心掠柔莖掉尾忽搖蕩笳羽噪羣燕烟景
散浮綠小樓侵蓬瀛童子逐眠坡狸奴直金晴香氣撲何并
越牆如環城暖烘不肯去意豈戀紫荊贖其捕鼠才日與蜂
蝶櫻吁嗟小飛走僅可寄偷生名山大澤中龍虎乃紛爭我
亦小結構略遂閒居情怪異不復駭日飽而筆耕

花時少酒

花時可惜老晴春惆悵王弘是解人折東廚嬾先欲笑空囊
客座豈生塵閒支白髮青山主遙仰紅雲紫府神蜂蝶漫掀

深秀亭詩集卷之十八

十四

鶴燕語日長無計獨逡巡

漫興

變化雲霞百萬重凌空幾樹欲成龍青山寺學陶弘景白社
誰當雷次宗盡到石根盤骨鯁香消酒力耐花客比來獨照
禪燈坐打破僧窓夜半鐘

探杏

閒尋仙院踏青村鶯燕先驅蜂蝶魂到眼畫橋三四折沿溪
收筍短長捫晴烘紅影枝枝潑風細芳醪處處吞不是上林
榮近午身寬草野亦歸恩

課墨司閏鶴書牀三童子搜剔巖坡

村郭半野徑竹樹屯雲根畫理時一讀青眼庶不泯小劇曲

房息發捲老獅踴動履千金綴春草寒當門石竇光公腰
要傾手捫落葉積均隕外垢忍暗吞掃除礙便棘疾惡等
昏削浮豈可淺揭穴縱泉奔頑童避力役飲食甘受恩給
出非意踴躍赴晴溫枝敲巢雀廢銘括蝕苔痕窈窕飾恩
清洗玉女盆新既莫掩舊賤誰敢犯尊瑣開鳥雀語鶯
蝶魂割其所必割存其所當存靜將生而闕看長好蘭蓀

客至

濕雲黯黯雨綿綿一片孤懷白惘然豈敢鉅肩天下士何妨
託跡地行仙園林水秀清如洗盆盎花緋冷最鮮薄暮津亭
問客到撥船先遣問漁船

客去

深秀亭詩集卷之十八

五

虛傳南鳥來雨餘三徑足莓苔平看水殺層層捲養得
心花幾瓣開民物命關君相脉神仙學忌聖賢才空天無際
流江海野馬風濤信浪猜

小瓶

新花支二寸勺水日頻添彩筆珊瑚架細紋綠玉籤那能少
此伴何可不親拈開與心苗沾光華靜隔簾

遺興

林表高穿傑閣靈日華紅映遠峰青神仙圖籍香常異王謝
鬚眉老不腥淘泳心田歸墨海銷磨酒國闔茶星三年病骨
堅生鐵瘦羨中霄白鶴翎

宿雨

宿雨天低翠尚寒漁郎渡口問閭官輕帆欲度雲拖水短策
何來野從離忠孝空慚雙鬢白乾坤直許寸心寬衡門客散
昏黃近無那閒情上藥欄

藥欄

藥欄轉瞬接紅芽碧雨連宵破紫沙三寸便教徑尺起一莖
却望滿輪華花王富貴甘遙避相業風流亦未差溱洧冶容
輕折贈何如長發盛山家

盆中綠萼梅

淺著粉香嫩光葆珠玉肥樓頭人未墜仙籍女忘機夢小羅
浮異香傳嶺上稀冰窻雀硯淨蒨蒨洩清微

盆中紅梅

深秀亭詩集卷之十八

六

玉律吹溫後春風第一華南枝耐絳雪仙馭染丹砂夢笑羅
浮白光疑上苑誇星星繁血性未必種林家

盆中玉蝶梅

應向藍田活莊生夢化裁情酣朝旭透意換午風開座右書
堪把春東燕未來江村香雪路最難別吟吟

策杖

策杖花開宛轉行一雙壽帶向人迎危橋跨壑空騰馬瘦石
當樓駭立鯨我意仙風襟袖御物華肩曉畫圖橫何須騎化
蒼鱗去尚有敲松踏月情

客有譚入終南深處者

終南雲氣遠蓬蓬終南山色青隆隆三人結願果深入入山

空走山無窮兩人委頓行不得便向荊簪苦偷息一人恍忽
乘渴仰排林梯石儘難助林杪石均滑而圓古穴翬翠峰腰
穿側身環視席溫軟脫毛碩果堆新鮮夕陽易墜月光出四
大聊容昧凶吉腥風猛布蟲夜歸徧嗅其人與之一虎睡既
酣人始安天明疾躍遲晨餐人隨虎跡踏石葉耳根寒戰沸
狂瀾瀾中擁石虎竟渡搖尾若引示勿怖崔巍香剎插雲霄
枯僧峻位多如塑稽首禮足寂無言清舉但有蓮花幡下座
頭陀啟低目慈悲指往登高原怪松偃臥蒼龍狀黃冠眼倚
鐵根上顏噴丹砂活火鐙手拖棕扇獨不放頭陀具告初來
時此老輩曠守顛癡迄今三百八十載鬚眉綠變似兼絲奈
何留之不止止尚憶塵緣輕別此回頭失却畫圖天遊典一

深秀亭詩集

卷之十八

七

灰等乍死翻身急隱峨嵋山雪埋血性掩柴關寄語尋山山
內住濟勝勝濟踪莫還立跟不定養餘恨些子進退繫方寸
慧劍割利難割鈍那能避世永無悶吁嗟乎空靈何地非終
南所聞所見供支譚虎狼可伴聖譚險名山占住皆瞿曇形
骸土木千百歲頽廢荒丘特坑緩不聞不見知幾許孰爲腐
鼠孰榮衛蜀尖吠犬暗流星半輪影底了殘經自顧且誤誤
後來愚者傾聽智者局滅淨客情存不費而壁長技忘坦率
害人不淺路口岐舌倒江河花生筆飛仙力健佛恩弘自有
清微最上肩我本百和消斗酒小樓新闢臨波澄終南峨嵋
以意到隨寓往往合至道生固浪生死寧死徒悵精神禍物
耗又何羨乎松下人把握甚固善葆真春秋閱歷直無算主

人翁出反延賓客乃謂我抱久病頭童齒豁剩骨勁笑而不
答紅杏開斜押壓尾瓊瑤柄

花廊

善亭三折次花廊梅杏參差上短牆影壓峰頭春雨綠橋拖
水面午風香惟將錦繡文能寫若問神仙好已蒼有地樓臺
皆

帝力書田猶得潤空囊

漫興

君親欲報恨無能塵妄消歸第一層五畝花將團繡谷十年
人已倦山僧何須拖杖蒼龍幻且豁空天野馬騰春水綠平
心與活曲廊幾處盡書嘖

深秀亭詩集

卷之十八

大

消雨五首

消磨雨况合衙門柳線風牽梅雪魂已是孤鴻悲獨客何堪
芳草夢王孫貧來苦寒參差費老去深知仙佛恩紅透丹爐
蒲簾白龍涎只向墨莊吞

苦痕生意滿瑞東禁得殘梅一片風可惜情懷空濤若若將
名畫讀膝龐人思栗里歸休後詩落黃初清遠中一帶曲廊
簾影綠隔窓時逗信天翁

鮮豔嬌紅若有思偏將新雨滴臙脂環廊樓角峰腰上坐盤
波光盡影持杏種仙壇宜伴鶴客來名士許衙衙雲霞襟帶
風流甚何福能消耐老時

鑄度花關並小修要添山色更開樓閣微架引危牆角芍藥

欄遮矮石頭身世無勞牽百慮乾坤何事足千秋一雙翡翠
魚梁活掠破天光動綠洲

風波不涉不奇男雨後天光定蔚藍飲酒酣時微入夢讀書
佳處肯無會難乾血性飛蓬野漫割花園作草菴秃筆自留
香座上絲絲只似未偶盤

修禊日集蘭亭字八首

清時既欣遇生趣殊放然靜觀諸品類今昔自同天俯仰慨
陳迹隨事異盛遷及此不娛樂形骸豈永年所以竹林人相
與信集賢浪託舍一世觴咏足無言

蘭氣極幽致竹風長清陰既未嘗九列豈不樂山林宇宙亦
云大人生感古今曲水故可取同懷快相臨

深秀亭詩集卷之十八

九

惠列得同化彭殤嗟短修懷抱觀一世放浪託清流盛年一
以暮能不悲昔遊竹林嘗水次蘭品當春幽陳者既妄作生
者隨其由

感懷雖終日賢者樂清時今昔亦無異死生豈不知可能或
當舍所得或在斯相與臨山水視聽固隨之古人信初地後
悟其與悲

天風喻化日萬類咸有情爲樂不及時所以悲虛生羣山列
蘭竹水氣引至清管絃豈妄作臨文託老彭

朗悟初無外遊覽取不陳靜言一室內萬事懷古人樂哉此
盛會大地咸生春

虛妄不足述幽趣合清賞萬事悲畢世永年盛引觴一已既

隨遇同人期相將大賢固未及娛老或可當

觀察流大化天地映至文盛世述感遇賢者故樂羣舍同隨
所放得亦不足欣萬事豈能畢永懷無可云

一春

一春花事尚餘紅閒作荀香座上翁酒力漫漶新愈後詩情
遙託舊遊中雲依山閣微茫雨燕觸簾鉤五兩風何處更聞
門外局心田只漾月華空

春歸

花光酒力送春歸春去珍珍嫩綠肥羞覺老紅拖燕尾遙吞
空影上漁磯修林只愛松杉直卜宅如隣洞府稀尚有清和
甜蔗境烘茶燒笋辦荷衣

深秀亭詩集卷之十八

初夏二十三絕

簾龍參閣雨初稀庭院深深綠蔭肥無客到門茶甕靜雕梁
紫燕護雛飛

一往清流九折欄天風花影畫廊攤日長獨趁無他見只有
鷓鴣兒浴未完

房山北苑虎頭癡一處常耽十日思此景但教明眼得松筠
骨節是修持

簾窗漁舟蕩隔林蛙兒出水開秧針裝綿未敢輕拋拆麥秀
風寒慣接陰

櫻笋厨中蠶豆青田村風味足山亭留賓不厭清齋薄酒須
深叅陸羽經

鱗牆櫛比挂藤花晴午桑香燦霞極目憑欄看不盡品題

清叩雨前茶

蘋花浮白渥丹紅清晝虛齋穆穆風客去欲眠還強起自恬
書味在胃中

紅藥當階曉影翻銷磨蝶粉亦何繁今年又費花奴事縛得
梅格作短垣

霽微燄架子鵝黃湛露珠凝滴曉光便愛攤書無事坐清芬
冉冉到斜陽

掃盡塵緣白道心老將鬚鬢動山林旁人何用疑丹籙就問
雲霞別淺深

蘭蕙周遮透宿根水紋窈窕綠紗痕夢夢隨意吟陶謝漫把
深秀亭詩集卷之十八

黃流碧玉鐫

楚舞花嬌虞美人人生憐減血幻津津英雄成敗渾浮夢若爲
柔情獨寫神

水花不定散苗林影深低宛轉橋詩意通啼鳥和日長
有韻伴無聊

午倦剛回心眼清雲濤空捲遠天平何來窮舫垂楊岸軟語
山僧問舊名

雨後濃州擁翠巖米家墨汁寫雲山空亭更在清池上恍像
遙臨鷺鷥班

牛背斜陽踏鳥行捕魚浦口螭蛙鳴玉瓶香滴茶蘼露鐵笛
風清白苧城

書館簾衣曬月痕澹金新放麥宜盆微醺獨坐悠然意自檢
翳眉愧宿根

曉起花時遠近探女牆紅粉潑嬌酣老人若爲柔情重簾捲
深深坐更貪

粉牆曬影動迴風石角高低亞字紅似按橫披翠小李分明
身刺洞天中

長林豐草遂閒居漫戴儒冠揭道書可有人同桑落酒池塘
便釣鱸殘魚

每貼溪橋坐日斜林梢忽見碧桃花如何遮得清和候若爲
仙家養物華

松濤柳浪竹垂鞭歷歷高風滾翠烟七尺繩牀三尺枕耳根
深秀亭詩集卷之十八

聽倦夢遊仙

清書停陰策短笻不耕不鑿老山農金衣公子時相喚古木
參天欲化龍

四月梅花
清和風景綠陰吹忽見盆梅一放奇豈傲松筠增惘惘故將
珠玉剩離披六時香靜茶烟白三弄窻虛鶴步移便夢羅浮

非此際調羹結子更何期

偶占二絕
晴日輕雲雨翠烟花關有事覩爲田老來滋味空流水不逐

凡情默任天
強作瓊筵解笑翁昨宵歌舞已成空如何百褶留仙樣彷彿

花光一捻紅

雨朝三絕

侵曉廉纖漲翠濤松軒危坐讀離騷不知鵲噪何清喜緊閉柴門福地高

君相休嘉仙佛恩白民容易老花村風波不作林泉上止驗朝朝雨露痕

門外潮青天影低漁航個個漾玻璃拼錢買得雙金鯉一縱悠然石檻西

蝶衣和韻

天風低漾五銖輕五色新裁花底明撲去芳魂消易著穿來深院趁空晴迢迢春草王孫夢栩栩莊周幻化生羅錦鳳車

深秀亭詩集卷之十八

三

裝更豔就中白練是雲英

薄粉和韻

此君豈學傅何郎鳳尾初開龍蛻藏綽有生機涵白研若爲晴暖卸春霜渭濱客眼微微片風嶺僧窗綠慘長血淚湘妃空染楚鄰於骨節見葆光

夏日卽事三十七絕

花闌不獨畫圖斑屋角林梢似有山鎮日虛明端默坐何來塵事更須刪

黃冠引鴈換場師聚散何曾是我持無術能消清蘄福有情還向衆香癡

小劇虛齋輒半眠微微鼻息去遊仙清風忽約簾鉤響返照

斜搖水檻穿

峰霞朶朶紫芙蓉返照金光萬樹重誰謂園亭無氣象一聲獨鶴隔溪鐘

滿院桐陰風力掀日長啼鳥靜中喧垂簾平駕東樓小眼目心清問道元

橘柚風迴花後香薜蘿牆颭雨前涼通人小徑陰偏綠白袷輕來鶴羽長

雅悔從前浪逐非鐵蹄蓬萊汗征衣何如箕踞長林下樓閣參差撲翠微

老梅骨瘦附新牽水綠花撐鐵線蓮轉使枯槎添雅趣巧於用拙化行權

深秀亭詩集卷之十八

五

猩血花光染暹丹麝香穠透碧闌干雙飛黃蝶何曾住却使金晴臥不安

雨花不散浪花腥睡足無聊上小亭意緒自佳何所繫空山香氣物華靈

耳根不定起松濤白晝清陰空際靜自無絃殊有韻興來放卷一揮毫

繩牀羽扇漫安排不近時流尚古懷那許見曹輕問字香奩輒指舊金釵

高座居然彌勒龕雕梁深處燕呢喃山僧乍供驚雷舌本津津韻帶甘

般若聊陳酒二升日斜遙對翠雲層西賓座下呼兒侍靜飲

風華學未能

翠漲雲濤百萬層風聲雨意忽平增不知欲作何家畫
雙眸爽閑憑

屏幃峰巒帖屋青畫師多半少微星自憐骨相烟霞老誰貌
鬚眉瘦鶴翎

斜拖山脚硬眠雲雲路青青種此君亮節高風聊寄看七賢
何必醉如焚

宿雨初收泮曉烟空亭駕水似登船喚魚不住憑闌曲十斛
荷珠碎又圓

聽得催耕鳥喚忙桔槔聲繞水雲莊閒居那得全無事也歷
松膠浸藥囊

深秀亭詩集卷之十八

五

梧竹交深影不移軒窗空洞列烏几沈烟茗碗時添炊局外
何嘗有奕棋

槐南畔畔散薰風留火明然皎日中揮扇渴希雲片黑熱蹄
何尚關塵紅

紫虛閣界水雲中蕩滌亭間面而風總有閒聲饒鳥雀似無
塵夢障簾櫳

拔地危巒秀巒孤夕陽翠蓋短筇扶兒將熟客尋來易不是
詩僧便酒徒

耕耘遠近沸農歌晴午休泉清響多裙屐何須絲與竹老夫
不耐豔消磨

藥草看花不驗方長生自有妙文章能將世諦空流水一味

清修飽鶴糧

蕉窗日放卷書長花箭風催王者香骨性本來存鐵石羽毛
何必學鸞凰

奇峰萬象插天西唱晚漁舟狎水齊我意適觀歸未得好風
初透柳陰低

一片清光浴紫烟樓臺影倒夕陽川行吟不覺身輕就又見
喬松挂月圓

浩渺扁舟去五湖巒雲起首笑居沾人間自有丹丘決闔得
雙扉事便無

水活山靈長翠濤天容清福豈輕消洞章仙梵惺惺前身託
塵寰神已超

深秀亭詩集卷之十八

美

不盡關山恨遠天無多骨月剩衰年深嘗貧賤神仙學抹煞
荒唐文字禪

石角山花鳩婦悄牆頭風葉鼠姑交若將物態描生化故把
詩情綴草茅

賴坐看山意樂靈孤行傍水鏡花青偶開積翠空濛境添得
幽棲一小亭

道在詩書味耐貧老於鶴鹿瘦撐神蓬意捐買蘭陵酒石室
常留湖海賓

採花涇達夜遊汀舊是機雲晉代銘今日香臺村舍曲疎鐘
夕照送潮青

五畝花關三面池千林墨汁百倚詩餘生甘向烟雲老道味

微將性體持

渴塵十丈雨花捐綠暗空亭撥卷眠已散呼樽彈鍊習雲山
只上畫圖緣

午日

葵榴競照秀巖廊琥珀草擎換蔗漿兒女笑將五綵續山林
典引白鬚長辟兵不用開丹錄採藥何能補異方遠近津橋
龍戲躍更誰角黍問靈洲

朝來

朝來香雨滴花胎釀就青霞滿石苔一盞龍團新貢後徐翻
秘笈道顏開

聽雨二絕

深秀亭詩集卷之十八

三

雲壓村深太古情波心葉角一聲聲披消殘卷剛逾寸放出
新紅忽半棚

欲住還添滑木休蕉窗竹徑似先秋銷魂記得同遙夜燭剪
錢塘送客舟

曉雨

曉雨彌天五月寒村烟何況住江干衙門犬吠漁師出小閣
禽拋梅子酸簾靜花香添座滿家貧客散養心寬松針柳線
穿珠滑盡理詩情儘耐看

安閒二絕

和雨和烟和翠痕青蛙布穀遠江村垂簾高臥安閒甚聊向
華胥了不渾

病却無根老是真長於貧賤厭紅塵閉門只潔林泉影日供
名葩換眼新

憑闌

翠雨畫濛濛憑闌花朵紅意中人若近身外事皆空可惜消
磨易無如造化工生綃風際薄倚徧畫樓東

三年

三年垂老况不信遂如斯但仗名花座還澆暖玉卮塵緣消
嚼蠟客夢幻游絲絕悔名場誤風流杜牧之

昏雨

昏雨轉沈沈柴門浸翠林殘醺送客後恨賦落花深隱隱蒼
生淚悠悠湖海心如何池岸濶一片草蟲音

深秀亭詩集卷之十八

民

漫咏十八首

風雲不定色江海靡安流人生宇山內變化故難籌嬰塵卽
荆絮何術登崖丘閉門學造轍仗劍希封侯所遇或不合矢
願終妄求富貴偶然逢賤常懼憂百年寧易保朱顏條白
頭鐘鼎非世業膠漆壞戈矛泉石冷廊廟健者昧歸休一朝
失青路饑寒笑盟鷗何如用我拙消長任浮瀉長林豐草際
平駕飛仙樓可以隨厚薄最夕省清修負郭差二頃杭林聊
兼收努力慎太剛亦不繞指柔全家輞川畫恍惚想十洲
十洲在何處心地足清涼一丘一壑趣收拾便生光買山而
待隱所見殊荒唐俗駕既差迴鸞鶴被仙裳香雪嚼梅片松
風掃石牀眠簷入圖畫襟帶可高翔丹符亦意會辟穀那有

方

故人從青雲寄我尺素書具感新雨露春念勸閒居熱血不可冷及鋒莫躊躇吁嗟金蘭誼未肯忘樵漁久別等捐棄此意良瓊琚惜哉白雙鬚努力收鹽車晚歲舉一子蒙養立庭除乍曉弄筆墨何曾涉崎嶇牽衣把短筇花事供軒渠庶幾保骨肉殘想任田廬豈無蒼生淚倦愧上題與瘦體束枯柴焉能出緒餘守拙貴知止夕陽歎於萬事滄流水得失破華胥

茶村與翁山詩骨裝鐵石英雄老無賴筆墨動魂魄淚盡繼以血長號痛毀嗣吳頭來楚尾秦越作通客忌者直欲殺識者深歎惜結交滿天下束身愁無策自寓嗜酒色浪託神仙深秀亭詩集卷之十八 无

迹罵座服絲漉雪涕哀蒼赤一夫思斬關獨鶴淚空碧病厄經月臥怒氣駭奇癖語豈拾牙後鴻蒙奔開關祖驢因酸棘性靈生虛白山河草木秋鬚黃則我少而畏事彼笑指堅壁此子不可當拱手讓前席化後夢屢徵古調今無孿垂老趨柔情以花爲生活自嘲鬚眉氣此習何不割迺不僅浮慕慙惶甚饑渴梅心肺腑種菊傳衣鉢王者香無上君子蓮超脫海舶得洋茶客尊誰敢奪薰風魚子蘭大官金粟潑佛桑鮮猩紅抹麗樹南越却泛睨殿春俗好殊聒聒榮枯小成敗寒暖遞裘葛咏歌之不足陶養且其末要使花與我無類不條達光華送餘隙雙眼遂青齡

方池涵清影古木凌高風頽然殿閣坐心眼豁晴空閒雲從

西來蓬蓬推海東忽焉呈一碧夕照滄流紅靜言思無涯大造似可通吹笙王子晉游戲達上冲旌陽明拔宅雞犬皆天中何修而臻此石鼎丹成功雙鳬朝北闕飛鳥將無同所以稱仙令令庸賤叩蟲瓦全且不得世網縛卑躬悔慕歸休夢林泉遠天宮仙凡迥如此塵氛那可蒙

插苗得好雨惟聲置枯槁隨車誰所化撫字藉心勞閉戶了不出園林湧翠濤松筠特道上風際響笙璫傑閣無人叩獨坐絕塵羣洞章揭丹籙佛燈剔焚膏宴息度六時雄長任蓬蒿啼禽不知名屋角徒嘈嘈落紅付游鱗水面津津挑樹影攬蒼龍石勢險巖竇動靜脉相對世事輕鴻毛人間潔仙窟敢不作詩豪

深秀亭詩集卷之十八

三

晨餐池亭上風雨送清涼葵藿不厭薄整束禮空王交際語無事可已便酌量綠陰排坐榻殷紅刺女牆應接不暇賞世諦殊荒唐離落遮榆柳骨節硬松篁矮屋三四折滿壁生古香滌硯呼鶴童擊鮮問厨婢適有湖海客留對瀉壺漿訪道搜藥苗舊習晦劍鋒夜深剪華燭憇西夢瀟湘

嵩山有道士行年九十九總帶垂輕身篲冠束皓首比從客中見顏色恍被酒彼亦熟視我微笑不開口逾時望松嶺軒軒竟飛走問其守爐者每歸須及酉夕陽山翠凝遊覽延片久忽將棕扇來鄭重一舉手爲君拂紅塵莫遺此粗醜悚息默受持酬謝則大否拍肩謂可惜何苦饒八斗初不解其意轉瞬指蒼狗迄今三十載挂之不敢朽龜紋穿椒孔竹根古

樞紐學仙無師術聊執老叟畝

朱顏忽改華白髮不少遜人生過花甲鋒鋦已全鈍

君知恩莫報貧賤罪交困所投輒冰炭卜吉玩肥遯荒唐夢
八門無力謝荷頓豪氣三千丈熱血灰一寸到眼貪百卉香

病久無恨惟對數峰青愛逢新雨濕

梅雨七晝夜斷續寒老秋門板上潮影柳堤縛漁舟漁師八

九輩得酒猛勸酬手持雙鉅鱗換米過橋頭飯少故可遲酒

乾瘠渴喉狂笑話武陵何者爲王侯愷然各前散惡浪偏不

收百網撒浪花一網堆船兒掌滑忙脚踏更深漫歸休清晨

急告賣買放脫金鈎生者既悠然無命聽輕浮可憐同就擒

何德而何尤老圃摘瓜菜青肥擔油油含魚就齋日口腹良

深秀亭詩集卷之十八

易修

沙海沸濁流經天穿地脉五丁平蜀道神鬼駭力役形勢不

終秘造物聽開闢詩歌雖小技大業播金石不由血性出那

得動魂魄輔輟際昌運五鳳樓前客變故深閱歷李杜遭窮

厄李才逞仙風杜乃實有獲立言闢氣數沈鬱忠憤積涕淚

和聲韻頓挫彰皁白厚道察人情博洽極物格生平絕真知

亂離苦老客嚴武皮貌交高岑非聯翩斗筭矜科目視之如

別席但笑科目中豈無文章伯一試重品題便不化形迹公

亦隨萍遇剛介少慎擇饑寒之謂何服官徒左掖少賤能多

鄙融會流金液千古不可磨杜陵成全璧

葵傾赤日心竹高經霜節神龍不見尾形風生丹穴抱瑛璫

被蹟鏤鈐非頑鐵材大固難用格構廢盤結駕鹽蹶危坂徒

枉殺汗血伊周管葛量王霸自迥別買龜躁進才誤逞瀾翻

舌復辟正社稷老推狄人傑時平美都吁變故妙藏拙上下

洞青史最醜作兩截恩深愧莫酬書空斯怪絕草澤多完夫

端品潔冰雪累卵患得失懸車免覆轍

黃霸著異政入相短寡識陳平昧錢穀汲黯能矯勅臣客馬

周者武臣乃肯直殷浩不出山未嘗露慚色有能有不能所

長可盡職器小而用違康濟病鬱抑九重寄耳目百僚工粉

飾古今非無君誰其端憑翼廉法上所期身家下負恩穎川

賢四長巧宦敗即墨所以重廷推咨訪公通國廟精以求治

歷試乃始得獨斷在聖聰參贊秉一德

深秀亭詩集卷之十八

王

綿綿樹頭雨滾滾水面烟雨間作泉滴烟消映空天游魚驚

蹕來浮沈停檻前靜觀得物態何境不悠然石鯨長繡甲土

花疊苔錢孤亭餐綠影虛窓堆殘編棲鳥定宇下鳴蟲上席

邊十日無過客闔扉冷深淵堂皇設古榻擁花而高眠鼻觀

享百和厨釀解烹泉徐徐列淨几兒告有擊鮮請耶敬把盞

行樂味聖賢薄醉揚天趣咏詩亦游仙親故挂蓬藪何能遂

閒緣老矣苟得所貧賤亦思全拉攏策龍杖晚晴待月圓

一雨足農事洽村著魚蟹雜坐滿懼呼家家種秧酒老婦出

畜旨稚子叱雞狗節堂開向田豐兆占象更我家北郭北十

年家食久多牛魚樵侶習聞沮溺耦牧笛過危樓野調響擊

缶願與此輩狎優游涉畝畝園林秀花竹籬落接榆柳隣近

皆坦率視我若培塿彼但求溫飽誰諒我輩肝膽固分所安
貧已到八九正不及良農還租剩升斗泰然遂無擾更況不
知其

憶上潼關口潼關登嶽嶺拔地一千尺濱河繞百折河沸力
排風晨夕仰關鬪鬪土終不崩濁浪驚沙刷天地若震動黃
塵昏日月戰國虎狼秦據此恃險絕六王疲奔命古壘隱殘
血關下困裴糧誰敢攫響鐵陳勝起揭竿赤帝直入穴不聞
闕者誰地利亦空設暴戾怒天討朝食可待滅賈子久亡秦
二世惡木葉殺魂未盡銷隴水黑鳴咽賀蘭腥夜火太白冷
積雪秦聲肆悲壯往往挺人傑故里景汾陽雞狗笑客舌要
之形勝區非此不盤結歷代建都治王氣今太泄章杜尺五
深秀亭詩集卷之十八

天荒薛拜斷碣鴻門久平陸雁埵破凜冽塞外築長城收馬
來電掣成鼓荒寒宵征大衛怨別清時得無援他屯防剽竊
豐收卒免驕整仍慎賢哲六龍近親飛恩沛普感切中樞
加密籌控制化机陞
乍晴燕梅杏羣鳥啄凌晨山亭無到客何處不花齒石檻拋
零落躍魚驚流津茶童慣窺隙驅鳥捷猿身上樹十百迴恣
取散北隣隣人牆頭立叫器不畏噴更羨掉銀尾恨不把釣
綸翻笑主者愚議論紛紛問主者豈不答揮手聽遠巡物命
存寬大策杖顧南酌舟斂石壕夜勾符殺細民越職格撫字
分毫搜赤貧九重海天恩滿目何不循捕蛇避吏虎龔黃
景體仁

獨上

獨上危樓晚聲撓風雨寒偶然閒看水不敢久憑闌登白鷺
心擊花憐雙面殘村烟搖漲久添出幾漁竿

蓮兒生日示之

兒生十二年望兒來何遲我今六十三憐兒莽未知兒曲狀
我健我通勉撐持迴頭祖若父脉脉追痛思兒均莫仰見懷
恩勤叩祠問答千萬端恍惚夢見之琴硯每依我最憐呼先
慈我牽顧復意拙守荒驅馳食貧以煮字父也略兼師今日
兒生日此固當有辭山西關夫子後漢降靈時偶然符後育
敢不稟威儀精忠移純孝千古及者誰男兒重綱常浮華不
足爲整躬翠松柏桃李轉紛披經史洽根蒂涉獵終瑰奇忘
深秀亭詩集卷之十八

深秀亭詩集卷之十八

三

忼不可任其墮由委靡玉蘊謹執厚劍鋒忌輕虧世態故多
變吾道處不夷寧使人負我寸田亦向葵開我尊兮溫我酒
詔兒前跪酌大斗人生骨月親父子但願長保異蒲柳我苦
泥塗遠雄志頭童齒豁呈老醜祖父緒餘庸難申生死鴻毛
幻蒼狗兒酷似我須勝我無論廟廊與畎畝要所可今去所
否王謝特存三不朽兒殷上捧祝我壽我且洋洋爲擊缶掃
除一切擁蔽帶席幾岸丘堪尚友一聽天公留或走五嶽遊
恣河海口太清以上亦何有諱何容易古稀叟際兒成立成
高阜努力栽培猶培塿

樓頭對月

小樓面面簾高揭久不更深對明月如將寶鏡蒙塵閣未向

蟾宮照毫髮今宵被酒復惺然擬將心事問蒼天天空月出
雲捲盡月華却注我宵前四顧無聲聲在水池銀影躍雙
鯉倒印天光月動搖無情有意澄清喜披襟坐襟爲開
缺孤翮從南來隔塢疎鐘一遙送周遮籬落聲香暈僧窻朗
贊楞嚴呪長林墨汁恍靈鷲如此清涼解脫無人生何苦著
眉皺玉盤漸滿白盈牀欲眠不眠珠蘭黃紫茸叩罷琴囊束
穆穆端生性體香

安頓盆梅

羅浮梅花千百峰邵林香雪雲水重閒居地淺鮮繁植結構
止畜小虬龍陽羨白瓷寬於斛泰望紫沙升斗掬種就得來
已數年綠珠紅玉飽經日花時易過拋東牆五月爲臘怕胎
深秀亭詩集卷之十八

蓋

荒急擇善地避酷炎要留脂潤採冰霜北隅清陰染邊碧安
頓不嫌其疎僻靜者始足充葆光仙姿自合坐高席肯如棄
置不徘徊勿助去害是加培息機三伏冒雷雨鐵幹先看點
苔莓鉅者矮者多益善權奇骨瘦等名彥入山退谷且遵晦
好待衝寒潑生面

煙石榴花

絳紗繡就桃核綉滴滴鮮新猩血透清晝照耀吐聯拳丹砂
活火煮勾漏園林五月花光稀薰風偏好著全緋紅兒應避
芙蓉臉綠蔭叢中刺夕暉紅裙妬殺兒絕豔不畏炎威競華
瞻飽在崑房子不貪一些不放朱顏欠畫廊曲水石爲闌日
日憑闌眼不寒笥烏如何輕踏碎露傾珊瑚千百圓

題唐伯虎桃源圖卷子

淺綠波融翠擁山蒸紅動惹有無間漁舟孤棹閒乘興尋向
桃花灣更灣灣深忽得桃源洞洞古流霞光一送舟人從此
盼田廬雞犬桑麻雜抱甕相逢已在畫圖中邀踏青園林岫
東耕夫餉婦來親清晝山家話日紅避秦避地久於此不
道丹丘竟不死誰管人間漢魏徂晉室攘成奚足齒壺觴出
飲遂陶然留住不得笑歸船天空一碧水痕潤萬象茫茫夢
前失疑信只憑武陵口流傳逸事高五柳天壤至今恍惚多
渴慕人心靡不有解元才子敏風流繪聲繪影以神遊潦倒
抑鬱無可寫墨花却把神靈搜初排滾雪漫天白雲湧山橫
萬千尺吞烟合嶺杳莫定隱隱繁華開窟宅爲農山澗亦尋
深秀亭詩集卷之十八

美

常但異流離版籍荒塵氣不接卽紫府陽散何關驚駭行漁
父腥羶猶未靜轉眼惡浪濁凡境靖節先生自可人特將並
嶠託舴艋畫師師古不師真筆下那能活好春領薦珊瑚非
俗骨筆隨意到秀絕倫儼頭滑路風五兩二月花濃紅晃晃
神仙蹊徑聯阡陌茅屋機杼堆負穽幽岐作息未嘗無只是
春晴秋不枯老者扶鳩弱牽秋索垣籬落繞黃雞點綴變化
都象外大地雲物始清泰個中使我世情移我更登高整襟
帶

虛齋

矮矮虛齋翠影深小窻明處透長林閒將四壁全更畫靜在
無絃有響禽八尺牀橫堅坐骨一絲香煮未灰心請迴塵夢

蓬鞍客怨我天荒似遠岑

高臥

高臥傾白日清遊體畫師餘生須愛惜無夢更矜持楚琴
尊具棲棲松竹枝門隨客散何况雨深時

算老

算老何如早就閒浮雲原不掩青山長於川出龍無耳算在
逢時豹變斑湖海客遊惆悵盡園亭花事窮歌攀近來學得
偷生訣古佛神仙想象間

休夏室

面面簾櫳沈鬱青深山古洞列雲屏風高不見棲林翮榻靜
居然退院僧雪浪鐵蹄今幸遠墨花香篆自虛靈金蘭若問
深秀亭詩集卷之十八
休微業只有詩懷湧未停

魚樂

我何知魚樂以我覺魚性魚性又何覺適得其游泳北風生
雨花池塘漾泰鏡上下空雲光梧柳陰交映悠然縱所如掉
尾爲不病滑路青鱗鱗物情任天命濠濮亦應寰寓目入清
聖其樂渺無涯至道化靡竟

納涼四首

納涼當水檻雨意挾風生羽扇水綃薄涼鞋椒眼明花存延
客坐酒力醒泉烹脫略塵勞外悠悠懷古情
納涼入畫境撥杖踏眠雲鳩喚崇林答漁歌夾岸聞葦苔陰
冷翠松柏老清芬詎有神仙學偷閒十二分

納涼時徙倚宛轉靜嚴廊蕉卷排窻綠松針刺雨長隔凡殊
隱躍名世漸荒唐鳥語疎鐘散遙青峙夕陽

納涼採積雨梧竹似先秋魚鷺明潛壑雲拖近小樓浮生孤
力任萬慮一時休剩得雙蓬翳翳然對白鷗

清長林弟集飲

高天分蒼蒼厚地分茫茫我父我母今何在安忍聽兒漫稱
觴舉之淚不止却之心恐傷痛深罔極恩難忘欲飲不飲悲
徬徨視琴膠漆誰齊行試一招之非金張穎川長瘦腰郎珊
瑚筆架富春江百步以內水雲莊鬚眉楚楚襟帶揚畫師作
弟名頗香兒何乘政露精芒我不全抑裁爾狂惟願秋實飽
深秀亭詩集卷之十八

清霜不願春華過眼睂廊廟溫潤重圭璋不雨畎畝亦堂堂
我折自暴悔純剛俯仰內疚罪莫重宇宙虛生何所長三爵
起舞詠太康倦而靡駕職思荒雨聲忽斷上斜陽客星散兒
酣牀老夫堅坐品茶槍沙蟲野翻動林塘疎鐘遙送澹墟塲
神仙進境事空王禪燈一點凝紅光千古得失笑興亡七尺
奚足傲昂藏小住爲佳且徜徉性體道味徐開嘗

英雄美人豈無根蒂古跡物華遊覽在日消暑憶得詩二

十九首

白雲岩

白雲岩上老張星落葉深埋劍氣青夢寐關河寒子影
君親血淚掩殘經山空古佛莓苔繡月黑陰龜虎豹腥信宿

裴牀煨芋晚不勝舊恨說新亭

舊曲中

青溪路踏板橋東楊柳低顰舊曲中
蛺蝶春深香草亂鴛鴦
夢斷藕塘空生將古佛更初地
刺得殘僧掃落紅一到一迴
情不死寇娘門館語沙蟲

黃和尚

黃祖何曾好殺人虎狼威占劫
逃秦樓船橫海旋風惡鐵甲
當關裂血新備保那能藏上客
佛奴或許老遺民浙潮萬弩
雄思射收拾鱗魚臥草茵

許丹溝

款段斜陽撲短裘太原郭外許丹溝
二喬脂粉生圖畫十日
深秀亭詩集卷之十八

弄

笙歌浪客遊黃耳遠馳市店月收香
低喚土花樓雨時風景
同殘夢約略遙遙是老秋

易水

殺秦氣魄創燕丹送別悲歌易水寒
此地至今生慷慨有人
弔古寓盤桓豈知黃髮中朝少
無奈青天行路難恩在交心
深慟哭尺書盈篋怕重看

釣雪翁

不著羊裘懶載車閒情遙引且忘魚
波光滑去天何濶雪意
衝來舟更虛潏眼銀緝清瀟瀟荷衣
簞笠靜於於白登黑月
曾交戰馬背懸燈讀素書

少林寺白松

熊耳山頭古白松蓮臺矯矯舞雙龍
中天空逼雲烟冷下界
邊看霜雪重巢鶴偶來寒叫月風濤
不定帶敲鐘征鞍悔踏
紅塵路記得如親有道容

種紙菴

種紙聊快有髮僧醒來春夢冷於水
閒緣輒對無生話古德
今爲最上乘花底留宿煎藥眼夜深
披卷剔風燈下隣肯指
拖雲窺愧我妻孥割未能

仙霞嶺

琅玕百萬插天青盡日興穿宛轉屏
鳥道僧窓空雪竇丹池
藥草上萌亭秋高落木明山骨客老
披裘健鶴翎只把詩情
尋盡理莫言烽火近曾經

深秀亭詩集卷之十八

早

淮清橋

淮清橋東瞰河房深柳低遮百萬行
買得闌杆通畫史愛他
明月泛漁航十年五次三秋寓半醉
餘清殘夢涼竹肉隔簾
思小鮑也應人比菊花黃

曲江

曲江榆柳綠陰長工部祠前秋雨涼
踏馬同行思沈李堪杯
相勸聽笙簧遊踪地數三秦秀風雅
名留百世芳我敢題詩
呼碧落少陵身不中科場

華陰道上

平肩高坐縱雙瞳仙掌分明曉日紅
遠岫鬱沈天半壁蒼龍
攫舞樹長風荆關狠出神奇力李杜
能參造化工絕笑臥經

八百載騎驢忽隨板橋東

慧香堂

依劉託跡慧香堂養嗣焚膏輒自量黑髮未消公輔望朱霞
欲燦海天長聯牀風雨秋如水曲徑松筠翠濕芒嚙指痛歸
瞻戀切雞豚貧賤遂柴桑

退谷

雲白天青聳翠深空山人靜見修林歸休仙籍推王謝老去
詞臣似鶴琴石脫薛衣秋亦瘦泉噴苔髮晝常陰塵寰豈少
丹丘象未必能開物外心

雨花臺

孝廉名節老彌堅仰睇鍾陵結宇偏墨汁生綃風欲動松醪
深秀亭詩集卷之十八 聖
玉璫日陶然神仙笑破英雄技血性能通游戲禪可惜斯人
騎鶴去雨花臺冷廿三年

橫塘

藕花香散採菱歌其奈窻紗人面何畫舫乍移明鏡滑雕闌
低放夕陽拖兒鷗路折攢臺榭絲竹聲柔看綺羅慚愧少年
紛紛菓漫呼才子費吟哦

延津

風烟滾滾滙延津隱躍龍精剩水鱗神物化來不受東波臣
合去渺無倫生憎塵匣終頑鐵若昧源頭豈異人我乏寸長
何所帶客遊徒悵海天身

丁香院

鞍馬凌晨拍勝遊丁香古院紫雲樓京華有社開春海客興
無官拜醉侯九晷緩歌青玉案錦靴輕踢簇花球迴思廿載
成今昔不信名空第一流

燕子磯

突兀江頭勢欲飛洲沙橫長羽毛肥龍蟠虎踞偏來剪天塹
南朝護此磯傍岸習牀懸月鏡隔牆僧舍見雲衣半生踪跡
登臨地絕笑風波鐵索微

桃葉渡

風流古渡晚盈盈一片波光浴太清夾岸樓臺雲影濶隔牆
簫鼓月華明吳媛仙史偷詩學楚客騷人鬪酒兵翻覺板橋
高利涉柔情抹煞永嘉名

深秀亭詩集卷之十八

聖

黃耳塚

洛陽紙貴快才名鶴唳難聞客死輕一信但傳黃耳塚千秋
空悵五茸城疲於奔命尋歸路畢此街誠寄遠情留得首丘
埋不朽弟兄哀讓狗功成

釣臺

漢室何如江水遙故人特許客星驕閒操取舍浮沈意一任
盈虛上下潮漏盡鐘鳴歸夢黑鴈揚塲拜笑塵襟半裘著後
成千古占得高崗百丈超

黃石公祠

孺子堪膺帝者師老人託跡畜微辭穀城那有真遺像黃石
巍然重特祠下馬松陰盤鶴影披雪客袂帶風枝同行尚憶

懸龍劍短李虬髯射虎時

抱璞岩

碧苔蒼蘚土花嬌地脉荆山石產圓真土可憐幾被詐含輝
不剖豈能傳偶來過客悲秋晚刺得空岩泣雨偏魚目爲珠
昏易售卞和抱痛屢千年

靈隱山門

雲樹烟蘿翠漲深到來已出世閒心幡幢清引禽魚路鐘聲
遙傳洞壑音萬象空香風冉冉一天花雨霽沈沈京華多少
湖山籍誰憶閒尋支道林

函谷關

莽莽崔嵬金鐵斑巖腰古寶壓重關西來紫氣雲天外東去
深秀亭詩集卷之十八

望

宵從雞狗問仙尹際時傳寶錄切灰戰後禿烟鬟儻余漫拍
風塵末兩度遙思愧老頑

平山堂

蒼黃古翠漬秋暹想見官閒客滿時鴈政何嘗弛案牘輿情
偏覺感風詩玉鉤斜冷紅橋曲隋柳堤荒短笛吹官跡清流
應百世廬陵後起竟誰師

醉翁亭

環滁拱翠疊遙青巽巒峰迴秀一亭想見蒼顏名太守勤攜
託跡少微星夕陽紅近殘醺散清况空餘喚羽靈細剔穹碑
深仰止平肩輿慣踏雲屏

倦圃

八斗才華萬里遊棲棲霜鬚鶴清修蒼生不盡江湖淚負郭
猶存松菊秋屏翰官尊師岳牧神仙道近築丹丘硯瑟末座
叨弘獎尺素遙傳王粲樓

羅懷亭移尊菊前招同人竟日酣遊

虛堂集佳色良友來心知杖履忻有託言笑味陶詩羅含驪
雅俊注盼故遲遲大呼不可負行樂須及時王弘久不作白
衣涉華芝平明洞曲巷僮僮忽紛馳巨甕雜散核樵青率庖
司荒廚喧不一灑掃急臺池客從秋林入踏葉響參差都非
輕肥子翳翳飄銀絲品茶過七碗霜氣省清枝不復寄籬落
高座傲守雌黃金百萬鑑碧玉美羊脂細綴紫雲叢窈窕粉
西施格取施而正華以秀能滋隱逸永令名物理固如斯客
深秀亭詩集卷之十八

罍

星巖離老穎川古所師相對舒懷抱沈沈覆袍后薄暝起綠
烟雨意若將之分手各散步來朝其何辭但聞松竹風離披
滿庭輝千文青却刺鴈政猶當支迴頭兒解事紫蓋已選持
重陽際小春何日無新詞

小春二日菊前重集俞廣文適至用茶及韻二首

疎慵久杜門延菊爽病愈精牀撥春甕躍躍作花主翳鬚昧
清霜其庸固莫取可與風雅商屈指尋舊雨君爲後起雄鸞
鳳將輝羽驚天裂地想戰壘隱然拒請登百尺臺大試交水
乳高縱八極外乃更就規矩不然小經營徒供笑貧羹任彼
蠅穴鳴焉得領揮塵

廣文士師表每歎酸與宿泰州俞先生卑棲陋胙肉開襟掉

臂來適對霜華菊把釵便不去聽松倚修竹鶴骨而鳳采翳
豈老苜蓿同懷待木天養雛翻振六鵲政約官曹醉倒半書
屋衰拙疲問見氣岸惟帖服始信賤貧憤不堪其鹿鹿聖治
文公等庇我林泉福拱手忽言別雲霞流遠目何日復橋東
丹楓看仙桀

小春漫興三十二絕

老透秋霜愛小春華堂培菊寫清新儒生自有飛仙意遠聽
高鴻過水濱
屋角樓頭影不蒙海棠嬌點一星紅晴霜故放溫柔出老眼
殷然認化工

潔補南窓曲護蘭老梅矮屋壓臨灘拚將風雪明珠玉別作
深秀亭詩集卷之十人 吳

羅浮畫境看

曉色蒼黃疊小山軒窓影帶畫圖斑香支宿火吞書幌自掃
清齋八九間

疎林密雨又青滋小閣鈎簾獨上時化境遙憑空外得會心

陶謝物情詩

獨向高林一洗空惺然聽雨葉兼風十分閒况漸磨就若有

微聞在個中

周遮風集一清籠霜氣何妨卯酒酣坐久漸忘身與世先生

并不學埋壘

落葉晴岩事掃除風迴幽壑動潛魚閒時偏有忙清課又上

南樓檢道書

一任天民託少微江山詩許謝元暉無邊落木黃村屋白盡
寒潮上釣磯

風定呼童掃葉忙暖烘趙日上華堂高低天竹珊瑚申伸縮
宣盆佛手黃

繞樓青削石芙蓉古木寒鴉點午濃無客到門山徑僻靜披
雲氣一重重

搜剔山均潔水涯長餐消後又煎茶青童懶避鱗牆角落葉
敲衣弄土花

忽通呼風捲怒濤樓居人望駕魚舳烟雲不盡茫茫意自覺
鬚眉襟帶高

南窓就牀讓梅梢幾折朱闌駕石均小有詩情元宋画人如
深秀亭詩集卷之十人 吳

修鶴定初巢

天容十畝養顏齡晨夕參差氣象青陶謝古懷雲水意個中
消息特惺惺

隔溪疊石帶橫橋老樹猶龍挂古條風勢忽兼兵甲驟有人
樓上獨逍遙

刺得丹楓醉晚霜誰那筋舫過寒塘漁家蕭寺清遙映味入
王維詩画長

風林葉葉拍寒鴉近喜東隣換酒家偶得黃文思舊雨忙飛
折東稱新葩

障水危欄曉夕陽百千画影半松篁靜中生動曾無染空外
光華大有芒

瘦選雲根插画林盆梅低幻小蚪陰何曾浪卜調羹用冰雪
留探春好音

鳥語晨光繞画樓半空黃葉下山溝高懷澹定悠然會清勝
居然想十洲

一丘一壑跨樓臺澹蕖寒香著意開鳩婦女牆呼未歇穿林
黃蝶闌衣來

三匝寒泉耿澹輝坐深啼鳥啄花稀神仙豈信無根學欲剪
閒雲補白衣

峰前溪後半空居亭午雲濤擁紫虛愛客頻澆桑落酒無錢
只釣鯨殘魚

駭石修林宛轉廊溪烟苔髮浸蒼涼斜陽拖杖披圖立自笑
深秀亭詩集卷之十八

身清瘦鶴長
減却茶鐺進酒籌比來勿藥但忘愁青村黃葉紅樓畔日日
尋詩象外遊

一聽鴻羣寄遠心細吹魚沫散空陰闌干晴院堂堂白竹塢
閒居轉轉深

礪米歌騰黃葉村月華漾水上柴門酒闌未覺寒深淺緩步
時侵圖面痕

石齒苔痕帖水花寒林空影亂啞啞江天詩到舟行客雲窟
僧貽蒙頂茶

象外空香染屋廬靜中不定樂禽魚壁懸蜀道詩僧画門遠
嵩山羽客書

昨宵薄醉小遊仙東閣晴窗白曉烟塵染未深貧賤骨天留
完璞點林泉

百衲聲希流水平南窗人勁老梅清風前捲葉黃無定雨後
寒葩放不輕

泗涇夜泊
畫舸停寒月村烟動碧溪漁歌客夢外雁語竹塘西童僕酣
何爛沙汀響不齊味迴香爐活曲繞小窗低

閒房
新闢閒房又一間半侵溪影半遮山畫圖更出神仙手位我
蕭蕭兩鬢斑

歲寒漫興十八絕
深秀亭詩集卷之十八

空天霜雪勁雲林點得啼鴉墨采深杖履幅巾行且坐更無
餘緒學調琴

看山青眼隔年差何况牆頭潛墨花得句呼兒憑口授酒懷
翻覺渴於茶

朔風兵甲震林泉虎豹公然吼夜眠絮被敢言溫似火故交
尚有遠巡邊

盆松位置獨堂皇伴我鬚眉三尺強紅日上階奇挂影虬龍
雖小露鋒鋩

插石危廊跨水欄遙青高出白雲端酒酣耳熱披裘重未覺
空村怕歲寒

臘梅暖放一庭黃靜揭書幃道體香高在先春霜雪上絕無

蜂蝶惹蒼涼

有客來尋是葛洪嚴師先看西園松逾時始覺簷禽散步入層樓蒼靄中

木杪溪灣綴小樓日華初照上簾鉤老人偏好危梯踏萬象烟雲兩眼收

亭午冰漸消浴兒鶴童何事漫懽呼披林正送攜琴客欲學神仙倚醉圖

龍鍾忽改舊昂藏老况如斯竟備簪互失五官心獨水歲寒松柏耐嚴霜

幾度支筇細探梅鶴坡溪影自徘徊不關塵夢清何著画友追思顧筆堆

深秀亭詩集

卷之十八

完

爛煮黃芽細制鮮留宿且莫踏霜田詩飄酒盞聊行樂不問滄桑造化權

空村日午倦荒雞有客蒙裘過水西野樹駭撐蒼影大凍雲深罨遠峰低

曠曠傑閣耀丹丘意表超然最上頭寒雁一聲風送遠如何人憶古揚州

冰紋窻亞女牆南羅漢松參佛手柑路憶溪山寒夜雪人如土木養絲蠶

無恙眠餐有薄愁歲云暮矣急何謀窮簷瓜葛多饑風那得揮金送酒籌

烟雪殘夢落何山惆悵雞鳴度遠關欹枕欠伸詩思溢小遊

仙罷即離間

舊雨晨星酒伴稀見來那得不依依寒花近向圍爐放自有權通造化機

深秀亭詩集

卷之十八

辛

深秀亭詩集卷之十九目

春晝

淺水

花時

玉蘭花

春日雜感

半閣

可惜

堯年對酌

伴梅

杜門

春雨

雜遣

俞樾亭廣文過飲

漫吟

築石

引水

芟草

葺樹

畫壁

水檻

深秀亭詩集卷之十九目

十

花棚

蒲葦

土垣

漁磯

鶴坡

翠濤

碧沼

香坐

停陰

琴臺

雲步

巖廊

藤牆

斜橋

幽澗

陡峰

曲樹

書牀

筆斗

迴欄

秘閣

疎籬

平野

高風

晴雲

遠水

晚山

野寺

近村

古渡

青郊

隣鐘

清梵

城柝

牧笛

鷗路

僧房

漁家

村市

耕夫

餉婦

津門

柳岸

桐徑

蕉窗

松龕

燈舫

宿醅

秋芥

烟林

風翮

小飲

低吟

閒尋

顏坐

清眠

深省

養拙

涉趣

空懷

游鱗

撥杖

平潮

澹月

青嶼

綠洲

二

清畫 宿雨 舊物 聳石 幽居 山光 雲峰 迎秋 浴硯 整衣 百秋詩 深秀亭詩集 卷之十九目

晚涼 餘香 插花 歸鳥 雨勢 水田 蓼琴 新涼 藏酒 擴宇 秋天 秋雲 秋霞 秋晴 秋曉 秋月 秋露 秋雨 秋烟 秋晚 秋夜 秋涼 秋思

三

秋病 秋感 秋眺 秋興 秋寒 秋半 秋期 秋深 秋老 秋飲 秋英 秋社 秋泊 秋去 秋谷 秋雌 秋塞 秋堂 秋館 秋窓 秋田 秋園

秋宵 秋懷 秋清 秋空 秋初 秋高 秋來 秋登 秋香 秋吟 秋防 秋華 秋泛 秋山 秋岳 秋嶺 秋城 秋院 秋軒 秋郊 秋原 秋寺

四

泥美人

疊石

迴欄

空亭

冷翠

栽梅

種竹

曲塢

平臺

陽坡

幽澗

峰西

桐下

柴關

石梯

矮坐

紆步

排林

培土

俞明經巷及移尊

嚴廣文懲又移尊

歲暮

深秀亭詩集卷之十九目

七

小除夕

深秀亭詩集卷之十九

雲間潘鍾麟層峰

康熙五十二年癸巳選四百二十三首

春畫

春畫紅山館晴香韻墨花閒消雲子飯煎透趙州茶力疾培
天趣風微玩物華自評圖書意幽近朝川家

淺水

淺水紆迴出沙汀隱隱青魚苗驚暴影花片約風停薄醉憑
閒坐微吟獨細聽何時三尺兩引鶴洗雛翎

花時八首

花時省春曉隔窗紫霞饒舞鶴穿香雪詩僧過野橋濃華生

深秀亭詩集卷之十九

趣溢清福賤貧消若問晴園外青村燕更招

花時顯酒力舊雨薄言尋湖海誰雄長風驪涉淺深生如聚

香國靜撫一牀琴偏愛廉纖沐臘脂點杏林

花時不可失仔細半開看芳露滴清曉新枝若古懽韶華如

此賤嗜好豈爲酸拖杖隨修鶴閒閒倚石闌

花時擁國色富貴稱雕闌尺素寫純粹心紅豔百端洛陽才

子賦天寶謫仙官一片繁華夢山家穀雨攢

花時斜照暖流景滿山園春水遊鱗撥雲林歸鳥喧全家隱

谷口十日醉平原若問神仙籍修髯容我掀

花時養神王踪跡託雲霞道岸陶弘景才鋒季左車僧廊貽

碩果茶甌煮丹砂老聽華亭鶴園官是一家

花時須珍惜結子待春深味取調羹重香從拄杖尋莫言無地脉自有合天心不淺登臨興何曾罷老吟

花時好春夜月影起迴廊座對瀟湘客厨蒸蔬笋香藥欄不水榭書幌壓琴囊冷澹饒生活清時細細嘗

玉蘭花

二月芳花厚白苗天風朵朵立瓊瑤謝庭留得佳兒在紅杏牆頭趁更饒

春日雜感二十首

積有西州淚春風易水寒感深國士遇夢別旅魂殘經略嫻王猛蒼生盼謝安對揚將特起盡瘁惜朝端

丙舍荒難築松楸冷翠殘風塵三十載夢寐萬千端誓守愆

深秀亭詩集卷之十九

遲暮經時倍痛酸低頭懷祖德世澤未應單

八年塵寶鏡不上小樓看紫泛丁香結紅拖天竺圖聲樽無密勸據案只空攤寂寞鬢肩倦春風避曉寒

玉樹開山館思沈白晝眠衰殘無可慰貧賤有何愆惆悵多生夢空留文字禪深埋反送力春露已三年

骨月塵緣夢山川圖畫交英雄羞末路剝復玩初爰易倦絃歌席難尋鸞鳳巢落紅春不管結子待梅梢

骨立愁中表哀同失母人灞橋風雪路石峽鐵蹄塵血淚酸衣線家書悔客身椎牛不可待罔極定原貧

貧士孤雲白荒荒澹遠村塚書微諳補瓦釜半難溫獨賦無恒產空交只杜門如何謀代展失路更王孫

催科仍下考重賦困東南駭有吹求急能無暮夜婪窮途羞謝豹羈跡縛絲蠶敗絮荆難脫焚憂法網參

雲步攢梅雪村烟潑杏脂茶香禪定覓人面曉妝知聲調推江左風流憶畫師半埋宿草後惆悵獨棲遲

作惡情懷懶無如又送君誰爲東道主我是北山文水俸荒官廨風塵負白雲饑驅耐勞苦心硯莫輕焚

連夕山齋雨留賓少擊鮮挑蔬供強飽換燭話遲眠筆墨窮愁著生涯落拓延千秋誰不朽梨棗况無錢

紅土牽蘿屋青溪長板橋故人茫逝水令子寄詩飄情性通門曉風烟隔地遙索居貧病老吹不上雲霄

樂陵吾宗老手問達南鴻燕境耽餘習花時惜考終龍黃身

深秀亭詩集卷之十九

三

報最班馬子能雄料得生徒拜丘山青露崇

儒官謝同氣旅櫬告塵封地瘠生徒儉家貧藥石攻孤兒淹市隱名祖著人宗何日南帆到魂青江上峰

蘭蓀三寸折驚鷺一朝飛造物誠何意神仙詎識幾春蒙青似骨天捲白雲衣如此閒憑弔發生息翠微

春寒醺卯酒風雨濕連朝柔損芳紅淚陰添覆綠潮書聲答樵唱漁艇泊僧橋草野蒼茫極離情亂緒搖

漸覺無餘事浮生故放叅身如古院長宅在五湖南縱酒狂難檢看山意尚貪落紅香墨寸閒掃柳參珍

小築何時補花關費轉灣囊空停此筆屋觀要遮山雨演蒲菊綠雷迸竹笋斑方隅涵靜穆古井位中間

紅樹春華郁青山雲翠茫悠然明老眼卓爾鎮虛堂鳥語無人答茶烟事佛香賓筵遲又改何計還厨娘
花時紅淚雨大半打風灘燕尾何紛掠蜂鬚亦怕寒浴村交社長比屋住園官但祝桑麻稔休歌行路難

半閣

半閣雲根起憑空上一層高眼明雪竇開路納詩僧月出聞雙雁鐘疎澹一燈圖書聊挿架有興便來乘

可惜四首

可惜年垂暮平生欠事多不曾窮海嶽尚覺遜陰何濕誤青衫淚聽殘紅豆歌鴛肩羞病鶴仙籍恐消磨
可惜聰齡去承歡失辯才書香蘭玉冷龍性雪霜灰埋汝先深秀亭詩集卷之十九

四

依祖朝天獨覆杯何嘗不曠達勉遣衰頽
可惜從前謬於今不足爲揮金何異土懸口太嶺肩世累艱難脫家貧生死悲青園十畝治獨坐數花吹
可惜年皆進泉源詩草攤聲華徒重客行役久無官落帽恭軍賤漳川知已難長鳴伏櫪意和鐔把誰看

堯年梅前對酌四首

初番花共酒中表適能來香夢羅浮韻珠光合浦胎林逋無俗客何遜是詩才若越南枝去雲灣更有壑
鐵幹離披影魚鱗清淺波明窓留客座小閣駕山阿了覺塵氛遠毋勞觴政多少焉晴月上仙界更如何
何處無梅酒花時少百春得閒左入道且坐作嘉賓未必神

仙異居然圖畫新江南清此福浮白莫辭頻
此意君知否人生脫俗難能呼中聖酒勝絆折腰官雪鬢堅修骨春風散薄寒攜琴須更至蜂蝶未偷殘

伴梅六首

絕笑逋仙何須硬欲妻塵脫書幌側盡讀水窗西情性已潛契風流豈太迷夜深未肯却惻惻補詩題
侵曉急相就珠光玉露肥鬚眉我撥杖雲氣樹空衣蘇石環亭裂香風貼澗飛一雙來壽帶我想謝元暉

蜂鬚烘日午浮動一山雲我薄酣其下花梢意不羣野橋沿此去官闕有誰文苟尚餘生合逢壺讓別君

伴適同松竹花應傾素心已能破塵網庶不愧山林月白風深秀亭詩集卷之十九

五

篩紙爐紋手拂琴廣平端作賦我自省高深
冰雪清澆後南村簇幾家冷標高士骨韻絕美人花謝客初停酒勾簾細呷茶頗思修鶴舞撩動數枝斜
乍靜銀燈飾還遲玉燕來輕風未可落斜日每初開蒼秀南江客離披繞屋材泉林占爾我故故妙徘徊

杜門四首

杜門春雨綠不厭草堂孤寡坐爲遊覽何時不畫圖芳葩排檻溢野鳥隔林呼座事原無涉身方學佛奴
滑放明珠白桑吹柳眼青春光寒是嫩貧况老方靈水次三層閣山均六角亭憑將餘隙送不冒少微星
陰晴無不可自解上懽場花事源源判山情脉脉當孤斟消

一味小築佳泉行世故荒唐久惟餘荷座香

返照崇臺煥無人其此觀鳥喧風竹塢魚上水花灘老子隨
行簡芳春故淺寒回頭塵夢怕悔煞悞遲鞍

春雨分陰韻四首

膏雨不嫌密居人有遠懷山從銷遠驚身久挂芒鞋暗覺雲
生葉斜添屋漏銀釵驚鴈高白勞頭白豈低埋

半响憑闌察銀絲拾岩潭絲絲垂柳滴陣陣卷雲酣骨削浮
丘鶴燈紅彌勒龕莫言門勝冷善退是奇男

小結維摩室峰陰逼紙窗門無一客到心定十年降隔竹聞
清磬拋書禮法幢如何愁不破墨采滿江邦

空亭聽不住洗出小山稜酒熱擎童子蔬肥饋老僧簾衣遮
溪秀亭詩集卷之十九

烏戢嚴窗響樓登一望村烟和漁歌棹未曾

雜道五十八首

老晴花爛熳薄醉客癡頑事後酸無淚年前幸買山家通雲
水脉意欄畫圖斑吟踏臨風閣休休夕鳥還

不知門外事有客略傳聞水怪搖青海山僧踏亂雲醜將狗
尾續瑞少鳳毛羣造化何曾夢英雄豈尚文

涕泗荒書種星文繡鐵鉉春風霜雪厲客路夢魂長橫笛吹
牛市空山斷鶴糧神仙愁失足甘把賤貧償

華屋山丘感年來數幾人公卿渾是夢王謝亦非春文酒神
仙託冠裳鬼域新細揆榮瘁易猶未變松筠

酒潑旗亭快風馳馬背輕燕秦曾小住鮑謝散虛聲惆悵臨

岐淚蕭疎懷古情至今鴻鯉隔夢影入三更

半生游俠傳百卷覆瓿詩仇在輕餘子悲今少客兒家拚恒
產破花賞夕陽遲若問升沈跡膏膺願不知

欹枕聽無寐山厨語夜闌燭花龍眼活窺影鳳毛團大吠窺
門鐘鐘疎送雨殘茶烟炊未息冷澹味清懽

雅座無他設楸枰綠綺琴桐將親戚話老訂歲寒心酒國詳
花譜茶星品墨林當堦明止水却勝入山林

靈谷梅衝雪棲霞翠浴松六朝留古寺獨客感秋鴻夢去江
雲白書來僧意通誰知蠟屐興非復舊時雄

一雨掃塵渴空天江海行生機春固費幽况繪何清呀鳥枝
頭躍噴花眼角盈餘年端入道只未得身輕

溪秀亭詩集卷之十九

七

衛玠愁何集孫登嘯乃空乾坤七尺外歌哭一杯中海不柔
情割多偏煮字工平生分得失自問主人翁

老矣文焉用懷哉道不誣鬚眉雄草莽風月滿江湖甘謝如
灰土憑空那化鳬暫淹香閣峭一挂輞川圖

霜老山嶒骨天青鶴寫痕清時

君相德不昧佛仙恩香擁三湘草風掀五柳門銀髯明更長
託籍抑何根

下客工雞狗清言負鼎鍾不登豐玉席應上碧雲峰苦節荒
孤竹千秋幻赤松詎嫌門戶賤禍半噪君宗

回首風雷壯身輕汗漫遊時名與狗監士類憫龍頭天濶三
江口秋高百尺樓參差籠不去蕭艾也當收

花月生游戲文章不是神幽情空泛水舊事仰蒼天慚愧三千願蹉跎二十年全家何足戀一上武陵船

一自柴門縛何勞書絕交心空當鑄鏡身老似懸匏欲借山僧臘高棲海鶴巢青林連夕雨無限解芳苞

微尚無人喻中心豈敢誣沈酣師老杜超脫見髻蘇夢若生花筆恩逾賜鑑湖眠餐還未礙只望鶴生雛

浮生慨墮地熱血恨煎枯道路非金石肝腸但玉壺豈知修鶴舞竟比白雲孤采藥茫無濟神仙只畫圖

巖壑空香漬風烟野馬馳幽居異晨夕送老藉閒癡雅築山靈象微損性體詩騰龍留一枝花月儘維持

只捧樽疊淺何由身世輕春愁懸一線夢影澹三更柳抱桓深秀亭詩集卷之十九

宣武梅調宋廣平石闌沙芷白本爲住鷗盟

往事殘雲散新標小藥紅絃歌收血淚人物號江東蓬島荒唐宅崖丘縹緲風不知何罪譴苦累阿家翁

亂石穿魚窟喬柯噪鵲樓物情端有託人事竟荒謬涕淚琴樽濕鬚眉霜雪留天高地厚意滋我一生愁

空灑楊朱淚何能繡孟嘗山鳴鐘鼓寺水趁杜蘅渾冷趣迢迢憶浮生轉轉涼十年搖落榮恩諱達朝房

不生牙後慧突險出神來歌哭天人沸風流雲物開風樓非彩筆藥草或仙材隨地蘇泉湧何曾應上苔

晴鳥喧林屋還耽擁絮眠此翁今習懶俗事戒毋宣客至添呼酒囊空剩鬻田如何宦海溺暮夜夢殘年

親故晨星少還深節物情山厨充食案燈火熱江城人覺芝蘭氣簾張絲竹鳴豈能無一事行樂亦經營

月白能無倦南樓客有乘酒香催擊鉢花影動懸燈笑語天風落江山墨采眉狂來問園苑良會可高憑

林鬱風忽戰萬馬怒潮奔閉戶心猶駭驚沙眼直昏長城紫塞影衰草白楊魂投筆封侯者輸他出玉門

兀坐茫非意山厨缺酒錢輕寒吹欲雨遠信望如天僧杖敲離落漁航放屋邊空探何所著物外起青烟

夢回身未起紅日上漁竿樑燕窺油幕山樓敞窗欄得眠何用強無事且偷安一任厨娘意黃精佐午餐

曉起聞漁唱清流落月中過橋村市酒拂面柳陰風不讓王深秀亭詩集卷之十九

侯樂何曾水草窮浮家沿屋後歸趁晚霞紅

懸瓢誰辟穀烟火不能無珠桂長安局兒童過午呼頗來煩老子尚有困窮途酒債催科逼何當善後圖

豈敢輕雄奮幽棲穩伏雌升沈各有說進退獨堅持天影空蒼狗花開養涉著謝他細帙蠹無語只銜卮

不蠟芳春展窺園靜六時清遊摩詰畫模索杜陵詩黃面無人問青天有鶴知蘇堤何日去風景比西施

有弟祖貧病荒埋浪七年歸囊失教子焚硯遂無田恨不回頭省才惟切玉偏秋風驚斷雁烟水逝淒然

吾舅貴雄志諸姑字坐貧可憐中表淚不異早孤身沈炯端完璞陳琳似醉髡滇南秦塞夢漸老捉刀人

客路兒時憶西湖載月行浮家扶植竹依祖聽談兵劍氣張
華識人才江夏名忽焉過甲子能不動心旌

宿草雙親淚哀難竭逝川罪徒豚大賤老苦夢魂牽霜露寒
風木蒸嘗陋硯田連楹無誓守酸到檣頭船

猶是春明節悲歡異昔時錯呼扶袖酒難割斷腸詩好夢虛
殘夜名花惜舊枝樓臺烟水上庶照夕陽遲

盡日烘清眺山齋納靜嘉桐閣鳳尾竹石罅水仙花老僕勤
酌酒尤童細聽茶開門抽卷坐人望一朱霞

自信衡門好江城第幾家青春憐白髮宿雨耐新葩水約峰
陰活心恬墨采華林棲有羽士來請飯胡麻

綠酒微醺坐橫塘想冶遊春如無量海壽在最高樓竹肉烟
深秀亭詩集卷之十九

十
製過衣香水鏡浮愧來鮮菓擲書畫滿仙舟

老去寧頑鈍濃春漫長愁驚花掠慧眼絃管奈朱樓夢繞湖
山月仙登李郭舟美人各士意那得抹風流

路轉雲盤仄樓登水曲西遙青高一覽刷影去雙低密蔭風
村塢晴曛午菜畦懷人忽近顧圖書到扶藜

出郭通波滑綠堤數十家衙門闔別墅老樹建春華客載餘
杭酒僧緘蒙頂茶豈荒貧歲月學種邵平瓜

獨坐停雲館空懷惜早春蘭膏森綠玉梅片落芳鮮曾託河
源使堅辭梁苑賓昨宵明入夢許跨一青麟

百年期亦短滿百兄難尋濁浪無清影空山有古林擁花消
漉酒採藥養胎禽香案何修復高爰監此心

春園佳日涉詩境託雲興簾薄花陰住樓空水際登撫膺三
太息問世百無能不過幽棲穩松筠翠幾層

有水通漁棹何山不白雲酒懷添老至花事急春分默解無
生話交荒萬石君匡牀青纓縷書幌妙香聞

不省春深雨風烟竟欲秋空陰生遠夢舊事遍閒愁竹暗仙
霞嶺潮吞黃鶴樓如何消此象把盞一神遊

不向青天哭微叅白版香一生荒閱歷何物是文章月落孤
帆影秋高雨鬢霜誰憐曲水碧風景倦鷗莊

巖燈輝清曉襟期仗健行屋將雲樹補囊願酒人傾水鳥空
來去山花失姓名風塵寧便隔不肯悞餘生

健踏看山屐輕消負郭田春潮天欲捲花信酒爲妍一任遊
深秀亭詩集卷之十九

十
行意生操造化權柴門垂五柳常縛武陵船

昨夜銀燈座今朝花雨濺及時都可惜何事獨凄然身入維
摩室心空無上天不知扶醉杖跨鶴待誰年

雨歇遙添水春寒薄抵秋本無難遣事另有一番愁客散迎
初月燈紅照白頭孤吟聞斷雁窻紙竹西樓

山靜雲濤白春深花月梭酒兵徵十日墨汁蘸三升交澹貧
偏切談奇老尚能何當清瘦骨襟帶向風凌

今夜春燈兩人來天馬山有懷良可吐不醉忍空還夢落金
蘭譜官誰玉笋班何如聞老鶴硬坐抱烟鬟

俞樾亭廣文許桂巖司訓同過用七陽韻卽席並詠香
片盆梅

柴門霜雪縛蒼涼誰顧春風浴鐵強有客並臨天下士官閒
穩度樂清嘗注目巨盞指何象權奇骨立訝東墻感君此問
迥別照一時三徑生葆光元侯裴帶鎮鈴閣翠華南下幸江
鄉駐蹕柳營工選勝移來香片蚪龍芒旌回九曲冷開謝赤
松不見張子房場師得去無人好賦讀廣平願傾囊位置不
敢卑凡植雲盤石裂挺低昂花時側出珠盈串秀發微探玉
瀉漿一枝一折殊解意老韓詎肯學兒郎羅浮夢碎霓裳合
浦胎綴明鐙孤山日給三百本我只糾依書滿牀雨絲月魄
消晨夕臺榭林泉小未荒以我不材花轉瘦今年翻短去年
長半株拓落半梢勁牽蘿補拙野文章吁嗟盛衰莫可定樹
猶如此人何傷山厨酒熱且浮白竹林狂守處士莊仰天大
笑秀亭詩集卷之十九

主

笑弄盤鉢凌風鬚翳刺飛揚

漫吟

蒼翠吮新雨嫣紅剔良晨軒窗既洞曉石脚挿水濱耳目省
清響風景寂纖塵云何爲不樂強彼泉下人及時欠痛飲宿
草徒生茵更煩車馬客遑遑棄賤貧七尺少寧處如何薄元
神甘心學桃李誰信養松筠物役紛紛誤雞狗想鳳麟一朝
波浪激愧悔謝湍淪我直十畝曲霜雪白閒身不穿塵樂風
幸未埋劉倫閨扉以戢影何假而何真變遷破造化庶幾掃
苦辛

築石

磬壤挿雲脚排簷瞰水痕曲開蘭桂徑宛有洞天門骨相踴

龍虎肩隨視子孫平須選月坐倚醉亦堪捫

引水

幸免風波惡滄泓雨後深沙堤沿鳥跡石窟撥魚沉冷照鬚
眉座空拖松竹陰源頭當自達細細向前侵

芟草

蔓延殊不耐雨後積三時蕭艾妨蘭蕙園丁判士師蝶魂香
粉散蟲語土花遲始信喬松下根除莫敢滋

葺樹

形勢尚蒼秀心裁入畫情蒙陰不足取弱幹豈多生操凜松
筠舊高因泉石清就荒聊約束小補待春明

畫壁

深秀亭詩集卷之十九

主

九折延青坂巖廊逼水陰明拖雲母滑大寫墨花深石角松
長刺梅梢月竟侵銀鬚第杖過薄醉信微吟

水檻

曲折欄平榭清陰風更添漁歌來晚近我意正春恬潤泊琴
書座空撐梅柳檐浴昆貪細雨動靜視釣簾

花棚

葦處不嫌密柔條定倩扶晴香朱粉潑空院冶容鋪走影刺
牆角懸蟲仰燕雛盛開三四月矮坐速提壺

蒲簟

南次清灑掃粗具道家風紙帳囊琴古蕉窓木榻蒙何修眠
且坐聊葢撲爲工自點疎鐘後平輝佛火紅

土垣

版築豈求象空村百堵環藤蘿蟾魄射苔蘚雨花斑處處荒
應束年年補亦艱但安田野治可以閉柴關

漁磯

一自嚴灘峻從無把釣人偶臨築止水絕不羨遊鱗搓柳風
何細眠鷗路可親每來醒酒立空漾月華新

鶴坡

不信冲天去還來立羽衣水濱風約約石面影輝輝異聳浮
丘相修同處士依華亭我老聽設此伴漁磯

翠濤

宿雨歇清曉高風響萬重山家江海氣夏午畫圖濃怒撼蛟
深秀亭詩集卷之十九 十四

龍走遙連竹樹收如何耳目外別覺蕩心胃

碧沼

上下天光合晨清夕照空潛鱗深在藻浴鳥久臨風竹樹樓
臺亞琴書簾幙東何妨略約外添種藕花紅

香坐

不是循苟令蕭蕭故好燃紫茸書案熟綠玉膽餅鮮事佛空
心辦揮毫濕硯田松筠氣味足十畝晚晴烟

停陰

風後停陰密園林清晝長窺簾無俗駕潑地有空鉉閃閃松
筠窟沉沉雲水鄉畫圖誰得到幽趣我深嘗

琴臺

一片停雲白梧桐月乍盈手揮吞幾縷心賞靜三更流水高
山調猗蘭棲鳳情隔牆樓檻內誰許又撈箏

雲步

我法倪高士陂塘秀削平層層新障突轉轉路梯橫拄杖殊
修潔來賓亦老成日長摩挲腹天路漸空明

巖廊

插石峭盡手迴欄接雲梯深疑松菊暗小覺洞天低列坐清
遊攬空陰滿夕西賓筵徐送後每自拙扶藜

藤牆

百折盤虬勁權奇作勢多及肩撐翠塢徹骨抱東阿嫋嫋花
千串稜稜月一窩怡情深面壁老眼善消磨

深秀亭詩集卷之十九

十五

斜橋

突坡勢乍鬱跨水障橫塘瘦鶴有時立輕鳧欲去忙名園通
此意小艇傍堪藏每握過肩杖紅蓮看夕陽

幽澗

伏流穿地脉隱隱白盈盈濁浪無其靜空林得此行魚苗生
久雨石葉咽寒聲品尚廉泉潔山家松火烹

陡峰

秀拔駭雄踞雲霞峭骨稜林泉斯可敬圖畫所難能藤窟穿
多歲樓窗仰半層不知明月夜鶴駕有誰登

曲樹

古幹無暴勢盤虬罩青陰老將名節勁久耐歲寒深何必充

樑棟悠然入墨林月晴移活影空院密交侵

書牀

一榻堅危坐時時百卷陳何曾荒著眼以此味閒身秘笈空
丹籙青山非要津倦來不用枕夢繞蠹魚新

筆斗

生花何足夢穎秀便無能揮灑聊如許文名藉不會書田荒
日計鐵案可山憑豈欲投封具難沽酒一升

迴欄

迴欄紅九曲水石半虛靈倚杖修修立看雲遠遠青停禽遞
書影曬月上花亭約束橫斜妙簾櫳鎖薄局

秘閣

深秀亭詩集卷之十九

夫

捲翠危峰竦南窻駕小層平銷遊屐夢隱若住山僧目遠憑
誰送心空輒自登但餘松檜影風掃一稜稜

疎籬

疎籬環十畝村落界長城農圃牽藤縛漁家隔水櫻無邊怕
曠遠有障亦虛明陶菊清霜月何愁臥犬驚

平野

平野清無已空交足澹陰幸逢歌樂歲適此賦歸心雞黍呼
同社朱陳住隔林崎嶇渴浪險魂夢豈堪侵

高風

修林聲葉葉襟襟豁層樓遠隔揚青路空陰去早秋已知輕
舉意聊遣不根愁若問崆峒頂還非最上頭

晴雲

晴雲高在日舒卷亦何輕山氣迥無礙天光滌遠明全難
鶴駕遙映海江城欲剪衣遐舉聞吹子晉笙

遠水

一往悠悠意源頭本不逃呼應古渡濶影動夕陽西鷗路閒
輕點漁歌晚更齊風帆偏久定空外接天低

晚山

晚山深積翠流影滿斜陽撲撲鳥巖廊集歸僧草木香幽情涵
太古伏暑故蒼涼惟有諸天近疎鐘出上方

野寺

古渡寒烟澹空田水鳥翻一隅呈妙相三面繡低垣蔬笋挑
深秀亭詩集卷之十九

三

花雨鐘魚白佛言偷閒何客到新築小荊軒

近村

緩步美風日粉榆數近村逢年都作社揖客喜添孫雞犬隨
人習田廬隔水屯月明猶入畫樸就太平恩

古渡

裂樹翔鳥集殘碑積蘚荒舟那平水濶人待晚風涼野寺聞
清磬漁家隔小莊往來相識慣不曉馬蹄忙

青郊

去去綿綿道愁牽送遠情垂楊鶯語滑芳草馬蹄輕萌屋憐
田父旗亭重酒名清時消戰壘雨後滿蔬枰

隣鋪

精廬通隔水長久點疎鐘塵夢餘生遠
此近絲竹豈猶工試問牽朝市如何聽轉蒙

清梵

精舍修晴午高風鬢貝圓竹深來靜院松響散空天
煩解浮生却信禪棲霞三宿後心辦放青蓮

城柝

北郭閒居靜更深枕簟清高城空影影寒柝一聲聲
仙夢遙憐久客情勝蘿霜月白秋老益分明

牧笛

路響平田去斜陽牛背舂蒹葭村剪剪溪影柳珍珍
低遠親疎並偶愁何曾約款乃鼓棹忽風南

深秀亭詩集卷之十九

大

鷗路

一任風濤去悠悠泛泛情明開拍影滑小却蕩舟輕
方狎漁家住不驚本非鴛鴦序在野卽蓬瀛

僧房

曲徑空香入軒窗別耐秋幽花開石鉢高榻約簾鉤
吹葉茶烹月滿甌芒鞋拄杖外修影滯虛舟

漁家

柳外風搏屋村杙水拍堤牽舟依枕畔結網曬橋西
羣狎菱蘆門巷齊忻然頻換酒近業熟添畦

村市

田家遠城郭聊作日中居布粟恒相易錢刀亦不虛
公平拙

婦子奔走半樵漁雨足新櫻爭喧傳集草廬

耕夫

杏雨春膏綠田疇出老翁不辭簞笠倦穩把室廬
東俗樸知希古時平祝屢豐漁樵歸道值笑語一臨風

餉婦

依依懸力作惟恐後壺漿滿挈分隣女同行話採桑
桑頭花采活一飯萊根香席地遙迎笑風陰就綠楊

津門

津門青數里波影滑風花大半陂塘住無非竹板遮
習牀挑夜月鷗鷺浴朝霞野客輕航過前村問酒家

柳岸

深秀亭詩集卷之十九

尤

拂拂依依路柔條風日輕黃鸝來野坐斑馬去詩情
近盡旗亭酒遙連浦口城不因陶令種亦愛釣舟橫

桐徑

直幹生盤塢高崗蔭遠風老將棲鳳待閒許抱琴通
玉露銀河白金猊珀酒紅坐銷名畫影我已足江東

蕉窗

綠天搖北隔細雨灑新涼本出居心直徐看開卷長
家貧食種紙院小滿遮牆瑟瑟秋蛩夜留宿聽竹牀

松龕

清長天風活陰圓入定龕無人問童子今我似罍
雲手捕龍鱗老心空趺坐愁何時來海鶴更作一巢南

燈舫

乘燭清遊夜影彰泛宅搖金光魚目射水際火齊燒月出疑
無影風平欲上潮有人樓畔坐緩棹過橫橋

宿酌

十載江湖憶遂窓到故人適添秋夜雨急撥鬢頭春味美交
情合醺滋德意純連牀松竹響此際葛天民

秋芥

陽羨山僧意封題估客來滿瓶芽露焙撲鼻晚蘭胎晚食澆
雲子清酣醒月臺雨前疑未及別味謫仙才

烟林

雨歇青村晚烟林一望遙吞惟城市遠暑共水雲低宿鳥遲
溪秀亭詩集卷之十九

卑掠幽人味碧栖蓬窓誰載酒拂柳隱長堤

風翮

看爾衝霄去遙知借力多裊能生羽翼晦豈養嚴阿老鶴空
天唳高鴻澈夜過上林獨不到此意竟如何

小飲

小飲偶不遇低吟復淺斟神仙何所寓興趣若爲深舊事新
懽破芳紅著意尋簾衣愈影外款曲話幽禽

低吟

低吟信咀索聊若繭抽絲送客拋書候探花倚杖遲雲山明
鮑謝風土憶幽岐得失關元化超超故自知

閒尋

丘園無十畝宛轉輒聞尋鳥語花鬢掠魚鰓倒影侵空亭納
雨氣秘閣綠風林又上平橋去僧窓隔塢苔

頽坐

一牀芳墨本空案役詩籤鎮日休休坐清酣細細占心灰餘
燼熱鬢雪老秋添爲謝頽唐久風高莫捲簾

清眠

清眠淹白晝簾靜綠陰濃舊夢會無染貧荒慣任慵禽啼花
上儘風送竹西鐘尚覺擎書倦橫看壁亂峰

深省

病差得深省回首凜風塵事事行年悔惺惺獲罪因酒搖空
外月花落意中人不作臨岐慟秋高待小春

溪秀亭詩集卷之十九

養拙

聰明益誤用椎魯守衡茅老味逢時技閒添出世交青山留
皓首新雨長芳苞抱膝匡牀坐披圖玩遯父

涉趣

十畝松筠氣青園一萬重閒居空雜慮老况寫奇峰蒼鶴能
延客支筇未化龍華陽林屋相只少白雲封

空懷

空懷餘澹蕩流水白雲東鴈政循陶令進塵證遠公已灰塵
網跡惟覺性靈通天壤皆圖回翻新只化工

遊鱗

以我知魚樂心恬此一泓天光涵藻影木葉下風聲不覺平

空躍聊爲隱見情夕陽生雨足多趁落紅行

撥杖

撥杖恣幽討穿林踏水涯魚驚龍影瘦鳥避客星差傑閣能
支上危橋不厭斜詩肩高聳處往往惹飛花

平潮

波光澹流影放艇恰平潮畫引江天去身疑風翮超不煩空
擊楫適有坐吹簫便趁山陰道幽思魂欲銷

澹月

曉色初分昧層軒輒健登空天何所有澹月獨堪勝城柝村
雞破溪烟漁火棧微知太古象但可語山僧

青嶼

深秀亭詩集卷之十九

圭

風潭擁青嶼洲崑仰何微影濕苔衣活烟清柳線稀循鷗眠
兩點立石秀重圓客眼明多處舟行憶闕歸

綠洲

百里沙汀濶菰蘆春夏交漁家歸始見鷗路去還捎雨歇零
珠潑風清滑影破築楹當小住似勝碧山凹

清晝

清晝停陰碧風林墨采晴松花初飯熟蟹眼更泉烹有客詩
惟步無絃意不鳴如何消世慮似可學長生

晚涼

塵況了荒遠清陰拾晚涼禽歸無數語林表剩何香近水添
衣薄鈎簾待酒嘗樓頭新月見我意正洋洋

宿雨

好雨連宵足青郊烟霏吞漁簑偏壓浪野寺不開門路舊懷
人遠花新恨眼昏蒼頭頻睡醒強掃消苔痕

餘香

獨眠清午夜香爐觸書堂小篆烏皮几平輝蜀錦囊浮生多
白髮往事一迴腸慚愧稱荀令流風漬未荒

舊物

家貧消珍異舊物剩艱危隱几酸慈範青箱憶故兒願厨飛
瀑繪漢篆斷金碑雅好荒朝貴何能換酒卮

掃花

宿雨風還競雕闌滿落英山童傲箒技金谷墮樓情可惜紅
深秀亭詩集卷之十九

圭

聳石

猩血不如老菜羹方知天女散妙在半空明
不及端袍笏林泉聳特尊雨深苔鮮碧花襯畫圖景五老逸
相尚東山鉅是恩詩肩高瘦硬日涉手常捫

歸鳥

矯矯此揚翎空天歸遠青修林低便就岐路力無停世豈消
網弋人今窺管寧憐他征雁苦夜半叫霜汀

幽居

幽居養道脉曲巷水雲東插架蕭殘卷垂簾綴小紅晨昏清
味足物我化機迴老去方閒住揮絃目遠鴻

雨勢

雨勢天將壓風聲乍捲秋客輕蓬葉去鳥駭竹烟搜幽意騰
空谷生機滿碧流灌園休力穩望沛立原頭

山光

山光尚無著青與白雲通嶺赴蓬窻去遙瞻馬首東何人明
畫理若我近仙風最是幽深處偏輝返照紅

水田

梅雨寒烟白南畝一望平漁師簑笠走蛙鼓桔槔聲漠漠風
前約浸浸村外明柳堤呼渡遠更覺晚風盈

雲峰

雲峰奇不定晚霽藍樓西蜀道明開錦丹青宛有梯何緣拔
宅去尚覺御風低我欲尋根據天還許碧栖

深秀亭詩集卷之十九

齒

囊琴

濯錦燎彤雲無絃綽有文一牀風韻古四壁墨花薰大雅今
難作閒居吟不羣子期原未遇焦尾亦空云

迎秋二首

渴想清涼散暑收司令辰已看蓮葉滿殊溢露華新遠水朝
空響閒居大白民平沙琴雁落把醺動懷人

邃宇碧堂堂空銷王者香餘年良自愛令節待清宵瓜菓僧
零座鬢眉蟾魄牀南華東海意野馬正茫茫

新涼四首

天風乍解渴塵腥五畝居然霞外青我意硯琴添座右物華
松竹翠山靈過肩未化騰龍術待駕還翻相鶴經一片新涼

圖畫境臨流徙倚上空亭

遊岑疊削晚雲高惆悵懷人情亦勞塞北龍堆嘶秣馬淮南
沙海沸秋濤雙星不上針樓看七碗親添枴柚熬評畫說郭
泰秘笈佛恩儒範任鈞陶

敞閣平臨桐院秋棕鞋羽扇別風流三吳澤國風花大七月
天樞野馬浮酒後有誰來客夢人間何處覓丹丘頗思乘鴈
輕鷗外清楚鬚眉放浪遊

水窗蕉卷小山前一讀南華秋水篇聽去禽聲綿石角平來
棋局漬龍涎吟情浸裊抽絲繭釀具旋登種秫田陶謝襟期
聊自託最空陰處盼高天

浴硯

深秀亭詩集卷之十九

美

一自端溪出頻宜休沐溫青花平欲泛白眼暈毋昏渾璞鑄
銘古模稜象意捫片雪浮水黑細細躍魚吞

藏酒

不得兵厨補聊封幾甕頭花時吟吻具雪夜故人留豈可荒
謀婦端宜醉拜侯笑他貪吏部少畜漫甘偷

整衣

稱身聊改作機杆半絲桐端綺今難得寒村更有窮已緇僧
衲綻最愛水田工七十思頒帛臣衰未敢蒙

擴宇

一夕霜風緊疎籬腐蔓除排林支矮座繞屋放青渠野馬天
光幻空香花事餘襟期無限濶洲島又何如

人生少百歲那得不驚秋與會偶及十日內成百秋詩景
在意中意在景外隨我所歷不盡云然

秋天

秋天杳無上放眼際空青爽氣參山長低雲捲鶴翎端知圖
園大靜洗物華靈呼吸通心瓣餘生望歲星

秋風

秋風捲薄暮呼雁碧天涼紫塞驚沙疾黃河生沸強堂虛雁
影入人共菊花香不怕金聲振征西罷武昌

秋雲

秋雲低晚態只合白山衣閒起晴空影過明溪澹輝星河浮
去滿鷺鶴駕來稀一任吹噓薄幽棲映翠微

深秀亭詩集卷之十九

五

秋雲

秋雲輒豹變文采罩河山日月光華外烟霞圖畫間遙空揚
蜀錦滿望臨仙關若有吹笙過疑同香案班

秋霞

秋霞綴天半朱紫爛輕綃我欲餐最景誰能定遠標樓臺穩
鶴馭霄漢萬國潮大道丹成衆輕身似可超

秋陽

秋陽麗高揭金碧射光華塵影茫無蔽天威寧不賒龍標開
赤道風闕耀丹霞昭代文明象葵心向不差

秋晴

秋晴昭萬象烘影似陽春遠水明鷗路黃花著酒人廉虛燭

篆出山靜石灣皺洛社聯清白何妨日坐貧

秋光

秋光多閃爍杲杲麗晴空雲漢天成錦關山葉逞紅自然王
謝氣那許畫圖工翻覺春濃賤清華兆履豐

秋曉

秋曉星河澹危樓洞遠空衙烟汀雁起浴日海潮紅塵壤初
無役山家散不蒙陶公松菊在——盼青瞳

秋氣

秋氣迥迤上廓然宇宙清癡肥沈未省豪雋特高明幻託雲
霞象空吞江海城西山佳日夕有客坐吹笙

秋月

秋月照無寐清宵白廣寒霓裳曉魄影桂露水晶盤銀漢照
何澈金闥怕耐看飛仙若可遇我正倚雕闌

深秀亭詩集卷之十九

五

秋河

秋河界天際白帶數峰西鵲駕雙星後鴻羣八月低蒼涼空
欲瀉清淺不曾逃常願銷兵氣端倪洗鼓鼙

秋露

秋露碧瀲灩小山金粟黃眠鴨聽掩荻落雁濕寒塘夜靜晴
窻兩山深浴翠漿愛他珠十斛明瀉藕花莊

秋霜

秋霜凜於雪人跡板橋深夾岸楓成錦疎籬菊傲金淒清填
絮薄蕭瑟短笛吟若渡關河夜蓬鞍更易侵

秋雨

秋雨疎還密蒼崖洗益青蕭湘雲水夢蘋蓼鷗汀惜別思
千里微吟倒百瓶西窗寒秉燭促膝話惺惺

秋陰

秋陰寒漠漠交引竹梧青靜院涵深翠蒼山翠冥書攤蕙
袖薄鳩喚躍魚腥一任衡門閉端居養性靈

秋烟

秋烟飛不盡疎雨逼昏黃翠巘松筠徑村灣鷗鷺莊悠悠空
散漫隱隱碧微茫更望龍堆北難消白日荒

秋影

秋影出修勁風披月寫多星河紫塞夢臺榭碧山阿貼地無
深秀亭詩集卷之十九

天

人掃衝波有雁過挑燈看傲菊比我瘦如何

秋晚

秋晚坐離索橫琴理素襟江湖征遠想鴻雁到空青未厭翫
眉勁清曉騷雅深紗窗水簾滑那有湯塵侵

秋聲

秋聲無定樹撼撼散風烟水閣書誰讀山樓僧未眠鐘疎征
雁拍露重亂蛩填遙憶關河上時平有戍邊

秋夜

秋夜把深酌燒燈待月臨唼蘋沙雁動出檻草蟲吟話聽三
更鼓香消百衲琴關河搖落後遠客有歸心

秋思

秋思悠然去關山百萬重故人形酒夢旅雁呼霜鐘惆悵應
難說蕭疎不自容天門高洞府端欲破雲封

秋涼

秋涼覺雨洗北牖蓋桐陰冰簟此時白奇書有味尋風掀黃
草葛葉衰斷紋琴寂寂消殘暑平空長道心

秋病

秋病比鴛鴦骨瘦而神清豈不辭厭倦若爲藉老成藥欄種
異品佛火坐深更酒力何曾減遙岑審不明

秋宵

秋宵殘夢淺遠近草蟲喧酒醒迴香爐心休庇故園囊琴眼
共瘦絮被薄須翻涼月冰窗走空懷味道原

深秀亭詩集卷之十九

天

秋感

秋感觸酸楚衰年失可兒夢魂昨夜託客路舊時疑酒力禁
寒嫩花光恨雨疲雁行無一字不足數殘碁

秋懷

秋懷雅澹薄白社寄青山水月清如此松風了不開孤鴻終
夕肯遠客幾時還採藥師何術西風兩鬢斑

秋眺

秋眺澗無礙危樓樹杪西鴻音征遠客霞綺結丹梯漁舍風
何活僧窻花正齊凌空若可舉絕脈世塵低

秋清

秋清渺無際海岳露真形造化細開鑿物華工效靈樽邀意

外月笛響竹間亭座夢何曾著金瓶一縷青

秋興

秋興漫無涯詩翁認酒家平開青雀舫特就拒霜花瘦骨峰
稜響修弄鐵線斜石切磨墨汁手腕走龍蛇

秋空

秋空了無著遙仰太虛高九月澄霜氣開雲碎鶴毛俗情消
可盡禪理醉堪巡試聽松風外何曾有碧濤

秋寒

秋寒羅袂薄翠雨打蕉桐漁艇鷁是逐烟村江海東愁牽孤
客去夜靜剔燈紅瑟索牀琴伴鬢眉竟不雄

秋初

深秀亭詩集卷之十九

三

秋初如小飲遠客款新歸金井桐微脫銀河雲薄依得休五
畝涉聊放一帆飛瓜菓僧厨約先生意不肥

秋半

秋半天連水廣寒澈夜開芙蓉浴渚泛鴻雁作賓來大有乘
槎路平臨射虎臺江星間落木酒力賦仙才

秋高

秋高人未老籬菊傲清霜前後重陽節蕭疎一令香把杯徵
舊雨拖杖抵權場若問雲霞路山青鶴背黃

秋期

秋期殷在望若與老成通徂暑蘇朝雨新涼逗遠風烟霞撐
骨健雞黍話年豐何况人陶謝思深江海東

秋來

秋來消渴疾清喜溢林泉紅得芙蓉面青開鴻雁天素心多
折柬好夢落歸田何必神仙學琴書自灑然

秋深

秋深偶散步佛手見僧房細煮驚雷茶開開古錦囊敲簾風
落葉撥火半爲糧一證無生話虬髯笑久蒼

秋登

秋登村起色荒苦願三餘世守田非硯恩寬民是魚師巫迎
賽社子弟事攻書新築茅檐接東籬更引渠

秋老

秋老嚴霜潔松筠翠益深塞鴻寒月魄海鶴唳天心古畫王
深秀亭詩集卷之十九

三

秋香

秋香飽橘柚九月洞庭東佛火優婆室雲林田舍翁雞豚新
醖熟秣黍比年豐撲鼻丹黃路斜陽納晚烘

秋飲

秋飲宗洛社高陽徵耆英青園十畝宅香偏五茸城倚檻聽
鴻遠釣簾曬月晴咄嗟貧治具此樂勝公卿

秋吟

秋吟細抽繭老去倬風騷技癢酣情發思深天趣淘芳蘭滋
傲菊落月走寒濤絕笑撚鬚斷泉源任意滔

秋英

秋英不礙晚霜氣結芳胎老同生何異高人雅自裁幽添且涉趣清似晉賢才豈止東籬菊南山滴翠來

秋防

秋防沸沙海精衛駭魚龍官柳行行直培堤處處春禹功循不得天上勢如攻瓠子宜房忠於今渺可封

秋社

秋社殷殷作師巫勸老翁黃雞村釀熟紫蟹稻田雄足課遵官令新裁喜婦工霜清榆柳岸鷗路小橋通

秋華

秋華無秘惜霜露染丹黃菊圃人初服霞天雁數行村明圍社鼓潮長泛歌航可以消寒乞承平樂土香

深秀亭詩集卷之十九

三

秋泊

秋泊巉巖下霜林撼激灘經宵欹枕聽怯影攪衣單鴻雁南天近風波畏路難淮揚開決口月黑走河官

秋泛

秋泛若輕舉聊開書畫船五湖何必去萬頃忽空前上下天光月平吞澤國州洛神如可賦我亦酒中仙

秋去

秋去悵遙別晴溫幸小春霜酣楓飽赤金散菊初貧獨鶴天風振寒潮夜雨新關山荒客夢搖落半詞人

秋山

秋山未可老蒼翠直凌空黃葉平疎雨白雲吹遠風僧窓雁

宿潤客路馬頭崇一派荆關筆丹青入化工

秋谷

秋谷傳清響雲灣歲寶深道人眠未出活虎夜來尋藥草香空路雲天蓋遠林舊遊今恍惚曾聽鐵樹琴

秋岳

秋岳五方崇晴開朝日紅列仙飛化鶴主帝赫乾宮金碧霜林古龍蛇繡碣雄清遊願未畢何術仗神通

秋崖

秋崖碧倒影老樹鐵蚪張葉落空吹響禽穿夕照黃泉涓流石乳斗大綴蜂房仰睇扁舟上清遊憶閩疆

秋嶺

秋嶺登遐興身輕鳥道微晴空黃葉雨高近白雲衣鶴駕今誰待鴻音自北稀酒香留把菊松鼠躍崖巍

深秀亭詩集卷之十九

三

秋塞

秋塞振長城龍堆秣馬營征西灑韓范逐北洗刀兵作雪黃雲暗飛沙遠火驚祁連空外削只許射鵰輕

秋城

秋城國畫裏霜暖老晴香橘柚穿樓出芙蓉隔水妝盤匡填鴨子鱸膾斫厨殘何日無高會鬢眉尚老蒼

秋堂

秋堂得老樹曉滴露華濃琴硯摩敦古巖廊互景從青霞簾外捲白髮座間容目送雙鴻過常前尋碧峰

秋院

秋院園榆柳晴香撲陰陰葉萃汁綠飽蝶扇猶黃深老同饒
生趣東籬健散尋草蟲驚落葉若解短長吟

秋館

秋館停仙客吹笙散步虛孤亭三畝竹四壁一牀書風定禽
歸晚香清簾捲餘空塔涼似水蟾魄浴芙蓉

秋軒

秋軒意閒適披卷坐蒼苔石角撐飛葉波紋走隔簾香沈撥
火炙韻險味茶拈卽此虛檐外遙青透幾尖

秋窓

秋窓西向晚晴雨響蕉桐絮語薰篝熱袍尊剪蠟紅蛩吟青
深秀亭詩集卷之十九

蕭蕭土繡小山瓦添得湖綿薄虛檐未有風

秋郊

秋郊疎散踏會與老僧期淺水鵝兒拍高風榆柳披離城青
五里當寺讀碑歸路看收穫沿村起晚炊

秋田

秋田殷望歲人力感天生養社忙撾鼓輸官免入城盈筐紫
蟹拾傍岸白魚擎提到村膠滿惟呼婦子聲

秋原

秋原曠如砥無礙趁晴空雲氣遮低白楓林插遠紅何來飛
騎奔適與老僧同一笑忙閒別行吟目剪鴻

秋園

秋園閒涉趣松菊未曾荒敝閣排陰翠高鴻呼夕陽人披潤
府錄座省墨澗香流水柴門外時看縛野航

秋寺

秋寺空烟碧疎林曲板橋僧資老圃嫩客借一椽起壽帶
霜果纖鱗刺洗瓢連宵霜半寸不定響蕭蕭

秋圃

秋圃渴無雨連朝抱甕勤故侯瓜種異高令菊枝文土墀編
疎竹溪頭望得雲晚年非好役闕此謝劉黃

秋巷

秋巷閒居選詩名天下傳路屯堤柳窄門對井梧前何用填
車馬惟通活水田兒童喧夕照提酒各家穿

深秀亭詩集卷之十九

秋水

秋水天光活毋庸測淺深樓船憑遠矢沙雁刷低陰空濶魚
龍夜蒼茫湖海心悠然清引勝薄醉坐高吟

秋潮

秋潮湧八月萬弩射何雄海若期爲信河源究莫窮魚龍驅
白馬舴艋挂長風蕩滌無如此天青一望中

秋澗

秋澗盈宿雨門榜濕朝昏疎柳滿舟縛空烟鷗夢噴風清古
渡口石打獨山根活潑時新汲烹茶澆晚殘

秋江

秋江清在望憶上白雲樓鉦鼙朝烟出金山墨翠浮風帆平

遠聞霜樹老青洲無限興亡恨寒潮打石頭

秋潭

秋潭印涼月不覺證初心細煮紫茸呷微聞落葉深靜中涵
石影空外過鴻音默坐三更後浮塵了不侵

秋渚

秋渚疎榆柳斜暝炙半黃空香吹簪舫滑影落罾牀略約僧
窓近風烟漁舍當晚來鷗鷺宿夾岸咽寒蟬

秋浦

秋浦夕陽紅蒹葭楊柳風布帆無恙去沙鳥不曾空滑影輕
潯長遙岑疊翠蒙漁師牽網集多在寺門東

秋汀

深秀亭詩集卷之十九 美
秋汀蘋蓼動只有釣船移烟漲平疎雨沙禽浴淺滑僧窓攤
畫欄土埂臥龍輿直到橫橋畔低陰影即離

秋林

秋林點澹墨却又染丹黃留得松筠古難遮榆柳荒大都高
在勁特以秀爲蒼退谷千章好九思平野堂

秋樹

秋樹明合抱柴門倚老夫葉重疎雨長風定碧陰鋪野鳥呼
晨夕隣僧共畫圖水邊千百本清影刺江湖

秋花

秋花幽且醒帶露溢清標王者香爲聖淮南賦可招寄情容
我老得句共誰澆莫怪東籬畔先生不折腰

秋葉

秋葉晴室雨蕭搖黃蝶翻遙看隔水岸響路滿山園夜半蛩
吟伏霜清窻影掀關山搖落後惆悵打征幃

秋柳

秋柳寫高風蕭疎夾岸東陶潛歸在野張緒意成翁黃澹斜
陽炙烟青細雨蒙未嫌漁艇縛捧飲不曾空

秋菊

秋菊思陶令東籬把有英從來香在晚豈藉傲成名酒待重
陽送人今舊染輕燈前相對酌形影寫霜清

秋桐

秋桐風瑟瑟高待月華盈有酒邀堪酌無絃若欲鳴何時棲
深秀亭詩集卷之十九 毛
彩翮未可落重萌我是倪迂癖殷勤洗最清

秋蘭

秋蘭滋挺秀雅覺後成芳玉質三分澹金莖二尺長謝庭生
貴此楚畹晚無妨君子終爲佩栽培望肯堂

秋桂

秋桂國金粟人間天界遊小山香八月老子興南樓象管招
雲鶴詩籤寒酒籌敢言消受易濕露未曾收

秋葩

秋葩不肯放約雨待新晴蕭寺風廊曲寒村水岸平惺然舒
造化何必感芳名高入徐熙本須含霜氣清

秋色

秋色無定染文章出化工晴滋朝露滴泛向夕陽紅遠寺尋
驛客低村種老翁隔籬多近水利服助微風

秋帆

秋帆縱飄忽一葉五湖輕停午無雲氣凌空有雁聲數峰青
可數雙盼轉何明利往悠悠意飛仙若欲迎

秋砧

秋砧應不遠辛苦理征衣魚海風如割龍堆書乍歸平敲綿
力盡欲補苧絲稀一片千拋石零珠淚暗揮

秋獵

秋獵健如虎瞭鷹驅五花風沙穿土窟草木震山崖可惜驚
鴻墜微功聽犬譁承平邊微靜公等莫如麻

深秀亭詩集卷之十九

美

秋別

秋別牽酸緒貧交奈去家詩書今不養鬚鬢已將華杭稻輸
鴻雁風塵忽海涯歸裝聊可治盼種邵平瓜

秋塔

秋塔淹澹月吟覺草蟲微獨立寒難久催眠意尚非迴欄斜
影直坐石點苔稀三煮梅花片樵青濕露衣

秋簾

秋簾虛堂白橫堆圖史寬老僧堅對坐獨鶴聳相看茗椀渴
餘習風簾逼暮寒不如南面席但覺可常安

秋衣

秋衣薰白衿聊觀舊青衫却辭朝市寒依近水巖聊文七

大星欲挂五湖帆拂袖磨烟艇輕揮了百函

秋界

秋界露華萌僧房午焙清密題驛客供生戰活泉烹桐月窓
前影霜鴻天畔聲把壺緩緩呷佳興託吟情

秋鴻

秋鴻期不失對對向南飛低逐江湖影遙披霄漢輝秋蘆淒
曉月魂夢冷征衣誰寄雲中字羞稱杭稻肥

秋蛩

秋蛩囊雨後桐月洗新涼石砌幽花零沙汀細草黃書窓眠
未穩僧舍冷如荒一讀歐陽賦尤聞四壁槍

秋蟬

深秀亭詩集卷之十九

美

秋蟬信高潔響咽夕陽黃疎柳穿槐古名園繞水荒金風寧
久振玉露漸凋傷散向空陰去僧廊清磬長

秋實

秋實今誰採家承不可輕品端堅古處道在化虛名鄭重葆
光果能留晚節成人材副物望莫易誤浮生

九日同人集飲

種得霜花滿華堂不嫌高會老偏強尊輶綽有風雲氣詩思
何慚陶謝香嘉樹危峰清秘閣凋衣瘦杖九迴廊登臨即在
家山好紫蟹黃雞辛未荒

壽少宗伯胡修子先生即呈東易郡公祖

中朝禮樂典儒宗鐘鼎聲華仰楚雄國學久培植吉士湖山

近更振丕風端儀每接三公望荒緒難憑十畝遺朱轡于門
來 特簡州民何幸伏江東

次韻酬朱子如茂才四首

金聲催擊鉢霜氣挺裁花詎敢香荀令聊如風法華石欄延
坐客瓷碗泛流霞行樂重陽後何煩讀五車

君來儼樹敵韓范許誰同峰造衡陽頂湖青影益東龍頭潛
窟宅鳳翥待梧桐老矣羞雄長甘心拜下風

書壁陰停翠几頭玉是蒼一樓黃葉雨三畝白鷗塘漁陣明
拖浪農歌好築塲醉餘空醒眼遠影走茫茫

感勞開畫削酒力老偏增鐵笛吹還岸銀蟾印碧繩園荒何
所取身退百無能願下蕉蔥楊常參事佛燈

深秀亭詩集卷之十九

早

次韻酬張思廬懋才

騷客西京重霜花老圃開不知徒四壁只是戀深杯路向江
湖白書誰鴻雁來偶然落塵網窠臼莫矜猜

次韻酬俞蓉及明經二首

通波北郭外豈是魯朱家板屋圍青槐巖廊湛墨花心空霜
葉却目擊雁行斜酒語何曾總留君待月華

蟪蛄穿筠谷沙鷗滑藕塘畫圖殘淺澹風景未荒唐石間空
香覺蕉窗曉影黃藏鈞類土繡公等重珪璋

次韻酬金淇瞻孝廉

霜月金尊夜紅燈亦復佳客星高瞻遠臣朔老詠諧道尚華
陽洞清儲寶晉齋遜君虛左待羣菊却誰偕

送華亭大令方獲堂歸里

華亭海鶴嘆九天作吏聞鶴誰飛仙折桂閣崇香趙宋使君

特相稱名賢地不負官官負地後之來者殊不然法網愈密
席罔暇役煩賦重三百年自分斐邑剝獨瘵政拙催科忍血

鞭我從髮燥見繭絲姓氏不復省其全福曜長者寧無度捕
蛇避虎伯饒涎史名南名夢寅協頗游刃清濁介已謂門茶

江湖日下咄書怪裴葛兩易酷熬煎官與民仇撫字抹民號
痛楚求官遷公適衙

命承積累荆沾敗絮車鑒前補苴勸罪莽呼搶妻孥遠割身
沈淵食代庖者更瑣齷沐猴而冠今就牽何名來公後甫正

坐執科錦入乍綯旋那得不推公灑脫欽手局外洋洋焉計
深秀亭詩集卷之十九

早

公任事抵彭澤三月猶欠便息肩兒童竹馬引初到干旌枉
顧映林泉此時誰敢勸高尚我惟直道洞心田寬猛其奈勢

甚促
九重浩蕩將輪蠲上憲勾符偏星火石壕夜沸捉兒後稍違
羽檄勒悍格急撲釀害駭鸛鵲閉閣思過令莫展蒼生濕淚

揮難乾力疾通告幸遂允方伯金公名世憫容怨封疆且復
張開府公諱伯行彼哉西子徒寬纏坐陪蕭瑟謀肝膽浙潮青潤

經始填霜花傲盡荒旅食楓葉丹分買歸船一笑拉我修耳
雪學官小築幾搜捐覆盆所出楊彤士手添墨汁鋪雲烟竟

從此別懶辭客客如君者姑流連我惟撻瓊潔高館廣文名
惜因博袁名咸學鮮恨公之去喜公遂初無習染向人憐後

被三泖九峰立但覺蠟屐爲微穿都屋感救濟顛沛

皇恩待活公在先觀公行者服公識同官八九迹不得不囚
而囚面如土父母子民良隱側肯何乖暴破甕墮失馬塞南
收塞北請浮大白怒飽帆故園松菊漸餘力得失自我肯悞
官雄才若遲轉薄德圭璧純粹性體溫交情淡水靡終極琴
以無絃韻上古宦味略嘗惜邊幅馨口黃梅蠟珀圓牟尼天
竹珊瑚色景物默喻要葆光明哲迺忠於報國

寄懷健六兄太守

憶昔燕臺十六年龔黃名遂得歸田青霄早振丹山翮學海
今推太史編鳩杖不須扶屐齒花關深合煮龍涎奇聲載拜
江東下德重華宗老地仙

深秀亭詩集卷之十九

望

素秋

素秋潔元化冷澹足爲懽松竹空陰出雲烟白日寒遠公清
結社陶令早辭官絕不撫文餘高鴻江海寬

一秋

一秋謝塵鞅閉戶小山青北阮能來伴南華若可聆霜紅楓
隔岸風洗竹空亭何日崆峒去披雲採茯苓

半秋

半秋淹小劇生趣博清吟端正南樓月空明東海心酒徒無
俗物僧侶肯閒尋待到重陽後丹楓黃葉深

踏秋

踏秋響黃葉石徑繞山家滿地青花影穿林夕照斜樓登僧

杖引橋轉酒旗遮訪菊還頻出行吟味芥茶

扶秋

扶秋先插竹花亦杖東籬何必修眉老常如獨鶴移臨流挂
件影被酒憶牽兒五岳遊難徧天香桂露披

尋秋

尋秋不避遠結伴好鬚眉霜樹甜山徑雲溪補竹籬鱸挑絲
網白菊訪簫聲移移圖書誰如我天香撲袖吹

卜秋

卜秋信佳兆魚象幸逢年通賦恩寬海良農力在田雞豚王
政畜蔬菓社期鮮一一餐辛苦須開眉壽筵

把秋

深秀亭詩集卷之十九

望

把秋如有獲老大典平添拂袖扶筇杖勾窓上墨簾東籬菊
自採北海酒同拈禁得風霜定天留蘇子瞻

遠秋

遠秋聊意想彷彿塞垣西天地爲蕭瑟風沙槩漫低龍堆馳
雁疾馬背射鵬齊夢寐思韓范退荒靜鼓鼙

客秋

客秋愁坐雨燭剪夜窓虛立馬驚銜鐵離鴻杳寄書夢魂騰
海潤鬚鬢凜霜餘格格三千里丹楓憶吾廬

凌秋

凌秋青萬仞遠翻遶衡陽何況乘槎典還過拍馬強風高鐵
瑤寺樹撼水雲鄉一若飛揚面人今健老蒼

觴秋

觴秋饒種林泛菊尚柴桑官謝王弘趣遊當赤壁涼兵厨須
此席洛社結同鄉楓日酣紅力修輯妙染霜

麗秋

麗秋澄素綯天地燦弘文霜揭林舒錦山空石脫雪青天高
白鶴紫玉捧紅裙若待瑤池月還須觴夜分

當秋

當秋忍瘦勁不足語癡肥爽氣西來直閒情著處稀禁他桐
竹雨換盡葛羅衣秦塞過巴蜀羈愁有未歸

驚秋

驚秋嘶朔馬沙土激邊風刁斗傳曠黑盧笳吹曉空心疑連
深秀亭詩集卷之十九

徙帳月斷上南鴻瘦鐵霜華白時時隱血紅

交秋

交秋乍醒酒寒渚一空靈蕉卷排窓潮痕蝕雨青僧來妙
覺寺客訪少微星已挹西山爽當軒拱翠屏

嘗秋

嘗秋風致好不負作騷人酒力茶前聖花光雨後新持螯陶
謝韻遊屐驚鷗親細味荆關筆烟霞養此身

宜秋

宜秋品泉石鬚髯養霜清殘暑消塵疾因風寄遠情漫推五
湖長聊隱小山名下得南州樹西窓聽竹聲

今秋

今秋痛兒折把酸苦思渠刺寫數行墨掀殘百卷書登蘭題
淚雨雲鶴想風祛催我霜華疾蕭條萬事虛

寫秋

寫秋得神理風影有餘思路出滕王閣香披太液池故人清
對爽新句味銜卮不是真騷雅何能老畫師

懷秋

懷秋慕惆悵萬里故交長空濶來鴻夜半泊叢桂香何能閒
洞府不足誤冠裳一往悠悠意山川風影荒

欸秋

欸秋微絢欄名菊列華堂金縷盤鴉髻霞漿白玉觴題成揮
墨海響過撥箏牀一自賓鴻到登高屐齒強

深秀亭詩集卷之十九

洗秋

洗秋清夜雨滴瀝聽蕉桐一片平湖水連吹落葉風休塵應
不起遠夢若堪通特許鬚眉潔心澄息影中

掬秋

掬秋清可飲溪影溢天光雨後山何翠風前葉未霜竹梧留
客館暈桐落鴈莊消受空陰淨還來待月涼

飽秋

飽秋先情仙楓葉綴霜紅不作蕭條態偏徵造化關山撐
老翠湖海信飛蓬昨夜南樓月擎杯見大鴻

澄秋

澄秋開淨域萬象一滄浪青影遙天碧蒼山古院黃何堪撥

俗累只是覺空春心轉今如此書聲散夕陽

好秋

好秋麗晴色陶謝曉高吟霜菊酣紅葉山光接道心驛壇杖履健野寺水雲深八月重陽酒須知踏網尋

傲秋

傲秋微動節松菊見鬢眉禁得風霜古方知鐵石奇蕭疎聊任解眉抑豈能移歸賦束籬早何人及義熙

養秋

養秋風葉葉佳典引登臨翠挺松筠骨空明水月心乾坤高色相晨夕互晴陰客我同山老時就物外吟

陽秋

深秀亭詩集卷之十九

吳

陽秋久不雨山翠寫浮空樹擁輕雲白僧歸古寺紅秦關雄渭北塞雁語江東封域明如此何容青眼蒙

題秋

題秋掃俗韻金石挾風霜眉宋衙齋使山川鴻雁行客情幽在雨老氣辣於推記得雲門寺龍蛇走曲廊

快秋

快秋高尚飲星聚過江名王謝烏衣籍宗雷進社情平尊香菊把掃筆目鴻征誰論南朝寺心田止水清

攬秋

攬秋得要領身上太清樓天地何昭曠山川亦阻修洞庭三百寺椅袖五千頭曾與耆僧約丹黃一望收

整秋

整秋適閒暇天地得清寧力振風騷格空消黃老情菊籬山一帶桐嶺月三更料理重陽酒擎樽欸雁聲

殘秋

殘秋抵剩飲倦態飽酣情老去鬢眉勁香餘松菊清孤鴻驚曉館落葉舞江城風雨添寒夜魂銷夢不成

舒秋

舒秋沁肺腑花氣釀霜清誰送王弘酒思遊曼倩城肥甘無此况騷雅有其英更取蜂霞入身將五兩輕

有秋

有秋天大賞恩沛况蠲租敢望恒餘一聊資了積逋黃童調

深秀亭詩集卷之十九

吳

獨去白髮醉人扶長吏如田唆雞豚不厭麤

晴秋

晴秋浩浩蕩海岳薄風雲前後重陽好清華耿介芬鴻音低曠館斜影上斜暉村醪家家熟農歌十里閒

高秋

高秋風力勁翼翼雲霄晨石秀青山出詩添白髮新三更寒叫雁萬里憶歸人何事愁前索晴溫待小春

新秋

新秋致朝爽瓜果美初嘗銀漢雙星渡金風七月涼雪然探密滌絡緯陽修黃已覺多清響憑闌挹水光

聽秋

聽秋蕭中夜風葉雨花歸山館青燈坐書牀綠蟻延蛩音微
斷續雁語忽參差不禁懷人意關河萬里馳

隔秋

隔秋恍夢寐最憶古重陽釣艇兒扶立樵風僧引香笙玆聞
遠閣朱夢出橫塘惆悵今非昔無人懶白強

添秋

添秋駭疾雨葉葉戰淒風石峽拋山果冰愈躍草蟲手揮樓
鳳曲燈挂九蓮紅遙憶關河上征行咽楚鴻

及秋

及秋計行樂遠近觸天香洞芥參寥札松醪問字航清初心
地爽興引水雲長莫究神仙籍丹丘幸未荒

深秀亭詩集卷之十九

吳

消秋

消秋傾百甕興會濤雲霞藥驗長生籙香清處士家拋書高
壓枕施杖笑迎花擁得林泉樂行吟玩物華

鳴秋

鳴秋聆寒雁沿響草蟲坡高戰風霜葉遙侵江海波詩情搜
不已客夢醒如何惆悵懷人路滿湘夢雨多

至日

一線愁偏長思兒轉白憐庭前無振羽屋角老寒烟泉石荆
關意松筠文字禪紅裙薰卯酒不敢更朝天

幽况三首

松筠翠繞畫闌烟銷鬢鬢人今品列仙潛去空懷天趣別閒來

道味物華妍家山門巷隣僧院客路詩筒送酒船消受歲寒
清麗足不期雪後長芝田

冬溫近午脫蒙裘十二闌干上碧樓適聽高鴻過緩緩了無
殘客問休休珠光石角南枝綻翠黛橋門活影鬼細煮茅尖

吹佛火牙籤新整又貪抽

老樹寒鴉歇轉移檣頭船到舊場師山園欲補惟花事詞賦
何能換酒卮座上客來琴硯韻雲中書去塞垣思一從物外

逍遙慣世態塵勞竟不知

泥美人二首

一笑尊前詎肯輕凝眸鎮日坐盈盈聊將粉黛爲膏沐綽有
風流入畫情燕趙烟花殊可象姬美閨絕惜無生留仙著就

深秀亭詩集卷之十九

吳

盤鴉黑獨上金蓮不慣行

縷金窄袖玉纖拳嬌倚烏几詩思清徹土巫山成俊物傳神
阿堵憶芳卿脂瓶湘帙幽意伴寶鴨絲桐小院情未厭司空

灰老大故於鄭重笑將迎

疊石二絕

硬撥眠雲峭轉峰緊將根脚壓虬龍場師若有驅山鐸劈赴
樓臺十二重

絕厭模稜事荷客烟霞骨相不須豐獅掀虎踞憑空出要使
荆關狠筆鋒

迴欄二絕

不循廊廡駕周遮曲爲低穿婀娜花略副平原歸約束朱門

徐習點山家

山腰束帶不嫌紅，憑受無遮松竹風。
有客來尋忙未達，樵青却指半空中。

空亭二絕

碧陰深處著空亭，巖徑何曾眼不青。
豈肯尚留門戶限，併無四壁障雲屏。
突秀峰青靜六時，琅玕紫草鬱參差。
雄心老去全無染，只向高空獨咏詩。

冷翠二絕

宿雪偏留冷翠深，丹爐紅養未灰心。
朝來醉脫羊裘重，清話遙思支道林。

深秀亭詩集卷之十九

辛

熱處遠隔墨痕濃，立蟬交修欲化龍。
若使有人師北苑，入林能不問層峰。

栽梅二絕

羅浮香雪意津津，放鶴高亭處士春。
繞屋我今三十樹，居然清瘦長精神。

曉岳春雲白晴雲，海鶴華亭垂老閒。
未免酸心思結子，敢誇鐵石賦清芬。

種竹二絕

青園十畝望龍孫，有迥先生植此根。
高節乍看新雨後，蒼髯香雪並乾坤。

儘放鞭梢不礙冠，干霄挺挺問平安。
七賢尚覺清狂誤，六逸

詩文耐歲寒

曲塢二絕

九折巉巖六角亭，空香畫影濕青青。
灰心瞑坐鬚眉白，獨聽啼禽上翠屏。

深秀中央百丈寬，眠雲繡土浴沙灘。
老夫此願清酣足，何必金爐問大丹。

平臺二絕

獨上平臺慕遠思，故交天壤半驅馳。
何人肯就卑棲約，來看蒼蚪水雲姿。

脫略崎嶇穩一隅，數行修挺寫倪迂。
山人踪跡何曾險，野馬塵埃並不拘。

深秀亭詩集卷之十九

至

陽坡二絕

山圍細路踏陽坡，側出高低宛轉多。
有客來尋隔水見，一雙詩帶每穿梭。

梧竹交青寫影長，風絲蟾魄細承當。
襟期空去琴樽散，拖杖歸來石蘚香。

幽澗二絕

雲根水氣悄然深，頗覺潛魚避翮禽。
小有源流當日達，月華清夜印天心。

剡山逢澗不曾乾，石葉苔衣碧影寒。
消盡塵氛涵靜穆，龍常走雨師殘。

峰西二絕

互聳峰青五老奇石梁斜跨竹風披偷閒小築塵寰隙便作
丹丘也不疑

禽聲樹影動斜陽石角花開硬瘦強遙映牆東與岸北獨留
南面看修篁

桐下二絕

高梧合抱老琴材透出危峰百尺臺夜定月明風瑟瑟不知
何日鳳凰來

鼎立高岡直上枝笑他迂叟拭何癡棕亭茶熟無人到獨聽
飛鴻澹遠思

柴關二絕

柴關一帶縛波紋緊接鱗牆起此君僻徑忽從山背闢幅巾
深秀亭詩集卷之十九

杖履撲清芬

剛柔互用結模稜妙有周遮空一層亞字冰紋都象外權奇
難斷夜交藤

石梯二絕

上下山腰插石梯修林遙映水雲西踏來惟有幽禽覺慣聽
鏗然觸杖藜

一日孤行定幾迴不依梧竹便捎梅客來望我登雲路還道
詩肩聳未頽

矮坐二絕

抱璞岩齊盤錯根坐深苔蘚清衣痕歲寒猶覺科頭癢白狀
荒唐一醉髡

高處偏低位置宜梅林竹塢著仙棋紫芝忽擁紅亭下白髮
青瞳漫解頤

紆步二絕

捷徑徒爲淺近羞故將周折赴層樓梅花竹葉桐枝介鳳尾
琴材老鐵虬

一步一迴何所思清陰細染撥林遲小中見大無人喻記得
仙霞西裏詩

排林二絕

林泉生面稱風裁畫手場師大意該晨夕雨晴虛不得擬償
三萬六千迴

綠玉爲君香雪堆棕亭一個白雲陪鬚眉實仰山林長風口
深秀亭詩集卷之十九

茶鐺石案杯

培土二絕

厚載根苗不可單天人事爲加寬擇龍雷動蒼髯綠但願
松筠保歲寒

力擔覆瓿敢辭勞蘭蕙須平仲蔚高厚地憧憧龍氣足待霑
新雨滑春膏

俞明經蓉及移尊就亭得胎字

一亭竹影七賢來主却爲賓信把杯此意歲寒無俗物清時
風雅瞻仙才芝顏瑞長棲霞氣梅萼光含合浦胎誰道賤貧
朝貴幕尺書昨夜到燕臺

嚴廣文懲又移尊就亭得津字

歲寒交合老松筠又探梅梢酌早春林下幾人如我當雲中
歸字少鴻賓空亭矮座敲棋貼曲塢清陰轉眼新計日芳妍
無不有西園雅興正津津

歲暮

歲暮一無事空亭待客臨南枝薰酒綻積翠惹衣深貧但荒
唐去幽從修築尋忽然驚剝啄萬里到鴻音

小除夕

歲宴未窮夕寒迴乍早春園亭新點染霜鬢老清貧遙憶關
河客紛酬田野親可見惜化去錄草喚無人

深秀亭詩集卷之二十目

七

深秀亭詩集卷之二十目

賦得一枝紅杏出牆來

獨往

東諸同學

再柬

索秋海棠

羅懷亭明經許結花屏竹

鄭雲驤甥孫縛梅條

探梅

消雨

春雪

杏花

絲雨

梅信

和楊彤士文學盆梅韻

樹枝闌干

花朝

玉蘭花

挂垂簾

支花棚

放金魚

深秀亭詩集卷之二十目

一

廣種芙蓉

李花

曉色

送張仍武明經大莖

閒居

一尊

自評

春寒

夢回

春暖

送梅

姚聞珠明經對飲

玉蘭杏花盛放

春興

又

雲山

展幕

晴春

維垣雲驤來共分菊

飯後

朝烟

拙菴和上過訪

盆榴	面山	高臥	石徑	自斟	拭杖	思飲	讀書	栽林	烹泉	侵曉	讀書	畫菊	畫山	畫鶴	北牖	棋仙	蕉卷	竹徑	空廊	閑徑	盆花	空洞
細草	初日	加餐	濃陰	一室	煨香	邀月	剝棗	掃石	散步	撥爐	畫蘭	畫竹	畫桐	畫松	西崖	疎鐘	水邊	雙崖	風林	移花	雨歇	

讀書亭詩集卷之二十日

二

石鯨	修林	骨立	蒿境	事花	休休	聞蟬	遺畫	畫影	雲衣	山橋	無魚	循籬	夏木	夏農	支柳	曉簾	崖岸	雅興	貧時	輕身	高峰
僧札	釣磯	入化	眠坐	狎鷗	據石	近水	却疾	頽坐	晚涼	石浪	朝炊	拓圃	逸翮	村烟	提魚	溪風	水榭	濕翠	道味	思鶴	遠懷

讀書亭詩集卷之二十日

三

呼禽	睡餘	不出	訪朱子如懋才	朱子如張宜公過談	養拙	守默	端居	和八雪	雪花	雪珠	雪水	雪燈	雪佛	雪獅	風中雪	雨夾雪	濕露	溪秀亭詩集	卷之二十目	四	洗石	索酒	習靜	吟月	問月	醉月	眠月	迎秋	風前	桂香	自勸	選菊	待菊	戴菊	集菊	對菊	繞菊	映菊	把菊	寫菊	耐菊	九日
----	----	----	--------	----------	----	----	----	-----	----	----	----	----	----	----	-----	-----	----	-------	-------	---	----	----	----	----	----	----	----	----	----	----	----	----	----	----	----	----	----	----	----	----	----	----

不寢	晏坐	西廡	定力	黃葉	題畫	題水墨牡丹	踏菜	風定	夢回	循廊	碎雨	大丹	潮平	晚秋	獨擁	菊前	夜夜	維垣雪驤載菊相送	連朝	黃葉	半醉	溪秀亭詩集	卷之二十目	五	小窓	銀鈞	平明	客到	小酌	雨絲	深更	曲房	清遊	殘雨	寄懷沈霖蒼	送何赤岷主簿	卞蘭塘別駕過飲	次卞蘭塘別駕韻	花光	籬菊	近午	坐對	寒鴉	酒開	卞蘭塘別駕招集	晚風
----	----	----	----	----	----	-------	----	----	----	----	----	----	----	----	----	----	----	----------	----	----	----	-------	-------	---	----	----	----	----	----	----	----	----	----	----	-------	--------	---------	---------	----	----	----	----	----	----	---------	----

缺月

殘燈

風晨

雨夕

花新

白雁

白燕

卞蘭塘別駕重過小園

胥江雨泊

示客

寓夜

與張景琦袁兆儀飲

浪出

橫塘

般若菴

老桂

滴帳行

寒山寺

採蓮巷

百花洲

錦帆涇

泰伯祠

深秀亭詩集

卷之二十目

六

真孃墓

劍池

可中亭

胥江

不避

葑溪曉發

唯亭夜泊

早過玉峰

小除夕

除夕

深秀亭詩集卷之二十

雲間潘鍾麟層峰

康熙五十三年甲午選三百五十六首

賦得一枝紅杏出牆來

潑艷晴烘不可遮就中簡貴特高華明探研粉圍香幕密酒

胭脂貼嫩極領袖意標圖面譜風流春在列仙家上林肯透

真消息眼底先幾若未差

獨往

獨往看山興凌晨雨後濃屯烟青鳳竹浸影駭虬松屋貼無

遮岸雲低寂上峰若非世外客誰許共攜筇

東諸同學入蓮社四首

深秀亭詩集卷之二十

英雄老去易低眉誰向蓮臺別古碑道現止容王謝覺流光

不定水雲吹百年可惜忙中誤五畝今從象外追粗糲黃齋

聯足供更無支語對敲棋

呼晴春鳥動山林樹樹梅花白道心塵壤已將圖畫隔源流

端向佛仙尋沿溪漱石歸雲洞八尺繩床百衲琴小住眠餐

無不可箇中消息短長吟

風風雨雨閣朝昏莫怪藤蘿空掩門佛火朱樓宜貝諦蓮臺

錦幄獻花痕清言乍可留支更客難於今厭醉髡若有濟時

公等去素心貧賤竟來敦

愛註茶經認酒星不妨樵牧引園丁已栽修竹孤亭繞擬曲

芳蘭九畹青洞府何曾天下少禽魚亦是眼前靈老夫倚杖

柴門潤特爲高車傾遠聽

再東四首

勸駕原無強入山君今都悔誤塵寰得迴頭處天光白肯問
心時香案班一命殊恩寧易副千秋大業儘堪刪支離莫道
西來意淨了浮生好是閒

五更殘夢逗寒鍾鼻息微微展臥龍此際塵緣初未着逾時
名利忽交攻香臨傑閣青三匝人在空林秀一峯底事脚跟
渾不定何曾洞口白雲封

小點金鐘按木魚參寥閑改子雲居松筠動靜延清奏鶴鶴
依稀聽步虛萬事且澆米汁化幽情但仗墨花舒雪霞一染
空無際虎氣腥風悉破除

深秀亭詩集卷之二十

二

紅杏枝頭百舌啼波紋滑走西簾西韶華如此春相借老友
何爲杖不攜慈葉香消清淨海梵音風捲劈危梯請看樓角
張新月些子天心是不迷

索秋海棠廣種二絕

柔情不斷一枝枝淺滌紅妝玉露滋蟋蟀短長吟覆葉那能
小院不相思

故作低頭笑騰開金風蟾魄好秋來酬君玉液玻璃醖緊倚
朱闌看十迴

羅懷亭明經許結花屏竹感其意周屢損述欲辭不辭
委曲

歲晚迫交謫石田奈耕薄自顧殊荒唐齊聲計工作一亭半

盡極力疾減參藥帶雨移龍孫種梅盤山脚繪水動雕梁迴
欄布畧約草草得苟完心神良踴躍折柬速嘉賓洞目猛深
酌尚有未了緣囊空杲東縛羅含名士林踏展一遙度何故
闕東南毋遇太寥廓花關轉雲灣春條綴綽約寧不解君意
江魚其在涸羅子笑而吁努末不可弱我有青琅玕任子取
秀削四寸爲虛中直尋以高託余如耽飲人措辭杯已搜但
愧恐竭懼增華費聯絡蜂蟻荏苒黃飛蛾日薰囑韶光賤糞
土天地漏鎖鑰進酒酬大施相保笑丘墟

鄭雲驤甥孫縛梅條八捆佐修柴關喜而示之

柴門力易縛柴關潤難守丈尺未成材咄嗟詎可購歲寒冰
雪殘東補西已漏荒野少約束兎狗敢浪走長城邊傲雄秦
深秀亭詩集卷之二十

三

趙莽築就一朝失頗收界限渾渾馳驟我今局五畝不能濟輻
輳甥孫鄭公卿昂然後來秀默探老翁意家園涉左右阮氏
雖大小嗜痴都不謬斧斤親入林揮汗捲袍袖以餘助不足
捆載象搏獸苦辭帶乾香鐵虬堅骨瘦羅列南軒下貧人忽
富進場師急經度面理妙運運錦砌同非宜朱闌寧屑闕杖
履日婆娑斯善娛眉壽

探梅十首

蕭騷冉冉悄行吟與會悠然一往深大有香雲圍屋宇誠無
塵夢落山林晴暉雪積王維面空響風揮中散琴遙睇僧窗
牆角外隔溪更欲過橋尋

星星綠夢合珠勾生向紅樓見美人異想忽教塵夢醒寒香

初試物華春深由淺入津津味潄以清交故故新獨坐瑤琴
三弄後高山流水更移神

十年學道藥水霜花信翻多象外忙回本已移村塢僻素心
遙指水雲長文修骨鯁通神力曉透春華徧體芳誰並公門
桃李競山家蹊徑不尋常

老去冰心洞雪花初番花信最清嘉瑤臺霞氣籠山館澤國
珠光耿月華酒力且蒸烟火濁風微却有性靈拿不知身世
消何福竟比湖山處士家

園林生趣卽丹丘不盡披雲咽水頭有道如何偏種竹南枝
那可少登樓清新風雅無方體秀削神仙第一流若論歲寒
交節古芳情應獨讓羅浮

梁秀亭詩集卷之二十

四

玉露春荷侵曉寒石梁危踏又沙灘身矜野鶴昂然瘦香櫻
晴雲若此攢恍惚神仙僥冷颯離披圓圓動清愜何須浪學
孤山步漫喚荆妻認鐵癭

夜光着雨濫朝暉不道平添十斛肥我藉何山修洞府天容
此客擁柴扉未經蜂蝶惜寒雀若趁雲霞煥白衣結子調羹
惟恐晚羅浮香夢空園

雲灣峰頂不辭勞策杖方知登頓高鐵轡春風明古調虬陰
曲筆點新荷攤書坐久荷香令踏閣詩添何水曹似有默通
鸞鶴路平將肺腑六時淘

蘭紙書傳古臘僧芳辰相約度陵嶺黃芽適爛青精飯瀾袖
同拖萬壽藤鼎彝人今高素位星橋我却省禪燈百年常願

同運社超脫梅梢最上層
小樓晴旭映窗時喜溢鬚眉畫裏詩總未隔凡空紙帳若爲
有象出天姿花真繞屋能同老我豈啻杯肯不癡一自林逋
教放鶴幽情猶恐客來遲

消雨七首

一片溪光雲影飛石鯨鱗甲繡苔衣桃腮未放銀紅淺柳眼
將舒豆綠肥醉看鸚鵡師賭酒臥歌聽漁父著簑歸家山前後
皆流水熱不因人冷翠微

納息匡牀近午清小遊仙後一徑行春寒白晝關山夢雲氣
遙吞江海城可惜花時香濃淚聊支客座酒徵兵愚公自有
安閒訣端藉三餘養道萌

梁秀亭詩集卷之二十

五

枕畔鐘疎聽雨撩梅腮竹塢耿瀟瀟起來幽况全無緒望去
空陰若有潮小劇正當嘗冷澹浮生何礙不道遙司關乍報
馳銀鹿短札同人又見招

盆花位置各標新猩血珠光濕王神默坐晨餐剛獨享俄傳
熟客又交親危橋漁舍蓬窗路小閣雲竹院隣妙絕一翻
清洗後生機何處不青春

活潑林泉晏閉門畫圖風景返朝昏心涵止水冰壺漱骨秀
奇峰苦蘚根斗室衣薰紅佛火書林盆擁長蘭蓀何修敢託
華陽洞沐浴清時覆載恩

小院丁香婪尾著烏皮几上水仙花情知冷艶饒生趣性澹
空香任物華九疊漫調青玉案參寥封寄紫茸茶何關瀾浪

征鞍險但學幽棲倦羽遮

跨澗曉發宛轉橋平拖墨采蘼清標東山或恐無其靜青鳥
云何若可招事悔多般殊惆悵情深一往故超超十年休養
烟霞疾未免春愁魂黯銷

春雪

冷雨凝春雪迴風舞落花客愁無計遣酒力一時加積豈衰
安宅烹甞陸羽茶漁舟剛兩箇白向小橋遮

杏花

宿雨初收潑淺紅枝頭歷歷開晴烘光探曉閣朱闌外画出
春風笑靨中酒醺詩筒酸不得蜂鬚燕尾趁交融上林若遠
神仙近漫煮丹砂喚鶴童

深秀亭詩集卷之二十

六

絲雨

絲雨飄無定青林葉葉春窺簾雙飛羽把卷一幽人屋宇屯
雲杳杳苔點眼新生機方淨沐大道悟清貧

梅信八首

雪擁空村曉香清二月春遊仙明有路着我是何人腸政車
公肅詩情水部新小橋後道遠一望轉津津
半晌疑神坐微吟帶笑看陰交虬影瘦春富夜光攢處士生
何繁羅浮夢不寒依稀憶雲海空際白波瀾
白晝融融靜高人故故來支筇平入面把臂互登臺洞見盈
如許珠圓剩後開凡塵若可隔閉戶即天台
明與條風約牆東繞竹西空亭應伴鶴香夢久無妻冷眼疎

偏覺裁冠讓曲齊子真仙去後官閣恐全低

嗽水南樓出環廊堆粉絮何修健晚歲絕妙享初番屯得神
仙窟烘隨桃李園空囊還摸索酬約賽平原

登臨忙一覽撲鼻曉風輕只是家園好無非臙腑清貧難開
酒國老合杜柴荆若問調羹技誰通仙籍名

層峰掠古折湛水溢清華自與凡林別端由性體嘉醇開眉
壽席綠戰露收茶遙引低村外晨炊白幾家

絲雨歇中蕭蕭新運好懷物華如此化塵網豈堪埋料理酬
清聖周遮趁午牌誰知五畝內踏破兩芒鞋

和楊彤士文學益梅韻

鐵虬小立太權奇占得春風珠玉披三尺矮撐強歲月一株
深秀亭詩集卷之二十

七

清喜溢鬢眉羅浮香夢琴牀淺庾嶺仙根書案移博覽不如
歸約好高人位置醒詩脾

樹枝欄干

約束柴關繫就荒水紋西筆兩相當鶴來忽訝模稜隔客散
微聞冷澹香噉穴罅中高插脚松筠根外貼縫裳雲濤花噴
何曾礙大展虛靈不面牆

花朝祝飲得多字強字二首在座者陳宿儒天用袁國
博韋菴茂才徐心在林次遊唐荷令嚴廣文漢慈明經

羅懷亭俞蓉及姚戈兒上舍朱也亭高義亭

祝花天許養晴和紅紫風微捲白波臺榭洞開新徑僻衣冠
香撲老人多九霄鶴喚道遙聽萬斛泉源不可磨此會猛拚

過十日肯教洲島笑江河

林泉鬢髮素絲強端向花神揖婉芳春到乍分雲作錦月將
滿望玉生光風騷組織兼唐宋我道淵源合老莊只願貧家
能富兩枝頭鮮處即惟場

玉蘭花

夜月群真譙未收萬千玉竿曉風頭如何謝氏光輝植恰是
瑤臺積厚流美到無瑕春最潔芳知含露旭初浮朱闌曲水
昭昭映縱目虛胞坐面樓

挂垂簾

墨采波紋小有樓迴廊凸檻一層層那將身隱文明淺豈是
紗籠氣象增書幌琴囊籠位置燕泥蝶粉礙交膺周遮靜若
漆秀亭詩集卷之二十
紅塵隔白口堂堂禮祖燈

支花棚

酥雨柔條潑合情急倩扶園亭紀轉去籬落淺深鋪遊冶停
風蝶晴烘啄符籬清和偏爛熳老眼未能枯

放金魚

縱輕悠然三寸多憑闌一望折雲坡林花猩點苔衣滑卵雨
絲牽鏡面過撥刺細能窺走影吹噓小可提如梭生生活潑
空無羨變化蛟龍別有科

廣種芙蓉徐上舍心在以上品惠移

偶想芙蓉城美及芙蓉面流泉繞虛廊石欄延靜院朝霞泛
玉露夕陽紅一片伊人潔嶺竹鶴墜坐清宴秋思欸欸盈金

風多微顫那可少此花三醉殊不倦徐子蘭省孫老大文章
彥東園夥嘉植嬌艷稱婉變聽喚走場師雨後轉移便恭迎
簇平肩位置推獨擅香臺面閣前仙佛憑空見可以怡我情
朱粉斯爲善

李花

梅澹還輸潔桃穠不敢群月晴添冷艷雪積吐清芬婉變無
其靜仙才有此文溶溶空院晚太素揭春分

曉色

曉色上樓臺春明花信開高懷空物役幽興觸仙才影碧簾
衣靜香清墨海來忽胎龍杖古丹篆寄天台

送張仍武明經大壘

深秀亭詩集卷之二十

九

四十餘年文酒場憶君鶴立瘦昂藏竭來頗點滄江撼夢斷
魂悲旅規涼有子貧能酸員士無官傲不損韶光請看坐擁
冠裳敗寧易松揪馬鬣強

閒居二十首用少陵秦州雜詩韻

小隱咏肥遯閒情入卧遊無官微巧拙行樂愛窮愁雨足生
青霽春寒似蚤秋十年基局換雄髮幾人留
代嫁縫織手蛾眉未入官路諸行役苦名久宦途空秦塞悲
笳月漳河躍馬風略申報國意無罪卧江東
魚唼搖青藻鷗眠曬淺沙遙看屋近筏半藉水爲家路曠雲
衣白風低柳線斜一聲欸乃去不向俗人誇
不爲張廣武惜少鄭當時龍劍寒非繡村烟斷最悲冠裳徒

鬼敗霜雪勒春遲若問神仙跡漁樵信有之

意向花鬢動年登酒力強天清聞雁度雲斷覺山長人豈稱
騷騷家空典騷騷蒹葭秋水路無那又蒼蒼

擊楫中流去何如澤畔歸窮愁消曠達清白本寒微雨後長
林潑風前短髮稀青陰屯暮靄似有一山圍

無益身名事深慚出處間三千空結客百二憶秦關舊夢新
花燭黃塵白水還雞皮殊自哂那得返童顏

日擊滄桑異終難信日回魚探鳬窟去花約酒人來老樹空
村仰晴雲向午開羊裘存大澤一飯幸母哀

竹暗叢籬壁花深上草亭春憐三月老人抵一峰青世已無
仙吏天方怨酒星野橋流水近隨意出郊坰

深秀亭詩集卷之二十

十

雲去山偏冷春晴花太繁頗能存骨鯁何必究河源水草漁
樵窟雞豚榆柳村夜眠常待月明鏡白衡門

天與鬚眉勁何堪腰折低鶴當排海嶽燕青啄香泥衰草驚
沙北黃雲紫塞西微聞柔遠道幸久息征鋒

繞屋層雲樹當階走石泉花鬢簾影活殷齒鶴聲傳身廢江
湖外心懸日月邊敢蒙清世福作息不惻然

不淺湖山與風烟似習家兒童喧入市鳬雁愛眠沙曲巷新
遮卻春畦學種瓜心空無別夢日日筆生花

叉手莓苔立青青望遠天詩篇殊有典洞府幾時傳鳥語騰
深竹魚聽定碧泉冷然覺生趣襟度正無邊

洞曉圖書屋清除八九間整襟親拭杖繞樹近登山湖海今

誰健風塵幸蚤還酸情全割淚只看落紅斑

矮屋深環秀蒼松故不群天空摩獨鶴山靜出閒雲交豈蘇
張合源多江海分客情常入夢搖落最難聞

寒苔蝕澗影翠雨滴烟光鶯掣橋停杖雷驚笋過塢病餘黃
面老詩學浣花堂欲望雲生足丹梯幾許長

道荷雲天大貧安湖海歸門庭何澹穆心地寫光輝霜露秋
爲洗松筠葉不飛神遊林屋洞惜莫見靈威

鶴去三年憶鴻來萬里難風刀偏欲割淚雨竟無乾夢斷華
胥隔歌殘易水寒請迴俗士駕只禮上清壇

丘壑居然勝平生我自知能開衆香國惜去小紅兒雨後雲
遮屋風吹花一池比來筋力勁交響長喬枝

深秀亭詩集卷之二十

士

一尊

晨興一尊酒靜對山光浮山光不我卻春風上四樓紅杏點
新頰垂楊迴青眸尺魚躍銀尾笏烏話綢繆傾壺送已畢策

杖臨清流

自評

岸然軒軒飄風自遠於意云何興復不淺

春寒四絕

薄陰不散杏花風約住輕紅綠水東延佇豈羞我傲重峰瘦
骨削意侗侗

亭臺碧影漲池塘有客抄詩坐一床銀日墨花茗椀伴幸無
塵擾誤荀香

卯酒溫澆不可無海棠未許艷嬌奴闌干十二閒憑遍細聽
幽禽隔水呼

水紋窓紙綠陰開趁暖遊蜂竟不來尚友遠懷千百世少微
光豈掩三台

夢回四絕

夢迴不信八年前牕紙梅梢月乍圓人在小樓凝對面親烹
雀舌煮龍涎

分明粧鏡月華來並蒂芳蘭貼髻裁侍婢笑窺鸚鵡喚綺窓
簾幕暖初開

驢雅鬚眉惜倦翁青山若指海雲東人間未必非天上贏得
芳尊看嫩紅

深秀亭詩集

卷之二十

主

生死源頭豈不明何事嬌柔情五更風落胭脂雨腸斷
孤鴻去一聲

春暖五絕

晴院堂堂百和香山腰無數散蜂房脫裘乍可思輕舉捫石
穿林拂翠行

綠柔紅嫩一層層不定游鱗撥水稜獨上橫橋明瘦影若無
惜焉竟詩僧

呢喃雙到又雕梁可似當年王謝堂書幌簾鉤齊揭盡仁風
端藉扇頭揚

好向棕亭坐翠微科頭叉手水田衣空香滿炙斜陽樹有翹
遙從天外歸

面折紅樓花幾重鄉雲高出翠華峰東皇大是回寒乞紉壤
生涯萬象濃

送梅次韻四絕

家在江南卷面村初番晴雪洗貞魂何關遠別生惆悵只覺
空亭月易昏

臺榭參差散玉鱗月明林下竟無神清真自合消空際何遜
詩情却味貧

越徑凌巖耿鐵蚪如何精采一朝收東皇若欲輕仙羽不是
浮華敗盡頭

孤山庾嶺想茫茫消得蜂鬚幾許黃莫道飄零春不至含酸
結子待情長

深秀亭詩集

卷之二十

主

姚闥珠明經對飲玉蘭杏花前

芳辰不可負惜別況將行謝樹明溫玉仙檀近赤城花光清
且艷酒力語兼評殷浩猶知愧虛空醜盜名

玉蘭杏花盛放天用復嚴蓉及至飲

皎皎琪樹本歷歷丹砂胎對面既照眼朱粉映高臺我如退
院僧住山憫年衰晴春嬌二月晨夕妙徘徊床頭惜金盞嘉

會不得開素心肯惠顧三益幸同來司開識莫阻酒星若爲
催舉手一相視園林掃塵埃貧賤遠上林謝庭豈無材旨畜

固未乏蒲斟殊恢恢客靜主復喧池塘恍遇雷神仙雖浪想
繁華乃成堆

春興十首

迴欄十二擁花樓列岫朝霞一望稠襟帶乍輕風欲舉物華
空翠雨初收不知伯仲崖丘意可許漁樵水木遊雪鬢自羞
鶯燕語懽場無那納閒愁

燈昏昨夜雨如麻曉色朝來錦艷葩已覺濃春饒潤澤何嫌
老眼不繁華賓筵美頌羊羔酒僧賁清芬雀舌茶弱柳漫垂
門版綠傍人輒肯比陶家

經時絲雨飽春分添得柔香嬾嬾聞明在清酣花有眼繡成
疊障石爲雲滿星乍可雄三戶筆陣如何抵一軍天下士仍
我黨出鶴雛偏去羨鶯群

意向於今久亦空夢迴還笑蕊珠宮當山自仰頭顙白對酒
誰同花朵紅高尚令歸辭社禁清狂人味哭途窮蛟龍昨夜
深秀亭詩集卷之二十

驚雷起萬弩潮吞江海東

古

力掃悲岐痛遠情虛靈只點一泓清風波魂夢迴前度藥草
君臣浪配名乞米帖嫌文筆陋掛冠人與野鷗盟支節日涉
逍遙谷那得青童捧玉笙

雨後潮痕白遠天柳堤人喚賣花船園林何處添香國情性
無時不硯田踏去烟鬟雲葉坐停來龍杖筇牀眠參苓莫信
岐黃術悟澈浮生是大年

才子飄零肯白頭美人香夢不能秋如何泥牋三春象容易
身強百尺樓天下事多蒼狗變卷中詩半旅魂愁閉門早掛
簾鈞月獨坐匡牀自量籌

嬌紅不惜艷陽天崔九堂開記昔年人面窓紗香澤暖笙歌

鶯語溜珠圓當筵索句雲雙袖背燭迴睂月一船我尚青衫
稀白髮金尊玉珮漫遊仙

紫塞斜陽散紫駝沙場鼙鼓近如何

君思衛霍戈矛長邊令風雷鼓角多化外要荒今版籍客中
魂夢舊悲歌書生敗味時平福幸足花前金叵羅

禿裘腥換水田衣入道人今戰勝肥亭結棕毛旋鳥道山堆
螺黛隔漁磯花時經濟天爲賞酒債神仙客未稀粉碎虛空
無大藥罷琴吟動口斜睨

又十首

蓬壺曾未遠山家不種桑麻也樹花我愛墨農畊八斗人瞻
雲海走三巴松筠骨健浮丘鶴風月心清陸羽茶郊疾何如
深秀亭詩集卷之二十

五

常作達詩名久已謝絕紗

造化山川李杜詩乾坤人物際天時無關忠孝皆餘技若論
風騷定有持酒頌茶經千載具龍文鳳彩九霄知花開意向
香能語不夢荒唐唐但任癡

思高千仞翠雲峰細聽天濤出掛龍定力偶然存慧業遙青
端合有仙宗風排開闔閭星展麗屣脫塵寰鐘鼎庸呼吸可通
何不去臣心如水老如農

竹塢梅嚴接杏村萬花谷口放柴門風烟迥合藏清秘杖屨
逍遙踏翠痕客坐宗雷蔬笋味名消詩酒佛仙思雲霞看盡
青斐意尚欠崑崙撥舊根

一揮寒食淚思親學道深甘原憲貧面看荆關奇插漢碑摩

蚪蚪博先秦輕航若探桃源路步艤常來蕙帶人開到海峯
春亦破瓊尊英緩月華銀

古稀前後卜山林不覺平空出世心門巷登會規五柳軒窓
容與刺蕉琴花鈴一聽尋常醉梁燕雙窺斷續吟音雨芳晴
皆入妙村灣蓮社並招尋

不耐蠅頭檢道書石欄花岸樂觀魚神仙豈就冠裳束衰拙
無如塵夢除大事名山荒且著長林斜日影何虛清游餘習
風徽遠郊愛樓臺靜索居

久悔風流杜牧之猶嫌太熟鄭當時江山終古烟雲氣天地
難乾涕淚詩朱粉柔香皆入道泥沙頑鐵最堪嗤何來鶴鹿
循眠食我欲辭家伴採芝

深秀亭詩集

卷之二十

六

蓬窓客帶茯苓香欲截花缸抵酒嘗嗜好不充口腹賤風流
寧割羽毛長當門蘭護人空谷繞徑蒿平背一床太息華陽
稱宰相清修亦要謝荒涼

十七年來萬事休鳳毛不信逐亡鷗形骸土木襟期澹烟火
神仙涕泗稠此意恐非天欲殺他鄉未必酒無謀淮揚沙梅
今將渡擬向宗盟借一籌

雲山

晴雲風定鬱堆山突兀瑤臺松雪斑太素本明天吟聳遂初
潔比鶴翎閒圖頃刻蓬蓬轉截泉參差絮絮灣誰信烟霄
爲洞府虛空粉碎又何關

展墓

悲行三十里緒感萬千端怕仰松楸禿差稱豚犬寒歲時增
血淚塵夢誤衣冠老慙埋兒骨新丘露未乾

晴春漫興十七絕

曉踏迴廊眼一新絳桃花近隔樓人老夫不信情還膩宛轉
掩筇度好春

疊嶂喬林散遠風居人宛在灤溪東幽禽乍歇虛停午無數
銀鱗泛血紅

烘晴入午見紅雲桃杏村西亦太群我自石欄樓而坐海棠
獨放雨三分

山房書綠香濃不在前溪在後峰壽帶一雙松翠出若叅
手植欲成龍

深秀亭詩集

卷之二十

七

玉蘭開後問辛夷肯賤雖分春共期若比朝衫須讓紫露華
不染是仙披

冷翠眠雲面壁深環廊一帶似長林就中魚鳥還飛躍雜向
山家空外尋

谷口峰衙散一窩燕泥龍簾晚春冬日遲人靜喧蟲鳥更有
驚魚擲湧波

碧桃紅藥紫丁香半壓朱欄半女牆嬌艷清真皆脫俗不循
修禊靜風光

鱗波盡日柳絲風石角危欄倚軟紅午睡醒來獨鶴唳浮丘
鯢誤落塵中

嫩綠枝頭綴小紅韶華未肯謝東風老夫一赴青山意若近

神仙想像中

翠塢紅潮風影鋪壁床竦息結跼跌衡門經月侵苔髮得似
深山古院無

輕雲捲盡蓋天青一上山坳木末亭此際更誰蒙健想塵空
只少跨修翎

雲氣山光養翠微葯房初下墨簾衣幽棲定入維摩座翠硯
猶爲未息機

流霞朱紫溢花關身在無邊百和閒半醉竟非塵世迹頻將
雙眼洗青山

花光三月湧紅潮蝶粉蜂鬚細細消把醺幾人空世諦却將
情性託詩瓢

深秀亭詩集卷之二十

文

吐架薔薇窈子葦露華庭院嫩芳拖摩挲老眼周遊認愛路
朝陽宛轉坂

綠漲紅膏轉瞬添層樓明數九峰尖洛陽幸遠柴荆賤養得
銀絲二尺耳

維垣雲驥來共分菊

晚香尚手植清課宗柴桑二子老圃來東籬坐斜陽量雨常
待曉及時肯辭忙茶條撥半尺物類固可詳土膏鬆以細
續白且黃約之培元脉扶正聽修長謹小貴得地微節適凌
霜隱逸冠上品仙家端葆光軒窓暗宿霧甘需果洋洋視我
各位置蕉葉同遊期遭際既若此天意豈有將提壺遂日賞
陶詩妙澹嘗詎敢藉息肩高秋似毋荒

飯後

飯後懶徐步繩床坐碧陰松風樓角長竹影水花侵果腹思
消渴調琴解淺吟蒼頭拙謝客酒伴笑相尋

朝烟

朝烟平一望漠漠隱簾隅岸柳遮還撲溪橋近却紆寒疑清
雨後綠浸晚春殊久立蒼茫意旋開花上頻

拙菴和尚過訪留飯

松風竹影水禽聲兀坐平臺花午晴一飯漫留藜藿慣單衣
遙撲岫雲輕深談支許無頭尾事憶山門仗弟兄我已清遊
淹老大閒居只是長芳萌

空洞

深秀亭詩集卷之二十

尤

乾坤大空洞物役塞其源掃徐失智勇徒縷塵網喧幸處老
貧賤志趣特軒軒廊廟固無具青結五畝園春曉交新夏龍
孫出短垣可以息閑影世事了不煩造化亦何私會心無一
言

雨歇

雨歇風林響泉流花徑深空亭臨獨蚤宿鳥動難禁初夏江
村漲幽情物我侵滿筐櫻筍綻可以佐攜琴

盆花

盆花如列客位置整丰儀託迹隆崇簡培元可量移惟場朱
紫貴圓本粉香吹青眼頻相近參差插石奇

移花

移花翠雨濺不礙長芳萌低檻舒昂首斜坡趁面情閒披書
卷對謝遣酒杯行近與場師密山林經濟明

闕徑

闕徑一新異清遊愜遠通巉巖腰背側林莽羽毛豐賁貼水
紋吟青園亞字紅雲濤無限走不定隔樓風

風林

風林綽生動清響貢丘園竹影虛猶勁松髯老益掀面師曾
未得空翠不勝翻轉憶嵩山頂遙啼攀白猿

空廊

空廊張面壁迤邐雅微窺苔繡滋幽迹溪烟逼晚秋月晴客
散後欄轉石停欹記得呼兒處酸辛問下帷

深秀亭詩集卷之二十

手

雙崖

雙崖聳山脊小岡劍門岐積蘚斑同壽交藤翠不移登佛近
見拱待鶴幾時騎老樹斜陽下稜稜金鐵燬

竹徑

竹徑疎而密修陰繞屋停無風生撼撼有節表青青石設鋒
稜座禽啼冷澹惺到來殊不俗散步少微星

水邊

水邊見新月荇藻唼潛魚一醵驚雷焚雙槩學佛書波紋心
髮細石影墨花儲坐久水綃薄神清道太虛

蕉卷

蕉卷風微展窓虛半欲糊滿腔種紙綠一片直心粗夜雨如

何碎秋陰最可圖羅紋不盡處那得有之無

疎鐘

疎鐘空外杳竹院隔溪橋雨歇登樓表風清浴佛朝內經枯
坐握丹鼎一絲消此際微微覺禪心十地超

棋仙

棋仙師面壁高在不爭先斂手明全局披襟聽逝川停林風
不捲澹疊月微偏偶坐分誰勝鬚眉似偃佺

西崖

西崖插橋脚昂首伏驚形窄踏危梯出深淹時雨青支筇花
壓帽喚客鳥懸亭小有瑯琊勝何時鑿一銘

北牖

深秀亭詩集卷之二十
北牖臨泉石薰風五月涼綠陰染清晝慧鳥誦空王高卧塵
氛靜微吟茶尾長晚來還待月活影走瑤光

主

圓松

圓松十八本鱗甲萬千圍雲海風濤和山光墨采飛茯苓何
歲劇盤關向人依不上黃山頂誰能出手威

圓鶴

圓鶴南池畔昂藏雙羽衣盤霄何不去顧影若遲遲立久尋
苔繡吞殘烟水霏浮丘如合相耳目玩應揮

圓桐

圓桐生廊廡樓鳳有停陰雅設揮絃座平添高士林夜深明
月到風靜碧苔侵葦葦萋萋意秋飛竟欲尋

回菊

回菊得秋令淺澹傲清霜不向籬東插偏於石罅昂晚香空
燭影風景想榮桑日日重陽節何人具酒漿

回竹

回竹千百箇淋漓風雨擊龍孫穿犢角鳳尾散竿旌似與僧
同訪何妨客不名我非郭有道脫略掌幽情

回山

回山猛劈斧彷彿貌崢嶸何處廣成子却來河上公墨花香
採藥鶴影遠排風我未騎龍杖還教翠黛蒙

回蘭

回蘭仿幽谷花澹蕪披濃意想楚騷佩香清王者風當門秀
深秀亭詩集卷之二十

無礙入夢氣能通蕭艾何須忌蓀枝固不同

侵曉

侵曉臨別墅晴烟散石林勾簾騰鳥翻磨墨喚童烹茶燼餘
香熱花開滴翠深近來堅謝客門閉且沈吟

撥爐

撥爐剩香燼宿火一星紅荀令晚餘習艱誤苦空摩挲丹
鼎座靜掩圓簾風未肯容灰冷薰修似不蒙

烹泉

烹泉吹佛火廟後雨前香綠戰宜窺白清澆兩腋張盧仝高
嗜趣鴻漸乃仙行露重鮮花滴徐徐舌本嘗

散步

散步松筠響溪風吹短衣空亭閒寂到幽鳥綠烟飛斜日行
疎雨高峰透闥扉時時愜遊覽韻澹謝元暉

栽林

栽林卜損卦障礙便當除老樹表高節空山見太虛幽通禽
座悄翠長雨花餘斧正得回理蕭疎合隱居

掃石

掃石鉦鉦突雲埋伏虎強盤阿非捷徑老丈有文章松竹留
風影水壺待月涼何礙不可坐枕水淨鷗庄

讀回

讀回語深入何山有此文日行未可草氣靜欲爲雲滴滴青
苔沾森森古墨薰案頭書可認約略似劉蕡

深秀亭詩集卷之二十

剝菓

剝菓停山雨甲枝密葉尊未能生解體聊欲答來音喧到兒
童躍驚開鳥雀侵盈筐鮮且美擲悔少年深

思飲

思飲赴幽興酒人乃解人山川王謝具羽袖雪霜隣那可荒
斟酌何能遣薄吟花枝嬌艷出意向轉津津

邀月

邀月監清飲天知林下人光華且則缺續髮登長新欲濯水
壺魄端居江海濱謫仙空浪死萬一是前身

拭杖

拭杖不容已摩挲此舊銘本標鳳尾節紋依佛頭青橫揖延

閑士閒支上峭亭一青塵不染留化老龍形

煨香

煨香灰不冷文火煮生滋聞可如空谷有來止一絲此非蘭
麝郁却與性靈思茗碗揮琴坐簾鉤月上時

自斟

自斟輒自勞解此豈無人酒德寧徒頌詩情爰可親身宜丘
壑置花趁雨陽新幸得提壺滿青天怨醉民

一室

一室缺荷完疎林射月寒土花青四壁水漲泊危灘燭剪攤
詩話歌停審樂官如何得稍整近世賣文難

石徑

深秀亭詩集卷之二十

青

石徑排雲硬荆關劈斧校勾衣青駭獸壓樹老穿藤偏作崎
嶇路常扶古臘僧如何驟雨後水氣走層層

濃陰

濃陰森綠汁長日午風高蔽石蓬影環樓沸沸濤意中如
洞府門外仰塵囂向晚疑生雨歸禽定轉搔

高卧

高卧淹白日此風餘華山簾前紋篆結窓外雨花斑謝客身
何懶遊仙夢亦刪笑他秦犯座無罪問柴關

加餐

加餐非辟穀果腹量能消撮上培山脉疏泉澗海潮貧除參
藥補閒省夢魂焦烟火神仙易遊生改善調

面山

面山時讀回秀削硬雲根不比看浮薄端教靜養尊閒張青
眼向老對白衣捫特壁林泉勝風塵可閉門

初日

初日山樓曉高林上遠鴻老人起蚤好景輒升東塵境群
然熱天門不可蒙僧窓翻未洞影已透簾籠

盆榴

盆榴明照眼千百簇紅綃春檻無其艷歌樓妬此曹丹砂午
節競火樹日中標我有雄精醜頻將珀酒澆

細草

細草撥芊芊王孫去馬前風薰蝶粉散虫響雨絲漸幾處青
深秀亭詩集卷之二十

玉

曾踏何方望不連多生終是賤空谷隱蘭荃

高峰

高峰突林表秀削拱奇青五老師雲氣孤山讓鶴翎洞明止
水井角插此君亭恰與南樓面校校讀圓屏

遠懷

遠懷兩中表踪跡悵饑驅渭北東京舊滇南萬里紆依劉非
得計御李亦旁趨負郭何時買衡門近一隅

輕身

輕身將採藥病瘦學修翎豈但官無束兼之山益青五湖留
一葉萬象悟忘形帝座昭昭上朝真却有靈

思鶴

思鶴殷懷舊空登玉笛樓孤山荒踏屐道士掠虛丹糧豈花
資益雲徒浪捲浮終當養雞大伴我碧山頭

貧時

貧時清道味澹泊寫高懷騷雅交敦舊英雄氣不理閒偏增
賦咏老幸減詆諧只欠壺觴薄留賓乏典叙

道味

道味耐咀索得之良有因性靈去烟火骨相近松筠楚楚山
川意悠悠天地春清言如可飲支許解前人

雅興

雅興增遠引津津良不休面龍思點壁招鶴望登樓韻險僧
鈔伏醅清花事稠餘年天所許選勝卽丹丘

深秀亭詩集卷之二十

天

濕翠

濕翠生生滴雨花密露珠松筠巖怪影榆柳水雲隔清畫瓢
涼袂閒居沐面耐物華如此溢我貌不嫌癯

崖岸

崖岸不可少狂瀾莫敢侵若搏角獸伏郊附草虫吟桐蓋張
風影松筠刺雨針肅然校氣節於此辨高深

水榭

水榭延晴月蓮房柳線深周遮洞檻折低礙薄雲飽久坐青
衫冷遙看鴻雁南屏除絲竹靜不若聽支談

峴巖

峴巖故作險峭筆赴峻嶒徐步審進取幽情引上層藤蘿風

繡老虎豹露眠朋日涉猶岐誤能無駭乍登

溪風

溪風冷然着細細簇波鱗獨坐憑闌久閒看走影殺幽情遠
飄忽空趣動披新逸翮沿堤掠驚魚擲浪頻

支柳

支柳回青眼柔條拖漸勻當年張緒想此意灞橋春睡鴨波
藏綠流鶯座一新天涯愁折處我卻坐風晨

提魚

提魚來舫妾帶雨軟敲門知有江湖客當開琥珀尊尺書無
寄剖雪浪得生掄絕笑空彈鉞烹鮮老水村

良農

深秀亭詩集卷之二十
良農重南畝世澤緣春膏日少三行誦宋能入口採溪橋通
星宇雞犬雜蓬蒿情性幽風古新菊肩詩陶

毛

村烟

村烟晨夕起遙望白兼青欲雨昏然去斜陽若一停叢篁低
柳屋放犢縛丹汀澹墨平雲化漁樵路可經

夏木

夏木交雄長山圍氣象深黃鸝流翠塢白日單樓陰簾捲弱
眉靜風來闔窗侵干霄千百本遮斷碧遙岑

逸翮

逸翮惺然掠窺人葉底輕風高頻轉徙葉落或俄驚不羨雲
天跡聊棲草野生羽毛良自惜飲啄豈求盈

循離

循離獨繞踏約束小空明雞犬桑麻隔禽虫雨露青園官能
上治澤國灌餘生補綴年年力秦邊易築城

拓圃

拓圃揮貧力開邊更十弓疏枰活得手泉脉効穿筒野岸溪
烟側霜秋離菊裏不妨呼老弱來助阿家翁

無魚

無魚不彈鋏葵藿養清新但恐江村索寧堪水族貧羊裘釣
久歇濠濮樂何因我望三時雨生苗有麟

朝炊

朝炊起村郭初日熱雲烟榆柳遮還出荷陳任本聯力出周
深秀亭詩集卷之二十

天

視參餘粒幸逢年尚有蓬門掩空支曲突穿

山橋

山橋駕石浪披拂翠濤風橫折欄諸嶺斜行抱十弓雨深飛
瀑打鶴路落花紅策杖時經此迢迢路未窮

石浪

石浪埋雲脚風濤莫敢掀平堆澆源勢定寒武陵源水或濺
飛瀑人今老涉園鯨魚噴雨上適駕一清軒

雲衣

雲衣輕且捲我欲向天穿鶴羽空裁剪峰頭欲脫綿風花羅
繡影霄漢近爐烟廣被何能暖貧寒忍萬千

晚涼

晚涼斜照遠歸鳥刷雲邊把盞花枝吐憑欄風影牽魚腥祈
乍雨鷗泛遶回船楊柳梧桐外襟期更豁然

面影

面影騰梧竹空庭帶粉廊風清疑曉月山靜却生鉉摩腹棕
鞋踏勾簾水簾搶面師來永日神化學無方

頽坐

頽坐林泉活鬚眉幸未枯墨薰端未食箕踞瞑將哺古佛英
雄老浮生渾沌扶鋒鋌全削盡任懶是良圖

遣畫

遣畫園林靜環廊問水濱齊聽魚飼響約數藕花新赴倦還
徐步尋幽故出神桐陰堦畔側方許速嘉賓

深秀亭詩集卷之二十

无

却疾

却疾聊曠達當無疾所安神仙飽解飲塵夢謝無干別趣詩
情引生機花事寬比來修鶴健閒味得加餐

聞蟬

聞蟬適清卧池柳綠絲遮五月薰風候閒園處士家虛聲高
絮表幻質細微誇何用終朝聒秋霜冷便差

近水

近水清晨夕樓臺若脫塵蓮熏多寶佛驚探把書人洞檻風
簾約水窓月案親紫茸徐呷罷隔院聽朝真

休林

休林美風日嘉陰被山陰坐久飄空影閒來話素心翻嫌屋

宇礙切審草虫吟未許居官遂何修俗不侵

據石

據石選奇勝伏螯蹲虎形開襟豁雲表聳骨鎖山靈湖海憑
誰澗松筠衛我青未嫌登頓倦待認少微星

事花

事花伴益友關切小心承豈聽閒開落當知有愛憎光華表
休養灌漑力晨興若但尊尊賞風騷隔幾層

狎鷗

狎鷗寧有意習久自無猜湖海空懷澗風波滑影來眠沙聊
視聽貼檻故徘徊信我沿溪步珍珍紅蓼開

面境

深秀亭詩集卷之二十

辛

面境開新築胸中丘壑靈荆關生手敏陶謝曉山青險僻禽
垂語幽深屋宇停最濃墨瀟黑風散雨花零

瞋坐

瞋坐鴻濛象簾垂點易軒黑甜將欲抵青白不須翻冠履安
方整鬚眉靜或掀渾然清晝遣微覺醒禽言

骨立

骨立七年久堅支鋒鐵稜秋山霜樹直老鶴海天乘瘦挺聊
如此癡肥本不能詩肩益聳健無用倚蒼藤

入化

入化了無迹冰壺水月涼渾消大智藏不事破天荒蝶夢莊
生幻梅妻處士香解人殊未易圓影看空廊

修林

修林去拙筆表表老昂青有骨撐奇節高風展遠馨凡禽巢
不得愚谷地爲靈疎節飾霜月秋聲更可聽

釣磯

釣磯高碧沼不復餌潛魚每藉見扶穩空思鶴立徐嚴灘留
寓跡漂母憫窮居此意思千古風前悉掃除

石鯨

石鯨噴水口鱗甲突長形落影魚驚避平巖潮欲青蛟龍未
敢擬雷雨若爲靈何可騎天上沙痕苔髮腥

僧札

僧札雲門寺因風江雁來蒙茶交濟遠誼菜味初回月洗三
深秀亭詩集卷之二十

辛

秋夜人登百尺臺把看多歡語支許不塵埃

呼禽

呼禽山林表笏鳥竊卑聽求友殷何遇因風達有靈似留閒
客伴未肯夕陽停高在常棲影遙聞古木青

睡餘

睡餘省清響環水一虛堂梧竹風敲晚禽魚影遯涼力綿支
偃仰意懶任洪荒忽報蓬門客衣冠急莫莊

長日

長日遲山館松筠碧晝陰杜門如隔俗把卷久耽吟花映周
選檻風清宛轉琴煮茶屢活火銷盡未降心

高聽

高聽層樓角風揮萬樹頭如何城郭晚已似海天秋響闌空
偏切疎鐘遠不休君門思咫尺聞說納如流

耐老

耐老堅支骨松筠冰雪清全憑王謝舊可學佛仙靈圖面娛
泉石文章炳日星龍鍾幸未甚且欲養雛翎

披月

披月冰綃薄空陰晒晚涼棕亭石檻座水榭藕花塘濟遠平
昭曠周遮被鬱蒼廣寒秋最白的欲舞霓裳

不出

不出松筠窈窕閒居養翠深胎禽修有翮野馬去無心客就琴
尊座溪平臺榭陰丘園肥遯久人望似遙岑

深秀亭詩集卷之二十

圭

訪朱子如慙才約過荒園見示傑作印次來韻二首

客憶驪壇伯風馳下澤車多君能百鍊老我情三餘欲就長
懸鏡難求未見書藕花擎蜜鉢懷抱願來紆

聲價今誰定江山政破題攜琴須命酒有阮肯無枯水遠通

雲氣村荒繞葵葵牀頭金久盡約可典釵鏡

朱子如同張宜公過談竟日疊前韻二首

清晨蕭掃徑高柳拂停車客妙雙龍合家青五畝餘貧傾囊

落酒韻補竊殘書莫趁斜陽易南樓待望舒

酒闌高散步確把古人題郭泰客於李孫登嘯敗粘荆岩悲

抱璞天祿照吹蔡我有荒蕪集宗工幸刊鏡

養拙

養拙師黃老端知古道尊衣冠羞棘手草野澗柴門抱璞堅
能守無官病是恩往來惟舊雨杖屨綠苔痕

守默

守默凝山岳支言力掃除緘金思古誠竭火笑秦餘未必鳴
爲風安知樂在魚近來得清簡併不讀殘書

端居

端居碧圖面學道尚清修十畝喬林密通波北郭幽峰高雲
豁眼客散月登樓性懶門常闔身心自可休

和八雪原韻

雪花

寒葩六出碎晶晶誰剪瓊姿撒漫輕飛絮牽風愁別夢羅浮

深秀亭詩集卷之二十

圭

落月憶深更續粉無數翻銀浪開放難禁鬪酒兵積厚光流

琪樹發謝庭端的近華清

雪珠

誰將合浦倒掀天魚目牟尼粒粒然未必鮫人齊泣雨若爲

瓔珞散金仙同雲無量娉婷價子夜難歌一線穿可惜彌空

紛浪擲虛聲寒乞不勝錢

雪水

不信空團一掬無分明超脫濯水壺掃烹名士清言味泛入

寒江把釣圖琪樹滿山流碎瀑星河瀉影浴仙兒源頭合處

津津白銷盡脂膏却未枯

雪燈

赤心一點不偷寒，養得餘光白玉盤。水質偏能遮火氣，仙家聊作挂金丹。經翻午夜蓮臺碧，月綴蒼天雲海寬。三昧誰知明六出，迴風定力幻空觀。

雪佛

龍象何須金碧莊，聊披太素見空王。修成滿月峩嵒臘不學，寒山口舌芒蓮座只應圓。白璧雲龍不許蒸，名香一肯莫染真。如在立化迴光示上方。

雪獅

絕無聲吼幻同雲，駭走空山百獸羣。毛卷威棱殊凜冽，唇掀寒噤怕殘照。只堪水月真如坐，突出巉巖太素文。全用白描，搏力大當前，雄鎮水犀軍。

深秀亭詩集卷之二十

雪

風中雪

悠颺不定轉蒼黃，晴濤箕星白日光。迴舞漫同翻掌洞，空明輕與凍雲翔。瀚海渾傷別蝶夢，悔魂逐太狂。獨釣寒江衝浪去，仙踪未必足漁郎。

雨夾雪

雨花慘慘雪花癡，誰散飛泉撲蝶圖。清洗松筠兼落絮，亂牽魂夢欲平湖。彌天却湧蒼茫勢，轉瞬如何澄滓無。粉碎虛空流不住，祇塗神化總冰壺。

濕露

濕露碧穠穠，秋林叢桂黃。珠苞金粟綻，山館石梯涼。流影烘初日，空陰綽有漿。承盤悞漢帝，仙掌笑東方。

洗石

洗石醒塵渴，雲根驟雨青。斑瀾活苔繡，骨格硬山靈。獅吻羊群突，重書鳥篆銘。支筇仔細讀，明在夕陽停。

索酒

索酒食不淺，其廉却未傷。白衣誰遣送，種秫歲全荒。燭剪筇窓夜，蛋鳴菊圃霜。何能少斟酌，雅興解人商。

習靜

習靜立梧竹，青吞壓水樓。閒聽連次雨，生濯幾分秋。鬢髮荒顏坐江山，憶舊遊。杜門無不可，風約圓簾鉤。

吟月

吟月撚鬚白，陶思達廣寒。徐銷烹雀舌，滿坐宴蒲團。露滴深秀亭詩集卷之二十

雪

蟹和潮平潤，岸灘秋清如此靜。伴我一盃蘭。

問月

問月明來去何難，滿百遭。覓安晴有褶，桂影白生膏。搗藥將誰服，擎杯盃我曹。松梢高仰切，隱若答空濤。

醉月

醉月味清遊，飛仙似可求。把盃狂二客，近水出南樓。話滿隣源晚，香生靜夜秋。廣寒應見怨，萬事且銷愁。

眠月

眠月疎簾揭，空齋雨後清。羅帷峰樹影的的，草重聲醒酒涼。水簾懷人遠，石城不嫌涼。夜永心跡印虛明。

迎秋

迎秋致朝爽涵靜坐虛堂地僻蕭疎影心空遠澹香遊鱗噴
水穀立鳥答風篁不厭浮雲薄爲霖望蚤涼

風前

風前舉輕袂便欲擬飛仙老樹危樓撼開雲遠水眠花鬢稍
嫩葉墨采照晴烟徙倚深幽討禽魚共惘然

桂香

桂香噴遠近不獨小山前使曉簾衣揭臨風展齒穿軒窓疑
月窟酒客欲飛仙久請尊鱸味何煩招隱篇

自勸

自勸屯清賞天香襟帶風潛消無碍疾不悔漫成翁琴硯摩
牀古江山縱眼空笑他車馬跡那得近壺中

深秀亭詩集卷之二十

美

選菊

選菊端高簡清於友晉人風騷良有以約束不嫌頻竹院閒
僧嗜柴門老圃隣移來多妙本位置已先論

待菊

待菊涵道性蕭疎晚節長清霜透舊簷新雨過山莊未見光
華質先扶枝葉香小山冷桂露我獨尚重陽

載菊

載菊平雙槳大光水影浮圓圖風景貯意象物華幽柳岸迎
騷客柴門送好秋恰來問字酒銀浪激沙鷗

集菊

集菊高位置南軒列幾層文其未可隱賢者乃堪明秋老芳

筵客霜清瘦影燈比來無俗累佳興十分增

對菊

對菊數晨夕秋華約靜當松醪肇墨士峒芥滌僧房琴鼓高
深調鴻征一兩行澹然幽致遠寓目不尋常

繞菊

繞菊步斜陽籬東水一方高秋鶴骨健歸令酒人香仔細留
青盼偏生愛澹黃徘徊思穉子牽袂俱昂藏

映菊

映菊澄潭冷沙汀石檻東明標無漏影傲寫晚披風遠火秋
陰動潛鱗夜半空會聞飲者壽今我亦成翁

把菊

把菊攬秋柄閒行過野橋兩兩殊可入風致一何超小院僧
迎揖前村席見招婉詞乞分贈芳氣撲詩瓢

深秀亭詩集卷之二十

美

寫菊

寫菊吮澹墨秋霜象外明傲舒高士意秀出晚香清立石叅
欄角寒蛩伏草壁聊憑逸興點不用老垂名

耐菊

耐菊禁秋老葆光際小春不解荷座冷直接嶺梅新性命交
花事神仙遂酒民義熙千古意着眼至今存

九日

登高不出戶縱目上南樓十畝閒身健空天萬象秋新詩清
獨老舊事憶同遊滿泛茱萸酒黃花慰白頭

不寐

丈室香餘枕幌清
蕭疎秋雨過三更
何曾夢試遊仙術
只是禪空閱世情
名落江湖聊信遠
養如木石未全輕
晨鐘的向僧窓返
便自開軒繞宅行

宴坐

宴坐臨霜月
心田止水清
了無攪雜事
但有剎閒情
老樹峰雙翼
空天雁一聲
餘津茶尾嚙
近罷酒爲兵

西廡

夕陽射西廡
流景麗高秋
世慮渺然去
仙風若可求
芙蓉紅水面
鴻雁遠峰頭
小立閒情寓
詩肩聳不休

定力

深秀亭詩集

卷之二十

宋

定力持何況
片翳猶插遠
天寧爲物役
競惟覺性靈
偏文酒消香
國秋園帶秋
田久忘蕉鹿
夢並不學頑
仙

黃葉

黃葉當秋晚
喬柯襯老晴
人偏松菊韻
風自西園生
白髮紅樓上
低雲遠水平
醉餘聊放眼
身世一何輕

題面四絕

天低遠影浴紅雲
洞口尋春渺不分
却有人家烟漲外
騰騰濕翠撲晴曛

濃陰日午滿山頭
空響風高百尺樓
若把丘園名洞府
華陽五月可披裘

立鱗參差噉水邊
丹黃未老菊英天
摩霄健鶴分明遠
江漢

秋思去宛然

巉巖開徧玉芙蓉
枯栢凌空欲化龍
獨有朱顏人不老
鬚眉喜溢十分鬆

題水墨牡丹

穀雨初晴墨瀟瀟
龍雕闌春放鼠鬚中
青蓮學士親朝對我笑
披圖假化工

踏葉

踏葉芒鞋響秋林
脫老晴閒巡山路
曲小伏草蟲鳴杖豈支
龍化身堪比鶴輕
蒼頭全不掃聚散視風行

風定

風定高林直低雲
遠不行樓空無際影
山龍晚秋晴鳥語
深秀亭詩集

卷之二十

宋

衣貼茶烟書幌清
衙門明水鏡夜夜月華生

夢回

夢回非所意
萬里一身輕
老鶴騰空影芙蓉
繞化城秋窓寒雨
滴錦砌小虫鳴高枕
惺然後無端笑此行

循廊

循廊撲秋雨
屋角洗松筠清響一
以異幽情乃可親
簾香烟霧氣杖撥
回圓人有約潮平候
徐行不厭頻

碎雨

碎雨滴秋殘
風林疎密寒山家
隣竹院墨客帶園官
雲霧空陰合江湖意
象寬小花偏奪翠
吞吐倚朱欄

大丹

葉落秋林風雨寒層樓宛轉一憑欄空天遠去雲兼水半郭
斜披雁似鸞貧賤益堅骨辣味英雄無賴剩清懽丘園十畝
孤身健酒力花光是大丹

潮平

潮平雨乍歇疎柳拂寒烟一片柴門白無遮鷗鷺等動中皆
潯影空外卽遙天沙嘴歸漁集呼尊欲醉眠

晚秋

晚秋風雨故蕭蕭窈窕山房魂黯銷石畔高松如僕客門前
低柳欲平湖遲將花市開離岸添出骨牀度板橋清賞空懷
聊寓目數聲橫笛又僧寥

獨擁

深秀亭詩集卷之二十

早

獨擁霜花滿百行貧家特有麗秋堂蕭疎翻笑東籬陋秀挺
無非老圃強謝客晚吟騷興足燒燈賜影月痕涼雕欄甘讓
春華占彭澤遺風或可當

菊前三首

菊前舒士氣霜葉抱霜清高在空齋寧能修晚節名松膠泔
蟹眼鱸膾滑尊羹細領重陽後連宵愛月晴
菊前來遠客欸欸話三秋剪燭香生袖勾簾月上樓誰吟閒
傲骨未謝老風流若比陶彭澤吟情亦漫投

菊前秋末老青照惺然新金碧延山館風騷味酒人名齊芳
九畹壽過小陽春秉燭遊清夜閒居儘耐貧

夜夜

江邨風物味秋冬夜夜持螯酒力勝屋宇苟陳都近涉雲霞
襟帶若堪騰高鴻遠振鐘初落短笛空吹月有棧不赴賓筵
卽治具蒲團佛火又留僧

維垣雲驥載菊相送

津門疎柳拍鷗旋落日平潮到菊船大有情懷供雅好何修
晚節似高賢虛堂位置無其上老眼光華不可捐那得白衣
擔酒甕燒燈便欲肅賓筵

連朝

連朝風雨判秋寒黃葉蕭蕭響隔籬我自草門圖面濕人疑
雲宿古香盤高深久已消塵况疎懶無非味道安箬舫雪灣
誰載菊故俟手植署園官

深秀亭詩集卷之二十

空

黃葉

百年高勁節霜氣老當秋紅紫何能及流光未可休江村漁
艇岸山寺佛燈樓聚散枝頭意天風豁遠眸

半醉

半醉浮生九月秋黃花庭院碧山樓吹笙若有凌空鶴載酒
何來問字舟萬事塵餘夢影百年橫髮羨丹丘不知此意
天容否斟酌居處第一流

小窓

小窓滋雨氣坐久一花開翻覺閒難遣明知老已該龍團添
細煮蘭紙按頻裁清響空林笛沙彌亦俊才

銀蟾

老去銀鬢稀更長林泉風采硬堂堂誰知王謝當年狀可有
神仙不死鄉琴鶴漫隨寬杖履圖書高排對水霜差強小輩
惟留此象簡金魚讓廟廊

平明

平明仰天表殘月澹疎林南國秋方老閒居客蚤吟何來塵
障影遠滌海潮音不用驅車出焚香整素襟

客到

客到三更月柴門浸玉壺牽舟平泛菊眠犬省啼鳥漁父蜀
牀問廚嬾酒甕扶話深頻換燭催我了詩逋

小酌

雨廳思小酌花朵作嬌陪舊夢愁無益今秋醉幾同神仙非
深秀亭詩集卷之二十 望

苟活心血似難灰不覺移情久魚跳水一隈

雨絲

雨絲不許老秋乾斷續風前酒未完梧竹空亭交撼撼江湖
獨客去漫漫難穿別緒柔情嬾易濕紅粧香夢酸記得橫塘
書四舫彈箏摩笛攤清懽

深更

深更殘雨滴斗室燭花紅被酒披仙錄煨香撥女童思通五
湖去悄若萬山中卽此淹清坐如何氣似虹

曲房

曲房明雪竇舊物小安當宴坐琴橫石欹眠書半牀不虞風
雨疾深庇歲寒康衣夜燒紅燭茶星白醉鄉

清遊

丘園日事清遊九折巖廊百尺樓但有風烟驅野馬更無
波浪駭盟鷗朝川盤谷蓬瀛象洛社香山宦海秋歎負蒼生
君父報棕鞋竹杖換吳鉤

殘雨

殘雨寒難剪鴉啼黃葉村酒家香水岸漁艇縛柴門小市爭
新有低烟易薄昏詩懷如遠客欲送博釣魂

寄懷沈霖蒼西安

灞橋寒柳雪花穿夢去潼關又四年客況那能消記室慈顏
無奈望歸鞭男兒劍氣貧多折風雅襟期老入禪中表惟君
關道義尺書南雁幸頻傳

深秀亭詩集卷之二十

望

送何赤岷主簿歸錢塘次關梅峰大令韻

短簿從來傲晉人家聲水部况超塵一官敝屣輕黃葉三日
寒潮達小春直道民懷申此意歸裝詩重不嫌貧請看舊聽
華亭鶴綽弋多撝羨雁臣

卞蘭塘別駕過飲卽事書贈三首

風塵思欲繡平原誰問蕭搔十畝園客到石欄琴硯座酒行
霜夢水雲軒千秋業豈尋常就百鍊鋼今不可言恩重官休
年尚壯蒼生淚未上臺垣
家聲海宇大君宗那得眉低賣菜傭燭火忽燒雷電走龍泉
不悔斗牛衝金山鐵甕淹遊展鱸膾鮮絲強晚春我輩惺惺
矜互惜肯教易散一相逢

嬌歎急管而簾西若使雄心氣岸低身寄客中愁費剪淚紅
醉後句能啼小春却過重陽好落葉其如宿鳥栖車馬自歸
偏縱步嚴城嶢峴靜環溪

次下蘭塘別駕韻再送何赤岷主簿歸錢塘三首

暮僚不可久難在笑啼間棘絮了無着湖山近竟還丹循吳
越勝人知驚鴈聞冷縛琴書去清荷花雨斑

仙吏景梅福誰能及古人卷舒間血性出處屬君親暴雨驚
潮濁浮雲薄眼新不如歸卧穩圓面趁輕身

西子湖心月頻思蕩槳遊六橋新

帝咏南渡剩僧樓我夢啼鳥曲君看紅葉秋過庭如問及絲
雲盈頭

深秀亭詩集卷之二十

四

花光

秋後花光許小春晴溫微逗故枝新得舒老眼尊前座又獨
銷魂夢斷人面手香風難入化山家生意不曾貧莫嫌絲雨
朝來濕爲洗輕粧益王神

籬菊

籬菊秋雲散清霜耐晚英何曾束縛慣綽任率真情晒影風
微顛寒蛩根一聲十弓老圃濶似已富淵明

近午

近午寒烟清蕉窓碎雨翻臨池草蘭紙入耳約禽言琴靜書
唯揭茶松火繁何曾仙學究不過養丘園

坐對

坐對丹黃醒再三小春偏趁老秋酣鬚眉人峭烟霞骨臺榭
風掀松菊潭面理有誰明入化詩情着我儘閒探高鴻遠響
征行去只傍空香彌勒龕

寒鴉

朔風連夕緊颼颼千萬寒鴉點不休黃葉村頭入蜡廟青龍
峽口敵江樓驚時水雪愁兼雨別路蓬鞍嘆敝裘坐醉煨香
搓耳熱老人消受是何修

酒闌

知已千秋得幾人丹楓黃葉老精神不堪蘇李開河別但覺
詩書歲月貧事去樽疊支藥石却來鬼蜮誤風塵僧樓竹外
明漁火清絕南天叫雁臣

深秀亭詩集卷之二十

望

下蘭塘別駕招同郭恬菴司馬陳汧西開梅峰兩大令

楊少尹謙集草明經醉霞堂

行厨細究五侯鯖湖海清流八斗名入座宦遊風雨夕燒燈
香艷歲寒情荆巖抱璞心終割草曲後歌鸞統鳴獨闕驚天
裂地論邀榮一顧鐵蹄輕

晚風

不定寒鴉點蕭搖黃葉村歸僧吹野岸老圃縛柴門酒想澆
愁力詩驚送別魂前溪明滑路多寫荻蘆痕

缺月

樓角疎疎樹溪灣宿雁沙虛明高不滿澹遠射微差戍鼓傳
聲斷漁燈伴影斜蟾官懸破鏡偏照老大家

殘燈

霜葉舞孤亭紋窓爆一燼半牀明處約一枕夢回青寒夜支
頰影騷人倦客星不挑亦未謝隱隱貼虛屏

風晨

山空黃葉雨天捲白雲衣獨上危樓曉遙聽寒雁稀飄零餘
慷慨老賤不輕肥萬里驚濤壯帆思南海歸

雨夕

圓理稠陰昏情坐醉餘魂銷萬里客燭秉一牀書不是揮
殘淚如何老敝廬蕉牕竹岸外尚有趁潮漁

花新

疎雨淺膏沐微風動兩枝笑如可解意香在未全時卯酒臨
深秀亭詩集卷之二十 吳

初日蜂蟻撥一絲樓頭人去盡雙燕故參差

白雁

玉關銀海異征行清矯遙同逐稻杭天放秋高翔太素人驚
夢遠落迴光寒輝自足凌霜雪五色何須比鳳凰不到上林
憑短札獨將皓魄煥星芒

白燕

梨花春雪影參差不是烏衣主謝知青鳥未仙塵漫剪雕梁
欲語月應遲鍾靈滿望投懷魄纖晰虛穿織女絲若愛雙
棲澹雅妝樓從此薄顰脂

卞蘭塘別駕重過小園和韻

寒塘落葉覆潛魚山氣雲光滿敝廬不是高懷殷問竹何能

緩踏坐無車盤餐小住披晴月鴈政清言索異書此意祇應
李郭曉霜鴻一過夜牕虛

胥江雨泊

闌闊城暗雨師行滾滾胥江怒未平天下幾人存骨鯁客中
何事不心旌燈昏夢憶殘紅影歌斷香消沈柝聲惆悵花樓
寒澤國空懷千里暮愁盈

示客

八年不遠出病以貧爲拙家園十畝青門掩空山月倚杖且
徘徊臨風搔短髮一朝激知已道義解吳越目駭危牽攬夜
半號出沒隔板爲此隣幸濟乘潮筏我舟亦橋折無恙而突
兀歷險靡不有定力視倉卒插旗打鼓來煌煌擁節鉞顯晦
深秀亭詩集卷之二十 吳

各隨遇得失徒咄咄君子守其常世路爭恍惚智士達其變

省躬察聲骨

寓夜

歲晚愁風雨雄心挫客貧孤燈淹午夜千里夢懷人欲解張
陳發全教物我覩銀鈔能剖石蛇鬼不成神

與張景琦袁兆儀飲

客應掩寒雨愁索不能遣忽逢兩奇偉射虎縛歸大長揖一
相視立談交豈淺呼尊急燒燭盤餐市無腴筵後開竹肉寓
主迺妙選牧羊逼陰山風沙百斛卷旋囀伊涼曲兒女榮冠
轉張子名祖傳有聲漁陽劍北鎮干城名父半刺冷資志寄
籍遂久陷堤行袁生落拓猛荷戈年少慷慨起悲歌自言遲

阻穿楊枝欲踏邊陲霜草坡吁嗟二士近頗牧時平且緩對
候逐城頭戍鼓已三搥醉來淚灑英雄目執手分袂星河曙
他日重逢定何處

浪出

丘山磨李諾浪出闔閭城孤館驚鴻雁寒燈坐酒兵得毋風
有位未免淚蒼生歲暮空囊客如何更遠行

橫塘

十年客阻橫塘過人面聰紗夢想空流水遠交天影白霜林
斜觀寺門紅不知村市誰家舊尚有花關何處工行昔從遊
都寂寞低徊無限目高鴻

般若菴

深秀亭詩集卷之二十

吳

夾水長堤入環門老樹林風簾閒處冷霜葉坐來深閒覺津
津味平鉤種種心僧衣雲影白香閣澹空陰

老桂

初地栽培潔空山歲月多僧窓遞晚照客眼景高坡不是淮
南樹今生安樂寓天香何足羨我愛老摩挲

惆悵行

惆悵莽惆悵客久神不王吹簫聽吳市躡屐虎丘上霜草爭
要離浮雲夢砧砧客落者舊交眼底畏時狀麻姑降紫家白
馬奔霄浪神仙豪俠榮得毋多傾蕩夜雨打寒牕敲裘擁髀
憐起來又阻跡五湖寧易放瘦鐵繡空囊宿醒似抱恙殘書
拋復拈掃筆徒跌宕壯士謁維揚二妙可飛將材大用最難

側身愁遠望

寒山寺

紺殿籠生翠空烟澹遠暉客航衝圓去僧杖隔山歸忽覺身
心妙全知塵夢非疎鐘清噴貝目極雁行稀

採蓮巷

遙想香紅粉吳宮麗夕陽客窓今此地半醉一蓑床

百花洲

一片繁華夢瀾瀾空影賒至今憐兒女多解種盆花

錦帆涇

來去都無恙風烟異昔遊誰知書四舫老客又淹留

泰伯祠

深秀亭詩集卷之二十

吳

古殿高標出遙思開化人無能名至德瞻拜一逡巡

真娘墓

西施五湖去虎阜墓真娘不信殘紅粉能流生死香

劍池

一泓天影碧下與海波通虎氣杳然寂遙明佛火紅

可中亭

頑石頽然冷生公法久空亭前聞塔語幾片落花風

胥江

白馬靈旗掣寒潮滾朔風闔閭城上望燈火夜船紅

不避

男兒尚鯁直老去怪純鈞閱世少委曲何能化戈矛所貴方

寸內熱血無包羞毀譽豈足定經權濟借籌水壺洞肆達昏
夜味良眸齒相攝強敵李諾重山丘浩然申我氣卑瑣迺沮
謀松筠清霜出大海納細流懼爲君子惜遑避小人仇

對溪曉發

待旦不能寐揚舠赴酒行寒潮吞月影獨客聽鴻聲身世飄
零厭鬢眉貧賤輕不堪絳火下從僕拭龍精

唯亭夜泊

歲晚空歸客風濤不定舟鄉關聊遠引魂夢漫縈愁獨鳥啼
林月殘燈剔戍樓侯生公子意薄俗豈輕投

早過玉峰

寒影星河澹熒熒見玉峰迎橋衝野鳥得句叶晨鐘東海冠
深秀亭詩集卷之二十 辛

紫座西州涕淚胸經過增百感今日少君宗

小除夕

梅嶺珠胎渥松濤翠雨清了無煩老拙已定小經營紅燭青
尊座寒宵邊海城歲除留一日春氣恰將萌

除夕

草野身強泉石恩一宵殘臘待春溫椒觴自泛瓊瑤剛蠟炬
高張松竹門天下幾人勞遠想意中何事默傷魂英雄剩伎
神仙學霜雪鬢眉悞鈍根

深秀亭詩集卷之二十一目

元日

春朝

春明

人日

陳懋才天用小集

待眉山可山弟不至

穀日

遣興

青園

勝集

卽事

太史高東墅先生招集

曉亭

馬蔚田過飲話舊

移榻

排花

園簾

小睡

怒雨

山齋

深秀亭詩集卷之二十一目

一

曉涼

山朝

天野上人過訪

七夕

贈李郡侯再復公祖

題周允修小照

立秋

夜半

此心

積雨

秋懷

袁章菴七十六歲舉第五子

酬馬蔚田

酬陳天用

病餘

病起

漫興

贈韋德剛入泮

張思廬文學移尊

促織

題吳合章文學具慶圖

中秋

曰道

舊會文酒追思三十八

沈雪峰大師

吳日千茂才

沈濤思高士

朱拜石司李

田鼎淵徵君

吳六益山人

董蒼水徵君

張洮侯宿儒

諸乾一進士

沈友聖布衣

盧文子茂才

朱彥則茂才

林安國明經

錢子璧明經

計子山文學

沈弘濟宿儒

杜讓水郡丞

張子毅孝廉

張梅巖中翰

汪蓮菴大令

張硯銘孝廉

周應垂國博

陳山農隱士

張弘軒州牧

姚赤城孝廉

姜夔清庶常

謝提月文學

錢武子茂才

戴龍軒徵君

顧雲南司訓

朱雪田州左

吳屏山司訓

吳莘才進士

蕭紫崖市隱

范武功上舍

李寅谷孝廉

董正度州左

張凌秋進士

樊書山使君招集

重陽前二日

九日

贈王堯臣

擬應制體

朝野多懽娛

清輝溢天門

靈景耀神州

高臺眺飛霞

振衣于仞岡

亭亭高山梧

事爲名教用

弄江壯風濤

松柏有本性

風動萬年枝

江海旣無波

君子聳高駕

結念屬霄漢

春草秋更綠

天路安可窮

飛鴻響遠音

池塘生春草

白日麗江皐

秋風生桂枝

長烟引輕素

登高望九州

深秀亭詩集

卷之二十一

水木湛清華

至樂非有假

薄帷鑒明月

君子道其常

獨有延年術

遊以神理超

萬象咸光昭

春色滿皇州

黃鶴遊四海

膏澤多豐年

萬里猶比隣

杪秋尋遠山

山遠行不近

秋日懸清光

太平多懽娛

暮收清西陸

懷抱旣昭曠

日華川上動

藹藹慶雲被

願欲一輕濟

嘉樹生朝陽

虛館清陰滿

千仞寫喬松	扶桑升朝暉
東髮懷耿介	時鳥多好音
連峰競千仞	山水含清暉
清機發妙理	遊思竹素園
春芳動宸駕	明經有高會
襟懷擁虛景	君子通大道
清曠招遠風	丹霞夾明月
綠水揚洪波	青松蔭修嶺
山明望松雪	密林含餘清
澄江淨如練	魚樂清音動
嘉木繞百川	積善有餘慶
深秀亭詩集	四
卷之二十一	
飲德方覺飽	崑山積瓊玉
仰觀嘉木敷	江路西南永
洪鈞陶萬類	衆星燦以繁
條風開煥節	敦俗勸耕桑
銀漢麗宸章	花積似慶雲
天地一家春	淑氣動芳年
飲馬出長城	皇恩被九區
好雨知時節	宸眷囑機滿
夙興瞻曉月	霞光照雙闕
曉樹流鶯滿	山水佳新霽
鶯啼楊柳風	志與秋霜潔

春深五鳳城	薰風入舜絃
樹色帶晴烟	登臨萬象懸
魚戲芙蓉水	雲暖龍行處
春色九重深	登霄忻有路
恩共物華新	滄海是恩波
月令農先急	廟堂多暇日
聖情常有眷	風俗盡還淳
春來津樹合	晴天度旅雁
山白月猶明	禮樂中朝貴
晴光擁紫宸	雲山清影中
山明遠色同	樓閣繞曲池
深秀亭詩集	五
卷之二十一	
江山飛麗藻	倚檻鵲巢邊
晴花度竹尋	文物多師古
御爐香暖	賜酒酌流霞
南山樹杪看	樹重巖澗合
長堤春樹發	芳樹曲迎春
風師卷太清	長懷聖主恩
紫庭文樹滿	時雍表昌運
承平聖主巡	佳氣滿宸居
天文遂仰觀	龍輿上翠微
北闕雲中見	聖主崇文教
三光懸聖藻	聖德周天壤

聖朝無闕事	晨霞綵仗懸
香含紫禁林	清風搖玉樹
山明日駁前	麗景浮丹闕
彩鳳肅來儀	駐蹕撫田畯
天向萬方明	春入萬年枝
景物麗新晴	野老歌無事
朝臣飲歲華	深山何處鐘
簾疎月到林	山高雲過遲
驅馬向秋天	月湧大江流
花繞傍池山	山中有流水
山花趁馬蹄	青山江上秋
深秀亭詩集卷之二十一	六
心與清暉滌	萬國奉君心
春事滿林扉	魚遊樂深池
他鄉到是歸	御柳初含色
對酒山長在	雲驤甥孫送菊至
雁中姪送菊至兼秋櫺	巡按廣東
寒雨	謀樽
到蕭塘	別心茗
大道	掃葉
懷亭河上歸	至日
董補宸別駕	歲寒漫道四十八首
小除夕	除夕三首

深秀亭詩集卷之二十一	雲間潘鍾麟磨峰
康熙五十四年乙未選二百七十首	
元日天用復嚴齋亭過飲半閣	
春回有脚歲初華臘底懽騰瑞六花此意九天開玉宇明圖	
白屋近仙家辛盤政肅屠蘇醴佛火香烹蒙頂茶福指東吳	
公等健泰平風景祝桑麻	
春朝二首	
春朝揭山館晴窗暖初回老坐薰香令明標處士梅無言聊	
點筆有伴卽銜杯頗覺半裘重丹爐未可灰	
凌晨翻百舌徒倚聽橋東勢面蒼崖秀排窻初日紅花光霜	
深秀亭詩集卷之二十一	一
膩粉魚沫水掀風折東詩簡遞春觴適八公	
春明三首	
瑤樹嶢嶢處士家春明第一放梅花貧來觴咏清偏給學究	
神仙老轉賒書劍儘拋泊客難遑鞍幸不去天涯杜門十畝	
岡青氣樹樹芳萌似早茶	
詩波綠柳絲風亞字巖廊宛轉紅有徑上通仙佛閣無林	
不散翠芳藁酒消驕雅閒停仗書到關河信遠鴻但潤雲興	
霞蔚意却教名姓落詩筒	
十里探梅半竹林溪雲遙與畫圖陰閒身此日非容易生意	
從天有淺深漁父桃源何處入匡廬遊社幾時尋比來觴政	
嫺陶謝更喜場師肯惠臨	

人日

草堂今日好風光省得霜髯鶴骨強天下何山不洞府人間
有海大文章平船客送梅花酒淨几衣侵鷄舌香獨聽幽禽
啼轉換青回十畝未曾荒

陳懋才天用袁國博章庵嚴廣文復嚴陳徵君咸京沈
州左樹人羅明經懷亭小集

不期而會踏晴春香座匏尊恰七人天下草堂何處少社中
肩雪及時親巖梅溪映珠胎滑岸柳風牽眼角新惆悵金門
呼殿客辟疆深憶閉清塵

待詹山可山弟不至

海豐歸後歲寒愁君到柴門我放舟泰伯祠前空夜夢機山
深秀亭詩集卷之二十一

臺畔白雲流眼看風景皆圖畫心切宗盟缺缺酬底事春王
遲穀日池塘草色已青柔

穀日俞明經蓉及招同天用章菴荀令役嚴收自懷亭
虞誠霞集集敦復堂

穀日春風已不寒年華新喜正儒冠縠紋錦幘圖書屋寮果
瓊漿銀菜盤石角梅梢雲折徑城頭月出水鳴灘鷺何客
非陶謝笙雅雅熙杖履寬

遺興二首

漁樵村白早梅芳請向良辰淺澹嘗學道但春雲水活凌空
欲待羽儀翔清齋幽况思摩詰晦跡無才謝洛陽可惜懶牽
書畫舫琴尊老上舊懷場

膏雨潤翻春曉青危峰翠逸一虛亭留賓詩話添茶甌託跡
花源指歲屋鶴駕每看雲影化心田只養物華靈巖嶠僧札
羅浮夢道岸因緣豈不經

青園三首

青園膏雨足老樹擁芳萌日擊禽魚樂窓搖洞經明羊裘非
釣客筇杖引空生遲日饒詩話閒支出世情

北郭通波繞精廬遠近多空靈滋畫境何象不烟蘿雪浪牽
魚陣春風擊壤歌全家嘗此意天許好消磨

綽有栽花地能容歇足人漁樵雲水路草野畫圖春醉罷看
山冷才荒守硯貧近來添小築陶謝集嘉賓

勝集

深秀亭詩集卷之二十一

綺閣徵名部醇醪會大賓元龍豪氣壯樂土歲華新角伎當
無兩標忠特有因明良今在上歌舞太平春

卽事

日月驚空陸邊疆熾烈烽仙是危脫虎狂大豈成龍發曉戍
巢卵庸醫誤鼎鑪與亡描寫盡激勵有心曾

太史高東墅先生牡丹花前酣賞竟日

濯錦卿雲殺雨晴殿春穠豔歷江城堂開富貴神仙坐意向
花磚休沐榮朱紫洛陽微內召風流天寶憶清平金鈴飽響
秋枰拍拂檻徘徊醉不行

曉亭

曉亭環濕翠峰峭綠溪鳥語窺人立林風捲竹西乾坤清

此席圖畫著丹梯初日側窗外雲霞遠遠低

馬蔚田過飲話舊

結交老蒼響金石廿年異地鄉園隔夢想以之千百端鬚眉
霜雪荒親炙雀羅門外忽狂呼掉臂直入凌雙屐語無頭尾
輒相視驚喜莫喻轉歎惜惜我顏唐一至此腰既完挺骨何
瘠撥醅促膝就花陰松風竹影殊爽爽樓船鈴閣迴中江
湖魂定守楚澤郭華陽是何許人百鍊堅鋼洞肝腸君同往
折憤歸田搜錄何存不堪役武備一掃理文事絳帳還坐扶
風席海濱望董作人瑞貧固其常勝執戟兒能掣電孫善讀
釣游鯉兮刈廣陌丈夫不死畏邊疆圖史連楹消晨夕此意
未始非天厚據鞍豈同舉案拍擎拳索賄復技癢脫帽露頂
深秀亭詩集卷之二十一 四

移榻

移榻軒窗北溪烟夏午涼魚吹涵石影蟲語淡沙茫枕簟松
筠綠蟾眉琴硯張輞川圖不遠身世想漁郎

排花

排花抵列伎位置各因時勝引風流座低徊金粉思貧家新
物態花眼笑情癡細讀徐熙畫香奩自有詩

圍簾

圍簾深綠蔭洞達簾虛明不放鬚眉氣卿連琴視情慕非空
鎖日細帙綴連櫺若與塵凡隔清香隱隱生

小睡

小睡淹長日山川夢想通餘生休且懶託世定彌空樓面雙
啞鵲簾衣一線風惺然聞見後不覺又微朦

怒雨

怒雨轟雷疾乾坤卷盡昏蛟龍行振甲河海沸驚魂不是荷
流暴終爲大沛恩平添三尺漲漁艇刺柴門

山齋

山齋陰宿雨六月醺清寒樵青煮雀舌濕翠派迴欄我既循
牆走捫石上樓端道書聊一揭擊磬出雲盤襟帶得修整留

深秀亭詩集卷之二十一

五

次東海寬僧問崖丘侶烟霞可晨餐啼禽躍花影隔塢響風
灘納息遂老守何須定簪冠

曉涼二首

曉涼恍出世塵雜未會來水面荷珠滴簾陰蕉卷開雲破開
別館棕扇上丹臺誰問門前客山中老不才

晚涼挂殘月健翻起松梢泉石風何洗天人氣可交竹爐因
客沸玉聲有童敲移案南軒下三唐手自鈔

山朝

山朝開宿霧日華高絕巘本非塵妄區慧眼何不辨老僧出
古寺石乳飲白犬清磬半空落松檜斑鱗鮮我時客棹霞此

意覺妙選長林豐草間今亦小排遣揭簾燭微修築坐早

淺刺咏走園丁人事未能免

天野上人過訪賦贈

臺榭桐花雨陂塘蓮葉風頽然臨古德於此信詩翁力設人
天供靈從烟嶠通比來何所得願對月明中

七夕天用韋菴翰友荀令復嚴義亭奉及維垣雪驤同
集二首

佳夕新秋近閒園舊雨來笑謀觴政肅紅趁水葩開騷雅非
卑調神仙定異才危樓不用上守拙久忘猜

誰辯雙星事吹笙縵嶺歸人間天上意鶴影鵲聲稀且得新
涼坐居然九老圖林泉未可薄戀語任依依

贈李郡侯再復公祖

深秀亭詩集卷之二十一

六

碩望龍門峻元音金石清御屏添異數典郡出神明騷雅

歐蘇席東南烟水城隨車春有脚捍海患先鳴霹靂威凌攝

珪璋溫厚平燃犀無不照懸鏡敢誰櫻民隱今除痛村胥遂

大生石壕眠夜月澤國歛吞鯨按部揚朱憶旌廬深杜衡紀

綱得要領操舍寓縱橫識量揮高暢風流屬老成寸田耕率

直保障掃虛聲身是青蓮化官初五馬行閒閑看竹飲古寺

待松烹峰泖都輝映翫許定評州民頽郡屋野調伏蔬枰

蕭體栽培德彌深仰止情

題周允修小照

清時閒却老英雄不見封侯便固窮嶺雪剛風飛佩鐵虬髯

無賴高圖中

立秋有感

一片蕭疎意桐陰向夕風當秋禁得老觸緒那能空歌笑琴
尊內乾坤江海東如何成獨客養鶴待賓鴻

夜半

夜半撓風力竹樹勁鳴金屑樓眠獨客殘夢落遙岑往緒聊
一觸哀怨亦無侵惟有向閒閣高雲洞此心

此心

此心澄弱水塵氣收高風迴光荷可鑒何象非秋空賤貧天
所許智者達鴻蒙觀魚碧潭上策杖喬林東病原謝藥草得
酒爲感通欲語更向誰白髮仰蒼穹

積雨二首

深秀亭詩集卷之二十一

七

積雨驟秋急新涼接夕深空齋江漢氣滿楊竹梧陰暗濕頻

年淚愁添寄遠心林泉高更濯門榜到鷗侵

米盡藏巖甕陶詩咀性情闔扉無事冷立木有威鳴香閣燈

爲口書城酒是兵愁寐恐太甚飄泊念蒼生

秋懷十二首

沙海魚龍怕夜號禿堤官柳已難挑樓船玉粒天庾重唇齒

淮揚民命勞故道何時歸

庠算驚秋終古沸洪濤平成願頌宜房築奔走羣工孰敢叨

沙漠長城燧久荒金風只合響邊防誰容六月貌貅突敢犯

三秦部落強赫怒緩擒開一面懷柔聊與約三章中樞推轂

勞元佐遠通潛消刃勿傷

喜峰口外瞭鷹臺秋到離宮

駕未迴玉乳金桃供帳殿詞臣羽衛肅風雷萬幾小住穿楊
出百戲憑空控馬來民瘼最聞宵中切雨賜勤問動不
韓劉心計協精勤鹽鐵軍需富國勳今日要荒咸致力中原
版籍益紛紜山川魂夢繁邊警鼓角星河動夜分爲語勞臣
明布德

君門萬里最先聞

秦關閭嶠作賓鴻十二年前事鏡中驢背滿橋楊柳拂蓉城
燈火荔枝紅雲霄乍可容臣朔絳灌何曾刮阿蒙龍性客非
繞指具掀髯一嘯海天空

六朝松翠擁樓霞冷澹參寥風日斜鐘磬香隨霜雁度鬚眉
深秀亭詩集卷之二十一

八

高許客星誇出山汗愧虛塵夢事佛心還坐雨花月上樓臺
森倒影有誰同味趙州茶

蘇李沙場古別魂劍鋒客散信陵門英雄家國歸仙學食
山川剩涕痕怒馬難收流血閒鷗易點秋蘆根真龍耳食
何能好只合賓筵仗醉兒

鄭村西繞許單溝葉底收香啄土樓客况細尋霜月淨詩
偏媚管絃柔頰唐蓮夢荒孤影不信青衫濕白頭雁空填
盡語咽太原城外憶淹留

百人樓前八月潮綠陰紅吐美人蕉客來舊雨聊閒越身似
蒼山納靜要龍性酒言衝劍氣泉源仙引潑詩瓢昨宵明

揚州夢竹樹笙歌廿四橋

洞庭木落月華明鴻雁魚龍入夢聲鐵笛吾思飛醉客樓船
誰過武昌城蒼茫帝子湘妃怨飄泊襄陽夏口情不盡漁樵
驚鼠窟莫輕三戶靜編氓

矯枉虛聲故自驕何能仰答

聖恩超深源怪幸空書咄劉毅翻堪任舉豪天下士難登殿
陸山中相已彈漁樵烽烟間說勤邊備投筆咸思學射鵰

萬頃風濤洲島青輕身那得駕虛靈蛟龍伏處騰鸞鶴霜雪
空時浴日星此意未會聞閩脉餘酣只厭渴塵腥白蘋紅蓼
蓬窻路閒賦高秋賜紫冥

喜見袁章菴國博七十六歲舉第五子時方百有二日

拈韻二首

深秀亭詩集卷之二十一

九

蘭蓀連實種香風結解攀來跳虎雄客是高陽多舊雨翁如
曼倩引青童百年三月初半禿額張拳笑淺紅更羨諸兄
森子姪慙慙指風池東

雙鑠而翁秀山塵宜男憤種翠松筠華筵召客侈能事英氣
充間養王神未必八龍頭角少適齊五鳳羽儀新黃扉若欲
徵人瑞風雅儒冠滿席珍

酬馬蔚田早秋寄懷韻

白露兼葭江海秋思君夢寐見披裘如何聲氣鳴空谷若爲
神仙居好樓物色近來希鶴羽人才老去號龍頭書幄劍俠
窮愁誤那得風烟擁十洲

酬陳懋才天用原韻

泉林半村郭荷馨古調類唐坐日擁來往都清妙石丈不
嫌瘦花枝偏遲少空亭送日斜芳池待月照開尊隨咄咄
琴不用召簾外捲山青竹西聽鶴叫僧侶亦頻將夢魂掃
要金風昨夜多汾水思李嶠本無入洛心誰學磻溪釣過
事便非陰晴且難料鴻儒庶達音滿座紛譁笑

病餘二首

沉雨滌塵跡清涼引道心病知勿藥減韻輒灌花吟天地容
疎放山川長澹陰門前何客到疊雪正披襟
脫粟藕花步文炊蟹眼茶遵生清肺腑託興屬烟霞事笑冠
裳破家貧水木華寸畊殊不擾何得亂如麻

病起天用韋菴彤士義亭蓉及思廬天申同集園亭二
深秀亭詩集卷之二十一

首

舊雨憑歡合新葩次第開秋酣佛手訣在沸酒星才善病清
鬚髮浮生寄草萊巉巖不畏險一上竹西臺
湖海烟雲長風騷李杜家輪君身健鶴顏我輩無花翠滴梧
桐雨香澄峒吟茶山陶聊可涉後會月當華

漫興二首

白晝奇雲盡空林疎雨殘意常吟豔藻交半信儒官門靜平
湖浴樓高昨夜寒尺書通萬里爲我勸加餐
何計破愁城憑几按墨兵牀蕉蘭玉秀風過雨絲清仙籍思
輕舉貧家刺老名硯田新異闢一飯飽黃精

贈韋德剛入汴

絃歌習濫典圭璋每恨英雄鈍劍鉞年少如君當大用交深
三世益稱強時平頗牧費官肅行達驛駟聲轂光使我飛揚
授筆意奇瞻骨相最昂藏

首

張思廬文學移尊深秀亭招同天用復嚴義亭蓉及二
春介堂前客鬚眉剩幾人畏君中表著念我老饑貧雋味調
佳製蒸酥飽飲醉行厨穿一棹烟火出松筠
陰晴俄屢改鷗鷺掠池塘坐久蓮鬢揭酣清佛手黃詩情空
入化酒德縱無方雅集西園記於今彷彿嘗

促織

促織繁中夜秋新躍豆花機牀人最省村壤葉交加力轉
深秀亭詩集卷之二十一
十
嘵疾空憐瑟瑟賒物情刀尺動涼坐過窻紗

題吳含章文學具慶圖

祿養世所希志養天所依堂前幸具慶五倫首光輝及時中
萊舞何待青雲飛延陵長邦彥春事庭幃阿翁偕阿母齊
肩仰高躋佳兒上康壽戰勝而迫肥未捧紫泥請聊乞願珠
璣驪雅鶴墮契娛親於隱微此意知者獲鳴珂讓荆扉君看
軟塵逐汗漫多遠遄救水失承惟徒聞老獻秋何如省晨夕
青衿美著緋不貧復不賤棲遲賦樂饒誰非披圖者克諸人
望歸

中秋

玉宇光昭秋正中南樓老子興偏雄竹梧交處增山翠兒

來時泛酒紅謝客今宵門巷冷焚香頂禮水天空芙蓉城繞黃金粟坐到三更境不同

白蓮

愛此明心瓣香清不染風亭亭表玉立矯矯向天空滴露珠光滑凌波月影同晴窗聞鶴嘯或有羽衣通

舊會文酒強半作古低徊追感計三十八姓名各系一詩以見同時鍾秀蜂泖可傳者不少亦表我後死誼使後之覽者撫今懷昔有足稽爾

沈雪峰大師

名浩然

雪峰航海返漢官落佛奴清涼滌肺腑大事不糊塗一身寄蕭寺蒲帆挂五湖痛哭讀離騷家國恨血枯翰墨抵救荒月深秀亭詩集卷之二十一

士

下瘦脚跌具有晉人致淹忽老浮圖此意固自矢乾坤作完夫

吳日千茂才

名騷

國家重養士士固各有志恥作兩可人青衿潔科第歌哭飲酸辛激昂高清議城市且罕入惟恐名教墜往來但文酒方袍不顧忌澹若忘機鷗筆花燦新異梧桐秋月下坐臥一清秘何必號頑民醒眼豈曾醉青山白水魂畢世脫纖累

沈濤思高士

名白

君以不羈才家訓不就試自號天庸子曰民高位置離垢花源未嘗雜世事觴咏響金石飄飄挾仙意耳熱飽墨汁清縱盡致眼前少此人生惜爲時棄

朱拜石司李

名在鎬

公年臻康耄矚子明於漆絕無仕宦習味爲詩書益晨夕布坐隱一著不肯失飲量僅三蕉懽懽慣坦率升沈與天游未嘗形固必旁觀慨伯道全歸竟靡疾

田髯淵徵君

名茂遇

三泖白區與水西擁拍天菰蘆中有人虬髯名在田結客遠文酒埋石築林泉余時甫弱冠門縛孝廉船醉呼好畏友謬許馥蘭荃徵車老始出急歸便瞿然兒天已有孫何必多憂煎氣岸不伏頽茫慨逝川

吳六益山人

名懋謙

延陵抱隱痛牆東堅避世歌哭遺鬚眉華亭聞鶴嘯詩名動深秀亭詩集卷之二十一

士

帝京驛壇振結契公卿倒屣迎妙在渾夷惠布衣遂完初忠孝殊關係梅花書屋下綽然娛老計遺藁感景慕捐俸刊牙慧能教父執誼斯人可風勵

謂趙太守名寧

董蒼水徵君

名倫

氣岸瀾江海才華燦雲葩董子醇儒富圭璧美無瑕難兄澹墨榜孝廉名似加酒痕侵滴淚客遊少寧家薦版上徵車抑鬱手空叉一臥遂不起寶匣折青蛇

張洮侯宿儒

名彥之

海鷗久忘機清流終不濁此翁無懷民外垢非齷齪詩文信口宣不必事雕琢聲氣迺遠達黃扉景抱璞小飲索解人長貧輒行樂異香開舉室鶴駕歸五嶽平澹過一生脩修三寸

覺處士如處女不嫁即仙學

諸乾一進士 名嗣鄧

九峰清妙主純以恬退高松筠養氣味天性帶風騷往來漁樵內安枕泊驚濤輕身狎鷗鷺名久薄劉曹逍遙三十載一朝聞雲璈納息杳然化魂夢不生勞

沈友聖布衣 名時

北郭號短沈赤頰挂鵝衣日午斷炊烟綠蘿榮荆扉緇衣關詩名式廬生光輝感深知已痛疾走拜素帷冷交灑熱血冠裳重寒微當筵碎玉筍借此亟潛歸佳話傳輦轂侏儒世所稀

盧文子茂才 名元昌

深秀亭詩集卷之二十一

古

經生操選政時名噪星日晚年究風騷細細饒著述善病不爲困硯田闢參朮龍頭恨點額徒燦生花筆我生爲晚交景仰儼師律君謂後來上誰知老衡泌近習多浮誇追念情秋實

朱彥則茂才 名和

公子健修鶴翩翩出士林羅致蓮花幕聲價重南金脫塵走龍蛇抱膝梁父吟阿堵輒散盡四海饒知音美髯白銀絲老豈肯愁侵至今想逸韻天表遙青岑

林安岡明經 名子卿

鬢毛森二尺昂藏嶺山骨木訥了無關讀書不肯忽客拉蔡經略贊襄爛征伐歸來殺汗青紀事日星揭充棟壽梨棗匡

牀傳正笏憶在秦淮館修誌住三月尊酒每對擎舊事述毫髮與我交忘年丙夜添榻榻長者具典型未嘗怨汨沒

錢子璧明經 名穀

錢塘舊名裔半爲峰泖秀風騷老擅長書入二王穀天雄成相國禮重師儒首嘉愷不易形亦善補箋奏緬懷晉魏人落絕塵垢斯人不駕鶴神仙迺大謬

計子山文學 名甫陽

翩翩書記老詞翰學蘇米坐臥百尺樓庸庸爲清洗目電口懸河衣冠肅周禮酒懷獨放曠莫能究根底鬚眉不及白一生無毀詆

沈弘濟宿儒 名耆

深秀亭詩集卷之二十一

五

宜和兩學士翰墨耀乾坤峰泖之間出君爲大雲孫慙慙懇懇意惟恐墜名門墨池連筆塚寢食習朝昏經月不見客祖德述舊思偶出苦饑驅江山雪涕痕託詠襲漢魏憔悴謝荒村青箱竟烏有天道從何論

杜讓水郡丞 名登春

風才利劍鏘峭骨削鵬翮個強老莖桂恨不破資格熱血填一腔名重輟物役鐵畫透紙背支諱喜開闢瘦損於薄宦惜未閒遊屐

張子毅孝廉 名守

張緒當年想風流敷春藻鷄壇執牛耳務名時在抱一放孝廉船首宿遂坐老晚更入京華醉態酣殊好相送出春明未

省愁欲稿短札寄斷鴻荒園得蘭草青箱幸有託松楸誰敢

倒
張梅巖中翰 名永澄

孝廉及清時一生豐溫樸酒懷夜夜開無往不行樂交道久
彌敦搖之誠不濁細疏金蘭請春風吹蕭索能曠平等觀子
書繹抱朴但可不深較情話遊海嶽固應長後起丹穴文鶯
鶯

汪蓮菴大令 名濂

蓮菴善頌酒厚重猛氣魄之官取蘭竹貪不礙清白南池亞
西園作主密於客餘習靡不動却坐催場癖惆悵囊空一
病荒救策

深秀亭詩集 卷之二十一

六

張硯銘孝廉 名潤懿

雅人端深致老鶴在泉石酒德美靜鎮具眼洞雙碧終日寡
言笑堅坐可連夕微吟達天幾者翠登松柏俗塵自不染亦
少縱遊履懷古獨沈鬱孤行有奇癖秋風滿故園何處尋遺
跡

周應垂國博 名翰

雄才高氣岸驍壇表領袖肝膽照冰雪友誼熱補救名父襲
黃伯佳兒情鋒透三代堆著述恨不明錦畫綴翮既霄漢疾
作於憤疾於我藉手足冠裳遠輻輳東南失此人近習徒卑
陋

陳山農隱士 名治

山農華源住圖史秀畊鑿中歲學韓康楓橋託賣藥偶赴京
洛遊雅致轉落落家以節孝傳詩畫於間作行年八十外猶
能健登閣揮手謝塵世荷衣恍乘鶴

張弘軒州牧 名錫樸

盛年振巍科方州典泰岱憐才蹈條約風波失宦海罪迺道
義師歸田擁勝榮丰神秀泉石文酒善養晦逍遙五十載厚
福頗自在垂老益熱腸三族均親愛此應洞府籍厭世而倦
退

姚赤城孝廉 名釗

祖德著獨座慨然念不振昂首望青雲致身攀千仞故舊訪
黃扉久客能不吝一鳴始驚人詠諧輒不慙未免恨折挫造

深秀亭詩集 卷之二十一

七

化權轉瞬實志碎圭璋食報竟莫信

姜蔓青庶常 名遠

天資濟力學孤寒奮刷翮當其未遇前陋巷因窮厄漢宮覓
蠅頭吟咏響金石玉峰大君宗揚譽登射策一戰大祿闕遂
爲憔悴客急歸臥枕簟不復蠟雙屐疾哉流電光霜雪短髮
白美材罕與儔壁碎珠可惜

謝提月文學 名植

昔稱舊王謝謝實勝於王謝後多清流名節重冠裳著族春
中浦明月潔秋霜處士不矜奇下筆耀琳琅悠悠栩栩意道
義爲鋒鏖得失置度外把醴吸花芳蕭然老村落好景去斜

陽

錢武子茂才 名德震

博數老成衡門棲北郭我常晨夕俱清談勝良藥花開南
柳月新句肯穿鑿堅坐碧山顏白眼脈輕薄師事多名流推
入蓮花幕食貧耐晚節酸辛未免憫倦圖落秋英餘香是行
脚

戴維軒徵君 名茂隆

鷄壇健聯絡戴子善樞鈕英敏動熱血多予少否金蘭膠
漆誼翳豈徒文酒得名布叢叢薦版櫛柳取舍何足介痛
心而疾首吁嗟命不辰琴硯無人守

顧霍南司訓 名衡

城南多名宿顧子膺貢元當其噪日下健翮凌軒軒司訓就
深秀亭詩集卷之二十一 尤

冷席勉力究道原抑鬱不得志抱疾返故園強支植梧竹固
已厭世煩臨牀數慰問搖手但勿言雙眼秀且長如何痛啼
猿斯人不永年蘭草荒湘沅

朱雪川州左 名軒

丰神迥出羣公子秀邦彥擅長史墨妙骨性不寒賤杯酌可
不設權青時時扇中具丘壑精鑒出定見苟非餐霞者亦
應輝翰院垂老催薄宦引疾已示倦夜半駭風潮塵網遂不
戀

吳屏山司訓 名三省

各體習淳化惟君擅神骨天資秀絕倫點畫不肯忽朗吟蜚
自信遊行破理窟風流俊逸才選拔名已揭誰甘苜蓿盤演

江幾汨沒量移俗下寮不善上官謁歸田守畊硯臨風搔短
髮跌宕老彌工頗近兒于滑樂道謝物化流芳當不歇

吳莘才進士 名元詒

君家難伯仲時有雙鳳目令顯鋒太銳太息早不祿莘才恬
退極形骸如土木竟以魯得之兩榜揭名宿依然守故我琴
硯甘初服不願登仕版但可伏龍腹敝廬葺風雨蒲田充餽
粥悠悠里社內撫松或問竹門外掃雜賓古調循端肅君子
哉其人全歸美完璞

蕭紫崖市隱 名中素

力作講風雅市隱擬壺公秀削一蕭叟迺出塵寰中好爲梁
父吟種菊涉離東亭林顧野王高名誰可同遺調詎不絕布
深秀亭詩集卷之二十一 尤

衣響秋鴻開尊村味足鼓棹夕陽紅神堪入圖畫言笑拍花
葉我最賞其犖不必論句工尤無卑靡俗清氣散太空

范武功上舍 名鼎

聰穎忌穿鑿庸流充富貴大半謫塵世顛倒抑才氣范生飽
讀書究心風騷味詞入宋人室畫敵荆關毅奈何託青囊小
技若無謂以此成傳業食貧何必悔細帙滿清齋購奇不惜
費未得老支筇有子頗可畏

李寅谷孝廉 名賜

閱閱期昌俊短李小精悍九歲畫劈穎堵牆前羣看飛鳴不
得高相國留山館遂羈二十載文酒逐昏旦骨立奔母喪面
目脈井開飄零五十外一第酬氣岸不及入禮闈疾作恨長

歎同庚我賤生鶴唳聞天半

董正度州左 名建中

文敏千古人 磨注寶翰賜孫枝却寫生聊以文邊幅落拓
湖海氣守祠食祖德 翠華慰南幸召見恩遇特荆門立補
官就其素授職天下誰不知傳家又華國惜不年力待破格
用不測歸魂竟山丘悲思曷有極

張凌秋進士 名嗣

名父難兄後文明圭璧純自然佳子弟氣味秀松筠中歲端
師範鸞坡得良臣恙蟲忽急思岐黃無解人火疾誤治寒毒
草殺鳳麟憶別天寧寺公宴暢連旬握手羨空返戀語難酸
辛誰知便永訣榮瘁抑何因

深秀亭詩集 卷之二十一

壬

樊書山使君招同俞梅亭高嵐齋許桂巖范樗長四廣
文集太平講院用坡老和遲子由贈孫志舉韻

合肥作古後湖海久無人重以鬚眉舊晨星散食貧君來爰
蒼鶴地主翻爲賓此道惺惺惜蘭譜締良姻清光百萬里何
處非秋垠遊耽謝康樂宜薄梅子真誰堪軟塵踏車馬渴城
闕獨將空囊揭八表密比隣陸離精腴列醉飽寧不仁一時
寒儉腹滿座懽生春笑我齒全豁頽然老白民餘習荒莫嗜
筆墨猶能親服膺師表席俞脫快絕倫既欲名千載毋怪乏
金銀花枝動欄角芳雨滴嬌新但起詩腸走不復口諄諄弘
願與天下聲氣於何均更約騷壇伯水壺洗出陳

重陽前二日樊書山使君俞梅亭高嵐齋許桂巖范樗

長集荒園用杜工部丹青引贈曹將軍霸韻即贈書山

名山何必付兒孫塵寰那得近天門海隅刺我顏頑石痛癢
誰關更遠存維揚賢裔稱金昆騷壇宦達皆飛軍支譚追數
廿年事轉幻蒼黃亂薄雲眼前此類管窺見何曾舊仰靈光
殿不如聊就鷄黍約北憲啜水芙蓉面擎杯潑墨且快意况
惜流光疾於箭諸君旗鼓適相當驚雷掣電猛交戰即今誰
是跨青驄鐘鼎山林迥不同叫雁月寒秋影碧樓船萬里薄
長風勇者利往住者懶均在行藏體用中龔黃五馬登龍重
日日邀賓座不空明知地主漁磯上峰陰水繪消閒向無多
惟聚窮驪歌絲竹淒聲立惆悵期君再副蒼生望莫學神仙
自了相我之委頓不足言獨有詩情未肯喪看君下筆走龍

深秀亭詩集 卷之二十一

壬

神津津生氣露天真英雄定帶烟霞骨騎豈時流冠蓋人珊
瑚珠串玻璃醞饌供行厨頗不貧歸筵請與確齋說善養芝
田健鶴身

九日同梅亭嵐齋桂巖樗長集書山寓分得山字

九峰空翠約龍山高在南樓一望間氣岸千尋征健翻文章
百世憶仙班客情酒債流連重風物秋香聞書聲聽到鐘疎
紅剪燭銀蟾水殺溢蒼顏

贈王亮臣

廣庭漠漠羅幽葩紛披翠影凌窓紗洞簫忽響迴欄角舌本
徐薰蒙頂茶不知秋思清何著更吹玉笛招鸞鶴抑揚硬壓
鬆毫髮憑空恍惚梅花落誰其相助妙解人當筵迺許度陽

春英雄氣飲澄弱水但覺空際翔鴻賓移情至此端入道那
得塵氛雜煩惱皮毛故態刷精髓字字生花不肯草開元應
笑李龜年賀老琵琶亦失傳過江畢竟推王謝得樹軒中昌
後賢竹西鼓吹翻新穩似種青苗秀舊舉生意油然而從古胎
人間豈得有凡本烟霞骨和林下風窈窕宛在月明中可憐
老夫滿頭雪一時酒熟桃源紅秦州公子文章伯偏掃懽場
坐冷席得毋回想粉香叢舊夢重生消不得方知聲也入人
深甚於目擊蕩遊心最工却隱無工處玉樓縹緲貯黃金歌
龍眼光洞於漆四壁寒蛩還唧唧溫柔鄉是神僊窟平原十
日須促膝

擬應制體賦得一百六十一首

深秀亭詩集卷之二十一

三

降入翠雲多

南山鬱佳色上苑近霄絕嶺玲瓏骨靈臺約束腰天開晴
妙染地擁燦奇嶺覆載容無限瞻依豈更超輝應鸞鳳繞意
可偃佺招攬鸞華迺引端躬正蚤朝

朝野多惟娛

帝德崇洪運民懷洽廣平泰階有道正膏澤及時行擊壤康
衢意呼嵩望幸情獨租施雨露扶杖慶山城願效華封祝忻
看草木榮茂歌聞喜起村落報秋成

清輝溢天門

子夜開閭闔瑤華繞北辰班聯鸞鶴羽座拱帝王真銀漢
明黃道金烏揭曉春萬方遙下拜一德秉洪鈞紫氣蓬蓬遠

晴光霽雪新 龍顏端有喜恩露湛津津

靈景耀神州

九野星辰列中天帝座遙龍頭高鳳闕日彩煥雲霄八表爲
風動丹宸納海潮乾坤鍾聖域金碧麗不昭紫禁空濛翠清
時萬象超文明首善地會上御溝橋

高臺眺飛霞

致身登百尺極目仰中天紫氣胡然爛丹梯不盡懸端知
闔啟廣被羽儀驚下界誰能近弘文我欲宣崇霄揚此意流
景幻無邊帝座通呼吸臣心識變遷

振衣千仞岡

濟勝須有託位置不可卑氣岸迥迤上襟帶揚威儀致身登
深秀亭詩集卷之二十一

三

絕頂掉臂健探奇俯視陋一切高懷掃危疑君子青天懼名
山古畫師排雲若有駕未敢去清時

亭亭高山梧

託根非卑植聳幹立修長翠葉大造鳳凰鳴朝陽不嫌疎
雨滴能益早秋涼玉露銀河鴻水蟾蜍寒雁翔羣峰方拱綠一
葉未經霜桂樹徒招隱卷阿願對揚

事爲名教用

禮樂敦元化乾坤繫大綱豈能無特見悠悠誤微芒筆挽江
河力文典奎璧光當先天下任敢白殿前強毀譽持歸正經
權審可商精誠忠與孝吾道闢荒唐

春江壯風濤

蛟龍將變化宇宙動神靈大澤有遠觀驚潮無定形桃花紅
泛綠天影白搖青怪可燃犀滅山當嶺石腥樓船馳萬里襟
帶噉高亭直北皇州近朝宗豈小涇

松柏有本性

蒼秀非凡植生翠挺歲寒豈獨厚地脉迺並出雲盤天姿固
飽勁物理畜清端不逐春華影寧披秋露灘雪霜歷圖畫骨
節正衣冠凜凜不可犯但當肅仰看

風動萬年枝

古幹挺雲蓋涼吹走翠濤根盤山嶽巨靈寫畫圖高卑近榮
應向清空舞不勞物情容與舉樹杪適相遭鱗甲稜稜頭針
鋒冉冉挑嘉休揚莫覺生意鬱陶陶

深秀亭詩集卷之二十一

西

江海既無波

地軸走不已風濤潤更平聖人端拱極大澤效澄清洲島遙
應辨檣帆去不驚鯨鯢攝影伏星日浴華明龍藏朝宗納岷
源西蜀行琉瑯貼鑄鏡光映百千城

君子得高駕

卑棲非抗志大川濟清時展自東山出心瞻北闕馳小儒爲
不得名世任何辭即此詩有勁如從雲路吹居然公輔望不
愧聖恩知寧足題與重人倫山斗師

結念屬霄漢

青雲明在上香案憶崇班草野雖初服雲霞滿舊山和鳴參
鳳馭紫氣護龍顏近御鈞天樂西來函谷關肅當朝帝座

謾豈落塵寰耿耿虛靈燭誰耿泉石頑

春草秋更綠

流光廣化育時序遞紛遷青海旣歸去飄風已冷然王孫原
舊路芳徑豈無烟疎影鷗莊潑輕魂蝶夢牽潮平八月雨露
濕繞村田翻似剛搓柳新蛙色轉妍

天路安可窮

天清香無上北極拱彌崇紫禁長空際青蒙一氣中龍顏雲
影駕桂樹月華宮薄海渾連水雲旗但捲風蒼黃渾莫測於
穆信微通聲臭會何著當陽萬象紅

飛鴻響遠音

萬里雲霞路三秋霜葉風長空刷翮勁高唱作賓同閭闔星
深秀亭詩集卷之二十一

圭

晨度樓臺江海東寥寥偏寡和矯矯省愚蒙鶴唳疑應近龍
吟默可通揚徽端借力青在一天中

池塘生春草

青海茫無岸榮萌奄有根園林明水畔雨露濕天恩細細輕
爲寫萋萋綠是痕鶴兒旋化城蜂蝶滿前村書帶聊相比湘
蘭少此屯連枝雖託咏大德徧王孫

白日麗江臯

勝地原無定皇天聿照臨光偏落木後影動絳霄深明鑒澈
晴馭清華寫素心風濤金碧映樓觀畫圖侵有鶴翔銀漢何
人揮玉琴揚舲千里達巴蜀妙山陰

秋風生桂枝

種自蟾宮貴香當風影飄蕩收明得令金粟長新標隱託淮
王賦思沾玉露潮小山容漸大叢樹意偏饒賓雁關河夜紋
窻琴硯朝松筠同氣味不競暖青條

長烟引輕素

物態餘空染生機妙細尋悠然無盡意綽有不蒙陰淺著何
曾定微芒詎惹侵晴烘芳雨甸飛撲好風林晷晷鷗莊白依
依練影任塵氛清絕外不是渾浮沈

登高望九州

分野周星列開懷千仞巔乾坤青遠曠名跡古今傳一覽空
何際憑虛益渺然舉頭輕似鶴放眼濶於天襟帶雲霞近山
川風景妍要荒歸順後廣漠迥無邊

深秀亭詩集卷之二十一

三

水木湛清華

流景修林出風潭寫影多陰交生翠滴晴漾綠香和石秀沙
迴貼魚跳鷗乍過習池澄妙筆盤谷麗幽坡轉眼雲烟化中
天蟾魄磨渴塵明不到心境問如何

至樂非有假

平生雅昭曠賦性與天遊濠濮觀魚客賓僚得月樓立言繁
名教築石儼丹丘適際蛟龍化高翔麟鳳儔酒懷澆爽燭詩
興走滄洲不覺洋洋意明良在上頭

薄帷鑒明月

良宵不可昧欹枕逝三更窻紙既朗照牀衣逼虛盈餘香紋
篆吳幽况玉壺平雁語霜天濶風篩秋葉輕周遮如有著深

省一無撓弱水臣心白荒唐夢久清

君子道其常

經史昭雲漢中庸秉聖傳物情懼遷變事局隱行權不朽儒
宗論昌明黼黻年異端安可長上理本無偏交感天人際和
平禮樂宣老成謹守意端藉達時賢

獨有延年術

聖壽萬方春無疆慶一人毋勞丹竈熱只供御爐神堯舜如
何主崖丘不足臣蠲租養餘力解網活弘仁禮樂和平化生
機康阜淳笑他秦漢昧誕妄漫求真

遊以神理超

濟勝徒寓目通靈非淺符悠然烟水界却有性天香一往青
深秀亭詩集卷之二十一

三

空氣六時無定方雲霞襟帶意晨夕日星光林表勾芒細巖
情畫聖長形骸非所計翫鶴託翔翔

萬象咸光昭

帝德周無外物華普顯揚唐虞天日際霄壤鳳麟翔熙世文
明極仁心胥澤長和風吹化雨樂土達巖嶺忻向皆榮被恩
濃出異常車書一統大聲教煥堂堂

春色滿皇州

雍熙渥元化氣象麗京華魏煥文明展生機物采齊太和鍾
不淺大德徧休嘉芳雨滋青綠條風光被遐瞻輝金鳳闕紫
禁玉龍沙拱極朝天處過瞻御苑花

黃鵠遊四海

振翩健中舉摩霄達遠空羽毛中不賤宇宙無窮意矯矯蒼鶴霜清陋斷鴻銜烟明眼碧就日曉天紅鴉雀誰能覺關河世本通利優周穆馭雄超大王風

膏澤多豐年

雨露天行健江湖地湧深皇仁弘藹藹粒食飽林林畊鑿安生遂山村入盡尋頻書大有歲穰壤太平音白屋饒荒穀黃雲擁布金何方不富庶宵旰尚關心

萬里猶比隣

閱世羞卑伏出門仗有功車書同治統山海豈憑空得路斯堪達臨岐却不窮雲霞圖書籍麟鳳羽儀風汗漫毋辭遯身輕却大雄望衡隨所適聲氣迥相通

深秀亭詩集卷之二十一

天

杪秋尋遠山

九月高遊展奇峰意想中詩情搜盡骨霜信作賓鴻流景悠悠異烟嵐渺渺通遙青泰五老舊禮憶崢嶸峒雲路香臺翠松濤日影紅求仙如有獲濟勝已無窮

山遠行不近

高瞻明在望欲就尚難親襟帶風前泉雲霞象外屯何曾不深入豈故審遙遙妙理徐徐前奇峰轉轉神松濤騰石浪香閣聽鴻賓有勝全當濟探幽是解人

秋日懸清光

明照澈濁影空明垂至文金輝碧落曉水繪雪濤分蒙蔽從何著虛靈若可欣嚴霜連夜潔疎雨一時聞高在開閭闔行

全掃亂雲誰爲獨鶴舞下視翠鴻羣

太平多懽娛

上理渾無礙休徵宛有情堯天弘覆育舜日向忻榮江海魚龍化雲霄鸞鳳鳴康衢歌擊壤邊塞奏銷兵花月賓筵夕湖山絲竹聲金甌調玉燭喜起協元亨

聲收清西陸

爽氣肅司令空陰見好秋熱塵消舊染疎雨洗新抽翠滴仙人掌風高黃鶴樓長城紫塞東返照蜀尖浮大地明於錦晴光湧却流乾坤聊靜掃何處不丹丘

懷抱既昭曠

靈府光長白塵實意自超從來無宿染一往是清標方寸涵深秀亭詩集卷之二十一

天

霜月排空瀉海潮虛明端可引蒙蔽不能搖陶謝襟期達江山酒力澆悠然廣漠外雲氣迥飄飄

日華川上動

流景光無定汪洋照益深高明出雲表大澤走龍吟浩蕩空靈繪精芒百鍊金太清懸有象下土攝歸心濕影全爲歛游魚不敢侵感恩涌一曲猶且起潮音

雷雨慶雲被

光華天日上麗澤丰昭垂五色何能定奇峰未足饒乾坤微異瑞朝野荷粉披鳳彩輝無已龍顏喜不移深仁和厚澤康濟副雍熙主德今如此臣心頌豈私

願飲一輕濟

用世理舟楫平懷賜雲天操持端有具利往若無前江海朝
宗地風濤萬里烟乘時當直道立志許不宣神爲蒼生王明
操大造權矢心憑著力不敢臥林泉

嘉樹生朝陽

標棟非凡植方隅端向榮厚培天意許高覆日華明拔萃羅
標秀乘時養善萌鳳凰鳴處有間闕照來晴聳翠金光溢披
雲墨采擎松筠霜雪操更在歲寒清

虛館清陰滿

闕塵非異壤精舍足嘉休俗物從何染流光白不浮修林千
百本一曲溯洄周只聽禽魚響曾無絲竹投金風涼北牖霜
月上南樓不盡荆關意神疑洞府遊

深秀亭詩集卷之二十一

三

千仞寫喬樹

高峰凌峭骨古幹發修枝託在天門近靈惟鳥道馳有情蒙
翠聳無礙好風吹瘦舞虬龍攫寒葉霜雪持哦喟身到處雲
海眼通時不盡神奇染荆關那得知

扶桑升朝暉

間闕紅光啟金烏揭曉揚萬方同朗照溥海浴汪洋誰復昏
清夜明如秉大綱國威無量顯雲采有情長龍德朝鸞鳳廷
輝先廟廊一心葵向赤聖象麗中央

束髮懷耿介

弱冠秉雅操虛靈自不移從來趨向正深信隱微知蒙蔽固
無染端明合古師光華日馭顯皎潔月霜時的的初心尚礪

碑至性持平生凜姿影不敢誤衰遲

時鳥多好音

江白低翔翻山青悅曉鳴物情歲序寫靈動羽毛清幽響皆
通達忘機遞變更居然新竹肉不獨妙流鶯變理端無失雍
熙感化行紀官推上古却囀太和聲

連峰競千仞

雲霞盤石骨翠藹近空青地軸走龍脉天光轟騰靈聯翩悠
往意突舉最高形劍閣鵠鴻烈山陰列畫屏誰容幽谷暗始
覺斷崖零一任飛鳧遠還嫌虎豹腥

山水含清暉

海嶽鍾奇秀畫圖妙當陽高深莫可測動靜似相將文采白
深秀亭詩集卷之二十一

圭

天鑒生機鬱地藏無窮金碧影有象羣叢香此意虛靈約遊
神縹緲常林泉幽僻處亦自戴義皇

清機發妙理

大道畜秘有通才得真詮談非任支許經實本聖賢開闢洗
塵腐精妍究瑤編至文寫初性朗悟掃枯禪江海洋洋去雲
天穆穆宜源頭忠與孝引入養心田

遊思竹素園

古簡草三換先民具有言此中涵妙理信可在常翻嗜好無
他易餘閒永勿緩借鈔新異味高座擁南軒焚後還充棟披
殘得道原聖賢精髓脉日涉抵齋餐

春芳動宸駕

淑氣乘陽令巡行急省畔端將生意重不是翠華輕南服恩
流澤西秦講泰平呼嵩和擊壤整塞遠銷兵梅柳循江度蕭
韶典樂明御袍黃映日天聽許臯情

明經有高位

廷獻家修具儒宗師表傳雅言探聖脉稽古服官年天祿班
楊館文華黼黻延行端奎璧顯事典日星懸石鼓塵雙眼花
陰直八埒莫辭窻下力縮鼎出書田

襟懷擁虛景

妙景不在遠撫躬宛可捫靈臺無宿物圖畫有空痕雙鳳朝
丹闕飛龍仰至尊意中雲海闊思就鼎鐘恩金殿鬚眉立
瓊漿洞府溫清輝如此襟心辦不會渾

君子通大道

儒宗重世表雲漢麗天章聖德心傳正文明國運昌五經同
異論三代典謨王變理陰陽任勞搜貫串長小家何足數名
教迺堪揚的古宜今術今從識皮強

清曠招遠風

廣漠杳難盡靈旗信可通至神端向化無象攝高空渺渺雲
天際迢迢江海東危樓誰礙眼萬里有來鴻渣滓應旋去襟
期自不同登臨心寫處願賦大王雄

丹霞夾明月

玉宇開妙景銀蟾擁赤城陰精懸獨鑒朱紫綴羣英異彩繁
華附流光太素盈宮中還上界天半似低行笙鶴過王子風

相近帝京母儀正萬國仰望泰階平

綠水揚洪波

春色涵芳潤通津達遠流端乘生意滑且得好風悠紅映桃
花泛低經柳眼柔魚鱗吹細網雪浪長輕舟一往洋洋化何
辭浩浩遊瀛洲思沐影帝在御河頭

青松陰修嶺

九曲盤雲踏空陰碧遠平虬龍擎蓋顯金鐵浴海驚山帶鬚
眉氣天揮圖畫情何曾羞露態只是聽風行秀勁殷然滿高
華若此明端居被千仞地位久生成

山明望松雪

歲寒屯妙景畫手那能知青眼洞空舉蒼髯掀生姿六花晴
深秀亭詩集卷之二十一

雪

未化百尺雅相持巢鶴排無動流雲白凍吹清華如此象高
潔有餘思願比珪璋質朝綱聳品儀

密林含餘清

生意厚繁植流光鬱遠輝羅羅涵秀發萬物保精微薄厖蕭
疎態深幽造化幾朝暉升鳳閣新雨過漁磯不盡風烟給還
將天影衣何曾染塵渴修鶴月中歸

澄江淨如練

長風清不起碧巖生幽紋妙景著明眼洋輝白拖岩岷源空
浩蕩雪影呈紛紜智者悠然會太平何所閒絲絲表潤色幅
幅走花文濯錦偏鮮豔端知鑄鏡勲

魚樂清音動

豐年生衆兆其趣覺莊周水際吹微沫波聲無湧流微風一
以寫碧影如何收碎語蟲沙出驚潮鷗鷺悠尾因紅泛躍
在夕陽浮敢望君臣比聊耽咬不休

嘉木繞百川

潤流廣洋溢秀發滿江湖我實飽遊覽誰云非良圖修條插
沙嘴蒼鬱映冰壺日月相磨蕩陰青爲榮敷悠悠表億歷
歷天影鋪用可棟樑擇通衢願早扶

積善有餘慶

大造端可驗發祥寧無因儒家崇德業天意許慈仁惡固不
容長福遇集於真栽培鑒金影欽仰重神人不見其所益惟
知爲生春綿綿履厚澤奕葉作良臣

溪秀亭詩集卷之二十一

壽

飲德方覺飽

賜宴流恩洽恭陪異數榮拜殿三爵滿喜起九重情食祿身
方忝思源心最清和梁新叶體湛露會茲英魚水明良盛慶
龍禮樂成醇醪無量美口腹不徒盈

崑山積瓊玉

有美名區潤元精厚蘊盤從來待聘具定不賦形單價溢連
城貴思憐抱璞酸藍田猶事種垂棘已無完儘采修身執能
如滿月端流光若此懸輯瑞拱儒官

仰觀嘉木敷

延蓋停修植生機潑好春亭頂深樾陰扶日異花辰雨露滋
雄長風烟拂翠新高逾飛觀擁秀趁別峰神以我鬚眉氣富

他同講因思濃主宰治敢昧住山人

江路西南永

一自岷源出清流天塹長魚龍交滾滾日月射茫茫巴蜀雲
山宋荆揚地脉黃峰陰經嶽麓海氣接扶桑澤秀文明盛風
馳草木香車書循大統美不獨臣鄉

洪鈞陶萬類

真宰端元化持平樂永熙鴻蒙生象敷鼓動默風移但覺恩
光被難尋妙用奇有情均雨露彌算麗網維物我頑靈共天
淵飛躍宜康衢恬擊壤徧德正無爲

衆星燦以繁

周天拱北極焉井照無方歷歷文明象離離纒度行光華分
溪秀亭詩集卷之二十一

壽

碧漢位置躋陽千古高惟客卑司應且耶泰階平正始紫
禁護中央豈取輕黎庶多知繫廟廊

條風開獻節

佳氣洪鈞轉韶華泰運新陽回吹有脚輪動力何神物采勾
芒啟流光歲口循初番作梅信學語滑鶯唇萬國朝金闕輕
霜化玉津東皇無限好天地一家春

敦俗勸耕桑

幽風陳月令田畯重農官教養周書習鄉村樂土寬民先衣
食足歲望雨暘安東作勤能治西成庶不寒雞豚豐草散屋
宇織牀盤 庠照三推急還宜圖画看

銀漢麗宸章

巍煥無名極光華有象昭文開闢闢大彩散紫微標榜星輝
難及星河影勁搖柏梁新體著天語太平調解溫歌琴叶焚
香讀疏飄五雲供組織碧落迥超超

花橫似慶雲

瑞色開文象觀豐登泛經塵實無此美碧落有其形集衆固
多善敷榮若擁侍天章紛五彩銀漢奏同星 聖藻光華滿
濃滋膏壤靈太平佳兆約願頌獻形廷

天地一家春

萬類洪鈞育東皇氣象仁無名異胞與惟覺共芳新大塊羅
烟景繁華潑冷辰何曾一物漏端許閭門親生意勾芒循和
風有脚神垂雲敷善化霄壤樂津津

深秀亭詩集卷之二十一

美

淑氣動芳年

長善端元化東皇撥令辰氤氲開闢耳日物華新真宰開
行脚空靈具轉輪時和豐麗景運泰濟陽春德意天爲鼓祥
烟燈是銀 九重朝賀盛花月滿垂紳

飲馬出安城

紫塞三秦外更沙萬里平烽烟杳荒跡鞭路利巡行水草陰
渟綠霜鴻遠石征一麾雲錦集齊向玉河清高認祁連色開
收滴博營屯田趙充國邊月白銷兵

皇恩被九區

德意養生滿流膏匝地行蠲租新雨露廣額燦瓊瑛踴躍
情得謳歌王 八明高深大川撫貧賤及柴荆宇宙光華滿風

烟氣象平還聞扶杖擁綸紵出神京

好雨知時節

恩沛常期望弘施濟化權高天清潤澤下土綠膏烟塵夢涼
能醒雲霓黑竟先羣情忻有歲萬類活無邊豈漫空陰合殊
通物候鮮欲名深誌喜徐入妙平田

宸眷賜樵漁

太平注幽討樂業愛清遊官殿雲霞目溪山草野流端知偏
著意妙在點嘉休竟屬高深望聊如圖書收丁丁風悄悄款
款路悠悠跬踣踣絀絀外怡神爲此留

夙興瞻曉月

辨色清無寐平明挂澹輝登樓初舉目立馬東征衣好景昭
然得幽情對此飛廣寒光未薄閨闔影重圍庭燎蟬頭上金
鐘柳浪稀東方遙共白咫尺覲 天威

霞光照雙闕

金碧輝朱紫龍沙鳳彩高京華籠氣象瑞翮刷纖毫千里雄
畿輔同登擁翠濤全將天半綴一聳域中豪鶴朝應滿風
雲會正附山河環遠衛恭已白南操

曉樹流鶯滿

嘉林啟辨色清響遞交聲滑起柔條綠飛探春早晴垂柳看
客路出谷到神京百囀悠颺意低徊活潑情晨光方蕩漾寫
景妙和平若問天中瑞還齊威鳳鳴

山水佳新霽

渴塵不可積清洗寫嘉休秀出高深象文明動靜搜雲光開
碧嶽烟景滿芳洲此意誰能繪其情我乍投喜爲名壤溢恩
自九天流絕妙披深省身登十二樓

鬱啼楊柳風

淑氣吹青眼流音嚙清喉陽明如此寫物候一何休入耳清
無滯環溪去復留越朝循上苑侵曉度瀛洲鞭指迎歌扇人
高紅杏樓太平多鼓動聲應似相投

志與秋霜潔

微尚掃滄雜嚴明敢自標無慙信衾影立格冷瓊瑤外垢誰
曾染中堅我可描空天良夜結皓體吉人超冰雪融堪照松
筠翠豈消只應高向日思意化流潮

深秀亭詩集卷之二十一

美

春深五鳳城

雄壯盤天闕韶華際聖明時雍昌運美化洽湛恩平紫禁籠
佳氣東皇溥大生潭潭香不淺萬壽日方榮金碧天光擁雲
霞画彩晴盛朝足文物萬類拱神京

薰風入舜絃

恭已無爲日清樾納靜休御林端暇整撫韻得綢繆大雅中
天操凉吹南面投一夔斯可覺四表若生幽光被今如領文
明古最悠金華瞻氣象化引正相伴

樹色帶晴烟

林情得休被朝旭引清微雨露新滋後流光妙染揮蒼顏饒
舞影暖豔動空霏画理添金碧恩榮拜德威豈猶草野賤端

向殿庭依方趺投明象猶來遇合機

登臨萬象懸

憑高直俯視縱遠極平舒地位居獨上物華煥空餘眼光穿
嶽清霞彩近衣裾飛躍饒生趣高深託自如紛紜殊歷歷體
察任於於何况中天鏡當陽照太虛

魚戲芙蓉水

弄清天光滑遊鱗花影吹物情相與動秋景却何持紅粉空
輝鏡深淵映舞枝喜跳新雨足浮趣夕陽時無礙鶴鳬浴何
愁網罟知青陰名繪活在藻入歌詩

雲暖龍行處

紫霄閣不淺神物定交從駕此山川氣輝生頭角雄彩應翔
深秀亭詩集卷之二十一

美

五色瑞迺宅居中一任飛揚意全騰造化功文華黃道出德
耀九天蒙寒乞方驚日溫情近日紅

春色九重深

何處非光被宸居鬱最崇青烟籠紫禁流景麗雕工溫翠晴
三月羣芳吐半空玉階仙仗擁金闕画國中不淺東皇意遙
知聖壤同 府華明在厚畫錦耀無窮

登霄忻有路

雲梯明在望霜闕健初標際此紅光引端於紫氣朝卑棲非
宿願高舉作扶搖就日華瞻舜惟天大是堯崇開四閭白平
仰泰階調豐滿輕爲達程途已不遙

恩共物華新

帝德周靡外春光大展萌端知萬類發情是九重明天意榮
人事時雍際歲更無邊浩蕩沐有泉淺深迎廣被云何偏和
平兆此行洪施莫可量只聽早鶯鳴

滄海是恩波

源流明可溯灌溉益何寬際此朝宗去都爲感遇端形神沐
清潤風景慶安瀾足雨陰方合彌天影不乾魚龍神大化日
月照雙九總聽洪濤寫長騰萬國懽

月令農先急

民事不可緩春膏早所期西成首東作貢賦重營私

天子三推速畊夫八口支應時猶恐失用力敢淹遲望杏村
紅足沾霖野色滋何勞田畯勸稼穡習生知

深秀亭詩集卷之二十一

早

廟堂多暇日

坐論喜無事清時倚太平朝因休沐退花放咏歌明金闕排
雲靜銀蟾商酒行諫書何用草邊境久銷兵溫室高文樹灝
臺遷早鶯九重佳氣繞開整翠華清

聖情常有眷

知遇榮施渥平生感被多都俞宣帝典風雅賦卷阿連燭金
華撒龍顏鳳彩和家人禮可達魚水樂如何喜起彤雲合文
明畫錦羅忠良矢報意江海沐恩波

風俗盡還淳

德化默無跡清徽滿勝區冠裳端朴樸山野樂黃虞喜見人
扶老閒採苓號愚耕桑循月令報社聚枌榆一任天遊意齊

敦地脉腴逢年明教養擊壤聽康衢

春來津樹合

生意東皇發流膏澤國臨有情多近水何象不蒙陰明抹高
深意閒揮平遠心鳥窺銀島浪魚戲鐵虬陰濕影周遮綠清
標淺澹侵天光能厚益休滿得甘霖

晴天度旅雁

陽鳥翔時令長程入畫圖雲空碧落悄風便客情鋪列陣人
爲動投明書豈無丹霞消靜影澹月遠平扶近日光能被他
鄉興不孤寄蒼渺渺引羽族小羣呼

山白月猶明

近曉光初澹凌虛陰尚清雲根高不染銀漢若爲英豈作黃
深秀亭詩集卷之二十一

早

昏象空餘出世情霓裳端有影石浪靜無聲欲向水壺濯還
非闔闔晴廣寒原不晦玉映翠崢嶸

禮樂中朝貴

盛世藝龍席崇霄日月光鐘鼎重廊廟風雅叶笙簧詩拜網
常肅和音度曲張明良推一德文物慶無疆修舉端元化雍
熙邁百王冠裳於此煥體用大天章

晴光擁紫宸

舜日中天起皇居壯氣深有情融造化生意鬱華陰金闕輝
雙鳳瑤臺繞茂林聖人一統位北極萬方臨青海雲霞宅
黃鐘鸞鶴音尊嚴端九五朝會肅精心

雲山清影中

高空起文象澹遠生餘輝迴
塵夢渴却入畫圖微靜在諸
天合青邊健翮飛慧心明目
知洞府聞紫宸宮闕近別日
有崔巍

山明遠色同

極目遙青上流光澹宕中
喜無侵渴影妙在似鴻蒙神
氣清爲寫風微淺最工即離
分界限蒼翠抹西東特許空
陰銳高披晴旭紅何當騎白
鶴一路縱青龍

樓臺繞曲池

傑構明芳清高空已開塵
臨風無蔽影映帶有迴津俯
檻平陰白開簾濕翠新鵲
覓拍遠翻琴硯坐高人太液
思波想崇霄絳闕因端居未
敢宴廊廟願爲臣

深秀亭詩集卷之二十一

聖

江山飛麗藻

高深毓靈秀動靜耀文章
明有登臨象都生揮灑香日
華雲路表物采錦紋揚天塹
源流大嵩呼擁翠長魚龍神
變化樓觀盡輝煌競寫千秋
筆宸遊頌萬方

倚檻鶴巢邊

登臨憑傑閣生動對胎禽
已近雲霞路無非松柏林鳴
鶴須騰日下棲尚託巖陰靜
體浮丘相披襟梁父吟定歸
金闕舞當養玉雛音若問神
仙籍青天識此心

晴花度竹尋

生豔妙溫寫清修可遠通揚
如鳳尾外高節粉香東路近
雲霞窟人披嵇阮風忻榮明
有永幽討興無窮行過黃鶯
綠思

親上苑紅輦頭仰天日看徧太和中

文物多師古

三代遵謨典中朝邁漢唐
前賢既有作瑞世益通方日
月光華後雲霄變化長冠裳
端禮道田野靜無荒倖進冊
標異溫良率舊章鳳鸞雖耀
彩王政講農桑

御爐香餘暖

紋篆騰清禁芳烟溫紫微
玉宸端有慶金殿繞餘輝恭
已垂裳坐深居瑞霽飛鈎簾
烘麗藻活火近天威贊拜龍
涎下端合鷄舌依恩叨鑰鼎
重咫尺敢相違

賜酒的流霞

明良許懽會懽飲得醇醪
飽德心先醉焚香氣益豪色
如天深秀亭詩集卷之二十一

聖

半紫思是殿前叨喜溢天漿
厚恭評米汁高美深意象滿
懸覺性情陶湛露詩當咏扶
歸不憚勞

南山樹杪看

拱壽中峰出蒙休嘉木平
青從絕頂見梢向半空生雲
外悠然意風前無限情居
高延翠遠入望寫烟青巢鶴
層巖畔丹梯密蔭萌端心
朝靜鎮北面盼恩榮

樹重巖漸合

生意明不淺停陰迺可親
上參雲骨岫下拂風烟津交
影既無滲探微若相因恩
崇雨露覆景蓋畫闕勻濕翠
流光滑澄澗青鵲屯東望
垂厚澤不欲染飛塵

長堤春樹發

生意東皇潑綠溪嘉木榮啼鶯來雨歇走馬過風輕修抵周
行直青開遠照明韶華近水潤妙寫出烟清書畫臨平舫樓
臺望繞城鬱蔥還上苑翠色擁神京

芳樹曲迎春

深淺東皇意原非造物私根培惟舊澤香發在乘時有待何
嫌晚先期固可知能禁霜雪操端可畫圖師暗覺流光換明
當風日吹天恩敷入化敢不謹維持

風師卷太清

碧落杳無著凉吹却有威天光開浩潔其好展空飛麗日明
黃道浮雲歛白依端知閭闔淨只有紫虛魏掃蕩乾坤意神
馳靈動機仰今薄海宴便象九霄輝

深秀亭詩集卷之二十一

四

長懷聖主恩

有虞遭逢美難宣感被情人生具冒臆天眷重公卿雨露春
風意瑤書錦榮高深抵川嶽康濟許身名世澤今如此心
香久益清流膏達萬國夙夜頌元亨

紫庭文樹滿

皇居擁生氣嘉木秀繁陰脉厚神京壯圖明御座深夔龍方
對仰天口正高臨松翠凌霞表桐風起鳳吟周遮瑞靄煥遠
近綠香侵貴重多奇拱端如翰墨林

時雍表昌運

一人慶景泰萬類煥洪鈞康濟歌原野文明耀紫宸黃虞主
德大宇宙物華新天意全昭著皇風自返淳太平端有象造

化默通神何幸元亨會和光永好春

承平聖主巡

雷動權行殿嵩呼望翠華域中惟祀獄天下本爲家陽氣乘
時令春畊省布芽冠裳搖佩玉旌旆擁雲霞日耀飛龍馭風
披濯錦花到來三祝盛親切問桑麻

佳氣滿宸居

瑞藹青輝結天家紫禁融遙瞻深鬱鬱端拱溢蓬蓬煥雲
霞表光華日月同名區涵勝槩有象鎮休隆金闕懸圖上瑞
臺大內中山河遙統衛陋絕築新豐

天文遂仰觀

大道昭然列丹衷幸可忻光華弘日月遭際慶風雲銀漢羅
深秀亭詩集卷之二十一

四

瑞璣金章繫帛繡輝生宸翰滿典出秘書羣舉目明同見時
思實飽間紫垣垂白雪拜首御爐薰

龍輿上翠微

宸遊非玩賞駕幸遂乘時絕頂來高位憑空有遠思安從神
物度妙向好風吹細覺氣氤撲明瞻闕闕雲頭拱五色山
影寫情披文感天人際松篁氣象奇

北闕雲中見

金鳳睇晴照瓊樓紫霄位崇九五鎮國統萬千朝仰覺天
爲上誰知地已超瑞光探寶御佳氣擁龍標象煥文明出雄
占鞏固饒垂裳恭已面端化坐神堯

聖主崇文教

席廟壇宇實雲天奎璧步從來德化啟端合典謨揚運會關
明訓操持正大綱夔龍傳鐘鼎風雅叶笙簧鸞鳳輝天嗣山
川咏景香車青瑤上治名姓寵班揚

三光懸聖藻

文象昭天揭宸章表帝聰明從碧落上高出太清中不朽
垂謨典弘裁叶錦澄舉朝欽作手萬國仰同風豈是雲霞簇
全非鸞鳳雄九重丕顯極洞照一蒼穹

聖德周天壤

聿修爲雨露風動徧乾坤有脚如春令無鄉不帝恩源流
明大造感被廣彌尊中外高深意光華氣象溫但教同化域
誰復秘私門堯舜精微卽心傳古道敦

深秀亭詩集卷之二十一

吳

聖朝無闕事

盛世光華滿宸居氣象淳泰階平是德義旬化同春堯舜唐
虞合夔龍禮樂神何籌不展勝有澤久行仁邇寒烽烟息中
原雨露新垂裳惟論道宵旰念斯民

晨霞綵仗懸

赤城天半起黃屋錦中揚遙引龍旗動徐開雉尾長寶幢籠
碧落楓陛映常陽秀色粲堪舉輕風綴欲翔荷敷夾雲日何
者似鸞鳳巡省山頭望飛更異常

香含紫禁林

宸居森嘉秀流景集清芳地擁朝陽勝天開濯錦光御爐延
百和上苑鬱千章氣足薰蘭麝風輝接廟廊遙瞻嚮大內拱

瑞位中央更覺雲龍際喬松歲月長

清風搖玉樹

美景揚流麗嘉林潔天姿皎然出塵表卓爾任空吹珠光璀璨
擗鼓力雨賜施冷豔貴神采扶疎入畫師去來無滯跡生
動妙昌時明許千霄贊飛輪有意持

山明日馭前

生意開朗霽嶢巖向當陽高呼儼霞際鳥走凜金光五嶽乾
坤鎮中天閭闔肅義和肅駕出堯舜正綱常萬象陰難晦空
靈影不藏翠華南幸近更覺耀文昌

麗景浮丹闕

景色明書錦彤庭若天宮金添雙鳳上影入五雲中碧漢高
深秀亭詩集卷之二十一

吳

風動霞光捧日紅鯨波涵太液鸞羽出梧桐彩仗千官集瑞
葩百和融還瞻紫禁擁佳氣正蓬蓬

彩鳳肅來儀

一鳴起丹穴五色耀青霄自有鵬程遠還同雁序還瑞爲天
下曉飛向日邊趨但緊朝金闕何闊開主簫虞廷雍德舞桐
樹喬音調盛世文明出光華雲漢昭

駐蹕撫田畯

止輦殷問俗明農特有官龍旂開綺野土室見雲盤咫尺
天顏近闊情稼穡難畊夫當慰勞後秀出微寒恩詔三時重
逢年萬井安願恭珎管記並不喚皮冠

天向萬方明

崇霄開闔啓下土物華生宇宙朝陽出風烟揭曉平一闕無
不昭廣被若爲情翔鳳金龍闕流霞玉壘城官先近御集鐘
自未央鳴 帝德光華甚臣心敢不清

春入萬年枝

生意足青海蒼梧表立龍天留古歲月壽長綠山峰鶴子巢
應託鱗錢繡益重徂徠思盡理泰岱小秦封積翠爲雲蓋盤
根散鐵鋒東皇徵 聖壽一遞一回濃

景物麗新晴

雨歇既霽足陽回煥文明九霄開霽色萬象向忻榮彩射金
烏溢光搖羲馭行登樓豁翠似隔水聽啼鶯雲氣消飛紫花
香簇錦城天恩垂朗照當有鳳齊鳴

深秀亭詩集卷之二十一

哭

野老歌無事

敬懼康樂土聊聽太平民聲息舒閒調心情叶養真日長花
塢美夜靜月華新衝口皆天籟沿村少世塵都俞原不曉禮
樂暗通神壁壤安排鑿 朝廷自有入

朝臣飲歲華

衍杯慶大有秉燭會華宴退食屏花燦乘時風物饒不嫌水
陸博每愛酒星招鳳管銀箏撥瓊漿麟脯消南金豐玉美白
雪郢歌調尤有瀛臺宴 君恩沛滿朝

深山何處鐘

清音忽遠到初地杳難尋鶯嶺千盤合龍蟠萬樹森不知雲
海路却長石蓮心寺在空天際僧懷古墨林偶然風力散豈

尚世緣侵未若間丹闕朝朝指翠陰

簾疎月到林

清照本無間幽情忽悄臨湘紋空若水幔影冷遮琴未斷茶
烟熱微聞蛩語侵何曾留障礙但可遞空陰桂露霓裳捐天
光夜景深冰壺如此濯精白見臣心

山高雲過遲

天意何敢測流光若有持峰巒既巖峻圖畫殊可思嶽嶽肯
爲骨蓬蓬細展旗樓臺接霄漢洞府表鬚眉那得卑微視惟
將輕緩移 天恩留顧盼卽此妙威儀

驅馬向秋天

青雲遙在望按轡緊能前敢憚奔馳力當明意料先驂驅超
深秀亭詩集卷之二十一

哭

道路鴻雁滿山川爽氣迎晴景空陰撲遠烟雲消看掣電風
響快揮鞭自把龍精束封侯報國年

月湧大江流

銀蟾映雪浪天闕動蛟宮有意原無著高明是太空魚龍寒
遯影雲漢捲長風直射精芒白平添浩氣雄如何肯鑄鏡若
可引吞虹落落襟懷寫臣心似水中

花繞傍池山

丘壑擁清妙風神溢流芳華叢生紫霞秀發潮潤香地脉添
波潤雲根入畫強習家深竹前潘縣種無荒濯錦陽春畫黃
金傲晚霜瀛臺將 賜安此意已先嘗

山中有流水

巖穴開潤色泉源湧大川魚龍探石去星日漾林懸澗青
天影波濤綠樹烟渴塵從此化妙染若爲鮮野鳥棲靈草丹
崖縛釣船恩音明匣地一往靜悠然

山花趁馬蹄

巖葩耀晨景客路踏晴芳馴鐵蹄如繡蜂簷送引韁韶華殊
可惜機豔竟難藏驥足馳紅雨天涯富錦囊春深物采煥遊
喜畫圖長直走朝金闕驂騑亦帶香

青山江上秋

爽氣滌虛影高峰得遠情翠痕聊疊趁空寫却聞聲松竹雲
烟出魚龍日夜行曉嚴輝翰墨風物近蓬瀛石漱漁燈動霜
明雁字橫了無塵夢蔽只是本源清

深秀亭詩集卷之二十一

辛

心與清暉滌

方寸掃蒙跡陽明洗玉標靈臺天可表性體境何超潔本無
私照虛堪託共昭俗塵曾不染妙景若爲朝融化端彌上餘
光正未消對揚與夙夜精白有誰搖

萬國奉信心

玉帛朝宗會車書一統尊精純忠夙夜聲教肅乾坤天命攸
歸屠人情廣被恩服國原不小華夏已無痕疏附何先後承
宣待舉掄盛看新改歲慶賀溢金門

春事滿林扉

生趣殷然會流光若此盈家居半村郭物采徧山城雨露韶
華潤芳菲圖鳥情東皇敷化育仁里共忻榮車馬停垂柳琴

尊曉曉神遊朝鳳闕紫禁更文明

魚遊樂深池

空明天影活頻躍水花青衆是豐年兆穿因細雨零不嫌花
泛尾頗任藻潛形根底無人見波濤觸石聽茶童遙洗硯沙
鳥近眠汀若向春江去蛟龍化便靈

他鄉到是歸

意向有所適問關幸以前風塵厭車馬文酒託山川舊俗人
情好名邦風物鮮身材輕健鶴家問待鴻傳絕少無涯路翻
多賈賦錢京華既不遠得上便朝天

御柳初含色

有脚將青眼低烟趁好風禁城春線引傍水楚腰工流景情
深秀亭詩集卷之二十一

壬

何順東皇意漸通遷鶯新座設拂馬早陰籠鵲鵲朝天近珍
珍映日紅龍顏清喜見彩仗共搖空

對酒山長在

不可不酒飲無時無層峰一尊消萬事五嶽豈奇留我愛雲
爲骨天留客是龍松筠新綠綠琴硯石泉供米汁澆陶書瓊
筵樂醉容明良端拱坐願久拜時雍

雲雲甥孫送菊至

半截霜花費手裁筠蓬親送打潮來秋容乍省移圖活高士
都如作客才燭秉今宵遲就寢詩添老圃仗扶藜榮榮未必
華堂列但向東籬眼醉開

麗中姪送菊至兼秋櫟

衙門乍啟曉霜天小阮書來秋一船豈是常情通嗜好直將
高趣撥神仙就荒儉笑閒居客倚醉深師彭澤賢况有垂垂
皮相實妙於鄭重藪蘭荃

巡按廣東李先先生崇祀當塗名宦

廟食徵輿論官箴入史傳域中馴維異席上鼓琴賢明鑄冠
裳鏡鑑輪父老錢流芳來去感戴德萬千年如公非遠古動
我凜當面奕葉仙根大珪璋粹品全從龍推甲第翔鳳皇雲
天藻榜登華重花封出宰專形收采石險鄉託令威綠聽斷
真情躍催科用撫先春風榮物化夜月穩村眠冰雪吟詩案
鷄豚問字船薦膺楊意版擢快祖生鞭驄馬羊城憲銅符繡
斧權朱樓泥見憚白簡鐵同宣香氣羅浮足珠光南海圓峴

深秀亭詩集卷之二十一

聖

山碑愛立陸賈家空旋騎將者英社松筠綠野煙家風垂萬
石畫錦美新遷循吏端昌後飯心有精懸迺揚崇祀典肅正
報功筵直道黃宮譽升馨俎豆鮮雲間隣壤治姑孰一江穿
哲嗣黃堂最憐才青眼偏那侯聊復爾開府定超然騷雅歐
蘇范聊忻越焚帛禮敬降神篇

寒雨

寒雨晚沉沉蕭疎黃葉林山樓停謝屐菊酒品嵇琴不染浮
生迹平空見在心杜門看墨骨魚鳥樂高深

諒樽

謀樽殷覓舊風雪打漫漫士氣何能遣騷壇未可寒淵明解
組意太白謫仙官獨醒不愁醉頻年減晚餐

到蕭塘

落木寒濤剪剪風籃輿又上岳梁東空村歲宴流鴉急遠岫
陰低返照紅僧舍簾衣曳翠谷蘆花雪岸覆漁翁三年容易
驚前度客况蒼涼已不雄

別心若雲驥叔姪

滾滾風濤逼歲寒客情其奈不能安鬢眉恨向江湖白涕淚
羞同兒女酸事在不堪餘破夢貧來最恐悞輸官鄭公鄉豈
無書帶惆悵臨歧欲吐難

大道

大道誰洩秘柱史五千言莊周皮毛喻筆古殊瀾翻揮塵悟
支許清矯故軒軒放鶴而畜馬餘習又何煩淵明以酒聖味
深秀亭詩集卷之二十一

聖

貧得四圍未嘗露圭角天命樂渾元李杜合詩脉九曲出河
源性體帶仙學咏歌為弗設松柏老霜雪泥沙雜瑣瑣此非
科目取風裁直舉旂宋人腐理窟紛紛逐南轅卓哉華陽洞
山中無城垣君相不必遠何曾謝高騫

掃葉

掃葉雲根出霜清暖日斜人煙禽語散洞口屋陰遮炙火香
茶竈題詩寄酒家一除蕭瑟氣畫理更明加

懷亭河上歸

洪濤悻魄滾黃塵變化魚龍約幾人日費斗金民命重天留
沙海禹功神官堤楊柳空圖畫水次冠裳役苦辛我亦北平
隨使節端知昏墊活

皇仁

至日

歲寒不厭老荒村
曝背忻添一線溫
圖書我方思鐵筆
誰復縛柴門
愁中有句充生計
貧到無兒悟道根
樓角微雲
徵魯瑞黃梅絲結靜交吞

董補宸別駕招集

公餘不礙劇清懽
列炬開筵話歲寒
懷恩州民頽上座
溫文水廨潔加餐
三更雨歇雙鴻語
一串珠盈百盞乾
正誼宏才閒豈得郡寮今日有爲難

歲寒漫遣四十八首

乾坤千古竟誰傳
浪說塵寰可學仙
李杜調恢金石響
荀陳深秀率詩集卷之二十一
五岳

交託子孫延國荒
欲補管花事歲儉無才澁硯田
惆悵公私淪物役
夜深聊穩一琴眠

畫圖影裏仗閒身
止水喬林潔有神
茶竈鳥吞風徑熟
書牀琴操竹窗頻
禿髮鬚鬢揚蒼雪
遠札關河達古親
未可杜門惟不出
冬溫十畝荷逡巡

環峰疎木撼層樓
遠壑眠雲擁一丘
遠想忽通仙似我
餘生端藉酒添籌
客來花影空堦踏
鶴去天風薄海收
夢寐思兒今亦破
物情何事觸虛舟

南國人文東苑香
病除貧力任蒼涼
松筠格入風霜古
草野交探雲水長
酒市兒童團鵲喜
漁家門巷近僧廊
連宵鷄黍隣牆約
爲有波臣返一航

秦川遊子幾時歸
冰雪風塵涕泗揮
死恨厄貧不祿養
哀憐荒夢逐魂飛
吾曹勞勩循征雁
仙籍芳名補少微
肯早結隣安苟美世情
應向道心稀

梨棗鐫成負郭空
書生偏逞一時雄
清消琴硯明窗逼
暖愛林泉冬日紅
似不可辭花下酒
若爲未老氣如虹
乾坤千古留陶謝
要使江湖展大風

鐵榦參差壓小溪
棕亭黃石亂雲低
呼風鳥去香臺北
拖杖僧來古越西
坐到無聊清有課
懶於酬應愛標題
迴欄九折珠光溢
絕妙空明曬影齊

朔風初戰點啼鴉
向夕黃雲凍雪花
曲岸巫迎紅土廟
顏楊門縛老漁槎
靈旗淮北流沙沸
薄面滇南乞食賒
我正愁時深秀率詩集卷之二十一
五岳

思客子虬髯那肯傍官衙
小窗晴旭透紅爐
浴硯煨香便把壺
道味只容陶謝曉
神交尚省廟廊無
鱗牆蠟燭虬陰折
書案烏皮蜀錦鋪
若使英雄開佛眼
何勞夢寐問榮枯

五十年來貧賤輕
忘機久化海鷗盟
君親恩愧猶眉報
松竹陰憐霜雪情
霞外意嘗師北苑
賦中人厭老西京
疎鐘斷後鳴寒雁
蠟炬笙歌簇酒兵

疎林密雨夜宵虛
綠蠟薰篝檢道書
古木漫延蒙頂味
心花空作白蓮舒
久無塵夢眠難就
不信煙霞病未除
童子垂頭蒲簟角
一條龍杖影偏餘

曉起山園宿雨零
伏鱉立嶧表松青
淵明於我非河漢
曼倩

何官用歲星丹竈新炊雲母粉
西樓高吟玉樞經門前窮舫
輕潮泊笑謁詩僧挈酒瓶

撼撼喬柯刺薄昏空庭客散鳥呼門
直搜晚節爲懽計肯負
清時許老恩帆影拖雲多澤國僧家入
西半梅村今宵雪白
思仙跡鶴驚天階定不渾

客星草檄並心知北郭通波老
善持此意寧堪朝貴覺他年
或許地仙師微聞剝復端明道不墜
英雄聖守雌試看鼎鐘
荒彼岸全輸行樂賦愁時

爛醉歸扶遠火明柴門眠犬躍無聲
能拚客與陳驚座不哭
途窮阮步兵村落鼓喧田祖廟夢餘
雲散洛神情憑空脫俗
渾忘事翻悔多留身後名

深秀亭詩集卷之二十一

姜

江風海月冷魚龍記聽南屏夜半鐘
應霧客非香案吏山家
我是石田農燈光鐵線橫長壁著
話蒲團倚短筇獨吸華亭
紙不貴幸無慚昧此心胸

魚書忽剖廣陵濤別緒惺惺魂夢勢
氣岸何其搖海嶽風微
畢竟數劉曹隨錢名部鬱喉腕切
玉精銑酒醺淘閭嶠衝寒
何日返夜深叫雁東征袍

無礙眠餐歡坐貧浮生事事不如人
神傷香令離鴻遠淚痛
西河寒雨淪雷電揮杯看野馬松筠
憂鬱結空隣十年可許
送蹤健欲認匡廬釣富春

萬象陽回一寸寬何愁嚴臘雪花殘
珠璣文采常供役土木
形骸幸不官鎮日雪清盤屋角連宵
鶴跡印沙灘齋心只是

遊天趣遠却荆榛畏路難

繡林峰起碧霞天愛放平湖書
畫船客座無言初罷飲詩懷
入道且安眠漁歌野渡寒煙潑
雁宕僧樓返照穿厭著狐腥
純絮布酸辛何況不逢年

一派笙歌度女牆南枝容易透
水霜清探淮海風煙潤妙策
荆關筆意強拄杖棱棱支鐵石
雙鳬點點讓鸞凰危橋自顧
鬚眉影何處神仙不死鄉

力借盤輿坐亦勞欲呼小艇駕
無濤心交藥石謀誰語風味
燈窗選吾曹檻影空馴支遁馬
鐵花寒繡呂虔刀遍除米帖
將何應未許樓臺獨擁高

深秀亭詩集卷之二十一

姜

鴻音掠范湖窗紙半珪梅月澹
庭欄積鳩竹風扶隣牆圍看
紛絲管未怪東山賤老夫

檢點盆花歷歲寒虬陰鐵線夜
光攢雲霞路溥溥鴻信旋登
船移釣雪灘學究蕭條謀注
醺癡人夢寐想還丹黃沙紫
錦烽鏑聞說征西鎮武安

瘦瘦蒼虬厚水皮林泉寒雨白
淒其人才老去安枯索雲物
悠然妙暗移聲傳鱗魚蓮社
近香清瓶視墨莊吹維摩處
士何曾定放鶴燃燈雅白持

歌舞懼場偶一逢候鯖玉液與
何濃驚懸滾雪三江口誰拜
穿雲五老峰燭淚豈能紅漏
鼓霜華端不損聶松人間渾
作遊仙夢寫是雙鳬劍化龍

折東清衙又早來幕僚無事愛徵才
人擎暖玉杯未免言愁聽楚雨何堪
儉歲悶荒萊平生如雪明肝膽撥盡
紅爐不死灰

模糊風景泊黃昏遠客投軒說舊恩
無術濟王孫冠裳欲假神仙脫血性
空思江海吞雛鳳竟飛獨鶴舞蒼山
老樹獨當門

座上侯生豈得辭情無結客鄭當時
爲懷天地知痛淚無聲澆濁酒閒愁
有力補新詩書帷靜抵僧窗白一味
尋源半學癡

石齒嶙嶙苔髮殘冰花橋脚插雲盤
蕭森響百端飛躍生靈何地少乾坤
元氣幾人完遍除歲事深秀亭詩集
卷之二十一 庚

全無賴但擁盆梅珠玉看雪意生花
雨復珠寒威無乃挫貧儒謀荒鷄黍
村煙薄信阻江天客夢愚萬事虛明
歸粉碎十年疎懶倦見起牀金銷盡
鬚眉拙更笑偷殘書面厨

雪後晴烘意轉溫園林粉本漸無痕
精華了不渾鶴夢湖山梅影放滿橋
神仙寓我愛披裘住半村

天半雲濤風入松山家屋角立蚪龍
孫吳百萬攻獨客滿樽寒語雁青燈
殘卷隔林鐘面同忽影嶺眉勁竟上
蓬萊第一峰

水雪風和滌歲寒客愁酸聚舊長安
天心不薄人情近世網

多岐蜀道難河嶽靈神當秘閣田園
滋味老儒官龍精繡置圖書古絕笑
訛傳煮大丹

卯酒禁寒一百杯虬髯心血那能灰
蕭搔細拂綠溪石冷鮑徐開待雪梅
魯國絃歌官有幾秦關鷄狗客今賴
老生聞見連朝異託跡么魔相府回

自笑龍鍾近古稀舊時裘馬不輕肥
河陽縣裏花空憶宣武門前樹已圓
風力漫思九域轉雲頭欲踏萬峰巍
吹笙鶴背遊無際何事緱山又一歸

半間虛明逗遠鐘紅燈偏掛玉芙蓉
清於霜菊詩僧瘦興比春雪翠黛濃
產薄千金揮更土生留一杖待成龍
不知鷄犬偷丹去洞口桃源何足封

深秀亭詩集卷之二十一

庚

舟車忙送北邙行沙草冰花黯澹情
趙氏孤兒恩杆臼田齊上客少侯生
赤松那染青雲窟黃耳翻埋白苧城
記得西橋楊柳密春風奈聽語流鶯

心跡雙清歲晚山素交猶每到柴關
盤餐縮項烹堪躍冰壑凝雲暈是斑
雲漢空憑鶴鶴無詩懷未恨宋元刪
南窗曉影輝青溪香在羅浮淺淡間

別墅亭臺水檻西凍雲頽木晚淒淒
澄懷乍可明非鏡俗物何能醉似泥
鬼苑生花拈白社羊裘東帶上丹梯
新書喜揭春華闥門外將回柳眼齊

龍頭號世愧蹉跎馬齒逢人賤奈何
論古固應矜墨寶爲權奚必競笙歌
辣存真桂松筠節明薄雲天江海波
欲寄短書

遲萬里故將陋巷傲鳴珂

萬頃雲濤一大江樓霞峰頂
剝僧窗浮生此景難多見出世
空因不待降石浸寒苔髮可數
雪晴老鶴影無雙藍田補種
何能稔德懋賓筵富玉缸

流雲出谷迥無涯鶴背天心明
有階丹籙飛升真未即冠裳
塵夢笑空埋花關頗足香風約
氣岸惟雄酒力排高在懸車
白版闔詩僧亦拒到芒鞋

曉起南窗趙日絳珠光削鐵滿
牆東水霜微許春回近杖履
何妨歲事空遠翻排雲窺峻嶺
潯鱗出窠聽絲桐金張絕不
知陶謝得失誰如塞上翁

槐閒殷然感素心篋篋絡繹
愁牆陰黃泥玉版旗槍葉剖腹

深秀亭詩集卷之二

三

水池錦繡禽翻使山廚忙
家座若爲風味辨儒林隣童拍手

溪橋側笑指先生又響陰

林泉無限索詩情歲暮偏如春
早生杖履舊懷三竺住風波
今避五湖行花殘不及回香燼
筆陣聊堪敵酒兵邊信近收
鐵騎冷水霜遙插受降城

八千客路夢朝陽雁序驚傳寒
影荒韓趙祠今成市井魚鹽
人竟賤冠裳清衙我友思前席
流宦何年返故鄉海舶琉球

桑貢使朝天隔歲信帆揚

關情逆旅瞻周親金穴猴冠却
藐人此類竟忘寒乞賤荒煙
其奈歲時貧胡琴拍碎原無價
佛火虛明悟有因放出水仙

根蒂白何曾漫染悞黃塵

小除夕

晚雨種種坐虛堂度小除厨嬾
差解事世糾謝閑居海夢細
紋煥爐煙雲雷紆冰池一片玉
石脚亦醺醺

除夕三首

雨雨風風悶歲更喬柯空喜鵲
樓盈書分綠米張京兆賦讀
梅花宋廣平客路有懷多遠寄
山家無恙即休徵銀屏火樹
荀香座忍聽椒觴弱女行

儉歲人情聞見難饑寒無奈厄
儒冠能工米帖無門乞但富
詩腸有淚酸負郭竟空文小築
浮雲久不夢長安亮衰年醉
渾消瘦倚徧書帷亞字欄

門基安康夜已深松筠濕翠滿
牆陰留碩果焚香雪猛拍

深秀亭詩集卷之二

三

瓊簫響視琴世事悔多應夢影
天涯長繫歲寒心熙時統任
草書大烽火潛弛息風林

深秀亭近草五卷

江蘇周厚
堉家藏本

國朝潘鍾麟撰鍾麟字層峯華亭人是編皆七言律

詩前四卷爲乞酒之作所投贈者凡二百六十五

人後一卷爲寄懷之作所投贈者凡三十人以大

學士王頊齡戶部尙書王鴻緒爲冠蓋借此以存

其人乞酒寄懷特假託之以詞耳

遂初堂詩集十六卷文集二

十卷別集四卷(一)

〔清〕潘耒撰

吉林省圖書館藏清康熙刻增修本

序

吳江潘夫子道航聖瀆材棟儒
林孝弟根心樹五常之軌範文
章報國萃六籍之菁英張茂先
之洽聞三十餘乘鄭夾漈之博
物五十八籤莫不原始要終望
表知裏加以吟鞭弔古蠟屐尋
幽登泰岱而涉黃河眼高四海
上會稽而探禹穴胷著千年波
起洞庭遙聞廣樂月明太華獨
聽清鐘求笙吹于伊川仙人宛
在想簫聲于汾水玄譚依然五

遂初堂集序

一

嶺逢人梅花如雪三瀧放棹荔
子初丹訪李渤之弟昆淹畱廬
阜問錢鏐之孫子躑躅幔亭舟
車窮宇宙之奇筆墨擅江山之
秀況乃支郎今日摩詰前身心
會真如義聞第一光生湛寂語

遠初堂集

序

二

契前三清衆筵邊曾聞羊車之
教淨名席上咸諮龍樹之禪故
凡九章三統之書得其原本四
聲五音之學辨至毫釐而平生
得力尤在十翼之中精義入神
不襲九師之說管公明服其旨

遠王輔嗣讓厥辭文固已秦肆
金輕周京紙貴者也于是賦傳
黃案恨不同時詩入丹宸驚爲
才子下弓旌于高密給筆札于
尚書遊島上之三神壓人間之
千佛露門造膝非仁義不陳

遠初堂集

序

三

帝前廣厦說經有語言必妙天
下編華林之七錄近領鄒枚擅
史局之三長遠同遷固龍鱗不
世則魚鮪皆驚虬幹有年則虬
蟠難撼聞枕中之秘借讀盈門
索亭上之元求觀如堵洪瀾巨

派盡號文雄大手名人交推獨
步未摛文以傳世道在則尊養
氣以立言德成者上方朔三千
之牘徒騁才情康成百萬之言
有功經傳夫子胷吞雲夢心湛
秋陽感物造端括囊乎道藝模
山範水涵泳乎性靈詩本風騷
文兼崔蔡可以呵磨駮彖可以
澡雪精神元酒太羹蘊古今之
至味黃鐘大呂寓天地之元音
豈猶岳淺機蕪元輕白俗所能
望其萬一也哉霖簾下傳衣座

遂初堂集

序

四

中授簡雖當前數仞從入無門
而疇昔瓣香依歸有日詎意斯
文寂寂吾道茫茫思北面其何
年入南柯今無路所幸杜陵詩
在喜家法之有傳顧涕情深輯
遺經而復覲嗚呼重遊海上鍾
期援寫怨之琴藏在山中李漢
製編年之序天無意于後死人
有感于前型敬附詹言淚零末
簡謹序

遂初堂集

序

五

康熙四十九年庚寅十一月長
至海寧受業許汝霖頓首拜識



遂初堂集序

六

遂初堂詩集

吳江潘 未次耕著



卷之一

少遊草上起癸卯秋盡壬子夏

登華山 韓蘄王墓碑歌

猛虎行 金山

焦山 北固

多景樓 竹林寺

揚州 高郵州

送顧季貞之豐縣四首

遂初堂集目錄

贈雙南兄 劉節婦詩

沈烈婦詩 贈朱錫鬯

贈曾青藜二首 送譚舟石之官榆林

飲程周量工部齋賦贈

遊京西臥佛寺 退谷

碧雲寺 洪光寺栢徑

香山 翠微寺

秘魔崖 呂公祠

孫北海先生出示倪雲林山水畫卷屬賦長歌

慈仁寺松四首 贈侯大年二首

得家報二首

晉祠四首

卦山

臥琴軒贈交城令趙天羽

雙塔寺雅集詩

汴河行爲方中丞歐餘作

忻州嬰杵廟二首

五臺縣

洪慶寺

小雨宿柳院

將至清涼谷十數里紅葉漫山溪流清駛如行圖

畫

永明寺

羅喉寺

北山寺

登中臺

遂初堂集

目錄

二

卷之二

少遊草下

起壬子秋
盡戊午夏

縣上

豫讓橋

韓忠定祠

紅葉

遊霍麓廣勝寺觀霍泉

望霍

子夏祠

龍門八首

西泠展墓二首

贈杜于皇

烈士行贈趙義菴

九日同惠元龍家雙南兄登瑞光寺塔三首

贈鄧孝威

贈程穆倩

同惠元龍集顧懿樸齋

渡沂

擊柝

山行

蒙山

徂徠

岱岳

譙集李湘北太史齋作四首

酬鄭文起

送朱人遠南歸

送顧季貞南還二首

送程然明歸里

送人之官鴈平二首

送人之官寧夏

清明同張南溟給諫遊京城西作二首

瞻園詩二首

贈吳志老

遂初堂集

目錄

三

贈毛馳黃

贈萬克宗

贈吳慶百

贈汪晉賢

次韻答周青士

玄陽洞

登萬涵樓

石公

林屋

登龍山望太湖

寄題看奕軒

雲間陸介菴寫照作僧裝旁列十好女戲題四絕

句

姜貞毅輓詩

贈孫豹人

次韻贈蘇崑生

贈陳搗謙

贈何伯輝

題孫赤霞像四首	贈錢飲光二首
爲汪蛟門題夢硯圖	重校閣二首
贈汪季青四首	
曹秋嶽先生招飲倦圃作四首	
卷之三	
夢遊草上	<small>起戊午夏 盡庚申冬</small>
寫懷十首	後寫懷十首
贈王阮亭侍讀	壽馮益都相公
雪後同李天生諸子集王阮亭侍讀齋限韻五首	
送宋牧仲推韻關三首	
遂初堂集	目錄
御試省耕詩	四
監修徐立齋學士見示途中寄兩總裁暨諸同館	
詩用韻奉和四首	送李天生還關中
石鼓歌	寄懷衛爾錫前輩
和田綸霞移居詩	
次惠元龍韻送宋叔遂歸溧陽	
施愚山侍讀惠敬亭綠雪茶賦謝	
送邵子湘赴登州兼懷譚舟石太守	
題毛會侯戴笠垂竿圖三首	
送同年錢越江歸省	送古燈上人還金明三首

送宋稚登赴鞏昌幕	題陶雲湖畫白鴈
送臨清權使	送江辰六令益陽
送陸天濤之官郟縣	送吳鑄乾赴項城幕
送田綸霞視學江南	送惠元龍
題暢心閣二首	毛大可納姬二首
送顏子京表兄二首	中秋前一夕集喬石林齋
送侯大年南歸二首	萬柳堂
內苑閱武	滇南告捷
從益都公遊王大司馬園亭作	
重九陳其年招同諸公登高分賦	
遂初堂集	目錄
寄懷吳漢槎	五
卷之四	
夢遊草中	<small>起辛酉秋 盡壬戌冬</small>
賜宴瀛臺詩	
寓舍對花歌和院長初菴先生韻	
院長先生同湯荆峴施愚山諸君遊黑龍潭再次	
前韻	上巳修禊應制
壽李映碧先生二首	贈衍聖公孔翼宸
題龔節孫種橘圖二首	
馮氏雙節詩	

題雙節詩卷并送馮再來少司寇請假歸葬四首

送同年毛允大歸省 送同年范秋濤假歸二首

奉和益都公重九後一日集長椿寺送毛行九南

還二首

送樹南上人歸法華

陪院長先生遊善果寺

送汪涵齋省親歸里 送趙武昔推關維揚

漢槎表兄歸自塞外次韻志喜二首

送喬石林典試粵西四首

贈司業劉宜人前輩 送董瞻吧下第南歸

萬柳堂公饒益都相公次韻奉和二首

遂初堂集

目錄

六

送同年汪舟次奉使琉球

送同年徐電發假歸

重陽後三日沈釋堂崔玉階兩宮詹招館中諸前

輩及諸同人議集限燈字韻二首

後三日集泰對巖前輩齋疊用前韻二首

王烈婦輓詩

贈張陶菴山人

安南行

畫松歌為梅壘山作

送葉慕廬還黃州

贈屠更生

壽沈聖符姊丈八十二首

送李厚餘中翰二首 雪後觀瀛臺四首

送戴無忝歸和陽

題綸竿圖

壬戌除夕

卷之五

夢遊草下

起癸亥春盡甲子冬

癸亥元旦和立齋都憲韻

花朝前一日集曹正子齋分韻得西字

正子有綠水送春帆句為賦二絕

從觀溫泉應制四首 經筵恭紀

健松齋

壽孫惟一先生

同陳其年諸子集李木菴齋盆梅滿屋燈影橫斜

遂初堂集

目錄

七

分韻四首

送徐果亭前輩假歸 送朱蜚鳴待詔歸里

送孫子立編修周星公儀曹奉使安南

送張城令

送宋牧仲之官通永

送价維弟令阜平

送同年尤悔菴假歸二首

送御雲弟之關東二首

瑞魚泉詩和李梅崖觀察

壽沈釋堂宮詹

范節母詩

古意呈院長說巖先生九首

興安將軍歌

贈蛤菴和尚

贈智方禪人	癸亥除夕
申子元旦	懷吳聖玉
懷雲從叔二首	重遊萬柳堂
重過長椿寺	送魏環極尚書告歸二首
送進也叔觀察西亭	
爲王幼華給諫題五詩人圖	
送同年高阮懷假歸二首	
送迂菴歸天目	寄懷通菴法師
贈湯潛菴中丞	曾青藜見過畱飲作歌
爲胡循齋題春帆落照圖	
遂初堂集	目錄
續寫懷六首	嗜退菴
寄友	白松歌
壽朱西仲尊人九十	
卷之六	
近遊草	起乙丑秋 盡丙寅冬
禮懺畢贈諸禪師	黃叙九過話有贈
訪吳東籬先生	贈沈兼人
喜顧茂倫病起	悼顏氏表姊
通濟菴贈密中講師	宿萊菴贈石鄰上人
送沈雲步之官靈臺	贈邑令郭華野

題巢雲堂	過純陽院訪曹鶴賓
輓迂菴上人二首	德清訪章伯昇昆季三首
報德院訪同菴上人	贈體璠講師
雲樓	宿韜光山房作二首
兩阻韜光作三首	觀高忠憲公遺墨
冷泉亭	過蓮居菴作
訪張用霖	卓氏傳經堂
長至有感	德輿謠
徐電發假滿入朝余以事畱武林不得送別却寄	
二首	賣文行贈林鹿菴
遂初堂集	目錄
贈顏无咎表兄	宿菩提菴作
訪汪晉賢作	
集沈崧源齋同陳堯夫汪晉賢高子威分韻	
集華及堂分得翁字	寄懷周青士
輓曹秋岳司農四首	展硯歌
太平菴	渡泓湖
遊小崑山尋二陸故居	
九峰禪院訪西賢禪師作	
過頤浩寺訪蘧菴和尚先兩月已應十八澗祖庭	
之請與西堂參魯師夜話畱題二首	

宿拈花菴作

遜村報恩寺有感

寄懷甘鴻書郡丞

寄懷吳商志

壽鈕孫如

虎丘訪聖宣禪師不值宿丈室作

姚節母詩

二姜先生祠

宿秦園作

陽羨道中作

渡故城湖風怒甚宿蘆葦中簸蕩竟夕悵然成詠

過水陽見牆角薇花訊知是孫編修子立故宅子

立使安南卒於道今三年矣悵然有感卽事成

詩

高淳道中二首

遂初堂集

目錄

十

輓同年高阮懷

二首

懷施愚山侍讀二首

懷郭楚曉編修

三梅詩三首

贈沈方鄴

贈沈公厚

阮于岳邀遊敬亭同沈方鄴公厚諸子分韻

梅藕長見示木瓜唱和詩卷次王阮亭韻二首

題藕長小照旁有姬人倚竹而立

詹在周張允仲招遊鼇峰登培風閣望城南諸山

作

經姜給諫墓作

姜勉中學在昆仲之萊陽瘞貞毅齒髮於先塋扶

母觀來南與貞毅公合葬爲賦二首

題梅定九飲酒讀書圖二首

卷之七

江嶺遊草

起丁卯夏
盡戊辰夏

金山

發儀真遇便風半日抵龍江關帆駛浪高兩岸山

巒如畫

燕子磯

報恩寺

朝天宮

金陵詠古八首

牛渚

采石

天門山

蕪湖關

蠟磯孫夫人廟

遂初堂集

目錄

十一

荻港

大通驛

經車家湖望銅陵青陽諸山蒼翠萬狀遂登陸遊

九華

雙峰嶺

神光嶺禮地藏塔

化城寺

龍菴

宴坐巖

伏虎洞

登天臺絕頂

活埋菴贈默安禪老

下天臺自龍口出山遇驟雨山徑險仄不容肩輿

跣足行巖澗中二十餘里却視諸山在雲海中

隱見出沒備諸奇詭賦詩誌快

觀音巖	韶州至清遠道中雜詩五首	涼風	南雄	南安道中	十八灘	吉安	蕭公廟	豐城	遊西山翠巖寺	遂初堂集	滕王閣二首	自安慶至南昌可六百里三日便到風利驅駛馬	鄱陽湖	石鐘山	馬當山	余忠宣祠	皖江遇都平倩侍御	從陽
飛來寺		南華禮六祖真身	始興江口	大庾嶺	贛州	花石潭	峽江	劍池	同雪門和尚游洪井洞	目錄	鐵柱宮	當鄱陽牛欄諸險俱於枕席上過作歌志喜	望廬山	大孤山	小孤山	磨盤洲	登安慶迎江寺塔	李陽河阻風
										三			吳城					

海岱遊草	換硯歌	周履坦爲余作品硯圖余酬以青花水巖硯因作	坡亭小飲舟中作	同許儀九訴惠州東江遊菊潭精舍登白峰憩東	羊城行贈梁司農和吳慶百作	贈屈翁山二首	別華首臺塵吳禪師	溫泉	遂初堂集	南山寺	浴日亭	羊城雜詠十首	西禪寺贈翠庭禪師	浮丘	大佛寺	海幢寺	朝漢臺	靈山寺	閼江樓二首
起巳巳夏 盡巳巳冬							贈鄭珠江前輩	霍山八首	目錄	東山寺	龍川縣	南海神廟	報資寺訪曠圓禪師不遇	六榕寺	海珠石	五仙觀	光孝寺	羚羊峽	七星巖
						酬別陳元孝二首			三										

節母篇	卅上贈孫豹人
贈喬石林	題可帆亭
園居詩十首	題喬石林侍直圖
戚烈婦詩	爲劉禹美題接翠園圖
過淮陰贈張力臣	贈胡周恪
贈陳東來	題張燕三像
追懷邢太僕子愿	贈邢搢石索其家刻
贈東藩衛爾錫前輩四首	
贈臨淄令朱信昭	呈益都相公二首
贈青州守金立三	贈益都令唐信賀
遂初堂集	目錄
佳山堂四首	游東海神廟作
白雪樓二首	闕里
岱歸過江上同董閭石徐虹亭集曹義眉齋	
君山	寓齋大雪和閭石韻
雪中游山歸閭石見貽一絕走筆答之	
董閭石黃庭表錢宮聲小飲寓齋次韻	
寓漫園贈義眉	
卷之九	
台蕩游草	起辛未春 盡辛未冬
蕭山道中	雨

曹娥廟二首	
門生寧海令辛祇傳來迎爲停十日書壁贈之二	
首	
客館遇王倩修見示新刻臨別有贈	躍龍山
謁方正學先生祠	贈松岩禪師
贈松岩禪師	贈香雪法師
贈項潛九	國清寺
金地嶺	銀地嶺
高明寺	佛隴
寒風閣	天封寺
遂初堂集	目錄
芒鞋	燒筍
華頂峰	茅蓬雜詠十首
天柱峰僧餉黃獨	
石梁觀瀑布宿方廣寺二首	
斷橋	珠簾泉
萬年寺	贈無礙禪師
雨後尋龍湫	桐柏宮
瓊臺雙闕	桃源
贈護國寺夢帆禪師二首	
寒巖	明巖

赤城	蒼山九龍潭
慧明寺	贈天台令董怙瞻
贈方方山	贈馮再來少司寇
題修稷圖	柏貞詩爲李節母作
贈洪虞鄰	題陳寒山畫像
鴈山百詠	
老僧巖	石梁洞
謝公嶺	寶冠巖
含珠巖	雙筍峰
照屏巖	初月洞
遂初堂集	目錄
幞頭巖	石龜巖
靈峰寺二首	羅漢洞二首
鳳凰峰	五老峰
南碧霄洞	靈芝峰
蹲虎峰	駱駝巖
鬬鷄石	利牙峰
果盒巖	風洞
照膽潭	白雨潭
觀音峰	北碧霄洞
將軍石	大筆峰

真際寺	五馬峰
石碑巖	頂珠峰
淨名寺	荷葉峰
霞成嶂	石城嶂
水簾洞	一線天
維摩洞	仙人橋
葉杵峰	行道廊
響巖	聽詩叟
臥龍溪	鐘鼓巖
鉢孟巖	展旗峰
遂初堂集	目錄
天柱峰	雙鸞峰
玉女峰	獨秀峰
卓筆峰	平霞嶂
小龍湫三首	龍鼻泉四首
天聰洞三首	僧拜石
蟾蜍峰	安禪谷
靈巖寺二首	石屏風
小剪刀峰	觀音髻
芙蓉峰	雙髻峰
獅子鼻	飛來羅漢

誦經巖	羅漢寺二首
戴辰峰	火焰峰
燕尾潭	斤竹澗
能仁寺贈漢梅禪師二首	
常雲峰	
天柱峰贈雲峰禪師二首	
錦溪	千佛巖
樹巖	道松澗
瑞鹿峰	閻王鼻
大剪刀峰二首	鐵城嶂
遂初堂集目錄	大
大龍湫五首	水簾谷
詎那亭	觀不足亭
石門潭	獅巖
象巖	望天貓
鴈湖十首	
自性沙彌導游鴈湖酬之二首	
重過大龍湫觀瀑布五首	
重過靈峰寺二首	清籟軒贈曇芳上人
贈栢林上人二首	白溪出山二首
贈東甌守劉裕公二首	

李烈婦	沈升孜學博招飲署齋
酬嚴九臨	仙巖飛瀑
寶巖十景	
石門釵翠	雲端化城
北峰春秀	東谷夏陰
西崖秋爽	南屏冬日
中臺夜月	靈谷傳聲
石磴流霞	青蓮吐瓣
羅隱洞	次韻酬天目和尚
陸蓋思學博招飲署齋	
遂初堂集目錄	尤
酬鄭孝先林天杓二首	
贈陳星槎	贈章千巖
卷之十	
閩遊草 <small>起甲戌秋 盡乙亥冬</small>	
江行雜詠十首	溪行雜詠十首
長至後二日汀州傅浣嵐太守招同郭外看梅爲賦長句	
再同浣嵐看梅分賦二首	
朝斗巖和韻二首	送周龍客遊三山二首
寶勝菴	游上杭金山作

中峰寺

寄題圓通寺

劉幼曦假翫文石詩以酬之

遊水南梅莊

美女峰

普陀峰

贈汪悔齋年友

西禪寺啖荔枝作

汪悔齋臬使餉楓亭荔枝疊前韻

閱曹秋岳先生與陳伯駒荔枝帖中有長句推重及

余輒步原韻志感兼與伯駒索荔

附曹秋岳溶簡陳伯駒兼索長樂荔枝詩

伯駒餉長樂荔枝疊前韻却寄

遂初堂集

目錄

三

遊鼓山憩白雲廨院

湧泉寺

喝水巖

國師塔

鳳池菴

白雲洞

登芳巔峰絕頂

再宿列祖堂二首

贈爲霖和尚

吸江蘭石

題武夷萬年宮

十月望日同劉渭生徐肖來諸子宿天游閣

壽黎愧曾

卷之十一

黃廬遊草

起丁丑春
盡丁丑秋

將遊黃山佳廬書懷二首

過長水訪朱竹垞閱其藏書同過天香菴看梅繁

繆天士李斯年周文石諸故舊口占長句

釣臺

新安江四首

娑羅樹歌

潛口訪汪扶晨

洪中追懷汪伯玉先生

望雲門峰

湯泉

祥符寺

桃花源

慈光寺

贈中洲禪師

文殊院

天都峰

遂初堂集

目錄

三

蓮花峰

丞相源

皮篷訪雪莊禪師

光明頂觀雲海

平天砭

鍊丹臺

天海菴

飛來峰

西海門

始信峰

散花嶠

石筍砭

擾龍松

接引松

蒲團松

樵松歎

師子林訪默安禪師不值

九龍潭瀑布

藥菴和尚塔二首

贈鄉僧鴈黃二首

將出山畱別吳楞香及同遊汪文治王名友諸子

至潯陽訪文允言于仙居鄉邀與同遊廬山

煙水亭

濂溪祠

太平宮二首

東林寺

西林寺

香爐峰訪白樂天草堂故址

綠雪菴

大林寺

寶樹

山牡丹

石隱菴

佛手巖

遂初堂集目錄

三

天池寺

聚仙亭

火蓮院

黃龍潭

金竹坪

仰天坪

登五老峰最高頂

青蓮寺

蘆林菴

圓通寺

淵明故里

歸宗寺

玉簾泉

簡寂觀松

開先寺

布水臺

題心壁上人洗鉢圖

萬杉寺

五乳峰

三峽橋

棲賢寺

白鹿洞

讀先曾祖復學田碑記

贈洞主熊漁演

巢雲菴

玉川門

三疊泉

酬別文允言四首

赤壁

漢口

贈漢陽守戴汝兆

晴川閣

黃鶴樓

卷之十二

楚粵遊草上

起戊寅秋盡己卯春

桐廬道中

遂初堂集目錄

三

嚴灘中秋同周綸易初坐月

子陵祠

謁張羅峰

新安江二首

淳安懷商文毅公

同年方渭仁毛允大俱遂安人毛已亡方亦老病

行次遂安江口去縣尚百里欲往不果悵然有

作

水口至屯溪入休歙界

文溪乘筏至漁亭

游齊雲山

祁門縣

閭下

浮梁道中

景德鎮

饒江行	饒州府
渡鄱湖	康郎山功臣廟二首
江右潘泉諸公招遊北蘭寺席間分賦二首	
九日登滕王閣二首	東湖
孺子祠	樟樹鎮
過臨江聞同年黎肅雲已亡居村不獲弔唁詩以悼之	萬年橋
登鈴山	昌山龍母廟
自蘆溪陸行過萍鄉抵湘東	
湘潭縣	茶陵兵警
遂初堂集	目錄
長沙寓舍	道林寺
岳麓書院	北海碑
禹王碑	岳麓寺
浮湘十首	沅江
赤沙湖	天心湖
龍陽縣	青尉祠
滄浪水	橘洲
墨池	遊金牛山
贈金牛寺主鶴岩	余君山邑令招集來鶴亭
題雨花菴	閩孤兒額天錄

閱邸報知前廣督吳伯成沒於塞外坐臺之所誌以哀之	泛洞庭湖
岳州	
登岳陽樓故址時樓燬於火	白鶴山呂仙亭二首
望君山	黃陵廟
汨羅江	酬石天半
湘潭僧舍度歲	謁南岳廟
懺心寺有作	九仙觀
朱陵洞觀瀑布	福嚴寺
黃庭觀	
遂初堂集	目錄
自獅子巖過兜率鐵佛丹崖諸菴踏雪抵上封寺	
上封寺竟日對雪	雪後登祝融峰頂二首
中山寺	九龍菴
茅坪	西明精舍
方廣寺	二賢祠
鄴侯祠	甘泉書院
辭岳	石鼓書院
迴鴈峰二首	遊浯溪讀中興頌石刻
鏡石	窠尊亭
永州	柳司馬祠

愚溪	綠天菴
芝山巖	朝陽巖
澹巖	
卷之十三	
楚粵遊草下	<small>起己卯夏 盡庚辰夏</small>
重登浴日亭和東坡韻	
重遊惠州西湖	白鶴峰東坡故居
自龍川過嶺	長樂溪行
水車	程鄉
蓬萊灘	閉磧行
遂初堂集	目錄
韓山謁昌黎廟二首	鳳凰臺
湖山寺	五日韓江觀龍舟
和張損持庶常九疊韻詩四首	
和損持初食荔枝作用東坡韻	
損持疊韻相答走筆再和之	
損持三疊韻賦苦雨三和之	
贈華嚴菴起南禪師	竹林寺訪宜白禪師
贈陳比之	集杜錦來寄園
爲夏回岸題梅鶴居	讀武源顧將軍傳
割肝行爲莆中車孝子作	

惠來道中	東海灣
海豐縣	羊桃嶺
望羅浮作	
閏七夕後一日集法性禪院分韻得片字	
六瑩堂讌集分韻得用字	
中秋馮躬暨太守招集衙齋二首	
六榕寺天公精舍二首	
鈕玉樵用余贈行詩依韻見答疊前韻酬之	
蒲澗寺	簾泉寺
白雲山登高	重遊七星巖
遂初堂集	目錄
硯石歎	圭
惠州西湖十詠	
湖心亭	攬勝亭
黃塘寺	棲禪塔
蘇公堤	朝雲墓
準提閣	永福寺
元妙觀	拱北橋
葉瑞五式梁招遊西湖鄰坡秉權非漁畢集卽事	
分賦二首	石上陸行至峯市作
峯市至黃泥瀧經三折新豐大孤諸險灘作	

重遊杭川晤諸故舊	寓丘園作
汀江	漱玉亭
清流縣	漁滄廟
鐵石磯靈山寺	過九龍灘
永安道中	延平府
過建寧贈郡守龐雪崖四首	
雪崖招飲郡齋	贈施質存
偕雪崖遊悅山菴訪準彌上人	
贈準公	偕雪崖重過悅山菴
準公以嵩山石淙碑見贈賦謝	
遂初堂集	目錄
雪崖餞別梅仙山爲賦三首	三
荔支盆	夢筆山
過仙霞關二首	江郎山
卷之十四	
豫遊草	起辛巳春 盡辛巳秋
渡江	重過縱棹園有感
清江浦晤前輩衛爾錫先生	
晤婦弟王子栗二首	訪顧亭林先生遺書不得
河隄三首	宿湖口
過洪澤湖	龜山

泗州	
盱眙遇暴風雨水漲停舟登眺	
浮山	臨淮縣
塗山	登荆山憩卞和洞
硤石山	壽州
正陽關	潁州
大梁詠古四首	繁臺二首
相國寺	朱仙鎮岳廟
延津懷周計百太守	衛輝府
卽事	輝縣道中
遂初堂集	目錄
潞王墳二首	百泉
蘇門山	比干墓
淇縣	湯陰縣岳廟
鄴中詠古四首	商王廟
韓魏公祠	水冶泉
遊林慮山八首	韓陵山
三臺	疑塚
鄴鎮	安陽橋
渡河	具茨山
天仙廟	中嶽廟

嵩陽書院	漢封柏
會善寺二首	少林寺四首
初祖菴	登嵩山絕頂三首
盧巖	龍潭寺二首
測景臺	箕山
石淙	五一園
蓼嶺	緱山
龍門二首	洛中詠古四首
天津橋	洛神廟
北邙山	白馬寺
遂初堂集	目錄
田橫墓二首	鞏縣
虎牢	滎陽
廣武	鴻溝
鄭州	通許署中池亭四首
卷之十五	
臥遊草	起壬午春 盡戊子夏
巳午歲交和宋文森韻二首	
師子林稊飲分得崇字	
題蓮菴師畫紅梅	題方歐餘畫
題穹窿神應圖澗上先生筆	

題李武曾灌園圖	題朱伯埏簞笠小影三首
寄題錦溪堂	題徐虹亭洞庭遊草
畫蘭八首	酬周漢荀見贈之作
壽王東筏八十	
吳聖玉歸自遼左志喜四首	
送吳聖玉再往遼左二首	
題宋中丞牧仲西陂魚父圖	
壽蜀藻宗兄二首	壽景初上人
和宋中丞送兩公子暨兩孝廉赴公車十韻	
聖駕南巡蒙賜御書賦謝	
遂初堂集	目錄
題喬無功蒹葭書屋圖	
送某庶常改補縣令二首	
次韻酬宗人兩衡見贈二首	
題程偕柳兄弟讀書圖	
題繞龍松圖	遊東洞庭俞塢諸寺二首
題吳幼平秋夜讀書圖	
宿西洞庭明月灣周覲侯貽詩問訊依韻酬之	
題王氏明秀閣二首	題撫松觀瀑圖二首
老馬行爲澤州相公作	
澤州公有鶯脰湖見懷之作依韻奉酬	

陳虞佐北行有畱別之作依韻和之二首	送朱漢槎游嶺南四首	題施翼聖東荒田舍圖	同學余冲子遠來稱壽詩以謝之兼祝其來年七	衰二首	題王石谷畫	壽陳元一妙丈二首	題楊湘城深山訪道圖	御書閣三首	題綠漪亭	雙林寺	湖塘瞻眺	題楊	補臂圖	送初堂集	目錄	呈	題宋蘭揮潯陽送客圖三首	新安畢叙九尊祖觀於塞外歸葬故里嘉其篤孝	賦此贈之	卷之十六	補遺	司馬相如玉章歌	訪白菴禪師宿一雲山房作	慟哭七十韻	隔谷歌	度關曲	答朱長孺	已酉冬自淮陰抵平原呈亭林先生六十韻
------------------	-----------	-----------	---------------------	-----	-------	----------	-----------	-------	------	-----	------	----	-----	------	----	---	-------------	---------------------	------	------	----	---------	-------------	-------	-----	-----	------	-------------------

太瘦吟贈徐方虎	西郊兩高士詩	寶刀行爲夏子宛來賦	石壁	藐姑射山	呈亭林先生	黃山歌送孫無言山人歸黃山	送臨洮知府二首	贈陸冠周	橘香菴訪同岑和尚	香花甲詩	喜雨二首	再疊前韻二首	贈沈行可	元日分韻二首	送陳廣陵下第南歸	送顧雨若南歸	遂初堂集	目錄	呈	壽劉太恭人	城渠開	捍海塘	營無通	縛市虎	呈理安和尚	贈廣督吳伯成四首	鎮海樓歌	翠琅上人見贈墨竹詩以酬之	贈江右宋牧仲中丞	贈李茲佩	哭周青士三首	上巳日集周觀侯齋作	資福寺訪天日禪師	題瑪瑙山房圖	寄翁樵仙	九日侍澗上先生登照山作
---------	--------	-----------	----	------	-------	--------------	---------	------	----------	------	------	--------	------	--------	----------	--------	------	----	---	-------	-----	-----	-----	-----	-------	----------	------	--------------	----------	------	--------	-----------	----------	--------	------	-------------

徐健菴司寇以一葉舟見訪溪南感而有作

哭益都相公十首 白鹿洞贈于淑掌

送鈕玉樵之官高明 贈紹興郡守王憲尹四首

題龐雪崖種竹圖 酬陳霽山

題王石谷還山圖二首

遂初堂集

目錄

書

遂初堂詩集卷之一

少遊草

登華山

東吳之山千萬重就中秀拔蓮花峰湖光浴出青芙蓉
煙鬟霧縠春妝濃山根夾道羅長松嘈嘈天籟鳴霜風
怪石凝立如驚鴻奔雲捲石石撼空半山一禪院岌業
開層官盤雲結翠既窈窕錯金鏤碧還玲瓏誰其隱者
晉支公近有趙朱追高蹤云有靈藥在絕頂服之白日
能飛冲我登茲山巔拂袖併空濛千葉之蓮渺何處但
聞驚飈怒號排雲走霧飄若蜿蜒駕驪龍又見連山四

遂初堂集 少遊草 卷上

一

合若長波蕩海蹙奔湧而朝東使人對此開心胃八
荒茫茫不可辨三山窮髮何朦朧五湖如杯江如綫浮
青縹白殘霞中吾聞中原之山高萬仞呼吸可與帝座
通吳中諸山若培塿今茲登眺亦已雄丈夫終當汗漫
遊五嶽倒騎日月凌蒼穹

韓斯王墓碑歌

靈巖山前塚纍纍荒煙野蔓不足悲巨石峻嶒壓松際
旁人云是韓王碑韓王蛻去五百載當年英名至今在
彎弓夜月射奔鯨拔劍寒沙清瀚海一朝雄姿為枯骨
麒麟高塚營山窟黃腸便房天府出守冢萬家拜百笏

歲久但見蒿與藜豺狼入穴狐兔啼惟畱一片石千古
靈巖西靈巖峰高入雲霓韓王勳名與之齊惟王勳名
震千古手奠坤維揭天柱麾日之戈射潮弩半壁江山
畱宋土可憐後此竟何人忍使銅仙淚如雨梅花落盡
梨花開遊人絡繹靈巖來但上翠臺尋響屐何人山麓
披蒿萊碑高三丈字如掌帝製鴻文盛褒獎縱使碑刊
墓盡平蓋世功名在天壤君不見錢塘飲馬江不流風
山宮闕爲荒丘張王秦相墓何在六陵蕭颯冬青愁

猛虎行

猛虎耽耽潛於巖阿野則有羅虎當奈何謂虎無羽而

遂初堂集

少遊草 卷上

二

使牧豕謂虎無角而使將鹿豕善駭震於其威虎雖
大仁不耐腹饑東西咆哮風毛雨肉行人膽破相戒以
目帝赫斯怒乃命獵者猛虎尚可獵者殺我有矢如蜩
有戟如林不以跡虎而以從禽獵人謂謂爲虎傳羽獵
人逐逐爲虎生角帝勿捕虎虎則有巢驅還其巢亦莫
敢驕百獸之長厥惟麒麟哉我弓矢安用獵人

金山

萬古標形勝中江一柱尊水分天作壑地坼海爲門鐘
磬來波面蛟龍聚塔根斬王血戰處墜馬有驚魂

焦山

焦山青一點幽討足林巒雲氣衝帆濕濤聲漲佛寒沈
碑捫字讀寶鼎拭苔看山有壘鶴銘及周鼎不淺乘桴興茫然對

北固

地設南徐險山畱北固名女牆蒸土築狼石撼潮生木
杪樓臺湧雲中鼓角驚謝郎垂釣處出手見生平

多景樓

蕭颯江樓坐煙光向晚重寒邨攢橘柚落日沸魚龍帆
送中流笛杯傾隔岸鐘三山不敢賦彩筆有前踪家木公先

生三山賦刻石在壁

遂初堂集

少遊草 卷上

三

竹林寺

山徑不知遠隔溪聞寺鐘灑空香雨淨覆庵竹陰濃馴
喜銜花鹿降看住鉢龍遙傳松頂嘯人在最高峰

揚州

江淮百戰後此地尚繁華繫馬一堤柳懸燈千樹花連
雲金埭地流水壁人車寂寞梅花嶺霜林啼暮鴉

高郵州

惆悵秦郵路荒城水浸餘人家依落鴈寒日近游魚斷
岸夜還築菜田秋未鋤漢廷無買讓誰與策河渠

送顧季貞之豐縣四首

淮南大火落桂樹凝微霜門外青驄嘶遊子是嚴裝嚴
裝欲何之遊彼豐沛鄉浮雲暗平原疾風被高岡送君
臨長河四望心茫茫羈人易爲感觸緒增悲傷况乃別
君子百憂集中腸我有綠綺琴盛之文錦囊十年掛牀
頭朱絃未曾張今日重摩挲爲君奏清商一彈遊魚出
再鼓玄鶴翔不惜絲絃絕但寫別意長子期今逝矣能
不增慨慷

蘭蓀不妄託鸞鶴不妄羣男兒生世間結交自有真寶
劍埋重泉張公矚龍文騏驎逢孫陽悲嘶入青雲精靈
故不隔遇合如有神我行涉江湖三臥淮陰春王孫去
遂初堂集 少遊草 卷上 四

已久英風莽沉淪邂逅得吾子旅寓偏相親一見語如
故兩載情逾新子實經世才壯心凌秋旻襟懷洞軒朗
英敏識絕倫蒼然昆吾鐵精光黯龍鱗百鍊經風胡可
以雄九軍

伊余長菰蘆雅志頗卓犖懷古耽讀書圖史恣探索昔
人去千年風期宛如昨緬懷青雲上微志有所託何期
遭坎壈弱質愁漂泊伯鸞初出關士衡未入洛旅食江
淮秋放歌成落拓世人笑鷄棲吾甘學龍蠖賴遇陳元
龍延我坐高閣論交篤弟昆投分諧鐘鐸寸心有所辨
形骸兩脫畧願言結千秋相期步寥廓如何忽分飛悵

望增脚脚

脚脚亦何爲征旆不可駐男兒志四方荏苒愁歲暮
雞鳴霜晨寒月在高樹遲遲戀高堂行行慎霜露芒碭
鬱坡陀川原莽回互淒涼大風吹五雲在何處懷古多
淒情貽我西征賦我亦行南歸扁舟下瓜步會面難可
期贈詩見情素驚風吹雙輪流光去如驚春華不足希
秋實良可慕何當天門開旭日散煙霧與子相提携翔
翔入雲路

贈雙南兄

三山時京口大江來上游其間氣鴻濛濛旁薄西城幽厥
遂初堂集 少遊草 卷上 五

秀萃吾宗奕葉傳風流大父落鳳毛 府君髯龍頭
公如阿兄才繡虎 望爾阿弟氣食牛嗟君才不羈儻輩
誠寡儔顧盼生風雲詭浪輕王侯停杯數千言滾滾不
肯休風嗤經生業羞作轅下騶放神丹霄外意氣如雲
浮鸞孤射鵬鵬乘風拍浮丘神仙與功名指掌思兼收
俾哉追風駿頓足窮遐陬願君且安步玉鑾鳴啾啾少
待秋風勁良樂會相求爲君整蘭筋快意八極周

劉節婦詩

節婦黃氏閩人故太史文煥之女孫許聘淮陰劉氏
子未婚夫亡請奔喪不得遂成服於室無何聞有他

議自投於樓不死居五年不釋服曰不歸劉拜夫墓
終不釋也舅姑乃迎以來謁墓慟哭哀感行路淮人
士歎美之爲作此詩

牛女何迢迢迢迢河漢隔空名一以繫萬古終不易夙
昔長濬閨習禮亦明詩許身配君子永願奉光儀兒絲
託喬松自言上霄漢未見彩鸞飛乍聽冰絃斷絃斷續
無期悲來不自知君看卷施草未拔心先摧五載空房
中淚痕未曾洗空有墜樓心恨不階前死一死可從夫
他鄉有老姑姑今病在牀湯藥誰將扶生字劉家兒死
作劉家婦夫死不奉姑九原爲相負秦淮水東下爲儂
遂初堂集 少遊草 卷上 六

嗚咽流淚向江水一夜渡邗溝阿姑聞婦來披衣俄
起坐恐令姑念兒含淚不敢墮入門拜姑婢拜夫還出
門我夫今何在蕭蕭白楊原一拜心骨摧再拜肝腸絕
蒼天若憐儂厚地爲儂裂翦却墳頭草教君識妾顏妾
顏不如此舊日如花妍昔妍今已槁棄置勿復道收淚
入寒閨養姑以終老

沈烈婦詩

亦知伉儷恩相報豈必死堂上姑有兒閨中妾無子同
歸况復夫有言黃泉相見何所難寧爲華山畿邊連理
樹不作懷清臺上之孤鸞東流之水西流日人生去就

只旦夕一斛淚珠三寸絲百年志願從此畢君不見太
冠修劍空差峩臨事宛轉何其多

贈朱錫嘔

天台拔羣峰東壁輝列宿南州盛衣冠之子爲領袖傑
然雲霄姿大厦資結構匏瓜悲天懸井渫側寒楚閒爲
蘇門嘯善作伶倫奏大雅還初元風騷獨馳驟峩峩春
明門英賢畢來轅高齋掃晴雪玉山驚邂逅聞遊泰岱
還應宿天門岫日輪湧扶桑幾時割昏晝僕本同岑人
折麻欣有舊才非士龍奇齒是公明勿偶然弔燕昭金
臺甕停雷方辦五嶽裝青精煮糗糗何日相提携連峰
遂初堂集 少遊草 卷上 七

掇三秀

贈曾青藜二首

男兒七尺軀軼軻當百折誰無千秋志遂者爲英傑君
本貴公子弱齡著壯節倉皇潰軍中支撐仗勇決迄遭
喪亂餘冥心宅巖穴種瓜原頭雨抱甕溪上月漸喜成
老農不爲世識別時復躡屣遊經年滯吳越醉酒要離
墳放歌頗激烈我昔欽英風攬衣遙相結今來燕市南
逢君已華髮腰中雙龍劍得非昆吾鐵雖無芙蓉鏐精
光庶不滅

聞人富藻思烈士多苦音君看孤鶴唳肯同黃鳥吟聞

君弱冠日摘葩耀春林霜風一憔悴萬象莽蕭森獨見
天骨在老幹聳萬等悠然田家作寄慨一何淩逸趣緬
雲壑遠想舍古今嘗聞陶元亮默撫無絃琴及乎詠荆
軻慷慨露壯心載讀短兵篇商風橫我襟

送譚舟石之官榆林

男兒蓄大畧邊勢須洞曉但披一卷圖曲折豈能了所
以經奇人驅馬涉無阜譚侯文武姿風雲鬱懷抱天借
一邊城仗節榆關道榆關落葉多千霜未曾掃咄哉河
南地既脫痛遺老牧兒飲鹽池獵馬風漢草藩籬得無
疎防虞須及早餉道陂魚河邊烽逼吳堡土門十八寨

遂初堂集 少遊草 卷上

八

舊額今多少屯營與互市利害宜細討我亦僞儻人風
塵苦潦倒行將關華遊捫雲叫蒼昊興到彈劍來春盤
醉瑤瑤相携青睞峰指點天山小

飲程周量工部齋賦贈

凍雪不可掃積素明遠峰何處可高詠愛君庭際松
下鶴驚人彷彿如王恭天骨何清臞面有仙俠容祗應
朱明洞燒藥騎茅龍不然散髮遊閑作花田農胡爲客
金馬束縛同寒蛩以茲自擺脫閉影謝塵蹤愛客乃不
雜酒人得過從同調十數子時時此相逢清尊陶永夜
高談豁心胸伽藍精舍近寂坐聞霜鐘

遊京西臥佛寺

策馬入亂山山迴夕嵐隱徐步吟松風不知僧寺近入
門坐修廊風物轉淒愴寒石青稜稜枯泉白泠泠貧
束數叢裝羅挺雙本蒼涼殿瓦頽剝落碑字損獨有旃
檀像不隨劫火燼支頤對城闕千霜臥彌穩夜梵羣
息晨鐘衆峰殷喧寂兩無營羣塵此俱盡山行信冥搜
茲地聊息軫谷神如可求吾將養玄牝

退谷

蒼崖斷谷口步步入幽峭達人昔掛冠茲焉理清嘯我
來無前期山光遠相召翠色浮千巖孤亭領其要側對

遂初堂集 少遊草 卷上

九

十丈松偃蹇龍虎貌俯聽百折泉琤琮洩幽竅老樹無
早花寒岡有殘燒煙磬何泠泠露鶴時一叫愛茲蕭爽
極彌悟靜者妙興公賦天台謝客懷海嶠茲地非遐陬
幾人展吟眺作達亦由人塵鞅誰能掉寄言巖耕者後
來嚆同調

碧雲寺

寺旁有魏忠賢墓甚宏壯

香臺俯鴻濛羣山四環衛龍宮豁然開樓閣湧空際丹
霞夾飛甍珠樹蔭密砌崢嶸神鬼工照耀金碧氣壯觀
何能爾創此自中貴坡陀山頭塚規模更闕麗黃腸隧
道封玉魚便房閉丹青儼祠宇特勅蒙葬祭豐碑刻鴻

文歷歷元宰製行人不能讀識者發歎懷中官古來有
掃除職微細念其犬馬勤惟蓋斯可瘞奈何濫恩私王
章褻奴隸官號借台司封土同帶礪所以蓄神姦毒
流海滋然臍未快心誰令此埋尚蒼涼金粟堆寢殿非
昔制茲何尚巋然石門鎖松桂誰能手斧柯干春掃氛
翳

洪光寺相徑

聞登天門峰松磴十八盤蒼蒼連天去雲石相與寒茲
來穿相徑髮髯同壯觀萬樹欹偃蓋百折梯危巒風湍
去宮靄煙翠停團團姿殊昏明變態異俯仰看送迎目
遂初堂集 少遊草 卷上 十
云疲十步一盤桓下枝繫我馬上枝掛我冠枝雪不受
日纚纚落地乾寺門雲端近林角飛樓丹還應清齋罷
乘月吹紫鸞

香山

層峰秀蒨蒼香山內爲蒨鮮明夕陽裏葱蒨可攬摘獨
秀自天語幽討富奇蹟霜鐘吼雲雷湯泉應潮汐三春
俯杏海茫茫浪花白人王昔來遊名僧此卓錫雲旗麗
雕甍翠輦憑玉碣淒涼劫灰餘萬事改疇昔秋風語塔
鈴寒月淚銅狄壯觀不可追歲序如箭激徘徊荒岡頭
感此長年客

翠微寺

西山內閣浚東面薄帝畿佛寺盛金銀林嵐掩清輝西
行轉谷口萬壑莽相圍身尋翠微山不知坐翠微禪房
有餘清好鳥棲巖屏淨地不可墜空香發天機老僧放
鶴罷策杖徐徐歸延我上高樓目斷孤霞飛贈我雙石
硯餘潤浣我衣渾河遠明滅潭枯今是非便合抱翠去
遠翠堪療飢裹紉不成宿眷眷中心違

秘魔崖

盧師乘虛舟不掉亦不刺飄飄信天風偶與茲山值遂
巢懸崖巔俯瞰龍潭闊潭中二龍子化形來來侍乃知
遂初堂集 少遊草 卷上 十一
無心人可以擾殊類我來訪遺蹤磴道莽荒遠飢蹙騰
長松山鬼啼破寺秘洞豁豁何勢勢龍睡垂垂泉滴
衣冉冉雲下地石面五寸相盧師所手蔣千霜未盈把
彌覺人代駛余亦忘機人簪笠隨所至青童倘相客茅
齋此中置

呂公洞

玉泉無尺土削石立衆笏大小二石洞出入雲爲窟玲
瓏通地肺前劣露山骨其下石罅泉湧出如助突散作
碧玉環澄迴寫林樾莎草淨於煙遊魚明可掬微波去
鱗鱗照影能已渴仙翁愛此水汲之鍊藥物丹竈尚可

尋妻子誰能割庶幾濯塵纓松下晞余髮

孫北海先生出示倪雲林山水畫卷屬賦長歌

我昔讀書天平山中萬笏落牕牖層峰疊嶂相盤迴
怪石側立千丈陡翠微濛濛長濕衣朝昏變態無不有
空林無人蒼澗寒微雨不知落葉厚看雲老僧坐斷崖
曬藥人家傍高柳楓林早霜紅半谿稂稂秋風黃十畝
溪橋漁浦不見人沙鳥灘魚靜相守爾時逸趣疲煙霞
不識人間有塵垢自從負笈來京華夢中猿鶴空回首
高齋忽見倪迂圖勝槩分明眼中取倪生筆態最蕭遠
臨摹枯澁恨凡手是幅蒼鬱絕不羣重重巖壑鴻濛剖

遂初堂集

少遊草 卷上

七

清詞一闕書上頭題名別署曲金叟詞中風致何飄蕭
淡墨模糊字旁紐苦心愛者今退翁雅趣由來寄林藪
清秋曲室坐相對包山笠澤吞八九客子入門翻悵然
始覺家山別來久塵沙冥冥霜霰烈未得躬耕歸谷口
君家退谷香山下萬樹松杉面蒼阜鄙生有意同幽棲
茅齋一椽能借否卽尋靈藥攀三花便發藏書探二酉

慈仁寺松四首

愛向精藍坐蒼松樹樹幽寒濤侵月上晴翠近衣流瓊
質香臺護奇齡浩劫畱紅塵無著處蕭颯梵天秋
雙樹金元有孤根定死生黑發燒電火赤訝蛻龍精倒

臥雲柯歷交穿鐵幹橫霜天愁變化莫遣曉鐘驚

偃蓋交加結盤空一氣青濃陰無日漏密葉有鸞停天

女供花鬘仙翁乞茯苓素封詎肯受人外自亭亭

瘦影高誰惜寒姿晚自香蟠根私厚地挺節費清霜柔

海經枝短樓臺幻市長橋陵殘照裏遠翠共蒼涼

贈侯大年二首

鄉縣知名早論心翻客遊相逢黃葉寺同做黑貂裘松
栢平陵涕煙霜隔谷愁含情兩無限絮語郭門秋
買賦黃金賤逢人青眼虛薄遊嘗世態生事愛吾廬開
匣存雄劍垂惟有賜書白華秋露下采采意何如

遂初堂集

少遊草 卷上

七

得家報二首

家信亦仍達今朝便當歸開緘愁一破望遠淚還揮多
病慈顏瘦長貧小弟飢高秋相憶處露冷北山薇
入洛非吾事淹留忽判年來憑執友訊住戀主人賢別
夢那須促還期肯浪傳薊門霜葉脫準擬上江船

晉祠四首

圖經萬古傳懸壺石瓮于今尚可攀亂水出穿巖乳下
雙池圓吐沫珠還香杭軟稻先秋美翠鳥丹魚入鏡閒
搔首長纓堪一濯勞勞車馬愧塵顏
綠山水樹故參差影水樓臺上碧滋社鼓別喧金母殿

禪燈孤傍叔虞祠晴天霰雪停蒼柏絕壑冬春秀紫芝
何處仙公騎鶴過棟間題字濕淋漓

晉陽唐祖龍興地曾向祠宮默禱兵此日荒碑盡殘照

當年一劍掃機槍遺墟雲氣為城闕久雨神光見旆旌

借問雙流渠下水可能重為聖人清杜詩龍起猶開晉水清

曾吟太白龍鱗句坐想晴波放舸空悵望碧天無共語

飄零彩筆不同時長鑱丘壑身堪隱短角關城晚莫悲

皂帽故人強健否名山采藥汝何之壁間見朱錫題名

卦山

卦山交山陽孤峰獨崔嵬下眺一氣中稜稜露巖崖森

遂初堂集少遊草卷上 五

如六爻列錯若萬卦排我來正雪霽寒空無纖埃羣峰

皎練明萬栢攢一苔遠見介山巔于霄白皚皚近矚交

城城微茫辨樓臺文峪下西谿汾川自東來連山走黃

河屏展却抱迴誰言萬家縣形勢亦壯哉守險在良牧

濟世須雄才利鐵鉏窮巖健馬嘶風哀劉淵亦何人石

匣為之開蒼天不可問浩歌舒遠懷

臥琴軒贈交城令趙天羽時新有平賦功

臥琴軒中三尺鐵雪光模糊血猶熱使君生平一片膽

親擒虎子入虎穴使君能武復善文華堂上客常如雲

銜杯賦詩色不動半夜忽破葫蘆軍古人勲業只如此

囊沙滅寇兒戲耳叔子輕裘合總戎武侯羽扇真名士
管泮峰高邊雪浹猿啼麗嘯春陰陰神鷹奮擊待鵬子
善刀而藏良苦心酌君桑落為君吟清獻風規遠可尋
萬里行邊攜一琴

雙塔寺雅集詩

出太原郡城東南行可七八里有寺曰永祚雙塔巍

然捎雲礙日見之四十里外浮浮若旌幢焉其下為

松莊傳隱君青主所居也隱君蘊質含章知白守黑

逕世無悶與天為徒太守延津計百周君標拔塵之

槩結人外之契歲之初吉率子若聳屏騶從挈壺觴

遂初堂集少遊草卷上 五

躬造於廬爰眺爰遊來集精舍維時晴雪停岡寒水

承雷相與圓爐命酒講論道德元本山川攀軌依風

不知日之既夕夫潛龍以不見成德居士以高尚著

節然鑿坏踰垣君子以為過峻夫惟通人貞不絕俗

隱君之謂矣若乃親誦干旌以信韋布斯禮也不絕

如綫賴使君存之弗書弗詠後將何觀爰述短章用

志良觀

黃農世已遙上士潛巖谷滓蕞非我區蟬蛻身不辱王

侯尚其風就見紆軫豈為衡茅榮于焉激積俗蟬蛻

競朝光世路傷局促軒裳各自嬾誰遑問幽獨渺矣中

州彥振衣步高躅降此五馬尊巾車造白屋彼美肥遯
賢孤霞不可拘威激禮意勤欣然褰巾幘是節春始萌
雲氣漲林麓寺門風冷冷浮圖鬱雙廡茗酒淨松筠
睂照冰玉俯仰同所懷斟酌幽趣足僕本丘園人澤雉
隨飲啄欣逢式廬美未覺塵網束汾水清粼粼可以飲
黃犢何當卜南鄰休駕從所欲

汴河行爲方中丞歐餘作

汴河之上河如弓汴河之下河如龍弓行千里正一曲
龍性變化無常蹤神禹鑿九河放著渤海中千五百年
尚一決大伾不北而徑東遂令梁泗間至今朝陵暮壑

遂初堂集

少遊草

卷上

六

無終窮殺湍捧土諒非策排沙漉海難施功河渠之書
一寸紙蜩蟬萬喙聽者聾提綱挈目示要領客邸幸見
中丞公中丞勲績高當代保障之功汴河最汴城萬里
初爲魚河北金隄又橫潰公也捧節來治河赤手與塞
滔天波指揮人徒三十萬北河柳盡南河柯大埽如山
小如堞一浪不敵衝風過晨餐掬泥土夕枕眠盤渦以
身爲石髮爲草乃感帝力鞭鼃鼃荆隆口閉神馬塞汴
河南北重蠶麻豈知功高定遭忌謳吟翻促彈章至旋
聞東郡罷王尊那得通侯賞延世自爾長揖還東山角
中嘯傲江湖間奕秋斂手向碁局坐看黑白紛斑爛昨

聞清口決又報漕河乾高堰塞復漏歸仁築未完胸中
熱血不可咽相逢當路只緘口丁寧翻向芒鞋客盡笏
川原盡紆直淮泗之間皆土山眼前此意無人識方云
一石水而八斗泥河日南決南中地亦
日高淮徐間遍地皆水實遍地皆山也養癰裏創愁內
蝕不病河南病河北負薪沈璧徙區區疏不成疏塞非
塞吁嗟天意難可知勸公且盡金屈厄淮黃清濁亂已
久南土豈合偏瘡痍復禹舊跡理亦得災黎百萬將安
之吁嗟天意難可知且爲公歌汴河詩洗眼坐待河清
時

忻州嬰杵廟二首

遂初堂集

少遊草

卷上

七

烈士不愛生亦不鹵莽死苟生顏面羞徒死魂魄恥生
死各有立機括妙相倚嬰杵得其浚一髮存趙祀千夫
共輿瓢不如道旁委兩人利斷金同心而殊軌間諜有
陰陽奇正相表裏神鬼未能窺宵小安足擬趙朔亦何
人得士有如此驅車出忻州醉酒弔故里秋風正蕭騷
浩歌熱雙耳帶兆雖中絕巢卵豈俱毀藏山不可求哀
哀哭公子

古人貴成事今人貴成名義聲豈不美賒取事或傾吾
心在千秋旦暮安足爭太史傭法章丙吉不自明生潼
關李善賣卜有王成短簞詢楚隸漏船舞吳兵奇巧千

萬端權輿於杵嬰精誠生智術狡獪不足驚死生判難
易當時費權衡功成終下報命乃鴻毛輕爲難勿藉口
君子守其經

五臺縣

路入淖沱左城開五頂西女牆晴翠沒牛屋斷崖齊谷
井懸梯汲山田抱犢犁邊城霜落早紅徧數村梨

洪慶寺

丹樓飛出蔚藍天曉坐秋窓秋可憐微雨著林初作雪
寒流瀉石不成泉峰頭脫屣僧先到燈下緝經客宴眠
欲向華嚴辨翻紐神珙不見一潛然老僧妙雨曉等韻頃已逝

遂初堂集

少遊草

大

小雨宿柳院

濕衣疎雨亂山中繫馬山莊楊柳風一徑暝煙沈返照
半林霜氣凍殘虹齋分佛供香秬白眠就禪牀石炭紅
會得華嚴眞諦義文殊只在福城東

將至清涼谷十數里紅葉漫山溪流清駛如行圖

畫

晉山雖龍旋而無林木秀眼豁此山椒十里張錦繡如
逢江湘客山靈巧相鬪清霜百萬斛叢薄染新就黃翻
新驚羽紅閃闌人袖過雨脆未脫蒸嵐薄能透谿迴境
彌清石橋吐哀湑磴道披蒙茸天地別氣候幽有山鬼

啼寒無日光漏丹果仍羅生瑣細不可究其葉乃楓林
其實如橘柚不穿浹林行焉知畫圖厚靈境不可襲呵
護資怪獸塵根冀能真虎窟吾將僦

永明寺

梵刹何方古清涼百代仍地幽先得佛山冷剩樓僧五
頂瓊函記諸天寶藏徵大孚名漢帝驚嶺認摩騰靈境
虛空有神功應現能眞容穿獵箭殊像罽魚罽竹化林
千畝螺旋髻百層銀綿浮世界珠蓋閃神燈窟宿摩雲
象巖潛蹴海鵬拈空莖草示訊法短义應十戒開眞教
三車載大乘慧薪長不斷寶筏每先登藉此慈雲覆因

遂初堂集

少遊草

大

之象教憑八州供稅遠百軸賜書曾瀚海嗟變伽藍
亦遞增莊嚴今日麗土木幾時興盛事傳王母冲年記
定陵內家分雜寶御府出花綰紺殿毫光湧崇臺銖兩
稱尊龍蟠井幹馴雀守觚稜布地編金埒彌空網玉繩
只言鰲足戴可救杞天崩蟻賊奔騰過龍髯寂寞升廟
壝荒碧甃寢殿鎖朱甍切火灰誰問銅駝涕不勝王孫
衣破衲故老挂枯藤翻訝琳宮壯從知法界弘相輪還
峯律獅座轉峻嶒椒壁依鐘磬慈容拜罷毘空山一搔
首憐淡客愁凝

羅喉寺

宋張無垢
見聖燈處

山川氣磅礴騰上爲雲雨幽潛巖谷中陰火自然煮昏
黑生光芒上下作吞吐曼殊善遊戲大地含一黍假此
圓明相變現青蓮宇寶髻青俊猊龍神散花女萬態無
定姿虛空濬容與當年無垢翁奇光於此覩冉冉騰衣
裾毫毛燦可數遭逢亦偶然前哲非誕語性相了無涉
希有駭離瞽水月涵空華攬之在何許我來值浚秋松
門竄蒼鼠空廊不見人藥欄轉亭午

北山寺

暮雲忽滿閣蒼茫晦前林寺門掩疎雨涼氣盈我襟遂
曠山僧期飯花裹秋衾平明霽色開草徑相招尋遠院

遂初堂集

少遊草 卷上

三

樹百株無風自哀吟枝頭好黃葉一夜落散金窸窣響
步屢悵然秋已浚禪房寂無累暮節感我心北鴻有去
影南楫無來音采藥事未就種黍力不任悽悽叩牛角
惻惻彈劍鐔惠休又已沒濁酒難獨斟無以遣滯慮浩
歌東山岑

登中臺

中臺秀出五臺心天造浮圖一萬尋鴈塞山河飛鳥看
金輪世界躡雲臨掛瓢僧住水天老撥草人來月窟淡
信是清涼真境別三災不到雪山岑

遂初堂詩集卷之二

少遊草

縣上

忌坂尋何處層巒曉勢分急風翻野燒清露冷鴉羣有
母甘逃祿無龍可入雲如何不歸去隱矣更焉文

豫讓橋

昔讀刺客傳豫子實報主微哉政與軻氣矜豈其侶癘
啞變音容不變者心胥塗厠跡已奇伏橋心愈苦無言
功不成斬衣血濡縷至今官道傍石梁橫撐柱風水聲
酸嘶如聽忠魂語男兒七尺軀捐之患無所裹子豈不

遂初堂集

少遊草 卷下

一

賢智氏早知女國士恩已浚誰能避膏斧所以節樂人
有身未輕許

韓忠定祠

明祚三百年壞之三閭孽中葉當武宗逆瑾禍尤烈空
朝暗無聲尚書特奮舌首請假尚方願命陳憤切至今
諫草存字字凝丹血空拳扳虎牙掣項旋見齧削霜怒
未已檻車遭刺剗清吟詔獄中雅量何其達正氣所磅
礴宵小焉得殺卒傾朝陽光坐待蟬螻滅嗚呼正德朝
惟公數完節西涯信工文婉婉腸內熱我來瞻崇祠英
爽動鬚髮千秋太嶽峰高名與之揭載詠去婦篇涼風

助悲咽尚書去位空同
爲作去婦詞

紅葉

汾州東岸霍山西照眼邨邨柿葉齊亂紫欲然溪覆屋
疎紅不落故臨溪坐披圖畫食樵徑行踏霜華戀馬蹄
風雨重陽莫狼籍忍教秋色便成泥

遊霍麓廣勝寺觀霍泉

栢作屏風水作簾浮圖倒影碧纖纖秋光輸與枯僧得
詩興都從野寺添帝返瑤池封造父天畱石榔葬飛廉
林嵐密處樵踪在恐有高人學豹潛

望霍

遂初堂集 少遊草 卷下

二

太行連綿亘河朔別峰突起亦名嶽尊朝白帝張一辰
高柱青天生衆角陽岡晦作下方雨陰壑凍埋何代甍
苔花錦石秋班班落木寒泉澗濯濯騎鶴仙人清夜遊
月明髮鬢聞天樂巖房赤箭無人收松下茯苓晚堪斲
浪遊五年無一成鍊骨有丹何不學便佩真形棲絕巔
夜半天雞聽呶呶

子夏祠有墓在祠後

孔轍不到晉西河遺澤長身兼領文學門許拜侯王駐
馬祠雲白看碑墓草荒髫年受詩序不敢薄毛萇

龍門八首

入塞黃河七曲餘急將東海作歸墟誰開疊嶂遙相引

早束雙崖鬱不舒吼峽風霆千古鬪排天日月往來虛
巉巖直到龍門盡快意奔流一放初

峽口雙峰相對開衝波日夜走轟雷雪消春卷桃花至
雨霽秋兼瀑布來勢奪一門推壁轉聲驅萬象觸龍虺
只今十月濤痕落塞岸水漸亦壯哉

此下何山可截流陸沈真恐及神州平吞砥柱魚鼉橫
直掃金隄版鋪愁變化須經三級浪飛騰合送一歸舟
不貪別是神龍性肯爲明珠上釣鈞

陰森禹廟蒼巖裏老栢虬身鐵作枝露宿枕流聞戰鼓

遂初堂集 少遊草 卷下

三

雲行拂水見靈旗鑿開地肺經營定驅走神工跡象疑
萬古殺湍誰竝續岫嶂風雪護殘碑

臨思高閣靄氤氲對面層山小語聞五老星標晴竝拱
三峰仙掌碧微分汲河修綆穿虛閣渡馬方舟掠晚曛
縹緲御風身可上清都吾欲返仙羣

捫蘿側足傍河行峭壁轟岩削不成藥鼎細承丹乳滴
香爐倒掛紫芝生浚通壺口箇師險下瞰盤渦木客驚
清嘯一聲山四答愀然喚起蟄龍鳴

秦關晉塞風蒼蒼濯足洪流凌八荒正憶馬遷史筆健
生來耕牧河山陽涕零千載美人絕目斷片雲歸路長

安得枯槎著波面高探月窟攀扶桑
并州爲客三年久苦欲東還更向西未到此山詩總弱
續遊他夜夢休迷振衣霄漢悲人世側耳邊城厭鼓聲
百尺枯桐根不死無枝彩鳳欲安棲

西泠展墓二首

三尺蓬科幾樹梅梅根碧血總成苔春山雨露僧時到
畫角昏黃鶴一來入夢有人逃北海招魂無地哭西臺
鷗夷未化錢塘水莫怪潮聲夜夜雷

麥飯椒漿拜草間相看應怪我蒼顏休疑陸弟曾如洛
爲報梁童已出關將母歸來無舊業藏書到處有名山

遂初堂集

少遊草卷下

四

西征賦就何人賞焚向東風血淚斑

贈杜于皇

男兒無家復無國六合飄然一孤客客行落落雲出岑
其去無跡來無心山水佳處便淹泊偶然相遇不可尋
黃岡先生古豪士胸吞雲夢八千里神鷹鍛翮不得飛
丹霄碧海將安歸三十年來泛江舸大塊無塵能著我
商山須翳大澤張遊戲人間無不可往年訪友揚州城
州人喧呼看歲星如雲冠蓋趨門庭先生酣眠醉不醒
醒來洗眼焦山青金焦如螺意不快一葉翩然下江瀨
青丘方壺不可期白龍赤鯉遙相待我亦汗漫之還方

束髮結交多老蒼惟翁差池未識面江雲關樹空相望
錫山葉脫蠡湖朗散步禪房見叩杖怪來避地已經年
笑我勞勞逐塵鞅昆明劫火方洞然老鰲拊山波接天
土偶桃人莫相笑久客會有還山年先生無事但冥眠
大瓢滿酌清冷泉君不見君家杜陵喪家者茅屋秋風
淚盈把揮淚高歌洗兵馬

烈士行贈趙義菴

義菴汴宋裔孫也爲人精悍勤敏京口顧侍御奇重
之侍御以事見法義菴獨身入都經紀其喪脫兩孤
於厄有古烈士風余與侍御弟交舊因識義菴今秋

遂初堂集

少遊草卷下

五

重遇之金閨悲其老大連蹇而高節罕有聞於人遂
爲歌以敘之

寶刀削葵馬守戶當今烈士賤如土舉頭不識趙王孫
空向陳編弔嬰杵王孫二十逢亂離才高膽盛無人知
江東顧榮目如電一豹賤却千羊皮玳簪珠履正雜沓
王孫落落無他奇叩嶮坂上高車覆御史門前烏夜哭
三千上客散如星義故兒郎抱頭伏可憐端正騎羊子
鞭笞蹴踘奚官裏白楸三寸無人收骨肉倉黃竄荆杞
王孫此時氣拂雲赤手直入磨牙羣陳容甘共滅洪死
習脂不畏曹瞞瞋精誠貫日智畧曠抱還孤兒如有神

潛藏撫護麟種存丁寧莫遣家人閑沉吟此事甘寒暑
中郎墳上蒿如柱王孫落魄尚關河失路驂騑老無主
昔年遇君清淮流今春遇君燕市頭苦言奔馳不稱意
一官束體如贅旒蘇臺何意仍相值短髮尊前淚雙滴
匏瓜在地根在天黃楊一悶一回厄吁嗟萬事如驚波
翻雲覆雨何其多褚淵封侯王粲死如君豈得辭軒軻
蕭蕭涼雨宵江暮題詩別有傷神處江頭不見酒家傭
瀚海羝羊何日乳

九日同惠元龍家雙南兄登瑞光寺塔三首

好友佳辰會面艱高鈴塔共躋攀閭門涼色侵遙海

遂初堂集

少遊草 卷下

六

綺里秋陰逼晚山楓葉數邨他日臥尊絲滿地幾人還

江鄉風景元清美何事長年薄築閒

江干昨夜羽書催江面戈船迤邐開罽萼靜吹霜氣徹

棄駝高卷塞塵來一千里外無巢燕三十年前有劫灰

未卜花源堪徙宅且貪佛日共銜杯

茲辰茲地非難得相見相攜苦不常卻憶往年同二老

曾於蕭寺過重陽辛亥九日同闕古古嶺嶺松短青牛

臥芒碭雲淩白豹藏懷舊感時沈醉好不妨倒載笑人

狂

贈鄧孝威

中古富藝文淵海浩無際昭明曠代才刪纂功不細一
斧削羣材屹然樹凡例居繁有倫著在美能割置獨成
一家規妙取寸心契爾後八代遙纂言亦相次精嚴縱
遜古出入竝如志輓近文彌衰選事亦滋弊高官枉凌
歷盛名見牽綴汗青須有資嫌怨亦頗避事類入市賣
情同出疆贄雅道遂榛蕪識者一歎慨鄧君文章老才
力本雄遠激昂討風騷蒼翠存篋笥鍾鐸賞奇音滄澠
別真味清明大家宰刻覈老獄吏獨柄無旁撓擺落名
與位高眠文選樓樂飢以卒歲抗手對蕭君雅道庶無
媿嗚呼三十年詞客如葉沸賴君刈蕭蒿杜蘭吐香氣

遂初堂集

少遊草 卷下

七

候蟲各鳴時變風聖不廢輶軒或采陳燭龍照荒裔

贈程穆倩

蕭條戎馬餘文武道同盡我天人居劫灰蕩無盡劍
鋒劍琬琰甲札裏金粉毫毛落人間光怪鬱不泯博物
推斯人考古得精蘊身是永嘉遺故物生嗟慙懸購傾
高資積穢漸成困虎頭通靈畫稊帖不損本秦權制離
奇漢釜狀窘蠶癖嗜同昌陽捷攫過鷹隼富向公侯詫
顛遭妻孥得意書八分妙接中郎軫篆刻窮神奇變
化入無朕食氣遂古前自然脫凡近駒隙無留光浮華
等朝菌毫翰有至性窮達莫能損但令吾道尊孰問龍

與蚓

同惠元龍集顧懿樸齋

訪舊之西山山溪故人遠十里落梅風吹我布帆轉行
行金閭城良覲忽然展與子別清淮三秋桂華晚身隨
紫塞雲遠度羊腸阪何幸對家山促膝申悃欵更有同
懷人意氣篤嵇阮入林如有待以余能白眼高齋延羣
英清夜飛急璣道故與敘新歡餘感不淺丈夫六合中
落落晨星散一氣膠結之風雲與舒卷願以青松枝映
茲白玉益明明久要心千秋庶能踐

渡沂

遂初堂集

少遊草 卷下

八

客苦何時畢衝寒復渡沂流漸遙駭馬霜氣忽纏衣暮
節風物繁早行徒侶稀昔賢饒逸興春日詠而歸

擊柝

不曉淡冬夜無眠獨客情暗窓通雪色枯樹助風聲覆
足裘時引溫顏酒甕傾如聞山路險擊柝戒宵行

山行

病樹黃霜後殘山黑燒餘雲寒時著面石險每當車歲
序行將改吾生信所如王通不用世猶草太平書

蒙山

東蒙山色靜逶迤馬上迎看面面奇日出紫煙朝北斗

雪晴寒翠浴靈芝嵌崖苔茗叢叢結覆洞簾泉冉冉垂
閱偏紅塵來去客羽衣扶杖立多時

徂徠

徂徠秀欲掩云亭巧與天門設畫屏不削峰顏皆瘦拔
非煙壁色自空青仙翁避世聊耽酒處士逃名且授經
客夢何緣落塵土竹溪無恙月清冷

岱岳

壘壘摩空積翠蟠連岡到海夕陰寬尊臨南面開丹宸
秀壓東垂聳玉冠松磴曲盤雲氣出簾屏高掛瀑泉寒
真形面面圖難似合共仙人倒影看

遂初堂集

少遊草 卷下

九

少小每尋應劭記平生苦愛李斯碑行經嶽麓窮攀踐
坐對天門悵夢思玉檢百函吾異代蒼煙九點客何之
未須日觀中宵立愁見人間出日遲

譙集李湘北太史齋作四首

丹壑無凡草鄧林無凡材雲夢不大獵神鷹孰爲來薊
門十二月疾風卷枯荻雪壓袁生廬停午門不開豈無
金張第彈絃酌金疊坐客非吾曹驅驢行却回李公歲
星客大隱依蘭臺相士得其真結歡忘形骸飛書及蓬
謁一尊共徘徊

徘徊阿閣中風物自清美堆牀無別物萬軸圖與史開

與天下士十年共讀此所以張茂先博綜世無比我欲
賦三都編陋方自恥秘書乃在茲窺讀難已已會傾軋
鼠腹一汲滄溟水

應劉客曹氏齷齪氣不揚元規甯南樓索莫無文章何
如管公明三升膽堅剛廣坐談天人子春相頡頏知音
曠代希嘉會故不常今夕復何夕共登君子堂不以垂
魚貴而容脫帽狂豁達露肝膽四坐慨以慷興言各成
文促膝傾羽觴明金臺月此歡亮難忘

巢湖浩決滂吞吐三江潮盤礴生人文虎臥而龍跳頭
失尚書公請發布衣慘不驕大雅會有屬珠盤君所操

遂初堂集

少遊草 卷下

十

交乃道素合文因典會超落筆掃煙霞天半橫斗杓流
傳康樂詠西山竝岩堯續遊須蠟屐及此雪未消賦詩
刻巖屏千載追風標

酬鄭文起

鄭子抱素質性乃耽風雅何處記相逢夜雨滴蘭若筇
公今支遁風調最瀟灑君非拔俗人那得到蓮社以此
時念君清夢松林下紛紜長安陌黃塵沒車轍何期筵
筌間復值同懷者顧我道力微憐君俗情寡攬衣話桑
麻翛然在田野積雪霽城樓長天淨如寫回首懷東林
折麻坐盈把

送朱人遠南歸

雪壓盧溝橋冰漸白溝渡手攀枯楊枝驅馬送君去君
來幾日席未安歸夢忽挂江南山并刀剪卻亂絲緒丈
夫不作兒女顏南屏峰高見東海萬松陰中草堂在讀
書須讀經世書莫漫雕蟲事文采黃鶴飛疾駕驚遲路
長羽短不能追臨行贈我雙玉玦何以報之錦障泥

送顧季貞南還二首

四海論心得幾人可堪袞袞在征塵金莖不解相如渴
珠履先愁趙壹貧出谷幽蘭香未沫窺籠獨鶴性難馴
看花漫道長安好雪角霜笳過一春

遂初堂集

少遊草 卷下

十一

未荒三徑復何求如此羊腸歸去休世事豈宜開口論
名山只合臥時遊纔爲國色知難嫁信是隋珠肯浪投
北固鱸魚春正美憑君相待共垂釣

送程然明歸里

知君才藻匹應徐作賦名高入洛初倒屣便爲東閣客
焚膏真寫北堂書太行雲色悲遊子錦里風花憶故廬
漫道五侯鯖味好淞江還有細鱗魚

送人之官鴈平二首

鳳池起草漫含香武庫才名敢頡頏銅鼓舊收滇海潤
虎符新擁鴈山長北門天遠垂魚錦大漠秋高進驕驕

種柳課屯無一事等邊樓上月如霜

鴈門關壓太行陞上將防秋舊宿兵文吏重煩分閭護
使君今見擁旌行黃榆天濶無烽火白鴈風高有柝聲
此去屯田須上奏爲圖身已到金城

送人之官寧夏

中朝才望數黃瓊擁傳新看紫塞行掌計已曾修六典
籌邊還見築三城護屯騎士懸雕射保塞諸羌抱犢耕
鎖鑰玉門功不細何須望闕遠含情

清明同張南濱給諫遊京城西作二首

一春風雪快新晴並馬聊爲出郭行草色漸于沙際動

遂初堂集 少遊草 卷下

三

煙光裁共柳梢平愁邊白鴈來關塞醉裏黃鸝憶弟兄
記得江南踏青處漫天飛絮是清明

松根苔面坐頻移小隔紅塵覺日遲修禊心情遊客減
分番花信老僧知虛檐塔倒玲瓏影蔓草碑殘絕妙辭
莫以幽尊滯歸棹清江三月有尊絲

惜園詩二首

亭臺布置總天然簾幌虛明翠色延波底塔鈴風自語
花間石丈露無眠流觴客據梅根地設銀人移柳外船
最是北樓詩思好晚山如洗夕陽邊

輞川金谷勝如何未抵天倫樂事多竹簾好搗長枕入

松門不礙板輿過極天關塞傳刀斗幾處滄江穩釣簑
一濟蒼生歸作達白雲長爲鎖巖阿

贈吳志老

吳名臣其字
同先曾祖諱

讀書既良難著書更不易悲哉百年來儒術墜於地遊
談競空疎辭華逐靡麗秋漲無淵源朝華失根蒂矯矯
吳先生好古得真味書淫自性成傳癖世無二殘編洗
索求蠹簡脫衣質手抄幾千卷一一能默識績學貫天
人著書富凡例窮經三禮通補史十國志山經廣郭生
書故精戴氏謂是宏覽才雄辨當絕世對之貌溫溫蹠
夫生靜氣自惟蒙陋姿亦懷博綜志浮浪耗精神蹉跎

遂初堂集 少遊草 卷下

五

過時歲及此當還轅對君發淩嶺將休下澤車重問雲
亭字

贈毛馳黃

毛君工著書昔讀其詩辨剖析詞家流妙義如抽繭裁
鑒既精工標目復清簡雕龍有嗣美庖言不獨善十載
慕其人茲來涉庭薛始知養病餘戶足不出限神姿自
朗徹蕭然見嵇阮微言輒破的論舊情不淺惠我一編
書字字皆禁檮赤城霞忽橫芙蓉露初泫才華絕代無
况復工結撰誰云病妨學藉茲塵慮遣閉影可滅喧念
衰堪策懶激盪千古業一席存藝苑鄙性頗靜便雅志

在書卷漸為大瓠浮亦逐勞薪轉叩鐘未發筵飲河不滿
颺中章告將別來期庶能踐

贈萬克宗

君家世勲衛奕葉乘戎軒君考起科第于世為通人君
兄遭世難種瓜在青門爰有八昆弟一一皆瑣璫君特
選經術傳流口紛綸百家較同異千聖探淵源隱居不
千祿容貌春風溫季弟精史學近代尤多聞洪永迄
末造典章暨人文細大能默識有觸如傾盆此學足名
世海內無其倫從子一亦殊才膽氣雄九軍誦其古文
辭踴若天馬奔三君吾所識餘者不暇論傳爵三百年
遂初堂集 少遊草 卷下 古

獨子無旁孫得絕乃舊衍乘除理相因吾觀黃河流如
絲轉崑崙入塞乃雄放鬱為百瀆尊清門世德厚萃美
在諸君文學乃亢宗丹券安足珍君看徐常後聞沒同
煙雲

贈吳慶百

詩源自風騷瀾漫為辭賦束以五七言森然有矩度其
體本宏濶經緯靡不具如營建章宮千門復萬戶如觀
大海潮百川相吞吐沈宋李杜儔竝取才力富長慶暨
西崑未失邯鄲步憫彼纖小才寒瘦墮苦趣復有劣鈍
姿鉅釘強羅聚嬰兒思扛鼎腹絕終偃仆君本貴公子

讀書窮四部搖筆為詩歌精思浩奔赴長律或千言窄
韻乃百句濯錦無弱色鸞鵬有餘怒氣力既雄強結構
亦完固大雅得斯人中天標一柱作者有李君謂天嘯
起雄關輔何由來南中旗鼓與君遇二龍翔長天唾沫
成烟霧

贈汪晉賢

風騷關詞門奇正迭萬變有唐稱大成百代更結撰沿
流而溯源了了皆可見門戶無軒輊體裁有真贋羣材
各呈巧班倕不獨擅曲士苦諛聞師心為貴賤膏鼎飽
一鸞不視大官膳闕天用寸管焉知列星爛君才信英
遂初堂集 少遊草 卷下 五

絕南金與東箭蔚矣鸞龍章高文一何絢考古探驪珠
不為魚目眩三唐諸作者論次亦畧遍江船得相臥積
陰見朝現偽體庶別裁雅志殊未倦咀華晨蜂渴獵古
秋鷹健鄙人抱微尚星一漸漏萬上下三千年搜討須
貫串譬構凌雲臺一指難獨辦希君扶搖力吹我枋榆
鵬鯨鯨望瀛槎菱湖接桃泝余爰懸一榻周君分半硯
鉛槧時莫疎年光若流電

次韻答周青士

霜氣下高梧秋雲飛海國故人正長吟蒼然韻金石我
亦浮輕舸汗漫隨所歷相逢一大笑瘡鬼掃無迹方信

杜陵詩功與桓虔敵我夢懸平間致笈思一出君爲五
嶽遊何峰可相值候鴈東南飛五五復十元規正清
嘯本初肯橫揖世豈無雄材吾終作遊客菱湖望包山
日夕有佳色還期共茅齋一榻當穿屨

玄陽洞

玉洞闔靈府萬古丹泥封搜剔自近代乾坤豁靈中想
像衆山腹一竇潛相通朱明啓南極林屋開東窗諒無
靈威術神怪時能窮禪房倚絕壁俯視雲容容湖天白
無影明濤盪我胸小洲如伏檻遠嶼如張蓬宛宛海度
月稍稍林受風此中有奇趣吾將問支公支公不我答
遂初堂集 少遊草 卷下 六

曉色來疎鐘

登萬源樓

鏡樓俯重湖一峰爲屏障倒影爲空明朝昏殊萬狀我
來屬清秋銜杯此極望霜花綴逸林飛帆拂晴浪雲光
海吞吐島嶼天下上落日明橫蹤歸風送漁唱主人神
仙翁手扶九節杖白髮對青山百年兩無恙全生學農
圃拔俗甘疎放情問巖樓人蟻展須幾緡

石公

平岡連綿來一峰斗入水若龍下飲湖鱗鱗角秀起遙
觀旣聳傑近睇仍怪偉一罇劃中開羣峭紛上指梯空

勢將墜開險力不倚冷冷扣星魄落落捫珠藥瘦無沙
點粘潤有波紋洗霜骨六月寒苦花千歲紫世人賞佳
石石奇無過此天然列仙翫削成瑤池裏區區寶一牽
鄙哉牛與李

石脚插波心東西水衝擊今辰正西風浪花大如席萬
頃奔騰來觸此崖腹窄拘怒不得騁咆哮相鬪格飛珠
蹴青林迸雪灑丹壁碎匄走雷聲于焉壯心魄行行山
之東無風湖一碧但見如齒石醬水痕歷歷嶺巒千
尋遊波時激鐘嗒復噌坐聽忘日夕卽境欣展移
緣情訝驟易足明百年內萬事皆鴻跡題詩誌歲時
遂初堂集 少遊草 卷下 七

用獎來履

林屋

仙人移家東海東別開紫府銀濤中玄都日月自清闕
微逕偶與人間通包山山椒作門戶衛以神龍與暗虎
削成一山如屋形金爲庭兮玉爲柱漏天一線豁亭午
六時鏗旬響鉦鼓瓊漿亂迸千條乳乳間倒挂白毫鼠
龍威之事不足驚尼山大聖通仙靈一從寶符落人手
丹泥一九開來久石門古篆題隔凡水底風濤頭上走
洞邊石狀亦奇絕青於空青白於雪太古冰壑
彈壓圖勾斧鉞裂層層刻削尙飛走

徑寸天泉酌不枯十圍雷樹焚仍活是爲左神幽虛之
洞天璇宮貝闕羅羣仙攀珠樹以嬉戲枕玉牀而酣眠
一夢一覺三千年似苦上界趣起之仙班談笑就散於
其間吾將攜角生呼綺季從爾洞中長避世莫學童初
與易遷紛紜更有仙曹事

登龍山望太湖用謝康樂韻

龍山如龍蟠晴景空晚眺積水浴衆青空天壓羣峭結
風豁浮埃新陽歛餘暉遠挹歸帆馳側聽羈禽啼迹以
玄覽超理取振塵妙不追雲礪遊軌免臨鷄謂慙無獨
蕭綸虛慕六鰲釣浮家如可安玄真庶同調

遂初堂集少遊草
卷下

六

寄題看奕軒

吳興太守抽簪早作意浮家雲水鄉一榻雄情傲湖海
半簾清夢落瀟湘輸來博箭仙人拙爛得樵柯白日長
局外無如緘默好何人風度似徐郎徐羨之恭品第一
雲間陸介菴寫照作僧裝旁列十好女戲題四絕

句

紅攢翠簇一枯僧怪事天公笑未曾可是阿難堅定力
故將禪榻近摩登
燕燕鶯鶯莫放顛舞衣歌扇總前緣何須閉眼添公案
枯木寒灰不足禪

日真真喚小名仙娥取次踏花行何年却上生綃去
添箇檀奴別有情

花竹參差佛院深休將色相惱禪心阿師方便能遊戲
高坐先吞一合針時陸寓北禪寺

姜貞毅輓詩

山海蓄靈氣東陲盡萊陽清門挺殊才姜公乃鸞翔性
資特英果百鍊昆吾剛剖竹治大儀錯節無停銓清班
擢黃門論事心膽張英風灑梧竹正氣流簪裳天運厄
陽九國事如蜩蟬僉壬竊政柄踞坐中書堂玄黃戰朋
黨金錢擲封疆盈廷盡暗啞小臣慨以慷赤手批龍鱗

遂初堂集少遊草
卷下

九

殿上讀彈章裂麻訶延齡請劔擬安昌天顏赫震怒紫
闥飛清霜囊頭下詔獄性命如絲颺碧血裹朝衣不死
神扶將恩濫宣州戍不遣投炎荒坐見鄒塢敗朱絲繼
蒼黃方當錄微忠九鼎俄淪亡不得攀龍髯無因追國
殤哀哉一老兵雪涕天茫茫賜環永無期枕戈竟何望
寧甘貶竄死聖明祝天王何當邁國難偷生還故鄉一
身爲萍蓬眞州復吳閭焚焚三十年一飯不慙忘埋骨
敬亭山絕命何煌煌亦知懷首丘未得返屠羊不忍死
吾君一心耿三光維昔有孝子父沒於戎行七十不婚
冠遺言毒肝腸亦有古貞婦鬢髮棲空房夫還手開帛

冰脫青絲長悲哉此孤臣奇節相頤頤竟同華生恨無
復董姬裝陵陽峰峻增宛溪水旁唐一坏在何所露白
梧楸涼魂今去何之颯爽從君王電馬激颺輪轡孤帶
干將雲濛過九疑月黑遊康郎巫陽下相呼騎箕以徇
祥

贈孫豹人

世間萬事各有初文人作客始何代玳簪珠履不足言
魯連先生最雄邁梁園詞賦相如工臨邛車騎何雍容
琴心一挑得孤鳳嶺鼻再著分千億淮南八公亦游戲
子雲筆札近名利福衡才高世莫容應劉龔龔少生氣

遂初堂集

少遊草 卷下

辛

李杜文章動至尊暮年漂泊諸侯門泥塗未免斗水活
胃次直欲滿湘吞邇來黑風簸極橫流滄海無安席
往往新亭灑涕人江海飄零半頭白渭北先生坐少微
海內人稱大布衣平陵黃憤事已非遼東皂帽何當歸
時時醉酒梅花家七貴三公一蠓蟻賦就江南庾信哀
愁來筆勢如潮湧也復翠鈴通故人籬邊送酒榴花新
玉山頽唐舞鸛鶴百年龍性終難馴我亦猪肝閔仲叔
相逢潦倒梁溪曲土牛磨折私自憐耳熱長歌甕當哭
太白秋高血戰腥防身一劍是青萍直須衣白隨天子
方稱人間作客星

次韻贈蘇崑生

作客無休時荏苒換裘葛放眼快江山何妨飽粗糲
人間搜訪鑒聞必徵核何蟠具區漲觸事一發洩蕭寺
逢蘇君貌古風儀拙曾客寧南幕上將爲聲折變微飛
一聲四坐冠衛髮寧南亦奇才撫士恩次骨遺恨瑪瑙
山結氣九江卒貌貅散如雲鍾山不可謁身隕兒北降
國事悲蚌鵲君如縱壑魚浩蕩謝羈紲殘生老湖海雪
涕感存沒風日東南佳行歌天地濶不忍夢裏焚廢壘
墮涼月頭白一何堪是處爭投轄夢華有遺編未抵三
寸舌我如楊子雲問事懷楮墨科頭或過存劇談每移

遂初堂集

少遊草 卷下

壬

日他年纂異聞用補史官闕

贈陳撫謙

北風驅馬馬戴角紇干山頭飛凍雀世間萬事何所無
華表歸來一雙鶴君家門第本連天廿年放逐盧龍邊
賜環無期玉門閉孤兒咽淚酸風前何意春光動遼海
百口重還白頭在城南種桑餘幾株賜書零落朱扉敗
君本昂藏一丈夫虎頭鵠鼻蒼眉須一飲一斗醉不得
起舞如意揮玉壺詩篇磊落有奇骨天馬騰驤影滅沒
赭山湖汝龍山雲沈蕩胸中不平物流人因憶吳季子
更隔和龍二千里飄然皂帽歸何年逐君車輪夢魂裏

狼河鴨水湖無津多少看羊禿節人冰天我亦遙揮淚
一聽清笳一愴神

贈何伯輝何善治日能開聲

人生天地間眇爾七尺形雙瞳運其樞萬象無遁情縱
橫貫今古瑣細羅昭冥所以古人言瞻矚闕神明六淫
外沈浸七情內煎烹乃有病集目不見日與星左丘遂
發憤西河且吞聲賢莫能脫委之於天刑仙傳失金
龜靈藥無空青誰能挽頽陽再遣中天行東海有佳兒
玉質秀蘭英目肯忽兩月金鏡埋光晶衆醫坐束手保
乳啼嗷嗷何君蒼然來風髯拂長纓微笑云無傷伐病
遂初堂集 少遊草 卷下 三

必根萌拭我仙露珠還君秋潭清一夕兒暗坐忽然電
光生豁眼無纖埃物物堪指名開朗刻時日妙術真通
靈吾觀玄黃剖懸象多虧盈蟾蜍掩日耀闇虛奪月精
經緯相凌薄慧亭流紫庭百刻晝居半九陰逢一晴燭
龍轡緩緩不爲寒門停悲哉一任永張眼呼青盲賴有
吳子顏發矇迅風霆可憐建炎后信誓慚青城國工失
韓岳老淚一目零羈人正愁病懷古心忤忤見君增百
感聯牀話淡更涉筆成長謠冀與知者聽

題孫赤霞像四首

入洛才華小陸雄何期綬翽去關東天憐紫塞無人物

故遣名賢作寓公

丁令何須化鶴回明駝催送過關來洛陽年少重相見
一似昆明話劫灰

木葉山頭戰壘空大凌河畔馬嘶風清笳短笛無邊淚
總入江郎恨賦中

誰將墨妙寫霜髭雛鳳渾如老鳳奇還鄉蘇子多情甚
通國偏憐塞外兒

贈錢飲光二首

零落甘陵舊黨人相逢湖海鬢如銀刊章早作無家客
握節仍畱後死身鷄犬典懷亡郢日興元令草在梁辰
遂初堂集 少遊草 卷下 三

蟲沙猿鶴無窮化說向銅仙亦愴神

蹀血生還萬里天土林樹屋尚依然箋餘易象研朱細
踏徧雲山著屐屐便久矣泥塗書玄字淒其衰白感丁年

誰憐靈武麻鞋安老向空山拜杜鵑

爲汪蛟門題夢硯圖

舍人工文章奇思發幽夢夢游阿閣中綠雲鬱浮動佳
硯縱橫陳鬼斧所磨礱寶發天地藏清爲神仙供晶熒
千闌產硯磊端溪貢龍尾蟠巖坑鵬眼迸崖縫風魚形
模奇甲乙品題衆瓦從鄴官陶玉向藍田種蟾蜍自祖
孫鼉磯爭伯仲觸手膩柔肌照眼爛銀甕小可題詩攜

大空草檄用一片買須貧數枚老堪送攬取無傷廉十
二足摩弄連城聲價隆累禁魂魄恐沾灑墨華翻提持
袍袖重寵踰司空錫榮勝妃子奉富欲詫老米豪思矜
小宋欣玩方未休朝光射簷棟覺來何所有破匣黃塵
封追尋遂成圖歎慕聊著頌吾觀夢覺理因想紛錯綜
渴人夢得漿飢者夢得饔法法長安客都爲利名中或
夢牙笏堆或夢幢蓋擁一年九遷官三月兩增俸夢熱
貴爲微夢穢財不空君何獨乖時夢此助吟諷就令實
羅列不救飢與凍文通筆生花孝穆肩集鳳蕙業旣已
凌造物詎肯縱我亦客薊門無夢落塵鞿行必天姥岑

送初堂集

少遊章 卷下

重

愁或朱明洞鐵篴方一聲天鷄忽三啼

重換閣二首

紅樓新築俯清溪桂葉松梢拂檻齊平野綠垂鈴塔下
好山青插女牆西花澹高士全家臥雪重來人一棹迹
不盡琴聲與鵲韻令君懶聽早朝鷄
冠山亭子勢嶙峋天與佳名閤節新林水長如修禊日
琴尊還集過江人行襄薛荔尋題壁望極靡蕪見踏春
蠟屐謝公情不淺可容丘壑寄閒身

贈汪季青四首

天障三珠樹詞場譽早傳白眉看後勁赭汗復先鞭思

入池塘好才量斗石偏不因文賦出誰信士衡年季青

十二

別業故鄣城溪山入眼明春烹芥葉嫩寒釀箸流清客

少門常掩花多地不耕焚香虛室坐何物是榮名

君有編詩約吾無論世長丹鉛聊次第銖兩漫稱量僻

集懸金購微言刻燭商淄澠愁易雜真味與誰嘗時方

詩明

舊覓胎仙訣新翻貝葉函尋真過雪澗訪衲宿雲龕塵

土浮名薄流年學道堪只愁餘習在佳句法仍耽

曹秋嶽先生招飲倦園作四首

送初堂集

少遊章 卷下

重

三年重到輞川莊老桂添陰竹過牆蠹簡不嫌裝薏苡
先生自爾歸獨弔戈曾擬撥機槍倦翁撰述棲林富少伯
聲名去國長壑徙山移同昔夢鐵舟容易此溪藏倦翁

追涼水榭亂芙蓉稍喜陽鳥墮晚峰寡頰誅求哀萬國

老臣夙夜閑三農勝方昇平可得銷金甲霖雨

何當仰土龍漆室憂時織口坐相將衣白話從容

促席深杯待月明鯨魚掣海興縱橫鴻濛天地畱文獻

遼落江山見老成虛有蒲輪來草土也同樵子避弓旌
先生亦以病辭薦舉五株楊柳千株橘安穩菟裘足此生

巴人俚曲舊曾撰，濫竊龍門品價高。南北兩生慚對李，
先生謬以東詩可當關中。古今一石敢分曹，窮餘詩筆
酬知已，病把流年送濁醪。未厭荷衣陪岸幘，驚湖笠水
一輕舸。

遂初堂集

少遊草

卷下

美

遂初堂詩集卷之三

夢遊草

寫懷十首

緯蕭抱甕一閒身，忽報徵書訪隱淪。客到定知傳語誤，
牒來方訝姓名真。雕籠豈得呼高鳥，芳餌何當近逸鱗。
閉戶莞然成獨笑，南山翠色正嶙峋。

土木形骸臥竹根，一生無夢到金門。梁鴻早歲耽棲遯，
何點中年薄宦婚。樂以不材畱作社，瓠因無用取當樽。
少微那得關星象，錯比柴桑處士村。

攻文未敢薄雕蟲，精銳銷亡舊學空。詎有七篇傳鄴下，

遂初堂集

夢遊草

卷上

一

誰能三篋補河東，悲歌總挾清商氣。掘筆都無典麗風，
枚馬揆天才不少。因何搜採到巖中，

攢攻百病藥無靈。憂患生年實飽經，簸蕩心如懸碓杵。
臃腫眼似抹雲星，魂傷廢壠哀風樹。淚滴秋原痛鵲鴿，
如此人身堪出否。誰云惜嫁爲娉婷，

多謝雲霄鷁鷺行。聯翩推轂有封章，只言牛鐸堪諧律。
詎料鉛刀已挫銑，元子曾聞薦譙秀。巨源終不強嵇康，
此情可待披襟說。欲寄蒲箋鳥路長，

昔賢心跡太分明。蹈海焚山事可驚，桑樹掛書人不見。
羊裘把釣水長清。吾生豈得孤行意，隱去何當復啖名。

只合從容求放免林泉處好偷生

凌兢病骨強扶持懷牒陳情控所司屢典春衫干從事
頻伸紙尾署鄰壁長官省識支離態幕府哀憐痛切辭

早晚烏私蒙特達巢林從此得安枝

事關胸臆絕沉吟誰似山家逸趣淡綿上母偏愁捧檄
鹿門妻不羨懷金沉寘早得閒居樂恬淡彌堅學道心
畱此鬚眉對松栢風霜歲晚共千尋

萬事都緣不耐飢賣文作活計全非定僧豈合持齋鉢
處女何當辦嫁衣橋彈千林霜帶屋魚苗十斛水平磯
逍遙雲路餐風好莫逐光音拾地肥

遂初堂集

夢遊草

卷上

二

爛溪斜引雪溪流一派香風菡萏秋早韭晚菘園客舍
綠簑青笠水仙舟識時何物稱龍鳳混俗從人喚馬牛
遮斷白雲三十里莫教空谷有鳴騶

後寫懷十首

穩臥東臯分息機吏人何事歛柴扉不蒙漢詔停癘病
重遣虞旌訪側微斷木在溝終見採冥鴻有翼可能飛
尋常只是無聞好纔到藏名願已違

跌蕩天門束帛徵有司敦迫苦頻仍惟看墨牒催千紙
却少柴車送一乘扣閣上書愁見抵牽裾兩淚肯相矜
從容進退前人事嘆息吾儕便不能

天地爲籠網四維輪風馬逝安之機將斷尾嗟何及
路到臨岐最可悲實愧田疇稱節士方知梅福是男兒
鷓鴣啼徹南樓夜臥聽禽言有所思

哀哀錄車上北辰樵夫亦遣逐清塵爲言騰達飛黃地
可用嵌寄歷落人奪我竹林呼小草與他灰洞作勞薪
辭家正是思家候滿地秋風動紫萼

芒鞋昔別薊門秋誓作農師守故丘正爾高歌紫芝曲
無端重著黑貂裘神仙海上畱雙鳥宰相山中畫兩牛
一往孤懷今得否茫茫此日始言愁

下戈未定羽書催驛路頻聽畫角哀割面風沙晨獵獵
遂初堂集

夢遊草

卷上

三

膠輪冰雪畫燈燈還思疏廣投簪去豈意嚴遵出肆求
未了三生塵土夢蓬壺重踏瀾橋回

版築奇才得見無漫誇文采握靈珠不淹丘索難名博
未貫天人詎作儒側想與同營虎觀預悉詞賦擬鴻都
蒼生前席如勞問可有監門出繪圖

茵溷參差總落紅忍于此內論窮通懸知逕笑終南捷
畢竟人愁髮相空往日觀爰明損益近時解老悟雄雌
心清不作槐根夢白晝偃眠雪片中

誰教出處兩無成飄蕩身如一葉輕高價但聞嗤李渤
虛聲誰肯恕樊英玉居瓊內方爲寶泉出山來定減清

夏醞三升寧足戀白雲一片不勝情

松鎖書堂竹護關暫隨飛鞋到人間乘春海燕聊辭社
出岫孤雲只戀山元直會騎蒼鹿去廉夫須乞白衣還
封書寄向漁樵侶玉柱金庭好共攀

贈王阮亭侍讀

往歲來京華我年始弱冠君家吏部公西一見謬稱歎
謂我工五言燦若金出鍛君從淮浦還同聲復相贊咨
嗟游山作屏脚供把玩退谷花茸茸并門雪漫漫題詩
遠見懷珍重逾繡段芒鞋歸東吳五雲消息斷驚聞吏
部亡痛哭楓江岸微名載編年雪涕不能看阮亭作西
樵編年行

遂初堂集

夢遊草

卷上

四

狀載余受鄙性慕幽棲况復更多難支離善病軀甘老
漁樵伴微書謬見加野馬愁羈絆重來客春明風景頗
回換舊遊十數公屈指都星散惟公在金門巍然秉月
旦從遊盛如雲造請慚疎慢雅量垂矜憐酌酒每相喚
怪我雙瞳人巖電殊昔爛傷哉人琴痛雨淚如傾漢眼
枯見狂花作字如九彈公名懸日星有集高等案大雅
關榛蕪燭龍正琳琅我學陋測蠡經史詎釣買方輿規
成圖曆數希握算銀海一朦朧萬事如絲亂無成愧知
已念之輒流汗紅塵漲交衢馳騫非所慣澤雉會開籠
青冥饒羽翰歸與棹扁舟及此春水泮腰鍊採朮苓閉

關說父象相思折瑤華高高上日觀

壽馮益都相公

大厦羅羣材締構資一匠濟濟國多賢採納惟元相相
業豈在多有容德靡尚幽握美姬公廣集稱葛亮晶瑩
日光輝廊落天度量勞謙義久微雲霄隔塵埃車廐收
平津翹材沒無象巍巍益都公業冠羣平上虛已特含
弘居高彌退讓集壤山穹窿吞流海澎湃門牆半槐棘
巖立孫曾行猶然下白屋折節到窮巷寸長必存錄片
善靡遺忘聆音辨焦桐望氣披干將客怨吐茵狂禮容
長揖抗士氣始一伸短褐還神王由來轉鴻鈞耳目須

遂初堂集

夢遊草

卷上

五

昭曠况當捷伐秋宵衣煩甲帳三邊方用師萬里猶轉
餉迢遙黃雁粟歷落雲臺仗苑馬渴青芻河堤走高浪
杼軸困大東緡錢輸左藏廟算須從容前籌貴精當古
稱將相門英俊空蓄養草澤多奇才聖駕或側儻一一
蒙延攬時時垂咨訪豈伊擬華采庶用資拜殿鄙生伏
窮巖行歌聊拾橡窺豹無一班蠟屐有幾緡把釣且棲
遲盤坏敢驕尤竭來逐微車天門開蕩蕩禮數絕蓬茅
未敢通名狀咨詢猥見及公先賜京邸一物採無長虛聲
愧魏野雅志慚神放歸夢落鑑湖客心懸鴈宕敢慕雖
處囊所希馬脫鞅台階炳中天龍門峻千丈黃髮何番

番元老歟方壯勲看勒鼎鐘龍必錫圭壺深官拜丹書
大廷扶玉杖何用祝岡陵無勞餐瀝沆西鄰自爲倫蓬
瀛遙在望

雪後同李天生諸子集王阮亭侍讀齋限韻五首
春風吹鹿裘尚作京華客南窓一夜雪離懷與之積不
有平原酒將何解愁寂

春江把瑤草懷人渺無處悠悠出岫雲天邊忽相遇秦
吳杳萬里及此披情素

橫門不容車天路何廣廣緬懷漁洋山掛瓢發遐想山
鷗好羽毛何年墮塵網

遂初堂集 夢遊草 卷上

六

高樹落東雪颯颯聞空庭滅燭談琴書夜景有餘清對
此金門客彌浚滄海情
朝來東林望歷歷城頭山春泥沒衢路羣動無時間想
見郎官字風流石壁間

送宋牧仲推轂關三首

章貢落天流孤城號虎頭雄關臨楚越仙窟近羅浮蘭
葉多於草蕉花嫩過秋從來吏隱地紫氣辨青牛
相國生才子天中一鳳毛人如對瓊樹筆似捲秋濤舊
擬蘇園練新推謝法曹江行添好句紅葉滿林阜
按部無餘事江山到眼明放衙看竹色支枕聽灘聲兵

後商輅集裕邊峒戶迎惟應石門水相並使君清
御試省耕詩
帝力存于邦

皇心切勸農紺轅臨御籍蒼璧禮天宗布穀初催鳥靈
星早見龍土膏蒸活活泉脉暖溶溶蔗紆阡陌桑田
軫九重時巡多暇豫 法駕每從容帳殿斜紫柳旌
門迥駐松山橋花掩冉水郭草丰茸饁餉 天衣把扶
犁 翠輦逢神阜元陸海沃野總提封力藉人千耦收
堆似一鍾火耕隨地足雪澤及春濃夏諺遙騰壠曲歌
晚和春屢豐占萬國高廩佇三冬嶺表方傳箭湘西已

遂初堂集 夢遊草 卷上

七

撤烽 廟謨寬杆軸國賦緩租庸水利修畿輔邊屯拓
華雍代田功錄趙買犢賞先龔綈革師文儉胼胝法馬
恭升平看有象父老望囑囑

監修徐立齋學士見示途中寄兩總裁暨諸同館
詩用韻奉和四首

哲王鏡曩古興衰究天人近代尤密切後車逐前塵所
以勝國史汲汲垂討論貞觀歸馬日洪武彙弓辰應時
詔編纂冊府輝千春前明三百載治忽何紛紛今朝所
儀鑒典章况相因迄茲無成書文獻日以淪我
皇敷文教制作超無倫旁求訪幽仄窮巖賁蒲輪寵以

載筆任東觀開麟囀羣工仰英匠衆器資鴻鈞總領既
鉅儒監督仍宗臣千載一嘉會光華燭天垠逢時長才
奮吐氣直筆伸振衣躡南董高步追班陳庶成不刊則
持以獻 楓宸

古史成專家後史成衆賢私門與官局事勢使之然程
功有難易辨體分蠅妍今茲非官書何容獨流傳多人
辦一事議論空喧闕短長異尺寸燥濕殊微絃所賴秉
成者綜攬無頗偏房魏總羣史歐宋裁新編委任得條
理書與日月懸鹿城及京江三傑今差肩妙極朝右選
同時柄史權惟公起在籍江路逾三千瞻望經九秋始
遂初堂集 夢遊草 卷上 八

見來旌旆帝車長列曜大海宗百川濟濟同袍士橐筆
螭坳前願言受節制庶幾屬橐鞬

釀酒須良秫築室必杞梓據撫無羣書云何得成史實
錄旣凋殘玉牒亦淪委野乘乏十流家狀缺百氏何況
神光餘簡策不能紀黨論沸蜩螗寇氛駭蜂蟻臺城軍
阻塹厓山舟覆水自非訪耆舊誰能究終始列傳有分
合表志具經緯孤忠揭韓通高節錄黃綺體製倣古爲
凡例以義起斟酌憑鉅裁末學仰成軌謹嚴春秋法雅
馴史遷指五難信爲累三長誰兼美弇州曾輟簡虞山
亦撫几追惟廣陵散惻愴不能已

笠澤一漁人綸竿守鷗鷺索寞無絃琴摧頽五石瓠謬
承紫泥書翺翔卽雲路爰居對鼓鐘嬌翼懷愁懼汗簡
垂千秋綴名竊所慕且願效鉛刀事了拂衣去舉世誰
相明惟公表情素早懸南州榻夙獎鵷鶴賦及茲託官
聯小草映高樹猥荷昭曠懷延訪屢傾注介陋復何知
英雋紛無數崇臺構九層摩天屹梁柱眇矣一木橫翠
飛在所附

送李天生還關中

太華削三峰橫空勢雄拔百川赴洪河渭水特清澈沈
淩金天氣河山互盤鬱寥寥隋唐後關中少人物千年

遂初堂集 夢遊草 卷上 九

得李君英英萬夫傑燦爛龍泉鋒權奇渥洼骨貫穿百
氏書經術尤洞達磅礴爲文章紫瀾溟漲濶一諾千黃
金義分明霜雪抵掌天下事黑白在指末高談浩懸河
日夜不可竭出則景畧流處爲仲淹列吾師領亭林名
德今第一停車華山陽與君等膠漆鄙生託末莽瑤草
常遠掇未果負笈期函關夢超忽中朝渴求才搜訪到
巖穴鶴書竝見徵虛聲愧所竊高堂有老親溫清未空
缺陳情各致辭異地同一轍終然遭殺迫後先赴京闕
握手風雪中欣喜復悲咽遊魚待泮水鼓鼙春江活何
期一上竿掉尾不得脫羨君膽堅剛壯君氣勇決灑涕

尚書省銀臺屢排突十上不收究乃叩紫闥上云母
龍鍾下云身單子金石開精誠風雨助悲切天高而聽
卑炯炯見識察恩詔許還山歸志竟莫奪譬若獨流
泉到海經百折又如養由矢射甲必徹札國士信無雙
於此見奇崛我亦草疏章懷之字磨滅不能叫九閭俯
慙氣疲穢屬有賊筆事朋儕相牽掣史牒足墜聞雅志
願補綴但愁緒如麻是非中膠輦南董邈難追廢祿腸
內熱君今歸故山婆娑奉黃髮玉井蓮千瓣菖蒲根九
節采采供晨餐德養使親悅吾師築書堂髣髴近箭栝
雲臺紫陽祠氣象甚弘豁見君樂難支管席諒不割况
遂初堂集 夢遶草 卷上 十

有兩聘君左提復右挈振衣仙掌巔萬事等蟻蟻我須
史書成滄江鼓歸世興到西入關嶽圖佩如玦鐵鎖攀
千尋捫天弄明月

石鼓歌

太學戟門十石鼓三千年物能堅完蛟龍拳雲狀窟齋
星斗墮地形圓圜斷成礎石藉天廟擣餘藥臼拋仙壇
字刻鼓腹可捫讀白麻揭出文斑斕柯條扶疎倒金薤
體勢天矯騰鳳鸞寶光古色不可觸把翫十日忘眠餐
壇山磨崖刻癸巳銅盤鐫墓封比干模糊髣髴難識認
豈若此物無彫刻憶昔棄捐在林莽紫苔剝蝕清霜寒

雅磴搜尋枉博士棄馳負致勞材官姬嬴宇文辨時代
番吾史籍窮毫端考證異同有歐鄭詠歎奇怪兼蘇韓
足成十數自皇祐徙入辟雍由大觀可憐金人能解事
擅裏萬里來戎鞍橋門位置最妥帖青衿之子相盤桓
如何三舍法壞盡著籍萬數多綺紈管絃無聲禮堂閉
幾人到此摩挲看博雅知無古敬子使我佇立增哀歎
作歌無才學盤硬觸事感激秋風酸

寄懷衛爾錫前輩

州請官

弱冠游京華荷君特推獎折節為弟昆膠漆莫能兩半
榻為我懸圖書共欣賞探幽炳明燭汲古牽百丈蟲魚
遂初堂集 夢遶草 卷上 十一

結曲文翻紐呬鳴響鈞濠互徵詰送難迭來往終焉春
冰融一笑豁疑網荏苒涉二春分攜逐塵鞅君亦請告
歸蠟屐辦幾緉物望惟清恬士論歸倘儻寧知忽左遷
一鳴斥立仗怡然綰黃綬簿書甘狹窄寵辱了不驚於
茲徵風養余本江海人行歌甘拾橡微書謬見加一官
苦相強鳳凰枳棘棲爰居太牢饗萬事不可期問天何
惘惘史書纂前朝東觀闕弘敞結撰羅羣工錯節共凝
想如何老斲輪掉臂旁偃仰青藜黯無輝芸編色悽愴
東風海上來消息傳莽蒼君節益嶙峋君氣彌慷慨斯
人自千秋浮沉愧吾黨何當屈蠅伸天門開誅蕩君其

千仞翔吾甘五湖長

和田綸霞移居詩

志和之艇堯夫車雲山是處堪移家耶舍縱好那稱意
有似禁禦廢廢廢亭先生愛蕭寂故道僧院藏官衙
騎馬不到門巷僻土垣曲折編籬斜獨掃一室煮香茗
別開三徑移黃花佳客欲來發清磬旅夢乍穩聞啼鴉
攄懷閒作洛生詠快意自摻漁陽拋且須拄地問鼇足
莫漫補天思女媧

次惠元龍韻送宋叔還歸溧陽

溧陽宋君我畏友百鳥一鶚迥不凡古道溫溫醞醇酎

遂初堂集

夢遊草 卷上

三

勁骨落落排松杉興來揮霍數千字奇峰天半橫巖巖
三江波濤盪胃際七襄機絲抽指尖倪寬雖然甘牧豕
麟士不合長織簾去歲徵書下草澤鋒車絡繹催征衫
君也揚鞭向紫闕我亦躡屣窮檐濟濟羣才會輦下
沈詩任筆疇能兼文人相輕自積習重君秉德恒謙謙
與君邂逅便膠漆推襟送抱無猜嫌濠上清言共惠子
林中酣飲同阿咸訪古昭丘蠟二屐探春蕭寺懷雙柑
紫宸殿前給筆札看君麗藻凌江淹寧知珊瑚誤落網
衆舌一味殊酸醎誰能得失不措意口嘲筆詆如霜嚴
君獨大笑此偶爾世間萬事等竹籤甲乙高卑一何甘

豈必暮四譏朝三翩然掛帆便歸去家山舊宅讓與廉

封侯泝泝同一技不龜手在無多談籠錫懷情放江海
囊雲快意趨林岳嗟余束縛就塵網支離之軀肩左擔
隨流徒然歎桃梗對鏡轉自慚無贈送君歸歎恨不樂
盈尊別酒何當拈沱湖水潑春景蓄三茅峰高紫氣覘
明年拂袖會相訪簞車一具爲余添

施愚山侍讀惠敬亭綠雪茶賦謝

了山陽陂茶厥品舊稱上如何採摘稀珍叢閉崖嶂北
源與洞山相載每兼輞爛慢風格卑未足差輩行宛陵
有茶星歐蔡未多讓敬亭秀簪端先春每策杖龜手摘

遂初堂集

夢遊草 卷上

三

銀絲旗槍別名狀火候如還丹蒸焙謹酌量雲霏蘭芬
吹霽靄玉色益名同仙掌錫製比雲龍創林臥餘十年
耽此遂微尚茲來掛朝簪墟墟苦塵埃退食傾一甌吟
吻始津暢憐我久病渴封緘枉分餉珍味類精鹽遠物
同茹醬官舍鄰僧寮寒月墮衣桁曾無子京樂焉取黨
姬况且燒松根葉蟹眼候微浪因歎漏卮人土風未空
忘

送邵子湘赴登州幕兼懷譚舟石太守

登州古嶠夷東望日出鄉樓臺倒海影萬象涵朝光之
果石刻裂祖洲仙藥香悠然見殊庭夢想思襄裳譚君

領五馬期我同望洋苦遭一官縛蠟屐不得將邵子延
陵秀玉面虬鬚蒼翩然赴緹幕匹馬之萊陽蓬萊閣望
峩田橫島微茫天清海市濶潮落羅磯長銜杯賦新詩
意氣何飛揚子實工文詞整練不可當史局起凡例倚
子相推商一朝脫然去使我心彷徨譚君今通才不獨
吏治良掌故多練習圖書富收藏足跡徧萬里老眼經
滄桑梁書紀湘東宋史系二王紙墨所不載非若疇能
詳願子共紬繹編綴成一囊因風寄史館豪筆書輝煌

題毛會侯戴笠垂竿圖三首

桐江清淺睦江虛千尺松巖繫釣車誰道直釣難試手

遂初堂集

夢遊草 卷上

古

一竿三十六鱸魚

金臺美酒倒春缸網得飛鳬竝一雙不淺四明狂客興
可能乞與富陽江

草服何當換短衣松江無限鯪魚肥煙波若放釣徒去
添箇樵青蕩槳歸

送同年錢越江歸省

櫻桃初紅子移病辭請乃在樞花然乞身此日殊不易
羨子志力能精堅去年此日正官定同人鵠立相差肩
一年之間足聚散出宣武門相後先如花墜茵復飄去
如月生魄不得圓就中乞假爲親老南吳北李丘與錢

齧指痛心有至性仁孝可以迴蒼天君歸一笑慰白髮
板輿坐對機山邊扇枕却當清暑候采蘭自詠南陔篇
蓬萊道山竟何處得歸真作登瀛仙嗟余有母正垂白
乞省未得座緣牽銜杯駐馬送君發白雲一片心茫然

送古燈上人還金明三首

西山蘭若翠層層龍象誰堪嗣一燈每到林泉幽絕處
龐眉憶著懶殘僧

矮屋攤書架竹牀蕭條我亦似禪房師來竟日支頤坐
彈到無絃韻轉長

金明高閣俯城頭無恙青梧影碧流頭白文公強健在

遂初堂集

夢遊草 卷上

五

好談灰劫寺門秋

送宋稚登赴鞏昌郡幕

幾載棲遲紫塞間驅車仍指鳳林關班超肯作書生老
宗炳須遊岳瀆還堂上三春看鴈字閨中五夜夢刀環
知君無限迴腸在却望家山上隴山

題陶雲湖畫白鴈

世間奇士無時無姓名往往埋孤蘆宋郭恕先元倪迂
高蹤遙遙不可呼誰其嗣者陶雲湖雲湖射陽之釣徒
俊氣勃發生龍駒千言揮霍風雨俱目空萬古隘八區
雄談滔滔水決渠早年席帽遊京都匏菴諸公正當途

延爲上客倒屣趨生也岸幘翹髯鬚有足不曳王門裾
十日九日眠當壚一生愛花如愛書天津人家花扶疏
丁香一片紅瓊瑜策馬逕去忘歸歎棘闌不入神恬愉
東遊渡遼腰僕姑題詩直上豎巫閭歸來混跡隨狗屠
與酣潑墨爲蟲魚十指拂拂英氣舒片箋拾得千驪珠
倚君寶此白鴈圖意態淡遠情蕭疎嗟爾肝鬲如冰壺
下筆自與凡人殊斯人品格何清孤逸民綴傳不可虛
史官載筆師董狐發潛須到樵與漁勿但高爵書遷除
送臨清權使

漕渠亘南北清淵扼其喉衛河從西來輓運通神州百

遂初堂集

夢遊草

卷上

七

貨走遠路千帆拂城樓裁裁蒼水使揚旌居上游算緡
用六筮仰佐司農籌促柱有急弦奔駟無安輶漁師畏
竭澤虞人憂反裘誰能豁煩苛不競亦不絀使君金闕
彥文采珊瑚鈎一朝秉英蕩摧稅清漳頭冰壺映明月
玉衡懸清秋仲見寬繭絲一紵行旅愁嶽雲覆官樹河
聲連帝丘寒帷得秀句杳杳遙相投

送陸天濤之官鄭縣

同賦長揚步玉除憐君才藻逼應徐珊瑚偶落千絲網
明月終輝十乘車汝水淺縈縈篠內嵩山靜對撫琴初
開元古調傳于爲寫入新詩一起予

送江辰六令益陽

江東獨秀有江郎獻賦曾同上玉堂一日未容羅翡翠
盤根先與試干將山城兵後家家杵水聲秋深樹樹霜
正爲疲民勞撫字濯纓最好是清湘

送吳錫乾赴項城幕

吾里富人文嚴溪推絕盛延陵六七公曩執轡暫柄鸞
鳳非一毛簞篋遞相應自頃廿年來霜雪凋殘竟蕪沒
楊雲冢蕭條蔣詡徑天涯見吾子洵美麟之定家風嗣
弓裘俗學羞鉅飮斐然富文辭氣銳標格正嘶風駭駭
疾出匣龍泉鑒以茲步先民孰曰非後勁旅食愁羈孤

遂初堂集

夢遊草

卷上

七

應接傷本性幸子棲託佳便託後車乘嵩高峙天中黃
河穿號鄭壯遊發奇懷茲行雅相稱儻遇北來鴻奇我
思歸詠

送田綸霞視學江南

長安九門開車馬競馳騁田君獨無營高臥蓬門靜公
餘坐垂簾焚香對西嶺漁獵萬卷空雙眸電光炯於人
慎許可篇翰每不省當其所折服寶若龍文鼎我昔遊
京華鹿裘蕭寺冷荷君國士知歎若金在礦招邀必移
日論文盡肯綮悠然成風斤不礙聖臯鄧三春具歸航
餞別心耿耿前年喜我來相見一燭秉謂子來何遲懸

榻久延頸目盡百鳥凡方知一鶚猛感君拳拳意出處
慚飄梗長廩謬見羈僚魚入筌簪銜杯露真率吮墨圖
新警非君數相尋羈懷誰當逞

天子念南藩人文蔚奇挺臨軒特召君文柄予專領君
才故無雙君性特方鯁金鏡懸高秋玉衡指東井會見
掃榛蕪壁壘一新整朋儕去江鮑師表得嶠題物理有
乘除歡愁寸心併送君上東門目斷江路永迂疎愧吾
徒開濟有公等黃犢雨一村白鷗波萬頃便當脫朝衫
從君上煙艇

送惠元龍

遂初堂集

夢遊草 卷上

六

焉逢執徐年與君始識面訪君陽山陽疎籬帶花片十
日醉濁醪題詩掃匹絹從此數招尋煙巒足攀踐籌松
支硎巖拍浮虎山堰爲歡未云幾踪跡愁蓬轉我爲齊
贅髡羈棲客淮甸逢君負笈來班荆喜欲并書樓枕長
淮千里望如練朝昏每相就聯句書壁遍子弦我作韋
我素子爲絢情同魯衛鄰藝作劉項戰此樂人間無爾
我不得擅一別遂十秋流光急於箭世路更干戈人事
多憂患絕琴王子猷熨冷荀奉倩悲涼難具陳欲述涕
交法前冬來京華快意賓筵見各訝顏鬢殊素心幸無
變我本江海人橫遭雲羅罾行藏苦狼蹶身世愁墨絲

惟君洞肝鬲敦誨每不倦豈無新相知粲若春林蒔未
抵鬚鬣交松筠在霜霰我如瓠落尊子若清暑扇子未
登雲遠我翻出林澗造物於兩人位置殊未善子去心
恬愉懷璧不自衒託身尚書府兀兀攻結撰有文千百
篇不肯作行卷終然念老親負米思鄉縣遂赴油幕招
取愜歸裝便田公吾故人爛爛巖下電以子載後車羅
一可得萬所恨奪良朋令我不能飯吾短誰磨礪吾缺
誰補綻秋風動林臯落葉積庭院我亦念尊鱸未能逐
陽鴈人生如夏雲瞬息多變眩子去我則畱萬事不可
算追憶廿年來踪跡風中辨未知復何年十指共一硯

遂初堂集

夢遊草 卷上

七

題暢心閣二首

生色溪山不染塵忘言花鳥坐來春偶然載酒成賓主
便是山陰畫卷人
劇曲名山天下無青鞋布襪付吾徒得歸是處堪行樂
不用君王賜鑑湖

毛大可納姬二首

披煙拂柳出青門十里嬌花裏露痕始射仙人花裏住
白浮村擬葺蘿村
乍試簪花字體新濤箋十樣簇芳茵修成史傳多情致

爲有燈前擁髻人

送顏子京表兄二首

烏衣人物阿龍超，憔悴丁年不自聊。
萬卷圖書殘舊篋，千頭橘柚失新條。
濯夫獄急愁粘蝶，狄慶金多有縱梟。
愧我書生無計畫，衝冠惟有髮飄蕭。
客路三千到苦辛，焚魚憐我酷清貧。
雙垂鍛翮嗟窮鳥，一奮長鳴感故人。
少別音塵非濶絕，未酬心事莫輪茵。
魯連臺上銜杯望，好寫新詩寄錦鱗。

中秋前一夕集喬石林齋

佳辰高會自年年，未抵今宵樂事偏。
把臂弟兄多輦下，

遂初堂集

夢遊草 卷上

三

雕龍才筆總尊前，月輪過雨白無比。
桂樹未霜青可憐，如此風光堅坐好。
不妨燭跋便朝天，

送侯大年南歸二首

相逢昔記慈仁樹，相送今還過寺門。
千里心期同瓠落，十年踪跡一蓬根。
宿瘤也逐毛嬙嫁，黃鵠耶爲尺鷃翻。
無限人間惆悵事，心期寥落與誰論。

夢想蘭陔未得歸，羨君真逐鴈行飛。
黃雲壓樹柑初熟，白練橫江蟹乍肥。
手澤摩挲元亮集，輕裝檢點老萊衣。
江東舊事憑誰記，碧血祠前樹十圍。

萬柳堂

相國經綸暇爲園，紫陌中風煙開浩渺。
氣象鑿鴻濛，築土皇陂北穿池。
太液東三峰晴落掌，九折迴排空積水。
浮寒藻，晴瀾動遠風，白沙隨岸滑殘雪。
入泥融，畫舫輕颺漾平橋，淺霧籠翠禽相昵。
晚玉樹轉青葱，細柳移平樂。
長楊徙永豐，絲絲晴翠綰葉葉。
煖煙烘落絮，浮青沼飛花撲綺叢。
嫩侵塘草碧低雜，酒花紅塔影斜依。
幌山光近逼，櫳嶙嶙瞻魏闕，杳靄望離宮。
雅量思裴令，高懷憶謝公。
寧誇金谷麗不數玉津雄，後樂江湖意無私造。
化功一陪東閣眺，轉覺興無窮。

內苑閱武

遂初堂集

夢遊草 卷上

三

閩海初傳檄，蠻荒乍廓清。
已欣文治洽，復慶武功成。
歸馬

天王意銷鋒，率土情六飛仍訓練。
九伐在師貞，上苑商飈肅華林。
輦路平載修司馬，法大簡羽林。
兵地擁龍蛇，陣天開鸞鶴營。
戈鋌星錯落，組練雪光晶。
突騎嫺穿札，材官習射生。
翹關誇力健，超距試身輕。
萬馬騰空疾，雙雕飲羽驚。
先鞭稍月窟，餘勇斬長鯨。
七萃威稜壯，中權節制精。
指麾森在握，開合靜無聲。
赫赫看茶火，悠悠想旂旄。
勞軍畢細柳，習戰陋昆明。
天討原無敵，王師亦有征。
何煩虎旅奮，直見鼎魚烹。

帝用三驅禮人爲萬里城車攻能作頌吉甫嗣鴻名

滇南告捷

開道南征將星馳定鬼方兇渠都殄掃逆孽總銷亡壘送

天顏喜頻飛羽檄忙鷄行同拜舞虎旅競飛揚

帝道方全盛

皇圖正會昌如何紛醜類敢爾便披猖吠日愁猶犬當車笑怒螳六師徂烈烈九伐出堂堂授鉞天威肅攻心廟算長迅雷開嶺嶠破竹剪蠻荒劉闢雖兇狡隄萬敢陸梁鼎魚難假息穴蟻任潛藏飲馬乾滇海投鞭

遂初堂集 夢遊草 卷上

五

截點蒼渠魁伏齊斧父老擁壺漿露布傳邛夔綸音下建章普天休帶甲率土奠金湯歸馬文謨盛鑿弓武烈張輕徭罷輪輓薄賦勸耕桑偉伐標麟閣元功紀太常出師還有頌常武共洋洋

從益都公游王大司馬園亭作

人生有情愛丘壑一官苦被風塵縛誰能買宅兼買山京都便有林泉樂宛平司馬今謝公安危繫望蒼生同家傍日邊身未起東山只在青門中別墅蕭疎背城起重岡複磴紛迤邐如欹復偃雲際松欲瀉還淳谷間水何年驅石包山來疑是汴都艮嶽之餘材輦載歸燕幾

百歲土花洗出班班苔山堂結構何其佳天然位置非安排衆壑平臨鴈宕蓄一峰陡入仇池開臨胸相公興瀟灑閒攜賓從浮三雅朝行游眺暮忘歸詩成自上巖屏寫眼中物色思冶園冶園故在青齊野人生隨地足嘯歌何必吾廬始婆娑但願四海銷干戈廟堂無事優閒多一年百遍來經過

重九陳其年招同諸公登高分賦

峻嶒軍都山面城色蒼黧頗思登其巔泥飲過重九佳興雖蓬勃塵事終雜糅城南小龍湫勝地得名久臨深翻得高陂陀象岡阜招尋逐前輩欣會賴良友列雉拱

遂初堂集 夢遊草 卷上

五

若環遙林俯如非剎自金元甯潭從何代有泉凝枯葦間葉颭清霜後瞰窈洞沉深神物藏螺糾天垂似過腰雲起欲埋肘秋谷正妍華萬彙無衰醜佩萸紅滿囊采菊香在手一歲一重陽晴雨忍相負酒戶自爲朋輪攻而墨守徵杯捷雨風隸事窮飛走深更尊歸途弦月掛林藪欹眠白沙軟側坐蒼苔厚邸舍重飛觴餘雨期料撒去歲登高人眼前少誰某明年幸同來風日當佳否莫羨車若流無嗟馬如狗戲馬與龍山後人堪不朽鬚公示我詩語健筆勢陡欲和慚賜夷空仰觥甄口無勞論世事且可飲醇酒

寄懷吳漢槎表兄

吾憐馮敬通時清遭抵斥吾哀虞仲翔才大翻淪謫當年旣蘭摧身後名何益咄嗟延陵生千載同此厄系本尚書孫門閥高東吳七歲參玄文十歲賦京都竟體被芳蘭搖筆千驪珠凌顏而懽謝此才今則無白璧點蒼蠅俄然陷文網扁舟上急流一落失千丈如何瑚璉姿翻遭禦魍魎斗分失精英山川爲悽愴黑江天東頭君去東復東燭龍光不到雪片無春冬鄉關八千里鳥路不可通餐冰而掘鼠託命於沙蟲子卿十九年君今廿四載親朋半凋亡同生幾人在心同枯樹灰淚向霜風遂初堂集 夢遊草 卷上 五

灑一讀秋茹詩何人不悲慨我本半愁人轉蓬念株根人琴有餘痛枕席多淚痕目斷柳城北心懸狼河濱練裙與皂帽一往同酸辛天心有迴環萬事多龍蠖夜郎嶺長流連州終前濯蕩蕩天門開春陽熙廣漠早晚金鷄鳴佇望南飛鶴

遂初堂詩集卷之四

夢遊草

賜宴瀛臺詩 有序

臣聞地天垂象泰交之道以成木火繁爻鼎養之義斯著樂有徵招角招之奏禮傳三爵二爵之文蓼蕭湛露播在風詩鄧水釣臺標於傳記自昔哲王有饗有燕將以訓恭儉而示慈惠昭文章而辨等威非直飲食宴樂怡情騁懷而已也至如漢宮長樂彷彿簾以爲儀晉代華林緣祓除而成俗栢梁典故馬之辭曲水盛顏謝之製昆明池上筆墨橫飛花萼亭中觥

遂初堂集

夢遊草 卷中 一

籌交錯流酒之途寔開莊敬之風邈矣然猶形諸聲詩被之金石鏗鏘炳煥千載可觀我

皇上聖聰濬哲允武允文法夏后之卑宮師周文之具食歲下蠲租之令朝頒緩獄之科轉圜從諫韜鐸徧於宮廷側席求賢弓旌羅於巖壑兢兢業業無怠無荒用能綏奠寰區削平僭逆一苞三葉之寇駢首檻車射天逐日之渠傳膏齊斧跨滄溟而斷鱗掩碧落以弋狼治定功成仁漸義洽三時不害百穀用成品物蔚以豐亨乾坤廓其清泰於是推恩臣下加資具僚及萬幾之餘閒修三接之隆禮歲在作噩月維孟

秋有 詔禮官特開廣宴維瀛臺者天府之奧區宮
城之陸海規紫淵而作沼象蓬島以爲臺洪波浩瀚
浸其隈茂樹蔥蘢蔭其曲紅蕖綠芡吐納煙霄繡拱
璇題敞虧日月

天子恒以炎蒸之節清暑于茲羽衛森嚴周廬環亘攀
躋所莫逮瞻眺所罕經幸沐恩榮來游來豫爾乃泛
蘭橈浮桂楫徜徉乎靈渚沿泳乎層波泝瀨氣之空
明凌神颺而徑度升降巖磴陟踐陵阜依芳林以息
陰藉細旃而凝矚俄而 綸章賁地寵錫自天出內
府之織文昇廷臣以什襲齊紉蜀錦燦爛盈懷貝彩

遂初堂集 夢遊草 卷中

二

龍鱗晶熒絢目於是間花張幕蔭樹開筵授几以班
設俎有序饗人執饌宰夫授羞膺熊羆之味克溢
圓方調蘭醞露之珍厭飫薌澤殖行運於玉井鮪鮮
鯉於蓬池流金尊騰羽爵霞漿百觴瓊液千鍾降
天語之溫淳臨重臣以敦勸在公燕不醉無歸於
斯時也小大欣欣銜恩載德舞詠之情咸暢泮魚之
澤畢殫然而肅雍在廷儼恪在序舍爵有油油之色
遷坐無躑躑之容迨乎永晷西馳茂陰東徙相與整
冠束帶鵠立鳬趨瞻拜 闕廷雍容成禮而退斯可
謂和樂而不濫恭敬而溫文者歟微臣幸生雍熙之

代爲侍從之臣預在末班遭逢曠典豈可使鴻休盛
美鬱而不宣雖規天畫日難爲光容而拊缶擊轅有
應風雅敢拜手稽首而獻詩曰

遯觀元化幽測神功發榮爲夏閉塞成冬雲行雨施開
屯發蒙澤不厭博施不厭豐 其一 君尊如天臣卑如地
當其感通細縕一氣卿雲賡歌垂裳以治卷阿矢音寥
寥孰嗣 其二 我

皇神聖淵默雷聲德漸函夏澤被萌生推誠輔弼宣力
股肱靡績不錄靡材不程 其三 宣政插貂延英珥筆大
小臣工瞻雲就日詢及芻蕘曰俞曰咈寬弘盡下古未

遂初堂集 夢遊草 卷中

三

之匹 其四 在昔姦兇稱亂邊陲徂征撻伐 廟算是資
宵旰焦勞八年于茲旣殲狹狁亦殄鯨鯢 其五 海宴天
清烽消燧偃顧勞在廷無然蹇蹇汔可小休及爾遊行
乃撰良辰乃闢禁苑 其六 蔥芊瑤圃肅穆瓊臺彩纓魚
貫蹇裳鼎來攀林遵渚容與徘徊長筵旣設高宴斯開
其七 肴核維旅醴酒有序秩秩威儀衍行笑語於是觀
禮百度具舉於是觀德式歌且舞 其八 謂天益高今遊
其庭謂

帝蓋神今聆其聲蓬茅下土嘗
君之羹一日之歡千秋之榮 其九 豈曰無衣賜帛則溫

豈曰無餐賜饌則珍爲酬爲酢疑臣於賓九遷三錫寵
莫之倫其十天人和同禎祥協應獸曉觸邪草能指佞
泰階以平玉衡斯正

天子萬年受天之慶其十一莫濫非淵莫峻非陵凡百
有位翼翼兢兢席寵思懼居高戒矜盡忠補過弗祿是
膺其十二

寓舍對花歌和院長初菴先生韻

長安千花復萬卉可憐都在盆盎中天然根株被束縛
却借餘煖蒸殷紅今朝看花見花性蕭散迥與江鄉同
空庭植立過霜霰絨苞香色酬天工黃於黃金爛於錦

遂初堂集 夢遊草 卷中

四

標枝四出神冲融空谷佳人自絕代何須繡戶兼珠櫳
廣平心腸冰雪冷梅花獨對情還鍾醉之芳尊及休沐
寵以麗藻招詩翁雨晴開落看總好殘香付與巡簷蜂
堪笑花田藝花者三年京洛埋塵容一回見花一欣愕
故人天畔驚相逢豐臺四月野如繡千畦芍藥連天穠
春風舞雩樂莫樂扶輪大小思從公

院長先生同湯荆覬施愚山諸君游黑龍潭再次
前韻

黑龍古潭氣森爽千林如繡憑欄中往年于此作秋穠
寒雲滿地霜花紅高軒來遊及春暮風景差異幽懷同

翔泳安閒見物性發生鬱怒驚天工新陽初舒微雨歇
坐來萬象皆冲融西山娟娟隔城堞一似翠黛遮簾櫳
天生此地浣塵俗觴行豈惜傾千鍾金馬非無抱關吏
軒裳亦有披裘翁獨立峰頭咽露鶴羣飛枝上銜花蜂
直弦曲鈞各天性無將白璧輕容容閒官公事幸早了
松邊水際時相逢茅堂何在虎山麓碧桃無數當腮穠
未得扁舟逐賀老且須酩酊從山公

上已修稷應制

芳林遲日麗元巳稷堂開鳳輦排雲出鸞旂拂霧來
昆明浮瀲灩太液靜滌洞草樹天光發亭臺淑氣催

遂初堂集 夢遊草 卷中

五

皇情多悅豫法從盛趨陪帳殿依巖曲旌門敞澗隈
逍遙登閭苑取次泛蓬萊仙掌三霄露堯厨百醞醅金人
看捧劔玉女試流杯攬秀皆瑤草探奇必鳳臺銘功萃
燕許賦事集鄒枚鎬飲還非樂汾歌未是才恩魚迎棹
轉靈鳥扈船回 聖澤苞三極 皇靈暢八埏乘春聊
燕喜弭節且徘徊潤入天街柳光生輦路苔多慚樗散
質浚愧豫章材清切依丹地森嚴接上台襄裳歌復旦
延首詠康哉願作春工線山龍待剪裁

壽李映碧先生八十二首

三垣諫草日星懸鳩杖於今尚儼然心似銅仙依漢殿

身如竹簡紀堯年桂蠹老去香彌烈箭枯霜餘節更堅
一代完人能有幾未容九老便差肩

考獻徵文重石渠蒲輪遠賁竟何如班彪久矣能成史
范粲終知不下車北部人文鈞黨後東京人物夢華餘
惟應獨拜江邊楊公論憑開井底書史局初開先生被徵不應

贈衍聖公孔翼宸

聖人不可見思觀聖人孫孔林秀一葉不與凡條倫嗣
公惟世嫡天姿何醇溫十二襲封爵象賢渥國恩一歲
一來朝介珪耀華軒吾儕誦六藝百代猶通門追陪幸
接席竟日開芳樽何殊齒求點得聞詩禮言闕里有遺

遂初堂集

夢遊草

卷中

六

乘持贈等璵璠名蹟森在目譜系堪討論百谷仰滄海
萬山宗崑崙願以聖統貴曷茲天爵尊無令廟堂上絲
竹響徒存

題龔節孫種橘圖二首

盧橘虛傳熟上林秋來不見滿園金誰將一片瀟湘色
引起金閨萬里心
千樹黃柑二頃田幽人投老水雲邊木奴肯爲輸租計
自愛丹苞綠葉天

馮氏雙節詩

巖巖括蒼山拔地高萬丈下有雙節亭孤標鬱相望雙

節問爲誰馮家婦與姑姑爲閨房秀少小嫻詩書燕嬌
得良匹筆墨相歡娛黃鵠俄不雙辛勤將九鵠碎首護
一棺不死神所扶才惟班左倫節則陶孟俱婦也同賢
淑遭命彌窮酷二十稱未亡藐孤裁出腹轉側亂離頻
漂搖風雨足半壁營兒棲十指供兒讀千鈞下臨淵居
然一髮續是姑復是婦大節通神明錫之白玉環懷中
山公卿綸章下九天兩世同被旌朝野誰不嘆竹帛長
光榮寄言單棲者努力千秋名

題雙節詩卷并送馮再來少司寇請假歸葬四首

繡佛樓高竹影涼筆牀無恙對清霜班昭謝蘊多文采

遂初堂集

夢遊草

卷中

七

列女還標第一行

數月孤兒九死身危巢漂梗事酸辛若非畫荻寒閨母
那得瀧岡表墓人

雙節芳名動九天龍章石闕早巍然大夫尚有臯魚淚
眇斷輶車瘴嶺邊

旋著麻鞋踏露行槐班昨日見陳情台山寒色同高節
定卜佳城近赤城

送同年毛允大乞假歸省

與君同薦復齊年握別青門倍惘然嚙指乍驚紅藥地
拂衣真到白雲天官貧轉憶還鄉樂俗薄方知勇退賢

市座客星無恙在釣車仍繫釣臺邊

送同年范秋濤假歸二首

日日思歸不當歸羨君真著遂初衣江阜歲月無塵土
身外榮名有是非封土好營新馬鬣刺船先認舊漁磯
只愁好友聯翩去珥筆班行日漸稀

曾住天平庵隔間君家別墅數追攀紅欄花藥春常鎖
石屋煙霞畫不關投老無如尋故業著書端合在名山
相逢猿鶴憑傳語點檢風光待我還

奉和益都公重九後一日集長椿寺送毛行九南

還二首

遂初堂集

卷中

八

夢遊草

纔陪秋稷過山堂又赴離筵到竹房隨地黃花皆栗里
有人皂帽憶鱸鄉籠紗句入禪心妙煨芋身食佛日長
容得逍遙稱大隱休儒不用笑東方
遙山裏露黯秋容似爲離人惜別踪豈有懸黎長抵鵲
行看破竹早成龍將車自可尋真樂養翮何須嘆不逢
底物江阜堪把贈秋裳一襲紉芙蓉

送樹南上人歸法華

三千客路訪師歸一笑相看舊衲衣塞水淺從杯下過
嶽雲輕向錫邊飛杼山詩是南中秀蓮社人來日下稀
浩浩紅塵誰拔足因君重念故山薇

陪院長先生游善果寺

慈仁樓閣浸參差幽賞無如此地宜樗散人來休澣日
懶殘僧話却灰時一牕幡影看燒笋滿院松陰聽奕棋
多少龍山泥飲客藍輿風味有誰知

送汪涵齋省親歸里

汪由庶常散館候補言職

青藜高映一編寒何似薇花與豸冠天下大文多奏議
古來人傑半官寧親暫著斑斕服報主常懷鐵石
肝到處窮簷詢疾苦他年準擬繪圖看

送趙武昔推關維揚

仙郎風度冠朝簪邦上欣看使節臨五夜潮聲侵畫閣

遂初堂集

卷中

九

夢遊草

半江帆影助清吟興情早已歸冬日吏橐何妨載一琴
最喜鴛湖通練水煙帆日日有鄉音

漢槎表兄歸自塞外次韻志喜二首

秋笳哀韻滿江關白草黃榆夢想間敢料窮荒生馬角
惟憑才筆動龍顏一行丹詔排雲出萬里明駝踏雪還
秉燭今宵裁破涕歡餘仍有淚潺湲
尊前欸欸話鄉關橘社楓林指掌間雀桁荒涼餘白髮
牛衣辛苦損紅顏葭灰有意催春轉塞鴈多情伴客還
多少天涯淪落者看君歸馬淚潺湲

送喬石林與試粵西四首

夢雲詞賦自來超嗟賞裁聞出九霄欲遣炎荒傳彩筆

故煩禁近走星軺鎖闥乍啓三春暖時與有初平以使

節平臨八桂遙早有文光燭南極機槍芒角黯然銷

梁馮步武接掄魁二謝三唐哀哀來大有人文輝史乘

誰云嶺徼少英材扶輿靈秀千年闕炳蔚光華一旦開

攀盡桂林無限樹仙枝攜向鳳城栽

才人自古愛冥搜羨爾真爲萬里遊紫蓋峰低梧嶺出

蕭湘源盡桂江浮丹砂洞口思仙令紅荔祠前憶柳侯

歸棹還欣過鄉縣蘋風輕送木蘭舟

蓬山芸閣忝爲鄰肝鬲偏於末契真奉使亦知非久別

遂初堂集 夢遊草 卷中 十

離羣只是感羈人行藏已分三緘口甘苦還憑老斲輪

引領還朝同汗簡明燈絮語越江春

贈司業劉宣人前輩

詞林恬淡是風規薄俗如君信可師官到遷除多遜避

家於京洛久棲遲如雲弟子今全盛似水襟懷故不移

北李南陳標格在橋門猶可振頽靡

送董瞻卬下第南歸

長安九衢塵漠漠伊人枯坐清如鶴有足不踏平津門

有裾不曳芙蓉幕永夜一編自討論孤踪半硯同棲託

將雌伏讓雄飛肯以泥蟠羨雲躍春風二月黃金盡

無鹽嫗女爭自媒誰能填橋不肯渡盈盈河漢空徘徊

珊瑚漏落千絲網龍伯鮫人共惆悵寵辱不入君宵懷

一笑津亭理煙舫楚弓得失何足嗟石田歸去耕煙霞

犁耜一翁幸強健將車捧杖歡無涯誰言薄俗無奇策

紫芝叔度居然在簞笠心期諒不忘蒼山白月遙相待

萬柳堂公餞益都公次韻奉和二首

十園官樹撫垂楊且喜婆娑鬢未霜載酒每尋紅葉墅

抽簪真到白雲鄉時平補袞心還切身健明農興轉長

最是主恩堪眷戀平泉草木麗天章

御製送行詩有緣 野平泉之句

遂初堂集 夢遊草 卷中 十一

調燮功成樂就閒高真不戀玉晨班猶餘丹壘堪籌國

公陸辭日拜 疏詳言時政未仗青精爲駐顏疏傳去時真盛世謝公

行處卽名山吐茵更擬陪遊地薰冶清泉第幾灣

送同年汪舟次奉使琉球

扶桑之西窮髮東千洲萬島浮空濛奇肱長臂兼穴胃

殊名詭狀不可窮向化慕義理則同惟聖人出斯朝宗

我

皇至德苞黃農薄海內外咸銷鋒日窟月竈梯航通琉

球僻絕瀛海中其土衍沃人敦龐世奉王正臣職供奉

書萬里求嗣封

帝曰俞哉嘉汝忠汝冠汝帶君汝邦疇爲予使咨羣工
汪君才氣真無雙龍文之鼎筆力扛純鈞淬鏢拔芙蓉
廷推而往惟

帝聰奏請十事四事從螭頭占對何從容

至尊屢盼迴重瞳賜衣麒麟茵紫絨龍旌玉節光熊熊
儀從赫奕侯耶公域中之觀海爲雄海面日出玻璃紅
雲景變眩樓臺重大魚如山小如松無垠雪浪粘虛空
皇靈燁赫天澤濃奔走海若將豐隆天吳象罔蛟螭龍
妥角縮尾潛其踪西風七日吹征篷徑度大海如鵬翮
蠻人羅拜虔以恭 詔書煌煌識 天衷 宸章採藻

遂初堂集

夢遊草

卷中

三

摩蒼穹瞻戴永永傳無終翠霄重曼多奇峰脂香之酒
浮春缸醉來揮灑如煙虹一字寶過徑尺拱白狼槃木
歌南翁宣布威德流鄰封八荒引領胥喁喁歸來奏事
明光宮畫笏山川見橫縱始信單車能折衝豈惟華國
誇雕蟲丈夫有志乘長風局促幪下何其庸書生於國
真何功浮沉却羨冥飛鴻遲子勲名垂鼎鍾

送同年徐電發假歸

憶初識君時吾家悲溪陽高賢十數公文酒時徜徉君
年甫弱冠馳騁翰墨場振衣攬曹劉企足追班揚我方
著荷衣殘經抱匡牀徒然結心契未敢儕行藏游鵬戲

雪海尺鵲搶榆枋蹉跎二十載會面多參商何期紫泥
書催我辭江鄉步君飛鞚塵雲闊同翔翔同官同里舍
分說非尋常我過子鍼砭子美我簸揚文筆手叅削湯

藥口互嘗損饒無單響驅豈不孤行平生契濶襟庶以
尺寸償爲歡曾幾何俄然把離觴脂車郭門月班馬河
橋霜咎言告將歸離愁兩茫茫世路良偏仄康莊亦辛
腸臂如遇醇醪薄醉興轉長一官甚鷄肋索米常傍徨
乞歸最得計子勇過下莊種魚蓮花陂讀書淡柳堂快
遊江帆穩酣眠松露涼何似聽朝雞顛倒披衣裳疾來
固云好遲留亦何妨屈指論親故十年半存亡孔融痛

遂初堂集

夢遊草

卷中

三

未息侯芭涕浪浪歲寒諸碩果先後歸泉壤愚菴欲
豁雪灘髮半蒼吾生何勞勞百歲如風狂子仕今尚歸
吾隱詎可忘會當及來茲輕裝上吳航買田必同陂卜
宅當共坊與子數晨夕爲歡未渠央

重陽後三日沈繹堂崔玉階兩宮詹招館中諸前

輩及諸同人譙集限燈字韻二首

碧梧池館露華凝秋稷頻過野興增珥筆幾人同秘省
盍簪今夕共明燈當杯月上微雲歛吹帽風來落葉層
但使幽情寄巖壑不妨倚戶有雙藤

西峰鎮日翠陵嶒傑直無因得共登九陌年華銀箭水

千秋心事玉壺冰
惟應綠酒親元亮
莫遣黃花笑季鷹
却憶升平多故事
醉騎官馬簇紅燈

後三日集秦對巖前
鞞齋疊用前韻二首

書屋陰陰覆古藤
故人無恙且挑燈
朝參可得經旬懶
卷軸還憑薄倖增
醉裏論文驚破的
閒中觀物笑模稜
獵師剩有雄心在
紫塞秋風想臂鷹

天涯節序任飛騰
滿地黃花興忽乘
淩落漫思田二頃
蹉跎還戀酒三升
無多世事淡緘口
畢竟材名老折肱
歸去滾更不成寐
疎星遙映讀書燈

王烈婦輓詩
諸城王生能記前生事

遂初堂集
夢遊草
卷中
古

羊祜金環事絕奇
韓憑蛺蝶更堪悲
三春決絕腸先裂
九死艱難志不移
故井有泉皆斷綆
新阡無樹不駢枝
後身若省今生事
駐馬休看黃絹碑

贈張陶菴山人

山人絕藝天下無
驅使頑石開靈區
千巖萬壑出指掌
仇池禹穴羅庭除
白髮飄蕭來日下
朱門戟第爭迎迓
處處園池靈壁山
家家亭館關同畫
漸臺翠嶺臨昆明
至尊清暑時經行
璇題繡柱非所尚
小山孤嶼聊怡情
山人承詔來區畫
善體天心露臺惜
攢簇蓬壺欄檻邊
月斧神工運無迹
別開禁苑臨玉泉
綠山結構皆

天然平岡淺渚足遊眺
水衡不費千緡錢
事了飄然乞身去
歸臥九峰幽絕處
不食榮利詫遭逢
斯世斯人堪歎譽
君不見宋家良嶽峰
巉巖割奇剴秀來深潭
至今行人冒朱劬千金一石騷東南

安南行

維
皇莫宸極威德流無疆
窮溟際天地奉琛畢來王安南
古交趾奕世守要荒
如何彼黎莫觸蠻自相戕
莫也惟黎臣錫命于上京
蠢茲敢尋兵傲然思陸梁
廷臣赫斯怒將帥思鷹揚

遂初堂集
夢遊草
卷中
五

帝曰無勤師重震予邊氓
文告先尺一奉使遴才良
侍從惟李公文武資兼長
簡拔自宸衷副以楊職方
臨軒賜華宴命服煥龍章
大籐峰嵯峨瀕梧波雷礮煙嵐障
日黑毒霧蒸天黃倔強啗尉佗
夸謾看夜郎丹詔下九天
不肯躬迎將王言詎隕越
國體必力爭革其馱驢性帖耳
受轡緼冰其猿猴容拜跪襲冠裳
是節正淫雨日月為開明
南人私惕息天威信堂堂雖則畏
天威野心尚披猖復讎餽經義沸
舌如蜩蟬未擬反鍾儀何論歸汶陽
威懷見神畧控御兼柔剛柔如調
嬰兒猛若制虎狼短札當長纓口舌為

斧斫十事中機宜片言抉肝膽魅無遁情落膽不得
張具報如 詔書一一遵主章從來北戶地蛟蚓蟠菁
篁前朝事開邊勞費不可量 廟算洵神武措畫邁漢
唐萬里如肘腋不費一箭鏖誰言書生懦胸腹羅甲兵
君看十萬師何似單車裝負弩非壯節乘槎終渺茫介
子既生事終軍竟羅殃賢哉兩大夫秉義守經常無心
就功名功成孰能亢麟閣聲紫薇銅柱標扶桑歌詩附
雅頌萬祀流洋洋

畫松歌為梅嶺山作

畫松不難與松似貴得寒空磊落意一片梢雲拂雪姿

遂初堂集

夢遊草 卷中

七

魏我迥與凡柯異梅君都官之後人才華標格都絕塵
善畫尤工作松樹寸管貌出千龍鱗孤根直幹勢奇矯
煙濤漠漠開清曉直如白虹亘晴霄怒如蒼龍作鱗爪
端如巖廊坐偉人高如淙林出遺老一氣淋漓入化工
千尋錯落舒懷抱畢宏韋偃不可追粉本豈是人工爲
十年看松甫落筆黃山萬樹爲君師黃山之松信奇絕
太古以來無斬伐十步蟠擎九步折行空偃地無罅缺
撐撐巖崖礙日月嗟我不得掉臂行遊於其間塵沙日
夕彫壯顏徒對慈仁兩禿幹朝行婆娑暮忘還梅君何
當訪爾就茅屋抱琴醉枕松根宿看君作畫題詩老亦

足

送葉慕廬還黃州

昔經伊陽望嵩少三十六峰連天浮嚴冬風雪促歸轡
悵悵不得天門遊君乃作吏在其下朝登巖巖暮龍湫
天清瀑泉響壁面月朗鳳吹聞山頭破寺荒林遍題詠
唐碑漢刻窮雕搜福地偏宜置仙令遷官亦縣非人謀
幾年得脫文案苦省曹需次仍淹留擁書矻矻不出戶
燈前小字書蠅頭旁搜博證析毫髮考古精核無其儔
昨者大廷舉鴻博一目忽漏脫不收鄧林搜材失杞梓
吳宮相劔埋純鈞史家三長貴精核唐有顏李宋二劉

遂初堂集

夢遊草 卷中

七

館局草創失吾子巧匠不斲工師愁君今掉頭便歸去
未老著論稱宜休樊湖人家住明鏡雪堂風物開清秋
詩和春陵寄退居書成薈萃藏竹樓倘憶青門舊游好
江魚消息無沉浮

贈屠更生

草昧之際多豪雄進止不與凡人同屠侯布衣謁軍府
立談數語驚元戎釣絲量江得若水素筆行酒逢元忠
指揮荆吳在掌握洞庭一夜乘長風便擁高牙鎮江夏
上流陶侃功名大移鎮方專隴右尊白雲忽斷蒼梧夜
辭劉徐庶心已摧彌天志業可卷懷一坏未築高敞地

廿年不夢凌雲臺思親湘江頭望親湘山上蕭蕭白楊
風孤墳自相傍墓前巢異鳥墓後遶靈蛇鬱鬱庭中蘭
三秋耀其華孝通神明感奇瑞丹青圖傳無其輩君不
見王褒鮮大畧石慶無弘謨伯約懷漸在遠志太真見
謂于絕裾奇才豈必有至性乃知屠侯真丈夫吁嗟屠
侯真丈夫

壽沈聖符姊丈八十二首

數村紅樹引蒼葭中有龐眉坐釣車早歲大名叅俊及
中年混迹學龍蛇文章玄晏三都重松菊淵明一徑斜
洛社耆英今有幾可能南部記煙花

遂初堂集

夢遊草 卷中

大

清流白馬總成塵寥落江湖見偉人此日史書紬石室
誰能耆舊訪蒲輪天畱商皓鬚眉古住近龍威草木春
讓水廉泉無恙在太平猶見百年身

送李厚餘中翰二首

客思秋風苦離筵復送君葉稀鞭影疾霜重馬蹄聞醉
憶青綾被書畱白練裙齊臺不可望九點有寒雲
頗愛官曹接經過慰索居冠裳狂叔夜文酒病相如歸
夢縈池草閉心問遂初漢庭虛筆札未許戀吾廬

雪後觀瀛臺四首

步隨霏雪過雕欄太液池臺榭盡看銀海乍浮雙闕迥

水花輕壓五雲寒空明路似行天界清冷身如吸露盤
忝逐侍臣趨禁近人間咫尺到應難

君王避暑敞行宮瑤島參差輦路通不夜魚龍銜璧月
長春花柳散薰風驚行曉度紅橋裏羽衛宵嚴碧檻中
此日西清天仗遠蓬山佳氣自葱籠

璇臺迥在水中央十里昆池禁籞長地湧神山開閭苑
天垂閣道拱文昌金溝漸濕霏微影碧瓦初凝的皪光
獨有青蔥溫室樹飛花欲落更迴翔

時清侍從得優閑枚馬風流迥可攀簪筆曉趨青瑣入
垂鞭晚踏玉街還凌寒且喜瞻天闕賀瑞還應慰

遂初堂集

夢遊草 卷中

九

聖顏馬上聯吟佳興在一痕涼影認西山

送戴無忝歸和陽

橫江扼南譙山川勢盤互真人昔龍興提戈此南渡巢
皖羅羣才鱗羽紛攀附寂寥三百載英風莽無處末造
挺戴侯敬夫磊落棟梁具煌煌還都策不借子房箸垂老
除一官傾天力指林睢陽箭著甌平陵血漉樹氣與河
山雄名將日星著昂藏一孤兒豹隱南山霧談兵曉入
門讀書盡四庫殷形入林慮變姓之玄菟汗漫萬里游
四十不婚娶顏協辭玄纁王哀守墳墓孝隱中有懷豈
爲煙霞痼頃聞表遺忠史例有依據麻鞋走金臺懷狀

託義故事了掉頭歸挽牽不肯住蠅頭蒼翠書刺眼牢
愁賦緘封不示人班班淚痕汚嗚呼兵塵餘萬事等風
絮何意忠孝門歸然傍天柱我亦冥鴻身無端落籠笊
汗簡方懷慚送君惜岐路山雞憚爲犧大樽甘落瓠終
當理荷衣訪爾滄江去

題綸竿圖

今年長安苦炎熱清晨騎馬汗滑滑直廬束帶渴欲枯
願作江魚水中活吳生忽示綸竿圖恍然坐我寒水壺
澄湖萬頃一練鋪荻花蘆葉風蘇蘇中有一人蒼眉鬚
左手把竿右灘書吁嗟此樂人間無君不見世間萬事

遂初堂集

夢遊草

卷中

三

等蠻觸一落紅塵難拔足東觀西清味若何轅駒自古
愁局促何如江頭老釣師濯纓萬里無磷溜披圖欣暢
尚如此况乃身到滄江滑白蘋洲紅橋社何地足徜徉
此中堪稅駕愁君文采珊瑚釣未得江頭老釣舟若能
老作一竿叟絕勝人間萬戶侯

壬戌除夕二首

索莫書燈照板扉臘殘重整舊荷衣身依華省終爲客
夢繞家山不當歸漸減才華思少壯慣看風尚笑輕肥
驚心珥筆三冬過青簡何年定是非
尚有銀魚換舊醅高城曙鼓莫相催吏情淡似春前雪

世態寒於嶺上梅羈客不圖今夕聚鄉書已分隔年來
北堂偏爲清貧喜且著班衣學老萊

遂初堂集

夢遊草

卷中

三

遂初堂詩集卷之五

夢遊草

癸亥元旦和立齋都憲韻

庭燎光中淑氣回凝旒肅穆九門開梯航遠爲朝正至
版籍紛從上計來龍尾日高看舞羽螭頭坐密促傳杯
雕蟲轉媿身無補也向班心踏紫埃

結隱蜘蛛有歲年浮沉何事齒羣賢大官良醞信足戀
故里春光真可憐史筆未如吟筆健荷衣絕勝錦衣鮮
明年此日楓江岸萬樹江花照綺筵

· 花朝前一日集曹正子齋分得四字

遂初堂集 夢遊草 卷下

薊門二月無花看數樹君家翠萼齊海內酒人同入座
屏間篆刻與分題臺臨皓月天街上樓擁春山古寺西
幾處尚爲文字飲莫愁歸路醉如泥

正子有綠水送春帆句爲賦二絕

清新何限小山詞五字春帆教雪兒唱比陽關第三疊

青門折盡柳絲絲

旅客歸心不可論聽來樂府贖消魂夢浮小艇桃花水

不落蒲帆直到門

從觀溫泉應制四首

蘭峪盤山紫翠重環京拱闕秀千峰天分箕尾祥光聚

地接 園陵淑氣鍾乳竇出泉珠袞袞砂牀蒸暖玉溶

溶春來草樹光榮極總爲時巡駐 六龍

靈源微吐玉蟾蜍百沸新泉浸石渠溫清早知徵孝感
精虔兼以肅齋居躍龍起鳳通遙海湧霧蒸霞接太虛
詎比雲川與驪岫宸遊空自枉金輿

湯山溫谷尋常有不及茲泉瑞應多暫濯華池能益壽
微沾靈液可蠲疴繡垣封處彤雲密方甃承來玉露和
地出寶符原有意萬年 天子矢游歌

扈從千官簇仗來得瞻靈蹟共徘徊炎蒸信有浮煙井
奮迅真看出地雷一漱神膏先氣爽未探暖酒已心開

遂初堂集 夢遊草 卷下

張衡欲獻溫泉賦仰愧盤銘 上聖材

經筵恭紀

帝德周三極

皇仁沛八埏功成歸馬日化洽止戈年聲教風靡草光

華日麗天 宸衷還翼翼 聖學更乾乾念典勤咨訪

窮神積討研懋修親講幄殷禮肇經筵濟濟鵠鴻列鏘

鏘劍佩連西清鋪玉几東觀啓瑤編藻火明丹展爐煙

裊細旃甘盤原舊學蕭傳本名賢磊落英詞吐春容與

義宣圖書陳要妙謨訓闡心傳道貫天人表思浚爰畫

前凝旒存默契摺笏總陶甄 主職彌綸大臣心啓沃

專涓埃仍補助海嶽轉崇淵禮樂規模潤文明氣象先
馬圖占物瑞奎聚卜星躔景運微生忝殊榮朽質偏近
光當此日延首詠平平

健松齋

黃山枯松天下奇懸針屬鐵龍鱗皮幽人移根植庭際
清吟細酌風披披嚴關一夜烽火作主人倉皇出城郭
避兵三年初得歸歸來門巷都非昨樓臺廢壞餘空園
烏棲無樹啼黃昏嘉卉芳條芟伐盡亭亭獨有孤松存
松乎得全有天幸劫火燒殘節彌勁儼似英賢凋謝年
偉人特立鬚眉淨世家喬木非偶然摩挲手澤春風前
遜初堂集 夢遊草 卷下 三

壽孫惟一先生

卷舒迹猶龍動靜心若水我願師其人千載竟誰是矯
矯孫先生高躅世無比早通金閨籍聲華冠蘭凡眷言
念二親拂衣臥田里循陔掇白花晨餐潔滌灑高樓擁
圖書小園樹松梓問以塵世事嗒然但隱几東山二十
春捉鼻聊一起綠鬢仍飄蕭雲霄看曳履旋聞動歸輿
扁舟津門艤誰能洪爐中水臺清徹底味道乃遺榮達
生善知止柱史既真人華陽亦妙士歌詩介壽觴永以

漱頑鄙

同陳其年諸子集李木菴齋盆梅滿屋燈影橫斜
分韻四首

小堂容曲宴盤礴興悠哉可愛江梅種偏同火樹開暖
雲烘案隔霏雪拂尊來似有林逋老先春著意栽
驛使經年斷攀條遠憶誰玉顏高獨立鶴骨瘦禁持影
薄難分畫香清欲逗詩興酣移坐密揀取近南枝
飛騰三月序消渴百年身禮法寬前輩行藏沒酒人簫
聲天上月禽語夢中春堅坐無辭晚為歡正及辰
朝簪雖自掛隱籍未全刪薄醉把芳草不眠思故山銅
遜初堂集 夢遊草 卷下 四

賜果二首

太液秋容雨後嘉亭亭珠寶隱霜芽中官小摘供新薦
內宴頒分及賞花浸入玉壺寒著露擎來湘管翠添瑕
聖朝正意精鹽味咫尺恩波詎有涯
碧節丹心味最嘉況從禁籞長根芽宛疑仙掌三秋露
猶想蓮池千葉花宛轉摘來冰作蘭玲瓏削就玉消瑕
承恩不覺歸來晚緩步清吟到水涯

送徐果亭前輩假歸

紅塵不上遂初衣畢竟言歸便得歸珠樹齊名天下少

黑頭勇退古來稀
山樓舊擁圖書富
松逕新圍藥草肥
準擬浚秋放歸棹
相將蠟展訪靈威

送朱蜚鳴待詔歸里

遺經逸史笥便便
寥落儒林見此賢
垂老乍分菰閣火
長貧實少廣文璫
宦情倦似投林鶴
歸計安於下瀨船
回首柯亭莫惆悵
碧蕖何似紫尊鮮

送孫子立編修周皇公儀曹奉使安南

安南古南交
疆索內聯綴
漢郡復唐州
歷歷猶可識
隔絕未千年
竊國非一氏
人民劇侏僂
山川足炎癘
蠻荒自君長
上聖所弗治
因其來享王
封爵時錫昇
干紀或

遂初堂集

夢遊草 卷下

五

陸梁徂征赫命帥
鎮南旣馳英公亦
雷厲俄然定蟻
封何曾奮螳臂
黎王今外臣恭謹
自先世昆池火洞
然不爲烈焰沸以
斯見褒寵持節煩
天使編修鸞龍姿
文采冠清秘儀曹
器閎濶剖決無畱
事推選自大廷並
命出天意八騶擁
鸞旗榮光照華裔
錫陵關晨開木丸
江夜濟交人舞連
蜚交女歌踴地瘴
海爲清明龍章儼
天墜天威所震輝
旁際日月竊寄語
南荒人恩波降非
易煌煌金簡書誨
以忠孝字數言貺
遐陬千春庶勿替

送褒城令

褒斜用武地君去正銷兵
鼓角秋山靜烽煙棧路平
穢簡傳早饗抱犢看春耕
知爾冰心在廉泉相映清

送宋牧仲之官通永

梁園多詞人宋君今獨秀
崛起工詩篇踵武高薛後
黃州思清婉雙江力雄富
出入正變風一家自成就
浩浩六街塵飛軒無昏晝
宴坐見斯人清吟鶴骨瘦
開篋有奇書列案無俗豆
同好三數人聯詩時邂逅
險語穿天心奇思湧泉酒
藉茲風雅林一洗簪裾陋
君今忽鶯遷騷駸馬東首
高適鎮西川李邕守海右
知君故通才智畧恒輻輳
飛騰樹功名藝苑詎能囿
所嗟長安中寂寥

遂初堂集

夢遊草 卷下

六

寡朋舊大雅今則微
賞音亦希觀潞河望西山
分明見林岫采采菖蒲花
清霜曉盈袖

送价維弟令阜平

阜平地是古行唐
萬壘蒼山擁縣長城郭
舊荒經翠輦提封新
劃畫巖疆地偏案牘
無畱事政簡詩篇有
報章課最還期飛馬
至無勞別夢繞池塘

送同年尤悔菴假歸二首

秋風無客不思歸
勇決輸君便拂衣
五字早年驚帝座一官垂老傍彤扉
青箱世業傳方永
白首林泉願不違
最喜藝文新志就
三冬藜火有餘輝

同薦同官共幾人
數君鄉里更情親
那堪絡繹催歸騎
不分羈孤剩客身
夢裏家山行處到
愁中肝胆別時真
書成我亦焚魚去
未許江村獨煮蓴

送御雲弟之關東二首

愧爾相從過二春
蹉跎猶是黑貂身
埃風漫擬扶高翼
斗水終難起涸鱗
風雪嚴關重覓路
琴書絕塞轉依人
不才累汝長漂泊
一聽驪歌一怆神

白草天邊凍雪飛
短衣絕勝臥牛衣
松山秀好供吟案
碣石橫堪作釣磯
但許射雕身手健
不愁懷璞識人希
棄繻關吏休相笑
看取高車捧檄歸

遂初堂集

夢遊草 卷下

七

瑞魚泉詩和李梅崖觀察

雙清心跡想前賢
露冕風流尚儼然
種就芳林皆讓木
移來曲沼總廉泉
禽魚興落濠梁外
嘯詠情同洛水邊
劉井柯亭還記否
題詩好寄五雲天

壽沈繹堂宮詹

華亭先生文章伯
早年橐筆遊明光
珊瑚珠樹出滄海
赤刀弘壁排東房
高步蓬山吐英藻
三長五絕無輩行
天下書名推北海
一家詩體尊東陽
殘膏剩馥盛沾被
風從景附爭趨跼
聖人當陽重文治
渥眷取置轍座
傍義爰孔象講矻矻
皇墳帝典陳洋洋
清切螭頭接

天語森嚴蘭殿廣
宸章揮毫往往依
御榻三公七

貴看堵墻世南戈
法最邁勁僧虔筆
勢偏軒昂片紙人
間重和璧寸緘海
內珍明璫懸購鷄
林與百濟臨摹雙
鈞兼硬黃由來玉
堂領文翰宗工哲
匠肩相望百餘年
來柄旁落詞門凌
雜如蜩蟬灰劫過
處藝林燼兵塵動
後文苑荒賴公崛
起領壇坫三台東
壁開光芒一代人
材歸藻鑑千秋文
物資津梁濠山大
澤不敢狎爲有龍
虎藏中央舊學凝
丞最隆重宮端宰
輔頻迴翔前星朗
朗出蒼震九重倚
毘非尋常豈無少
傳香山社豈無
右丞藍田莊蒼生
結望未可負黑頭
且喜逢時昌黼黻

遂初堂集

夢遊草 卷下

八

太平有禮樂
恢弘文治惟
嚴廊待公安
坐秉密勿卿
雲爛爛歌垂裳

范節母詩

宛轉復宛轉
女蘿附蒼松
如何松枝枯
蘿蔓愁霜風
別鶴鳴酸嘶
迴翔顧其子
節婦貴立孤
報夫豈必死
出亦復零丁
入亦復零丁
孤甥幸有舅
寡妹幸有兄
膠膠鷄晨鳴軋軋
母夜織撥盡
爐中灰作字
教兒識辛勤
三十載兒身如
舅長舅爲銀
臺卿公兒作
青衿郎宛轉
復宛轉清波濯
素練他時泉
下人一笑堪
相見綽綽表
雙烏巍然節
母坊寄言嬌
閨婦聽之慎
勿忘

古意呈院長說巖先生九首

翩翩長離鳥千年一來庭神人截嶰竹想像雌雄鳴一
鳴玉律和再鳴泰階平雲門正六變簫韶方九成德輝
不虛觀天地開文明誰能接彩翼翺翔游紫清
天不愛其文繁星燦無紀北斗獨昭昭瑤光柄東指節
序以平分陰陽潛變理天樞儼無爲端然穆清裏月魄
有弦晦河漢有迴倚帝車鎮中天瞻仰無窮已
修表萬餘尺將造凌雲臺伐石窮南山轉木浮江淮役
鉅事力繁衆工盡徘徊何意公輸子褰裳惠然來規畫
妙若神指揮提風雷巧拙各呈能良楷無棄材壯觀旣

遂初堂集

夢遊草 卷下

九

以就一覽雄八垓

天門高峩峩蟬冕森成列驅馬如游龍炙手焰可熱悠
哉素襟人味道自娛悅置身槐棘班而不繫華紱門庭
澹於水冒懷白如月吾聞姑射仙皎皎餐冰雪竭來塵
世中聲利焉得絕

出山泉爲潦踰淮橋爲杙浩浩九衢塵素衣愁化緇陸
生入洛來局促無可喜幸逢張司空獎賞以國士談藝
或停軒論文時倒屣傾心託末契繼絕無倫比讀書二
十年於今遇知己鉛刀見淬厲感奮從此始

紀昌昔學射懸蝨如車輪郢人遇匠石斲聖揮風斤世

人貴耳食微妙安足論心賞良獨難遙遙待千春旦暮
一遇之膠漆未爲親朝華引夕秀後火續前薪寧無同
聲者賞譽貴其真

滄海王百川衆流無所擇崑崙作天柱部婁之所積天
地自廣大世人苦逼窄臆見膠不解同阡而別陌廓落
惟至人坦懷去籬柵是心如虛空纖雲不得隔甘瓜抱
苦蒂終歲常脉脉雨露幸無私感彼春陽澤

江頭浣紗女灼灼青蛾眉衆女競稱羨謂言絕代姿一
入深宮中猜妬橫見施巧笑伏針線謠詠非一辭何圖
楚妃寶鑲金毀不移相憐復相薦瓊樹誇一枝團扇還

遂初堂集

夢遊草 卷下

十

皎潔未受秋風欺誓心銜恩德沒齒以爲期

甲枝棲鵲鵲高屋巢鵲鵲獨有海鶴孤飛飛將焉託暮
宿秋霜濃朝餐春冰薄仙人浮丘公九還成大藥愛此
好羽毛控之上寥廓西遊覲王母東去訪海若千歲一
伐毛沆瀣供飲啄寄言乘軒者齷齪安所樂

興安將軍歌

熊耳山頭賊如蟻磨牙殺人血流水千金白璧不受污
哀哀節婦投崖死節婦死孤兒悲拔劍走馬東西馳興
安將軍目如電奇兒骨相封侯姿移師壓賊賊瓦裂懸
頭牙門兒仇雪行求母骸母有神身死不腐經六旬土

人葬之七尺墳孤兒來歸墳草新手提仇頭酌仇血涕
淚灑作秋空雲草蕭蕭松瑟瑟四十年來土花碧興安
將軍紫驪馬却是當年報仇者

贈蛤菴和尚新住初

杼山詩句夾山禪蹤踏師林二十年久矣耶無法說
不妨王舍有燈傳垂釣定賢珊瑚樹撼鼓還驚尺五天
化盡素衣餘慧業離塵腸賴法流前

贈智方禪人善果寺住持

京華車馬日恩恩愛向祇林訪贊公世事撥開殘芋火
塵心銷盡一幡風道人本自空真率居士何妨說苦空

遂初堂集夢遊草卷下

士

法乳由來雙髻遠禪枝長蔭帝城中

癸亥除夕

竟歲勞勞趁軟塵綸竿孤負澤中身百年荏苒同今夕
萬感迴環及此辰未老心情貪學道長貧生計恥干人
鄉園幸有如雲客相伴京華度好春

甲子元旦

雲門九奏聽分明廣宴班中忝綴名黃吐一莖知律煖
雲開五色驗春晴朝回奉母餘懷橘燭上邀賓好試饒
但願八方寬帝力樵風牧雨祝升平

懷吳聖玉

楊雲墳草幾經春李燧依然北海濱白馬清流塵劫事
黃羊衰草夢中身詩書且喜家風在孝友還看至性真
華表歸來應有日天涯愁殺收瓶人

懷雲從叔二首

嵩陽爲宰復嘉陵遍地創殘撫字曾萬戶渴思慈母乳
寸心清對玉壺冰未邀鶚薦人難事乍報鶯遷道可憑
取次扶搖風力厚一枝猶自養雲鵬

牟平僻在海東頭鷄犬桑麻自一州官閣晝晴看海市
油幢春曉對之梁天將樂土酬廉吏帝乞閒身得壯
遊淨掃鼉磯一片石六龍相待竝垂鈎

遂初堂集夢遊草卷下

士

重遊萬柳堂

萬柳堂前楊柳枝枝拂檻復臨陂開尊最憶陪遊地
繫馬頻來僞直時天下憐才唯少傅人間行樂只南池
而今東閣荒涼甚獨把長條有所思

重過長椿寺

寺門松老碧參天松下虛堂竹榻懸相國曾分煨芋火
諸生常預散花筵大人心量無涯際塵世榮華有變遷
身是裴休舊賓客瓣香於此祝平泉

送魏環極尚書告歸二首

乞歸優詔苦難畱祖帳蕭蕭落木秋豈得延中無宋玉

懸知天下少韓休
冰霜標格垂青史
薑桂心情到白頭
去住從容恩數渥
幾人凝望比仙舟

故里猶存伏老堂
九宮山色對蒼蒼
便應勅喚逍遙谷
早見人稱君子鄉
益壽尚方餘藥裏
酬恩家舍有青箱
一丘一壑真堪老
何用成都八百桑

送進也叔觀察西寧

高秋擁節上崆峒
錫命光華迥不同
帝謂馬援猶少壯
人言裴楷舊清通
金城遠扼河湟險
青海平臨磧嶺雄
臥護諸番非細事
籌邊好答主恩隆

爲王幼華給諫題五詩人圖

遂初堂集

夢遊草 卷下

圭

維揚城中十萬戶
銅山戟戟守羣賈
何來索窹三四公
抱樹秋蟬獨吟苦
詩翁髯孫推老蒼
汪生後出何堂堂
異軍特起吳與郝
清詞秀句相低昂
關中玉郎太奇崛
成名不肯事干謁
獨身負笈遊江淮
把臂入林稱快絕
紅橋齒齒楓斑斑
五君擁鼻吟其間
豪情欲瀉一泓海
幽夢迢迢落千層
山竹西笳鼓紛無數
走覓王郎不知處
時時山寺見題名
往往城東有聯句
江花催人客將歸
主人傍徨客徘徊
畫得容顏作卷子
一日相思開一回
嗚呼交道今如綫
陳雷張范不復見
風從雨散合復離
勢利之交古所賤
何意風塵有五人
性情不薄肝膽真

到今未覺山濤貴
當時豈厭黔婁貧
我披此圖三歎
白雪丹砂好顏色
黃塵真真天路仄
十步五步愁荊棘
紫芝翩翩松幹直
置身圖中老亦得

送同年高阮懷假歸二首

哀哀京華足咲名
愛君鶴立有餘清
終年晤對無機事
鎮日朝參少宦情
天以一官酬樸學
人將百歲誤浮名
蹉跎此日裁歸去
白髮蕭蕭別帝京
昆弟親情廿載前
更添輕轡作同年
鸞龍才藻人爭重
玉雪襟懷我獨憐
杜甫有兒能誦選
張融無宅且牽船
人生惟有還鄉樂
只欠城南二頃田

遂初堂集

夢遊草 卷下

古

送迂菴歸天目

迂公粲粲儒門子
早年文筆看憑陵
一朝披緇入天目
擺落塵網棲大乘
大覺門風最嚴冷
公也警咳能親承
利錐痛棒不辭苦
剝蕉脫笋穿層層
偶然省母還故里
獅巖忽暗千年燈
自爾頽然臥林野
埋照頗類尋常僧
曾點何妨傲顏閔
綺季豈必儕樊滕
伊余託莽在人外
愛子風骨能堅凝
麻源圓焦共煙雨
包山絕壁同筇筇
我緣一官滯京闕
君來何事衝炎蒸
苦云本師久遷化
塔銘未立心馮馮
十年僵臥此一出
寒山片石求子昇
故人相見笑啞啞
玉山屹立彌岐嶒
三公七貴嬾干謁

千巖萬壑動探登錦章乞得便歸去飄然萬里攜枯藤
道人於此無罣礙足豈足縻蒼鷹嗟余失脚墜塵土
無繩自縛良可矜六年一夢今始覺湯池躍出懷層冰
正思汗漫遊五嶽羨爾健翮秋稜稜廬山天台幸相待
一瓢一笠吾能勝

寄懷逋菴法師

無著相逢慰索居天親踪跡近何如江東義虎凋殘日
郭北精藍整頓初魔佛自來原共劫鹿羊何必不同車
誰能見得龍潭後重檢青龍擔上書

贈湯中丞潛菴

遂初堂集 夢遊草 卷下

五

江東六七郡國家之股肱 詔書昨夜下吳人喜填膺
天子自除吏湯公作中丞公實名世賢玉署早延登出
牧關與嶺直若朱絲繩高臥二十載起應鋒車徵再立
御階上赤管書金膝舉世競機巧無翼思奮騰公獨守
機學玉壺貯寒冰竟荷特達知耿介

帝所稱琅琅金華殿端笏談衰興講義作諫書此事無
人能 主聖獎臣忠綸閣俄超升旋命秉節鉞直道庶
可憑江淮民力竭災稷况頻仍一物官盡取枯稷悲
陵吏治涉蜩蟬官方混滯滯百蠹共一樹凋殘諒難
佇公一整頓嚴猛濟寬弘春陽溥德澤秋霜肅威

柱截衆流一使在瀾澄野夫忝末契緒論夙所承南歸
在早晚衡門掩蒼藤雅化尚能歌擊壤有遺朋

曾青藜見過畱飲作歌

梅花千村復萬落曾君浮家此中著揭來相見春明門
白髮蕭蕭瘦於鶴長安交態非往年秋雲不似人情薄
八駟公卿不下士屠沽小兒勢薰灼模稜骨鯁兩難爲
仕宦何如布衣樂莫怪非才與時迂骨節不媚動乖錯
丈夫寧當骯髒老不合低頭受束縛槐根夢覺只須臾
洗眼坐觀殊不惡朝來雪花吹滿天恰值賣文餘酒錢
故人相見且樂飲世事過眼紛雲煙君不見尚書坐中

遂初堂集 夢遊草 卷下

五

老賓客幾人強健猶扶策又不見易堂當年英雋人大
半磨滅爲灰塵勸君勿悲亦勿喜人生百年而已矣功
名事業皆糠粃不如高臥梅花裏濯纓萬頃滄浪水

爲胡循齋題春帆落照圖

柳條搖溶映空水遙山蒼蒼近山紫含情送遠者誰子
目極征帆一千里江流不抵別意長無端百感來茫茫
江郎才盡恨不盡故畱別賦愁人腸平原使君茂陵客
一往深情逗才魄秋窓教寫春帆圖楚水湘山割千尺
官燭題詩篇復篇縈情疊恨何纏綿坐中酬唱競好手
銀鈎錯落題蠻箋春明門外天涯路送盡歸人身欲去

河橋夜雨打孤蓬識是班駘送行處

續寫懷六首

野夫何事點朝班竟歲勞塵土間報國早知才薄劣
趨時長恨質疎頑蹉跎歸計愁衰鬢爛漫春花憶故山
深謝故人相料理飛章催送鹿車還

棲遲少小在長林酒盞書籤託興深傲岸不嫌豪士態
清狂微會古人心作官豈得行胸臆處世應知貴陸沉
莫問彈章出誰手勤攻吾短是良箴

承明清切傍天居僚友金蘭誼不疎昨日螭坳猶執簡
今朝蓬戶已焚魚世情信有羊腸險宦跡真成鴻爪虛

遂初堂集

夢遊草 卷下

七

未必芬芳比蘭草當門先已被芟鋤

鶴影爐煙講席重傳宣長在掖門東三年趨走紆天盼
一日推排割聖衷舊識蛾眉驚畫筆未捐團扇奈秋風

青蒲傳得咨嗟語腸斷孤臣泣轉蓬

亦知獨立理難全受命其如不可遷鶴性自來難籠絡
松身寧解學纏綿行藏豈免隨流俗面目終須對古賢

鍛翮剪翎非所惜無過使我不冲天

不束朝紳已涉旬居然林澤得閒身掩關正好看山色
緘口無妨近酒人萬古功名基上劫百年身世隙中塵

老親一笑渾無事屈指歸期此度真

嗜退菴

光龍望浮玉遙遙碧峰對眷懷鹿皮翁結廬清溪內竹
閣眠翠微風琴發天籟冥棲一榻間曠懷逸下載從來
拔俗人託好奇煙靄藏身曉損益含光悟明晦天機一
以深世味澹然退弄水測清源觀雲窮變態翠象雖參
差遠興各有會曾聞羊裘客垂釣富春瀨亦有周太原
出處同風概鯨興憶家園摩挲侶松檜只合具扁舟煙
濤訪西塞千秋兩客星雙懸南天外

寄友二首

分手無多日相看已隔年琴尊餘客夢風雨悵離筵汾

遂初堂集

夢遊草 卷下

六

水春流繞壺關鳥道懸雙魚何所寄祇有白雲篇
不得河汾信遙知逸趣深著書庭草長閉戶壁苔侵俯
仰看天地胸懷自古今多慚房杜輩空有濟時心

白松歌

房公祠前雙白松白如玉蒼如龍龍身倒垂拂煙海
玉骨挺立撐鴻濛琅玕雕成冰雪淨千尋直上圓童童
清陰遠覆白渠水翠色欲掃明星峰此種由來不易得
郎官手向忠祠植二十年來大十圍扶持似有神明力
伊昔賊馬蹂秦川驅劫官吏霜鋒前幾人銜鬚作溫序
幾人飲醕同譙玄房公三秦一男子嚼齒穿齦廿九死

長號絕粒埋空山一片丹心照青史至今祠廟畱池陽
雲車風馬來徜徉雙松託根幸得地孤高一氣摩穹蒼
君不見武侯祠堂錦城旁中有古栢參天長唐時歌詠
漢時樹可憐人物相輝光千秋人過房祠下化石松根
堪繫馬苔痕繡出淚班班記取孤兒種松者

壽朱西仲尊人九十

九十游泰山吾聞榮啓期復聞周黨子九十爲聖師降
古人惇龐太朴完不虧善氣迎天和多壽固其宜末俗
競機巧醇醲變爲醕中壽每希覲况乃望期頤天都有
長者鶴骨龐鬚眉甲子不知數九袞當今茲問翁何能
遂初堂集 夢遊草 卷下 九

爾頌德非一詞慈儉爲身寶敦睦爲家規築堤捍水患
責糜賑年饑宗親託廣庇鄉里蒙博施以茲荷天休
陵壽無涯駐顏非青精却老非華芝衛生自有經種德
以爲基陰德猶耳鳴古人不吾欺請看翁堂下鬱鬱三
槐枝

遂初堂詩集卷之六

近遊草

禮懺畢贈諸禪師

人生事二親孝養苦不豐幽明一以隔報德將何從側
聞大雄教利濟靡不通靈雨漏泉壤大雲彌蒼穹哀哀
我慈氏夜臺去無蹤咯血餘孤兒追攀道途窮庶資空
王力幽贊人天中師林足龍象禮請來榛蓬懺摩演梵
唄象設開金容鐘魚清且肅瓶鉢虔以恭慧燈破暗界
法乳留虛空羣品盡沾被疇能贊弘功吾母早薰修持
誦三十冬疾苦不散亂寧定徵臨終多感諸宿德勝因
遂初堂集 近遊草 一

此圓同庶幾登覺岸豈止生天宮殘生了無事誓欲參
幡風無生倘可證海上有龐公

黃叙九過話有贈

一別動經七八載那能童稚不蒼顏陸沉我竟成何事
雌伏君能安故山風樹驚心同涕淚羊腸閱世足間關
結鄰只在南村好短笠長鐮任往還

訪吳東籬先生

燒殘劫火少遺民猶喜空江剩一人井底書函畱甲子
壺中藥物辨君臣仲連老去神仍王叔夜歸來性已馴
塵土勞勞成底事慚將小草對松筠

贈沈兼人

風雪關山道曾爲竝馬行
衝冠能赴難掉臂不求名
別久鬢霜點談深劒匣鳴
柴扉村徑裏誰信有侯嬴

喜顧茂倫病起

衰病長愁藥物難
新秋何幸報平安
天雷舊舊光星象
人爲詩翁理釣竿
幻質悟來皆傳舍
塵襟撥盡卽還丹

風髯雪鬢匡牀裏
直當維摩小影看

悼顏氏裝姊

阿姊閨房秀瓊林
剩一枝清言良可味
佳詠少人知
久別驚霜鬢重來
只總惟謝公
風度盡雪涕有餘悲

遂初堂集 近遊草

二

通濟菴贈密中講師

多年不到橋西寺
爲訪深公踏月來
龍聽法時雲霧殿
烏啣花處水平臺
如歸僧衆飯千鉢
似畫煙村渡一杯
願得法輪窮劫轉
優曇長向講堂開

宿兼葭菴贈石鄰上人

落日在漁網扁舟臨釣磯
故人九載別草舍一燈微
有落道禪難縛無家返始肥
枯槁終夜響聽者自忘機

送沈雲步之官靈臺

丈夫作官不擇地
一城一障足自試
煩怪世人捧除書
佳惡紛紛生較計
佳者歡喜惡者愁
稻粱祇爲隨陽謀

贈邑令郭華野

高田宜禾下田宜黍
言晴得晴欲雨得雨
人人歌頌郭明府
明府未到時桑非我
桑田非我田吏暴如
虎橫索錢十日五日
在城郭婦子不得晏
眠自侯之來有經有

遂初堂集 近遊草

三

緯賦籍五百萬屈伸
在指鞭朴不煩逋租
用理吏胥歎於室農
人悅喜案無留牘聽
斷精明大事令小小
事令平豪猾屏跡止
訟息爭使我耕田鑿
井白首不至縣庭侯
爲茂林蔭民於暘侯
爲甘泉拯民於渴侯
無去我爲帝喉舌祝
侯千齡第祿是掇

題巢雲堂

襤被懶於城市宿
扁舟每過惠休家
塔當簷際重重影
院入秋深樹樹花
會意琴書禪不縛
破愁酒盞律難遮
閒雲莫漫辭巢去
相伴滄江老歲華

過純陽院訪曹鶴賓

道院禪居近接鄰開坡草徑訪幽人雙瓶有像仙雷蹟
一水無波龍隱鱗拙鈍金丹難換骨蕭疎紫闕不稱臣
松陰對奕鬚眉古剖橘還疑是幻身

挽迂菴上人

脫却儒衣著衲衣三關親透截流機蕭閒不愛拈槌拂
峻利偏能檢是非白眼祇容吾獨賞剛腸多與世相違
年來飽閱病魔境柳樑橫擔覺路歸

廿年結契水雲中相訪京華意氣雄却客贈金高士態
勸余勇退古人風寒雲擬踐名山約彈指俄驚幻化終
訣別寶華書一卷還憑願力與流通

遂初堂集

近遊草

四

德清訪章伯昇昆季

東衡舅家路生小未經過已是兵塵隔那堪患難多書
來涕淚重夢去水雲訛此日真相訪輕帆拂翠螺
外祖吾鄉宰餘微骨清謳吟當日盛公論到今明白
草荒阡色濃霜故國情子身瞻拜地嗚咽想亡兄
中表何寥濶諸昆見倍憐麻衣同毀塞土室暫畱連薄
俗躬耕好衰門課子先從今溪路熟來往任年年

報德禪院訪同菴上人

一道清溪鎖碧山禪燈寒出萬松間枯巖久斷天人供
飛錫新攜岳色還機以沉冥偏透露門因孤峻少躋攀

我來欲叩聲前句白月當庭夜不關

贈體璠講師

下若溪邊聽講時青松猶記折殘枝八年塵夢我初醒
一劫寒灰君不知戴雪晚菴驚味美搏風高鳥恨歸遲
夜闌軟語誰能會落月金盆是導師

雲棲

禪門多丈夫雲棲最英特洞徹教與宗而不炫才識懇
懇修淨土自標一家則持以藥狂禪如匠操繩墨遷化
七十年森嚴想儀式招提指三千規矩能整飭鐘魚梵
天音竹栢太古色吾生恨衰晚不及見古德道緣殊未

遂初堂集

近遊草

五

淺一宿繩牀側遺文摩尼珠可以被昏黑庶假湛寂光
策我堅定力

宿韜光山房作二首

招提宅山顛而有清泉瀉濤聲亂陰晴瀑勢無冬夏殿
門俯層巒萬象森在下湖帆曳林空海日升巖罅我來
歲已晚楓菊猶未謝白石淨可餐流雲駛堪駕浮生如
窓塵幾人得休暇遇坎且當止茅齋倘相借

嗜奇夙成性逢山必冥搜捫蘿晚來登愛此雲景幽巖
壁如故人清冷與我謀十年始再至所嗟歲月逝山僧
能好事燒笋沽新筍出詩過百幅雅俗頗兼收時時見

名賢隻字珊瑚鈎風湍鄉終夜疎雨時灑樓神清不可
寐似枕江灘流萬事足欣厭塵境有去留誰爲洗心人
可與濠濮遊

雨阻韜光作三首

山行晴忽雨小住亦爲佳瀑怒欲崩屋雲寒時墮懷燃
松便靜坐煮蕨稱清齋豈必吾廬好巖棲頗始諧
遊速每多悔何妨信宿停山宜雨餘認泉愛夢中聽洗
硯池光活翻書燭燼零枯藤與危石相對各忘形
百年原逆旅大塊本浮槎一別不爲客高眠卽是家榮
枯碁作劫聚散瀑成花汨汨成何事勞生只自嗟

遂初堂集

近遊草

六

觀高忠憲公遺墨

高公本大儒而亦通禪理三句此靜坐湛靜觀無始講
學本心得定力微一死奈何今時人墮地熾口耳紛紛
辨朱陸如刀割空水公沒六十年靜觀一彈指山僧寶
遺墨精光爛盈紙剖揭動靜關字字發心髓多幸得諦
觀茲遊不虛爾持此鎮山門玉帶安足比

冷泉亭

寺門泉水澹淪漪水面靈峰對不移黃葉一天霜落早
白松滿院月來遲濯纓清徹三生夢照影寒驚兩鬢絲
自是心情愛孤冷獨行惟有澗猿知

過蓮居菴作

爲愛蓮居講舍開衝泥三度扣門來黃雲滿樹鶴飛出
清磬一聲僧定回末法幾人修止觀孤宗此地有天台
真空本自無言說說得真空是辨才

訪張用霖

東郭先生負郭居蒼眉強健八旬餘少無機事惟探道
老薄浮名不著書覆戶清陰交竹樹隔牆仙梵接鐘魚
蓮花菴到來每作巖棲想淳朴風規似古初

卓氏傳經堂

忠烈吾欽卓侍郎曾於史牒聞幽光孫枝一髮延宗祏

遂初堂集

近遊草

七

故里雙溪帶草堂篋古詩書餘漆字樓高奎壁有寒芒
鹿裘居士蕭閒甚注罷叅同藥草香

長至有感

至日曾陪扈從班郊丘親切侍天顏手攀玉樹爐煙裏
身跨飛龍輦路間放逐驚心移節序衰頽伏枕滯江關
相逢還有焚魚客搔首西風話碧山

時泰對巖巖藉
漁同客武林

德興謠

錢塘王起彪丁亥進士授江西德興知縣縣在萬山
中數創於兵遭金聲桓之變郡縣新收復君單騎之
官甫十日而山寇曹鳴遠襲破城執君君不屈幽之

天君廟廟後有間道走弋陽或勸君遯去君曰吾守
土吏死分耳不可以逃賊亦心敬公置酒張優樂延
公上坐公命演關壯繆單刀赴會故事至降漢不降
曹語賊怒白刃交下殺君坐上賊平士民請卹於朝
會撫按官連罷去不果君弟芳人言於余余義之爲
作德輿謠

德輿城中滿荆杞德輿山頭賊如蟻礮車轟城城盡啓
縣令到官十日耳賊爲將官爲囚戟手罵賊低賊頭降
不可逃不可快劔長刀環向我我心如鐵豈憚焚剖心
可對關將軍杯酒未乾刃交割噴空碧血凝愁雲雲爲
遂初堂集 近遊草 八

輪風爲馬忠魂傍徨德輿野褒忠無廟民愁思中朝公
卿知不知

徐電發假滿入朝余以事畱武林不得送別卽寄

二首

林居松竹未全栽又被鋒車早晚催豈可史書無我黨
敢云虎觀少人材霜濃橘柚寒仍綠水落魚龍靜不迴
遙想日邊諸伴侶眼穿剛見一人來
不共臨岐酒一尊無窮別緒若爲論立朝詎可因人熱
處世惟應以拙存蛇若就時休盡足蘭于芳處莫當門
尊絲風味年年美何日還來臥竹根

賣文行贈林鹿菴

古來賣文得高價前有相如後北海餘子瑣瑣不足言
猶聞數字酬繒綵當今重爵不重文鴻臚鉅手何紛紜
捉刀英雄饑欲死公卿侈口談皇墳武林林生有奇氣
一生傲岸骨不媚有刺不投貴人門有足不踏京城地
家無馬融帳室有黔婁被沉酣一尊酒磊落千萬字文
成諸體無不有新輪削篋誇好手一篇還值三四緡爛
燬得錢便沽酒酒甕空時文易乞不問名銜署誰某掛
壁時時風雨驚絨囊往往蛟龍吼林生林生勿驕屑我
亦年來賣文活長安斗酒價千錢餅金不救衆賓渴蟻

遂初堂集 近遊草

九

爲苦少臙脂多文兮文兮奈若何

贈顏死咎表兄

吾姑四子惟兄在八十老翁神觀超境過榮枯皆夢幻
機忘物我總逍遙梁空燕壘烏衣改漏刻蓮花白社招
冷盡劫灰餘一老摩挲銅狄話前朝

宿菩提菴作

招提清絕一塵無綠淨方塘影竹梧劫火不燒龍藏寺
定光猶繞衲衣珠厨煙寥落住僧少溪月蒼涼坐佛孤
借問維摩老居士剎竿倒却倩誰扶

訪汪晉賢作

天涯朋舊關情極京洛遙遙入夢頻此際草堂仍握手
當年岐路轉傷神行藏桃梗漂還日事業槐根覺後身
好向牆東尋故約千秋大雅共扶輪

集沈峽源齋同陳堯夫汪晉賢高子威分韻

竹徑松門遠世塵林居仍是織簾身貧畱廉石傳家好
老著萊衣樂事真萬里江湖容傲吏一堂風雨集詞人
春光九十餘三日肯負先生漉酒巾

集華及堂分得翁字

不醉茲堂垂十載小松如蓋桂成叢人因久別情逾厚
詩到無題句轉工四海弟兄愁病裏一春花事雨聲中

遂初堂集

近遊草

十

淹畱且復貪遊賞擬割清江著釣翁

寄懷周青士

故人出處如相避我已還家君出林皂帽可能爲上客
芒鞋還是遍西岑看棋局外無榮辱把酒壚邊有古今
何日買山歸計遂耦耕不負昔年心

挽曹秋嶽司農四首

耆英凋喪後夫子復云徂星落高天黑龍亡大澤枯風
流前輩盡知已此生無一夜西州淚平添白滿湖
辭章真哲匠風節早清流道大時難用官高志豈酬一
身文獻繫片簡是非畱史局紛如此嗟公往玉樓

賞譽尋常事眷余殊不羣直將風雅託頓使壘旗分倦
圃花園屋平山樹戛雲唱酬詩句在把讀淚如漬
聚書敵東觀集古富歐陽地下誰咨討人間好秘藏遺
文猶篋笥孤子正蒼黃準擬同朱十編題細作行

展硯歌

汪郎嗜古賞鑒精不似豪家徒啖名百緡購得一古硯
其背均缺如履形云是宋朝太內物奎墨龍香猶髣髴
何年流落兵塵中礪鏃磨刀苦埋沒幸遭識者重品題
國門重價雙懸黎名賢珍藏更幾姓淵源歷歷猶可稽
後來蓄者唐太常硯山酷愛同元章子孫貧窮不肯鬻

遂初堂集

近遊草

十一

懷金到門空傍徨天意欲歸文士手此物今爲汪郎有
一日摩挲一百回恰似參軍得新婦想當此硯進御時
天孫拂拭宮娥持鳳諾朝題紫泥字龍箋暮寫黃麻詞
只今移入幽人室筆牀茶竈同清逸與至吟詩五字工
狂來揮翰草行疾硯乎硯乎爾安歸誰榮誰辱誰欣悲
寧居天上依山龍藻火之光輝寧居人間與文人學士
相攀追硯乎硯乎默無語試問汪郎硯之主汪郎隱几
亦忘言颯颯蕉牕響疎雨

太平菴

禪宇無塵到披襟五月秋池光平浸榻竹翠淨當樓古

德懷船子清詞憶惠休勞生疲負擔何計此淹留

渡瀟湖

瀟瀟渾渾連海帆輕恰趁潮浮杯一塔小點黛九峰遙急浪催年鬢流雲笑市朝冥心觀物化來往任漁船

遊小崑山尋二陸故居

名賢餘舊宅聞在此峰陰傍瀟孤村冷環山曲港深風雲思將略泉石見文心祠墓嗟蕪沒殘碑不可尋

征北將軍陸機墓唐黃州司馬陸元感墓碑文載郡志今俱不存

九峰禪院訪西賢禪師

九峰多梵宇獨此法幢存金聚燈傳遠霜松德臘尊藏

遂初堂集

近遊草

三

函輝月窟龍藻躍天門莫怪耽孤寂湖光萬頃吞

寺內章皇帝御書

過頤浩寺訪橐菴和尚先兩月已應十八澗祖庭

之請與西堂參魯師夜話畱題二首

南朝遺剎村墟裏閣影鐘聲碧浪涵一徑曲盤靈隱路

數峰青割洞庭嵐名賢去後空畱榻

寺有夏尚書遺榻龍藏焚餘不記函何日祇林還壯觀一堂凡聖與交參

屢扣松關訪導師寒潭白月照鬚眉道尊南澗初移席

人古東堂好夢思法器珠沉須撈漉宗風瀾倒要撐持

護巢獅子能哮吼門外狸奴莫浪闕

宿拈花菴作

村黑投漁港更深欵竹扉暗香花不辨清唳鶴初歸夢借繩牀穩談依佛火微蕭齋無筍蕨應爲客來稀

尚有團焦意茅堂三兩楹避人湖浪濶却供果園成地僻疑無路僧高不用名息機宜就此簪紱愧平生

遞村報恩寺有感

臨流小市隱蒼藤古剎千年幾廢興海外浮來瞻瑞像坐中脫去識眞僧地幽切火畱雙樹湖險蛟龍護一燈可怪禪林多鬪諍相傾不獨白衣能

寄懷甘郡丞鴻書

遂初堂集

近遊草

三

繡轂花驄漢小侯何當行部古邕州檳榔醉過槎江月

吉了啼殘銅柱秋政美蠻荒原易治心清瘴癘不須愁

南交舊是中朝地好爲籌邊更築樓

寄懷吳商志

國士途窮日羈縲到百蠻澄懷祛瘴癘豁眼對江山勾

漏陶公縣崑崙狄將關論兵與鍊藥畱滯幾時還

壽鈕孫如

漫說柴桑與鹿門幽人只在水南村貧餘雞黍家風古老夢黃農素節存筆墨盡時知視壽梧楸凋後見松尊願從鷗鳥閑來往永日忘機話竹根

虎丘訪聖宣禪師不值宿丈室作

支公何去竹房清一榻清涼夢不成月透矮窓橫塔影
風來高樹亂泉聲一龕木佛無人事終古青山不世情
軟語夜闌能會否黃鸝相對說無生

姚節母詩

飛飛白頭烏啞啞樹上啼盈盈寒閨女嫁作良人妻結
縭始半載妊兒甫三月大鰥駕高帆倉皇告將別一別
經七霜兒身高於牀君歸抱兒笑妾涕沾羅裳歸來只
半載白日潛光彩一死誓從夫沉吟有孤在朝織一匹
縑暮刺一幅繡枯木無冬春淚滴重泉透荏苒雙鬢華

遂初堂集

近遊草

十四

兒大能克家孫枝兼秀發苦蒂垂甘瓜嫁時年十七終
年六十九單棲五十春苦節天所壽白堤虎阜下清川
帶迴塘行人爭借問綽楔誰家坊無云閻德微天高而
聽徹簪笄慎立身視此姚母節

二姜先生祠

給諫塚
行人塚

軾轍齊名世早知百年忠義繫人思忠傳折檻排奸日
義想銜刀伏闕時兩地青燐埋宿草一山紅樹妥新祠
吳門野老多相識雪涕爭看幼婦碑

宿秦園作

暑濕舟難進山園暝

投微涼風動竹虛白水涵樓答

響蛩蟬夜交陰枯桂秋翻疑在京洛清夢此來游

何地無池館茲園天下聞禽魚親玉輦雲水學龍文盛
事圖經得清輝野老分逍遙元有谷不必遠人羣

陽羨道中作二首

曉山過盡暮山逢更有奇雲幻作峰密樹覆溪千百轉
眠餐都在綠陰重

淺渚平橋不見人桔槔聲裏漲痕新欲晴欲雨渾無定
獵獵溪風颭白蘋

渡故城湖風怒甚宿蘆葦中簸蕩竟夕悵然成詠
越壩沿長川崦嵫日將沒舟人逐便風濟此南湖濶峭

遂初堂集

近遊草

十五

帆三十里轉眄山一髮旅泊就空灘狂飈轉咆勃風水
樹茭蘆四俱善鳴物得勢齊怒號如翻地軸裂渺焉一
葉舟震蕩不得歇僕夫駭心魂披衣待明發生平飽風
波乘凌酷倉卒知難可預防未足稱險絕但當戒長年
慎汝維與繼

過水陽見牆角薇花訊知是孫編修子立故宅子

立使安南卒於道今三年矣悵然有感卽事成
詩

蒼眉玉立儼彤廷孰謂斯人不永齡楚道未傳郎將節
湘江先隕使臣星夕陽流水催年逝故宅繁花引淚零

一艇經過君識否鄰家哀笛不堪聽

高淳道中二首

曲曲垂楊短短蒲沙禽水鳥自相呼長官無事居民樂
縣郭三邊盡帶湖

水白山青引棹歌藕花風裏笛聲多浮家處處爲苔雪
自是無人學志和

輓同年高阮懷二首

衰病侵尋勸爾還冀便醫藥遂蕭閑誰知分手爲長別
漫想論心到故山垂老一官榮地下酷貧佳句滿人間
凌雲豪氣今何在白露成團漬草菅

遂初堂集

近遊草

六

死別吞聲有夢知素車遼瀕到來遲十年客舍蛩將駢
五載朝端墳與簾才拙未堪題墓石力微何以振孤兒
萍蓬流轉悲身世腹痛多慚囑累辭

懷施愚山侍讀二首

宛陵山水君爲主而我來遊不見君歲月如流已除服
松楸漸大欲成墳人同北海名常盛詩比都官格不羣
威鳳九天嗟逝矣拙鳩巧鵲漫紛紜

少小慕君年地絕何期邂逅得同官望衡未覺過從樂
宿草方知會面難半榻涼風吹夢醒一帆斜日到門寒
青山盡是題詩處別遍莓苔不忍看

懷郭楚皖編修

少壯連連晚一蜚暮晴何必減朝暉乍看臘唱三天
俄送靈輿隔歲歸背郭門闌仍索寞禁林花草自芳菲
同登幸有官詹在好念西華著葛衣

已未及第三人
惟歸詹事在

三梅詩

淵公開美姿濯濯瓊林樹才名三十年春官遲一遇同
輩或公卿孤衷乃儒素壯游雲濤寬博古金石聚詩章
非一體澹蕩多奇趣作畫攄懷乞者必遭怒贈我一
幅縑雲松鬱盤互風雷謹護將通靈恐飛去

定九善著書雅好索精隱屹屹窮天人游心入無朕曆

遂初堂集

近遊草

七

術通中西算數抉元本俯察與仰觀洪纖莫能遞舉世
競浮華樸學多見哂豈知經世資用之不可盡史局難
曆書天官足矛盾誰能貢金門空山出芝菌

耦長名父子俊骨霜天鷹家風遠繩纘文藝非學能落
筆最清矯蒼然出鋒稜雲蒸氣始上川至思方增居然
萬人敵偏師酷憑陵性本愛儔侶而不混淄澠愚山凋
謝後索莫謝無朋珠盤今有託茲人方代興

贈沈方鄴

我慕文節公抗言觸權相拂衣出金門高臥芙蓉嶂茲
來訪裔孫吾子特侔儻倚馬賦千言文壇老飛將氣靡

水犀軍目空雲臺仗猶然伏蓬蒿未得摩霄上貧還輕
千金困思守一障嘯傲山水間軒軒自神王清門信多
才窮達焉可量且共登松巖凌秋發高唱

贈沈公厚

五子

有明重科舉垂亡乃徵辟我沈先生丹霄鳳一翮抗
章彈中樞千官動心魄浩然歸故山迫此桑海厄土室
無冬春蝸廬自朝夕矢節以全歸遠繼文謝述吳興有
斯人庶足光史冊我昔欽高蹤恨未瞻巾舄獨立望姑
山蒼涼水雲白令嗣多才賢季也璞中璧伏處韜其輝
先型凜繩尺仲容能禮賢招延爲上客古處相切劘冀

遂初堂集

近遊草

六

資韋弦益明河耿華星青松戴白石忠孝本孤行踵武
彌輝赫努力驚千秋遠矣君子澤

沅于岳邀遊敬亭同沈方鄴公厚諸子分韻

名山長在臥遊中此日攀登迥不同嵐翠沾衣雙塔雨
秋聲著樹一樓風騎鯨人去溪還碧放鶴僧歸殿已空
旋摘旗槍烹綠雪年年分餉憶詩翁
雨中城堞雨餘分樹底流泉樹杪聞強欲題詩慚謝朓
遠煩載酒愧楊雲一丘偃仰從吾老萬里騰鸞有數君
正撥歸橈復畱滯清霄猿鶴悵離羣

梅耦長見示木瓜唱和詩卷次王阮亭韻二首

山家珍果及秋鮮摘向疎籬帶曉煙觸手韻宜開卷裏
凌冬香壓早梅前名先楚橘風人美種勝吳柑園客憐
底事南中無好詠却令朝士補新篇
擊鉢裁詩迹已陳摩挲手蹟一酸辛驢鳴早有存亡淚
鴻爪都爲落謝塵苦蒂同生悲物性空名長繫感羈人
邵平恰欲鋤瓜老移到家園景色新

題藕長小照旁有姬人倚竹而立

荷葉田田颺柳枝旗亭爭唱宛陵詩含毫欲叙西京事
腸斷閨人擁髻時

清溪一道絕塵氛片石蒼寒對此君怕遣才名壓朝貴

遂初堂集

近遊草

七

新詩寫罷付朝雲

詹在周張允仲招游鼇峰登培風閣望城南諸山

作

神鼇勢蟠峯仙宮壓其背樓觀鬱蒼蒼儼若三山戴端
居困炎蒸追涼出塵外俯睇城郭清平臨江山大新篁
淨嬋娟老樹森蒼鬱潭空蓄蛟龍像古勝光怪真人產
其中遺跡宛然在圭色明蔚藍劒文倒金薤傑閣創鄭
公茲邦有遺愛梯空駕譙樓遙山自呈態作吏須文人
啣杯多感樂地主雙南金風期敦縞帶好以鸞鵲姿
翫熙明代

經姜給諫墓作

青峰一曲抱愁雲中有先朝諫議墳往日兒童識鄒浩
到今野老哭劉黃山頭樹屋稱殘卒地下戎衣見故君
埋骨便爲乾淨土豐碑華表漫紛紜

姜勉中學在昆仲之萊陽瘞貞毅髮齒於先榮扶
母輓來南與貞毅公合葬爲賦二律

舉世爲柔舌黃門獨齒剛漱流春澗冷嚼雪海天長早
落逢多難全歸託故鄉一坏存骨鯁霄漢有光芒
客葬孤臣痛廬居孝子思長眠還有母守冢可無兒風
雪扶輻遠關河轉旆遲同丘仍別兆弔鶴有餘悲

遂初堂集 迂遊草

干

題梅定九飲酒讀書圖二首

草沒城南楊子居玄經著就復何如世間文字看應遍
更讀旁行海外書
屠龍技就無人省且盡花前酒一杯溪水西流懸記在
緘籌畱待異人來

遂初堂詩集卷之七

江嶺遊草

金山

長江西來一萬里雷轟箭激趨東瀛金山突起扼江路
孤柱力與洪濤爭盤渦推盪崖壁轉沸浪跳蹙魚龍驚
有時波平天一色芙蓉倒浸玻璃明樓臺參差冠巖局
風帆縹緲空中行月輪洗出桂樹淨鼉背湧起三山輕
二十年前潤州道鐵鎖橫江防海島山面築城戍兵
鶴怨猿啼隔幽討只今窮髮不揚波六龍巡幸來經
過詔撤重城露山面皎如寒帳看修蛾白玉闌干浸
遂初堂集 江嶺游草 一

空碧金輪寶刹光相射貝葉翻雲曉扣鐘羽衣坐月宵
吹笛畱雲亭上片雲秋紫海丹山一望收尋常不敢題
詩句宸翰龍章在上頭
發儀真遇便風半日抵龍江關帆駛浪高兩岸山
巒如畫

朝發真州城微風動蘆葦出江始峭帆箭激不可止驚
浪如雷鳴低昂逐船尾轉盼及龍潭迴頭失揚子帆山
拂水青鍾陵映天紫倒影入蓬窓層層錯如綺日旰到
長千舟人一欣喜何意笑談間汭流百餘里江行無常
程遲速不可擬便風良復佳牽挽亦恒理但當慎風波

涉險方此始

燕子磯

臨江峭壁不知數第一玲瓏燕子磯帖水懸巖長剪剪
穿雲乳石乍飛飛香車斷續來城闕梵刹高低出翠微
截住洪流關地軸分明形勢鎖南畿大江滔滔東下燕磯緊鎖水口爲金

報恩寺

南朝四百八十寺剩有長千古利雄拓地規模如大內
憑高形勢盡江東塔非阿育應難造像恐優填刻未工
誰似空王威力大吳宮晉苑劫灰中

遂初堂集 江嶺游草

二

朝天宮

飛觀崢嶸斗極邊百官曾此習朝天門依闔闔三階正
殿倣含元九室連幾度御香焚玉女到今清淚濕銅仙
齋房道士眉如雪指點疑陵一惘然

金陵詠古八首

金陵形勢真天造絕勝洛都兼汴京地盡南條收王氣
國依天塹作金城轉輸近便休民力屯牧優閑省衛兵
但得忠良守邊塞垂裳端可致升平

江東自昔多英俊龍變雲蒸不自由公瑾伯符何處遠
謝安王儉儘風流三分事業旣留影六代繁華亦幾凋

欲向荒原弔陳迹暮蟬衰柳不勝愁

濠泗真人渡六龍艱難百戰掃羣雄江東橋撤殲強寇
舊內門開表大功定鼎規模駕唐宋卜陵形勢擬岐豐
如何灑涕新亭後不得西陽一餉紅

金川門事最傷情逐燕翻教上帝京自古書生工悞國
誰令豎子浪談兵魂歸杜宇春猶泣碧化萋弘草不生
殉難從亡紛野史可憐真僞半難明

留都官務最清閑早出尋花暮看山三事徊翔皆散地
六曹坐嘯總仙班笙歌泛月船長沸燈火留賓鑰不開
歷歷升平行樂處華胥夢斷有無間

遂初堂集 江嶺游草

三

四家鐵騎驕堪戰相國丹心死不死若使中朝無鬼域
可能半壁便崩頽枕戈歲月唯荒湫巢幕心情尚怒猜
火照淮南翻撤戍晉陽甲自上游來

朱雀烏衣一夕曛桑田碧海事紛紜中山府第爲官署
大內宮牆宿禁軍艷艷火旗穿郭見鳴鳴霜角隔江聞
鶯花三院今何在草綠長堤似舞裙

天闕牛頭對兩峰三茅天際紫煙重挂冠吾慕陶弘景
築室將尋雷次宗塵俗喧卑難共語江山清曠儼相容
勞勞亭畔頻回首送客船窓有暮鐘

牛渚

大波轟如山小波剗如電奔騰頽巖間洶洶 攻戰帆
勢掃千軍篙力爭一綫披圖想牛渚絕險今始見蛟鯉
多奇形躍浪時隱見此輩水爲都何足窮謫誕浩浩紅
塵中物怪有千萬射工善潛形黎丘習變眩安得太真
犀一燃無遺盼

采石

采石磯臨大江浦姑熟當塗作門戶石勢盤迴一臥獅
江流湍激千強弩開平虎將不可當挺戈一躍三丈強
元軍風靡太平潰江東帝業從此昌時平事遠無踪跡
釣艇衝烟樵路白老僧推戶看殘霞估客落帆捫絕壁
遂初堂集 江嶺游草 四
吳頭楚尾水連天虎關龍爭事惘然狂殺青山李太白
騎鯨捉月送流年

天門山

潛江挾萬流直下飛電速天意欲少畱故遣雙峰束削
成肖天門湧出橫地軸俾如虎牙張矯若龍鱗蹙我行
遠見之瑰奇駭心目維舟思暫遊迨此暮景促鼓勇一
褰裳上上西山麓磴道屢盤迴梯空出巖腹崖危劣通
人壁窄不受屋攀登及層巔周覽岡巒複驚濤上濺衣
崩雲下承足恍如控奔鯨戲就滄溟浴海內多佳山寧
能徧遊矚到眼不可孤日入當秉燭

蕪湖關

欵關何所有天地一輕舫津吏應相笑漁翁故自豪購
書填客篋載酒壓江濤市上買書數種鄉夢從今遠看
雲首重搔

螺磯孫夫人廟

仲謀真虎子阿妹亦英流嫁與劉郎去能令魏武愁恩
乖緣兩帝魄毅自千秋借使生兒在還如後主不

荻港

百丈綠蘆荻孤舟傍渚汀夜風豚拜浪曉雨暈藏星爲
客知農侯論都識地形赭圻迴望好遮斷冶山青

遂初堂集 江嶺游草

五

大通驛

大通臨水市間道走蘇湖百貨魚鹽雜千家菱藕俱鄉
園七舍近書札一行無歸夢誰相攬淡更警雁奴

經車家湖望銅陵青陽諸山蒼翠萬狀遂登陸遊

九華

江行足風湍愛此溪路永沿湖得澄湖渟泓一鏡靜空
天碧無痕萬象森倒影靡靡葭菼澹落落鳬雁冷舉頭
見遙青飛巖怒而騁尖圓各異狀雄秀隨所領九華高
摩天一氣含芒穎削成九芙蓉照灼三霄頂吾本餐霞
人失脚墮塵境對此如家山得歸萬緣屏登頓憑有興

超遙度煙嶺嗟爾市朝人何年夢初醒

雙峰菴

雲端雙石笋秀色落江心何處恰相對茅堂開竹林蟬聲催樹切虎跡印苔澹欲訪蓮峰徑殘陽紫翠沈

神光嶺禮地藏塔

度生弘願在曠劫渺難酬示現爲王子精勤作比丘心空大海度緣合此山留石爛跏趺跡林香蒼荀秋地神供土飯龍母施靈湫枯槁爲清衆慈悲極溺流功勳一期滿應化百年周真相留巖際神光出嶺頭皈依窮震旦頂禮遍神州法界靈官護金錢御府收一乘真寶筏

遂初堂集

六

江嶺游草

三界本虛舟會得無生理幽冥何所求

化城寺

盡道靈山地藏開不知杯渡已先來琳宮直占蓮花葯香沼如安明鏡臺壘柙金經原內賜明慈聖太后賜塵封隻履末西回大士遺履一杖長二尺許僧房簇似蜂房啓留客家

家掃碧苔

龍菴

香刹遙看一抹青藍輿轉向此中停炎蒸不上三層閣紫翠全收九疊屏屋後新泉龍女供夜分清梵雁王聽苾芻好事能攜杖徧剔蒼苔讀舊銘

冥坐巖

大士潛修地雙趺尚宛然巖空眠似屋壁削望如船嶺合疑無地江翻覺有矢由來參覲者相見別峰巔

伏虎洞

徑險從猿挂崖危舊虎巢半龕留客夢一飯試山肴石勢翻風旆峰稜疊卦爻應知習定者不受一塵滄

登天臺絕頂

九十九峰何重重就中第一天臺峰遊人千百無一到往往氛霧迷樵蹤我來恍惚有神助迅風掃出青芙蓉徑上層岡度陰壑風日凄凜如霜冬羣山漸漸覺低伏

遂初堂集

江嶺游草

七

衆石一一呈玲瓏如屏如笏千萬態造物所幻難形容飛橋橫空最奇絕側足萬仞臨奔淙靈草輪囷九節杖壽藤蟠絡千年松登登絕頂何所見千巖萬壑來朝宗九子伏如馬仙姑覆如鐘惟有黃山三十六峰相拱揖磅礴一氣分橫縱舉手摘牛斗俯身跨虬龍西眺江楚東吳淞廬霍八九吞心胸乃知茲山撐天拄地自雄絕何必虞帝望祀秦皇封

活埋菴贈默安禪老

九子山頭第一峰掩關枯坐有南宗銜花罷供心離境撥草無人路絕蹤脚下雲生長似絮膝邊松偃欲成龍

挂瓢只合相依住掃雪敲冰過幾冬

下天臺自龍口出山遇驟雨山徑險仄不容肩輿
跣足行巖澗中二十餘里却視諸山在雲海中隱
見出沒備諸奇詭賦詩誌快

天臺路氣氲其下常晴霽朝來僧牕中縷縷雲出砌謂
此無妨行出山志頗銳如何轉前坡雷雨竟狂厲却回
旣艱難逡巡亦非計行行屏肩輿赤脚下天際緣崖杖
孤撐遵澗裳屢揭沾濕何足辭所愛烟景麗峰尖遙隱
顯雲氣乍開閉或閃波中帆或露牆外髻衆壑瀉奔淙
瞥電無停勢逶迤歷山村取酒時一憩須臾斜陽明漸
遂初堂集江嶺游草 八

次豁蒙驛千峰儼新沐髦髮遙相睇綠玉切無垠芙蓉
露其蒂平生嗜登覽茲遊諒難儷歷險境乃奇閱變心
始契思我同懷人強半班行綴此樂誰得知放浪天所
惠

從陽

梅根纔過眼繫纜復從陽遠愛地名古不知江路長杯
青山近岸夢白月臨牀鬱鬱旌旗色南巡想漢皇

李陽河阻風

久泊船依碇高眠浪擁沙無風增苦熱有月引思家生
事泥中絮行藏海上槎順帆多快意小住莫長嗟

皖江過都平倩侍御

江行經月無相識皖口今朝見故人並舍京華仍契濶
連檣水驛轉情親世途久已輕儒素關吏何曾怨要津
侍御頗爲推關所苦任昉諸孤良可念脫驂殊愧孝標貧
百太計

登安慶迎江寺塔

江似長蛇走東海舒州形勢握中央山頭黑土新軍壘
郭外黃茅古戰場一水穿沙來皖口千峰疊翠拱池陽
居人寥落無相識獨挈殘僧話上方

余忠宣祠

遂初堂集江嶺游草 九

艱危百戰守孤城赤手難扶白日傾力盡妻兒同抗節
義高裨校不偷生與朝褒禮還祠廟異代遊魂尚旌
慚殺白頭危學士謫官偏向塚邊行

磨盤洲

沙圍水遠一孤洲云是江南地盡頭不信今宵方作客
聽猿對月向來愁

馬當山

飛帆如箭劈流開遙奠江神酒一杯好風肯與王郎便
世上惟君不妬才

小孤山

落日銜丹閣驚湍滾碧岑鵲棲巖竇矯龍窺渚潭深設
險神明意迴瀾天地心禹功疏鑿後巉削到如今

石鐘山

沿江山連連氣象但雄濶湖口見石鐘軒然特奇拔雙
峰似奔猊下飲湖波渴不知幾千載水石相滂汨嵌空
山懸根透瘦石露骨側立肖斧鉞中開象門闔亭亭吐
花跗蠹蠹排箭筈翩若垂旌幡屹如具袍笏樓閣綴飛
巖流盼窮天末彭蠡靜如杯匡廬青可掇征帆逐天風
嚴關不可越卽境成淹留會心得超忽水石有奇音鑿
鐫時一發欲驗坡公言歸舟候崖月

遂初堂集

江嶺游草

十

大孤山

名山不在大寸碧截中流勢蹴龍蛇轉根連牛斗浮猿
聲五老暮塔影九江秋聖女留祠廟青楓萬古愁

鄱陽湖

鄱陽疑少海南紀衆流歸漲蓄三江截沙明六郡圍鏡
光涵象遠黛色帖天微快絕鴻濛裏風帆一箭飛

望廬山

夢想匡廬道推蓬今宛然奇峰皆倒水高嶺不分天九
疊開屏障三霄挂瀑泉爲游莫草草小憩可窮年

南康道中

湖上殘霞逗晚晴纖纖一塔隱高城船舷蒼潤琴書冷
盡日廬山影裡行

吳城

水市明燈夜泊船祠神簫鼓鎮闌闌高檣重礎眠難穩
風浪關心是長年

自安慶至南昌可六百里三日便到風利驅駛馬
當鄱湖牛欄諸險俱於枕席上過作歌志喜

我從金陵溯江路一月甫到皖水陽夏多南風湖浪惡
不知何時望南昌清朝幡竿忽前指舟子喜笑帆高張
初猶舒徐漸決驟大波砰擊聲雷碾過眼千村樹樹

遂初堂集

江嶺游草

士

拂舷兩岸山低昂小孤大孤過如鳥鄱湖粘天飛一航
南康風利不得泊吳城酒醒西山蒼計程六百三日到
尚淹半日湖關傍三老咨嗟歎奇絕此實天意非人量
我生百事苦遲鈍十步九蹶恒章皇志願難成身事晚
宦途偃蹇行羊腸往往退飛隨六鷁年年厄關局黃楊
胡爲茲遊偏快意身無兩翼能騰騰猶惜世途有山水
多生結習餘文章登臨嘯咏天賜興減足增興元相當
更無多談快作達此樂殊勝南面王

滕王閣

高閣曾聞化劫灰何年重構氣佳哉臨臨白日三天

拂袖雄風七澤來江抱龍沙文練轉山銜雉堞畫屏開
人間亦有樓居樂早喚羣仙絳闕回

碧海成田若木髡昔年臨眺幾人存有情會見江山老
終古誰令日月奔勝地名垂鴻過影空江人到雪留痕

三王詞賦猶磨滅帝子豪華何足論

鐵柱宮

洪都原積水城郭半龍湫不有仙靈出能無岸谷愁神
符百怪竄飛鳥九天游萬古支祈鎖蒼蒼鐵柱留

遊西山翠巖寺

觸熱游西山興發不可緩從人笑其迂吾自策吾懶朔

遂初堂集 江嶺游草

三

游渡滄江登頌歷修坂落落村墅清回回林岫遠寺門
溪松根巾車到來晚徑就繩牀眠旋烹露葵飯老僧嗣
宗風標格頗蕭散相攜坐平橋四山青纂纂泉豐稻苗
肥石瘦茗芽短崖月懸古光谿風扣虛窾是心芬陀華
於何煩濯浣石磬本無聲一擊大千滿

同雪門和尚游洪井洞

雪公退院久足不踰團焦喜我撥草至松泉傾滿瓢靈
洞有奇蹤導游不辭遙涉澗凌亂石梯巖攀飛條懸瀑
從天來削壁垂藤橋一泓井無底下通章江潮傳聞古
仙翁神丹於此燒至今北山頂月夜聞笙簫洪厓去已

久綵鸞不可招寺前鸞岡是吳綵鸞升仙處但愛境清冷一坐萬念
銷大地無垢淨物情有紛翳岸故逐舟移月乃隨波搖
仙釋異閭闔定慧同根苗白石了無語還以問叅寥

豐城

山勢學龍蟠孤城枕積湍樹沈沙市暗星帶客帆寒文
物茲邦古兵氛到處殘亂絲愁史局那得揭文安揭曼

城人修宋遺金三史

劍池

碧天爲劍色秋水作龍吟神物化已久幽人感至今山
川多異氣廊廟少羨心不願充人佩何妨匣底沈

遂初堂集 江嶺游草

三

蕭公廟

豫章多水神蕭公產茲土瀛然一村儒靈蹤聚可數端
居拯覆舟拔濟風濤苦百歲跌坐終畱形在堂戶航海
助星槎平苗張禁旅一一著神奇褒封垂天語至今官
商船肅拜奠椒醕古樟數十株輪囷覺龍虎託根依廟
壩千年脫斤斧愛此地高涼棲遲過亭午山光玉笋新
碑文宛陵古廟有旌馬山碑銘甚雅馴欲續傳芭辭靈旗颯飛雨

峽江

峽江山對鎖不覺有江來船向羊腸出城臨虎穴開燒
畚穿嶺急水碓撥雲回客鬢先秋白何煩一葉催

吉安

廬陵自古秀人文
文筆織纖上
插雲高第如林多石表
孤忠蓋代有荒墳
在螺子山
運移乍徙蛟龍窟
物索新遭鵝鵝軍
大業殘碑尋不見
寒沙落盡淺溪紋

花石潭

一道清溪四面山
桑麻雞犬晝閑閑
武陵只在人間世
逢着桃花莫便還

十八灘

連山三百里
夾岸鬱相對
一江穿其中
萬壑飛泉會
落天勢崩騰迫
此亂石礙班班
基縱橫落落星
破碎連蜷遂初堂集

江嶺游草

西

龍昂頭前劣
鯨露背羣遊
雁成行錯立
鳧失隊或如八陣羅
或若三門隘
或銳如戈鋌
或頑如礪磴
覆釜在盤渦
沈牛處潛味
淺溪無定蹤
小大各異態
爲難百十重
著名十八最
舟行路縈紆
一線穿巖斷
長年莫自必
稍縱輒敗壞
造物宜坦夷
胡存此硯礪
得非示艱虞
無乃存鑒戒
茫茫人寰中
對面阻關塞
有形未爲險
無迹斯可駭
所願心地平
廓然忘情界
浩蕩乘虛舟
逍遙八荒外

贛州

虎頭城下水
周遭獵獵秋風動
節旄扼吭地
當五嶺陰

建甌江落百灘高
關嚴使客猶停旆
俗健居民亦佩刀
定變文成真得地
順流一夜縛宸濠

南安道中

紅船重換板
船輕復渚迴
洲大第行香
草每欣初辨種
好山長恨不知名
終朝帆影隨鴻影
永夜灘聲作雨聲
行盡輿圖三四幅
茫茫烟水尚南征

大庾嶺

北雁愁聞到邨回
游人何事溯難來
峰頭雲起常疑瘴
驛路榕多不見梅
丞相鑿山孤廟在
禪師留鉢五宗開
嶺上有張曲如廟及六祖放鉢石
蒼苔冷石婆娑久
數遍千巖翠作堆

遂初堂集

江嶺游草

圭

南雄

又過梅關半日程
亂蟬哀角宿山城
池喧重理生衣著
夢冷猶循江岸行
亭卒能言桑海事
館人偏記禁林名
同官游嶺南者店端州此去還千里更上漁舟一葉輕生一一舉其姓名

始興江口

湓水飛流下枝江
會始興戎樓依露樹
客舫亂風燈鷗泛初無着
雲行安所憑開元一賢相
垂老畏青蠅

涼風

嫋嫋涼風吹鬢絲
鄉園景物最堪思
曲江宰相風流甚
鈴索聲中賦荔枝

南華禮六祖真身

醫王不虛生審病乃發藥佛語流教宗名相紛纏縛大
士垂悲憐乘願來濁惡現身不識字心光洞寥廓婆娑
老黃梅張網羅燕雀俊哉一神鷹寶珠當頭掠半夜奪
虎符三軍皆錯愕歸來隱曹溪潛光守屈雙多口談風
幡天龍識頭角崛起標法幢洪爐鼓鑪棄帚掃空蹄空
朕迹不留着心宗炳朝光義學掩夜燭至今衆兒孫萬
流稟一勺我來遊寶林旌房衆巖壑清溪駛潺湲香風
浩漠漠中有不壞身跣趺儼如昨肅拜瞻慈容悲感淚
潛落窮子久逋家金鑑未刮膜願垂圓鏡光彈指開樓
遂初堂集江嶺游草 六

閣

韶州至清遠道中雜詩

我行泝江湖地盡吳楚域山水佳有餘未足誇奇特度
嶺浮濱江險怪乃莫測丹山信霞標白水真練織懸巖
龍垂胡歆壁鵬塞翮竹箭拔地圓旌幢摩天直得非神
鞭驅無乃鬼斧刻媧皇立極峙斷鼇蓄餘力作此詭譎
觀用充樽鼎飾混沌死中央儵忽有德色

湏陽峽百里兩崖狀如門江流日漱嶠崩剝露危根空
中顧霽削骨立龍虎踞孤舟出其下凜然悽心魂石戴
萬篙眼壁縈千縷痕溯流行良難下峽如星奔灘激波

易駛林溪景常昏奇峰逶迤迎送百千互卑尊或肖天榜
挂或疑鐵騎屯心賞不暇接目眩難具論古來投荒人
鬱結聲長吞壯觀有如此何必非君恩

中州山多眠嶺外山盡立或如跛而舞或如拱而揖袍
笏擁森森劍佩排戟戢造物巧有餘變態不相襲前奇
謂無雙後幻仍百十重華奏簫韶於茲百靈集石韻留
鏗鏘湘娥夜淚泣三十六芙蓉賞玩不遑給微名藉榜
人驚湍如箭急

東坡愛茲江甘冽世無比智藥掬飲之謂似西天水我
非博物流但美清見底一碧涵空明萬象紛可指層峰
遂初堂集江嶺游草 七

上千霄倒影見蒼紫何殊衆嬋娟霽眉明鏡裏涼風起
蘋末扣舷思君子上流濯我纓下流洗我耳

往時翫英石奇巧詭天成如何一拳小而具巖洞形茲
來見英山尺寸皆空靈有壁盡波皺無崖不雲橫峰爲
垂手舞穴作通天明乃知茲邦產小大無殊情石爲山
一瀝山爲石全瀝萬丈一巧石怪偉使天驚惜哉顛米
老空向炎州行尚寶袖中石取笑於鷓鴣

觀音巖

懸巖百丈枕江斜鳥路誰開大士家委宛一螺山透穴
玲瓏千乳石垂花燃燈人禮煙中磬乞米僧歸月下槎

去艇來帆如過鳥浮生流浪劇堪嗟

飛來寺

峽山古寺面江開鐘板蕭條過劫灰客爲江清貪久立
殿因山好解飛來鶴歸長認南朝樹瀑下時驚五夜雷
不用題名選巖壁前賢詩碣總莓苔

閱江樓

端州地扼東西粵形勢居然壯百蠻一峽東江寬似海
三山帶郭拱如環天清霸氣消龍虎月冷燐光出草菅
獨上高臺重搔首百年成敗一枰間

冠山樓閣象層城飄落天風玉笛聲鐵榦爲牆榕樹老

遂初堂集

江嶺游草

大

銀鈎作字薜碑明樓下有平地經苦戰空梁在客到潑秋
百感生安得如雲重締構庾公清嘯最多情

七星巖

中天之星尊北斗帝車盤旋握天紐因朝炎帝遊南溟
遺精化作七蒼阜一星一峰拔地出若斷如連奇復偶
萬山中央特青葱秀色常如新雨後排空一石骨峻嶒
寸土纖泥都不受天梯鳥棧誰經營地肺神俞誰鑿剖
就中石室最空靈玉乳金膏垂數畝石鼓響激雷雌雄
石牀眠酣龍子母滿壑題名蝕繡苔燭之不見捫觸手
螺旋蝸轉忽透空軒豁雲牕與月牖焚香僧似鳥窠禪

對奕人如橘中叟玉屏一峰亦秀絕千尺蒼藤絡榕柳

扶嘯臺橫劈斧鉞銜珠徑仄當關守醉石欹斜石丈眠

飛雲狎獵雲龍走其餘諸峰盡怪絕天柱嶙峋與天友

玻杯隔水如側犀仙掌擎雲類駢拇蟾蜍峰高龍所都

阿波巖溪怪之蛟爭奇競巧各出意餘波猶皺峰八九

瀝湖環浸涵空明春波溶溶碧於酒倒景浴出千芙蓉

何如新粧臨鏡婦世上名山亦多有遠望玲瓏近粗醜

此山片片琅玕屑內含潔白外蒼黝雕鏤作器佳無雙

玉案雲屏世爭取天生靈質非頑材似與列仙爲苑囿

蓬壺瀛洲不可到武夷天台能勝否便思掛笠巢雲松

遂初堂集

江嶺游草

九

未忍鐫詩割瓊玖

靈山寺

遙江趨峽怒古寺綴山明窓納千颿駛廚歸一澗清僧
高無俗語客冷有閒情袖出端溪紫烹泉與細評

羚羊峽

萬里泮河水迢迢赴峽門舟隨一葉下山帶薄雲昏羊
掛霜無跡猿啼月有痕誰能爲逐客於此不銷魂

朝漢臺

秦火燒阿房劉項方龍戰五嶺隔中州英雄乃乘便一
令起龍川虎嘯臨海甸北絕湟水關西阮壺頭巖居然

王一方地利珠犀擅九宇沸如湯茲邦獨清宴保障功
亦高霸業未可賤奈何椎髻態習與文身變竊帝以有
娛微哉井蛙見幸有陸大夫英風騁逸辨翻然去驕蹇
臣漢甘北面能雄復能雌丈夫不恒健不見述與罵破
亡速如電王國傳孫曾作計豈不善代遠廟貌頽誰爲
蘋蘩薦獨此荒臺存綠蕪寒一片北去羨秦雲南巢羞
越燕傳語後來人安危爭一問

光孝寺

越王有故宅後作虞翻園易寺名訶林壯麗聞中原揭
來更兵火地入龍驤屯戒壇委榛莽馬通高墻垣殿廷

遂初堂集

江嶺游草

壬

尚宏敞寮舍仍星繁米顛題佛名筆勢鸞鳳驚西天菩
提樹輪囷見孤根神物枯不死抽條出雲孫虛堂奉大
鑒曾此談風旆吾道不在默至人豈無言狂飈走龍象
濁河倒崑崙惜哉鼻祖庭無有法幢存溶溶硯池水滴
滴曹谿源翻經人去久此意與誰論

海幢寺

珠江潤浮天城樓影搖漾隔江人煙稀花宮屹相向碧
瓦寒蒼蒼金容高十丈勢擬長干雄氣壓訶林壯雷峰
大導師門下多英匠阿公經濟材鉅剎能獨徇當年用
物宏願傾王公藏問法來中丞布金資宿將鯨海翻炎

波旃林沒龍象俄聞議撤毀孤虛說何誑壯哉一唐生
門力與波旬抗樓閣僅小殘琳宮竟無恙游人甫及門
翛然心神暢高樹垂涼陰遙山聳奇狀鐘魚答海潮疏
笋參筍醬聚羶百萬蟻相將槐根葬誰能扣無生一真
消百妄

五仙觀

萬山翼番禺一江濬其懷天開都會地形勢何雄哉古
初隔中夏此土猶蒿萊翩翩五仙人被服光雲雷身騎
五色羊銜穀從天來粒此炎州民饒樂無凶災羊留化
爲石磷彬五瓊現以啟文明祥日夜華風開功德宜報

遂初堂集

江嶺游草

壬

祀肖形在璇臺鳳簫夾雲旗髣髴靈徘徊甘霖久不降
大地生黃埃我欲傾天河霑灑遍九垓雨工倘可借帝
閭豈難排

大佛寺

峩峩雙門西綠樹覆紅墻佛殿如王居金身丈八強珉
堦琅玕砌桂棟旃檀梁誰能造此寺云是平南王殘僧
白髭鬚藩府夙趨蹕爲余談舊事雪涕秋風涼王門昔
鼎盛叱嘯生電光雄兵七八萬威制天南方裨校半旄
鉞廝養皆腰章歲儲百萬餉積金不可量治布金銅坑
舶走東西洋奇珍溢天府瓊寶籠遐荒猶言生男多無

以充資裝不遺錐刀利欲厚郡塢藏嫌疊起家庭
參商遂釀彌天禍反甲連晉陽毒流徧生民身殘家
破亡財寶盡沒官他人居寢堂大男死都市諸男饑道
旁廢興三十年彈指見滄桑人生何其愚作繭如蚕忙
萬事漚起滅富貴安可常何如歸空宗日月浩劫長王
家滅無象茲剝獨輝煌廟祔依禪燈僅存此瓣香達哉
老龐公傾資沈清湘觀化如夢覺逍遙無何鄉

海珠石

羅浮脉渡海露骨在波心日映千帆駛青含衆木潏龍
歸祠壁暗潮湧戎樓沈不淺乘槎興橫江獨釣吟

遂初堂集

江嶺游草

圭

浮丘

浮山海上浮別孤聳浮丘袖憶仙公把山憑佛院留金
容四面古丹井一泓秋徑僻人稀到林猿怪獨遊

六榕寺

六榕庭院古額是子瞻書樹拔風雷夕僧殘戰鬪餘塔
危時墮瓦碑斷欲侵鋤一刹知難整三空歎里閭

西禪寺贈翠庭禪師

菩提枯樹久無花應爲師來再吐芽白足早年工說法
芒屨老去始還家瓦缶聲中擣毒鼓化城影裡控牛車
龜峰便是曹谿路撥草人來徑莫差

報資寺訪曠圓禪師不遇

零落王家舊兔園招提新改棘爲藩方塘清浸如船屋
溪樹陰藏半郭村坐久便同觀水月悟來何必辨風幡
霜髭不見鐔津老孤峭門風柳標存

羊城雜詠

嶺表提封幅帶長番禺形勢宅中央萬山盡處開平土
衆水歸時聚大洋物產殷饒兼陸海珍奇輻輳引梯航
四時風候差調適秋有涼颼冬有霜

中原慘淡鬪龍蛇此地頻看舞井蛙黃屋趙佗方竊國
花田劉隱復營家負嵎莫倚九泥險怒臂終遭齊斧加

遂初堂集

江嶺游草

圭

何似歸朝何左相眞芳名留得史書誇

厓山尚住宋遺民文陸當年事苦辛窮海不春猶正朔
孤航無土自君臣忠魂鬱作潮頭怒浩氣蒸成蜃闕新

異代流風多感激草間時有納肝人

嶺嶠初開盛武功後來文物獨稱雄端凝誰似菊坡老
崔與鯁直今無寒鐵公周方獻人材元矯拔湛水

梁儲譽望舊崇隆可憐末造多卿相殉國惟聞有一忠
白沙出處自超然絕學鵲湖紹嫡傳輕詆漫勞紆史筆

實錄載公甫應詔事頗多微辭一官寧足籠高賢江門浩渺思襟度引
廟清嚴見豆遵餘藝仍看書體妙縛茅筆勁掃秋烟

南園詩社明初盛典籍孫才華最出羣中葉歐任大梁推秀婉末年黎球鄧雲擅清芬地偏未染諸家病風競堪張一旅軍韶石淒清珠海澗湘靈雅調至今聞

中州人罕到炎荒泉石應多借寵光陸賈來時山衣錦隱之去後水沈香宦游清白真難得遷謫羈窮也不妨却憶柔奴好言語此心安處是吾鄉

鯨波久假戰鋒銷閭井何緣轉寂寥商旅稀因添權稅編氓愁為急征徭石門泉冷知難酌集翠裘輕肯漫燒北望天閭真萬里燭龍銜照莫辭遙

南州炎德實堪嘉竟歲常看不斷花露下佛桑籠火樹

遂初堂集

五

江嶺游草

五

風前含笑剪銀紗素馨愛產宮人塚鷹爪宜開處士家擬效陸璣疏草木每經花塢一停車十年清夢落羅浮乘興聊為萬里遊觀海喜逢雲作市釣鼇思以月為鈎飛來蝴蝶瑤臺使伐就龍葱弱水舟身是散仙無繫縛得淹留處便淹留

南海神廟

南海之神尊祝融百王望祀殷禮同廟門軒豁臨海岸吟風嘯雨朝羣龍潮頭萬里射鱗屋日輪半夜飛蛟宮介圭端冕王居中旁列六配稱司空涵滋萬物納萬水德並覆載無終窮歷代碑文儼鱗次匠手竟讓昌黎工

象鞭玉研失藏器但見銅鼓斑青紅地靈木古多異物綠毛倒挂駢根榕番鬼躩踞望其國波羅斗大冰漿濃中華到此地已盡極望海島青濛濛我非使臣將玉帛胡為來此驚村翁揆奇每思到窮髮要觀鵬運搏扶風蓬萊青丘去人近安期徐庶皆英雄六帆海船如可借載我直過扶桑東

浴日亭

孤亭臨望盡重溟天水相摩不斷青日躍半洋皆紫電潮來大地一浮萍鵬遊世界原空濶蜃吐樓臺自杳冥何必褰裳慕蓬島當知此地即殊庭

遂初堂集

江嶺游草

五

龍川縣

嶺外獨存秦縣古峰頭亂插夏雲奇趙佗霸業餘荒井蘇轍才名有廢祠田依疊嶂人耕苦江落層沙女汲遲撫字重煩賢令長獨醒偏在倒瀾時謂允恭宗叔

南山寺

山當官閣秀寺枕縣江清天豁來帆影松長咽磬聲酌泉驚骨冷試展喜身輕坐對鰲峰晚層層紫翠橫

東山寺

不見南朝塔山椒古寺存斷崖欹置屋修竹暗藏門石勢排江轉溪聲挾雨奔浴風臨眺濶點點辨烟村

溫泉

清冷一澗水中忽湧湯泉信有金膏沸將無玉釜燃神功驚莫測物性喜難遷不作華清開洎洎靜可憐

霍山八首

巨靈夸父有餘閒刻意標新造霍山高插奇峰九霄上攢羅秀壁一屏間嵌空八面看難定峻拔千尋到莫攀努力來遊非好事要傳天巧與人寰
遊戲文殊遺跡去青獅留下幻成峰橫身數里一石就開口半天孤剎容喬迅便應翻斗極頻呻先已絕孤踪
撩天鼻孔無人拽一任千山落影重

遂初堂集

江嶺游草

壬

山間石屋尋常有不似靈龕數畝寬僧衆盡於獅口置齋廚都向洞天安唐宗龍臥街仍在夏后螺書蹟不別
別有乾坤在巖腹下方只作片雲看
誰將月斧鑿天梯太乙峰高截素霓壁削不容施鐵鎖
頂平端可杖青藜巖儲酒米爲天甕穴出風雲作地臍
一自藍喬上昇後廳輪只在澗東西
一線天中透日明仙人逕裡浩歌行森排劍笏朝炎帝
對列旌幢擁赤城樹挂懸崖都不死藥香幽澗總無名
石門鳥道盤迴上萬壑風從一嘯生
雙柱峻嶒聳碧霄綵雲黃竹並宮堯上穿斗柄天常正

下貫鼇肩海不搖共語隔峰人似石幽尋仄徑樹爲橋
高僧相見無言說笑汲犀池水滿瓢

鐵船峰壓萬峰巔儼駕孤航泛碧天橈槳動移雲海裡
牂牁高繫日車邊旁看羣峭枝枝笋下瞰浮青朵朵蓮
呼吸定知通帝座凌空何必羨飛仙

誌公樓閣藹重重佛迹天泉路不窮峰上起峰方峭拔
石中抽石始玲瓏言齊衡岳應非妄論亞羅浮恐未公
恨落蠻荒少人見誰能飛挾去江東

別華首臺塵異禪師

應是前生有夙緣萍踪邂逅便欣然同觀浴日無央海

遂初堂集

江嶺游草

壬

共踏飛雲有頂天說法憑君超性相論文許我透中邊
此心不隔毫端在莫問離程去幾千

贈鄭珠江前輩

誰能壯盛久林居谷口心情淡水如敢以南陔疎北闕
不將綵服換金魚三更海日供睇髮四壁松明照讀書
絕學江門如綫在石田可治待耘鋤

贈屈翁山

威鳳生來五色文覽輝不下離人羣三峰謁帝携毛女
五岳尋仙冠切雲筆落霞標天外見詩成鸞嘯嶺頭聞
靈均舊是風騷祖香草蛾眉併屬君

燕山晉塞早憑陵老去丘園自枕肱奉母安期蒲九節
著書弘景閣三層琴心久歇辭謠詠龍性初馴避弋矰
終竟才人須學道才華減處道緣增

酬別陳元孝二首

珠海東邊處士星長甘漁釣老沈冥早年不用山濤語
君有嵇晚歲猶傳伏勝經詩工遠舶爭求集書聖新宮
紹之痛銘燥髮知名今始識每懷鉛槧訪雲亭

不厭欬寄歷落人天涯簪笈最情親八分先墓光榮大
長律歸舟賦詠新林屋羅浮俱福地滄浪粟里總閑身
名山無恙藏書在雪霰何曾損竹筠

遂初堂集

江嶺游草

无

羊城行贈梁司農和吳慶百作

垂紳坐巖廊慷慨談經濟事變臨非常往往愁跋窳安
危反掌間一髮千鈞係自非名世資淵淳而岳峙誰能
笑談間轉圜無停勢名藩昔上書歸柄求宿衛中朝簡
重臣連營杖節制時惟司農公經略嶺海裔饒耄來郊
迎除館駕方稅洱海驟揚波驚烽燒八桂大帥公翻城
健兒私齧臂蒼茫五羊城颯沓風雨至輔車情依倚項
領勢牽綴鹿駭且走險馬怒將裂轡鐵甲宵有聲巖城
畫午閉維公坐巍然鎮靜若無事不震亦不聳沉勇而
深智從容調軍情愷切諭天意毒弩壞機牙鈎爪挫鋒

銳潛銷反側心逆破縱橫說番禺遂帖服屹立滇閩際
旌節徐還朝職貢來翦翠嶺表資廓清轉幹功不細由
來使強藩銜命非易易况當危疑秋兵甲如羹沸退之
諭庭湊杖節幾顛躓清臣使希烈履虎終見噬繁公獨
沛如風斤盤錯試單車鎮金甌威德誠莫二羅浮峰叅
天珠江流帶地磨崖勒鴻功永永庶弗墜

同許儀九沂惠州東江遊菊潭精舍登白鶴峰憩
東坡亭小飲舟中作

北嶺信清佳東江復澄朗放舟赴涼颶不覺川漲廣天
空鷗鷺明野靜菰蒲響茅菴枕江干陳跡猶可訪老僧

遂初堂集

江嶺游草

无

話劫灰山童拾栗椽照水增道心聞鐘豁塵想還謁坡
仙祠殘碑披宿莽百代仰人龍一身困鈎黨孤亭俯層
城江山在指掌信足慰羈窮于焉快吟賞紅荔鮮摘林
白魚肥透網觴來不虛揮興至每獨往雜坐忘主賓浩
歌臨天壤思從南溟魚乞作西湖長

周履坦爲余作品硯圖余酬以青花水巖硯因作
換硯歌

周君知我有硯癖寫照遂作品硯圖圖成觀者驚神肖
兼得情性非形模一硯在手注目視元章之顛雲林迂
案上縱橫列數硯硯紋隱現如有無微茫點就鸚鵡眼

嫩白描出凝脂膚誰能貌人兼貌石嗟君嗜硯亦成癖
潤筆不肯畱一縑但索一枚蕉葉白君畫曾經奉至尊
含毫盤礴銅龍門日角龍顏親貌得霜天賜出貂裘溫
從此聲名重天下貴戚通侯爭乞畫畫價誠高石不輕
水巖舊號天子坑紫雲上品先入貢天球弘璧同光榮
只今零落兵斲手塗污不辨妍與醜君亦尋常貌路人
肥皮厚肉煩烘皴余寶青花等瑤璧駿馬名姬都不易
以君妙畫追虎頭割贈生平無所惜高情韻事兩相甘
畱與天南作美談欲賦新詩當券帖遠慚杜老近陳髡

遂初堂集

江嶺游草

三

遂初堂詩集卷之八

海岱遊草

節母篇

京江有節母高門何渾渾伯兄爲御史季兄爲孝廉嫁
作文學妻婉孌眉初齊如何雙黃鵠衝飈早分飛夫亡
義當死遺腹幸有子一髮延千鈞艱辛從此始夫家無
田廬而復喪章姑兒饑火不舉兒寒泣呱呱御史遭難
亡門庭復憔悴獨依季兄居一室孤燈背畫紡絲軋軋
夜課書琅琅十年不下樓廿年不臨妝兒身與戶齊人
言能似舅弱冠登膠庠母始開笑口兒長可娶婦攜持
遂初堂集 海岱遊草 一

邦上贈孫豹人

關中自昔多才子近代得名康與李爾後作者絕不聞
扶輪崛起復見君君才堂堂萬人敵鯨魚掀波鵬驟翮
不將客氣驚凡愚淳古清真露肝鬲本家渭北秦山蒼
半生皂帽依維揚秦聲剛烈吳聲緩君能兼美無偏傷
廣塲詞客如塘沸君詩一出千人廢旗亭蕭寺墨淋漓

見君一篇瓊樹枝雞林爭購樂天集并布解織都官詩
往年天子開延英鶴書催赴彤墀行鷄鵠不樂響鐘鼓
一官強授鴻毛輕掉頭歸來海天濶百尺修竿釣寒月
意氣猶然大布衣翻憎過客呼官闕我亦逍遙露地牛
無端忽著金籠頭羊腸詰曲不可上蛾眉謫詠令人愁
歸來乎澗之曲山之幽秋松春筍有真味豈必太官分
珍羞少陵一草亭貞白三層樓共君眠雲復弄月不與
菌蟪爭春秋

贈喬石林

疎狂我合辭金闕練達君胡返故園天馬能鳴驚立仗

遂初堂集

海岱遊草

二

芳蘭無罪坐當門便違熬火青箱在任卸銀魚皂帽存
從古文人多挫抑翻雲覆雨不須論

日日聯鑣尚恨疎那堪五歲悵離居漫誇向子工游嶽
終遜虞卿善著書讀易幾人知損益看基此日悟乘除
興來千里能相訪衾袖新篇有遂初

題可帆亭

虛亭迥在水中央深柳新荷面面涼宛似一篇經碧浪
何殊雙槳泛青湘魚游天上餐雲影樹倒波心濯練光
莫怪幽人耽結隱暫來與世便相忘

園居詩十首

誰信高城裏滄波百畝寬長春花藥潤不夏水風寒隨
地皆三徑何人割一官羊腸飽經歷轉覺入林安
屋宇無多置軒牕面面開松疎無日漏竹密有雲來亭
擬虛舟敞橋依曲澗迴披襟愛空濶一芥盡浮杯
東山休捉鼻南垞漫焚魚且輟凌雲手來繙種樹書全
堤乞楊柳盡水予芙蓉百卉分畦布樊遲學不疎
籃輿無著處一艇往來便透入瀟湘盡移來茗雪天蘸
波千樹濕倒影百花然欲得浮家樂蓬窓自在眠
此中無俗客容我住兼旬割贈林泉趣平分懶散人偶
來時正美乍見物皆親天地蘧蘧耳名誰是主賓

遂初堂集

海岱遊草

三

此地宜逃暑炎蒸六月無水涼侵枕簟林翠滴肌膚尊
至羈愁失風來病骨蘇翛然人世隔永日在水壺
性拙緣都減神閒夢亦清至文波澹沲天籟鳥鳴侵
曉扶松立衝霄領鶴行機心渾息盡惟有一枰爭
芰荷千萬本併作一池花照水承初日烘天鬪晚霞餐
香憐靜婉吸露賞清華湧現青蓮界金繩路不賒
存訪皆同好淹畱爲故交經旬廢冠襪排日治觴肴曲
愛新聲奏書矜秘本鈔卜鄰吾有意梁燕已成巢
熊魚不兼取鵬鷃兩相憐借問雙藤杖何如一畫船端
居看屨市鼓腹戴堯天不受塵勞縛身輕卽是仙

題喬石林侍直圖

天門峩峩開紫清，千官環珮趨無聲。聖人宵衣坐便殿，平章政事惟孤卿。史臣亦得聞密勿，記言書事職不輕。幾人當直曾論事，驂駟立仗不得鳴。白田先生仁且勇，致君堯舜懷丹誠。不忍災黎填巨壑，敢以赤手批長鯨。因承清問畫笏對，非是無將迎。金高如山不肯顧，更申讜論排盈廷。朝陽鳴鳳近希有，都人嘆息巖廊驚。迴天轉日在俄頃，不然海邦今沸羹。鑠金銷骨古一轍，白壁竟點蠅營營。孤臣去國何所憾，一日之絀千秋榮。往時我亦司記注，朝朝簪筆形墀行。從無一言補袞闕，遂初堂集海岱遊草四

戚烈婦詩

白田戚氏婦亡其姓嫁之夕未合卺夫溺死池中婦悲慟畱詩褥下亦自沉死洪武間事也崇禎時文文肅過白田夢一女子自言我戚烈婦也有碑埋故里幸爲我發之文肅諭諸喬侍御侍御爲出碑建祠在城東北隅卽戚氏故居也

戚家婦命何苦三星在戶未成婚夫死清池奈何許百年之好無一夕牽牛織女空相匹此身有屬將安歸一死從夫萬事畢遺詩決絕何酸辛英風凜凜垂千春發夢名臣憑正氣殘碑出土崇祠新人言烈婦可不死能死之人世有幾忠臣節婦根於心捐軀豈論恩淺深君不見西臺哭金川哭下士何曾食君祿

爲劉禹美題接翠園圖

雲綿綿樹芊芊何人鑿破鴻濛天萬个琅玕掃空翠千株楊柳搖輕煙清池一頃罩以蓮花何灼灼葉田田風亭卓立鷗岸迴盡橋折入漁梁偏科頭蕭灑松下客拍

遂初堂集海岱遊草

五

浮容與船中仙人問何處得此景無乃鑑湖與輞川白田黃門愛蕭爽故營別墅清溪邊其水某丘本吾土一花一樹皆天然鷗鳥忘機風浪靜此中偃仰堪窮年只恐鋒車催就道未容清簟高春眠作圖攜之到紫陌欲令隨地開林泉公餘退食時展玩清風兩腋生翩翩人生亦要存微尚可舒可卷方爲賢何用輪衡與轂擊何須膠縛兼藤纏君爲熱官有冷趣定知風節能完堅滄浪亭中人未老異日猶能和子池上篇

贈淮陰張力田

六藝一曰書於學不爲小洪纖括名物深淺該理道三

蒼廢至今文人騁詞藻問以六書義呿口莫能曉至大
書家流體勢驚工巧識字苦不多落筆愁顛倒張君產
淮陰樸學天下少枕藉許氏書精微析毫杪淵源溯鼎
篆波瀾涉隸篆金石及殘麻有蹟靡不討斟古酌時宜
自立一家表流俗不駭驚先民可繼紹在漢立石經千
秋作鴻寶當時崔蔡倫執筆非草草世遠經術焚此道
棄如掃安得登鴻生三體共研考勒石置橋門垂象日
星皎君今齒雖尊精力未衰矯翹車尚可招無爲掩關
老

贈胡周恪

遂初堂集

海岱遊草

六

倦客聊停下澤車幽人方著等身書凌雲藻思知名久
霏屑清談識面初老不干人詩骨勁貧維學稼俗塵疎
青箱付與佳兒了滌硯澆花樂有餘

贈陳東來

東來條議開肝貽夫長古渠總漕王公採以入奏并上其家藏蠟衣生集

條議曾看入奏章藏書也復達天閭人生一節堪千古
五月披裘樂未央

題張燕三像

楚天放鶴高人事燕市懸壺濟世心儻遇小龍求瘵疾
神方還與乞千金

追懷邢太僕子愿

有明書家十數子北方傑出邢與米米書粗豪駭庸俗
太僕軒軒特流美秀不傷骨迺有鋒玉山始夜鵬摩空
得筆得韻信絕竝驅南董人地同當日聲名高北斗
兼金一字高懸購今求真蹟尺幅無來禽之館傾頽久
徒繙遺集重咨嗟淹雅名通自一家擬議微嫌墜時轍
縱橫不礙舒天葩後生莫漫輕前輩往往一身兼數器
右軍經濟掩書名松雪文章韜藝事刀環水淺不成河
鹿角關前戍壘多文采風流都已矣寒山片石重摩挲

贈邢指石索其家刻

太僕書堂蔓草屯白頭猶喜見諸孫青箱不逐田園廢

七

遂初堂集

海岱遊草

贈東藩衛爾錫前輩四首

乍聽真儒報賜環野夫雀躍遶田間樸忠竟可邀宸眷
讜論何妨觸九關古鏡重磨光照地蟄龍初奮雨連山
羣陰剝後孤陽復一綫天心自往還

莫驚方岳用詞臣衰職賢勞出入均行省異時稱副相
青齊自古號東秦澄清志以高官遂冰雪操從歷試眞
膚寸出雲天下雨萬山一岱最嶙峋

論交折節感當年倒屣相迎一榻懸翻紐四聲同扣擊

丹黃萬卷共精研暫辭永隔鴻違燕偶聚旋分箭別弦
知已人生難再得夢魂常是繞汾川

已分寒蟬抱樹枯從今不復悵前途修齡索食依仁祖
子美題詩主達夫日觀泉林諧夙願芒鞋竹杖健殘軀
只愁便擢台司去得盡綈袍繾綣無

贈臨淄令朱信昭

臨淄地是古齊都女水牛山儼畫圖疋馬我來閑訪古
雙旌君恰此分符梧臺雲物先秋美稷下風謠似昔無
吏治端須本經術史書循卓總通儒

呈益都相公二首

遂初堂集

八

太平宰相就閑身玉曆平開八十春機務謝來添黑髮
林泉占處絕紅塵量涵天海羣流納興狎禽魚萬象親
青史幾多名宰執樂全難得似公人

平津門下士如林謫劣偏蒙寵遇深捧杖每陪蕭寺坐
擘箋常和柳堂吟青霄鍛羽恩難報黃石畱書約可尋
振謁門牆還不忝松筠相守歲寒心

贈青州守金立三

淄青千里控單車太守尊嚴岳牧如形勢東萊雄海岱
風謠變魯盛詩書畫輪行處恩膏沛驂轡過時疾苦除
天畔相逢話鄉曲不教客夢憶尊魚

贈益都令唐信賀

股肱名郡數青州首邑提封控上游駝鳳山高當閣見
淄澠水駛抱城流詩書萬戶民多秀禾黍千村歲有秋
撫字重煩賢令長瀾風竹馬起新謳

佳山堂四首

結想茲堂勝今來快曠觀林光浮壁潤嵐翠滴衣寒吐
瀑池清泚蒸雲磴曲盤過淮修竹少憂王此千竿
奇石驚天落璫瓏卓數峰重舞袖安裊裊篆文重斷
就夸娥于飛來瓊島蹤百回看不厭盡日倚蒼松
層樓舒遠眺踴躍衆青來劈嶺雙崖削雲門一鏡開秋

遂初堂集

九

心霞外斷海色鴈邊回懷古無窮意官牆十丈苔
吾師休暇日一榻坐忘年把臂南泉老披襟綺里仙追
攀容下士觴詠及涼天最美王文度龍眉在膝邊長公

遊東海神廟作

去年南游到南海曾謁神廟看韓碑今年東游到萊郡
東海神廟復在茲參藩使君玉堂舊邀我飛鞚乘涼颺
連朝陰雨忽晴靈徑渡掖水凌崗陂遙瞻廟貌森枯栢
近陟神堂肅雲旗累朝嚴祀碑炳煥兩廡踴像龍躩踞
致齋承尉亦專室訪古里姬存偏祠廟側有孫母祠姓曾識宋太祖子則

微今里人望海高樓出雲表下臨溟渤無津涯晴潮無
風平若鏡一碧萬里鋪琉璃帆檣凌空亂鳧乙鳥嶼帖
水橫鯨鯢人言蓬萊方壺只在渤海內去人不遠風間
之所以秦皇漢武數巡幸塞裳欲渡勞夢思鞭石不成
橋採藥還無時何如長夜一夢寤出生入死同遊嬉清
都靈境難久住歸鞭暮色來崦嵫篝燈哦詩寄鈴閣此
樂千載疇能追

白雪樓二首

獨上層樓旅抱開秋空澄爽絕纖埃當牕嵐翠蛾眉掃
隔院泉聲風雨來曠代詞人仍狙豆滿庭碑碣總莓苔
遂初堂集 海岱遊草 十一

雕梁畫棟知何限不共茲樓過劫灰
百尺高眠四海空滄溟文玷夙稱雄生憑婁水墳篋應
死耐虞山玉石攻盛世才華容傲睨達人官爵謝牢籠
清嚴標格依稀在華鵲蒼寒落水

闕里

讀聖人書爲弟子可能不到聖人門行經洙泗知源遠
望見龜蒙想道尊魯殿猶存傳雅奏檜枝不老秀雲孫
世家有例誰能續願得懷槩細討論

岱歸過江上同董閔石徐虹亭集曹義眉齋

倦遊乍喜駐征鞍訪舊還欣話夜闌此日深林投足穩

古來直道事人難劇場變眩看無定碁局雌雄角未殘
江上數峰長自碧尋盟歲歲莫教寒

君山

君山硯礪一拳石臨眺居然萬里寬煙樹隔江浮寸碧
雲霞大海浴雙九地經戰鬪殤魂苦山葬英雄俠骨寒
逸興偏能賞幽冷一天風雪倚闌干

寓齋大雪和閔石韻

歲晚城笳咽宵寒野鶴呼起看千嶂白轉覺一身孤薄
醉松邊枕微吟竹下爐論心老友在未敢嘆窮途
雪中游山歸閔石見貽一絕走筆答之

遂初堂集 海岱遊草 十二

木落江寒客到稀愛看殘雪坐忘歸六鰲只在東溟裏
欲把君山作釣磯

董閔石黃庭表錢官聲小飲寓齋次韻

天畔懷人每惘然可能相見不畱連霜餘葵藿晚多味
雪後江山清可憐蝶夢闌殘嗟往事瓠尊牢落感頽年
五湖煙水無爭競長擬追尋釣艇邊

寓漫園贈義眉

江陰俯大江城居可吟耽曹家園頗荒水木乃清妙古
檣龍追蜚白松雪照耀池寬颺風漪石瘦攢雲竅屋宇
樸而文煙光領其要樓高見海帆堂迴明山燒主人滯

金門頗遭猿鶴誚念此早歸來就閒理耕釣眼明見故人懸榻欣相召分巖恣雲眠贈竹發天笑宦味刀舐蜜人情寒附燎奔車亦羊腸一跌未可料祭酒官不卑五旬齒非少及此娛林泉何殊夢初覺采采南陔蘭德養以爲孝廣受真可師光禹豈足效

遂初堂集

海岱遊草

五

遂初堂詩集卷之九

台蕩遊草

蕭山道中

溪小恰容舟舟平可漱流近人山色淡侵夜櫓聲柔岸岸花欹屋村村樹拂樓都忘行驛路只作輞川遊

雨

越山吾所愛一雨罷登臨小得蓬窓韻全乖蠟屐心無聲宵漲澗有影曙峰沉好締重來約情於未到溪

曹娥廟

越國猶聞祠伍相娥父迎伍君溺死女戎勝算竟如何江山欲

遂初堂集

台蕩遊草

一

洗胭脂辱故遣寒門出孝娥

十四童娥廟食長一江猶借姓名香中郎老大無英骨

只向殘碑綴末行

門生寧海令辛祗傳來迎爲停十日書壁贈之

君才惜不預蓬瀛猶喜分符近赤城地僻最宜人事簡民淳恰稱長官清寒帷坐對霞標起拄笏遙看海日生儒雅定知優吏治風風試聽箎絃聲

一筇踏徧海東頭未到天台不是遊擬共寒山眠白石却教關令識青牛生平懶作諸侯客旬日聊爲故舊留賦就金聲能賞歎草玄有託復何求

客館遇王倩修見示新刻臨別有贈

文詞亦多門賦體最宏濶取材乾坤羅運思造化奪性
靈資陶冶物象賴綜括屈宋鑿鴻濛揚馬揭日月增華
踵六朝魚龍互凌駭唐模苦拘攣宋製傷佻達榛蕪遂
至今不絕殆如髮弱齡嗜纂言銳欲掃荒蕪下筆時斐
然截流不用筏未能追淳古庶可免剽掇舉世悅繁絃
誰爲聽疏越王君雕龍才詞鋒不可遏考古窮根株天
空眼雙豁選賦成一編出入嚴斧鉞胡爲剪華貂而乃
存素褐情修選古今賦錄余賦頗多賞音亦良難相思渺天末邂逅
此津亭雄談慰飢渴少作真可悔塵言更當撥行將觀

遂初堂集 台蕩遊草

二

龍湫因之臥瓊闕冰雪練心胸吐語或奇拔還將擲地
聲慰爾烹魚札

謁方正學先生祠

太平良相學優爲事到艱難節始奇力以一絲維九鼎
忍將十族博專祠潮青緱里啼鵬懷月冷龍岡語鶴悲
後裔可憐仍死國一堂俎豆最相宜先生十世孫忠奕如井研縣死獻賊
之難十一世孫樹節五經博士國變不食死並立祠祀洞中

躍龍山

一曲清溪抱碧山山頭終日聽潺湲高低塔影殘虹外
明滅墟煙野渡間水堆自春還自應松門無啓亦無關

臥龍正穩誰教躍灑遍甘霖及早還

贈松岩禪師

無錐可卓不妨貧雲壑高眠自在身問臘十圍松樹老
標宗九日菊花新惠持出定仍懷土梵志歸來異昔人
覲面相逢無避處一回鄉語一回親

贈香雪法師

台宗不斷僅如絲海畔欣逢老論師教義瀾翻瓶瀉水
定心清徹月臨池名藍謝却蓬爲屋白拂拋來偈作詩
散誕閑身無一事就談每到竹陰移

贈項潛九有則

遂初堂集 台蕩遊草

三

寒松瘦鶴儼儀型識是天南老歲星度世葛洪還採藥
辭官伏勝但傳經閉關足爲登山健避俗眸因閱古青
欲訊劫灰前際事披榛時復訪雲亭

國清寺

台山一萬重帝制爲佛國刹院如星羅國清最雄特地
從山神獻構自天家力劫火幾創殘規畫猶整飭山門
役神工累愚淨如拭塔垂三天語松結太古色涵空一
沼清透霧諸峰直大雲昔昔雨人華此側塞神龍子其
珠金翅不露翼像教有興衰覺路無荆棘至人每同塵
對面難測識松門虎一聲喚醒三生黑

金地嶺

九里松風十里泉徐徐送客上青天不知黃頂高多少
已覺羣峰帖地眠

銀地嶺

誰道山僧徹骨貧眼前大地總金銀我居立嶺君銀嶺
劃破虛空露主賓

高明寺

昔聞無盡師義學之龍虎乃振天台宗道風秀南土竭
來造幽溪遺跡猶可觀繽紛雨花堂一燈燦諸祖教觀
羅百家珠淵而玉浦林嵐尤秀絕淡綠藏一塢山環來

遂初堂集

台蕩遊草

四

無門溪折去無所寂寂松關春濛濛竹陰午佛入法華
定天開青蓮宇得游非小緣暫面皆風侶誰舒一握雲
去作彌天雨

佛隴

天台接天姥舊是神仙家葛許諸道流於此營丹砂一
從智者到法鼓雲雷過判教復標宗巍然小釋迦四眾
歸若海浩浩龍與蛇遂令三珠樹變作優曇花雄剎開
十二修禪為根芽如何爐劫灰荒碑委泥沙塔院亦荒
落殘僧藝禾麻宗門尚直指經論等土苴寧知止觀義
坦道無岐差正法不終晦至人來非遐佇見乘願輪佛

日重光華

寒風闕

大小寒風闕高高插紫清風來嫌骨重雲至覺身輕
問趨丹陛何如訪玉京樵蹤欲斷處鹿出萬松迎

天封寺

層巒如驚波琳宮壓其上結構既崇宏面勢仍清曠胸
臨大壑寬眼到層樓放端巖前山朝沟湧一溪漲晴雲
俯千盤高松摩十丈笑語飄天風翛然覺神王片石跌
聖僧雄剎自天翔中更幾廢興成毀由心匠賢哉智嶺
尼所作乃過量碌碌豈丈夫臨風默惆悵貴州張學士

遂初堂集

台蕩遊草

五

戎妻總戎死難夫人棄家為尼號自覺
道行清高實新此剎所居名智嶺巷

芒鞋

一從脫朝靴是足始我有逍遙著方舄濶畧對賓友平
居覺安舒未便涉山阜策策換芒鞋任人笑羸醜梯空
健猿騰履險捷鹿走平凌石齒尖穩踏苔紋厚賈勇
山僧得路誇溪叟未知謝公屐輕利有此否萬事
意歸觀安足取策其先登功錫以竹杖耦汝真
棄置同做帚吾方五嶽遊與汝盟耐久

燒筍

多年不如葷一飽甘葵藿本欲淡滋味

辰食燒筍過美非意度嫩如荔新剖脆若藕初削甘芳
無畱滓軟美不煩嚼獨烹謹火候至味謝鹽酪乃知下
方人所啖皆糟粕雜和紛肴蔬坐令真味薄山僧遇居
士作此慰寂寞不供肉食人恐損其脂膜願作台山農
長年分此樂只愁一箸餐減却干林箠

華頂峰

崑崙之脉從天來散作嶽鎮千瓊瑰帝愁東南勢傾削
特聳一柱名天台天台環周五百里金翅孽翼龍分胎
峰巒一一插霄漢澗瀑處處奔虹雷華頂最高透天頂
萬八千丈青崔嵬乘雲御風或可上我忽到之亦神哉
遂初堂集 台蕩遊草 六

遊氛豁盡日當午洞視八表無纖埃南溟東海白一杯
括蒼鴈宕青數堆千峰簇簇蓮花開中峰端嚴一蓮臺
華藏世界宛如此醯雞不識良可哀渺茫誇閭苑荒忽
求蓬萊何如天台靈異在人境劫火不到無三災神泉
自流琪樹不栽彌山藥草滿谷丹材應真隱顯混樵牧
飛仙遊戲同嬰孩羲之乏靈骨太白非仙才已住神山
却歸去空餘石屋寒蒼苔我已夢覺墻根槐安能更逐
魚龍徑徑須習定棲峰頂飽看滄桑三百回

茅蓬雜詠

天台六十五茅蓬總在懸崖絕澗中落盡山花人不見

白雲堆裏一聲鐘

獨木爲橋跨澗低古藤緣壁自成梯板塙茅葢團團屋
不著人間一點泥

坐對千峰不作門雲歸雲出在牀根鳥因就食當簷下
虎爲聽經傍砌蹲

矮屋低簷礙客冠繩牀土竈坐團圞定餘滿室生虛白
儘抵三千世界寬

溪山佳處結茅新買地無勞問主人耐得封山三丈雪
從君高臥一千春

巖頭老僧日一粥覆眼蒼眉面如玉更無一事到胸中
遂初堂集 台蕩遊草 七

開掃藤花拾黃獨

一卷金經讀未終客來不起任從容脫罷袈裟徐作禮
問年笑指十圍松

分齋遠就隔溪菴汲水樵雲老尚堪莫訝孤單無伴侶
應真五百是同參

道人家具一瓢輕獨自安禪獨自行信宿前山門不鎖
猿公偷點佛燈明

閉關老宿等鴻冥強爲人牽住祖庭山鳥溪花紛獻笑
此山頑石比人靈

天柱峰僧餉黃獨

獨分來瓦銚邊香於紫芋大於參笑他物瓊潭

石梁觀瀑布宿方廣寺

五百仙人果位尊驅來鬼斧鑿無痕山根裂到巖頭合
天上流從地底翻萬丈水絢懸玉軸千羣浴鐵走和門
斷鼉何事畱餘怒終古風雷白鬚昏
豈必滌腸訪化城巖邊古寺僧於紺髮光中坐
客在銀虹頂上行不夏松杉含無眼樓閣撼濤聲
應真畱我遙招手一嚙紅塵便隔生

斷橋

遂初堂集 台蕩遊草

八

石梁奇共見人到斷橋稀澗路三春雪山糧一尺薇泉
穿仙掌落石捲渴虹飛疑綠潭無底沉沉玉漏微

珠簾泉

一片銀河水空懸珠輕勺落勢緩娟妙織痕無鮫
淚傾千束仙衣拂八冰垂簾應有意滾洞鎖龍姝

萬年寺

平田寺聳層樓水遶山環步步幽一壑松杉雲外冷
百函藏剗前畱賜衣天子難親到宋仁宗賜衣壁書
採藥山人快獨遊歸路不須愁黑月孤燈懸在萬峰頭

五峯禪師

不下台山三十年手栽嫩桂欲參天撥開古路荆榛裏
湧出精藍剗火邊雙澗傳聲雷吼地八峰聽法雪齊肩
莫愁驛目看雲霧法眼還應燦大千

雨後尋龍湫

探幽不怕雨廉纖踏葉攀藤興轉添削鋏千尋無路上
九天垂下玉龍髯

桐柏宮

我讀坐忘論十年懷子微如何桐栢路不見綵鸞飛月
浸丹泉冷雲埋藥草肥金庭蕭索甚清淚濕天衣

瓊臺雙閣

遂初堂集 台蕩遊草

九

瓊臺屹立中天孤削成亭亭不用扶靈芝根莖蒼雪膚
台山之心仙所都百神上下風雨俱積高中央削四隅
俯瞰絕壁臨虛無雙闕巖巖夾雲綺靈溪百轉羊腸紆
繞溪秀溢千芙蓉雲中之君朝看爐王女駕立羣真趨
萬玉瑤琰萬錦敷老龍守戶垂其功靈泉百丈山腹剖
猿驚鶴慄無來途而我關入心跡隨處入梯捫天呼
下搜雲窟餐雲腴易不少畱作仙客落拓難牽拘
仙班禮法恐不踈不如逍遙作凡夫時時問天知狂愚

桃源

桃源無桃花山水乃佳絕始至覺蕭疎漸淥愈幽折雙

崖爲曲屏組繡對披列石淨不受苔松清如漱雪山寒
途若窮溪迴境仍別碧潭清若空倒影諸峰潔珠簾掛
重重雲際露潛穴仙居既清高塵滓非所屑如何啓劉
阮世緣忽膠結遂令惆悵溪步步生悽咽可憐欲界仙
情根曾未徹誰能喝金橋道人心似鐵

贈護國寺夢帆禪師

忘山忘院坐逍遙日酌桃溪水滿瓢却怪照師多一喝
眼明從不見金橋

導客重重入畫圖亂雲撥盡碧峰孤杖頭說法人聞否
親到桃源一樹無

遂初堂集 台蕩遊草

十

寒巖

嘯天獅子最嶙峋開口平吞摸象人雄拔萬山皆奪氣
孤高大士合藏身石膚剝盡存真骨雲頂草揆絕四鄰
會得寒山詩外句無邊煙景鎮長新

明巖

蟄龍蟠處不容窺苦被松門散聖知天與石龕栽合掌
神供玉筍只單枝壁開削鐵看天小洞轉旋螺得月遲
把斷重關無路入惟餘水索透空垂

赤城

不共千山疊翠看獨將秀骨憂雲寒瓊樓削出三層峻

霞彩裝成一色丹影動天風孤塔迥門迎海日兩巖寬
玉京只在人間世未洗中腸欲到難山頭有壘

蒼山九龍潭

芸芸天地間萬族皆可見龍胡獨幽潛出入以雷電幸
存所居潭蹤跡差可辨茲山靈奧區羣龍久分壇或晦
若甕井或明若庭院或爲蜂房懸或作螺角旋側掛藤
橫梁奔衝瀑垂練團團聚荷珠燈煜開鏡而漱不著落
葉清或浮花片如耽谷臥幽似鄙天行陸巖歌路千盤
壁空天一線晴空蓄風雷盛夏含冰霰裂石雷爪痕
涎結香片想當開闢初龍德存海甸疏封此名山聽擇

遂初堂集 台蕩遊草

十一

形勢便長攜族屬居不作玄黃戰有龍山則靈雲樹常
慈憐下方苦早賜精虔此禱奠如絲一縷雲霞雨千村
徧我來敢褻脫良用窮神變一嘯沸圓波恍惚鱗鼠現

慧明寺

台遊例不到蒼山我爲耽奇肯憚艱觀瀑溪穿樓暢嶺
尋僧遠扣宿雲關聖師遺蹟麻屨古閨代雷鐘碧蘚斑
寺有智者大師手書方等陀羅尼經及石晉天福年間鐘同是林梢出明月清光絕
勝在人間

贈天台令董怙贈

紫府瓊臺第一山羨君爲吏在其間鳴琴人似仙班靜

羅雀庭如玉局閑課種每於金地立行泉時到石橋還
與公正有芒鞋約賦草憑君燭下刪

贈方方山

六十三翁尚黑頭健於蒼鹿逸於鷗山當絕險皆親到
寺最荒寒亦熟遊詩好半題臨洞壁書工每署看雲樓
一生占斷台山長那羨人間萬戶侯

贈馮再來少司寇

槐棘班中早乞身高情逸致渺無鄰謝公展向登山健
白傳詩從入社新遺事網羅皆史筆名園點綴亦經綸
飽看宦海風波瀾始羨仙山穩坐人

遂初堂集 台蕩遊草

三

題修稷園

人生作官如飲酒美醞誰能不沾口但令薄醉味有餘
無取昏酣到濡首東門二疏稱大賢右軍誓墓何其堅
急流勇退世有幾漏盡夜行良可憐臨海馮公信人傑
轉日移山樹勳烈飽看世路足風濤苦憶家山好雲月
開府侍郎官不卑蒼鬢黑頭身未衰早謝巖廊臥林壑
功成身退何悠哉赤城仙山連葢竹萬年藤杖千年鹿
彭澤柴桑多故人荷衣皂帽相追逐一觴一詠樂天真
藉卉攀蘿忘主賓詩成不讓蘭亭稊畫就長留輞水春
試看朝市紛紛者正逐空華奔野馬秋風吹老不歸來

孤負尊絲滑盈把

柏貞詩為李節母作

雙鸞珠樹正和鳴豈料霜飈一夕驚謝女已甘臨穴死
班姬終為撫孤生九來熊膽心同苦剪就冰花影共清
綽楔褒旌還有待且憑銀管播芳聲

贈洪虞鄰若阜

台山嶺而凝台水清且駛其人尚節槩自昔多君子竭
來見南沙素心淡如水早為名省郎萬事咨伯始閩南
作監司獄獄著風紀讀禮不復出強壯謝青紫卅載臥
家園竿牘絕片紙唯當國兵荒蠲賑談娓娓著書高等

遂初堂集 台蕩遊草

三

身燦然有條理考古洞淵源論事達國體發語必破的
所向無堅壘志乘尤簡核激揚有淩旨具此舉與識何
慚古良史通才老林間堪為廟廊恥客居了無事秋山
對隱几追涼展新書快若哀梨美側聞東壁樓藏書富
宛委懸知去梯讀百城脫如屣

題陳寒山畫像

古來學道人所貴徹生死一身既能捐何節不可砥取
義與成仁儒釋同一軌陳公生不凡徵夢寒山子因自
號寒山學佛通宗旨而不毀世相卓犖工文史才華發
性靈忠孝敦素履釋褐宰江干政績多可記遊讓乃林

居跌宕頗自喜及丁國步艱慷慨起田里奮摩魯陽戈
誓雪會稽恥崩天莫能支臣力盡鬪靡一死從彭咸寺
沼爲止水水淺復難經從容等脫屣寒山古聖僧再來
良有以得非現儒宗解終而行起理事兩無礙真俗何
彼此來往乘願輪屈伸一彈指我欲拜孤墳霍霍雨不
止我欲訪遺文故字無一紙幸得披畫圖瀟灑風神美
前身與後身月影寒潭裏

鴈山百詠

鴈宕山名勝至多一峰一石各自標奇非大篇
長律所能綜括若賦此遺彼則罅漏實多因就

遂初堂集

台蕩遊草

古

遊展所到各題一絕意有不盡則疊二疊三以
至於十凡百題得詩百三十首其非所日觀與
目覩而不知其名者皆不及詠以俟後遊焉

老僧巖

一峰卓立亂雲中圓頂方袍面面同欲表鴈山爲佛窟
先於谷口露真風

石梁洞

巖腹穹窿古洞開暗泉垂乳滑莓苔飛梁百尺橫空跨
疑是蒼龍飲澗來

謝公嶺

謝客才名滿世間雜心未許扣玄關一生不得參蓮社
觀面仍教失鴈山雲運求入蓮社遺公嫌其心有不許

寶冠巖

石骨峻峭盡裂麻森嚴列仗對排衙峰巔爾得天冠在
瓊瑤時垂五色花

含珠巖

石闕嶙峋不可梯更懸危石拒攀躋仙關何事煩鎖
恐有靈文秘紫泥

雙筍峰

雙筍纖纖玉削成望如駢榦却分莖籊龍正有飛天勢
遂初堂集

台蕩遊草

五

又被春雷一夜驚

照屏巖

鬼斧何年劈巨靈方巖萬丈插青冥百神端笏朝炎帝
絳闕中間卓玉屏

初月洞

洞口彎環似月牙隔林看去隱殘霞簷端片石垂垂覆
倒挂芙蓉一簇花

嘆頭巖

嶽嶽鋒棱肖鐵冠彈時猶自帶霜寒千尋壁立無階上
影駭溪龍不敢蟠

石龜巖

石龜昂首入層空
俯瞰諸峰勢獨雄
儼似牙門排劍戟
中權一纛擁元戎

靈峰寺

看山看到靈峰寺
始覺天公是幻師
幻出千峰如層市
教人難畫復難詩
偶來絕境暫盤桓
便覺身輕插羽翰
羨殺山僧高掛鉢
一生長是倚簷看

羅漢洞

裂石千尋洞腹寬
金容肅穆坐層欄
電光一線天門闕
遂初堂集

台蕩遊草

六

遙見瓊樓濯露寒

踏盡飛梯透卷簾
須知洞頂卽峰尖
若於雲表承清露
何似天心吸水簾

鳳凰峰

威鳳何年下覽輝
翹冠獨立羽葳蕤
丹山未若靈山好
莫戀將雛又北飛

五老峰

五老駢肩復接蹤
披雲拂露意從容
想因貪看諸峰巧
不覺年深亦化峰

南碧霄洞

玉洞陰涵太古春
石膚皴裂作龍鱗
鱗間大有題名在
得到仙山總俊人

靈芝峰

亭亭獨立狀靈芝
轉側看來面面奇
選盡千峰無比秀
石如能妬亦孤危

蹲虎峰

舊訛山君百獸尊
嘯風一蹴上天門
自從聽得靈山法
歛盡雄心帖地蹲

駝駝巖

常看駝駝脊峰相
似今見峰形曲似駝
穩臥綠蘿芳草裏
遂初堂集

台蕩遊草

七

肯隨鐵騎渡交河

鬪雞石

力角雌雄未可量
剽姿悍氣略相當
天雞不入開元隊
萬仞岡頭作鬪塲

利牙峰

石作牙鋒銳不羣
豁開巖齧透蒼旻
嚼雲漱月偏高潔
懶與頑仙作齒芬

果盒巖

圓石中分一線橫
磨盤果盒總堪名
獨將渾璞參芒穎
奇陣中間出正兵

風洞

列岫中虛一穴通溫涼不斷四時風莊生放筆談天籟
不解于禺出此中

照膽潭

一碧涵空水至清秦宮照膽鏡分明靈鱗不肯貪香餌
獨自潭心掉尾行

白雨潭

潭懸飛瀑響如雷入夜常如驟雨來幾度夢中驚起看
一泓明月浸蒼苔

觀音峰

遂初堂集

台蕩遊草

六

大士化身千百億石能肖像卽安名賜哥童子初無意
亦藉天工巧塑成

北碧霄洞

孤標一笋入天心笋內空涵玉洞濺梵宇中藏看不見
鐘魚飄出海潮音

將軍石

碧霄院對數峰佳簇似笙簧衆管排頂入青天同一色
終年不受白雲埋

大筆峰

獨管罩抽銳復圓寧誇入夢大於椽仙家別有凌空手

畫出卿雲綯九天

眞際寺

澗路陰森萬木稠無塵古寺最清幽山僧不見但供茗
滿院蛩鳴如早秋

五馬峰

穆王八駿何曾到漢武千羣豈得來獨有馱經諸駿骨
嘶風盡日對香臺

石碑巖

岱頂曾看沒字碑此巖鐫削復因誰磨崖肯辱斯高手
待勒新宮絕妙辭

遂初堂集

台蕩遊草

九

頂珠峰

圓石誰將峰頂安情知不落亦孤寒漢皇要吸三霄露
特敕金人捧玉盤

淨名寺

淨名寺路最蕭森門掩松篁積翠濺頭白山僧藏古蹟
烹泉掃石與披尋

荷葉峰

亦名鹿牛峰

削立孤巖千丈餘寧知巖脚四垂虛但延日月無風雨
天與禪人作淨居

霞城嶂

斑斕紫翠一屏懸
薄施丹彩更鮮妍

石城嶂

石作連城澗作濠
時有香風墜碧桃

水簾洞

洞懸巖乳石縈纒
長如簷際雪消時

一線天

洞對圓峰恰一丸
只向山根仰面看

逢初堂集

台蕩遊草

辛

只向山根仰面看

維摩洞

高俯諸峰一洞尊
削壁中開不二門

仙人橋

懸崖斷處仰攀窮
仙衣輕颺六銖風

藥杵峰

銀漢低垂繞碧巒
玉杵拋來別殿寒

行道廊

樓閣天成衆寶坊
千匝經行繞蒂長

響巖

雙崖束斷白雲層
只疑天際有孫登

聽詩叟

山頭石丈不凡姿
點頭惟有此翁知

臥龍溪

逢初堂集

台蕩遊草

壬

數里清溪湛若空
身在銀河皓影中

鐘鼓巖

天然鐘鼓肖形模
不知能毀兩巖無

鉢盂巖

雞足山中藏不住
天與飛泉洗鉢來

展旗峰

橫崖千丈映朝暎
大旆當風獵獵翻

掃清雲霧豁天門

天柱峰

孤標一柱混茫中不與修纖衆笋同大巧并無雕鏤迹
擎天畢竟是誰功

雙鸞峰

籠篴玉笋上無梯頂有雙鸞彩翮齊揀盡瑤岑與珠樹
孤高只愛此峰棲

玉女峰

雲鬢玉骨淨無塵帝女高居迥絕鄰不比巫峰態妖冶
幻將雲雨惑騷人

遂初堂集

台蕩遊草

三

獨秀峰

千尺亭亭立不欹端嚴勁直自天姿貞臣搢笏風標似
玉筍中間第一枝

卓筆峰

筆端銳欲掃千軍卓立蒼崖秀不羣盡日書空人不見
石飛泉立總奇文

平霞嶂

削成丹嶂界青冥錯錦堆霞燦一屏端笏衆峰旁拱立
諸天於此作殊庭

小龍湫

坐聞雷雨響晴空望若青天挂斷虹攀盡危崖泉始見
飛揚縹緲總隨風

非煙非霧結成團亂迸明珠著面寒噴落九天無倚著
一回飄灑一盤桓

龍鼻泉

畫龍畫盡蟠拏勢不及天然石骨奇尾卓雲中垂一爪
儼如潭底攫珠時

石能透孔龍方活孔解懸泉鼻始靈迸出蒼龍真玉髓
九霄仙露共清冷

玉骨青涵碧靜滋日移松影滴遲遲故將一顆懸珠貴

遂初堂集

台蕩遊草

三

關取千尋裂帛奇

龍蟄滾山不記年尚能噓氣作靈泉風雷有日冲霄去
一滴還堪潤八埏

天聰洞

靈洞無蹤不可尋亂披榛莽入峰陰巖欹壁窄蛇行上
透入峰心卷耳溪

洞頂窮時窓孔明窓間樹影翠交橫下窺一穴溪無底
見說潛通到赤城

踏盡天梯最上關只言此境少人攀苗常好事先於我
斜刻題名碧蘚間

洞中有苗伯起
常寶臣題名

僧拜石

片石輪囷作勢奇老僧恭請具威儀清狂我亦如顛米
見石還多獨拜時

蟾蜍峰

海上靈姿見玉蟾何因高踞此峰尖月中涼影貪相對
時有銀光透碧纖

安禪谷

坐有盤陀飲有泉天成石室好安禪不知寶掌生千歲
此地端居幾百年

靈巖寺

遂初堂集

台蕩遊草

孟

靈巖坐擁衆奇峰天下名藍無此雄可惜劫灰零落盡
把茅孤露盡屏中

見說枯僧解說禪郡侯新與買山錢我來不遇空題壁
自拾松薪煮瀑泉

石屏風

山因遠寺半無名萬笏千珪盡削成喚作石屏殊撲眼
圖經誰與細搜評

小剪刀峰

織女朝朝理七襄裁成雲錦爛天章倦拋玉剪凌空墜
猶帶霞紋五色光

觀音髻

海舶看來第一峰翠如螺髻綰重重只愁絕頂窺難見
每被閑雲盡日封

芙蓉峰

列笋中間秀一峰含葩欲綻玉芙蓉白雲如水天如蓋
人在金臺第幾重

雙髻峰

佛頭青出白雲均雙髻盤盤覆玉毫真相由來難見頂
更無人測此峰高

獅子鼻

遂初堂集

台蕩遊草

孟

獅子橫身古路邊雙懸鼻孔漫撩天洩雲吐霧多靈異
膽落妖狐不敢前

飛來羅漢

應真亦自愛仙山一葉浮來住不還萬仞岡頭看飛瀑
絕勝危坐法筵間

誦經巖

日照香臺霧不生忽聞天上誦經聲何方童子棲巖頂
水月光中自在行

羅漢寺

谷內鐘聲谷外聞寺藏松檜路難分山僧不乞人間米

自決清泉種白雲

滿川笙鼓鬧龍舟何似仙山頂上遊一鉢伊蒲分佛供
薄雲疎雨看龍湫時節

戴辰峰

南紀山高戴北辰煙籠霧蓋看難真何當直上峰巔望
大地平鋪作白銀

火焰峰

羣峭都如火樹炎茲峰焰動更纖纖化為慧炬燈燈續
無相光中有妙嚴

燕尾潭

遂初堂集

台蕩遊草

美

重重飛瀑穿巖下恰到潭邊燕尾分影落寒潭清徹底
還如白燕掠蒼旻

斤竹澗

澗名曾入謝公詩白日清湍信可怡方竹一枝僧斲贈
丁寧莫過化龍坡

能仁寺贈漢梅禪師

芙蓉古剎萬山尊不斷心燈聚此門寶所可憐逢壞劫
八菴零落一鍋存

頭白梅公住祖堂十年辛苦架空梁知君有意爲全了
緣薄唯憑願力長

常雲峰

常雲高峻切蒼穹絕頂常教紫霧籠偶遇晚晴都揭露
帝青寶簇玉盤中

天柱峰贈雲峰禪師

古剎銷沉已百年團焦新構碧溪邊休公逖迹耽吟眺
樹下題詩葉作箋

雲舒雲卷本無心門草無妨一丈溪解弄無絃琴一曲
詎那尊者是知音

錦溪

清溪無草亦無沙石齒鱗鱗削玉斜倒臥龍湫天上水

遂初堂集

台蕩遊草

毛

縈成綺練激成花

千佛巖

一簇雲屏秀蔚藍齊抽玉笋碧氍毹千華座土標千佛
誰住童真得徧叅

樹巖

嵩山漢栢枝如鐵岱頂秦松幹若龍不似茲巖偏怪偉
雲皴霜剝百千重

道公澗

洞敞懸崖俯萬松松陰不隔翠微峰老僧畱我銷長夏
永滌肝腸雪鍊容

瑞鹿峰

不見熙寧古道塲枯楓亂竹鬱蒼涼山頭瑞鹿還岐嶷
獨自銜花供法王

閻王鼻

醜石枯槎怪百端鐵圍變相畫應難何人摸得閻王鼻
劍樹蓮花一色看

大剪刀峰

障日危峰掠面來銛鋒搖動合還開霞紋嵐彩朝朝變
知是天公費剪裁

側對橫看步步移石帆天柱一峰爲夏雲善幻應如許

遂初堂集 台蕩遊草

天

不道人間有此奇

鐵城嶂

削壁爲城黑四圍日臨鐵甕澹無輝行當骨冷神寒處
忽見長虹捲地飛

大龍湫

聞說龍湫瀑布雄一回親見詫神工懸空瀉落無根蒂
廬嶽天台迥不同

輕於霧縠薄於綃碎剪銀絲萬萬條倒捲迴飛難著地
層層盤舞下三霄

澄潭數畝傍巖開水注潭心響若雷躍起更爲衝激勢

鷗馳霧捲逐人來

忽爲直瀉忽橫鋪谷口風來應嘯呼忽更斜飛無處所
隨風散作滿天珠

空靈變幻總如神天上生龍不可馴說與世人渾不信
漫誇玉練與天紳

水簾谷

左壁千尋飛瀑下右巖數點水簾垂天公手筆嫌重複
故裂輕綃作散絲

詎那亭

大阿羅漢心無住亦愛龍湫面壁觀一定千年猶未起

遂初堂集 台蕩遊草

天

誰於耳畔指輕彈

觀不足亭

左看天柱右龍湫天下神奇指掌收盡道一生看不足
何人信宿此淹留

石門潭

削立雙崖闔扇開飛泉百道懸轟雷石痕盡作盤拳勢
曾透垂龍爪甲來

相傳石門是龍觸焉

獅巖

巍峩當路一獅踞萬虎千熊氣欲吞不是空王調御力
便應騰蹴到天門

象巖

截流香象勇無遮穩臥深山獨蛇牙肯戀金門三品料
隨他仗馬共排衙

望天貓

畫猶未若茲峰肖聳耳昂頭喚不回莫是空中有天鼠
騰身欲與捕除來

鴈湖

鴈湖盡道險無倫荆棘漫山古路湮畢竟登山須到頂
何妨身作鑿空人

苦雨連綿應禱休一僧作導便堪遊貫虹射石憑吾勇

遂初堂集 台蕩遊草

辛

無宿無餐百不憂

越嶺踰溪路幾盤攀藤梯石不辭難一筇透入狼狐穴

贏得樵夫膽亦寒

歷盡懸巖與削崖天棺橫塞峻無階奮身獨上三千尺

點額餘人不得偕

山絕處名
天柏岩

透過重關路却平翩翩真似御風行蒼龍脊上飛騰過

方見澄湖一片明

九天之上九淵藏此理憑何著揣量始信西荒星宿海

河從地湧發源長

湖是靈湫碧一泓只嫌葑草作叢生何當淨洗淤泥出

夾鏡交光相照清

誰道經秋鴈始來只今棲宿不曾回裂雲飛起一行去
久斷人蹤應見猜

萬山帖帖海沉沉身在瓊臺俯首臨一嘯天風飄下界

却疑雲際有龍吟

塔寺平沉語浪傳臥雲縛屋住經年

明季臥雲禪師
曾結茅湖畔

能遺世棲峰頂暫作瑤池半日仙

自性沙彌導游鴈湖酬以二絕

舉世無人識雁湖小師奮勇破荒途五丁一斧鑿叢闢
驚起眠龍與宿鳬

遂初堂集 台蕩遊草

壬

重重扶我過危巒歷盡屏顏不覺難親濯湖波唯爾我

世人都向畫圖看

重過大龍湫觀瀑布

久住欣逢宿雨開仙山一去幾時來龍湫飛瀑真尤物

更著芒鞋看一回

急雨連宵捲白波瀑添新漲勢傾河一潭盡作明珠沸

飛沫飄來隔岫多

卷煙成片雪成團滾滾從空落玉盤更被瞳眈晴日照

珊瑚網映碧琅玕

瀑噴巖頭幾丈離循巖側立看方知更於湫內憑空望

天際龍騎冉冉垂

扶隱披潛薄有情巖腰高處見題名白雲菴路無人識
恨不龍湫背上行

重過靈峰寺

雁山名蹟披尋遍回看靈峰畢竟靈却似讀殘諸子史

重翻莊論與騷經

欲去還逢宿雨留細評泉石是良謀梯航他日重相訪
何似衝泥更一遊

清嶺軒贈暈芳上人

泉響松濤入夢清夜聞風雨曉還晴道人面壁終年聽

遂初堂集 台蕩遊草

三

聽到無聲始識聲

贈栢林上人

傾蓋相依總宿緣最難山水共周旋與君旬日同遊屐

三笑爲圖好竝傳

燒笋烹葵味不窮茲茲真率是家風他年一枕仙山夢

長在靈芝瘦影中

白溪出山

白溪新漲白於煙猶是靈峰澗下泉十里雁山遮復露

多情相送到江邊

乍來直似逢仙偶再到應如遇故人莫漫登程悵離別

別時重見轉鮮新

贈東甌守劉裕公

永嘉風土最清嘉雅稱君侯擁絳紗夢草詩成賓從服
換鴛書出吏民誇海雲飛處頻開閉訟牒空時早放衙
最是心清堪臥治隨車靈雨沛桑麻

單騎行田鳥不驚評泉品石最多情龍湫曉立看虹飲
玉甌宵眠待日生屬吏每參文酒會新詩常對簿書成
風流文采如蘇白不使前賢獨擅名

李烈婦

烈婦吳氏樂清貢士李應官之妻戊子歲避亂

遂初堂集 台蕩遊草

三

平陽過芙蓉江被掠欲自沉恐不得脫乃掠簪

耳散擲兵爭攫取之遂躍入水死時李生在王

甌蜂夢婦泣語曰君在此吾已至蕭家渡矣亟

歸求屍果得之蕭家渡逆流四十里經十日顏

如生

羅陽山頭虎怒嗥橫陽江邊人遁逃兵來截江若風雨

殺人殺紅顏女李家新婦閨中英求死不得機智生

亂擲鉞鉤餌貪卒躍入江心葬香骨江流赴海如驚弦

風濤茫茫去無邊如何烈婦屍逆流上清川夢告良人

山之顛經旬如生神凜然乃知貞魂毅魄死不滅訶護

蛟龍召霜雪君不見清風嶺曹娥渡千秋下拜人無數
更添烈婦廟蓉江夜夜潮頭拍天怒

平陽學博沈升致招飲署齋

愛君官舍似園居雲入軒窓鳥下除畱客江天柳熟後
開尊竹閣雨涼初清宵正好談山水冷署猶賢對簿書
爽氣朝來情不淺門生隨處擁籃輿

嚴九臨見贈長句走筆答之

嚴安才藻重蘋洲年少翩翩負笈遊賓館有魚千里近
海天多雨四時秋贈來佳句珠盈把看盡奇峰月滿樓
午辦芒鞋能試否攜琴同上雁山頭

遂初堂集 台蕩遊草

仙巖飛瀑

仙巖飛瀑天下雄溪山第一題聯翁我浮扁舟溯新漲
溪迴谷轉聞疎鍾鹿眉導師此卓錫芟除榛莽開琳宮
相逢一笑如風舛孤筇導客穿雲松奇峰齧天虎牙豁
怒瀑震地雷車轟渴虹千尺挂天矯冰綃百幅懸瓊瓏
時隨迴颺飛沫梅天疎雨飄濛濛更尋雷潭攀絕壁
巖腹甕剖中嵌空俯窺沉沉黑無底轉石下墜聲鏗空
遙看白波落雲際龍鬚冉冉垂天風三潭境界各清絕
冰壺洗面雪濯胸我登雁山及玉旣已訖銳剗煩神工
不圖南遊復見此天公巧幻真無窮禪師兀坐萬緣息

話到山水還飛翬選徧千巖獨悽此詎那觀瀑將無同
一宿繩牀冷心魄朝來欲別愁匆匆奇峰秀壑領不盡
剪取匹練懸窓中

寶巖十景

石門鎖翠

石壁暗藏門遙看絕塵鞅唯容透關人披雲自來往

雲端化城

秘洞穿天心飛樓排月面撥盡萬重雲別峰許相見

北峰春秀

峰峰遙拱抱嵐翠日鮮新不斷花開落長畱萬古春

遂初堂集 台蕩遊草

東谷夏陰

大地皆炎蒸此中獨涼冷人境兩忘時爐炭成冰井

西崖秋爽

西山如畫障挂我矮簷端落盡蕭蕭木蒼然玉骨寒

南屏冬日

蒼崖不耐冷曝背過三冬透漏真消息梅花破雪封

中臺夜月

何地無明月閑看只此臺清光與孤影徹夜兩徘徊

靈谷傳聲

懶與世人談聊共片石語問答無異音歷然具賓主

石鏡流霞

奇石卓巖邊纖纖欲刺天一從成慧炬無復劫灰然

青蓮吐瓣

一片亭亭秀分來千葉花八風吹不墮長傍法王家

羅隱洞

五洞開何代隔林清磬聞細泉荷卷露壘石菌堆雲訪
古畱鴻爪登危趁鹿羣黃梁炊正熟一鉢與僧分

次韻酬天目和尚

三過本覺堂披老真仙才三到芙蓉亭麗公絕點埃而
我無寸長但愛捫蒼苔喜遇補衲翁虛空能剪裁跨海

遂初堂集 台蕩遊草

三

漉金鱗彌天構香臺仙巖遂三至松月相徘徊瀑流灑
飛雨潭石鳴轟雷一一皆妙諦何人不心閑飄然孤鴻
去瞥爾閑雲來去來長不隔法幢永無摧

陸蓋思學博招飲署齋

永嘉舊是人文地博士元非簿領官署近洞天雲結蓋
家依講舍杏垂壇具書銷夏搜殘帙薄俸畱賓罄一餐
見說鍾嶸詩品細敢將做帚與君看

酬鄭孝先林天杓

偶爲看山到永嘉欣逢二妙盛才華詞雄梅雨千重瀑
筆爛江天五色霞拔幟已曾空壁壘潛鱗寧久臥泥沙

海邦大雅今寥落著述應須滿一車

題名北雁兼南雁落展松臺復吹臺多愧子長真史筆
更慚弘景是仙才新知樂似奇書獲好句驚如異錦來
千里盡簪良不易布帆臨發轉遲回

贈陳星槎

能詩善書白頭翁意匠真堪敵化工蜃海煙霞生筆底
龍湫巖壑幻胸中經鋤有子身堪老絹轡爲材道不窮
贈我雁山圖十幅歸裝習習有清風

贈章下巖

傷

多才何意謝浮名廿載江湖橐筆行社預香山身未老

遂初堂集 台蕩遊草

三

詩畱輞水句逾清依人詎肯輕彈鈇著錄還應做輟耕
擬共仙山徧遊覽紫苔淺處竝題名

遂初堂詩集卷之十

閩遊草

江行雜詠十首

五年不上富春江買得漁舟恰一雙
小拾詩材儲篋笥平鋪畫卷對船窓
輕裝未別千松嶺遠夢先尋七里瀧
萬里一樣高興在衰遲未遣壯心降

綠滿秋江泛醞醕相風欲動早潮催
過雲山似褰帷出裂水帆如破陣來
南國初寒楓未脫殘秋逢閩菊猶開
蓴絲滿地無人採畱佐詩翁漱瀝杯

江山船製似鰕魚廣腹低舷帖水居
掬手清流堪滌硯

遂初堂集閩遊草

推蓬斜日好難書近人鷗鳥衝煙下
侵夢濤聲撲枕初偃仰此中差不惡
雞栖猶勝趁朝車

雙槳夷猶弄晚晴桐廬水色湛空明
涵將疊嶂不勝碧涉盡千江無此清
莎草最憐波底活遊魚可羨鏡中行
羊裘只合綸竿老多事君王記姓名

映水連村樹樹紅霜餘烏柏勝丹楓
山添艷冶浚秋後天借繁華落木中
高下關情憑夕照淺深相間有疎桐
山家愛種非無意怕見春條轉眼空

蓬窓兀坐日蕭蕭靜閱楞嚴百妄銷
風起秋心生簪笠雨餘清韻憶芭蕉
排沙淨揀斑紋石撥火溫蒸嫩藥苗

金馬玉堂成底事荷衣隨分且逍遙

繫纜長松復短松鄰船不約每相逢
戍樓警夜無全柝山寺驚寒有斷鐘
舉酒酌江憐月白引裘加被覺霜濃
曉行慣逐篙師起恐失前山翠幾重

遲速江行不定程緩看潮落復潮生
風來岸岸隨帆轉灘至篙篙與石爭
快似玉鞭馳駿馬險如鐵甲陷重城
年來閱盡榮枯事順逆區區總不驚

一釣涼月饒殘秋欸乃聲中宿雨收
佳醞乍來中戶喜名灘欲過長年愁
圖經疎謬誰當補文獻凋殘未易求
寶笈括蒼名勝地迴帆須作判年遊

遂初堂集閩遊草

天與清狂福不慳無邊風月柁樓間
秋林疎瘦郭熙樹曉景熹微馬遠山
身退江湖原自濶心空日月本長閒
此生已辦終焉計不上浮槎即閉關

溪行雜咏十首

仙霞南下無平陸盡日盤迴亂石間
已遣道旁堆犖确更教波底盡孱顏
強拖舟入裁通水意擬溪行却在山
賴石詔龍稱絕險何曾得似此間關

豕角牛頭險不禁最難防是乍浮沉
橫槎曲檻欄江密銳石斜礁隱浪波
柁轉數驚危走馬船投一孔狹穿針
任驅鬼斧難疏鑿設險由來造物心

走馬穿針
皆灘名

樟灘塔嶺遠知聞溪別東西險不分錯落八行魚復陣
縱橫千隊水犀軍彌陀酒曲船磨石黯淡瀧高浪切雲
直過龍津始空澗盤渦猶作滿川紋

快意驚心是下灘逆流爭似上灘難攀躋分寸愁欹岸
跌落千尋畏急湍進艇恰尋危石罅牽絲遠上碧雲端
關風伏雨如添勢尺步真當濫瀕看

溪船一例號清流窄窄船身短短頭門小不容舒眺望
蓬低裁足展衾幃臥看書卷聊排悶側睇雲山薄解愁
白舫青簾元不惡問君何事客炎州

閩山秀削復葱蘢夾岸臨溪紫翠重船轉不時逢削壁

遂初堂集

閩遊草

三

雲開有意露奇峰青無頃畝籠岡竹老謝樵蘇冠嶺松
豈獨武夷誇勝妙一丘隨處可支筇

清絕延川好溯洞舟行百折與千迴山如襟袖交加掩
水似羊腸宛轉來蒸紙績麻人樂業挾書懷槧士多材

炎方信是知春早十月江梅已盛開

水市山村舊不貧年荒兵後少居民燎薪野岸客防虎

打鼓潑更巫降神地僻不曾疎漢法山濫或恐有秦人
解刀買犢須良吏寒谷先嘘煖律春

天南風物異中州披葛經旬更著裘跨水有橋皆覆屋
傍村無戍不爲樓榕陰愛向當門綠蘭草偏空出谷幽

只有難爲傾耳處禽言人語兩啁啾

閩嶠兵戈實飽經昔年文獻久凋零麻沙舊刻無完板
徽國元孫僅一丁訪古殘碑時洗剔懷賢短棹漫淹停
二毛漂泊風霜裏誰識荒江有客星

長至後二日汀州傅浣嵐太守招同郭外看梅爲

賦長句

臨汀冬月天新晴江梅破萼霜花輕郡侯心閑足幽興
招客同作探梅行初出郊原見浮白漸穿籬落披繁英
一夜天花綴林滿千堆香雪填村平鋪茵花下看逾好
問爾花開一何早暖律能爭造化先貞姿故敵冰霜老

遂初堂集

閩遊草

四

我行梅嶺不見梅江鄉正月花含胎寧知汀南甫長至
千村萬落參差開使君宦遊廣見此歎奇絕而我懷鄉
人把甌不忍折興來更上最高峰下看香海煙濛濛一
聲鐵笛喚么鳳走報素女瑤臺中琪花萬樹墮塵世得
非有意誇詩翁上林盧橘能夏熟曷不徙植明光宮

再同浣嵐看梅分賦

嶺上驚看一樹新寧知爛熳此江濱香風十里尋來遠
雪片千村綴著勻不共春葩爭艷冶偏將冰萼鬪精神
憑誰寄與孤山去腸斷天涯瘦影人
使君瀟灑足清歡減從攜尊到藥欄細弄玉簫驚魄醒

高擎銀燭照粧寒夢回仍有香侵袂賦就何妨鐵作肝
堪笑揚州老何遜惟將東閣一枝看

朝斗巖和韻

削壁懸崖路幾盤丹樓迥壓玉關干山緣拱北星辰近
地更無塵竹柏寒俯視斗城青霄平臨香海雪瀾漫
汀流何事偏南下天與危峰障急湍
坐斷松門一百盤無心與世更相干苔封繡壁乖龍睡
月浸空亭石佛寒遊屐到來霜葉擁樵踪歸去暮雲漫
算來銷夏無如此閑掃桐花漱碧湍

送周龍客遊三山

遂初堂集 閩遊草

五

司農厚德繫人思公子翩翩玉樹枝燕去烏衣無舊業
花生彩筆有新詩薄遊一棹江楓冷爲客三冬嶺雪遲
及見郎君騎竹戲康成老去淚如絲謂樂園門人黎槐曾
明燈官閣徹華筵送爾清溪穩放船劒浦過尋蓬矢地
龍客生於延平榕城到及早梅天旁搜軼事添家傳細錄豐碑
副史編持節故人情不淺謂樂園門人黎槐曾可能荷帳不淒然

寶勝菴

數弓精舍俯寒漪借與維摩半榻空蔬笋齋分香鉢裏
鐘魚清徹夢迴時不須懸畫山園屋正好觀心月在池
料得萬家塵擾擾此中幽趣少人知

遊上杭金山作

汀南山萬重紫金特雄秀拔地千芙蓉一石所鑱就無
峰不峻嶒有穴皆透漏陽岡覆浚松陰崖瀉奔瀉磴道
歷百盤闕天始出牖垂頭看雲霓舉手摘星宿琳宮三
四區層疊綴巖岫金殿在上方排雲出華構境寂鐘魚
清山寒竹柏瘦更上越數峰嵐開豁晴晝汀流曲若環
杭城錯如繡遙青辨粵東遠黛入江右山顛涌靈泉一
泓清可漱神龍灑爲霖亢旱資補救良金閉古坑文石
發新寶天空萬象殊地迥百靈輳我來有夙緣勝侶欣
邂逅藉茲眼界寬一洗塵土陋重遊未可期欲別詎忍

遂初堂集 閩遊草

六

驟長嘯下天門白雲攜滿袖

中峰寺

蒼山峻出白雲端喜有精廬絕壁安坐處不知高萬仞
到來惟覺路千盤飛泉響落晴疑雨古木陰濃夏亦寒
善畫也應難著筆奇峰盡日倚欄看

寄題圓通寺

圓通闢在萬峰顛大地平沉別一天寶剎重重開梵網
奇峰面面簇青蓮三災不到清涼界萬法俱融透徹禪
擬學淵明來入社欣逢惠遠虎溪邊

劉幼職假翫文石詩以酬之

物產信多奇怪石非一狀茲石出江心品列巖岫上滄
波久涵浸銀礫相摩盪輝輝月魄融藹藹玉色森雕鏤
非人工渾成自天匠面如老僧趺背若團扇障竟體作
奇文貝錦詎可況天風翻大波魚鱗蹙細浪彤雲夾日
看朝虹亘天望大巧樸而文千年闕龍藏漫爲田父得
終作詩翁貺人顛粗似米石古合作丈珍護過天球摩
挲手不放知我嗜奇者借觀索新唱山齋十日畱把玩
傾家釀愛其秀潤極儼如璧人傍未敢久淹閣主人恐
惆悵題詩送之歸此君幸無恙

遊水南梅莊

遂初堂集

閩遊草

七

九十日春五十雨落盡梨花不出戶朝來晴霽天氣新
屢誤遊期尚堪補良朋入座無多談芒屨相將遊水南
水南杭川最佳地三折中間一洲綴人無別業專藝花
萬木陰森翠無際竹籬茅舍百十家家門前鋪落花
人意蕭閒物態靜衆香國土無塵沙竟日盤迴綠天裏
俗籟凡襟淨如洗轉入梅莊更豁然池館清幽花竹美
高樓正對紫金山尊嚴如王不可攀七峰峻嶒聳角
美女娟妙低煙鬟城堞參差露華棟倒影波心欲浮動
清溪約山平不流風帆煙鳥紛相送主人好事挈榼來
清言雅詠相徘徊惻然長嘯山答響遙勸山靈酒一杯

大冠修劍足荆棘青門紫陌多塵埃童冠風詠有天趣
而我不樂何爲哉如此山川良可懷重遊但願風日佳

美女峰

聳翠清溪上亭亭十一峰欹斜偏有態淡冶爲誰容石
竹含煙潤山鵲帶雨濃攀躋不到處雲外一聲鐘
愛向溪山宿都無俗累牽僧房危石底客枕濕雲邊幽
境欲無夢清言易入禪雨歸沾濕好巖瀑百重懸

普陀峰

客居苦岑寂青山差可交普陀有佳色不與羣峰泝策
杖恣幽討微徑緣巖磬奇石作人立清泉疑虎跑萬松

遂初堂集

閩遊草

八

攢一翠白日行林梢老僧遺世者蓋頭以把茅枯木憑
作几冥棲如鳥巢風磴陟百層古殿藏雲均石瘦足香
茗潭淡有潛蛟臨眺窮下方綠樹間丹苞秀野錯若綺
重巒疊成爰攀登不知疲我友攜行庖醇美識家醞芳
辛辨山肴觴詠竟日夕悠然謝喧曉浮生草上露世事
風中泡奈何縛名利富如雀黏膠高懷寄山水古意存
陶匏且舒孫登嘯休解楊雄嘲

贈汪悔齋年友

海內論知已休陽洵絕倫崢嶸經世業磊落濟時身霜
柏儲才大錕刀淬鏢新升朝以文學報國用經綸奉使

窮漢外宣威絕島濱天心眷英略俗態薄文人出守官
仍絀孤忠道竟伸冰壺懸皎潔玉柱聳嶙峋部屋歌廉
范 楓宸簡寇恂超遷子持節重寄表全閩察吏六條
肅平刑九棘均小心精法比明目廣咨詢奏獻釋之允
平反定國仁外臺無滯獄一路少冤民涇濁泊泊浪
馳哀哀塵了身為砥柱雅志在埋輪力撥朱絃正潛移
黍谷春具僚資表率薄海荷陶甄豈意鄒枚選居然羊
杜鄰人材那可測吾道未全屯憶昔同升日恭逢戡亂
辰闕門求俊又側席待沉淪禮過徵黃綺人如得殺辛
殊榮開禁近異數寵儒紳虎觀聯翩入天顏咫尺親

遂初堂集

閩遊草

九

卷絀金匱秘饌給尚方珍賦擬追揚馬書將敵范苟蛾
睂原易妬龍性况難馴蘭忌當門種魚憎出隊鱗未須
辭謬謬已覺晉中申射影機關巧權權放逐頻不才甘
瓠落朽質自輪囷一鍛蓬山羽長依笠澤尊分畦栽藥
草芟徑理松筠跋脚攤書榻蒙頭漉酒巾探奇窮岳瀆
訪古徧齊秦命駕時千里掩關或百旬著書希待後味
道欲尋真散木安瀕斷羣材歎積薪幾多隨逝水強半
逐漂蘋瓜摘愁連蔓花飛少墮茵棄捐非
聖主祗濯盡貞臣賴有垂天翼高翔橫海津從容調玉
燭取次轉鴻鈞岐鳥祥因鳳郊蹄瑞爲麟一藝堪補袞

六逸且垂緡嶺路峰如繡溪灘浪似銀黃甘香掩冉紅
荔熟圓勺偶想班荆話聊爲下榻賓非君敦夙好古調
若爲陳

西禪寺啖荔枝作

荔枝信仙品色香味香三絕所貴餐鮮新風韻天然別陳
紫與方紅名種漫標揭經宿輒變改徒勞遠提挈我思
就樹餐好友相贊決長慶古道場林溪地幽潔有荔枝
百株森若翠蓋列壽者或千年磊何見高節丹苞綴離
離綠雲點猩血畫筆染不成清香隨風徹須臾摘滿籠
露珠尚停結徐徐絳囊剖宛宛輕綃掣冰丸映若空瓊

遂初堂集

閩遊草

十

渠逆欲裂綽約素膚凝晶瑩玉肪切無滓入口融有液
心脾冽清疑仙掌露涼比天山雪誰誇葡萄甘詎數楊
梅熟一餐此奇勝餘品皆凡劣楓亭與漳浦佳種人競
說安得到彼中芳鮮親採擷歸來北窓眠餘韻猶在舌
萬事貴撥新轉眼菁華竭可憐華清宮殘腊猶咀嚙

汪悔齋臬使餉楓亭荔枝疊前韻

荔枝貴佳種凡品乃懸絕譬如王謝兒超然氣韻別上
產出莆中品第舊譜揭楓亭近得名筐盛與籠珍重
獻上官疾走須踵央一宿香未變露顆猶新潔外人希
得嘗庸品漫羅列汪公吾故人官尊到持節饋遺却銖

黍謂是民脂血薦新獨畱此愛其芬芳微憐我渴相如
分餉慰煩結堆盤千火齊餼綃不畱掣入手玉彈圓落
喉水漿裂核小吐若無肉厚脆可切哀梨遜爽美綏桃
讓甘冽人言荔帶酸得此在始雪如對藐姑仙一洗俗
腸熱如騎汗血駒一空凡馬劣真味祇自知雋永那可
說驛致尚如此何況披露擷不虛萬里遊仙味幸霑舌
羣公侍金門奏草才思竭徒聞貢生荔一九焉得啗

閱曹秋嶽先生與陳伯駒荔帖中有長句推重及
余輒步原韻志感兼與伯駒索荔

海天一鶴孤飛迴故人珍重芸緘開先輩風流見遺墨

逐初堂集 閩遊草

士

水壺濯露無纖埃折節窮交若昆弟百念灰冷惟憐才
角險爭奇必移晷手摘天葩賤凡綺目空萬馬無神駿
謬賞名駒足千里富平之李松陵潘南北詞壇相對起
獨鑒惟同老友論狂瀾思用一柱砥哲人去矣蓬山遊
鳳毛鴻爪人間畱志業蹉跎負知已瓢笠剩與江山謀
飽啖荔枝思勝畫有同拔士須拔尤憑君遠餉勿謙損
品第曾經第一流

勝齋荔名
出長樂

簡陳伯駒兼索長樂荔支 曹溶

好風吹送吳船迴柳花如雪山房開四海何曾慳武
庫一方且得除昏埃赤豹眠雲閑波壑青芝映日憎

几才志士不樂玩修暑須向詞場刷几綺富平李君
擅長句秦關擊柝動千里陽九生才每不窮潘生近
自松陵起過此江河看善下雖有巨障莫可砥子將
訪友更邀遊我獨奚爲畢歲畱草衣掩泣馬廐下飽
啖荔枝非人謀閩南此果倫類雜誰握冰鑑登其尤
頽玉克盤却驕暑雲峰高瞰洪濤流

伯駒餉長樂荔枝疊前韻却寄

江船侵曉乘潮迴封題鄭重筠籠開殷紅照眼三百顆
驪珠出水鮮無埃一嚼冷然賞高韻林下風骨神仙才
清香襲人欲移晷涼入詩脾濯錦綺蘇門逸嘯對孫登

逐初堂集 閩遊草

士

洛水清遊共千里佳處可領不可說水落山空見雲起
光音天人厭地肥乞與瓊漿齒一砥消渴文園已倦遊
端爲此味成淹畱君家久住荔陰裏掩露而食誠良謀
紅塵中人夢不見利名渴死天何尤期君更作釣鼈約
蓬瀛濯足清淺流

遊鼓山憇白雲廨院

暫歇籃輿步石梁院門古樹綠千章僧來雲窟衣衫潤
客飯榕陰几簟涼百道飛泉歸絕澗一聲清磬出新香
人生豈合埋塵土世味何如道味長

湧泉寺

山行不見山，溪松覆如幄。滴翠沾人衣，晴雲時滿掬。修磴延清風，危亭肆遐矚。忽聞鐘魚聲，招提在巖腹。規制特崇宏，威儀殊肅穆。客至浩如歸，旋汲新泉沐。院主法臘尊，道風聞九牧。軟語接凡夫，劒鋒不可觸。山空月華朗，夜靜天香馥。自然生道心，無勞遣塵俗。高齋涼如秋，一榻清寐足。可歎市朝人，紛紛夢蕉鹿。

喝水巖

鼓山厚而藏，茲巖特呈巧。山骨露無餘，削成類天造。兩崖劃崇墉，一澗鑿深沼。石奇天卓笏，木古龍垂爪。靈境開鴻濛，殊庭割昏曉。仄徑循懸崖，下闕絕壑窅。清泉吐

遂初堂集

閩遊草

三

龍頭餘潤滋，苔草廣亭可。盤桓炎威失，如掃攀蘿過。石門道窮出，雲表落日照。江洲毫末皆，可了此地信。名區來遊古，不少題名石。如林爵系半，可考筆蹤儼。猶新其人骨，已槁未知天地間。何物差難老，百年駒隙中學道。苦不早曠觀，發遐思興言最同抱。

國師塔

一枝聖箭透重城，千載南荒祖令行。無縫塔中標塔樣，隆隆石鼓半天鳴。

鳳池菴

行盡茶園到鳳池，山巔奇絕貯清漪。靈禽乍浴人稀見，

僊藥叢生僧不知。雲戀塢浚遲出岫，竹當峰缺早抽枝。寒山去後豐干老，懶惰無心覓虎騎。

白雲洞

石洞肖獅口，本是雲所居。山僧占之佳，厦屋寬有餘。雲意未忍別，賦質幸清虛。共住亦何礙，來往成相狎。徘徊榻間乍，卷還乍舒我。來值雲去餘，潤猶在裾垂。頭看下方川，原綺繡如榕。城十萬戶，照耀日出初樓臺。及門觀歷歷，掌上臚有時。片雲起大千，覆須臾。浩如泛瀛海，獨立騎鯨魚。茲地洵幽迥，泉石亦不殊。賴有雲變化，奇態難爲書。割贈諒不可，僧云祇自娛。

遂初堂集

閩遊草

古

登劣削峰絕頂

北溟之魚南溟鳥，飛騰變化窮八表。吾生何爲居甕中，百年甘作醯雞老。所以登山必登巔，欲舒雙眼青霄邊。鼓山之頂出雲際，眺望可盡東南天。我來值晴明，萬象何澄鮮。山川見條理，原隰分術阡。南條之山盡閩嶺，奔騰到海何雄猛。龍蟠虎踞開名都，萬壑千峰脉井井。重江西來匹練長，迴環曲折趨大荒。日照遙沙作金色，窮溟無際青茫茫。粟散百千國，浮沉海中央。蓬萊清淺凡幾度，仙人頻見還心傷。下視榕城青一簇，摩肩轂擊爭相逐。王圖霸業總成塵，達者觀之蠻與觸。誰能徑上七

金山大千世界臚掌間淨居天上清涼境罡風吹墮何時還

再宿列祖堂

山徑涼無暑虛堂夜更清風來天界澗月到上方明勝友無凡語高僧不世情汲泉烹茗罷團坐話無生本是清齋客食來佛地居戒香薰鉢衲塵夢警鐘魚祖位燈相續開山後共八代禪師禪關箭不虛周何同有累勇割意何如

贈爲霖和尚

龍象凋零末法秋一尊古佛在南州普將一雨霑羣品

遂初堂集

聞遊草

圭

牢把重關截衆流和尚不輕付囑故云石鼓傳聲雷震地金輪坐斷雪盈頭永明筆舌慈明眼度盡衆生願始休

吸江蘭石

樹合疑無徑峰迴忽有菴江光鑒牖得雨氣石林含屋小偏空坐僧孤似可談巖棲應就此彌勒許同龕

題武夷萬年宮

路接仙源步步幽瓊宮肅穆枕丹丘陰濃萬樹深藏殿翠掃諸峰半入樓薛壁題名龍漢劫羽衣吹笛洞天秋羣仙小別經千載試下虹橋話舊游

十月望日同劉渭生徐肖未諸子宿天游閣

夙聞天游奇今識天游路胡麻澗裏曲磴藏仙掌峰巔孤閣露地高復在山中央俯看羣岫兒孫行九曲溪環盡縈折三台峰對無低昂我來恰值風日美落照層層見蒼紫須臾皓月行空天白浸千巖淨如水地主好事攜尊來一掃萬古塵襟開濯魄冰壺不知冷天風載我浮蓬萊欹枕不成寐喔喔天雞聲披衣推戶觀落月寒煙漠漠埋山平鴻濛天地不辨色但聞溪灘流水鳴琮琤東方日高嵐氣伏漸漸峰尖露微綠忽濃忽淡鮫綃橫乍合作開波浪蹙飯罷游雲始盡除山川揭露轉清曜佳士彈冠新沐後美人櫛髮曉粧初六六奇峰甲閩

遂初堂集

聞遊草

圭

嶠茲閭居中領其要四時明晦總相宜雨岫晴巒盡靈妙雲海今朝成大觀何當終歲此盤桓未飲刀圭先換骨此身已在白雲端

壽黎愧曾

我行數千里恨不見偉人文獻竝凋殘往事誰討論臨汀萬山中地樸民風淳乃有黎大夫歸然靈光存公少盛文譽華星燦秋旻早射彤庭策司李饒江濱冰壺凜清操斷事明如神治行推第一單車入西秦揚旌鳥鼠月駐節崆峒春三遷按靈武寇亂方紛紜畫灰決軍事舉扇清邊塵功高賞不酬強健遽乞身高臥龍山陽悠

然對松筠林居十六載無書到金門我昔仰風慨雲龍
不可親茲來接親誨溫溫如飲醇門風比萬石鄉里推
荀陳著作爲必傳老筆彌清真只今杖國年矍鑠無與
倫香山樂池上放翁老山村天階不盡福晚節揚清芬
丈夫壽千古薌華安足羣但能書琬琰何必圖麒麟

遂初堂集

聞遊草

七

遂初堂詩集卷之十一

黃廬遊草

將遊黃山匡廬書懷二首

我生愛探奇足跡窮海嶠羅浮與勞山絕遠無不到如
何睂睫間乃有未登眺黃山天下奇仙靈閭堂奧千華
削玉齊萬笋排空峭竊窺雲輕明瞻龍松古物徒然撫
圖經恐詒山靈誚決策一往遊及此未衰耄故人況林
居吳祭酒遺榮而味道閉戶修山經冥搜有同好
籃輿諒能將勝侶定可召所至得從容庶盡山水妙世
事纏綿長一撥如快鶴和風颺晴濶疾鼓桐江棹

遂初堂集

黃廬遊草

一

匡廬九疊屏奇秀甲萬山精籃千百區錯落巖谷間高
流此棲遯一往不願還我昔浮鄱陽倒影數翠髮風利
不得泊香爐失躋攀到今抱遺恨企想披雲關夢覺大
槐根舉世惟我閑如何久掛展坐令腰脚頑溯江遶潯
陽千里非險艱似聞通門士德化令紀秉龍守官清且嫻爲我
辦芒鞋不勞費一銀便當乘興去玉芝採璘璣漱齒瀦
布水題詩五老顏俯視紅塵中高謝觸與蠻

過長水訪朱竹垞閱其藏書同過天香菴看梅等
繆天士李斯年周文石諸故舊口占長句

將爲汗漫遊取別膠漆友小別動經年那能還分手我

已懸旌不可畱君言停橈且少休子非壯年我頭白肯
可相遇如浮鷗感君此意佳一日聞君藏書富無匹列
積芸籤盡秘本連牀號紙多鈔筆隻字搜來劫火餘非
金購自故家出一鸞已堪壓鄴架三篋定可補石室今
年積寒勒江梅絕奇上已逢梅開野巷疎籬十數樹娟
娟香雪粘蒼苔此鄉故友多零落繆李猶存欣嬰鑠浮
沉不異九秋萍出處何殊一丘貉古南禪伯今則無
尚和米市詩翁不可作父青士之人生良晤非偶然不惜明
燈照澆酌吾曹自有千秋期莫嗟衰晚愁鬢絲旂常鐘
鼎非吾事著書藏山猶未遲我方躡屣登匡廬君亦浮

遂初堂集

黃廬遊草

二

舟遊武夷歸來各攜赤文綠玉字要補上世石鼓銅槃
辭

釣臺

雲羅張百鳥不挂九霄鶴神龍倘就羈何殊蚓與螻嚴
陵巢許倫意度何寥廓帝王一批糠將相一螢燭故人
自天子吾目無京洛招來共被眼詔詔長伸脚客之尚
不可矧敢廢以爵還歸把修竿獨釣萬仞壑清風激頑
懦千秋儼猶昨荒祠胥蛛絲像古玉骨削君看此風標
雲臺那得著碧山簞亭清江流漠漠靜對兩無言巖
花自開落

新安江四首

睦州到新安清溪三百里茲惟漸江源遠出三天子我
行泛輕舸春日正晴美柔風逐帆來弱浪隨槳起滌硯
雲容容塞裳石齒齒一碧涵空天微紅綴桃李清無沙
土畱淨若月露洗豈惟不掩鱗投針亦可指方信詩人
言見底不虛耶

江流既清駛夾岸山更佳蒼翠來無窮重疊相交加或
如側立屏或如對排衙纖秀拔孤笋青葱露雙鬚冠嶺
松茂密緣坡竹鬚髯倒影落江中素波映丹霞賦心攬
千變畫筆兼數家蓬窓坐臥看活火烹新芽差勝長安

遂初堂集

黃廬遊草

三

道立馬迎風沙

清溪千百轉一轉一佳境時時見澄潭往往得秀嶺人
家出炊煙野寺來塔影孤村雞犬閑小市魚鹽冷山椒
乍開梨水際未殘杏嚶嚶鳥鳴幽脉脉泉流靜觸物多
賞心紛來不遑領飄然泛孤槎不辭江路永只愁占客
星誤到明河頂

江源從高來逆上多急灘去灘數百步已聞水淙淙篙
師各盡銳百丈牽危竿碎石過壑確峻磯脫巘屹我嘗
客八閩惡谿歷千盤奇險試九龍區區何足難况逢春
流淺百里無驚湍舟從枕席過不礙眠與餐清遊天所

相隨寓無不安更禱十日晴山行盡奇觀

安羅樹歌

樹下為安羅園吳榜香與弟綸園蘭書處余假館焉

安羅本自天竺樹託根鹿苑金仙家移來震旦不可得
凡土未易滋靈芽安西表箋漫稱述北海碑筆徒矜誇
不知何人致此本遠發蔥嶺踰龍沙博訊福地特栽此
潛虬山谿清且嘉到今閱歷幾人代神斤鬼斧不敢加
蟠根十畝絡地肺聳翠千尋停日車古幹崛立鐵黯淡
樛枝反走龍盤拏三月四月始抽葉五年十年一作花
簇如銀盤堆火齊爛若天半開朝霞三霄天女下結髮
百里蜂王來放衙落英層層鋪綺褥結實顆顆排丹砂
遂初堂集 黃廬遊草 四

主人為園傍此樹直披翠幄垂簷牙沐餐清芬長道味
醞釀秀色蒸天葩我來坐臥五晝夜寒芳吸翠良已賒
畫圖妙筆想三絕吟詩斂手慚八叉泰岱秦松化朽枿
嵩山漢栢為枯槎何如此樹年壽永劫火不到罡風遮
更祝天龍勿靳惜分移多本傳中華八方普蔭不偏缺
香風逸韻流無涯

潛口訪汪扶晨

當宁曾聞賞子虛盈廷未肯薦相如坐令和璧長埋璞
誰信驪珠可照車黃海煙雲憑管領墨林榛棘藉耘除
異時谷口今潛口百疊青山一草廬

猗中追懷汪伯玉先生

新都數文人首及汪司馬生當升平代官至台司亞盛
年臥林泉揚風而屹雅詞筆照一時聲名走天下猗中
一弓地形勝侈摹寫曲折類輞川清幽比稟冶我來訪
遺踪惟見碧流瀉當年讀書臺零落無片瓦蒿艾長於
人泥沙淡沒輟因嗟成壞速足驗萬緣假藏山有負趨
日月不堪把借問風燈中誰為堅久者

望雲門峰

路入黃山不見山雲門當面獨孱顏略呈奇秀千峰表
引客來時送客還

遂初堂集

黃廬遊草

五

湯泉

天都峻極標青真上帝高居朝百靈顧視凡骨哀伶仃
載肉之軀饒穢腥賜以湯沐登福庭潛驅神工鑿翠屏
石髓迸出金膏零煑以陰火噓赤靈融蒸丹砂漱空青
澄然一泓碧玉渟不寒不熱長清冷春陽溫和蘭澤馨
浴之五內祛煩醒疏導百脉通諸經如病得甦醉得醒
三尸遁逃神清寧身輕直欲乘雲翥氣爽兼可役六丁
上真遺言更細聆先當洗心後鍊形身本無垢玻瓈瓶
垢從何來盍惺惺解汝帝懸除天刑勿以清渭滑濁涇
濯魄水壺澡中瀝纖塵微滓不遺停何難高翔騎鳳翎

天門蕩蕩畫不局瓊漿一吸三千齡

祥符寺

牢落前朝寺無僧竹樹清矮牕看壁色高枕聽溪聲就
浴褰裳便停輿襪被輕殘碑不可問糾繹見題名

桃花源

緣溪尋石路撥草得書堂雲過衣衫潤風來藥草香瀑
飛千澗雪花綻一林霜丹井分明在白雲何處鄉

慈光寺

黃山百神居體勢窮偉怪太古人莫窺深潛萬山內前
賢間題詠登覽實未逮秘藏開有時靈蹤無終晦靜門

遂初堂集

黃廬遊草

六

乘願來一錫披荒蕨巢居雲霓嶺絕粒豺虎隊道力感
人天諸緣畢來會龍函國母錫玉帛三宮資金銅像七
層輦送來天界地湧琳宮新神營寶坊大從茲山徑開
稍稍通軒蓋茅菴布谷中竹杖穿雲外峰巒無藏奇開
士功爲最到今滄桑餘精藍儼然在鐘魚肅清規賜物
畱前代戒定力所持不隨三災壞亭亭木蓮花挺立見
高槃導師餘蔭存千祀無翦拜

贈中洲禪師

震旦神奇第一山久無龍象住中間賴師獨唱無絃曲
有客頻敲枯木關金色界居緣不小莖茅剎現任方艱

時方議重
建大股
見虛眞面何人洗三十六峰相對閑

文殊院

誰從削壁架飛橋直上層城透碧霄雨洗千峰初獻藹
雲籠萬壑欲生潮人眠月窟膚寒栗界入風輪閣動搖
便與清涼無別境不煩金臂更相招

天都峰

黃山百千峰茲何獨稱長大巧不炫奇尊嚴故無兩中
天開帝廷萬靈此朝饗肅穆垂冕旒森嚴排甲仗梯空
一萬重拔地九千丈煙雲升及腰日月行在掌羣山自
言尊對之失氣象譬如見眞人羣雄自頭搶蒼蒼百里

遂初堂集

黃廬遊草

七

外孤標已瞻仰卽之如可親攀之莫能上石闕望我
天橋矚朗朗載肉無由升徒然結遐想

蓮花峰

一峰駢千峰萬石攢一石化工何太巧削成不畱迹想
當鴻濛初天根始甲拆羣峭紛上干一莖遂分割或側
若笏簡或端如圭壁軒軒鳳開味落落鵬鸞翮合成千
葉蓮亭亭插空碧蕩漾雲海中揚葩復含葩蓮臺百萬
層中爲列仙宅天池聚荷珠灩灩盛玉液欲往從之遊
雲衢誰能闢天風起蓬蓬思借王喬舄

丞相源

十里松杉到寺門遙峰如蓋正當軒清溪流出桃花底
錦石鋪來竹葉根人臥空堂雲不去山圍高閣雨難昏
此中若肯開蓮社元亮先思斷酒尊

皮篷訪雪莊禪師

高僧本逃名獨臥萬峰頂何期名遠聞鶴書下延請三
辭不可却暫到紅塵境緘口不談妙避喧如避牢堅求
放還山雲鴻逝冥冥我來訪高蹤大壑雲萬頃蝸廬寄
其間飄若一煙艇焚香披畫圖汲澗烹茗芋人如冰雪
清韻與松杉冷利名所波靡細流亦馳騁舉世爲紅爐
君心獨古井卽此是說法何須白拂秉聽者有何人山
遂初堂集黃廬遊草 八

頭石首肯

光明頂觀雲海

黃山奇百千最奇在鋪海變眩由天工可遇不可待我
來何幸得見之光明頂上新晴時初看羣岫出煙縷漸
見衆壑生漣漪相逐相摩旋凝積漫空飛絮彌天帛埋
却山河越席平結成大地玻璃白置身恰在最高峰雲
所不到天瞳矐日光下燭發奇彩大千世界銀濤中須
臾解駁水紋碎露出峰尖倍青翠日高風動雲散飛千
隊歸師萬旃旆茲遊如觀戰昆陽戈矛劍楯相撞搪戰
罷煙塵掃無迹鯨鯢奔騰虎豹藏又如洞庭覽張樂釣

天廣奏紛竿箭九變終時萬舞收野曠江清天漠漠
萊海市不足誇阿閼國土無塵沙世主與雲供文佛妙
嚴法界如是耶萬象森羅齊湧現崇朝變滅何須歎漚
生漚滅本來無器界根身同一幻

平天砭

半空石路坦然平曳杖蒼龍脊上行高不作峰峰盡拱
無邊煙海一梁橫

鍊丹臺

千峰競嶢巖平地無尋丈何意逢丹臺豁然得空曠平
如百畝陂寬容萬人仗羣峰爲蓮瓣側立環相向茲臺
遂初堂集黃廬遊草 九

黃廬遊草

九

乃蓮房宅中無倚傍一正壓衆奇明廷始宏壯想當軒
皇遊百神肅主嚮合樂奏鈞天集靈開黼帳不有寥廓
區詎名天子障連朝苦犖確得此神一王雲海方新開
餘波猶蕩漾似坐萬斛船平臨北溟漲天風儻然來弱
骨輕欲颺便執化人裾永投夸父杖

天海菴

一菴卓立黃山心煙林無際香光煖榻下空濛三海蓄
意中紫翠千峰臨遊屐遙思此中脫何意堂空人跡絕
見說山僧不耐飢一笠飄然與菴別萬頃煙雲變態新
如斯供養不爲貧欲求銀地開山主須是蘆芽透膝人

飛來峰

何峰頭一笏排如連似斷莫驚猜五山尚自無根蒂
也倩神鼇首戴來

西海門

黃山以海名其義不可詰及茲窺海門境界果奇絕巨
壑無津涯千峰中森列細大各標新低昂爭鬪謫雲氣
涵浸之出入互明滅雲屯綃幕封雲散銖衣揭何殊觀
蓬瀛浩淼煙濤濶島嶼如星羅金銀見宮闕造物大幻
師幻成真不別身世本來虛大地浮漚結聊爲不繫舟
萬里恣超越莫漫投長竿恐驚六鼇掣

遂初堂集

黃廬遊草

十

始信峰

三十六峰舊著名始信後出奇天成一筭單抽峻千仞
鈎梯不到如金莖旁峰可上限絕壁飛橋懸度心忤忤
天生奇松與援手徑造峰頂排空行如登浮屠不循級
頓踞上層神鬼驚峰端銳削不容席振衣鵠立穿青冥
俯視奇石百千隊橫披側露無潛形撫摩峰巒蹻飛鳥
揮霍雲海騎奔鯨杖履遙看作仙影嘯歌飄落爲天聲
載肉之軀那到此軒皇風后如相迎寒江烈士江文此
獨坐目空濁劫羞吞腥騎箕化鶴等閑事題字不滅苔
痕青登危涉險信有道達觀遺物能身輕退之崛強自

言勇華山頂上嗟零丁

散花塢

黃海信多奇可望不可卽茲塢得近觀天巧披歷歷拔
地石輪囷神鑱而鬼刻爭奇各出意鬪怪畢盡力連嵒
百獸舞磊落千幢植人物旣肖形器玩仍設色寶府珍
駢闐榮花花側塞化工何多暇作此狡獪劇意者古媯
皇補天有餘石遊戲搏衆妙闕藏欲無跡山開竟發露
神奇不終匿驅山有秦鐸乞借安可得但令割一峰秀
堪掩一國

石笏石

遂初堂集

黃廬遊草

十一

山靈酷喜新山格亦善變花塢聚一園天葩鬱蔥蒨筍
石亘橫隄削立石萬片發地而干霄變態齊湧現瑤簪
各單抽牙笏必特指揚旌欲萬舞植戟待攻戰指天天
爲愁劇日日亦眩觀者莫心驚此格非創見南龍本多
骨萬里來蠻甸五嶺百千峰如焰復如箭到江龍欲盡
復此見真面餘波及中吳岸寧開疊巘南土多秀民良
由奇獨擅山秀脉乃靈骨尊品不賤迴頭眺衆峰欲別
有餘戀

擾龍松

松身穿石石纏松一樹周遭蓋一峰看盡奇松無此本

不愁飛去是馴龍

接引松

鐵壁銀山對面垂梯空直上妙難思懸崖撒手憑誰力
得度難忘此導師

蒲團松

密織虬枝作軟藤峰頭孤挺更無朋肯來此上跏趺坐
料得人間只一僧

樵松歌

黃山之松世希有龍蹲虎蹙十而九抱石無枝不屈蟠
冠峰石幹皆偃走煙雲長養常華滋石骨栽培不彫朽
遂初堂集 黃廬遊草 三

雷火難焚浩劫存神斤不到山靈守咄咄怪事旁村樵
踰山越嶺不憚遙伐松爲薪一何忍碎判玉骨批瓊條
萬人賞嘆千年質去向誰家釜底燒山僧百拜乞不得
諸天雨淚如絲飄世間萬事有厄運舟移壑徙多遺恨
洛城兵來羹器空江陵火作圖書盡雖知幻質歸洎融
忍見名松旦夕空且願官司嚴禁約保殘守缺猶堪雄
師子林訪默安禪師不值

昔登九華巔識師掩關處昨聞移錫來撥雲擬相遇何
期還舊山獨立空延佇宿借繩牀下飛泉注懸鉢
無春糧撥灰有殘芋想見犁眉翁高眠擁敗絮聽法不

須人林林怪石聚身世兩俱忘何心戀名譽峰巔臨九
子蒼蒼辨雲樹浩歌臨長風吹向天臺去

九龍潭瀑布

黃山峰高蓄泉少懸瀑不長一目了惟有九龍瀑數層
初來久晴渴而小連朝驟雨兼轟雷千山出泉下如揭
處處衝湍湍澗邊往往練光曳林杪竭來再過天紳亭
龍潭瀑勢何天矯白虹垂空千丈明水輪碾地四山掉
撞潭躍出萬珠璣迸石紛披百旒旒慄悍勢將三海翻
奔騰力欲干軍掃如同龍湫競雄濶似與壘泉鬪輕巧
山靈好事補闕遺恐悞遊踪雨不早傳語遊人莫悞陰
遂初堂集 黃廬遊草 三

黃山瀑泉雨後好

壁菴和尚塔二首

批鱗風節著朝班晚著田衣臥竹關坐斷吳峰兼越剎
獨畱香骨與黃山
麒麟高塚勒豐碑名姓多教異代嗤何似窄波寒月下
一泓秋水薦軍持

贈鄉僧鴈黃二首

萬仞崖邊一衲逢鄉心旅跡話從容鴈山遊倦黃山住
踏盡尖巒與瘦峰
怪石奇松常下拜一松一石一篇詩好山無數詩無數

問爾歸來是幾時

將出山留別吳枋香及同遊汪文治王名友諸子
人生不得行留懷百歲猶天古所恨惟吾留懷與眾殊
天下名山願遊盡人求天應恒相左斯福於吾獨無斯
三條四列任攀登取次題名徧嶽鎮黃山應念仍快遊
餐奇覽秀無餘蘊天生通門作地主蠟屐臨巖與謝勞頓
雨晴明晦總空人從遊唱和皆英俊清歡勝賞足千秋
巖屏流輝水溢韻山水之樂不厭貪更訪匡廬爽青飢
一丘萬里各逍遙莫以料潯笑鵬運

至海陽訪文允言於仙居鄉邀與同遊廬山

遂初堂集 黃廬遊草

古

司勳昔理禾先生矯矯著風節人為天官郎獨鶴步朝
列世變遂懸車義操凜冰雪高臥廬山陰杳然與世絕
釀酒漉以巾著書雨用鐵江楚一完人身逝名不滅聞
有令嗣存才高行脩潔刺船遠訪之不憚重湖越居窮
類仙源人孤無俗轍素心一相遭膠漆難為別此邦兵
塵餘文獻傷凋缺懷鉛渴諮詢傾蓋難細說何如共山
行世事并刀截婆娑千峰頭快吐中腸結

煙水亭

湖迥環城角亭孤峙水心江光浮幙淨嶽影浴波澹碑
碣三朝聚風帆四面臨琵琶臺廢後只此可閒吟

濂溪祠

住近蓮花洞平生獨愛蓮名溪仍故址結屋傍新阡
本道州水名先生葬母廬山濂溪樂趣浮雲外曾襟霽月邊
因家山下即名其水曰濂溪無人契心易圖說只空傳

太平宮二首

上帝高居燭照真寧勞使者徧諮詢如何下界為天子
也猶空中採訪神宮為九天使者所建
殿宇荒涼過劫灰松聲淒冷鶴聲哀惟應十石苔花釜
曾見三千羽客來宮久廢惟存巨鐘

東林寺

遂初堂集 黃廬遊草

五

銅駝臥荆榛江左亦多故矯矯肥遯賢爵祿非所慕廬
山一片地溪澗谷盤互翛然鴈門僧挂瓢此中住唱演
微妙言清涼勝甘露諸賢一見之依依不能去白業
精修如客得歸路白蓮散香風六時清漏注寥寥千載
餘遺跡猶可覩殿宇雖荒殘風月仍清素今代非乏賢
招之亦可聚惜哉無聖師垂蔭作大樹堂堂塔中人宴
坐小劫度何當乘願來淨掃彌天霧

西林寺

遠公非不佳永公尤清真短衲軒然來意乃無朝紳逸
韻被巖谷泉香石粼粼到今禪棲者枯淡遺世塵結廬

豈必廣蕭疎帶松筠容衆豈必多所貴行業純緣來于鉢聚緣謝一錫貧世事有興替法運非所因但願氷鐵人一髮維千鈞廬山洗真面靜對無冬春

香爐峰等白樂天草堂故趾

江州司馬愛山好築堂欲向廬山老一朝官滿還別山巖瀑松雲棄如掃始知陶劉未易及解組浚棲樂枯槁紫雲菴前竹蒙密香爐峰陰谿綠繞老僧指點草堂基是耶非耶費搜討千年遺跡埋草間清泉白石仍班班如何後來仕宦者曾無片展來茲山挂笏遙看雖自美坐嘯寧無半日閑嗟哉白公誠已賢嗟哉白公誠已賢遂初堂集 黃廬遊草 六

綠雪菴

紫雲已秀絕綠雪更清幽爲有千竿竹常生六月秋爐峰晴墨翠石澗雨添流一衲高僧相將汗漫遊

大林寺

行過講經臺已到萬峰頂何期得半坡涵浸雲百頃禪居枕巖阿清絕異人境盛夏因春花滾山見江影排案列岫齊環門一溪冷樹古六朝留天空諸嶺靜老僧不下山哦詩漱苦茗撥草人來稀佳趣唯獨領浮生等陽發渴鹿使狂騁何當宅枯巖兀坐萬緣屏

寶樹

頂亮雲霄枝拂地水柯鐵幹一層層風雷長護千年質恐有南朝入定僧

山牡丹

黃山下見初含蕊行到廬山始盛開亂紫繁紅都落盡獨留絕艷待人來

石隱菴

花徑欲窮處峻嶒出斷崖石欹千澗落樹老一菴埋繡壁高粘展清江遠入懷此中應著我十笏置茅齋

佛手巖

廬山之陰佳絕處昇仙臺北懸崖路大壑陰森不見底

遂初堂集 黃廬遊草

七

磴道盤空一綫度九旗峰高削寒玉錦繡谷竊埋蒼霧誰將月斧斲雲根石骨豁豁洞天露通明中可百僧趺幽巖常爲衆靈護巖端秀削五指齊洞腹清冷一泉注兜羅綿手覆大千略展慈雲灑甘雨巖邊幻寺名竹林無形有影不可尋千年一開報赤脚仙佛竝坐金臺淡神丹一丸瘳帝疾字跡可錄詩可吟試求其踪杳無所猿嘯虎嘯愁人心由來穢土卽淨土凡聖同居非自今疑無詫有堪一笑世人眼孔都如針

天池寺

一泓山頂碧無痕木杪亭亭古塔存地藉仙靈千載重

刹憑帝力十方尊神燈照夜分還合天樂鳴空靜不喧
萬里剛風撼樓壁振衣疑化北溟鵬

聚仙亭

顛仙莫測是何仙天眼身居第幾天暫露神通驚聖主
略將言句表真詮至人未肯輕忘世散聖由來不縛禪
不是豐碑畱御筆盡疑靈蹟屬虛傳

火蓮院

廬山正中處一刹負危岑寶樹行行直香泉脉脉潏潏
雲爲海勢湧楚作潮音火宅栽蓮好誰明不染心

黃龍潭

遂初堂集 黃廬遊草

六

古德跣趺處千年作道場地靈羣鹿獻潭竒一龍藏拒
日松杉密巢雲殿閣涼應真圖像在神妙最難忘寺有元人
所畫寸八羅漢

金竹坪

十里翠濛濛山將竹色籠谿寒常帶雨壑邃迥含風寺
露高松底僧來別澗中祇園清絕處惆悵法堂空

仰天坪

人間四月無花看上霄峰頭花爛熳山丹杜鵑夾道開
殷紅縹白紛凌亂無名異卉偏妍匿影幽禽巧相喚
寒煖陰晴迥不同峰高已在天之半山頂一坪名仰天

別開世界鄰霄漢駕鹿耕煙瑤草肥驅龍鑿翠清泉漫
坐擁霞城地絕梯旁臨雲海天無岸披茅晏坐唯鳥窠
煨芋獨棲應懶瓚近來衲子畏枯冷誰肯灰心世緣斷
猿啼日落悄無人曳杖下山發長歎

登五老峰最高頂

我浮鄱湖望五老萬仞秀出天中間雲氣蒙籠乍開合
恍疑蓬閣難躋攀豈意今朝策藤杖逍遙徧踏五峰上
寒空嘯裂碧玻璃大地山河收寸掌南康軍城一葉浮
揚瀾左蠡橫天流白沙赤岸錯如綺煙林點點天南州
天公妬我盡遠景故遣飛雲奪峰頂如輪如席掠面來

遂初堂集 黃廬遊草

十九

萬象斯須不畱影乘雲我欲之帝廷稍爲匡君鳴不平
茲山何者讓衡霍不嶽不鎮誰使令一笑顛仙扶我住
世上空名了無據餐霞吸露快卽休多口無遭帝閤怒

青蓮寺

信步隨樵徑雲砌度幾層竹溪知有寺苔合似無僧入
夏花初綻先秋露早凝山心枯冷地面壁古人能

蘆林菴

世尊趺坐處穿藤有蘆芽卽此雪山地宜爲大士家飯
客旋燒笋談經舊雨花苾芻能導我歸袖有殘霞菴僧高嶺
老峰五

圓通寺

石耳峰邊竹徑開寺鄰驛路絕纖埃霜刀飛處僧危坐

道濟禪師事石塔紅時人再來師事夜話亭空涵白月花

田坂老繡蒼苔高風僅見荷尊者誰與題碑樹草萊住前

掛雪堂三十年前不立故云

淵明故里

淵明詩百首未嘗道廬山居乃在山麓忘山意彌閑想

其挂冠歸取適泉石間素心共晨夕外相往還飲酒

豈必醉聊用洗塵顏逃禪豈必社要在遺人寰置身義

皇上眇彼觸與蠻宗雷尚非偶顏謝焉得班醉眠石蒼

蓬初堂集 黃蘆遊草

三

冷濯纓水淙潺高風去千載猶可激貪頑

歸宗寺

峩峩金輪峰秀出山南面連綿下平岡萬松鬱葱蔭豁

然開寶坊樓閣如湧現吸江復吞湖煙景朝昏變歷代

大導師於茲法輪轉香厨飽千僧法將經百戰洪爐冶

精金佛祖遭烹鍊我橫柳標來撥落雲片片復生松已

殘法流弱如綫殿宇猶恢宏廣庭月如練安得赤眼翁

重來整壇坫彌天興大雲沾灑根莖徧

玉簾泉

不作雷轟與電奔千絲萬縷落雲根曳風珠箔輕無力

映日皎綃薄有痕靜對不辭巖石險澹潛應讓伏龍尊
軒車草草何曾見削壁枯藤未易捫

簡寂觀松

簡寂觀前多古松株株勢作擎雲龍蟠根化石雪色冷

偃蓋拂天寒翠濃左紐奇紋鵬側翅橫行桀餘鸞翔空

衣冠修偉列四皓風骨離奇排八公植根不省自何代

恐與立觀年祀同惜哉觀宇久頽廢數椽老屋祠岱宗

道士見人輒退縮經臺斗石埋榛叢當年修靜亦奇士

遠公元亮相追從詔書徵去不復返猿啼鶴怨空山中

賴有蒼松耐孤冷餐霜冰雪無春冬千年妙質竄荒谷

蓬初堂集 黃蘆遊草

三

高謝漢社逃秦封神斤却走雷火避永與福地畱靈踪

豈惟人壽不如樹仙骨亦化隨罡風誰談不遇靈

環聽幸有蒼髯翁

開先寺

白龍劈青天迢迢見雙瀑言尋瀑落處逶迤入溪谷衣

道松千章飲我鬚猶綠寺門開松陰積翠可攬掬堂空

像設清僧少威儀肅磨崖多舊題班駁猶可讀借問瀑

何之策杖穿窅竹飛流破山來重潭不可蓄大聲搖山

根盛怒嚙巖腹一墜不見底瞥如電過目天開此絕境

終歲看不足所以謫仙人臨流結茅屋我同逸士來解

衣坐巖曲靜對無一言會心勝濠濮佳興浩莫窮清遊
香難續輸與住山僧朝朝漱寒玉

布水臺

高陟黃岩寺言尋布水臺日邊金塔湧天上玉簫來直
下千尋練液盤萬壑雷神龍洗潭過山面斬新開

題心壁上人洗鉢圖

洗鉢無如飛瀑好問師何事去人間雲等佛鉢真消息

更上天南雞足山

聯心公
往漢中

萬杉寺

蒼杉萬本晝陰陰宋帝當年此布金蘂石尚留龍虎宇

遂初堂集

黃廬遊草

三

風泉猶帶管簫音劫灰重整精籃壯雲窟新開白社滋

靈隱一燈分此地可能枯木起龍吟

五乳峰

連珠峰勢望崢嶸尋到山門一掌平寒沼不枯憑鉢汲

石田無稅任刀耕簷端五老寒雲立牕裏千帆拂鏡行

慈範開山儼如昨

慧大
師

竹梧相對影堂清

三峽橋

衝波不可渡絕澗爲長橋誰裁巨鼉足柱此蒼龍腰嶽

嶽萬奇石角立鼉鼉驕飛流與春撞岌嶮山谷搖玉淵

湛寒碧金井通潛潮四山風霆鬪一谷珠雪飄俯闕氣

陰肅旁睇天沈寥平石可敷坐酌酒嘗山肴悠然坐忘
返頓令百慮銷飛虹不可躡石梁亦難超何如此清曠
林澹水石饒汲泉謝桑苧隱矣不用招

第六

棲賢寺

清溪十里瀉奔淙尋到源頭出梵鐘小雨欲昏林外塔
輕雲不掩閣前峰藏書人去巢餘鶴入定僧歸鉢有龍
開掃落花扶弱竹山家無事不從容

白鹿洞

廬山擅靈秀自昔棲文儒符楊劉李輩後先此卜居後

遂初堂集

黃廬遊草

三

來鮮踵武書堂廢無餘林泉絕勝處盡作仙釋廬卓犖

朱紫陽顏孟追步趨儒術慨不振飛章上天衢請修古

鹿洞賜額頒御書立殿崇俎豆置田膳生徒洞規指切

要講肄名賢俱洞學遂勃興百王尊楷模至今尚宏整

宸章日星舒師儒守遺訓弦誦彬彬如百千菴院中著

此學舍孤振起亦在人大道愁榛蕪勉旃砥實學章句

無區區

讀先曾祖復學田碑記

再闢書堂復學田先公勲德炳江天百年循績遺黎頌
幾度兵塵木主遷碩畫幸蒙山志載鴻文今見洞碑鐫

多慙述祖無才筆公論還憑父老傳

贈洞主熊漁濱

主洞考亭曾有願德尊原不計官資與君便作九州伯
未勝長爲多士師絕學淵源憑討論顏習俗藉維持
枕流橋上行吟處風度長令異代思

巢雲菴

蕪沒等真觀新開淨業堂湖明識竿影船迴見燈光野
笋爲丸嫩新茶入焙香老僧諳靜味清夜話偏長

玉川門

大鵬峰峻無樵路不信峰頭有竹關截住白雲居上界

遂初堂集

黃廬遊草

三

放教飛瀑到人間高僧退院孤筇住遠客貪奇萬仞攀

渡澗橫梯事奇絕遊山渾似乍開山

時溪水暴漲不可涉以木梯跨澗躡蹻而過

奔湍

三疊泉

瀑布如遊龍空懸乃靈快鴈山大龍湫奇絕天下最盛
瀑久得名布水曾靜對雖傾銀濤雄終倚鐵壁隘佳哉
三疊泉淩隱巖齋內高攀層峰巔迥出飛鳥背忽見九
天帛飄空無根帶盤旋煙霧撲落珠璣碎流蘇灑千
條纓珞垂百派斗折作三層層層出奇態風中舞蛟綃
月下鏘環珮亭亭姑射仙獨立埃壒外龍湫爲瀑王茲

泉乃其配玉峽與石梁祖壘等一轍彼皆享盛名何如
此韜晦物以後出奇坡白嗟不遺晦翁慕新泉萬里求
圖繪奈何今遊蹤來者無一再已矣勿復言知希我乃
貴

酬別文允言四首

柴桑好風土幽絕是仙居山作重城鎖湖歸一鏡儲墟
煙藏澗壑生事足樵漁曠代無兵火淳風似古初
野客拏舟過淹留水竹淡烹葵爭挽致開徑互招尋
與葉蓮峰熊雙友柳公語不參時事人多見古心南村
勝胡亭植排日見招
真可樂陶令此投簪謂煙巖先生

遂初堂集

黃廬遊草

五

公子能忘世攜家老一丘詩還編甲子書擬續陽秋學
道甘龍螭觀身取舌柔孤懷常獨往遇我忽相投
廬遊欣結伴踏徧百千峰勇闢垂猿徑浚探隱豹踪山
靈驚咎嘯木客避雙筇絕壁題名處莓苔不敢封

赤壁

黃州古郡臨江于連山抱閤如龍蟠西陲一壁特雄秀
石骨削露朱砂丹朝霞流輝錦錯采浮空映水成奇
坡仙官冷無一事攜朋載酒來盤桓煙濤微茫霜月
興酣落筆如湧瀾亦知孫曹爭戰處遠在鄂渚非
聊借英雄發感慨移山走海在筆端一詞兩賦

山名烜赫垂不刊我浮扁舟訪遺跡迥見傑閣排層巖
龍鼻橫登石齒齒鵲巢高踞雲漫漫樊山對面聳晴翠
蜀江萬里馳驚湍風帆行空鷗鷺小人家帶郭煙林寒
秋容遠意盡不盡斜陽更與憑欄看試別蒼苔尋古刻
蘇碑趙碣皆已殘紛紛詩札芥屋壁片石共語良亦難
江山清空宛如昨浮生百歲指一彈幾人到此能不朽
沙蟲猿鶴同慨歎題詩一嘯上煙艇東山月出飛玉盤

漢口

漢口通江水市斜兵塵過後轉繁華朱甍十里山光掩
畫鷁千橋水道遮北貨南珍藏作窟吳商蜀客到如家

遂初堂集

黃廬遊草

三

笑余物外無營者也泊空灘宿浪花

贈漢陽守戴汝兆

風披前代史快讀名臣疏軒昂論治體慷慨談時務字
字藥石攻言言肝膽露此風今則微委蛇歎言路敢頌
不敢規欲吐而復茹近因日食甚求言煩聖諭闕失
無大小極論勿瞻顧章奏竟寥寥毛舉惟細故切要無
一言滾恐孤當宁戴君守遠郡言責非所預報國懷
樸忠籌時有長慮奏草出萬言條分而縷布首言重邊
防次言廣積貯禁軍當優卹根本宜培養察逃法應寬
征商力期裕停止官入貲優容吏里誤養廉必厚祿勸

農須減賦銓政歸畫一律令慎比附求才貴真實課治
畧文具鑿鑿廿餘條直言無瞻顧補衮真有裨批鱗諫
無忤郡章上艱難轉奏竟無助未得達宸聰何由施
舉錯世人盡身謀巢鳩與窟兔君何獨鴻軒卓犖思建
樹籌國有淩夷及此一傾注越職非所嫌乖時非所懼
穎川擢次公淮陽臥長孺但令直節彰寵辱隨所遇

晴川閣

大別山頭一閣雄嵐光樹色遠連空窻涵夢澤三秋水
袖拂蘭臺萬里風鐵鎖不消吳國恨豈書猶紀夏王功
懷鄉覽古無窮意併在飛帆落照中

遂初堂集

黃廬遊草

三

黃鶴樓

武昌三面臨江水橫山如屏亘城裏西峰蜿蜒欲入江
歷以高樓半天起三層迥與三霄鄰八面平當八風啓
遙看縹緲浮蜃樓近睇崢嶸壓霞綺仙人遠自清都來
下視塵土驚崔嵬江山清曠殊可樂停鸞駐鶴相徘徊
草沒高唐觀水浸章華臺六朝興廢漚起滅人民幾都
都可哀世人擾擾風中絮真仙對面何由遇但聞笛聲
嘹亮松聲寒月白江空杳無處刻像標名兩渺茫食肉
得仙何荒唐但須淨掃胷中塵百斛濯纓萬里臨滄浪
庾亮不堪弔禰衡何足傷白雲飛來勸一觴拍肩共入

無何鄉

遂初堂集

黃廬遊草

天

遂初堂詩集卷之十二

楚粵遊草

桐廬道中

最愛桐江道沿洞興不窮明窓攤畫卷柔櫓趁樵風樹
變輕霜後山開薄霧中秋容無限好寫入水清空

嚴灘中秋同周綸易初坐月

蘇臺一片月流影到嚴灘遠共桐君對清於鶴澗看光
生層嶂晚輪湧暮潮寒令節同為客銜杯莫放乾

子陵祠

西京輕處士東漢重高人為有羊裘老巖棲不可臣貞

遂初堂集

楚粵游草 卷上

一

風開一代素節繫千鈞不願眠青瑣家山有富春

清絕此溪山荒祠積翠間未曾停俗駕應畏洗塵顏任上
官與賈客何不入此祠 片石仍千古青鞋任往還雲臺與原廟索

寘土花斑

誚張羅峰

羅峰以光武不考南嶺為非謂
子陵不能救正勒石置祠中

已將曲學逢時主更把蕪詞短古賢莫怪清流驅逐盡
修羅隻手欲遮天

新安江

愛此江清淺彌年復泛舟勝遊偕二仲好景及三秋嵐
翠紛相引川光湛不流禽魚如舊識相傍共沈浮

水從天障落山作碧城開一綫浮空去千重倒影來雨晴皆畫本細大總詩材便與桐君約擬尋歲一回

淳安懷商文毅公

曠代生人傑鍾靈地脉迨科名尊一代相業冠三朝逸

同年方渭仁毛允大俱遂安人毛已亡方亦老病

行次遂安江口去縣尚百里欲往不果悵然有作

好友何寥落愁緒譜籍看無年痛毛遂善病憶方千細

弱支門苦衰遲採藥難憑誰問消息迸淚朔風酸

水口至屯溪入休歛界

遂初堂集 楚粵遊草 卷上

二

行經越地盡進艇復吳疆井里俄繁盛山川更鬱蒼千

年存譜牒一姓自村莊風俗猶淳古乘輅未可忘

文溪乘筏至漁亭

未試登山履先乘上漢槎真成鷗鳥伴宛在水仙家濯

足臨清渚鋪茵就軟沙客身輕自好一筏徧天涯

遊齊雲山

去春登黃山意乃無白岳如聆鈞天奏不願觀他樂茲

晨經山椒了了見巖壑寧當舍之去翻然理芒屨稍前

歷陂陀漸次見峯峯穹然天門開混沌竅一鑿諸奇畢

軒露石屏玉骨琢巖巖龍垂胡巖疑犀挺角陰洞雪凝

孔陽岡珠濺瀑前臨千峰朝下瞰一溪絡山小而雄

靈氣所磅礴璇宮開中央金碧光照灼道院環其旁

房互參錯北帝本天神尊嚴位幽朔道家謬攀援謂是

列仙作妄號為祖師矯誣非虔恪佞臣媚驕主靡祭求

冥漠依仿太和山此宮復經度嘉靖中尚書汪鑑為世宗所闢始建此觀到

今嶽巖民重繭走犂犂千里齋金錢溢充黃冠蒙吾思

正神名巫史驅俗惡精擇許葛流焚香領笙鶴神靈既

歆妥山川亦清廓裁詩比振鈴來者庶能覺

祁門縣

地是南州脊江從左右分山城通淺水野戍閉寒雲環

遂初堂集 楚粵遊草 卷上 三

谷書難得秋崖詠不聞市樓終日坐賈客漫同羣

閬下

祁閬自昔稱天險惡石鐫除路不難安得五丁驅快斧

盡平閭嶠百千灘

浮梁道中

饒江源至狹舟小狀如蝸水到高灘駛山依曲岸斜溪

喧聞碓土山出磁土就水碓春之方可製器林赤見燒畬賴是豐年過

荒村有酒家

景德鎮

烟火十萬家鎮大無與耦家家業為陶型範傳世守磁

土產近山淬煉江清瀏遷地弗能良厥利擅九有平居
盤餐間杯碗日近口何曾覩堦埴試共窺甕牖轉園以
機關應量隨濃厚九泥忽成器敏捷無停手宿火潛薰
蒸質堅金石壽人巧參天工利溥燧皇後他物珍新奇
惟茲器求舊柴汝與官哥購者金積斗宣審及成嘉貴
亦等瓊玖今朝飭考工古法十得九識者誇精良謂堪
垂不朽嗟哉世運薄萬事日衰醜盱衡論人物得勝前
朝否唯陶以工聞使我沈歎久

饒江行

百川皆居海西頭赴海一一趨東流苦哉饒江限柳嶺

遂初堂集

楚粵遊草 卷上

四

屈曲繚繞經饒州西行千里滙彭蠡又數百里川江收
穿吳貫楚方入海千回百折阻且修不見嶺東文溪水
注新安江一葉浮信宿之間到杭越徑赴大海何優游
人生順逆有類此客子感歎行不休語客勿歎水潤下
善利萬物能仁柔灌漑津梁功德博其行愈遠澤愈周
歸湖注江胡不可涵浸東南百十州畢竟滄溟作歸宿
豈必迅疾爭先籌作詩江神定首肯便風獵獵蒲帆秋
饒州府
樂土稱茲郡幽偏水一涯連檣轉紅粟接棟貯青莢勝
想芝山寺殘思薦福碑避喧吾竟去學使在饒人客屬集心事白

鵬知

渡鄱湖

湖瀾原無際來逢水落秋片帆凌淺渚一嘯越洪流沙
冷魚龍睡天清郡邑浮前朝百戰地蕭瑟葦花愁

康郎山功臣廟

戰勝鄱湖帝業成元功端合讓羣英敵鋒挫盡身偕沒
江水枯來恨始平肖像雄姿還虎視冠山祠廟匹雞鳴
舊常諸功臣廟在鄱湖山後來黨禍公侯酷不及忠魂萬古榮

亦沙丹嶂踞湖心廟貌蒼寒竹栢陰五夜燐青聞鬼哭

三秋水落見龍吟褒忠異代碑猶樹祈福商船酒一斟

遂初堂集

楚粵遊草 卷上

五

配食大杰今寂寞鍾山陵闕土花濛

江右藩臬諸公招遊北蘭寺席間有作

招提清絕俯江干亭榭蕭疎竹樹寒滾滾帆檣飛電過
層層嵐翠疊屏看壯如滕閣羣塵遠幽比東湖眼界寬
誰解披榛新締構買山支遁着儒冠謂濟雪上人

偶隨征雁過江來地主多情綺席開驄馬迂迴臨竹院

伊蒲香潔進山杯節鄰重九無風雨路入花源好溯洄

勝地佳遊堪作賦抽毫空羨子安才

九日登滕王閣

片帆重過章江驛九日還登帝子樓天外飛甍仍壯麗

雲邊獨鶴故遲留年華落葉催鮮葉物態新洲換舊洲
劫火不銷惟鐵柱苔花臥冷蟄龍秋

不向天公乞便風偶逢佳節客途中江山無恙嗟霜鬢
詩卷長留笑轉蓬孺子漫爲磨鏡客雲卿甘作種蔬翁
南州耆舊今何在獨倚闌干望碧空

東湖

高城中貯一湖清蘋末風來弱浪生昔日環湖盡王府
於今倚郭半軍營芙蓉尚惹宮人淚蛺蝶猶縈帝子情
欲共殘僧話灰劫角聲淒淒應晚鐘聲

孺子祠

遂初堂集

楚粵遊草

卷上

六

徧覓湖濱孺子祠一間茅屋罨蛛絲可憐戎卒新耕地
曾樹開元故相碑

樟樹鎮

水市章江岸由來藥物賒珍叢來百粵異產集三巴鮑
覩應頻過韓康或此家何須乞勾漏卽此問丹砂

過臨江聞同年黎瀟雲已亡居村不獲弔唁詩以

悼之

同籍推君老懸魚有歲年猶希雲在岫竟作劒淪泉貧
豈因官減清當以品傳歸田多著述誰與輯殘編

萬年橋

舊傳吳胥門有橋甚雄壯不知何當事諂媚分宜相拆
毀遠送之未悉其真妄茲來經秀江巍橋儼在望橫鋪
八九筵袤亘數十丈石質盡堅珉蹲獅屹相向皆言自
蘇來運載以漕舫嚴老有撰碑亦頗言其狀始知語不
虛世事多奇創橋梁是何物乃作權門餉鞭石與驅山
勢力豈多讓充此何不爲穹天一手障爲德於鄉里或
云差可諒不聞掠彼衣而令此挾纊水山一朝摧籍沒
無畱藏獨此巋然存千秋棧江漲頌晉雨不磨功罪亦
相當猶勝庸庸流片善無足況吳山多佳石胥江足良
匠有能更作橋舊式猶可放

遂初堂集

楚粵遊草

卷上

七

登鈴山

鈴山臨秀江城堞粲可數褰裳躋其巔曠望極平楚連
綿青千重宛委白一縷山川旣清雄形勢亦環聚篤生
兩異人乘時各軒輊一爲練子寧讓皇倚謀主一爲嚴
介溪世宗寄心膂練也竭忠貞崩天力撐柱隕身覆其
宗英名滿寰宇嚴也怙權勢乳虎而傅羽祿位極人臣
奸名亦千古薰蕕兩殊絕所產同一土地靈安足恃人
傑在自取君看鈴山堂民滅無遺礎戕戕練公祠拜者
如墻堵

昌山龍母廟

霜刀斷尾曾無怨擁土成墳報母慈多少鬚眉愧龍子
披榛試與讀唐碑

自蘆溪陸行過萍鄉抵湘東

袁江源盡處間道走湖湘城冷如村落山荒似戰場披
圖江甸盡改火楚天長旅館明燈夜何人不念鄉

湘潭縣

九里廬居接三湘此最饒遠商通嶺海珍物有參貂謠
俗仍麗雜人文未寂寥相逢故鄉客欵語百愁銷吾吳洞庭客於此

茶陵兵警

遂初堂集 楚粵遊草 八

雲陽堪避世何意忽稱兵已報官軍捷無妨遠客心
池原赤子鋌鹿本儒生亂首為陳秀才努力寬政可安心

平

長沙寓舍

郡故有姑蘇會館是洞庭商人所造余至寓焉

邸舍鄉人築如歸客寓居清幽同佛院妥適乃吾廬家
醞求頻得南鴻到不疎鄉情天末好戴笠勝乘車

道林寺

六代知名寺來尋片碣無空牆圍礎碣荒蔓走鼪鼯壞
切禪林共周年梵相俱杜韋詩本在吟想見雄模

岳麓書院

書院前朝盛兵餘結構存面江形勢濶冠阜殿堂尊日
靜魚生篋池清雀在門都無絃誦子辜負賜書恩

北海碑

書帖嘗臨彷彿豐碑今始看題名惡札覆行字烈烽殘舊
榻尋難得家藏本幸完真風畱片石盡日與盤桓

禹王碑

唐宋無人見流傳自用修潛藏南岳頂炳著此峰頭篆
古無旁證箋多以意求應同出土器終畧認商周

岳麓寺

湘中古寺荒殘多岳麓氣象猶巍峩金經

遂初堂集 楚粵遊草 卷上 九

紺殿聳峙蒼巖阿夾路琪花散芬馥摩霄道樹交枝柯
霜鐘曉吼萬壑應清梵夜唱諸天過堂前清江紫若帶
檻底碧岫攢如螺潭府人家環雉堞橘州烟樹飄漁簑
天爲詞人設屏障愁驅羈客來吟哦僧廚齋粥飽瓔珞
禪老繩牀鄰鳥窠舊事從頭話灰劫精藍掃蕩經兵戈
曹洞兒孫重開闢湖湘龍象爭奔波規制千楹未還舊
宗風一綫仍擔荷靜思物理足興廢遠溯世運更平頗
人生浪作切泥刀日月一似經天梭富貴功名既虛假
文章翰墨同消磨息心幸可作知足遜世豈必騎青鶴
七十二峰行徧討懶殘有約無蹉跎

浮湘

小年懷楚澤老去涉湘流
澗會千溪水清涵萬象秋
峰巒絃際湧城郭纜邊浮
直與岷江敵巴湖遜上游

勝地紛相引船行盡畫開
洲黃知橘近村紫愛楓來
岳色寒衣袂江光潤酒杯
竹枝聲宛轉唱入棹歌哀

晚泊寒沙際朝行枉渚間
叢蘭臨水秀細竹近人斑
屈賈招難返英皇弔不還
南遷無限客灑淚此潯溪

萍實浮如斗柑房綴似金
餐英香滿箸櫨秀露盈襟
歌辨才殊昔椒蘭感至今
湘靈不可見鼓瑟有餘音

冬日垂垂短江流莽莽淩
斷鴻遊子態落葉放臣心
雨

遂初堂集

楚粵遊草

卷上

十

入湖天黑雲橫楚塞陰不
眠思正苦戎馬更悲吟

山雨添新漲江風作驟寒
亦知歸棹利轉覺客衣單
手板迎新牧樓船候上官
時撫軍將位任孤征我何事相傍宿驚

湍

日苦北風盛宵來益怒號
力排江却轉遠送雨蕭蕭
漲忽兼天濶舟看壓岸高
紅塵多駭浪何況此江皋

乍喜風威息還看旭日晴
廻帆仍利涉順浪更遄征
天怒無多日江行不定程
堪憐傾覆者力與石尤爭

欲浣長纓去滄浪濁奈何
獨醒漁父笑誰能紅粉鴛
嬌思瓊樹鸞儀待玉禾
無心學

下水行當疾淹留鎮日風
路難兵警後節駛客愁中
漂泊心仍壯行吟興不窮
三湘多故事握槳訪南翁

沅江

地僻行難到人稀縣似村
無城江作帶帘席爲門水
落魚鳬賤庭空令長尊故
人曾臥治遺愛至今存
丹徒顧季

赤沙湖

鼓楫蓮青草停橈已赤沙
湖光開曉鏡山色上朝霞
月浣魚龍宅霜寒雁鷺家
棹歌聞欸乃秋思渺無涯

天心湖

遂初堂集

楚粵遊草

卷上

十一

一白初無際天寒水不波
泊船依戍火欹枕聽漁歌
蘆荻銜山小鳬鷖占月多
前賢阻風地吾幸片帆過
王文成

龍陽縣

古縣仍蕭索千家枕水濱
村連九江漲山接五溪雲
隄潰全瀦水城荒半駐軍
拊循良吏事中澤有鴻聞

青尉祠

洪武中龍邑多浮糧典史青文勝諱關三
問得寶藏邑風二萬四千
龍人德之立祠名惠烈

縣尉何微末披鱗數上書
甘將一身死力減萬民租
苦

滄浪水

一水天然有濁清足纓任濯水無情同塵舉世皆漁父
高潔何曾有屈平

橘洲

是李衡種橘處

讀書莫讀貨殖傳太守何須苦患貧橘易凋殘洲易徙
清名讓與習夫人

墨池

長史遺蹤水一泓苔痕猶傍墨痕明可能墮地爲書聖
退筆如山藝始成

遊金牛山

遂初堂集

楚粵遊草

卷上

圭

夙聞金牛勝不謂在茲土披圖忽見之興發不可阻天
意亦助遊新晴收宿雨肩輿陟陂陀遠翠上眉宇山村
多高楓紅葉披繡組寨裳入蒙密徑窄不容武峰移境
忽開萬山勢翔舞迴環作重城龍行顧其祖佛寺居重
岡衆青可摩撫烟村楸枰碁水田衲衣縷祖庭久荒廢
老僧忍寒苦把茅成叢林黑月一燈吐清晨上層巔旁
州梁可數碧連衡陽峰白盡洞庭浦西南天地寬嶺嶠
風物古是身如浮槎隨流滯南楚逢山便扶筇遇僧且
揮塵採風非我事山經庶能補

贈金牛寺主鶴宕

迢迢吳嶠一燈傳獨跨金牛二十年枯冷坐殘雲抱石
蕭閒占斷碧圍天偶拈莖草爲香刹時把鋤頭作影鞭
牧笛橫吹牛背穩不留一跡印前川

余若山邑令招集來鶴亭

滄江一曲繫歸舟地主情深且滯留博選林亭供遠眺
頻攜尊酒助清遊竹籠初日青藏院橋帶新霜綠掩洲
鶴唳九天招不下雲心於世本無求

題雨花菴

僧居不可俗愛此數椽清紅葉遮籬密蒼藤抱石橫窓
虛延竹色亭迴入江聲最喜龐眉衲天真不世情謂老僧

遂初堂集

楚粵遊草

卷上

圭

閱孤兒額天錄

明末邊事危寇氛復狂熾廷臣侈空言迂疎鮮任事武
陵明練才宸衷有獨契中樞與政府柄用恩不次孤立
旣招嫌超遷復叢忌生前爲射的死後餘詬厲論人貴
平心尤須審時勢奪情奉特旨投艱詎可避廷爭胡不
早乃在校卜際東西旣交警款市非失計增餉豈得已
勦撫實兼議敗絮塞漏舟焉能保必濟時危出督師一
鼓煩作氣大吏割城府驕帥抗節制燎原火將滅蟻漏
堤忽潰功敗於垂成人謀亦天意嘔血死軍中豈曰非

盡率奈何操觚家矢口紛彈刺彼實荷千鈞力盡乃傾
躓又如救焚者焦爛以身試餘人但旁觀娓娓談利弊
當局竟何如可笑亦可涕痛憤有孤兒雪謗一編綴封
章及詔旨條分而件繫年月辨後先人地析同異無根
掃風影疑似消霾翳是父有是子忠孝聲不墜信史垂
千秋公論未宜廢作傳今何人吾衰客蠻裔裁詩寄金
門下筆宜審細

閱邸報知前廣督吳伯成沒於塞外坐臺之所詩
以哀之

風標岳立量淵渟力剪鯨鯢靜八溟吳為閩撫時與姚督協策滅臺灣
遂初堂集 楚粵遊草 卷上 丙

樹德蠻方多感泣論功鐘鼎合書銘時移開府還乘障
運去窮荒竟陸星如此人材如此沒羊曇清淚不勝零
人寰難得見英雄君有前朝使相風一士盡教羅幕下
千金不惜濟途窮酬恩絕少銜花雀媚勢偏來射影弓
楚些招魂返何地桐鄉只在錫山東吳起家無錫令

泛洞庭湖

九江瀟一湖占地楚封半名城十二三微茫綴湖畔夏
秋水盛時涵天四無岸中流吐日星餘波沸江漢我行
值仲冬水落勢平漫猶然浩無涯道里不可算安鄉抵
巴陵淹泊屢昏旦眠餐蛟龍窟偃息馮夷館風濤猛堪

驚雲物奇可翫霞蒸錦鮮新日樂金燦爛水浮玻璃天
山橫青玉案帆移畏迴颺雁度愁弱翰域中標五湖雄
奇此為冠平生慕圖詠及茲窮壯觀最喜流潦清客水
盡消散全湖露真形山川見條貫惟湖有容德不盈亦
不嘆世人昧遠覽臨流畏湍悍不有大壑潑數州盡沈
灌配濟能停滯比海齊浩瀚愧無郭木才神功莫能贊
亭毒思化源望洋但三歎

岳州

三分重鎮說巴丘地控荆襄踞上游千載兵爭餘戰星
重湖形勝聚城樓江山清助詩人筆風浪危停過客舟
遂初堂集 楚粵遊草 卷上 圭

乘興我來無一事玉笙吹徹洞庭秋

登岳陽樓故址時樓燬於火

范公樓記杜公詩小小名區入夢思準擬快臨圖畫地
何期正過劫灰時湖烟漠漠籠荒堞江月亭亭照斷碑
好語使君重締構子京名蹟至今垂

望君山

君山蔥蒨出湖心帝子當年羽衛臨淚點萬千凝翠竹
煙鬟十二聳瑤岑山出斑竹有十二峰秦皇諸後山仍碧楚客歌
成恨轉淩風引船移難得到飄來仙梵有清音

白鶴山呂仙亭

千葉風帆萬點鷗白銀濤裏翠螺浮蓬壺未必能勝此
合得飛仙挾笛遊

白鶴西飛去不回仙翁凝望立層臺澄湖萬頃葡萄綠
直取君山作酒杯

汨羅江

鴻荒啞啞幾千年帝遣靈均筆舌宣百代詞華開鼻祖
一生情性屬蘭荃不容人世甘沈水莫解牢愁但問天
堪笑楊雄老無賴學騷先著反騷篇

黃陵廟

墻圍薜荔座封塵帝女千秋尚有神玉珮向來臨北渚

遂初堂集

楚粵遊草

卷上

六

愁顏猶似望南巡無端清淚滋叢竹不盡靈風動白蘋
門外湘江遷客路流傳題句倍酸辛

湘潭僧舍度歲

忽忽歲云暮行旌此暫休乾坤皆逆旅身世本虛舟佛
火清塵夢鄉音慰客愁禪風未寥寂分歲話烹牛

酬石天半

君家世德重湘川不墮門風廉石邊綵服承歡萊子孝
火攻無忤伯仁賢畢婚饒有名山興藏篋仍多香草篇
三乞天公應盡與青青岳色上華顛

懺心寺有作

寺爲李尚書騰芳所造

履道坊中宅已虛中郎後裔亦蕭疎惟有祇園布金地
山僧猶說李尚書

謁南岳廟

五岳其四鄰冀方惟衡僻遠居南荒唐虞疆里本宏濶
時巡望秩典禮詳後王德薄不逮遠移禱改霍非經常
百王祀典定歸此崇封顯爵何輝煌廟貌尊嚴擬宮闕
朱甍碧瓦松千章國有大事必祭告重臣專使齋天香
神靈肸蠭昭報答祛邪殄寇時雨暘我來遊岳首瞻拜
澡心滌慮棲齋房展禮不敢用牲幣旃檀一片將芬芳
頗嫌殿宇未宏壯劫火之後門爲堂舊基儼在廣百畝

遂初堂集

楚粵遊草

卷上

七

不見寢廟空迴廊作新復故守土事資出國帑理亦當
何人以此達天聽客子周覽徒徬徨風欽名勝特揆訪
遠涉章貢浮江湘岳靈由來肯念客開雲霽雪非荒唐
乞收宿雨賜晴旭振衣直上萬仞岡

朱陵洞觀瀑布

萬古朱陵闕洞天洞門無鎖瀑泉懸青霄雪練飛千尺
白晝風霆吼一川洗耳醉眠非俗客排簾出入是真仙
璇臺肅穆清都近石上塵踪莫漫鐫

九仙觀

南岳稱仙山自昔多高道彌明與率牛傳記森可考我

行憑岳祠鍊師跡如掃但見巫祝流握衣事請禱去去
之九真真踪庶可討古觀宅山心層岡鬱相抱涉夏沛
靈泉凌冬秀瑤草古來精修人巖棲樂枯槁功成蛻骨
去九仙不爲少踵美竟無聞童童虛羽葆至人多晦跡
潛龍不舒爪未測仙有無但愛山靜好洞宵憶龍威芝
肥思綺皓應呼遺世人沈冥此中老

黃庭觀

紫虛高閣霧氤氲嶺上流泉竹下聞峰銳不容多著屋
石奇猶似乍停雲九還丹訣垂真誥三疊琴心啓秘文
見說女仙修更易有誰精懇繼元君

遂初堂集

楚粵遊草

卷上

六

福嚴寺

嵯峨獅子峰天柱屹相對福嚴古道場葱蒨林壑內堂
堂思大師法華得三昧諸佛一口吞卓立雲霄外讓祖
識金雞力弘曹溪派磨碑覺馬駒傳法周沙界繩繩列
祖庭衰替自何代式公弘覺孫道風出流輩努力扶刹
竿一燈照昏晦我來訪名藍零落多可慨南臺無一椽
石頭塔空在幸此猶煥然法幢未頽壞家風話熟梅道
味嘗苦菜不虛凌寒來雪柏有奇巢

自獅子巖過兜率鐵佛丹崖諸巷踏雪抵上封寺
山遊不厭奇衆態宜徧歷迴風驅雪來林巒忽改色沾

衣始飄翩灑葉旋淅瀝陽岡薄猶融陰嶺濃遂積瑤臺
聳千尋琪樹森百尺赴壑泉有聲梯空磴無跡僕夫更
鼓勇遇菴每一息薄暝投上封掩扉正禪寂踏雪上天
門怪此遠來客圍爐不禦寒更以濁酒敵境清不得眠
微月透簷隙夜分更披衣巡簷玩虛白臥雪萬仞峰一
生無此夕

上封寺竟日對雪

名藍高踞祝融巔檻外峰巒擁百千一雪幻成銀色界
孤筇真到玉樓天下方隔絕忘何代佛日清幽似小年
此境祇應僧獨領客來分取是奇緣

遂初堂集

楚粵遊草

卷上

九

雪後登祝融峰頂

撥開磴道雪埋冰直到孤峰最上層百億須彌銀地湧
三千世界月波澄空明只合諸天住縹緲何當弱質升
濯盡人間塵土魄仙心詩力一時增
炎帝尊嚴坐碧霄霓旌擁處衆眞朝峰頭賓日千年觀
巖畔通仙百尺橋天樂每從雲外聽靈椿不向雪中凋
向平婚嫁何須畢便合抽身此挂瓢

中山寺

松偃青梢竹臥枝寺藏淩塢路逶迤出林清磬聞疑近
隔谷鳴泉到轉遲習靜最宜幽勝地樂飢須耐寂寥時

精修說有龐眉老欲訪高踪雪滿陂

九龍卷

谷轉峰迴路更幽青葱雜樹不知秋
清泉布石垂爲瀑老屋臨崖疊作樓
雪點蒼苔如罨畫雲迷大壑欲藏舟
一瓢一鉢相將老應笑遊人踏凍遊

茅坪

踏殘雪磴到松坪枯木巖邊古寺清
宅近神龍多雨氣窓臨絕壑有泉聲
賢王種福猶存字老將逃禪不記名
本色住山無別事石田歲歲課刀耕

西明精舍

遂初堂集 楚粵遊草 卷上

干

雲橫石路水平潭千樹松陰覆一龕
最是僧家能選勝山纔佳處便爲菴

方廣寺

蓮峰秀出衆峰西碧葉千層一萼齊
寺在花房平若掌人來雪路淨無泥
谷深長與雲爲甕天近何勞壁作梯
借問朱張酬唱後幾人連袂更留題

二賢祠

南軒送晦翁依依不能舍相將遊岳山
冒雪策疲馬唱和詩百篇萬象入陶寫
戒作旋復開此意殊瀟灑學問本性靈
天真何用假尼父亦快遊登岱小天下

鄴侯祠

鄴侯本仙才不仙相亦得賓師帝王間
轉圜有餘力功名何足食所濟在人國
卷舒雲無心衣紫豈異白岳寺遇懶殘
撥火分芋食彼此謫墮人相逢兩相識

甘泉書院

甘泉八十翁銳志遊岳山徑出不告家
扁舟越重關不令官府知婆娑千峰間
結廬選幽勝石瘦泉淙潺九十仍再至
霜髯映童顏寥寥百歲後高風杳難攀

辭岳

遠遊心事岳靈知幾載峰巒入夢思
縱覽不嫌寒日短

遂初堂集 楚粵遊草 卷上

主

窮撥休恨到來遲雪凝雪霽看皆好
雲合雲開態總奇難見可能容易別
殷勤回望下山時

十嶽終當次第遊南衡夙願略教酬
荷衣肯許朝衫換靈藥誰容肉食求
混迹高流莫測藏山古簡秘難搜
重來休作匆匆計結隱何妨一丘

石鼓書院

石鼓臨江干樓臺鬱蔥清湘與濁蒸
交流如組練天清岳雲開五峰了可見
粉堞圍山根虹橋壓波面烟火十萬家
壯哉此郡縣富庶誠則佳教養策宜善
鼓鳴兆兵興古語垂記傳往歲滇池翻
毒流炎方徧長鯨此窟

宅大小經百戰頃者雲陽墟狂人忽相煽白梃薄堅城
千里爲傳箭昔賢有遠圖於此置書院欲以弦誦聲潛
消百災變道喪儒術微品淪士風賤振興當何時高歌
激英彥

迴雁峰

江風落盡嶺頭梅我正南行雁北迴自是行人行更遠
不關鄉國少書來

衡陽舊是桂王封吳淝南來甲楯重試憶金沙江上事
也應難上雁迴峰

遊涪溪讀中興頌石刻

遂初堂集 楚粵遊草 卷上

圭

沿湘數百里涪崖最奇秀高雖不天齊石骨皆透瘦老
樹垂濃陰清溪響寒溜天然一園池神功巧結構次山
富文辭性復愛林岫初隱得寒溪江山鬱奔湊罷官復
家此卽山關爲園洞壑羅庭除烟雲出襟袖平生有鴻
篇思與山石壽大書乞顏公磨崖屹鐫就文高嗣周雅
書古追篆籀煌煌忠義心輝天而薄宿奈何老涪翁題
詩誇發覆謂頌含刺譏無乃傷忠厚大物落盜手取之
亦何咎本意頌中興悲痛復何有立論但求新此病正
當救微哉辨欸乃區區爲音讀

山谷書次山欸乃歌
刻石仍譏時人誤讀

鏡石

閑樂停帆步綠苔村童野女盡徘徊縱然不識銀鈎字
也爲摩挲石鏡來

宏尊亭

樹爲簾幙石屏風鳥語泉聲絃管同更遣湘江作春酒
宏尊無底不愁空

永州

零陵古名郡山水致清佳故國傳封象遺風說捕蛇山
高多戰壘戎密有清笳見說昇平日關城十萬家

柳司馬祠

燭燭河東彥明時放可悲艱難敦友誼坎珂振文辭學

遂初堂集 楚粵遊草 卷上

圭

關炎方陋遊窮水石奇棲神宜此地不獨戀羅池

愚溪

愚溪清見底夾岸盡山根高下雲籠寺蕭疎竹映村儘
堪娛謫宦不異佳名園浚入通何境乘槎欲問源

綠天菴

言尋懷素跡遠過綠天菴蕉展書殘葉苔封宿處龕
精皆入聖心淨不妨酣秀絕崙峰頂亭亭阜正南

芝山巖

昔讀柳侯文永乃山水窟揭來訪遺蹤強半已蕪沒依
稀鈇鋸潭茫昧袁家渴時譽歸芝巖攀登果奇崛削壁

巖金城萬雉不可越佛寺嵌懸崖盤盤梯空出石銳盡
指天粲若千花發地朴未安名意擬肖百物洞穴忽旁
通初晦復明豁側足上飛梁下瞰溪活活臨溪一茅茨
花竹森成列得非列仙家餐霞宅可拔境妙何古今一
見勝千說題詩補柳記用獎來者轍

朝陽巖

朝陽一拳石空中巧廻環洞窅不可入細泉流淙潄其
下臨瀟江綠淨玉一灣架木爲飛橋聳身出雲關駢立
石秀潤剔首字爛斑可觸復可夾晨登暮忘還茲巖信
清美顯名自大山兼近南郭門遊人易躋攀豈無奇絕
遂初堂集楚粵遊草卷上 圭

潛巖

永山多空靈潛巖奇之最骨山略無土腹巧乃勝背大
巖穹然開龍鰲張可畏一寺隱壁間層樓瞰無外稍進
爲螺旋漸浚作雲蓋鵬鸞翅側垂鯨鬚却礙廣厦蔭
萬間舞佾容百隊暗疑蟠蛟螭顯若樹旂旆璇臺高下
陳玉像參差對閣道通便房仙杵列方罍廓然啟天窗
雷轟自何代地靈不愛寶豁達露肝肺林屋與善權信
佳恨幽晦明淨孰若茲宏敞亦無輩前賢多題刻錯落
排珠貝捫讀未及終亭亭日西墜恨不襍被來留連測

光怪萬事不可期清遊或能再

遂初堂集

楚粵遊草

卷上

圭

遂初堂詩集卷之十三

楚粵遊草

重登浴日亭和東坡韻

乘潮挂席泛江天重到扶胥黃木灣湧地金鉦鳴谷日
排空雪浪海門山看碑扣鼓餘佳興感舊懷鄉減壯顏
羨殺鯤鵬能變化搏風遊戲兩溟間

重遊惠州西湖

惠州城外湖隄永葭莢蒼蒼雲樹冷懸泉百道下巖巒
瀦作西湖浸千頃風亭月榭相蔽虧城堞浮圖互倒影
坐看幽勝歷循梅未暇雌雄較杭潁十載前曾客此州

遂初堂集 楚粵遊草 卷下

一時豪雋爭攀留擁節元戎能愛客提督許操觚公子

偏風流青油之幕沙棠舟攜尊邀我湖心遊十里清香
撥蓮芡一篙新漲衝鳬鷖火齊堆盤荔初熟細擘鮫綃
嚼寒玉醉歸嚴城不上關更遣參軍舞鶴鵠作碑酬絹
每盈車看畫題詩動聯軸不識人間有客愁但說清遊
當秉燭今度重來萬事非將軍墓木已成圍合江樓空
閉金鎖東坡亭做眠鐵衣石隄久破水泉涸盡舫不到
遊人稀名園爲塾蒿沒磴廢沼種麥苔平磯獨吟獨坐
增悲慨竹院猶殘老僧在指點陳蹤一惘然壑徙舟移
不相待俯仰之間成古今何論百年與千載便如薊子

摩銅人莫訝麻姑說桑海

白鶴峰東坡故居

境遇無美惡美惡從心生苟能齊得喪大地皆蓬瀛嶺
南雖炎熱山水秀且清居人多壽考藥物羅千名奈何
唐宋人視若舛與阮謫宦如就死涕淚晨昏零至者亦
多病往往歸銘旌良由乍失路坎壈懷不平百憂復千
慮坐使疾疹繁達哉東坡翁視身如浮萍聽其所棲泊
不與風水爭死生非所動寵辱安足驚時來居玉堂時
去安柴荆得意食五鼎失意甘藜藿嶺海等中州逍遙
一身輕鶴峰茅可結豐湖蓴可烹白水浴湯泉羅浮餐

遂初堂集 楚粵遊草 卷下

青精豈惟不愁苦樂事翻合并忌者意不嫌更遣僧州

行居僭亦如惠詩筆彌縱橫造物無奈何放之使歸耕
賈生遷長沙憂傷促天齡退之稱崛強乞命於湘靈千
古一坡翁處困如處亨翁本謫墮人豈惟文中英學道
早有得廓落心地明出語如冰雪霍然洗煩醒我願從
之遊駕虹蜺八溟遺蹤此髮髯白鶴來天聲

自龍川過嶺

惠潮兩雄郡提封各千里中間限連山隔絕東西水山
惟五嶺支南行脊隆起我昔遊霍山曾登趙佗壘今作
潮陽遊驅車遂東指修坂憂雲青層峰映天紫離離黍

苗秀活活泉流駛山市巖山泉色味俱清美白堯盛若
空容愁爲一洗昌黎昔南遷驛路實過此名賢廟祀宜
傳會自誰始地名冒藍關肖像雜湘子公貶在春正到
湖春盡矣初出藍田關題詩紀行李嶺南固無雪三月
尤非理集有示湘詩乃在洞庭渚相逢寧此地傳說俱
誕詭區區不足爭堅執笑氓俚謂余如不信更請徵圖
史

長樂溪行

溪村種竹如種柳臨水行行曲垂首不放溪流便出山
疊石層層截溪口舟行雖駛苦迂曲百折千迴如篆繆

遂初堂集

楚粵遊草 卷下

三

得缺一溜箭脫弦好峰當前忽在後溪灘如檻皆天成
茲何寸寸出入手山田仰水始耕耘一車所吸溉千畝
莫怪惜水如惜金澹之實難涸何有舟行勝陸良已
豈必星奔與電走推蓬看山緩更佳屈曲畫屏關左
誰呼嶺外作瘴鄉如此溪山病人否

水車

世間大巧不有用用物之力因自然力大無過風與水
驅使有道天無權帆檣輻輳皆聖作水車奇妙無匹
築防壅水令湍悍衝波蹙踏車輪旋輪廣丈餘其
編筒其上巧在偏仰則吸水俯吐水如瓶傾

李本爲槽受其吐駕空行遠歸於田神龍捲波謝迅疾
霖雨注地輪連綿晝翻夜運不暫息無人守視常轉圓
吳丁作碓舂米穀山僧修篴行清泉一家一戶自便利
豈如普潤澤不專漢陰丈人戒機事此非私智天機全
於人無爭物無損其器可守法可傳吳淞水平不可激
夔蜺相視休相憐但安桔槔守拙鈍勤苦亦自邀豐年

程鄉

迢遞層城枕碧流披圖知是古梅州三春勝槩南田洞
萬古英風鐵漢樓饒有江山供客覽虛傳瘴癘使人愁
儒風見說如鄉魯文獻還思細訪求

遂初堂集

楚粵遊草 卷下

四

蓬萊灘

江奔峽束鬪風霆嶺外危灘遠有名上水纔如穿井出
順流船似柳梭行迴看旋伏方知險慣涉波濤已不驚
潦倒任從龍吏笑此心平處地皆平

閉破行

潮郡綿萬山客程傍山行登蓬萊樵者略訊諸山名指
點最峻處云中有銀坑盜採昔無禁羸糧走疲氓尋苗
斫巖腹排砂出精英鎔冶爛成餅朱提遜光晶貧兒可
暴富利源啟紛爭攘奪或相殺盜賊滋縱橫小利乃大
害官長豈不明處脂有餘潤欲禁焉得成賢哉今太守

調張
清廉莫與京始至啖以利峻拒如堅城決策遣封
閉塞爭銷姦萌居民始安堵梓鼓寂不鳴我聞重太息
斯人信邦楨遠宦在天末雅操能冰清或言山澤藏天
地之奇贏方今急治財百計謀金生何不條便宜官採
輸額征嗚呼此屬階毒蠱不可嬰地產有時盡國課恒
取盈前朝磧稅禍糜爛如沸羹丁男化亡命去弄潢池
兵富國在本計錐刀非所營端人恥言利弘羊竟當烹
此語合洗耳勿令賢守驚

韓山謁昌黎廟

文體陋齊梁極衰在唐盛儷葉與駢花纖艷日相競風

遂初堂集

楚粵遊草

卷下

五

會所波靡賢豪莫能拯中葉挺昌黎才雄而骨勁崛起
爲古文排偶習掃淨天馬踏空行不踐腐履徑鏗鉤奏
韶英一破衛與鄭能事窮怪奇指歸趨雅正作者亦代
興高古疇與並見道雖未浚汲汲師孔孟闢佛雖甚龕
賢鯁勝庸佞髻黻誦其文心開對明鏡今來拜祠像肅
然自生敬舉世尚脂韋百諾無一諍安得如公人力砥
頽瀾橫

潮州古揭陽秦初置軍屯唐僅領三縣山城帶蠻村名
賢罕臨蒞人材古無聞韓公翩然來鸞鳳下天門不以
荒服陋治之如中原賓賢禮孝秀學術相討論文風始

開闢靈膏澤蘭蓀至今潮人士彬彬多軼羣精誠格頑
暴至信孚魚豚臨淵出訓語潛鱣爲宵奔牧潮不匪歲
惠愛千秋存邦人謹奉事肅若周孔尊江山冠以姓一
飯思舊恩輪囷者何木苑枯驗人文有似家鼻祖垂慈
念雲孫張君感諫草守廟不用髡舊以僧守祠初獨憐
齋始罷遣之蘇碑蝕新碣如絲棼

鳳凰臺

潮江抱郭如弓彎南馳赴海不復還天生沙洲塞江口
似與閩郡爲門關層臺龍嵒立洲上望若鰲背浮來山
方舟絕流一登眺江山紫迴作玉環榕蔭中鋪畫堞

遂初堂集

楚粵遊草

卷下

六

蔚藍天外排烟鬟長橋橫截白銀浪古塔倒浸蒼龍灣
南溟去此咫尺近鯢髯鵬翼微茫間徑須乘槎訪仙侶
何事漂梗棲塵寰十洲靈藥不可採三山欲到風濤艱
君門九重身萬里清霜入鏡絲斑斑地主多情解相慰
玉壺盛酒玻璃殷蘭橈綺席招勝友梯空眺遠舒愁顏
觴政森嚴角楚漢楸枰變幻爭觸蠻客中良會豈易得
幸無職守身優閑丹山九雛在天際詎有彩翼來斑斕
高賢棲止便如鳳韓陳渺矣誰能攀

湖山寺

抱郭環湖秀一峰仙關佛閣架重重石堪鐫字都如鼓

樹不知名半化龍海色一簾寒落照江聲十里應疏鐘
好山何用嚴城鎖恐是浮來更失蹤

五日韓江觀龍舟

驚心節序催銷愁賴有故人杯火山荔共鱗魚薦
王獻同榴莖開褰袂朱簾侵雨上爭標快槳掠潮來
何似胥江好萬里看雲首重回

和張損持庶常九疊韻詩

暫遊常萬里放曠孰如吾君亦撥奇出身能濟勝無入
閭天鑿徑到海地窮圖第一仙靈窟會遊記鯉湖
灘江攀人桂湘浦訪三吾勝地披尋徧清詞唱和無蟻

遂初堂集

楚粵遊草 卷下

七

行仍左轉鵬運亦南圖豈料同岑友相逢在鯉湖
百年從鼎鼎一楊自吾至味吟詩出閑愁對酒無漸
諳南食譜長展水村圖不用嗟留滯風光似鏡湖
烟消看幻態木落見真吾名節千秋在榮華過眼無采
真尋舊侶遊嶽挈新圖不淺乘桴興扁舟陋五湖

和損持初食荔支作用東坡韻

離支產在天南區中州所啖皆其枯色香味裁信宿變
紅塵一騎空馳驅此地嫣然見真態姑射仙人冰雪膚
只嫌先熟非絕品早嫁豈是傾城姝閩粵譜各競勝
牛羊眼但知方隅我曾兩地過炎夏欲評高下嫌心能

潮陽地居閩粵界會當各致千驪珠爭新闢雋不相下
班香朱艷鄒枚腴同遊有客啞然笑細鱗自有尊江鱸
爲口留滯非得計搏風鵬運真良圖

損持疊韻相答走筆再和之

君才朗朗懸冰壺我如寒蟬抱樹枯欲摹景物懶拈筆
賴有高唱爲鞭驅新詩峻嶒玉山骨佳果綽約絞綃膚
清詞雋味兩相匹何異仙客諧仙姝亦曾陪宴餐賜果
斷蓬飄落天南隅君王愛少臣已老骨相不媚肝腸麤
君宜早就藜杖火玉堂廣和揆驪珠新移閩荔入宮禁
療渴自可分瓊腴給札輪君上林橘垂竿讓我秋江鱸

遂初堂集

楚粵遊草 卷下

八

歸歟吾願客亦可抽身早入浮家圖

損持三疊韻賦苦雨三和之

韓江初泛舟如鳧沙膠洲閑愁乾枯朝來新漲忽如海
鞭雷走電羣龍驅積雨連旬勢未歇蒲節已過寒侵膚
雲籠山面閒復掩有似簾幙藏嬌姝薰衣霽潤入箱底
餓紙蝸牛升座隅江豚拜風勢力橫屋鳩逐婦鳴聲匳
靈雨望承仙掌露愁霖怨泣泉客珠豈惟損鹽憂甌戶
亦恐害稼淪膏腴惟餘垂綸客差喜出手釣得六六鱸
着屐城頭看天際米家一幅瀟湘圖

贈華嚴菴起南禪師

夙好遊名山非徒嗜山水樂與超世人微言析精理竭
來潮陽遊江山甚清美恨不見大顛靈山空仰止陳君
問語余之吾宗有開士真純餘古風結廬近在此聯袂
一訪之落落孤松似本有儒流學佛得心髓法乳餐
崆峒高踪慕船子一錫徧天涯白頭歸故里鳥窠但吹
毛天龍只豎指領悟苦無人著書覺蒙否教義提綱維
禪宗扶肯綮以彼有言說顯此無言旨謂余頗知音發
篋罄底裏烹葵竟日畱咳唾皆禪喜匡廬祖庭虛台衡
法流靡何意宗說通翻在窮海涘爲客悵萍踪贊歎憑
片紙誰爲大力人與扶法幢起

遂初堂集

楚粵遊草 卷下

九

竹林寺訪宜白禪師

湖州少精藍竹林頗幽勝我來披荒榛剝啄久不應主
僧往靈山間寂苔封徑步旬再過之赤髭笑相迎山雲
挂杖頭溪月懸拂柄言從閩山來愛此清絕境把茅聊
蓋頭懶拙頗相稱邊地少信根說法無人聽靈山顛祖
庭荒蕪草沒脛欲往扶刹竿宗風苦不競天籟鳴刁調
百篇詩寄興白雲不可攜客至聊持贈潮陽亦名區人
豈無佛性向來少高僧四衆難生敬師爲印心人素居
離關諍不矜舌瀾翻所喜譽孤硬大顛三扣齒昌黎苦
不證一卷寒山詩晦翁愛哦咏文字可接人誰云非祖

令會取言離言何妨鏡照鏡

贈陳比之

園公起海濱文譽中邦馳有似水犀軍爭長盟黃池竭
來訪其後逸少有七之猶子及諸孫文采爭陸離一門
自酬唱嶸谷吹參差比之尤朗潤秀出瓊林枝詩篇最
清婉格律中唐追秋水淡無色春雲動含姿爲人絕彬
雅玉山映鬚眉相對無多談別去令人思長離去已久
鳳毛幸葳蕤俗所誇世家科第肩相隨何如宗工後奕
葉昌文辭甫惟審言孫邕乃李善兒勉旃弘家學樹幟
天南陲

遂初堂集

楚粵遊草 卷下

十

集杜錦來寄園

無端作客到南溟鄉曲難逢快聚星誰信戎韜工翰墨
最憐官舍似園亭檻園花藥叢叢媚樓攏烟巒面面青
雨後新涼宜晚坐類唐肯放玉山醒

爲夏回岸題梅鶴居

懶逐浮榮畏啖名種梅蓄鶴有深情無花也愛凌霜影
不舞猶憐警露聲詩就羅浮香十里賦成赤壁夢三更
孤山此日園金粉輪輿高齋物色清

讀武源顧將軍傳

中原已見臥銅駝一旅厓山事若何填海空銜精衛石

迴天莫挽魯陽戈身埋絕島忠難泯骨返家山恨不磨
猶有鐵函存姓字孤兒莫漫淚滂沱

割肝行爲莆中車孝子作

世間至孝稱割股車郎割肝心更苦一割已足通神明
再割彌令人天驚兒身母身同一體平時髮膚不敢毀
親危力竭無奈何一綫可延不惜死精誠感天天可迴
十五齡延廢一孟廢一孟能再進母不嘗兒心盡紛紜
萬口爭誇矜兒心豈願求名稱亦或引古相繩詆兒迫
遙知律與禮若使一念生較量寸誠何能動穹蒼貧能
養不離膝少壯至老如一日史家論人須核實縱不割
遂初堂集 楚粵遊草 卷下 士

肝猶可述

惠來道中

層岡迤邐帶平林茅塢人家結構淺鮮荔摘殘收菡萏
早禾登後布秧針炎方入夏偏多雨海國逢晴也半陰
地近南溟無路到釣鰲孤負壯年心

東海濱

惠潮間道海南邊谷邃山長路半千積水縱橫防沒頂
蘆虛卑濕苦駢肩輿廝窘客中途去簷雨愁人徹夜懸
已被鷓鴣嘲作客更教布穀勸歸田

海豐縣

行盡崎嶇舉礪程雲開山豁見嚴城高齋午挽盤輿駐
賢令先煩手板迎邑令白萬井桑麻人抱犢千家弦誦
士影纓銅坑錫冶都封閉料得潢池少弄兵

羊桃嶺

只言海國水茫茫豈意連山亘地長高嶺千盤摩日角
懸車一線繞羊腸邊烽熾日關應守鯨浪消時險莫忘
絕頂半龕岷石佛不知閑看幾滄桑

望羅浮作

曾踏飛雲第一峰鷄鳴海日浴芙蓉十年長是裁詩憶
萬里何期到眼重白入九霄龍洞瀑青籠一谷石樓松
遂初堂集 楚粵遊草 卷下 士

鸞吟蝶舞如相待準擬秋深策瘦筇

閏七夕後一日集法性禪院分韻得片字

羊城吾舊遊年華去如電重來萬事非舟移而壑變稍
喜數精籃竹樹仍蔥蒨蘭湖老亦髭脩然鶴骨健必藉
詩轉工藹藹春雲絢新涼試招尋聯翩集羣彥解衣長
松陰坐立從所便清言繭抽絲妙義鋒拄箭石分甲乙
品基決雌雄戰香飯餐伊蒲山蔬勝玉饌開軒延雲光
展簾拂花片俗塵不煩除世慮自然遣莫言禪門冷亦
有炎風扇投閑而得喧作計未爲善何如真率流披襟
數相見排簾對青山依依故人面

六鑒堂讌集分韻得用字

男兒故是摩天鳳名位膠粘不能動不見金門索米人
汗青甄白需資俸藥亭先生達觀者一踏紅塵便飛鞋
歸臥家山十二秋詩滿屨屏書接棟我亦槐根睡覺人
騎鯨捉月容豪縱善病張融采藥來持羅浮仙笛同
吟弄逢君大笑開積懷論文品石傾家甕新涼開讌古
藤陰詞人輻輳清歡共冰紋古琴傳大雷鶴眼寶硯來
中洞考古任翻鄴架書攄懷恣作洛生諷手談靜默無
紛爭觴政雍容絕喧閑興來細壁菖蒲牋拈題探韻傳
鉤送淮蔡偏師競先登幽燕老將能持重爭奇角險隨

遂初堂集

楚粵遊草 卷下

三

匠心雕盤秋空射命中如斯謀樂豈不佳差勝赴朝寒
忍凍傲他授簡集鄒枚俗殺彈冠說王貢萬事過眼如
煙雲得失何爭鹿蕉夢水中鳧與轅下騶縱車生耳亦
安用天涯老友會面難作歌須長飲須痛休問千金陸
賈裝且甘五色青門種

中秋馮躬暨太守招集衙齋

一葉梧飛動客愁况逢佳節報中秋多情地主相存慰
不速心知共讌遊官閣香凝書繞座海天雲淨月當頭
圓珠一串歌喉轉絕勝喧闌在虎丘

侍宴師門憶往年長椿萬柳日隨肩空懷北海新松檜

不見東山舊管絃騰達羨君方疊組飄零愧我已華顛
銜恩感舊無窮意并在清宵樺燭前

六榕寺天公精舍

子安碑記子瞻書壯刹年深有淨居僧不傳衣偏秀朗
榕非舊本更清疎遺塵便出人間世習靜遊達古初
已識穎師琴入妙無絃聲韻定何如
懶向鈴齋與戟門絕憐僧院素風存天容道貌無拘檢
詩律禪燈好細論燒笋風流驕綺席品茶標格壓芳樽
若教日日精廬坐忘却江南紅葉村

鈕玉樵用余贈行詩依韻見答復疊前韻酬之

遂初堂集

楚粵遊草 卷下

十四

五嶺隔中州官以郵傳視一飲石門泉不復見廉吏取
民何必巧箕歛有成例吾友冰雪心不貪素所貴高步
鷄羣中孤立行一意不羨鼯鼠騰不愁匏瓜滯潔躬如
守隄遠貨如拔刺豈惟清絕塵惠民有實事高壘撫盜
平長圍衛田置丁男課耕桑婦女賤珠翠人比桐鄉懷
政匹中平異末流仕皆賈如君乃真仕惜哉滯百里不
登華要地昨歲送君行贈詩相祗屬竭來過所期卮言
幸不棄拏舟擬相等及此風颿利猪肝恐累人臨流不
終濟南藩闢武闢典校需有位軒車翩然來快談
驕吾方悲泉狂君亦笑狸醉欵語如故鄉都忘在炎癘

一命可澤民莫作歸田計我耽汗漫遊白眼玩一世豈必長合并淡交殊有味

蒲澗寺

羊城東畔市塵疎巖澗蒼寒好結廬
澗樹絡藤披作帳清泉漫石瀉成渠
雲山霸國提封外藥物仙人服食餘
容得高流此棲遁名根祇恐未消除

簾泉寺

傍澗尋山不覺凌山迴澗轉樹交陰
雲開忽湧初禪地風過遙傳梵音亂
灑驪珠沾客袖輕懸綃箔到潭心
靈泉不作砭蟲勢一滴炎天解作霖

遂初堂集

楚粵遊草 卷下

五

白雲山登高

白雲山頂出雲層客到雲開萬象澄
嶺嶠迢遙無過鴈海天空澗有鶯
鵬霜花滿眼催時序蜃市崇朝感廢興
無復英雄能遁世安期仙竈蔓寒藤

重遊七星巖

崧臺奇妙最難忘彈指重遊已十霜
林岫蔥籠仍翠染峰巖飄動尚鸞翔
亭存四癸人堪憶僧真際作亭癸
園次名曰四癸及雙鸞事可傷山有鸞石
新被伐去自去山公遊屐少謂前制
府吳鼎

硯石歎

村雲隱月磴久荒涼

端溪硯石天下名雲腴玉髓唯水坑
三旬車水百夫鑿淩入巖腹旁敲鏗
截肪割雋出秘洞冰統滑潤珠晶熒
地不受賈有時盡山枯坑閉無畱英
人間珍藏購難得工人勸客爲採石
浹旬捆載連翩來細鑿輕磨黠無色
客未見舊祇見新片片雕鐫自珍惜
我見水巖不如此未敢輕褒混黑白
溪行審視始豁然新坑乃在官道邊
鑿山每丈去水遠何由舊物同鮮妍
從來至寶非淺獲驪珠須是探重淵
汲長綆短亦安用朝耕暮穫無良田
衆工大笑操鋌前幾人藻鑑能精專
滿懷燕石差易售千金之璧恒棄捐

遂初堂集

楚粵遊草 卷下

六

惠州西湖十詠

湖心亭

點破湖天影微茫一草亭片雲依鷺白
孤嶼浴波青吹笛無仙侶垂竿有客星
江風消酒力一上一回醒

攬勝亭

湖光昏旦異勝槩此全收日抱樓臺漾
雲銜草樹浮荔香堪送夏鱸美欲先秋
好慰南遷客言愁何處愁

黃塘寺

大小黃塘里人家半枕湖疎籬燈隱現
淡樹雨模糊寺共霜鐘冷僧同露鶴孤
誰拈松雪筆寫作水村圖

棲禪塔

秀出層岡上中天一柱標光翻湖日動影落海門遙鈴
語清塵夢鐘聲答晚潮雷峰堪比擬望斷短長橋

蘇公堤

誰將雜組線界破碧玻璃綰袖長楊弱承茵嫩草齊春
生遊女屨花散玉驄蹄何似天隨子清吟獨杖藜

朝雲墓

佳麗人多有坡公妾獨傳樂饑堪伴謫離垢欲通禪魄
化茲山土神棲何界天纖纖湖上月猶似照嫋娟

準提閣

遂初堂集

楚粵遊草 卷下

七

小峰如許秀有鶴即孤山閣在松杉杪僧居紫翠間江
光浮塔去湖勢撼城還雲出雲歸便閑房不用關

永福寺

宏敞前朝寺兵餘結搆新至人曾迹跡國士此潛鱗
保讀書於寺遇真
空禪師今有像存天濶雲垂暮湖平月湧銀不須僧共

語魚鳥最相親

元妙觀

觀敞臨無地樓高切太清真儀仍肅穆仙界只空明水
淨雲無影松高露有聲蓬瀛原咫尺來往任騎鯨

拱北橋

層層隄東水只放一橋通不覩排山漲安知砥柱功舟
移銀漢上人醉錦帆中不盡觀瀾意相將踏臥虹

分賦

山遵水而趨水薄山而定涵浸成重湖清輝兩相映層
城壯飛甍倒影落天鏡六橋跨雙堤彷彿如明聖天公

憐坡仙謫墮以此贈寓惠詩百篇大半臨流詠我行三
過循不淺沿洞興意到常獨遊得朋更豪勝地主知雅

懷蘭橈一尊訂風日恰晴和林巒轉娟靚牽藻掠柔瀾
披榛討幽徑高歌魚龍起逸嘯鸞鶴應藉茲空曠觀迢

遂初堂集

楚粵遊草 卷下

六

我幽偏性湖堤喜新成日見春水盛微嫌菱葑淤空明
未全稱思驅修月斧一洗水輪淨

江山氣清壯磅礴生人文名宗葉與姚賢達何續紛石
洞擅高節龍潭樹奇勳太常操鵠立憲副聲蘭芬弓裘

儼不墜濟濟見曾雲刺史早懸車瑞五惠連秀軼羣鄰坡
仲容藝振幟權乘無忌才冠軍漁非海曲韞珠貝明堂待鋪

護吾衰樂取友學問不厭勤雅詠憂金石鴻章溯呈墳舉
況逢佳山水過從不厭勤雅詠憂金石鴻章溯呈墳舉

石上陸行至峰市作

萬水赴東北汀江獨南流雄吞諸溪水箭激趨潮州中
有隔關處亂石當襟喉閩粵所分界過水不通舟人行
上絕壁蔽日楓楠稠如經棧道險似入仇池幽俯視但
白浪滾滾相騰蹂碎轟雷鼓灼爍千兜登十里臥瀑
布百丈掀潮頭勢排地軸轉力撼山根浮飛鳶畏貼墮
天吳不能遊石非有情物水性本至柔位置失其平關
爭不得休吾欲乞真宰鞭霆策奔蚪盡平此硯礪豁達
成鴻溝愚公意則勇排闥與誰謀

峯市至黃泥瀧經三折新豐大孤諸險灘作

閩谿多險灘入境即駭駟地無一里平水流石在腹鳴

遂初堂集 楚粵遊草 卷下 九

聲何嘈嘈沸浪紛跳蹙舟行石罅間繚繞羊腸曲兩山
相輳時奔湍困拘束迸出如遊龍悍怒不可觸溯流欲
上之寸進而丈縮舟人多便巧出沒於漩湫篙纜隨所
施操縱妙輕速騰身捷猿猴作氣勇賁育一灘復一灘
銜尾相追逐刺石如刺虎牽舟似牽犢不剛不柔間心
手相應熟紙船而鐵工諺語殊可錄乃知世間事不爭
智力足處之得其方龍擾獅可收衰年涉危途垂堂戒
童僕靜觀出險理可以齊寵辱

重遊杭川喜晤諸故舊

三千里外曾遊地豈料萍蹤得再過地主依然蘭笑人

故人微覺髭絲多拂苔還認題名壁撥草重尋落屐坡
白足山僧迎我笑長懸一榻待維摩謂匪石禪師

寓丘園作

性樂林泉段市喧暫居猶喜得閑閑淡澹山色晴浮閣
清淺溪流曲抱軒侵夢晨鐘連梵宇覆村淡樹接花源
安眠便作吾廬想只少伊人與晤言謂劉菴石

汀江

汀江再溯愜歸心只苦春寒日日陰舟似蝸房四邊漏
漲添蛟雨十分濺灘常險處山偏好人正愁時鳥一吟
行李淹留時序速簷筍抽笋已成林

遂初堂集 楚粵遊草 卷下 十

漱玉亭

數峰巧石枕江干冠石爲亭漱碧湍郡守看山時拄笏
令君畱客共憑欄長汀令話儀宗兄饒別於此天舒霞采供詩筆江
放魚龍入釣竿勝地久埋官道畔一經披剪作奇觀

清流縣

清流難得見愛此縣名嘉一水清環郭千峰秀拱衙造
舟專嶺表閩省八郡皆清流縣轉木徧天涯山多巨木踰風節
裴公重尚書裴公名應章荒山有世家

漁滄廟廟神姓樊名令仕南唐勳賊戰死今爲水神

英雄能殺賊殺魄每爲神不讀前朝碣寧知死事臣姓

名遺國史廟貌肅龍津共有安瀾祝溪毛薦旅人

鐵石磯靈山寺

欲下危灘去維舟暫泊磯漲平看石出雨歇見龍歸古
木深藏寺閑雲靜擁扉倦遊頻涉險枯坐讓田衣

過九龍灘

閩溪百千灘九龍實奇險連峰障為壩一峽束成檻密
樹氣陰森濃雲色悽黯巖巖鯨呿牙岸崿龍縮頷怒流
千蛟螭碎石萬菱茨陸瞰猶寒心舟行敢輕犯長年別
僱募輕載還分減虔恪祀神靈軒昂壯心膽逶迤歷湍
磯逼仄入巖穴忽如雷霆來震耳不及掩乘高堅淵淪

遂初堂集

楚粵遊草 卷下

三

破浪出坎窟崩濤銀山排弱杵風荷颭稍觸寧倖全一
墜不再攬前灘險後難迅疾無留艦六龍既颺馳三龍
復電閃碎旬廿里間能咆而虎喊未遑收驚魂何暇恣
劉覽推篷偶旁矚削立千箇苔淨如玉雪鐫爛若丹青
染亭亭笏孤標子子圭上剡瀑布懸百尋珠簾散千點
奇妙難具論沉埋良可感衰頽念羈人憂患經習坎老
病來侵尋年華去荏苒利名浮雲輕嗜好嚼蠟淡胡然
數乘危倦翼飛未斂心同臺尚遐跡異蘇黃貶逝將歸
故園一徑蓬蒿斬小山陟陂陀清溪泛漱澗心平地盡
平無欣亦無憊

永安道中

經旬上水苦行遲也有沿流迅發時新漲乘來帆不遲
重灘過後險方知連村造紙勝純素夾岸排峰倚武夷
欲訪仙源無入處過溪橋斷雨絲絲步訪桃源洞不達

延平府

三面清江一帶山層城如畫碧環間江中帆檣明堪數
城上樓臺迥可攀遠意欲將憑弱羽時遣使往三山故人重見
感衰顏謂范筆山太守有情得似雙龍劍千里分飛一夕還

過建寧贈郡守龐雪崖

靜似澄潭懶似雲同人恬雅最推君裴王標格清無敵

遂初堂集

楚粵遊草 卷下

三

儲孟詩篇秀絕羣漸羽正應憐鶴潔當門偏自忌蘭芬
迴翔省寺何妨久綵達居然郢匠斤
五馬朱輪爵不卑一麾何事詠延之股肱都是甌閩界
牧伯身為長吏師吹律仁風寒谷應飲水清操九天知
畧酬經國平生願絕勝然藜獨照時
桂栢楓梧不共根榮枯霜露信乾坤乘時君作龍仲雙
養拙吾甘瓠落樽萬里江湖隨簪笠十年書札斷金門
故人屈指多零落賴有扶輪大雅存
楚江行盡粵江浮又上閩溪簞葉舟老矣一編書落落
歸歟三徑竹修修敢言索食依仁祖且喜餐風頌細侯

相見幸存真面目行藏各自有千秋

雪崖招飲郡齋

凝香燕寢淨無塵絕稱棲遲散木身官舍却逢方外客

座有二新知仍是故鄉人張別駕蕭守府皆江南籍奕忘勝負機心

盡饌絕葷羶道味親却憶金門同舍樂襟懷如舊髣髴

新

贈施質存

愚山之孫

碩果凋殘十六春欣于天畔見孤孫貧無世業文章在

弱有門風孝謹存遺集抱來何計刻荒莊彌望不堪論

青雲努力期繩祖漂梗慙余只贈言

遂初堂集

楚粵遊草 卷下

重

偕雪崖遊悅山菴訪準彌上人

散人交契半禪翁郡守何緣興寄同燒笋已邀陪辨老

籃輿更約訪渡公寺鄰飛觀諸天擁城截蒼山一澗通

盡日清言忘世事居塵原不受塵籠

贈準公

儒門淡泊向禪門往事滄桑不可論入道全家棲海角

叅方半偈徹心源嵩山竈墮名難晦梨嶺薪傳道益尊

為報懶齋公案了恢弘祖武仗兒孫吳下新刻古南遺書師為古南法孫

故有未句

偕雪崖重過悅山菴

孤筇不厭逐雙旌重扣松關繞澗行俗客未如禪客淡

名心何似道心清閑披梵筵天香發細展嵩碑祖系明

師藏會善寺列祖圖碑明天順間立敘五宗世系甚詳莫道龐公貪選佛選官寧

礙說無生

準公以嵩山石淙碑見贈賦謝

網羅古刻吾成癖師有同心事絕奇退院尚藏嵩少榻

磨崖最賞石淙碑便邀割贈珠盈把預想臨摹墨滿池

無物可克瓊玖報端溪片硯與題詩

雪崖餞別梅仙山

使君送遠不尋常直上仙山快舉觴峰在溪南塵世隔

遂初堂集

楚粵遊草 卷下

重

身來天際水雲涼平臨萬井芝城小細數千帆鳥路長

控鶴驂鸞還有別人生何必悵河梁

譙論危言一子真珥貂慙殺漢廷臣天將忠孝光仙籍

地以幽偏待至人秘洞丹書迷篆籀懸崖芝草秀冬春

無勞夢卜通靈異我是槐根覺後身梅仙祠為郡人所夢之所

廿年交好託同岑知我煙霞結契淡娛客清暉用山水

贈行佳興藉登臨松筠落落常堅節風雨膠膠不改音

口吸西江無可說重逢還理沒絃琴

蕩支盆

蕩支盆來三山枝頭墮土生根難一枝截得千株殘蕩

支盆上建浦衝波蛟離挽舟苦短蓬愁日復愁雨荔支
盆過仙霞千夫肩荷百吏遮汗流骨出愁鞭撻從此浮
江湖河去嚴程晝夜不停住焦枯顛頓十存五寥落徂
紅綴孤樹蓬萊宮中掩露嘗永九入口流瓊漿寧知一
九數金值百旬勞擾千村忙大臣事君自有禮忠孝不
在養口體爭新作倘彼何人釋騷煩費無窮己不貴異
物惟吾
皇勤求民隱恒如傷誰能上書罷貢獻令人千載思唐
堯

夢筆山

遂初堂集

楚粵遊草

卷下

五

山有精英宿有芒天將彩筆與江郎名賢踵武書堂在
禪宿潛鱗法雨長山寺爲覺漢和遺像尚畱蛛織戶殘
僧不見燕棲梁寒山片石差堪語枯木重華更幾霜

過仙霞關

亂山環匝百千重隘口丸泥信可封石擬橫戈臨鐵甕
人如攀絙上金墉懸車地外都無地障日峰端更有峰
漫道一夫堪守險開關自昔不曾攻
戍壘無煙角不鳴時平容易擔書行松篁翳鬱常含雨
祠殿翬飛舊駐兵白髮僧談灰劫事蒼苔壁蝕古賢名
南轅北轍吾衰矣慚愧勞勞過此生

江郎山

秀削三峰插半天儼如兄弟立差肩帆開笏卓形模巧
玉琢冰裁體骨堅跋馬望來欹復正視雲看去斷還連
仙人化石知何意要見桑田變海年

遂初堂集

楚粵遊草

卷下

五

遂初堂詩集卷之十四

豫遊草

渡江

羅浮衡桂恣登攀看盡南條萬里山未到中原遊豈壯
不窮十嶽鬚空班興來一艇江淮去身健孤筇陝洛還
解事金焦兩相送晴峰流影片帆間

重過縱棹園有感

園為喬石林別墅

名園十載客重來依舊紅英覆綠苔影水山巖迷昔徑
拂雲桐柳見初栽優閑元亮單車去強健文通素旆迴
大好園亭難穩臥笛聲淒斷使人哀

遂初堂集

豫遊草

清江浦晤前輩衛爾錫先生

歷下當年別寧期此地逢浮生駒一瞬世事浪千重公
望朝端仰清修

聖眷鍾長臺持憲紀開府靖邊烽忽荷雷霆謫言投肅

慎封三冬餐黑雪萬里渡烏龍塞北有烏龍江習坎風波惡還

鄉雨露濃焦桐仍拂拭古冶更陶鑄水塞金隄失工分

瓠子衝泥塗巡僕僕版鋪理憧憧卑濕經年病辛酸百

藥攻避人蕭寺冷喜我足音是宦海半愁緒水天界洲

慘劇談催剪燭矯步却支筇早歲邀分硯清言每扣鐘

學期揀與交人擬匹君宗老大聰明減蹉跎骨相銷紅

才趨漢闕有伴釣吳淞屈市頻經眼蛛絲不罥只
精與述便抵樹黥庸共有千秋願何當一屬從元音融
梵夏余與先生論音韻最相合昔有同著一書之約至道溯黃農噩夢醒何在
凝塵鏡豈容不妨身似樸安用腹生松

晤內弟子栗

至戚多年別重逢鬢已絲火耕愁儉歲玉立見佳兒薄
俗能躬矯衰門幸力持堂封還未卜風樹有餘悲
絲蘿曾早締中斷劇堪傷作賦方懷舊潘安仁懷舊賦為傷婦翁而作
題詩復悼亡幻緣如夢短宿草比人長獨客仍蓬轉淒
其萬屢霜

遂初堂集

豫遊草

訪顧亭林先生遺書不得

先生著音學五書刻於淮浦張力臣家力臣亡其子以板質於人不可復問

吾師精力罄殘編獨溯元音遂古前本託良朋校魚魯
寧知遺刻散雲煙鼎淪泗水終歸漢鼓落陳倉竟到燕

此日侯芭漫惆悵玄經千古定流傳

河隄

河隄高於山人民隄下居一潰如建瓴萬戶愁為魚人
言百年前水潦數丈餘船櫓在岸下豈有決溢虞自從
黃流灌泥沙日填淤河身高過岸增隄使之漸築牆而
居水作計無乃疎紛紛治河者議塞不議疏賈讓之下

策恪守莫敢渝行水不師禹壅遏徒區區

良醫視病人察脉審其證悉病所從來治之藥乃應渴
河本北流清淮自南亘河徒忽奪淮淮弱而河盛一石
八斗泥壅礙入海徑倒灌淮上流湖淤可涉壓埂堰始
衝決淮南受其病塞決固治標要須遂其性下流無路
行東遏必西迸瘡平毒未消堡閉盜猶橫旁觀方憂危
當局莫予聖

治河近稱善吾宗老司空

諱季

河徙時未久淮流尚爭

雄海口雖停沙可以水力衝淮主河乃客主壯客不攻
用清以刷濁當年策誠工淮今僅一綫河漲猶難容淤

達初堂集

豫遊草

三

沙積成土不濬焉得通古方治今病和緩枝亦窮疏淪
費雖多尺寸皆有功隄成倘蟻漏金錢擲波中

宿湖口

湖口汪洋已盡淤引河新鑿十等渠扁舟穩泊無風浪
爭奈洪流噎不舒

過洪澤湖

萬里中條水奔騰匯此湖淮吞千派入潁挾衆流趨浩
蕩包原隰微茫漫邑都涵天得分野羣地占輿圖背倚
高丘望今乘旅舶徂初循塘屈曲漸出浦縈紆嘯引中
流棹風開十幅蒲白浮濤似屋碧綴嶼如鳧浴日歸墟

接蒸霞少海鋪微雲山影在一髮岸痕無波靜魚龍伏
沙寒鵠鵲呼槎邊星象小萍際客身孤此水稱奇險長
征實畏途黑風吹颺母白晝舞天吳數報衝隄岸時聞
壞舳艫吾生何慶幸利涉只須與放舸林初曙停帆日
正哺軀輕思擊楫神王想乘桴只慨洪流壅長令沃野
蕪何時臻底定間井出泥塗

龜山

龜山一柱截淮流巖畔荒祠水際浮不是禹王乘橈至
支祈肯爲鎮千秋

泗州

達初堂集

豫遊草

四

城郭平沉不露痕休論萬井與千村僧伽何事無慈愍
只保波心一塔存

盱眙遇暴風雨水漲停舟登眺

長風驅濤濤起立雨點如箭穿蓬入水沒街衢欲吞邑
丈夫倉皇兒女泣舟人移船藏港急長繩重錠猶業安
連朝風怒不得開扶筇遣悶登高臺四望茫洋白無際
長山欲盡橫山來盱眙傍山猶自可泗州無山愁殺我
殘民滿載渡河來空城無人浪掀簾客行見此歎不休
淮民何辜罹百憂普天無地容淮流下方不攻攻上遊
田廬漂沒未是愁官符昨下催徵收

浮山

浮山築堰截淮流百萬金錢付濁流莫笑梁朝前事拙
壑鄰壑水古今愁

臨淮縣

颶風如使馬半日到濠梁國是塗山舊城連鳳闕長雲
從多將相肺附亦侯王爵里存書史孫枝不可詳

塗山

夏后塗山娶隨刊屢過門平成千古賴玉帛萬方尊草
沒防風塚雲埋禹會村山巔祠廟在豁眼盡中原

登荆山愁下和洞

遂初堂集

豫遊草

五

泊舟龍亢城荆山翠可掃策杖一攀登及此客程早繞
蝶看河流披雲躡磴道孤標峰崢嶸錯布石瘦巧古洞
樓下和題刻紛可考緬懷古良工得玉不自寶持之獻
國君璞完識者少再刖猶造庭泣血明懷抱不悲身傷
殘但痛世顛倒玉剖吾事終榮封棄如草斯人今則無
三緘以相保何代無懸黎沉淪璞中老

硤石山

切玉為方割硤稜平堆側疊百千層巖巒變格真無
行遍天涯見未曾

壽州

南北兵爭地巖疆說壽春山川皆擁楚草木亦驚秦塔
曳風鈴古雲橫畫堞新八公仙隱處叢桂遠畱人

正陽關

淮頴殊清濁雙流會正陽連橋來豫粟分道走吳商
使新移署遊人也檢裝真龍畱榻處閑坐話滄桑
寺明太祖嘗過之
臥處名一榻房

潁州

淮甸綿千里人文秀此州川長清鑑髮湖淨迫涵秋名
蹟傳雙柳遺封記寢丘無因分禁體得共子瞻遊

大梁詠古四首

遂初堂集

豫遊草

六

漢郡唐藩舊與區川原濶達水環趨朱梁建節潛移鼎
宋祖棄弓就定都物產殷饒儲陸海漕艘便近引江湖
秦關洛邑終難並敵騎長驅一險無

漫擬東京勝蹟繁蕭條何處古梁園陸沉昔見河平堞
桑海今看土沒垣麥秀荒原迷朱殿馬嘶空巷失明溝
中天艮嶽無拳石圖志蒼涼不忍緇

中州才俊舊如雲雄筆空同迥絕羣嵩渚文章潮海富
李食事謙有嵩
渚集一百卷蘇門詩句蕙蘭芬史編損仲成新藁經

籍西亭纂墜聞文獻凋零傷此日石田蒿徑與誰耘
看碑讀記漫含情疲馬衝泥逐處行鐵塔寺前瞻嶽色

金梁橋畔聽河聲名都氣象如新造繡野風光喜乍晴
地運百年當轉易阜民端賴吏廉平

繁臺繁讀如蒲

難尋蓬澤與樊樓惟有繁臺可眺遊碧樹千重分綺陌
黃雲萬頃覆平疇徐常壁壘中天出李杜祠堂異代出
汴水無渠陵谷徙暮蟬猶爲故宮愁

臺旁古塔不知年薛石層層佛像鐫鏤削人言銷王氣
攀登身已近寥天萬家煙樹重城外一縷河堤落照邊
往代興亡如昔夢欲將灰劫問金仙

相國寺

遂初堂集

豫遊草

七

東京雄剎舊知聞天假清緣一榻分蕭灑身宜依道樹
寬閑地喜蔭慈雲窺池尚想天宮影覽碣曾無宋白文
宋真宗修寺成學士宋白作碑甚典麗如綫禪燈垂絕際開田何似戒香薰

朱仙鎮岳廟

百戰功成破竹時收京無詔詔班師朝廷久已捐中土
豪傑徒然奮義旗灑血忠魂應廟食薦馨父老尚歌思
八陵寂寞無椒糈一樹冬青更可悲

延津懷周計百太守

飛沙捲馬過延津揮淚無端感故人氣盛早年多忤物

才高晚歲不謀身纔成墳墓西華天盡廢田園季豹貧
慚愧授餐稱國士蹄涔無計潤枯鱗

衛輝府

衛國遺封汲郡雄高城千雉夕陽中西來山勢覃懷接
北去河流渤海通井里舊存君子澤林泉迥有逸人風
竹書祗詭多奇蹟草草停驂未可窮無龍石

卽事

卓魯龔黃盛此時人人去後有餘思先賢祠墓無畱碣
半作遷官陌上碑

輝縣道中

遂初堂集

豫遊草

八

行盡平原忽見山清溪碧樹迷鸞環還疑夢到鄉園路
身在荷陂稍頃間

潞王墳

墳有廢殿甚崇宏今改爲寺二寺並列其一乃王保母之墳亦有蕭祭碑

名藩舊邸總摧殘何意高墳此獨完宵梵晨鐘林杪出
行人長作佛堂看

稜稜碧瓦翼朱門寢殿依然御碣存保母可憐猶賜葬

蓮科無處問王孫

百泉

人言泉上好風景如江南落屐今始信羣峰列瑤簪石
竇泉沸湧輕明瀉平潭千珠噴錯落萬蕊披懸鬱青知

林影倒白愛天光含織鱗靜堪數錦石明可探中央峙
亭榭夾道羅楓楠洗心去夙滓漱齒消餘酣歷下泉散
布晉祠水平涵靈妙無過此品以第一堪茲惟千峰波
沆露同清甘入波溉種稻利汲資器既長流作衛河功
與淮濟泰轉漕歲十萬廟食神無慚祈福駢士女伐鼓
宵耽耽何當翠微裏一榻樓松龕高踞驪嵒真風接
丘譚便同瑤池飲豈必鸞鶴驂山有三仙洞為丘劉
三人修真之所

蘇門山

山中有嘯臺安樂窩
蘇門山人足跡

太行勢北趨分支忽東繞磅礴為蘇門亭秀而巧傳
記聞佳名茲辰遂遊眺蒼泉巖巒清產藥澗壑窈古觀

遂初堂集

豫遊草

九

開山板高臺山林杪川光白千迴山色青四抱不聞鸞
嘯道但見仙蹤小緬懷孫公和靖光而味道蟻視嵒阮
流伐性以自天追踪有堯夫天人窮奧妙遊洛如居山
卿相為鷗鳥跡異心則同超然塵埃表後來更何人巖
阿跡如掃悠悠歲月徂花彫鐫老歸去臥長林含真
以為寶

比干墓

不能行迹與幽囚臣節惟將碧血畱諫到剖心甘殉國
死憑封墓不臣周遺民定灑墳前淚烈士思從地下遊
萬古少師祠廟在殷墟亳社黍油油

淇縣

朝歌舊邑古殷都遺俗流風尚在無耶什邠詩衰莫採
泉源洪水勝堪圖地偏苦被鄰封割民少常愁沃土蕪
萊竹一竿難得見行山如沐慰征途

湯陰縣岳廟

金人畏岳相人知恨殺金牌返轡時此日並獎拜祠廟
還如夾道看旌旗

鄴中詠古四首

相衛名藩拱帝京八方輻輳地寬平台從將相盟洹水
定霸英雄據鄴城尺寸山河皆用武餘分時代少休兵

遂初堂集

豫遊草

十

而今海晏天清日滿地桑麻柝不鳴

漳衛交流抱鄴都提封萬井足膏腴荒營遺恨九節度

古廟長懷二大夫

西門豹
史起

六代繁華隨逝水三臺壯麗

剩浮圖閑書舊事思佳硯徧訪典和片瓦無

銅雀硯多
高齊物瓦

上有典和字者
今亦不可得

西園賓客盛如雲曹氏佳兒故不羣風骨詩家推七子

人材天意盛三分遺風香遠膠難續雅道榛蕪視欲焚

賴有殘編堪諷詠黃華詩句後渠文

王庭筠
崔鉉

名蹟披圖半已荒巾車乘興且徜徉藩王邸作圓通寺

相國祠畱畫錦堂水冶清冷泉百沸金渠蒨鬱樹千行

炎天且喜無梅雨麥浪風來盡日涼

商王廟廟祀河

夏甲遷都古令王金人碑在廟荒涼割牲競向叢祠去
此地何人焚辦香

韓魏公祠書錦堂本在郡廟今改作於祠旁

三臨鄉郡寵無倫祠廟巍巍世業淪歐記蔡書雙絕在
揭來不救子孫貧魏公後人皆南渡鄉中今存數丁守祠者捐碑以告

水冶泉

千朵葡萄一斛珠碧雲籠樹水平渠若教移向三吳去
不放亭臺寸地虛

遂初堂集豫遊草

十二

遊林慮山慮讀如問

林慮山勢鬱岩薨鄴郡漳河控帶遙關隘曲穿三晉脇
峰巒雄壓太行腰草沒廢殿藩封改月冷荒宮霸氣消
惟有煙嵐長似舊如屏如堞亘青霄

奇山堆疊不知層柳標橫擔次第登水向雲端藏曲折
石從天際露鋒稜藤陰遮斷巖無寺菜葉流來澗有僧

削鐵孤峰何路上梯空採藥羽人能

谷號黃花不見花步隨馴鹿到仙家潭空玉女頻窺鏡
磴仄元君舊駐車濕掛虛巖千丈雪城臨絕壑半天霞

疑水一嚥涼心腑直上清都路不賒

行盡懸崖十八盤天平一徑入蒼寒削成帝闕排風上

湧出神樓倒影看日煖衆香生藥草天空清籟發風湍

仙區靈境無人住滿地松陰覆石壇

猗山寺古白雲封亭館荒涼剩五松雪練鋪成三疊澗
瑤簪秀出一天峰神燈隱見來深夜水塔峻嶒結暮冬

看盡陰晴山萬變水晶簾內坐金容
千峰頂上一峰纖寨入天心號蟻尖磴磴纔通樵徑窄

防關曾駐禁軍嚴十雙地可春前種百道泉從雨後添
信有仇池堪避世惟須抱犢與腰鎌

遂初堂集豫遊草

十三

夏馥來時變姓名蟬蛻真堪遺濁世鴻軒豈必學長生
耽山吾慕黃華老納祿移家酷有情王庭筠在號黃華老人

不耐紅塵上客顏盤與偷得旬閑重尋台蕩三生夢
飽看荆關白幅山欲話真風僧碌碌試徵逸事碣班班

天畱遺勝邀重到墨竈金燈待更攀

韓陵山山有溫子昇碑

亭亭古寺倚高岡識是高歡舊戰場霸業由來開汗馬
閭朝還自重文章碑能再刻流傳久閣可頻登覽眺長
此日徐陵增感慨更無佳筆似溫郎

三臺

銅雀傾頰水井沉惟餘金鳳枕漳陰救樓換作神霄館
歌曲移爲山麓音劍鼎英雄空創業分香兒女亦關心
絕憐漢號西驚瓦砂礫叢殘不可尋瓦上有建安年號者乃西漢物尤難得

疑塚

荒塚疊疊斧鉞侵當年松柏想成陰西陵信美何須此
異代還防有摸金

鄴鎮在古鄴城在其地

城沒寒蕪水擁沙鶴歸不見舊繁華君看臥犢揮鋤地
盡是當年將相家

遂初堂集

豫遊草

圭

安陽橋橋畔有新柳碑

安陽郭外水平橋千里神京去不遙憔悴桓公對官柳
休將殘淚灑新條

渡河

汴河千里達淮徐順浪輕帆鳥不如二室三花遙待我
未能買棹更驅車

具茨山

行盡平原不見山晴霄今喜見孱顏層峰迥出空同表
秀色橫鋪汝潁間軒后不來雲旛鶴仙童無處藥斑爛
中州大有殊庭在乞得閑身取次攀

天仙廟

古祠密城東三仙坐相竝云是黃帝女爲神禱有應殿
後三白松駢根態奇勁爪作蚪龍拳膚如冰雪淨品題
古無人千春月孤映明代始有聞詞人遞歌詠玉樹比
青葱蕊珠喻嚴靚披圖想見之竭來訪幽勝何期樹已
枯屈鐵枝空亘無復香潔姿猶存嚴毅性微聞苦遊人
潛損官所令物亦貴知希有名竟爲病神物當不死何
年更榮盛祠旁觀靈泉點滴出崖磴翻灑飄圓珠潄泓
承玉鏡一吸涼心脾差堪慰遊興黃冠衡山來貌古語
可聽指點廣成居微茫在煙徑窮探恨未能驅馬山村
遂初堂集

豫遊草

古

中嶽廟

嵩山無旁支傑立勢雄特一舍遠見之蒼然太古色漸
近出衆峰嵯峨不欹側峰前碧琉璃嶽神廟翼翼唐封
制猶新漢表闕木泐入門趨廣庭穹碑森崩劣交陰古
栢青對立金人黑殿敞如王居神尊分帝職嶽於天地
間萬古有恒德端拱朝百靈膺民惟正直肯以萬歲呼
滋彼驕主惑從官諂可嗤奉邑神豈食歷代侈褒封人
爵非天則偉哉明高皇羣神號竝草嶽濱用本名推崇
此爲極興朝肅明禋春秋祀不忒大事必告虔丹青炳

嚴飾方今苦旱賜焦原神所惻急爲鞭蛟龍甘霖救嘉
稷更願滋黃中淑靈厚培植篤生甫與申直道屏王國

嵩陽書院

嵩山富巖谷域中稱奧區舊爲釋老擅基布開精廬太
室一書院孤懸久爲墟嵩陽今改築林泉占清疎地卽
廢觀址人有先賢模倣哉耿先生洛下之醇儒強健謝
簪紱躬修淑其徒買田構學舍勸士使羣居誦誦講禮
讓濟濟談唐虞境方嶽麓勝規與鹿洞俱哲人旣已沒
斯路漸榛蕪堂館仍潔清寂寥絃誦虛珠官及梵宇久
者千年餘人亡業不墜師弟如聯珠儒門何淡薄盛衰

遂初堂集

豫遊草

圭

在須臾豈無敦龐士沿伊而溯洙庶其續斯緒毋令獨
流淪

漢封栢

世間之木誰最古嵩陽三栢無與伍一株火焚一半枯
枯者鮮枝猶楚楚一株獨完大百圍堅如金銅怪龍虎
老幹駢立直不欹孤根中蟠厚而廡磊珂節目凍凝霜
蒼鬱枝條潤含雨苔色黯淡追蠡鐘篆文班駁岐陽鼓
童童雲外聳危幢嶽嶽天中標一柱不知栽自何年
但說褒封經漢武夏后隨山或顧瞻周公卜洛應摩撫
明堂清廟用孫枝福地仙山畱鼻祖我行天下多壯觀

但恨古樹多摧殘大夫松亡剩枯枿七星檜朽畱空欄

怪松不見天台頂社楠無復湘江干孔庭之檜亦半死

菩提樹短無花看幸得覩此太古物氣象渾樸神堅完

商彝周鼎詎足竝如獲璧經字不刊金人辭漢茂陵圯

此栢無恙青槐樂所嗟人壽不如木蟪蛄朝菌良可嘆

人身亦有不朽物後天而老先天安但能洞徹見本性

豈必膠擾求還丹

栢旁有感應錄爲
唐明皇錄丹而作

會善寺二首

蘭若端居二室中臨箕俯頽勢清雄唐碑字字金龜壁
宋栢枝枝翠掃空壇古嶽神曾受戒僧高列帝每趨風

遂初堂集

豫遊草

夫

祇今法運衰頽日猶喜滌沱一線通

院主夫隱
是濟宗人

地迥林深六月寒停車盡日此盤桓閑徵法系捫碑辨

靜把嵩書映月看半榻松風清辟夢三匙粟飯軟加餐

大千掌果分明見始信維摩丈室寬

少林寺四首

三十六峰下天開古少林一屏當戶秀千樹擁簷深世

主曾停轡禪宗此印心興衰經百過鐘板有餘音

五乳昔曾夢三花今始攀繙書虛室靜坐月廣庭閑夏

日不停樹秋涼先借山身心雙寂寞高枕欲忘還

地似曾遊熟僧如舊識親名山應宿願淨業是前因老

覺浮名誤閑知道味真出塵須勇猛斷臂是何人

精藍饒古蹟周覽壁西東文獻殘碑裏宗支繪像中名

非北海大文愧簡棲工王巾字簡棲雪上聊畱八鴻飛

已碧空

初祖菴

獨蘊拈花意迢迢萬里來棲林身似鶴面壁語如雷法
自單傳盛宗憑五葉開無人見真面影像在塵埃

登嵩山絕頂三首

行窮碧磴與丹梯直上天門路不逃涼冷人新餐沆瀣
孤高杖可撥雲霓迴看鳥道南峰伏側睇蓮花少室低

遂初堂集

豫遊草

七

聖世不言封禪事荒寒御路草生齊

不辭觸熱上嵩巔欲遣雙眸盡八埏翠嶺千重包楚塞

黃河一線下秦川長安遠隔浮雲外鄉國微分匹練邊

清嘯一聲鸞鶴應隨風飄去落何天

遙呼玉女進霞杯獨立中天萬仞臺城郭平臨攢蟻垤

澗泉直下走轟雷輪囷雲自封中起縹緲笙從鶴背來

乞與神丹教駐景願同伯壽上千回宋秘書監劉伯壽
老登嵩巔題名云

已八十四次矣

盧巖是唐盧鴻隱處

唐有東漢風龍禮巖谷士盧君隱嵩山三詔強之起荷

衣至金門長揖見天子豈真昧時宜欲以迂放耳諫

官不卑辭之如脫屣優禮送還山進退有終始遠勝樊

英流虛聲爲世恥竭來訪故居巖溪路宛委空谷四無

鄰山花爛紅紫峭壁如崩雲空懸瀑布水溪清鳴珮環

石淨疊錦綺草堂依巖開占盡林壑美圖亡誌記存十

勝可意擬俗流諒難居捨宅良有以如何田衣人苦饑

復捨此寺荒無殿堂佛坐荆榛裏安得支遁流精廬重

整理榻我長松根劇苓烹石髓

龍潭寺二首

寺闕嵩山角人來月上初加餐香稻美堅坐廣庭虛峰

遂初堂集

豫遊草

六

影浮林杪溪聲徹夢餘塵襟都滌盡况復警鐘魚

飯是開田博僧因學律增威儀三代肅經論一家弘瀾

可往禪砥門從宿將興開山僧洞然乃
武弁出家者潭龍已馴性聽

法此中曾

測景臺

唐虞命羲和測候窮四表中邦獨闕如古制今莫曉周

公營洛都土中乃推考陽城實地心天樞對臨照築臺

奠坤維測日析分杪世遠制不湮崇牖可登眺土圭仍

端完石尺更精巧恐此本古規元公非意造周官與考

工義疏需細討九鼎既淪亡東周跡如掃獨此彝器存

天球可同寶安得明曆人同遊洛南道洞窺古聖心跡
眼對穹昊

箕山

孔孟經世人汲汲稱舜禹莊列遺世人寥寥說巢許風
尚雖不同意義各有取世風日澆滿名利相煎煮細或
競錐刀大乃爭疆土達人教以讓榮貴等腐鼠巍巍黃
屋尊辭之輕一羽息爭而養恬風世非小補夷齊與臧
札傳記載楚楚何獨疑由光無人但空語遺塚徵馬遷
流傳自上古至德豈無鄰巢樊真逸侶洗耳及牽牛倡
子聊和汝我來訪幽踪荒祠久延佇巖高水清寒彷彿
遂初堂集 豫遊草 九

石淙

夏宴石淙詩唐武后時
刻石上秋梁公亦在列

何意陂陀坂阜間忽逢米老袖中山石依湍勢為巖洞
水激峰根作珮環割得武夷清一曲分來龍渚翠雙鬟
金輪鐫刻為山尾猶喜梁公句未刪

五一園

園為焦司理汝將別墅焦曾撰嵩高
志取濟民要術築居五之以名園

讀志方推結撰精尋園更喜藥欄成竹籠幽磴堪逃暑
泉帶疎籬好濯纓岳為遠看羣岫出箕因晴對古祠明
園中有人間滋味菰葵永種入花畦擷露烹

導嶺

嵩嶺中開處關傳古輶轅時清無埃卒地勝有祇園
勢趨却轉河流帶洛翻煙村青不斷如掌見平原

緱山

王子青宮貴求仙意自超無才安九鼎有骨近三霄獻
地悲王赧尋戈笑子朝何如緱嶺上乘月理笙簫

龍門

洛陽今錢杏山置酒
賓賜洞分韻賦詩

神禹疏百川平成渺無迹茲山鑿痕存千尋見裂石連
岡為修蛇五丁斧其脊中斷若蛾眉正對洛陽陌導伊
使朝宗形勝壯莫敵前朝游觀地卿相交履舄佛寺盛

遂初堂集

豫遊草 三

金銀亭館彌山澤今何太荒寒寒崖沙與礫所欣巖洞
幽空明類仙宅泉珠亂迸崖樹陰交垂席暫棲隔塵囂
久臥忘形役惟嫌鐫佛多萬軀嵌層壁不悟清淨理莊
嚴修何益題刻多隋唐班班辭可剔不見香山翁浮圖
翠雙滴

讀記想伊闕誦詩懷龍門嵩遊不言倦驅車越輶轅令
君敬愛客班荆誼偏敦導客為清遊輕騎乘朝暾聯袂
共臨賞垂蘿恣攀捫歧磴選奇石沿流挹芳蓀涼開松
間席快酌泉上尊西睇極嶠谷南觀窮陸渾雅詠陋絲
竹高談破籠樊幽情既交暢逸興方孤騫客非歐謝侶

主乃思公倫此樂足千古難為流俗言華林與金谷蕭
條滅無痕君看官道左惟有邵祠存

洛中詠古四首

嵩邙環抱洛縈紆表裏山河識舊都族姓千年人質厚
桑麻萬井土膏腴平分暑影調寒燠輻輳梯航便轉輸
定鼎由來非一地宅中終是古規模

山水華林跡總平六街三市蔓縱橫官殊唐宋無曹守
地歷金元失禁城今城北古蟻賊踰來多戰壘劫灰過

後少耆英牡丹移種金松朽那得園池尚有名

野客無端感夢華附宮唐院鬪豪奢游龍流水通侯第

遂初堂集 豫遊草

主

諸鳥名花上相家運去銅人辭漢殿時移玉盃出塵沙
荷之莫擬伽藍記多恐金仙也嘆嗟

太平時節退休人慣住嵩陰與洛濱白傅官僚原散吏

溫公書局亦閑身水南高士遺榮早擊壤先生味道親

千載風流如可即勞勞真愧素衣塵

天津橋

天津橋畔水粼粼桂楫香車競上春何處蜀鵲啼過耳

行窩愁殺白頭人

洛神廟

遙端託興亦多辭賦筆寧當免帝姬賴是感甄人共瞻

洛神千古尚留祠

北邙山

邙山迤邐亘天長天與都城作巨防臨眺川原如畫卷
幽尋寺觀有隋唐百年將相歸黃土是處狐狸穴便房
名蹟豐碑總磨滅耕人拾得舊銀章

白馬寺

零雨沾裳阻客輿暫休還喜得精廬僧來慈嶺馱經日
寺創清涼畫像初兵後千章留栢檜宵分數衲自鐘魚
道場最古無如此講席禪燈未可虛

田橫墓二首

遂初堂集 豫遊草

主

齊冑寧甘作漢臣便邀封爵亦危身樹功將相猶茹醢
何況同時逐鹿人

五百人同地下遊何如堅臥海東頭高帆大舶爲徐市

濊島何方不可留

鞏縣

鞏洛東周隘經行險始知河流吞岸窄山勢壓城危勇
豈投鞭渡輕難竝轡馳洛倉遺蹟在轉粟至今宜

虎牢

地自春秋紀關從秦帝開攢峰當萬雉束峽聳層臺閃
霧旌旗濕驚秋鼓角哀時清無守險老將一筇來

榮陽

成阜險已歷京索地如何城倚懸崖偏川紫削岸多龍
爭曾伏弩虎蹙竟悲歌楚漢皆陳迹殘碑不可摩

廣武

蓋世英雄項與劉曹姦馬謖實堪羞阮生一掬西風淚
不為前朝楚漢流石勒云大丈夫當先驅落不能效
曹孟德司馬仲達欺人孤兒寡婦孤
媚以取人下嗣宗意正如此英雄
自屬漢高監子指魏晉問人耳

鴻溝

裁割鴻溝便背盟良平當日見分明中分天下爭方始
直取重瞳始息兵

遂初堂集

豫遊草

五

鄭州

水利中州少茲邦幸有餘溉田無渴澤潤郭有清渠雪
粒炊香稻霜鱗躍白魚客愁聊為減風景故鄉如

通許署中池亭四首

清絕衙齋畔臨池一草亭藥苗斜引架花蔓曲穿屏壁
淨生虛白簾疎納遠青纖塵不到處鏡水自淵渟
令君心若水臥治足優遊吏散攤書坐朋來鎖闥蘭芳
尊花下砌清嘯月中樓案牘無妨冗忘機可狎鷗
倦遊吾暫憩淹滯忽連旬愛此清幽地偏宜懶散人獨
吟雲共冷危坐石相親映水花多種分番照眼新

官閣書偏富移來滿榻橫徵文碑細檢紀勝句添成殘
暑棊中盡新涼琴上生鄉心誰喚起天外擣衣聲

遂初堂集

豫遊草

五

遂初堂詩集卷之十五

臥遊草

巳午歲交和宋文森韻二首

萬事叢殘爲逼年此身散誕只翛然
欣看烈雪嚴冰後仍有光風旭日天
村墅幸畱佳客住侯官林信人在予家度歲霜髭
慚試彩毫鮮丹霞麗老俱難得坐對蒼松與說禪

休論菌朔與椿年隨分逍遙得自然
任我探春鸚吹地從他踏凍火城天
勞農栢酒家釀索賦梅花樹樹鮮
誰信團圞無別事白牛分歲學枯禪

師子林耕飲分得崇字

遂初堂集 臥遊草

一

夙心慕奇勝萬里探孤筇寧知巖壑趣
近在高城中師林古名蹟篇詠傳羣公
亭臺屢興廢水石仍清雄一地裂數園
締構爭人工天巧落崎士屋角藏千峰
峰盡皺瘦穴穴皆嵌空長袖舞軒舉介
主植端崇離離笋解籜獵獵旗翻風危
崖屢側度窈洞時旁通如行武夷曲似
入黃山拱山遊每獨往快此多朋從佳
辰值元已地主得仲容英彥畢來集叅
差類賓鴻或緡細素帙或撫蚺蟠松清
言接鹽齏雅詠聞颯颯而我獨矯步窮
搜石玲瓏唐臣甲乙品宋帝名爵封榮
華一轉眼飄落荆榛叢讓此萬玉骨安
棲匠門東文士餐秀色逸民討幽蹤

吾哀思臥遊繪山響絲桐何如一丘壑
攢簇華與嵩小山善招隱桂白兼梨紅
願偕北郭友數訪青蛸翁

題通菴師畫紅梅

通公標格似林逋愛寫孤山樹一株
老幹紛披花絢爛幻中香色有耶無
雪泥鴻爪不尋常曾作天花擁講堂
移向清溪蓮漏裏金繩寶樹共低昂

題方歐餘畫

一片南湖影熹微潑墨間樹濃渾拂
水雲濕欲藏山待鶴虛亭立衝鷗一
艇還人生忙底事天地本蕭閒

遂初堂集 臥遊草

二

題穹窿神應圖澗上先生筆

天人本一氣何曾隔形軀精誠倘專
一感格理不誣世人散亂心詣曲非
一途已誠則弗至謂天高難呼丁母
天下賢慈孝以相夫自痛鞠子艱旁
求良家姝櫛沐使視寢祝之生鳳雛
穹窿高萬仞上有鈞天居飛章奏紫
庭丹誠動雲衢石麟果天與一產來
雙珠夢卜既協兆日辰亦同符操券
信可必吹葭候不渝苑枯絕續間轉
移在斯須拳拳此寸心可奪造化樞
吾師慎筆墨作斯記與圖非惟闡懿
懃亦用策屨愚努力致千里渥注非
凡駒

題李武曾灌園圖

君昔將文耨吾嘗以筆耕何如真學圃可得遠藏名種
美秋多穫泉豐渴不爭一鋤相對老猶喜遂平生

題朱竹垞簑笠小影三首

誰喚羊裘人來親太微座有脚不得伸歸向秋江臥
已呼漫叟作伴更拉天隨去來不識人間機事海鷗那
得相猜

秋涇水與穆溪連十里樵風掛席便不用到門煩剝啄
相逢長在荻花邊

寄題錦溪堂

遂初堂集

三

幽人家住莫釐陽別墅仍聞傍石梁映檻菱荷香早露
拂犁梗稻熟新霜書縣牛角隨時讀身臥花源與世忘
江北江南帆一片故園松菊不曾荒

題徐虹亭洞庭游草

我浮消夏三月三君登縹緲九月九江山不著兩閒人
世間好景多孤負君嘗怪我不爲園我園在山無藩垣
我每嘆君不作畫君畫在詩饒變化古來何處有仙真
盡是移家避俗人與君拔宅包山去萬橋陰中好結鄰

畫蘭八首

昨夢湘江岸幽芳帶露餐朝來開畫冊本本是香蘭

本是深山種偏於君子親尋常沒骨體誰敢與傳神
故人胸萬卷不肯踏京華濯魄冰壺裏丰標如此花
有露香偏遠無風態自奇憑將獨立意寫取出塵姿
畫蘭不必似似蘭畫亦好似與不似問月華映池草
在砌愁零落當門畏剪鋤移根黑池裏無苑亦無枯
密密復疎疎斜斜復整整分明姑射山自寫風流影
我坐維摩室天花掃不開君能作清供寫贈一枝來

酬周漢荀見贈之作

野人獨臥焦先廬漁獵不出數卷書如蟲啄木偶成字
以淹雅薦誠相誣上林青蔥萬玉樹那少輪菌樗一株

遂初堂集

四

拙鈍生來不可療方木爲輪枉破觚一朝去國復脫檻
荷衣蕙帶還吾初幸無冰炭掛胸臆溪花園鳥皆堪娛
遺名懶上釣臺釣觀化欲入壺公壺圖書蒐羅蠹蝕後
碑版据拾雷轟餘遠遊長著康樂屐近出但坐堯夫車
詩文多病亦懶作不堪心膂重雕刻汝南英髦才蓋世
鯢鯨跋浪驛驪趨未升彤墀侶鷁鷺且屈田舍親樵漁
豈惟金針撥童稚實藉砭石攻蒙愚君才堂堂萬人敵
蠅聲蚓竅不足奴枉遺佳篇見推許塗澤魚目當驅珠
兼愁史書無定本家鈔野纂人人殊謂余粗曉著書體
及時撰次真良圖此事吾家有根柢續成雅志不敢虛

蓬山奮筆豈無意其奈時命相齟齬家居無書亦無友
欲共此事其誰歟感君策我識途馬壯不如人老益驚
君之筆力足扛鼎畱心典故班班如願更討論史義例
實挈綱領刪榛蕪他年玉堂勤載筆勿但碌碌消居諸
壽王東筏

識字今人苦不多輪君鐘鼎遍摩挲策知顯節陵中出
東晉文辨成臯印下訛馬援樸學世輕心獨苦青年文
與鬢雙皤辛泉書在終遭遇汗簡千秋定不磨元楊和
著六書統其子之朝命浙江行省刊
行東後著六書夕尚未刻故以此爲祝

吳聖玉歸自遼左志喜四首

遂初堂集 臥遊草 五

夢想流入紫塞邊每依鴈候祝南旋不圖真有珠還日
始信非無羝乳年人痛嵇康罹橫天天哀李燮子生全
鄉音無改容顏尙破涕應知慰九泉
挑燈絮語重迴腸三十年來噩夢長熊虎窟中延弱肉
雪霜窖底漏春陽一官可博終懷土萬事無營只望鄉
人願既堅天必遂網開一面竟高翔
數行墨牒隻身歸歎息家園事總非門巷凋殘餘燕壘
親朋零落半鶉衣難尋手澤書千卷且拜荒阡樹十圍
野老村童爭擁看烏頭能白世間稀
同難當年數十家盡於邊地化蟲沙羨君獨返令威鶴

有幾能乘博望槎轉念阿咸淪絕域久無黃耳到天涯
可能亦有生還望枯木從教再作花

送聖玉再往遼左二首

鱸魚正美菊花明何事歸人又北征關塞有家當挈取
資裝未辦尚經營脫驂我自慚平仲分宅人寧讓邱成
燕趙男兒多俠骨可無傾蓋贈平生
養就針鋒解指南重演來往片帆堪不妨刻印還銷印
一任朝三與暮三時有不准劍到波心終自躍珠藏龍
領定須探病夫待爾歸來早心史相將訪鐵函
題宋中丞牧仲西陂魚麥圖

遂初堂集 臥遊草 六

荷田田蘆芊芊蒼陂一曲清且漣鰲足不動魚正樂鵲
鵲引子鳬鷗眠沼陂稻畦似碁布平橋野屋相連綿黃
雲覆野麥初熟秧針出水齊於瓊長楊疏地松遠逕浮
青撲翠柴扉邊中有一翁神翛然蒼顏玉骨如胎仙高
情獨立萬象表意遠迥在遼古前得非賀鏡湖無乃王
輞川宋公自言吾家古埗澤陂塘十里瀟湘舊饒菱
藕富魚稻課耕學圃堪窮年無端出預人世事纓冕羈
絆歸無緣作圖置我林澤裏會當趺足謀終焉知公此
語出肝鬲難進易退眞古賢世人盡銳復賈勇百尺竿
頭未息肩都緣可貴不可賤素衣化緇茅易蒼公惟恬

淡矢一節流行坎止總任天以茲永砥清白操松貞玉
潔老益堅但得心閒與政簡榮戟何必殊林泉鄧尉干
林梅似雪巨區萬頃蓮如船豈獨西陂好行樂祝公莫
賦歸來篇

壽蜀藻宗兄二首

雄長詞壇五十年靈光無恙獨巍然天畱文獻凋殘後
人湖風流正始前草市兒童知姓氏蠻方卉布織詩篇
軟塵不踏長安陌自在龍眠頂上眠

放鶴籠鶯興味長九松相對晚蒼蒼林宗巾角看常墊
弘景墮人轉漸方兒購異書當彩服客徵奇字引霞觴

遂初堂集 臥遊草

七

頌揚弱弟無才思漫點魚箋細作行括蒼姪請
余作壽序

壽景初上人

赤髭無恙舊參寥雪後孤松老不凋懶向山頭拈白拂
貪於林下住團焦六時蓮漏諸賢集九品金臺一念超
元亮近來能止酒幅巾入社不須招

和宋中丞送兩公子槩諸孝廉赴公車十韻

二妙探珠早羣英養嗣成駿從天策試耜向玉田耕江
樹縈帆影旌門集履聲宏開公府讌龍餞計偕行經濟
談同甫天人對董生男兒饒事業人世重科名丹地敷
求切綸扉藻鑑清拔尤多士服奪幟萬人驚瑞采看東

壁佳音聒斗城藥宮名已定禱祝盡朋情

聖駕南巡蒙賜 御書賦謝

炳煥奎章妙入神寵頒何幸及微臣展開奎璧生光耀
懸出龍鸞動翼麟餘藝日新窺聖學雕鐫行遠藉貞珉
天球不是尋常賜畱作山家百代珍

題喬無功兼葭書屋圖

經生未一鳴寧免學干祿迨其既登第世故紛馳逐孝
廉仕隱間學殖宜富蓄利名一相親頓疎此卷軸喬子
經世才恬淡性乃獨公車嘗懶赴嗜學如嗜慾別墅城
東隅蕭疎吹花竹先世多藏書盡發以佐讀意得忘眠

遂初堂集 臥遊草

八

餐情深到歌哭此味不可分此樂無時足老氏有至言
虛心而實腹髯乎洵絕羣百鳥中一鵠射湖波鱗鱗珠
光寒可燭寒裳往從之伊人美如玉

送某庶常改補縣令二首

詞林盛儲才妙選書升秀良金更陶銘德業期造就譯
書一藝耳旁觀便筆受奈何用程材殿最以此奏之子
華國才鑾坡早騰驟移病十載餘著作等身富起補入
承明文筆推領袖翻譯非所工毫釐能無謬坐茲遂左
官新綸改除授同厓四十人聯翩去朝右青藜躋無輝
志士爲心疚剪舌教龍鸞豈施鸞與鸞翻經羅什能詠

黃遷與壽何當修六典太史職還舊不侵象胥官一洗

蓬山陋

人臣服官義出入勞宜均宋時元魁選竝令官親民俟
其著聲績乃召侍從臣欲令曉吏事然後垂朝紳此意
亦良善乞外古有人君今幸百里雖屈道亦伸有民而
有社盤根試風斤可以樹德惠於焉展經綸勿厭簿書
冗勿苦俸入貧勝索長安米瘦馬衝紅塵勉哉砥清節
堅白無淄磷佳政一以立令聞當日新三秋可報最重
看上楓宸民情與國計娓娓前席陳懸知玉堂侶練達
無公倫

述初堂集

臥遊草

九

次韻酬宗人兩衡見贈二首

佳客來欣慰索居况逢宗黨締交初才高獨驟渥洼馬
遇蹇還乘薄笨車祖德披陳青史外兩衡之高伯祖鍾
竝以直言顯先蹤撫摭劫灰餘似君淹雅淮南少撰述
名正嘉間應知書滿廬

孤筇歷盡萬峰奇霍嶽灤山恨未窺地主幸逢瓊樹秀
游裝拚損草堂貲博儲簡牒憑徵事淨掃巖屏待勒詩
割贈雲腴供嘯詠贈以水長城誰敢撼偏師

題程偕柳兄弟讀書圖

機雲舊說東西屋求點曾誇大小山何似擁書秋樹下

一林霜葉映衣班

題臥龍松圖

黃山臥龍多怪絕偃地蟠空枝百折就中繞龍松最奇
孤峰獨樹相纏結松根透入峰中心危柯冠頂如華簪
修幹四垂龍躍爪微風過處聞龍吟石笋竝頭我曾駐
愛此婆娑不能去何人寫此懸高齋赤松黃石如重遇
始信峰頭接引松虬枝跨壑如長虹奇姿絕景能圖否
著我逍遙一老翁

遊東洞庭俞塢諸寺二首

開披圖志考峰名風日佳時結伴行登嶺全湖呈海勢

述初堂集

臥遊草

十

穿松一水作琴聲煙村冷處山偏秀僧院荒餘境轉清
櫻筍家家畱客便新茶正賴活泉烹
名藍古蹟每多奇徧剔莓苔讀舊碑塑像工如阿育造
繪圖妙似虎頭爲松關坐久禪心遠竹榻談深日影移
天與清遊須勇決來朝晴雨亦難期

題吳幼平秋夜讀書圖

秋山淡淡秋林瘦紅葉蒼藤錯如繡誰貌幽人冰雪顏
秉燭攤書夜如晝幽人家住莫釐陰松風洗耳泉洗心
趨時未甘競巧捷汲古不厭窮高深北游京雒曾連騎
朝過西園暮東第飽看變態甫歸來益信讀書真有味

金庭自昔列仙居短棹相將興有餘直造龍威仙隱處
窮探神禹玉函書

宿西洞庭明月灣周觀侯貽詩問訊依韻酬之

勇游不憚湖行險一艇衝煙宿雨餘見月懷君初把盞
阻風念我遠馳書吟依瘦石心同冷臥傍寒梅影共疎
絕壁小舟貪夜泊一生情性予瞻如

題王氏明秀閣二首

閣湧林端當一峰全收湖態與山容雙九躍出銀濤濶
萬笏浮來玉壁重盡日捲簾看畫障清宵吹笛喚魚龍
毛公綺季今何在只合雲車此地逢

遂初堂集

臥遊草

士

雜花園屋竹藏門避世秦人自一村豈可導游無地主
絕憐解倦有芳樽天將風雨淹吟眺人與圖書恣討論
石丈締交差耐久卜鄰便擬刷雲根

題撫松觀瀑圖二首

獨往千山抱一琴不從塵世覓知音胎仙能舞花能笑
會得成連太古心

一派銀河落九天知君坐對欲忘年科頭我亦匪廬客
盡日眠雲看疊泉

老馬行呈澤州相公

山阿老馬久廢閒飲泉齧草坡陀間騰驤無復千里志

疲牛逸鹿相追攀忽逢孫陽爲太息此馬權奇舊曾識
年齒雖長毛骨殊剪拂猶堪受銜勒欲重引入內廐坊
差肩赭白班乘黃豈有懸金市駿日而令老驥遺道旁
感君至意徹心髓仰天長鳴朔風起深山廣谷粗識途
分合前驅報知己其如羸老筋力枯精銷銳鑠非故吾
不能邀塞效馳驅詎可天閑糜粟芻只今龍駒滿沙苑
一一追風與蹶電單騅匹駱何少多鑿蹄未若施繮便
多謝空羣顧盼恩投揚高設動乾坤放教舒足眠豐草
絕勝籠頭入禁門

澤州公有鶯脰湖見懷之作依韻奉酬

遂初堂集

臥遊草

士

春禽多善語出谷愛新鶯坐樹翻蹊態穿花宛轉聲金
衣翻日麗翠脰掠霞明碧水渾同色澄湖久借名涵天
雪練淨貯月玉壺清簑笠浮家在蓬蒿小隱成硯臨新
漲洗笛向遠山橫仙棹欣停旆寒潭正濯纓箋題蒙柱
寄歲序悵煩更尚惜孤飛翼無令世網嬰苔磯容獨占
尊味有誰爭剖玉情雖重鏘金調莫虞權歌隨欸乃漁
唱雜嚶嚶縱入伶倫耳難教叶鳳笙

陳虞佐北行有留別之作依韻和之二首

宣力抒華貴壯年亨衢喜爾著先鞭多時璞玉光埋篋
一夕干將氣燭天報主正宜鋒早試辭親無惜袂頻牽

探珠驪領男兒事，盼望佳音取次傳。

能成宅相有餘輝，送遠無煩別淚揮。
執簡細書吾亦勇，摧幢發軔事相違。
裁成遠札因風寄，望斷征帆挾雨飛。
合劍還珠憑料理，玉關人老酷思歸。

送朱漢槎遊嶺南四首

梅花百詠賦初成，放棹旋爲嶺外行。
便入羅浮坐香海，不須鄧尉拾殘英。

章江滿駛粵江清，夾岸峰巒盡不成。
揮灑定知多變格，天然粉本勝關荆。

嶺南耆舊帳凋殘，古調朱絃誰與彈。
猶有藥洲詞伯在，遂初堂集臥遊草。

臥遊草

三

梁藥憑君傳語勸加餐

浴日亭曾兩度登，壯心垂老尚飛騰。
探奇好宿孤峰頂，雪浪排山看躍鵬。

題施翼聖東荒田舍圖

草舍三間絕世塵，古松修竹自爲鄰。
恰于寂寞寬閑處，著个嶽翁歷落人。

稻車秧馬莫嫌忙，蒸飯蒸羹意味長。
只恐爲農不終了，爲農端的勝爲郎。

同學余翀子遠來稱壽詩以謝之兼祝其來年七

袞二首

總角論交到白髭，松筠玉雪共襟期。
三年盼望來何暮，千里尋盟樂不支。
好句探囊憐爾健，名山圖壁歎吾衰。

親恩未報身空老，慚愧賓朋勸壽卮。

齒角乘除物理真，莫嗟淪滯莫嫌貧。
請看朝市空花相，何似林泉現在身。
燕翼兒孫憑處厚，維持風俗要還淳。
長椿古櫟知難老，畱伴香山白社人。

題徐虹亭豐草亭

松風書屋屋似船，楓江漁父船爲屋。
已稱亭長占垂虹，更結茅亭傍城曲。
亭無壁落延空明，草不萌茨存素樸。
一泓之水碧澗滄，尋丈之山怪石簇簪筍。
前老樹作晚花，遂初堂集臥遊草。

十四

塙外新篁借濃綠，橫石爲几琴堪彈。
支木作牀書可讀，豈無鳳巢阿閣中。
拖紳委佩多拘束，豈無華堂廣陌頭。

繡拱璇題勞刻斲，何如草亭製簡古爲之。
不費成之速，不藏一物忘機緘。
不受一塵暢心目，亭中之人見事早。
半生占斷清閒福，炙轂脂車忙晏坐。
清吟百年足，題王石谷畫。

題王石谷畫

石谷堪追白石翁，紛紛披老筆簡能工。
詩人一段蒼寒意，正在疎林瘦石中。

壽陳元一姊丈二首

情親四十八年前，竝硯分燈事宛然。
余年十四卽急難，與君同學

錫原肝膽共結鄰綺里陌肝聯雲煙散後山容淨蒲柳
凋餘栢幹堅哀齒幸同強健在羨君鶴骨正踟躕
十畝桑麻環堵居醇醪佳茗風能儲未衰早已傳家政
垂老惟耽讀楚書德耀案邊偕老日陽元雲路奮飛初
長卿新登科人纂修館散人亦有林泉樂無累無營遜不如

題楊湘城深山訪道圖

古松離奇傍絕壁飛梁跨澗懸泉白磴道盤空一千尺
中有獨往之孤客冰霜顏容石骨格一節飄然躡雙屐
勇探猿巢與虎窟千峰萬峰恣搜歷不計歸程與來迹
問翁邁往何所求日空世事如浮漚味道聊為採真遊
遂初堂集 臥遊草 五

巖棲谷隱多高流欲往從之論玄幽我亦名山健遊者
天台羅浮冬復夏嗜奇每恨同心寡他日相逢古松下
玉蘂金芝贈盈把

御書閣三首

閣在南海明義苑有宋高宗
書鷹及趙子昂滾馬圖今亡

南遷草草宋思陵駐舫拈毫尚畫鷹何似鷹揚麾下將
犁耕萬里縱飛騰

王孫懷古此逍遙滾馬圖紙價高輪與開元老曹霸
南薰殿上畫拳毛

墨妙銷沉不可攀前賢遺蹟尚班班甲第朱門幾遷改
長存誰得似禪關

題綠漪亭

一水抱花村輕帆直到門溪風秀禾黍山翠濕翠尊春
入禽能語秋深石露痕灌園吾有意靜對已忘言

雙林寺

湖濱多精藍雙林最深杳地為蓮瓣浮水作玉環繞虛
堂藏竹陰古殿露松杪鐵佛浮江來位置妥而巧一燈
久綿延三災莫能擾經過儼舊遊佳興愜幽討湖光明
可餐山容翠堪掃几上看風帆欄邊狎魚鳥禪窟況能
詩囊秀迫清矯怡神顙師琴快意高閑草居然成滯雨
豈復厭枯槁加餐粥甘破夢霜鐘曉佳境過不忘重

遂初堂集 臥遊草

六

來訂非渺鴻飛去冥冥雪上聊印爪

湖塘瞻眺

禪房澹無事逍遙步湖堤沙路高且廣雪消淨無泥稠
疊接桑壠青黃間蔬畦一川為鴻溝分壘吳東西水齧
岸善徒舊迹尋還迷古殿與荒廟孤撐色荒淒長湖際
天白溟漲無端倪疾風駕洪濤奔騰千水犀漁舟破浪
去出沒如鬼驚兩山我故人三年惜分攜隔湖快良覲
青林映丹梯高峰戴晴雪訝兩頭白齊因風報石公珍
重雙眉翠明春會相訪輕帆劃玻瓈

題楊

補臂圖

楊公有臂思補天麾戈莫挽日墜淵剛腸急難嬰世網
投荒遠去龍江邊同行祁李金蘭友凜冽冰天時握手
拍肩把袖盡圖中連根共蒂難分割偶然剪截盡臂虧
真臂隨痛百不治剪紙續圖痛旋愈神功妙力難議思
乃知萬事真幻同精誠至極能感通嗔指心痛稱至孝
斬衣見血聞孤忠楊公一臂尚如此義膽忠肝知不死
移山填海一生心未補未償心不已

題宋蘭揮海陽送客圖三首

白傅襟懷原曠達江州山水最清幽無端逢著京都女
撥動還人萬里愁

遂初堂集

臥遊草

七

長歌舊愛挑燈讀小卷新看潑墨成一片蒼寒蕭瑟意
如聞絃響與江聲

我亦海陽暫泊船佳處秀色落尊前憑君更倩荆關手
書出層峰挂瀑泉

新安畢叙九等祖櫬於塞外歸葬故里嘉其篤孝
賦此贈之

松山東畔黑江頭多少羈魂向月愁幾見絲親來子姓
驚聞抱骨返松楸投荒往日冤仍雪代戍先人志併酬
大孝如君真不置定知一節已千秋

遂初堂詩集卷之十六

補遺

司馬相如玉章歌

漢家銅盤天上折劉郎玉璽抵地缺豐碑剝落鐘鼎殘
幾人名姓青雲揭可憐文園一印雷玉花出土光幽幽
昆刀刻成四小篆攢鋒蹙勢排銀鈎錢君珍愛逾拱璧
傳玩千人萬人惜張顛草書玉決拾一堂寶氣爭磨射
却憶當年肘後藏凌雲賦筆相低昂失意憤禪共偃蹇
逢時努矢同飛揚遠山蛾眉玉纖指粉香脂澤猶沾此
若教掩姓惑東陽猶恐利名猜太史鼎鼎若若豈足
遂初堂集補遺

補遺

十

大名可以垂無涯君不見爛銅官印紛如麻姓名荒
知誰耶五公七相同蟲沙

訪白菴禪師宿一雲山房作

達人偶世往往臥雲煙白公無俗韻性亦愛林泉獨
收衆山勝結屋層雲巔我慕靜者妙因來造雲天煙嵐
倏萬態彩翠相新鮮深壑晴亦雨古花幽更妍朝餐翠
微入夕宿孤霞連幽篁吐華月高鳥浴清泉長風拂松
梢萬木號空山雲臥既絕塵高話復忘筌相對欲無語
夜靜還未眠我本澹蕩人因之俗慮蠲每源如可養
真以盡年

慟哭七十韻

慟哭荒山頭寒風慘淅瀝明發將北還拜泣辭墓側傷
心原草枯灑淚墳土碧追惟三年事惻愴不堪憶雪涕
陳梗槩幽明諒不隔嗚呼單闕春吾兄初遭厄颶風揚
洪濤清晝飛霹靂哀哀破巢下萬事難可測祖先有遺
眷到今偷視息不死責逾艱苟活罪何塞蠹蝨負泰華
中夜常怵惕維時北風寒千里凍地坼寡嫂將兩雛崎
嶇赴塞北逝將徒步送不能憚遠役迴看越州南森森
見矛戟西陵咫尺路遺骨收不得黃蒿沒故廬遺書復
狼籍顧惟兄平生著述窮日力精思託篇翰雅志寄圖
遂初堂集補遺

補遺

二

籍一朝恐淪落千秋絕遺蹟亮無移山力揮淚且北適
薊門煙塵黃塞外草根白零丁四千里寒影深夜隻
寧城迢遙淒風苦白日哀哉吾貞嫂卑命於荒驛殊俗
激清風邊人悚英魄空餘兩孤兒零落窳穢死若長
已矣生者兩惻惻歸來到鄉土長號對親戚吞聲向老
母五內痛彌劇便欲扶旅櫬還歸故阡陌煙塵正縱橫
寸步礙荆棘夙昔慕遠游未覺天宇窄五岳思振衣三
山期挂席擔荷殊艱難側身且踟躕秦坑酷詩書漢鑑
嚴簡冊中郎等身書什百畱萬億光焰未銷毀神鬼護
竊恤時時得航頭往往出壞壁哀集成一囊依然

澤一讀心神舒再讀涕泗積雨骸委路傍爾文好何益
俗士悲首丘壯夫思裹革吾兄江海人寧爲一丘畫延
陵葬窳博伯鸞瘞吳國魂氣之往來何嘗滯體魄客殯
古有然湯葬禮自昔未能便歸骸曷且就窀穸西泠望
吳淞相去况匪遙於焉卜崇岡爰以啓幽宅高原名葛
仙吉阜惟寶石六橋前縈迴孤山對峯峯岳侯與林公
引領得良觀玄堂既潛開陰溝亦雙闢雖無萬家營足
以樹碑刻雖無千騎送亦有素車客負土得侯芭拊棺
惟范式徐君莫生芻向子愴鄰笛返骨俟他年掩土自
茲夕悠悠重泉下杳杳長夜卽百年歸一朝萬事盡三
遂初堂集補遺

補遺

三

尺魂來不須招魂去不可識有知竟何如無知永寂寂
遺孤不臨窆嫂氏不同域天高誰能呼淚盡何處滴濁
酒澆一卮麥飯奠一盞手封一坏土手種一株栢從茲
汗漫游飄然理輕策高攀天門梯遠躡羅浮屐何處望
孤峰萬里愁雲色

隔谷歌

隔谷隔谷一車兩軸兄居重園弟正踈踞隔谷隔谷一
車兩軸兄殺騎馬弟梃肥牛日落天風鼓聲四匝身在
谷中何山可脫我欲拔劒劒缺摧鋒我欲彎弓弦絕矢
窮命居刃端譬如石火隔谷不來孰爲救我朋仇一言

奮身相捐孰是同氣而不我憐一猿中箭羣猿啾啾嗟
爾誰人不我同仇

度關曲

齊謳且莫唱越調且莫喧四坐且寂聽聽我歌度關關
門我我半天起左扼狼山右遼水西連秦王所築之長
城崩亭破障一萬里春風自古吹不到天荒地老白日
死江南遷客辭燕京客心夜夜邊風驚一時徒侶皆涕
零本家江左衣冠族金鞍寶馬人如玉朝遊北里暮南
鄰何當遠成遼河曲遼陽三十六市衛處處天清聞鬼
哭烏飛一去無還期況乃身無羽翼見拘束只今猶是

遂初堂集

補遺

四

中土人明宵知復何處宿鷄鳴笛笛喧吏人催度關度
關猶自可却望愁殺我故鄉何遙遠萬里凝愁雲揮手
謝送者相看淚盈巾猶聞附書歸各自始六親那知親
戚復蕩盡可憐寄書與何人邊人向夕吹哀笛哀笛三
聲雪作花雪花莫沒關前路夢魂從此時還家

答朱長孺

道喪儒服衰讀書為聲利目未窺兎園漫言曉大意向
生鄙章句淵源有獨契陶公不求解亦云析疑義奈何
今時人流覽取自恣鹵莽對前人微言所山墜先生涵
古心身世早相棄萬事無所營一編獨肆志家園老寧

窺木榻歲仍弊鄴中十萬卷便便腹為笥非惟侈博洽
而還得精詣上搜六籍遺俯貫三唐製旁搜訂謬譌幽
討晰同異服鄭得爭友顏孔可齊轡賤子亦何知高山
徒景企胡然不鄙遺託以千秋事愛我情有餘贈詩見
獎厲永寶金石言庶脫浮名累黃生叙富文藻近亦究
經藝何當載醇醴同問雲亭宇

己酉冬自淮陰抵平原呈亭林先生六十韻

耆德何寥落人倫孰楷模斯文知未墜夫子實通儒世
德推江表高名冠海隅才猷鼎鼐重器畧廟堂須妙譽
歸人傑英姿識鳳雛風雲遲絕足羽翼礙天衢築版功

遂初堂集

補遺

五

名遠躬耕心事紆勞勞悲擊柝渺渺欲乘桴廿載中原
客單車萬里驅北游頻五岳作賦幾三都漢塞雲隨鴈
秦關月照榆胸中百郡志掌上列邊圖先生有昌平山水等圖結
客傾豪俊論文盡顧厨襟懷小天地聞見溢寰區學貫
天人奧身苞造化樞大文經緯著讜論古今臚賈馬寧
方駕班揚敢竝趨才高道乃狎心小聖為符雅痛微言
絕深嗟學術殊幾年犁傳注百代掃榛蕪精理通爰象
鴻猷擴典謨禮堂尊講席絳帳盛生徒小子深瞻仰通
家自友于追陪憶往歲侍從足歡娛稽阮交原厚陳雷
好不淪時時枉高駕往往到孤蘆永漏杯同把明燈筆

共濡情深等膠漆調叶比笙竿各矢青雲志祇愁白日
徂龍蛇夢俄兆鵬鳥誠堪吁向子聞鄰笛王公憶酒鑑
遙知悲宿草無處覓生芻落魄餘文舉伶仃有少孤素
絃哀絕調枯樹慘同株戢影依慈母含辛對阿奴向人
言慷慨伏枕淚模糊流浪來淮市飄零客射湖江關淹
歲月踪跡混泥塗范叔綈袍盡相如四壁無三秋長旅
食半刺只窮途詎敢題鸚鵡那堪聽鷓鴣壯懷感馬援
岐路畏楊朱愁到思投筆窮來未棄襦橋寧爲枳變蘭
不效蕭敷把卷難窮編書亦絕蒲三冬曼倩惜一榻
幼安俱汲古慚修綆攻文愧小巫孤生原謫劣曲學况
遂初堂集補遺 六

牽拘窺豹非全日雕蟲豈壯夫夙懷期負笈雅志有懸
弧碩德惟劉董儒宗有鄭盧龍門雖自峻蠡測肯辭愚
問字候芭去傳經服慎呼羸糧非早暮命駕敢踟躕汶
野黃雲凍沂山白草枯隻身經雨雪遠道涉崎嶇捧杖
微誠遂橫經鄙願輸驚駘還賴策蓬草或堪扶斧削資
良匠陶鎔付大爐垂恩無以報感激一微軀

太瘦吟贈徐方虎

徐生有仙骨朗如玉山行新詩好風格字字澈骨清哀
玉憂絃響瑟瑟寒泉溜峽風冷冷苦吟頗類杜陵叟古
貌人呼太瘦生太瘦不須憎醜老世間何物非瘦好君

不見戟脣山峭壁萬丈空青間君不見鏡湖水寒潭澄
瑩秋月裏百卉闌穠艷不與寒梅爭菊花傲霜紫竹葉
凌冬青駢駢健骨霜鷹掌寒蟬吟清鶴唳朗阿環不及
飛燕妍玉奴何似梅花仙從來書法貴瘦硬顏筋柳骨
方入聖畫家絕品數倪迂淡墨蕭疎那能竝迄乎詩律
逾分明陶謝格律矜天成襄陽百篇最清絕少陵老筆
偏縱橫人間形骨亦復爾瘦質由來稱佳士嵇康骨秀
饒逸情衛玠神清足玄理徐生家正住吳興隱侯瘦骨
同峻嶒冰心髣髴玉壺裏雙瞳爛爛眉紫稜怪道清才
天付與詩成一一驪珠吐不然採掇皮膚間那得神姿
遂初堂集補遺 七

秀如許世人相士但相肥披裘五月何人知豐頤白面
取卿相雞羣一鶴常苦饑徐生勿落拓英雄那得
常屈蟻不聞麟閣畫彌猴看取寬肩逢日角潘郎短鬢
只清吟餐霞且上嵩山岑健年白石清泉裏遲爾參差
鸞鳳音

西郊兩高士詩

西郊兩高士竝舍突不煙各秉肥遯跡蟬脫淤泥間惟
昔陸沉初儒冠多棄捐搜牢及鬢序張網忽彌天迫遣
掛名籍不者謫戍邊志士亦悚息身命絕可憐偉哉鄒
先生矢口吐高言雷霆震昏黑一破蚊蠅喧趙君故懷

既承響如轉圓欣然共攜手滅跡於林泉終身誦彼美
使我大節全悲哉此岐路舉足萬里懸驚波須動柁急
箭取正絃所爭捷毫毛得喪重丘山冥冥雙紫鴻碧落
相盤旋獨醒既不易載義亦良難作歌播清風永以激
懦頑

寶刀行爲夏子宛來賦

并州產利鐵冀北出名馬利鐵作刀名馬騎可以橫絕
走天下潘郎愛馬復愛刀夏生亦爾真同袍我求二寶
不得一君乃鑄此爲吹毛管涔山坑采精鐵千日鍊之
百錘折庚辛日月鍛冶成淬用井泉剛且冽高秋拔出

遂初堂集

補遺

八

神鬼驚星芒射地霜花明彈之清長作磬聲去刃三寸
鋒先迎斷犀切玉無畱行參旗必有紫氣徹子夜宛聽
雄龍鳴君從鑄此寶佩之不曾離我昨得花驄步驟亦
殊異爾策我馬我舞爾刀耳風鼻火秋天雙雕雖無青
虹紫燕亦足以豪我踏霜楓且歸去君戀葡萄行復住
去住相看欲別難摩挲寶刀爲君賦刀乎刀乎爾不能
使夏生際風雲持汝叱咤麾三軍掃清六合無妖氛又
不能擺落俗務遊名山佩汝夜行巖壑間辟易魍魎魑
魅之神姦窮年伴汝坐枯壁處女磨針有何益不愁刀
繡生莓苔臣精銷亡良可惜吁嗟乎羊腸摧輪虎豹多

風雷未至龍爲校驕驕不絡金盤陀枯槎泛泛浮天河
龜山欲伐無斧柯夏生其奈寶刀何吁嗟夏生其奈寶
刀何

石壁

石壁不可尋滿谷春雲滄谷口一小峰亭亭秀而聳山
腰磴道窄先登競餘勇側裂石嵌空倒垂樹擁廬稍稍
晴雪飛淅淅水泉動禪居而蒼巖畫屏逼相拱甘露無
仙壇白牛窠靈種獨有夫人碑南金世爭重千佛鑄金
爲象教何其冗有客思洪爐竹見火雲湧千將截犀兕
錢鋤耕丘壠曠觀世誰同虛令象教恐不如盡春醪藉

遂初堂集

補遺

九

眠草茸茸

藐姑射山

至人蛻天地下與人爲徒亭亭藐姑射乃在唐帝都仙
者驟飛龍飄飄凌八虛歸來憇高巖冰雪以爲膚雪膚
長美好春山富瑤草俯視堯禹倫譬折辭大寶帝王亦
何物坐使羣聖老千秋汾水陽雲濤白浩浩我無軒裳
累學仙何不早倘遇餐風人蓮花洞親掃

呈亭林先生

尼父志不達浩然動歸思羣材良斐然裁成將待誰廻
車訂六籍制作通神祇三年致祥麟大道以不墮海內

有先生人倫之宗師學惟天人貫道乃汗隆宜嚴冬霜
雪集萬木爲之萎孤根獨巋然知天未喪斯周游遍五
岳歷覽環三垂天地有大文一一爲搜披成書藏名山
故里歸何遲下國寡良材斧斤諒難施區區園葵意朝
陽寧見知何當裹糧去萬里相迫隨泰岱峰崢嶸口觀
路險巖一覽小天下慰此平生期

黃山歌送孫無言山人歸黃山

我聞黃山乃是玄圃之別仙山之宗環迴三十六蓮峰
萬靈側塞棲其中瑤房玉室自然構幽巖秘洞開洪濛
簫韶天樂六時奏三花珠樹長青葱我懷靈境未得到

遂初堂集補遺

十

夢泛黃海雲容醒來身在廣陵市洗眼正見披裘翁
披裘翁家在天都之下齊雲之東高吸沆瀣揮煙虹偶
然失脚踏塵網一臥廿載迷還踪歲歲言歸不歸去欲
前復却如驅蛋昔人玄覽窮八紘張帆入海求方蓬黃
山了了在人境策杖便到非難通芒屨布襪萬里客辭
官棄家來相從君棲此山看山老掛瓢舊在東溪松松
根葛蒲花紫茸君不歸兮秋露濃青精之飯山家供
糧不用謀宿春抱琴獨酌樂復樂何須結伴扶龍鍾君
不還此靈環兮奚局促乎樊籠江都女兒如花紅清歌
雅舞垂簾櫳山人布被眠秋窓陶朱程卓誇素封萬緡

車船千指僮山人破帽吟霜楓荆卿已老刺孟窮八千
君子爲沙蟲一斛腐水無神龍君不行兮奚爲沈吟
躅淹此邦噫嘻志士獨見兮不與衆同作飛乍伏兮一
雌一雄凌競寒門簸烈風山河大地盡晦蒙七聖欲往
迷崆峒君歸何歸今視天夢夢春非我春冬非我冬陰
陽水火紛相攻何當曉日光瞳眈晴天萬里消蟬蜩海
水浴出金芙蓉洪厓拍手浮青瞳雲耕絳節來玲瓏迎
汝歸臥三花叢仙潭睇髮摩蒼穹下視世界如螻蛄我
騎白鹿行相逢吹落瓊瑤瓊花宮

送臨洮知府二首

遂初堂集補遺

十一

漢家邊衛西州急郡將功名隴右多榆谷只今堪臥護
蘭山不用更防河嚴城明月寒笳吹古戍秋風靜棄馳
尚有屯田須入奏營平方畧待如何

去年送子羊城棹我向函關立馬來此日秋風生隴坂
又看旌節出容臺山經鳥鼠雙峰削河遶蘭皋一綫迴
千載文淵勲業在空巖祠廟重徘徊建武中馬援爲隴西太守威信大著

贈陸冠周

陸生對我慘不樂自言遭命何奇薄阿父辭家已數年
破寺荒山無住著苦勅家人斷往來况復兵興道途惡
老母堂前缺甘旨幼弟牀頭困醫藥菜田十畝水浸餘

瓦屋三間火燒却讀書無用類屠龍學劍不成愁刻鶴
伯叔才名總周謝簪纓門戶愁淪落我聞其言心暗傷
造物何者天茫茫直道何辜每摧折清門往往遭不祥
君家幸在北寺獄脫身灑瀕登康莊枯木終然少春氣
孽禽不啻冲天翔窮途豈得無慟哭舌在還須重激昂
男兒回天與轉日不愁失路愁無骨寒門須枉燭龍光
牛鐸亦應黃鍾律龍劍應知有合併楚弓何足論得失
向平五嶽遊須返曾參三釜孝誰及陸生陸生勿復悲
如君才調真龍媒追風躡電時當來伏櫪偃蹇何爲哉
與爾同上初陽臺捫天摘月傾百杯

遂初堂集補遺

三

橘香巷訪同岑和上

君昔同我舅訪我來天平新詩灑蘭雪披瀝澈骨清爾
後聞君買山住十年夢挂金庭樹金庭杳絕愁難攀有
足忽墮紅塵間西經鴈門塞北上軍都關走馬擊劍何
翩翩舉頭猿鶴非故山驚風吹人返鄉國相訪禪關不
相識愧我蒼顏對鶴孤憐君峻骨依松直怪底結巷名
橘香繞巷種橘如人長梅花欲落未落際一天空翠沾
衣裳百年世事風中蝶幻海茫茫不可涉蓬萊方壺水
帶間啖名何勇逃名怯歸休乎山之隅道林惠遠真吾
徒沈冥賴有吾舅俱扁舟移家越重湖掘芝拾橡隨猿

但同公同公肯許無分泉一曲雲一區

香花甲詩

山人自詠香花甲逢人便說香花奇芬芳入口沁心肺
根爲上藥補清羸終朝采采不盈掬嬾割綠雲烹肉芝
此花此甲人莫識錫以嘉名隱君得孤叢不向別溪生
分餉惟供老僧食吾聞仙山富靈草藥苗滿地無人曉
神農圖經載常味葛洪孫邈空搜討吾欲餐千葉之蓮
玉井迢遙不可攀葛蒲九節以爲杖天壇高高不可上
豈如從子香花盛長鏡短杓春雨餘漉汁當茗飲削根
供朝餽此味休爲世人道肉食紛紛更相笑

遂初堂集補遺

三

喜雨二首

萬方憂旱日一雨快滂沱誰挽銀河水平添震澤波漑
田秋未晚潤物夜偏多辛苦吳農甚千村此笑歌
莫是烹羊得將無喫酒爲長貧思歲熟多難荷天慈生
意歸庭樹涼風動鬢絲溪橋新漲足倚杖看多時

再疊前韻二首

潯雨何滂沛蘭風故淡沱情龍驚絕壑嬌燕掠蒼波刻
士誇功最郡縣多延術士蔚雨山田較澤多吾無南畝入失喜亦
畏歌

信有豐年在疇能樂事爲易求天帝澤難得長官慈物

色嗟星鬢風謠歎繭絲何當同野老擊壤太平時

贈沈行可

平世爲儒亂卽休藏名藥市幾春秋學裝不置千金產
茗泛仍披五月裘水蛭方除仙有路用陶弘景事芻人針罷
鬼無愁用徐秋夫事宿疴已是逢君起漆葉青黏擬更求

元日分韻

元日能高會青門一草亭春浮栢葉盞天濶少微星倚
曲簫聲脆繙書燭燼零春光九十日日日莫教醒
善病文園客蓬門隔歲緘天涯一杯酒悵望不同街嬾
對青綾被長懷白水鏡無由理歸棹采藥就西巖

遂初堂集

補遺

古

送陳廣陵下第南歸

南威容顏天下希阿母譽之旁人疑不如養著深閨裏
一朝嫁作君王妃陳郎才華秀南國金門射策排風翼
所親衡文翻放歸坐上知交皆歎息我酌一卮獨賀君
丈夫高冠須切雲白璧不受蒼蠅點濯纓滄海辭塵氛
薄俗紛紛競口語君若掄魁轉難處信是無私第五倫
東封得力誰寬汝何似龍泉暫掩鉉依然好手解穿楊
他年自奏天人草特達珪璋貢玉堂

送顧雨若南歸

我昔締交過吳門二顧於我情特厚同時往還有諸二

吳黃翁稱好友夜繙書史恒連牀朝訪林泉每攜手
轉蓬無根自南北會面一二別八九今年都下逢小顧

喜愕萬端無不有君也才華舊軼羣懸黎之璞已遭割
一朝微文忽相中退飛六鷁差遲久虺頽天馬頓長纓
變幻垂楊生左肘羹污朝衣未許前劔封繡匣徒勞吼
惠生作客亦在茲相逢爲君一頓首君今歸去何所作
堯峰之陰占十畝長懷萬頃蠶胸懷細掃松花釀春酒
世事悠悠寧足論君舌雖存幸緘口男兒生世貴適意
笑殺蕭朱誇結綬看君仲氏官禁林索米長安只空甔
歸去門庭可羅雀通顯如斯復奚取我本江湖一散人

遂初堂集

補遺

五

誤落紅塵魚在筍便思扳脚還故山從君卜鄰種菰韭
因聲寄訊諸同學道余相憶平安否

壽劉太恭人

忝爲師門士夙聞大母賢母年二十四栢舟涕漣漣膝
前有兩孤郭外無寸田十指出布粟畫灰授殘編嚴切
過恒情慈極使之然非蜂相辛螫豆箕自烹煎吞聲忍
難忍滴淚穿重泉天行久回復鳳雛兩翩躚或徊翔丹
山或騰凌紫煙家聲始一振破顏寒燈前譬如老舟師
捩柁出洄漩危險飽經涉及今履通川又如古松根屹
立冰霜天坐待陽春回枝葉重鮮妍天心立人極使母

更顛連以誨爲人毋勗彼砥節堅節苦報亦厚晚獲爲
良田母年垂七袞師位槐棘邊非祿正無疆頌禱諒難
宣歌詩布彤管垂輝百千年

城渠開

臨安城中十萬戶泉源蓄洩渠一縷何年梗塞半爲土
深不容刀淺如釜血脉既以枯咽喉鬱不吐煩蒸偏側
奈何許火災數起疾病多使我民兮苦復苦車軒軒中
丞來中丞來河當開教令一朝下動地懽如雷千夫舂
萬夫鍤波鱗鱗泥獵獵疏渠之淤濬渠狹雲揮電霍不
停睫二百年來沙礫場方舟連筏流湯湯役徒百萬不

遂初堂集

補遺

七

費民間一斗粟中丞經略誠非常君不見白公堤李公
井一時功績千秋永嘉名更有趙公渠誰能補入河渠
書

捍海塘

築塘誰湯信國開國元戎乘成畫約東海若陸天吳長
隄如城捍潮汝修塘誰趙中丞經天緯地帝股肱頽防
崩岸悉築塞不許蛟鰐橫憑陵越民食海亦苦海寇賊
風濤時一駭只今萬里不揚波障田况有茲塘在我耕
我耘我稼我不鳴雞吹狗煙火桑麻無風魚災不見兵
戈綢繆桑杜功如何海如杯山如螺中丞烈不可磨

營無通

長刀垂腰臂蒼鶻走入民家氣咆勃婦女蒼黃男股栗
問此誰何索逋卒營中舉債誠大難一母十子何能完
賣兒典女苦不足坐令平民骨髓乾中心念之中心酸
顧謂吾民渴不飲毒井饑不啖漏脯營中有債慎勿舉
顧謂汝卒汝爲天子守邊將軍號令嚴如山汝齧吾民
不汝赦憐以汝券來汝無苦民貧莫償吾償汝出金於
府焚券於庭自今兵與民各牧爾牧耕爾耕脫復出入
債時則有大刑霜稜稜日杲杲街頭懼喜營中惱寄言
營中勿多惱天子聖明汝行當念公祝誦不可了

遂初堂集

補遺

七

縛市虎

山中有虎白額爛斑磨牙擇肉耽耽草間市中有虎不
翼而飛無畫無夜搏人以肥山虎尚可市虎殺我一虎
十偃動輒構禍白日當天心百怪宜潛藏至仁雖解網
肯令虎陸梁爪牙豈不利虞羅已高張搖尾寧得免磔
裂謝豕羊一虎去一市喜百虎除百市理騶虞來遊鳳
來止甘雨祥風樂甫始

呈理安和尚

坐斷東吳八九峰還來祖席聞宗風醫王應病藥隨手
老將行邊兵在胸澗路撥開雲片白海門迸出日輪紅

朝來一喝如雷霆贏得千山盡耳聾

贈廣督吳伯成四首

經文緯武世誰倫一代人龍使相尊
揮戈半夜渡崑崙桂天心苦丹楓識
平海功高鐵券論最是吳儂懷舊蔭
春移黍谷至今溫

象郡羊城過劫灰
荆湘端仗出羣材
神針剖理夢絲亂
上藥調和元氣迴
人祝華阜廿年佳
帝知趙抃一琴來
處膏不潤人誰信
獨酌康泉水半杯

脂車縞素尋常有
念舊哀窮天下無
折節何曾遺瑣賤
推心從不計榮枯
脫驂諒及黃壚客
山人挂劍恩深葛

遂初堂集

補遺

六

帳孤鴻發世路荒涼交誼絕
憑窗一綫在天隅

授簡追陪憶往年
月泉社裏壁霞箋
書生濫踏八磚地
開府真指半壁天
剩有芒鞋攀落鴈
慚無綵筆頌凌煙
羅浮八月花如海
乞取龍葱步絕巔

鎮海樓歌

羊城山脈羅浮來
龍蟠虎躍何雄哉
頓落平岡起越秀
川原如掌當陽開
重城迢迢跨山嶺
更有巍樓壓城頂
望若瓊臺湧半空
坐疑蓬閣凌倒景
一層兩層城市明
三層四層遙山平
五層舉目見大海
煙沙島嶼紛縱橫
天下巍樓數黃鶴
齊名古有滕王閣
茲樓壯麗乃過之

恨在天南見者稀却憶永嘉平粵時
橫江跨海屯熊羆怪此嶺南多反側
趙佗劉龔肩相隨孫恩盧循足流輩
樂禍走險甘如飴規天度地收形勢
冠山為樓銷霸氣鎮海標名非偶然
韓公繼築同深意竭來傾圯數十年
蠻爭觸鬬常騷然英英李公秉節鉞
淨掃嶺嶠無烽煙重築茲樓萬民喜
銷兵偃燧從此始朝漢臺邊望五雲
歲歲昇平祝天子

翠琅上人見贈墨竹詩以酬之

世間萬物竹難寫不恨纖柔卽粗野
翠公道價重蘭若翰墨餘習猶未捨
貽我琅玕翠盈把筆墨不在朱歸下

遂初堂集

補遺

七

朱白民歸文休龍筋鶴骨相低亞
生態淋漓韻瀟灑涼風騷騷寒雨瀉
對之可以消長夏蠻村墨妙知者寡
報以一硯銅雀瓦請公更賦竹尊者

贈江右宋牧仲中丞

古來文人把節鉞燕公代公兩人傑
東川節度高達夫後來使相范石湖
文章勲業兩兼擅問代英賢今則無
宋公矯矯丹山鳳連天門閤韋平重
早歲才名叶夢花一篇落紙千人誦
清郎敬歷何翩翩三張二陸無當前
西山秀句珠出海巔江健筆鵬摩天
誰攬春華復秋實惟公政事材無匹
武庫當陽開濟弘流錢平叔經綸密

雲司水部譽精敏馮翊扶風頌畫一東園祥刑平若水
南藩治職溫于日宵衣聖人思太平得數大吏天下清
公望公才深簡注命公開府章江行豫章自昔稱樂國
兵燹凋殘足荆棘佇看摩拊起瘡痍已見笑談消反側
江山奇麗翠帷中彭湖一鏡涵鴻濛五老簾泉落几案
金精閣皂羅屏風涪翁詩格尊此土劉楊前以還無
足數中原大雅流天聲七澤魚龍皆起舞東吳散人海
鶴羣往年屢蹋春陵門驚弦鍛翮九天墜江湖放蕩無
冬春去冬偶夢羅浮好瘴癘千重恣幽討今秋復憶尊
羹鮮一篙新漲浮江船江船咫尺瞻旌纛鉦暫欲抒
遂初堂集補遺

干

離抱敢同才子賦滕王且學參軍嘲

贈李茲佩

扶風弟子幾人存獨有康成德望尊茲佩為先談笑每
驚鋒破的傳經常見屢盈門天將晚穫酬良和春作高
花覆古根薄俗不知稽古貴憑君大雅與扶輪

哭周青士三首

避世常高臥衰年翻遠游虛靈楚庭醴不返剡溪舟逸
興雲中鵠忘機海上鷗斯人不重見長水卽西州
情好同兄弟盟言矢笠簞未曾分薄俸有愧作良朋宿
草悲何及遺篇篋或能諸孤猶葛屨執手淚填膺

命爲工詩塞家緣好客貧布衣然諾重淡水性情真劉
蛻元奇士黔婁是達人故應無病逝胸次絕纖塵

上巳日集周觀侯齋作

具區爲曲水扁舟爲流觴往來三萬六千頃如此修穠
非尋常晚來樂饑更何所周郎山齋桂奇古樓高俯抱
衆峰青湖邊纖纖月初吐雷驚紫輦出地肥竹根新笋
剝雪衣洞庭春醪桂凝露觥籌無算縱橫飛眼前舊好
兼新歡佳辰良會難復難華林金谷今何在槐根王侯
夢未殘徑欲移家傍林屋君倡我酬效皮陸春和日日
堪採蘭秋美家家好看菊

遂初堂集補遺

主

資福寺訪天日禪師

深谷精藍畫寂然一塵不到法幢邊香來隔澗知蘭畹
陰覆諸峰見竹天地暖秋庭多嫩萼人清晚浴亦名泉
閒身況值佳風日隨處繩牀自在眠

題瑪瑙山房圖

萬條楊柳搖春空一堤桃花蒸日紅隔水禪林鬱蒼翠
新簾老樹森蒙籠澄波迴環徑路絕寒棠欲往愁難通
茅堂疎迥狎鷗鳥梵侶寂靜鏗魚鐘輕帆影拂簷際白
遠山翠壓林端濃杖藜負手者誰子得非支許等高蹤
日迎飛雲送歸鴻虎溪三笑將無同試問勞勞塵土客

那得如此神從客近來書手毛君工清曠宛有前賢風
能以人區作靈境海懷謔想君無窮乞君更寫洞庭月
盡我獨立縹緲之孤峰

寄翁樵仙

莫陋辰陽在百蠻宋均遺愛著人間刀耕應念山田瘠
飛輓須知驛路艱禮教自能祛俗陋仁風端可革民頑
政成報最無餘事秘簡還探二西山

九日待澗上先生登照山作

木落潭影空秋山淨當礪屐履復囊萸相將作重九眷
言懷吾師衰遲多病後索莫對黃花可無一尊酒挈榼

遂初堂集

補遺

三

遠相存情我同門友一笑慰老懷百愁掃如帚看碑金
薤披展盡煙雲走雅詠間清言鴈行無停手忽然念登
高發興未曾有扶輿弟子職遙遙陟岡阜羅坐得平坡
臨眺日未西歸雲繚遶山川原割而剖皓月生東溟垂
垂可攬取樂飲欲忘歸洗盞盡數斗戲馬與龍山得有
此樂否吾師土室臥禁足廿年久乘興聊一出異事詫
童叟吾曹所欣幸靈光餘一叟意氣老不衰可卜期頤
壽謝傳光東山羊公名峴首茲山雖一丘佳名當不朽
年年捧杖來心期庶無負

徐健菴司寇以一葉舟見訪溪南感而有作

授簡飛觴記往年碧山無日不畱連雲霄久絕攀稽望
蘿薜仍餘訪戴船世上紛紛蕉鹿夢林間空濶海鷗天
五湖倘遂扁舟興一笠相將雲水邊

哭益都相公十首

本朝相業孰如公直道清裁水鏡同廓落胃懷涵萬品
鴻鈞潛轉不言中
三陲撻伐用天戈廟算神謨密贊多剛到太平無事日
乞身歸去勇無過

祖餞傾都羨若仙十年瀟灑臥平泉潞溫尚繫蒼生望
愁見台星折九天

遂初堂集

補遺

三

遺奏驚從邸報看騎箕雲路杳漫漫懸知朝野都悲
我更臨風淚不乾
平津門下多奇士寵遇偏蒙及下材題就新詩長遣和
遊當佳日每教陪
萬柳堂前柳拂鞭長椿寺裏月橫天擘牋微笑風流在
一度追思一泫然
鍛羽飄飄落彈秋遠蒙手札慰牢愁師恩欲報知何地
獨抱殘編老故丘
曾造鄉園進壽卮佳山杖履步遲遲那知一隔扶風
無復彭宣再見時

心轉禪宗證道真裴休楊億後先身大慈不忘人間世
垂手重來轉願輪

吳會青齊鳥路長未能漬酒拜靈牀感恩懷舊無窮思
進入哀詞淚萬行

白鹿洞贈于淑亭

廬山白鹿洞名勝天下聞先賢開講堂規條千載存古
祖昔典郡雅化如春溫適當廢院後生徒散如雲喟然
議興復廟貌爲更新歸田七百畝圖籍重羅陳此事載
家乘歲遠迹恐湮嘗思泛鄱陽故事詢遺民邂逅遇于
子才高而學醇世爲書院士父作都講尊洞志出相示
遂初堂集補遺

五

先公有遺文復院具始末大書揭貞珉盛烈幸不磨欣
慰安可論聖學久蕪沒淡薄陋儒門鹿洞畱一綫弦誦
猶說譏英才見吾子已作觀國賓勉哉崇實學加膏而
沃根歸時告父老賢守今有孫他年當過此拂碑薦芳
藻

送鈕玉樵之官高明

掩關衡茅中除日久不視東鄰聞拜官西舍報除吏問
其來何從入貲非一例軒軒市井兒捐富而得貴謁客
盛與斯薰灼名得意玉樵大雅材小艇僮自刺促膝猶
素心劇談無俗事但索端紫觀摩挲久不置嶺表多奇

珍犀象與珠翠君胡獨賞此嗜好與俗異無怪諸親朋
笑君不解仕三仕猶空囊不爲兒孫地知君松筠心老
大益堅厲不貪素所寶肯以厭貧棄不見前令君巧賈
十倍利宦成身不歸家肥亦奚濟吾不善祝君多金而
高位但願保令名玉雪無點翳寧爲濯纓清莫學補糟
醉養心勝藥餌寡欲祛瘴癘稍辦三徑資好作菟裘計
滿載輿頌歸清白可傳世掃榻仍候君烹葵有真味

贈紹興郡守王憲尹四首

江東人物盛瑯琊秀出如君世更誇內史風流映蘭雪
領軍才度冠朝霞清通物望推三省婉雅詩名擅一家
遂初堂集補遺

五

政事文章能並美宣風好擁畫輪車
會稽山水畫屏開天與詞人染翰材領郡只如修稷至
放衙長似看山來人因乞扎頻掠牘僧爲邀詩屢拂苔
修竹清湍君故物雙旌魚鳥不驚猜
當年蔡閣共緡書囊筆含香樂有餘嬾散我甘鋤菜老
飛騰君正擁旄初賢侯不廢登山屐倦客聊停下澤車
話舊班荆情不淺湘蓴風味勝鱸魚
千巖萬壑夢常遊此日眞乘雪夜舟野鶴近人還有待
孤雲於世復何求青鞋合向雲門試竹杖聊爲禹穴畱
乞取庫中箋百幅與君徧寫鏡湖秋

題麗雪崖種竹圖

秀削者君之體骨淡逸者君之風神節之高不傍一物
性之潔不受一塵常翛然其子立惟與竹平相親不改
柯而易葉洵無心而有筠竹肖君之貌君得竹之神君
平竹乎孰主孰賓吾將問諸離言之人

酬陳露山

萊里遺民去不還剛逢一老水雲間著書宮欲追繁露
琢句清堪步小山世味淡時堅道骨機心盡後駐蒼顏
五君向秀須參預不共山王一例刪

題王石谷還山圖二首

遂初堂集

補遺

美

天府裁頒瑪瑙盤忽隨新鴈出長安大癡粉本家山在
筆底何如杖底看
詞客何妨作畫師藍田丘壑愛棲遲池頭石相傳呼日
可抵山牕潑墨時

遂初堂文集

吳江滸 朱次耕著

卷之一

賦 頌

述征賦

懷舊賦

御試璿璣玉衡賦

金鏡賦

平蜀賦

平滇賦

瀛臺賦

秋夜讀書賦

葵賦

傷逝賦

九華山賦

端溪硯石賦

遂初堂集 目錄

一

平山堂賦

滄浪亭賦

福泉頌

卷之二

論

畫卦不本圖書論

四象非五行論

九六七八論上

九六七八論下

參天兩地論

掛樸論

易圖論

九圖十書論上

九圖十書論下

卷之三

論	卦德論	卦位論	卦變論	卦氣論	納甲納音論	聲音元本論上	聲音元本論下	古今音論	全分音論	反切音論	卷之四	牒表疏策問	上吏部牒	進孝經行義表	遂初堂集目錄	進通鑑講義表	歲終循例題明表	纂修皇輿表書成頒	賜廷臣謝表	永年曆進呈	恩賚銀幣謝表	請廣秘府書籍以光文治疏	請舉詞臣舊職以盡官守疏	遵諭陳言疏	策問三道	卷之五	議書	修明史議	樂章議	廣南藩兵議	吳江水利議一
---	-----	-----	-----	-----	-------	--------	--------	------	------	------	-----	-------	------	--------	--------	--------	---------	----------	-------	-------	--------	-------------	-------------	-------	------	-----	----	------	-----	-------	--------

吳江水利議二	與某總裁書	與某學士書	與某都憲書	與徐宮贊論唐十八學士書	與張素存學士書	與衛爾錫前輩書	與徐虹亭書	與李允公書	與梅定九書	再與徐虹亭書	與人書一	與人書二	與人書三	卷之六	序	遂初堂集目錄	三	重刻漢紀序	日知錄序	冠事編年序	殉國彙編序	曉菴遺書序	格軒遺書序	尚書講義序	文選淪注序	明文英華序	五朝詩選序	重刻李忠定公集序	葉少保文集序	張畱孺待御疏草序	交山平寇本末序	余子迂草序	唐鑄萬潛書序	卓行錄序	增定史韻序
--------	-------	-------	-------	-------------	---------	---------	-------	-------	-------	--------	------	------	------	-----	---	--------	---	-------	------	-------	-------	-------	-------	-------	-------	-------	-------	----------	--------	----------	---------	-------	--------	------	-------

卷之七

序

重刻古本廣韻序

松陵文獻序

烏青文獻序

廣東新語序

雁蕩山志序

丹霞山志序

五嶽遊草序

徐霞客遊記序

鴻爪集自序

柳邊紀畧序

使粵日記序

鍼灸集要序

方程論序

宣城遊學記序

黃氏族譜序

陳氏族譜序

遂初堂集目錄

四

長樂陳氏詩系序

書畫彙考序

昭陵石蹟考序

仲氏印譜序

圃田印譜序

詞韻印証序

姑妄言序

卷之八

序

毛氏家刻序

許時菴制義序

吳楞香制義序

摘藻堂集序

陸冠周詩集序

南州草堂集序

臧岱青詩集序

胡漁山詩集序

竹笑菴遺詩序

草閣集序

町廬集序

菊溪詩草序

梅花草堂詩序

潘飲人詩序

潘寄嵐詩序

密遊集序

託素齋集序

楊東子詩序

李天生詩集序

朱竹垞文集序

旣耕堂詩序

宗兄望祖詩序

竹莊漫藁序

黃楊集序

樸學齋藁序

雪浪齋詩序

錢宛朱詩序

胥母山人詩序

遂初堂集目錄

五

露香閣十九秋詩序

鷺湖倡和詩序

卷之九

序

送湯潛菴先生巡撫江南序

送汪舟次檢討奉使琉球序

送田綸霞水部督學江南序

送勞書升前輩叅藩貴州序

送周求卓知榮陽序

送趙天羽權關邦江序

送許時菴督學還朝序

贈吳子班序

贈馬天遊序

贈余冲子序

卷之十

序

顧亭林先生六十壽序

戴耘野先生六十壽序

五老同壽序

沈介軒八十壽序

盧景韓先生五十壽序

謝丹楓先生七十壽序

從兄文心六十壽序 戚元公八十壽序

遂初堂集

目錄

六

徐侯齋先生七十壽序

錢飲光八十壽序

沈兼人六十壽序

尤悔菴八十壽序

宗兄木厓八十壽序

宗叔雲從壽序

宗兄話儀壽序

宗兄更菴七十壽序

王仲千壽序

龐雪崖壽序

王太夫人七十壽序

仲姊陳孺人六十壽序

卷之十一

雜著

書纂修五朝史傳後

書汪水雲集後

書史西村集後

書金石文字記後

書杜詩錢箋後

雜辨一

雜辨二

彭大彭早住辨

重刻致身錄辨

從亡客問

卷之十二

碑銘 記

重建徐文靖公祠碑銘

鳳臺書院碑銘

重建狄梁公祠記

重修彰德府學記

李延平先生祠堂記

徐侯齋先生祠堂記

建寧府鄉賢名宦祠記

遂初堂集

目錄

七

新安義學記

杭城濬河記

義井記

望川亭記

縱棹園記

濤園記

卷之十三

記

遊羅浮山記

遊天台山記

遊鴈蕩山記

卷之十四

記

遊南鴈蕩記

遊玉甌峰記

遊仙巖記	遊仙居山記
遊西洞庭山記	
卷之十五	
記	
遊鼓山記	遊黃山記
遊廬山記	
卷之十六	
記	
遊南岳記	遊浯溪記
遊三巖記	遊金牛山記
遂初堂集	八
目錄	
遊中岳記	遊林慮山記
卷之十七	
記	
水竹塢會葬記	許少保江右戰功記
殷公武略記	
卷之十八	
傳 行述	
李工部修菴傳	尤侍講良齋傳
戴南枝傳	施紹周傳
費孝子傳	唐烈婦傳

二烈婦傳	顧節婦傳
顧節母傳	李節母傳
董節母傳	屠貞婦傳
先考贈徵仕郎仲和府君行述	
先妣封太孺人吳氏行述	
亡室封孺人申氏行述	
卷之十九	
墓誌銘	
中大夫國子監祭酒吳君墓誌銘	
翰林院侍讀喬君墓誌銘	
遂初堂集	九
目錄	
太原知府周君墓誌銘	
池州府學教授顧君墓誌銘	
鴻臚寺卿劉君墓誌銘	
中憲大夫韶州知府陳君墓誌銘	
高州府通判汪君墓誌銘	
李寧侯墓誌銘	鈕芥菴墓誌銘
孫襄臣墓誌銘	丁墨霞墓誌銘
沈節婦墓誌銘	余節婦墓誌銘
亡妻王氏孺人曠誌銘	
卷之二十	

墓表 贊 銘 祭文

歷陽王先生墓表 臨海馮氏先墓表

費隱君墓表 李孝貞女贊

朱節婦贊 從姊淑孝贊

像贊二十二首 硯銘三十首

祭葉文敏公文 祭吳東里先生文

祭汪悔齋文 祭江怡昭文

祭阮巖文 祭范太夫人文

祭表姊周孺人文

遂初堂集 目錄

十

遂初堂文集卷之一

述征賦

敦牂之歲兮日月向除僕夫整駕兮吾將北徂橫大江而徑逝兮指淮浦以爲期旌搖搖其將邁兮心愴怛而踟躕哀吾生之多艱兮遭喪亂而播遷羌匝年而三徙兮曾不得乎少延伊吾祖之卜宅兮在笠澤之下渚臨具區而瞰包山兮雙溪沄沄而承宇信仁智之所樂兮爰族居而里處夫何遭命之不造兮倏星離而雲散悼骨肉之乖隔兮嗟始合而終判鴒飛鳴索其偶兮鴈踰躅而求其曹雖一枝之安棲兮曾莫返乎故巢羗飄風之被離兮增翩逝而漂搖余束髮而誦書兮懷壯思之慷慨雖端居於一室兮乃遊精乎四海慕正則之遠遊兮鞭風霆而爲衛越九野而度八紘兮曾不足以芥蒂維高堂之晨昏兮與季弟之孱稚願橫逝而無繇兮卷此志而莫遂伊吾親之就衰兮宜藥物之所須乃扁舟而涉湖兮指西山而移居經硯石之巖巖兮傍蓮峰之峩峩采三秀之華芝兮索千葉之蓮花擣菊滋而掇桂英兮潔以爲晨羞蹈伯鸞之清塵兮求翁子之所廬蓬龐公於鹿門兮拜德操於龍岡欽喆人之休風兮結衡茅而相望論道德之玄素兮彈鳴琴而賦詩聊逍遙以

娛樂兮遂彌年而滯茲何日月之不居兮歲冉冉而云
邁忽長想以覺寤兮恐盛年之不再升高丘而四望兮
馳遙睇於八荒激長嘯之清風兮意慷慨而飛揚覽九
州之博大兮觀河山之參差陞南州之迫阨兮陋吳會
之喧卑盼清淮之湯湯兮瞰大河之洋洋韓侯戒而先
路兮八公紛其竝迎壯褻革之達言兮偉懸弧之遠志
恐志氣之頽惰兮將遠逝以自厲紛總總其六合兮嗟
孰者之爲樂邦旣漂泊而寓居兮又何懷乎故鄉夫侷
儻而高引兮固通人之所與行現傑而不羣兮又衆人
之所駭人情同於懷土兮豈余衷之獨異審宴安之不
遂初堂集 卷之一 二

可懷兮故超遙而高邁昔馬遷之卓犖兮二十而浮江
淮延陵子之閎覽兮亦歷聘而觀諸華梁鴻長嘯而入
吳兮相如釋官而遊梁或南產而北學兮或西人而宅
東彼賢達之遠覽兮豈庸俗之能量黃鶴一舉凌天池
兮再舉返其故丘從鵠鶴之所安兮固將老於藩籬

懷舊賦

癸卯之秋余以事入都路經淮陰得謁王起田先生
傾蓋之雅過蒙器重周旋欵洽恩若平生歸自京師
淹留旬日遂申婚姻之約誓以百世之好雖元禮之
於文舉伯喈之於仲宣未是有也已酉仲夏余自吳
來省起居未旬月而先生以疾捐館嗟乎長老云亡
哲人萎謝顧瞻筵几俯仰傷懷乃音容未遠星火云
變秋夜獨坐朗月照帷涼蟬哀號怛焉增感昔子期
思舊之賦傷故知也安仁懷舊之篇哭所親也余於
夫子思則知已分則密親感往悼今撫時傷物情不

遂初堂集

卷之一

三

能已遂援筆而爲之賦其辭曰

夫何羈人之愁戚兮心繚悵而不舒思泛覽以放意兮
步逍遙於庭除聽時禽之鳴聲兮聊吟嘯以自娛兆開
秋之靜夜兮微涼降而襲膚殷大火之宵流兮林條苑
其始踈朗月皎以麗天兮蟋蟀鳴而愁余維節物之不
居兮夏與秋其代謝伊哲人之委運兮形與神其俱化
節旣往而復來兮神超遙之焉舍悼今往而悵罔兮想
昔存而悲咤歲單闕之仲秋兮余攬轡乎上京爰涉江
而濟淮兮經韓侯之故城聞仲回之清操兮欽彥芳之
德聲遂停輪而進拜兮欣脫屣而相迎維時海鴈飛而

乍南兮秋氣爽以麗佳菊婀娜以含英兮桂紛披而吐
華先生乃開南軒而坐客兮命羽觴而泛卮方初筵而
歡洽兮披情素如舊知申欸曲於既醉兮終握手而連
而審征旆之不可留兮指還轅以爲期既返役而稅駕
兮遂淹留於浹旬愍王粲之流離兮傷陶侃之孤貧奇
伯鸞之耿志兮嘉正平之能文指愛子而要之兮命結
以爲弟昆情睠睠而靡終兮許愛女以爲婚講百世之
嘉好兮結千里之睦姻伊人情之萋萋兮咸趨榮而厭
悴孰煦濡於泉涸兮孰卵翼於巢碎卞和號夫荆璞兮
伯樂泣夫騏驥無古人之朗鑒兮知奇遇之不再嗟小

遂初堂集

卷之一

四

子之薄劣兮遭時命之艱難既早歲而失怙兮又骨肉
之凋殘痛本宗之零落兮傷門戶之孤單性愚慙以闇
時兮又耿介而違物渺四海而無家兮曠人羣而寡合
抱青雲之奇志兮欲橫厲而無梯願戢羽而澤毛兮無
一枝之可棲何殊鄉之邂逅兮荷夫子之淡眷曾驚蹇
之陋姿兮比龍媒於赤汗餌黃雀於墜弦兮收枯桐於
在爨銜淚恩而莫報兮每怵惕於申旦何大命之靡期
兮嗟奄忽而遽變余仲夏而發吳兮爰來視夫起居欣
神明之精明兮慶顏色之敷愉承緒言於從容兮託雅
志於江湖言我樂南土之清嘉兮并日夜而夢思惟婚

嫁之既畢兮逝將遂夫幽期臨三江而釣魚兮宅包山
而茹芝步角里之清塵兮尋松子之所棲夫何寢疾之
忽嬰兮遷延究乎大故悲遺言之在耳兮精靈渺以焉
赴鬱餐霞之奇意兮卽泉臺之長慕尊酒清而弗御兮
素琴靜其虛張飄風迴而動帷兮儼若君之在堂終冥
漠而無見兮涕余襟之浪浪玄蟬號於永夜兮熠燿紛
其宵行烏鵲飛而繞樹兮歸燕辭巢而徬徨感物類而
增歎兮步踟躕而不能忘亂曰我我喬松託絲蘿兮憂
焉崩摧傷如何兮鷦鷯來遊集梧椅兮枝枯葉焦將安
棲兮匠人停斤牙輟絃兮知己之慟古有然兮況在夫

遂初堂集

卷之一

五

子濟艱難兮感念時昔鐫心肝兮詩歌木桃報瓊玖兮
筑筑陋軀夫何有兮立身揚名君子所取兮矢心夙夜
庶無負兮

御試璿璣玉衡賦有序

竊聞火雷成象大易垂治曆之文重黎命官古帝重授時之典攬鳳輝於皞紀瑞衍二分數冀英於堯廷祥開一葉命太撓作甲子詔隸首為部章遠溯百王遞推三正莫不仰觀俯察上律旁羅然而眇胸縮盈日月浮生於空際鈎稽順逆星文錯運於環中天差歲差積由秒忽陰曆陽曆度起錙銖存其理而缺其儀難為布算有其數而無其器何以驗天爰惟聖人作為靈憲法大圓而成象因紫極以作模五曜三垣既分隅而莫位四維八柱亦循節以按機蓋笠覆盆

遂初堂集卷之一

六

穹窿在目轉九磨蟻迴幹無垠括造化於一規羅乾坤於寸管極人間之賁飾綴以編珠盡物產之英華刻斯弘璧環周於外璿璣是名橫貫在中玉衡斯設在茅茨土階之上特著其文居宗彝藻火之間聿昭其采信觀天之要術步曆之神儀者矣粵在虞書在齊首務迄乎後葉體製彌增壽昌經營於漢宮錢樂鑄範於宋代承天加其巧思一行寫以新型以至周髀宣夜之書安天穹天之論土圭致日之法水臬量地之方莫非推輿旨而旁通就成模而潤色我皇上欽若昊天協用五紀窮神知化四氣察其盈虛致

遠鈞濇六曆辨其疎密登書雲之臺觀遺憲猶存披載籍之淵林頌辭益闕嘉其巧妙特與讚揚爰命在廷抽筆而賦謹獻賦曰

仰崇高于穹宇浩遼廓而無形信三辰與七曜有懸象之著明咸浮空而宗動紛輪轉而莫停兩極建樞於南北萬象羅列於縱橫既欹斜以旁紐亦出入之互經章亥無所施其算容成莫能測其情時維至人參天兩地窮幽洞明覃精畢智握陰陽之樞機探造化之根蒂剖青萌及黃芽搜月窟與日竄見兩儀之互苞察四遊之相際作鴻寶以前民有璿璣之偉製惟璣也法天體之

遂初堂集卷之一

七

規圓惟衡也察衆曜之迴旋璣匝布以利轉衡橫設以鈎連斗運中而不忒極出地而微偏鵠尾鴉首協其度天廟天根肖其躔黃道斜交於赤道單環對峙乎雙環宛積氣與含水若璧合而珠聯乃飾美珠乃刻文玉德產精微物華輝煜類鴻鈞之在冶似衆輻之共轂一綫經於地平九行帶於天腹既懸璣而垂象復執管以窺璣驗晷景之長短推寒暑之密移圖則九重其無爽懈谷累黍其無遺烈風雷雨不愆其度重陰昏晦不失其儀在昔重華是觀是察先天弗遠惟聖作哲用舉正而履端以迎日而送月攝提孟陬於焉受紀東作南訛於

焉應節惟斯器之神妙實剖析夫鴻濛迨踵事而增華
乃作則於無窮或輪囷而刻木或璀璨而鑄銅或設輪
而激水或動地而叩鍾削蓮花而傳箭斲舳舻以盤龍
立偶人於機上錯銀丁於軸中咸本斯而祖述倖巧心
於化工惟我

后之欽明嗣無疆之曆數爰極藻以研幾洵開物而成
務道無廣而不苞理無幽而不覩握金鏡於泰階執乾
符之鑒度齊軒轅之造曆軼太初之分部每省歲而察
行用登臺而升庫曰而稽於天若嘉璣衡之盡神範造
物而不過垂萬祀而長新命抽揚而作頌同發策於天

遂初堂集

卷之一

八

人慚張衡之博識愧陸陸之能文既管闕而莫罄復蠡
測而無因謹橐筆以獻賦效微忱於拱辰

金鏡賦

竄聰明而首出惟

天子之當陽則懸象以照臨被八表乎天光道無隱而
不燭物無幽而不彰金鏡儼其在握協圖錄而開祥伊
明鏡之可珍妙物華而無匹萃五金之精英收灝氣之
清謐資爐炭於陰陽經百鍊而成質湛內景以含光肖
萬形而不失周輪應規大圖象天銀華璀璨金薄迴旋
卦兆森其環列蛟龍鬱乎相纏彩灑灑以吐月波淅淅
而漚川至潔無瑕纖塵不垢體本一無妙涵萬有因萬
類爲妍媸初何心於臧否惟至寂爲能通惟至虛爲能

遂初堂集

卷之一

九

受照瞻懸於泰殿寫形設於魏宮洛京珍其鑒鑑鄴臺
飾以盤龍匪現異之足侈良楷則之是崇既鑒前而慮
後亦明日而達聰在唐開元千秋著節百僚獻琛寶鑑
在列嶽嶽賢相時維九齡因事納忠隨物著情念周書
之成訓鑒於民無鑒於水思韓子之格言以鏡正形不
若以道正己乃集往事披前圖範古式垂今模十條著
錄金鏡名書備法戒於獻替效納約之區區玉几丹展
是型是式無競惟人不顯惟德惟臣盡規惟主容直故
開元號爲治平而曲江之名不泐烝哉我

皇淵穆文明維睿作聖大猷是經仰觀俯察持規執衡

地不愛寶人不愛情燭銀出於山阿璣鏡浮於水滌波
祇貢於望蟾沮渠獻其火齊金繩玉輪之奇四規三尺
之製克初官庭匪珍匪異方將轉鴻鈞以爲爐範天地
以爲圖覽墳籍之淵海究道德之指歸陳書於中鑒取
士於鏡機既酌古以準今復覩著而知微探賸鈞溪成
務開物遠無不照邇無不察圖事惟幾官人則哲形端
而影從源清而流潔

天子穆然無爲端拱於巖廊左圖右史前輝後光齊風
乎卷領比隆於垂裳其斯爲

帝王之大寶與天府而無疆

遂初堂集卷之一

十

平蜀賦

皇帝御宇十有八年冬

命奮威將軍臣進寶勇略將軍臣良棟率師討蜀寇密
授方略分道進攻十九年正月癸卯進寶克保寧僞將
軍王屏藩窮蹙自盡擒吳之茂以下二十餘人前三日
庚子良棟自龍安進克成都僞巡撫張文德降蜀地大
定丁巳露布至京宣捷午門外在廷之臣咸以
皇上廟算恢闊坐見萬里激厲將士建茲奇勲相與踴
躍唱歎形之聲詩臣遭遇

殊恩載筆史館頌揚成功職不敢闕謹獻賦曰

遂初堂集卷之一

十

溯皇王於前烈偉捷伐之鴻謨奸無鉅而弗剪兇無遠
而弗鋤靈發聲於豐隆星耀芒於威弧鯨吞舟而就斲
蛇搏象而見屠法春生與秋殺有霜落而露濡必武功
之遐暢乃文教之誕敷惟我

皇之聖仁廓天地以爲量王道履以平平天門開其蕩
蕩彼么麼之小醜敢盜兵而衝坑類射天以彎弓似逐
日而投杖蛙處井以陸梁螳當車而倔強依嵐菁以爲
巢憑崖谷以作障巖巖梁益寶號金城國關蠶叢山開
五丁劬闢梯空以懸度棧道循絙而上征天井盤旋而
窺黑地網綿絡而縱橫水以虎牙赤甲爲咽喉陸以龍

門鹿頭爲門戶挺一戈以當關非萬騎之能取遭天光
之分耀有草竊以偷處曾六合之一家敢走險以旅拒
雄虺九首苞蘖三芽傳烽已聞築壘褒斜驚百城於風
鶴變一軍爲蟲沙初屯蜂而聚蟻旋鬪鼠而戰蝸思明
殪於河陽少誠殲于淮表彼逆孽之遊魂若枯莖之待
掃何醜類之睢盱尚橫距而肆爪倚嶂嶺之千重謂天
險其可保

皇赫斯怒整我六師招搖爲戈參伐爲旗審制勝之在
將料奪險之用奇拔虎臣於行間建高牙而授之曰汝
進竄龜貅如雲東趨閭中毀其重門曰汝良棟突騎風

遂初堂集

卷之一

三

兩西走陰平挾其後戶分道交攻奇正相權或倚或角
動於九天惟東軍之驍騰凌七盤而徑度奪朝天之巖
險葭萌空而不戍分勁旅爲三行令異道而同赴摧堅
陣于背城斬突狶而餘怒積甲齊乎錦屏投鞭斷乎江
路迨禁旅之薄城斬門關而齊驚兇渠焚于窮猿逆黨
禽于脫兔蓋累累籍籍鈴甲而縛者不知其數西師卷
旆以橫邁据密樹之重關出問道以擣虛儼龜蠃而林
攀爭白水之隄塞破鐵門之屨顏忽浮馬而渡江張赤
幟于菁山朝耀兵乎江油夕嚴陣乎緜竹訝天兵之飛
來俄攻心而潰腹開錦城之戢戢豎降帆之一幅收奇

功于浹辰若風雷之迅速捷書並奏飛檄文馳鋒不再
淬矢不再披剗勁寇若振槁舉名都如拾遺
天子乃升紫宸之殿讀露布於彤墀千官集乎

闕下望

天顏之怡怡莫不鼓舞讚頌曰盛哉乎武功振古未覩
茲也惟此劔南代有反側塹山燒棧便同絕域若漢室
之討公孫晉氏之斬李特宋主之擒譙縱唐宗之誅劉
關皆用堅攻瑕以順討逆風行電掃罪人斯得然猶水
陸夾攻首尾並擊傷損將士窮竭兵力彌歲淹時僅而
後克末有不頓一兵不折一戟駭若發機震若霹靂旬

遂初堂集

卷之一

三

月之間廓清西極如今日者也

天子將將大將將兵旣得龍驤復有營平師以和而後
克功惟斷而乃成規萬里若指掌故無戰而有征夫蜀
國者滇黔之維首也蜀平則破竹無前建瓴直走蒙詔
亡魂貴筑不守將遂定叩楚略健爲兼冉馳收沈黎簡
巴渝之勁卒與彭濮之銳師浮舟泔泔飲馬瀘溪峨嵋
爲鐔點蒼作鏑罽罽葉榆圍掩蒙樂伐銅鼓之砰訇驅
金馬之騰越血鑿齒以毀鋒膏楔倫以染鍔然後前歌
後舞班師而還受成

廟社薦功

皇天包干戈以虎皮却走馬以糞田沛曠蕩之恩下復

除之

詔與萬姓相勞苦哀疲氓之無告撫摩瘡痍長養凋耗
勸耕課桑興廉舉孝蒸斯人於太和羣詠仁而蹈道基
隆平於萬年襲三五之休號豈不盛哉遂作頌曰天錫
智勇爲

君王兮神武不殺誅猖狂兮運籌決策自

廟堂兮任屬賢將齊鷹揚兮天戈一揮除梟獍兮遂清
大憝克鬼方兮長御遠駕包八荒兮刊山表柱垂無疆
兮

遂初堂集

卷之一

古

平滇賦

粵稽皇王數典考墳紹業承統守文之君或英明而沈
毅或恭儉而寬仁休風駿烈厥亦有聞若夫彌綸造化
整頓區宇經世以文戡亂以武除凶殘若風霆沛德澤
如膏雨巍乎遊哉首出之聖書契以來曾不數觀惟
國家誕膺休命

列聖重光宅中圖大臨馭萬方

皇上克聖竄聰嗣續膺服阜成兆民平章百族威暢德
敷義涵仁育煦之以春陽潤之以霖霖方銷兵以鑄鋤
希還醇而反樸屬者五緯遺氛三辰餘沴國丁小厄天

遂初堂集

卷之一

五

亡醜類乃有三藩之事以勤我

聖帝惟三藩者滇南爲魁次廣與閩一苞三葉駢聯連
根實

先朝之宿將亦勝國之通臣諒豺聲而鷹眼非羈紲之
能馴

先皇帝大度軼乎漢高浹仁邁乎宋祖念其搏擊之勞
昇以帷蓋之所高牙大纛作藩南土蓋將以威蠻制獠
壯千城而杆疆圉何圖爵極而亢寵過斯驕擅士馬之
雄富與土地之殷饒殺生操於幕府除拜擬於

天朝聚宵小爲淵藪流金錢如波湖無懸壺而不漬有

厝火其必燒

皇上明燭未形智周無象金鏡在懸太阿在掌與其滋蔓而難圖不若消萌於方長與其後事而及鋤無寧先時而滌蕩爾乃發

睿策啓

神謨因乞休之陳請下撤還之

詔書俾移屯於遼海卽樂土而安居將保全乎勳舊匪弓藏之可虞蠢爾滇渠敢行倡逆忘夷葉之寵榮背累朝之恩澤矜百戰之餘勇謂人寰其無敵規豕突與鯨奔遂白頭而作賊裂背一呼其從如雲朔弓毒弩十

遂初堂集

卷之一

六

萬爲羣旣席卷夫湘江復虎踞乎夔門將北向而爭利勢滔天與燎原闊廣之兇以次干紀毒虺雄長蛇首尾其餘反者蝟毛而起西綿隴坻東絡海瀝鄜延之郊荆襄之鄙震聳者三方驛驛者萬里甚漢室之渾雄同唐家之安史彼敦峻與景全何兇鋒之能擬惟皇神武不震不驚恭行天討赫赫明明發雲臺之鎧仗整岐陽之旆旌丈人長子維城磐石之宗以爲將帥中黃虎賁射聲伏飛之士列乎屯營於是親畫成規密授方略旣攻心而伐謀亦擣虛而批郤堂堂聲罪之辭裁裁賞功之爵踞鞍而猛士色飛騰檄而凶徒膽落

天子之兵無戰

帝王之師萬全不逐一壁之利不陷一城之堅其守也靜於九地其攻也動於九天是使劇賊挫鋒梟雄失氣矢如雨而不得射戟如林而不得刺麕騰躍而枝窮虎咆哮而力弊賊衆有魚爛之形官軍成破竹之勢遂乃平乘巴陵橫掩洞庭豐浦之餘艍失水衡峰之草木皆兵逆臣賊子亡魂喪精血未膏於王斧身已殛乎天刑亦越閭關天兵飛度士女謳歌壺漿塞路叛臣面縛而來歸通寇倉皇而失據蜃咽氣而消亡鯨跳波而僵仆彼孽孽之凶狡信泉狴其何殊幽厥父以稱亂牙擇肉

遂初堂集

卷之一

七

而恣睢天戈臨而糜爛何螳臂之當車嗟革而其已晚有延頸而就誅若乃狐鳴鴟嘯之羣鹿挺狼奔之隊尤來大槍之盜魁延岑彭寵之叛帥首鼠前却乍叛乍臣者以千百輩莫不脫距摧牙沙崩瓦壞枯戶疏屬之山傳首桃林之塞於是陰平夜走劍閣朝通索橋度馬廐峽懸弓黔蜀之地悉定水陸之師會攻徑盤江而犄角蹂蒼山而抉剄高壘馮城長圍四築不頓一弦不亡一鏃嗟劉稹之跋扈與元濟之窮蹙曾飛走其無路空椎心而慟哭竟駢首以入函無遺種於凶族於是八方奠定六合無塵梯航窮乎日窟韃譯盡乎天垠邊陲無鈴

柝之警函夏皆耕桑之民橐弓脫劍一軌同文原夫三
藩之設歷紀於茲尾大不掉實繁披枝國勢爲之衝決
民生爲之瘡痍而今而後快然毒去霍然病衰烟消霧
剝天清日輝非

大聖人之威德何以及斯惟幾也爲能周天下之慮惟
斷也爲能成天下之務撤藩之議偉矣狃於苟安搖於
浮言則莫能以果決難作而張皇釁成而姑息則莫能
以速滅藩鎮之禍未有所底也

皇上以一人之智勇爲海內除大殘以八年之憂勤爲
萬世貽永安雖唐帝之戰丹水軒皇之克阪泉夏后格

遂初堂集

卷之一

六

有苗於兩階殷宗伐鬼方於三年絜功比德未知其後
先猶且謝鴻名而不居推大美而不有彌謙冲以兢惕
期保泰于永久肅乎欽器之或傾凜乎馬索之將朽哀
烝人之疲勞念三星之在留遂乃發

德音沛

恩綸捐逋賦予貧民赦獄囚廣大仁優卹將士大資臣
鄰罷一切權宜之制與天下爲更新大圭禮

天特牲祭

廟望祀山川潔將標燦燿尊養於
兩宮增推崇之顯號馳展省於

園陵薦成功以昭告然後申明象魏釐飭官常百度具
舉四維高張天人協應儲休降祥甘露零庭朱草豐唐
奏韶濩之樂舞襲山龍之文章故道與天地同流而德
與黃農齊光也日出作今日入息道平平兮無反側旋
乾坤兮

帝之則賡卿雲兮臣之職歌九功兮頌七德播永永兮
長無極

遂初堂集

卷之一

七

瀛臺賦有序

臣聞閭風瑤圃稱天帝之下都弱水方壺號仙人之別館自昔帝王萬機清暇咸有離宮行殿用備巡遊在漢則甘泉長樂載在黃圖若唐則興慶九成標於綠牒莫不綿山絡谷掩照吞原靡麗極夫人工游幸妨乎機務然猶淵雪載筆燕許搗辭賦頌斐然垂之金石

皇清定鼎燕京於宮城之旁西苑之內有瀛臺一區引泉作沼疊石爲山華而不靡樸而不陋土木無雕文之巧時巡無供頓之勞聽政不異明光齋居有同宣

遂初堂集卷之一

三

室制度規模遠軼前代自非形諸文翰何以昭示來茲臣竊考前明諸臣紀遊西苑詩篇頗爲詳明衆諸見聞髣髴得其梗槩謹述瀛臺賦一篇頌揚不朽其辭曰

惟皇都之壯麗宅九野之奧區山迴環以羣拱水翔舞而畢趨法宮規夫紫極正殿象乎天樞羅千門與萬戶輦萬年之鴻圖彤廷穆以嚴凝丹禁紛其繁紆儼天居與神闕豈名言之可摹爾乃苞通川以爲池掩廣藪以作囿儲天淵於掖垣兼陸海之繁富錦嶂疊兮如霞瑤林錯兮如繡盡體勢之恢闊極雲景之明秀爰有層臺

峙乎其中璇題輝映璧房璫瓏遠而望之鬱何葱葱若金銀樓閣視海上之方蓬又若清都紫微從化人而遊天宮綠垣周迴輦路相屬冠山爲堂綠溪架屋繡拱雲華棖刻玉晶熒璀璨不可畱矚碧瓦爛其若流金莖聳以高矗超塵氛之北垓收灝氣之清淑泱泱澄湖玉泉所停萬頃沉浸百尺清泠涵城闕以霞淨寫遙空而練明象蒙汜之遠漲若河漢之斜橫石梁蔚其嶙峋跨素波而雙堰儼鰲戴與虹垂乍翠舒而雲卷秘殿穹隆以規圓雕欄彩錯以矩轉瓊臺萃律於中流廣寒輦飛於絕巘繁萬歲之仙山帶百果之禁苑鎖鱗屋於層瀾

遂初堂集卷之一

三

藏龍舟於修堰於是羅生枯桂雜植蘭若女桑垂蔭河柳抽條島名瓊華園號芭蕉盛夏含秀經冬不凋綠陂之傍彌望葭菼覆水蕭森得風掩冉菰蒲陸縈以冒崖芙蓉婀娜而承檻爛雲錦之無涯與清波而澹淡珍禽異族游泳其間王睢白鶴嚶嚶關關應龍鼓翼於泮潏鯨魚曝鬣於灣環浴日月之晃朗翻珠貝之璘璫窮神臯之幽勝苞天府之珍奇耳目爲之昭曠心神爲之愉恬

天子乃以徂暑之節炎蒸之時乘鸞輅蔭華芝出椒殿越蘭墀就行宮以清暑恒偃息而在茲卽苑爲宮因臺

作殿八風清涼一水凝澱居高明以散懷宅爽塏而流
盼省章奏以忘疲剗機務而靡倦彈有虞之五弦奏萬
天之清歌南薰生於欄楯慶雲起於巖阿泛蘭舟而容
與臨華渚而婆娑憩三亭之幽寂陟九島之嵯峨草木
承恩以衍地魚龍銜澤以躍波暢

皇心而發

睿藻惟休豫之孔多然而臺不重累池不更鑿石砌無
文采椽不斷因基之舊取制之樸惜露臺於百年重鹿
園之改作苑牆之外悉施與民欄宇櫛比原田勻勻菽
蕘接於靈囿蹄輪錯於天津人咏聖衢之化家頌騶虞

遂初堂集卷之一

圭

之仁豈與夫規南山以爲苑云雲夢以作澤掩地之財
勞民之力徒侈游觀不存儉德者可同年而語哉頌曰
崇崇靈臺宅天中兮上法太微環紫宮兮吾

皇蒞止千官從今匪遊匪豫勤天工兮洪流決決天澤
濃兮禽魚翔舞帝力閎兮調燮四氣宣八風兮於胥萬
年樂無窮兮

秋夜讀書賦

惟四序之平分兮竊獨嘉此素秋天昭昭而遙曠兮野
肅肅而清幽去驕陽之恢台兮就微涼之悠柔欣商風
之乍披兮快溽雨之初收木葉下於林皋兮白露被於
林丘候雁翩其南翔兮大火渺以西流若乃秋宵始長
萬象嚴淨玉衡左迴銀漢斜亘月白如綃天澄似鏡草
蟲微吟鳴蟬相應發思古之幽情引續言之逸興歲冉
冉而易邁時亟亟而當競於是啓北戶開東軒屏塵坐
離蠶煩惟卷軸之岑寂久與我而相存及遙夜之無營
發陳篋而討論浩瀕經籍紛紜圖史探之莫窮其源尋

遂初堂集卷之一

圭

之不見其委惡短綆之汲沉汲重淵之渺瀾義無與而
不求緒無蹟而不理縱橫百氏貫穿古今收聚珍於滄
海攬羣材於鄧林藝無誇於游目道唯取乎會心言無
言而逾貴味無味而可飲爾乃披風展月幔拂繩牀
移竹案分藜火之輝煌映壁耀之輝煌燦燦宮擬以餘清
焚爐香而小斷漏沉沉以向曉鷄鳴而將旦諒所好
之在茲故窮年而忘倦於斯時也非無豪家戚里游閒
公子拂袖蛾眉傳杯皓齒急管蠶心繁弦聒耳彼貴遊
之所耽何天樂之可擬亦有通人豪士舒情散懷吟風
弄月歷榭登臺撫景流連對節徘徊良寄託之有在非

吾人之所儕伊眇末之自處甘守拙以抱愚無馳騫之
長材聊竹素以自娛際文明之昌運幸託身於石梁窺
羽陵之墜簡抽石室之秘書惜往哲之分陰愛韶光之
三餘將優游以卒業謂世味其焉如

遂初堂集

卷之一

雷

葵賦

攬羣芳於林圃伊茲葵之可嘉迎景風而振采應淑節
而舒華結團圞之翠葉揚灼爍之丹葩爾其託蔭高甍
結根廣固裊露以榮滋泉而茂節裊裊以孤標枝亭亭
而獨秀將翠竹而比直與黃花而方瘦當夫艷陽逞媚
桃李爭妍亂紫如姹繁紅欲然茲特立如有讓闕奇姿
而不宣似幽人之靜默比節士之貞堅迨於赤帝乘權
祝融司職萬卉銷華千林掩色爾乃抽英玉砌之旁發
曜金溝之側陵暑月而神王敵炎威而意得璀璨絢
緜風香繽紛含風漾彩映日流芬乍漸濡於膏雨旋覆露

遂初堂集

卷之一

雷

於油雲旣堆霞而吐艷亦錯繡而垂文累月長榮經旬
不謝紛披魯女之門照灼公休之舍共萱草而扶疎竝
櫛枝而低亞惟勁節與疎香獨雷連於永夏若乃賦資
純一秉德淑清朝光升而東向暮影落而西傾與太陽
乎協德隨日馭而注情類忠良之眷主披赤心而自明
浮雲不能隔其志蔓草不能沒其誠故比德於君子在
百卉而爲英所以鮑莊讓智尼父與歎陸生感詠顏公
作讚豈猶夫木槿丰茸辛夷爛熳疎麻可把芙蓉堪翫
爭薄艷於林臯競浮榮於宵旦者哉重曰寧直節兮損
孤芳心所傾兮在太陽嘉靈根兮不能忘欲植之兮在

傷逝賦

吳子漢槎少有異才舉於鄉中蜚語謫戍北荒中朝公卿多憐之者居二十餘年更數赦得贖還母子弟兄相聚歡若更生無何遽得病病一歲竟死吳子與余中表兄弟相善也吳子尤數稱余賦謂不落齊梁風格今已矣悲慟之餘爲作賦一篇置諸靈牀亦孫楚驢鳴之意云爾

悲夫皇天之至仁兮煦萬彙而丰容
羗獨阨此文士兮萃荼苦於厥躬
數有伸而皆屈兮途無通而不窮
舉人謀以拯救兮神俯背而不從
伊人林之閔淳兮君獨有

遂初堂集

卷之一

毛

此嫫質蘊藻思之葩華兮振奇采而橫逸
編珠貝之璫璅兮又綴之以明璫
襲雲錦其猶未麗兮拙天孫之七襄
世靡才而不索兮宜振衣而高步
何斯人之蔚炳兮反顛隳而失路
嗟失路其亦何傷兮又被之以謫
辭糝玉石而一槩兮非剖心之可明
謂椒無聲兮謂蘭不芳龍淵不利兮
鑿鑑無光南威美而先行兮謠諑
訾之以銜嫁驂駟躡景而馳兮謂詭
術而泛駕天門高其無垠兮震雷電
之馮馮指龍荒而長流兮涉寒門之
凌兢白草浩浩兮黃雲晝昏增冰積
雪兮無夏無春虎豹嗥以東西兮魑
魅嘯而相存塊獨處此絕域兮閔
溘死而無

聞歲復歲其寢久兮忽天迴而地轉及

皇仁之沾覆兮馳明駝而遡返脫羊腸之險難兮就莊
施之坦坦木向晚而欲華兮冰始泮而將暖夫何痼疾
之驟嬰兮遂沈滯而幽憂鬼伯相促一何急兮大命曾
不得以少畱謂人之善忌兮何天其亦汝軋也謂時之
不逢兮何算其亦汝奪也謂天之不慈兮何初困而卒
脫之謂造物者之垂憐兮何既萌而又伐之乃知才士
之處世兮與愁苦乎相膠鳥彩翠而蒙繳兮木芬香而
見燒仲翔竄沒兮顏士客死文考短折兮終童稚齒君
既生還而考終兮踰五十非天年較古人其已多兮又
遂初堂集卷之一

天

何恨乎重泉亂曰大鈞搏物初無情兮苑枯壽夭隨物
所丁兮傳翼去角理固然兮多華早落誰執其愆兮至
人渾渾無滯磷兮含章守素與道合真兮

九華山賦

考南條之山勢總歸宿於江東繁池陽與姑孰咸卽山
而爲邦巖攢羅以競秀嶺錯峙以爭雄究孤標而傑出
惟九華之層峰望百里而可見倒翠影於江中試捫蘿
以幽討信累月其難窮爾其分支黃山衍脉郡郡憑積
高以託基宅環中而爲鎮孕斗分之清英發離暉之朗
潤神奔騰以效奇天儼悅以披瀝一氣所搏鬱何紛葩
千林吐穎萬卉抽芽城墉周遭屏帳交加壁之無垠卽
之無涯九十九峰載在圖記言其大凡未及瑣細靈府
奧區帝之所秘遊人至斯九陰一霽徒想像而彷徨曾

遂初堂集卷之一

天

未得其髣髴余邀謁於山靈假清朝而謁來招長風於
天表掃信宿之昏霾露衆峰之娟妙若簾幕之乍開陟
複磴之縈紆躋連岡之崔嵬旣幽探夫虎窟復高步乎
天臺盡茲山之體勢故宏博而奇瓌爾其爲峰則有天
柱雲門枕月拱辰爲秀聚玉列仙真人五老僂僂以擁
杖二神昂藏而抱紳九子訖訖以齒讓七賢岳岳而來
賓獅子蟠擎天馬天矯雲帶修纖蛾斜縹緲螺髻浮青
於林端玉屏滴翠於雲表蓮花千葉以舒新芙蓉聯房
而呈巧其巖則有碧桃磊砢虎頭狎狎雙石秀出三符
削成觀音嚙刻以斗絕寶陀層複而迴縈邃谷則盛夏

含雪透碧則重簷空明晏坐以神僧著蹟清隱以逸士
標名其洞則有三遊九曲堆雲棲禪金光影現無極聲
傳雲巖像乎堂庭古仙隱夫溪田大小魚龍靈寶潛通
凝乳萬狀劒珮旌幢綠魚白鳥玉柱霜鐘編筏乘炬溪
不可窮其石則有鬪雞靈龜臥牛伏虎風輪花牕金剛
老姥加冠拱笏或仰或俯赤壁紺壁如錦如組其泉則
有虎跑龍女碧玉金沙七布疑練三折如巴翠瀑飛流
而激射縷絡交瀉以葩華甘露一酌以神清溫湯暫浴
而病瘥若乃嶺號摩空尖名仙姑天臺高出於萬峰之
表仙橋橫亘於絕壑之區溪有五龍黃石澗有垂雲葛

遂初堂集

卷之一

三

蒲池則嘉魚翠羽潭則濯纓弄珠或蒸雲而洩雨或涵
空而切虛或削膚而露骨或含苞而吐附或雄傑以端
挺或姚冶而紆徐或開朗以秀發或幽邃以清疎陰晴
之態千變朝昏之景萬殊非詩筆所可肖豈畫工之能
圖維此仙山爰生靈物奇禽羣翔異草叢茁石秀紫芝
竹垂丹實松五釵而輪囷蒲九節以蒙密娑羅之樹聯
生步搖之花對山鉢蘂清芬以覆雲仙葢丰茸而礙日
羚羊倒挂碧雞雙飛提壺勸酒惜春催歸念佛之音清
婉擣藥之聲希微班魚游泳乎潭心蒼鹿騰驤乎巖扉
非塵世之所有與仙靈乎相依於是花宮梵宇錯落其

間架巖倚壑茆草披菅戴石齒齒跨澗潺潺竹戶自掃
雲房不關開軒而紫翠羅列俯檻而螺髻迴環瀑垂簾
而莫卷藤繫壁而難攀與人寰乎迴隔玄高真所往還
披圖考乘靈蹤歷歷杯渡結茅伏虎卓錫崖甯葛洪之
丹峰存張果之石太白題詩而更名齊丘辭相而潛迹
冠卿有避詔之堂知微有會仙之宅夫唯秀絕寰區靈
鍾巖澤故高士遊而忘歸道侶棲而不釋也爰惟至人
乘願現身棄王宮而弗居遺軒冕其如塵越滄海以來
遊偉茲山之絕鄰就東巖而枯坐灑法雨於天垠龍湧
泉而汲足山出玉而飯新惟弘誓之無邊乃隨方而應

遂初堂集

卷之一

三

化運慈航於迷津燃慧炬於長夜跡以幽而彌顯道以
久而逾彰應感周乎塵刹利濟遍乎遐荒故令斯人懷
馨佩潔肅慮滌腸逾山越海禮觀趨躋升茲山者如登
靈鷲履茲境者如造天間也悲塵寰之局促類旦暮之
蜉蝣日奔馳於物役嗟名羈而利囚感槐陰之徙國悟
大壑之移舟曷不息機而頓轡兮望崦嵫以少休五臺
峨嵋旣以遠兮蓬萊方壺渺不可求庶抽簪而投杖兮
託茲山以遨遊

端溪硯石賦

潘子久客端州自秋徂春遂門晝掩蠟屐生塵有客過
訪寂若無人披帷何有硯石錯陳疊架磊砢堆牀輪囷
主人方盤礴其間窮目達晨摩挲品題樂以忘貧客顧
而笑曰是奚爲者也嶺表珍奇是不一類珊瑚璚璫明
珠文貝沈檀通犀象齒翡翠却塵之紈辟雨之氎子曾
不是求而馳情於片石甚無謂也且是塊然者非有色
聲香味之可娛購之兼金載之專車贈遺不名珍寶藏
弄不如圖書兩手三硯爲已多而累疊者將焉用是無
乃近於愚乎主人听然而笑曰客但未知石之美耳誠

遂初堂集卷之一

雪

知將嗜之不已而笑暇笑余客曰嘗試言之主人曰二
氣之英五材之精在地爲石在天爲星石之爲質頑然
麤醜迨其神奇萬象無偶所以怪石作貢文石呈祥甲
乙品於衛公袍笏拜於元章要其程功而致用無若硯
石之最良武夫寶劍文人寶硯晦明與居寒暑無間淬
筆鋒之鋸銖發墨華之葱蒨貴利用而不窮故宜取於
盡善硯材上品厥維端溪萬里滄江一峽束之秀氣迴
薄靈液潛滋是生石寶美勝懸黎爾其巖分三層下層
在水石岐三洞中洞最美造化所秘遠古莫啓誰鑿鴻
濛剗剗端紫唐斷其膚宋入肌理轉鑿轉浚今得其髓

三冬水落良匠是謀傳瓢涸水燃膏燭幽斧之登登削
麤剗浮菁華乃出如琳如璆其質則膩若搏粉縵若硃
絲潤若含凍柔若凝脂其色則淵然而光冲然而望
之有形撫之無迹南離炳暉蒸爲紫雲馬肝純色火瘖
間紋芙蓉出水以照灼初陽升天以鮮新美人薄醉而
酡顏天孫七襄而錦文水月清華凝爲蕉白平鋪絞納
橫截崑瑩雲霏霏其羅林河耿耿以湛碧削春葱之始
萌雪秋藕之乍擘青花最貴隱起石膚乍沈乍浮如有
如無雁行過於遙天魚兒戲於清渠綺縠之理蹙沓漬
藻之影扶疎惟人至靈乃有雙瞳石亦有眼巧出天工

遂初堂集卷之一

雪

晴朗朗碧暈重重如珠剖蚌如月麗空紅爲丹砂黃爲
象牙圓者鵝鴒長者爲鴉或孤標而雙映或三五而橫
斜象台斗而可貴惟明潤而最佳至若點號翡翠輪名
金錢玉帶橫亘黃龍斜纏鸕鶿之斑蟊血之邊各綯采
以發色咸爭奇而闕妍天質美矣復貴裁制追之琢之
乃成佳器爾乃選良工考舊譜量厚薄程細鉅審背面
定顏武留精純去苦窳因圓成規遇方爲矩妙隨材而
適用任師心而法古爰有唐模宋範貢式藏型端方是
尚樸雅爲經間標新而樹異有象物以賦形或樽肩而
壺腹或璧沼而珠庭或瓢身而瓦脊或鳳味而鶴翎風

田之文惟肖琴笏之德可銘於是鑢以散粟之砂砥以切玉之石文以瑩而逾明理以細而彌澤溫潤之色可餐鮮秀之采欲滴口噓呵而生津手捧握而成液其受墨也差差鱗鱗融洽停勻石與墨得墨與石親沛然膏流沛然耐醇磨之無聲浣之無痕其宜筆也沾濡不留運轉無滯墨飽固恬墨渴亦利中山柔毫迅掃不敝使心忘手使手忘器故當妾視龍尾媵蓄金星澄泥斂色雀瓦銷聲彼洮河與龜磯迴莫敢與抗衡者也夫其盛夏不燥隆冬不凍君子之節也涅不藏淄滌不留垢幽人之潔也廉芒內含溫文外著貞臣之烈也瑕不掩瑜

遂初堂集

卷之一

書

質不亂真介士之別也端凝靜默有廊俗之守焉厚重不毀有閱世之壽焉無色之色是爲真色無味之味是爲至味吾是以中心好之杼之抱之浴之澡之心賞神怡而不可以告客者也今夫珠璣象犀珍怪難得之物美則美矣固權門豪家之所宜蓄而於我乎何有其求之也傷廉其藏之也招咎豈若山川之美文翰之需廣坐可以共賞一室可以自娛石戶之封可守石田之獲不虛傳子孫而無累貽友朋而欣愉且人之歸自斯土者莫不運載兼乘輶隱道塗而吾舟小於葉身輕於鳬唯此硃硃與吾爲徒連箱累篋負挈以趨猶足詫奇珍

于鄉里而歷風濤于江湖也
主人遂婆娑硯林不知日之

暮
乃愒悅自失逡巡而去

遂初堂集

卷之一

書

平山堂賦

伊茲堂之締構洵宏敞而寡儔超埃壚而屹起控名都
之上遊崇臺塊其造天兮華棖鬱乎雲浮窮地勢於南
條兮見江山之相繆苞牽牛而絡婺女兮納埃風乎不
周惻惻悅於虛無兮眇仙靈之所畱爾其託體則平岡
陂陁西走滁濠支阜崛起削成增高其面勢則宅岡之
陽居乾之位觀宇迴環林薄周被爾乃斬懸巖以累砌
規廣阿以築堂旁羅桂楹仰承杏梁飛宇周閣鱗鱗將
將觚稜杳詣若迴若翔塗丹錯碧反景流光遠而望之
龍旋參差若神山之出海見銀闕也仰而闕之硯宿巍

遂初堂集卷之一

美

峩若射的之在空植箭栝也容兮如幄峩兮如冠霧翕
雲舒不可乎得原若乃踐平阜經長坂步廣除臨絕巘
瀏覽有無燭察近遠前瞻揚土之廣博兮原隰紛其錯
重綴麗譙於連星兮壯千雉之金墉天斬劃夫神阜兮
屬赴海之白虹層山迴顧乎秣陵兮蠱三茅之仙峰左
眺海陵原田每每熬波漉鹽利盡東海右瞰楊子銅陵
嶠嶢卽山鑄冶吳淞以饒後巨浸之湯湯兮沐日月於
中央洩斗門於邦溝兮轉舳艫於帝鄉泛歷覽其無垠
兮蹇躊躇以相羊至如朝光絢野腴色騰麓晴景澄鮮
微陰露深變合一瞬態窮萬族長楊垂絲大堤水平芙

蕞含華的鑠芬馨怒濤滄澗於曲江兮飛雪颯灑於燕

城物無隱之能遞狀無奇而不呈耳目爲之滌蕩天日
爲之開明斯誠臺觀之巨麗海表莫之與京者也於是
邢伯郡牧來遊來豫弭節停騶怡情遣慮賓從詳雅尊
俎有序究觀夫風土之清嘉與民物之阜庶山川之形
便謠俗之遷注調燥濕於徽弦齊六轡之柔馭遙興遠
思超乎獨喻其或賢人君子善辭能文比材曹劉方藻
卿雲期春秋之佳日爰整駕而索羣參萬象於靈府吐
玄黃之繽紛亦有都人士女嬉春競往稅青驪泊蘭棹
采藤蕪寒宿莽睇關河結遐想極泛濫沛自廣至如遷

遂初堂集卷之一

美

人放客經奇瓌材鬱風雲乎未感臨岐路而徘徊塊獨
遣此羈愁兮憑高望遠穆乎登臺悵民生之多故羨天
地之無涯歲月忽如其流羗長吟而永懷原夫揚之爲
土也襟背江淮綰轂水陸百貨所奏土膏衍沃故漢代
疏以爲國隋帝巡而作宮唐藩宋闕承侈席豐經營窮
乎地軸雕斲極夫天工璇璣瓊館穆若神居者蓋不知
其幾而今皆影滅光沉山移壑徙際天驚沙覆地白華
螢飛秀麥之園兔穴枯桑之壘惟斯堂也創自隆宋著
於歐陽遺澤在人勿翦樹棠五百年乃有賢牧爰企德
而希光考圖索乎故址新夏屋於崇岡華不侈心儉不

陋日高不絕陵淩不蔽谷不勞民而就不糜財而足形
勢盡東南之美風聲表士庶之愛續前薪於無窮立可
久而可大嗟宇宙之悠遐兮惟令聞爲不刊德業若大
車之載兮文采輪轂而使前或鐫功於銅柱兮或沈碑
於淩淵金石弊而名存兮孰膠結之使然慨賢豪之寥
廓兮曠千載其猶比肩承休風而結撰兮尚有述於後
賢

遂初堂集

卷之一

三

滄浪亭賦

伊吳城之雄闊苞萬井與千街市歷翼其鱗次官閣煥
乎雲排惟南城爲空曠有水木之清佳山浮青而當戶
水瀉白以縈堦廓平疇之百頃忽心舒而目開推蠶塵
而頓遠延秀爽以乍來爰有巍亭冠乎高阜仰披烟霄
旁帶林藪繡野襟前曲池環後豁達軒堂疏通戶牖萬
象森其畢呈諸奇萃而咸剖茲惟滄浪之亭勝獨超而
無耦在昔子美爲宋名賢負匡時之材略思補袞而濟
川遭排擠於羣枉鬱忠貞而不宣厭洛下之喧雜樂吳
風之清妍遠移家而卜築聊逍遙以窮年悅此奧區有

遂初堂集

卷之一

三

竹有水草樹豐茸川原演迤密邇宮牆隔絕巷市不山
而靜炭非谷而宛委乃購隙地乃營亭臺扁舟草屨容
與徘徊魚鳥相狎麋鹿爲儕忘窮達而遺毀譽信賢達
之高懷茲其所以誇耀於圖記稱述於歐榜也五百年
來陵遷谷變兔走荒阡蛇遊枯澗燈青報賽之祠鐘冷
伽陀之院堦草沒而苔封剩遺踪其如綫倚歟宋公名
世宗臣柱石龍鸞萃於一身撫東南之重地照寒谷於
陽春民無隱而不恤俗無遠而弗詢旣政通而人和時
求舊以訪古表前修之墜言存哲士之遺矩陟層岡而
賞心想高賢其如覩思濯纓於清流眷嘉名之足取爰

作新亭廊是舊墟因高疊石就下浚渠依窪隆之曲折
映竹樹之扶疎開華堂於木末啟別館於巖隅雜植桐
柳羅生芙蕖安翔野鳥泳躍鯈魚縱物情之暢遂來天
籟之虛徐想濠濮其不遠與習池而何殊公乃於機務
餘閒來遊來眺集賓朋使授簡援琴觴而寄傲理東山
之雅詠發南樓之清嘯政以暇而彌精思以幽而逾妙
齊羊杜之高蹤同白蘇之逸調抑且高鏑不施藩籬不
設公詣士民餐芳沐潔懷賢者薦夫蘋蘩訪古者誦夫
碑碣牛鐸得應黃鐘已歌許廣白雪固將使昔賢高致
標映江山而文采風流照耀不絕也載稽吳會風富園

遂初堂集

卷之一

罕

池若辟疆之嶠松怪石任晦之曲沼層波南園之峰巒
巧麗東墅之卉木珍奇是皆豪家之所締構貴帥之所
指麾旣已灰飛烟滅光影無遺卽茲亭之墟主亦屢易
經始於王孫落成於貴戚章相得之而增華韓王有之
而加闢然無有舉其姓名尋其踪跡者惟子美也官不
過長史身不在巖廊爲羈窮之遷客暫僑寓於江鄉徒
以英風豪氣磊落軒昂直聲振於朝列翰藻播於遐荒
遇雖窮而名顯身雖困而道光故令人撫遺墟而增感
考陳蹟而表揚豈非豪華聲利如過隙而文章氣節爲
久長也哉江湖散人尊繼逸民去金門其已遠與泉石

而相親企先賢之逸軌歎當年之數屯忽光顯於此日
類螻蛄而龍伸曠百世而相契信知己之有真感高誼
之難覩聊寫心於斯文

遂初堂集

卷之一

望

福泉頌有序

遵化州西北四十里有福泉山焉。巖嶂摩霄，層峰冠日。林巒茂密，洞壑環迴。丹梯萬仞，以削成素瀑千尋。而飛注霞標，霧卷鬱鬱。芊芊信都畿之奧區，游鵬之勝地。若乃雄扼關城，密護陵寢，榮光之所繚屬，王氣之所結蟠。地脉敦龐，川原靈秀，是以草敷瑞莢，林挺珍條。陽崖興觸石之雲陰，嶺積凝霜之乳神魚泳澗。靈鳥翔阿我。

皇上至孝篤誠，永懷孺慕。秋霜春露，每凝想於園陵。攀栢依松，恒躬親乎展覲。陟降之次，周覽陵阜，以茲山

遂初堂集

卷之一

望

森爽非常時垂

駐蹕山麓，故有福泉寺。寺前有泉一泓，自地溢湧，灼如蒸焰。煖若燭湯，百沸上騰。雙池環浸，俯窺則色若頗黎。攬勺則味同甘醴。雲漿不能喻其潔，蘭露無以比其芳。不周之溫，原始無以過。銀山之暖，酒曾何足云。

皇上祇奉

宮闈恪崇

任姒問安，視膳無間。於三朝祀，福祝釐有加於羣。聖以太皇太后春秋既尊，第祿方盛。引年却疾，致孝莫先。考諸圖記，咸云湯泉能除百病。又云浴者令人多壽。驗

事推理信而有徵。爰命疏泉，甃池繚垣，築室用備

宮車臨幸之所。蓋將川天之符，精神之貺，延景福於難

老申孝養而無方者也。然而室無雕文，地不營廓。引

流激水，鮮魚龍鳧雁之奇。疊檻架楹，無琳琅金碧之

飾斯又

聖主盛心，翼翼兢兢。愛一夫之力，惜十家之產。斷雕爲

樸，存素去華。雖夏禹克儉，周文卑服，何以尚茲。臣屬

叨扈從奉詔來觀，濯清漱芳，逍遙永日，倬天澤之旁

流欽

皇猷之泮，渙退而繹思，謹獻頌曰

遂初堂集

卷之一

望

皇清受命，覃制萬方。威傾月窟，德浸扶桑。紫濛入貢，窮髮來王際。天聲地歸，我阪章一。龍門蘭峪，無終之土。昔惟邊陲，今也庭戶。陵宮言言，考卜其所。比洛鄜邛，方秦霸杜。其我

皇純孝通明，洞幽祇奉。陵寢展省，歲周仰瞻。弓劍俯睇

松楸，靡高不卽。靡浚不求，其蔥龍崇山。逶迤溪谷，環迴

陵原。如拱如伏，碧樹芊眠。彤雲陸縵，爰有神泉。騰湧其

麓，其靈砂內沸。陰火潛然，蒸爲煖酒。奮迅迴旋，輪衛轂

轉雪瑩珠圓。色澄空碧，氣馥蘭荃。其陰陽陶甄，剛柔摩

蕩幽讚神功。疇能測量溫谷湯山，暄波灼浪。昔聞其名

今燭厥狀其祥以類感符以兆形也不愛寶神泉乃零

蠲疴起瘵益壽扶齡瓊膏甘露孰之與京其翠華來巡

爰滌爰盥浴德澡躬滋之永嘆祇念

文母褱衣有戀思挹靈漿上綿慈算其乃濟洪源方池

泱泱乃瓚珉石疏溫納涼引之不竭挹之無方千齡永

御壽豈樂康其自昔湯泉恒開臨幸驪阜華清宮觀斯

盛雅咏鐙鈞奎章輝炳以古況今何足為竝其景從千

官星馳六飛何如我

皇致孝

宮闈雕欄繡柱璧砌璇題何如我

遂初堂集

卷之一

四

皇崇儉作規其十惟孝格天惟儉凝德光於四海萬邦

作則神運無名聖功不息敬天之休於萬斯億其十

遂初堂文集卷之二

畫卦不本圖書論

聖人作易之蘊備載於繫辭曰太極生兩儀兩儀生四象四象生八卦此易之本原也曰仰觀俯察近取遠求此易之兼資也若夫河圖洛書雖常言及然圖書作何狀經傳無明文漢唐諸儒無言之者自宋陳希夷通傳至邵康節遂大行於世觀其縱橫布置之間殊有精義洵數學之淵源然於易道不相謀也而宋以後解易者必宗之一似義皇準圖書而畫卦孔子依圖書而贊易者則愚未敢以為然也夫圖書無文也無義也所可見

遂初堂集

卷之二

一

者象數方位而已矣而揆諸易卦無一同者易自兩生四自四生八自八生六十四其象方圖則中一而外四書則中一而外八其象圓是象不同也卦之數八圖之數十書之數九卦之全數六十四圖之全數五十五書之全數四十五是數不同也乾一兌二離三震四巽五坎六艮七坤八卦之序也乾南坤北離東坎西震東北巽西南艮西北兌東南先天之方位也離南坎北震東兌西乾西北坤西南巽東南艮東北後天之方位也圖則一六居北二七居南三八居東四九居西書則一九三七居四正二四六八居四隅惟離三之位兩合坤六

之位一合餘無合者是方位不同也圖與書已自不同何況於卦書與疇尚且不類何況於易後人曲爲說以會通之極其巧妙止可云圖書配卦而已不可云卦法圖書也或曰繫辭天一地二一章注家謂專以發明河圖之旨非歟曰奇數屬陽偶數屬陰作易者自能知之贊易者自能言之無藉河圖也相得而各有合自有十數卽然不必一六聚而後見爲合也大衍之數五十豈必以圖之中五乘十而得之此章自言十數各分陰陽以見不獨奇畫爲陽偶畫爲陰云耳豈爲河圖作注脚哉然則五行相生之說不基於此歟曰洪範言五行而

遂初堂集

卷之二

二

易未嘗言以八卦配五行此京房郎顗之易非四聖之易也說卦言乾爲金坎爲水離爲火兌不言爲金而言爲澤澤亦水也坤艮言地言山不言爲土震言竹言稼不正言爲木與言爲木而乾坤離艮皆言木固未嘗鑿然分配五行也天一生水地六成之之說昉於乾鑿度而宋五行志述之其配卦也有以一六水爲坎二七火爲離三八木爲震巽四九金爲乾兌五十土爲坤艮者有以一水爲坎九火爲離四三木爲震巽七六金爲乾兌二八土爲坤艮者其他巧說紛紜雜出要之言畫卦本於圖書者必參之五行而後可通然易以道陰陽

不言五行也陰陽可以括五行五行不可以該陰陽陽爲五行之祖五行非陰陽之根易言其本未及其枝也自周子作太極圖說以陰陽五行合言之而圖書與易始膠而爲一宋儒尊太極圖遂篤信圖書圖書誠不可廢易道無所不貫淺術小數皆有合焉而況圖書乎第謂其與易理相通可也謂本之以作易不可也然則河出圖洛出書聖人則之非聖人之言歟曰今之圖書未知卽河洛所出之圖書否也其果是也無乃則其點之黑白以爲畫之奇偶歟無乃則其黑白相間以爲剛柔相錯歟要亦仰觀俯察之一端作易之兼資而非本

遂初堂集

卷之二

三

原也若夫本原則儀生象象生卦至易至簡何用繁曲爲哉學易者言陰陽不必言五行求諸四聖人之言毋先入諸家之說可也

四象非五行論

繫辭曰太極生兩儀兩儀生四象四象生八卦一陰一陽之謂道太極少陽太陰少陰之謂道卦之初爻儀也二爻象也生物之序從微而至著自合而之方其爲儀未成乎象也方其爲象未成乎卦也三爻具而八卦成始有天地水火雷風山澤之名當二爻時寧有八物可指數乎解四象者言陰陽太少可矣而注家多以五行金木水火土當之失其序矣夫五行與八物雖多寡不齊比而類之猶或可以相配若四象則迥然其不合也夫四象者有氣而無體有象而無質金木水火土則

遂初堂集

卷之二

四

有體有質矣輒取以當四象則又以何者當八物乎天地亦有形有質之物故屬之乾坤況五行乃六子之類又天地所生其可以當四象乎知兩儀之非天地則知四象之非五行矣注家有以五行配四時而言四象者有以五行配圖書之九六七八而言四象者揆諸四象生八卦之義皆不可通夫太極生乾兌太陰生坤艮少陽生巽坎少陰生離震若如時令夏火太陽冬水太陰春木少陽秋金少陰則是火生天澤水生山地水生風水金生水雷也若如圖書之數九金太陰六水太陰七火少陽八木少陰則是金生天澤水生山地火生風水

水生火雷也顛倒錯亂至於斯極寧有此連此數乎即以五行配八卦而一水一火二木二金二土亦欠自然天地生育萬物乾坤包涵六子而以乾屬天坤屬土小之乎言天地矣總之八卦自八卦五行自五行義皇根陰陽而畫卦大禹推五行以演疇迥不相涉文周象孔子繫辭無一言及五行迨西漢之末劉向劉歆谷永翼奉董盛言五行於是識緯諸書繁興雜出穿穴正經焦延壽京房本術士其學自五行入而參諸易數不得不兩相配屬播五行於八卦正欲援八卦以用五行也其術行而八卦遂爲五行之所奪雷風山澤世不復

遂初堂集

卷之二

五

論生克袁王在在言之而義皇畫卦之本旨失矣鄭康成孔穎達漢唐大儒猶以五行配四象餘子紛紛何足怪哉邵子出而先天之學傳易象始還故物復以圖書之數配之而八卦五行仍雜糅而不可解易其終晦矣夫

九六七八論上

易卦爻之稱九六也注家謂老陽數九少陽數七老陰數六少陰數八老變而少不變占用其變故用九六不用七八是說也人習聞之然陽數極於九固宜九為老七為少矣陰數不極於十亦極於八何以六為老而八為少乎或言陽主進故以九為老陰主退故以六為老或言乾有三畫坤有六畫陽得兼陰故稱九陰不得兼陽故稱六皆曲說非正解質言之則著之策數而已原夫羲皇畫卦之初止有一奇一耦迨後人以著求卦以策定爻而後九六七八之數生焉九者三奇也純陽也

遂初堂集

卷之二

本

六者三耦也純陰也七者一奇二耦八者二奇一耦陰陽雜也純者為老雜者為少皆以過揲之策數得之他無預也揲著之法有散揲有總揲以著策左右分之左右揲之而歸其奇於扚者是散揲也如是者三次而後以現存之策總揲之視其幾奇幾耦以分陰陽老少以定交重單拆者是總揲也散揲者六總揲者一而後一爻成九六七八者正總揲之數先儒所謂過揲之數也著策四十九除初掛之一實用四十八以四數之凡為四者十二迨三變之餘歸奇於扚者得十二為四者三則總揲所存之策得三十六為四者九是三奇也是老

陽也歸奇之數二十四為四者六總揲之數亦二十四為四者六是三耦也是老陰也歸奇之數二十為四者五則總揲之數二十八為四者七是一奇二耦也是少陽也歸奇之數十六為四者四則過揲之數三十二為四者八是二奇一耦也是少陰也是九六七八確指過揲之數言之故曰乾之策二百一十有六謂一爻而為四者九得三十六策積六爻則為四者五十四故得二百一十六策也坤之策百四十有四謂一爻而為四者六得二十四策積六爻則為四者三十六故得百四十四策也見於經者彰明如是漢唐以來說經者韓康伯

遂初堂集

卷之二

七

孔穎達僧一行劉禹錫畢中和邵康節李泰伯沈存中之流莫不以九六七八為過揲之數惟朱考亭力主扚之數謂每變之中五四為奇九八為耦三變既畢乃合視其掛扚之奇耦以分所過陰陽之老少掛扚之數十二則三奇而為九為老陽掛扚之數二十四則三耦而為六為老陰掛扚之數二十則一奇二耦而為七為少陽掛扚之數十六則二奇一耦而為八為少陰若夫過揲之數第云揲數策數亦皆符會而已又謂過揲之數眾而繁歸奇之數寡而約以約御繁不以眾制寡故專以掛扚多少決陰陽之老少而過揲之數亦冥會焉

且以掛扐爲九六七八之母過揲爲九六七八之子有主過揲者辭而闕之不遺餘力夫掛扐之得少爲奇得多爲耦雖與過揲所得之奇耦兩相符合然少者謂一四也多者謂二四也過揲以九爲老陽掛扐所得之三少則三而非九也過揲以七爲少陽掛扐所得之一少二多則五而非七也過揲以八爲少陰掛扐所得之一多二少則四而非八也惟老陰過揲與掛扐皆六爲相等耳如以掛扐之數名爻則當稱三六五四矣何名九六七八哉於是曲爲之說曰奇陽體圓其法徑一圓三而用其全故少之數三耦陰體方其法徑一圓四而用

遂初堂集

卷之二

其半故多之數二夫多之爲二不待言也不必圖四用半而後爲二也少之爲三實難言也強以圖三用全解之而終不合也虛圖不可以當實數又況用全用半之法創自爲之而前無所本乎又謂策數生於四象以河圖四面言之太陽居一而連九少陰居二而連八少陽居三而連七太陰居四而連六以先天位次言之太陽居一而含九少陰居二而含八少陽居三而含七太陰居四而含六爲此說者欲明老少陰陽之爲九六七八不假蓍策也夫連者視其比鄰也含者視其對待也比鄰對待雖九六七八而本數終爲一二三四安可以比

鄰對待之數爲本數乎要之九六七八實計過揲之策數而以參天兩地命之參兩之法取三於天取二於地三三爲九四其九得三十六三二爲六四其六得二十四一三兩二爲七四其七得二十八一二兩三爲八四其八得三十二此惟過揲之數有之掛扐無是也過揲之數正數也掛扐之數餘數也三變之中散揲者六所以求餘數也掛扐者三所以除餘數也總揲者一所以得正數也經言揲之以四以象四時歸奇於扐以象閏四時正也閏月餘也不計過揲而計歸奇是不以四時計歲而以閏月計歲也而可乎或謂三變之餘既得三

遂初堂集

卷之二

六五四則九六七八了然可知何煩再揲故有散揲而無總揲然散揲者左餘一二三卽知右餘必三二一左餘四卽知右餘亦四而必左右揲之者貴詳審也況總揲當三變之終九六七八所由以定而何可不揲苟其不揲先儒何故名爲過揲之數哉散揲不可以爲過揲也而正所以爲過揲之地蓋四十八策準三變分爲三分每分得十六策一變得少則一分中其四三變俱少則三分中各去其四存者三十六而爲九矣一變得多則一分中去其八三變俱多則三分中各去其八存者二十四而爲六矣散揲潛抽衆策之積以爲餘總揲

統計掛扞之所存以爲正首尾相應離合相成故四十八策應八卦之四十八爻四分之以當四象三分之以當三變數以之成爻以之生其法至巧其用至神信乎非聖人莫之能作也

遂初堂集

卷之二

十

九六七八論下

或曰蓍策之說朱子載之啓蒙備矣其爲過揲之數亦衆論之而大要以掛扞之數爲主謂掛扞之數乃七八九六之原過揲之數乃七八九六之委而斥專主過揲者爲舍本而取末去約以就煩且引邵子之說以明之子之說正與當日郭子和之說相類朱子嘗有書辨之矣其可爲篤論乎曰傳云至當歸一精義無二所謂至當者揆之以理而安考之以數而合明白簡易無二無疑如是則庸夫豎子之說皆可取也否則通儒先正之說未可從也過揲之數九則九六則六七則七八則八

遂初堂集

卷之二

十一

昭然鑒然不煩辭說掛扞之數本三也而謂之九本四也而謂之八本五也而謂之七孰爲至當乎孰爲矯強乎朱子於易淺矣他說多得之而此獨稍有偏執者其原有二一則謂奇者象圓徑一而圓三陽用其全故以一爲三而三一爲九耦者象方徑一而圓四陰用其半故一二爲二而三二爲六夫圓三圓四乃算術割圓開方之法與易數無預此蓍策也何不計其實數而計其虛圍乎陽用其全陰用其半先儒無此說術家無此說而創自爲法合於算術猶可也而又甚不合夫徑一圓三者徑一尺則圓三尺也徑一圓四者徑一尺則圓四

尺也老陽之劫十二以一其十二而三其四爲徑一圍
三是徑十二而圍十二三其四圖與徑相等也老陰之
劫二十四以兩其十二而六其四爲徑一圍四是徑二
十四兩其十二而圍二十四六其四圖與徑亦相等
也若以十二爲圍四六爲用半是有圖而無徑也且兩
其十二與六其四皆二十四不得爲用半也老陽三一
徑一則圍三謂三一之中復有三而三三爲九可也老
陰三二徑二則當圍八用半猶當圍四三四則十二矣
何謂三二之中各復有二而三二爲六乎蓋嘗反覆推
之終於不合注者雖曲解之而究難通也玉齋胡氏云於四策中取

遂初堂集 卷之二

主

一策以象圖而以三策爲圖三而用其全故一之中復
有三是以一策爲徑三策爲圍猶可通也又云八策中
去其四不用而於所有四策中取二策以象方而以二
策爲圍四而用其半故二之中復有二此則以二策爲
徑二策爲圍又似以二策爲圍四二策爲用半且八策
用四既用半矣四策用二又用半焉半而又半不勝其
友離而二中復有二之義終莫能解又以一箇十二爲
徑一之義三箇四爲圍三之義兩其十二爲圍四之義
六其四爲用半之一則謂四象並列太陽之位在一其
餘數則九居一而含九故爲九少陰之位在三其餘數
則八居一而含八故爲八少陽之位在三其餘數則七
居一而含七故爲七太陰之位在四其餘數則六居四
而含六故爲六謂此義從無曉者得之心悟夫位自位
數自數一二三四者四象之位也九六七八者著策之

數也以位爲數又推其餘數以當本數既迂曲而詞費
矣又有甚不合者四象之太陽位一而八卦之太陽分
爲乾一兌二四象之少陰位二而八卦之少陰分爲離
三震四四象之少陽位三而八卦之少陽分爲巽五坎
六四象之太陰位四而八卦之太陰分爲艮七坤八其
位判然不同詎可以四象之位舍八卦之數乎況著策
之太陽太陰各一爲乾爲坤著策之少陰三爲巽離兌
少陽三爲震坎艮復與四象所分之卦數多寡不齊陰
陽錯雜而欲以四象之位含著策之數寧有當乎朱子
惟橫此二見於胸中故專主掛劫之數而過揲之數又

遂初堂集 卷之二

主

確當不可廢故亦旁及之然其答郭子和書謂河圖洛
書七八九六之祖也四象之形體次第者其父也歸奇
之奇耦方圓者其子也過揲而以四乘之者其孫也圖
書姑置弗論而四象歸奇則顯然無涉反尊之爲父爲
子而抑過揲爲孫豈持平之論乎易不觀諸經文曰乾
之策二百一十有六坤之策百四十有四則確指過揲
而不指歸奇也明甚本義於此不復置辭惟言獨舉老
陽老陰餘可推知而已無亦自覺其說之與經不合歟
邵子之言九六也有詳有畧其詳曰四其十二爲四十
八也十二去三而用九四三十二所去之策也四九三

十六所用之策也十二去五而用七四五十所去之策也四七二十八所用之策也十二去六而用六四六二十四所去之策也四六二十四所用之策也十二去四而用八四四十六所去之策也四八三十二所用之策也是故七九爲陽六八爲陰也其畧則啓蒙所引一條有云去其三五四六之數以成七八九六之數者是也夫所謂去者除去也用者實存也去三去四去五去六云者除去歸奇之數也用九用六用七用八云者實存過揲之數也其主過揲而不主歸奇也又明甚啓蒙顧不引而引五與四四一條自言欲以証掛扚之數乃

遂初堂集

卷之二

十四

七八九六之原又曲爲之解曰以掛扚歸奇言之老陽得三四少陰得四四少陽得五四老陰得六四今不用三四五六之數而以奇耦取徑一圍三圍四用半之義者以成七八九六之數故也夫圖三圖四者朱子之說非邵子意也本可不引而必引之者正因邵子之說不同故用已說以釋之耳然本文具在適足以証過揲之是而掛扚之非矣郭子和之父兼山親受業於程門父子並有著述子和所著著卦辨證今不傳其見於他書所引者時有精義未可盡非其與朱子最相牴牾者在第二第三變之掛與不掛然掛亦得四得八不掛亦得

四得八可以辨可以無辨若專主過揲則郭說爲長朱子不當力排之郭必有辨而今不可見矣夫理之所在各伸其是漢儒解經劉向劉歆父子且相異同馬融康成師弟不嫌違反未有尊一先生之言而盡廢衆說者宋人如胡玉齋黃瑞節劉雲莊之流皆恪遵朱說不敢一字異同明初編纂大全惟取朱門弟子之發明師說者其他概棄弗錄習舉業者奉爲章程循牆而走盡天下之聰明而鋼之不敢出一見吐一辭其亦可慨也夫

遂初堂集

卷之二

十五

參天兩地論

說卦傳曰參天兩地而倚數解之者各不同其言五位相合以陰從陽天得三合謂一三與五地得兩合謂二與四者馬融王肅之說也言天數七九為奇地數六八為耦取奇於天取耦於地而立七八九六之數即以參兩目奇耦者韓康伯孔穎達之說也言天一數之兆未可用地二數之生天三數之成乃可推地二天三合而為五五位皆十為大衍之數又乾坤之策二篇之策皆用三二錯綜數之者關子明之說也言一二三四五乃五行之生數故用以起數一三五合之得九為參天二

遂初堂集

卷之二

七

四合之得六為兩地者蘇子瞻楊龜山張紫巖楊誠齋俞石澗諸人之說也言天圓地方圓者一而圓三三各一奇故參天而為三方者一而圓四四合二耦故兩地而為二者朱子之說也言奇畫中實得三分為參天耦畫中虛得奇畫三分之二為兩地者建安丘氏之說也凡此諸說各有長短王馬之說與蘇楊諸人之說相類以解九六可也而不可以解七八韓孔之說以奇耦言天地是矣而參兩之義未明關氏論衍數策數非不合也一為數始而不用未有確義朱子主圓三圓四之說舍實策而取虛圖又用全角半無所據依恐非大傳本

指若丘氏計爻畫之長短則耦畫視奇豈必恰虛三分之一近於鑿矣以愚見論之倚數一語在生著之後立卦生爻之前則此參天兩地正確指著策之數也揲策成爻奇數有一三五而獨用三謂之參天偶數有二四而獨用二謂之兩地其不用一五與四者不可用也老陽之數九必以三三數之方為三奇若雜用他數則一四四可為一奇二耦矣老陰之數六必以三二數之方為三耦若雜用他數則一四一可為二奇一耦矣少陽之數七必以一三兩二數之方為一奇二耦若雜用他數則一五一可為三奇矣少陰之數八必以兩三一二

遂初堂集

卷之二

七

數之方為二奇一耦若雜用他數則二四二可為三耦矣故奇必用三耦必用二而後陰陽老少之爻乃可定參也者三之也兩也者二之也取三於天取二於地而交錯用之所謂參天兩地也以此參兩成九六七八之數所謂參天兩地而倚數也此就著策刻體言之立數之本旨也若夫旁推交通極於卦爻篇策之屬而無不合者用數之能事也言有淺近而確當者聖人擇焉此義在詹隰之間而未經闡發輒抒之以備採擇非敢絀羣言而伸己說也

掛揲論

易爲象數之書非明數不可言易善求數者求其根原不求其枝葉善言數者言其要領不言其煩碎揲著之法所以求爻而立卦也爻分奇耦而有老少陰陽之殊三變始成一爻每變所得掛扚之數五四稱少九八稱多者未成爲奇耦也著所以告人而分陰陽示吉凶者全在分而爲二之時一分而多少已定其要在視左策之所餘左策先揲者也視左策所餘若干卽知右策所餘若干而多少之數判矣第一變必掛一者也取四十九策中分之而以右一策掛於左以四揲之左餘一則

遂初堂集

卷之二

太

右餘三左餘三則右餘一左餘二則右餘二其扚者四而爲少左餘四則右餘四其扚者八而爲多是三少而一多也第二變而掛一也取四十四策或四十策中分而掛揲之左餘一則右餘二左餘二則右餘一併掛扚得四而爲少左餘三則右餘四左餘四則右餘三併掛扚得八而爲多是二少而二多也第二變而不掛一也左餘一則右餘三左餘三則右餘一左餘二則右餘二其扚者四而爲少左餘四則右餘四其扚者八而爲多是三少而一多也第三變而掛則亦得二少二多不掛則亦得三少一多掛與不掛所得多少有不同者掛則

遂初堂集

卷之二

九

以右之一策掛於左故左之三亦爲四以右四配之而成多不掛則左之三不爲四以右一配之而成少故後二變之掛與不掛殊有關於多少之數焉若夫三變皆少而爲老陽皆多而爲老陰一少二多而爲少陽一多二少而爲少陰則第視其多少而已其少之左右若干多之左右若干三變多少之爲同爲異可勿問也以其無關於奇耦不係於老少也今啓蒙明著策篇乃取三變之數疊爲三層左數若干右數若干較其同異列爲格樣太陽有十二格少陰有二十八格少陽有二十格老陰有四格共六十四格謂合於六十四卦之數又以陰陽動靜饒乏進退反再論之至於左餘右餘得少得多之故絕不言及是何詳於末節而畧於根本也夫左一右三左三右一左一右二左二右一左右各二雖不同其爲少同也左三右四左四右三左右各四雖不同其爲多同也就此左右不同者止有八種少少少少少少多多多多多多今乃合三變之左右上中下錯綜交互而成六十四格巧則巧矣然所以爲奇爲耦分陰分陽之故不在乎是不直扶其根源而紛尋其枝葉豈簡易示人之道哉夫啓蒙者將以發人之蒙蔽也今

以六十四格分列於前而以奇圓圖三而用全三一之中復有三耦方圖四而用半一二之中復有二及太陽居一含九少陰居二含八之說參錯陳之使人開卷茫然目眩心迷而不得其解非注不明注愈多而愈不明未見其能啓蒙也則曷若探其本提其要而言之嘗試爲之說曰揲著之法一變而得少得多三變而得奇得耦第一變分二掛一左右以四揲之左餘一右餘三左餘三右餘一左右各餘二則扞四而爲少左右各餘四則扞八而爲多第二變分二掛一左右揲之左餘一右餘二左餘二右餘一併掛扞得四而爲

遂初堂集

卷之二

辛

少左餘三右餘四左餘四右餘三併掛扞得八而爲多第三變與第二變同三變皆得少則除掛扞十三策存三十六策以四揲之得九而爲老陽其爻爲奇其畫爲重三變皆得多則除掛扞二十五策存二十四策揲之得六而爲老陰其爻爲耦其畫爲交三變中一少二多則除掛扞二十一策存二十八策揲之得七而爲少陽其爻爲奇其畫爲單三變中一多二少則除掛扞十七策存三十二策揲之得八而爲少陰其爻爲耦其畫爲拆如是則簡括明顯雖其言之不文而初學一覽曉然無所藉於衆格亦無煩衆說之紛紜矣若夫第二

第三變之掛一不掛一先儒所主不同孔穎達劉禹錫畢中和諸人皆主掛而程伊川張橫渠郭子和程沙隨主不掛朱子主掛則程子張子之說亦有所不取掛固得之而不掛亦未盡失也夫第一變之所以必掛者四十九策中一策爲零數在四揲之外不容不掛也後三變則策無零數皆在揲中可以掛可以不掛掛亦得四得八不掛亦得四得八但掛則陰陽均平不掛則陽饒陰乏小不同耳若以四營成易再扞後掛二語決其當掛則未必然夫前變既掛後二變雖不掛亦不害其爲四營經言四營不言十二營也如謂再扞後掛指後變

遂初堂集

卷之二

壬

之掛則分先於掛經當言再扞而後分何故越分而言掛也又謂前一變得三五一九爲圓三用全後二變各得二四二八爲闔四用半則近於傳會又謂後二變不掛則老陰僅一格恐有終歲揲著而不得純坤者然三多爲耦一多二少亦爲耦不掛而少陰之格二十七皆可以得坤豈必專用老陰一格哉大抵諸儒持論各有師承苟無大害不必過貶至若以扞爲餘以歸奇爲歸所掛之一及以九六專屬乾坤七八專屬六子是誠他說之誤而朱子之辨爲不可已也

易圖論

古之學者左圖右書藉圖以明而易爲象數之書尤非圖不明謂有易可無圖者不知易者也易圖無慮數百種而希夷所傳諸圖最爲切要是作易之本原也朱子取而置之易前爲功大矣尚有當斟酌損益者請得而詳言之諸圖中尤要者爲大圓圖六十四卦之方位次序昭揭於此陰陽消長寒暑晝夜運行往來之道包括於此獨不宜置方圖於其中窒而礙之使儀象相生之故盡晦也邵子曰凡圖皆從中起此圓圖之中央乃太極也六十四卦之初爻則兩儀也二爻則四象也三

遂初堂集 卷之二

重

爻則小成卦也四爻五爻則五體卦也六爻則大成卦也一層生一爻一爻次一爻中心太極之外一層卽兩儀初爻之地分第二層卽四象二爻之地分第三層卽三爻小成卦之地分非直至外層而頓成六十四卦也何容置方圖於中盡占極儀象之地分哉章俊卿蓋知其意者於山堂考索別集中自出一圖規中之外卽布奇耦之一畫漸次增加以達乎外而爲六畫之卦大段得之猶有可議者第二層惟當更添一畫而岐分奇耦不當更作二畫蓋一畫卽初爻二畫卽二爻無容複出一畫三層至末複五畫矣不若林德久裨傳之圖做大

橫圖之例以白黑爲奇耦分作六層者無複畫之嫌又不若陳季立伏羲圖贊之圖第一層作黑白二畫爲兩儀第二層作黑白四畫爲四象三層作黑白三畫爲八卦以至八層作黑白六十四畫爲六十四卦者自合而分自本而末條理燦然渾成精密或慮覽者未明則如裨傳之式別作一奇耦卦於外而標識之以此爲大圓圖則羲皇之精蘊發露無餘矣其方圖不特當離而爲二且有當更定者圓圖乾兌離震在東巽坎艮坤在北方圖更置之而乾兌離震在北巽坎艮坤在南與時序物候都不相合張仲純易象圖說中有因重圖以乾夫

遂初堂集 卷之二

重

至泰縱列於東第一行乾履至否橫列於南第一行否萃至坤縱列於西第一行泰臨至坤橫列於北第一行八卦悉依先天次序乾居東南巳位四月坤居西北亥位十月泰居東北寅方正月否居西南申方七月天時地氣恰相符合賢於舊圖宜用相代舊解有方圓動靜對待之義分而二之不害其爲動靜易而置之不害其爲對待奚必天包地而圓裏方哉至後天二圖之外尚有當增者六十四卦方位一圖與三十六卦反對一圖後天之易全論反對乾西北坤西南坎北離南艮東北巽東南爲三縱震東兌西爲一橫皆反對也但有後天

八卦方位圖而無六十四卦方位圖則諸卦何所頓置
張仲純有致用圖依京氏易傳以乾所變之姤遯否觀
剝列於西北以坤所變之復臨泰大壯夬列於西南各
相反對其餘六卦所屬依位列之而卦卦反對別置游
魂歸魂十六卦於八純卦之旁亦錯綜相對文王改定
卦位之圖得此故而始明當增者一也周易卦序非正
對則反對上經三十卦合正對反對計之得十八卦下
經三十四卦合正對反對計之亦得十八卦六十四卦
實止三十六卦是道也雜卦傳始發之邵子以下諸儒
繼聞之近代來知德極論之舊有友圖陳季立始環而

遂初堂集

卷之二

雷

圖之上經在東下經在西乾坤咸恒首上下經坎離既
未濟終上下經序卦之義瞭然在目當增者二也本義
於八圖之後又有卦變一圖本諸李挺之六十四卦相
生圖卦變實自反對而來與此圖無預然陰陽消長當
以圖明此圖既有一陰一陽之卦復有五陰五陽之卦
既有二陰二陽之卦復有四陰四陽之卦殊為煩複張
仲純有六十四卦變通圖僅五層而諸卦消長之序盡
見又乾坤坎離在中兌震坎艮在旁而各層卦尾恰與
十二月相對最為簡明可取而代也先天之圖四邵子
所傳也離方圓而為五後天之圖二朱子所增也加致

用反對變通亦為五置諸易前不待開卷而畫卦成爻
方位次序大義了然其於易也思過半矣其河圖洛書
自是五行家所用與易卦本不相謀而諸儒多取以言
易不可徑去則置於諸圖之後以便參觀若夫朱子發
劉長民吳斗南林谷水張仲理稅與權之流演易為圖
者甚眾其中非無精確者非本根綱領所在則未暇錄
學者博稽而詳擇焉可也

遂初堂集

卷之二

雷

九圖十書論上

河圖洛書經傳雖有其名莫詳其狀蓋其亡久矣漢唐諸儒未之見也宋初陳希夷始傳諸人猶未大顯至朱考亭推尊之以爲作易之原本置諸易前於是儒者人人言圖書矣而欲詳圖書之義先改圖書之名則自蔡季通始也此二圖者希夷傳之种放放傳之李溉溉傳之許堅堅傳之范諤昌諤昌傳之劉牧牧作五十五圖發明之李泰伯譏其穿鑿破碎止取三圖然謂九爲河圖十爲洛書則受之希夷者諒無誤也而季通更定之以十爲河圖九爲洛書考亭從之而人無敢異議者五

遂初堂集卷之二

美

百年於茲矣夫物各有所自來木難火齊海客實持以來彼以碧者爲木難赤者爲火齊而吾必以赤爲木難碧爲火齊可乎河圖洛書希夷傳諸其徒者也其徒以九爲圖十爲書而吾必更易之可乎朱蔡之說謂孔安國劉歆闕子明邵堯夫皆言十爲圖九爲書按此四家之說唯安國略有可据劉歆但言河圖洛書相爲經緯八卦九章相爲表裏不言孰爲圖孰爲書闕子明易傳未嘗一言及圖書洞極經乃阮逸僞撰其七十二象朱子嘗斥之爲亂道者而顧取其說以証圖書耶堯夫眞得希夷之傳者然經世書數萬言絕不及圖書唯觀物

外篇一條言之亦泛論方圓未嘗直指九十也其明言九爲洛書者獨安國耳安國謂洪範九疇法洛書之九數後儒相沿以爲固然而不知九疇非洛書也九疇之綱自五行至五福六極其數參差不與洛書自一至九之數相應其子數五十復不與洛書之四十五數相應九疇自是治天下之大經大法於黑白奇耦之義毫無所取書言錫禹洪範九疇不言錫禹龜圖也而安國以神龜負文傳會之流爲識緯至有天苞地符九篇六篇之說荒誕不經明王子克作洛書辨以六不可信破之最爲詳明必知洪範之非洛書而後洛書之非九數可

遂初堂集卷之二

毛

得而言矣今之所謂洛書正古之所謂河圖也夫數始於一而窮於九布算之法無十十則變而爲一此天地自然之數也古河圖之象以五居中以一三七九居四正以二四六八居四隅四正四隅相對皆十縱橫四面皆十五位置妥確意味深長且其大體有八面以之配八卦而乾九震八坎七艮六坤一巽二離三兌四可合先天之位以之配五行而北水南火東木西金可合後天之位以是爲河圖而謂聖人則之猶之可也若今之所謂河圖則一六居北二七居南三八居東四九居西五十居中不過取五行生成之數類而列之其大體止

四面連中央爲五位以配洪範五行而謂之洛書或庶幾焉若八卦之位數無一合者強而配之謂析四方之合以爲乾坤坎離補四隅之空以爲兌震巽艮甚費辭說終於難通而謂聖人則之以作易不亦誣乎主此說者祇因繫辭天一地二一章言五位相得而各有合凡天地之數五十有五與此圖相符遂以爲作易之本原而繫辭此章翻爲解圖而發然此圖乃五行生成之數無預於八卦伏羲之前決無此圖却因繫辭而演出未可知耳夫數雖有十而算不用十十乃百千萬億之類非一至九數比也故圖不容有十更不當置十於

遂初堂集

卷之二

天

圖中央與五並列楊子雲濛於數學其爲太玄也每家九贊而云一與六共宗二與七爲朋三與八成交四與九同道五與五相守本止九數今云五與十相守者朱蔡改之也大戴禮明堂篇之二九四七五三六一八止九室耳非北一室南九室也以爲法龜文者注家之失也惟乾鑿度所云太一五行九宮四正四維者卽九宮飛弔之法術家多用之蓋自一至九之圖其來舊矣而十數之圖希夷以前未之見世傳希夷所作離合變通圖自一至九謂之形九宮者標爲龍圖自一至十謂之形洛書者標爲天地生成之圖劉牧作鈞隱圖一遵師

傳非更置也而謂牧始兩易其名然則朱蔡以前如朱子發張紫巖沈存中房審權王湜李簡諸人何悉以九爲圖十爲書乎其謂十圖九書者昉於季通季通父子尊尚洪範自作一書以九九積數有卦有辭復著洪範皇極內外篇欲以準易故指九爲洛書朱子從之而圖書之更名遂一成而不可變圖乎書乎何幸而得諸儒窮研極索推爲作易之原何不幸而數傳之餘名與數俱遭變置也謂人兩易而已實易之名爲反古而實則變古當舉世習見習聞之餘欲使之轉而從舊也實難然物必歸本烏知千載後無大儒起而正之乎觀啓蒙

遂初堂集

卷之二

天

本圖書篇有云洛書固可以爲易而河圖亦可以爲範安知圖之不可爲書書之不可爲圖雖設爲問難之辭實存其說以啓人之披尋殆未嘗以更置爲定案也是朱子之明非季通所及也

九圖十書論下

或曰圖書既是後人易名正之使從其舊可也而子之意似於二圖有所軒輊然者揚九而抑十豈有說乎曰本其數而言之也數始於一窮於九雖有十數而算法不用滿十則進而爲一十卽一也十分卽一寸十升卽一斗十錢卽一兩故乘除之法有大小九歸而十不預焉今之珠算雖置二珠於上而一珠不用若西洋籌算則有自一至九之籌而無十籌但作一空圈之籌以當零位正謂十變爲一而一居空位也又列十數於五籌背面書之而一與九對二與八對三與七對四與六對

遂初堂集

卷之二

辛

五則無對而對空恰與今人所名洛書之圖相合此天地自然之數也列子曰九者究也九復變而爲一楊子雲言五與五相守而不言五與十相守此深知數者也夫唯數止於九故以五居中而八數分布八方奇數居正耦數居隅以配八卦則乾坤坎離居正震巽艮兌居隅以配五行則生數居正成數居隅位置精當不可移易推而用之畫土則九州井田則九區明堂則九室陣圖則九軍以至太一之九宮遁甲之九局星山之九卦皆是物也其體大其用廣如是而謂之河圖謂出於羲皇之世而爲歷代之所寶斯無愧矣若夫自一至十之

圖不過五行生成之數與繫辭所云天地之數五十有五相符而已以配八卦則有正而無隅九西而八東先後天之序俱不合諸儒盡智竭思曲爲之說以配之終矯強而難通至其以十與五並居中央尤爲窒礙中不容有二五當一三三四六七八九之中居中可也十乃數之終而可與五並列乎五居中以制外有十而不尊五處虛以運實有十而不靈卽其位置之法與五並列則使五失其中列於五傍則上下左右皆不勻穩亦足見其出於人爲而非天然之象數矣故歷代制度不用此圖諸家術數不用此圖前代載籍不言此圖惟希夷

遂初堂集

卷之二

壬

傳之劉牧演之本標爲天地生成之圖以洪範首五行而五行以天地生成爲序故名爲洛書云耳當羲皇時豈已有天一生水地六成之之說而法之以畫卦哉更名之爲河圖而稱爲作易之本原者希夷之所不及料也元雷思齊直論此圖爲希夷之所演雖未必然然其出亦近矣不可與自一至九之圖並提而論彰彰也曰如子之說自一至九之圖信善矣然安知不爲神龜所負之文出於大禹之世而爲洛書乃必謂之河圖乎曰神龜負文說既近怪法圖演疇義尤無取據漢書五行志所載劉歆之言則以五行至六極六十五字爲洛

書本文後人非之然圖也者點畫形象之謂書也者文字名義之謂使禹所見者止此自一至九之數點則皆不名洛圖而名洛書乎當洪荒時止應有圖既有書契之後可以有書且分九州畫井田制軍陣俱在黃帝之時則此圖非至禹時而始出明矣今但明九數之爲河圖而十數之是洛書非洛書可以不辨均之爲古今所流傳諸儒所推重參觀而互考焉以盡象數異同之致不爲無益也

遂初堂集

卷之二

五

遂初堂文集卷之三

卦德論

從來說易者以乾健坤順震動巽入坎險離麗艮止兌說爲卦德蓋本諸說卦卦象傳宜乎確不可移而其義似猶有未盡者則以險麗二言不可以爲坎離之德也夫坎離者乾坤之大用也六子皆得乾坤一體而坎離獨得中爻卦以中爲貴九五六二固居中得正矣九二六五雖不當位猶多吉辭其於先天之位則爲日月而居東西後天之位則爲水爲火而居南北實代乾坤以司化者也坎之象中滿其德爲剛中爲孚爲實離之象中虛其德爲柔中爲文爲明皆上德也而可以險麗二言當之乎夫險陷也謂一陽陷於二陰也麗附也謂一陰附於二陽也此可以言卦體不可以言卦德險麗非德而險尤爲凶德若之何加於坎也坎以一陽御二陰蓋乘陽剛之德具弘毅之才足以荷重大而濟艱難者故上經於乾坤之後繼以屯蒙需訟師比皆坎用事之卦也說卦云戰乎乾勞乎坎乾方與陰力戰而勝坎竭力佐之以山險阻屯蒙訟師皆經綸裁定之事故莫勞焉其於人也蓋周召畢散之倫而可以險阻之乎險者坎所履之地也所值之時也而非其德也其德奈

何曰經言之矣坎之卦辭曰習坎有孚維心亨象曰行險而不失其信需之卦辭曰有孚光亨貞吉象曰位乎天位以正中也訟之卦辭曰有孚窒惕中吉象曰剛來而得中師之彖曰剛中而應比之彖曰以剛中也其初六曰有孚比之無咎謂九五也蒙之六四曰困蒙之吝獨遠實也謂九二也然則孚也信也實也剛中也皆坎之德而可以一言蔽之曰孚若離則陰居陽中外闕內明爲日爲火無所不照在人爲心至虛至靈虛室生白發乎天光燭理辨物窮幽洞明經天緯地乃成文章於人爲孔曾思孟之倫而麗豈其德乎離之彖辭雖言離

遂初堂集

卷之三

二

者麗也第釋其義而已所尚者在重明以麗乎正象辭則曰大人以繼明照於四方同人之彖曰文明以健大有曰剛健而文明噬嗑曰動而明賁曰文明以止晉曰順而麗乎大明明夷曰內文明而外柔順睽曰說而麗乎明革曰文明以說豐曰明以動旅曰止而麗乎明言麗乎明則明爲德而麗非德可知矣明也文也經所並言而文生於明明可兼文故離之德可以一言蔽之曰明若夫巽之爲入則亦有未安者巽非入之義惟說卦序卦各一言之重巽及諸有巽之卦彖辭又象無言入者他卦之釋卦義也或以卦德或以卦體惟巽則卽以

卦名如小畜之健而巽蠱之巽而止觀之順而巽大過之巽而說行恒之巽而動升之巽而順別無一言以代巽者非窮於辭也蓋古之卦名其字爲巽本不作巽巽則自有序義順也柔也卑也讓也字亦作巽與遜通用堯典庸命巽朕位是也經蓋以巽之義釋巽之卦名耳今則巽與爲一故名義不殊卦名不可復古則云巽遜也庶幾得之然而所當更定莫要於坎離矣夫學易者非徒說之將以法之也法坎之孚而剛中篤實閑邪存誠其學爲自明之明法離之明而致虛主靜黃中通理其學爲自明之誠明誠合一通復兼資而聖學樞機在

遂初堂集

卷之三

三

是矣卦體云乎哉

卦位論

先天後天之卦同出一原而位序何其不同也先天之位乾南坤北離東坎西震東北巽西南艮西北兌東南後天之位坎北離南震東兌西乾西北坤西南艮東北巽東南無一相同爲之說者紛紜不一愚以爲皆未得其綱領也夫先天之位非八方也大圓圖直寫渾天之象就人目所見言之以最高者爲乾爲天最早者爲坤爲地猶渾天之有北極南極也亘乎天中而錯行者在左爲離爲日在右爲坎爲月猶渾天之有黃道赤道也震爲雷艮爲山地之所出也故附乎坤而居下巽爲風

遂初堂集

卷之三

四

兌爲雨澤天之所降也故附乎乾而居上義皇畫卦之初分陰分陽則天象地但有上下左右耳詎可以東西南北分配之哉若文王用卦之意則迥別矣先天以巽離兌拱乾爲其父皆二陽也以震坎艮拱坤爲其父皆二陰也後天則以一陽二陰爲陽卦一陰二陽爲陰卦先天乾兌同爲太陽坤艮同爲太陰後天尊乾坤爲父母而以震坎艮爲三男巽離兌爲三女先天取天尊地卑之義乾上坤下後天取內貞外悔之義乾下坤上於是以前八卦分布八方而乾居西北坤居西南殷道尚右西者右也尊父母也非退而不用之謂也乾統坎艮震

位於東北坤統巽離兌位於西南父率子母率女陰陽各從其班也坎居正北離居正南以坎離得乾坤中爻故次乾坤而居南北之中也易貴乾坤坎離此四者定位然後及乎他卦震長子代父用事固宜居正東矣而巽何以居東南艮少男居東北次坎可也而兌何以居正西曰此以覆對得之也凡卦有正對震與相對艮兌相對也有反對震反而爲艮巽反而爲兌也覆對云者以正對覆而觀之則震兌相對巽艮相對也震之反對爲艮而艮陽也不可以居西故以覆對之兌居之艮之反對爲兌而兌陰也不可以居東南故以覆對之巽居

遂初堂集

卷之三

五

之邵子所謂三縱一橫者言其大概而第三縱與末一橫則有奧義存焉非反對覆對莫之能明也先天之圖所以立體也後天之圖所以致用也先天之圖立而視之算術所謂渾圓也後天之圖偃而視之算術所謂平圓也渾圓無八方平圓有八方而世人欲取先天後天顛顛其方位則如柄鑿之不相入矣萬事萬物不出先後天之範圍日月運行寒暑往來晦明代謝人事之消長世運之盛衰皆應先天卦序準渾天之象也地列八方候應八風八家同井八陣爲圖遁甲有八門堪輿有八山八宅皆應後天卦序準方輿之象也其在於人乾

爲首坤爲腹離爲心坎爲腎艮爲肩背兌爲孔竅震爲手足巽爲呼吸象先天也君統百官父統衆子兄弟相次夫婦相偶文武分班昭穆分列象後天也先天後天相反而相濟相易而相成有先天不可無後天故文王起而演易有先天後天不可更有增加故宣尼止於贊易也

遂初堂集

卷之三

太

卦變論

易象辭言剛柔之上下往來者二十卦先儒以卦變釋之謂此卦從某而來某爻爲某爻之所變其說不謬也而未有定例虞翻蜀才侯果輩謂三陽三陰之卦多自泰否而變四陽四陰之卦多自臨遯大壯觀而變然於頤或謂自晉來或謂自觀來於睽或謂自大壯來或謂自无妄來於豐或謂自噬嗑來於小過或謂從晉來初無定見王輔嗣不取卦變注疏中略不及之至朱子發始復以卦變解易演六十四卦相生圖謂五陰一陽之卦皆自復來五陽一陰之卦皆自姤來四陰二陽皆自

遂初堂集

卷之三

七

訟來四陽二陰皆自遯來三陰三陽皆自泰來三陽三陰皆自否來而謂虞翻諸人之說合於圖者三十六卦不合者二十八卦義例似乎畫一矣朱子從其說以圖列於易前謂之卦變圖然本義於蠱言或自賁來或自井來或自既濟來於賁言或自損或自既濟於睽言或自離或自中孚或自家人於漸言或自渙或自旅則復參差其說不盡依本圖矣然此圖本言六十四卦相生夫乾坤生六子八卦生六十四卦今言坎震艮自臨變巽離兌自遯變子反生母於理不順用以解經殊多不合夫經所謂內者下卦也外者上卦也往者自下而上

也來者自上而下也如訟之彖曰剛來而得中漢上傳及本義以爲遯之九三來爲訟之九二則三二同在下卦何云來也死妄之彖曰剛自外來而爲主於內本義以爲訟之九二來爲死妄之初九則自內來何言外也諸如此類義自難通故以相生圖言卦變者似之而非也程子易傳則以諸卦變皆自乾坤而來謂乾坤變而爲六子八卦重而爲六十四卦皆由乾坤之變蘇子瞻亦謂剛柔相易皆本諸乾坤凡三子之卦有言剛來者明此本坤也而乾來化之三女之卦有言柔來者明此本乾也而坤來化之故凡言此者皆三子三女相值之

遂初堂集

卷之三

八

卦也蠱也賁也咸也恒也損也益也非是卦也則無是言也按以卦變俱從乾坤來差爲簡易勝於諸家紛紜之說然以此論三陽三陰之卦可也二陽二陰之卦則費詞說故程傳於訟死妄但言成卦之由大畜蹇解升不作卦變解晉睽但言離在上者多云柔進而上行而已又經中云往來上下凡二十卦而三子三女相值者僅六卦子瞻之說無乃疎乎若朱楓林之說以十二辟卦與六子卦爲變卦之主者雖亦可通然聖人說經不應如是之破碎况十二辟卦乃京房費直之說豈文孔時所當有乎求其確當自然者惟梁山來知德之說爲

可信來氏言上下經之卦皆以反對爲序綜兩卦爲一卦需訟相反需上卦之坎變而居訟下卦九二居中故云剛來而得中也泰否相反故云小往大來大往小來也隨蠱相反蠱下卦巽反而爲兌居隨之上蠱上卦艮反而爲震居隨之下是剛來而下柔也隨下卦震反而爲艮居蠱之上隨上卦兌反而爲巽居蠱之下是剛上而柔下也死妄大畜相反大畜上卦之艮反而爲震居死妄之下是剛自外來而爲主於內也以此義推之不問三陽三陰二陰二陽之卦無弗合者不必遠取諸乾坤與夫臨遯泰否直就本體二卦之相反相成者切近

遂初堂集

卷之三

九

言之蓋六十四卦中卦卦皆有此義聖人偶於二十卦發之耳向來諸儒不明文王序卦之旨不知兩卦相反合爲一卦之義故其論卦變也影響而不真錯雜而不得來氏之說而豁然貫通略無疑滯矣愚猶有進焉者來氏解諸卦並以此卦兩體與彼卦兩體互易而言然象傳之義有專主一爻者則又當以兩爻互易論之訟之剛來而得中謂需之九五爲訟之九二也噬嗑之柔得中而上行謂賁之九二爲噬嗑之六五也死妄之剛自外來而爲主於內謂大畜之上九爲死妄之初九也大畜之剛上而尚賢謂死妄之初九爲大畜之上九

也晉之柔進而上行謂明夷之六二爲晉之六五也睽之柔進而上行謂家人之六二爲睽之六五也鼎之柔進而上行謂革之六二爲鼎之六五也漸之進得位謂歸妹之九二爲漸之九五也渙之剛來而不窮謂節之九五爲渙之九二也柔得位乎外而上同謂節之六三爲渙之六四也若損之損下益上益之損上益下不言剛柔則各就本卦之爻言之不在變卦之例若同人之柔得位得中大有之柔得尊位大中舊雖不論卦變亦可以卦變之義釋之夫兩體相易者概言之也兩爻相易者專言之也經文有專指一爻者不得不剖析論之

遂初堂集

卷之三

十

然兩體相易而兩爻相易在其中要不出乎來氏之說矣來氏以諸卦相對爲錯相反爲綜雖非參伍錯綜之本旨而論正對以發明先天之序論反對以發明後天之序甚有裨於易學不可以後出而忽之也

卦氣論

易大傳言乾坤之策三百六十當期之日第舉成數約略相當耳自焦延壽京房輩爲分卦直日之法而卦氣之說興焉六十四卦凡三百八十四爻一歲通閏凡三百六十五日四分日之一其數參差不齊於是摘出四卦止用六十卦則僅三百六十爻一歲不論有閏無閏以二十四氣均齊之約五卦而當二氣一卦當六日七分法亦巧矣然於六十四卦中摘出坎離震兌以爲方伯監司之官所主各六氣震主春分至芒種而乾屬焉兌主秋分至大雪而坤屬焉子則兼司六氣而父母僅

遂初堂集

卷之三

十一

司六日七分於義安乎又六十卦之方位次序皆以意安排坤歷未濟蹇頤中孚而爲復復歷屯謙睽升而爲臨既非後天八卦之序復非爻畫消長之序徒以十二辟卦部分之而已其說出於易緯之通卦驗是類謀楊子雲作太玄以中當中孚以周當復以巽開當屯以少當謙悉依此序先儒馬融鄭康成虞翻陸績輩悉宗之而孔穎達取以解易之七日來復是皆不知有先天圖而然也先天圖從儀生象從象生卦左陽右陰錯綜相對消長升降循環無端其次序出於天然而非一毫私智之所能與夫三百六十五日四分日之一天度也四

時二十四氣天行也欲以卦爻當天運而不依天然之次序其可乎故不論卦氣則已論卦氣則當掃地而更新之不用漢上易傳所載之卦氣圖而用先天圖起復終坤之位序不摘出坎離震兌亦不摘出乾坤坎離而別爲一法夫所以摘出四卦者欲除二十四爻而用六百六十爻耳六十四卦之中何所見而獨去四卦六十四卦生於八卦在先天圖八純卦各統七卦以居一方此七卦之下三爻卽一統卦之下三爻也則莫若於純卦中除出三爻八卦共除二十四爻恰得三百六十爻與舊圖之用數脗合矣舊以坎離震兌四卦之爻分主

遂初堂集

卷之三

七

二十四氣而坎初六主冬至九二主小寒六三主大寒六四主立春九五主雨水上六主驚蟄今則以震之初爻主冬至二爻主小寒三爻主大寒離之初爻主立春二爻主雨水三爻主驚蟄以逮坤之初爻主立冬二爻主小雪三爻主大雪其三百六十爻則自復初爻至屯无妄上爻當大寒明夷初爻至既濟三爻當立春既濟四爻至豐上爻當雨水離四爻至同人上爻當驚蟄以逮否初爻至晉三爻當立冬晉四爻至觀上爻當小雪比初爻至坤上爻當大雪如是則卦爻節氣符合均平

無偏枯之嫌無錯亂之失去舊之短而取其長師其意而不師其迹因革之道當如此矣是說也蘊諸胸中無所質正適閱河東王氏含光之易學三述有論及卦氣者喜其先得我心王氏他說多有偏矯獨此一條爲格論恐其書未必能傳故不割已論而詳說之畱心緯候者當不河漢吾言也夫

遂初堂集

卷之三

三

納甲納音論

納甲之法秦以前未有也蓋起於焦貢京房之流其法以十干配八卦卦少而干多則以其類納之乾坤共納四千六子各納一千乾納甲壬坤納乙癸以乾坤爲父母各得首尾兩干包六子於中也坎納戊離納己以中男中女得中間兩干也艮納丙兌納丁二少反在先者氣之方行也震納庚巽納辛二長反在後者質之既凝也亦合先天圖艮兌次乾坤震巽在後也此有確義可推是立法之本意也若參同契之說則以月之朔望弦晦配卦畫以所見之方位配日干虞仲翔取以釋懸象

遂初堂集

卷之三

五

著明朱子亦有取焉然謂三日象庚八日象兌十五日象乾十八日象巽二十三日象艮晦日象坤一月當六卦而朔旦象坎日中象離一日當二卦既多少不倫而參前指昏見之方望後指旦沒之方亦無定準殆養生家自以月魄喻火候耳納甲不以此也至於十二支則以八卦之六爻分納之乾六爻納子申辰寅午戌之六陽支而統以甲壬坤六爻納未巳卯丑亥酉之六陰支而統以乙癸震坎艮亦納六陽支而分統於庚戌丙巽離兌亦納六陰支而分統於辛巳丁六十日辰乾坤各得十二日餘六卦各得六日亦父母包六子之義雖納

支猶納甲也若夫納音之法尤奧隱而難明說者多未詳其義有以太玄之數合大衍之數視其餘數以五及十除之而定五行者甲子乙丑爲數三十四於大衍四十九中除三十四餘十五又以十除之存五屬土土能生金故甲子乙丑爲金丙寅丁卯二十六餘二十三除十五存三屬木木生火故丙寅丁卯爲火戊辰巳巳二十三餘二十六除二十五存一屬水水生木故戊辰巳巳爲木庚午辛未三十二餘十七除十五存二屬火火生土故庚午辛未爲土丙子丁丑三十餘十除十五餘四屬金金生水故丙子丁丑爲水此舊傳婁景先生

遂初堂集

卷之三

五

之說夫除干支之本數又五十除之而視其餘數既迂曲矣餘數尚非五行之數又以其所生之數定五行豈非穿鑿之尤者乎至朱元昇三易備遺之說則不論除數竟以本數定五行三十四爲金二十六爲火二十三爲木三十二爲土三十爲水謂火本無音水湊之則有音故火居一六水之數土本無音火陶之則有音故土居二七火之數水本無音土激之則有音故水居五土之數惟木金自有音故不易其本數是竟以納音爲音響之音又不計全數而計奇零之數併一水二火五土之數皆易之視前說更支離矣沈存中筆談所載則用

律呂隔八相生娶妻生子之法謂一律含五音十二律
納六十音五音始於金左旋傳於火火傳於木木傳水
水傳土又用遁甲三元之法五行先仲而後孟孟而後
季甲子金之仲黃鍾同位娶乙丑太簇隔八下生壬申
金之孟夷則壬申同位娶癸酉南呂隔八上生庚辰金
之季姑洗庚辰同位娶辛巳仲呂隔八下生戊子火之
仲黃鍾戊子娶己丑大呂生丙申火之孟夷則丙申娶
丁酉南呂生甲辰火之季姑洗甲辰娶乙巳仲呂生壬
子木之仲黃鍾如是左行至於丁巳仲呂五音一終是
為陽紀復自甲午金之仲娶乙未隔八生壬寅一如甲

遂初堂集

卷之三

夫

子之法終於癸亥是為陰紀夫以五音乘十二律呂得
六十以十干乘十二支亦得六十其數固相符矣然律
呂相生之法宮生徵徵生商商生羽羽生角今乃以商
生商三商而後傳諸徵三徵而後傳之角其義與序皆
不合律娶妻而呂生子皆非同類今甲子與乙丑壬申
皆金乙丑兄妹也不可言娶壬申兄弟也不可言生遁
甲三元止就甲巳所加可言先仲後孟此則十干遞加
不可以為例且此就干支配五行既定之後言之耳夫
惟甲子乙丑為金故以甲子為黃鍾之商乙丑為大呂
之商云云耳若甲子乙丑為土則亦可言甲子為黃鍾

之宮乙丑為大呂之宮矣其甲子乙丑之何以為金丙
寅丁卯之何以為火終莫能言其所以然余懷此疑久
矣迨閱觀象玩占而後曠若發蒙也其法以十二支合
十干以十干所屬者命之以其言數納其音干支相配
共得一音蓋仍用前卦納干干納支之法子午屬庚丑
未屬辛寅申屬戊卯酉屬己辰戌屬丙巳亥屬丁而後
以宮商角徵羽分納之一言為宮三言為徵五言為羽
七言為商九言為角言者字也甲子乙丑所以為金者
從甲數至子所屬之庚歷乙丙丁戊己庚凡七字從乙
數至丑所屬之辛歷丙丁戊己庚辛亦七字故為商為

遂初堂集

卷之三

七

金也丙寅丁卯所以為火者從丙至寅所屬之戊從丁
至卯所屬之己皆三字故為徵為火也戊辰己巳所以
為木者從戊至辰所屬之丙從己至巳所屬之丁皆九
字故為角為木也庚午辛未所以為土者庚與午所屬
之庚辛與未所屬之辛皆同一字故為宮為土也丙子
丁丑所以為水者丙至子所屬之庚丁至丑所屬之辛
皆五字故為羽為水也甲子為陽商乙丑為陰商丙寅
為陽徵丁卯為陰徵戊辰為陽角己巳為陰角庚午為
陽宮辛未為陰宮丙子為陽羽丁丑為陰羽干支相為
陰陽兩干兩支又自分陰陽其義精矣茲以卦納干以

干納支謂之納甲支干相配而以五音納之謂之納音
夫干支自有本行甲乙爲木丙丁爲火寅卯爲木巳午
爲火是也至甲午乙巳則不可名木不可名火故本其
所屬以命之蓋因干與支配不得不然如古人擇日有
寶義制伐之名干生支爲寶支生干爲義干克支爲制
支克干爲伐亦以干與支配而命名也他術數專論五
行獨此納甲之法猶從八卦來是大易之支流古人之
遺法不可廢也觀象玩占一書爲劉伯溫所作故應溪
知法意繼讀抱朴子僊藥篇有云按玉策記及開名經
皆以五音六屬知人年命之所在子午屬庚卯酉屬巳

遂初堂集卷之三

六

一言得宮三言得徵云云其法正同則知伯溫之說所
從來遠矣大約起於漢世播於晉唐曆書以之分日星
家以之審命羅經以之辨龍中有至理不可不知要非
三代以前所有後儒以納甲釋易之先甲後甲先庚後
庚巳日乃乎近於傳會若朱元昇遂訓黃帝作甲子卽
有納音而欲以甲子爲歸藏之易則鑿空矯強又識緯
家所不道也

聲音元本論上

聲音者先文字而有也人生而有聲旣長乃能識字聲
止於一字則多寡不論或一音而數字或有音而無字
字造乎人而音出乎天者也中古以降字日繁音日變
昔人思有以綜理之而字書韻書出焉然不得其天然
之條貫則如散錢亂卒錯雜而不可整齊自字母之秘
啓反切之法傳而後衆音衆字一以貫之如錢之有繩
如卒之有伍且使天下無字之音可以有字者引之而
出字母之功偉矣然而等韻之書立法未善使人不能
無議焉夫立母以貫天下之音則其所列爲三十六母

遂初堂集卷之三

九

者必無複無漏而後可也乃知徹澄孃同於照穿牀泥
非之與敷異呼而同母皆複出也影喻曉匣旣分陰陽
而羣疑竝明等不分陰陽可添之母尚有十餘非缺漏
乎旣同爲母自當竝列一畔乃以知徹澄孃列於端透
定泥之下非敷奉微列於邦滂竝明之下照穿牀審禪
列於精清從心邪之下爰有類隔交互振救諸門法紛
然淆亂而困人以披尋所貴乎字母者以切字也類隔
交互則出切不得其真誤人實甚是不可以不正也正
之如何亦審其天然之音而已矣天然之音可立爲母
者五十播之爲四呼轉之爲四聲區之爲二十四類而

遂初堂集

卷之三

辛

於橫列四排中以此母之開口當彼母之齊齒如通攝內封逢
等字與曾同排以此韻之合口作彼韻之撮口如蟹攝內圭
派同而其二十四攝中取四呼之字或括而爲一如江
或開而爲五六如止攝以音就字茫無定準今則各母
各韻竝列四呼以音排字以字標音有字者補其次無
字者存其位部分秒如至隨而不可亂也四聲則平上
去入是矣何謂二十四類曰切字必憑乎韻類者所以
括韻也以四呼讀之一曰○尼威衣○搥平於支微韻
也二曰○尼威威○搥迫規闕韻也三曰○平揭
聲○謁平肥遮車韻也四曰○聲闕平○聲

聲平 ○ 熾 軋 遮車之分音也 五曰 ○ 遇 隈 ○ 謁 隈 ○
 切 熾 隈 灰回韻也 六曰 哀 挨 娃 ○ 挨 挨 皆哈韻也 七曰 ○
 沃 平 ○ 熾 欲 烏紆 敷模韻也 八曰 ○ 屋 平 ○ 益 平 ○ 度
 聲 ○ 鬱 役 敷模之分音也 九曰 漚 憂 ○ 屋 漚 ○ 郁 憂 尤
 切 鬱 役 侯韻也 十曰 ○ 尾 參 幽 ○ 獲 參 ○ 郁 幽 尤侯之分音也
 十一曰 阿 ○ 握 平 倭 ○ 郁 握 歌戈韻也 十二曰 阿 音 鴉
 窪 ○ 鴉 鴉 家麻韻也 十三曰 坳 么 ○ 腰 坳 ○ 郁 么 肴蕭
 韻也 十四曰 塵 要 ○ 空 塵 ○ 熾 要 豪宵韻也 十五曰 恩
 因 溫 氤 真 文 韻也 十六曰 安 煙 蜿蜒 元 先 韻也 十七曰
 ○ 關 蘭 殷 鬱 ○ 熾 殷 刪 山 韻也 十八曰 ○ 沃 澤 邑 翁 碩
 切 關 蘭 殷 鬱 ○ 熾 殷 刪 山 韻也 十八曰 ○ 沃 澤 邑 翁 碩

遂初堂集

卷之三

三

東冬韻也十九曰甌英泓縈庚青韻也二十曰伏朕汪
○郁朕切江唐韻也二十一曰○剛典切央○空央切侵等韻
陽姜韻也二十二曰○鶴森切音○音森切侵等韻
也二十三曰諳淹○婉諳切○苑淹切單鹽韻也二十四曰
滔○押銜切○縮滔切咸凡韻也平上去皆二十四
類而入聲僅十類有正轉有旁轉有別轉各類之先後
以入聲按之而次序井然無容紊也部分既定然後以
同音之字彙次於一音之下而其出切則必取於影喻
二母以爲其下之一字陰者用影陽者用喻喉者用喻
舌者用舌開者用開齊者用齊二字疾言之卽成一字

一字長言之卽成二字其爲切也至親至確一定而不可移易視他譜之旁羅雜出者不侔矣若夫彙次同音之字則取廣韻玉篇韻會正韻諸書叅酌而編綴之以成一書訓詁字義或詳或略無不可者詞賦用之字多者獨用一呼爲一韻字少者通用三四呼爲一韻廣偏由人惟母越乎其類豈不簡易而謹嚴也哉天地間一事一物莫不有天然之矩矱學者患不能浚探而究得之今所釐正皆出乎天然而非私智之所能穿鑿天然者人所本有之音也本有之音而不能盡出則以習誦有字之音罕道無字之音也然而謳吟嘯呼時發天籟

遂初堂集

卷之三

三

方言土音兼多偶合誠有導之者而汨汨然來琅琅然吐然後知向之蘊而未發者尚有如許之音一旦出之於喉宣之於口如啞鐘之忽鳴如貧兒之驟富不亦快乎然而無字之音傳諸楮墨似而不真自非神解必口傳而耳受庶幾其無訛濫也

聲音元本論下

類音之書未出先以圖目示人有素諳反切熟習舊譜者雖然送難曰三十六母本於梵音其來尚矣昔人持論間有異同子乃毅然刪改頓增之爲五十且創立字母何其勇於自信乎曰非敢師心自用也以聲之陰陽辨之也物莫不有陰陽其在音也重則爲陰輕則爲陽一陰一陽常相對偶人知清濁之爲陰陽而不知清聲濁聲又各自有陰陽影喻曉匣清也羣疑濁也見溪清濁半者也影曉爲清之陰喻匣爲清之陽等韻旣分四母矣見溪半清半濁再剖之不成聲不分可也羣疑則

遂初堂集

卷之三

三

確有陰陽何可不分故增舅語爲陰以羣疑爲陽而後濁音四母具焉始者爲圖亦嘗虛此二母而作二〇矣然立母而無字使人何從啓口不得已而以舅語二字標之欲其便於讀也舌齶齒唇清濁之序與喉音同而舊母尤少故所增尤多北音偏重作等韻者北人也濁音陰陽一槩不分故濁母無不增者增杜於定增乃於泥增朕於牀增在於從增舉於竝增美於明皆用上聲之字上聲必重重者屬陰宜於配陽其清母之陰陽不全者亦增老耳而統已些武七字誠知陰陽之必相對待則知諸母之不得不增知我可也罪我可也曰定母

從母之下何以各作二。曰無其字也無字何以知有其音曰喉舌唇皆有最濁之音牙齒何獨無之爲其鄰於疑泥也故隱而不出必細審然後得之試以基溪奇疑低梯題泥知鴟遲。齏妻齊。相聯並讀久而必有一音出焉既得其陰必得其陽故有無字之二母字者子也無字而必列之如家有兄弟十人其八有子其二無子作譜者必盡載其名若以無子而刪二人不成譜矣曰舊以見溪羣疑爲牙音今何以列諸喉音舊以照穿牀審禪爲齒音今何以列諸牙音舊以來日別綴於末今何以列來於舌列日於牙而字止有四聲更無他

遂初堂集

卷之三

音

呼別類何以標爲一母舊以牙舌唇齒喉爲序今何以喉舌齶齒唇爲序曰喉音者舌居喉下未著乎齒牙也試問衣希基溪奇疑六音者類乎不類乎齒音者以舌抵齒而後成聲牙音者僅抵齶耳試問詩時知鴟遲抵齶乎抵齒乎來之爲舌日之爲牙類也有本位在也而雖獨音然不入他母則自爲母矣安可廢乎凡聲之出口必自內而漸及乎外始喉次舌次齶次齒而終之以唇無餘聲矣豈非天然之序乎曰切字何以必用影喻母曰此元音也人生而嚙地則有哇哇之聲欲言未言則有噫嗚阿呀之聲既長而唯諾呻吟驚訝嗟歎凡音

在言前者皆影喻母之聲也至於度曲則有字頭字腹字尾字尾者引伸其音而收之者也非影喻母不能長也故謂之元音用以切字最爲端的此卽二合之法較音和而更親者也曰四呼細審誠有之然各類參錯或全或缺何可比而同之曰四呼非他一音之變也音之由中達外在牙腭間則爲開口歷舌端則爲齊齒畜於頤中則爲合口聚於唇端則爲撮口開與合相應齊與撮相應有則俱有無則俱無一凡四隅一馬四蹄不可增減者也世人止就有字之音求之故或二或三不得其全等韻但分開合邵子書雖有開發收閉之名徐披

遂初堂集

卷之三

音

其目唯黑花香血爲具四呼其他古甲九癸等或二或三亦未嘗相對也惟梅氏字彙末卷四呼皆全而不均之各類陳氏統韻之圖但取縱橫三十六至以根之開口附於昆之合口家之齊齒附於瓜之合口又別立混之一呼以姜陽之齊齒肱局之合口撮口當之謬誤滋甚今則一母必具四呼四呼始成一類少一呼則知此母之音未竟多一呼則知彼類之音當分以此審音而潛伏之音畢出以此攝類而凌雜之類皆齊因著以知微執簡以御煩莫善乎此矣曰廣韻平聲五十七韻今括爲二十四類所併多矣然尚有可併者支微爲開口

齊齒數模爲撮口合口一類也而何以必分爲二東冬爲合口撮口庚青爲開口齊齒一類也而何以必分爲二又分刪於寒分唐與陽何其細碎乎曰驟而讀之則似○法平聲衣烏於爲四呼覲英翁確爲四呼細審之則衣於之外別有開合○烏之外別有撮齊育之平聲不同於魚此其顯然者也覲英之下別有合撮翁確之上別有開齊肱之不同於公扁之不同於龔此其顯然者也官之與關桓之與還江之與姜腔之與羗北音固可混而爲一南人讀之類乎不類乎合其所不得不合分其所不得不分非可意爲出入者也曰平上去韻多而

遂初堂集

卷之三

五

入韻少自昔然矣願聞正轉旁轉別轉之說曰都堵妬篤知止制質此正轉也東董凍篤眞軫震質此旁轉也篤字長言之卽都質字長言之卽知不待變聲也故曰正也篤長言之非東質長言之非眞必變聲而得也故曰旁也遮與檀之轉爲哲挨與殷之轉爲軋幽與英之轉爲益歌與岡之轉爲各家與姜之轉爲脚一正一旁亦猶是也灰之轉忽高之轉各變聲爲近亦正也若夫侵之轉緝覃之轉合咸之轉洽是謂閉口之音別爲一類故曰別轉也若其序則先正而後旁先微而後著支微規闕音之始發也遮車皆哈漸展也敷模尤侯稍縱

矣歌戈肴交舒而未滿也家麻豪宵

之序也旁轉七類之序亦視此是故平上去類之先後以入聲按之而定其理甚微前人未之發也客曰子之言詳矣明矣余旣昭然若發蒙矣雖然學以致用也現在之聲音文字足給於用而子必盡發無字之音釐定各音之次亦有用乎其無用乎曰奚爲其無用也樂之五音六律以人聲爲主笙鋪絲管皆取協焉未有音而不中於律呂者世有萬寶常李嗣真其人必能審其宮商諸諸樂律皇極經世之書以聲起數以數發占一切風雷水樹鳥獸昆蟲之音皆可測驗而況於人聲世有

遂初堂集

卷之三

五

李之才邵康節者出焉必能察其陰陽通諸象數綜一編而天地萬物之音具焉奚爲其無用也

南北音論

五方之民風土不同氣稟各異其發於聲也不能無偏偏則於本然之音必有所不盡彼能盡與不能盡者遇常相非笑而無所取裁則音學不明之故也淮南子云輕土多利重土多遲清水音小濁水音大陸法言謂吳楚時傷輕淺燕趙時傷重濁秦隴去聲爲入梁益平聲似去此方隅所囿無可如何者也乃北人詆南爲鳩舌之音南人詆北爲荒僞之調北人哂南人知之不分王黃不別南人笑北人屋烏同音遇喻同讀是則然矣亦知其各有所短各有所長乎南人非特缺照母開口一

遂初堂集

卷之三

无

呼混喻匣二母已也凡審禪穿牀之開口合口二呼皆不能讀又以歌戈混於敷模庚青蒸混於真文凡五韻之字無一字正讀者北人非特無入聲缺疑母已也竟以入聲之字散入平上去三聲反謂平聲有二以稍重者爲上平聲稍輕者爲下平聲欲以配上去爲四聲是四聲芟其一添其一矣疑母同喻微母亦同喻至羣定牀從並五母之上去二聲竟與見端照精邦五母相亂非唯本母不能再分陰陽并上去入三聲而皆失之此其所短也若夫合口之字北人讀之最真撮口之字南人讀之最朗清母之陰陽北人天然自分濁母之陰陽

遂初堂集

卷之三

无

南人矢口能辨此其所長也倘能平心靜氣兩相質正舍己之短從人之長取人之長益己之短則譌者可正缺者可完而本有之音畢出矣余自少留心音學長遊京師寓衛爾錫先生所適同北好銳意講求先生晉人也余吳人也各執一見初甚牴牾發疑致難日常數返漸相許可漸相融通久而冰釋理解不特兩人所素請者交資互益而昔人所未發者亦鈎深探賸而得之於是五十母四呼二十四類之說定而圖譜成焉猶未敢自足年來遍遊名山燕齊魯豫湖湘嶺海之間無不到賢豪長者無不交察其方音辨其呼母未有出乎二十四類之外者亦未有能盡通二十四類之音者遂將勒成一書公之天下欲使五方之人去其偏滯觀其會通化異卽同歸於大中正而已矣或曰河洛天地之中雅音聲韻之正子居吳會而成一家言其得爲中正乎曰不偏之謂中均齊之謂正非疆域之謂也如以地而已則周德清之中原音韻何以行於北而不行於南用於曲而不用於詩且吳音亦未可輕也切韻成於江左之周顒而關西河北相承用之四聲助於吳興之沈約而隋唐迄今莫之能廢也律呂之道僅存於度曲今吳歛盛行於天下而爲其譜者皆吳人吳人之審音罔甚

精也此無他北音重濁南音輕清以濁分濁則難以清
辨濁則易故南人能分羣定二母之陰陽北音則併疑
微而亡之矣余豈以南人而阿南音將以曉天下曰類
音之音非南音非北音乃人人本有之音也

遂初堂集

卷之三

辛

古今音論

天下無不可遷之物聲音之出於喉吻宜若無古今之
殊而風會遷流潛移默轉有莫知其然而然者楚騷之
音異於風雅漢魏之音異於屈宋古讀服爲甸而今如
復古讀下如戶而今如夏古讀家如姑而今如嘉古讀
明如芒而今如名此第就常用之字考其旁押而知之
其不見於風騷不經於押用而變音轉讀者不知其幾
也古無韻書某字某音莫得而考自周顒沈約著爲韻
譜繫之反切而後字有定音音有定韻凡方隅之音謬
濫之讀質於譜而知其非立可改正功不細矣而無如

遂初堂集

卷之三

至

代異時移迄於今日不獨唐虞三代之音渺不可追卽
齊梁之音亦已漸失其故有一母全變者如微母之字
今北人讀作喻母疑母之字南人半讀作喻母如魚眉
牙亮五
從母有一母半變者泥孃母下齊齒撮口之字南北人
俱讀作疑母照穿牀審四母下開口合口之字南人讀
作精清從心四母禪母下字北人半讀作澄母有一韻
全變者江韻之字舉世讀作唐韻歌韻之字吳人讀作
模韻麻韻之字吳音讀作歌韻灰韻之字讀作規闕交
韻之字讀作蕭豪至侵覃鹽咸四韻閉口之音自浙閩

人而外舉世讀作真寒山先又上聲濁母之字多讀作去聲入聲之字北人散入三聲其餘隻字單音之變又不可枚舉也夫今之去齊梁僅千餘年而變遷已若是更千百年又當何如古大行人之職九歲屬瞽史論書名聽音聲蓋早慮及此今缺其職矣無已則仍以韻正之韻不有舊譜乎而未盡善也齊梁之時去古未遠三代兩漢之音猶可考見而作譜者一切不問僅就當日通用之音編次成書遂使古音蕩然無存致煩千載而下好古之士多方考求僅得十之三四謂吳才老楊用修陳季立輩及先師顧亭林此一失也書以切韻為名所憑以出切者字母

遂初堂集

卷之三

三

也字母有五音之次有先後之等作韻者自當悉依本序令眾音眾字以類相從次第井然不可淆亂乃不敘喉牙不分開合忽先忽後錯雜置之雖有切音而以此切彼以彼切此此譌則彼亦譌一二字譌則百十字俱譌如尼音女夷切女音尼呂切其餘孃母下字例以尼女二字出切詳音似羊切似音詳里切其餘邪母下字例以詳似故有全母全韻俱變之弊又一失也今當更著新譜斟酌古今通會南北審定字母精研反切務令音得其真讀得其正現存之書惟廣韻最舊不得不據以為憑惟當去其繁瑣理其紛亂敘韻不當者或分之或併之反切不明者改之舉世同然之音則從之方

隅偏駁之音則正之生今之世不得不用今音而古音之可考者備載於各韻之末俾人之作今體者自用今音作古體者參用古音庶古音亡而不亡至於韻中比字一以喉舌腭齒唇為序無越無紊而審其何類別其何呼伍次部居不相侵濫別為圖目悉載有字無字之音無字者存其位有字者辨其等使人一覽了然知某字之確屬何母何呼是舌是喉作何音讀縱欲淆之不可得而淆縱欲變之不可得而變庶今音可賴以永存此舊譜所未逮而愚者之一得也是瞽史之事盛王所不廢也

遂初堂集

卷之三

三

全分音論

造物之數一生二二生三三生萬物故有奇則有耦其在音也有陽則有陰有清則有濁有平則有仄有全則有分何謂全凡出於口而渾然噩然含蓄有餘者是為全音何謂分凡出於口而發越嘹亮若剖若裂者是為分音二者猶一幹也枝則岐而為二既已為二不可得合矣而世人或讀其全則不知有分或讀其分則不知有全此亦方隅習俗使然莫能自覺者也今釐天下之音為二十四類而相為全分者十四類焉灰回全也皆哈分也歌戈全也家麻分也肴蕭全也豪宵分也元先

遂初堂集

卷之三

音

全也刪山分也東冬全也庚青分也江唐全也陽姜分也覃鹽全也咸凡分也南人讀麻如磨讀瓜如戈口啓而半含北人讀麻為馬遐切瓜為古窪切唇敝而盡放含者全也放者分也北人讀湍如灘讀潘如攀讀肱如公讀傾如穹讀江如姜讀腔如羌讀嫌如咸讀兼如緘南音則判然為二其讀傀如乖讀恢如勑則南北音皆然湍潘也公穹也江腔也嫌兼也傀恢也全音也啓而半含者也灘攀也肱傾也姜羌也咸緘也乖勑也分音也敝而盡放者也是二者欲以為一則各有四呼各有陰陽平仄不容相混欲以為二則氣分相似聲吻相似

遂初堂集

卷之三

音

非如支微與真文之迥別懸殊故命之曰全分平上去皆然而入聲尤為明顯月屑全也點鐸分也屋燭全也陌職分也覺鐸全也藥灼分也合葉全也洽乏分也昔人惟不明全分之故或欲併兩類為一類或以刪山添捲舌一呼或以陽姜肱局為混呼離合之間苦難位置豈知其從奇生偶各成一類哉然則他類無若此者乎曰有之而全類無其字故全類亡其音遮車全也尚有分音如元先之有刪山敷模全也尚有分音如東冬之有庚青尤侯全也尚有分音如江唐之有陽姜唯支微規闕真文侵尋四類無分音其轉為入聲則遮車灰回元先此三類轉為月屑皆哈刪山與遮車之分音此三類轉為點鐸敷模尤侯東冬此三類轉為屋燭庚青與敷模尤侯之分音此三類轉為陌職歌戈肴蕭江唐此三類轉為覺鐸家麻豪宵陽姜此三類轉為藥灼其支微規闕真文三類轉為質物則無全分至閉口三類侵尋轉為緝習亦無全分覃鹽轉為合葉咸凡轉為洽乏亦有全分二十二類有字二類無字共成二十四類以平上去之二十四類收歸入聲之十類脉絡相承一絲不亂審音至此微矣密矣無餘蘊矣然則何以置二類而僅列二十二曰二類者舉世無其字故舉世昧其音

能歷然於口了然於心者無幾人耳驟而語人以有此音尚駭而疑况居然列之爲類乎姑就有字者立類而無字者存其說以告天下後世之人萬一有神解妙悟者聞而莫逆於心遙相應和是以子雲而知子雲也千載下猶旦暮遇之也

遂初堂集

卷之三

美

反切音論

聲音之道莫奇於字母莫巧於反切字母以一字而貫衆字之音反切以二字而出一字之音古未有也自梵典入中國翻譯之學興而此秘始啓許慎孫炎始有反音周研李登始著聲譜至齊梁而大盛乃有等韻之書周顒沈約陸法言輩本以著書名爲切韻切卽反也兩字交互相切謂之反取反覆之義亦謂之反語同泰之反爲大通桑落之反爲索郎是也兩字切一字磨切而出聲謂之切德紅之切東徒紅之切同是也亦謂之紐有正紐有倒紐有旁紐不越一反反也切也紐也名異

遂初堂集

卷之三

毫

而實同也等韻之法以三十六母貫穿天下無窮之字切韻用之以同母之字出切以同韻之字定聲而本音生焉舉天下隱僻之字晦昧之音皆可鉤而出之俾典籍無難讀之字喉舌無不發之音觀古之注爲讀若某字與注以直音者不啻霄壤且使千載而下讀或淆訛而尋其反切卽可得其本音如見戶字出切者可知爲匣母之音見五字出切者可知爲疑母之音見女字出切者可知爲泥母之音與夫撮口之誤讀爲合口齊齒之誤讀爲開口者皆可審而正之則字母與切韻之功大矣顧有未盡善者以等韻所立諸門法紛糾縈繞

塞迂迴作切韻者蓋亦知其非而不盡從然其切皮爲符羈切卑爲府移切綿爲武延切篇爲芳連切椿爲都江切爹爲陟耶之類則猶仍類隔交互之失致使字音不得其真卽非類隔交互而出切多不用本呼之字如以息茲切思許歸切揮都奚切低古諧切皆將倫切遵他前切天或以齊齒而切開口或以撮口而切合口或以合口而切齊齒或以齊齒而切合口如此者一韻之中居其大半而其取韻則唇舌牙齒喉五部之字交參雜用初無定準夫所憑以切音者惟上下二字耳而二字俱不甚的當則所得之音容有模糊是未盡用切之

遂初堂集

卷之三

禿

道也韻會舉要洪武正韻韻學集成諸書頗有更定而亦不皆妥確今類韻所用之切則上一字必用本呼以開切開以齊切齊以合切合以撮切撮必用同轉仄音切平平音切仄全音切全分音切分下一字必用影喻二母之元音陰以影切陽以喻切影喻無字則用曉匣之字又無字然後用見溪羣疑之字如東之舊切爲德紅今則易以篤翁德分而篤全紅陽而翁陰祝舊稍親中之舊切爲陟弓今則易以竹翁陟開而竹合弓見而翁影則倍親先之舊切爲蘇前今則易以屑煙蘇合而屑齊前陽而煙陰用之舊切爲徒年今則易以迷延徒

合而迭齊年泥而延喻則尤親舊切有諸合者如盧紅之切籠魚容之切顫力延之切連巨員之切權則仍之不合者悉改之舊切凡同母同韻之字皆可切今則同母之中必用同呼同轉同韻之中必用元音必分陰陽舊切二字生出一音新切二字合成一音舊切如射者不能中的而在的之上下左右新切則直中鵠心不可移易至當歸一精義無二斯之謂矣或曰作韻譜者無慮數十家彼皆審音之人豈見不及此而待今始定曰理以剖析而愈出學以思辨而愈明天下事儘有後勝於前者南北盤江之遠至近代徐霞客而其源始窮勾

遂初堂集

卷之三

禿

股割闔之法至幾何原本出而其故始明中古以前音韻濶略魏晉而下漸次講求神珙悉曇輩始傳字母始分牙舌唇齒喉舌靜始配宮商角徵羽沈約始定平上去入周德清始言陰陽清濁皆由粗以至精由疎以至密已精不妨更精已密無嫌更密故爲之審陰陽以增母均完缺以定呼闔全分以別類酌正旁以明轉辨親疎以易切此實前人未竟之緒有待於後人之補訂者如必是古非今則交廣閩粵之郡縣可以不設而里差歲差之法曆家可以不用也豈其然哉豈其然哉

遂初堂文集卷之四

上吏部牒

未才非淹雅學謝閔通早肯嚴親鞠母氏以成立幼嬰羸疾資藥餌以偷全伏處草茅自甘退廢恭逢

聖主側席求才論德盧琦刑部主事謝重輝謬採虛聲用塵薦牘當弓旌之賁及驚寵命之自天特念老母年迫桑榆宿疾沈痾偃臥牀褥弟昆連喪惟孤嫠之僅存家業屢空恒爨煙之不繼加未目生翳障心忠怔忡書數行而昏花吟五字以暈眩豈堪懷鉛握槧陪厠英賢隨將母老患病情由具呈本縣轉詳司府疊經查驗巡

遂初堂集卷之四

一

撫慕天顏移咨會 題在案續奉

恩綸作速催送檄牒到門急於星火勒限就道不得停畱辭家已來迄今八月屢得書問知老母衰困轉增每胃腹病作酸楚顛連氣息幾屬溢米不進動輒淹旬未在三千里外傾耳不聞呻吟之聲瞠目不覩委頓之狀有口不能嘗藥有手不能調羹每一念至搶地呼天裂肝墮胆私冀試事告竣放歸有日何圖謫劣亦預甄收重蒙

天恩例受職銜纂修明史脫布褐而影華纓出田間而登史館其於人世已極光榮顧在微軀轉淩悚懼實以

母子二人相依爲命一畱京邸便涉睽離空冀懸磬子迎養而不能伏枕支牀母就養而不得白雲一片倚閭之望無窮鳥路三千嚙指之悲何及又况史才最難史職至重彫蟲末技初無預於三長汗簡窮年亦寧辭於八謬非堯臣之博達曷佐歐陽乏原父之精詳詎索司馬加之痼疾在身與年俱篤心神恍惚既姓名爵里之旋忘目力矇矓亦亥豕烏焉之莫辨不克虔恭職事豈宜濫費餐錢伏惟

聖朝孝治天下凡在廷之臣家無次丁尚許終養况未登仕籍合賜矜憐方今楊馬盈廷班陳在列厠一人

遂初堂集卷之四

二

於五十人之內不見其多汰一人於五十人之中不見其少不勝至願仰籲

聖慈乞沛 特恩放還田里俾得晨餐夕膳報顧復之劬勞鑿井耕田效康衢之歌舞旁求多士旣彰

聖主作人之光曲遂物情復弘 興朝教孝之典揆諸公私實爲恩使蟻忱迫切庶上格于天心禁陞尊嚴恐難通於宸聽敢祈大部准與代題進旣邀夫曠恩退亦何妨破例任出雲之歸岫榮甚宣麻放思烏以投林恩逾啓事

進孝經行義表代

竊惟因心爲孝萬行同出於一原垂世作經羣言統宗於至聖道彌綸而無外際地蟠天義紬繹而不窮鈞濬探賸闡揚有待述作兼資恭惟我

皇上至德協天文思配命承歡視膳孝養極於

兩宮藝極陳常德教敷於四海固已盡倫而止乎孝發言而垂爲經顧念孝經一書實惟先聖要旨守約施博旣天德王道之畢該理一分殊亦學術治功之咸備六家同異先儒之傳注具存五孝條分獎訓之敷言未暢命倣西山而行義爰開東觀以陳編臣等祇奉成規博

遂初堂集

卷之四

三

綜前籍推愛敬之精蘊體用同條極明察之規模顯微共貫事關孝治必廣記而備言義涉倫常務引伸而觸類薈萃百家衷之聖若網在綱錯綜百代準之今如繩引墨分門區類一準全經起例發凡悉稽舊式編纂勸於積年成書多至百卷校讐甫畢繕寫進呈惟我皇上弘闡聖謨勤思要道修一身以教孝通於神明合萬國以承歡不侮鯁寡則普天沾錫類之仁而薄海洽綏和之化矣

進通鑑講義表代

竊惟積日月而成歲不已惟天合經史以爲功其勤者聖蓋典學行政道本相資溫故知新事須交盡我

皇上聖聰聖明之資實由天授好學好問之篤度越前王出論正朝則斷理萬機濬居大內則潛心羣典隆寒盛暑不廢丹鉛綴衣虎黃肅通章句逮於講幄尤切

皇情每當敷奏先從天語發揮凡有詢咨迥出諸臣意表兼之虛衷若谷溫語如春講畢有再拜之儀特蒙賜免頻年有便蕃之錫更荷重頒此皆亘古所未聞而今茲所始觀者也臣等叨預顧問之榮班愧乏涓埃之

遂初堂集

卷之四

四

微助歲華欲滿舊例宜循其四書講義已於康熙十四年閏五月遵

旨先期彙進今將講過通鑑講義繕寫裝潢題明進

呈伏願

聖心折衷於誦讀之餘發揮於施行之際則文武之道傳在一人堯舜之治永傳萬代矣

歲終循例題明表代

竊惟體乾德之運行學惟時敏成聖功於歲月理本日新蓋百王之治雖殊道實同於師古而六經之文具在用之足以宜民必積累之崇深乃化裁於久大欽惟皇上聖自生知才惟天授以虞舜之濬哲有大禹之克勤機務至多聽斷每煩於日昃圖書在御講誦常至於夜分既已循習簡編守二帝三王之大法抑又研精傳注窮殷盤周誥之全經帝庸作歌勅命凜惟幾惟康之旨皇建有極敷言叶無偏無陂之音隻句片詞炳若日星之訓含毫落紙煥乎雲漢之章宣天地之和義兼

遂初堂集卷之四

五

雅頌躋臣民於文治功竝典謨臣等久歷金華再彌寒暑親承玉色得侍燕閒曾莫效其微勞實難酬於恩遇伏查歲終講義例應彙寫進

呈但尚書講義現在發刊而逐日筵講已畱

御覽曾經請

旨停進謹循舊例題明伏願道協特行化同天道仰於穆之不已知日進於無疆則綏將純嘏之方來膺保永圖於孔固矣

纂修皇輿表書成頒賜廷臣謝表

伏以

藜閣披圖九域盡廣輪之數

蘭臺橐筆百王詳沿革之規括函宇於寸毫旁搜遠紹綜古今於方冊共貫同條東壁增輝西清煥彩臣等誠惶誠恐稽首頓首上言竊惟畫疆分野首重板圖體國辨方必稽載籍姬公爾雅八陵九府釋其名周禮職方二男三女書其數地理作志羣史宗乎孟堅山海爲經諸家昉乎郭璞方輿之書不乏天府之藏具存惟是時代遷流一地而古今迥異川原變改一名而彼此懸殊

遂初堂集卷之四

六

在六朝分割之秋棼如絲亂迄五代兵爭之際散若星羅或初合而後分更張非一或僑立而旋廢併省不常按史牒以較輿圖孰同孰異孰今名以求古地何有何無十道九域之書但詳形勝元和太平之志各記本朝指掌有圖既已畧而多舛春秋作譜復雖詳而不傳未有考數千年之離合累如貫珠綜幾萬里之幅輳瞭如指掌如今日者也茲茲伏遇

皇帝陛下聰明天亶典學性成坐東觀以橫經覃精六藝開石渠而論道綜貫百家稽古驗今必鈎深而探蹟旁羅俯察每左圖而右書謂百郡之紛更源流具在而

諸書之因革參錯難明

特詔詞臣別裁體製用旁行斜上之法方名萃而成圖
師年經國緯之奇史志變而爲表從合而分從分而改
引繩批根之無遺以縣繫郡以郡繫州若網在綱而不
紊犬牙繡錯條分不厭其煩鼎峙瓜分參伍務求其實
蓋理以至當爲準故考覈必於經年而文以至簡爲精
故成書止於數卷既已陳諸玉座行將勒彼苔華上下
縱橫一瞬而盡古今之變并兼混一端居而知天下之
規實曩籍所未窺惟

聖衷其獨運臣等學慚倚相才謝鄴元讀傳記而心迷
迷初堂集 卷之四 七

徒勞繙閱過山川而目眩每費咨諏幸際昌時獲窺秘
典芒芒禹跡等燭焰而無遺歷歷堯封類天闕而不漏
伏願金甌奠極銅柱麗維撫萬國之來同長岷遠駕覽
八荒之無外兼容并包薄日竄而際天垠風行雷動帶
幽陵而繁蟠木仁漸義摩斯海甸安於覆盂而皇圖固
於鞏革矣

永年曆進呈恩賚銀幣謝表

伏以

貞符乍卜瑞蓂吐莢於堯廷

寶牒初開采鳳揭輝於皞紀持籌推千日之至神以知
來探策開萬年之長運而不息制隆邃古式範來茲臣
等誠惶誠恐稽首頓首上言竊惟璇璣爲觀天之數火
雷繫治曆之文隸首大撓紀軒皇之迎日南訛東作述
唐帝之命官綜六曆爲太初唐都肇分天部變四分爲
乾象劉洪始創月行元嘉特著於六朝大衍尤推於唐
代欽天造由王朴授時定自許衡益治曆之人僅百家

迷初堂集 卷之四 八

而更曆之名餘七十要皆據往昔之程度量爲減增用
當年之渾儀詳加測步然且牴牾迭見舛錯相承驗春
秋而辨三統之最疎援圖讖而知天保之多謬斗分損
益非先天輒後天曆元推移不太遠則太近洛下閎自
言精妙亦知八百歲當差僧一行時謂通神終於三十
年輒改未有逆推來葉懸著成書炳玉燭以探幽不遺
累黍操金繩而度遠無爽錙銖如今日者也茲蓋伏遇
皇帝陛下窮神知化致遠鈎深觀天道而察天行面稽
天若董日官而底口御聖敬日躋謂術以至當爲歸中
西一致而法以可久爲貴前後同條乃

命監臣預爲推算陰曆陽曆因經度以部分大餘小餘按立成而銖積雖盈縮朏朧之不定而影動未嘗離形縱遲留伏逆之無常而輻運何曾脫轂道惟得一數至蹟而不紛術既合天用彌久而不忒苞元總會何難億萬爲期舉正履端爰用二千爲率晉五改而唐八改立法良疎天一差而歲再差推行有驗惟

皇覽而嘉異肇錫名曰永年非惟握鏡執衡知範圍而不過抑亦披圖考牒占曆服之無疆漢武受神策於天朔而復朔殷湯勒嘉銘於器新而又新臣等窮經未曉歸奇握算不知顛倒慚子雲之博識難蓋天以通渾天

遂初堂集

卷之四

九

慕康節之閤通知曆理又明曆數清臺課候觀連珠合璧之呈奇石室抽緘知括節亥章之特妙制作成於一代規模冠乎百王伏願庶績咸熙諸神受紀創法垂統先天而天弗違章往察來前民而民利用日星爲紀四時爲柄德蕩蕩而無名極數成象通變成文業豐壘而不已則卜年遂邾邾之八百而曆籙等循蜚之萬年矣

請廣秘府書籍以光文治疏代

臣惟帝王爲天下人文宗主爲萬世學術會歸臨御之餘必先畱意書籍誠以聖賢之微言緒論非書莫稽歷代之文物典章非書莫考在儒生學士猶思廣蓄而博觀況乎天府秘藏圖書淵海固不當使片簡有遺一編或缺者也與稽前代若漢孝武隋文帝唐文皇宋太宗皆嘗遣求書之使懸獻書之賞博採旁求故其時秘府之書克物完富如所謂石渠東觀文德集賢三館秘閣藏書多者至三四十萬卷少者不下數萬卷何其盛歟我

遂初堂集

卷之四

十

皇上天縱聖明孜孜念典博綜載籍靡曠不探現今內庫藏書連廊充棟不爲不多目錄卷數終非外臣所得而闕臣特慮定鼎以前曾罹兵火四十年來未經校勘得無有滅裂銷燬舛錯潤淆部無完帙帙無完卷者乎臣觀古來書目所載之書今亡其六七民間間有異書流傳不廣終歸泯滅至於元明諸人著述或存或亡無從遍考臣奉 命克纂修明史總裁考前史例有藝文志總載當時現存書籍大要以內府書目爲據今修明史不憑內府藏書藝文一志亦難編輯伏願皇上及此百廢具舉之時廣徵天下遺書克入秘府或

如史局新例責成各直省督撫學臣採訪進呈或倣古購書之法勅下部議中外臣民有獻書若干卷者作何獎賞錄用將見奇文秘簡萃於中禁富有日新不難度越前代矣書籍既備則當分命儒臣綜理會通校訂舛訛爰除重複若古秘書監丞校書郎直秘閣校理等官正今日詞林之職但前代七畧七志四部四庫等書不過區分類別編成目錄徒以搜採廣博爲能以校勘精工爲貴未有能審論作書之旨辨其醇疵綜其得失者我

皇上精一心傳折中協聖當此羣言淆亂之時尤當獨

遂初堂集卷之四

十一

出審裁剖判白黑諸子百家之言足以羽翼六經闡揚大道者從而表章之離經畔道荒唐謬悠之辭從而貶黜之崇正學以排異端一道德以同風俗其於世道人心非小補也

請舉詞臣舊職以盡官守疏代

竊以朝廷量能詔祿未嘗有無事之官而臣子竭節奉公常懼有不盡之職詞林一官視部寺各衙門稍似清閑其實爲天子文學侍從之臣事有關於載筆皆其職掌惟詞臣自編檢以下舊無定員當員少之時苦於庶務紛糾因而暫從停省及乎人員既衆之日則夙夜自公常如弗及從前職掌所當急爲申明者也現今詞臣百餘人雖或在講筵或秉記注或纂實錄或修史書各事其事無敢逸豫然臣以爲人材之衆莫盛於此時則職掌之修亦宜莫備於此時豈可使濟濟在列而國家

遂初堂集卷之四

十二

典制有一缺而不舉之處也卽如誥勅一項自唐宋以來皆屬詞臣撰擬元明至我朝相沿無改停止纔十餘年夫煌煌天語如綸如綍自應極其黼黻翰林一官其初本爲代言而設歷觀前代兩制之詞皆出一時才雋之筆文章爾雅訓詞渙厚爛焉可觀且隨事製詞因人立義詳畧輕重有倫不紊今造爲一定之式令中書舍人按品依官照例謄寫千軸一辭毫無同異恐未足以彰我

皇上日星之文典謨之旨伏讀康熙十八年二月上諭凡撰擬大臣官員碑文祭文理應依照本人實跡

撰擬今覽撰擬此等文字太過者甚多嗣後凡撰擬碑文祭文俱應照依本人實跡撰擬勿使太過爾等卽傳諭翰林官員知悉欽此臣竊以爲碑文祭文如此詰勅之文何獨不然請 勅下所司嗣後一應詰勅仍令翰林官員撰擬閣臣勘定付中書謄寫務令典重精切不蔓不浮書之史冊而可誦傳之萬世而不刊庶足少盡詞臣代言之職又查先年事例有編纂六部奏章一局此卽前代時政記之遺制蓋以起居注止記人主言動至於臣下建白廟堂措置必須別爲編纂條分縷悉俾異日修實錄撰國史者有所依据故明三百年未嘗一遂初堂集

卷之四

三

日廢缺本朝行之有年後因多事暫行停止續經科臣吳國龍臺臣何元英先後條奏請照前編輯部議准行俟實錄告成之日開纂奉 旨依議在案今太宗皇帝實錄纂修已畢請 勅諭翰林諸臣仍前分曹編纂記事編年件繁條列神謨聖烈臚載無遺傳之萬年永爲成憲實珥筆之職所不敢缺也

遵諭陳言疏代

竊惟

皇上御宇以來昭事上帝勤求民隱翼翼乾乾始終匪懈近有地震之變示儆異常考諸占書咎在臣下乃皇上澹自尅責罪已求言復頒

上諭申飭中外臣工諸凡不法不廉情弊言之痛切詳盡仰見

皇上如天照臨無所不燭臣伏讀之下感激涕零自惟奉職無狀宜首膺黜罰蒙

恩優容仍畱供職仰戴高厚矢設涓糜敢瀝愚忱敬抒

遂初堂集

卷之四

占

管見惟

皇上恕其狂愚而採擇焉不勝萬幸一日嚴賞罰自古帝王幹運天下之大權不過賞罰二端而已賞一人而天下勸罰一人而天下懲雖堯舜不能舍此以爲治後世未嘗無賞罰也不能爲勸懲者無他賞不信而罰不必也一法也用於此不用於彼則幸免之路開矣一令也行於前不行於後則枉撓之漸啓矣必也平如衡石疾如雷霆信如四時無私如天地而後賞罰不失其柄否則徒文具而已矣伏讀

上諭六條地方官吏刻剝小民督撫大臣枉法交私種

種罪狀無所逃於

審照之下經各衙門會議設有條約所以防奸治貪之法嚴且備矣乃臣以爲立法非難用法爲難立法在於一時用法存乎永久行之稍不斷則或張或弛而人得逃於法之外守之或不堅則一出一入而人得遁於法之中聖王用法較若畫一賞不遺疎遠罰不廢貴近此其要術也昔者齊威王烹阿大夫而國中治漢文帝不赦薄昭而朝廷肅清今當立法之始尤宜堅如金石不可稍有曲貸茲科臣以不職督撫指名奏

皇上赫然震怒嚴加處分乃東撫浙撫已經罷黜而江

遂初堂集

卷之四

五

督某仍然畱任臣恐天下有以窺國法之不能畫一也皇上之意得無以某方在戎行姑責其摧鋒之效乎臣按某在江右最號貪殘失人心軍民一體不能撫民焉能馭軍江右本非叛區自某蒞任以來寇盜蜂起屢破城邑致煩大兵撲滅擾攘連年僅而後定才畧可槩見矣京察大典已經革職

皇上特恩畱任宜如何報效乃數月以來未聞其出奇展一畫身先矢石陷堅克敵有可紀之功也天兵所集謀臣猛將如雲如兩何藉此一臣而爲之特撓國法耶黜罰臧否不宜異同臣敢誦諸葛亮之言以爲

皇上告夫立法而行之不斷守之不堅與無法同臣願皇上之畱意也一日廣言路伏讀

上諭地方官吏諂媚上官苛派百姓總督巡撫司道又轉而餽送在京大臣其於中外情弊洞悉之矣乃從前此等情弊曾經發露者幾人曾挂刑章者幾人臣下不法不廉至於如此而猶然網漏吞舟則以未經指擿糾

皇上無從而知之處分不得而加之也誰司指擿糾參之任者非言官乎言官不過二三十人耳目或有所不及而又不許風聞言事彼賂遺交私之狀至深至秘無

遂初堂集

卷之四

六

跡可窺言官自非得實固難形諸白簡況此奸貪之輩又不難以勢力把持金錢結納言官稍有沾染則箝口熟視而不敢言臣按建言古無專責歷代雖設臺諫之官其實人人得上書言事梅福以南昌尉而言外戚桀佞以太常博士而論程元振陳東以太學生而攻六賊楊繼盛以部曹而劾嚴嵩本朝舊制京官並許條陳自康熙十年憲臣奏請停止凡非言官而建言爲越職言事例當降調處分夫人主明目達聰常懼有所壅蔽故宜導之使言今乃禁之使不得言豈盛世之風乎臣請除越職言事之禁俾大小臣工各得獻替進言之途庶

則罔上行私之徒不能人人而把持之結納之庶乎有所忌而不敢爲於此輩甚不便於國家甚便也其在外監司守令等官若大利大弊果係真知的見者亦許條奏地方災荒督撫不肯題報者州縣官徑得上聞如此則民間疾苦無所不通

皇上端拱九重而周知四海之外矣更請許臺諫之官得風聞言事以作敢言之氣其大奸大貪不經糾彈別行發覺者言官一併處分

世祖章皇帝成例具在可做而行有能奮擊奸回不畏強禦者不次超擢庶乎紀綱振而萬事舉也一曰慎選

遂初堂集卷之四

七

舉伏讀

上諭大臣朋比徇私者甚多每遇會推選用時皆舉其平素往來交好之人但云辦事有能並不問其操守清正竊服

皇上之洞見弊源也夫督撫藩臬與其釐剔於既用之後不若慎重於方用之初今廷臣會推非有衡量之素也非有商榷之公也一人唱之衆人和之唯唯諾諾莫敢異同泛而謂之曰才能曾不指其何者爲才何者爲能亦何以孚物望而協輿情乎臯陶論知人曰亦行有九德亦言其人有德乃言曰載采采釋之者言稱其人

之德必言其某事某事爲可信驗也東漢故事選舉牧守委任三府皆咨其行狀度其器能若不稱職尚書奏劾廷尉覆案行舉主之爵是以多得良吏今所推者內而卿貳外而監司或數歷部曹或歷仕郡縣豈無治狀可名政績可指臣請自今會推必開載實跡數條確切著明衆議允協乃得奏上有不允者聽不署名異日所推之人若有贓私過犯罰及舉主則朋比之私絕而本原之地清矣一曰褒廉節人主風動天下在明示意指樹之風聲未有令而不從感而不應者也今雖承積弊之後人心士習卑靡已甚然以

遂初堂集卷之四

八

聖明在御激濁揚清如泥在陶如金在冶惟所欲爲風之以廉讓則廉讓興與之以節義則節義興漢宣帝加意二千石凡治行卓絕者或增秩賜金或璽書褒美於是循吏輩出光武卽位首封卓茂爲褒德侯而東京人才至今稱盛臣願

皇上一倣此意於內外具寮察其公忠廉直者褒顯一二或擢自閒散或面加獎諭以風厲天下臣雖愚陋寡所見聞就臣所知如前江都縣知縣軒轅肩居官潔清惠愛及民罷任之日民爲僦屋以居至今歌思不絕前嘉定縣知縣陸龍其慈惠廉平一塵不染去官之日小

民焚香攀送巷無居人此皆治行彰聞萬口若一者竝以考成註誤又臣與胡密子同爲講官熟知其人端方清介志行卓然前歲河臣請罷生童考試純用捐納奉旨會議廷臣皆知其不可而莫肯發言惟密子抗言其非諸臣因以定議卽此一端足以徵其剛正有守而今歲京察亦被處分夫爲縣令者簿書期會之間註誤有所不免至密子所以察處未見有顯然過失臣願皇上破非常之格擢用此三人於廢棄之中天下必將曰清廉如某某雖遭罷斥

皇上猶將擢用之也必爭自濯磨不賞而勸豈非轉移

遂初堂集

卷之四

十

積習之一大機歟抑先師有言忠信重祿所以勸士無養廉之具而責人之廉萬萬不能漢制官最卑者食祿百石名爲百石而月俸十六石實歲百八十餘石也唐宋自俸田外又有職田春冬衣仗身人役等以優其力而縣令圭租有至九百斛者夫既厚祿之而猶貪污不法置之重典夫復何辭當今制祿視前代稍薄兵興以來又加裁省官於京師者輿從衣裘之費常苦不給頃奉

特恩四品以下官秋冬二季准給全俸仰見

皇上體羣臣之厚意更願沛發德音斟酌古今增其祿

僚臣下見

皇上優恤如此其厚無不人人感奮豈非與廉敦忠之一道哉一曰培人才國家設師儒之官重衡文之任登秀民於庠序而賓興之蓋以班朝蒞官非通古今有學行之士不可雖其間亦有不肖者而歷代公卿將相之材多出於其中養士之道無過於此異時生員無定額大縣考取或至數十人自定爲十五名而士子已苦數窄近年復減之又減僅止四名南方大縣挾冊操觚之士少者不下千人而三歲之中兩次考取僅得八人視鄉會中式更難十倍人絕進取之望率改業而爲他士

遂初堂集

卷之四

辛

人之子多不讀書循此不變數年之後黨塾荒蕪絃誦道息甚可慮也夫此生徒不費朝廷廩祿不耗縣官金錢何妨國計而裁減及此若以其不率教令敗名壞檢則

皇上遴選學臣嚴爲董率其弊自革至於抗違錢糧有司得而申斥之關涉詞訟有司得而究治之縱有敗類豈可因噎廢食耶

皇上崇儒重道稽古右文雖羽林子弟多有橫經何忍令學校人才漸次衰耗且天下聰明才辨之人不出於此則入於彼先王廣厲學官罔將收生民之雋異者漸

之以詩書磨之以禮義雖有梟雄桀岸之輩循循然不敢爲非爲國家計至深遠也臣願

皇上弘棧樸菁莪之化

勅下部臣酌復舊額然後精學臣之選簡師儒之官士風不丕變文治不誕敷未之有也一曰禁淫靡我

皇上躬行節儉重農貴穀宜乎海內富實而民無蓋藏財力殫匱者以侈靡之俗未革也方今婚喪賓祭未有一定式細民無知以奢華相競凡服玩衣裘之類無所不致其飾耗財之道固多端矣卽以優伶一事言之士夫之家賓客宴會多用優伶一席之費不下數金此優伶

遂初堂集 卷之四

三

者片時登場所過農人幾倍故爭慕爲之臣吳人也優伶產於吳下最多臣諗知其爲蠹大抵巨室世家喜蓄優伶不惜厚貲招致伎師教演度曲貧民生子稍秀慧者輒入豪門鬻爲歌童稍有聲價則鮮衣怒馬藉勢放縱而此伎師者粗曉雜藝工於逢迎則遂爲貴人座客關通內外招搖生事蓋奸人之尤者也不意此風浸尋被於都下公私宴會多用優伶此輩憑藉彌高放縱彌甚而民間愈矜尚之一都城之內優伶不知幾千人因召優伶而糜費者不知日幾千金推之天下之大蠹國病民蓋不知其幾矣臣請嚴行禁止不得於通衢廣

所開設戲館不得用宦家職銜懸牌掌燈犯者從重治罪士夫之家有蓄養優伶者以不謹處分宴會演戲者竝加叅罰庶乎其風稍稍衰止夫靡靡之樂非盛世之音恒舞酣歌爲風愆之首况當天災地變上下修省之時乎天下止有四民此優伶者皆四民之遁而爲者也優伶多一人則四民少一人優伶少一人則四民多一人自然之理誠使天下遂無優伶則公私所省之費以鉅萬計而田有餘農肆有餘工矣茲事雖細實關風化臣故痛切言之

皇上誠推是而例其餘淫侈之習漸次革除則淳樸之

遂初堂集 卷之四

三

風可還太平之基弗替矣右臣所言六事略陳當今要務臣本書生不諳政體據臣胷臆披瀝萬一辭陋指淺不足以仰贊大猷惟

皇上鑒其愚悃抑臣又有請者向來諸臣條奏

皇上下部議部中多以無庸議奏覆見諸施行者十不得一今

皇上重感天變念積弊未釐奮然思收弦更張以作新天下當勵精圖治之時雖臣言無足採而諸臣所奏必有讜言碩畫鑒鑒可行者伏乞

明諭部臣俾仰體

皇上詢於芻蕘之意虛衷酌議勿拘成見槩以無庸議
罷之則天下幸甚臣等幸甚

遂初堂集

卷之四

三

策問三道

康熙壬戌會試分撰策

問從來國運之隆污繫乎風俗之厚薄風俗者猶水之
流導之東則東導之西則西聽其自爲波靡則潰敗四
出而不知所止武王克商至於康王世歷三紀而曰商
俗靡靡餘風未殄以此知風俗者壞之甚易維之實難
我國家承明積弊之後人心澆漓士風佻達雖以
列聖重光仁漸義育祓濯而淬厲之猶不能以盡革是
故節廉可貴也而人以苟得爲能遜讓可風也而人以
躁進爲巧浮薄之習成則敦厚少文者絀矣詭隨之俗
便則剛方挺立者希矣廟堂之上蓋嘗鯁鯁焉慮之

遂初堂集

卷之四

雷

誠欲革薄從忠返淳還樸將若何而可也東漢風俗最
爲近古朝多公忠直亮之臣野有經明行修之士名節
德行彬彬可觀論者以爲崇尚清議之效則然然與否
與清議與國是相輔而行者也世治則清議伸於上而
政教明世衰則清議操於下而談說滋今欲採清議以
爲國是而無旁落使鄉評悉依乎清議而無背馳將何
術而可與或言激濁揚清其流至於黨同伐異漢之黨
錮明之門戶實基於此故清議可有而不可有夫標榜
之與清議同邪異邪古又有躬行君子若陳太邱荀朗
陵王彥方管幼安其人者不言而鄉人化之國人師之

將母潛德至行又所以爲維風厲俗之根本邪多士有持世之責其悉心以對

問子稱安上治民莫善於禮移風易俗莫善於樂聖王以時更定非直黼黻太平而已蓋將以坊淫節性盪瑕滌穢上得乎先王之意而下通於時世之宜不可一日緩也故曰五帝不相沿樂三王不相襲禮而或謂禮樂所由起必積德百年而後可興又獨何與夫禮樂之廢墜非獨其精意無存并其儀文度數而盡失之民間冠婚喪祭一切苟簡無法而淫哇俚俗之樂雜奏於殿廷其過豈淺鮮哉

遂初堂集 卷之四

五

皇上天縱聖神聲律身度又當海宇廓清功成治定之日制禮作樂適當其時誠欲遐稽博採準古酌今以定百世之規將遵何道與三代之禮逸矣若叔孫通曹褒之制作鄭康成賈公彥之辨論陸農師講崇義朱晦菴陳祥道之編纂可得而述其旨與唐有貞觀禮顯慶禮開元禮宋有開寶禮政和禮中興禮明有集禮其因革何似脫欲倣其體例勒成一書何者爲宜樂之作不難於釐詞而難於審音不難於審音而難於定律黃鐘長短旋宮高下自胡瑗范鎮司馬光之倫紛紜考較各執一說近代鄭世子韓邦奇皆有成書其異同可得而言

與儒生知樂理而不能習樂器工人習樂器而不能知樂理太常所習或參用俗樂因循則無以復古改作則難於協律今將使同風於雅頌比美於簫韶亦有道與大樂必易大禮必簡樂與天地同和禮與天地同節易簡和節制作之原也諸士安禮肆樂之日久矣其以精蘊對毋襲陳言

問古者井田之制明而地利盡九年耕餘三年之食謂之一登再登曰平餘六年食三登餘九年食謂之泰平泰平之名由積粟多而昉也我

皇上深知稼穡艱難重念農民之困閔雨暘動形於

遂初堂集 卷之四

五

色寬恤之令歲下然而家鮮蓋藏野無露積耕夫終歲勤動或至衣食不克一有災荒議蠲議賑而不瞻此何以故毋乃有司勸農之道未盡與夫勸農者必先去其所以病農者急征暴斂之不時使民貴糴而賤糶一病也姦胥墨吏侵牟之無藝二病也水旱不以上聞使德澤不下究三病也其何以使吏不擾農農不告困乎任農以耕必人力田疇二者適足而後農有恒業自兼井多而分田刳假其爲患久矣今欲定其經制令民所占田各有限數則後魏均田之法可得而言與或且裁減租賃以利貧民則元人普減二分私租之令亦可倣而

行與論者謂末作與農民相爲羸絀者也農民困而天下爭趨於末末作盛則游食衆而雜泛之差并歸於農民重困其何以抑末返本使盡轉而緣南畝乎古有孝弟力田之科有復除拜爵之令其果足以勸率否邪東南之地尺寸皆墾而西北有百里不耕之士如治田京畿以減漕粟而紓東南之力則何承天郭守敬虞集諸人修水利治農田之說可以見諸施行而無難與多士上下古今洞然於心蓋具陳之是籌時者所亟欲聞也

遂初堂集

卷之四

毛

遂初堂文集卷之五

修明史議

自唐而上史成於一人自唐而下史成於衆人成於一人者爲之愈難其書愈善成於衆人者就之愈易其書愈不能精劉知幾之論五不可吳縝之糾繆八條其言利弊詳矣明有天下幾三百年而未有成史今欲創爲一書前無所因視昔之本東觀以作後漢改舊書以修新唐者其難百倍然國不可以無史史不可以難而弗爲誠得邃于史學識著作之體者經理其事縱不敢遠希遷固若陳壽歐陽脩之史尚可企而及也請言其槩

遂初堂集

卷之五

曰搜採欲博考證欲精職任欲分義例欲一秉筆欲直持論欲平歲月欲寬卷帙欲簡此其大要也前代有起居注日曆會要諸書明代獨有實錄建文景泰兩朝之事旣畧熹宗以後遂缺焉鄭氏今言王氏史料朱氏史槩何氏名山藏諸書皆詳於隆萬以前若璫禍之終始金陵閩粵破亡之本末皆茫無所考非下求書之令除忌諱之條悉訪民間記載與夫奏議誌狀之流上之史館不可也實錄旣多舛錯錢氏辨証略見一班家乘爵里年月可憑而多虛美野史記事言人人殊影響傳會十居七八必也分割排纂以類相從覈其虛實叅伍衆

說歸于一是若溫公之修通鑑先作叢目長編考異諸書乃可下筆是故搜採欲博而考證欲精也史文備各體作者無兼才唐修隋書魏徵等撰紀傳長孫無忌等撰志表而天文律曆五行三志則李淳風獨作宋修新唐書本紀歐陽脩主之列傳宋祁主之而劉義叟志天文五行王景彞志兵志禮樂梅堯臣表百官方鎮溫公通鑑分任官屬前後漢則劉貢父三國至隋則劉道原唐訖五代則范淳夫皆妙極天下之選各因其長而任之今亦宜博求才彥因能器使表志宜仿隋唐書以事類爲斷紀傳宜仿通鑑以年代爲差職有專司則人之

遂初堂集

卷之五

二

心思萃於一途而易爲精密所慮者畛域既分彼此不相通貫昔人譏唐書傳有失而紀不知表有訛而志不覺而元史遂有一人立兩傳者大凡作書最重義例唐修諸史令狐德棻先爲定例敬播等又考正類例今爲史亦宜先定規模發凡起例去取筆削略見大旨何志當增何志當裁何傳當分何傳當合先有定式載筆者奉以從事及其成也互相讐勘總其事者復通爲鈎考俾無疎漏舛複之失乃可無憾是故職事欲分而義例欲一也史家大端在善善惡惡所謂誅奸諛於既死發潛德之幽光者其權至重少有曲筆便名穢史孫盛書

桓溫枋頭之敗吳兢載張說證魏元忠之事當朝將相尚直書無隱况隔代乎明之亡亡於門戶不特真小人不容借貸而僞君子亦不當包容若忠臣烈士抗節致命者宜如文天祥謝枋得之例大書特書以勸忠義無或如五代史不爲韓通立傳見譏通人也至於議禮之得失奪門之功罪從亡之疑信康齋白沙陽明之學術茶陵江陵太倉之相業論者互有同異或激揚過當或刻覈失中惟虛心斟酌勿主一說而後是非可定是故秉筆欲直而持論欲平也司馬遷班固李百藥姚思廉皆父子世於其職然後成書其餘亦竭一生之力爲之

遂初堂集

卷之五

三

晉隋唐書設官開局久者二三十年少者亦數年遼金宋元諸史爲期太速故不稱良史明三百年事跡繁多功緒棼錯其勢不可以速就若勒限太促必至鹵莽至於史文貴有體要以斷制爲重不以繁富爲工班固敘二百年之事爲書百篇論者尚嫌其繁而宋史乃至五百卷蕪冗甚矣今宜酌詳略之中明歷年與唐相準新唐書二百二十五卷今史約畧相當過此則非體是故歲月欲寬而卷帙欲簡也博則無疎漏之譏精則無舛悞之病分則衆目之有條一則大綱之不紊直則萬世之公道伸平則天下之人心服寬則察之而無疵簡則

傳之而可久於以備一代之制作成不刊之大典斯無愧矣謹議

遂初堂集

卷之五

四

樂章議

樂之爲用歷代不一漢明帝定樂爲四品梁有十二雅周隋爲九夏唐以下有十二和若安若成之名綜而論之其用有三一曰郊丘之樂詩頌昊天有成命漢郊祀歌及歷代祭天神地祇羣神羣祀之樂章是也一曰宗廟之樂漢安世歌及歷代廟室酌獻之辭是也三曰殿庭之樂晉四廟樂歌梁介雅需雅之類是也郊丘宗廟之樂於六義爲頌其辭主於頌揚神靈昭告虔潔殿庭之樂於六義爲雅其辭主於鋪揚功德洽和臣民二者槩乎其不相符也我國家準古酌今百度具舉今禮

遂初堂集

卷之五

五

官所掌太常所肄郊丘宗廟之樂固已略備惟殿庭大禮雖奏大樂而樂章無聞皇上武定禍亂文致太平發揚功德莫宜於樂尤莫宜於殿庭之樂其當增益者約有五事一曰元旦朝會燕饗考晉四廟樂有正旦大會行禮歌及王公上壽食舉樂歌梁亂雅寅雅介雅需雅雅雅皆爲三朝之用北齊迄隋有皇夏肆夏之辭唐朝會樂章七宋二十八明洪武初有起臨濠等九曲永樂中又更定其詞今殿庭朝會有樂無歌無以宣上德而洽下情所當首先初作者也一曰萬壽樂章古者臣子於其君動有頌禱萬年萬

壽之辭隨在而發唐始以聖誕爲令節於是有聖壽長
壽繼天誕聖諸樂宋上壽用禧安和安之曲明萬壽陞
殿樂章有乾坤日月明之曲今者聖誕亦當別爲祝
嘏之辭以伸臣子頌揚無疆至意一曰
太皇太后皇太后朝賀樂章兩官樂辭於古未有所攷
惟宋有上兩官冊寶之樂皇帝升降座用乾安母后升
降座用坤安冊寶出入用正安明太皇太后皇太后正
旦冬至朝賀樂章用天香鳳韶之曲
皇上孝事

兩官備物致養迎休導和以達萬國之歡心更製樂章

遂初堂集

卷之五

六

似不宜後一曰東官樂章梁制朝會皇太子出入奏
亂雅隋奏肆夏唐東官朝會樂章凡五宋皇太子出入
羣公稱賀俱用正安明東官樂章有永南山等曲凡七
奏今儲官審質岐嶷出震方始亦應特製樂辭施於
官廷薰蒸太和涵養聖功未必無助一曰鼓吹樂章周
禮有愷雅愷歌漢有短簫簫歌二十二曲蓋軍中之樂
魏晉以下多改古曲敘述功德同於雅頌爲克庭之用
大駕出入扈從亦奏之唐宋無其辭柳宗元姜夔嘗私
擬之而未施用今當武功告成之日似宜倣古辭叙今
事施之宴會駕出巡幸或命將閱武獻俘勞還用之無

所不宜凡此皆殿庭樂章所宜增設者至如七德九功
雖施之朝會要皆以舞爲主歷代文武二舞其所爲發
揚蹈厲舒徐安雅皆在綴列形容之間歌辭抑其末也
如欲倣此二舞則須先習舞容舞不備而徒爲歌辭未
見其能爲樂也顧今之樂章不難於義而難於音不難
於辭而難於體樂章以典雅爲宗漢郊祀安世諸歌辭
極高古讀應爾雅隋唐以前音雜雅鄭而辭皆醇正自
宋元始以詞曲爲樂府明沿其陋九奏之內古體俗調
雜出不倫聖朝制作維新誠宜刪去詩餘小令諸詞
一以雅頌樂府爲準繩特慮秉筆之士無洞曉音律如

遂初堂集

卷之五

七

荀勗張華之流能自出裁製者而太常樂工亦恐無左
延年祖孝孫之倫相與畧論律呂叶比音節使依文按
句而爲之則俗樂有所不能驟革使一倣古制又恐不
比於音律誠宜詳延通達律呂之士講論得失使長于
文學者爲其辭知音律者審其合節與否歌之而成聲
比之而成音然後文之管弦被之金石將見國家制
作超唐邁宋與雅頌同風不難矣謹議

廣南藩兵議

康熙十九年八月十日命廷臣集議尚之信事羣臣咸以之信惡逆罪大請置極典

皇上念其先人之勞特賜之信自盡羣臣以叛黨不可寬執奏再四僅戮其同謀弟四人餘一無所問

皇上如天之度於是卓絕千古矣平南藩下舊有卒萬人既誅之信其軍未有所屬措置之道言人人殊參而伍之似乎分隸八旗之說爲最長雖然未易言也爲是有四善亦有三難請言其概藩下之人習於驕橫兵興以來嘗有咆哮恣睢之心類非他將所能約束也緩之

遂初堂集

卷之五

八

則驕不可用急之則鋌而走險嶺南之地依山阻海一有風塵之警易爲煽動莫若離其巢穴徙致京師臨以九重之尊震以六師之威伍斂部束扼其機牙其善一也嶺南之地凋敝久矣所以然者藩下之衆與民錯居橫刀過市躍馬出郊狼戾萬狀莫敢誰何牟利子母單詞陷人田廬之判奪子女之掠賣不知其幾矣今一旦盡徙若輩仰此一方市肆安堵耕農樂業平居有安恬之樂警急無意外之虞其善二也禁軍雖盛調發連年不無損耗甲士在外十人而七彼一軍者坐鎮一方士馬飽騰器甲完繕誠選其驍果訓練而整齊之可得精

兵數千足補禁軍之缺剪羽翼以厚根本其善三也黨亂之衆實繁有徒陰伺吾處置之得失以爲向背聲息相近猶有鈎通結引之思若遠隔萬里勢孤望絕必無他圖又見我

皇上推心置腹兼容并包引藩卒爲親軍置降人於環衛其度如天無疑無貳誰不輸心解體歸誠恐後其善四也顧有未然之慮不可不圖者彼一軍之居嶺南四十年於茲買田宅結婚姻長子孫與土著無異一旦驅之去安樂之土就轉徙之地保無有愁苦怨咨闔視而偶語者乎其難一也兵興以來物力殫屈江石新脫湯

遂初堂集

卷之五

九

火中州畿輔所在災荒就令彼衆帖伏束裝就道而一軍萬人通計家口不下數萬自廣至京不下七八千里水搬陸運舟車之力爲費不訾時紕舉羸能令措辦無擾於民乎其難二也近畿之地悉爲莊屯園田占房爲民大病就令行齋居送安然至京數萬之衆何以處之將令其僦屋以居墾荒以食乎抑仍奪民廬以居之剝民田以食之乎其難三也有一難於此雖衆善未可驟行况種種隔礙能不爲之長慮而却顧乎昔竇建德既平呂其故將范願等入關衆心驚疑而劉黑闥復擾河北劉攷旣納地其下朱克融等久留京師貧乏不自存

復踞盧龍以叛蟻穴之漏實潰金隄星星之火或可燎
原事嘗生於所忽變嘗伏於粗安不可不熟慮也然則
處之之道當如何聞之故王所與起兵者十不存一二
其餘率多南方召募之人大抵皆市井游惰竄居其中
亦有溫飽之家夙苦藩下侵剝願入厚貲藉占名籍倚
以自庇此輩固南人不樂北來又惡藩下之名以得前
洗爲快莫如下

詔令藩下之人願自脫爲民者許投牒幕府繳納軍資
給以文書聽其自便必爭起而應之十可去六七此汰
而去之之策也其道利用速至於老營舊部邊關河朔

遂初堂集卷之五

十

之人服食嗜好與滿人漢軍不殊代馬北風之思必願
北還須得雄偉豁達有威望之將領部署約束厚加撫
存曉以入旗之便有官者仍與之官有糧者仍給之糧
裕其衣食之原開以功名之路仍寬爲之期令得斥資
田宅收辦資裝歡然樂遷不拂其性俟年歲稍登民力
粗足然後率之北來人數既少事亦易辦此撫而納之
之策也其道利用緩夫除疾者必去其根定亂者必剪
其孽語云兵難遙度事貴沉緩除亂固難善後尤不易
謀國務在萬全惟博謀而明斷之可也謹議

吳江水利議一

吳江爲縣當太湖東注之下流爲三江入海之要道湖
水常苦漲溢浦澈常多淤塞或旱或澇本邑首受其敝
故昔賢之講求水利有司之諮詢民瘼者於江邑首加
意焉康熙四十六年冬

皇上因江浙荒旱慮爲民生經久之計特頒

諭旨勅督撫大臣講明水利建置座閘以備蓄洩

睿慮周詳萬里之外洞若指掌興利除害此其時矣惟
江邑之水自太湖而來受湖之港猶咽喉也三江猶腸
胃也支流曲港猶脈絡也但得港口浚通咽喉快利則

遂初堂集卷之五

土

腸胃脈絡自然通暢惟是湖水渾濁推湧泥沙灌入港
口日就壅塞其在太湖之東如柳胥七里吳家南效雙
廟等港迤邐而西如韭溪直太灘關亭子蔣家陸家吳
濃薛步等港悉皆淺狹以故雨多水發則泄瀉不及而
漲溢爲災天時亢賜則汲引無從而車戽不到卽如縣
前長橋舊有四十八洞今僅通數洞橋下江昔濶百餘
丈今僅十餘丈此其顯然易見者也伏讀

聖諭有云水道淤淺者宜疏濬引水四達此正江邑之
急務矣宜首於長橋一帶著力施功將浮漲泥土奸民
侵佔者盡行開去務令水道浚廣如昔次則察視受湖

諸港擇其淺狹者疏通開濬使湖之東流者注於運河而無壅湖之南流者注於溪蕩而無滯則支流曲港不費力而自治矣至於建閘啓閉當在海口扼要之處如吳淞江口劉河七鴟白茅福山等處舊有閘者增築堅完舊無閘者創行建立啓閉以時蓄洩有備旣可以扞海潮之灌入濁泥井可以遏舟船之私行出入誠裕國裕民一勞永逸之至計若在江邑則去海尚遠非緊關之地且百浦千溪無從置閘可以不煩相度也謹議

遂初堂集

卷之五

七

吳江水利議二

太湖東注分爲三江以入大海邑當其衝瀕湖諸港固多淤塞而首當開濬者莫若長橋一帶西自吳家港南抵龐山約長七八里卽古之松江宋元時濶可里許明萬曆間尚濶八十餘丈今止十餘丈如加開浚雖不能悉復古形亦宜加濶五六丈加浚丈許方能暢泄湖流而最緊要者尤在橋之左右舊稱南灘北灘者本是江身淤淺成灘三十年前尚是蘆蕩因從前挑河不將挑出之土遠徙他處僅置灘上積成實地附近居民影占爲業託名告佃只辦升斗之糧遂占連綿之地每議開

遂初堂集

卷之五

七

濬多方阻撓今兩灘淤土長約千餘丈濶三四十丈阻塞江流不能直下如骨鯁之在咽喉苟此土不挑則水道終於不治其挑濬之費約四五千金

朝廷豈惜此四五千金不爲江鄉去癰結之病哉其占業者倘以辦糧爲辭則所辦者僅蕩糧幾十畝爲數無多或行開除或均入湖濱新漲之田絕不費力惟以剛斷行之事無不濟其釣雪灘至學前出塘一河計長里許濶僅三四丈兩岸皆居民只須開濬丈許約費數百金東門至北門城河計長二里許濶三四丈亦須開濬丈許約費千餘金濫泥洪一帶北起八尺南重翁涇橋

計長四里許現濶七八丈不須加濶但加挑濬便可不
滯漕艘其他支流曲港淺涸甚者量加開浚總計須費
二萬餘金則可一勞永逸實農民無窮之利國家根本
之計也至於挑出泥土若堆置水旁一遇暴雨仍坍入
水毫無補益必須用船運卸附近低窪山中其不甚低
者將泥增築圩岸如牆如隄岸次各有車缺旱則開缺
以引水澇則閉缺以拒水缺之開閉如閘之開閉有缺
則每缺皆閘無建閘之勞而得蓄洩之利於

聖主恤民至意曲體而力行無善於此也若夫長短丈
尺人夫多寡須官司率役丈量估算未能臆料但必得

遂初堂集 卷之五

古

實心任事通曉利弊之人監督專領方面大僚不時稽
察庶無怠玩虛糜之弊而刻日可以奏功是又在諸臺
遴選之精矣又議

上某總裁書

竊惟史莫難於志志莫難於食貨而明史食貨志視前
史爲尤難自唐以前志食貨者粗舉大綱其體甚略今
議倣宋元志例分門別類其體甚詳宋志有累朝舊史
爲粉本元志直川經世大典今則絕無所因一切創作
此其所以尤難也某不揣固陋分任此志妄以作志必
先採料木石具而後可以築室繼素具而後可以縫衣
故將明代實錄通纂一過凡片言隻字有關於食貨者
悉行節出瑣細龐雜不厭其詳益欲使一代物力登耗
度支盈絀之故了然於胸中而後可以下筆也既以實

遂初堂集 卷之五

五

錄爲主又博採諸家著述名臣奏議與凡典故實之
書次第節錄以備參考必求如是而後可以無憾惟是
三百年實錄浩如烟海約計一年一本每本中節出者
多則四十餘紙少則廿餘紙自洪武至萬曆密行細字
抄成六十餘本惟天啟實錄外間所無時在史館時在
內閣未得纂錄崇禎朝本無實錄欲從新纂長編中節
出亦未得見所缺者此兩朝耳他書如西園聞見錄硯
山齋集考之類亦纂過數十種尙欲徧閱史館志乘諸
書恨未及也智識短淺職任紛雜身兼三館強半在署
篝燈榻管常至夜分兼之家無藏書轉展借覓此有彼

無綴殘補缺此借書之苦也節略文句標識首尾條分
件繫萬緒千頭此纂書之苦也雇募手力倩乞親友日
不數紙月不數卷此抄書之苦也所以荏苒經歲工甫
垂成萬曆以前事蹟粗備據此芟緝便可成書但庀材
須富裁制須簡聚千腋以爲裘釀百花而成蜜黍伍錯
綜良非易易體大而思精著書之準的竊有志焉而材
薄任重鞭策不前用是濡遲至今非敢忽忽悠悠坐延
歲月也

遂初堂集

卷之五

笑

上某學士書

某聞善爲治者不務爲求治之名而貴有致治之實孔
子曰其人存則其政舉後儒亦言有治人無治法衰弊
之世法制禁令與盛世無殊而不能爲治者法意不相
孚名寔不相副上下相蒙苟且成俗也今天下已治平
矣百官之職掌不爲不明諸司之條例不爲不備防貪
禁奸之法不爲不嚴然而紀綱猶不能無廢弛民生猶
不能無凋弊天災地變猶不能無垂戒者何也由實心
求治之人少而大小臣工莫肯以天下國家爲事也爲
郡縣者但求錢糧盜案不累考成民生之休戚非所問

遂初堂集

卷之五

七

也爲監司者但求期會簿書得免詿誤官方之清濁非
所計也有一大事則彼此瞻徇有一大議則上下揣合
皇上欲理財則以開設事例爲經費裁減工料爲節用
皇上欲用人則越次陞轉謂之才能循例保舉謂之卓
異內廷外閫莫非委蛇將順之人早作夜思無非彌縫
掩護之術視官資如傳舍祇望超遷視仕宦如經商但
圖牟利自身家妻子而外其于國計民生漠不相關甚
至以忠言讜論爲忌諱罔上行私爲得計積習相沿蓋
非一朝一夕之故矣今

皇上重感天變赫然震怒扶輿謫訶諭以洗心滌慮經

各衙門設立科條增嚴加密至爲切要然以言乎致治之本則猶有進夫欲致治則必以實心行實政上下一體官府一心真知天變之足畏民帛之足憂惕然有同舟遇風之危朝夕講求政治之得失人才之賢否耳目心思相爲統攝若保母之乳嬰兒啼笑痛癢無所不關如農夫之治禾稼蠱蟲賊無所不去則利不期興而興弊不期除而除矣若徒恃科條以防姦藉律令以止惡有立法之名無行法之實竊恐彌縫掩護之弊更有甚于前也假如今制督撫地方官與在京大臣交通者革職此其所得而禁者輦下拜往之儀文耳使在數千

遂初堂集

卷之五

六

里外私人往來潛通貨賄能知之乎官吏坐贓滿千金者卽論死審能如法則人人皆楊震鄧攸矣度今之作吏者能如是乎夫立法遠于人情則必有所不行不行而法故在則必巧爲相遁掩覆之術愈工交通之跡愈密而議者且以爲令行禁止中外肅清也豈不殆哉夫天下未嘗無才其才未嘗不能辦事特患無以驅策而激勵之於是以其才智專用之于身家以其聰明專用之于彌縫掩護設也一變其習以其爲身家者爲朝廷以其彌縫掩護者爲拊循保障則何事不可爲何功不可立所賴二三大臣爲

皇上陳其綱領辦其本末以實心實意振起天下之人材以大機大權轉移天下之積習開誠布公信賞必罰除一切苟且之政立萬世弘遠之規則正朝廷以正百官正百官以正萬民紀綱肅而民生安矣某一介草茅罔知治體蒙閣下虛懷下問至再至三故敢肆其狂言直陳管見以爲今日所獻納者當在正本澄源之論而區區科條律比之事固可以置而弗道也

遂初堂集

卷之五

七

上某都憲書

昔夫子稱吾未見剛者蓋剛之爲德大矣大易一書以陽剛爲君子陰柔爲小人世固未有君子而不剛者至於公卿大臣身任國家之重如鼎之有足如屋之有棟安危成敗係焉若之何可以不剛也古之大臣以義正君非其義不就以道守官非其道不處嚴氣正性凜乎其不可屈也特立獨行確乎其不可奪也故曰靖共爾位好是正直自老氏之徒有太剛則折之戒有摧剛爲柔之說而世道下衰流俗之士多便之其言不幸而多中繳繳易汚隆隆易折比比皆然懲熱羹而吹壺君子

遂初堂集

卷之五

三

有所不免流風靡靡以委蛇爲明哲以緘默爲深沉以雷同附會爲和衷以遜避推諉爲練達其能卓然自立崖岸者鮮矣况能切劘當世乎其能與儕輩立異同者少矣况能與人主爭是非乎夫申屠嘉一武夫耳能戮辱天子之幸臣汲黯一主爵都尉耳能使人主不冠不見視良一賢良文學耳能廷折桑弘羊之口朱雲一儒生耳能屈五鹿充宗而折其角豈古今人之果不相逮歟若是者有本有原傳曰仁者必有勇夫惟仁人君子奉公憂國視生民之疾苦不啻疾痛在身畏天憫人之念重而持祿養交之慮輕然後能擔荷天下之事而榮

辱利害有所不計否則浮沉偃仰焉而已又曰無欲剛古之君子一介不與一介不取制行清白皜然無疵然後其氣傑然能伸於萬物之上而不撓否則突梯脂韋焉而已夫論人於中古之上所謂公忠清介者猶憂乎難之况今日哉雖然竊於公望之某之奉教於公十餘年矣見公於四方水旱吏治頗僻每咨嗟見於顏色他公卿退朝酬酢宴會庀家而已公獨居深念講求天下利病孜孜弗懈則其仁有足稱者公自叅密勿不妄交一人不輕通一刺泊掌邦憲尤屏絕交際玩好聲色一無所愛公餘之暇丹鉛不輟則寡欲有足稱者庶

遂初堂集

卷之五

三

幾無愧古大臣而可與言聖人之所稱剛者乎方今主上神聖海內乂安威德所加無思不服惟是廷中委靡選懷之習猶未盡除正直挺勁之風猶未盡覩所以振起作新之者非公曷賴易莫盛於泰其象曰小往大來其象曰內剛而外柔內君子而外小人然則世運之否泰人才之消長在剛與柔二者決之而已惟公熟察焉

與徐宮贊論唐十八學士書

君臣相遇之際不其難哉士之懷奇抱異不得自致於天子之廷者多矣僅而至焉其荷特知蒙殊遇者又加少也若其衆賢並集惓然一心以恩禮終始者蓋曠世不一見焉昔司馬東方嚴朱之徒受知於漢武王徐應劉之倫見禮於魏文僅以浮華辭辨相褒異未有功名卓犖可述於後者也其以軼羣之材遇不世出之主惟唐天策學士爲獨盛太宗提三尺劍取天下駕馭豪傑如左右手而其賓禮儒臣不啻家人父子十八人蓋天下之選也其初爲府僚而其後爲天子之吏始以文學

遂初堂集

卷之五

三

顯而卒皆有所樹立爲名臣其品第可得而言也房玄齡杜如晦爲唐賢相稱首房善謀杜善斷並有王佐之才杜爲相日淺而房在位十五年故其功烈尤著虞世南天資端毅而淹雅無所不通薛收應機立斷開發大業二人者亦宰相器也于志寧蘇世長陸德明李玄道薛元敬褚亮顏相並卓卓有古大臣風至若孔穎達姚思廉蔡允恭蓋聞達李守素並以纂述名家其寂寥無稱者惟蘇勗一人而許敬宗迎合高宗一言基唐室之禍遂至名列姦臣計此十八人中最賢莫如玄齡最劣莫如敬宗玄齡駐馬作檄初不著稟敬宗亦能草詔馬

前荅昆明帝丘之問其文學正等而人品卒至懸絕則存乎心術之端回矣天下不乏穎異閎通之士惟本末該備質有其文者爲賢太宗得人所以如此其盛者由其所取以忠孝大節爲主而輔之以儒雅行誼彌高者遇之彌親嘉世南之直諫而厚賜旌思廉之竭忠而追賞敏瞻如顏師古而不在列非以其事親無聞歟薛收歿而補以劉孝孫非以其盡心所事歟採秋實以及春花先德行而後文藝此萬世用人大經而爲臣子者尤當敦飭根本砥礪廉隅爲名臣勿徒爲文士勤職守勿徒慕遭逢則庶幾矣

遂初堂集

卷之五

三

與衛爾錫前輩書

屏退子身奄罹大故重蒙手教慰諭拳勤念人生功名利祿俱身外物惟藉此光榮其親或不惜低頭就之今某已爲無母之人縱在仕途順境猶脫屣視之况羊腸九折耶從此以後便當攀栢依松埋名絕影無復厝意於人世矣咯血殘魂萬一不死則當溫理舊業肆力經史究道德之指歸探性命之閫奧但恐獨行無朋安得好學深思逢原自得如老先生者而朝夕質疑請益耶寸心合并要亦非山川所能間隔耳出處之計聞尙未定在老先生年力正強聲望甚重內外大小皆可自見

遂初堂集卷之五

雷

流行坎止亦非某所敢贊一辭也先慈苦節至行荒迷中不能敘述萬一要不可不使大君子聞之謹附上行述一通表揚褒美尙有望於錫類之仁也伏地愴塞不知所云

復張素存學士書

前蒙指示喪紀簡當精確雖寒門下士未敢一一步趨先達而寧戚寧儉之意始終奉以從事一切儀文十九並遵來教俾大段不至悖禮何德如之首夏復蒙遠致隆奠兼辱唁書披捧之餘感激嗚咽惟老先生長德崇班輩行隔絕乃不遺微賤加禮於其親稱名之際復過從抑損有非几筵所敢當者撫謙盛德念舊高懷求諸今人百不一見惟有縷骨銘心銜恩沒齒而已敝鄉喪紀廢壞已甚深愧愚騫未能稍白尅勵因思草廬先生有言衰麻擗踊者禮之文不飲酒食肉處內者禮之實

遂初堂集卷之五

五

去古既遠文有所不能盡實則不敢不勉鄙志區區未知能無隕越否耳至卜葬一節尤極難處青烏家言茫昧難了前輩有一切抹殺者而紫陽西山亦曾講求則又似未可盡廢時師言人人殊未知誰可倚仗老先生方經營大葬當有卓見幸明教之曩何兄行迫辱翰不及裁答悚仄無已肅此布謝希恕稽遲臨紙愴塞

與李允公書

蒙示尊公所輯鴈蕩志搜採博而裁鑒精洵為佳志遵命作一敘奉上但志中略有當參酌者輒以奉商凡志必有圖鴈山奇秀尤非圖不顯舊石刻鴈山圖錯亂不足觀近石浦禪師所輯志有十八剎圖巖壑位置頗得其真但拘於一剎一圖卽剎廢而無山水者亦作一幅頗覺無謂應將石梁靈峰碧霄真濟淨名響巖靈巖觀音髻飛泉能仁羅漢瑞鹿大龍湫石門凌雲寶冠古塔鴈湖各為一圖更添蕩陰之石佛散水崖石門潭等三幅仍倣府志鴈山圖式作一總圖在前庶為明了其

遂初堂集

卷之五

又五

圖以石浦所刻作粉本更加精審方為盡善鴈山題名甚多龍鼻水左右南碧霄洞中各有三四十行大龍湫小龍湫石梁洞天聰洞內靈峰洞外皆有之先賢遺跡採錄宜先須加搜訪別為一卷靈峰寺後鴈蕩二大字石浦以為謝靈運書余洗苔觀之後有靈峰山定光立石七小字靈峰賜額在宋康定中定光似是僧名其非靈運審矣龍鼻洞前天開圖畫四大字以為朱晦翁書細看後有龍渠二字亦非晦翁筆如此類皆應辨正石浦志不載題名却載諸貴人所贈匾額陋矣王獻芝遊記中言小龍湫內有題常寶臣黃伯起來字天聰洞內

有題黃伯起字按苗振字伯起常鼎字寶臣二君題名處處見之蓋極好事者今以苗為黃誤也人言鴈山開自宋時今觀南碧霄洞中題名有太守夏啓伯到山發揚建寺開元二年九月日則唐時已有寺但不省發揚建寺為何等語耳大龍湫內張環唐三大字筆法似顏魯公亦是唐人無疑龍鼻洞下一巨石如屏上有宋人王某一絕後兩句云頭白山翁貪漱齒杖藜日日過橋西詩字俱佳石梁洞高處有延陵吳子孝一絕並宜採入志中樂清志白雲雲外二僧傳下載射詩投贈事以為徐文貞階今薛方山志內自敘此事則是薛非徐但

遂初堂集

卷之五

又

樂清志却載所射之詩今志收薛他詩一首而不及此似宜補載詩云白雲雲外在山隈欲往從之莫扣扉有悟不須相對面無緣猶自願畱衣人當了處方知汝事未休時肯息機我亦塵凡難解脫桃源咫尺路皆非靈巖有石刻回道士龍鼻水一絕字畫繚繞詩亦出韻今人便謂真純陽作矣其末行云大將軍虞都楊宗業觀兵海上歷四區登鳳之鴈蕩雷至龍鼻時戊申歲也按楊宗業是明代人今江心寺有畱題一碣益証此非仙筆劉直州鴈山賦刻石四片尊公從窰下搜得一片復從佛座下換出一片其刻缺字求刻集補完全頃至靈

峰洞從寺窺旁出第三片命從人楊出終恨缺尾偶徘徊前殿見簷下承柱殘石有字正是此賦殿未蓋尤急令僧換出柱旁復得一殘石文與相湊而猶未完余弟人瞻復從窺屋窓砌下搜得一段正是礪刀缺字者蓋末片復裂爲三矣賦既宏放字復遒整可稱山中佳蹟寺僧不知寶重使其零落至此乃五十年前遇尊公今茲復遇余兄弟遂得璧完劍合文章有神不其然耶已囑僧取出洞中二片聯砌壁間庶免再缺未知能用余言否也凡諸遊記及詩當載入志中若爲記及詩作序者大抵贊美作者於山水無所發明可以不載卽諸詩

遂初堂集

卷之五

三

冗率者亦當刪去崇禎末臥雲禪師結茅鴈湖絕頂吳人顧超在魯藩幕中爲作募建鴈湖禪院疏語絕宏麗有刻板在能仁寺今志止載其上臥雲啓而疏文未收宜補入大龍湫之上爲龍湫背在西內谷石門寺西北去踰數高峰至鴈山絕頂有鴈湖焉在西外谷相去二十餘里邈不相涉自舊志有鴈湖水南出爲大小龍湫之語遂誤以鴈湖爲龍湫背畫家往往於龍湫上作鴈湖數點真大枉事亟須辨明遊山不應草草著書尤非易事好學深思如尊公者世能有幾余來恨遲三年不獲與之掀髯抵掌上下其議論聊抒一得仰佐高深畢

日劄記此書幸採擇焉

遂初堂集

卷之五

三

與徐虹亭書

村居閒寂不聞世事前有來自城中者言黃溪史氏將以仲彬入鄉賢免紳士爲之具牒弟謂事未必行既有言牒竟上年兄亦列名者尚疑傳之者悞昨面訊始知不妄何意年兄亦隨波逐流漫無可否也吾輩林居固不當以姓名輕入官府或有大利大弊不得已而公言之亦不必列名呈牒今史氏事何爲者仲彬始終一糧長本無從亡事因萬曆間議褒卹遜國諸臣史氏不無歆羨故僞造身錄以欺世然以他書及墓表行狀驗之純漏百出故錢牧齋李映碧皆昌言排擊而先兄國

遂初堂集

卷之五

五

史考異松陵文獻中辨之尤詳此年兄所熟悉者往年
在史館與監修總裁諸公商榷及此業有定論今乃隨
俗徇情爲之請預祀典明知其不可而曲從之無乃少
執持歟鄉賢大典前代極慎重至祀於郡學尤爲簡嚴
必擇本邑祀典中尤賢者升之吾邑惟吳氏小尚書周
恭肅公忠毅公乃入府學祠今仲彬一材能稅長且獄
死者一旦躋諸三公之列恐仲彬之靈亦有所不安而
闔郡祀典爲之不光矣兄言忠義美事與其過而廢之
也寧過而存之此在疑信相半者則然仲彬未嘗從亡
乃斷斷無疑者年兄若猶有疑何不取遜國諸書及匏

菴西村諸集再一考究而乃漫不留意率爾應之乎其
或久列祀典方在議撤猶可曰寧存毋廢今以三百年
未經議及之人一旦欲參大典豈可不詳加論定而爲
此姑息之說乎兄又言此非一人之事且未必卽行是
又不然史氏必欲求兄列名者以兄一邑之望爲當事
所知故也兄既列名當事將曰某人非泛泛者必有確
見乃預此事事將必行是悞當事以弗浚考者吾兄也
春秋責備賢者不兄責而誰責乎兄又言與史有親難
於峻拒史族浩繁誰無親誼惟其親也當爲之效忠告
從亡有無久置不論今爲此舉必有疑而考之考得其

遂初堂集

卷之五

五

實而駁之者將使積年沉晦之虛假復發揚於今日豈
爲善尊其祖者乎兄不能諫止而獨激其身猶爲未盡
親誼况可推波助瀾贊成其事乎寒門與史氏亦係世
親而弟斷斷言其不可者誠謂君子當愛人以德不欲
成其過舉知我罪我所不計也史氏之先人莫賢於明
古又多所論著若以之列鄉賢誰曰不宜史氏誠欲表
揚其先人應將西村集未刻者盡刻之而請祀明古於
邑祠則誠孝子慈孫之事不此之爲而以譌誣徒滋
物議亦何益矣今彼重刻致身錄多所增飾益復謬悠
聞方求年兄作序此則斷宜謝絕者佳者不可諫來者

猶可追忝爲忘形之友有所見不敢不言想能恕其狂直也尚容面悉不宣

遂初堂集

卷之五

三

再與徐虹亭書

前因史氏乞以仲彬入鄉賢年兄列名公呈之首故特致札言從亡事不實不當爲之請祠未有彼若求序斷宜謝絕之語謂必垂採納近見史氏所刻流芳錄則大序裒然在首簡而詞氣激厲若重有所不平者然殊不可曉將謂身在事中不得不證成其是耶抑真信有從亡事也據序首云士君子讀書論世考究是非不當變亂黑白善哉言乎此正弟之合意欲申者也明人著述專紀遜國事者有革除遺事建文編年姜氏秘史革除遺忠錄建文書法擬遜國策編建文朝野彙編諸書曾

遂初堂集

卷之五

三

有一字及仲彬乎其大部書如鄭氏吾學編王氏史料何氏名山藏朱氏史槩等傳遜國臣者曾有一字及仲彬乎吾兄何不一讀諸書而唯致身錄之讀乎成祖威令何等嚴酷仲彬家當驛路乃能容建文帝淹留兩月往還數次仲彬身爲糧長而又分身從亡奔走萬里外建文帝披緇浚山而舉行卹典謚仲彬以忠獻有是理乎無是理乎盡亦論其世乎錢牧齋李映碧黃太冲諸先生亡兄與弟皆因考究而知其必無吾兄正因不考究而信其或有兄言及此弟之幸也改竄匏菴之墓表增損明古之行狀偽造誥勅妄稱官爵白乎黑乎孰爲

變亂孰不變亂乎又言宜以忠厚存心毋爲峭刻以倭
辨博夫論事與斷獄同直者直曲者曲方爲愛書實者
實虛者虛方爲公論倘不問其是非真僞而槩曰隱惡
揚善則是以徇庇爲忠厚以執法爲峭刻也其可乎又
以焦公竑李公維禎錢公士升陳公仁錫文公震孟周
公宗建張公溥皆有序爲可信按今史氏重刻致身錄
中諸序多出假託焦序收齊已言其蕪陋非太史筆李
氏大泌山房集初無此序周忠毅公遺文具在何嘗有
此一篇卽觸奄歸來一語顯然敗闕近者如此遠者可
知譬如有人造作李龍眠畫綴蘇米黃晁諸跋於其後

遜初堂集

卷之五

三

畫若不真卽跋真不取况併跋亦僞耶又言史館中亦
有致身錄爲不可廢史局初開時博求典籍於外致身
錄旣曾刊行固宜上諸有司然史館中竝無單本致身
錄吾兄所見者乃遜國逸書中所載致身錄一種耳逸
書乃錢公士升刻之明末者意在勸忠未暇考核最穢
媒如冤報錄亦從收採其可據以爲信耶史館中稗官
野史無所不有正賴載筆者裁擇宜字字皆實錄耶又
言明季卹謚章著聞弘光中褒錄遜國諸臣曾有齒
及仲彬者隨經李映碧疏駁而止史氏所稱忠獻公者
重刻致身錄以爲建文之易名流芳錄又以爲弘光之

贈謚一彼一此譴張閃鑠皆子虛烏有之談其可信耶
昔人說經考典雖父子師弟不必盡同弟又安敢強兄
以必同但兄果有確見何妨特出一書取錢李黃三公
與賤兄弟所考辨者一一駁正弟且翻然樂從若猶是
耳食臆斷而已豈得封已護前反謂人變亂黑白乎鄉
人演劇作蔡中郎故事觀者羣歎趙娘之賢譏伯喈之
不孝有村學究徵引史傳辨其無是事田父聞而怒之
謂其是非大謬達人兩笑之從亡預祀直可作戲劇觀
弟旣爲學究之饒舌而兄又益之以田父之怒詈其皆
可以已乎莊語之不入喻言之或可通若猶有疑則弟

遜初堂集

卷之五

三

別有正譌錄一編專訂此事續當請正昔韓退之柳子
厚最相善而論修史格格不合其書竝存集中弟所見
如此或從或否不妨賜答望之望之

與梅定九書

向聞道駕久留畿南春間張簡菴來始知近已歸里兼獲手教併新著種種欣慰無量諸學術中惟曆數最爲與曠儒者罕能通知某少承寅旭先生屢相勸誘情不肯學近頗願學而僻陋無師家有不全曆書數種時一搜尋稍能領會曾習西算亦知運籌但曆表中起例甚略得數時有參差胸中積疑甚多正思面請教益讀大著疑問舉要三種凡曆中盤根錯節處一一剖析疏通誠後學之梯航擬作一序發揚功能若夫受知

當宁力請還山異數高懷更不必言矣寅旭圖解雖本

遂初堂集

卷之五

五

大測而兩弦相因兩弧損益等殊多心得理深詞簡知之者希得大文二首爲之表章兼有意補作圖註俾成完書何幸如之近復得其五星行度解一卷謂土木火三星皆左旋五緯皆在日天之內說甚創闢果如其說則歷術大關鍵也尊者疑問末篇中亦有上三星左旋之說與相合否輒錄奉寄其說是則求著論證明之否則卽加駁難勿嫌異同也大統曆啟蒙此間有之西曆啟蒙尙未覓得其所著曆彙約有數年不止丁未皆大統法也先兄有曆書一本擬置史書中者敘一代曆法始末頗詳續當奉寄茲先以辛丑曆辨一篇附覽聞鄴

架收藏書甚富薛儀父天步真原四線表及天學會通諸書悉有之否尊著諒不止此五種渴欲請正倘先生乘興來吳畱連旬月共商千秋之業所禱祠而求必不能來則擬竭誠奉訪但早晚未可定耳當今通曉曆學者自楊子宣而外尙有幾人乞明示之吳門有黃士修能通西曆兼多巧思能手造諸儀器嚮慕先生甚殷如能馳叩當有詞音相候簡菴遂於曆學而力排西法某所得甚淺不敢與之往復然曆學中能立異同人正不易得耳

遂初堂集

卷之五

五

與人書一

六壬之術始見于吳越春秋蓋與遁甲同作而其義皆本于易之乾乾納甲壬故奇門以甲爲真符而六壬月將起于登明乃天一生水之義也范蠡文種諸人用最精或曰授之計文子卽計然云或曰其術起于東漢諸儒以陰陽星歷爲內學而趙曄作吳越春秋遂勦入其說然越絕書所載公孫聖云今日壬午時加南方命屬上天不得逃亡又在曄所著之前謂曄僞造者誣也自漢以來東方朔管輅之徒多能遵用其法然所占課類不數見豈史神其驗而失其占耶若壬書所引晉戴遂初堂集

卷之五

壬

六壬之說浩博艱隱學者每望洋而返亡兄力田畱意三式之學于六壬尤多悟入嘗謂當世所尙大約有三或專論課體而失之拘或專責類神而失之粗或雜取神煞而失之支皆不可以爲法無已則有古人之斷例在乃歷考春秋以來范少伯伍大夫所稱述迄于宋劉觀邵南諸家占法輯爲一卷名曰壬林首列其占次列其斷例又次附以己意以著其得失之故使人知有依據而非空言也蓋五行生賊制化與夫王相死生之神而明之存乎其人而亦莫不有法焉其人雖往其法遂初堂集

卷之五

壬

具在此書所輯天時人事兵機物數之占明且切矣學者誠能得其法而因以悟用法之意則其于壬課猶方圓之規矩耳夫規矩不能爲方圓而巧不能生于規矩是亡兄所以論次此書之意也茲錄一通奉覽沉潛如足下其必能溯流而窮源也夫

與人書二

遂初堂文集卷之六

重刻漢紀序

代

自隋唐以來編書者馬班以下諸家之書謂之正史荀
袁以下諸書謂之編年之史夫編年倣於春秋依於左
氏年月日事相繫其體甚古其例甚精而不得謂之正
史何也唐志正史著於錄者七十五家九十六部五千
餘卷而編年止四十一家四十八部九百餘卷何其盛
衰相去之遠絕也無乃左右史之失其職而致然歟抑
人情喜新樂異紀傳易於瑰奇編年近於平實故作
者多捨此而取彼歟紀傳於一人之本末一事之終始為

遂初堂集卷之六

一

詳編年則比事屬辭刪煩舉要若網二體各有偏
長一經一緯異同足以相參是非足以相正學者必博
考而兼通廢一焉不可也司馬溫公作通鑑先之以叢
目次之以長編編年之體於是大備溫公之意以人主
不能徧觀全史故刪取其要勒為一書按獻帝以班書
太繁詔荀悅撮總其事纂八十餘萬言為八萬餘言辭
約事該溫公書實倣而為之世但知通鑑學春秋耳春
秋以編年為編年者也漢紀及通鑑改紀傳為編年者
也改紀傳為編年其迹似因而其功實創也溫公惟知
其難故數稱荀書次西漢事多捨班而從荀乃今通鑑

盛行而漢紀一書若存若亡學者多不得見至如袁宏

千寶華嶠習鑿齒諸家之書遂無片言隻字見存於今
可勝悼哉可勝悼哉余家累世藏書盡於兵燹茲來晉
陽市肆之書漫不足觀民間又鮮藏本間訪傳青主徵
君於松莊案間見有荀氏書喜甚假以歸手自校讐往
往與班書相出入蓋荀書雖據依班氏他所撫採尚多
故頗存異同又有班書所未載者參得失廣異聞固悅
本志也後人每據班書以改此書而其誤彌甚宋吳巖
李氏已言印本多訛此本為明黃姬水所刻舛錯不少
適顧亭林先生來為點定一過刊誤存疑遂為善本因

遂初堂集卷之六

二

念古書之在天壤日遠日亡此書在南方尚稱難得况
於北地遂割俸刻之俾學史者有考焉異日得袁氏書
當續梓其後簿書俗吏倥傯及此固自笑其迂愚世有
好古君子未必不鑒余之區區也

日知錄序

有通儒之學有俗儒之學學者將以明體適用也綜貫百家上下千載詳考其得失之故而斷之於心筆之於書朝章國典民風土俗元元本本無不洞悉其術足以匡時其言足以救世是謂通儒之學若夫雕琢辭章綴輯故實或高談而不根或勦說而無當淺深不同同爲俗學而已矣自宋迄元人尚實學若鄭漁仲王伯厚魏鶴山馬貴與之流著述具在皆博極古今通達治體曷嘗有空疎無本之學哉明代人才輩出而學問遠不如古自其少時鼓篋讀書規模大第已大失古人之意名

遂初堂集卷之六

三

成年長雖欲學而無及間有豪雋之士不安於固陋而思嶄然自見者又或採其華而棄其實識其小而遺其大若唐荆川楊用修王弇州鄒端簡號稱博通者可屈指數然其去古人有間矣崑山顧寧人先生生長世族少負絕異之資潛心古學九經諸史略能背誦尤留心當世之故實錄奏報手自抄節經世要務一一講求當明末年奮欲有所自樹而迄不得試窮約以老然憂天閔人之志未嘗少衰事關民生國命者必窮源溯本討論其所以然足跡半天下所至交其賢豪長者考其山川風俗疾苦利病如指諸掌精力絕人無他嗜好自少

至老未嘗一日廢書出必載書數籠自隨旅店少休披尋搜討會無倦色有一疑義反覆參考必歸於至當有一獨見援古証今必暢其說而後止當代文人才士甚多然語學問必欽衽推顧先生凡制度典禮有不能明者必質諸先生墜文軼事有不知者必徵諸先生先生手畫口誦搜源竟委人人各得其意去天下無賢不肖皆知先生爲通儒也先生著書不一種此日知錄則其稽古有得隨時劄記久而類次成書者凡經義史學官方吏治財賦典禮輿地藝文之屬一一疏通其源流考正其謬誤至於歎禮教之衰遲傷風俗之頽敗則古稱

遂初堂集卷之六

四

先規切時弊尤爲深切著明學博而識精理到而辭達是書也意惟宋元名儒能爲之明三百年來殆未有也未少從先生遊嘗手授是書先生沒復從其家求得手藁較勘再三繕寫成帙與先生之甥刑部尚書徐公健菴大學士徐公立齋謀刻之而未果二公繼沒未念是書不可以無傳携至閩中年友汪悔齋贈以買山之資舉畀建陽丞葛受箕鳩工刻之以行世嗚呼先生非一世之人此書非一世之書也魏司馬朗復井田之議至易代而後行元虞集京東水利之策至異世而見用立言不爲一時錄中固已言之矣異日有整頓民物之責

者讀是書而慨然覺悟採用其說見諸施行於世道人
心實非小補如第以考據之精詳文辭之博辨歎服而
稱述焉則非先生所以著此書之意也

國史考異序

作史猶治獄也治獄者一毫不得其情則失入失出而
天下有冤民作史者一事不核其實則溢美溢惡而萬
世無信史故史筆非難博聞多識為難博聞多識非難
參伍而折衷之為難以司馬子長為史記而劉知幾輩
時摘其訛以歐陽永叔為唐書而吳縝歷糾其謬則討
論之功或未盡也明有天下三百年而史無成書舊筆
編纂凡十數家淺陋蕪雜者固不足道即號稱淹雅儼
有體裁者徐而按之亦多疎漏舛錯不得事情良以列
朝實錄秘藏天府士大夫罕得見而野史家乘淆亂紛
遂初堂集

樛惟憑一說鮮不失真也亡兄力田以著作之才盛年
隱居潛心史事與吳赤溟先生搜討論撰十就六七亡
兄尤博極羣書長於考訂調著書之法莫善於司馬溫
公其為通鑑也先成長編別著考異故少抵牾李仁甫
倣其體為九朝長編雖無考異之名而事蹟參差者備
載於分注蓋必如是而後為良史於是博訪有明一代
之書以實錄為綱領若志乘若文集若墓銘家傳凡有
關史事者一切鈔撮薈萃以類相從稱其異同核其虛
實積十餘年數易手藁而成國史考異一書盛為通人
所稱許專言國史者野史家史不可勝駁惟實錄有疎

畧與曲筆不容不正參之以記載揆之以情理鈎稽以窮其隱畫一以求其當去取出入皆有明徵不徇單辭不逞臆見信以傳信疑以傳疑全史之良畧見於此矣方諸近代惟王弇州二史考錢牧齋實錄辨證體製畧同然王氏畧發其端而未及博考錢氏止成洪武一朝而餘者缺如茲編中亦援引二書而旁羅明辨多補二家所未及且有駁二家所未當者牧齋嘗見此書而貽書亡兄極相推服有周詳精密不執不偏知史事必成可信可傳之語藉令天假之年從容撰次俾有完史縱未敢言上追班陳下匹歐宋而視近代諸家之書或當

遂初堂集

卷之六

七

差勝無端遭潯溪之難不與其事而橫罹其禍併自著之書亦從灰燼天實爲之謂之何哉考異全書合有三十許卷今惟存六卷高皇讓皇文皇三朝之事當考正者畧具焉不忍其泯滅支綴舊刻使之流通嗚呼前漢之史成於班氏一門梁陳之書纂於姚氏兩世余之謫陋不能踵成信史併考異散佚者亦未遑補續獨撫遺編慚恨何窮敢述亡兄著述之本指與裁擇之苦心用告後人此非史也而作史之法具焉雖孤行天下可也

寇事編年序

有明中葉如武宗之敗度熹宗之不君皆足以亡然不亡而亡於懷宗遘患如土木之蒙塵倂幸如彬寧之亂政奄寺如振瑾忠賢之肆毒皆足以亡然不亡而卒亡於流寇懷宗非失德之君流寇亦可辦之賊而日蔓月滋舉天下之全力莫之能制此豈獨一機一策之失哉其所由來者漸矣畧言其故厥有多端一由於守令貪殘明之末造政以賄成親民之官莫肯留心撫字但知剝下媚上以取陞遷民不勝誅求則羣起而爲賊賊日多而民日少以有驅之者也一由於大吏玩愒承平日

遂初堂集

卷之六

八

久人不知兵督撫監司多文臣少武畧寇之初起蔑視爲不足平及其方張則爭言招撫曰姑撫之而修我戎備一就撫則恬然無事而不爲之虞間有才能練達者又意見不協文法拘牽莫克奏功一由於武臣驕蹇三百年來武途積輕文臣率奴隸視之一旦有事以爲迫而用我其庸驚者既選輒畏縮卽知兵任戰者亦養寇自封督責之急不得已力圖取一捷卽高壘自便策調不前三者皆寇之資也而其根本則在於朝臣植黨而營私爲人擇地不爲地擇人人之媚已者親之異已者憎之所親予善地所憎予危疆不問其能勝任與否惟

用以快恩讐主上用一能臣則羣而咻之商一良策則
比而撓之遂使明作有爲之主宵旰焦勞於上而愈理
愈紛愈撲愈熾卒至國亡身殉而後已故曰去河北賊
易去中朝朋黨難痼疾成者不可瘳木心蠹者不可扶
豈非百世之炯鑒哉凡爲史者將以明著一代興亡治
亂之故垂訓方來明亡於流寇蹂躪遍天下自起至滅
二十餘年是宜有專書紀其始末亡兄有意編纂明代
之書先師戴耘野先生爲之分任寇事崇禎一朝無實
錄取十七年之邸報與名臣章奏私家記載採輯成書
用編年體排日繫事不漏纖毫依司馬溫公先叢目次

遂初堂集 卷之六

九

長編後通鑑之法寧詳毋畧寧瑣毋遺提綱綴目有條
有理自延綏起事迄西山餘黨之滅凡十八卷吳梅村
先生作綏寇紀畧既刻成有以先師之書告者購得數
卷歎曰志寇事自當以編年爲正恨見此書晚耳先師
旣沒未求得其藁崑山吳修齡以爲太繁稍加刪節附
著已見頗有發明一展卷而寇之出入去來盛衰分合
燦若列眉實史家之要書也覽者詳考焉而見當時禦
賊之方何者爲得何者爲失若覆敗局而審筭之一一
可了其細故蓋不可勝言茲特論其大者揭諸簡端以
爲力殺賊不如使民無作賊欲安民必先擇吏擇小吏

必先大吏欲外臣公廉必先廷臣精白此端本澄源之
論閱是編者重念之哉

遂初堂集 卷之六

十

殉國彙編序

前代殉節之臣未有如明之衆者也兩漢之末莽操擅權陰移國祚漢臣多歸心焉盡節者蓋寡唐安史亂猶多死事之臣迄於昭哀不少概見兩宋垂亡見危授命之夫班班史傳然未若有明自靖難時殞身湛族者已指不勝屈比其亡也中外臣僚捐生殉義踵背相望且有未沾一命而奮身報國視死如歸者較之宋朝殆多數倍此曷故哉太祖得天下最正列宗繼世最長久浚仁厚澤洽於民心而尤慘痛者崇禎帝非亡國之主以一死殉社稷實亘古所無其足動人哀思而激發其忠

遂初堂集

卷之六

十一

孝空也貞臣烈士天地之正氣身可殺名不可泯故有身膏齊斧爲世大禁而兒童婦女猶樂道其姓字者然載筆之士往往拘於忌諱致使不登志乘不列簡編歲月浸久或遂湮滅無聞先師戴耘野先生有憂之銳以編纂爲已任懷鉛握麈博訪旁詢得一人一事喜動顏色折簡書之孜孜汲汲三十餘年乃成殉國彙編一書藁凡數易初以地分繼以事斷最後定以官敘自閣部大臣以至布衣諸生自京都以至滇黔閩粵無慮千餘人又以女子死節者別爲骨香集隱遯後死者爲耆舊集通三十餘卷雖不敢謂明季殉節者悉列無遺而覩

記所及畧備矣先生一儒生而忠義性成乙酉秋嘗欲

從屈平遊而不得逃於浮屠旣乃歸里教授終身不入城市於編中諸人寤寐以之殫一生心力從事於此晚年嘗失其書傾產購得之而不全復搜討足成之其勤至矣嗚呼鐵函之書至易代而卒顯轉藏之藉歷數朝而竟傳毅魄所憑不可磨滅況乎與朝寬大不罪忠於所事之人嘉內監王承恩之殉主賜葬賜碑褒旌備至明史局開屢論在事無有所隱執簡者固當倣宋史之例于文陸諸人大書特書而先生此編無嫌無忌及今流通於世以備史家採擇以爲臣子勸忠可也奚必

遂初堂集

卷之六

十二

藏之名山傳諸異日哉

曉菴遺書序

吾邑有耿介特立之士曰王寅旭生而穎敏絕倫不屑爲干祿之學枕經藉史綜貫百家心思銳入凡象數聲律之學他人苦其艱澁紛囂望崖而返者君獨殫精研窮必得其肯綮而後已尤邃於曆學兼通中西之術非徒習其法而心知其意非徒知其長而能抉摘其短自立新法用以測日月食不爽鈔忽神解默悟不由師傳蓋古洛下閎張平子僧一行之儔也性狷介不與俗諸著古衣冠獨來獨往用篆體作楷書人多不能識有識其詭僻者然實坦夷粹白內行潔修砥節固窮有古人

遂初堂集

卷之六

三

之操與亡兄方田最善館余家者數年晚客語溪與張考夫錢雲凡用晦講濂洛之學德望益尊門人日進而疾病纏綿以中壽沒曆學竟無傳人吁可悼也余少時君以爲才而弟畜之講論常窮日夜勸余學曆粗有端倪以事散去不能竟學余遠遊及入仕君數遺書以古誼相規濳感其意比余歸里而君已逝且無子爲拜其墓而哭之從其家求遺書大半亡佚得詩文二帙著書數種有曰大統曆西曆啓蒙者彙括中西曆術簡而不遺曰丁未曆彙者君每歲推大統曆此則摯余布算者也曰推步交朔曰測日小記者辛酉八月朔當日食

君以中西法及已法預定時刻分鈔至期與徐圃臣輩以五家法同測而已法最密故志之也曰三辰晷志者君創造一畧可兼測日月星自爲之說自爲之解其文倣考工絕古雅曰圖解者解勾股割圓之法繪圖立說詳言其所以然乃治曆之本源也而曆法六卷最爲完書會通中西定著一法法數備具可用造曆序中言西曆之於中曆有不知法意者五事當辨者十事非甚澁於曆莫能曉也其詩沉鬱刻澁文簡質以理勝而曆說曆策左右旋問答答萬克宗徐圃臣諸書言曆事者尤精核可傳憶亡兄修史書君分任十表索其藁無有矣

遂初堂集

卷之六

十四

嗚呼天之生才將以濟世也曆術之不明遂使曆官失其職而以殊方異域之人克之中國何無人甚哉幸有聰穎絕世學貫天人能製器立法如王君者而生世不逢埋光晦迹其學不見用於時而亦無有能傳之者天之生君果何爲耶幸其書猶存其理至當烏知異日不有表章推重見諸施行者是君亡而不亡也謹錄而藏之稍有餘力則當鏤板以廣其傳宣城梅定九亦精曆術最服膺君著述亟訪求之不待千載而有知子雲之人君亦可以無憾矣

格軒遺書序

昔班孟堅之稱叔皮曰學不爲人博而不俗以是知爲人之學皆俗學也自科舉之法行士爭趨於速化不惟專治經生家言者保殘守已安於固陋卽見謂貫穿經史出入百家而其意止於掇摭藻采增益辭鋒以供發策決科之用採春華而遺秋實有枝葉而無根柢夫安得不謂之俗學乎吾邑固多人材然有明三百年其卓然可列於儒林文學者蓋亦無幾則科舉之學驅之使然滄桑以還士之有才志者多伏而不出盡棄帖括家言而肆力於學於是學問文章彬彬可觀一時隱君子

遂初堂集卷之六

五

自先兄力田而外若先師戴耘野吳赤漢及徐介白張文通王寅旭輩皆以實學真品著聞其不甚著者則有顧英白先生先生幼而好學遭亂絕意進取盡發古人之書研窮討論務爲有用之學自天文地理曆術算數水利農田以至經脈藥石卜筮占候之術莫不搜其源委得其關鍵然未嘗表襮於人人亦罕知之先兄與先生初不相知聞其善屬學試請推日至一握算而成遂定交薦之姊夫畢修仲家爲塾師自是數往來余家余少時猶及見之古貌古心言訥訥不出口質以經史疑義則響應不窮外和而內介非其義一芥不取落落難

合寧飢寒不妄就人竟窮約以死余刻松陵文獻時補隱逸諸傳求先生著述不可得未及大表章頃見修仲之弟雲臯自言受業於先生久受知最濫嘗以遺書相託沒後百計訪求十得四五間抱其書來可三十餘帙皆細書密註手澤猶新爲之泫然悲且喜其書約有三種一曰撰述考古證今發爲辨論凡詩文之屬皆在焉一曰編纂取前人成書舉要刪煩訂謬補缺附以註釋令後學易於討求三曰評選取諸子百家漢唐以來之文及明人之詩考其源流疏其正變惟至精至粹者錄焉蓋先生於學無所不究心而能沉潛討論務爲精核

遂初堂集卷之六

六

大之期有益於身心次之期有裨於世用非誇多圖靡者比學不爲人庶幾近之舉世方尚俗學宜乎知先生者寡異日有好學深思之君子因遺書以見其用心之勤學力之遠先生其不亡矣乎今人薄於師友有身至通顯而諱言其師之姓字者雲臯窮老困頓獨能收拾先生之遺書寢食與俱惟恐失墜有侯芭李漢之風余故因其請而敘之亦將以補文獻之缺略也

尚書講義序

先儒之學窮經而已矣一經明則一生之學術功業皆出焉其治之也專其用之也博故有專家授受之學而士不通經爲不足用近代取士試之以帖括之文局之以一家之說既大異乎古又先四書而後五經人爭致力乎其先者而經學益衰然前朝場屋中猶經與書並重學使者試士亦必有經題今小試廢經不用而場屋中止視書義爲去取經義取不失旨而已不必精通考官例不得閱所習之經而閱其所不習者舉子益視經爲具文而經學或幾乎息矣夫先孔子而有經孔子特

遂初堂集

卷之六

七

刪定焉而以之垂教身通六藝所以爲七十子也今乃弁髦而土苴之可乎居今之世欲重實學必先尊經欲尊經必令衡文者毋專以書義爲去取庶幾士勉窮經而如綫之經學不墜於地此持世教者之責也雪崖麗子世習尚書以其經舉於鄉比應薦試瑤璣玉衡賦以習書故尤精切稱旨遂擢官禁林迨出守建寧先刻其大父修予公所撰尚書正旨茲復刻其曾大父川甫公所撰尚書講義以序屬余余受而卒讀焉其大義一遵蔡傳而於經文隱奧及詰屈聲牙之處皆曲爲暢通且撮其要領鑿括成文言約而義該理融而辭洽蓋

萃諸家論著撮其菁英而出之者壁經得此猶如漆室之燈緘縻之鑰津梁來學莫便乎此矣川甫公經明行修而闡試不售僅官學博嘗受知於高陽孫文忠公延爲子弟師文忠當國使人謂公邑宰可得也公謝不應竟以教諭終爲人篤誠和易從而受經者戶屢常滿往往得雋以去三傳而業益昌畿南稱明尚書者首龐氏此書止一葉本藏於家公之孫遭兵亂失之既三年忽得諸鬻書者蓋公一生精力結聚於是不可泯也雪崖官京師貧不能付梓會守建寧麻沙乃刻工之所萃始獲板行之去作書時蓋七八十年矣讀之不惟見作者

遂初堂集

卷之六

八

之經術淳淡亦足明前朝取士猶重經義士子尚多以治經名家者至於今而渺然無聞然羣聖之緒未宜絕安知無振興之者異時經學或大重則此書實爲壁經之先路學者常家置一編龐公之姓名且與伏生同不朽矣雪崖之不私爲一家言也旨淡哉

文選論注序

文選一書昭明敎文弊而作也秦漢以降作者如林雖風會遷流體製不一莫不本之以質宣之以文溫厚淳澁有典有則江左稍尚華瞻下迨齊梁駢麗之習成聲病之學盛取青媲白鑣葉雕花日趨於纖麗而古初渾樸之意盡失昭明有憂之於是芟次七代菁華羣言擇其文之尤典雅者勒爲一書用以切劘時趨標指先正譬猶陳鼎彝於綺席之間奏鐘呂於繁音之會也跡其所錄高文典冊十之七清辭秀句十之五纖靡之篇十不得一以故班張潘陸顏謝之文班班在列而當時有

遂初堂集

卷之六

九

名文士若王筠柳惲吳均何遜之流槩從刊落崇雅黜靡昭然可見世人不察類以文選爲六朝駢麗之書真耳食之論矣昔人爲學有本有源文選者藝林之根柢詞門之闢闢唐人服習此書不啻高曾規矩卽退之于厚卓然以古文自名者其初亦熟精選理自宋以後此學遂衰今之爲古文者既侈言左史韓歐薄選體爲不足觀而爲詞賦之學者亦徒知拾徐庾之糟粕效溫李之顰笑求其淵源漢魏含吐風騷者槩乎未有聞焉空疎淺陋之弊於何救之亦救之以昭明之書而已文選注存於今者李善五臣各自名家大抵援引輿博卷帙

繁多倍於本書明張鳳翼氏始刪繁就約爲纂注一書盛行於代顧其間採擇未精踳駁不少吳興閻亦如先生精於選學復爲淪注一書綜括六臣疏證伯起名物意義詮釋無遺簡而明曲而該諸家莫之能尚歲久鏤板散佚其後人持以見歸因爲訂譌補闕重加剞劂使爲完書夫選學之久荒由其書多淺文與義學者不能驟通注家又多鈎章棘句讀不可了使學者畏難苦勞漸致蕪廢今淪注之爲書提綱挈領疏滯析疑具有條理使讀者豁然心開有導窾之樂無望洋之苦方今聖主右文一時鴻生魁儒皆在金馬石渠之列選學復

遂初堂集

卷之六

十

與將在於茲學者誠能因淪注以精文選因文選以見古人制作之源流庶幾文章爾雅訓詞敦厚於以發揮皇猷潤色鴻業彬彬質有其文此書不爲無助纂言者盡心焉可也

明文英華序

文之有選自梁昭明始綜攬八代千餘年成書止三十卷詩賦復居其半爲文僅二百餘篇可謂隘矣又所取多駢辭儷句偏於一體非文章之極則然其書流傳至今家諷戶誦良以時代既遙專家文集勢必散佚惟掇其精英裒爲一編庶幾可久觀夫漢魏以還之文不見他書獨賴文選以存者衆矣謂非昭明之功不可也自後唐有文粹宋有文鑑元有文類雖去取不盡精書或備或不備而一代之文差有統紀明有天下三百年作者如林雖體裁遞變純駁不一要不可謂無文章而迄

遂初堂集

卷之六

三

今未有整齊薈萃勒成一書者此豈非學士大夫之責歟往余在京邸嘗與朱子竹垞商榷斯事竊謂明代名家如宋金華之渾厚方遜志之英爽吳匏菴之淳深王文成之明達唐荆川之紉徐歸震川之簡潔錢牧齋之雄博黃陶菴之堅凝是皆天地元氣其專集行世炳然與日星爭光罔不待選以傳此可以選可以無選者也洪永以降成弘以前人崇實學爲文多有矩矱而刻集不廣日就湮沒其僅存者雖不甚著名之家單篇隻簡亦多可觀此必藉選而後傳者也嘉隆以後摹倣蹈襲之風盛行鉅公聞人輒有文集汗牛充棟大半蕪葑間

有名篇傑作如珠汨泥如蘭沒草其不同歸覆瓿者幾希此非選必不傳者也竹垞深然余言亦嘗有意共爲討論而蹉跎未果此歸里門則顧茂倫先生已從事於此再踰年而書成屬余爲之序且告之曰近代之文英病于多浮辭少實義三百年文章浩如烟海吾惟取其有關於朝章國故民風世變者與夫賢臣烈士之終始義夫貞士之事蹟則錄之論古足以訂譌考異述今足以發潛表微則錄之其他遊談卮辭佞諛之文浮夸之語雖工不載人則寧遺顯而收隱世則寧略後而詳前信斯言也微獨前明卽以此衡量百代之人文奚不可

遂初堂集

卷之六

三

者夫知古而不知今謂之蔽見遠而不見近謂之朦學者高語秦漢而明代之文曾未寓目是猶窮江海而迷溪湖陳鼎彝而缺杯棬也得是書而尋源以達委探本以竟末歷代文章盛衰離合之故洞然皆可考見於以遠紹昭明之遺規近續蘇呂之絕緒豈不倖歟余私喜論文大指與先生不殊獨愧先生一垂白病叟敗筆破硯坐風塵漏屋中乃能鉤考百家網羅遺文爲不朽盛事而吾儕精力未衰玩歲愒日忽忽無成異時爲竹垞道之當復慨然興歎耳

五朝名家詩選序

詩章之道發乎心靈觸乎情境其所以爲詩者無弗同至於按之而成聲被之而成文則洪纖高下必不能以一致春之花爛熳夏之花照灼秋之花澹冶冬之花清芬種族不同其於發天地之色一也黃鐘之函胡蕤賓之清越金華之鏗鉤絲竹之竊眇節奏不同其於宣天地之聲一也有人於此見桃李蘭蕙則留連賙賞而芙蓉菊英則閉目不觀聞考鐘伐鼓則歡忭踴躍而鳴琴洞簫則掩耳疾走其不謂之大愚乎言詩者何以異此自嘉靖七子有唐後無詩之說至今耳食者從而和之遂初堂集卷之六

重

宋元諸名家之詩禁不一寓目復於唐代獨尊初盛有大曆以還割棄不取斤斤焉劃時代爲鴻溝別門戶如蜀洛旣以自域又以管人一字之生新棄而不用曰懼其墮於中晚也一句之刻露摘以相語曰惜其入於宋元也天與人以無窮之才思而人自窘之地與人以日新之景物而人自拒之其亦陋而可歎矣茂倫先生憂其然於是奮爲五朝名家之選綜括唐宋金元明諸作者斷自錢劉迄於何李凡三十餘家格不拘正變能別出機杼自立門戶者則取之選不操一律各存其人之本色各盡其人之能事而止上不及高岑王孟曰人所

熟習也下不及王李七子曰吾所對治也先刻七律行世曰將以是爲嚆矢也往者先生嘗選唐詩英華盛行海內今復由是編人頗疑其取去與前稍異里人有病羸者迎國醫治之大服參苓而愈其後復病里醫亦進參苓而病加增復迎國醫飲以涼劑乃已四十年前人醉竟陵之糟粕乃者駸駸復墮濟南之雲霧先生之書隨時補救因病發藥豈有他哉學者誠於此諸家之詩錯綜參伍潛思熟玩盡其不同之致得之所以不同而同之原乃能縱橫自運冥會古人若徒襲其皮毛落其窠臼則今之爲宋元詩者惡趣正復不少執藥成病傳遂初堂集卷之六

雷

梁更浚吾知盧扁望而反走矣

重刻李忠定公集序

古之君子得志則功業顯於當時不得志則立言垂於後世彼窮而在下者僅以言傳固其所也若夫遭逢人主致身將相而才略不展志業不遂徒以空言流布天下其可痛惜為何如耶當宋室中衰人才敗壞幸而有李伯紀一人焉忠義性成明達世務節足以守經智足以應變蓋王佐才也使宣和靖康能用其言則北宋不至於亡建炎紹興能用其言則南宋不至于弱然而庸人忌之小人譏之卒執排之言路攻之使其身不能一日安於朝廷平時不用則亦已矣當大敵臨城之秋奮

遂初堂集卷之六

五

身策排大難定大疑業有成效然而急則用之緩則棄之一人之身乍賢乍否旬月之間旋召旋逐君子於是歎三宗之闇而知宋祚之不振也公當國事急時一日章數上其言昌明剴切洞中時弊有賈長沙之條達陸敬輿之精詳於古名臣奏疏中最為傑出其他雜文詩篇皆根極道理發抒胸懷無不可起人敬愛者舊有刻集其板久亡公邵武人也今邵武令購得舊本重刻之以廣其傳余觀近日好事之家訪求宋元人文集有隱僻不傳者得一帙一卷珍若拱璧然或風雲月露之辭無裨世用卽或其文足傳而人材庸劣亦不足爲有

無孰若李公之忠孝文武人品既與日月爭光而文章之明白正大又如布帛菽粟之不可廢耶余來遊閩過公之祠墓見公之題刻慨然想見其爲人附名其集有餘榮焉故不辭而序之

遂初堂集

卷之六

五

葉少保文集序

人所以立於天地間者道德也事功也風節也三者有一焉斯足以不朽固無藉於文章然文章非根於三者雖工不傳而三者實有諸身則不必有意爲文而其文自足名世言其所灼知語其所實得與夫揣測而見矯強而言者迥乎不侔也惠州爲嶺南奧區宋以前鮮聞人至明而人文大盛歸善其首縣也以邑志家乘考之得卓然可傳者三人曰葉石洞先生曰葉少保龍潭曰楊文懿公復所石洞以孝廉奏萬言書作令比古循吏中年棄官入羅浮講學風節矯然不羣文懿初學白沙

遂初堂集卷之六

三

繼師近溪晚多自得研窮心性徹見本原道純而德備龍潭公爲贛郡守平萬山中積年劇盜撫甘肅時屢立邊功平寧夏時拜之亂功業冠一時三公者皆人傑也石洞刻意爲古文辭矯健成一家言文懿公制義傳誦天下古文直抒胸懷條達俊快畧如王文成二公皆有集行世久矣惟少保公以勲業著聞生平盡心軍國大計無意以文詞自名有所著作多隨手散佚今其四世孫適乃撫拾遺藁彙而刻之屬衆爲之序因得受而卒讀焉昌明洞達有源有委真經世之文也公少從何端恪公遊講求作聖之學爲御史以建言被謫其於道德

風節非不足特以材畧濳長膽智明決任大事沛然有餘故獨以功名顯觀其文忠君憂國之忱臣時濟世之念矢口橫溢出於自然至其論備邊講車戰精鑒如鼂家令簡質如趙營平皆坐而言可起而行者卽酬贈慶弔之文皆以至情真氣爲之而行文紆徐條暢不約不豐取達其意而止不規規繩削而自中程度其與石洞文懿鼎足竝傳無疑焉嗚呼士患不得乘時樹功名乃以文章自表見耳若龍潭公生南海之濱起儒生至開府立功西北塞上爲一代偉人豈復待文辭以傳而文辭又卓卓如是視夫雕章琢句以爲工者不亦陋哉明

遂初堂集卷之六

天

三百年文臣有武功者可屈指數若韓襄毅王威寧輩文詞不少槩見而公哀然有集誠爲難得世家子孫多有數典而忘其祖者適能文而甚貧節縮修脯輯公著作次第刻之斯可嘉也先曾祖叅政公與公爲同年未私幸得綴名簡端故不敢辭適之請而敘之如是

張畱孺侍御疏草序

明之亡亡於文臣太重武臣太輕文臣太重而不習兵
事平居則復視武臣一旦疆場多故不得不仍倚以爲
重武臣素輕而有事之秋乃稍稍嚮用故其始也養寇
以自資而其既也驕蹇而不用命以不習兵之人馭不
用命之將而當方張日滋之寇故亟戰亟敗以至於亡
其間非無慷慨任事之人奮身許國投袂請纓冀一當
劇賊而中朝又從而齟齬之使不克有成功迄於身沒
之後猶有不諒其心而橫加訾議者若梓州張侍御之
事可爲憤惋太息者也當侍御出按中州時流寇已大

遂初堂集

卷之六

无

張盡豫之境無不被蹂藉者而武弁方擁兵玩寇莫肯
力戰督撫大吏以尺一調發多逡巡不前侍御素英果
曉兵事見時事潰敗不勝其壯勇之氣抗疏請於朝願
得換武階提袍鼓立軍門上報天子樞府意其有所覲
望使人通意以開府閤之侍御謝不應遂改換總戎以
侍御改總戎明三百年未有也御史雖七品官爲天子
耳目臣出按一方權力與督撫等總戎雖大帥處積輕
之餘不足當一方面吏巡方歲滿卽還臺坐待美遷而
總戎擊賊賊不盡不休此其利害安危相懸萬萬而侍
御甘以此易彼其憂國奉公壯往激烈爲何如哉而一

忤權貴意遂動多掣肘不得展布其才雖戮力行間大
小二十餘捷而不見褒錄裨將一跌遂以奪官當時意
見膠執功罪不明持祿養交之徒得志而捐軀任事之
臣與世齟齬世事至此尚可爲哉易代而後史牒無徵
聞見異辭裨乘流傳遂多失實是使侍御之心事既絀
於生前復不得伸於身後勞臣志士將何勸焉今高淳
令君侍御之次子痛其先人之心迹與其功烈不顯於
世乃錄遂寧李如石先生所作侍御傳并自述野史辨
謬一通上之史館別錄侍御改總戎時奏議數通屬余
爲之序李先生故令長洲有聲績其人篤厚君子也爲

遂初堂集

卷之六

三

侍御傳非苟作者可以取信至讀侍御諸疏則其倉皇
呼籲之情歐血酸辛之狀千載而下猶或見之而其先
撫後勦辦賊功狀亦畧見諸疏中載筆者取節焉可也

交山平寇本末序

國史之微其由野史之雜乎野史者國史之權輿也微野史則國史無所據依然古之書苦少今之書苦多古之作史者難於網羅今之作史者難於裁擇漢魏多纂言之書紀事者蓋寡六朝以降裨官盛行大抵齊諸志怪之流不侵史事宋元人著書始多及朝政後人因採以作史史稱最劣至明而無人不可削記其見存者無慮千百家專紀時事者尚三四百種可謂多矣然體亦滋雜類多荒誕不根鄙俚舛錯可裨正史供採掇者十不得一二其病原於世之文士速求名而好著書不得

遂初堂集 卷之六

三

之目見耳聞影響傳說輒著於篇取增卷帙資談論而已亂事實而誤正史不暇計也夫所爲作野史者正以身不當史官之職懼賢人傑士奇節異能之口就湮沒故及時書之以待後之人苟不詳慎且將以吾書之訛漏而反疑所紀之人事爲虛其害可勝道哉善著書者則不然必親見其人灼知其事度非吾不能紀也而後爲書必覆覈較量無一言不核也而後成書斯其書可行於今可據於後卽與國史相表裏可也交山平寇本末者夏子宛來客晉陽作也交山阻河竝塞綿絡千里伏莽數十年調發數郡不能定邑令趙恒夫以一文

吏玩之股掌之上不頓一戟不絕一弦浹旬之間渠魁坐縛此其事於史當大書特書及今無述後將何徵乃其間以賊制賊以間用間情狀萬端非身參籌畫洞悉機宜者孰能筆而傳之此本末一書不可不作而作之惟宛來最宜也宛來故閑於詞趙君此舉功又最奇宜其鋪張揚厲有侈辭焉乃今讀其書於地形事勢曲折變化如指諸掌而其敘功伐也有遺勞無溢美詳而有體核而不誇後之史氏有錄交山功而傳趙君者於此取裁焉猶製錦而衣之也令野史而盡若是又何病其多而作史者亦何擇言之難耶交城故隸太原是役也

遂初堂集 卷之六

三

太原守周君力持之趙君賴以集事余適客太原具知其事題於簡端亦庶幾無愧辭也

余子迂草序

余讀五代史至王進傳未嘗不廢書而歎及觀陸放翁序師伯渾集又喟然想見其人嗟乎衰亂之世趨走厮養至竊名位擁節旄而瑰奇卓犖之士蘊其所有不沾一命槁項黃馘以死人材視世運爲消長可勝悼哉當明之季時事尚有可爲而應變失宜譬之於奕著者皆失夫豈無謀夫策士進說於前而莫之能用蓋當局者不明旁觀者指點無益也吾友余矧子持其父君復翁之遺草乞余爲序發而讀之見有治盜策六篇及上史總漕李撫軍書言選將練兵制禦流寇之方與收拾人

遂初堂集卷之六

書

心策厲才傑之道甚悉爲奇其才壯其志而惜其言之不用也翁休寧人明末見天下亂習韜畧騎射遊行江楚吳越間破產結客以節俠自許天文地形風角壬遁之術無所不諳喜言濟時大畧思有所試之屢獻策上書而寒士無媒棄置不省國勢已壞遣其長子從軍力戰以死退而修計然之業屢致千金輒散去垂老貧困不支喜事如故酒酣耳熱談天下事泉湧風發分題賦詩叉手立就長身鵠立意氣倬然真渤海之士也晚年移家平望余少與矧子同學因得識翁潑器余一日謂余吾有秘書無可傳者當授諸子甫得之爲亡兄持

去翼日遭變竟失之癸卯之夏偕予之武林之苕溪盛暑賜小艇中揮蚊達旦急難拯窮其天性然也余有四方之遊歸而翁已歿今又二十餘年矣撫翁遺藁追念平生不知涕之無從也士各有志當擾攘之秋纖兒小夫委蛇媚世輒致通顯豈無王進輩人材而紆青拖紫者哉翁抱負如是卷而懷之甘從賣漿屠狗之流窮約以老此其所自哂爲迂而遠過人者正在此也集中詩二百餘篇大抵豪宕可喜六策條暢剴切有二蘇之風卽此足以傳矣

遂初堂集卷之六

書

唐鑄萬潛書序

古之立言垂世者必有卓絕之識浚沉之思蘊蓄於中
多不可制吐而爲辭浩乎沛然若先秦諸子之書醇駁
不同奇正不一要爲各抒獨見而無所蹈襲故能歷千
載而不磨唐宋以還乃有勦說雷同之弊近代文人如
林而胸有獨見者甚寡大都依傍前人摭拾衆說稍藻
繪之以爲文每有徑尺之集按之索然無所有者文之
弊極矣唐鑄萬先生賦資英果制行高潔舉於鄉一爲
令卽罷歸盡發百家之書而讀之考古証今求其成敗
得失之故洞然心胸晚而學道奮以聖賢爲歸默証潛

遂初堂集卷之六

書

修多所自得不爲應酬之文意所欲言則言之每一篇
出人爭傳誦余未及交先生先生沒後其壻王生出潛
書一編屬余爲序讀而歎曰此非今人之文也今人惟
無所以爲文之本故專求工於枝葉此則直披胸懷不
假繩削而氣克詞達高下咸宜論學術則尊孟宗王貴
心得賤口耳痛排俗學之陋論治道則崇儉尚樸損勢
抑威省大吏汰冗官欲君民相親如一家乃可爲治皆
人所不及見不敢言先生獨灼見而昌言之其文高處
閎肆如莊周峭勁如韓非條達如賈誼漢後無子間有
倣作萎蕤不逮斯編遠追古人貌離而神合不名潛書

直名唐子可矣先生蜀人父亨宇曾宰吾邑未踰年罷
去轉側兵間齎志以沒家族燬於賊先生僑寓吳中酷
貧無子遺文將就湮滅賴有佳壻哀集梓行其可幸也
夫其可慨也夫

遂初堂集卷之六

美

卓行錄序

古之良史於賢士大夫德業炳著者既各爲立傳至如奇節至行一事而足垂千秋者則別爲敘述如後漢書有獨行傳唐書宋史並有卓行傳五代史有一行傳皆其例也夫士果道純德備渾然無一善之可名豈不甚善然世難其人而貌爲中庸其弊或流爲鄉愿若夫性情篤摯之夫孤行其意獨詣偏長往往足以風世厲俗而愚夫愚婦一念精誠輒能動天地感鬼神雖或過於中行亦不害爲狂狷聖門良有取焉吾友黃子圭菴樂道人善纂輯百年以來覩記所及孤忠苦節高義厚德遂初堂集卷之六

之事可師可效者爲卓行錄若干卷或鉅公而節取其一事或韋布而發揚其幽光細大不遺遠近畢採考前史諸錄一代不過數人而茲編若是其多然吾猶恨其少蓋世運有古今而人心無古今風教有隆替而人性無隆替故雖世衰道微而砥節厲行之士不絕於世溪山窮谷下里編氓湮沒無聞者蓋亦多矣誠得浚心博識如圭菴者網羅遺佚大書特書卽烏頭綽楔之旌未足爲榮而爲善於暗室者何憂不發聞於天下哉人亦勉爲其可書者而可矣

增定史韻序

史韻者明家宰趙忠毅公夢白所作也公以剛方端亮之資負澄清天下之志排佞鋤奸不遺餘力卒罹黨禍老戍邊陲荷戈之餘不廢書史間取前代故實括成韻語以訓初學其於世道興衰之際人材消長之間三致意焉蓋憂時憫世之志未嘗一日而忘信乎有古大臣風烈矣但其書首漢迄元中間不及諸僭國殊爲未備今桐鄉仲君開一取而增補之上遡三皇下迄明季以及十六國十一藩遼金夏之事粲然畢具兼取姓系事跡逐條分注又每朝繫以論斷於是史韻始爲完書而

遂初堂集卷之六

吳

趙公筆削之義益顯甚盛心也古之教小學者有三蒼之書久已不傳今之鄉塾有史略鑑略歷朝捷錄等書皆陋甚無足取豈若是書繁簡適中文質相輔誦之成章而繹之有味也哉君子爲學將以識其大者誠於幼學之初卽使讀是書而識興亡治亂之由忠賢不肖之辨且聞趙公之爲人聳然敬慕而勉爲君子裨益非細是仲君所以表章此書之意也夫